



四庫全書存目叢書編纂委員會編

齊魯書社

# 四庫全書存目叢書


集部  
第四一三冊





責任編輯：孫言誠 賀 偉

ISBN 7-5333-0615-5



9 787533 306151 >

EB-5/10

## 四庫全書存目叢書·集部四一三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.625 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

# 集部第四一三冊目次

## 集部・總集類

東臯詩存四十八卷詩餘四卷

〔清〕汪之珩編  
吉林省圖書館藏清乾隆三十一年文園刻本

.....一

東臯詩存四十八卷詩餘四卷

〔清〕汪之珩編

吉林省圖書館藏清乾隆三十一年文

園刻本

附《四庫全書總目·東臯詩存四十八卷》提要

庚辰秋

邑侯何秋岩

人汪君璞

士也如詩尤

東臯詩存

序

詩予雖心

以處法

行美乃神

稔矣夫子



寸手一紙

其所述者

凡例也汪文

時遺新乞

東皇詩存 序

而梓焉嗟

舉將以存古

也於汪文

舉之詩因

存汪君不

之名又將

詩存而存

梓也均不字

東皇詩存 序

今之一邑能

之一國乎古

檜小國其詩存

終若邦曠

三

或不存古：

無化者姓氏

以詩存

之作者耕

東皇詩存

序

書爵里常

存其詩而

若是者何也

或曰古者

無子擇其辭獲仇

健者史居民

祐故幽隱必

雖有鈞韶云

東皇詩存

序

者一過篇為飄風

無人為榮而

詩寧能自存

於公之之士大夫不

如古之一女子也  
 汪君慨然以斯事  
 為己任仿梅氏宛  
 雅編披士風懼  
 過抑亦人光寫矣  
 乎仁者之情亦居  
 東華之幸也惜  
 天不為此至要責

東華詩存序

六 文園

志以殒而予亦相  
 稽於通近亦獲一  
 交習其揜羣雅  
 為可少也於亦豈  
 料汪君於恒化時  
 不稍為於錄為不顧  
 妻子世注而惟以鄙  
 人之并語為卷之方

東華詩存序

七 文園



知韓仲卿稱書子

建夢中求序定

能誕語而任其言

是集果如是乎

於也宜表而出之

乾隆丙戌冬十月月錢

塘新校子牛氏撰



東華詩存序

文圖

徵輯東華詩存啟

廣陵故壤臯邑名區地得江海鍾靈代有人文蔚起宋元以降著作如林曹檜雖微風詩畧備迺過其地者憑弔前賢留連往蹟尊師表則稱安定純儒景風規則凜忠愍奇節至於騷壇雅望詩陣名豪則石谿草堂之篇水繪同岑之集海內腴人閒寶若球琳餘者多湮沒而未彰或播傳而不遠遂使一鄉之風雅未備選於蕭樓歷代之詞章半深藏於魯壁斯披觀邑乘博採家珍共友朋搜拾遺編於卷冊搜羅散記前輩可稽姓氏近百餘家現在專集存留尚數十種加以舊遊亡友

東華詩存

十

文圖

已故時流哀集成編足備是邦之掌故梓刊行世堪資上國之輶軒敢以弁鄙預筆削之權幸於今古萃源流之盛用是招延宗匠聘禮司衡坐李昉於園中篝燈甲乙奉徐陵於海上握管丹黃或品持名教道重師儒則詩以人傳登列無妨一二或學擅風騷才長聲律則人因詩著遴選不憚再三周辭採訪之勞深抱缺遺之懼伏惟箕裘世學桑梓同人鄰里之所珍藏家典之所載記朽編蠹簡皆安石之碎金斷棗殘梨亦吉光之片羽出名山而商訂不吝惠我好音探秘笈以傾授共許勦成風志庶聲華不泯聚秀采於蟪山支派同流廣詞源

於雒水敬先楮札拜望瓊瑤謹答

璞莊汪之珩撰



東臯詩存

啓

二

文圖

凡例

一 吾臯舊本小邑然自孫吳之世已有名達可稽沿及趙宋若胡安定王司封龍圖而下大賢輩出向無識寶如張華雷煥其人遂至埋精石匣舊志具在撫採頗畧縱有存者吉光片羽矣河東三篋無存亡之安世禹錫一編罕護持之神物緬仰前徽不勝抱憾矢志掇拾以備采風

一 徵選是集以存不存然詩可存則存詩人不可不存則詩雖未精亦藉詩以存人其有文章功業爛然史乘而詩不概見者不得不畧名曰詩存無旁及焉

東臯詩存

凡例

一

文圖

一 國初丁君確有東臯詩匯之選今其書闕焉無存盧君純學刻揚州十屬詩臯邑僅存二十三人三數首字號官爵畧而不書證今考古漫無所據不得不廣為搜採四代以來苟有可稽即輯存之已亡者即不復存未亡者庶無不存之憾矣

一 臯邑新志藝文部載前輩傳世詩集尚百餘家今人往風微存者十之四五不急為綴輯他日湮沉伊于胡底

一 余性好吟弄自愧不工交遊投贈尺楮寸緘珍若拱壁久之遂盈筥篋茲良友云亡遺編斯在輯而存之

以附前賢之末不忍致知已也

一詩局既開臯邑數百里內賢嗣哲昆各送家珍雖八百年間多所遺缺而近代名流不減前賢鏗鏘並奏五色交輝輯而存之備一代之騷雅其庶幾乎

一是集遴選不拘尺幅惟旨惟多即數百篇不為溢矣少即片鱗一角不敢遺棄雖無其集猶存其名誰為來者或可據迹而求

一是集既以存詩亦以存人琳瑯佳什不敢掩沒寶光

其有關忠孝大節及先代名蹟者雖格律稍遜亦並採錄敢云備一代之掌故聊以存先民之逸軌云爾

東華詩存

凡例

二

文淵

一是集詩人但存名號爵謚暨生平著述其嘉言懿行概不備錄避志體也至號氏並不可考即存其名以俟知者

一各家送到家集但有選擇取去並無塗改點竄佳篇巨製或有字句微累瑕不掩瑜識者自有真鑑不敢為美削疵貽諸續鳧若其通轉微訛占叶未安之處間易數字亦百無一二焉至于因評舊例一概不施豐城劍氣望而知寶譽之不中轉愧知音也

一臯邑閨秀最多頌椒賦茗之才余曩所耳聞以熟者竟與黃土同湮搜羅近代止得數人然劉家三妹但

著排妻謝庭咏絮僅傳七字有美斯存即堪千古

一臯邑無名山遠嶽蒲團禪板之間名流不過數子行脚高宗過而不留已為雪中鴻爪矣搜存一二缺亦有焉

一臯邑自澄心堂隱玉齋萬花園而後實有露香水繪當時名流遠集勝會何多茲但存其家于斯與卒葬于斯者著為寓公其佳游未久始留而終去者不敢濫借榮光

一詞者詩之餘也詩存則詩餘例得而存之減字偷聲雕瓊鏤玉亦風雅之一端焉

東華詩存

凡例

三

文淵

一是集詮次畧以時代為先後其各家詩稿非止一集豈無參差隨選隨錄不拘體次

一是編綴輯遺亡甚費搜索余家僻處海濱固于耳目挂一漏萬知所不免吾臯名宿藏書不少尚冀不吝什襲陸續郵簡勦成勝事發潛彰隱不獨鄙人叨光矣

珩再識

怡



參閱姓氏

歷年來搜輯前賢詩稿諸名鉅先生或枉駕荒

園經其鑑定或以家珍名流片楮寸緘郵函商訂

者不敢隱其姓氏謹開列於左至吾輩不乏名

卿大夫并有止送本家詩集者不能遍登

曲沃張宗衡蓮湖

上元汪文輝意園

興化陸驂左軒

儀徵吳叔元思堂

丹徒蔣宗海星巖

東臯詩存 參閱姓氏

江寧秦上士筠亭

丹徒李御羅村

全椒吳娘杉亭

秀水徐麟趾荔村

泰州仲鶴慶松嵐

金匱王顯春明

甘泉李國柱砥齋

句容樂培書田

通州孫奎斗泉

同里冒念祖思堂

陳彭鶴園

范全仁務白

仲之琮柳原

錢標林肅寰

史鳴臯歷亭

宗本誠牧初

許潛竢雲

沈儋肩堂

冒訓集堂

范曾輝實齋

東臯詩存 參閱姓氏

顧雲北墅

黃學城鞏堂

黃學垣霽河

鄭暹蘇門

吳合綸樵月

顧人驥茨山

羅克昱曉江

吳震瞻岷

胡之本松門

胡之初芸門

管	濤齋白	
江	大鍵葯船	
陳	松石橋	
高	謨雨船	
顧	駒墨園	
陳	開順綠酌	
冒	椿春園	
冒	國柱芥原	
郭	健秋晴	
吳	廷燮梅原	
東臯詩存	未聞姓氏	三
鄧	澤乾魚門	文園
仲	耀政荔亭	
盧	又紳飛泉	
江	干片石	
冒	重華白民	
陳	書清浦	
汪	起連蒲洲	
金陵徐鼎章	鳴岐全鏤	

東臯詩存目次	
卷之一	
宋	
胡	瑗 一首
胡	志寧 一首
王	觀 四首
王	覲 二首
丁	天錫 一首
嚴	希孟 一首
史	聲 三首
東臯詩存	目次
元	
陳	應雷 二首
郭	通甫 四首
明	
許	鵬 一首
冒	基 一首
冒	政 二首
馬	繼祖 二首
冒	鸞 七首
冒	良 二首
文園	一





吳一驥	一首	東 臯 詩 存 目 次  四  文 圖
李士伯	二十九首	
張邦亮	三首	
張邦翰	一首	
許汝忠	四首	
何仲奇	一首	
劉昌運	六首	
范志易	十二首	
范廷瑞	十首	
卷之七		
李之椿	八十三首	東 臯 詩 存 目 次  四  文 圖
李之本	一首	
馬士龍	二首	
叢一鸞	四首	
劉灝	四首	
石藩	二首	
石沆	四十首	
石濂	一首	
薛敷典	一首	
曹銘	十七首	

卷之八		東 臯 詩 存 目 次  五  文 圖
許直	十首	
許德溥	四首	
石函玉	十三首	
范廷瓚	三十一首	
冒起年	一首	
吳世式	六十二首	
張李鼎	十一首	
顧煒	二首	
汪洋	一首	
卷之九		東 臯 詩 存 目 次  五  文 圖
冒襄	一百五首	
卷之十		
石琬	三十二首	
曹淳	五首	
姜道周	三首	
余庚	三首	
吳素貴	二首	
夏官	十九首	
余峯	五首	

李仙原	一首	東皇詩存 目次 六 文圖
管養素	十一首	
吳宸誥	十四首	
劉之湛	二十九首	
李國賚	九首	
卷之十一		
國朝		
丁日乾	二十八首	
朱鳳台	十四首	
冒超處	二首	
沙一駒	六首	東皇詩存 目次 六 文圖
范元勳	三首	
丁龍受	二首	
許亮	三首	
吳家修	三首	
吳世標	二首	
吳岳峙	五首	
丁之翹	十七首	
張圮授	六十八首	
丁行乾	二首	

丁元會	二首	東皇詩存 目次 七 文圖
卷之十二		
劉道明	十三首	
劉玠	四首	
許嗣隆	一百二十七首	
許容	十二首	
卷之十三		
曹繡	九首	
顧鳳彩	十首	
范良楨	一首	
余瑣	二十二首	東皇詩存 目次 七 文圖
顧澐	二首	
吳協姑	二十六首	
冒儼然	四首	
冒坦然	五首	
冒綸	十一首	
丁其錫	五首	
洪必元	一首	
丁確	一首	
余昂	四首	

范韓	五首	東 臯 詩 存 目 次  八  文 園
謝家玉	四首	
范 亶	十三首	
范大本	十首	
范大士	九首	
仲一成	三首	
范大謨	六首	
叢長茂	三首	
卷之十四		
許之男	三十五首	
吳維翰	八首	
吳爾瑚	六首	
吳 球	三十八首	
吳 宗	二十首	
徐 斌	二首	
鄧士英	二首	
張應詔	一首	
張 祚	一首	
吳開宗	三首	
石之璫	三首	

吳星聚	十三首	東 臯 詩 存 目 次  九  文 園
吳實粟	五首	
吳稱佳	二首	
范安素	七首	
徐天鳳	五首	
徐天魚	八首	
宗 範	四首	
蘇廷珍	二首	
盧 梅	一首	
章遇繪	一首	
卷之十五		
余承欽	一首	
許 鄴	四首	
吳道敏	一首	
胡學山	三首	
顧有章	一首	
陳以位	一首	
胡際可	二首	
吳錫範	一首	
顧 岱	一首	

張明熙	一首	
許大儒	四十七首	
許納陛	六十三首	
陳元祀	二首	
邵瑞麟	八首	
許濤	二首	
馬世喬	二首	
劉行	八首	
劉愈燥	二首	
蘇世威	四首	
東華壽存	目次	十
吳師濂	四首	文圖
宗倫	一首	
呂杰	四首	
張肇卿	三首	
卷之十六		
石泚	五十一首	
劉增琳	十三首	
朱廷宮	十五首	
呂清	五十首	
石湘	十首	

張雅望	五首	
張雅志	七首	
張雅言	十首	
吳師洛	三首	
張家彥	二首	
吳克峻	二首	
卷之十七		
賁琮	五十四首	
盧丹	二首	
蘇為烈	十七首	
東華壽存	目次	十一
范端	十二首	文圖
冒起霞	九首	
冒起英	三首	
許掄	十七首	
許揆	十首	
許揆	一首	
繆芥	三首	
卷之十八		
冒褒	四十八首	
冒嘉穗	四十四首	

冒丹書	四十八首
朱珠	十一首
王鼎	一首
吳棫苑	四首
吳玉存	三首
吳曾矩	五首
卷之十九	
冒禹書	五首
冒殷書	一百二首
冒福書	二十七首
東臯詩存	目次
范大猷	一首
蘇宏學	一首
程國才	一首
劉鍾愉	一首
卷之二十	
薛開	六首
薛斑	二十三首
薛彬	二十七首
石巒	三首
江自漢	六十四首

十二

文圖

章純仁	十八首
吳祚	九首
顧秉為	二首
卷之二十一	
張槎	一百三十二首
蘇開	十二首
蘇卓	十四首
蘇觀	八首
石璫	六首
石琮	二首
東臯詩存	目次
石璠	五首
冒與晉	三首
姜玫	八首
卷之二十二	
張九鵬	四十三首
蘇鼎鄴	五首
沙鍾珍	五首
繆彥禧	五首
陳天位	五首
孫遴	十六首

十三

文圖

徐宏成	二首	
江源	十一首	
江濤	十三首	
鄧繁提	十六首	
陳漁	八首	
許銳	四首	
許猶份	六首	
許猶衡	五首	
吳萬錦	八首	
桑越璽	一首	
東臯詩存	目次	古
桑敏樹	二首	文園
卷之二十三		
沙鼎	七十五首	
吳函	三十七首	
周鳳鳴	十五首	
章倬	八首	
卷之二十四		
石為崧	一百八首	
蘇嶺	七首	
許彤	十一首	

潘有鼎	八首	
冒泰然	一首	
冒志同	六首	
余秉綱	十首	
石赤乾	一首	
李榮山	三首	
卷之二十五		
胡香山	五十九首	
張懋京	八首	
沈領	十六首	
東臯詩存	目次	古
陳上悅	八首	文園
劉鍾悅	三首	
高深	七首	
瞿良士	二首	
繆偉臣	四首	
繆偉望	六首	
瞿聖志	十首	
石沅	六首	
石京	十四首	
卷之二十六		

姜任修	一百十三首
鄭大德	十四首
潘世芳	九首
卷之二十七	
姜開緒	四首
姜穎新	十二首
李四載	三十三首
盧香	十四首
李宗統	三十六首
吳翔	十一首
東臯詩存 目次	
吳超	一首
吳峻	四首
吳翀	九首
吳葵	三首
顧崑	三首
宗芳山	一首
薛大鯤	四首
梁貞璋	八首
周崇仁	一首
范棠	三首
去	
文圖	

卷之二十八	
黃克業	二十首
朱學演	三首
冒廷驥	二首
冒廷駒	三首
江文波	四首
洪家讓	三首
洪家謨	四首
蘇潤	六首
盧方煜	十首
東臯詩存 目次	
吳曜	三首
高山	三首
陳以璋	二十五首
蘇嗣榕	八首
王之楫	二首
朱清源	一首
葛萱	四首
湯世杰	十三首
范乘	二首
李昭鄰	三首
去	
文圖	

葛緯	十三首	范仲	八首	王化久	十五首	沙漢儀	十六首	沙漢纓	九首	范樸	二首	石需	四首	石升	八首	石鍾瑞	四首	石恒	六首	石頤	四十二首	余漢	八首	徐建中	四首	吳毓賢	二十首	卷之二十九	余洋	四十三首	章茗思	一首	顧元	九首	冒崢	四首	冒四相	一首
																				東臯詩存	目次																	
																				六	文園																	

方基	十九首
卷之三十一	
范邃	七十四首
冒春林	四十四首
姜念熊	八首
姜同杰	六首
吳繼元	十六首
吳容	四首
石正希	二首
石汝鏐	二首
東臯詩存	目次
卷之三十一	
姜頊忻	八首
朱學浹	二十二首
鄭大毅	十首
鄭臨	十一首
鄧宏文	十三首
范安瀾	十三首
陳以松	四十二首
蔣鍾尹	十一首
冒車書	六首
文園	九



冒漢書	五首	
范昶	六首	
姚銓	三首	
劉無忝	四首	
沈人傑	一首	
管正聲	十五首	
石文美	十二首	
江蘭	四首	
江連	四首	
沙之揆	一首	
東臯詩存	目次	干
鄭大任	四首	文園
徐世俊	二首	
卷之三十二		
范捷	八十五首	
范景頤	五十九首	
章山	一首	
宗承泰	一首	
卷之三十三		
冒春榮	一百六十七首	
冒天錫	二首	

余鍾英	一首	
范栻	三首	
羅最	三首	
徐承浩	四首	
蘇秉仁	二首	
卷之三十四		
姜恭壽	一百三十三首	
姜文載	十九首	
卷之三十五		
范全睿	一百四十七首	
東臯詩存	目次	王
卷之三十六		文園
姜掄元	三十九首	
秦維屏	二十一首	
秦維德	八首	
劉文玠	七十五首	
徐燮	八首	
陸遐齡	十七首	
高綾	八首	
繆齡	二首	
繆象鋌	二首	

鄭建	十八首
卷之三十七	
顧健行	五首
顧驤	八首
吳方	一首
鄭人瑞	七首
鄭選	七首
范曾省	二首
冒嶽	一首
冒可久	六首
東臯詩存	目次
繆禮	二首
劉漢訓	二首
劉枝芳	二首
劉枝蔭	一首
劉枝藹	一首
石書雲	二首
張橋	一首
姜復基	三十三首
姜履基	二十首
吳掄元	二首
圭	文圖

江岸	十首
沙烜	五首
汪籲	六首
吳荻	五首
吳正笏	二首
吳義合	一首
石中騶	六首
仲鶴翥	一首
吳承宜	六首
吳大生	一首
東臯詩存	目次
宗雲程	一首
沙熙儒	二首
冒杜	五首
孫煒	一首
吳華	四首
范曾肇	一首
卷之三十八	
名媛	
吳夫人	十九首
范姝	十六首
圭	文圖

宮婉蘭	十八首
冒德娟	三十四首
鄧繁楨	十三首
范貞儀	四十首
卷之三十九	
吳師蘊	十六首
沙懿清	六首
叢禧	十一首
叢祁誌	十二首
顧志	八首
高繁	二首
高繁	二首
袁機	三十五首
石可仙	六首
周瓊	二十五首
錢令暉	二首
錢令嫻	二首
范毓秀	四首
徐應坤	七首
輝宗	三十二首

卷之四十	
方外	
寂喬	十一首
行悅	二十八首
德孚	一首
廣濟	一百首
卷之四十一	
超傳	十首
行溥	十三首
明啟	十六首
成岳	四十八首
明悅	十首
寶燈	十二首
續光	二十一首
祖鏡	十七首
卷之四十二	
流寓	
邵潛	一百四十八首
卷之四十三	
范霽	十七首

錢岳	九首	
徐學清	三十一首	
顏光祚	三十一首	
余儀曾	八十一首	
卷之四十四		
潘澂	二十首	
沙聲遠	八首	
徐無為	四首	
桂興宗	五十一首	
顧瀛	七十一首	
東皋詩存 目次		
卷之四十五		
丁僕	三十七首	
陸大珩	二十五首	
胡驥	七十首	
方桂	一首	
沈光祀	四十四首	
卷之四十六		
陸進	九十八首	
劉名芳	十六首	
洪裕	三首	
文圖		

江泳	五首	
徐人俊	四首	
汪頤	四十首	
卷之四十七		
汪之珩	一百三十九首	
卷之四十八		
汪之珩	一百三十首	
東皋詩存 目次		
卷之四十九		
文圖		

東臯詩存卷之一

積學齋徐乃昌書

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

宋

胡瑗

字翼之以布衣召拜校書郎為湖州學官國

子監直講遷太子中允充天章閣直講太常

博士致仕謚安定先生崇祀學宮

東臯詩存卷之一

文圖

石壁并序

余嘗覽李翰林題涇川汪倫別業二章其詞

俊逸欲屬和之今十月自新安歷旌德而仙

尉曾公望同遊石壁蓋勝境也奇峯對聳清

溪中流路出半峯佳秀可愛傳聞新建汪公

所居不遠掩映溪岫率類于此且欲尋訪追

暮不獲因思旌川即涇川接境也而幽勝過

之汪公亦倫之別派也而儒雅勝之豈可使

諷詠不及于古乎輒成一首題于汪公屋壁

雖不及藻飾佳境比肩英流庶俾謫仙之詩

不獨專美矣

李白好溪山浩蕩旌川遊題詩汪氏壁聲動桃花洲英

辭逸無繼爾來三百秋汪公亦蕃衍宗支冠南州其間

新建居林泉最清幽竹聲滿道院山光入書樓仙氣既

飄飄儒風亦悠悠子孫多俊異詞行成精修我來至石

壁賞之不能休酣味碧溪水苦飲黃金甌因羨汪君居

復思汪君投遇景清興發浩與天雲浮斐章異繡段灑

翰非銀鈎庶與謫仙詩千古同風流

胡志寧

字安定先生子慶歷進士官永州知州

東臯詩存卷之一

文圖

遊廣福寺

蘭若幽深與世違酒闌重覓未斜暉籃輿繞入花邊路

布衲趨迎竹下扉清籟敲風和梵奏獨槐籠榻漲烟霏

吟欄倚遍詩成處不覺金蓮映月輝

王觀

字通叟惟清子嘉祐二年進士授單州推官

試秘書省校書郎遷大理寺丞知江都縣卒

九日石莊阻雨

佳節不易至故園胡未歸對雨坐長歎中心如有違登

高望川陸重陰蔽雲霏晚禾易生耳且落將為其農功

既莫惜孰云佳菊開撥英泛美酒已負鄰翁期

遊俠曲

雪擁燕南道酒闌中夜行千里不見讐怒須如立釘出門氣吹霧南山雞未啼腰間解下弄政刀袖中擲下朱亥椎冷笑邯鄲乳口兒

莫惱翁

穀垂乾穗豆垂角雨足年登不勝樂烏巾紫領銀鬚長白酒滿盆翁自酌翁醉不知秋色涼兒將翁鬚孫撼牀莫惱翁翁年已高百事慵

九日狼山

東華詩存卷之一

三

文圖

山盤水轉小橋通殿角崢嶸倚亂峯世上自聞真法力巖前無復白狼踪蜃噴海氣昏危塔龍戲江聲雜暮鐘為愛贊公房外月解鞍求宿願從容

王競

字明史惟熙子觀從弟登嘉祐四年進士第擢右正言進司諫遷御史中丞封文水縣開國男終龍圖閣學士安葬臨江軍

望日與諸公會于大慈聞海雲山茶合江梅花開遂相邀同賞雖無歌舞實有清歡因成一首野寺山茶昨夜開江亭初報一枝梅旋邀座上逍遙客

同醉花前澹灑杯秀色霜濃方潤澤暗香風靜更徘徊仙姿莫遣常情妒不帶東山妓女來

玉涓井詩

覆欄常浸桐陰冷煮茗猶呈玉色寒

丁天錫

字 志稱孝子有傳

澄心軒

高館含秋溪水平白雲一榻臨空清雲影天光入懷抱玉樓銀闕無人行滔滔活水源頭落卻笑奔流爭萬壑雪照梅檐坐月明露瀉荷盤見魚躍長安車馬多富兒

東華詩存卷之一

四

文圖

汗流浹背塵滿衣誰識君心有真樂沙頭白鳥猶忘機嚴希孟

字 志稱孝子有傳

連珠池詩

小橋通南浦夾道桑榆綠水繞若連珠風傳芰荷馥

史聲

字 元祐三年進士志稱孝子有傳

題定慧院

寺名定慧知何代橋古碑橫不記年古樹亂鴉啼晚照故園新蝶舞春烟十層寶塔化塵路五色雲衢散上天

惟有玉蓮池內水滄浪深處老龍眠

送別嚴希孟

歲暮送行舟寒烟古渡頭渚禽衝客起野水帶冰流經  
史探深趣江山屬壯遊莫將和氏璧輕向暗中投

中禪寺詩

施食池腥龍戲鉢長明燈暗鼠偷油

元

陳應雷

字道弘中延祐三年開封解元官平江路總  
管父肇衡閩莆田人尉如臯生公遂家于邑

東華詩存卷之一

五

文國

之下駕原

遊中禪寺

尋幽散屐繞中禪縱筆留題萬象妍半榻風清窗外竹  
一簾月滿定中天花飛臺閣香成雨金點苔斑福有田  
聞說曾公讀書處額名隱玉是何年

題孝里莊仙牡丹

墨染猩紅露未乾仙姿未許少年看魏家池館今荒落  
賸有飛來紫牡丹

郭通甫

字元季隱居不仕冒運丞致中致仕家

居與為金石之交

東林早行

殘月帶棲鴉疎星澹零露天光點點開不辨烟中路荒  
野正愁人河上官軍渡

送朱將軍入蜀

天馬碧雲端將軍賜寶鞍橫戈衝華甸拔幟上螺盤刁  
斗鳴天曙旌旗颺日寒功成收六詔萬里見衣冠

同穆如東林村晚即事

墟落斜陽烟火生晚來天氣有餘清雲蒸海影常多色  
風捲林梢漸有聲道上驅車勞望遠溪遶流水帶人行

東華詩存卷之一

太

文國

牛羊已下田父醉對此能令竹帛輕

溪上偶吟

溪邊木葉助秋聲人立西風此最清水底偶然來片影  
方知天外有雲行

明

許鵬

字萬里永樂十六年進士翰林院庶吉士

萬竹軒

野水西頭數畝寬森森玉立百千竿酒醒靜捲半簾翠  
詩就高吟一徑寒清籟聲中鳴雜珮素娥影裏舞青鸞

憐子亦有王猷興有約何年得解官

冒基

字永宗永樂時人有潛德遺稿

奉詔徵書并賜御書萬卷樓額恭紀

老為傭書拙何年達聖聰十行天語重三字墨華融白壁懸金簡青箱吐玉虹自慙樗朽質難以報宸衷

冒政

字有恒號履貞成化乙未進士官大司馬有

履貞集二十卷

夜泊潯陽

東華詩存卷之一

七

文圖

千山如畫出平灘一棹潯陽夜欲闌沙渚雁兒棲月穩琵琶亭子倚江寒風迴淺水蘆花白霜壓深林楓葉丹誰似多情白司馬青衫曾此淚闌干

初夏有懷

鈎簾坐翠微夏景弄晴暉日午槐陰密風清柳絮飛鶯聲枝上老燕語棟間歸卻想同心友開尊話竹扉

馬繼祖

字崇功弘治庚戌進士初仕博興令歷官御

史博興祀名宦

送別劉戶侯

憶昔金臺別俄驚十二年羨君依日月愧我老林泉拜墓方南下攜琴又北還一尊重負約吾意托雲箋

夜坐有懷朱道長

月出江城繞大隄美人江上駐幃帷天涯萍梗同搖落歲晚水霜又別離寶劒獨看明蠟炬玉壺誰共繫青絲何時為倚平山麓醉折寒梅寄所思

冒鸞

字廷和號得菴弘治六年進士仕福建左叅

議歿祀鄉賢有得菴集

集賢古蹟

東華詩存卷之一

八

文圖

橋古名高記昔賢才華勛業迭爭先宦途莫羨榮三世學海還知會百川庭桂幾年春寂寞井梧終古月嬋娟最憐房杜風流晚誰把遺文次第編

仰止先朝蓋世賢維揚人物合無先冠裳照映誇當日

門戶消沉歎此川荒塚野花春寂寂斷垣風竹晚娟娟

龍圖氣節尤堪重諫草今存第幾篇

晚宿徐州

客邊偏覺寂寥多無奈天涯久客何惆悵白雲千里遠留連征雁數聲過無人為報平安字有夢常懸烟雨蓑旅店沽來無好酒襟懷散盡且高歌



懷同學諸友

論文曾憶此中遊  
庭草松花幾度秋  
今夕有懷人不見  
月華依舊在西樓

題謝揮使竹村卷

翠筠千畝護烟村  
春水寒雲日抱門  
鳥去虛堂風不定  
一窗搖曳綠陰繁

得舊寅汪通政用之書謾述

長安一別十年餘  
回首風烟萬事虛  
獨有故人能念我  
片鴻珍重數行書

得甘肅李承裕都憲書

東臯詩存卷之十

又八

文淵

數字封題萬里餘  
故人風韻宛如初  
南都早晚酬佳約  
吟對鍾山酒一壺

冒良

字房卿號南臯弘治辛酉舉人仕寧波府同

知

贈別廷和伯兄

東臯東去接滄溟  
天上雲霞隱客星  
社有衣冠真率會  
地環山水醉翁亭  
仙人夜送青藜火  
稚子秋梳白鶴翎  
應怪移文嘲舊事  
歸來鷗鳥洽初銘

江臯夜泊

一彎新月照扁舟  
浩浩長江水暗流  
隔岸孤猿聞不得  
聲聲啼起故鄉愁

馬紳

字廷佩號松澗正德己卯舉人河南寶豐縣令

龍興寺阻雨有感

薄暮臨幽寺  
林深杳靄間  
肩輿穿石磴  
古梵掩松關  
境偏人迹少  
院靜鳥聲閒  
村氓正憂旱  
一雨破愁顏

汝南道中登高書事

烟霧微茫際山谿  
高下時望來  
彈似盡村叟  
未曾知

東臯詩存卷之十

九

文淵

丁鵬

字良舉號南溟嘉靖乙酉科舉人仕兗州通

判

柳枝行

黃河怒觸天無色  
瘦蛟夜舞長虬泣  
奔騰澎湃勢湯湯  
神禹不生勞帝力  
帝曰哀哉民其魚  
何以奠之平土居  
羣臣僉謂莫吁咈  
堙江塞海誠非虛  
臣身不得化精衛  
臣心願得填鰲背  
惟今之計止洪波  
庶幾柳枝堪障蔽  
可憐此議倡羣臣  
江南江北無青春  
丁丁之聲徹霄漢  
連張帶鬼星不明  
柳魂瑟瑟上愬天  
謂余何罪遭戈鋌

臣身若可敵河伯何妨斫卻援蒼黔噫歎欹楊柳枝金錢百萬皆波靡何曾封得一九泥况汝區區天豈知

曉望丁堰山

半空露樓閣雲樹影森森草木盡秋色江山接地陰山幽啼鳥緩寺遠梵鐘沉動我登臨興憑軒入望吟

夜飲歸途觀河流有作

流水何太急濤聲滿夕陽橋危出虎口河曲繞羊腸酒向風前醒衣因雨後涼先春門外路亦有瞿唐

登摩訶山望江

驅馬悠悠上野山僧迎我過禪關窗間波浪暗飛雪

東臯詩存卷之十

十

文圖

檻外烟雲曉結鬟潮吼恐驚龍窟宅沙浮不受水潺湲海門東去戈船集多少殷憂舉眼間

晏起

臥聽曉雨風猶北起看江雲日已西手倦拋書忘盥櫛

絕勝騎馬候朝雞

菴頭僧院

幾間僧舍盡蕭條古樹森森鳥雀巢雲鎖法堂月在殿老僧寂寞自吹簫

曹相

字國卿遂昌縣丞

奉訓黎大尹見贈之作

茆屋經時臥無人問草萊荷君餐屢授命使鼎頻來長自慙知已深維愧不材祇應歌浩蕩靜日仰昭回

廣福寺鐘樓

為丁兆村重修相附題名其上

層樓矗矗聳蒼蒼傳是江臯古道場歲月幾經秦劫火巍我重見魯靈光鶴歸仙自誇丁令鐘動猶能吼象王慙愧帶圍無可贈題名藻棟墨痕香

冒墳

字江西建昌府知事

遊觀音巖

東臯詩存卷之十一

十一

文圖

樓閣參差挿碧霞背巘蕭索幾人家漁歌斷續涵江月蘭槳咿啞起浪花村犬吠雲醒鶴夢山童款客煮胡麻蒼蒼鬚鬢仍馳逐爭似烟波弄釣槎

淮陰道中

疋馬蕭蕭烟雨中野梅零落小桃紅黃公橋圯孤城北漂母祠荒楚水東幾點殘山春照夕一行歸雁暮天空古邳驛道孤征客飄泊誰憐任轉蓬

登牛首山

暫歇疲驂上翠微晴嵐點點染征衣山僧坐石敲茶臼野老穿雲採蕨薇吸澗元猿懸古木迎人幽鳥弄斜暉

酒醒猶記題詩處白石巖西竹裏扉

山寺

重重紫翠鎖烟霞細細寒泉漱石牙僧在竹窗閒不過  
漫裁雲葉補袈裟

漁家

怪石稜層出岸斜斷崖深處幾人家朝然楚竹炊菰米  
暮傍西村看落霞

薛倫

字

由賢良方正官江西萬安縣丞有集

靜軒夜坐

答楊鐵崖

東臯詩存卷之一

主

文圖

寒露下高空夜氣森泱泱犬吠一村靜蟲鳴四壁響美  
人殊不來明月秋林上余心將奈何彈琴寄孤賞

江臯北雁行

北風獵獵荒沙寒北風獵獵天迷漫北風吹雁來桑乾  
榆關紫塞琵琶酸黑雲壓地哀聲攢中原殺氣何時寬  
春風一夜摧羽翰杳看春水翔鴛鴦

書事

芙蓉花發唱聲哀又聽新歌喚落梅江上春風渾不管  
濠州千騎已飛來

冒諍臣

字

貢生興業知縣新志作江西淮王有

長史

喜頌倪侯祈雨

三時逢久旱一雨足民生河漢分天澤雲雷慰物情陂  
塘魚縱躍花縣木滋榮流惠長無極東臯此頌聲

寓僧房寫懷

夢回客枕家千里愁絕山房月四更欲寄離愁無雁過  
寂寥趺坐聽雞鳴

題仙宮千人洞

怪石嶙峋一徑通千丈洞裏覓仙踪到來疑自天台境

東臯詩存卷之一

主

文圖

萬樹桃花映碧空

孫應鰲

字山甫嘉靖二十三年進士歷官工部尚書

贈太子少保謚文恭崇祀鄉賢著有學孔堂

詩集行世

東臯山堂

山堂忽已暝寒雲千嶂肅蒼烟交叢桂玉露凝佳菊狂  
斟濁醪飲細檢離騷讀久病儔侶稀端居憐幽獨

海上行

年來海寇何猖狂更入今年劇跳梁提書方報殲滅盡

又有羽檄馳蒼江柘林乍浦原相接蟻聚蜂屯任踐躐  
天塹由來形勢雄何事揚州復焚劫真倭無幾半中華  
一時從逆忘身家賈舶當時空阻絕旌干此日徒咨嗟  
咨嗟今日成何事祭罷海神仍曩鼎東市纔懸上將頭  
南方已奪元戎幟調得熊羆截海艘乘流鼓浪洪濤中  
來往逍遙笑相謂爾輩何愚想立功不記前年駕巨艘  
五十三人任揮霍吳越之區且遁逃何況江臯小城郭  
瓜洲爭看餉船飛運道原爭一線微祇知民命堪長痛  
還恐漕儲日漸非土兵驕恣民兵弱止齊步伐無束約  
無邊白骨蔽林垌何處將軍倚江閣共言廟算如神明

東華詩存卷之十

古

文圖

樞密大臣新遣行繡斧鐵衣新拜節揮戈萬里志澄清  
君不見江之南江之北白日慘烈無顏色又不見浙之  
東浙之西頽風淒切增悲啼正名大義須洞曉兵家韜  
畧亦難少莫使鯨鯢再掣翻佇看鷁鷺齊鳴勦聖人在  
上元無為海不揚波靜鼓鼙況聞大內日禱祀百萬神  
靈應護持

上元觀燈應制

元夕燈光麗春風發夜梅月隨華蓋轉珠綴火雲開淑  
氣披瓊館祥烟滿露臺願言萬方樂長此得趨陪

廣福寺偶坐

竹栢浮陰森雲霞吐光耀奇哉坤靈區元扃入深峭孤  
標脫塵鞅來往時舒嘯野興布清賞前期決高調笑然  
虛白生風止齊虛寂復命在知常達始惟觀妙偶坐已  
忘言遐致即壺嶠

送郭懷養

投交二十年會面含深情旅邸雖濡留愜我故舊盟君  
侯金閨彥西臺播芳聲孤操罹殘詬郡邑歲屢更調補  
復荒微嶽崎萬里行世路有伸屈人事多虧盈願君慎  
居諸俯仰保令名博南山獨高瀾滄水獨清山水意不  
極悃悃懷西征

東華詩存卷之十一

五

文圖

同蔣楊二丈沿二水交流處坐嘯

溪流抱曲城濛濛波鎖崇巖半壑相延緣孰謂川途遠隔  
巖水氣涼磐石烟姿暖清瀆涵空明臨淵坐忘返睠茲  
魚鳥情行雲自舒卷高嘯投素心野曠白日晚

寄懷鑑川王司馬

苦憶離君日淒涼瀟瀟西楚雲千片繞秦樹萬行低歲  
月心空切關山夢屢迷偏憐同氣味踪跡更難齊

訪五山讀書勝壽禪林

空城存古寺寂寞已無僧獨有橫經客時分供佛燈淡  
雲盤老桂寒日隱荒藤斟酌談時事相看百感增

游宿李伯貞百尋莊

野屋全依石幽局半掩山出郊期信宿對客破心顏高  
樹夕陽外亂禽秋渚間自然清宴足城市不思還

平溪高指揮請登嶺崖

平溪岸頭江水迴高閣憑虛結伴來鄉思暗隨秋色老  
旅懷重向故人開風淒淒木催寒切雲破驚鴻逐侶哀  
一覽西南邊徼地鐵橋銅柱仗雄才

奉旨閱視京營將士

十萬分戎下禁鑿近臣銜命閱材官烟開細柳旌旗轉  
霜肅重營甲仗寒此日龍韜誰上策古來麟閣本雄觀

東臯詩存卷之一

去

文圖

紛紛南北饒兵撤感激休言報主難

渡河

春風三月渡河水夾岸楊柳生暖烟中流浩渺有舟楫  
長路驅馳空歲年南北兩都地勢迴波濤萬里天漢懸  
乘槎寄遠昔所羨安得一上崑崙巔

太岳張公為余談衡山之勝因示登遊諸作

見說高峯迴不羣游仙特禮祝融君遠從千里遊湘浦  
獨立孤峯辨禹文紫蓋瓊雲時縹緲朱陵瑤草正氤氳  
詩篇一一思元興何得相隨坐日曛

白鹿洞

匡山遊覽意不盡挾翼飛下五老峯巖壑紫紫漱瓊玉  
穹窿嶽嶽開芙蓉洞中鹿去草花合林外鶴鳴烟霧濃  
學道采真本吾志興來直欲凌喬松

題韓兩亭別業

宦路應憐早息機司徒舊業尚芳菲孤雲乍入常分席  
萬杏齊開不掩扉共訪高居閑索笑偶依泉石澹忘歸  
南山未負烟霞侶幽意知君與世違

道旁見梅開因憶草堂

寒蕊臨路發客行驚早春故園有佳樹誰作詠花人

衡山紀事

東臯詩存卷之一

十七

文圖

烟薄沙生影林遮路絕踪為尋雲母石特上石榴峯

望袁雲麓不至

靈崖坐欲暝美人期不來山空明月滿樽酒向誰開

憩龍泉洞為李默虛隱所

老去學神仙深隱龍泉穴家傳五千言盡是長生訣

辰陽行次三首

宿嶺陰雲少霽沿溪毒草常新款息住山茆屋桃花落  
盡無春

片片溪流繞渡層層谷氣生嵐兵甲頻年未解山川蕭

瑟西南

雨潤蒼涼雲樹霞明浮動水花朝日臺前樵徑夕陽溪畔人家

由海陽至金州

峻嶺千重雲矗小灘萬點花輕歷畫秦中道路今朝暫得舟行

送程武分教東安

三月春風柳滿隄翩翩征旆下湖西東安八十四渡水採藻濯芹明月低

泛雲錦溪

丹崖何處是仙家碧藕冰桃總浪誇山鳥一聲舟已過東臯詩存卷之一

文圖

滿溪浮出石蓮花

華山雜咏

洞元石室釀烟霞滿界金英雜絳花乞取峯前三徑地荷鋤來種素如瓜

其二

玉女窗開眼倍明仙童肅隊奏鸞笙海雲初散蓬萊色人在蒼龍背上行

飲李伯益郊亭

烟蘿深處野人家散髮溪橋濯水花風洗碧天無暑氣夕陽齊擁萬山霞

送陳對華

柔風戢佳時鮮雲披平楚眷言洽歡遊忽爾牽愁緒故里冠蓋稀君今復行旅並轡饒遠郊杯停牙旌舉目極千里遙春心渺何處公程期早旋無為久延佇

東陵寺

逸客無俗軌靈區寡塵跡靜實異緣趣景各有適東陵表黔中奔爽清虛宅長巒莽回抱峭壁隱絡繹漸次入雲林潛覺市途隔洞天忽開朗徑磴逶迤擲飛崖翠空坐以平於席風雨萬壑驚泉響瀉瀉清芳木遙沉翠素烟突浮白以茲飄蕭境契我泓澄積相對各忘言東臯詩存卷之一

文圖

孰信有真益度阿願考室故里况咫尺終當謝世執託此祈晨夕

省觀暫息太元亭咏懷

羈旅若泛舟艤泊孰能擬園亭風棲遲為別徒遷迤假節今歸來山川信開美淨境洽素襟嘉緣續芳履森森萬象間坐對渾忘已移文非我踐至人本無累角里常棲巖於陵亦灌園達性慮累遣適分道能敦譬彼鸞鶴異常畏繼邱樊我生良非晚心淵懷靈根拔迹忝新標雅情惟隱淪物色列筵几幸此怡芳尊高士有洞觀亦貴居要妙別野茲澄鮮神情啟臨眺青

邱帶陽暉翠烟衝蘿蕩往古不可興遺言窺未照覽書  
意有合悠然發長嘯賞理林壑間自信非凡調

元亭有桂樹蒼蒼烟霧林其餘一何直其根一何深植  
木有本性由來堅固心撫景日偃仰開軒獨長吟葉葉  
迴馥鬱風霜惟蕭森三復淮南辭攀援情難禁

公程難久留王事况繫繼稅駕未云幾綴賞忽將別本  
乏舟楫才且復去巖穴良辰違奇懷踟躕念方結先聖  
亦有言出止無定轍知味在聞韶至理非外說

### 半山亭

侵晨發山麓亭午憩山半仰止若易窮攀援益元晏雲

東臯詩存

卷之一

半

文圖

遊導和風樹交排絕岸在路泉石分開林晴暝判清曠  
藻野鮮歷歷引雄觀逶迤不知疲絕頂異佳玩翻歎入  
谷初望此已霄漢

### 衡山絕頂

扶桑拂晨明廣輪豁方域高春轉懸車羣動肅棲息五  
岳信稜層耿茲莫南國屢覺陵阜述方訝星辰仄下視  
連蒼蒼孰云非正色以我寤寐懷豈憚險艱力行行陟  
冠峯不假雙飛翼冥心四時春異景萬古特欣樂偶淡  
然敦曠自茲得

平生不能至湘夢隨南流既至亦恬然情懷良悠悠乃

知寄幽賞惟以追冥搜迴岡隱佳樹列苑標神邱五峯  
何鬱鬱三春復佳柔淨泓朝夕池芬葢几席浮何當返  
初服對此長淹留

### 方廣

昭晰既已眺幽邃杳難尋祝融一何高方廣一何深秀  
峯簇蓮嶠危磴環香林靈春舒光彩沙界逾蕭森仙源  
寶元逝萬疊移遙岑採藥更何往踟躕西日沉感茲曠  
世懷孰識非滯淫

### 堯率

孤界抗長暉淨緣愜幽甸路絕徑仍通流芳笑舒顯山

東臯詩存

卷之一

主

文圖

際萬木叢巖端一樓見豈不戔詰屈偶此脫浮戀華風  
起豐茸層嶺發葱蒨清耳目信韜映物外復誰擅振衣千  
古豪歷落迴英盼

### 集賢

玩水豈聽響登山非眷崇懷遐意有適體逸興罔窮寫  
言古高民英遊揚令風著書竟卒歲談道屢契衷衣冠  
悲斷續覺夢驚腫膝石室藏既滅絕壁題亦空眷予卜  
鄰心投跡倘無同

### 華山

元致風臺臺登臨資內觀仙跡富華岳嶢谷迴芒端凝

目神已豁躡足興不癯倚岸聊解佩擇枝先脫冠崎嶇  
豈屑礙天機動新歡奇翮奮空遠清風生晝寒冥契自  
偕樂獨遊誰稱難平生幽遐心覽茲逾舒寬

雲薄散烟安山深發泉響還復窮神奇孰云適蒼莽俯  
投磐石底轉出險徑上日影隨峯橫金翠亂消長寥闊  
理無涯卷舒情還與仲尼昔聞韶忘味愜心賞緬余滌  
塵容眷此高山仰丈夫遠覽懷古來稱骭髀

山峯芙蓉秀山澗芝蕙芳客至暮春候高歌月幾望晚  
色漸收照林臯何混茫崖際映微白流暉突飛翔孤嶂  
激幽籟萬樹披寒光頓境頓元澗屏息怡清涼安道曾

東臯詩存

卷之一

圭

文圖

破琴馮亮亦結房二妙誠高步予何獨傍徨

神岳本峻美標奇發苞結谷轉晴晦分谿迴巒岫別東  
西鬱相望兩壁何截薛屈曲陟南峯九州幾邱垤玉井  
一何甘十丈蓮初茁飲水醴露凝採花芳香擷笑談佇  
襟抱容易塵想絕前山日月巖光景倏明滅

送別訪川不及悵懷

青郊送君行新晴轉初曛嗟予來偶違君往一何速心  
旌遠招搖回盼隔幽谷折楊意徒殷停雲情相逐高才  
世莫知令德信有俶一官憐棲棲老至走夷陸近約難  
黍盟永矢碩人軸氣味方綢繆去住我反覆踪跡杳莫

偕久要見吾獨春光隨日變韶景紛可掬寧知懷良朋  
千里長在目

坐對南山

南山鬱崔嵬蒼翠日引領城府紆僻地衡門敞幽境高  
樓十畝間自寬百慮屏石林春正溫松籟夜逾靜超然  
悟至理天光發真景淨生懷深盟坐對獨循省

連得鄒穎泉書

我家清平墟雲山接楚甸重君千里情書札屢軫眷人  
生深相知豈必見顏面款曲書中意耿耿迴英盼勉我  
修令德期我展嬾嬾空齋望所思良會未有便不教蕙

東臯詩存

卷之一

圭

文圖

草殘香風時宛轉

顧會塘閒過草堂

異患得遣釋處約良自安便嬛三徑中不知春色殘時  
有野客來披裘岸鶚冠握手忘揖讓談笑投交歡山空  
卉木深天遠雲水寬徘徊物外心傾倒誠非難幽棲保  
微尚因之歌考槃

侯將軍築小堂三楹於太元亭後坐對南山題  
賦

懷疴不自怡依然返初服美人傾素衷殷勤款茅屋鋤  
烟滋芳蘭芟莽挺貞木清風披我襟皓月濯我目石稜



旋綠近雲堦飛金瀑南山九疊窈窕宛紛在掬道超世  
若遺境寂念同伏鳥嚶谷響虛鶴夢茶香熟風茲靜者  
心胡為久千祿悠悠愧前非容容遲後福緩帶時過從  
白駒共三復

春堂夜讌歌

華星出雲輝蘭池金壺故夕嚴更移懸景東秀映娥眉  
春堂張宴淑氣熙春風吹人不可支新花舊跗香颺颺  
碧雲將合裊裊垂美人至止肅光儀濯色江波錦四披  
玉盤瑤席清流離明釭列錢朱火曠綺殺紛錯四膏隨  
抽絃效謳鸞鳳吹傾瓷酌醕羽爵施綴賞接坐款眷茲

東臯詩存

卷之一

五

文園

韶松歌贈三叔

君有百畝園非培亦非塿十年種松俱長成蒼蒼枝蓋  
盤虬紐披襟豁俗諧心期南華逍遙獨對時煩景漸除  
星漢垂秋露將墜雲影遲此時中谷微聲起漸入林端  
不移晷瀟灑如從天上來縱橫忽向尊前止將寂復作  
意何長琴音泉溜同琳瑯翠濤忽漲兼天湧清夢初回  
滿耳涼颼颼誰知風雨散驚起龍吟仍歷亂堂上吹簫

將九成廟中奏瑟惟三歎須臾叢薄含泐寥明月朗照  
澄層霄空外沉冥空外響靜中發越靜中消自然噫氣  
元大塊至和不假竿與籟出虛吹萬總天機秀萼貞姿  
但烟靄我試問君君不知神遊太古何希夷惟應彷彿  
唐虞世忘味聞韶今在茲

紫芝行為見岳作

紫芝初生光未滿浮雲翊覆榮氣暖紫芝漸大柯已成  
星華曜彩含金精讀書結舍蕭兮瑟何意堪蠟產靈質  
幽秘佳祥邈莫傳六英三秀特新鮮風和雨潤滋培久  
日麗烟消並葉厚珊瑚出海華蓋移煌煌燿燿盤貞安

東臯詩存

卷之一

五

文園

泛彭蠡歌

春滿三月湖水濶風濤雪浪翻木末雲夢洞庭孰與比  
一葉舟航杳難越憶昔偽漢趣吳中身與皇祖爭兩雄  
樓船蔽翼此湖內天地傾洞雲霧蒙帝王真命符瑞集  
成敗之間異呼吸白日忽照赤烏臨鯨鯢竄伏蛟龍立  
世事悠悠三百秋江連九派只東流榜舟漁父吹夜笛

採草兒童唱野謳青蕪已沒枝撐骨黃烟長掩吃啾窳  
誰識當初血戰勞鬼神泣破寒霜月我復巡風擊楫來  
氣吞南國滄溟開低垂象緯挂河漢陽雁叢居鳴正哀  
康山巍廟功臣輩仰瞻不啻如蒿岱拔山隋水力與徂  
後人更有何人在翻憐廬阜周顒仙倏爾變化如騰審  
太平若得即隱去長臥雲霞忘歲年

望月臺

望月臺古雲霧棲靈圖秀發祝融西人間朗魄已落盡  
此地清光猶未低我聞佳境特凝眺霧散雲開歛幽妙  
虛明夜色蕩初晴錯落霽華浮晚照晚照亭亭月漸中  
東臯詩存卷之一  
文圖  
南山桂發映寒叢碧流水壑陰平布素展星河影乍空  
春風微微琪草茁縹緲湘靈來鼓瑟望而不見起長歎  
欲賦青峯轉愁失浮杯几席洞庭涯海外三山不可期  
坐惜凋年憐急景惟應明月最相知

觀昭陵六駿碑

九峻峻嶒雲晝暝陰飈蕭爽山谷冷拭碑細玩六駿圖  
駿骨如生神炯炯秦王英雄古來少龍飛虎視風雲繞  
天生猛士肇洪基奔蹏還與生騷裏騷裏當年誰可見  
流傳彷彿追風電身上多存鎗斧痕繫前各帶疆場箭  
青騅特勒拳毛起金剛劉賓立誅死平仁呆者白蹄烏

平東都者颯露紫最後賜名什伐赤清旌凱歸赤汗劇  
萬軍一躍火生晴世克建德齊辟易宛西冀北世常產  
生不逢時老何限吁嗟此馬雖已徂猶有雄姿照青眼  
感恩服乘倍增價金石精光驚泛駕千里真空遠塞塵  
一鳴更響清秋夜秦王念馬常與晚馳驅何況功臣輩  
請看昭陵左右傍薛國郭國墳相對鄭國墳墓亦咫尺  
見者參差生愛惜今日還瞻六駿碑當時何仆旌忠石

四山放歌

春雨亂落日夜劇溪頭春水長數尺先風一洗萬山碧  
滿眼新晴散阡陌我今避世忘跼蹐日坐樹根倚幽石  
東臯詩存卷之一  
文圖  
白雲宛轉丹霞射迷津渺渺桃花隔時有元猿伴蕭索  
四山闐寂夜景發天風萬壑湧溟渤星辰熹微避明月  
道人兀坐肅毛骨琴心三疊轉清越蕊珠之宮水精闕  
衆竅忽虛羣籟歇素影空碧散叢樾知音何人思超忽  
懷遠曲

自別夫君杳莫攀歎音絡繹響聯環苦心黃蘗隨春長  
縱發枝條亦等閒等閒休羨開桃李素質朱顏同逝水  
為誰離緒亂三辰傷我幽懷隔千里

涼臺朝登貽蕩中蘭池夜宿清冷裏東芳乘月採芙蓉  
夜夜誰知得蓮子蓮子中間多苦心羞持房蕊滿衣襟

風吹不斷絲千尺得藕殷勤意更深

發懷化

半林開曉發杳靄氣青氛野色籠江日霜華滌浦雲五  
溪愁裏度三楚望中分客思方蕭索哀猿不忍聞

傳臚

禮士開三殿臚傳候曉過賢良超漢選詞賦陋唐科日  
麗黃金榜風鳴白玉珂湛恩不可極惟聽奏雲和

夢侍法從跪陳民事覺後漫賦

五年居禁籞夢裏識天顏獨有孤忠念猶存一寐間神  
情真太苦時事已多艱覺後空愁我虛慙玉笋班

東臯詩存卷之一

禾

文圖

河南道中述懷

旌旆孤軺發鶯花滿路繁青霄辭漢署白日下中原獻  
納違心事栖遲負主恩勞勞且行役出處總難言

舟中

木葉蕭蕭下空江夜雨霏秋清雲影淡水濶雁聲微國  
事日多難羈懷胡不歸坐憐白鷗鳥箇箇繞船飛

念菴公寄示近作

一函天上至瑤草寄幽襟古洞石蓮發遙知相對吟道  
高名並重心隱跡俱深三歎應忘味非徒識雅音

沙河阻水過石佛寺

風雨何凌亂川原共渺茫勞歌憐宦轍小憩得禪房啜  
茗僧分榻將雛鶴上堂遙遙看彼岸吾欲藉慈航

過翠巖僧院

叱別招提境風塵數長年片心雲渡水半榻月窺泉清  
籟依朝磬叢林澹晚烟浮生真幻夢欲締住山緣

同楊台峯遊衡岳

孤緣祝融頂萬轉會仙橋殘夜日初起空山雲亂飄潮  
音何不斷天路若相邀莫惜來遊晚同心得共招

孟夏遊終南

千里山相屬崑崙勢不分中條賓曉日太華閣晴雲幽

東臯詩存卷之一

无

文圖

谷花香出遙空鳥語聞未須談捷徑歌嘯且同羣

漢中歲暮書懷

為客瞻天末驚心忽漢南山川人共遠時序我何堪岸  
柳青將發村梅凍尚含故園滋味友猶憶昔清談

清微

翼翼清微道迢迢太上家星環九芝蓋日麗五雲車靈  
藥盡濯露仙人如列麻願分三徑地鋤月種梅花

平旦草堂詠懷

中野霞千片前峯翠萬重分襟披小草結屋藉高松懶  
尚儲新醞貧惟具宿春村居無外戶一任白雲封

依約烟霞境風光滅鹿門聊因娛水石自可長兒孫白  
雪詞誰和青山道亦尊天遊忻遠韻涉趣復何言

道德一何懼山林未足勞身空隨地隱名莫向人高造

化憐蟲臂雲霄識羽毛曠懷千萬斛時復寄詩騷

野趣諧澄景幽期洽道心長林森夏氣積水閣春陰樵

牧山相近蓬蒿徑轉深未須憐閑寂滿目盡知音

乍可開三徑將因緩五遊鳥穿烟翠落魚躍藻丹流皎

潔成妍美清冷慰好修孰哉陶謝手賦此小壺邱

謁昭烈祠

昭烈曾為新野牧到今祠祀尚相仍三分遂使雄圖盡

東華詩存卷之一

手

文圖

百折能令壯氣增相有孔明星既殞運非光武業難興

我來瞻禮思流涕雲日沉迷暮靄凝

觀楚人競舟作此弔屈原

競渡仍憐楚俗存香蘭芳芷滿江繁美人窈窕空相憶

公子懷思未敢言水石可消千載恨詩騷難弔九歌魂

懷忠畢竟誰為報今古浮雲一任翻

九日舟泛芷水

木落洞庭秋始波孤舟明月影長河只今千里懷鄉遠

獨是重陽向楚過黃菊嶺阿芳露綴白鷗沙畔野烟和

杯寒竹葉蕭蕭夜自採香蘋詠九歌

送任列泉宰廬山任谷陽倅撫州

西南秀士稱連璧早向明庭共乞官郡邑分符家慶滿

郊原鳴轡別情難金川風過波瀾靜蜀水春回雨露溥

莫以姜叟分兩地青冥終許接鵷鸞

王杜陵約遊城外

一官盡作愁中過六月初為郭外行暫假霜威同慰藉

偶看山色若平生雨收殘暑吹風淡林隱幽蹊起霧輕

強飲細詢匡世畧知君同有補天情

上清宮

看山兼作訪真行望斗乘風到上清白日不驚吞易夢

東華詩存卷之一

圭

文圖

元都還聽步虛聲銀河霧冷仙壇靜玉洞花香寶篆輕

莫問當年生羽翼只須方外學逃名

漁隱

收拾絲綸付釣竿更誰豹隱與龍蟠古今萬態雙蓬卷

風月千層一艇寒洗耳滄洲烟浪濶潔身鷗鷺酒杯寬

短蓑長笛吾生事歎盡人間行路難

牧隱

炊黍蒸藜林塢外騎牛吹笛水田中青青草長初過雨

脉脉泉鳴欲送風十里烟郊春鳥亂千重雲壑夕陽空

紅塵赤日何須問白石南山意不窮

梅花落

梅花開又落歲月坐銷亡何必關山月才能斷客腸

景德鎮御廠謠

御器燒成白雪縹接聯監督有官曹共言敦樸先天下  
不用金銀只用陶

盡同坭埴是生涯一鎮人民十萬賒中國貿遷連外國  
官家制度滿私家

起解官員盡有名先差散騎報前程黃旗綠蓋翩翩過  
渠盤瑤觥細細行

遊驪山溫泉華清宮懷古

東華詩存

卷之一

奎

文圖

雨霖鈴曲調歌新柳色花陰不惜春一出西川空有恨  
得歸南內已無人

鑑川夢鶴二公枉過講院看桃花

桃花片片闌春妍上客開尊落舞筵昨日出郊尋樂事  
不知春在小堂前

九卿峯

共訝端紳列九卿九峯磊落勢俱傾道人獨向西巖宿  
夜半惟聞鐘磬聲

紫霄峯

紫霄倒景落青蓮元岳天空澤國前夢裏松濤聽不盡

千山明月對孤眠

沈慎齋惠筆

霜管相遺意有餘井蛙久自笑拘墟即今不寫寵鵝帖  
猶得時抄種樹書

吳植

字仲武號近陵

東友

聞說仙郎海上遊行軒早被右軍留小齋虛擬南州榻  
大雪真慚刻曲舟好會也知天上妬多才合與世相雙  
風塵我輩餘知已莫把詩筒汗漫投

東華詩存

卷之一

奎

文圖

留別

別思蒼茫興未除簷前風景亂吾徒月圓月缺人離合  
雲去雲來山有無今夕莫教花下醒後時還得夢中呼  
只愁暖眼如君少寂寞江頭大小孤

吳中儒

字明顯號江楓太學生

立春

東風初動碧波涵春意方萌雨露酣燕客辛盤感綠韭  
開尊春酒釀黃柑花幡巧剪芳叢繫綠燕新裁香鬢蟄  
土鼓句芒占歲稔試尋野草卜年甘

元宵

陸海鰲山景物懸家家宴賞各爭妍清詞妙舞無邊樂  
明月華燈不夜天廣大乾坤皆錦綉太平宇宙慶團圓  
歸遲不畏金吾禁直到晨光發曉烟

上已

上已多嘉會游人喚踏青傍花過曲水隨柳到芳垌寶  
馬金鞍麗宮車玉路馨年年修楔事誰復序蘭亭

吳濬如

字稚發號三洲

望匡廬

東臯詩存卷之一

書

文園

我聞匡廬名未識匡廬面湖口城邊風日晴五老高峯  
一時見欽崙崙鬱鬱漢閒白雲冉冉時往還欲往從之  
不可攀此行空負匡廬山吁嗟乎安得辭妻子聚糗糧  
渡石梁開玉房爛醉李白讀書堂明朝又欲向前去布  
帆侵早別潯陽背指烟嵐目空極馬當風駛天茫茫

登白帝城

魚水賢君相還祠白帝城吞吳疑有恨據蜀豈無情灑  
瀕千帆疾瞿塘孤月明江山何異昔黃屋已荒荆

南溪對雨

頗怪蜀天異朝朝發隱雷山雲初吐處江雨忽飛來春

江安縣

日蘆花白丹崖杜宇哀今宵猶望霽對月好街杯  
曉發江安驛茆檐數十家亂山蠻洞古土壁縣門斜菜  
甲尋無市籬根種有花政閒廳事寂鶯鴨開官衙

登筏雜詩

雅河灘勢急舟子最艱辛赤脚濤侵路攀山草沒身逢  
崖穿土銼煮飯拾枯薪我亦風波客應憐此輩人  
山勢周遭密乾坤刻畫成五丁曾斧鑿大禹更經營一  
線江泉細層巘瀑布傾此中無俗物禽鳥兩三聲

萬文白雲湧誰知是雪山土司雖異域

王化及僚蠻

東臯詩存卷之一

畫

文園

石鼓何人伐金沙有棹還披襟望中外深愧此身閒

敘州道中

五月寒如此江干擁敝裘蜀天慳霽色焚客喜歸舟樹  
杪流泉瀉峰巔積雪浮層陰雲壓地一望起人愁

和韓信釣臺韻

漢無寸土釣臺存剪紙頻招國士魂嫋嫋菰蒲棲虎節  
蕭蕭風雨傍龍孫羽林惜未屯雲夢跨下何妨忍市門  
鳥盡弓藏千古恨還教熱淚灑黃昏

吳嘉會

字合禮

秋海棠

誰道秋光不及春紅妝一樣弄精神當年若向唐宮植  
燒燭還應照美人

山居即事

一片青山幾樹花道人詩酒作生涯更來天與逍遙趣  
却使虛窓對月華

東臯詩存

卷之一

集

文園

東臯詩存卷之二

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

嚴 怡

字士和號石谿以諸生入貢為臨朐景寧校  
官攝聊城令事有石谿草堂詩行世傳載邑

乘

宿承恩寺竹菴上人房

東臯詩存

卷之二

文園

細雨疎窗過晚風夜涼不寐思何窮美人千里隔明月  
秋草六朝閒候蟲塵夢忽醒禪榻畔牢愁難遣客游中  
十年浪走真無益慙愧東離舊菊叢

春晚

樹遠烟輕鴉自飛村園門巷又斜暉主人一笑花無語  
春色三分燕未歸病渴能忘金谷酒賞心思典杜陵衣  
風光是處堪行樂惆悵年年此願違

夜宿江店

暮從江館挂長鈇雷霆殷地知潮生山頭月出夜如晝  
木末風高秋正晴倦遊何處可駐足不寐自信難為情

天明擬上大悲閣極目長波陶不平

宿田家

宿雨野田泥獨漉黃昏騎馬妨失足前村水深行不得  
燈火夜就田家宿村中無酒客欲睡何處哀哀聞野哭  
因知去歲困猛虎猶有寡婦啼空屋可憐旱蝗十年餘  
霖潦此邦為水國原上明朝寒食節大麥無苗傷育鞠  
上馬曉辭田父去田父為余遙送目號呼再有猛虎來  
我買擔囊賣黃犢

直河野望

朝辭鍾吾去暮投直河宿迴風起天末勢欲搖地軸我  
東華詩存卷之二 文圖

登高邱望齊楚傷遠目川原無麥苗何以慰我獨落日  
聲鳴悲于飛念鴻鵠

大風雨泊新安驛

驕陽連數月四野忽雲垂雨勢川原合風聲海嶽移廟  
堂誰燮理天地我危疑今夜應無寐扁舟楚水湄

石人頭

高岸勢若崩上有誰家墓已無墳上土尚有墳前樹樹  
下多行人車馬成廣路此地少芳草幸免穴狐兔石獸  
半埋沒碑版知何處往者盡如此來者永不悟石人不  
解語空泣草頭露

立秋夜作

長安酒樓高入雲客子不飲傷離羣大火西流歲冉冉  
中台北望心殷殷故園書信苦難寄今夜蛩聲愁獨聞  
通天臺臺滿涼露惆悵相如何自分

七夕辭

謂天其有妃兮謂后土其有夫人山河嶽瀆一為之配  
兮羌不畏瀆於明神彼巫妖之怪誕兮多訛言之失真  
哀斯人之聲賸兮憺不知其語之不倫彼云精衛之罷  
命于海兮喻夫人之不量其力也羌乃駕言于烏鵲兮  
何矯誣至于此極也維牽牛處河漢之西兮織女處河  
東華詩存卷之二 文圖

漢之東與天地其終始兮迴不越於津梁余惡夫衆毀  
之銷骨兮又惡夫羣輕之折軸雖上天猶為之汙蟻兮  
奚斯人可辭于垢辱嘗試矯首于蒼蒼兮渺從夜而達  
晨苟兩星之去離其次舍兮是帝亦保姦而不仁造言  
者之腥聞於天兮乃不降大僇於其身儻余言之上通  
兮迴昭雪于三辰亂曰彼衆人之惑惑兮是百犬之吠  
聲也余悼夫世紛紛其莫不然兮又奚獨瞠言于兩星  
也

次韻胡生行

淮海胡生玉堂客夏鼎商彝能辨識俊采朝開五色霞



高標秋倚千尋壁嗟嗟阮籍哭望窮胡生慷慨走西東  
未遇長風送滄海屢見落日昏陰虹大藥之成須九轉  
事功在後始則塞雄劔挂壁蛟龍鳴伏匿海怪逃山精  
世間寧有客如此百年只作泥塗士健翮終當萬里飛  
駿骨自合千金市應有王官收席珍山川其舍筆如神  
見說十年遊四海幾多豪傑奉清塵買酒來澆肺腑愁  
蚤晚佇看弓旌求

花朝

黃金臺下客無聊看鏡深慙齒髮凋尚憶出門逢穀雨  
那堪彈鋏過花朝高陽酒伴何由得杜曲詩人不可招  
東臯詩存卷之十一  
漫向東風拾瑤草相思誰寄赤欄橋

四

文園

登太白酒樓

襟袂飄飄世界浮天風吹上謫仙樓金龜換酒無狂客  
落日歸心不可留

夏日庭槐下作

炎日去無所移牀庭樹間所欣無吏役永日門長關手  
把柴桑書聊用開心顏秋花既以落夕鳥亦知還悠悠  
我心思乃在三神山

九日

秋風日已厲涼露滿豐草故衣晨不溫寒事何太蚤俯

從茅宇下仰觀向晴昊來雁何翩翩羣飛志梁稻寒花  
不肯禁何以開襟抱感茲節候變愧我顏色槁持醪難  
獨進懷人易為老賴古有達士詠言以傾倒

送人

萋萋南陌生芳草燕子未歸鶯尚早王孫一去幾時歸  
我有閒愁不能掃綠蕪青笠釣寒江而翁高風不可雙  
相思他日遙相訪莫遣茶烟撲酒缸

游善應寺宿蘭上人房

滿山靈氣貫星槎前殿名香禮法華歲久於菟渾化石  
夜深蒼蘗盡開花振衣上界天如洗啜茗西林月易斜  
東臯詩存卷之二  
為愛遠公禪榻畔絕無塵土浣烟霞

五

文園

阻南旺

花時作客忽深秋况是關河苦滯留四十日行千里路  
兩三人共一扁舟堂堂歲月如流水耿耿江湖抱隱憂  
老大無成悲倦翼白蘋紅蓼夢芳洲

長生謠

殺紋羽帳眠西清紅羅梅開花滿盈寶月五色揚光晶  
我時靈扁湛虛明翩翩兩童調鳳笙絳節邀我朝玉京  
切雲之冠瑤縷青霞結佩雙玉鳴起忽九關神不驚  
守以虎豹羅干旌帝居五雲虹作楹煌煌萬靈嚴衛兵

陸見帝曰予汝矜七寢隱若天球聲璿如齒牙飛赤瓊  
予懷汝德白以精青華寶書饒汝名汝可下主芙蓉城  
錫汝母壽山與京蟠桃花開予汝迎虎拜帝錫超蓬瀛  
輾然一笑三極平

胸山吟

朝來南引望矯首為親舍白雲何悠揚遊子不得暇緬  
思少壯日不肯力耕稼餬口諒非計飄蓬苦無藉中年  
從吏祿且欲畢昏嫁饑來謁赤尹廩粟未易借縮舌莫  
敢吐祇恐遭嫚罵愧彼千里駒局促處輾下天地豈不  
寬安所稅吾駕日月豈不明漫漫似長夜歸計殊未成

東臯詩存卷之二

六

文園

徒爾夢鄉社

顧景篇

揚雄草元日未免歎寂寞寧知霄漢上惴惴自投閑淮  
陰倦漁釣奔走負雄畧身方享茅土詎意遭束縛魯連  
既解紛不屑受金爵黃綺定儲位鴻飛倏寥廓貧賤恒  
苦饑聊可飽藜藿富貴信所欲中有奇禍作所以古志  
士不憚死溝壑山齋閑晝寂顧景多愧怍回也獨何心  
不改簞瓢樂

雲謡四弄

臣家白雲遶帝宅紅雲裏紅雲與白雲咫尺千萬里

帝宅紅雲裏臣家白雲遶白雲隔紅雲欲見無因緣  
瞻彼白雲中兀坐西王母指山稱壽考酌海為杯酒  
瞻彼紅雲中千仞黃金闕號令馳風雷鑒衡懸日月

懷居雲子

中山武寧王裔孫

徐王孫焉所居家居五雲中飄飄凌雲賦子虛口自吐  
出明月珠懶讀古人糟柏書有足不肯沾汙渠手撥風  
霆駕雲車彼攀龍鳳勢赫如瑣尾視之等妾魚鳳皇臺  
弔古跡獨與李白同襟裾我昔蒙詩謁王孫傾蓋許我  
登龍門謂我胸中有奇氣不若餘子蝨處禪山川閒之  
日月奔思之不見傷我魂寧與王孫相讐寬不願他人

東臯詩存卷之二

七

文園

同笑言膏梁統褲徒紛紛習氣俗下何足論奈何乎一  
在山之東一在江之左中間豈無羊角風蓬然載君還  
載我雲將雀躍過鴻濛遊三神山奚不可

午睡聞雨

午睡何曾着仍聞簷溜聲天雖行月令雨不近人情負  
病憑誰話悲歌強自鳴千秋賴原憲數語慰平生

立秋夜作

天上星河浩蕩流人間節候劇行舟坐看山月忽過午  
想見井梧先得秋烏鵲南飛關旅思鱸魚正美入鄉愁  
寒衣欲寄慈親遠吟倚西風愧薄遊

華陽洞

見說華陽洞空明別一天太初無虎豹常日貯神仙石磴雲霞合珠窗日月懸幾時乘鶴去燈火夜參元

客星歎

我行江南路不遇江南人山水既以佳秋色况鮮新奈無杯中物局局傷我神吾方古為徒誰謂德有鄰客星在江湖渺如一纖塵自非橐中裝咄咄難問津

憩新安田家樹下

河濱枯楊樹借之維我舟我舟息其下長風吹未休波濤何洶湧短髮寒飈飈締綌不為用客塗寡衣裘村中

東華詩存卷之二

人

文園

暮砧急胡然生我愁草野何足歎遠為邊戍憂鐵衣不暇解帶霜眠隴頭

人日

歲月忽驚蓬鬢改山川遙憶草堂靈一詩偶自題人日四海憑誰問客星浮世忍看多變態故鄉知隔幾長亭依依得似官河柳笑倚東風眼獨青

寧陽道中

四野雞聲催曉發舊書慙愧橐中裝霜風淒緊客裘敝村落蕭條山路長人笑形容塵滅沒自憐愁緒海冥茫憑誰為喚蘭陵酒一曲勞歌慰老狂

阻關九月十三日

冠蓋紛紛相送迎扁舟繫纜若為情一壺何處酒堪醉九月今朝天喜晴蜀鳥勸人歸去好海鷗憐汝往來輕家園咫尺滄江上世路其如未易行

次韻李草堂扇面

桃花渡頭春水深春風搖曳渡江心錦袍為貫金陵酒還就桃花樹下斟

牆頭草

牆頭草何易枯東家寡婦幼失夫婦失夫色枯槁吁嗟不及牆頭草草枯有時還復青失夫之婦長伶俜

東華詩存卷之二

九

文園

斗門見桃花一樹爛然臨水

臨流瞥見小桃花不近前村賣酒家風利片帆留不得美人惆悵隔天涯

茅山道中

高風夙昔仰茅君消息遙知地主聞一路塵埃洗靈雨四山花樹滿香雲泥中絕少虎狼跡天際但看鸞鶴羣濯足我方依水石可堪西嶺隔斜曛

十八日無酒無客

東家不乏沽酒錢奈無佳客與周旋西家結內多良友常苦無錢沽美酒清溪白石是誰家年年歲歲種黃華

黃華我於爾何負不肯開花向重九似嗔杜老困空囊  
不得吳姬壓酒嘗睥睨蛟龍挂東壁姦佞不誅空憤激  
不如一笑付旗亭把酒向天招酒星舊俗相傳何不廣  
何必重陽獨堪賞

贈諸華陽

華陽有客高七尺胸中空洞開八極唾花時夾晴雪飛  
神機渙若春冰釋狂呼虞夏有君臣醉罵春秋多亂賊  
竭來海上訪酒徒不必高陽人姓酈皎日空懸用世心  
大風不借垂天翼曾參三日不舉火猶自歌聲應金石  
高門縣簿君不過顧我蓬蒿定何益逝將五嶽采華芝  
東華詩存卷之二 十 文圖

與君天際論衷臆

壽陸貞翁

君不見松性可折不可屈君不見石性易碎不易輓貞  
翁賦性同松石又同冰雪難為煖生憎巧宦乞墻間又  
笑癡兒富轉慳投効不貪朱紱貴得歸聊共白鷗閑隨  
人不作鉛繞指明目張膽為男子激烈風雷出懷抱笑  
談文字滿牙齒後生如我嗟拙薄嗜酒耽詩貧亦樂倘  
其翁立青雲梯若將我上芸香閣感翁知已為翁壽笑  
折梅花獻春酒

鄭店夜

終風怒以號河水多屈曲一羽力莫挽而況舉萬斛舟  
師失篙槳我亦駭心目羊腸非峻坂太行亦平陸帝怒  
何自回獨坐念傾覆日夕天霖威喘歌濯吾足乘月遽  
忘險不肯維舟宿

咏太極香五十韻

奇特憐夫子精勤製此香千年抽寶訣十襲出珍藏山  
海搜應徧圖書考更詳飭瓢收篤耨鐵杵屑沉光龍腦  
微三佛屏沉采緋洋鬱金兼石葉蘇合及都梁薰陸來  
何遠旃檀品最良漆迷和露滴珠串雜星芒許值輕常  
祿掄材悉衆芳燒焚能致雨搏鍊必經霜樣製依九彈  
東華詩存卷之二 十 文圖

名題繹孔莊

卷之二

名題繹孔莊一九開混沌累劫助清狂石火烘銀葉銅  
山隱畫牆意合三極妙氣挾五雲長馥郁聞書社氤氲  
暗講堂身如芸閣上衣近御爐傍清潤蘇關竅昏凝滌  
肺腸自然逃鬼魅何止燮陰陽浩蕩翻虛白幽元達彼  
蒼逝將歆上帝憚不媚空王焰冷回琴靜烟開點瑟張  
飛蠅渾退避睡鴨正悠揚恍入塗魂國如遊選佛場樓  
臺成結構鸞鶴為迴翔稍倩風排闥還同霧滿廊晴熏  
窗戶煖宵沁夢魂涼壯浪當文陣羶腥洗醉鄉未須家  
桂嶺不暇沐蘭湯地可開千步天應降百祥漫誇板壁  
貴消得竹林忙蟲蠹祛青簡雲霞護縹緗移文慙蕙帳

服食笑松肪臭味應難並勛華未易量騷人美荷屋樂  
府陋芝房頗怪山含麝虛疑地出樟欲脩天樹記累造  
月支疆幽怨嗟蠟桂穠華恨海棠那堪娛俗客祇用對  
青郎印已傳多士名終動八荒野人思負笈海賈欲齋  
糧百病真能起連城未易償誰云青玉案直博紫香囊  
三嗅知縣解孤吟到坐忘餘芬凝燕寢異馥襲匡牀事  
擬增前譜珍疑出上方漢宮留齒頰荀令灑衣裳齋閣  
春無賴屏山夜未央美哉通鼻觀清矣逗壺觴渥惠煩  
投贈冥搜得報章何由充錫貢吾興正茫茫

流萍丈室前種菊數本十月始華詠而賦此

東臯詩存卷之二

主

文圖

吾生何太愚借宅亦種菊飡食豈必飽聊以順吾欲矧  
茲寒氣至風霜變林木凌晨茅宇下燦然媚幽獨因之  
念朋好無酒可見速繞籬獨彷徨誰與謀一斛儲粟不  
滿瓶空有書連屋

青藜杖歌為陸貞翁作

山中老龍極奔放千年蛻骨東海上一夕風雷宵莫窺  
偶然化作青藜杖胡髯髣髴挾雲濤頭角依稀滂烟浪  
精神直欲走鯨鯢光氣猶能動星象生成無乃由帝力  
斷削定非經巧匠陸翁陸翁天所助愈況已高筋力壯  
自從神物落吾手轉覺林泉情浩蕩絕塵奔軼渺飛仙

晚歲扶持懷彼相荷篠驚看避世賢策勛喜拜登壇將  
黑夜何妨衝虎過青山有興穿雲望驅車躍馬渠所羨  
問柳尋花我無恙正須日挂百錢遊為寫詩懷兼酒量

夏夜

驕陽勢如焚塵氛滿人境雷雨屯其膏卿士可以省我  
心誠憚暑欲去靡所騁宵來乘月坐四野星炯炯清風  
為誰來短髮飄我領誰家寫絲桐有客懷玉井風月豈  
不好莫慰憂炳炳欲語當告誰徘徊顧孤影

姚江楊方石學士與余聯舟北上阻泊淮陰夜

自持燭來讀余所為文賞其卓識答以短歌

東臯詩存卷之二

主

文圖

誰云海內無人物姚江尚有王楊輩吾儕誰謂無文章  
立言浪欲鳴當代楊生楊生有卓識手持銀燭高一尺  
照我牀頭書一編朗誦聲如出金石朱絃在廟音有餘  
疾雷破江聲帶濕紫極宮中仙可呼田橫墓前鬼欲泣  
莫愁燭短編簡長夜如何其夜未央仰看北斗手可接  
小立東風情獨傷生不成名身在野五車載腹何為者  
楊生楊生吁可憐與汝相逢楚水邊

立秋日作

西堂獨坐思悠悠仰見星河曲曲流何處風來掃殘暑  
今宵月出是新秋泥塗易觸流年感衣褐難為卒歲謀

遙憶杜陵詩興好飄零時有廟廊憂

憶嘉靖甲午歲揚州胡生夢瓊寓吾邑廣福寺

一夕就與共談臺殿之上時月色如晝興意超

然因有狂吟憶有二句云天上星河橫九曲人

間風露近三更餘不復能記而彼時光景因此

二句十餘年來常在目中今胡生死矣余碌碌

奔走未免人間勞也因足成之以志吾感

十年前憶化人城夜聽瓊仙按玉笙天上星河橫九曲

人間風露近三更此時敝屣看妻子何止虛舟等利名

今日故交南面樂卻慙踪跡戀浮生

東華詩存卷之二

中

文圖

山繭綉

山繭食山桑吐絲作山繭探求念山女躋陟足為研不

厭山溪深生愁懿筐淺何由上綠車機織功可展經年

成匹帛勞瘁傷婉嬖被體無完衣那得自裁剪父家有

差科鞭扑賴茲免大兄持入市富兒有豚犬自矜純袴

子市易顏不廂傍觀者為誰卻立情輾轉

葉生行

葉生誰謂非豪雄江湖浩浩吞胸中葉生莫歎無舟楫

足底雲雷天可涉我憶十年前佳節九月九看我菊華

呼我酒人嗔此老無乃狂我愛伊人真我友東山屢歲

我飄蓬黃金用絕裘蒙戎歸來江上舊茅屋四顧其如

四壁空眼底乞兒貪向火何獨此生能顧我金鏡割膜

無佛手太息英雄困江左葉生向余笑我與爾同調我

甘老風塵爾亦阻廊廟東門黃犬不足悲華亭鶴唳將

誰弔蝸牛任自出兩角混沌未須開七竅只應納納乾

坤中與爾悠悠同笑傲昨日此語如可聽今朝辭我使

我驚春寒野陰何處行葉生葉生胡不情胡不俟江花

開春水生攜酒與爾同聽鶯雖無青銅錢典衣與爾傾

生云爾可去河洛神龜龍馬久寂寞誰其繼往聖須爾

憂後學嗟嗟我聞葉生語俯仰能無心愧怍大厦元非

東華詩存卷之二

五

文圖

一木支本懷且欲遊嵩嶽自掃丹崖寫新作爾時來遊

亦不惡

納納歌

萬牛莫挽東逝波一葦奈可航江河嗟嗟精衛欲填海

豈不見笑蛟與鼉滔滔天下趨一軌雖有賢聖將如何

棲棲斯世竟何益空激楚人哀鳳歌簡兮伶官力如虎

考槃不肯歸山阿方將萬舞巧一爵不知所失亦已多

彼緣爭國戰蝸角此夢製地封南柯詞臣不恥狗監薦

疵相適得羊裘訶死灰甘為小吏溺冥鴻肯羅虞人羅

紛紛度量每相越奚翅百倍千倍過區區徒以競勢力

擾擾遂用尋干戈我生適丁三季後懷古不覺時蹉跎  
乾坤納納大如許何處可以容漁叢野人羹飯采藜藿  
騷客衣裳紉荳荷嗟嗟底事自束縛南山愧彼高嵯峨  
朝來拂案檢本草誰與醫此雙鬢皤急疾噴汝叢與和  
胡不少駐日月梭聽我嗚瑟吟烟蘿

苦寒

冬月豈不寒今歲寒獨早冬月常多晴今歲晴日少非  
時風雪作陰曠昏四表陰陽既偏駁舊害多繆巧腐儒  
等雀鼠偷竊且溫飽念彼山谷中凍餒有衰老羽書選  
丁壯明歲備征討弓刀滿鄉落抽點要精好斧斤廢樵  
採何以供爨燎况逢絮不收單衣力昏曉何以寬此憂  
愁緒正繆擾諒非數斗酒可以洗煩惱作歌寄春風須  
爾振枯葉

九日演武場觀練兵

今朝九日還高興與客同登戲馬臺星象喜占妖虜滅  
鞠華愁傍戰場開只應北伐張天步豈有中原闕將才  
掃穴犁庭定何日腐儒隨處得銜杯

秋夜

中夜月欲上山木相蔽虧月忽上天上山高亦奚為我  
時屬有念起望天四垂眇無膚寸雲星河自逶迤斷鴻

東華詩存 卷之二

去

文圖

爾何來飛鳴聲苦悲中庭有黃葉乾聲走階墀佳人在  
何許佳期定何時偶茲搖落秋敢怨韶華遲

懷古

徙宅忘其妻斯言無乃戲如何杞國人渺渺憂天墜漆  
室有嫠婦省不恤其緯山堂夜何永懷古愁不寐怪爾  
窗下雞霜寒晨不啼我心不如汝所志在卑棲推枕攬  
故衣起見烏鵲飛烏棲苦無樹我亦未成歸

寒夜懷直兒

今夜寒如此遙憐客路中主人無北道羸馬有西風不  
奈山川隔何由信息通衣裳恐單薄相憶命途窮

東華詩存 卷之二

去

文圖

謁嚴子陵先生祠堂

高臺古木倚江濱高士清風百世聞三歎祠堂煩地主  
共傳星象動天文誰能脫屣遺軒冕我為維舟弔水雲  
凍雨寒燈對飄泊可堪搖落正紛紛

韓彭忘侯王未免遭殺戮良寶千金軀抗志甘辟穀偉  
哉尚山老采芝茹空谷一赴儲皇招冥飛遂鴻鵠光皇  
監高帝雲臺示優渥一意全功臣不使秉鈞軸云胡瞿  
鑠翁以死報推轂明珠指惹惹身後有謗語古云行路  
難人心多反覆先生閱世變漁釣不翅足微車未為榮  
持竿未為辱目雖存故人足不知帝腹歸去來桐江不

可榮以祿富貴有歆滅人代一何速釣臺自無恙今古  
同送目偶茲謁祠下再拜伸弔哭傍徨不能去懷古心  
屈曲江中豈無魚山下豈無竹不見垂綸人何以慰幽  
獨

田父留飲

道傍有田家一老居二婦蕭然一室內嬉嬉若賓友殷  
勤為留坐視我若鄰叟自云八十餘生計止田畝今年  
苦旱澇在昔所未有丁男且離散何況雞與狗翁嫗老  
無力破屋甘自守饑來併日食營得酒數斗非緣伏臘  
設聊塞里正口傾杯勸我飲物薄情則厚為云州邑長

東華詩存

卷之二

太

文園

早晚救黔首

送東方海鶴就食東平

千倉萬箱原有人一粒不濟東老貧我亦家無五斗米  
老矣猶自拖儒紳饑瘦身形憐老鶴棲棲不肯填溝壑  
更欲將雛何處飛海濶天高魂落莫物情世態何紛紛  
春風飛絮秋空雲人非漂母不可食金非鮑子不可分  
荒山饑走聞有客丈夫資身苦無策惠施何必書五車  
相如可笑家四壁東平流風安可量樂善舊有賢王蒼  
只應春風生寒谷不惜梅花寄草堂

次龍劍新篇見慰韻

風雨江湖臥病人忍將愁思損天真陶潛不管瓶無粟  
杜甫其如筆有神手懶任從書在閣容枯翻愛鏡生塵  
中秋數至初冬日伏枕今朝是六旬

次龍劍對雨韻

風雨泥塗屐齒深煩君來此話愁心家貧可奈人多病  
歲歉其如天久陰怪汝芭蕉逢夜雨虧他蟋蟀助秋吟  
新題汲汲催新作珍重吳郎善賞音

陸虛仙讀移情雜咏

谿老方臥病吟弄豈無謂私竊古聖神得此移情計厥  
計欲如何將以理榮衛於焉旋病機且再殺病勢夫豈

東華詩存

卷之二

尤

文園

無菁華未免雜蕪穢所取酒鬱開不在詩律細虛仙正  
法眼轉盼若馳騎披沙揀黃金刮羽拾紫翠當其得意  
處往往能誦味錯落着圈點依稀賞精粹性真靈活潑  
語韻喜流麗譬彼繁星中芒色欽五緯屈到何敏達知  
言許黃帝誰云可焚燒出口何容易或曰無一句無乃  
深妒忌彼謂奚以為此人方睡寐得其門者寡何足為  
怪異盲兒摩大象禪者笑茫昧豐城吳龍劍走筆為予  
記三復不釋手悲壯歌斫地其聲出金石江海可翻沸  
神哉此劍客亦自機緣契

飲次分韻



白雪調高酬和寡紫薇園勝笑言同人間喜近麥秋節  
天上欲收花信風老境可堪詩限韻醉鄉誰謂酒無功  
汪洋幸接東南美身世都忘似轉蓬

草亭

何處乾坤著草亭君山天借一螺青春多藥蔓生階砌  
畫有江光入戶庭開圖獨留調鶴地下簾還閑相牛經  
誰云巖壑烟飛裏寂寞猶堪聚德星

蘆村

幽人卜居何處村水澤曠蕩蒹葭繁茂夷聊爾結茅屋  
清勝可以無桃源風霜歲晚雁欲下燈火夜深漁不喧

東臯詩存卷之二

子

文圖

見說此中堪避世知安耕稼勝乘軒

秋日小集西原

焦生走銀鹿速我西原遊江臯此何時正及林塘秋鴻  
雁渺何許蟬蛄鳴啾啾良士感時節懷彼蟋蟀憂欣此  
一杯酒因君話綢繆願言永終譽谷鳥鳴相求

題光祿歸隱卷

排雲笑捧琅玕腹貫斗思乘河漢槎天上不容依日月  
人間還許臥烟霞興多風雅長搖筆樂在琴書懶種花  
從古是非知未定閉門時復誦南華

濟寧舟中

郡城北去水雲多不斷長楊夾兩河帆影回看移樹杪  
村烟遙見隔湖波卻愁民舍為魚鱉稍喜王租足芰荷  
莫訝吟餘成感慨此邦良牧定如何

漫興

風帆波浩渺烟樹景模糊豈有五湖水都無一釣徒日  
中沙市亂山暝客星孤自信忘機久羣鷗或可呼

雨中小酌送蒼麓山人

明朝君欲去愁與酒同傾海氣蒸為雨江雲懶放晴後  
期嗟未卜前路悵孤征兩地相思夢秋風託雁聲

挽曹斗野先生

東臯詩存卷之二

圭

文圖

鄉信有人傳斗老海東頭去作神仙可堪揮涕二千里  
何止傾心四十年史傳定誰收卓行名家真自有遺編  
衣冠里社蕭條甚南望星辰為悵然

泊茱萸灣散步故墓間

荒草誰家田叢棘誰家墳維舟此登眺落日明遠村隋  
宮在何處暮靄雷塘昏由來感慨地易傷行旅魂

老女

寄聲鄰女休相笑自分生無井臼操日暮何妨倚脩竹  
春深誰復詠天桃塵心已化支機石愁緒長提切玉刀  
想像瑤池如可到願從金母奏雲璈

戊婦詞

良人西去戍流沙忽忽三年未到家社日有書曾附燕  
春風無樹不開花閨中懶作王侯夢天上忙驅日月車  
見說明珠疑薏苡何如與妾種胡麻

我行在中野

我行在中野卻曲歎迷陽深山出魍魎幽巖隱鸞皇月  
黑狐聽水明星人履霜公孫牧羣豕監子追亡羊髡然  
誰髡髡獨宿古道傍此中亦何樂自謂南面王彼婦無  
乃愚薪此墻下桑不思來歲蠶徒醫眼前瘡我心方蘊  
結誰因訴蒼蒼

東華詩存卷之二

王

文淵

宿仇汝明莊悼憶乃翁南塘

我思南塘老高懷渺當年窮愁雖滿腹談笑常忻然客  
至輒呼酒興來寧惜錢我方滯嵩洛離思悵江烟屬纊  
獨懷我有詩今尚傳流光倏一紀哀悰何渺綿惟翁有  
似子凋儻族稱賢依然敬父執風韻何翩翩邀我宿田  
廬雞黍相留連薪燭聽宵雨傾觴話春田悠悠感今昔  
出涕為潛焉無何失親故薄俗正堪憐

五月十二日雨中絕句

百折山溪何屈曲片帆江路亦迢遙五溪橋下東流水  
不到揚州廿四橋

千峯過雨萬花香山樹青蔥草色芳春倩蒼龍秋倩鹿  
與君同種玉田莊

無相寺前無所見撐天柱地有孤峯伊誰並立青雲外  
讓與蒼蒼一樹松

望海樓西江霧橫望江樓北海雲生相思恰似黃梅雨  
暮暮朝朝不肯晴

未問君家何處住妾家樓閣近橫塘月明花霧朦朧起  
是妾樓中拜夕香

草堂西下是誰家天遠山高日易斜烟樹重重人不見  
月明愁對合歡花

東華詩存卷之二

王

文淵

沙邊獨鳥兼羣鳥江上晴雲雜雨雲無客為傳君憶我  
有人相笑我思君

真州雨夜

微醉未銷如有情今宵旅宿憐同盟扁舟亦自廟廊意  
好夢奈何風雨聲海天不曙客無寐江月漸高潮欲生  
中流正爾思擊楫欹枕試聽鄰雞鳴

老牛歎

主人寒須我帛主人饑須我穀主人無居我架屋我壯  
發舊不俟鞭齒老力衰鞭不前主人忍數屠兒錢嗚呼  
漢家亦殺淮陰侯豈侯功不多爾牛利心一起兮思作

讐

秋夜悼石氏婦

晚風天無雲秋月上庭樹孤客愁不眠蟲聲滿窗戶  
緬懷同心人十載共辛苦年來念多病飄飄去何處精魂  
時入夢既寤傷無侶靈筵耿孤燈照我淚如雨往事成  
浩歎前途引長慮鄰雞自三鳴無復鄭女語哀哀聊一  
吟吟成天欲曙

登羊山寺挹翠樓

登臨忽得羊山勝牢落難瞻古佛衣有僧高臥晝不起  
之子薄遊春未歸長嘯倚樓悲下界一時乘興詠斜暉  
東華詩存卷之二 文圖

河水謠

會同河中河水溢水面視田高數尺農人愁漕卒喜多  
少白徒待漕米漕卒喜網運捷農人愁化魚鱉農人化  
魚猶自可網運失期愁殺我

題畫

南山老樹堪為薪冰雪滿地饑彌旬枯腸未可一日渴  
且博爐頭石凍春  
箕踞科頭無管束坐支拳石白雲中一編在手還多事  
只合高眠松下風

蚪枝天矯千尋長鱗甲剝落胡髯張夜深海月落松頂  
疑是蛟龍吐夜光

聞邊報五首

仍傳虜騎犯邊城太息風塵未易清獨使至尊懷鉅鹿  
無聞猛士請長纓臺官不奏旄頭暗帥應慙燧火明  
多少室家遙引領羽書何日罷西征

詔書六郡選良家激勵懸知式怒繩拙劣無能分虎竹  
飛揚有夢靜龍沙老臣尚想趙充國奇策宜收李左車  
漆室婦人憂獨切不勝清淚墮悲笳

元戎歲歲出涇陽醜虜年年冠朔方塞外收功須李牧  
東華詩存卷之二 文圖

廷中論將有馮唐北風鼙鼓千山振西日牙旗十丈黃  
况是我軍弧矢利不難射殺左賢王

西北星河屢動搖東南輪挽漸蕭條尋常衮職肝不食  
百萬龍驤夜擊刁長嘯何人卻胡騎堅城本意絕天驕  
艱危正倚羣公力坐使冥冥氛祲消

消息初聞一盪胸亂離應不到飄蓬周家北伐車旗盛  
漢室中興將士雄虜運未衰方跋扈王師不戰亦成功  
中丞羽檄防秋急上策由來只禦戎

秋夜

新秋旅思何由平不寐起看山月晴斗杓插地迴莫接

河漢橫空將欲傾，千林正當落木候。四野況復莎雞鳴，故鄉無計可歸去。鬱鬱難為此夜情。

再遊雲門山

百折盤旋經地險，千尋翠律上雲門。登臨頗念青齊古，指顧遙憐海嶽尊。秋興只應山有助，舊題何況墨猶存。洞天曜月襟期在，還與幽人一笑論。

題半村卷

竹徑爪哇帶葦門，風烟草樹自成村。閒中未必無功課，為寫農書教子孫。

和唐人塞下曲

東華詩存卷之十一  
獵獵風沙昏四野，嫖姚戰勝臯蘭下。笳鼓喧轟塞外歸，漢兵一片騎番馬。

贈雲巖僧

水中月色鏡中花，花月能為水鏡瑕。一點不留清淨地，白毫光裏著袈裟。  
惆悵雲巖寺裏僧，一僧宵點一枝燈。煩師為指光明藏，不作冥迷隔紙蠅。

牛山老松千歲強，松頂蒼藤百尺長。斗大茯苓時掘得，逢人未可道休糧。

客夜

鬱鬱淹留念此時，奈無才可濟艱危。鳴蜩入夜緣誰作，羈客逢秋祇自悲。西北忍聞豺虎關，東南愁見雁鴻饑。因懷海不揚波日，白石滄江釣可垂。

重遊大明寺

江北江南天地秋，江山無恙我重遊。蕭蕭草樹道傍墓，閃閃旌旗城上樓。一笑海波何日靜，三杯羽客偶同謳。憑君莫及西疇話，此事空關肉食憂。

游仙詞

何處真官朝太清，半夜風吹環珮聲。青鸞白鶴蒼蒼際，叫破海山秋月明。

東華詩存卷之十一  
金光明宮飄異香，仙者虎豹為衣裳。白日騎龍九天上，聞誦洞元皈命章。

金華道中

石徑時看過樵擔，扁舟可惜載浮名。青山不斷雲邊去，白髮無情客裏生。數里溪灘幾深淺，一旬風雨屢陰晴。今朝蓬底欠詩句，似未曾經此地行。

宿石塘

山行吾意正淒迷，迷託宿為經山下。蹊中夜有風疑過虎，西林落月臥聞雞。自憐兩翼不勝倦，何處一枝聊可棲。多謝主人能掃榻，醉眠如在浣花溪。

偶書

鬱鬱久居此悠悠祇自嗟春愁心潦草夜讀眼昏花老  
欲藏孤劔貧思鬻五車何由滄海上浩蕩泛仙槎

次韻南洲

湖上有人晨見尋邀我共聽黃鸝音落花啼鳥苦無賴  
碧水蒼山空一吟鶴髮不知此身老漁竿偶觸當年心  
彈歌作客愧吾黨把釣何自春江潯

風夜

屋茅風卷壁蕭然人事相將歲暮天任自插書三萬軸  
奈無沽酒十千錢開山浪擬營丹室渡海何因駕鐵船

東華詩存卷之十一

壬

文圖

詩就不知僵臥冷布衾如抱暖雲眠

旅舍作

五十年前曾託宿樓邊不記是誰家當時豈意人空老  
末路那知日易斜孤劔未妨留酒肆一詩聊復詠梅花  
明朝擬放東歸棹還倚江門看海霞

重遊狼峯

來遊知是幾年前與客攜壺此放顛一笑滿頭生白髮  
五山橫眼看青天欲攜揚子江為酒見說秦王石可鞭  
特走魚書通海若不波人好種桑田

懷金陵

金銀樓觀倚晴空虎踞龍盤地勢雄六代豪華如夢裡  
一時人物憶江東回思陵谷幾遷變喜見車書今會同  
慙愧非才無健筆鋪張聖祖廓清功

月夕獨坐

晤語無人吾獨云西堂月色誰當分山河大地止今夕  
星天極目無纖雲莎雞在野暑將退鄰女吹簫愁不聞  
頭顱老大亦可笑滿身花影同紛紛

次韻石橋先生

暫醉無因錦瑟傍獨憐籬菊有寒香一壺共剪今宵燭  
萬木同凋昨夜霜稍喜鏡中頭未白何須腰下帶垂黃

東華詩存卷之十一

壬

文圖

主人不盡淹留興忘卻山童報夕陽

風夜

兀坐思存天動威無端竟日猛風吹狂瀾既倒魚龍泣  
林木將顛鵲鶴危今夜老人難帖席當年嫠婦解憂葵  
何緣可得杯中物一醉都忘宋玉悲

飲迷樓得里字

飲酣吟思劇日夕悲風起憑高聊一望極目可千里天  
涯吾欲歸海上兵未洗緬惟經濟人倘寄漁樵裏

夏夜

席地惟應得友生笑言還共玉壺傾一年髮有許多白

六月風無如此清坐見河山俱爽氣試聽草樹已秋聲  
天機迅速炎涼變何況伊人不世情

秋夜漸長客窗無寐憂從中來不可斷絕擬古  
十九首以弭憂端知其無作者之才乏風人之  
興先師不曰亦各言其志也已矣

悠悠我心思脉脉君不知星有好風雨蝦蟆有雄雌不  
見枝頭乾死猶抱樹枝楊花性飄蕩隨風無定時以玉  
亡吾足緣夢偶得鹿刎頸以結交夫妻成反目我欲忘  
我憂杯中豈無酒我憂不可忘杯空在人手

翻翻樹頭鴉轆轤道上車翩翩誰家兒冥冥犯風沙悠

東華詩存

卷之二

手

文圖

悠去未已忽忽忘其家寧知耀車馬不如事桑麻我欲  
歸去來且種東陵瓜

不厭京洛塵但慕京洛富第宅切雲日軒蓋迷道路五  
侯暮傳燭七貴朝治具妙舞多佳人連城傾一顧觀者  
忘其歸夸者矜所遇無人賦蜉蝣有客譽嘉樹祇知龍  
有睡莫悟虎有怒彼人何蹇劣藜藿守章句

梁妻號善哭舉國習其悲王豹以謳唱音聲滿河西白  
雪誠寡和遏雲恐無稽怨曠歌廢戾殆非百里妻谷風  
可以怨終風無乃迷彼遇此或乖物情本不齊兀坐抱  
瑤瑟溪風為淒淒

白雲何英英其下有空谷超超者為誰自出牧黃犢治  
生不求餘帶索常鼓腹時復林莽間高歌紫芝曲知非  
神仙流亦自出塵俗談惟及農圃或就麋鹿終歲不  
食肉其面頗類玉腹中苦無物未可佐黃屋

采采南山桐十年成一琴豈不良辛苦謂世有賞音持  
以奉君子不與我同心擬鑄鍾子期家無雙南金

風霜肅大塊冰雪結窮陰萬木盡搖落孤松秀長林物  
情乃如此可以觀古今先民亦有言勿疑朋盍簪膠漆  
化戈矛孰謂利斷金義不忘漂母古亦有淮陰朝耕暮  
望獲此道日消沉鮑生獨何人實獲夷吾心

東華詩存

卷之三

手

文圖

東風幾時來處處天桃開王孫適侯家公子迎天街爭  
道馳騁車塞帷耀耀觀者如堵墻香風滿塵埃東家  
有美人幽芳伊可懷羞稱洛神賦每薄文姬才鳳皇之  
謂何不肯為之媒掩鏡日締繡無聞歌標梅

漁者遺之車獵者遺之舟用苟違其天欲濟將焉由運  
轉十二辰歲與天同遊願持招搖星薄言贈伊周  
明明天上月矯矯雲中鶴翩翩振毛羽迢迢入寥廓終  
焉去不返此意將焉託作書寄黃鵠麟鸞日蕭索萬塵  
不可居且爾觀海嶽

行行欲何適日暮猶在野誰與哭猛虎我正驅羸馬僕

夫去我久況復徒旅寡塚間鬼火出木末風灑灑人生自有命戚戚非長者不因啟明星未覩繁霜下

南山高且廣草木亦蒼然江海浩波流魚龍樂其間蟬游玩細娛蟪蛄無大年自非李郭徒孰是可周旋市女薄寒士富室賤高賢鍾期苟不作素琴可無絃抱甕未為拙投閣殊負元懷古見覆轍好德甘執鞭山雲頗相狎卷舒當我前

誰家作新阡式廓無乃濶多栽白楊樹下可蔭千穴立石頌功德千祀真昭揭碑亦不在大文字有磨滅樹亦不在多歲久終朽折君看古封樹往往遭剪伐金椎恣

東華詩存

卷之二

七

文圖

狼藉礪石時鼠竊巍然兩翁仲有口不解說不如託蓬顆苟可免發掘

死者不復生生者必有死陰陽無停機聚散有常理千歲乘白雲一朝悲逝水世豈有仙人誰能戀妻子君無作石馬牛角思礪爾

弱喪詎非迷蚤計亦已誤羊牛夕知歸蟄蟲晚坏尸子幸有酒食何不日鼓瑟驅石莫填海揮戈莫迴日老龍既已死何許俟仙佛

唧唧復唧唧蟋蟀近我牀我時正歎息嗟此秋夜長殘月炯如曙故衾知有霜經年作長客何日不思鄉豈無

東門女如雲盛朝妝古云糟糠妻白首不下堂妾有隱居服願言懷孟光山川室廬隔使我心悲傷女為悅已容士為知己死紛紛何足道我心亦如此

海風撼枯桑號怒極悲壯夜分不能寐開戶視乾象胡應此月破我其得良將僕夫起吹火煖酒助予唱我心惡麴蘖奈此江海量撫掌歌一聲虎嘯月亦上白首為諸生不得乘一障

歌風懷接輿歌牛懷寧戚彼哉歌魚者甘作孟嘗客白日在天上見我心匪石為問漢西征汝是何肝鬲何許有丈夫上馬能擊賊

東華詩存

卷之二

七

文圖

長卿挾詞賦落魄遊臨邛馬公滯周南山川滿心胸題柱識何卑藏山辨何雄我行自齊魯來觀二南風落落竟難合愧彼冥冥鴻

### 宿芹湖田家

天惱梅花漏春信東風忽起千林振客子衣單路悠遠村酒閉門難借問喜逢田父湖西路自言家在湖南佳不辭濁酒壺菜羹白駒暫繫庭前樹稍喜田家風味好茅屋自來塵不掃妻能刺語息兒啼槽有枯其從馬飽縱然田父知好客古木叫風眠不得野外何曾聞漏聲祇聽雞鳴辨天色曉辭田父歸城市田父寄言明府吏

里社無人橫索錢年來雞犬多生意

東臯詩存

卷之二

五

文圖

東臯詩存卷之三

同里江大銳樵所

興化王國棟竹樓全訂 同里汪之珩璞莊微輯

同里黃振瘦石

興化左亭筠谿校訛

冒時雨

字化美號潤野歲貢生官魯王府長史有霖

軒詩編

雨後納涼亭偶成

千里陰雲許暫移夕陽孤照藕花池乍驚白水流爭急

東臯詩存

卷之三

十

文圖

且喜紅塵到較遲鳬泛好隨波上下蛙鳴不辨地官私  
宵來一枕家園夢應有清泉漾石菑

白蓮

坐倚紅亭瞰碧池白蓮花放玉參差色香淨處風無主  
粉黛橫時月未知振鷺于飛波以外伊人宛在水之湄  
名園自有天然相浪說圖澄鉢底枝

馬洛

字禹河萬歷甲戌進士歷重慶府通判

贈友生之廣陵

落日秋江上芙蓉萬朵明獨憐遊子棹愁問去時程清



借枚乘賦詞深宋玉情尊空不忍別回首蜀岡橫

朱 裳

字汝乘歲貢生訓導有江臯摘稿

贈平倭諸將

六月誰成汗馬功將軍唾手海天東  
刀環血洗長江水  
劍鏑寒生細柳風  
龍戰江淮時雨降  
烏啼島嶼陣雲空  
捷音馳報明堂上  
共頌天山已挂弓

郭師古

字時用號中宇隆慶丁丑進士歷官甘肅兵

備副使進右叅政兼僉事

東華詩存卷之三

二

文圖

同邢子愿登望江樓

羨君筆力能扛鼎何幸追陪得勝遊  
瑞氣千層迷畫閣  
晚濤孤月照邦溝  
俄驚歷歷依人燕  
不定飄飄送客舟  
我欲乘風凌倒影  
海氛萬里坐看收

施食池

清池一曲照禪心  
湛湛虛明古道林  
已見降龍歸法盃  
又看馴鶴下遙岑

張勉學

字汝循歲貢生福清知縣

早朝

萬國冠裳擁翠旒上方勤理問宵衣鐘聲長樂雞初唱  
月色昭陽露未晞  
玉炬光傳清禁曉  
金爐香裊曙烟霏  
書生未對公車策  
先傍雲霄拜紫微

南江晚泊

鴻冥何太晚徙倚尚孤蓬  
濤咽簫聲外霜嚴鼓角中  
感時傷伏櫪擊楫避嚴風  
愧爾扁舟子烟波夢亦同

李上林

字元芳一字明戴新泰知縣祀入名宦

謝別鄭制府

露布幾親題雙龍劍吐霓高山謝太傅  
武庫杜征西

東華詩存卷之三

三

文圖

鎮烽全息諸酋首共低陽和邊徼暖風射虜雲迷夷夏  
宏安攘乾坤賴整齊  
彤弓頒玉誥繡幕映沙隄  
甲士銜生養裨臣荷寵攜輕裘拜袞烏凝露酌玻瓈方幸龍光  
接何當驪唱淒到來瞻日月歸去隔雲泥惠澤分難古  
恩波溢馬蹄嵩高猶在望霄漢許攀躋

謝雲中鄧撫臺

秘畧窺黃石瓌才羨碧雞  
天星昭代北嶽氣應巴西玉  
帳千雲出牙旗逼斗齊  
封胥絕虜檄通道盡山梯  
汗血來天馬名香貢白題  
挂弓歌奏凱拂劍氣成霓  
屏翰三朝重風雷九塞迷  
兵銷惟俎豆國泰樂黔黎  
脯宴慙奔

走龍門荷寵攜魏魏鄧高密何幸得攀躋

初夏留別廣長姜長科

邊塞逗遛久征車念暫違花從春後見人向夏初歸折  
節叨虛席忘形醉夕暉踟躕感知已行矣欲沾衣

宴陽和席上

樽浮並露宴承平光瀉銀河洗甲兵六郡再開都護府  
三韓重築受降城春風不動黃塵色晴日惟喧畫鼓聲  
自是功勳推衛霍請纓寧復事書生

題居庸關兼呈鄭制府

羣峰突兀聳高空九塞關山此最雄雄堞平臨霄漢上  
東臯詩存卷之三 四 文圖

旌旗遙雜斗星中元龍日抱千巖合翠壁天開一徑通  
咫尺北門誰鎖鑰鷹揚久矣頌元公

入上谷

四山迴合望蒼蒼上谷從來古戰場弓影斜懸邊地月  
劍花常拂塞門霜平沙雪霽寒仍淺大漠春深草尚黃  
見說呼韓皆屬國不煩飛刃斷天狼

登紫荊關

石城高下抱重關四顧青冥鎖亂山夜火不驚霄漢上  
春旂常雜斗星間飛狐嶺暗人行少曳馬峯高虜度艱  
無用登封臨瀚海壯懷原不厭躋攀

飲韓將軍麾虜亭

重關天設控華夷大將西來出鎮時三晉虹光飛節鉞  
萬山雲氣動旌旗君稱雄傑如擒虎我愧才名似藥師  
鑰閣一朝何邂逅便叨絃管醉金卮

過響水坡

二月鳴漸出石頭輕冰殘雪蔽河流聲聲不盡風前響  
偏動行人哽咽愁

飲市樓楊將軍席上

琵琶羯鼓雜雕盤一片胡歌動地歡無數天驕齊拜舞  
分明喜見漢衣冠

東臯詩存卷之三

五

文圖

窗臨碣石搖春色酒對胡姬泛晚霞不有笑談隨緩帶  
孰能樽俎共天涯

冒日乾

字孺文號義元萬歷乙酉舉人令湖廣安陸  
縣歷永平府同知著有存笥小草

題文昌閣

有序

不佞令楚奉檄初書院從文昌閣落成馮檻  
四望睠焉山河因題駢語數聯寫景抒懷期  
與諸士揮塵縱譚上下千古而漁陽之命下  
矣不佞俸纔兩載不當遷乃以東事謬蒙推

擇豈以不佞目擊時艱扼腕慷慨為有請纓  
之志乎而非其人也書懷二首

徙倚岑樓望翟氛漁陽鼙鼓徵雲舞千未允虞廷化  
勒石還收漢室勲絳節臨戎消朔氣朱幡馮軾映星文  
廟堂自有安邊策肯使焦銅近塞聞

疎林一夜起秋聲笳鼓遙聞勒勒營報國猶餘一劍在  
憂時空使二毛生紅雲望斷燕山遠白雪歌殘楚岫晴  
莫道儒冠多文弱書生無路請長纓

贈蔣節婦奉旨旌表二首

及笄孀婦腹遺兒恰似千鈞引一絲雲暗苔城援瑟日  
東華詩存卷之三

六

文圖

夜深鄰里據機時艱危偏受人生苦貞淑能完天賦奇  
聖主維新恩首被煌煌丹詔下彤墀

漂搖風雨歎瘡痍忍死相看為藐孤海嶼霜飛鳴寡鵠

山城月落啞啼鳥鬢絲卻向愁中老眉鎖旋從夢裏蘇

莫道殷憂非玉汝付君完節衍鴻圖

輓張文學洪烈婦二首

有引

文學之姑寡而無嗣其舅欲奪其志文學為  
白臺使者因被枉鬱抑而死其妻殉之

世道江河下多君輓陸沉楚荃香氣遠湘竹淚痕深生  
死須臾事綱常萬古心試看嫠女次耿耿照江潯

志士甘溝壑捐軀婦亦豪文章付塵土身世等蓬蒿東  
海三年旱胥江八月濤青邱明月夜遺恨照江皋

冒愈昌

字伯慶邑文學著有金陵集綠蕉館集諸小  
刻二十餘種行世

懷俞羨長

樓船簫鼓泛清尊今古風流到處存並握明犀翻海藏  
雙懸采筆照天門江山有待生文藻吳楚何心隔夢魂  
為託南鴻相問訊滄浪清濁與誰論

渡黃河

東華詩存卷之三

七

文圖

楚客乘春汗漫遊黃河如帶古今流窮源萬里來星宿  
奉使何年問斗牛風雨時時催鳥度塵沙漠漠使人愁  
淮南回首家山隔淚灑潺湲悵未收

送陳思進先生巡撫粵西其先司寇公左轄其  
地

爭看榮戟粵西臨萬里誰知兩世心天入蠻烟諸峒黑  
地連湘水九疑深名家方伯留棠樹開府中丞傍桂林  
到日君親俱在念當年父老尚堪尋

秋興八首

千林搖落薊門秋異代仍含宋玉愁  
統扇六官情欲薄

清砧一夜響初流金臺咫尺淹龍種銀漢虛無問斗牛  
風外嘹嘹寒雁度夢回雙淚在刀頭

北極星辰傍帝京南天桑梓望臯城江淮水抱游龍勢  
原野春留射雉名道上八行神並往樓中何處賦初成  
請看白髮絲絲色已映清霜故故生

中天日月麗明廷三代靈長舊典刑華夏輿情思卜世  
台垣五夜望前星經譚宸幄人皆吉德毓春宮帝已青  
一自廟堂深定策幾時恩澤到重溟

聞道遼陽尚驛驂懸師經歲重臣操江過鴨綠千波沸  
旗卷牙黃十丈高轉戰天威揚異域論功虎旅識同袍

東華詩存

卷之三

八

文園

朝鮮聲教終王土擐甲鳴弓也自勞

樓逼丹霄五鳳齊聲傳絳幘曉雞啼寅賓日啟銅龍外  
太液池開御苑西菡萏含香清露滿鴛鴦接翼錦雲低  
聖情游豫歡無極瑞榜銀鈎處處題

遼后粧樓跡已空山川鏡裏異時同逶迤石榴連周苑  
掩映峯霞繞漢宮材盡干城誰待兔恩深粉黛自當熊  
歌鐘萬井重門上王氣西來指顧中

黃鶴天風萬里還飄飄征駕迴難攀尺書一寄雲中信  
錦宇遙披駐後顏青瑣夢魂依北極蒼生想望繫東山  
可堪高臥烟霞裏七十于今鬢未斑

岷峨西下楚江深山色千盤紫翠臨虎豹層巖朝霧隱  
魚龍秋水夜天吟行邊雜佩貽蘭芷座上清言比竹林  
回首金陵論往事十年踪跡有升沈

歸雁

空庭獨立晚蒼蒼忽覩風前雁數行嘹唳聲催闕月落  
參差影度塞雲長幾人對爾能無淚何處逢春不望鄉  
轉覺相看易相背岐途南北兩淒涼

諸將五首

傍午軍書報渡遼朝鮮氛祲未能消輿圖不改依三水  
國計誰堪議八條幾處陸梁防日本至尊東顧比天驕

東華詩存

卷之三

九

文園

中丞督府皆新命會有勳勞答聖朝

世宗當日中興年海上烽烟日夜懸遂有柳營屯甲士  
不殊楊僕將樓船公私廬舍俱成燼南北瘡痍劇可憐  
獨羨總戎胡少保奇功今昔使人傳

遼陽重見李將軍藉甚威名海外聞沮水鯁人應卻避  
陰山虜馬忽紛紜兵疲戰鼓沈邊月圍合胡笳慘陳雲  
國恥家聲俱不細急須兄弟掃妖氛

晉秩烏臺九列同仍看開府向雲中枳兒嶺表高持節  
花馬池邊獨數功揮戈嫺武畧封章露布走文雄  
因思魏尚非今日即以班超亦下風

地勢天津議建牙咽喉滄海衛京華金章玉節新開府  
豹畧龍韜舊將家角沸千波喧鼓吹旗翻五采麗雲霞  
混同樂浪流堪斷清正西飛燾莫嗟

登狼山觀音巖即景得十二韻

短屐游將倦危橋足暫停翠微瞻峯巒碧澗漱清泠石  
髮侵眉綠綺衣挂壁青雲花空外現秋葉坐中零灰莫  
論千仞山真鑿五丁偶因辭世網聊得解天刑驟雨千  
龍挂罡風萬壑腥黃沙飛漠漠白晝合冥冥水氣翻雲  
見濤聲入樹聽壯心探海藏佳句役山靈變幻窮殊態  
瑰奇鏤衆形大都觀止矣高枕夢初醒

東華詩存卷之三

十

文圖

南康觀瀾閣八韻

鄱陽蟠地脉官閣倚城隅青嶂高臨楚洪濤遠蹴吳躋  
攀疑雪嶺鵬望即蓬壺鰲極星文亂龍宮蜃氣扶客程  
驚浩蕩身世入虛無浦遠迷鴻雁天空擁舳艫湘靈應  
鼓瑟象罔定探珠擊楫心寧減乘槎興未孤

興嚴寺逢施有為

吳會廣陵纔尺咫盈盈衣帶分江汜避仇遠涉訪專諸  
放櫂將無逢范蠡氣吐金銀虎阜山曲聽真偽吳趨里  
蘇臺歌舞歎成塵茂苑烟花看作綺欄管題詩滿玉峯  
論文載酒過婁水龍威窮地洞庭中象罔探珠滄海底

及至君來免後人翻令我復稱遊子揚舠直犯七仙廬  
擊筑深藏屠狗市意氣差堪俠客羣聲名誤落公卿耳  
暫還仍欲問蓬萊中道聊為返桑梓嚮往私心久未忘  
獎成餘論常生齒何緣蕭寺蓋俱傾忍使詞林盟弗矢  
萬竅含聲天籟中八音赴節雲門裏郢歌從古和人稀  
韶樂于今聞者幾王室陳風首召周河梁樹幟歸蘇李  
騷壇獨擅楚靈均近體兼推唐正始宋代浸淫雅道亡  
明時卓犖諸公起乃知天墜不煩憂孰謂河清難可俟  
淮海維揚自大都高才捷足誰雄視多君經歲遠相求  
遂爾成功堅不毀縞虎紛紛八斗才屠龍往往三年技

東華詩存卷之三

十

文圖

虛將招隱羨淮南豈必獻詩勞太史相馬孫陽諒不留  
觀風季札應須止雖然寧辨是耶非究竟空分真與似  
丹穴鴻雛總鳳毛姬家子孫皆麟趾先賢已詫眼中人  
後進誰當名下士增損重懸呂氏金流傳定貴洛陽紙  
嗟乎此意好疇論死者或生生者死

謁岳武穆祠

湖上明霞色丹心片片懸一抔猶有地三字已無天  
遲許觀父不至

時從鶴林寺遙望雞籠山故人期不至落日滿松間

晚步

小徑連城闕長林入窅冥星光搖水白月色到城青

任家港

黃雲漠漠稻穗趁泥飲田家酒半酣估客片帆秋色裏  
載將紫蟹去江南

汪君夜過許我海棠信口占謝

何處春風着海棠軍持無數倚紅粧羈人枕上江南夢  
纔說看花夢已忘

秋日村居

十里黃雲觀馬蹄烟莊杳藹望中迷到來炊黍蒸黍熟  
飽飯衡門日未西

東阜詩存卷之三

主

文圖

即景

不到山園僅五旬寒雲漠漠水粼粼芭蕉葉碎猶知雨  
木槿枝疎不蔽人

寄柯民部季和

失職傷貧士憐才感使君交非緣挾刺暑不廢論文月  
滿山樓夜樽開水國雲所嗟分手後消息阻相聞

崔時與邀同孫伯觀沈君樹陳泰交諸子登平

山閣

臨江孤閣迴嵯峨地主邀賓載酒過帆繞簷牙飛采鷁  
山當水面出青螺情深密坐催杯斝風起長林荅嘯歌

向夕更憐天似洗金波不定月明多

和黃刺史雪中見示

欲臥其如雪色何樓臺起視白嵯峨我行愁匹馬衝泥遠  
瑞喜遺蝗入地多古路侵梅金斗驛流漸點絮柘阜河  
知君不淺王猷興一曲先投郢里歌

送二如上人還山

送君孤棹早春還柳色初回未可攀千里寒潮連鐵甕  
十年清夢落金山鳥窺香積朝聞法龍臥中冷晝掩關  
他夜相思何處寄碧天烟樹有無間

七月四日同周夢翁陳敬甫阮明德集袁子一

東阜詩存卷之三

主

文圖

藕花洲別業是日立秋

繁華自昔藕花洲別業開成境轉幽映檻城隅迴綠水  
如霞樹裏出丹樓杯傳此地仍逃暑葉下高梧早報秋  
知爾往還情不厭異時應得比羊求

寄懷陳敬甫于吳門

丈夫失意意無賴斗大一城秋寂寥佳節欲看虎阜月  
片帆飛渡龍門潮周郎顧曲客已是西子歸湖途不遙  
誰念故人只善病臥看黃葉風蕭蕭

送張章子同沈別駕之官夔府

佩刀別駕返神京挈汝同過白帝城作客可須愁蜀道

之官仍自屬王程馬蹄山驛殘秋葉魚復江流暮雨聲  
到日衙齋多古意永安八陣不勝情

雨中行舟檢舊作因賦一詩先寄呈緯真先生  
細雨下孤舟涼意當秋節郊原草漸衰力不禁啼鴉此  
日逝安之至人來自浙文蟠萬字胸法吐蓮花舌贊見  
竟美資筭草空為閱無聞畏後生尚友慙先哲遺珠赤  
水中徒手安能掣莫若委流波我以藏吾拙

七月十五夜奉訪緯真先生真州舟次得塵字  
仙舟野泊大河濱良夜中元素魄新可但元經知執戟  
仍從紫氣識真人千燈競吐蘭盆會萬象齊生彩筆春

東臯詩存

卷之三

古

文園

句曲四明俱不遠同君早晚出風塵

緯真先生自真州暫返維揚李季宣侯賓之攜

酒相送同顧所建分得音字

鑿江江上愜招尋返棹邦關別思深樽至主賓仍小坐  
風來山水自清音雲帆半挂千林映采纜斜牽暝色侵  
直到迴舟分手處應知李郭異時心

夜雨

向夕西風挾雨過清宵撫枕奈愁何豆花棚上蕭蕭處  
何必芭蕉聽始多

奉贈緯真先生二章

四明自有屠先生海內文章屬四明才過八斗無曹植  
賦就當筵失禍衡晚更丹成餐玉液誰能肉薄攻金城

洞天福地鍾神物有靈寧向他人乞文從虎豹變從龍  
才則神仙心則佛慧業文人古所稀望而不見心紆鬱  
我昔十八讀由拳霞舉風流宛謫仙及讀棲真踰十年  
天真爛熳神翛然中間白榆雖未見歷歷天門夜自懸  
鉅麗瑰琦觀止矣求之今古何當比有如涉海中登彼  
化人宮雲房星殿互瓊瓏琪花瑤草爭豐茸斑麟文豹  
青鸞白鵠在在而相逢臣本如蟻蝨還復如蟻蟻魂搖  
魄悸心中忉忉何意迎鸞渡亦越白狼峯徵天兩地俱良  
東臯詩存

卷之三

古

文園

蓋

夜泊丁堰

地本千家聚時當羣盜生舟停心轉戒漏永寐無成碧  
漢侵衣淡流螢貼水輕長年須早發一慰五山情

送了然上人之京請藏兼寄袁中郎

我來東海遊逢君東海上見得君詩經營窮意匠再  
見得君禪事理了無障仍聞勇猛心直欲求龍藏往返  
遂不期彼此懷俱暢機圓鋒自投理足言非長未幾燕  
市行萬山飛錫杖吾友袁中郎開美觀昭曠寧政寄成

均君去應相訪惟是宰官身護法功無量末切苦衰微  
庶君為榜樣

曉登北山同盡之居士

曜靈纔隱隱雨色破冥冥亂樹平如薺遙山展若屏悟  
來心轉淨看去眼同青下界僧寮近炊烟曉不扃

四月十一日雨後顧思戢邀同周元禮諸君譙

集霞蔚堂十韻

為判經年袂邀衡早夏杯山光浮草樹侵蒿破莓苔色  
艷朱櫻簇香清紫笋來品緣方物薦晴豈故人開歌裊  
雲爭落博遲鳥自催主賓忘禮數林木恣徘徊飛蓋西

東華詩存卷之三

共

文園

園似窺簷北斗回華燈懸翠堵紫魄沈纖埃霞蔚君家  
語風流我輩才莫愁歡易盡紅藥待新醅

晚坐

窮陰累日喜新晴晚坐空庭對月明百里書傳鄉夢破  
十年心死世緣輕林中仙梵神魚響殿角微風老鶴鳴  
欲問前因難可識將從有漏學無生

聞王房仲病愈志喜且訂見約

風烟一水異書信隔年遲辛客傳無恙逢君尚有時乾  
坤生總寄日月照何私望望奔山畔悲歡對酒卮

同成倩聖卿一卿集瀝仲宅有懷馴卿

相別已逾月相過又一時天低雲漠漠日匿雨絲絲節  
變朱明易書傳白下遲雞籠山畔酒翻重十年思

五月七日同成倩飲承麗宅因憶去年是日子

自廣陵赴淮陰應郭大叅之聘兩君適有事郡

中饒子河上

不以貧家廢酒錢朱明長日坐留連重開蒲酌酬端午  
出饒蘭舟憶去年市上王孫誰復大天涯我友自相憐  
于今回首俱如夢感事懷人一惘然

同劉士曠曹純孺黃君求性上人避暑中禪寺

鏡水上人房分得堂字

東華詩存卷之三

七

文園

綠水映茆堂炎天納晚涼蟬聲咽高樹瓜蔓引斜陽靜  
欲看雲起深空與世忘悠然真意足一枕是羲皇

陳汝薦飲承麗宅

一室涼生處同人讌集時雄心消對酒逸興起談詩草  
際蟲鳴急城陰日下遲驩情從爛熳醉態與參差

早起出訪潛生即事

我興視夜夜如何明星有爛難聲多言念故人在咫尺  
愛而不見心徒劇一水蒹葭夢裏從十年萍梗愁中隔  
以茲結束向東城城門未開天未明須臾幸啟葢鍵鎖  
彼我應申契闊情



中秋夜同彥長君求山房對月

曲徑禪房夜自幽中天露坐景全收笛聲寒起高城月  
茗椀中分大地秋澤國魚龍驚漸冷風林鳥鵲繞生愁  
誰應此際攀瑤闕直攬清光最上頭

十七夜月

雨後生明月清光映素秋風含雙樹影天觀小池流  
縹緲催寒急葉落人望愁從來千古意屈宋好同遊

秀公房看菊

精廬幾日別叢菊早爭妍媚眼東籬色驚心八月天  
正當鴻雁候只欠酒杯傳采采無窮意前林已暮烟

東臯詩存卷之十

太

文圖

示邵存周桑子羽余希范汝七汝旦二姪

我昔挾辭賦聲華彌帝畿志大不可副名高竟安歸  
來困窮寥寂寞但荆扉殷勤二三子相與謀所依自秋  
徂孟冬三月不相違分陰果能惜所造豈其微老驥必  
千里大鳥終一飛吾道須爾輩毋徒羨輕肥

君發雪中過飲

小築南城阿遯君步履過家貧為具少屋隙受風多不  
藉壺觴醉其如雪霰何微酣清興發一和郢中歌

同陳文學孫上舍蔣居士飲孫遊擊將軍席

淮海重開細柳營鯨鯢遙避海波清將軍遂有投壺暇

揖客能無倒屣迎命酒徵歌通夕讌分曹奏技五家兵  
由來討虜門風在不必樓船漢代名

曉發真州

鄰雞催曉發疋馬帶星驅作客知辛苦逢人問道途潮  
聲千澗涌山色片雲孤六合應伊邇風烟接帝都

同履中集石文學館

委巷藏精舍炎天愜燕居風香荷氣滿雨色豆花疎問  
訊高僧至盤餐小坐餘清言况爭吐煩暑故應除

對月簡李七無競

相違才咫尺清夜不相過明月有如此美人當奈何坐

東臯詩存卷之十

尤

文圖

深零露冷秋近候蟲多載酒來朝事園林待嘯歌

書事

詔獄新開曹御史恩波仍及李將軍龍鱗徑尺嬰終免  
羽檄遼陽息不聞初政一時推上相深仁千載戴明君  
野夫逃聽堪歌詠豈必金雞五色文

得林茂之書并詩賦荅

不謂三年別能來一紙書緘開如見汝讀罷轉愁余淮  
水月常在秋風柳易疎更憐詩句好吟望意何如

晚過湛公看月短歌時六月十六日

聞公結夏山之阿穠穢不敢來相過散髮偶乘斜日至

分襟已是十年多相看神爽爭飛越煮茗焚香情不歇  
遙薦清言竹下風同懸高興天邊月江門吹浪晚層層  
江月將升尚未升誰施數罟搖漁艇自愛疎窗閃佛燈  
小坐一輪生極浦烟霞幾疊時吞吐浴水何如火齊珠  
行空故敞清虛府遙從林表破羣昏祇較宵深減一痕  
仙露泠然香霧卷空山子夜獨開門

六月廿有一日舟往吳門別筵抑之時後一日  
立秋

潤州南下買舟輕載酒勞君送遠行雲樹近連揚子渡  
風帆遙指閩間城清商素節將催葉求友春心未斷鶯  
東臯詩存卷之三  
子  
文圖

冒夢齡

字汝九號元同以選貢任會昌鄆都兩縣令  
破賊有功遷寧州知州著有得全堂稿逸園

吟行世

小齋坐雨悵焉春去聊占以酬九十於百一云  
柳絲長不繫花辦落仍飛斜風和細雨無賴送春歸  
一日送將歸百計留難住風雨擾胸寒春去知何處

題蓮上人精舍

焚香白晝演三車施食堂開寂不譁鹿女獻花龍聽法

白毫光裏露袈裟

葫蘆城

葫蘆城外水為田葫蘆城裏雨如烟城中有人半饑死  
水田不種有官錢

水田漠漠漾輕鷗無數鷓鴣下綠洲自是一航空水國  
非關楚客慣操舟

無題

美人貽我素紈扇索我題書如白練為卿吟就海棠詩  
憑將障卻桃花面桃花人面歲相同年年歌舞笑春風  
乳燕雛鶯紛作隊多情何似白頭翁

東臯詩存卷之三

王

文圖

丙寅元日試筆前十日內子稱六十壽本寧眉  
公兩先生各有贈言多津津余蜀中事

回頭六十二年身三載前稱捍衛臣幸脫餘生成墊隱  
喜偕老婦及雌辰盤中栢酒將春介門上椒圖拂曙新  
雲杜雲間雙絲筆吹噓何意被輪囷

耿玉齊過訪賦贈耿楚黃人為中丞叔臺公孫  
乃公與宗兒同薦南榜

韶齒英標衆所宗吾衰何意辱過從十年附籍覘威鳳  
千里升堂羨阿龍洵美文心兼酒德更奇雅度見談鋒  
雲霄接武先程在慙愧兒曹下體葑

沙翁舅氏六十

春酒當初度春星帶曉燈呈海蜃散麴薦江豚謝  
樹家為寶洪園竹有孫未須論宅相東莞自名門

歌姬王碧如移居

看朱成碧總難如傍水依園為卜居但是所歡皆俊爽  
轉于無意覺蕭疎蘭芬不逐紅牙盡蕙質渾消白雪初  
寄語河洲好速者他年穩倩七香車

陳紹卿參軍同諸社友飲逸園有作見貽依韻

奉荅兼訂齋期時夏五十有三日

如簑鳥語弄新晴地僻林深暑氣清最喜同人開酒社

東華詩存

卷之五

五

文圖

更憐選妓繞歌聲篴管个个偕吾醉荷菱田田入眼明  
為報園焦初築就六關齋日話無生

送范自魯之全茗幕

誰云百粵即蠻方李白曾經寓夜郎况有連青山色好  
丈夫何處是他鄉

自是君家富甲兵關山萬里快長征到來南粵文身地  
化作西川濯錦城

蜀道盤叢擬上天開樽入峽自悠然知君此去同吾意  
九折何如百丈牽

從來仕路有雲泥威鳳何曾不枳棲道路虛傳多瘴癘

篋中攜得辟塵犀

哭黃君求

絕羣超軼有如斯文雅風流庶在茲結分半生吾老矣  
行年五十爾何之祇疑辟穀餐仍健猶記當杯醉欲傲  
法帖書兼諸篆隸制科藝並古文詞汪汪千頃波為度  
濯濯三春柳是姿赴急誼高衰病友象賢躅美寧馨兒  
龍鍾雙袖乾難已雞骨終朝痛不支身後名看遺草在  
眼中人與逝波隨亦知白玉樓能急無那黃金範已遲  
簷際斷腸鸛鵲語案頭絕筆菊花詩最憐歲暮江天雪  
恰伴西堂淚雨時

東華詩存

卷之五

五

文圖

丁卯元日

千門綵勝逐王春帝轉青旂已浹旬雲黯四垂符歷歲  
雪融五出映盤辛飛揚意氣今猶在好合妻孥老倍親  
七十總然餘七度可憐零落眼中人

元夕雨作

春雨無端妒夕暉星橋火樹散霏微天公一日晴難乞  
城市千家景頓非寂寞美人芳訊隔淋漓綠筆賞心連  
三農獨喜開豐兆野老兼忻花事肥

何舜如直指按部晤談志感

晴昔分符出會昌夫君連茹奏明光雲泥下隔鴻書渺

車笠重逢秀繡香江表澄清規望重河干欵洽覺情長  
因思廿載何郎面鬢裏微添御史霜

希亮假歸話舊

與君聯社復聯姻玉樹金蘭誼倍親大物總教輸疾足  
浮名差喜乞閑身清華黼黻宸端朝笏擗散滄江理釣緡  
最是桑榆同臭味論文尊酒莫辭頻

送宗兒計偕二首

信有雕龍技能無逐鹿虞十年板祖武四度上公車日  
月新堯歷天人策漢儒莫瞻親舍遠得意慰庭趨

吾老餐猶健朋來餞亦頻衆人僉屬望爾輩詎遐巡科

東臯詩存卷之三

五

文圖

第雲霄迴文章月露新從知周士貴莫漫逐京塵

聞朝事志喜

聖主當陽片翳消萬方稽首頌神堯元立劇驚投裔  
時聞逆衆正同升喜侍朝金殿爐烟親日講玉關烽火  
靖天驕更聞新詔俞甄叙效死區區敢重微

初八日雪

去年人日花為伴此日踰人雪作花占殺故應符六德  
探梅忽已發千葩齋期並謝中山酒亂日猶思渝水笳  
時事驚心安足問呼兒謾掃坐烹茶

曹純孺攜具招同馬聖卿昆季過飲小園時宗

兒方上公車

綵酒開從絳帳餘相將勝侶過園居山梅遲我留繁蕊  
庭月窺人透綺疏恨少酒徒能罵坐席間有羞從兒輩  
問充問浮名得失相諳久好趁春風夜剪蔬

楊鄰素世兄從秦郵過我感賦兼呈其尊甫玉

衡封公

戊戌之夏戊辰春流光卅載如經旬阿翁視我後三歲  
時名藉甚噪成均跳地作虎者誰子君家兄弟童稱神  
我歌翁舞爵無并屏帷掩映笑頻淵馬一別何長久  
衣帶盈盈疎羽鱗戈向魯陽揮莫挽瑟鼓齊門工亦嗔

東臯詩存卷之三

重

文圖

英雄氣短傷日莫先後低眉謁選人興盡南虔復西蜀  
阿翁輦上何遐巡長公氣色看獨上次公竟爾奔絕塵  
少年得意唾手耳會見青雲俱致身不于其躬于其子  
尺蠖神龍遙詘伸兒曹咄咄瞠乎後所稱豚犬安足倫  
多君猶執過家禮衰颯愧余人已陳所喜麴生興不淺  
聞翁夜飲每達晨桑榆非晚仍臭味何時共盡百斗醇  
憑君寄語翁莫笑穩倩烏紗作漉巾

聞宗兒南宮捷

杏花紅襯馬蹄來馬上泥金特地催慈榜長安三日動  
蓬門氣運百年回欣逢主聖夔龍出解道文齊錦繡裁

偶爾山僧初罷奕呼孫但進掌中杯

捷騎喧闐晝哄堂晚歸擁被澹相忘兒曹好事吾何與  
世路浮名人自忙捉鼻已知驚齒折為箕殊覺愧弓良  
明朝重對鄰翁奕一任傍觀笑老狂

吳中顧楚白文學持異羽先生書過訪

有美稱癡絕千秋一虎頭何當及吾世居然見名流聞  
君渡江來踪跡先崇州范公洵開美所稱臣休休念君  
逢坎壈意氣迴自適踟躕介所知為余通書郵但云董  
尚書亦復垂青眸籠罩一世俗眼恐見讐余亦未免  
俗聊為信宿留欽敬果絕倫文采亦罕儔所嗟知者希  
東臯詩存 卷之三 文圖

送傅姬桂仙瞻禮雲臺

為雲仙子禮雲臺海上香雲法界開遊嶽定知逢玉女  
祈謀會見結珠胎輿圖不志胸山列香火新傳漣水隈  
安得與君同濟勝驟驚跨鶴去還來

荅大壑讀余兵餘集并賦逸園二律用來韻

回首驚魂日翻令澹我心乘城同失馬命社托來禽未  
有助勦績空餘憔悴吟感君來楚澤千里一知音

勞人辭死地聊以逸名園每聽茶鐺沸猶驚鼙鼓喧寧  
知近刀鋸殆甚昔橐鞬總為餘生幸非關學杜門

蔣文學貞母 詔旌

巾幗鍾奇氣鬚眉拜下風彞倫夫婦重完節死生同一  
綫存遺脉千鈞繫眇躬國疑兼主少只此可移忠  
菽水誰為共重閨况莫年代夫供子職延喘續家傳生  
死洵無憾艱難倍可憐呱呱猶在抱雙筋一燈前  
隻手扶衰祚何當已氏侵入爭挫完節鬼解識貞心四  
壁銷青火單辭卻綠林幽明同感泣耿耿到于今  
不有九熊苦誰成令子名亡人未賁志造物有平衡表

東臯詩存 卷之三

文圖

楔厓臺刻營坊侈陞旌飛輦連寶婺百歲指長庚

王侯三異詩

君不見魯中牟馬扶風蔽天不入者蝗蟲又不見李相  
雨張公麥應期報瑞芳聲噴雨為天澤麥民命代天粒  
民曰循令彼飛蝗兮亦何知不畏捕使畏仁政母謂蠓  
蠓而蚩蚩驚鴉寧與鳳鸞競我公三異兼三賢總之一  
德以格天驅除狙猾螟螣淨芟鋤稂莠嘉禾妍自是隨  
車有甘澍何事焚冠雨如注栽花馴雉安足倫會見歌  
聲齊五袴方今聖主惜民膏財賦時勤東顧勞安得令  
公盡如此率土何人哀石壕

贈吳門戚堯民

壯夫揮槊如揮毫文人用筆如用刀總之慧心兼大力  
眼前綠素亦韃橐先生今年六十四捫然猶有據鞍志  
降心頻首事丹青一一飛揚跋扈意崇州司馬賞鑒家  
壯夫文人皆所器聞之當日莫逆惟不知相器以何嗜  
人言先生義甚高負土葬師甘服勞囊中金盡揮不止  
任俠那數朱家豪司馬意不可一世延接往往重布袍  
余昔過從暱且久同時恨不與君遭重來忽忽三十載  
聖卿風雅殊文采一時同調有安仁司馬餘風今尚在  
長歌短詠為君貽時名老更噪東海寶刀不拭光尚寒

東臯詩存

卷之三

五

文圖

聊將削鋏向人彈碧嶂丹崖時一試天機汨汨幻毫端  
虞部書郵復來此識君之面自茲始問交故友半金蘭  
問年朽余同甲子手卷閒中出一披珠玉雲烟紛滿紙  
雲間雲杜極揄揚郡中陸叟吳中王眼中之人殆幾盡  
獨餘大阮病支牀此時先生已垂橐尚自分貲給醫藥  
世間底事可質為最有畫師堪假托牛鬼蛇神人莫辨  
揮灑淋漓徒錯愕更有腰金肘印人不諳何物為韜畧  
手持寸匕逾千斤望陣潰奔同敗籜吁嗟萬事無一真  
惟有先生技入神功名垂老成蹭蹬氣骨至今猶嶙峋  
我歌漫爾為君贈狗尾全紹殊弗稱雄心妙手總空華

願君回向菩提證

張相國貽詩為壽兼傍小園志感

東閣巍名北斗尊銀鈎端合署金門何當狗馬題佳笈  
更許鸞虬集敝園公書園額自謂有鸞翔虬舞之勢瓊報幾能酬鼎呂  
珍藏時復詔兒孫榮華世共絲綸美感激寧惟國士恩  
元夕大晴時聞郡城燈火特感

韶璫燭焰繁華輟燈火蕪城辜勝節風旛颭雨火樹銷  
月宮局霧星橋滅寂寥五夜闌柝聞冷落六街簫鼓咽  
今年天子御靈臺陰霾掃蕩水電摧律轉春風來動地  
蟾光三五淨纖埃不問鉦鐃并鼓吹歡聲鼎沸殷春雷

東臯詩存

卷之三

五

文圖

九微燈燦疑朝旭千門月作光明燭遊人枳塞廣術周  
肩承項負鬚眉觸巨靈斧劈渾難開豈惟不受金吾督  
錦棚翠葆雜紅綃是處佳人品玉簫踏歌聯袂紛相逐  
爭度揚州廿四橋歸去罷譙聲四下洵洵人烟猶未罷  
會教匝歲盡茲宵仍使天公成不夜于時繡斧甫來東  
主聖時平樂與同笑指銀花開竟夕行人寧復避花驄  
康衢從此日歌舞年豐穀賤價如土陽和虛徧海之東  
野叟巡園便腹鼓

冒夢斗

字汝七有三餘齋詩

送徐毓華還豫章

交臂不二月遂成百年知雲涼樹杪風馬首忽西馳送  
送河之梁冷落金蘭枝君行奮鵬翮我乃淹茆茨古道  
傷秋蓬四海識者誰高視塵漢鴻倒此沙頭危願無金  
玉音以慰長相思

登狼山塔

縱步上浮圖江山望不孤峯巒遙入楚波浪遠吞吳白  
馬來何有青牛去已無折蘆如可渡吾欲證迷塗

重過中禪寺有懷秀公

再到招提境凄然憶遠公古苔侵雨綠野柿帶霜紅世  
東華詩存卷之三 文園

路嗟多梗浮生信轉蓬不須論往劫回首萬緣空

月下獨酌遲余無備不至賦此寄懷

皎皎月當戶照我讀書帷舉杯對明月露下沾裳衣美  
人不可即顧影自依依相去僅咫尺如何相見稀

送石荆和謁銓部北上

桃花三月江水平江頭風暖吹雙旌晴沙霏碧駕青駟  
高柳織烟調倉庚玉佩寶刀客送送黃河太岳雲晶晶  
天南星斗各隱見海內禮樂羣縱橫萬里長途壯行色  
百年敝帚深交情不妨獻策承明罷月挂一簾分草庭

寄懷鄭振先表弟于淮陰

一別已經霜君身滯遠鄉談詩應我憶縱酒向誰狂淮  
浦秋陰白湖臯暮雨蒼數喚南去雁書信獨相忘

宿天寧寺慧公房

遠公真自得一袖老烟霞竹榻無塵夢蒲團有歲華晚  
風吹院淨寒日挂簷斜到此空長住浮生未有涯

夏日吳震生邀同君月張倩避暑城南小園

嘉會避殘暑涼生度水風松烟移席近花路隔谿通  
影凝秋白螢光隱夜紅翻嫌沈醉早猶在漏聲中

送徐君應募援遼

西北烽烟劇東南羽檄傳大君方側席上將欲臨邊賈  
東華詩存卷之三 文園

翊談兵日班超破虜年壯心知許國坐見勒燕然

攤書

攤書日宴坐胸次絕磊砢塵簷鳥閒窺我庭花笑向人優  
游忘卻老恬澹自能貧幽興偶然發臨風一放嘖

喜故人至

款門來酒伴清夜一尊同狂態杯中出談鋒別後雄深  
宵羣籟寂一醉萬愁空遮莫晨雞鳴猶嫌興未窮

花朝郭外散步漫成

二月郊原柳色新淡雲晴靄媚芳辰霏霏花氣偏隨柳  
嫋嫋鶯歌解和人野艇醉乘明月渡滄洲情與白鷗馴

武林溪水今深許我欲乘槎一問津

送無備之武昌壽其師徐石梁

蒹葭八月滿汀洲君去湘江正穩流兩岸芙蓉迎客棹  
千山雲樹入行舟詩脾舂湘江江水舒遠眺登黃鶴樓  
到日徐卿應下榻為言且免久淹留

過友人齋中看杏花

短牆傍古寺杏樹發穠花影落金尊底杯中泛紫霞

冬夜懷友

寒風吹短褐明月照空除有懷不能寐搔首重踟躕  
東鄰與西舍相距僅數武潤絕條經旬思君良獨苦

東臯詩存卷之三

圭 文園

雨中春閨

昨夜梅花香滿樓不勝風雨五更頭應知玉貌同花瘦  
半是摧殘半是愁

繡戶深扃長綠苔雕闌倚偏雨重來如今花柳猶然暗  
似妾顰眉不肯開

寄懷友人村居

偃仰茆菴足自娛閒看簾燕日將雛桑陰隴畔行應適  
梅子枝頭熟也無斗酒聽鶯情愈愜揮毫作賦興偏愉  
夜分秉燭銜杯處猶憶西鄰老病夫

蘇愚

字君明號心泉嘉靖壬戌進士由南刑部主

事歷官廣西布政使司左布政使有襟海紀

懷集行世

嶺東立祠

戊子蒼梧尹李君曰巽道該縣父老思余平  
賊功立祠祀之有感

憶昔當年逐粵東曾將長劍倚崆峒荆榛偶剪桑麻適  
山澤何堪祠宇隆風入松楸聲籍籍月窺戶牖色融融  
桂枝寂寞秋江上萬里蒼茫一釣翁

海天夜月

東臯詩存卷之三

圭 文園

海洋寥廓無邊浩長空皎月懸風靜不聞狂浪吼  
夜深已覺臥龍眠滿天星斗浮沉摘萬頃光芒上下連  
極目迴非塵世界飄然羽化欲飛仙

海市

萊城開向海之濱景色分明照眼親誰吐雲烟瀾遠近  
頓教溟嶽盡沉淪茫茫樓閣凌空出隱隱車旗傍堞巡  
可怪世間多幻化倏經風起若驅塵

七星巖

在東城河外傍灘江七峯拱列如北斗  
可容十數榻從後穿山元洞涉祖師殿入虛窟  
然炬直入家墳理龍凡數十洞

七星巖點青霄集卻化蒼巖傍水立皎月尋來一照之



夜夜相逢還對泣蛟龍生妒春月缺依然上下成離別  
星光燦燦空中明星巖朗朗江邊列相去不盈僅一尺  
相看祇見同一碧依附雖分坤與乾形象難論氣與迹  
霎時雲起星復滅若遭霧障巖亦撒潛見隨時孰主張  
體段自在有貞節何年生翼手可摘有能加鞭石應圻  
地平天成只在人那時熟業方赫赫

訾家洲 洲在江周固皆水而家鼻開離離山  
龍洞四面環繞昔時臺榭甚整今則荒  
蕪一綠野矣近為安家  
所有一稱安家洲云

桂林郊外多名勝傳說芳洲風景幽外聳青峯遠近合  
中流翠壁古今浮朝烟鬱鬱晴看雨夜月蕭蕭春亦秋

東臯詩存 卷之三

五

文圖

臺榭杳然何處是杞人到此不堪憂

白龍洞 在文昌門外前有將軍橋橋下泉水清  
冽源不涸曰白龍泉山半有巖即白  
龍洞巖前高閣懸  
虛最為奇觀云

尋幽採勝出郊垌何處雲窩傍野汀百尺石梁浮水碧  
千層玉笋挿天青龍潭似壑泉偏列禪閣如懸月共冥  
醉後憑欄偶一嘯谷中響應劫山靈

隱山老君洞

一去函關不可攀復來桂嶺駐人間卻緣六洞多奇異  
紫氣於今尚滿山

偕憲長沈雷門公入觀前行

計偕憲使逐嚴程揚旆前驅風夜征旅節急投還急去  
郵人趨送復趨迎叢山漠漠悲秋色流水依依戀客情  
回首望君君望遠可能縮地接行旌

黃梅道中

黃梅四野盡蕭然匹馬衝泥馬不前羣盜縱橫猶未息  
幾年災沴最堪憐紛紛車蓋休無日戚戚問問望所天  
試問路傍田父語人人惟道太湖賢

睢陽懷古

肅肅寒風吹雪霜睢陽遠憶事堪傷孤城死節神人憤  
萬古流名草木香况扼咽喉撐北障更堅鎖鑰捍南疆

東臯詩存 卷之三

重

文圖

胡塵咫尺還戡定曾說中興是許張

粵藩詰命

西藩報政五雲遙驚捧龍章御筆鮮豈有勤勞涓寸滴  
漫叨褒寵及重泉恩綸已沐三朝賜珍襲當為百代傳  
愧我駑駘疲力竭於今何以荅九天

剿撫巢

撫巢出劫無異于賊且陰納賊于巢故剿之  
平寇如何是遠猷撫巢滿嶺寶堪憂除根方得無滋蔓  
隄水須知遏細流霹靂一聲妖魄奪疾風千里瘴烟收  
乘機掃卻無難事賣劍從今只買牛

禦苗

庚辰春銅鼓提西等苗出劫欲攻清平城余  
大舉兵征之諸苗恐剝牛刻木輸罪納糧自  
是斂跡不敢肆

黔南滿地盡豺狼寥瘡痍最可傷獨計飛揚千里電  
散為摧折萬山霜剝牛以後常輸賦刻木於今不作殃  
自此潛踪山野靜還看舉目是羊腸

山海叨恩

余備兵山海十餘年前後獲功一萬二千餘  
級奪回被擄者三四人撫處司寨生叛苗

東臯詩存

卷之三

壬

文圖

犂約五萬餘衆蒙欽賜金幣七次加秩兼銜  
者二三省山海悉平

十載奔馳山海中終朝沐雨更飡風尚方七錫恩知厚  
官秩重兼責漸隆萬級辛勞憐往跡三藩平定効微衷  
涓埃報答何能罄白日茫茫烟霧濛

海上仙槎

雲漢天河遠蒼茫地脈通星移乘夕月槎泛逐秋風鳥  
鵲橋安在駕鸞機最工年年牛女會何幸忽追逢

海馬朝雲

海馬海中生飄飄水上行騰空千里迅破浪四蹄輕伏

擬何曾數凌霄尚有情舉頭頻北望嘶向五雲征

滄海遺珠

美珠出浦水之精鍾月英華間氣生不向廟堂為國器  
卻藏波裏耀光明

諸葛亭

在寶雞山嶺上有臥龍岡

獨躡龍岡思邈然觀風瞻拜景前賢籌紆鼎足三分處  
威震遼西萬里傳滿目烟氛迷遠嶼一亭清肅照遙天  
巍巍高臥雲霄上恍似隆中抱膝年

風洞山

在北城邊湘江跨城壁立橫互山實中  
亭翼然高懸巖邊有碑林一塔相照映北洞深曠若殿宇石佛在焉

東臯詩存

卷之三

壬

文圖

遠望峯巒景色妍危樓百尺倚巖邊誰將蒼翠千重壁  
故鑿瓊瓏兩洞天風帶嵐烟飛竟入月移塔影照還穿  
坐來幽邃忘塵世瞻對諸天好論元

象山水月洞

在營家洲西有山蹲踞類象下有  
石洞浮江深如象鼻觸地洞門圓

虛水波澄映  
望之如滿月

烟霧茫茫望營洲象山側立鎖江流誰開鼻竅涯邊吸  
更作長虹水面浮日落青龍抱壁臥風來神女弄珠遊  
層樓倒影穿雲看蟾窟濛濛玉殿幽

還粵感懷

曾於海上督貔貅三戰飛騰報滅酋萬頃橫濤瞬時息

新亭何事喚長流

向驅十萬逐溟濤一洗妖氛意若豪解甲歸來滄海靜  
幾人曾憶伏波勞

登釣臺

南陽諸貴日獨釣富春中苔蘚遺碑古蒼茫照月空采  
薇千古節羽翼一時功流水無涯遠高名誰與同

東臯詩存

卷之三

宋

文園

東臯詩存卷之四

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

黃應徵

字君求廩膳生著有自娛齋集行世

寄冒伯廉先生

浩浩浮雲翔滔滔江水流丈夫自多情能不悲遠遊昔  
為膠與漆良友何綢繆今為參與商道路阻且脩相彼

東臯詩存

卷之四

一

文園

嚶鳴鳥故侶聲相求明月照我懷涼風吹我愁援琴不  
成調對酒難為酬皎皎河漢女迢迢望牽牛穀則不同  
室揮淚何時休人生天地間汎若水中漚胡為自貽戚  
凄其懷百憂

同惠上人伯廉先生納涼先外舅園

一徑既委折灌木何參差禾黍紛下田芰荷散華池繁  
陰蔽白日空林羅翠帷開士逍遙至跣趺對淪漪秋鶯  
猶鼓吹玉塵見襟期遠風清曠入延賞不知疲觀槿夕  
暉麗聽鐘古寺遲茲遊豈不樂懷人涕泗垂悵望邱壑  
美慷慨增傷悲

春夜李大生招同張成倩集河東園

樹杪月華流逾覺春園遠逶迤仄徑通面面林巒異池  
迴怪石蹲洞迴閒雲睡捫蘿上危岑羣葩競幽媚時過  
暗香來不辨紫與翠微風拂松篁冷然發清思徘徊向  
北樓去去杳難誌高談興未已仍坐花間醉千秋奇尚  
愜一夕孤懷遂臨別更依依疎鐘動水寺

送僧歸衡山

君不見衡山絕頂祝融峯天門陡挿青芙蓉夜半赤日  
浮海底金光劈碎千層萬疊來心胸又不見烟霞之厓  
有石屋飛瀑松風響謾謾高僧名士杳千載空山白日  
東臯詩存卷之四 文圖

精靈哭朱陵天柱多靈文羣真鸞鶴半空聞送君七十  
二峯去芒鞋踏破萬重雲

送劉巨源遊金陵

劉子新詩字字奇逢予唱和成相知誰云良會無幾時  
不恨別君早但恨得君遲樽中有酒莫辭醉何處逢人  
無別離今宵把臂殊草草明朝相憶金陵道東臯回首  
渺無際勸君且為開懷抱北風蕭蕭鴻鴈哀江樹江雲  
黯澹開布帆宛轉茱萸路劒裝遙指鳳凰臺三山不淺  
登臨興六代應推作賦才秦淮有女稠如髮青樓向夕  
歌鐘發何日相期入狹斜與君共醉長橋月

得李彥長書卻寄

君家兄弟俱名流操觚雅志垂千秋結納重來重知已  
輕薄紛紛何足齒與予投分久相親論交寧似白頭新  
杯酒殷勤非異數感君愛我情獨真留連信宿不忍別  
泫然灑涕河之濱期予仍以三秋至痛飲高吟成快事  
買羅何辭道路賒停撓向夕問君家扣門知爾狼峯去  
悵望蒼烟不知處欲投蘭若借繩牀遠聽鐘聲怯路長  
踟躕還上扁舟宿敦然相傍唯童僕來朝襍被向莊居  
古木蕭蕭一敝廬到來陰雨殊孤悶故人忽寄空中書  
開緘捧讀不去手恍若與君相邂逅何時為罄尊中酒  
東臯詩存卷之四 文圖

感賦

去年以病正中秋今歲中秋江上遊出門道左露厭浥  
寒衣驢背風颼颼須臾回首失城郭朱曦一片開寥廓  
千村萬村葉半黃翠竹丹柏如繡錯中途遙見江南山  
幾點青螺雲外落迢迢鳥道入吾廬寂寥渾似子雲居  
蠅蛸家徧花間榻蠹魚蝕盡篋中書中庭蕪穢不堪坐  
旋倩清風為掃除僮僕濁醪供一斗披襟散髮當窗牖

俄然夜欲央蟋蟀鳴空堂徙倚不能寐江天明月光月  
光今夕白如晝可憐望月人非舊猶憶當年歌舞時清  
暉曾照輕羅袖

同冒汝九諸君飲張園分韻

何處堪消夏名園傍水濱綠陰高障日蒼蘚淨無塵杖  
履逍遙至壺觴次第陳自應人境遠寧必武陵春  
劇歡嫌漏促屢舞見天真絡緯傳秋早芭蕉灑露新烟  
深月影匿坐久侍兒嗔鄰寺鐘聲起喧喧夜向晨

敏公山房

精舍畫橋通鐘傳古殿風頓消三伏熱逾覺萬緣空日  
東臯詩存卷之四 四 文園

落蓮峯白霞開竹徑紅遠公相送處月出虎谿東

村居曉望

荒村侵曉望野色尚氤氲平楚含蒼靄空潭載白雲宿  
虛千嶂入江濶一帆分肅肅沙頭鳥翻飛不作羣

病呈伯慶先生

臥病掩荆扉貧來事漸稀三秋惟藥裹十月尚絺衣生  
計知誰是雄圖覺盡非凄其正無賴况復故人違

寄友人

荒村一徑斜茆屋傍寒沙秋色連千樹砧聲動萬家素  
心諧白鳥幽興寄黃花高館時飛夢清宵歸路賒

簡敏公

寔貧仍臥病漸覺世緣輕家毀青山在愁深白髮生哀  
鴻霜外冷孤鶴月中清何日開蓮社還應問舊盟

憂旱

早甚苗皆槁滂沱未有期百川秋轉涸八口歲何支祇  
憶桑林禱誰裁雲漢詩城頭一以眺野色不勝悲  
雷電時空發雲霓望未休草先霜降死金共火生流畚  
插勞今歲倉箱憶去秋更憐軍國計徒抱杞人憂

招敏公入社

林中期結伴方外亟相求心雜慚靈運名高擬惠休北  
東臯詩存卷之四 五 文園

山孤月冷南郭野雲留莫遣蓮池水空餘古木秋

送黃飛卿歸金陵

歲晏客心驚歸舟向石城帆檣動寒色砧杵亂秋聲興  
逐離觴盡愁從極浦生他時勞悵望江左暮雲平

秋夜城南咏月

城頭涼月正娟娟望裏千門夜色連樹曳寒陰青拂地  
波涵素影碧浮天關門誰斷刀環約閨閣空餘寶鏡懸  
最是秋來動愁思不堪今夕向人圓

書懷

生計蕭然病未除十年如夢負居諸愁來逾覺難捐酒

交絕何勞更著書萬事變遷驚岸谷一身潦倒愧樵漁  
而今擬荷長鏡去種藥山中自灌鋤

病起伯慶先生劉士曠曹純孺招飲中禪寺

古寺西風落木寒良朋載酒一追歡索居久分人間絕  
乍見翻疑夢裏看冉冉百年憐把袂蕭蕭雙鬢勤加餐  
病夫不淺淹留興明日清樽入夜闌

秋日病起荅呂公原先生見簡

涼颼微動暑初殘病骨輕衫漸覺單轉賴百憂常取醉  
曾無一藥佐加餐擬修淨土情難割夢占高峯醒尚寒  
和罷新詩愁欲絕不知雙袖淚闌干

東臯詩存卷之四

六

文圖

養病寺居荅殷承麗見簡

孤榻蕭然傍法幢狂心一片到來降時時清梵聞空界  
夜夜疎鐘度小窗禮佛自憎華髮在對僧卻笑瘦形雙  
尚餘習氣銷難盡夢向花前倒玉缸

白伯昇過訪有贈次荅

年來抱病隱牆東春事蹉跎似夢中有客清如林際水  
稱詩韻比竹間風自知鳩性難為室誰是蛾眉不入宮  
眼底青雲君自致肯將壯志老雕蟲

得冒伯慶先生海陵消息志喜

加餐尺素遠相將病裏開緘喜欲狂聞道吳公知賈誼

遂令貢禹慶王陽幾年屈蠖憂羣小此日雕龍起大方  
賦就漢庭應詔問看君抽筆奏明光

送錢麟仲秀才從軍

雨雪胡為賦遠征貂裘寶劍粵西行挂帆天盡蒼梧色  
倚馬人高草檄名百六掾曹推庾亮三千外宅老班生  
雄才豈得如龍繫衆郡懸看入掌平

題五岳圖枕

臥為五岳遊雲氣牀頭出卻笑向子平直須婚嫁畢

夜過敏公

蟲鳴夜轉寂寺破秋逾清誰是同吟者高僧共月明

東臯詩存卷之四

七

文圖

曉霽

曉霽天如拭寒烟散遠汀嫣然江樹裏片片酒帘青

月夜舟行

月夜烟波一葦杭溪山不辨總蒼茫深林想有人家住  
隔岸風來松火香

無垠上人見訊戲簡

深林臥病久離羣隔岸人聲遠不聞卻怪山僧時問訊  
衲衣穿破水邊雲

秋夜

嘹唳秋邊鴈數行一天涼月白如霜關山多少羈離夢

今夕何人不望鄉

馬馴御館玉蘭花

玉樹歲蕤覆四鄰年年花發色逾新可憐今日看花眼  
不見當時種樹人

晚過秀公房

落霞一散殘陽入空林下暝羣鴉集須臾涼月吐層城  
忽訝金波滿身濕悠然寥廓收炎蒸焚香趺坐伴孤僧  
猶嫌法界空難盡數聲清磬一龕燈

題畫

萬峯削就嵐光綠逶迤仄徑藏山麓古松數本羅翠屏  
東臯詩存卷之四 八 文圖

飛泉千尺懸綃縠洞裡花開歲歲春不許漁郎問空谷  
澹然偶坐話長生似持羣真翔龍鵠浮雲變幻未移時  
度卻人間三萬六

和李元德七月七日命家姬曝書用原唱體

鄴侯仙骨何翩翩掩關卻軌靜耽元脩然寥廓絕塵緣  
尚留習氣頻難捐牙籤萬軸時周旋美人環列絳帷前  
常從花裏食神仙縹緲掩映翠釵鈿纖纖素手柔且妍  
紛披雜沓捧瑤篇嬌慵無力數回還汗光點點露珠圓  
香澤簡蠹爭鑽研赤日燒空地欲然瞥驚火宅生金蓮  
幽情展束暗相牽忽憶雙星銀漢遠歛腕低眉倍可憐

夫君腹笥珠便便何不披襟向日眠胡為勤勤苦嬋娟  
只恐上千真宰權六丁追書入九天趣騎鸞鶴躡風烟  
諸姬擁衛乘雲輶丹文綠字霞為綬闔門道德言五千  
書成應秘名山傳羣靈呵護萬斯年

同殷承麗由中禪寺避暑城隅別業

避喧來好友憚暑入幽林為問禪房寂同探曲徑深歌  
翻鴛百轉青匝樹重陰坐覺煩縞盡微風遍梵音

秋日同吳善夫諸君集文昌閣得先字

危樓標勝境嘉侶集長筵地迴悲風早簷虛返照先江  
光千樹杪海氣五山邊松竹依荒寺蒹葭葢水田遊同

東臯詩存卷之四

九

文圖

方外伴人是飲中仙梵唄聞鐘磬嬌歌雜管絃興酣仍  
卜夜心遠欲逃禪野色疎螢點秋聲絡緯傳佛燈縣下  
界漁火出前川既醉尋歸路城隅仄徑穿

村居

小徑空堂落日斜短檠孤榻寂無譁愁來支枕難成寐  
醉起擁書忽憶家密友深情思遠道美人離夢阻天涯  
可憐竟夕酣歌處回首高城黯自嗟

村居即事

掃徑農夫問訊候閭稚子歡迎濁酒一杯自酌渾如五  
柳先生

日夕牛羊下括天昏鳥雀歸林明月東方自出愀然倚樹長吟

楊柳朝烟荏苒櫻桃宿霧輕盈黃鳥嚶嚶求友綠窗人夢初驚

江北風烟莽蒼江南雲樹微茫天霽波澄如練眼前無數帆檣

竹覆杯中綠酒門街雲外青山白眼看他世上何如桑者閒閒

晚步中禪寺

綠樹丹霞夾水明娟娟纖月吐高城香臺入夜無人語

東臯詩存

卷之四

十

文圖

唯有天風送笛聲

睡起

空齋閒寂掩雙扉獨枕繩牀送夕暉睡起不知明月上踈螢點點坐絺衣

贈許姬

飄然仙骨寄風塵不是烟花隊裏人失事何年逢帝譴飛瓊應自悟前因

周姬紅玉鍾情李郎而良緣不偶祝髮為尼聞者莫不惋惜感而賦此

幽盟歷歷總成非不入空門何處歸趺坐含情獨惆悵

可禁清淚點緇衣

春來何事最銷魂落花開靜掩門誦罷楞伽明月上數聲鐘磬度黃昏

黃輔

字弄公君求先生子將補貢不就髡為僧仍以館穀自贍署其齋曰硯盞著有怨菴詩稿

傷勞

尺麥畏寸雨此語老農傳一望田中苗水已沒其顛方當桔槔出其如雨綿綿高原同淺渚下隰成長川昨日青青禾今日黃菜蒿私念八口食上計公家錢二麥竟

東臯詩存

卷之四

士

文圖

如此三秋尚在天欲救苦無策忍見淚潸然

諭鳩

常時愛汝鳴聲細使吾幽今鳴聲自好反覺動我愁幽是閒中趣愁為斯民謀綿綿兩月雨那堪雲再浮戒汝勿復啼饑人望麥秋

答門人吳國表

問年于方少況復非常才逃名何太早百挽竟不回甘絕雲霄志俯躬溷塵埃讀書嚴自持克儉詎守財澹泊古人意斷腥自母胎卓哉延陵子彼根此其荑子也迂拙士面鐵心如灰自分不逢時遁跡邦水隈閉門耽幽



寂三徑滿青苔忽聞叩門聲趨迎疑且猜故戶得嘉客  
云為求友來手持冰雪篇願言就我裁拈題有深意烈  
婦不再媒一字一滴淚讀之能不哀更辱贈我言比方  
蒙過推吁嗟衰晚世正學委蒿萊語及臣子禮大笑譏  
與訴念子敦行履古誼竭力培我筆無諛辭我胸為子  
開相視兩莫逆臨別尚徘徊

燈下選余實甫遺文

靜夜讀君文恍如對君語醇深覘至性渾厚蘊古處一  
別十三年夢寐空延佇今得覩斯篇形神動於楮君豈  
晚近人手筆追燕許愧我非桓譚絕倫評僭舉

東臯詩存

卷之四

七

文圖

見孫

道人久忘情見孫亦歡喜長孫已七歲就傳去年始次  
孫甫四齡拜客肅容止幼孫襁褓中啞啞若有指衰年  
少開顏對此助樂只不望廣田園不望取青紫但得淳  
風存道人願已矣

園中雪樹

桑槐不記何年植古幹千霄皮鐵黑冬來葉脫質全呈  
高低深淺揚復抑雲漲江天一夜雪樹樹堆鹽光照微  
獨此數株老更奇怪似羣龍怒相鬪呼童取酒破寒威  
坐對行吟失凜冽須臾兄弟開盡來各進盤餐酒不竭

飲者爽者竟忘疲歡到黃昏猶惜別嗚呼此樹不得比  
尋常相傳五世能風霜我祖手澤何敢忘必恭敬止勿  
剪傷但願年豐穀賤人無事兄弟團圓醉樹旁

小松

館前有松五尺強龍鱗未老花能香政好山中飽雪霜  
何人移傍及肩墻墻卑偏窄凡卉伍日見羣雞根啄土  
縱教不變歲寒姿幾時長到此枝古松乎松乎藏胡不  
深乃作人間耳目玩吾惜爾材為爾歎

盆荷

去年有葉無花時客子聞淡主人咨我愛此葉堪獨立  
援筆為作解嘲詩今年花盛葉更好似酬昨歲誇張辭  
或嫌盆盎容受隘予政取盆不取池觀蓮如觀美人態  
倚市何如金屋姿又如衆中擇良友胡取泛泛陌路兒  
萬物從來少者貴況此污泥不染亭亭枝朝看日映清  
露洗晚對月浸香風馳參差出水迢開放節次只有幽  
人知常恨橫塘過遊舫千花萬蕊皆偃披狂童妬女恣  
攀折夜半微聞花歎悲酒賞不及茗賞靜人間恰與花  
閒宜彌月流連看不足花亦似喜連書惟果為解嘲報  
乃爾何惜贈言與之再訂來年期

東臯詩存

卷之四

七

文圖

青門行為邵潛夫先生作

先生祖何人無乃邵平是當時東陵侯後日灌園子世  
間萬事多變遷富貴榮寵須臾爾我觀先生不得意為  
是家貧無子老無恃只知有子樂不知有子苦陶家五  
男非不多元亮長貧竟何補先生有筆能著書先生無  
揮芝可鋤寓中曾花下一壺尚可沽把杯揮塵良朋呼  
千秋百世德不孤萬鍾於我何加乎君不見宋時林處  
士當年只有梅與鶴紛紛有妻有子誰強弱

自海陵歸連雨不能出門戶九月十二日作

歸家十日十日雨舍南舍北無乾土草屋風吹牆半傾  
坐臥一房難縱武到手稊秫不能收子落田間廩場腐

東臯詩存卷之四

古

文淵

農人來告釜底空兒啼索飯愁日中我欲周之粟無紅  
堪歎負佃貧主翁俗謂重陽晴一冬無雨聲十三拘一  
日更勝重陽晴安得天青雲散霞腳出晴過明朝歡百  
室

飲余公佑菊圃

我友有圃宅西偏種菊百本秋容鮮花時醉客酒如泉  
我來看菊今三年早花看在重陽先晚花看到小雪邊  
客子不用攜酒錢主人不必張廣筵一螯一斗詩一篇  
相與坐臥各陶然邇來萬物都無牽獨與此花深有緣  
吾生脩短命在天願天加我視息延但得爾我菊畔常

周旋那問滄海與桑田

病瘧借榻舅氏園林

喬木千章合幽居兩寺間度林鐘不斷臨水鶴常閒一  
病從茲失諸緣到此刪偶然成避世何異在深山

喜邵潛夫先生來居

五岳歸來晚幽居吾邑成為貪知己近翻覺故鄉輕種  
竹添新課論詩問舊盟若教先子在三徑日相迎

過邵潛夫先生寓公廬

信是幽居好門開曲水邊竹疎通皓月石冷臥蒼烟小  
飲盤餐潔清談名理元胸中無一事不愧古高賢

東臯詩存卷之四

五

文淵

八月十四兄弟子姪聚飲後園

亂離無日定少憩即開樽私幸存廬舍尤歡聚子孫盤  
餐何必廣語笑不禁喧來夜終宵月還期集此園

聞鴈

嘹唳秋空鴈荒村枕上聞雨寒憐翼重風急慮行分早  
下征人淚難呼亂後羣有懷牽弟妹聽此益紛紛

喜晴

雨止風亦歇天晴人意宜露華朝湛湛薔麥子離離不  
作千倉頌聊充八口饑小休先食足為此一舒眉  
門人叢有信言其幾為兵害狀聽之悚然

每念居相隔誰知事竟危耳聞猶色變身在詎能支莫  
易今朝會何如再世期信君無死法匡畏有先師

病肺寓中禪寺劉文若偕醫見存兼以詩慰賦  
謝

拙守難同調惟君愛我真原思今是病鮑子舊知貧方  
自千金重詩當什襲珍交情有如此可託百年身

穀日喜晴

人日至穀日春綠晴較多氣催花信速風送鳥聲和負  
郭應無旱江鄉定不波高卑期共稔東作莫蹉跎

夜雨

東臯詩存

卷之四

七

文圖

何處愁人雨芭蕉葉上聽近窗聲點點對面色冥冥避  
漏頻移帙驚風且就屏須臾簷溜歇階下亂流螢

不寐

布被陳如鐵冬宵永似年霜威催輾轉歲事逼憂煎鼠  
黠能翻帙雞頑不候天誰家同夢穩獨聽寺鐘先

聽雨

一春惟聽雨未得出門遊草濕妨蟲躍花遲益鳥愁有  
懷偏種種何計可悠悠不道尋芳事能無慮夢秋

中秋前一日遣候余師兼問綠林消息

一載缺周旋高齋幾夢牽月深松菊徑秋遠稻花天庭

訓先無逸村安祝有年前宵豪客過曾否失青羶

柳花

姿白難為雪身輕易受風偶辭芳樹綠亂點落花紅韻  
甚臨書幌愁多過別宮隋隄人去盡孤負滿簾攏

元旦邀潛夫先生清談

有序

予久不行節禮先生亦杜門不出邀至小齋  
作三日談如是者三年矣

守道貧逾峻論交老更真百年身喜健三日語堪親雪  
助庭梅馥風催岸柳新牀頭臘春酒聚首莫嫌頻

讀楊用修先生集

東臯詩存

卷之四

七

文圖

一疏投荒老百蠻當年峻節渺難攀禮爭三代終垂則  
家隔千山絕舞斑自去木天虛課草空令閨閣望刀環  
文章燕許斯無愧簡盡遺篇不敢刪

失書歎

有序

歲在乙酉予避亂四方室中所有無不可割  
惟藏書數千卷愛不能舍簡其尤者二厨寄  
之舍梓菴有署臯庠事者逆予不返舉厨搜  
去嗟乎收集半生散失一日能無繫情作失

書歎

三十年中手澤頻一朝卷帙杳難親愁如秋雨懷明月

恨似天涯別故人自去幾函歸靈腹重來何日會龍津  
山僧好為予傳意再購誠難況我貧

贈李彥長先生 有序

先生先君詩友也歲丙戌予館白蒲先生招  
飲出先君手書及詩篇見示箋墨如新非什  
襲藏之不能有此展讀之餘悲感交集作詩  
紀事以見前輩交情非薄俗所能及也

人情翻覆不堪論柱下先生古道尊一自雞壇盟好友  
肯教靈腹飽遺言高年作賦心偏細午夜攤書眼未昏  
屈指老成凋謝盡後生模楷只龍門

東臯詩存

卷之四

文

國

答吳公建次來韻

知君聲價重璠璣才似干將龍可屠篋底光騰三獻璞  
筆端波湧十年書班彪不用論王命司馬無勞賦子虛  
且共納涼荷竹畔行藏有數聽乘除

荅劉士曠先生見懷之作次來韻

三鱸昔荷主恩深忍見銅駝荆棘侵禮樂百年留感慨  
衣冠一日斷追尋屈平賦就江為淚孤竹歌成石是心  
同作遺民猶兩地不堪空谷信音沉

聞雞

風雨瀟瀟更漏遲有聲遙遞自鄰時空傳鄭女警夫夜

政是秦關出客時殘夢已醒難再續閑愁不退祇牽思  
年來多少傷心處除卻劉琨那得知

雪後同門人叢羽儲梅先登真州城樓步前韻

茲來跋涉興殊閑差喜江山雪後看遠岫雲迷餘點點  
奔流風湧去漫漫六朝閱盡金陵在百雉徒存鐵甕寬  
俯仰古今興廢事總輸澤畔老漁竿

端陽前一日往南莊

策蹇晨征江上莊來牟一路半登塲無名小鳥啼晴巧  
不種谿花帶露香老去自嗟猶跋涉愁深誰解獨悽涼  
楚人弔屈明朝事今古離憂共肺腸

東臯詩存

卷之四

文

國

移竹

幽居愛結水雲傍曲徑方塘卉木香添得琅玕三十个  
一庭秋色似瀟湘

掃花

幾株老樹影交加鎮日幽窗聽鳥譁一夜簷頭風雨驟  
朝來滿徑積桐花

種葡萄

一本葡萄滿架藤坐來六月失炎蒸老人素愛杯中物  
子釀新醅日五升

種蠟梅

隆冬何樹不霜摧獨有寒花雪裏開別是一番幽冷趣  
暗香時透紙窗來

重陽後八日吳次宗招同諸友賞菊時淫雨傷稼故及農事

秋菊有佳色良朋洽襟期相與銜泥至高齋菊成惟茗  
賞興未已醴餐次第隨酒美意更餘觥籌數不知主賓  
恣談笑莊詭兩俱宜檐溜無停聲樹間風正吹有人東  
鄉來迷農憂不支天意已如此人憂胡能為且盡今夕  
歡勿愁明日饑歸來夜將半徙倚睡忘遲澹泊思古人  
挑燈讀陶詩

東臯詩存卷之四

五

文圖

荅門人錢汪度

錢子有癖惟嗜書不求飽食與安居變化善領古人意  
非是頑鑽老蠹魚錢子有骨能處困平生未見須臾悶  
妻孥童僕亦知心寧忍饑寒終不恨奇文滿篋人未知  
或者反笑錢子癡窮探力索意何用世上只重多金兒  
曩昔東遊去兩歲吳越山川歷幽細歸來顧我說遊蹤  
山光水色疑衣袂我愛錢子助莫能徘徊顧盼空撫膺  
錢子不言不得意布袍落落半稜稜去年挈家東鄉住  
髣髴柴桑慕心素詩文直欲逼黃初地理天文書已註  
有時偶曬郝隆腹無門可獻揚雄賦吁嗟乎錢子自信

不是愚古來富貴今有無窮且益堅稱吾儒丈夫立志  
寧高孤何用委蛇隨步趨錢子錢子爾豈今人徒

牆傾

黃茆覆屋土為壁隱者之居惟此適晴時白晝掩衡門  
室有圖書野有笛南檐曝背北窗風自謂羲皇差可敵  
今年雨水太無節一月曾無十日歇東菑南畝白茫茫  
農夫叫道天雨血人家十堵九堵頽自墻根鼠作穴  
我家幾堵亦欲傾長竿短木聊支撐南風一夜雨如注  
勢若排山風折樹驚起兒童啼哭喧黑暗那尋遮雨具  
須臾足底苦沮洳細看三間無立處召問墻工爾技不

東臯詩存卷之四

五

文圖

堅有如此墻工大笑主人之迷胡爾爾凡物有成必有  
毀早不自謀咎誰委古人治室慮無已未雨綢繆雨有  
恃穹室熏鼠幽人始處堂燕雀智者恥君不見孤鼠不  
驅都城百雉且復隍土墻何物能久長

候宗氏妹于北莊留住月餘將歸留別裔承文  
成兩甥

欸舅情何篤知甥愛母深物將儀並至兄與弟同心舉  
目無安土藏身有僻林得時耕且讀先聖惜光陰  
亂來無遠近動似阻山川縱有嘉言寄何如覲面傳養  
高惟守儉諧俗莫爭先純孝非難事怡怡慈母前

連雨簡曹公鉉

一春花下少強半雨中聽柳困鶯聲濕樓昏龍氣醒占晴疑晚電不寐怨疎櫺聞道來牟損何由婦子寧

春暮劉文若邀看玉蝶梅

勿謂看梅晚瓊瑤尚滿枝色同初綻日辨喜未飛時粉膩迷蜂眼香酣到酒卮來朝期再過莫放曉風吹

晤劉士曠先生於北郊茶菴步潛夫先生韻

相思滄海上良晤野菴中坐有一竿釣行無九節筇西河重灑淚時先生喪子東郭素稱窮雅道淪胥久先生獨古風

東皇詩存卷之四

圭

文圖

殘冬

共說將增歲誰知暗減年勞勞嗟事後碌碌恥人前幾日猶閒坐連宵竟少眠算來無一就常伴是殘篇

歲暮移居

十載城無屋殘冬偶僦居小堪藏蠹簡隱足比蝸廬有子能供粟餘畦且種蔬羊求應過我三徑速教除

九日余公佑招飲菊邊

籬下年年醉兒童笑白頭交惟吾黨古品是此花幽得酒無餘好持螯不更求但教知己聚一夕足千秋

歸江上村途中即事

久未涉風塵桑麻眼一新野橋難過馬村酒易留人地僻干戈怨民貧稼穡親林中見黃髮疑是避羸秦

己亥暮春同門人陳彥伯弟公實姪修年遊鳳

山寺寺有宋胡安定先生祠

入寺徑幽偏環谿桃柳妍僧貧常避客樹古不知年頽屋兵戈後蒼苔佛座邊茲遊誠寂寞予意仰前賢

移講席于後圃主人余無備贈詩次韻奉答

擬投空谷伴雲眠棲息于茲尚有緣最喜主人能作賦况鄰佛地好參禪只將書卷閒銷日不用窮通苦問天蹤跡十年同夢幻頓令欣厭兩茫然

東皇詩存卷之四

圭

文圖

寄舍梓菴二釋子

別來計隔半年餘聞道城中不似初念爾每憂香積飯愛予好護石倉書子避亂四方室中所有無不可對惟藏書數千卷愛不能舍揀其尤者厨寄之窗前文杏經春茂簾外脩篁映月疎早晚林間重把臂與君相對證如如

春日遊錢公墓下初見梅花

入春常作探梅思京兆墳前幾樹遲地僻幸無攀折苦香清未有蝶蜂知甘同壟上松楸伍不數谿邊桃李姿一種孤標洽幽境好留明月照疎枝

答張君月見懷次來韻

十載相期竟未酬此身今欲老山邱君如到舍休題鳳  
我已辭家往伴鷗每歎吾儕趨落日誰知世事付東流  
夜來不作雲霄夢穩臥寒江蘆荻秋

多君交接古人情負笈攜琴每共行此去有身歸野寺  
重逢無分集江城擬參當日牛車義不戀浮生蝸角名  
卻愧世緣銷未盡佳篇讀罷又吞聲

丙戌六月初十夜同戴善長南寺步月

水村南陌古禪林有客相攜踏月尋僧在定中人跡少  
院聞鐘後漏聲沉旃檀不散諸天供竹栢交流滿地陰  
門外橫塘清徹底常容我輩照閒心

東臯詩存

卷之四

寺前有  
照心亭

文圖

丁亥除夕宿詮公方丈

莫問明朝是幾年對僧閒話不談禪功名已到黃梁熟  
恩愛何須白首全瓶浸梅花香鼻觀鴉鵲爆竹起林邊  
坐來忽聽晨鐘發喜得人忙我去眠

戊子元旦用前韻

城中攘攘為新年獨樂幽棲伴老禪禮佛有緣諸累盡  
逢人無語兩神全遙聞鐘磬雲林外閒看漣漪柳岸邊  
煮水品茶今日事一燈趺坐不貪眠

吳次宗移尊見餉賦謝

道人性僻愛深林幽徑猶然聽足音好我屢傾元亮酒

對君堪鼓伯牙琴清尊得伴何辭醉良夜無眠且漫吟  
不是相逢寬禮法那能頻過寺中尋

病

自歎浮沉五十年行藏無計問青天病來悔不求丹訣  
老去慙惟負簡編化蝶漫同莊子誕臥龍難學武侯賢  
世間或有長生藥那得仙人親口傳

五日返敝廬

茆屋深林是故園田家舊歇也開樽心寬一子能親稼  
願解三孫並候門阮籍有懷聊寄酒楚人多怨尚招魂  
春來滿眼民饑色好聽村村打麥喧

東臯詩存

卷之四

章

文圖

真州資福寺前步月次門人姜石珠韻

幽人得月趣偏饒況是松梢雪未消望去閣空江自遠  
州有江步來林靜路忘遙浮生有限真如寄隱計無疑  
不待招莫怯餘寒容易別寺門把臂幾良宵

門人李開之邀賞蘭花

握麈談詩復品茶蒼苔翠竹似山家幽人喜與幽人共  
便少芳蘭也自佳

東臯詩存卷之五

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

冒起宗

字宗起號萬少一號拙翁崇禎元年進士歷

官副使督上江漕儲著拙存堂詩集行世

砧聲

金風搖送搗衣聲思婦深閨萬縷情見說劍門新奏凱

東臯詩存 卷之五

文圖

即看烽息罷長征

望九華

昨夜南風送客舫朝來池口雨漠漠忽看天際飛濤白

失却蓮華九朶青

遊牛首夜宿祖堂

函關紫氣驚峰賒度得青牛轉法輪千仞天開龍象座

百盤雲引鹿羊車玉毫光裏江拖練寶月臺前雨散花

收攝三千歸一枕覺來何處是吾家

遊達磨洞住持僧遠供香茗

面鉅寧從鉅上參少林原是一空龕還將有住為無住

便說非三亦是三古洞雲封龍護法孤松月上鶴停驂  
何當遠供驚雷英清福能消不厭貪

歌者

聲如玉潤色芙蓉絕調當筵幾度逢幸有陽關君未唱

不教愁客感眉峰

漂母祠

阿母壺餐亦偶然博來血食幾千年丈夫得意存知己

未必當時肯受憐

白溝河

寒空低日凍雲黃逐鹿屠龍古戰場荒戍耕人春作苦

東臯詩存 卷之五

文圖

犁頭時觸缺金槍

從鄰友乞酒

葡桃一斗拜涼州乞取憑消萬斛愁願向醉鄉加九錫

應從甕裏霸諸侯

齋藥仙人未可求陶潛種秫苦無秋從君乞得如淮酒

不必時時拄杖頭

采蓮曲

江南女兒工艷粧輕舟約伴入橫塘不愁日暮風波急

但畏羅衣濕露涼

美人家住鏡湖傍日出芙蓉透體香盪漾湖中歸去懶



故拋蓮子打鴛鴦

送無垠上人之金山

剝出天根不離塵孤標矗立大江濱  
虛空粉碎無根寄月印千江總法身

一柱峰高開振錫中冷水淨偶持瓶  
眼前無限西來意拾得蓮花幾瓣青

望友

日日望君君不知寄來消息總堪疑  
忽傳四月行將到却恨三春去較遲

將至夔府寄家園諸君子

東臯詩存

卷之五

三

文淵

一入蠶叢國渾疑世界分逢山奇禹蹟是  
水帶巴文人語從空蒼漁歌夾浪聞壯遊  
今未倦悵惆是離羣

過杜工部草堂堂在赤甲山下

高吟妙入夔州後弔古今當入峽時  
山下草堂松竹隱猿啼鳥喚也成詩

別半謝牡丹

翠幕還窺半面妝醉眠猶藉錦茵香  
摩娑莫惜千回看細雨斜風是散場

送解石帆岡卿開府豫章

多難中原未橐弓西江十乘寄元戎  
金湯勢壯神京奠

鐵柱名高峻望同扶纊投膠恩浩蕩  
雅歌揮羽氣英雄天房况復饒神駿  
蹀躞堪追萬里風

雙白燕

皓羽差池信頡頏輕盈入掌見琳瑯  
競追烟景衣還雪略識秋風鬢已霜  
纖素却疑羞翡翠清輝端不羨鴛鴦  
雙雙飛向妝樓過化作玲瓏釵一行

午日與焦山僧話舊

十六年餘別皎然每瞻禪悅憶歸船  
重看五日江心鏡似續三生石上緣  
塔影舊連京口樹潮聲仍接秣陵烟  
不堪世界如棋局共坐東流落日邊

東臯詩存

卷之五

四

文淵

鄴都北城弔古

璿閣珠宮冷夕烟流瀉碧咽鳴泉天  
崩地陷終成識轉眼浮雲十九年  
石虎威興宮室從後宮升凌霄觀望  
曰我家父子如是自非天崩地陷當  
復何愁未幾家無噍類

鄴都南城弔古

築怨填愁枉斷魂纖妝凝白擁行雲  
朱華計紉周師入不及貧兒尚有村  
齊後主高緯於宮作堂側率諸內人  
開宴等作貧兒村破殿萬簷不避風  
雨與妃嬪遊戲其中

銅雀瓦

複道連甍晚照殘土花雨漬石成癭  
奸雄欺世心難死

片瓦猶存署建安

流寇掠歸德距曹單僅一水也余提師之河北  
先寄袁將軍

飄氛知又近聲息逼黃流天險庸堪恃民窮倍可憂  
臨戎思學劍却敵且焚舟方略將軍具無容借箸籌

奉命視師曹單河上濟南鋒營沂兗諸營步騎  
皆屬余調度從朱中丞疏請也

魚甲蜺旌震曉鐙憑將衣帶作長城關當虎豹雄周甸  
手挾風雷肅漢營但是潢池皆赤子恍從彼岸度蒼生  
中丞登海聲靈赫願借餘威洗甲兵

東臯詩存卷之五

五

文園

黃河誓師

虎奮龍驤氣色新如山號令撼通津駢營分寇連陳宋  
率土皆王豈越秦忍以封疆分大限為叨岳牧愧詞人  
先聲早落么麼膽不借天河洗甲塵

二月十日見秧針

二月新秧綠遍耨山農胼胝服先疇輕茵鋪綺迎風細  
粼水成紋映日浮穠稔村村連渚澈桔槔輒輒祝甌窶  
驚聞戴勝初鳴樹樹悵望吳中麥未秋

二月聞蛙鼓

數部蛙鳴喧鼓吹南荒春半似朱明林端綠樹因風舞

雲外青山遶憶迎到處靜聽含遠韻引人著勝弄閒情  
蟬聲若帶斜陽噪無限鄉思逐耳生

寄家書

出門無淚自剛腸別久情深夢短長為憶愛孫添舐犢  
家書多却兩三行

宋包樞密拯樞密守端州不持一硯其同提點

刑獄周湛錢聿題名石室東洞口字法若老吏

斷獄精敏絕倫蓋慶歷二年春也

孝肅天廟器耿毅懷孤清徙端革遺俗明允期無刑一  
硯棄不持寧失中貴情豈冠自我我樂志屢塵纓振衣

東臯詩存卷之五

六

文園

寄筆陣奇甸垂嘉名

周元公敦頤公於熙寧戊申冬勒名石室壬子  
秋偕軍事推官高要尉曾緒重至留題

元公抱遐志送懷羲皇年養疴宅物外腕力追象先佳  
遊劉碧石古蘚凌秋烟晚卧蓮花峰盧嶽環窓前行違  
自悠悠俗慮亦已捐

過英德諸灘快風歌

灘石齒齒欲啣水水亦角石怒不已短篙輕櫓術不神  
長年三老皆披靡劃然天半來長風片時吹送駛騰騰  
狂風怪石氣俱沮伊誰之力天吳功江濤捲雪噴林杪

幾片行雲逐飛鳥，  
幾尊高咏快風歌。  
渺渺予懷薄天表，  
郎石灘頭灘聲澁。  
沙硬石頑九九歲，  
長篙齊戰力不給。  
進不得寸退反十，  
黃頭舟子色於愧。  
濺珠飛沫當面立，  
惴惴錯足嗟誰及。  
何期朔風六月急，  
檣影高挂帆幅廿。  
帆聲水響共淅淅，  
驚濤崩湍轉斂戢。  
直走長灘僅呼吸，  
從容揚眉加額耳。

五月廿八日馳赴襄陽先寄王澄川中丞

三尺霜鐔六石弓，  
長驅赤日駕燥風。  
年來水火憂當事，  
豈有高深佐乃公。  
掌指山河成阨塞，  
胸羅日月破鴻濛。  
蠅飛驥尾從來久，  
今日還歸覆燾中。

東臯詩存卷之五

七

文園

荅許若魯明府明府貽書致慰詢楚事甚悉

飄忽戎心狡羈縻，  
漢策偏前車知不遠。  
夾袋豈無賢急難，  
心同熱懷人地兩懸。  
西征當倚馬崖略，  
荅蕪箋。

哀襄陽

碧燐熒熒填山谷，  
漢上天昏鬼晝哭。  
城中燕雀寂不飛，  
惟見飢鳥啄人肉。  
石塹可越天可梯，  
夜半驅馬與雲齊。  
平明十仞稱玉壁，  
日午蹴踏如雞棲。  
猱猱吹沙腥風起，  
血光激射烽火紫。  
銀鑄寸鐵沉寒水，  
鼓聲先向監軍死。  
平賊將軍轟如雲，  
錦衣聞王約麒麟。  
坐令翅虎生嗜噬，  
犀兵兕甲皆崩碎。  
輦上元黃掣飛電，  
營壘心開貪舌戰。

催官星動冷灰然，  
出不由戶誰敢先。  
鐵後為巧國殤愚，  
銅山往往稽天誅。  
自是人謀成劫運，  
空嗟恢網何其疎。

南陽距襄僅兩程，孟冬朔日寇陷南陽，破竹長驅，前鋒遂及鄆家寨，離城只三十里也。余方扶病登陴，適過客有揚帆而南者，附寄襄兒。

羽書飛日月，烽火徹霜天。  
巧婦嗟空釜，飢軍怯控弦。  
養威成跋扈，持重久遷延。  
效守孤臣事，期將七尺捐。

骨似枯松瘦，心同苦藥煎。  
致身元本分，縱死亦長年。  
恩愛曾生割，英雄肯受憐。  
不須懸淚眼，聚散總雲烟。

左大將軍 屢戰不至，余與王中丞分阨諸門，岌岌乎不能支。旦夕十月廿二夜四鼓，謀報前鋒忽退，豈畏齊之強耶。天也。

東臯詩存卷之五

八

文園

絕糧

菜色臨戎氣未揚，  
中厨今復斲炊糧。  
也知澹泊能明志，  
但少留侯辟穀方。

寄張繩海少司徒

曳履爭瞻北斗崇，  
能攜雨露助元工。  
三征民力憂當宁，  
十道軍需藉上公。  
夏典度支垂禹貢，  
鄴侯轉饒給關中。  
投醪挾纊軍聲壯，  
會見扶桑早挂弓。

襄陽一片焦土，無問予遺矣。比閱鄖陽府地里圖冊，郡城幸存而殘戶僅四百所，轄六邑，每幅各画一白圖書其上，曰：此城也。今亡矣。其點綴

於殘山剩水間者累累皆枯骼天乎致有今日者誰乎

已見方城付劫灰那堪糜國總蒿萊覆巢何處尋完卵  
盈野無人哭析骸半壁邱墟餘地險崇墉槁振豈天災  
養癰忍見前車覆大創能無仗後來

千雉荒涼枕碧阿星羅無復舊山河青燐入夜搖風燼  
白骨生苔照月坡再見流亡過鄭俠空傳圖籍委蕭何  
含凄幾下滂沱淚鼓吹何時序止戈

寄鄖陽分守高元若大參

梁域分疆肇憲皇高牙此日控金湯登壇傳檄馳天馬

東臯詩存卷之五

九

文園

鈴閣披圖下鳳凰西顧頻年煩廟筭南征計日靖危疆  
同舟況是同心侶毗濟還期藉迅航天馬鳳凰鄖陽山名

七月三日發襄陽感賦余以綿謫承襄之益為

代桃之李也而主爵者忘其為苦李再調之於

邵陽病日益深矣直指汪公會疏代題余始得

理歸棹致之死地而乃以生幸哉

兒童目送片帆東拍手銅鞮自漢風到日旌麾張灌莽

歸時書劍伴江楓獨病寧問三年蓄噓稿誰論一溉功

此去浮踪輕似葉願將悔禍乞天公

鴨頭潑綠縱輕舟漢水吳江一色秋授楚天心知未艾

還山吾意復何求塵纓幸借滄浪濯僻姓差堪覘首留  
薄祿病夫公望淺却教容易出升州

江行

三年淹苦海一葉下湖湘但覺歸帆疾那知險路長孤  
騫親僕從良藥作資糧引領看江色鄉雲尚渺茫  
曉發仙桃鎮湘流復幾灣舳舻遶侵白浪枕上度青山荒  
忽思難搆呻吟口未閒汨羅懷屈子清淚蘸潺湲

過彭蠡遙望匡廬

我行命秋帆駛若飛黃驟奔雪吼遙空驚颺暗晴晝巖

香逋征艫獻翠霑雙袖九隅疊錦屏萬瀑標丹霄帝竹

東臯詩存卷之五

十

文園

蕭鸞皇廕藤擬猿欹鏡影輝夕波鑪氣蒸朝岫攢峰獅  
象窺翻石蛟螭鬬一筏駕紫霄雙龍渡元圃南嶂迴青  
牛西林駐靈鷲明霞絢厓蘚藥時垂芬茂前聞石鐘發  
如聽蓮花漏神燈遠欲迎清池芳可漱白社更何人冥  
棲千載後塵鞅幸破除冥契應輻輳長嘯五老峰吾言  
當不謬

張成倩先生一代文人也諸兒皆奇竊流落余

百計周之更贖產餬其口今春大稔計口授糜

者五浹月而終不能有其命心竊媿焉曩聞劉

士曠云成倩有孫質甚敏雞髮從僧余旋物色

之而士曠逝矣偶延僧守先祠得芹湖老衲鍾和因託之踪跡張生老衲曰即吾法孫也法號佛知余喜而作此

臨風玉樹特蕭疎幸有文孫讀梵書六德未酬疑造物一枝橫出託香居緣從耆俊殊欒卻性是山林薄里間休道逃儒慚接武雲棲原是棟梁餘

錯認無錐是赤貧任教俗眼難嗤嗔貂蟬七葉晞朝露文史三冬老積薪願向瞿曇參魯史肯將龍象易麒麟蓮花社裏堪飛錫愧殺虛名附逸民

示褒兒

東臯詩存卷之五

十一

文園

門庭寧可恃蹄齧未為雄不少金根字難臨玉樹風文章慚驥子天運任陶公他日披遺草將無負阿翁

人有飢欲死而鬻其女者偵之故明經嗣子也再至力謝之其人捨地泣曰吾家絕粒兩日矣鬻一女將活四命公不可常問諸水濱且吾不挈而他者恐急投不擇將不知所終吾就食公廩時與紀綱有婚姻約今踐之幸矣余曰吾亦明經子也即有成言可從乎乃其人奄奄面如土其妻被敗絮蹲而寢女年十四縷寸裂凍且欲僵非可支旦夕者因囑襄兒熟計之與之廿

金佐其急而女畜若女俟稍長為擇婿焉仍書券後付之其人破涕為笑拜而去冬夜與老妻圍爐課兒讀為賦二詩而隱其姓名

救死從知甚救貧辱身何至辱其親未能閉口甘棠面忍令枯鱗泣斷津解橐頓延泉下客結襦還待里中人

不煩遠引傍州例吾父當年亦國賓泰山黎敦總茫茫當局難憑看散場貧不干人膠柱語窮能達變救時方悲興狐兔今猶昔牒下鴛鴦幻亦常兒計已周吾意快任他智短不須彰

貴賤久暫須駕齊牒下始成

東臯詩存卷之五

十二

文園

癸巳元旦

六十四番春浩蕩風光依舊著衰翁甘回橄欖餘渣滓樣画葫蘆少異同難得迎年偕伉儷且將得歲讓兒童朝來釋凍題新句子墨新書第一功

襄兒奉母之郡為禾孫畢姻余久杜門未往也玉簫明月自揚州笑酌屠蘇泛碧流光覆一堂當合卷扶攜三世美同舟繁華莫羨流風在雅道應從我輩留鴻案暫時煩獨舉歸來還見錯觥籌

敢言養拙道常尊十載苔封屐齒痕五嶽向平人獨老蕪城鮑照賦空存從知介福膺王母豈獨賴年暉愛孫

看罷九微春正好雙星先照翟公門

荅內寄彩漆金扇

鼓瑟期仍遠招涼意自深陸離輝五色鄭重比雙金自  
合同膠漆寧惟篤藁砧合歡人易老莫待景風侵

幼子

遠爾爾何辜分明累老夫晚生偏易長縱好不如無却  
顧同難助難言是蚌珠前因與後果是否盡模糊  
得力知何日孤危却此時夢虫生自苦蟬鳥細難持薄  
俗憎駢拇單門似累碁千鈞制三尺斯語未堪嗤

新春

東臯詩存卷之五

圭

文園

心力短于殘夜盡流光迅似下坡輪迎門春色憑深淺  
入座貧交但隱淪計日將為曾大父虛生殊愧老成人  
微吟細酌年年例且慰疎慵冷落身

哭墓

松楸迷望眼搖落歇鳬車有子今還里無人更倚閭徒  
然瞻宿草猶得檢遺書曠戾終難贖呼天祇自歎  
疇昔乘輅日登堂攬德輝蘭英擎玉斗宮錦煥萊衣烽  
埃三年隔杯棬九地違纏疴依宰木猶勝采山薇

送李小有遊五山有懷范熟卿異羽先生

遐舉還如靖長官雙鳬到處走烟巒胸涵寶月千江淨

眉聳孤峯萬象寒緋甲華旌新壁壘白蓑青笠昔鸛鸞  
靈光孤峻千雲表攬勝懸知倚笑看

寄李映碧

停雲靄靄咏南窓鳬渚浮來尺鯉雙淪薄三秋心匪石  
繽紛五色筆如江拜鵲幽意憐紅葉茹藥迴腸倒玉缸  
獨愧逃禪人境內虛從離垢禮高幢

千頃汪波自結廬中央宛在美人居不將絲竹酬游屐  
每向琅嬛探秘書筆底霜華留紫橐竿頭澄彩照紅蕖  
九仙豈是烟霞骨况復青青鬢未疎

癡兒受業家塾感賦

東臯詩存卷之五

圭

文園

吾祖及汝褒溯源已四世五十有五春家國等殊致茲  
汝受學年恰符余叢歲余承祖父蔭聯行從兄弟叔遜  
余兩朞同堂習文字晨昏揖大父溫語勗余志月朔頑  
楮毫時有青蚨賜几席見古朴異物無所嗜通籍遵明  
時稍為報親地余齒已踰六視汝在童穉汝有我所無  
情境迥然異開徑柏森森軒窓映蒼翠挿架富縹緗日  
入青燈繼仰訓佩服師言墳笈和同氣六籍效前修二姪  
剖疑義勤劬惜景光忍令分陰棄褒也當勉旃躍治非  
良器

讀書

營營鑽故紙老至癖難忘就暖開風牖羞明起月光沉  
酣疑中酒飽滿任撐腸近得無言意何妨棄墨莊

吟詩

閒情消不去終日役吟魂柿葉書將徧鮫珠笑幾存壯  
夫羞弱翰素業老青門三復先賢語心閒道自尊

兩孫從師就塾賦示

青箱奕葉自門風濯濯孫枝發舊叢老去鍾情慚砥礪  
年來戢翼謝冥鴻敢將輪囷煩宗匠賴得鑪錘似化工  
爾氣方新吾日短可能跨竈慰山翁

海內聲名讓巨公也曾塗抹過西東橫金未竟千秋業

東臯詩存

卷之五

五

文圖

背水猶收一戰功不道獲多皆詭遇偏從心苦識良工  
搏扶萬里尋常事勛勳還期挾厚風

得失都忘付楚弓轉因後事憶前功總饒絢爛歸平淡

未許離奇薄渾融得力手操生熟外忘筌神妙有無中

迎機指點馮明眼衣鉢何當問拙翁

余別號拙翁

經閣夜坐童子燒橄欖按成蘭花即用花字

不仗東皇力能開頃刻花火中蓮共榮室外月分華是  
幻非無色皆空未有芽靜中推種子何處覓天葩

回味原無味非花却是花不芬如待女頓發豈還家拱

臂蜂難近搖金鏡易斜琉璃光四照疑是獻曇華

男子種蘭

美而不芬故蘭曰待女羅含致政還家蘭菊  
叢生蜂採蘭花則拱背獻于王不置翅腹間

棄兒吟侵癘交作道有棄兒因令家僮之無子  
者收而子之然而不勝收也吟此告同志

棄兒任兒啼收兒任兒笑啼笑兩不關赤子亦何竅葵  
菜徙蓼蟲蝶羸祝速肖棄者胡不仁收者寧責報之死  
而之生相反乃相調詎云人事乖因知天地妙豪門座  
寧馨掌珠安足道修短在後來眼底烏能料

湧月亭種竹亭後山凹移愛日堂之竹實之堂  
去竹氣疎亭得之陰合一舉兩利焉戲書于壁

損却此堂餘來補此山缺朗朗數十竿雨過綠偏潔疎

東臯詩存

卷之五

六

文圖

密相所宜離披從嬖屑曲折紫姑屏連蜷翡翠節蕙微  
掩晨曦高蟾影疎微損之乃益之詎謂山翁拙青東  
隣竹他手幾攀折堪嗟逆旅人肝膽自分別

登狼山贈王宛委大將軍

看山償夙約衝暑愜良遊登淨千山氣龍鳴萬壑秋將  
軍寬禮數騷客託風流醉石從揮筆燕然勒壯猷  
麒麟需漢閣虎豹儼秦關人傑山俱壯時平浪亦閒星  
辰窺玉帳日月耀龍鐶却笑吟唔子浮名蝸角間  
分封憑一水競秀埒千崑風舞杯中樹雲奔鏡裏帆狂  
歌潮欲答襍穢日將銜卜夜酬高興休嫌面北衫

九折奇堪奪千尋險若巉蒼烟生短屐紺影拽輕衫禮  
佛投蛛網談兵啟豹函將軍依大樹涼月照松杉

明月何皎皎

離人不能寐愁多苦夜長矯首望明月挂在天一方忽  
爾入懷抱似已鑒衷腸衷腸何所道尋思轉徬徨豈不  
睹清輝清輝為誰揚豈不穿羅幌羅幌為誰張蕭蕭鼠  
婦室漠漠昔耶房徙倚復躊躇悠悠只自傷安得和琴  
瑟永免參與商皎皎復皎皎共此明月光

俠客

芙蓉如雪氣如雲瀝膽張肝誓一軍兄事田光弟朱亥  
東皇詩存卷之五 文園  
千秋只少信陵君

登金山

丹梯危百尺水國削青蓮浪蕊天花亂潮音祇樹懸龍  
聽臺上法鳥喚渡頭船容與如開鏡平窺螺黛妍

贈僧

信步即三千游方一坐禪碎瓢隨月滿殘袖攬雲穿細  
雨荒村外秋風古渡前草鞋隨處住不帶買山錢

繡襦豸

簪纓輝映齒相驩指上神羊坐裏看笑語酒亂苟不得  
栽栽頭上惠文冠

送友人之秣陵

才子風華到處妍鳴榔擊汰渡晴川月明紅板人如玉  
花爛青谿酒似泉

題姜木生雪萍

萍踪是處可婆娑新買吳舫足嘯歌一葉烟霞浮碧渚  
盈囊珠玉煥星河魚銜月影橫吹雪鶴送烟容半入波  
載酒持螯秋色裏各天其奈美人何  
仙人籍係水雲鄉画舫鳴榔引興長鷗鷺無心成眷屬  
風波不定悟津梁狂歌忽破魚龍夢夢消醉偏宜薜芷香  
為念鯨鯢搖瀚海可令舟楫老滄浪

東皇詩存卷之五

文園

春興

莫惜醉如泥春光彈指過道旁古人恐是傷春卧

泛泊

澄湖千頃碧一葉趲斜暉輕帆迎風上孤帆拂雨歸水  
花涼噴酒岸柳遠窺衣眼界真空濶吾將買釣磯

寄吳寧野于南雍

賢關黼座足千秋負笈橋門愜勝遊何必汝南標月旦  
會從江左擅風流三山蠟屐乘春遍高閣然藜入夜幽  
矯首舊京烟霧裏幾時乘興一相求

京口晚泊



落日雲光黯前林鳥碎喧避風艤上岸迎月叩前舷漁  
火江中市人烟水面天輕寒兼獨夜幾度不能眠

李元德掩關代東

塔疑南郭仄心後兀自西來面壁餘屐齒鏗然苔影破  
風光絕似化人居

七夕舟中懷萬年少

綺節雙星渡他鄉歲幾過人閒凋玉露天上卜金梭用  
拙元吾性才高奈爾何仙槎隨處泛曾否近銀河

贈別

蕭瑟寒光暗酒卮河梁執手轉淒其別君莫作尋常看  
東臯詩存卷之五 文圖  
如此紅顏得幾時

望大觀樓

南北憑天險浮沉愧病身揚舲秋帶暑迴櫂歲臨春樓  
閣迎歸客金焦揖故人中流誰砥柱浪蕩一波臣

朱觀之還沔陽

鳳毛池上襲餘芬挾策南遊數冠軍蘭氣早投爭把臂  
菊觴時泛慰同羣彩毫似妬三山月鄉思先縈七澤雲  
揮袂江干更回首乘風孤棹挂斜曛

差池雁羽獨南翔浩渺江天引恨長解佩相傳從漢水  
離歌已覺動滄浪迎船沙鳥時窺酒隔岸江蘿晚送香

烟雨樓頭寒色早懷人應結九迴腸

石柱秦女師再出塞

張皇昔重元戎乘盪掃今推娘子軍莫訝封侯無骨相  
劍花搖落石榴裙

余仲彥遊白下

江練初澄一雁飛南朝風物舊神畿三秋葉滿長千里  
八月潮平燕子磯好景欲酬誰共醉勝情不淺易忘歸  
東臯雁侶頻相望莫使京塵化素衣

仲春五日余奉使武康為駱乾沙宗伯營葬同

官水向若程愚溪張瑤碧林紫濤姜端公徐旂

東臯詩存卷之五

文圖

明出餞於報國寺向若有詩前三日余偕諸公

餞林石房於此

香剎臨官路松雲覆祖帷同君送客處便是別君時日  
月隨輪轉風塵有鬢知吳興清遠著應寄越中詩  
賜地君恩重乘輶驛路賒離旌歌折柳倚馬筆生花送  
暖春風細輕陰暮雨斜懷人兼惜別隨夢到天涯

別馬

追隨年再易一顧一含顰雨雪趨朝候風沙報客辰連  
錢渾不惜芻秣且甘貧明日長安道揚鞭屬要人

途次書懷

飽食風塵味停車憇夕曛攀藤依古木拂石坐涼雲遠  
樹斜暉淡迴溪短棹分歸鴉催去馬何處覓微醺

晤聊城裴明府詢魯仲連射書處

霸圖既云沒斯人亦掩鉢寂寂古聊城風烟帶草黃精  
靈隨矢盡俠骨與書香舌上解連環兩國息蜩蟬我來  
訪遺跡遠樹生青蒼因君溯高風執鞭耿難忘千古無  
長圍戰壘幾滄桑昔為射書地今為馴雉場敏手揮五  
絃化成民以康靡爭思弗緩吾將咏甘棠

送黃逢永還粵

蘋末多緒風颯颯吹征裘我友遠行邁設祖臨道周綠

東臯詩存卷之五

王

文園

樹何陰陰哀雁鳴弗休踟躕不能別川道傷阻修遙遙  
度南嶠去去指炎州戔戔羅浮山浩浩增江流中情浩  
難舒徙倚心煩憂所憂非夢隔嬋婉違好仇

偶過金鄉范張祠有懸鵲貧士擁殘編而枝棲

祠側者詢之則清白吏子孫也為之感賦

行部東緡地祠經雞黍城二載信有孚千里晤巨卿交  
歡締金蘭穆穆道風清何來鴉結者攤書類儒生寄息  
此祠下所託歇高名自訴清白裔廉吏傳芬聲楚相那  
可為優夢猶虛驚豈無翳桑濟令爾枵腹鳴當知趨汝  
南元伯望匪輕終古感石友因傷澆墓情

寄襄兒

世路風波到處生人前切勿肆譏評伏波愛子垂明訓  
聞過如聞父母名

寄鄧陽盧九台中丞往歲公備兵大名兼制曹

濮時余代匱西充兼制開明聲績蓋相埒云

千里滄浪接楚西鏡歌如和白銅鞮地連冠蓋過樊口  
城壓旌旗出大堤數道流移歸遠馭先皇湯沐見遺黎  
當陽陵谷依然在作鎮還看王斧齊

仲冬廿五日招同社諸子放舟出南郭酌張成

倩先生墓

東臯詩存卷之五

王

文園

文章雄伯更風流絕代高名土一邱千日却醒仍有望  
九原難作復何尤行來願荷隨劉鍾興盡還同訪戴舟  
瞻拜不知霜葉冷椒漿應與淚俱流

山邱零落鎖蒼烟醺酒臨流欲問天魯國靈光猶屹若

謝庭寶樹竟蕭然荒臺暮雨遺琴寂蒿里西風宿草芊

後死吾曹情不淺練裙忍令泣殘編

南安懷古宋紹興間張公子韶謫至南安寓寶

界寺自癸亥至丙子乃北歸與生徒講易講學

既退則自執書倚柱就明柱下甃甃雙趺隱然

因題柱以識云平生好書老來病目執書就明

於此者十四年矣寺之鐘樓有東坡画竹詔侂  
胄者剗而獻之

羣山歷萬仞行至南野岡跋涉連宵晝稅駕聊徜徉天  
空海雲流地古霜梧黃遐哉子韶翁忠嬰權相鋒謫居  
卧此郡結廬蔚藍中從遊共譚枕慷慨吐心胸有時手  
一編倚柱就高春積歲十有四雙趺印石踪坡公有画  
壁飄拂檀欒枝媚子斷烟梢徒貽後世嗤而我塵仰止  
高山儼在茲銷歇尋常事高名千古垂

端州二十景短歌

東方吏隱真遊戲浮生踪跡同飄絮偶然挂席古端州

東臯詩存

卷之五

文圖

公餘露冕仍探幽城南好山轟如蓋朝浮濕翠暮浮黛  
層巒高峙北郭隈嶽嵒磊落若崧臺崧臺雨歇月復霽  
長天一碧無纖翳松根石室猶星羅半皴苔蘚半藤蘿  
兩崖傑立呼羊峽風曳歸帆疑倒插澄波拖練點白沙  
鷺鷥側頂窺魚蝦委蛇仄徑懸孤嶂夕陽佳處堪支杖  
王演溪迴水不波菰蘆花畔聽漁歌綠陰裏藏蘿洞  
石牀龍醒鱗甲動小艇閒撐過瀝湖忽然驚起雙飛鳬  
何緣峻嶺開金闕朝陽自有神仙窟寶陀原不讓清都  
夜深朗月浸冰壺星亭半出雲根側初晴忽幻琉璃碧  
芳塘綠綠淨于江游鱗鼓鬣影雙雙仙槎蕩漾不綰柳

隨風直欲通牛斗一蠟倒景鏡中斜歸鴉小隊逐晴霞  
杯峰潭面堆蒼玉荇香沙暖羣鷗浴回看天柱若斂虹  
吸乾海國驚鰲螭我行疑在画圖裏腹果烟霞良可喜  
幾番欲返仍徘徊此間勝概猶蓬萊

同王訥吾憲長遊星巖

千峰攢碧落一徑入空濛日月長如此烟雲果不同懸  
巖星列岫虛谷鳥呼風清興原非淺陪遊躡屐公

陪巡至新興深夜聞雷感咏先宜人晚歲悲驚

悻畏聞雷也

有雷殷殷中夜十起我母暮年時掩雙耳逸矣容徽去

東臯詩存

卷之五

文圖

日如駛樹息風搖空想何恃

有雷殷殷我淚如雨母豈不聞晏然泉土倚與昔賢環  
泣而俯遊子飄搖欲飛無羽

錦澤山山巔有池陸賈嘗濯錦於此屬封州

春烟滴曉羅衣濕錦濯溪頭風習習喚起鴛鴦避擣砧  
好分鶴夢和烟立

後里麻行隆慶五年冬倭犯高州吳太守明卿  
與叅戎陳豪擊敗于里麻有里麻行予作此追  
美之

君不見漢代吳公治行稱第一未聞將將師以律又不

見魏邦吳起夙嫺兵未聞筆陣能縱橫猗歟守臣吳明  
卿楚林表揚芳聲屈宋馬班腹笥盈一麾五馬來高  
涼島戎蹂躪民倉皇平地駟濤肆鯨鯢桓桓文武掃機  
槍里麻營壘布六韜拳旗海嶠雄風豪雕戈忽駐扶桑  
日疆弩仍平萬里潮直以偏師當八面東突西馳疾森  
電燄結負創俘馘多晏我名城與赤縣一戰功成粵嶺  
東姓字于今輝志傳誰言隨陸乃無武半壁從茲久安  
堵予來講事觀樓櫓遐思昔日奮擊鼓眼前奕奕猶斯  
斧臨戎折衝在樽俎

望海樓在城東演武場左

東臯詩存

卷之五

五

文圖

直上丹梯紫氣迎遠浮白電半空橫仰攀斗北聞天語  
下眎瀛東與地平霞氣斜連蠟黛繞日華遙帶浦珠明  
氛埃電掃凭寥廓截海雄圖罷鼓鉦

歸鴻亭

幾點逐空來風高字不開青春度長塞白露下層臺

零洞水

漠漠山色斂斜曛汨汨泉聲遠漸聞瀑布不收千日雨  
濯纓猶帶半空雲

定心泉和雙泉吳公韻

乘興涉丹樓梵唄閒幽磬石泉瀉遙岑淙淙雲外聽鳳

簫引山腰龍領噴冰瑩清將沉瀝同潔以空明孕悠然  
萬壑閒松濤呬谷應吸之冽且甘名心曾否定

贈監軍余天有

上將胸中富甲兵肯容羣醜巧行成兩階千羽苗終格  
八陣風雲蜀有名轉餉夙聞蕭相國屯田誰總趙金城  
兼資共濟推英望緝武應圖閣上名

陳則梁餉米

恒雨村春絕噉噉索米頻人情原有盡天性恥言貧多  
壘繫羈思他鄉滯病身桃花煩屢贈恍見故園春  
產桃花米

東臯詩存

卷之五

五

文圖

暫寓海陵蒼宮紫元

生計頻年與世違天涯歲晚倦將歸燈前屈指人餘幾  
檻外看花葉亦稀兔免何須三窟就飢烏聊借一枝依  
凭軒迸落龍鍾淚不獨人間萬事非

襄兒寄甘家硯蓋劖舊硯而改作者試之膩而

堅密而澤真巖石也喜而紀事

吾兒寄甘硯其長不盈尺色若猪肝紫又如火黯赤面  
勒編鐘形背縷介圭迹着手滑不留津津滋玉液才德  
殆且兼邁越流輩百我昔官端州斧柯隸赤籍蚌坑秘  
元雲巧匠未一役聞者盡揄此公真笨伯十載荒硯

田忽焉得巖石雪索對故人冷光飛大澤寶山昔空回  
萬里今几席忘機物自親猶拾竟何益

六袞代觴

驕陽薄太清爽氣乘西顙夕風泛碧滋晨霜隕寒藻軟  
顏宛夢中一瞥成衰老丁歲伏名根學道苦不早介命  
石火閒譬彼棲塵草氣勝倒崑崙神雕怯魯縞飛揚竟  
何之含酸送枯槁乃知鏡機士惜陰以為寶

田園幸未蕪婚嫁亦云畢舉案挈妻敢言遭良匹膝  
下數男兒約畧好紙筆涼招北牖風暖迂南簷日芟芻  
有餘甘易安惟容膝杜機避三端斂懷謝六逸無事心  
東臯詩存卷之五  
主  
文園

太平寂寂非所恤

榮木歎晨華耆歲實天假介壽更稱觴盡人皆子也罔  
極耿同懷悲歡情各寫爾既愛所生誰為生我者白楊  
拱道周元廬扁荒野年隨頽魄馳淡逐傾雲灑無能贖  
百年忍復陶三雅梧槽滓餘哀尊湛不能把  
去年弔東隣問年五十九今年弔西舍同生僅先後委  
蛻聊苟延蕭瑟如冬柳修短妄較量究竟歸腐朽五嶽  
既蕩汨七尺寧我有逝者未足哀存者亦非壽朝菌如  
大椿桃根嗤土偶齊物且逍遙我愛蒙莊叟

東臯詩存卷之六

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

李猶龍

字元德號海嶽萬歷己酉舉人著有海嶽山

房詩集行世

句曲山中

晚山畱落日秋草帶餘暉淒風襲人面紅霞映人衣依

東臯詩存卷之六

稀數飛鳥與我同言歸

憶我來時路紆迴亂石蹊狹橋臨淺水古木空存皮遠

峰出天際好鳥林閒飛悠然復欣賞此意誰能知

已是穿山道何來夾徑溪微波兩相映靜對如有知中

隔一線路介然人用之清趣自不俗小景却絕奇盼玩

忽復去徘徊畱餘思

贈錢博羅

仙緣契若神握手問元津心遠情偏洽交孚語自真錦

堂驪曲讌法海授奇珍彭老原同趣相期謁玉宸

贈范異羽先生

少伯挾奇畧優遊尚掩聞筆兼義獻法詩在漢唐間  
紫千秋壯經綸半世閒獨耽泉石趣何以濟時艱

哭呂公原

我未成金液君先赴玉樓別離經七載臭味足千秋  
煥爛鍾王蹟銷沉管樂籌海天知己濶黯慘不勝愁

臘月廿九吾母生朝也塗中一律

子舍趨庭日公車攬轡時牽衣驚屢別畫錦尚難期  
恨共雲山積愁隨去路遲酌言祈壽母誰與寄離思

二月登白狼山謁泗州大聖飲大觀樓

地湧羣山護一州天開翠幃幾千秋吳山蜿蜒杯中物

東臯詩存卷之六

文園

市舶飄飄水上漚曠覽勝情招海若酣歌壯氣罩江流

僧伽法眼應知我可以似當年許鄭侯

北上述懷

滄洲嘯傲自狂生醉望天山氣未平見說夔龍趨類水

是年車駕幸國學不聞貔虎習昆明閒探柱史藏中秘夢帶長

源骨裏清却笑無心雲出岫也隨車馬逐浮名

贈盛堯民

敦交厚義久知名一笑相逢百斗傾夢寐松風高士韻  
淋漓劍血故人情千層巖壑毫端現萬里烟雲指下生  
最是賞心堪憶處酒酣撾鼓快談兵

夏日遊汝九表兄逸園賦贈

功成避賞賦歸與結構名園樂有餘西蜀孤忠堪竹帛  
北窓伴卧只詩書花前酌酒歡歌發月下環池弱柳疎  
銷暑更饒清絕處亭亭綠篠映紅蕖

汶上早發

雲淡巧隨風作浪春濃徧織柳成絲何時下馬一尊酒  
笑語燈前慰所思

睡起偶成

靜卧閒窓萬慮虛雪兒纖手試茶初因參枕上羲皇諦  
誤却人間半卷書

東臯詩存卷之六

三

文園

贈師琴師姓韋氏號樂窓鹽城人

有目盡能視茫茫雲霧過師以無目明眼光轉獨絕識  
余總角時詫匪凡兒埒稍長益復親氣味日以洽好談  
古人事終日語不歇時復吐虛懷疑義務剖抉旁觀多  
反脣不解作何說譬彼嚶鳴者同響自相悅劇談獲名  
言欣賞誦不輟謂余命世才巍科行可掇出必為名世  
處必為豪傑或笑師勿訣毅然不可奪嗟乎庸俗人莫  
辨龍與鼃不識蓋天奇如犬吠堯桀炯炯具雙眸與育  
何以別皮相定不慧慧眼其神徹凡夫迷正法法眼自  
超脫乃知真眼性不隨眼完缺師故明眼人千古不可

滅

下第南還

驅車上長安悠悠千里道陽春無賞音空復吟孤調文  
價古無憑得失寸心曉而乃憤不平所見亦何小我歎  
非功名轉眼英雄老壯心百未酬策勵恐不早努力騁  
修塗屈伸何足校楊柳依依歸況仍復好

同冒起宗五姪徂來北上過靈壁弔虞美人墓

霸王亦人傑恨不遂雄圖意氣自豪俊賴有美人虞雄  
姿擁奇艷蓋世欣相符戰敗鼓聲死存亡判須臾猶能  
作悲歌悽斷古所無恩深妾命賤慷慨先捐軀芳魂託

東臯詩存卷之六

四

文園

芳草生氣恒凜凜如精誠結不散豈為後人娛顧有不信  
者小儒一何愚呂氏幾覆劉平勃寬其誅戚姬以寵故  
慘慘如屠豬何如垓下劍千載血模糊所恨失天下有  
此足不孤渠亦四百耳俯仰今焉如惟虞為羽匹生死  
與之俱英雄挾知已萬古歡如初壯哉誠快事何用復  
歎歎

岱宗篇

於皇太一肇開混沌生天生地定位元黃乃生萬物灝  
邈無疆列岳惟五含弘化光泰山喬嶽實為紀綱乾元  
啟運震戶翕張覽開元籥統馭青陽胎息萬有嘯洩鴻

麗上相之府天孫之房崇望首秩奔走帝王謂予不信  
聖謨洋洋嗚呼大哉莫敢讚揚

巖巖泰山建極東方規模弘遠齊魯是疆為曠為高亦  
直以長斧劈巨石千尺昂藏循塗過之如蟻度牆巉巖  
環翠洞壑飛梁無首無尾一望蒼茫氣概雄渾甲乎八  
荒吳楚甌越山水為鄉要于至大莫敢頡頏朝宗于岱  
並海為王此厥不信必也其旨

夜遊日觀夕觀朝陽高逼象緯坐對扶桑初日之升不  
顯其光大可踰丈蒼蒼涼涼巨輪朱殷其色未黃掩露  
混漾天水渾茫馴至升中乃照萬邦鬱儀告我願錫靈

東臯詩存卷之六

五

文園

岱此閒寥廓弘覽四方黃河蜿蜒紫海汪洋幾千萬里  
殆及遐荒見地超遠如天際翔  
峰高冠嶽宛在中央仙居玉女帝鑄金堂碧霞真誥黃  
華洞房元靈遐暢使人肅將齊魯燕趙歸命恐惶扶老  
攜幼躋躋踰踰猗與盛事千載高皇低回瞻戀歎賞傍  
徨維予感憤局鐫嚴防設官開邸馨微穢彰箕箒金帛  
轉輸上方什七溪壑錙銖廟廊侑神求賄類彼縹緲黃我  
願入告嗣天子王泥然更始于前有光元君降誠玉音  
琅琅生財裕國理有必昌度支耗匱急需倍常革茲秕  
政姑待時康

有殿其巔肖像玉皇登峰造極乃薦馨香恍通帝座神  
遊上方稽首敷素心腹腎腸恐或不敬趨而下堂回首  
瞻戀帝寧我忘丹傳絳雪藥授元霜惟帝念哉敢不趨  
踰

高山景行思我素王一時攬勝千載流光經藏石本目  
辨金閭萬世瞻仰終古不忘我亦登臨食粟以長譬諸  
草木同其萎黃渺無關繫何存何亡慨其歎矣我心憂  
傷

望彼鄴都宅陰背陽幽陰與暖魂魄所藏萬生萬死鬼  
帝鬼鄉我知其處震霆肅霜貪暴姪賊蔽賢如良譏邪  
東臯詩存卷之六 文圖

詭幻昏悖兇狂有北不受投畀此方儒者大笑得勿荒  
唐

誰云封禪七十二王諛笑相如識陋子長後世登封漢  
及宋唐金檢玉冊赫奕輝煌誇誕糜費功短過長碑存  
松歿空嗟始皇我願千世勿循舊章岱宗首肯斯言允  
臧

岱嶽勝蹟圖經所詳遊人載筆千百其章我來登眺不  
復濫觴寫我心曲別有肺腸敢告來世毋謂予狂

潘氏高氏雙節詩 載邑志

柏舟千載凜如新濟美聯翩德更淳渤海文章鍾氣節

河陽桃李化松筠廟庭赫濯膺馨薦閭里輝煌貯寶綸  
羨汝徽音傳奕世不隨芳草共沉淪

靈隱觀榴花下懷吳寧野

何日尊前細論文藻思孤往入風雲恒嗟十載人千里  
看到榴花更憶君

余大美

字仲容萬歷乙卯舉人著有徐子齋集二卷

並頭茉莉

芝蘭數見詎云鮮茉莉雙花倍可憐玉質自支蓋子影  
珠胎合吐喜同妍心將專一都無語味不差池定有綠

東臯詩存卷之六 文圖

欲寄相思千里道且留清玩小窓前

遙別蠻烟入帝都芳叢競寫玉肌殊幻將黯淡昏黃約  
化作朝陽姊妹呼盤向綠鬟香雪亂穿勻素縷變雲敷

雖知恰合幽人賞輸彼同心結不孤

兩兩流螢爭照君何郎疑是織迴文魂從姑射山頭合  
身向蕊珠宮裏分對鏡含情嬌待月傾城雙笑淡成雲

黃昏目挑誰先後小語還愁妒口聞

感事

舊穀行看盡新微且報開天公靳涓滴田穉委塵埃空  
有雲霓望誰為霖雨才昨傳修省令祈請亟登臺



夜泊江口

財賦東南北地偏誰堪巨浸礙桑田跨將吳越山為岸  
幻出風雲水一天鷗鳥閒凌鷺浪遠漁蓑晚傍淺沙眠  
傳聞剩有荏苒客旅泊黃昏思悄然

余啟美

字公佑

吳君實持鄒衣白先生寄扇陳邵公手書過訪  
巢民盟兄即席同賦贈

鹵莽余耕說研農飢驅歲歲鮮登庸觀書恥不探黃石  
策足今知訪赤松金馬傳呼同夢鹿桐圭載錫等王蜂

東臯詩存

卷之六

八

文圖

乾坤之大寬如許何似君前可暫客

冬至前五日集同社諸子飲其年于巢民齋中

梁園彩筆集南窓八斗雄才望氣降逐鹿中原誰第一

登壇國士竟無雙數聲橫笛催銀管四座驚看側玉缸

賴有信陵能好客風流今日說邗江

馬遷于諸君集巢民齋逸陪其年即席限韻

一夕逢之子光分太乙藜草披雲漢迴才壓斗牛低寶

氣侵籀鼎悲風壯鼓擊抒懷當綺席未筆許相攜

天驕射虎日公子定稱麟大雅于焉集吾衰向爾陳芝

蘭足芳氣草木亦懷新古處從今昔寒松醉綠筠

不厭百回過來依北海鵬賦辭推茂苑象緯秦星房聽

鄧歌翻雪分題句有香繁霜慚鬢影今夜為君狂

余充美

字實甫以儼廩入辟雍有詩稿行世

並頭茉莉

一枝仙蒂耦花缸僅從真令眾蕊降忍為摘香迎曉鬢  
故教留艷倚晴窓極知開後難相匹遂遣生來便自雙

欲語雄雌殊未得可憐俱是女兒龐

龍游河觀水

登山不看山閣水不愛水昨日所見波今晨千萬里去

東臯詩存

卷之六

九

文圖

去不稍留綿綿未終已春波復笑人共爾誰曾止聰明

美姿韻秀情好肌理請從邃古看未測乾坤旨睠此澄

心魂超然欲遺累

洋莊夏日

暑色看猶少何論客到稀倦還拋竹扇懶不繫荷衣故

帙翻仍在新蔬摘更肥局門忘未掩泥燕聽長飛

同何仲成西寺步月

良夜隨君繞寺行斷橋新雨漲初平抵看月色侵林色

不辨風聲共水聲此地蒼深定千古吾人幽冷自平生

論心未厭追陪好他夕期同濁酒傾

寄江都吳鶴澤父母

淮南幾歲駐陽春  
文物都霑化雨新  
麥穗政成天下最  
孤蘆恩許席中珍  
周珪有待能為石  
和璧無疵不授秦  
輒上平山妾悽感  
歐陽門下是何人

土山

碧水環流午夜深  
白雲高結四時陰  
行尋石上古人字  
坐見山中靜者心

郭麟徵

字 見盧志

定慧寺訪包釋修進士

東臯詩存

卷之十

十

文圖

到即成幽寄何妨一叩禪  
寒花餘白瘦霜葉試紅鮮  
榻穩扶詩夢窓虛貯月圓  
夕陽疎磬度深竹看鴉旋

石寶臣

字尚卿

冬至前五日集同社諸子飲其年于辟翁齋中  
朔風凝寒節近冬  
高人小集任從容  
才華江左推名士  
意氣尊前躡古踪  
綠綺縱彈山水曲  
青萍懸壓斗牛鋒  
知君雅擅千秋業  
剩有豪情託夢松

馬遷于諸君集辟疆齋邀陪其年即席限韻

應有斯文寄重然  
太乙藜經傳渠閣  
遠星聚海天低此

日親風雅多年厭  
鼓鼙聞雞誰起舞  
如意與提携

舉世無歌鳳吾儕  
念泣麟狂宜終讓  
杜豪自永推陳學  
辨癡龍異才驚繡  
虎新徐郎水繪咏  
古秀過松筠

肝腸傾此夕拈韻  
促飛觴翊漢懷諸  
葛椎秦憶子房雪  
歌翻墮淚雲鬢自  
生香倚馬憐賓主  
追隨意陡狂

張玉成

字成倩號惕絃有七言律準行世

並頭茉莉

高齋六月發奇葩  
千朵攢羅羨鬢華  
並蒂珠英開兩萼  
連跗玉蕊綻雙芽  
香風儷送文豪筆  
瑞露駢凝貴冑家

東臯詩存

卷之六

十一

文圖

嘉卉勝簪還有意  
少年頭上報宮花

掘港書懷

生平生產疎舉足  
多室礙無緣邀寸祿  
殷憂徒憤憤我  
飢就仁祖俯仰數  
口在赤日中天遲  
忍令枵腹待獨飽  
不成肥抱膝發長  
慨感懷一囊錢展  
卷復自廢波臣卧  
涸轍何堪告時輩  
滿眼監河侯升斗  
不相貸

東海道中

百里門庭路茫茫  
澤國遙障泥勒馬  
惜野渡費人招片  
雨懸林薄孤帆落  
海潮因憐同路客  
經歲鬢蕭蕭

書懷

骯髒悲身世苦遭衣食驅有懷裁辟荔無地種雕胡壯  
志看神劍狂歌擊唾壺絲絲潘掾髮早已上頭顱

夏日病中呈殷承麗冒伯麟

閒心高卧穩暑氣索居清負癖疑龍叔懷才愧馬卿祇  
應疎俗好還自拙時名雙屐看無恙將尋五岳盟

李元白使君餽歲

時攝廷令篆

偃蹇冬殘病益貧明公兼任赴比隣魚臠遠餽雲天近  
鳳歷隨頒日月新惠比袁家排卻雪暖同鄉律喚回春  
悠然彈缺蕭然思歲事崢嶸且莫頌

雪中懷冒伯廖王翰卿

東臯詩存

卷之六

士

文園

萬木蕭條入暮烟繽紛飛雪壓籬邊為慚仲蔚平陵宅  
翻憶王猷剡水船歲事淒涼愁共劇風塵搖落病相憐  
那堪更滯三閭地讀罷招魂思惘然

索居

城市由來此索居嶽崎歷落意何如馴階鳥雀容相傍  
藉徑蒿萊未許鋤頭上二毛吾母老眼中千里故人疎  
浪拋日月窮愁裏愧殺虞卿好著書

寄荅冒伯廖

寂寞揚雄只敝廬故人何地曳長裾淮南鴻烈含霜氣  
豐獄龍文貫斗墟托乘未堪齊八駿加餐那自寄雙魚

年來離索疑才盡愴恨無心賦子虛

文昌樓

樓高迴紅塵豈是朝元宅聊棲步虛人以迓凌霄客

閔荒

肥遺翔天末虎豹當闔蹲小民憐欲死誰當叩九閭  
死疫與死飢十室而八九君心光明燭能照窮簷否

郊行

偶出郊原遊四望無青草問歲田舍翁灑淚不能道

田家苦旱歌

前年草無青去年地盡赤哀哀今遺民安能煮白石

東臯詩存

卷之六

士

文園

前有官征催後有租債迫剛得麥歸倉依然食無麥  
野聚說窮荒相看淚如雨但枯心裏血難潤禾閒土  
午耘背為焦揮鋤腕欲脫安得天公憐不枉圖生活  
雨纔三五點虹忽千丈長長虹不可斷空斷儂家腸  
望雨趁三時徙倚三時竟但抱枯禾泣儂與禾同命  
早荒雞犬驚民命渾如鍛猛虎寧可逢莫教逢赤旱  
同湯慈明伯仲孫唯行汪茂卿殷承麗登狼峰  
道中口占  
幽徑不知遠長林鳥語頻漫從驢背望山色漸親人  
雨中與曹惟徵

前身豈是范萊蕪  
自生塵釜自魚破  
屋三間空檢點  
滿梁雨迹半牀書

同宗文學諸君揚州城望

春風逐醉到城頭  
楊柳依依入暮愁  
悵望隋宮今不見  
斷烟殘靄鎖迷樓

辛卯春自揚州歸

十年書劍逐風塵  
此日還為落魄人  
四壁蕭條無長物  
祇添慈母髮如銀

殷之澤

字承麗歲貢生詩舊刻丁確東臯詩滙中今

東臯詩存卷之六

十四 文園

詩滙無存

揚子江

丈夫志四海豈能老田間  
策杖出門去兒女徒牽攀  
川途屢回互登陟愁客顏  
纔經揚子津已杳茱萸灣  
舟中青不斷拱揖江南山  
行役無佳况前路多險艱  
明發當其中目往心意慳  
試問道傍人何如桑者閒

狼山同張成情懷冒伯燕

五山秋色好一水挂孤帆  
短褐同張翰長裾憶阮咸  
畏人常作客銷骨正憂饒  
征雁聯翩去何綠寄素緘

同湯慈明汪茂卿孫唯行張成情登狼山

碧蘚饒陰磴蒼藤結古枝  
山精藏晝日江燕識秋期  
綠酒頻中聖青鞋屢探奇  
還驚奴子異捫厯不知疲

香剎開何劫懸崖劈巨靈  
山光浮碧練塔影插青冥  
落日銜峰好微風入酒醒  
莫言歸路晚明月照沙汀

酬叢伯聲焦山見懷

南徐城下水悠悠客住山中事倍幽  
午夜青燈然石火清晨白飯煮江流  
詩傳淮海風霜氣書發吳天鴻雁秋  
讀罷自慚塵鞅縛桃灣遙月駐深愁

故人張君翼天折已久忽枉其尊公見過愴焉

賦此

東臯詩存卷之六

十五 文園

十年曾共阿戎言歎逝翻悲宿草繁  
幾向山陽添別淚欲從華表認歸魂  
空帷秋夜多蟲語荒隴春風雜燒痕  
今日見君尤感慨趨庭詩禮為誰論

訓黃野王野王重表宋學士王公俊入墓

紫纍荒塚對城埤異代衣冠歎黍離  
寢室有基留蔓草野花無主映漣漪  
千秋忽灑雍州淚片石重題季子碑  
自愧逢迎疎倒屣瓊瑤何以報新詩

宿江上

烟渚依依對晚山幾家燈火出林間  
孤舟繫纜垂楊畔一夜江聲入夢頑

錢氏園亭

問水尋涯石徑斜芙蓉楊柳護人家到門僮僕如相識  
先向亭前掃落花

殷之護

字之澤弟

涉江吟

十月江門風正吼驚濤怒浪如山走舟人面面不能視  
我歌且狂呼一斗君不見千山萬山總吳山片時人已  
到昭關

旅寓久雨悵然懷歸

東臯詩存卷之六

七

文圖

孤館耽幽僻雨雲生客愁微茫村樹暗慘淡暮烟浮張  
翰思吳日杜陵老蜀秋遙遙起鄉思何處覓歸舟

秋晚遊丁氏塋

江城日欲暮此地偶重臨石虎荒苔卧殘碑細草侵涼  
陰生地滿秋氣入林深化鶴人何處千年未可尋

感懷

世濁無涇渭時艱總陸沉青山仍故業流水幾知音鳥  
雀驚林起魚龍藏窟深飛潛原自異何以倍驚心

哀貧僧

浙憑寒飆外蕭條古寺中老僧時曝日破屋不遮風憐

爾無朝暮嗟予亦屢空恒沙劫不盡應念此生窮

夜泊江堰早行

北風正蕭瑟旅店亦成村何處人吹笛他鄉酒一樽雞  
聲催曙色霜影放柴門處處關山月應銷行路魂

秋日雜興

愛學陶元亮疎慵與世違貧於吾分定書自故人稀露  
冷黃花發秋深紫蕨肥一壺供野興此際欲忘機  
庭前蔭萬樹團蓋滿欄杆葉葉經霜脆枝枝裊露溥天  
清河影沒籟響夜生寒幽思無人訴瑤琴且自彈

呈叢伯聲

東臯詩存卷之六

十七

文圖

季子還家日蕭然兩鬢霜愁添風雨急思逐海天長車  
馬誰門外圖書自壁廂與君同寂寞那得百壺將

遊金山

片帆曉起破江烟問水尋山此地偏西去千峰連闕下  
東行萬派浸長天憑欄漫擬登樓賦濯足應歌鼓枻篇  
乘興若教生羽翼蓬萊咫尺挾飛仙

登大明寺

萬木叢深小徑斜層軒古殿梵王家老僧猶識前朝事  
帝子空留此日嗟泉出半山飛雨雪堂開絕巘護雲霞  
登臨便欲忘歸去爭奈浮生未有涯

早起見月因賦懷內

卷簾殘月在斜挂碧枝邊何當借顏色飛照曉窓前

獨坐偶成

結廬在城市一似野人家無三日粟籬有數株花

送沈山人歸楚陽

楊柳絲絲色正黃片帆西去帶斜陽舟中莫道多寥落  
讀遍離騷到故鄉

吳一驥

字伯顧由選貢授麻陽縣令

直指徐公略分論文兼以疏稿見屬

東皇詩存卷之六

六

文圖

久傳身繡歸槐省忽下瑤函到枳籬捧檄驚疑過分外  
承恩款洽見相知談深感憤惟搔首稿脫吟哦得解頤  
自忝位卑言定賤無從附驥共匡時

李士伯

字彥長貢生有香雪林髯叟堂瀟湘館諸刻

行世

成情伯應歸詩以奉送

渡口橫孤櫂催人忽啟行路岐來未易調合去何輕樹  
鬱長堤色鶯啼別院聲酒闌一分手處處離情

喜湯慈明先生將至

華門開傍水來往但羣鷗一葦間將至千簟覺更幽呼  
童艾徑草趣婦整梓羞便欲歡相對新詩與唱酬

過仇成甫村居

秋風村落晚一騎到君家側帽妨藤刺褰衣亂菊林  
深寒鳥集坐久夕陽斜遮莫虛佳會東鄰酒易賒

送黃新渚博士擢令分宜

醉裏青氈不厭攜呼船早發石梁西千村黛色隨蘭槳  
一縣鰥民候柳堤境自有聲風謨謨庭因無訟草萋萋  
懸知只對鈴山坐聽鳥看雲作好題

沙上

東皇詩存卷之六

六

文圖

路濕畦平竹堰幽人家一帶映江流稻梁收拾棉花老  
剩有青山在樹頭

梅花樹下同張成情陳養晦家彥升飲得興字

條風似與幽人訂日送幽香滿三徑白梅紅梅幾樹花  
昨朝嬌艷今猶勝丹珠粒粒雨嫣然碧玉枝枝風未定  
停陰不用幙重遮侵曉即將欄幾凭有客才同水部才  
看梅又動吟詩興韻藉陳遵筵上拈看從愛弟家中釘  
談諧移時下夕陽為貪錦塢遲遲暝蝶滿林中夢自清  
蟻浮若下情難罄但可當樽十日醺何妨隔樹千人聽  
明到封家十八姨枝上纖纖花幾剩

過羅伯任宅留酌時友人黃珍公共集

路傍釣魚磯行行叩竹扉家貧無俗慮客好有禪機茉莉香生几莓苔色上衣悠然共酣賞不覺已斜暉

遊木末亭

同羅振之黃珍公作

樹杪一亭子來遊歷幾灣鳥窠杯底綠霜葉杖頭斑有徑應鋪月無村不露山且拚幽賞足夜跨雪精還

李元白邑侯涉江招撫沙民

單車翠蓋引霓旌問俗明農處處行虎豹聞風皆遠去桑麻得雨自叢生無人浦口重論戰有鳥枝頭亦勤耕不待綸來青閭裏河陽早已播仁聲

東臯詩存

卷之六

手

文圖

王店訪李元白中尊時以工部假歸

桃花流出是花村一榷相尋夜到門頃刻設筵何爛熳從容話舊自寒溫時清永部因歸沐地遠山民尚荷恩不得結茅仙令宅河橋未上已消魂

快宜堂

樹隙一堂開陰來四面綠快意此間人有書無不讀

澹圻廊

梅畔有迴廊是入烟鬟路到此且夷猶香風時暗度

喜成倩伯慶見訪

穀雨歇江潯求羊喜見尋扶攜過小渚指點入深林竹

樹如添色溪山自賞音呼來一尊酒潦倒夜還斟

法寶寺

招提水木自清華古殿陰陰石徑斜向夕老僧何處至一天涼月映袈裟

東園夜餞屠緯真先生

一曲驪駒酒一杯送君明發小山隈已看天上月無色奈可城頭漏復催

拏舟紫灣追送緯真先生歸越

梓里思歸去紫灣送別來匆匆留艤棹草草坐傳杯亂荻深秋冷鳴鴻落照哀懸知今夕夢先到甬江隈

東臯詩存

卷之六

圭

文圖

寄懷濯仲

綠竹深深陰藪藪隔溪落日窺幽獨安得蕭疎世外人同余襍被林中宿

酒後同子猶彥升陪慈明過南寺僧房假宿因

讀慈明諸稿有作

酣來情興何悠然襍被同尋蕭寺眠乘月聯翩踏落葉入門謔浪驚枯禪法華品自能解詩草疊疊誰為編把向燈前一檢看琉璃光映隋珠圓

沈氏女期以今日歸天色陰寒入暝不至

朔風生嚴寒歲月忽以迫元陰翳樹端冷氣凝檐隙嗟

我擁檐榆深居尚不適况驅馬與車駸駸苦行役感念  
婿有期女婿沈汝會挈我女歸宅此際誰能一進食  
飢烏號野空凍雀投林急望望河之西行行步已百消  
息問何人呼兒立橋石須臾路不分始覺天遙夕聚首  
復何時憂心耿耿積

顧鎮之以所做倪雲林竹木山景題一詩于端  
授其甥王子丹轉贈予為壽

倪迂作画多士氣士林往往皆珍貴如君公子復名流  
齷齪肯為時俗棄一幅得之遊戲閒令甥故以來相餽  
晨昏挂我草堂中濛濛烟霧生衣袂槎枒老檜石上盤

東華詩存卷之六

圭

文園

一株兩株著葉未葉如蜂蝶如龍有勢能令觀者畏  
短短幽篁短短茆依稀與我瀟湘類縹緲雲山若有人  
都無一點塵埃累况復題詩在上頭詩中不減画中意  
謂我蓬仙第一流君在詞壇寧第二吁嗟嗟渺渺雲林  
且勿誇眼前今讓虎頭嘉何時一權來相訪盤礴清君  
到日斜

孟克安先生衙齋小集

衙齋勞見約不憚一興行吏瘦如梅影人稀只鳥聲檐  
端藤作瓦案上筍為羹竟日論詩坐何曾及宦情

夜同馬馴卿過雨公禪室馴卿病目

蘭若層城上蒼茫暮色侵到來分佛火坐久見禪心玉  
塵談偏劇金篦願獨深何年謝塵俗結社比東林

聞劉士曠曹純孺約敏上人暨伯慶諸君結山  
椒社有寄

蓮社仍從惠遠看人如元亮共交歡樽開水榭埃氛靜  
樹老山椒石榻寒握塵星河低法界揮毫珠玉映詞壇  
他時若欲招靈運百里扁舟到未難

晚同成倩伯慶飲吳子猶寓中分賦

柳市逶迤一徑荒同人向晚到山房雨收野寺鐘聲冷  
月映疎籬樹色蒼濁酒共延長夜興譁談聊縱片時狂  
却愁明日河橋畔萍梗紛紛逐去航

東華詩存卷之六

圭

文園

舟過潘涇不及訪夏寅甫

白蒲

溪上雨初收夕陽千樹紫漁舟幾個輕點綴荻蒲裏  
耳畔黃鸝聲不知在何處時時挈雙柑聽入深林去  
鄰翁別去初牧豎歸來否一犬吠柴門月上墻東柳

蔣節婦詩

嗟哉未亡人稟性原貞淑時在十九齡奄忽夫喪迫豈  
難一死捐有孕生遺腹有姑况在堂焚焚將倚執龜勉



此一身勝老仍課讀一室久漂搖何如巢已覆盜來不忍侵鬼滅寧因哭蓼荼凡幾茹今年壽逾六兒喜成名儒青青子衿服天道既已彰帝旌應不惑

張邦亮

字

呈李廣霞明府

丹山有彩鳳質豈凡鳥姿九苞富華藻擇棲梧桐枝自憐聖王瑞珍乃不世奇庸遭斥鴳笑何事養翮為舜文久不作誓難風塵羈

渡江看落日歌

東華詩存

卷之十

七

文淵

大江東去日西昃飛光倒射波心赤我於此際揚春帆坐如天上玻璃國珊瑚為水銀為浪花珠滾滾龍爭向又如六宮凝晚粧醉暈紅潮鏡中漾盪魄驚魂江上天孫劉事業已千年只今都向虞淵沒惟見蒼茫萬里烟

港口觀漁艇歸

薄暮歸來款乃聲古楊根下小舟紫儘魚換酒遮莫醉風閃蘆花燈滅明

張邦翰

字君翼邑廩生早天

見離下落英

時年九歲

金錢滿地無人掃留買淵明醉後詩

僅存二句

許汝忠

字敬德以太學生授隨州州判遷忠州同知

孟晉齋夜坐

兀坐幽齋夜蕭閒處士家梧黃摧翠葆菊紫茁金芽葉定知風靜花明見月華逡巡山徑曉馴鶴舞丹霞

菖蒲菴

野剎離披竹徑登鳥啼花落幾層層退藏自愧屠龍手馳逐誰如禮佛僧溪浴鷗羣情有伴榻留魚鉢夢無憑客來且煮菖蒲酒莫向空王問上乘

東華詩存

卷之十

七

文淵

北山秋夜

夜靜蛩初亂山深月到遲不堪清絕處花影在瑤池

蝦蟆山

孤峰特立萬濤中閱盡風波砥柱功我欲借筇躋絕頂枕江聽月駕長虹

何仲奇

字見盧志

碧霞山晚步憶余仲容於焦山

興劇衝寒出招提月引過殿空堆積葉林落只枯柯  
寂踪親佛嚴凝霜白坡山居同此意悽斷奈愁何

劉昌運

字明卿號夢我寧國府學教授

再登狼山

不盡看山興重來此地過巖松花未落江月水還波野鳥驚人去帆雲逐望多欲歸從舊路信步入雲阿

晚眺

日暮情何極悠然望遠天雲來山欲雨風細柳含烟鳥下疎林外舟橫野渡前東屯如可卜應賦少陵篇

渡江

舟下江流急望中日已斜入雲惟鳥道傍水少人家隱

東臯詩存卷之六

圭

文淵

見看山色浮沉逐浪花片帆吳地近到岸即天涯

秋日遊金陵

邦闕月色映清流爭似金陵古渡頭今夜長干人更遠西風一曲按伊州

泛湖州道上

朔風瑟瑟下青霜水腹冰堅岐路長薄暮湖洲荒草白寒鴉幾點送斜陽

同張雨修薛孺吉玩月

為愛秋光遠追尋逐勝遊攜樽一問月何處可移舟樹老孤烟碧林深曲徑幽明宵乘逸興更醉習池頭

范志易

字希宣號鐵韋官與客著有萬笏軒詩行世

子房墓下作

子房世相韓志在存韓祀擊秦事未成報韓心不已圯上逢老人教之三進履授書佐沛公始終為韓耳韓滅乃歸劉勲業爛青史功成乞致身封畱亦足矣豁然生隱心辟穀雲烟裏不見黃石公相從赤松子悠悠何所之遺墓今在此蕭條泗水上日暮西風起猶吹博浪沙似逐贏秦氏徘徊邱壠閒私心惟仰止

韓侯墓

東臯詩存卷之六

圭

文淵

昔聞漢淮陰少輒負奇異當時置墓田便欲廣其地廓落容萬家將為守塚計一朝從沛公封齊據高位厚賞酬有功所求無不遂免死狗就烹功高蒙主忌身職未央宮假王欲何為迄今千餘年孤墳傍淮泗疇為守塚人蕭蕭惟野吹始知王齊功不若畱侯智辟穀事遠遊逃名如脫屣吁嗟後來人慎莫為之餌窮固其所宜達亦安可冀試看韓侯墳一飯誰復饋我來哀王孫停驂發長喟

攝山行

昔年曾作攝山游山中景物堪夷猶即今又是十年別

一一髣髴如丹邱鍾陵山下棲霞路十里人家隔烟霧  
石馬嘶風榛莽中半是前朝舊墳墓危梁忽接山之根  
幾家茅屋環成村靜聽松風聲謾謾知有山間古殿存  
古殿蒼涼何所有瑩瑩石佛色青黝飛來之說或荒唐  
竦立天半誰其偶庭前老樹蒼如雲生香結綠常飭氤  
一碑雄峙近千載筆力真同王右軍山上懸崖更陡絕  
其中石洞幽且折空轉深沉透碧空陰陰猶積古時雪  
陸羽茶泉流紫霞孤根曾托石蓮花陸羽去後泉亦涸  
玲瓏石罅空塵沙中峰突兀萬千級左右迴環相拱揖  
亂石岵嶸如羣羊風來似欲齊起立探幽尋勝足力艱  
東臯詩存 卷之六 天 文圖

滕縣道中

馬嘶知邑近數里憚炎蒸山勢標形勝民風感治徵  
哇連驛路聚樹遍溝塍滕薛原唇齒于今歎廢興

山中遇無可

一見詩篇好新知異舊聞清尊松下酌險韻月中分  
題句鐫危石移家宿亂雲今宵峰頂醉幽夢好同君

宿安素上人房

為有看山癖因過大士家修篁千个密垂柳數枝斜  
香積分蔬供雲林聽鹿車到來心較寂吾意在烟霞

五月望後舟泊黃河次李于鱗先生韻

五十閒居日年來雪滿簪如何當絕響尚欲覓知音  
靜攝觀元化虛游任陸沉功名原長物敢以汨吾心

河水流何急停舟只獨吟風來看順逆月出卜晴陰  
長

東臯詩存 卷之六

天

文圖

夏今過半愁心覺已深前途知尚遠羞澀橐中金  
眺望層城迴青蒼遠樹繁雨來村落暗風起浪花翻  
作賦慚王粲憂時痛屈原鄉閭何處是檻外暮鴉喧  
炎蒸誰不畏况我一身孤迹似趨三省心猶在五湖草  
元甘寂莫浮白且模糊機事俱無著推篷看浴鳧

登河西務城樓

落日登樓望帝京遙看直北亂山橫  
省郎要鎮催軍餉司馬雄關擁禁兵  
白草荒原嘶萬騎黃花古磧扼孤城  
此時稅務兼漕務中外相需正不輕

過張秋

北來雄鎮古張秋形勢崢嶸據上游相對層城臨岸出  
會同一水向中流人家樓閣雲霄聳吳楚軍儲日夜浮  
河決安山殊不遠至今桑土更綢繆

范廷瑞

字公茂號笏嶙希宣長子未辟河南監紀通  
省兵馬分理邵邑未就卒著有梅里詩存

輓凌龍翰侍御

中州一月官力持千古事壯懷矢不磨如何竟莫遂河  
山忽已摧民物盡殄瘁孤臣萬里情空抱夔龍志所恨  
無堅城茫茫悉捐棄一死誓忠貞深愧同仇視聞訃淚  
東臯詩存卷之六  
為傾讀詩心如熾遙思握手時數語何肫摯指日決行  
期之死矢無二何未著征鞭倏墮傷君淚君為萬古人  
義與睢陽配浩氣貫長虹經星忽墜地魂兮倘歸來一  
靖中州燧

遠浪舟坐月

我住山居不秉燭夜來明月照我屋門前水色白如雲  
冷光倒瀉飛寒瀑野寺東偏鐘漏傳鐘聲如語驚幽獨  
此時對月心悠然况有黃花香且馥石上持杯酒自傾  
仰天不語敲深竹竹影蕭蕭滿石墻依人明月光流綠  
露下天空月漸低醉餘猶聽新笳熟醒來再作看山行

依舊明朝月滿谷

從承恩寺移寓竹心亭簡衲子

山巔結小社竹裏露茅軒原自尋幽境何妨遠市喧泛  
槎深柳岸看月古松門解悟三生意無客一置言

和陳廣集先生題城西笏園

傍竹開筇徑牽蘿映翠微芙蓉翳鷺渚楊柳帶漁磯月  
影斜穿樹鐘聲晚到扉引杯松下醉深語欲忘歸

送是含章歸蘭陵

已恨相逢晚言歸意黯黯然輕裝茅店外細語野橋邊霜  
落沙痕滑風吹別袂牽春風無負約消息借梅傳

東臯詩存卷之六

手

文圖

和徐仲昭先生

落日澄波擬放舟凌空樹色望中收片帆雨帶千山冷  
孤渚烟浮兩岸秋遲月溪邊供小酌聯詩花外訂同游  
只今世事都如夢聊為忘機學野鷗

題咸在樓

高樓晴彩豁江天南北窓開古寺連半榻輕雲三市月  
一簾疎雨萬家烟遙看野色城邊樹乍聽漁歌柳外船  
永日清香聊避俗空庭花鳥自悠然

村居雜咏

柴門流水外綠樹護平川細雨來幽谷花香苔更鮮

好風坐石上遙聞短笛聲前村烟樹裏夜月正分明

偶因溪水碧聊構屋三楹興到扁舟遠來聞流水聲

借榻定水菴同禪子夜話

亂雲宿處扣禪關寒竹敲風雪裏還敲枕且留僧共話

江聲帶月過前山

笏園雨夜

枕上潺湲雨淨洗芭蕉綠疏檻碧琅玕聲聲憂寒玉

東臯詩存卷之六

圭

文園

東臯詩存卷之七

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

李之椿

字大生號徂徠天啟壬戌進士由大行選入

司勛曹歷官尚寶司卿督糧浙東鼎革後中

蜚語被收詳邑志忠烈傳有霞起樓集行世

艷歌何嘗行

東臯詩存卷之七

十

文園

何嘗快獨徜徉但當羅列綺調笙簧二十出入金馬四

十錦衣故鄉弟兄森森王立金章紫綬趨踏天子堂但

當在廣廈娛雙親稱觴戲彩烹鱸沃蓴卷韞上壽慷慨

平生胡為不樂滿酌彈箏博山香吐細知命心悠悠紛

紆安足諍吾日夜與子共夷猶草期相拾挾月上高

樓睥睨天地不曾憂身外何所求

戰城南

戰城南敗城北賊在城南降卒多截城之北皆劓賊血

刃成林白日紅腥塵結陣黃雲黑辱罵聲同利矢飛城

頭氣咽無人色主帥深居不出城但發游兵探消息狡

健揮戈先獸奔惟餘懦弱鼓聲逼吁喘未終魂已潰勢  
迫羣羊為虎食道路空憐熱骨堆將軍仍挾嬌顏匿何  
不登城聽哭聲誰守孤城甘辱國城南若使將先驅城  
北全軍猶死力

烏生八九子

烏生八九子盤踞要路高樹顛誰言烏慈大烏惡于梟  
鳴小烏悍于鷹鷂翼能排遠喙可啄堅毒霧晝變黑飛  
蔽天羣少惡之挾彈直前彈發不中吞怒絕弦反遭烏  
攫幾傷其拳烏既得志殺烏血濺林空罕羽往訴于天  
天怒震動雷霆是先大烏擊死小烏次第斃田日久肉  
腐且臭狗鼠過之俱不食焉嗚呼烏生八九子何以生  
如彼而死如此

八月十三夜

長安秋思多月從今夜好輪虛光自含醉月人偏早明  
晦年年異仙娥未曾老桂子嫩將搖天香憑兔搗烟雲  
淡不流御水桐初倒鳳樓斜捲簾宛露西山草分明霜  
滿天雲中出三島天顏應可問思親愁遠道重聞念遊  
子何以開懷抱千里月無分黃河看灝灝

十四夜

月自萬方同一夜分盈缺玲瓏映遠目共訝千林雪大

道夾朱樓有樓皆月六長安好事家先期耽良節簫鼓  
未全張酒向重樓挈醉來不能語心中祇自悅餘興且  
徜徉恐至明宵竭惟傷獨處人含怨悲離別朱顏鏡裏  
消道長音信絕人閒苦是情情深長哽咽明月有時圓  
寸腸還九折夢向月邊多期綰同心結悲歡處處深何  
人最闕切

十五夜

月無不圓時八月圓偏異濃雲憶昨秋雨後光翻恣沾  
酒樂重開夜半橋頭醉今日客長安思家饒遠意天高  
無纖塵白露初凝翠雲淨天愈空霓裳何所自清光遐  
邇同良時不易值芳華漸凋竭草邊翻促織促織鳴且  
悲聲聲令人淚丈夫志孤矢兒女癖簪珥塞上翠光寒  
閨中清影邃願月靖邊關東山可酣醉風月自平分林  
園憑取媚舉杯探素娥盈者缺之忌

十六夜

良宵迅若湍猶作昨夜想搔首向空濶情深還一往月  
無異纖毫亭亭雲外上獨樹落空庭誰家樓自厭因懷  
謝公渚譚詩使枝癢仙娥醉未醒大笑且撫掌試問踏  
月人明月曾有兩風月平分後還是舊天壤搗藥不知  
年空中聞杵嚮恍惚卧廣寒雲霄憑俯仰霜落木葉脫

東華詩存卷之七

二

文圃

東華詩存卷之七

王

文圃

中原秋氣爽

十七夜

世事原無常於月可無憾堯冀落初重清光還黯淡參  
差生樹杪影任羣鳥鳴曲戶藏其光莫謂珠簾暗砧聲  
向夜多明月翻為暫愁人愁愈深秋老誰相探

謫歸述懷

倫物嚴冠履天地分涇渭白簡日月光宗社靈初慰  
草難盡除伏莽多於蝟戎首為之招國典憫不畏狐鼠  
計已成憂時逞恤緯賴此啟事權聖明無忌諱抗志阻  
朋謀有骨生而毅何以澤蒼生衆正扶元氣蓄艾始燭  
東臯詩存卷之七 文園

疴植稼先殺蜚寐寤必懷賢咳唾亦忤貴無端受謫歸  
公論如鼎沸予乃愜素心拂袖欣相謂蘭蕙惜幽香  
桂留至味先世丘壑存娛親樹奇卉蓮舫白雲將荷裳  
明月衣東海近蓬萊訪道尋仙尉

古意

女兒髮覆額何曾有所知但覺春風起居然似可思背  
人常對鏡無端照影癡東隣邀拾翠謔語更堪疑疑處  
夜成夢夢到花開時花邊兩鳥鳴訊是鴛鴦池鴛鴦者  
何鳥又道雄與雌雌者何解再訊恐我嗟醒聞堂上  
喧環坐乃僂姨視僂言且笑其意果何為不答歸香閣

潛聽父母辭情一往而絕寸心畜其私

秋日渡黃河雷雨驟至舟中人怖甚歌以寬之

暑氣未殘秋風生黃河之水流不平中流一棹正縱橫  
碧波無際隱長鯨黃烟忽動驚雷至電光入水長鯨恣  
相引蛟龍怒且呼波波倒卷沒平蕪雨聲更急舟已側  
水天不辨雲俱黑長年曰公無渡河余乃不然行且歌  
長江大海波人立乘風尚欲驅鼉鼉矧值百里之黃河  
黃河之神長源公無壁可沉玦可空囊中所有惟書劍  
蛟人之室何從通漕舵晝夜無停槳汝乃護之盡乃忠  
不然何以封爾為長源公歌未已風波止長鯨失蛟龍

東臯詩存卷之七

五 文園

委舟中之人皆欣然呼樽且醉秋帆前

過蜀山湖短歌

滿湖春色蕩湖心小艇搖春春愈深行空帆影疾于鳥  
一片歸心雲樹杪惟恐歸遲不及春烟波深處莫迷津  
風雨忽來湖幻甚惟有青山是故人青山相戀不肯去  
湖盡青山猶幾巡明日淮流帆倍捷楊柳青青隋苑接  
三月揚州正好歸園林百花開未稀為言載酒尋花者  
當時好事今是非

寄懷陳仲醇先生

不官不隱陳夫子年年行訊常如此擁書萬卷著書多

風流挹盡山山紫烟雨桃源一棹通仙人犬吠白雲裏  
水流花開思議無釀花為酒臨流喜一時言語妙天下  
對客對僧還對妓知君慕君未見君豈惜連城沽一紙  
明主何曾曰棄才畱之太平生色矣魚鳥深林獨會心  
鷗鷺滄江同洗耳椿也鱸魚興亦濃何時明月松江水

洪烈婦詩

張聯芳以其後母洪烈婦詩請曰吾父將死  
而母先自縊可謂烈矣夫烈者有所激而為  
之也及訊其父死之故則以全姑節而禍及  
其身嗟乎姑節全而身死身死而妻以節從

東臯詩存

卷之七

六

文園

洪之不負張也烈哉乃作洪烈婦詩

郎也捐生為姑節妾也從郎心倍切幸郎未死死郎心  
妾死郎聞郎氣絕攜手同歸死亦生鴛鴦塚上無離別  
如郎獨死妾獨存窮閨夜夜空啼血幽棲相敘及生時  
怨氣未平衷自悅雙魂來往尚依姑寒生白日乾坤雪  
孝哉兒也閔子騫誓死千秋傳母烈

贈范布衣

富貴功名有是非可以驕人惟布衣范布衣曾走天下  
高談雄辯奇人也罵坐寧甘抑掄之不肯修容為媚者  
稱詩亦自成其詩黃河之水天外瀉飲酒更欲吸黃河

醉後貪吟易水歌俠腸直欲為人死牢騷但未逢知己  
鼻端發火幾燃鬚肘後懸金多切齒惟我勸君且徜徉  
蝴蝶莊周良有以牢騷今化作詼諧抑掄亦變為歡喜  
絲竹肉兮山水閒君自適君布衣耳

寄懷范異羽尚寶

山公惟戀習池酒紅顏白雪尋常有鬱以雄心為逸心  
悲歌慷慨同搔首憐才開閣暢元風支公弘景皆為友  
紉蘭餐菊是其情平野蕩胸圍數畝五山當邀君作盟  
日月問山無恙否山雲欲笑大江深醉來不怯山之陡  
画船搖處一消魂採蓮香發塘心藕興來潑墨侍兒忙

東臯詩存

卷之七

七

文園

年年文思隋堤柳今古乾坤一石才甘心讓與君八斗  
我至君來讀禮同五千言秘何年剖風雨牀頭劍欲鳴  
卧狎青山不容久男兒作事何不可七尺之軀三不朽

羅浮仙子歌

千峰影亂梅花樹夢中慣識羅浮路璇室瓊宮近廣寒  
清光一片仙風度只道花魂化作雲可知香氣凝為霧  
綽約乘風冰雪飛山頭但聽環簾生霓裳羽衣望若空  
玉立亭亭恍積素剪將秋水倩生波流波日盼銀河渡  
是耶非耶明月隨回翔花下無畱步意託梅花一致詞  
詞微都是梅花句轉憶通明殿裏來謫時皆為狂言誤



幽棲猶幸在羅浮夜夜瑤天餐玉露無限柔情欲語誰  
夢醒却恨相逢暮羅浮山噉海濤深總與情根互吞吐  
仙子仍應匹謫仙參橫月落年年聚

仙人篇

灝氣碧天虛羣靈擁帝居昔曾香案侍琅函捧玉書帝  
寵偏殊衆分詮太乙圖星宿釀咳唾雲霞裁衣裾鵲河  
戲牛女兔窟弄蟾蜍御風週八極高空每縱呼王母適  
謁帝羅列盡仙姝中情幻相觸調笑佩珊瑚遂謫人間  
世五古一狂奴此身挾仙骨世法豈能拘雙眼乾坤小  
寸心湖海孤忠孝生來切奸雄誓欲誅笑歌輕列鼎詞

東臯詩存卷之七

文園

賦狎當壚采真多汗漫混俗且模糊美玉雜頑石蓮花  
挺泥污情痴性不昧吾猶為故吾嗜道如朝飢何能緩  
須臾乃逢乾元叟貌癯而神腴焉知幾甲子五嶽起頭  
顛相見宛宿契授以性命符至道必超悟月落萬川俱  
恍惚在空碧濯魄於冰壺鸞鶴何年駕尚任衆緣驅神  
遊俯天壤蟻聚而蠅趨元化成氣候開闔自元樞靈丹  
食日月天地是洪爐靜待謫期滿依然還蕊珠

明妃夢還漢宮曲

胡笳吹徹關山月越月香魂歸漢闕玉門自分不生還  
夢回倉卒黃沙滑危險身輕烟漠漠長安何處雙鴻落

腸斷聲聲漢水流馬上琵琶仍錯愕琵琶一曲春風迅  
入關楊柳能相認歸來急欲見天子將過鳳闕金吾訊  
捧心泣下不能語萬死魂歸如亂緒妾今不恨毛延壽  
妾今不妬昭陽又語未及終天子出肅魂掩淚其言密  
妾拚一死報君恩和戎之策初非失豈知虜實畏中國  
中國無人虜志得羣幕單于醉語時堂堂中國遂如斯  
士辱民窮非一日戍兒枵腹徒相欺妾聞其語淚盈頰  
詎真無計惟需妾以漢之大為漢圖陰山肯使胡兒獵  
亦有批鱗痛哭書晚期晨上復躊躇妾身遠在胡天外  
入漢心同出漢初天子聽之微動色粉黛三千皆歎息

東臯詩存卷之七

九

文園

滿朝趨入問驚魂香霧瑤環不可即

施食池

月滿池橫古寺邊幾家選勝抱寒烟夜深處處看如水  
水上亭開我欲眠

小憇舍梓菴

禪從性證知非易佛是人為豈遂艱必欲津頭真舍後  
且于松下好畧闔得參靜業終超岸能斷塵緣勝入山  
我亦世途多事客每來問偈不思還

冒辟疆撲巢詩有序

孰不好異而孰好異無論異人不易得即異

樹亦不易得余生平所遘異樹一見之報國  
寺卧松再見之西嶽廟青牛柏異乎兩絕人  
閒而吾臯有樸焉伯仲哉異矣樹踞龍游河  
儼然龍也余曾跌坐樹杪者竟日私盟諸樸  
曰可巢逾二載樹歸辟疆辟疆吾臯之異人  
也異人異樹湊合適奇願借我一枝結果自  
放然未嘗向辟疆言辟疆乃與余不謀而合  
謂非樸之靈哉巢寄生于樸純以天行出其  
餘巧為橋為臺皆堪振衣霞舉辟疆詩云望  
氣招仙李余則何敢以關尹視我辟疆惟誦

東臯詩存

卷之七

十

文園

其詩而和之便飄飄作凌雲想性癖耽佳者  
徂徠哉庶幾謝眺驚人句乎若辟疆欲搔首  
問青天請攜之登樸巢而歌

想像何年樹嵒然萬古雄飛來新結構嵌出舊玲瓏妙  
展仙壺術奇開鸞籠聰御堪追列寇居可做張融茅藉  
藤蘿幻橋穿薜荔工照波蛟室綠綴雪蕊珠紅戶暝蟲  
絲網窓危鳩舌攻月明衣化鶴雨過棟棲虹賺釣虛吞  
鯉疑弓巧戲鴻盤旋浮法象蒼翠覆崆峒星摘槎中客  
龍乘河上公似聞人語迴却是鳥聲同嗽瀑懸癭貯窺  
雲臺葉通徑窮鼯鼠技襟納倥傯風坐覺鴻濛近靜參

天地空神堯餘壽樸巢父託微躬

春雨放船

雨艇帶愁牽深春雨外懸杏花猶昨夜柳色又今年鷺  
破雙溪暝蛙開一水烟因風窮努力有憶未能眠

寄懷董元宰先生

四代綸經閱靈光獨自如商山羽翼後渭水釣竿初大  
道原無盡真人自有餘還存憂國意繁露欲成書  
金門五十載強半狎樵漁豈以青宮貴而令白社疎聖  
明方惜賀閭里却推疏萬頃湖波綠無涯智者居  
鑿盡寰中秘遐年愈不窮毫端俱造化舌上總神通慧

東臯詩存

卷之七

十一

文園

業衆香集淵心羣妙空依然歸混沌豈獨貌如童  
盈盈一水隔歷歷寸心繁紫氣江頭杳滄波海上翻興  
多迴雪棹游只憶桃源元對何年暢還丹有要言

馬樺游招飲北山

繫艇登危閣諸天杯酒閒孤雲偏入塔亂水不藏山謔  
語隨花下嬌歌帶雨還往來何事急輸却老僧閒

開河早發

秋色涼盈渚菱花香滿洲蒼茫天欲瀉掩映日疑浮空  
碧凌孤鶴殘紅戲衆鷗陸來逢野叟前路問歸舟

秋航晚酌同成倩先生分得螢字

畫舫載秋色輕帆攜夕陽波分樽酒綠霞映稻畦黃長  
嘯驚棲鳥悲歌咽暮蜚醉看天地小吾自愛吾狂

鄭荃陽再至廣陵

午節曾為別仍於兢渡逢交情原若水吾道本猶龍騷  
酒況今日雲烟是昔容相看如未去把臂興逾濃  
離情同國難握手總難言賴爾鵲頻跨猶然茲可捫樽  
前真墮淚塞上未招魂何日能平虜燕山石尚存  
暫借東鄰榻聊寬宋玉愁無僧同結夏有女待逢秋酒  
氣通荒館歌聲恣西樓狂來拚醉殺風月古揚州

登太華山絕頂九首

東臯詩存

卷之七

主

文園

灝靈宮外列三峰鼎峙中原有岱宗紫氣山巔迷薜荔  
黃河天上濯芙蓉秦關遙見蒼松立漢時惟餘碧蘚封  
攜得餐霞心一片尋真白帝欲相從

谷口紫迴百折通尋幽逆險翠微中五千言就餘丹竈  
十八盤過見絳宮瀑布亂從斜澗碧晴花獨向絕崖紅  
平臨萬丈猶山麓漸看雲根入岫空

穿石凌峰曲曲深嶙峋迥變隱青林采香未穩陳君睡  
棋檯猶懸漢武心鶴戀油雲晴欲舞猿迷仙霧晝相尋  
芒鞋踏破車箱谷一嶺橫天萬壑陰

雲臺峰轉萬山低一線依松是嶺西倒度突懸眉上石

虛行深瀉眼邊谿霞飛蝴蝶仙人弄雲剪鴛鴦玉女攜  
尋得桃源翻不語淹留竟日百花迷

九折初窮未是嶺路迷斜徑入蒼烟花開忽詫人能到  
鳥語何知山更懸琥珀晝飛巖下月琉璃雨逗洞中天  
牧羊何處尋黃子叱石相看只欲眠

縹緲將探白帝樓諸仙雲霧晚悠悠無觴拈石虛彈奕  
不嫁持漿空洗頭松子油催飛鼠醉蓮花香惹卧龍愁  
驚人自足空群勝佳句何須謝朓求

關河百二自迷離今古三峰感慨時幽鳥羞傳秦苑語  
遠山偷學漢宮眉河浮萬國星芒錯潭倒諸天石影移

東臯詩存

卷之七

主

文園

何日風烟清四望閒從碧水種香芝

搔首長吟叩帝閣五雲多處是天門烟波大澤羣峰影  
日月中原雙掌痕極峻不容羅黨類至清依舊列兒孫  
此中若悟浮生理呼吸應能達至尊

奇峰突兀壯風雷笑傲當年二李來道德邃時通五嶽  
文章高處逼三台明星劍向丹爐煉蓮葉杯從妙手裁  
指樹謫仙分據勝惟餘玉女待徂徠

早朝

新開三殿月明多辨色趨朝帶露過寶鼎香烟紫宿馬  
御溝流水雜鳴珂天顏靜駕千官起晚氣細縕萬象和

仙掌何人能捧日樂聲方奏太平歌

長安雪

燕山頭白不關愁欲問瑤池即帝州花發六宮香自冷  
玉雕雙闕影交流寒光祇覺親孤客朔氣何曾到五侯  
更有成樓歸夢醒錯疑明月在簾鉤

贈田觀野撫苗

翩翩畫錦一書生誰識文心即甲兵壯氣聲惟驅匹馬  
通身膽自駕長鯨兩階千羽應來格九塞風烟有待清  
謾以請纓歸漢傑登壇此日是同盟

秦郵夜泊

東臯詩存卷之七

古

文園

良夜雄心倚劍看天涯初指路漫漫蛟龍不亂星初濯  
雞犬皆眠酒未寒水自流時猶故里月當斜處即長安  
澄光高徹風烟靜闕下應將獻可汗

洛陽懷古

春殘猶見野花開一水縈城尚百迴人物仍稱周代美  
風流誰是洛陽才王侯第宅遺苔蘚將相園林憶酒罍  
郊外停車還注望中原險勝重徘徊

度函谷

縹緲秦烟望欲浮五千言剖欲從遊關門不閉臺還在  
春草常香水獨流父老亦將看紫氣兒童尚自說青牛

乾坤異日登仙路太華峰頭尋故邱

將下山見黃河

層巒十二倚雲遙歷盡羊腸未醒眠碧澗尚驚山外夢  
黃河忽送眼中天車移急浪千崖斷鳥轉奔湍一徑懸  
問渡有舟堪載石欲隨帆影下遙川

丁卯人日

歲華靜對坐徘徊一世誰稱絕世才壯志丁年頻拔劍  
幽情人日笑啣杯寒光尚戀池邊柳春色先嬌閣上梅  
三徑且開來二仲黃鸝應度百花臺

春日王天羽邀同范異羽顧珠巖姜荆璆遊狼

東臯詩存卷之七

十五

文園

山同限江字

二月乍晴山色好相偕仙侶到山窓烟含弱柳啼鶯獨  
春弄嬌桃乳燕雙雲密杯盤迎驟雨風高絲管急空江  
繩牀醉後惟酣睡多少雄心向佛降

同張成倩冒伯慶黃君求余實甫邵潛夫許子  
文兄克生道生姪吾鼎元昆集指樹園值時雨  
初至即席分賦

花閒快雨竹閒穿傍竹尋花醉雨筵對酒咏歌雙澗嚮  
隔城笑語一犁烟庭梧洗碧深留燕池柳流清淨待蟬  
乘漲更新波上約催詩雲在木蘭船

寄郭調宇兼訊無漏

霜空野濶淡秋渠及爾新移江上居夢到五山棋子落  
濤生八月桂花疎画橋烟冷携觴處幽澗雲深搗藥初  
寄訊無公同是客一時相望獨愁余

懷冒伯慶先生

三山寒色正蒼蒼幾載相思水一方大雅中原頻睥睨  
奇才千古自疎狂瓊花應發邗溝夢桃葉仍迷建業觴  
試向鳳凰臺上望浮雲東指是江鄉

贈石佛上人

蒲團獨悟自當年一徑深深曲澗邊松響不曾妨入定

東臯詩存

卷之七

七

文園

泉香偏自近參禪七峰影逐天花落斗室光從心果圓  
忽聽鐘聲雲外動滿湖應問法王船

賦得邗溝秋雨

烟花一片古揚州雲氣常生十二樓吞得瀟湘深夜雨  
飛來巫峽滿天秋英雄淚向簫聲咽兒女心同柳眼愁  
浴罷鴛鴦砧杵動斷腸人更在扁舟

茱萸灣

十月扁舟客夢新茱萸灣裏往來頻烟空淨野楓初染  
晴蕩平原柳再春要地風波爭問渡急流江海欲垂綸  
年年跨得揚州鶴明月瓊簫採玉人

丙子仲冬九日續結竹西社共用時字

竹西歌吹冷烟欺舊社新朋暫起衰盟集曠才千象緯  
句因元氣補瘡痍浮雲邗水雖今日明月蕪城是昔時  
莫道瓊花零落久香生夢筆正離披

憶母成夢夢母成詩不自知其神盡

熒熒堂上燈淚下不能止夢裏母重生醒來兒萬死

丙寅六月訪文湛持于竹塢

荆棘刺偏長芝蘭香自得欲親芝與蘭豈復憚荆棘  
庭列小山幽危時只卧游涓涓山下水萬古是清流

早朝後大雪同許仲嘉並馬過報國寺看松

東臯詩存

卷之七

七

文園

爐烟猶裊袖宮樹忽飛花莫便催歸騎瑤臺路不賒  
共發尋梅興羅浮驛未逢相將歲寒意同去看蒼松  
一片西山色飛來白練看行吟還策馬風急不知寒  
金屋家家煖羊羔酒自酣誰知風雪裏並馬說江南  
烟裏漸聞鐘森然鬪白龍近天恩自渥都向玉階封  
石骨錯瑤林銀海翻冰魄千佛火逾紅兩人眼益白

塞上曲

一將不愛錢三軍皆樂死平吞百萬賊歸去報天子  
搗酒椎肥羊提刀睹鬪鋒將軍聽醉語個個說封侯

出潼關見楊花

楊柳依依夾道斜何緣五月尚飛花不須更作撩人態  
昨夜征魂已到家

簌紅花

青山片片入溪斜洛水環村四五家行過輕盈橋下女  
笑舒紅頰歎紅花

兵後過夏鎮

行行惟見白雲飛百里烟村盡掩扉雞犬無聲猿有淚  
可憐人去幾時歸

兩岸空餘蘆荻花平原處處絕桑麻即今敗瓦頽垣地  
盡是耕田墾井家

東臯詩存卷之七

十六

文園

中秋子夜踏月

碧水朱橋滿月輪香流桂影濕堪親玉簫何處橫秋思  
安得因風下玉人

一曲霓裳萬里秋家家醉月到高樓獨憐征婦同遊子  
各向清光徹處愁

虎邱弔五人墓兼懷周忠烈公

亂賊兇孫擁安危呼吸爭五人能就死衆正始俱生嬌  
逆原非詔拳兇不為名忠魂今尚在時映夕陽明  
翼虎怒而飛兇威孰敢違豈妨吳市衆倏忽義旗揮血  
食頭顱換山川魂魄歸墓傍餘瀨氣徒使野狐依

烽擁吳兒挺誰排首作戎逆謀雖擅殺奸魄已難雄勝  
地多明月靈邱貫白虹相逢伍相國同死不同功

千年歌舞地人士作山邱俠骨原無淚閒情或有愁始  
知真氣節不碍妙風流泉下周夫子相隨且夜遊

病懷

匡時至性夢相圖惆悵秋風病骨頑塞上幾能驅虎旅  
朝中誰復抗龍顏孤忠痛哭因憐賈壯志馳驅雅慕班  
北望浮雲猶翳日何堪民事日多艱

雪夜邀方肅之曹允大徐九如陳爾新姚永言

宋則甫郭菽子小集共拈十五剛

東臯詩存卷之七

十九

文園

肝腸相許未曾慳有雪為媒握手閒作賦欲成簾乍卷  
和歌方就酒初殷情深燭自遲銀箭寒淺香應滿玉山  
兄弟天涯須盡醉淹留莫放馬蹄還

狼山草景樓

半壁東南看化工樓頭佳氣日蒼葱溪山斜枕蛟龍立  
江海平吞天地空越國帆光危塔外吳門練影亂雲中  
登高不作悲秋賦寄興滄浪萬里風

李之本

字道生大生弟

江雨

明月荒沙值晚秋扁舟急雨迴生愁烟迷盡失江南樹  
波湧虛移水上樓浙瀝不分吳楚勢潏潏一共海天流  
來朝好咏觀濤句誰道枚乘徑罕儔

馬士龍

字 貢生

送施有為之廣陵

霏霏暮雨濕征裘歷歷寒生五月秋一曲驪歌分手後  
晚山殘照不勝愁

翩然兩袖五山烟愁見孤帆雨外懸日暮憑闌幾回首

客星遙傍斗牛邊

東臯詩存卷之七

干

文園

叢一鸞

字

秋江閒望

亂水縈孤嶼輕陰試薄寒蘆花凝楚白楓葉渥吳丹  
象銜斜照魚龍舞急湍北雲飛盡處長日一憑欄

秋夕

雨霽巖雲帶濕歸瑤天月轉更光輝涼生小扇蒲風怯  
露透單衣葛力微蓼岸水深魚正美稻畦香散蟹初肥  
一樽且對黃花笑總計從前事又非

秋夕懷敏上人

斜陽莽蒼易為愁滿目雲山憶舊遊蟋蟀向人依短榻  
賓鴻驚客度西樓朝披一衲曇花雨夜課千函貝葉秋  
惆悵年來飄苦海欲拋塵鞅覓蓮舟

東逸上人索茶

庭槐風細午泠泠一枕羲皇夢自醒莫道書生無個事  
焚香拂几著茶經

劉 灝

字士曠萬歷丁酉副榜商城縣訓導陞懷遠

縣教諭

題樣巢

東臯詩存卷之七

壬

文園

凌空仙骨挾天才手結雲霞樹杪堆習靜心於承露徹  
問奇人自御風來平津欲引龍遊合阿閣疑將鳳羽迴  
宛似昭明窮曠覽千秋水上讀書臺

蜃樓

把酒為君謳君無感百憂我來東海上數見蜃為樓錯  
落元黃變輝煌金碧流居人歡欲往飛鳥矜相投不覩  
滄海幻安知天地浮須臾赤日出萬壑蒼烟收獨有雙  
飛鶴乘風自悠悠

蹈海

西山不可尋東入海天深九世春秋義孤臣日夜心有

身仍虎嘯得劍尚龍吟莫道乾坤易綱常自古今

招何平仲來海上

咫尺紅霞是十洲須君共作采真遊徘徊日暮人閒路  
丹竈寒雲又幾秋

石藩

字 見盧子明揚州十屬詩

馮虛弟寓吳中寄懷

太湖水濶洞庭遙遮莫青山羨爾曹閉戶雨多村樹冷  
過江雲去楚天高要離塚上愁春草范蠡橋邊看暮濤  
倘有新詩能記憶好因飛雁慰蕭騷

東臯詩存卷之七

圭

文園

晚泊毘陵懷譚使君

迢遞毘陵道迴舟古驛邊到城江樹合倚棹晚風偏萬  
戶寒砧裏千山落木前一樽黃菊酒想爾正酣眠

石沆

字濯仲號白雲著白雲居士集又與兄藩弟

湛相唱和有集四卷

途中

水碓擁流漸春回萬壑姿水清魚尾活泥濘馬蹄遲城  
郭來將晚江村到幾時欲沽無好店何日有新詩

海上春望

見說三山勝扁舟幾夜星海風人面黑春草鶴田青味  
道居無事觀空內有形蓬萊如可據吾欲泛滄溟

自得

江碧柳偏青鳥鳴村更寂一念遂成灰萬魔俱滅迹閒  
鋤隴上雲倦拂松根石耳目了然遺乾坤自消息

雜詠

夜烽常見警擊壤未聞歌世道既如此吾生將奈何畏  
途機不少虛室月還多閉戶愁風雨秋管自織蓑

晚晴

反照全收雨殘雲欲揭霜鳬驚秋水濶鴻雁暮天長寂

東臯詩存卷之七

圭

文園

冥門還掩蕭疎徑已荒若非心獨遠風物耐淒涼

觀雁

來雁西風急空江下夕曛數行蒼頡字一畫伏羲文迢  
遞因時見淒涼帶月間共將沙磧雪銜入洞庭雲

響沙觀稻

稻水千區映村烟幾處斜冷風低起樹輕浪細浮花鳥  
雀深深圖鳬鷺淺淺沙社歌聲不絕於此見年華

瀛溪獨立

昨夜溪橋上南畦看稻還解襟聊濯足對影暫開顏羣  
動無時息幾人如我閒獨行還獨坐涼月上東山



海上謁文文山先生祠

元家天子攝中華虎嘯龍飛幾萬家四海此時歸冀北  
孤雲何意落天涯荒亭過雨侵芳草古樹含風泣暮鴉  
景物蕭條人思倦不堪吟倚月初斜

吳門訪管東溟不遇

行過山溪踏落花隅花雞犬是人家相尋欲問壺中事  
人在西林卧月華

埽張氏婦墓

雲歸巫峽雨陽臺杜宇聲聲喚不回惟有春風最憐惜  
墓田收拾紙錢灰

東臯詩存卷之七

五

文園

廣陵紀夢

春盡他鄉夢雲林思杳然落花溪水上斜日洞門前鶴  
去遊城郭春來弄管絃倚闌懷勝事光細月初弦

宿城中舊房

從教雁侶失瀟湘春色年年暗洞房遺得一枝花影子  
夜深隨月轉西廊

夢中吟

樹老何年寺山深此夜鐘一僧眉拄地教我學南宗

口號送隣家米

東隣雨濕火難炊斗米田家尚可為晚稻未春潮水白

早紅先送救公飢

題主人辟閒樊素小蠻圖

江州司馬兩紅妝水墨何人画此堂得似往年歌意思  
却看今日舞衣裳暮聲漫點櫻珠破擬態輕拖柳帶長  
別有幽情傳筆底主人狂得且須狂

新春雜興

一囊置我琴一囊置我笛明月照寒江扁舟弔采石  
漫興

竹影清溪路花藏白石巖病偏宜短褐老不廢長鏡階  
水驚兒浴池泥燕子銜儘堪吟弄去風月兩三函

東臯詩存卷之七

五

文園

窓下兀兀坐人閒事疎亂山看過画堆案讀殘書細  
雨銜杯後微風隱几餘不勞漁父問方寸已空虛

無題

落日早涼歸看山倚竹扉水清仍可鑑雲薄不成衣腐  
草螢低照疎林鳥亂飛平生裝笠意不在富春磯

文翼姪草堂

結構離人境經營到野田春光鶯語外秋色雁行邊室  
小剛容膝牆高不過肩個中些子意應與會人傳

夜聽琵琶

娉婷少婦未闌愁清夜琵琶上小樓裂帛一聲江月白

碧雲飛起四山秋

閒中喜慕溪兄見過

鷗鵲滿晴沙江村好歲華  
投竿魚浪細舉袂燕風斜  
林竹初開笋溪蘋正有花  
得君相聚首沽酒問誰家

歸來吟

只成無喜亦無憎隨處看山倚  
瘦藤烟雨樓臺渾在寺  
水蔬家世半皈依一閒可敵三公貴  
隻眼真傳六祖燈  
漫道秋江魚事美月明空坐板橋罾

夏日寄懷南逸士

南隣何異北山居黃草衣裳白草廬  
閒却農桑事吟弄  
東臯詩存卷之七  
不教風月著空虛

秋思

曠野碧雲暮園林白露秋水花清瑟瑟  
窓竹冷修修索  
莫惟禁酒躊躇欲上樓相思不相見  
多病益多愁

有懷

遠村幽壑獨徘徊雲護柴扉雪護苔  
盡日溪邊倚枯柳  
白鷗何事不飛來

寄蓮宇上人

憶昔相從春水殘桃花映竹鳥啼山  
半年好景違僧舍  
十月西風凋客顏短褐羞如黃葉舞  
方袍定似白雲閒

草堂蓮社天南北惆悵幽期隔往還

夜催花

漏鼓無聲清露寒西樓殘月夜漫漫  
飛觴莫訝花催急  
世界宜橫醉眼看

新墻門

北屋連江面遠峰水禽山鹿謾相從  
徑因待月還宜曲  
門為藏春再設重雨暗蘼蕪分綠鎖  
天晴楊柳借雲封  
攻琴樂酒年來癖更好垂簾稱懶慵

寄敏上人

別來多雨更多風野水蒼茫浸碧空  
惆悵數枝憔悴柳  
東臯詩存卷之七  
不堪持贈膽瓶中

客有姑蘇約奉東

松院袈裟葦岸罾太湖漁父虎邱僧  
因君來約同相訪  
月好風清能不能

飲慕溪所惠酒

是時天氣炎人事難調攝飲水過於寒  
飲湯過於熱得  
君之所惠清淨如油潔不用脫巾漉  
不用置篋甕亦不  
用多人夫婦西廊月一盞四肢暢兩  
盞百情減三盞即  
醺醺五藏皆融洩本不愛貪杯獨醒  
難過日

雜興

飽罷披書便理瓜  
閒中誰道沒生涯  
遣情亦要寬沽酒  
醒睡還須窄煮茶  
細草籬根侵病菊  
古苔階面覆殘花  
旁人不解儂家事  
只道貪閒不管家

自詠

我有安樂處名為建德鄉  
唱于風起籟虛白月生光  
自謂青雲館何慙綠野堂  
傍牕低竹几臨水小繩牀  
居士齋時卧先生醉後狂  
眼前無異物身外有餘糧  
蔬食尋常飯葷腥閒或嘗  
淨神三遍咒煖室一爐香  
念念歸真境心心向道場  
世閒安飽事一切不思量

破屋

東皇詩存卷之七

天

文圖

三間破屋兩間空  
廊壁蕭然西復東  
惻惻豈宜愁坐客  
清虛聊稱病眠翁  
敢將道義誇汾水  
惟有詩歌抵雒中  
客到消閒無一物  
竹窓明月柳橋風

中秋

江村此夕意如何  
道是橋平水不波  
彷彿空中倚樓閣  
分明鏡裏現山河  
當筵自對賢人酒  
得意閒吟孺子歌  
明月若教陪盡夜  
只拚清露濕漁蓑

閨重陽

兩迴風景惜重陽  
倏見秋容變故常  
楊柳葉乾前夜雨  
芙蓉花老及時霜  
極知酒是消愁物  
何處臺非戲馬場

拉得相知開口笑  
不嫌醉倒菊籬傍

歲暮不及去城中偶吟

空野平無盜  
長河凍絕船  
城中未可去  
江上正堪眠  
飽飯何曾缺  
燒柴不費錢  
且從俗人語  
打夥過殘年

移居城中東招溪上兩兄

荆樹江城隔  
梅花歲事殘  
曾經知別苦  
敢道路行難  
凍雪消泥濕  
霜風吹面寒  
一尊今到手  
來為話辛酸

石濂

字 見盧志明揚州十屬詩

懷譚荆浦卧疾

東皇詩存卷之七

天

文圖

一騎東遊曉日明  
思君花底聽啼鶯  
三春綠柳烟常濕  
五月黃梅雨不晴  
祇道旅人甘海味  
那知孤枕怯潮聲  
憑闌極目心惆悵  
江上誰家短笛鳴

薛敷典

字 貢生

送友人還吳門

書劍飄然出雒城  
薰風涼入葛衣輕  
尊前忽聽驪歌發  
回首斜陽隔樹明

曹銘

字西屏號純孺  
兩中副車著有隨菴詩草

五日焦山絕頂同余季先許若魯秦洪甫

山分水園宛中央五日攀躋到上方苔蘚雨餘侵佛座  
烟雲樹杪出僧房峰連遠岫通呼吸浪湧諸天接混茫  
西望汨羅應不隔共傾杯酒弔沅湘

九日登霞山同余孟諸邵潛夫余實甫仲容分  
岑字

佳會矜吹帽良朋愛盞簪無人非韻士有磴即高岑樹  
老秋容淡雲低酒氣侵少焉明月上清興愈難禁

七夕立秋飲冒明府汝九逸園分孤字

近水園亭暑氣徂主人清興晚相呼佇看河影翻機石

東臯詩存

卷之七

丰

文園

坐聽秋聲逼井梧夜靜語深風色細天空歌徹月輪孤  
共驚節序如流水只合高陽問酒徒

鳳山聽周夢翁講心堂

空山寂歷可逃禪況有談經長者賢身自維摩居士相  
法從高座道人傳觀心直欲依穹際合掌聊為白佛前  
齋罷伊蒲相視笑給孤誰是布金錢

哭黃君求

綠竹青蘿起夕陰過門一度一沾巾共知鴻鵠志猶遠  
豈謂龍蛇歲在今詞賦可傳存敝篋風流未絕見鳴琴  
獨憐叔度長辭世忽忽時萌鄙吝心

同社中諸子避暑南樓得開字

何地堪避暑南樓爽氣開聊為河朔飲暫集郭中才風  
快披襟立江遙逼酒來元規方興劇莫遣夕陽催

寺門踏月因成小飲次祝千秋韻

向晚涼颼動相將謝眺洲夜蟬迎露咽宿鳥悅山幽月  
白柳疑濯池空天欲浮不須論興盡斗酒在牀頭

送高父母入覲

父老臨歧擁轍呼猶能及借冠公無中年異政方馴雉  
葉縣仙踪又化鳬行李蕭疎惟載石布帆安穩任操觚  
諸生屈指旋車日夾岸棠陰政自敷

東臯詩存

卷之七

圭

文園

結茅

春樹吐佳色時禽弄好音結茅隣佛地日夕可觀心

隨菴成

夙昔有遠志中年苦碌碌及茲始知返悲哉頭已白結  
屋傍香臺仍在山之麓爽氣足支頤長松可娛目蹉跎  
任性情蕭散諧幽獨物理原有定人情苦無足環堵亦  
自安聊以遠塵俗

李母以哭夫殉其子東麓君遍乞諸名公言裝

潢成帙聊賦短章以跋其後

不知其母視其子李君念母歌陟屺不知其子視其母

李母哭夫心荼苦從來節孝出一門母得子兮名常存  
乞將賢士千秋筆猶勝曹娥碑上文

讀李徂徠大行游華草

年來擬作向平游見記名山意便留况有瑤篇工似画  
遂教華嶽異如搜天開絕壁仙人掌盆洗高峰玉女頭  
讀罷飄然神已往幾時躡履一探幽

宿山寺

山寺夜橫枕月明窓影動思家不成眠那有還鄉夢

春閨

懷郎忽到春恨逐梅花長因此寄梅花隨他想想

東華詩存卷之七

圭

文園

春怨

黃鶯不住啼欲睡難成夢花下費尋思風吹衫袖動

涼州曲

扼腕月氏控黑河驕兵此日欲如何中軍既是郭元帥

不合功歸樂葛羅

明妃怨

隴水涓涓迸淚流琵琶不寫漢宮愁可憐國事銷紅粉  
羞殺單于又白頭

東華詩存卷之八

同里江大鏡樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

許直

字若魯崇禎甲戌進士初除義烏令繼補惠

來令擢吏部主事晉員外郎崇禎十七年三

月十九日京城陷賊絕命詩六章局戶自經

死初謚忠節 國朝賜謚忠愍祠祀焉

東華詩存卷之八

一

文園

贈辟疆有序

歲庚辰江南北飛蝗蔽天赤旱千里吾邑斗

米千錢僵尸載道辟疆盡發百口之糧捐金

破產躬自倡率開賑日待哺者四千餘人而

撫軍道鄒史公兵憲禎璠黃公司李佐平湯

公咸傾心倚重各有捐助下檄邑令資辟疆

以佐其乏余冬至都門返見之感且愧力貸

多金始終明夏為期之議殘臘凌水復偕予

勸賑四鄉辟疆之澤溥辟疆之心力苦且竭

矣余不嫻詩作古聲紀事代饑瘠為仁人致

頌焉時辟疆省覲南嶽並呈尊公老姊丈

皇天蔽視聽虐此無辜民早魑吐赤燄螟螣擁紅塵平  
疇一望枯溝瘠化青磷為富鮮憫恤閉糴封高國吾黨  
有義府冒子擅嶙峋傾糧周缺陷嚮產繼全仁哀鴻數  
千百飽暖生陽春當事洵喬嶽倚君如其身帑發恣出  
入節慎見絳綸鄰邑望風至廣賚飴苦辛寧止麥舟助  
直與鄭公倫余亦切同體胡為徒撫膺稱貸佐毫末合  
尖聊相因君復廣同善四郊履層冰頓使窮鄉遠亦得  
起殘生鴻慈裕經術真誠貫鬼神短言代口碑他年擬  
勒銘

東華詩存卷之八

二

文圖

衡江贈別辟疆社長兼送親親衡嶽

風流才子謫仙人德業淵源迴絕倫骨玉心冰蒸氣節  
筆花墨露釀絳綸庾空鼠象生溝瘠匣貯龍文掃塞塵  
持此問闕當定省旬宣忠孝見天真  
追隨吳越舊山川鳳翽孤翔迴雁巔瀉瀉翻雲出峽底  
峯環削玉挂天邊搜奇金簡待敷試灑翰丹崖供勒鐫  
遙羨登臨多勝況慙余牛馬逐風烟

贈舍梓蒼僧

十笏自參非想天飯依妙相禮青蓮閒翻貝葉三乘透  
靜對空花萬慮蠲秘密修持心印合根塵解脫智珠圓

出山彌了真如性明月香雲總是禪

殉難詩

率土皆臣自聖明狂氛何事敢縱橫驅除安得赴桓力  
一斬元凶盡洗兵  
貫盈巨罪豈容誅屠戮腥聞駭毒痛罄竹南山書不盡  
任將寸磔有餘辜  
破國深仇慘古今麼逆豎逼相侵微軀自恨無兵柄  
殺賊惟殷報主心  
在天靈英念高皇開闢當思垂裕長願侍吾君過謁帝  
祈哀仍俾國威揚

東華詩存卷之八

三

文圖

一死酬君見血誠滿腔忠憤痛難平大讐未復身先殞  
漫化啼鵲叫月明  
擲筆翻然辭世行老親幼子隔幽明丹心未雪生前恨  
青簡空留死後名  
許德溥

字元博傳詳邑乘

聞先帝變

滔天逆賊破封疆草莽孤臣痛斷腸願借上方三尺劍  
將伊寸磔報先皇

拜史閣部墓

寥落古邦溝孤忠恨未酬狂瀾堪一柱青史足千秋節  
與才同盡身隨國並休英魂能殺賊當為執戈矛

別親

家貧親老苦無依一死雖輕子道非若得英魂長不散  
他生重舞舊斑衣

臨刑詩

念我高帝分祚啟靈長列宗續緒兮文德輝煌國步多  
艱兮賊寇跳梁龍馭升遐兮使我痛傷志矢金石兮鏖  
骨靡忘壯懷未展兮罹此禍殃囹圄空濶兮枷鎖聲香  
我節已明兮視死如常含笑九原兮得見先皇子雖幽

東臯詩存卷之八

四

文圖

暝兮魂魄翱翔

石函玉

字振響號元弢邑廩生著有愚溪詩稿

攝山讀書

石室隱懸崖平明寥孤慨奔峭白巘屹曠清何浩莽林  
木變清暉禽鳥弄幽響余本銅煙霞矧乃耽奇賞長嘯  
一徘徊中懷正慨慷神澹慮自輕物清氣逾朗翰墨娛  
豐暇微言寄象罔夏甫誠棲棲子雲亦惆悵屏跡托邱  
樊庶幾絕塵鞅

贈張成倩

冥冥澤中鴻噉噉雲間雁一升與一沉時會頓然判嗟  
我窮巷人舉足多憂患盛衰無定期成敗昧前算志士  
貴芳名高流期達觀夕陽既西傾衆星光以爛悲風從  
北來浮雲隨之斷短褐足禦冬葵羹樂行衍狐貉與珍  
羞無為私自悅優游娛歲年貧賤何足歎

同黃君求張芝房冒起宗李道生讌集

魯陽不揮戈日車豈反蹕古人秉燭遊為歡無時畢涼  
颺振林木寒谷動商律蟾兔尚未升衆星光且溢蟬鳴  
有盡時空階響蟋蟀弱我素心人歡會娛暇日笑語雖  
紛紜威儀自秩秩感物悲霜露哀時聽感栗餘情未及

東臯詩存卷之八

五

文圖

申酣歌展書帙纓綬豈縈懷天路誠率律前車覆在茲  
後軫又將躓且復輟行吟中堂理清瑟

西場行

四月五月南風急薩摩王子挂帆入千艘萬軸截浪來  
行臺失律何嗟及崇川擄掠無寸遺前麾又向蒲塘襲  
其時臯邑築城墉樓櫓不完廩不給荒村四野皆悽惶  
老幼提攜婦走泣賴有劉副使劉公景韶兵雄特躍馬提刀  
鐵渠賊鐵頭梟將說邱公泰將邱公陞將兵皆立斬千  
首日不昃更逢姜令樹木柵繩牀石礮壯顏色姜公須  
臾我陣開兩翼追奔逐走城東北傷哉馬躓邱公死史

浩接踵傷胸臆

史七浩秀皆驍將力戰死于陣

劉公大呼突陣前誓將

滅此後朝食無何轉戰西場東徑反溪深餘賊窮解甲

投戈伏土窟倖生賊死無遺踪築成京觀高百丈珍倭

塚碣傳劉公十年狡獪倡狂賊一朝掃蕩成大功

西場至今

有劉公阜邑濱海嬰重寄南走三吳北齊地此行豈止

靖風濤直使留都撤守備我聞浙水總管胡梅林王直

徐海皆就擒又聞俞盧湯戚胥善戰伏尸流血滿江潯

豈若邱劉揚偉烈儼如烈火燎昆岑從此東隅成樂國

再耕隴首芟荆棘聖朝節鉞下青霄生死銜恩拜詔

勅大招小招招忠魂可惜邱公歸不得

東臯詩存

卷之八

六

文園

長秋行

宦官自古亂天下漢室黃門唐白馬陳蕃竇武皆忠良

一木安能支大厦本朝家法自尊嚴常侍雖存跡自潛

鳳幄惟開捧日扇龍樓浪滴漏壺籤爾來振直初驕恣

劉瑾凶威逾煽熾那知城社更憑陵大盜公然觀神器

當日慶陵復賓天排闥移宮豈枉然柳泌未伏金丹恨

王聖已食野王田一時瑞媼擅官掖手假太阿勢辟易

誰家鼠子都貂蟬何物鴉兒高絳幘歷歷孤臣事可憐

瀝血封章達御前不見揮戈回白日空餘粉骨葬黃泉

劉郎已終崇禎死國事紛紜日已矣朝中盡是曲如劉

道上羣悲直若矢從今省臺歸掌握樞臣宰相皆崩刺

精衛直欲填滄溟愚叟翻能搖華嶽吁嗟創業自高皇

列聖承流錫膺長豈知一旦逢陽九金鏡將虧玉殿涼

幸有聖君起藩邸一掃挽榆肅丹陛手封華表弔忠魂

七年薨結今初洗威神寧止過永元區區天祐安足論

更纂璇璣紹聖祖已知玉歷啟神孫自誅輔國煩冤雪

孽黨餘氛盡殲滅內苑長秋尚有人千秋空監前車轍

句容道中同兄闌城

匹馬秋山路艱危共老兄巖前愁雨滑樹杪見人行賓

雁高難度寒蟬迴不鳴崎嶇應有盡明日秣陵城

東臯詩存

卷之八

七

文園

同劉青霞登北山

萬樹參天黑孤鐘向晚鳴此中堪嘯咏於世絕逢迎烟

水層層碧鷗鳬箇箇清但令心地靜何事學無生

東黃君求

怪爾誠無事終朝獨掩關醉中成日月詩裏見江山豈

惜囊錢少何愁鬢髮斑因之一長嘯瀟灑有餘閒

桃葉渡

岸上桃葉青岸下桃花落寄語刺船人東風何太惡

東墅即事

自昔開幽徑于今三百年斷橋橫古碣老樹拂蒼烟籬



舍多依水居人好刺船  
呂公墓尚在憑弔一悽然  
吳大司馬

高陽蕩中

極目秋原淨溪雲薄暮懸蒼茫葭裏烟水一漁船  
白鷺隱還見青林曲更圓瀟湘隨處得適意可忘年

送余實甫仲容遊金山

惜別金山醉夢間看君此去客心閒清風短棹人雙美  
白鷺中流月一彎張祐遺篇應嘯咏王古跡重躋攀  
憐余寂寞稀同調惟有浮雲自往還

送熊洛望先生歸朝

旌霓當日下青門坐惜先生又北轅但使中朝歸節制

東華詩存卷之八

人

文圖

敢言下里失屏藩盤根自見孤臣績寶劒難酬國士恩  
愧我蒿間更鍛羽燕山極望正銷魂

范廷瓚

字獻重希宣次子諸生有吳吟竹西咏瀝莊

集

姑蘇懷古

朱戟雲屏暗綠苔吳門燈火舊樓臺宮牆盡向浮圖出  
城闕猶連茂苑開楓落疎鐘烟寺晚烏啼古木夕陽哀  
最憐寂寞胥江水夜夜寒濤拍岸回

邑山訪古如上人

地僻梅先發尋幽到水源寄身惟一衲悟我卻無言雙  
樹因留記千峯獨閉門悠然塵世隔何減給孤園

弔史相公墓

丞相墳高古木平蕪城夕照暮烟生兩朝未奏孤臣績  
四鎮空標上將名豐草橫碑蒼蘚合長林挂劒白雲輕  
傷心莫問邗關水過客愁聽鳴咽聲

詠懷古跡二十首

蕪城

歌吹古揚州荒烟縈野樹故宮人已非莫讀參軍賦

蜀岡

東華詩存卷之八

九

文圖

山形直到吳岡勢全連蜀迷樓跡尚存空階春草綠

邗溝

夫差北伐齊開溝設荒壘江淮不斷流殘兵逐逝水

隋隄

種柳御隄傍垂枝覆隄水憔悴復何年暮雨斜陽裏

螢苑

象牀百寶粧繡帳流蘇墮不須照夜珠宮中有螢火

雷塘

日落虎豹啼荒陂生蔓草我來瞰後湖暮雨雷塘道

竹西亭

家近竹西亭年年亭畔住豈知歌吹聲不在竹西路

廿四橋

長橋空月明踏月過橋去夜闌人未歸簫聲在何處

九曲池

艷艷荷花紅盈盈池水綠美人弄花枝只唱涼州曲

第五泉

涓涓百尺泉石上蒼苔古一勺讓中冷曾經試陸羽

法海寺

寺環四面波滅沒藏烟雨寺後列墳塋寺前作歌舞

木欄院

東臯詩存

卷之八

十

文圖

聞鐘客始來飯罷日將夕不見花滿欄老僧頭盡白

無雙亭

雲封古觀幽月照荒臺冷空復憶瓊花神仙聚丹井

玉鈎斜

吳公臺下墳玉貌化為土誰慰六朝魂悲風作寒雨

夫差廟

勾吳霸業空空廟雲來宿邦水東南流北風吹茅屋

曲江濤

八月江波壯驚濤如捲雪古今不盡愁總雜濤聲咽

揚子津

孤蓬罷釣歸月黑宿揚子夜靜江水寒潮聲清到耳

蔣侯宅

將軍立漢功逐賊鍾山下廟食古河邊依然舊廬舍

茱萸灣

橋通古市頭淮水奔流疾相喚采茱萸客中逢九日

召伯埭

湖南水拍天湖北人歸宅南北一隄分至今懷召伯

登天平絕頂處

嶙峋石笏與天齊絕壁雲開萬象低烟起半巖僧自汲

泉飛千嶂鳥空啼吳門正練懸疑瀑震澤疎林望若夷

東臯詩存

卷之八

十一

文圖

聞道名園春色好只今惟見草萋萋

經西洞庭

湖澈波光隱畫圖登峯覽勝倩籃輿龍遊荒院依僧住

鳥跡空崖學禹書橘柚千家霜後熟烟蕪數點雨中疎

耽幽何處成嘉遯笠澤春風好結廬

二月十九日觀佛珠泉登竺山經潭東訪雲中

吏不值由彈山嶺望西華過幙山尋巢居竹深

處宿

泉飛遙映遠山梅竹嶼晴雲拂曙迴曾過樓臺烟外宿

未收風雨樹中來隔溪有寺香先發絕壁無僧花亂開

尋到巢居天欲暝新詩又被晚鐘催

二月二十二日登舟還靈巖由西湖過虎山橋

經光福望蓮華峯沿磻村至木瀆

鼓枻橫波發櫂迴榜歌漁唱破春苔遙峯影隨村村雪  
曲塢香舍樹樹梅自入溪流浮夢遠忽逢山斷見花開  
扁舟不盡登臨興湖水悠悠好放杯

蕪城竹枝詞

竹西燈火照迷樓水殺曾傳清夜遊廿四橋邊新月冷  
簫聲何似廢宮秋

六月荷開九曲池樓船載妓醉金卮酒闌共入荷花去

東臯詩存卷之八

主

文圖

癡殺隄邊遊冶兒

春晴郊外鬪香車嬌女凝妝踏落花日暮鄰舟相喚取  
緩歌休上玉鈎斜

茱萸灣口夕陽斜孤夢扁舟宿水涯聽徹悲笳人不語

邦江九日客思家

冒起年

字公亮明經

崇川客次

雲和香枕寄幽閑旅况蕭蕭一榻橫月上指僅沾酒處  
風來送我讀書聲驛客到詩盈袖冷砌香餘菊數莖

最愛尋山頻策蹇彫秋不起故鄉情

吳世式

字國表號竹莊明諸生國變之後棄衣巾隱

白蒲旋飯依空門有竹莊詩稿

贈別南州趙朗菴毘陵杭庸菴歸江南

世多燕與雀苦無鳳與鸞詎無鳳與鸞燕雀難為歡翺  
翔千仞外逸翮時聯翩江渚有梧竹聊且戢羽翰

翰戢塵氛外幽懷各耿耿和鳴以自娛中天流素影金

石薄林臯清風何其迥予為求友來臘雪催梅冷

梅冷向南枝惟賞少塵思豈不慰夙心歌嘯酒一卮如

東臯詩存卷之八

主

文圖

何忽鼓枻薄言以旋歸正直此風飄搔首歎臨岐

臨岐歲云暮哀音曷能已願且立須臾愁見征帆起相  
顧淚潸然白頭重知已何日雙龍合目極長江水

秋日偕賓王姪訪黃仙裳

曰余昧中理抗志遠塵區邱園何寂寞大道草維儲履  
運增愁歎斂跡重踟躕踟躕長幾渴美人莫與俱索處  
滋鄙吝懷抱將焉舒忽忽涼颼至桂枝華乃敷君子既  
來止約隱南山廬偕我仲容氏排霧出林墟叔度令名  
積大雅賴以扶晤語中心協神交歲月餘一朝仰徽容  
得以慰離居矧此金盤露飲德并飽餽調笑寧同謔惟

賞良獨殊但願慎明德丹石矢相符

秋日會飲環玉姪齋中贈崇川保柔菴

巖巖千仞岬洋洋萬頃陂鬱鬱石上柏馥馥澗底蘿東  
南有靈區豈不產英姿英姿邁羣倫皓首與世違章成  
金石重翰濡雲霧飛驅車走長途寧鮮新相知朝謁金  
張門暮投許史閭慨焉恥勿就抗懷在賦詞甘入貧士  
巷擁書日下帷仰彼百尺木得附葛蘿絲金風正瑟瑟  
永繫兼葭思一朝鼓棹前叢桂正芬菲非緣骨肉情歛  
忽肯來茲小阮會譙飲得與君子期宿雨開霽色竹林  
散清暉雪藕承春盤金蔬侑酒卮懽懽抒所懷願言行  
東臯詩存 卷之八 十 文園

杯遲

憶昔行贈在茲姪

憶昔生長承平際先子為兄我為弟兄視功名等拾芥  
我愛文章亦砥礪邦上諸侯獨相知酒脯日到供董帷  
雷奔電掃萬言就小巫走令大巫隨吾兄此時黃金薄  
豪放人間真灑落家住並在城之隅諠薄雲天宛如昨  
此時爾尚一孩童跳躍庭除致不同奄忽吾兄仙遊逝  
我亦寬身草萊中二十年來家國事但看斜陽影薜荔  
一朝移子過蒲塘相逢執手欲垂淚先子當年志氣豪  
猶將心事付兒曹伊予適世又不偶只合杜門沒蓬蒿

羨君英敏邁絕倫允矣吾家竹林人李杜文章李蔡書  
玉山相映清嶙嶙有時覓句為我題有時攜牋索子揮  
吾將老矣莫相棄前溪月上惠然至

待友

雙龍一朝合夙懷得以開白雲垂且深握手重徘徊仰  
觀凌風翰俛思坐井蛙伊予徒永歎大雅委草萊徑踐  
羊求蹤天縱陸賈才龜勉結同心古調賴與諧川逝不  
可返曜景已西頽人匪金與石安能久形骸大禹惜寸  
陰疎散况吾儕遠圖千載業超跡絕塵埃義分擬秋霜  
時命豈相乖

東臯詩存 卷之八

五

文園

乖離有時違中心願如結傍籬泛菊觴既醉休言別飄  
飄鷺鷥親忽忽浮雲沒盤桓睇夕陽徙倚候明月披衣  
酒再斟憑軒話前烈松栢有蒼容麟鳳不受絀村墟亦  
瀟灑夜清似擁雪鐘鼓豈能惟寶書相與悅欲辨共忘  
言牀頭鳴蟋蟀

幽居

偶緣今世棄翻得此身閒養拙江村老西風自掩闌烟  
波奚用價庭草不須刪鷗鷺忘機久溪門日往還  
架上抽書讀階前綠影深六經天有口萬事我無心竹  
自近軒嘯鳥嘗到樹吟須知消息好紙上莫搜尋

野老溪頭去垂竿豈在魚愁聞今日事喜問古人書向  
夕呼兒飲有時過我廬姓名尚未識笑語渾如初  
小築雲深處兵戈總不知鳥啼情共切鶴步意俱遲酒  
熟偏懷友庭空只種葵中林閒徙倚日日是良時  
泱泱一水遠縹緲五山微縱目朝扶杖放歌夕攬衣不  
才容自放大道竟何歸俯仰餘生事消停只采薇  
海門收雨勢野寺落鐘聲室遠人俱淡天高氣更清乾  
坤酒顛倒甲子詩分明殊覺行吟苦無心問祖生  
蟲響秋宵集林花穀雨分牀頭千日酒戶外一溪雲寂  
樂閒堪領幽香冷獨聞烟霞任天縱豈是愛離羣

東華詩存卷之八

七

文淵

昨夜風蕭颯兒童向我言于今收柏子何處覓雲根水  
曲聲如咽花清氣似溫加餐擁書坐少客到衡門

鶴

玉立本高潔難將世網求片雲閒作伴萬里肆遨遊不  
羨乘軒寵斯無鍛羽憂于天清自唳志乃在滄洲

白鶴志猶逸翩翩月下飛雖然澹綠水仍舊潔霜衣凡  
鳥誰堪侶喬松獨自歸音嘗憐古調慎勿炫清輝

秋日蒲莊喜五玉尊光姪陪黃仙裳顧孚元至

即席限韻

一室蒲塘僻深秋水滿津何期高士駕來與野夫親草

徑苔初破柴門泰正新莫嫌疎禮法任意看庭筠  
笑語翩翩好吾家有仲容從來能結客相與伴閒踪轉  
覺秋雲澹須教酒興濃何妨歸去晚月色上芙蓉

東村讀書處

養拙歸田里攤書照夕陽祇緣今世棄得進古人堂野  
老門多草浮生酒一觴親朋偶然會寄興在滄浪

西莊遙和徐澹菴至日詩即用原韻

偶從西野過風景不如常眼底添宮線田間索鼠糧  
飢卑之西極鼠糧以度歲是誰愁頓破此日興俱長蒲上傳新句時  
聞冰雪香

東華詩存卷之八

七

文淵

感懷

十載離羣兩鬢霜風清日遠白雲鄉不因人熱梁鴻癖  
曾哭途窮阮籍狂鳥亦懷春頻度柳花如背水只朝陽  
草堂無事苔鋪徑一曲悠悠獨舉觴

莊居喜錢五長同五玉姪至

柴門春晚重徘徊懷抱如何得好開花落未曾緣客掃  
鳥啼忽喜報君來正堪話舊題新句翻藉飛紅泛綠醅  
况有仲容多逸興時時肯與破蒼苔

咏魚

人間結網心多羨淵底潛鱗樂自幽一任浮沈翻錦浪

漫勞跳躑出清流化鵬莫問他年事觸餌須防此日鉤  
月照蘆枝閒戲影時時江上有漁舟

寄懷吳陵周雪山

憶昔萍蓬喜晤君鳥啼深樹幾人聞論詩不覺禪心合  
把酒曾經夜色分客去辜城三徑月夢回海岸一溪雲  
空令兩地憐同調何日重逢華雨紛

春暮

長于橋下桃花浪燕子磯頭楊柳烟王氣百年春又老  
江南一曲歲徒殘風催羯鼓綠何事日照錦帆尚未還  
分付鷓鴣啼且止新陽正值雨紅天

東臯詩存卷之八

太

文淵

日暖扶筇過竹溪芒鞋到處草萋萋人行樹外蒼烟遠  
雲擁江千碧落低元亮醉中情莫測達夫老去興堪齊  
幾回徙倚將春數不為窮愁索賦題

目極臨淮綠野平塗山鼓角振蒙城謝安此日歸何處  
肥水當年豈再兵千載豪華江逝浪六朝佳勝鳥啼聲  
中州何日忘爭戰士女看花頰上行

麥秀驚心又一春江村養拙老閒身為儒日暮知何補  
痛哭途窮只避人豈是顛狂無柳絮也應崛起有庭筠  
擁書自此門長閉幾度尋芳欲愴神

許遠張巡

保障江淮賴二公孤城戰守並全忠休因一死分先後  
遂使千秋話異同何事將軍名獨著應知太守節能終  
迄今雙烈英靈在廟鎮睢陽古木叢

東莊雜咏

避人亦且憐兒幼東向迢迢擇地居雲接狼峯當戶峭  
水連江渚過門間花香夜悄誰乘興野闊天高自擁書  
豈是離羣甘寂寞不才合與世相疎

草堂蒲上捲簾愁紅日西沈水暗流衰柳寧同霜鬢短  
飛雲卻肖此生浮霏霏細雨侵階濕颼颼涼風入暮秋  
養拙不辭人共棄蓼花深處盪虛舟

東臯詩存卷之八

五

文淵

漫興

豈為潛名好都緣入世疎生涯三斗酒故舊一牀書黃  
鳥時來往白雲自卷舒相看渾不厭百歲欲何如  
敢以貧潛拙空教歲月羈會心流水外得句落花時世  
界憑誰力人生有所期不須傷老大且惜此鬚眉

咏殘梅

桃李春風亂梅花夜雨香不堪何遜咏遂作壽陽妝玉  
骨依然秀冰心黯自傷疎枝近簾幙荏苒度年芳

虞美人

垓下歌聲冷情癡虞美人寧為江上草不入漢宮春血

染枝枝碧魂銷辦辦真芳名應難沒移去伴庭筠

遣懷

貧病相并日如何慰老夫胸中千古在眼底一人無構  
草書常秘忘言道自俱涼風向夕起抱膝倚蒼梧

咏懷古跡

八載南州血淚零幾回搔首對新亭山陵未改龍蟠勢  
城郭還存虎踞形建業曾為吳社稷丹陽亦是晉朝廷  
鷓鴣不管興亡恨繞樹聲聲此日聽

碧天雁字度瀟湘江北江南暮景涼衰草石城猶殿閣  
夕陽隋苑只沙場布袍十載神州淚離落三秋晚菊香

東華詩存卷之八

辛

文圖

倚杖巡檐閒指點笳聲明月動滄浪

東五玉姪入詩會

江村屏跡遠風塵自是吾家騷雅人烟雨六時花作課  
池塘十畝竹為鄰于今才子多逃俗從古詩人不厭貧  
好句林間隨意得休因律細恐傷神

寄懷顏葵莊

憶昔晤君始城隅握手過笑談同入座風雨各悲歌不  
覺睽違久自然悵望多盈盈祇一水歲月漸蹉跎

即事

日影依稀水色幽鳥啼何事過林邱千金散去誰青眼

五字吟成自白頭不為探花寧惹興祇緣采藥轉生愁  
孤村爭似門長閉午夢春烟漫綠疇

懷古

霸業消沉見遠村海陵風雨日昏昏會盟往事空流水  
下駕遺踪只古原霜鬢短時雲結伴綠楊深處鳥能言  
自甘寂寞柴門老惆悵江皋枉斷魂

摩訶山

秀隱摩訶絕點埃東臯屏蔽重徘徊一天海色山何在  
萬頃濤聲影自來赤岸望從烟樹沒青螺浮出楚雲開  
謝安縱有登臨興彷彿蓬邱難溯洄

東華詩存卷之八

主

文圖

讀陳侍郎絕命詞

哭入雲峯去孤臣血自流天高無力挽死後有詞留骨  
掩青山古魂飄故國愁清商歌一曲只恐白人頭

贈同里武孝廉范氏

屏跡烟村外西河一水幽灌園甘自放仗劍向誰投亦  
有微車至寧忘故國愁吾臯文武士君乃是清流

秋興

此生若問就閒老正值西風落木寒黃菊秋光香故晚  
白頭心事淚曾乾紛紛漫眼多風雨歷歷同人少肺肝  
片石焚香新月上瑤琴欲展向誰彈

歲暮村居

十載蒲塘上蕭蕭賦索居誰令詩骨瘦無那物情疎平野何空濶白雲任卷舒歲寒貧亦好獨坐擁殘書

同上公環玉諸姪避暑劉氏水亭

何處清涼劇蒲東第幾家仙源知不遠逸興自然賒只在烟波際寧無竹樹遮主人能愛客正好試新茶

沽酒

相將謀夜飲攜甌出林皋只為詩情迫非闕酒興豪迂疎全晚節潦倒任吾曹雨過涼生室酣歌豈憚勞

哭冒默菴

東臯詩存卷之八

圭

文園

冒子喪何早生前晤獨遲干戈知我日風雨哭若時妻子今安在文章久自思當年攜手處夢繞九龍池

飲酒

愁破何須酒一瓢也將瓢酒慰蕭條疎籬竹色蒼烟冷陋室歌聲白髮饒不辨晨昏啼小鳥任從南北起狂飈看看豈在杯中物古往今來意自消

龍鬬

聞說茅州境中天見鬬龍元黃曾雨血去住或交鋒多病柴荆老無能風雨從雄雌未識仔細且藏踪

佳角夏宗豈乃始姪宿西村草堂早起分得詩

字

有客過田舍夜來風雨侵不眠因惜別早起為行吟鳥語簷前細人烟竹裏深今朝擬策杖十里共追尋

絡緯

絡緯聲何切萬家杼已空不堪催織女只恐亂征鴻寂寞三更月淒涼一葉風絲絲相偏側何日報成功

喜佳角移居西村

董子江都曾有宅少陵灑水更移居不嫌竹徑多零亂喜與山雲共卷舒儒雅風流君獨任世情禮法我能疎藤蘿兩地門相接歲月寬閒好著書

東臯詩存卷之八

圭

文園

傷春

射工沙蟲近江沙憶向東陵學種瓜入市漫誇誇大隱于人何事畏鳴笳海雲勢滿千家雨庭鳥聲孤半樹花何日買舟歸去早依然鼓棹過西涯

雷轟電掣沈陰久驛路春橋不肯明鯨浪無端翻水國烏啼只欲傍檐楹每從醉後披衣慣強學江頭散髮行高譙曲江還在否名花落盡草縱橫

沿隄白浪漲平坡夢繞邱園幾度過花鳥一時風黯淡春城兩月雨滂沱開尊且駐高僧屐擊缶聊同少婦歌從此禁烟真斷絕更愁漂泊問人多



上元後日雨中集張氏園

江城燈火千家少風雨瀟疎客路難賴有高朋追古調  
慙無錦字賦春寒柴門西野誰為主竹樹東林爾獨安  
今日過從猶醉倒幾回搔首暫相寬

張李鼎

字吾鼎號慢菴有半紫野樵稿

秋晚家園

瑟瑟涼風振栖遲小閣東一邱侵月白萬樹著霜紅簾  
冷憎寒杵墻陰響夜蟲庭前秋色好酹酹菊花叢

酬郭處士過山居韻

東臯詩存卷之八

缶

文園

亂水芙蓉隔開門多掩扉樹深蟬噪急苔滋客來稀絕  
壁垂青蔓崩崑冷翠微桂花開正好不醉復何歸

次荅黃仙裳晴臘過荒齋原韻

荒徑苔花鎖閉門寂不開豈期枯坐久尚有故人來老  
樹猶殘雪晴軒欲放梅莫嫌山館僻百過且追陪

喜姚仲潛同令姪舒恭來東臯次韻

如雨風流散春江一棹來亂鴉喧古剎幽磬冷山隈長  
嘯空林響狂歌彈缺哀愁無生法酒辜負滿園梅

別二弟元昆

餘生翻意外更訝汝重逢萬語見時塞三年離恨濃淚

隨分水嶺愁壓慢亭峯又忽各萍散須臾不可容

顏佳肩臥病詩以訊之

聞君偶小頤問訊近如何藥以貧應少詩因病轉多迴  
溪新漲水挂壁古烟蘿乍起還珍重幾時策杖過

聞雁

何處遺高響橫空避繳飛一聲如有訴萬里獨無依况  
復兼寒戍那堪更擣衣嗷嗷相念侶散落幾時歸

遣興寄友人

杖倚東風一綫微綠楊撩亂上漁磯相看歸雁愁無賴  
漫聽哀絃心轉違幾處國殤今是夢三巴驛路昔全非

東臯詩存卷之八

缶

文園

忘機只共安禪侶瀟灑無煩淚濕衣

浪跡東屯憶瀼西知君絕世傍幽棲數椽茅屋沉沉樹  
三徑荒苔冉冉溪捧硯有人銷白晝烹葵無客杖青藜  
幾時新釀牀頭熟相對應須拚醉泥

八月十五夜

秋水孤城明照眼况逢三五月明中百年此夕幾回醉  
萬里交知類轉蓬玉桂影寒清露薄碧桐聲落暮雲空  
誰家歌吹翻蕭瑟更有南飛片片鴻

南屏

薄暮入僧舍殘陽在女牆松高落寒影花遠度空香晴

瀑灑迴陰陰，蘿蔽曲房暝。來疎磬落隱，隱白毫光

顧煒

字仲光，有墨澹齋草。

李倚江家廬，功道經西泠。雨集話舊是，晚即渡

江東去。

故人千里至，短棹歇楓林。不意纔攜手，翻增惜別心。層雲迷嶺暗，落雁聚沙深。為問年來事，羈愁總不禁。

靈隱寺

危閣擁空界，天風自遠鐘。憑看諸法象，獨認九芙蓉。鳥道曾無際，蛇盤更幾重。坐深不覺晚，謾謾響長松。

東臯詩存

卷之八

五

文圖

汪洋

字千頃，見同人集。

並頭茉莉

奇葩並蒂吐，瑤芳靜女聯。翩逗晚妝雙蝶夢，迷難辨影連環。玉冷不分香，重勾粉澤呈秋媚。共怯冰綃倚露涼，簪向鸞釵誇雪艷。從教鴛枕妬何郎。

東臯詩存卷之九

同里江大銳樵所

興化王國棟竹樓全訂 同里汪之珩璞莊徵輯

同里黃振瘦不

興化左亭筠谿校訛

冒襄

字辟疆，號巢民。憲副起宗子崇禎壬午副榜授司李，以親老不仕。國初屢膺徵辟不就。

鄉謚潛孝先生，著有樸巢詩憲，副呼之為天生孝子。選水繪菴集香儷園詩集行世。

東臯詩存

卷之九

一

文圖

昌田洞

怪石大小立，衝激發高響。偃仰適所樂，蒼茫結幽黨。一望古參橫，位置各有像。綠雪挂波簾，噴珠上余額。水石角異觀，萬態送奇賞。遊魚吹雨絲，俊鳥洗翠輦。薄舟裊那行，潏然扼雙槳。榜人嗟蹇滯，余意悵過往。

烏灘

鬱鬱水如羅，田田石似葉。水立石反臥，異景新兩蹀。錯落浮瑤席，箕踞上蓮牒。持釣選魚磯，碧香四隅貼。永日恣嘯傲，到處客心愜。玉沙夾岸平，綠溪隨明月。散髮弄連漪，纓足厭公越。

戴務梅過訪以即事三十韵見投次荅

甲申西北圻黃輿東南遊一時候中興日昇稱光燭小人羞負乘君子徒猶猶我亦到京國獻策膺首收明經簡戴憑奪席居上頭同升獵特用浪島生浮漚瓦缶爾敦彘上下百尺樓晨夕泣時艱白髮千丈愁烈士烈火心尾身即墨牛辭安請危疆誓死瘞哀邱豈意澄清志鐵簇狗青楸茗溪示我書化碧血難揉長別十六年兩死師三休余乙酉冬死一永夜壬辰春死三日夜兩得更生化蝶夢栩栩魂返聚窟洲汗漫瓜牛廬拖沓非水舟極目形彫枯山焦金石流已亥歲初春故人忽見投敦古拜牀下短衣向我

東華詩存卷之九

二 文圖

樞驚柑興偶爾雞黍堅前秋披對淚從橫渴蠶千緒抽陳生亦予客相喻春桑柔才品互剽動真不慙箕裘緬余枯落安無能闢一籌煮石酌白水幸不為腥甌摩空看射鵬彈雀皆琅璆吾亭共小憩四面迴古湫紙筆從兒好斗酒與婦謀且酌金叵羅虛願良難酬歸昌蕭崇岡何如鷗鳥浮碧落萬古存蒼天胡悠悠

五君咏

南海甲天下浩淼凌氛埃哉峨越王城中有鬱孤臺千載得舍人曠代稱大才射策冠南宮表然金門開西風刷玉爪氣蓋鄒與枚珠江諸女兒美者顏如瑰笑謁青

羊君滿把羅浮梅每吟程曉詩諷味常千回晚節官秘書列宿依中台黃山與五柝簪筆頻追陪前年陸賈裝曾到蕪城隈賦詩一相送目斷清江苔復枉尺素書遠從姑孰來思君結中腸緯繡疇能裁遠望蒼梧雲水碧空徘徊程舍人周量

前朝萬歷間六宇猶安康懷鉛入京洛健者相激昂碣石推輿區鋒銳不可當維時米先生領袖翰墨場名園構輦下花木深且蒼華燈耀九枝歷歷搖璧璫女紅織作奇別自為流黃物物皆氏米瑰麗非尋常瘦石與孤菊畫筆通微茫更有女針神能繪梅檀王五筆具妙好

東華詩存卷之九

三 文圖

光明照縹緲余父官京華讀書六庫堂辱公文最歡從遊如葛彊歸來聚子姓說向秋宵長暨余舞象年頗解蠟鳳凰幽花吐並頭馥若曼陀香飛書走海甸遍索諸名章獨有米先生擲地皆琳琅吳綾滑似脂細字春繭僵皇天惡老醜萬事成悲涼轉盼四十年疇昔安能詳側聞文孫才已壓大父行揮毫躋任沈灑藻凌班張我有生平交最數劉與王建安號七子與君相頡頏安得乘秋風吹我置君傍張燈一話舊再見前賢狂米進士紫來青青江上楓湛湛江中水望遠一流慨所思清潁尾我思彼劉君誅茅在於此才同俠者流靜又類高士憶昔

初結交相遇秦淮市藉卉飲新亭河山倏然異是時庾  
元規出頓中元轡君獨任叅佐抵掌天下事一瞬各參  
商離別從此始順治丁亥年余方歸井里間巷斷樵蘇  
階除蔽荆杞節使坐樓船笳吹中流起大僚悉奔走縣  
官負弩矢諸公未及謁首詢愚父子沉思蹶焉懼顛倒  
失意指何由賤姓名獲入貴人耳柁後一見君乃始得  
所以荏苒直至今舊歡何日繼一讀紫雲詩彷彿凌雲  
氣

劉武部  
公職

汪侯性簡傲蕭散有規格讀書破兩漢飲酒盡一石擾  
擾崇文街浮雲羅第宅西有趙李家東有金張室侯騎  
東臯詩存卷之九

卷之九

四

文園

款段馬醉踏秋風白時於朱門前直拓黃金戟十問九  
不應頗叢貴人責濟南王阮亭與侯稱莫逆謫官一相  
見官醞恣浮拍衝雨特訪余殷勤論疇昔邀我坐清川  
示我以文籍酒酣顧謂余兩賢詎相厄論事見根據立  
說匪倚撫蒼蒼小三吾中有雲烟積曾許過寒廬為期  
在除夕成言渺難遂零落如殘葉廣陵十絕句一字一  
追惜紅牙檀板間位置我亦得恨不臨岐時為侯一吹  
笛

汪比部  
荏文

衰老都易忘對酒或翻記憶與吳均游此是幾年事往  
者竹西路日日為水戲是時龔合肥實為人望寄跌宕

愛古驩清遠有深致更有趙平原英英負奇氣人如張  
長公安比杜弘治浹日必具飲每飲必大醉盤馬平山  
堂炙兔山光寺百金買管絃千金聘歌伎君時喜詩歌  
握管若飛轡余亦策駑駘霜蹄免顛躓嗣後君過余浹  
月住深翠清談并馬稍繾綣無不至轉盼成舊雨一往  
類秋蒂君已踐清華壯年起為吏嗟余老更狂姬姜日  
憔悴長安諸貴游音問何由繼聞君曾寄書一道關切  
意詎料殷深源垂函悉棄置不見故人書矧乃書中字  
念往切長懷撫今動深喟蒼蒼平原居化為買酒肆今  
子壻高門感君敦古義臨風附一言申之以流涕

東臯詩存

卷之九

五

文園

對菊和陶

讌賞敞柴門今日戒勿開洗石移老藤茗香展菊懷媚  
幽更慎獨氣味始不乖密坐環竟日秉燭猶棲棲何以  
致我心在菊願為泥此後更餘年永為金石諧東籬豈  
桃源能令入者迷躊躇探晚花一日催幾回

喧寂無定形人各適其境菊能令人醉亦能令人醒逃  
哉古遺逸遐心妙所領中葉友柴桑上古師箕穎雲霞  
凌高躅寧羨丹青炳

量不勝蕉葉最喜飲人至不識酒中樂人醉我亦醉菊

更與酒宜菊飲已數次早花將半月中晚尤堪貴金風  
關霜冽小春酣菊味

老病貧賤全無境不自得盲風噩浪來凝然常不惑孤  
生天地間魂遊浩充塞三到聚窟洲五返華胥國酒間  
人數問看菊付一默

雜選攜酒來高隱偕臙仕枯腴各異量落落皆知已羣  
居醉復眠作達不為恥敬老尊師友古風扇仁里柴桑  
嗜酒菊風流垂百紀愧我非其人亦自稱知止此詩海  
內傳老人強自恃

水繪菴六憶歌

東臯詩存卷之九

六

文園

水繪百年稱隱谷主人舊是先祖叔先祖逸園臨古潭  
紅樓碧閣枕東南西北水繪水無際古樹參天雲日翳  
吾祖構池廣放生洗鉢池魚四十歲滄桑既改喬木摧  
龍學虎跛俱隕殞大阮廢箸并相屬余易為菴存劫灰  
是時人家苦兵燹古石迸落隨人輦况復吾家有石倉  
好為無益成絕歎不特移石兼移松九鬣蒼鱗蟠老龍  
撫松一望歎寥泝霜嚴翠冷聆寒鐘枕烟亭前雲屏削  
月魚基後峭壁立古香百樹繞山腰大唐之頌堪重勒  
二十年前遠親衡湘勝遊真絕倫道州古銘特奇秀  
三吾小影摹前人洗鉢泓油抱寒碧唐亭孤峙水中石

左渡長虹汾藕花右通小月浯溪繹百畝之內無繚垣  
層溪淺渚生波瀾斜風細雨掠舟入不許漁人把釣竿  
畫隄夾鏡桃花水面面桃花紅似女弄姿逞態無不為  
掩映垂楊颺他嶼弱冠城南便結果如今老去重誅茅  
自謂餘生狎鷗鷺取諸天地如空苑那知山崩復水竭  
高者使傾生者滅亭畔秦封幻化無岸上秦花春水絕  
東鄰占斷小浯溪西鄰斫倒垂楊低烟水烟絲空極目  
萬物於我如醯醢吁嗟百年一杯酒自有無者無不有  
伊何為彼孰是吾悔勒吾銘師漫叟諸君爭放六憶歌  
余為小記更吟哦鉢池祖澤奈魚何

東臯詩存卷之九

七

文園

夏寒行

六月八日穿縹絲縹絲中裹夾縐衣夜擁薄絮不得熱  
手持綾扇何曾揮頻倚薰籠烘寶鴨日光瞳瞳背溫洽  
豈是皇乾驅大火風蕭蕭寒雲吸呷或者昨年電未消  
冰車雪柱漫空壓我聞老農常言中夏寒修綆繙井井  
底乾又聞六月陰森生積水河裏撐船直入市旱澇啟  
憂兩不齊眼前二麥賤如泥去年奇荒無一粒今年豐  
收百當十民窮金盡金益貴官通重征征轉急束手仰  
屋何所出天亦慘悽六月蟄老我憂天天不知滿頭霜  
雪悲瘡痍

東鄰行

東鄰老叟七十餘連雲之屋田上吏持籌握算最云得  
攢眉垢首恒歎無既甘霜儉尅衣食更怡蕭城仇笙竿  
青春白日去不返猛權子母鞭馳駒以此系積疲錙銖  
俗眼滔滔羨充腴豈意春來化灰燼旋于長夏捐身軀  
一身之外原莫益周身之具何多圖有田不能名一錢  
有錢且留飽妻孥雙手欲伸不得出滿心憤恨形凋枯  
七十年來如是夫人生朝夕同蟪蛄道傍咸能為彼吁  
那知吁者同其愚為吁者愚彼尚擁貲稱鉅萬彼尚  
享年七十餘眼前鹿鹿不稱意萬一蚤死胡為乎勸君  
東臯詩存卷之九 文圖

浩蕩捐一切陶然清興發江湖

西鄰行

西鄰老叟江湖客虎氣雄豪莽形魄少年作賈善經營  
白手致富稱錢癖陶朱百道善營生王戎計算到李核  
標錢穴金數十年豐然闔然神鬼役不知神鬼何所言  
白撰朱提頗不惜發廩指困擴捨施衣食于路待枵瘠  
畧約逼側皆坦途紺殿旗林互金碧只謂能聚亦能散  
那知窟地仍厚積銅牆鐵壁久塵封內屋充盈秘柴柵  
一朝掘開大心驚完封不動無踪跡當時密窳且深堅  
不意此君生六翮我聞中金之氣夜流白撥隨手散復

如液不貪夜識真有形屈伸往來隨所易又聞少昊之  
時金鳴銀涌自流浩龜蛇呈形人鬼劇是物流毒不可  
窮妄取絲毫價千百五倫因此成順逆仁義忽變為盜  
跖若終身狗亦甘心何當八極潛揮斥幾年市義應有  
憑滿眼神仙難考覈君不見郭巨埋兒金出塵葛家孝  
女魂化銀造物暗移是爾福不然禍發傷其身

湘中閣同阮亭儀部望雨歌

我昔遊瀟湘鼓愛瀟湘雨瀟湘一別三十年暮烟欲見  
青難補山腰小閣署湘中四溪一碧將無同捉麈有人  
喜深坐日來看桃花紅桃花片片嬌紅濕輕烟織水

東臯詩存卷之九

元

文圖

鮫人泣枝峯蔓壑樹槎枒蒼涼綠滴吹窗入是日幽靜  
不可言遊人屐阻空煩喧推窗忽憶三湘景米家畫裏  
聽秋猿

宣銅爐歌為方坦菴先生賦

龍眠先生鬚鬢滿兩朝鼎貴稱鳴珂絲綸世掌遭播棄  
邗江賣字書壁窠生平嗜古入骨髓玩好不惜三婆娑  
有爐光怪真異絕肌臍肉好神清和窄邊蚰耳藏經色  
黃雲隱躍窮瑯磨窪隆豐殺中規矩紅榴甘蜜紛蠹蝨  
我時捧視驚未有精光迸出呼奈何恭聞此爐始宣廟  
制器尚象勤搜羅官閨風雅厭奇巧爐購精妙無偏頗

或云流鳥一夜鎔寶藏首陽銅枯流汁酤或云煉銅十二取清液式倣官鑊非鬲犧鼻乳花邊稱最上魚鮪諸耳無相過博山睡鴨真俗醜宋燒江製咸差訛工倅撥臘昭千古香籠火煖浮金波空香空火空几席寧惟鑒賞堪吟哦百金重購擬和璧旃檀函貯文犀獸後來北鑄并南鑄道南施蔡皆么魔亂真火色終枯槁磨治雕鑿蛟龍呵平生真賞惟懺閣同我最好沈江河撫今追昔再三歎憐汝不異諸銅駝一鑪非小關一代列聖德澤相漸摩我今為公作此歌萬事一往何其多歌成乞公書大字明日且換山陰鷺

東華詩存

十

文圖

寄贈龔總憲芝麓

白玉河邊玉露流黃金闕下金風秋西臺獨對麒麟殿南陌斜通鳩鵲樓重輪再獻清河頌越裳鞮譯皆來貢三府規模物望尊百僚彈壓威名重我公嶽嶽領崇班繡斧珠袍鸞百蠻西宮品秩荀文若南國風流庾子山蓬萊清淺那如故世間又值公初度綠鬢能令將相驚朱顏最得君王顧君王笑坐栢梁臺飛騎黃封絡繹催三聲仙樂翻供奉十部宮粧舞善財江東賓客如雲盛獨憐賤子埋名姓萬事蒼茫那得知八年離合誰能定伯勞東去燕西飛君作公孤我作我衣愁中厨顧人誰在

夢裏關河事已非憶君同看隋隄月隋隄明月圓還缺憶君同賦冶城秋冶城秋色不勝愁攀條我類桓宣武吹笛人思趙倚樓胡友余年四十邦溝住珠琲踴誦詩千句才盡方知白雪難情深翻使朱絃誤都門歡降會夢龍退食鳴珂更擊鐘相遲新築沙隄後同訪秦碑五老松

為无忝成碧落廬移竹與孟昭共坐

荒寒開僻境移竹護深菴影薄水交翠烟輕石縱嵐情僧扶向背放艇看西南栽罷便沈坐此中真可酣

龔芝麓枉過留飲

東華詩存

士

文圖

華嶽三峯外追攀詎易齊相憐如野鶴屢過問醺雞客病當秋後談吟到日西杜陵仍有約只是慰幽棲

丁酉秋夜集許菊谿憲長紫茱山房同芝麓都憲于一與治于皇伯紫分賦

多少南朝事樓頭幕府山狂容脫帽坐醉擬射鵰還燈火秋偏盛英雄老畏閒翩翩徐孝穆官體贈紅顏時芝席贈歌兒絕句

忽病

常恐明朝死登臨繼夜遊自欺無一事客柱骸千憂亂水孤舟曲深林密坐幽流連忘疲極沈病亦風流

奉母晨昏後妻兒總不闌愛緣應漸割惡累直全刪偶  
病得禪味新秋空瘦顏自娛傍及物此外隔千山

慰甥延公

家破人交辱吾甥應自安摧殘先骨肉鎮靜受波瀾我  
輩傷心事皇天老眼看若能真似舅豁達任艱難

荅和葉澹生見投元韻

先後遊南嶽萍逢特遠遷結茅看石壁欲暮共湘烟作  
畫入神境稱詩更法賢白頭良會合不分楚江船  
老去益貧賤門前歎客稀一庭書寂寞四壁鳥因依人  
外來真侶天涯少是非鄭虔三絕見吾道藉光輝

東臯詩存卷之九

士

文圖

水繪千章木環池映綠楊畫隄春碧軟絕壁夏陰長日  
涉慙幽興年來負隙光飄零衰似柳無夢到西堂

和吳祭酒韻招寄沈倩扶

遠岫學雙眉登樓慢四垂枕書憐小就窗鏡俯清池看  
畫連朝過深談永日移自茲成夙好返棹每教遲

九日匿峯廬登高和鄧孝威

舊摘人誰健餐英又濁醪閉門堪自匿何處是登高霜  
徹聽金吼天清勞紫螯東籬猶醒齷那復望旌旄

同孟昭蔭松看水繪菴畫隄桃花醉後即席限

韻

寒食尋芳趁暖風隔溪桃蕊畫隄中長虹倒飲流霞醉  
夾鏡分臨半面紅返照更鮮疑雨濕曉晴殊艷倩烟籠  
綠茵臥看偕雙侶未許漁人棹向東

寄阮亭使君即次鑿江舟中見懷原韻

官舫青簾夜渡時使君高詠正堪思五更玉笛迎秋落  
千尺銀河拂地垂江畔忽逢何處雁月中偏寄最高枝  
西風瘦盡東陽沈常把瑤華憶獻之

戴務旃无忝兄弟深冬過慰志感

衰遲貧賤孰相存特地過從感弟昆裂石片言銷薄俗  
凌冰千里聚寒門學從鐘鼎追無畫人在漁樵並絕倫

東臯詩存卷之九

士

文圖

扶病共君勤析理真留古道照乾坤

湯官若過訪贈別一首并懷尊公惕菴先生

寒風朔雪滿江村上客扁舟枉見存隋苑柳搖新白髮  
邗溝月照舊朱門纔逢洗馬驚雄辯但說鍾期有淚痕  
歸去好隨彭蠡雁為言衰謝負師恩

喜其年別去四年再至述懷

幾年別去音書絕聞到蓬門訝未真倒屣下堂愁短視  
牽衣入室淚沾巾貧歸梁宋人如雪老逼桑榆景不晨  
多少鬱蟠難說起請聽狂犬尚狺狺

四世通門諠百年兒曹九載共芳荃慙非絳帳饒絲竹



曾遣青童伴食眠見慣數來憑旖旎深知攜去省纏綿  
傍觀悞說何多事擲拂相從汝較賢

顧仲光索咏夾竹桃

天與靈根出異聞嶺南桃竹未曾分春心豈料成孤節  
薄命何緣託此君露井淇園誰接葉碧琅瓊玉自同芬  
子猷不問重來看悞入仙源棹白雲

花竹從來迴離羣交加一本共氤氲湘妃淚落如紅雨  
卓女鬟虛是綠雲更向東甌繁樹藝恒于長夏極繽紛  
玉衡光照徂徠逸醉擁春鮮臥夕曛

和王景州送黃孚菴之東臯見懷之作

東臯詩存

卷之九

十四

文園

輞川詩箋惠風輕江夏攜來到少城瞻象趣君朝此闕  
夢華懷我說東京歌殘菊影桃花調耳熱鷗絃鐵撥箏  
寄語王郎好兄弟廿年凝望不勝情

十月西府海棠艷開伴菊挿瓶

十月風高景物移海棠亞菊一軍持不嫌春小先梅信  
欲闢霜殘映竹籬初捲錦幃寒入睡乍看紅葉晚增疑  
老人生趣婆娑盡忽到窗前匪所思

柴門

柴門茅屋兩邊開舊日朱門竟草萊幸有高堂存廢墜  
更餘古樸映樓臺四圍籬落巖松石三徑闌迴園竹梅

天放數椽文敏筆惟公許我謫仙才

席上贈徐聖游

生死論交數十年為遵治命去蕭然再來只恐添雙淚  
不獨銷魂是此筵流水桃花空蕩樂殘春上已好衣棉  
鳳雛恰是冬郎侶他日聲清鳳閣邊

子夜四時歌

春蠶吐千絲成繭身先萎阿儂懷一人情盡心不死  
藕虛絲不斷蓮實有空房虛實不可知就裏應難量  
婆娑桂樹枝馥郁桂花子香飄到曲房助郎小歡喜  
松栢有彫時堅盟不可改獨抱歲寒心歷落亦光彩

東臯詩存

卷之九

十五

文園

房興公催妝詩

黃庭書就只焚香裊裊蕭聲小院涼仔細簾前翻水調  
春光習習透羅裳

夜遊曲同王阮亭使君泛月水繪菴

畫檻烟深六曲迴夜光簇浪有船開數聲水調笙歌徹  
無數明珠湧月來

贈柳敬亭

憶昔孤軍鄂渚秋武昌城外戰雲愁如今衰白誰相問  
獨對西風哭故侯

邗上再別芝麓

倚枕淒然送遠行  
亂蟬疎柳不勝情  
他年茗粥隨時住  
洗鉢嵩陽了此生

和黃仙裳得全堂觀劇留別

老殘逼側已斜陽  
放誕笙歌好散場  
靜裏自知消息妙  
漫隨鶯燕鬧枯楊

燕子箋成極曼殊  
當年罵坐動南都  
非徒舊事銷亡盡  
數遍同聲一個無

對菊和少陵江畔獨步尋花

元亮東籬即是我  
我家樓南併是花  
五色淺深開一月  
好為無益樂無涯

東臯詩存卷之九

七

文圖

那有佳人住碧溪  
黃花白雁月高低  
追思桃葉深秋怨  
惟剩城烏霜夜啼

奉贈王季重先生兼乞並頭末麗詩得二十韻

菰苑推宗匠名齊第一流  
世家傳綬冕奕葉振箕裘  
間氣奇人出宏才盛代酬文章持大雅  
山水恣探幽碩望  
南宮拔英聲北斗浮雞林珍小牘  
花縣勒嘉猷卓越寰中品  
橫舒物外眸先幾謝紫殿肥遯託青邱  
聖主新膺籙名賢彙握籌  
微庸遺彥亟簡在獨公優水部梅花澹雲司逸興稠  
登臨搜古蹟藻鑒重潛修到處囊瓢滿三春花鳥愁  
何人不膾炙而我更綢繆  
穉齒輕希驥童心

妄食牛公輪戟杞梓伯樂睥睨驥  
忘分殊深契傾誠特遠求  
名花加九錫小子亦千秋  
綵筆江花燦鴻言郢雪留浮沉  
今昔恨三復寄書郵

送李徂徠表叔還朝

數載詩筒別眼私  
更看蘭氣溢離卮  
滄江慣我浮明月  
帝闕需君拜鳳墀  
硯捧太真天子詔  
琴挑司馬美人遲  
何時此地重攜手  
欲向長安夢裏期

朝天此去羨仙官  
鵲首初飛泗水端  
花鳥一春清事共  
離愁幾句濁思攢  
長亭遠樹雲烟亂  
冷署深更露月寒  
孤雁雙魚頻望斷  
相思惟抱一琴彈

東臯詩存卷之九

七

文圖

次董宗伯原韻贈王季直先生

天放一官冷千秋  
吾道尊管絃繁絳帳  
霄漢峙龍門大雅公  
能振文章我足論  
江南才子澤此意  
幾人存

愛日樓詩為李徂徠表叔賦

縹緲仙人景繁華  
才子春偶然成曲折  
原自擅嶙峋不雪亦高臥  
閒雲皆靜因我眉  
天半杳誰可步芳塵  
好樓因愛日結構  
濬幽思木末分微翠  
波迴弄冷安憑虛  
天地皎眺遠海雲  
奇百尺胸中具高吟  
碧落吹

小鳥怨

小鳥何翻颺  
雙雙集茅屋  
大樹擇良枝  
棲遲勝幽谷  
朝

來上下飛暮去比肩宿飲啄適所天安危相倚伏咄哉  
指顧間突如來梟鵬騰戶空綢繆羽毛皆弱肉驚魂無  
所依小語低相逐差池去不還秋風吹古木

鄰女哭

鄰家女兒終夜哭悲風細細生幽獨疎燈病子未能眠  
一室蕭蕭思筆墨聞此他人亦愴神矧余天放之孤人  
沉淪蘊結今生恨深靜澄觀先世因爾則胡為心事淺  
長吁短歎無宛轉織愁絨怨落聲聲春蠶續絲不成繭  
此中何事最魂驚羣犬喧喧吠有情莫若強作好顏色  
背人嘿地搖心旌

東華詩存卷之九

六

文淵

十七夜

昨宵兀首天鏡舫今夜歸來棲汎雪天鏡舫中怨月圓  
汎雪齋頭憐月缺月圓月缺總關愁何如僵臥任浮游  
明月浸窗不成夢靜聽落葉聲逾幽

二十四夜

鞭天掣地狂風吼四壁盤旋如猛獸窗前山岳忽飛來  
牀頭江海驚濤闕號呼萬竅總怒張蒲柳摧殘松柏瘦  
闌如斗室香黃昏有物離奇恍在右披衣奮臂欲攫之  
冷嘯一聲去何驟吁嗟乎陰陽之理莫可究鬱蟠于幽  
渺為屯披拂于廣漠為垢胡獨人心之蘊結長枯囊而

無漏伏枕永歎情不禁況復風生鬼為寇丈夫那堪中  
夜愁乘風起舞誰能圓

婕妤怨

皎皎明月光靜照心如線憶昔膺新寵承恩長信殿密  
意剪冰紈團圓合歡扇秋風吹玉階捐棄同離箭新故  
縱炎涼何事絕相見小立怨君王無言徒掩面

臥月

明月浸牀頭空香萬境幽白雲閒到戶孤夢與浮游永  
歎情何極相思不可求悠悠二十載誰似今宵愁

艷歌行

東華詩存卷之九

七

文淵

廣陵又調雙鸞曲二十四橋映花燭簫聲吹徹響玲瓏  
秋水迴波橫碧玉流蘇香發蘇合房佳期先約黃昏涼  
琴心共喻輪微笑儂影窺燈生艷光新人含態如芳蕊  
弱意鮮姿那足比嬌郎顛倒不知羞軟夢鴛鴦樓復起  
今宵明月助清歡纖手移之裁素紈團圓小扇字明月  
入郎懷抱無二端此情堅固同膠漆此樂綢繆寫琴瑟  
情深樂極恣所投蝶欲魂癡蠶欲蜜惟我幽思最可憐  
孤雲野鶴相周旋巧風不吹獨活草君其慰我五銖錢

秋海棠

恨爾斷腸花兀自好顏色腸斷色愈嬌忍耐秋風逼

明月

我見明月圓明月見我缺中庭寂無言寸心徒萬結  
伏處思幽夢明月浸窗紗枕上模糊影雙睛簇淚花  
昔年此明月斜照曲房春今夜清如水低頭暗愴神  
卿如常皎月定不寒幽盟儂意與卿心瑩瑩照水晶

老松行

譚友夏詩云見松當以佛拜之予最頂禮此  
句以其能達我好也齋頭有石如丈人立夏  
日客攜一松來蒼深峭古不可筆墨手植其  
畔覺萬頃風濤謾設從壁間湧出肅然展對

東華詩存卷之九

三

文圖

快寫長吟

深山老松百年容裊裊積翠晴烟封迴環削秀如虬龍  
飛來伴我奇石供况當長夏清陰濃解衣箕踞潛孤踪  
何必天外之三峯撫覽一嘯風雷春莊對如與古人逢  
白雲在樹畫在胸靜中有得急與汝相期夜聽寒山鐘

病目

病目如羞女迎人便顰蹙隨處喜攤書揚眉遙送目  
痛抱書眠痛定還細讀歎息念平時何事空鹿鹿人生  
誰足樂潛心媚幽獨養病以讀書蕭然坐如木

雪蘭詞

蘭產蜀中從古石苔蘚中挺秀一莖一花花

開如雪且香氣香遠靈均所不及載也嶺歸  
集有此詩竊附同心漫為屬和

我愛我眉山古雪如古石石古蒼蘚盈雪古幽香積香  
雪滯苔痕蘭生花正白一枝僅一花花開山意適九畹  
名實繁此種未經摘因之念幽人果許蘭同癖

贈別王阮亭司李

過江門第數諸王海岱雄風頌八荒塵尾家鄰華不注  
烏衣人是北中郎三槐榮戟顏如玉七葉金貂笏滿牀  
年少天高還建節賢聲赫奕播明光

東華詩存卷之九

主

文圖

康泉聞道是邗溝草長鶯啼掾舍幽夜月書聲搖畫艇  
春晴吟屐響紅樓政成世始奇才子情重公偏問舊遊  
六載隋堤楊柳色依依今日使人愁

績奏循良詔使來仙曹粉署日邊開雲屯綠仗千官侍  
圖猷禎祥百道摧主客風流新謁者辟雍典禮舊容臺  
絲綸世掌原堪羨况有甘泉應制才

今春使節過山家列坐浯溪譙水涯思到萬人思結草  
興來三月愛看花蘭亭事蹟杯堪泛寒食心情帽易斜  
垂老那能勝此別幾回清淚望京華

乙巳上巳阮亭使君修楔水繪菴分賦

風日美無度落霞相澄鮮懸燈出層嶽薄暮生湘烟長  
嘯金石聲短歌聊扣舷飄然塵壒外可以凌飛仙

老友葉澹生以歲寒四律見教即步原韻

杜門兼杜口白日臥三竿骨肉多殊態風波久自安  
書淹歲晚老病怯天寒幸託同心侶青山屋裏看

天地存吾拙餘生付釣竿世情愁不慣溫飽恥言安  
臥表生雪誰知范叔寒兵戈方滿眼白髮苦相看  
風塵欣見面大雅賴撐支腕下羲之鬼毫端摩詰詩一  
時稱獨絕相對詎云遲羅雀門堪笑君來且共炊

冰雪寒侵骨摧殘孰有家性情堪寄託生意復萌芽  
墨

東華詩存

卷之九

圭

文圖

戲雲山畫資香顧渚茶大顛來嶺外萬里共梅花

介眉先生過訪見投荅和

平生事親外傾心向朋友老去衆務荒窮日耽文酒顛  
沛十餘年無事不成否歎息薄海內遺種更餘某毒來  
只慈受潤穢甘恬守敢辭皮肉盡銜絀任羈首謗書滿  
江南不過張其醜戴憑黃鐘侶何意存瓦缶越疆訪陳  
人相聞云已久開緘得尺書悞聽綠周史謂我為古逸  
何曾安隴畝謂我為星嶽何日不見斗謂我為雁公兩  
世三喪耦衰殘奉老慈未忍求速朽以此冀苟全萬事  
居人右積弱成至卑太行遍培塿寶劍與明珠埋炤誰

為剖鋤去當門蘭偏護沿籬韭君抱經世才詩文稱大  
手連朝吟正論能令風俗厚因君一疎骨理直思抖擻  
傷心不忍言石闕終在口我有一斗血逼塞難傾咽天  
醉不可呼金盡繞屋走今古所無事咸為一身有我面  
襟子大唾滿師跛負

杜門七載不下堂者亦二年矣舊遊無復見存  
者丙辰春蹣跚至海陵遇蛟門舍人于城西梅  
花閣下品詩談畫水乳針磁長嘯掀髯不殊疇  
昔即以長歌見贈不揣依韻屬和心傷才盡之  
語見者神淒應全忘其老醜也

東華詩存

卷之九

圭

文圖

松摧為薪禍梁木同氣參辰化孤獨老夫受弄于兒童  
不止抱茅毀吾屋吞炭聊能容一身腐心何暇憐雙足  
以此七年臥雞窠飛土不曾寬逐肉竭來忽復海陵遊  
汪倫情重開青目問余茶苦胡至斯牛鬼蛇神遭百六  
幾番欲語不復語地老天荒難盡哭甘心慈受師墨藏  
不緣觸發恒為毒蟲學叩頭口流血鳥從批頰身全辱  
祈祝不死無可託幸有深閨羅卷軸簪花之筆擅衆妙  
青藜之光女天祿渲染寧止王李石虬松欲奪趙管竹  
細數閨畫少兼長過眼雲烟未曾錄與君傾倒任取攜  
一草一花殊絕俗羅浮香夢小閣深品茶論詩飲醺醺

霜欺雪壓皮肉死入坐春風領和淑三殿花香池鳳毛  
毫彩能令枯管禿文章浩瀚足衣被肝膽淋漓堪沐浴  
幾年不見成異量俯視餘子徒碌碌要東長遊淝水繼  
斯世何人與我熟此時此會誰能知只與梅花增冷馥  
揚許真簡有此意溫段題襟今滿幅追憶從前那可說  
先後源流從此續頓忘修羅兩刀戟似醉中山千日麴  
水繪雖荒尚可遊石浪澄泓擬淇澳廉常客去客還來  
懶殘煨芋供羹粥

和喬雲漸

閉門放眼看青天乘興重登刻雪船一月淋漓逢舊雨

東華詩存卷之九

五

文圖

幾人惆悵見當年石碑在口渾難語寶劍當心苦乏錢  
賴有素交能慰藉一尊傾倒共花前

和同東先生七夕匿峯廬排律十五韻

無復鬱金堂能令秋興長茅檐傾麗鵬娥影落驚塘竹  
栢密交翠藤蘿紛更涼蛛絲連彩縷玉珥共琳琅風約  
來諸子霞軒漱晚芳五雲拂銀漢一線貫針芒猥以春  
容質慵施脂粉妝鵲華秋可繪鳩拙老能張騰藻凌支  
錦雕文煥鳥章天機停玉女鶴駕待仙郎妙想通靈匹  
窮愁接大荒便便曬書罷爾爾曝晷忙萬苦天將曙兼  
葭水一方無心來送巧只合贈青棠

方虎先生五疊前韻再贈二首立刻屬和在余  
和韻則六疊矣

齊盟狎主事亡何金石文章鐘鼎摩剛及壯年甘自廢  
疇知故我不求多拚傾碧落流霞斗擊碎珊瑚綠玉柯  
肥水吟壇留後勁詩飛五疊警頻過

紫岑頂上見瑯臺絕代人從夢裏來萼綠華投明月珮  
玉清女贈碧瑤杯中愁賦哀蟬曲一寸心同血淚灰  
老去才情傷兩盡何能拔劍起蒿萊

大中丞余公解裝歌

王師掃蕩回南征朱轡鐵騎蕭笳鳴孔道兩江疲力役

東華詩存卷之九

五

文圖

供億嘗勞司牧情天王聖明厯宵旰萬方臣服歌太平  
保障江淮擇韓范我公秉鉞先廉明懷霜臨雲心寧澹  
學接鄒魯私無營坐鎮東南慶安堵時復摘發奸邪驚  
口碑億萬頌六計福星一路黃河清轅門日麗大旗靜  
春風按部淮陰行平易從容問幽側適值全軍奏凱聲  
壓天翻月送洪椿蒼鷹白鯉飛神京王程不敢須臾後  
緯夫饑渴難支撐所在供仗莫能繼况復其時正春耕  
我公不忍兩交廢解茲孤白謀瓶罌上濟公家幣賦憂  
下令窮節追呼輕行且衣被遍天下偶然此事非沽名  
吉光貴重不適用紫綈鮮縞徒身榮雉頭燬卻亦糜費

鶴氅寬博終不經獨是田單解溜上差與我公心事并  
嶧嶧熙熙康阜日梯航職貢歸王庭版圖纂定壯天府  
微公補衮誰持衡繫我遺種之老民五月披裘歌負薪  
火焚刃接皺皮骨每荷垂問生陽春兒曹蹉跎不得志  
纂修謬廁文章倫藉歌典裴傾誠悅何時一慰心車輪

荅和蔡右宣

卅載支離影江鄉獨塊然才華久頽盡姓氏尚虛傳聞  
哭非因虎投林正畏鷗邇溝風雨渡木落五湖天  
通德北車停雙扉畫半局君來眉是白我見眼偏青枝  
動風吹雪窗虛月透櫺草元方懶甚愧擬子雲亭

東臯詩存卷之九

壬

文園

墻東結隱處水繪淥輕橈四照花爭放三眠柳自嬌已  
荒黃葉徑空轉赤欄橋何日邀君去同吟破寂寥  
息壤今何在盟言塵可追黨人常自納吾道未容卑事  
若雲過目人方雪點眉君家忠孝性赫赫到今茲

和余澹心除夕守歲

誰道靈犀可辟寒移家仍覺客中單愁心白髮催時短  
急景雕年乞米難萬事營騰天欲醉三冬噩浪夢初闌  
明朝便習華山訣不問元正日幾竿

二遊往事最堪誇除夕何為尚離家小婦還鄉共臯廬  
青春結伴看山花消融既往如殘雪慈愛何妨任毒蛇

七十欠三過一歲眼前無物不空華

贈客遊楚次友人韻

故人雖有子誰復念王孫黃雀田中賦青山畫裏村感  
恩趨漢水拜母出衡門我亦離家者飄零共酒尊

仲春望日穗兒省侍來吳門健菴贊善攜尊過

寓既免余衝泥兼懷小極招同令弟果亭序三

介人肯堂兼山快飲感謝二律

峭寒綿雨病難名上客移尊慰旅情花萼並輝春滿座  
松巖初啟晚偏晴談經老友光東壁論史遺編誦北盟  
更為兒曹垂盼昧忘言心事欲相傾

東臯詩存卷之九

壬

文園

斯世何人可盡言惟君古道照中原飛蠅天地能全玉  
異草香烟立返魂序易冬春觀變態爭云推解半開門  
即今繾綣誰堪比款語深杯一室溫

百尺梧桐閣歌為汪蛟門舍人咏

龍門之桐高百尺中心通理枝不戢白鳳之巢峙五雲  
香草連蜷挂明月汪君岳岳千古上磴閣踞梧俯空碧  
讀破萬卷得精髓傾入一寸與肝膈金閨之彥雙南金  
三殿花香鳳池客有時落筆中書堂觀者堵牆爭避席  
君殊不欲賦歸來九十靈椿奉晨夕方二侍御余弟兄  
妙繪圖成悅魂魄那知南陔咏白華西風血淚凝黃檗

朝陽驚鵲啼杜鵑拭翠瑯玕霜雪拆燃黎天祿花萼輝  
清嘯一聲生六翮吐飲黃鐘撫蒼穹上齊浮雲下紫渤  
風約吳門興不孤披圖三几何婉孌衰老孤危滯異鄉  
王粲登臨愁正劇無聲石鼓賴桐魚為君發響裂金石

次日遍覓秋花復植一盆重和友人枝字

昨日拾秋葉今日尋秋枝秋葉冠纓綫秋枝花葳蕤  
悴錦石竹零落水蕪藤海棠一二朵驕陽所子遺攢簇  
紛衆色小草何離離榮枯各有數采掇徒所為細微如  
苦甘雨露待華滋古人作無益聊以悅有涯歎息勞勞  
子樂彼胡不疲安能洗塵垢與世同清怡

東臯詩存

卷之九

禾

文園

十三夜臥月

昨朝喜雨病身輕今日支牀透室明西北浮雲天一洗  
嫦娥碧海夜初生窺窗蟾兔分靈藥伏枕陰晴適性情  
千頃寒香炤無睡幾家愁思不縱橫

九月後兩耳全聾羽尊同宸章姪作滿城風雨

詩見示次韻

滿城風雨近重陽千古悲秋此更傷風黑一天書白雁  
雨連七日咏滄浪授衣轉冷緣衰病對菊休開損嫩黃  
秋月秋高兩無分不堪雙耳忽茫茫

叢母沈孺人節孝詩

凜凜節母臨大節青春白首堅如鐵誓死隨夫死復生  
生繫孤兒十七日吁嗟寡婦與孤兒甘受艱辛歲月馳  
母今七十兒五十為紀節孝長昭垂

東臯詩存

卷之九

禾

文園



東臯詩存卷之十

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

石璜

字夏宗號乾菴元弢子邑文學有法古堂集

行世

春晴

十日陰濃回夕照半隄水落見蒼苔卻聽竹裏鳴鳩少

東臯詩存卷之十

文園

漸喜原頭牧笛來隔岸依稀縈弱柳沿階狼藉亂殘梅

故園春色猶堪問踟躕狂呼酒百杯

梅

寒梅風雨後白雪與花飛積石難分徑深雲只掩扉笛聲何處落驛使幾時歸憶舊江南夢生憎別恨微

蟬

亭亭竹樹迥杳杳夏蟬聞穢地知先蛻秋蟲氣已分飲承五夜露聲散一林雲邱壑雖云改高高不可羣

所思

昔年古寺論文地此日荒涼池上臺半壑松杉猶未改

一庭樽酒為誰開北邙草長無人問東野雲深有雁來  
回首不須重涕淚絲絲短鬢漸相催

石菖蒲

惟汝最清潔節生葉亦繁絲絲苔作護齒齒石為根久  
隱魚龍窟還留雲霧屯山人採入室服食不須論

揚州早雁

黃雲澹澹西風微旅雁初過鳴且飛飛飛向暖沙磧遠  
北地酸寒凍與饑雷塘秋至稻梁肥玉鈞斜冷行人稀  
離羣獨往失所依月明洲渚胡不歸歸來傍晚起漁歌  
高高雲漢凌江波早度邗關樓閣多徘徊四顧畏網羅

東臯詩存卷之十

二

文園

水濶蘆深奈若何

送陳確菴歸婁東二首

極目湖關曙色開送君歸去重徘徊蔚村幾曲南州遠  
畫幟經年北地來行路詩篇俱遣興故宮花草盡成灰  
婁東夫子淪亡久謂梓蘇趙夫子書劒飄零畫角哀

縱遊帆挂一千里憶舊悲連二十年何處論心同白日  
幾回搔首問青天到來隻雁荒臺月歸去孤雲別浦船  
明歲相期車馬渡應攜斗酒聽啼鵲

十一月同吳白耳蘇子儀諸子集露香園劉文

起後至

寒園颯颯晚烟微二妙于今共掩扉添酒未殘當日興  
校書豈與故人違雁飛一字因風遠鶴立雙林刷羽稀  
遲爾幾年常並駕鹿門猶恐未同歸

畫蘭

楚畹湘江浮古屋冉冉蘭香生一幅跌蕩飄忽已難追  
無意落花簇簇未成枝葉先有神苔蒼石古生氣勾  
何事當年紉為佩使我狂歌憶古人

贈余公佑先生

松菊猶存三徑秋鶴鳴嘹唳鹿呦呦刺溪亂後碁仍逸  
栗里晚來詩更幽遺老風流還甲子兩朝人物自春秋  
東華詩存卷之十  
為將樽酒同情好月夜村南好放舟

登

高樓城北宅入夜聽蛩吟斯物乘秋氣悠然動我心漸  
愁來竹戶不比在花陰到晚聲微細悲涼寒不禁

八月水溢

經年戍鼓滿滄洲災異頻驚又此秋風烈沙崩禾斷折  
江翻石走水橫流千家沒入魚龍窟何處愁登烟雨樓  
更歎催科為報最呼門小吏急誅求

猛虎行

東北有高陵巖色若青螺上巖生惡樗下巖長綠莎猛

虎出其間託體穴中阿饑亦不得食吃哮下山坡朝餐  
獐與兔暮膳馳與羸百獸俱辟易六畜皆奔波貪人既  
宿飽白骨何嗟我哀哀一寡婦夫死喪兒多喪夫既已  
悲兒亡更奈何死亦無所想生亦無如那聞者向隅泣  
行者不敢過春者廢其謳樵者忘其歌碎彼驚弦鳥飛  
飛避網羅安得斂凶威負子北渡河

磊磊南山石中有萬古宅萬古宅下壯士身腰間寶劍  
光鱗鱗慣使威神衛君子盡殺世間輕薄人少年勇俠  
固無比白首報仇猶未已中心不平起牢騷家無擔石  
意氣豪意氣如雲不憚老斬頭陷胸何足道憶昔荆楚  
東華詩存卷之十  
遊常飲大江流日月如九弄步武踏神州丈夫豈肯受

偏側誰能饑從猛虎食但見猛虎張爪牙裂眦衝冠怒  
倍加虬髯如戟面如鐵少舒猿臂寶雕疾啞嚙叱咤廢  
千人跨下飛龍白於雪獨騎奔騰鳴角弓雁翎落處兼  
斃熊聲勢如崩山摧迸拔木飛沙起大風束縛歸來何  
太急虎子縮栗不敢泣咆哮支撐亦徒然回首高原斜  
照入寢皮食肉馳青郊更入長橋斷毒蛇

促織

爾亦知時變逢秋便苦吟非關兵氣入也動客愁深少  
婦淚初落征人思不禁誰憐明月夜慘切助寒砧

再送毛亦史歸婁東次韻

送君重別去兩度柳青青仗劍辭荒寺銜杯坐此亭愁  
深因覆雨歸急更披星可奈江城曲離人不忍聽

觀黃石齋先生龍江別友墨蹟

十載風烟歎故墟當年事蹟竟何如青霜白日標孤節  
錦軸牙籤見法書惜別滄江秋雁冷愁歸漳水碧雲虛  
悲涼此夕寧堪論弔古空山恨有餘

除夕

歎息寒將盡蹉跎又一年長貧兒不怨垂老婦相憐夜  
半仍添酒燈殘更理絃明朝逢客至肯惜杖頭錢

東臯詩存卷之十

五

文圖

送顏佳肩移居西村兼寄吳國表

送君城北路卜宅浣花溪既歎琴書遠猶疑竹樹迷鹿  
車流水畔雖黍夕陽西興到還攜酒清風策杖藜  
每憶雲深處幽棲數十家主人耽小隱僻徑有山花放  
艇滄江暮論詩歲月賒結鄰因季子攜手共烟霞

雨不絕

積雨春城獨黯然岸翻白浪到籬邊幾窺破屋防傾壁  
莫向卑田問有年寂寂歸人愁石徑悽悽宿鳥下江烟  
無聊且醉黃昏後似聽山家竹下泉

皖城張玉楚侍父病且死流冠至不去與子起

藝死之

皖城江上亂如麻皖城山下兵交加吳楚角聲殷地起  
數騎突入張子家張子有親年八十死生辟易何嗟及  
奄奄苦塊氣息微不辭鋒刃情依依更有孤兒相枕抱  
中堂血濺願無違慘慘啼鳥止枯木哀哀管葬北山北  
喪亂經過二十年祖孫父子誰晏然皖城張老今已矣  
不道有孫兼有子眼看松柏久青青莫教哭向江頭水

田父詞

雨淅淅流淙淙溝塍傾注忙山農草蓑竹笠烟霧中轆  
轤不鳴新苗綠牛下深溪低舐犢抱兒間看雞啄粟倦

東臯詩存卷之十

六

文圖

向北窗晝眠足三時歷盡雁南飛高隴卑畦稻梁肥場  
圃委積高廩滿金貴穀賤賤賈客稀促婦開缸且釀酒酒  
熟呼樽共鄰叟顛倒日暮莫高歌恐有官家小吏過

涼風

所思不可見悵望暮雲平七月涼風至經年白髮生雁  
歸猶度影蛩語更含情可奈城樓外邊愁處處聲

秋七月

戰伐經年後逢人畏說秋此時臨太白直欲動邊愁鼓  
角聲猶壯餘艤纜未收不堪來日雁飛急到江頭

同佳肩吾始宿國表西村草堂早起分賦得期

字

西村高臥起細雨曉風吹為愛幽棲好能令返棹遲阮  
家竹下榻王粲客中詩還惜別離後難忘樽酒期

昏鴉

古院昏鴉色飛飛到水湄呼羣啄太屋引子上高枝卻  
抱鷹鷂性那知矰繳危寒威風更急巢覆竟何之

夜過也木山房訪顏佳脣

古院鐘聲樹影稀僧房杳杳梵音微同來夜語江南客  
不厭風吹池上衣隔岸流螢隨水沒半巖獨鶴傍人歸  
經過故壘懷公子歎息徒勞事已違

東臯詩存

卷之十

七

文圖

懷湯旌三兼寄顧龍坡

每憶當年追石寺還愁此日去金臺長淮浪捲帆相亞  
野浦風狂雁不迴漠漠烽烟誰念別蕭蕭驛使只頻催  
千戈滿眼分南北何日重尋江上梅

舟夜

曲水平陂村市圓經過十里夜開船相逢獨樹孤禽下  
坐見片帆明月懸但踟呼盧此何事顛狂漉酒憶當年  
離家信宿家非遠歸路逶迤沙渚邊

秋夜

夜深已見微霜下坐久還看殘月明城上三更初點照

天邊一鴈獨聲聲悲秋詞賦無公子泣路疎狂有步兵  
歎息中宵愁白髮振衣顛倒不勝情

曹 淳

字元度號滄洲一號東海逸民諸生國變棄  
舉業隱東鄉著列朝人物咏就閒堂詩集

村居書懷

就閒閒過幾春秋自抑雄心淡所求魚鳥不須濠濮想  
雲霞何必武夷遊書奇傳世多稱快筆恨從吾獨寫愁  
詩酒欲狂狂便得尚餘英氣傲王侯

小妓積秀

東臯詩存

卷之十

八

文圖

髮覆雙蛾長欲成邦闕積秀盡知名月中顧影渾疑玉  
花裏聆歌即是鶯可愛臨風矜綽約何羞逐隊學逢迎  
幾回相遇開顏笑一轉秋波更有情

題畫

楊柳千重曉霧蘆花一片秋風不見人家何處小舟撐

出漁翁

懷人

在村結社而別消息三年不聞明月清風慣我蒼葭白  
露思君

出揚州城西門

折柳城邊日漸西平山堂北草萋萋經過舊路渾相識  
指點春風信馬蹄

姜道周

字于齊申酉之際棄諸生隱居著有快宜堂

集

大水謠

雨淋淋不肯晴水漫路路難行陰雲欲散忽又聚紅日  
將昇尚未明乾坤黑苦夜長憂心如醉何時忘安得馭  
六螭謁陽臺宴兮霏兮我心平

饑民掘鼠為食

東臯詩存卷之十

九

文圖

田間有鼠莫安其處人索其糧日相逼女年慶大有鼠  
竊人糧歲若不登人空鼠藏穴之傾矣糧之罄矣鼠靡  
子遺民如之何矣

甘露降

猶幸凋殘日豐年瑞象生流甘千樹蜜委素萬枝英金  
掌何須挹玉莖爾自呈來秋嘉穀滿釀酒索新聲

余庚

字孟諸號叔鮑著有墨莽詩集

並頭茉莉

絳帷香滿月初移簇簇奇英並蒂垂淡雅那甘同俗艷

幽香惟許誓心期平分玉露仙人掌共墜瓊芳素女姿  
不是君家多瑞應人間安得此連枝

月蝕并序

歲癸巳亢旱蕎麥種每石銀三十兩從來所  
罕聞見者占驗書云中秋無月則蕎麥不實  
是夜月蝕殆盡憂而賦此

一邑歡娛夜窮鄉寂寞時三秋無過望萬寶賴惟茲漸  
引清光滿旋看薄蝕虧舉杯邀月者誰為著閒思

中禪寺雁來紅

西風一夜雁聲高滿砌紅芳老更嬌葉便是花花是葉  
東臯詩存卷之十

十

文圖

不關開落也逍遙

吳素貴

字白耳邑文學

贈昭伯

廿年欣執手三載重知音傲骨隨文長閒情託賦深樓  
頭教素道驢背見雄心此際憑誰識江潮走暮陰

江上雜感

辛苦關山遇石尤斷鴻嘹唳不勝愁風生白浪傳刁斗  
月到青楓照客舟鐵甕幾回屯茂草金山依舊峙中流  
孫劉爭長終難定長使陰燐過渡頭

夏官

字圻父號學夫著有間氣堂集行世

揚波亭看月

夜色百為態迂迴開眾烟有山方是水無月不成天性  
定悅羣息心澄止百川波濤常不歇世道此為然

耐寒

我喻松栢理肅穆見天性非空冰雪寒自是神明勁安  
時慎擇棲觀變宜持競時序老堅材何妨行此令

坐靜

朝氣冷為靜此時天地堅守根知息數動影見身全香

東臯詩存

卷之十

十一

文淵

澹因無熾琴真在沒絃浩歌造物者窮得有餘閒

雪中

竹樹颼颼下開門冷到牀披襟受清氣繞屋擁奇光水  
骨烹茶列松毛煮粥香雪中寧有此况復客攜觴

松寥閣看月

好月閒同性依山立小影憑境各為空負姿無與等羣  
情悅一光我心嘉獨冷酒澆胎辱神清冽聞汲綆

雪後

陰晴悉佳事少此不成寒味雪知天澹開梅得性堅飲  
翻奇字醉書潑好詩顏客中惟藉此相與度殘年

乞米六章

并序

淵明乞食一詩千古識之千古高之人如子  
瞻猶有大類丐者之議嗚呼况後人居心不  
淨見理未廣又安能測識古人哉予讀其詩  
至任真無所先一語淵明一生概於此句精  
神躍然豈真拙於謀生者蓋性命別自有寄  
託耳予無淵明之才而有淵明之窮無淵明  
之高而有淵明之真世惟知陶之深者好我  
自切或反賞其高與真而許之又豈止解其  
意也哉

東臯詩存

卷之十

十二

文淵

田祖私千方下周井窳族禹稷無我功稼穡資人欲乞  
食拙言詞素飡累口腹經年耕石田豐歉皆未粟  
役車行已休歲嚴當務逼安貧只守身讀禮寧棄檄親  
寡朋益歡髮盡酒無術內顧乏瓶儲中饋泣釜鬲  
十朝存數咽聳身冰雪年書不給腹飽續無備體寒濕  
薪機破釜饒口說生烟躊躇謝肉妻吾又愛吾廉  
貧賤生智勇許身犯逆潮寧甘守白日不耐走中宵致  
身若一苟敗跡豈能已文章潤升斗痛飲理或昭  
託身人子內頽岷而失帖時祀逼歲除哀聲通年鼓悉  
索理壺漿努力備蔬脯何能不米炊寧辭巧婦煮

古人用財好我由書見之養母存情友周鄰有義師傷  
廉原不苟可取暫毋辭周繼皆君子赤也與原思

貧婦拾野菜歌 周元翁老師題

萬物之累備於妾食息異人穿戴別上堂下堂職則否  
婦道婦道記猶切年來減食不可言事事悲淒誰作孽  
人亦有言今無饑麥芽刺雪與穿泥誰知妾惟寸草心  
將來難報三春暉又聞城內富人子屠鳳剝麟飽欲死  
貧兒糴貸亦能支未見婦人輕廉恥水芹旱蕒是妾鱸  
脉脉土膏大有年雖然人棄我獨取亦嫌李下與瓜田  
羞將性命媚肝脾老幼啼饑口欲烟芽茁何分草木本

東臯詩存 卷之十

主

文圖

摘來充作返魂蓮霜嚴一夕衆草失饑步衝風冷難覓  
不知十指如枯枝葉葉手中血有迹細腰慣折只平常  
日色染人成烏黑苦茹願得滿簞歸又恐一人謝不食  
殷勤慰說勝批糠誰語明年有稻梁挑煮經年妾盡瘁  
萬一辛苦補天地嗜欲豈是男子心選肥擇麗非長計  
眼見軍山食脯肝蔬飯烹兒聞亦酸又見鄰家二三老  
整日如同辟穀般

舟過長山

入京貪看山買舟擇惟敞舟前望未來舟後看已往比  
交新友懷作讀誤書想還留不了觀以待回來訪

清明前一日同姚心繩冒辟疆遊新河

茲遊若首夏桃李方盛年物候趨新景炎涼總一天熱  
語薄鶯燕友必冰霜堅此行得選侶與境相因緣臨此  
煩煥區懷憶冷風鮮花酒亦乘運聞見在人焉耳目受  
清慧感慨念時顛野言翼國史破涕商佞賢憂懼不可  
極歸將月一船

清明後四日雨霽飲林蔚也齋頭

人物皆清超此聚為佳耳良晤豈無因理在針頭止果  
是素心人多少亦可喜四座分精神真性見杯箸末法  
工測驗笏腰學病僂坐無拘忌心孰是好浪語時事難

東臯詩存 卷之十

古

文圖

莊言詆諧代國史乾坤且奚歟我輩聊爾爾人事付天  
時陰晴不可擬門外花事新且醉由他矣

焦山祈夢訴處士

我有周匝才天地不能貯皇路本熙夷當塗多棘楮青  
蚨鼓翼飛天官掌粟黍貪以貪為求賄為賄者路烏衣  
愛青衫跛人喜蹶步白眼盡八荒模糊言氣數雖當陽  
九年強項與世忤不受天地憐豈怕臯陶怒任委嬖下  
材忍沈珠在浦牛馬混水姿奇胸鬼神妒題跋恥虛譽  
寧為人所吐真性不可違我還認我故肝膈訴焦君從  
此出蒙霧

題畫

嶺頭斷處復山連新築茆亭大似船奇字蟠胸誰過問  
支頤獨坐看飛泉

蒙茸萬木點秋空橫列兒孫擁主峯正好避秦誰識得  
空餘石屋白雲封

余 荃

號默菴著有柳園堂詩草

登軍山絕頂

萬里江流自古今登峯側聽海蛟吟塔懸霄漢孤烟直  
蜃結滄溟戰氣沈殿閣凌空雲不斷松杉帶日晝常陰

東臯詩存

卷之十

五

文圖

扶筇歷盡丹梯勝長嘯風迴萬壑音

雨中漫興

陰霾雲登失噴吼獨立江頭擁暮寒雨色一天松亂吼  
浪花吹沒釣魚竿

贈黃山僧畫五松圖歌

黃山僧性落穆跡寄緇衣聊避俗客遊蕭寺不輟吟  
寫就青山詎易鬻將歸留別贈短章把誦琳琅珠炫目  
殷勤過予朝徹堂興來索紙圖一幅須臾老幹聳虬松  
偃仰如聞風謾謾濃淡烟姿得細皴參差天矯騰空谷  
揭之座右光怪呈苔蘚龍鱗歷歲生五株已自入三昧

畢宏韋偃徒虛名自謂住山摩擬久縱筆淋漓洵有情  
嗟予避居東海側斥鹵此物最難得疎竹黃花綴白石  
松乎松乎我今與爾共棲息啜茗焚香朝對奕為謝山  
僧勞發墨作歌紀別攄胸臆

春日送陳其年還陽羨

春暉南浦一樽同目送歸帆挂曉風別緒依依千古詮  
文名奕奕百城雄久瞻劒氣高橫斗何慮蛾眉晚入宮  
莫為故園松菊戀只今旗鼓望隆中

寄懷譚長益

握手邦關十載餘棲遲每怨雁鴻疎聞君山水供詞賦  
愧我圖書老蠹魚歲去幾時還笑語月明遙夜獨躊躇  
春風綠遍隋隄柳乘興扁舟望過廬

東臯詩存

卷之十

共

文圖

李仙原

字延公著有可畫樓稿

月夜懷葉桐初杜田夫

淒涼白月到柴扉獨坐西風萬事非玉笛盡吹關塞曲  
金砧又搗別離衣故人久為滄江隔清夢時同秋雁飛  
回憶河梁曾有約黃花欲放好相依

管養素

字純甫號井農隱居南環著有井田考畧四



卷井田農歌一卷鉏金園詩初集二集

雜咏

百年一無為丈夫以為恥一朝如有為君子亦知止孔  
明臥隆中何嘗微不起卓絕張子房往從赤松子  
耕田良苦辛嬉遊亦暫好風雪倉庾空心飽西鄰飽鶯  
遷閒且忙鳩居拙翻巧志士欲何如仰睇烟林杪  
我生忤時俗擬得深山藏山棲不斂跡物議徒低昂胡  
為逃名士每好炫文章譬之宵遁人而自隨明光

山居次梅國上人韻

十旬彈指只樓居歲月驚如走坂車雲木交陰銷夏後

東華詩存卷之十

文圖

文圖

丹黃錯彩隕霜初豈無新蟹供從酒苦累秋蟲伴讀書  
擬裂儒冠衣短後山邊射獵水邊漁  
磴道盤迴歷幾重虛空七十二芙蓉片雲去作傾盆雨  
偉石崩開合抱松高望寥寥秋送雁靜聽往往夜吟龍  
住山已久登山懶初共鄰僧一倚筇

宿西寺

又向南樓宿貧交榻尚存冷風欺酒力敗葉打柴門一  
枕鄉心攪三更月影昏忽聞雞唱曉布被幾曾溫

憶王塞菴先生

花月東田少一人成樓極目迴風塵青牛影斷來時路

赤鯉書沉別後因殘夜疎星空有夢小橋流水若為鄰  
將離已是飛紅雨惟爾相思最愴神

北墅

居住久無鄰溪邊結構新數椽臨綠野一水隔紅塵應  
少催科吏誰為問字人閒憑方竹杖眺遠不嫌頻

與一也上人

佛日儒風兩不妨蒲團默坐勝胡牀應無一事擾幽境  
更絕纖塵聞妙香春已隨僧除色相鳥猶向客觀行藏  
留連漸覺黃昏近重擬傳燈問講堂

病甚

東華詩存卷之十

木

文圖

少小兵戈裏衰殘藥石中雖存三代直已覺萬緣空病  
臥交生死窮居保始終只嗟荒海曲無地葬山翁

自諫

滄桑歷盡老龍鍾垂死徒勞憶舊蹤只恨荒涼三尺墓  
更無人識井田農

吳宸誥

字綸宣崇禎乙亥拔貢任河南開封府知府

秋雨遠望有感

蕭蕭風雨坐高樓獨望江村憶舊遊烟樹叢中迷鳥道  
蘆花深處泊漁舟王孫誰進當年飯季子空餘此日愁

世事於今那可問滿庭落葉使人愁

崇川雨阻

猛風急雨度清秋此日江城又滯留  
新水亂侵山寺外昏烟深鎖斷橋頭  
籬邊躡屐尋僧話松下談詩遣客愁  
遙憶北堂燈火夜幾回嚙指望歸舟

無題二首

蕭蕭竹影帶斜暉金谷繁華事已非  
猶憶隔簾歡笑處淒涼此日只烏飛

惆悵芙蓉烟水東畫樓人去半庭空  
孤吟倍覺愁無限懶對柴門樹影中

東華詩存卷之十

秋閨十絕

午睡驚回日上欄低眉猶憶夢中歡  
也知池畔芙蓉艷幾度含愁不忍看

喁喁私語欲成癡睡損紅妝掠鬢遲  
豈是幽閨腸易斷清砧無那使人悲

半窗蕉雨送輕寒臥病經旬強進餐  
自笑癡情緣底事秋來更覺帶圍寬

深秋又是菊花期淚眼看花祇自悲  
借問朱顏依舊否年年孤對傲霜枝

玉容消瘦淚沾裳塵鎖菱花廢晚妝  
自覺春心秋未減

不知誰是畫眉郎

抱悶深閨年復年玉釵敲斷竟誰憐  
多情翻恨清秋月獨伴愁人未許眠

絡緯聲聲泣露愁碧梧深鎖半庭秋  
可憐刀尺皆成恨影伴孤燈淚暗流

謾捲湘簾坐短檠忽驚木落助秋聲  
庭前紅葉知多少疑是愁人淚染成

孤擁寒衾孰寤歌秋來春去惜空過  
那堪漏盡難成寐嘹唳哀鴻奈若何

殘更獨坐聽寒禽欲步閒階畏露侵  
寄語檀郎須早計東華詩存卷之十

莫教人賦白頭吟

劉之湛

字湛公號錦江邑諸生有德榮堂詩集行世  
石城贈別友人

憶昔十五載星聚水之濱爾我各壯齒  
意氣何嶙峋去時會遷相隔如幾晨  
懷君江海濶思君日月新所慍為羣  
小馳驅脂我輪南渡一握手重對如  
飲醇遠別髮已皤何期今夕親開君  
牀頭林魚君海外珍夜深醉益歡  
長嘯流葛巾旅處又言旋別離傷我  
神再登江上聞共烹江上蓴迢迢江  
上路蕭蕭江南身西風催去棹招

手立江津勸酒復贈言行行復逡巡東流流不盡涕淚  
益愁羣

觀道人畫松贈友人壽

君不見天台石畔蒼虬怒掣日蹇雲排烟霧更有青霓  
挂別峯矯然直上如蟠龍道人筆底藏鱗甲墨池蛇蛻  
涵清風潑來素壁驚奇變縱橫鐵幹開生面虛空夜夜  
作濤聲月照朦朧簾外見時看曲折上青空又見漂搖  
飛紫電作者心閒神自定指揮如意標心應霜姿盤屈  
倏忽間掃盡塵根與俗徑鬱鬱蔥蔥佳氣盈坐臥其下  
氣為清千歲萬歲壽者相焉知古怪非常貞

東華詩存卷之十

圭

文圖

偕金覺山飲大觀樓報陞天津銜參將因為誌

喜

將軍領盡西山秀雄姿杰出真天授彎弓直欲射貪狼  
沒石飲羽精入毅髻年學劍謁金臺山川指畫雲陣開  
况兼理學貫天人精微議論迴絕塵揮毫妙句疾如雨  
再鼓文琴四座春含弘不惜知音少靜理元音入窈窕  
憑欄長嘯截鯨鯢舉觴醉月來丹鳥丹鳥飛飛啣書至  
聖恩降詔遷高位方欣歡會又歌驪龍旂別向天津地  
登報恩寺塔

寶塔齊雲構凌虛瞰玉京千峯簷外小萬象望中平碧

落開金相瑤光撼玉清影懸山路近燈列衆星明縹緲  
疑天界岩峩聳帝城真香千佛繞瑞靄九重生塔九傍  
月承仙露橫空切震驚曾被雷擊磴迴暗有徑天遠賴  
無聲舍利霞光滿優曇瑞氣盈東南有天柱萬古若為  
擎

山莊

戶外時時鳥語山前歷歷人家繞屋一泓清水沿溪幾  
點寒花

紅葉橋邊沽酒白雲堆裏呼茶種得半山松樹周遮一  
片明霞

東華詩存卷之十

圭

文圖

東濱守戎金覺山築樓營北同登漫咏

大海環三面蓬萊一望中倚欄霄漢近故戶碧雲通細  
柳分明月高牙御好風遙遙波浪靜安穩大江東  
岑樓臨古堞步步欲凌霄畫角傳東海虛窗逼晚潮看  
來元鶴近聽徹碧天遙隱隱游仙者憑虛弄玉簫

西方菴達摩

碧眼看無際澄心印太空一時遺隻履四海耀宗風面  
壁游雲定傳燈白雪紅何人明了義色相自然中

雪舟

六出花無際飛飛不繫舟光隨雲腳下輕逐浪花浮遠

岸人歸急披蓑釣欲收最憐松不老傲立伴沙鷗

許元錫招飲即席

高館難題鳳琴書坐裏收山花閒似我人意靜如秋好  
句清時得論交古道悠醉歸歌折柳乘月動輕舟

阻風東溝夜飲攝山望月促友人吹笛偶成

攝山一片月江外照東溝花市人留酒石城風阻舟依  
依紅葉圓冉冉碧峯樓長笛天邊發驚飛起白鷗

利涉橋觀秦淮

萬古秦淮水悲歌玉笛哀層波隨月上巨浪夾雲來醉  
臥長虹遠宵明盡鷁開高樓燈色好歸路莫相催

東臯詩存卷之十

文淵

登狼山

五嶺雄盤處烟波海日吞片雲樓塔頂萬水達江門靈  
鷲晴飛壁蒼龍夜護村登臨聊一望北面此山尊

訪山僧不值

杯渡知何處思君一叩闌花飛依砌冷竹老倚窗閉蕭  
瑟風過樹淒清月到山歸來夕照晚回首白雲還

許山濤寄詩步韻答之

惆悵離居遠相思花正秋忽拈君舊韻翻動我新愁夢  
繞簾櫳約情移江上舟何當明月夜長嘯共登樓

吉祥寺梅

古幹凌雲上枝枝弄晚晴暗香行處有明月坐來清鐵  
骨超凡卉冰心遠俗情相看空色相俯仰道心生

訪友僧舍因煮茗談詩

卜築傍東海蕭疎遠俗塵閒花晴弄日香篆靜空人乘  
月尋芳徑行雲作比鄰虛窗鳴翠竹清夢悟全身

登燕子磯

松引層層石嵯峨若有神浮雲連日脚微月照山根烟  
鎖平林色沙明一水春漁歌誰唱和招隱欲垂綸

風阻梅埂禪院望九華

天半青蓮出龍華次第開結茅懸薜荔入徑破莓苔水  
東臯詩存卷之十

文淵

淨山僧鉢風高楚客臺潁江拚酒力頻試白雲杯

渡江月上泊水西門

南望羣峰列翠屏新洲橫截一江清潮侵曙色連雲落  
蘆淥風聲到水輕舟子東溝遲估客雁兒天外叫寒更

水西門外山山月波湧漁燈徹夜明

吉祥寺觀梅

雲擁千山古道場萬松堆裏一花香清安映月檀心定  
瘦影橫空玉蝶忙春雨沾衣摩舊碣曉風倚石闌新妝  
歸來覓路峯峰轉回首層雲是上方

贈婁景周新築書室

香護疎籬一徑斜，碧桃深處識君家。風吹柳浪搖新月，雨亂溪聲動晚簾。靜漫勞春燕語，窗虛猶賴野雲遮。相逢共醉山中酒，起舞尊前拂劍花。

初夏渡江東歸飲舟中

擊楫中流志未剛，滿城烟雨渡江關。乍移雲脚千年石，已過潮頭幾幾山。浪擁天門看漢漢，人歸樵徑獨閒閒。於今莫厭鵬程遠，歷盡風波任往還。

青龍山

落日青龍山上行，西風策馬四蹄輕。到來深澗疑無路，削出奇峯不記名。紅葉滿蹊人跡少，紺宮看眼暮雲平。

東華詩存卷之十

重

文圖

人家半在松巖下，何幸年年聽早鶯。

句曲道中宿山莊

為愛山花憩晚天，單衣乘月步平川。亭臺倚岫還從古，雞犬凌雲半欲仙。一抹松林遮石磴，幾村烟火淪山泉。夜深夢到文峯路，愁聽西風攪醉眠。

吳綸宣宦遊三十載快晤東濱以詩贈步韻

為政清和處處春，十年開濟見良臣。曾經五老峯頭月，再拂三亭石上塵。詩句每懷遊宦事，帝恩猶到罷官人。范隄無數繁花鳥，相見閒鷗一倍親。

書室靜坐

春風幾度拂莓苔，戶為耽書晝懶開。坐久不知花落去，簾深惟見燕歸來。窗因待月留餘地，徑為澆蘭絕點埃。一夜雨聲聲細細，朝來多選菊花栽。

許山濤久未晤秋初見過隨別去賦此誌懷

秋色柴門綠滿苔，屋梁落月夢初回。曾聽長笛天如洗，忽報扁舟人正來。世事到君棋局定，閒花為我酒杯開。斯須又欲將分手，愁對層波幾溯洄。

李國賚

字玉如號耐菴武進人，國初避亂如皋遂家焉有陶隱詩稿。

東華詩存卷之十

重

文圖

郭瑞聖招賞千瓣蘭花

幽蘭生空山，托跡荆榛內。偶爾得高人，雙枝發千穗。燁燁異羣芳，驚者動闌闌。花與主同心，無言自矜貴。銜杯時一看，欲令花神醉。主人重淹留，月上不教睡。

置酒行

戊戌冬日同東華諸子吾鄉陳其年飲冒辟疆得全堂觀劇分韻

置酒重置酒，秉燭待鳴雞。賢主會嘉賓，珍錯羅魴鯪。齊歌發新聲，楚舞迴白題。座有蓋世才，漸覺班馬低。陽春與郢雪，欲和難攀躋。時事且莫談，物情固不齊。況此嚴冬日，栗烈風淒淒。或有啼餓人，永夜猶羈棲。不妨飲一石，爛醉竟如泥。

對月

虛窗先得月，茆屋頓生明。  
氣逼琴書冷，光涵筆硯清。  
拂階花有影，坐樹鳥無聲。  
樂此溶溶夜，悠然到五更。

龍溪寓目

曲曲中流水，重重兩岸山。  
江舟橫柳下，村店集溪灣。  
遠岫含烟失，驚濤觸石還。  
忽聞雞犬處，又是一人閒。

黃長孺入城卻贈

丈夫原不受人憐，嘯傲乾坤為慨然。  
三唱花冠人自起，一竿紅日我猶眠。  
竹籬菊徑高閒地，酒棧詩筒散誕天。  
朝野藏身隨處得，區區何必買山錢。

東臯詩存卷之十

圭

文圖

歸思東友人

十載江湖放蕩行，老懷忽漫動歸情。  
載將詩卷一帆重，帶得清風兩袖輕。  
眼見親朋衰可歎，心知陵谷變堪驚。  
故園松菊今猶在，樂我餘生是耦耕。

過嚴子陵釣臺值雨同余仲容孝廉

寂寂桐江思默然，漫空陰雨弄寒烟。  
舟迴曲水前途路，山起高峯上刺天。  
忽叙愁懷心悄悄，共思鄉井意懸懸。  
無端跋涉風波險，何似先生釣隱賢。

梅花嶺

昔年曾去看梅花，茆屋參差綠樹遮。  
今日載過戎馬後，

水邊只剩兩三家

玉鈞斜

隋皇廢址又經秋，何處高原是玉鈞。  
剩得一灣新月在，夜來仍照舊迷樓。

東臯詩存卷之十

圭

文圖

東臯詩存卷之十一

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

國朝

丁日乾

字謙龍一字漢公順治乙酉舉人著有漁園

詩

燕京雜興

東臯詩存卷之十一

文圖

春色過前陌柳條青未掃泥沙冰雪開照人顏色老十年始一來名姓無人道故交官亦貧晉接徒傾倒朝瞻南山雲夜夢北山草榮華不及身輕肆如飛鳥千里忘勞瘁緬焉懷四皓

群友滋紛華我心怵明發千里懷庭闈嘗慮甘旨闕矩步慎周防道路多硤硤降志與辱身俱為理所恃射策金馬門荆傖被屢則士賤歌伐檀世治貪採蕨浪擲已靡悔還山矜歲月

遊牛首山

十里入邱壑人家棲斷畛蒼蒼百尺松寓目便心警選

賜雙闕峯翠微密如鎮山路問樵童罄折造崇嶺空山故自佳松多有別境日午入山門香界諸緣屏拾薪白雲梯汲泉虎跑井拭目閱嶙峋岩堯天闕影頽陽猶在林却望遠江靜轉探辟支巖齋心自肅整

冶城朝雨

朝氣飛雲雨振衣躡崇殿畫棟矯遊龍仄廡無梁燕翕關縱山川靈幻易潛見巖嶺接混茫苔茵迴葱蒨檐表鬱蒼松墨妙驚谿絹憬彼萬慮靜釋茲塵埃勸所欣勝情多山居永貧賤

寄懷吳賓賢

東臯詩存卷之十一

二

文圖

邱園有勁菊巖壑無卑枝披美綵中懷秋月揚我眉芒鞋悔識長安路衣上沙塵落無數自挽鹿車見君詩欲行欲止始無誤潦田無廩食無魚四顧君如安樂廬何日海鷗更相見篋中應有虞卿書

紅橋舟中觀女郎演劇歌

平山堂上踏青多平山堂下舟滿河花苑鞦韆紅袖舞柳隄絲竹青娥歌此風昉自何年者爭尚輕盈與艷冶竹西歌吹舊傳聞教坊嫺習珠簾下垂髻我亦事嬉遊王孫芳草儘淹留自經烽烟暗河洛江頭風鶴蘆花秋青絲白馬紛紛見金鈿瑤箏一時散蕪城空國無佳人

戰場秋雨笙歌斷念年休息垂楊生耳遣依舊繁華聲  
画舫紅亭更滿眼嬌歌艷舞多娉婷公子揭來修楔候  
彩鷁雙雙繫楊柳玉面爭誇金谷粧檀槽自壓邯鄲手  
兒女細細逼人情清喉低轉如流鶯春風吹暖叔灰盡  
却說江都夢又真隋帝宮娥稱絕代迷樓殿脚今何在  
歎歎猶艷玉鈞斜不見當前歌舞態休問既往與將來  
明月今宵正舉杯莫教彩樓雲散去二十四橋空徘徊

白門秋集高座寺彈指閣

山靜紆南郭僧高閑竹扉人從黃葉過寺有白雲歸攬  
勝全忘俗同群自息機一簾清磬外秋水淨垣衣

東臯詩存

卷之十一

三

文園

汗漫身為寄遨遊江上臺譚經支遁理題碣謝公才木  
葉晚風動山亭秋雨來無窮延佇意薄暮且銜杯  
閒遊期永日隔水坐柴局白社皆詩叟空山一酒亭寒  
溫松菊長聚散海雲青別憶招提話他時倩羽翎  
落髮人方少樓居愛遠岑身名六代寺邱壑十年心留  
客分山果開軒對竹林許探幽勝事因爾更招尋

古塘于氏園

不知何處好但覺是山村都入亂峯路難尋野水源斷  
烟茅屋小見月樹林繁偶即風濤卧幽棲欲灌園

金陵別韓石耕之于湖訪郭民部

汗漫山陰棹支離落葉前逢入江路上沽酒石橋邊拂  
意常看鬢窮途又放船謀身無好策已賣故山田

書北固山舊讀書處

少年歌嘯春江上今見蘆洲戰壘偏鐵甕日殘嘶獵馬  
金焦風動下樓船山中短榻禪燈在橋外垂楊酒市遷  
到此那能重憩跡茫茫迴棹水雲邊

雪後行荒山中

旅店雞鳴肅羽馳泰山古道正崿崎雪光亂卷乾坤合  
荊棘新開僕馬疑數里始逢蒸棗熟晴天猶覺凍雲遲  
風前鶯鶯聲聲遠問蒼愁聞說亂離

東臯詩存

卷之十一

四

文園

題安溝紅樹

江南紅葉秋如錦江北秋深色未酣獨有此中烏柏樹  
一溪兩岸似江南

仲秋復過姜堰鎮

五月納涼深寺裏重來渡口葉蕭蕭却思堰上同遊客  
不見提壺過板橋

有憶

一函風月酒盈卮絕調誰賡碧玉詩孤艇夢回雙葉夜  
薄衾春覆兩人時

約同人修林子仁先生墓



先生冠南宮正學儼先輩官為吏部郎丰儀瞻一代後  
來從祀者無復顏閔配豈以風教殊遂令典型廢予同  
樵園子壘頭勒馬轡憑弔前賢風蕭然起敬愛官篋止  
四金那得厚封隧蔓草既已盈松楸失曩翠墓門雙柱  
斷况乃識名字徘徊搜遺碣村犬眾追吠予家東城宅  
是公閱閱地羹牆猶在斯邱墓忍弗治須補石上書為  
公關草昧

蕪城水閣夜集

廣陵勝地成劫灰華林芳苑侵蒿萊誰更風流傳逸事  
埽除荆棘營高臺吳歌楚舞久淪棄重見春燈恣壯麗

東臯詩存卷之十一

五

文淵

琉璃寶色入窓明翠恩擁列名山記却憐災沴咸維揚  
綺院華筵不更張市橋搖落空垂柳画閣依稀鎖夕陽  
偶來欲撰蕪城史寂寞江花照江水遺老招呼集水樓  
譚言歡謔酒清旨開軒落日射如電紅亭画舫參差見  
須臾傳點五色燈千家無光一樓絢半酣洗醺席欲更  
客起憑闌水無聲板橋燈火行未絕鄰家笑語偏多情  
繁華再覩開元舊電火聊為樂昏晝天明不放酒杯空  
詰朝更起為君壽

從桃花港登樓霞嶺觀紫雲洞由白沙泉返湖樓作

舊日桃花路翻成寂莫過涸泉猶入港危磴欲捫蘿鳥  
道僧房小龍陰洞壑多轉從湖背下暮色恐蹉跎

虹橋遺興

鷗鳬荒徑蔓青莎鼓棹閒遊一嘯歌夾岸垂楊秋氣早  
橫橋斜雨夜聲多蕭條風景殊隋苑寂莫漁燈自楚波  
何事興亡重感慨且持樽酒對枯荷

隋堤行

楚澤風波傳海曲草徑人稀駕鸞宿半掩旗亭半繫船  
酒遲花暖荒烟綠溪上春殘春不歸野市楊花滿客衣  
閒情看掠東流水纖纖燕蝶一雙飛

東臯詩存卷之十一

六

文淵

平望阻雨不得過西塘遣使示李環瀛

已是剡溪路兼葭何處尋尊鱸荒市少烟雨一村深昨  
日渡江客扁舟隔浦心所將無異物尺鯉到寒林  
烟雨樓送客

秋樹吟

昔年樓已空烟雨猶明滅雙槳曳鴛湖故人從此別  
白露弛華英林藪起蕭瑟花殘無好客幽情在風葉葉  
置彼道旁飄零待霜雪不知梗楠材大器老山澤

韜光菴

凌虛孤閣聳苔砌自何年僧老不能下客遊須屢眠雲

烟千壑動晴雨一峯偏世味全消盡惟應汲冷泉

君山晚眺

作客常牽物外心閒登高處望沙潯秋風雉堞昏潮色  
返照鰲峰壓海陰舟楫遠通過荻浦人家多住在楓林  
少年攀涉猶能記下瀨于今滿角音

丹陽過韓石耕墓處

石耕同兄耕良  
尋父未見客死

故人客死雲陽道遙指孤墳直北尊萬里心魂因父斷  
天涯涕淚一兄存鴉翻邨路荒村遠人倚吳帆落照昏  
此去黯然雙淚落不堪重把舊詩論

朱鳳台

東臯詩存卷之十一

文園

字慎人靖江人遷居如臯中順治丁亥進士

歷任阜平開化縣令擢兵部車駕司主事著

有退思堂集

閱荒紀事

披榛歷遺墟曲折審細路崖陰寒風來蕭蕭白日暮乃  
逢數羸老見人轉倉遽問彼舊間井云是烟生處此俱  
昔名里丁男最繁裕每歲輸必先淳里昔官譽自茲被  
兵火骨肉少歡聚親朋殺傷盡強者售生去昨朝有信  
還聞亦踣淵泣不幸猶苟存傷心備所遇無人耕阪田  
餉腹賴草樹憐我衰老骨縱死不及墓辭罷淚縱橫復

前致款語辱此驚狐場奈何少供具嗟哉此生人設官  
尚安務幸達當事聽不責言者誤書此俟仁人得無少  
矜恕

辛丑春夜集謝獻菴署齋即席賦贈

平沙漠漠春風開疎花蔓草仍江隈對君却憶十年事  
與君細酌黃金杯引杯東望越山多嚴陵鐘阜今如何  
昔飲清溪水猶聽陌上歌惠愛風流有如此皎然白日  
懸星河我在當時甚稱拙頗聞不為父老責惟有敝車  
羸馬自連歲輒為同人大笑云無策相別音顏復幾時  
河山遑遑遂成昔慷慨驅車就長道道上寒雲正千尺

東臯詩存卷之十一

文園

昨有上客來入座為具陳賤子比從長安道最辱貴人  
相憐親伏見貴人真氣勢聯翩朱轂填城闔高堂娛酒  
不廢夜蘭膏芳苾垂龍鱗斗帳明光或坐對曉曉如映  
神仙入更有蒼頭百指飽藿肉小心精慧諧笑嚬詞人  
逕進競文筆徵引絕麗歌千春聞皆與子同出處胡為  
子獨多艱辛余謂客且休人固不相謀生平未敢忘富  
貴非吾憂君不見將軍射石老無用何如厨下養子皆  
通侯俯仰千秋高卧內努力加餐謝舊遊舊遊非昔懷  
何已即今傾倒止君耳醉白詩篇見情性不獨才華上  
羣子江城况觀清明政衰黎所恃無死徙只愁最績上

形廷艱難離緒從茲始百年離緒亦何窮紛紜日月爭  
西東雙鷺應有期夙昔懷頗同安能不歡復不飲鬱鬱  
負此良宵中酒酣歌罷天欲曙江峰閣上城烏去人散  
登樓一夢還依稀又到烟生處

龍泉閣道中

晨光林際動望入曉烟開水脈通千谷山形接五臺馬  
從峰頂渡人自渚中來曾憶南鄉路孤懷每自猜

贈某叅戎

飛將挾雕弓翩翩氣自雄揮戈殘照裏射雁碧雲中風  
急馬偏疾刀腥血半紅封侯憑俠骨所向有奇功

東臯詩存卷之十一

文圖

過山寺

樹隱一峰峭疑無路可從緣溪緩得徑迴步忽聞鐘小  
鳥訝行客老僧扶短筇幽尋余未得無乃愧長松

野望

一望清陰滿稻香徧綠疇高雲自嚴靜小鳥亦夷猶日  
落溪烟亂霞明嶺樹稠蕭然垂釣者款乃一扁舟

浴吳王泉

宜秋何處醒心泉亭畔冷然咽暮烟腸腑十年塵久積  
池塘千里夢常牽混茫今古留春地雜遝魚龍不夜天  
遙憶坡髯臚往蹟應知未到太行邊

小桃源

清溪昨夜漲春流曉破輕烟放小舟遠夢猶憐新柳暗  
離腸應為故園收帆開雲影沉于水壑轉松聲橫作秋  
知是往來源上客可如漁艇逐閒鷗

贈陳念共

回首京華十四年春風馬上誦名篇匡時勛業能扶日  
信道行藏總恃天夢破蘆花洲上月吟殘楊柳望中烟  
相逢莫問滄江晚臺閣還應待早還

寄賀顧天行

才華夙昔重廷評何幸江南借旆旌十四年中蓬夢遠  
東臯詩存卷之十一

文圖

三千里外暮雲平飛來甘雨花能潤坐到春風骨亦清  
一席釣衡虛左俟聖明久已竚循聲

送朱亦巖之燕

幾載春深極浦隈前旌又向帝城迴署齋晴日諸峰  
出驛路秋風萬里來父老流傳惟載口關山懷抱獨登  
臺樓遲一壑吟何極寂寂黃花照酒杯

編里書懷

邑小易衰困不任嚴征徭况值兵革餘閭井半蓬蒿今  
雖稍安集遺生尚驛驛存散恃有司撫虐視吾曹未能  
免徵索聊復布恩膏生聚縱難言庶幾免奔逃按籍多

單贏併力趨公條富者猶足全艱辛惟貧枵天道既殊  
通損益理堪昭不獨私焚黎亦以保寬饒十年再更定  
敬屬後賢豪

秋夜范公序兄弟話別

不忍盡杯酒相依此夜闌烟深江水棹月冷蓼花灘一  
枕隨君遠千山屬客看明朝應念我獨立立河干

溫北社山行

極目蕭蕭大漠空獨攜短劍逐西風龍關迢遞千巖隔  
鳥道縈迴一徑通車馬遠依山樹小旌旗遙映海雲紅  
邊城盡詠平康里猶記長歌踏雪鴻

東臯詩存卷之十一

主

文園

冒超處

字處冲順治三年歲貢有簡令堂詩

送義元叔遷永平郡丞從遼陽經畧中丞贊畫  
軍機

東隅烽火及甘泉幕府需才屬孟堅郎子鳴琴推郡佐  
蠻王繫組借籌邊大夫忠擬庚寅降贊畫官同戊己遷  
早晚功成馳露布好留餘墨勒燕然

香儷園並頭茉莉

緯約瓊英解弄姿昭陽薄暮洗粧時月明嶺海雙珠艷  
日麗藍田比玉奇同氣湘君幽意協分身倩女夢魂疑

冰心一片元相映忍向風前別故知

沙一駒

字稚良號非轅順治四年拔貢山東鄆城令

梅花詩

榛苓空谷切遐思君到荒林夢所思抱璞不言幾悟矣  
伊人宛在瘦如斯寒生冰骨雲裳薄香落瑤空露質移  
一派澄湖明鏡裏陶然寫照動鬚眉

玉龍昨夜弄珠胎瑤圃移從月底來太古風期留渾沌  
山村被服點莓苔蘇卿自適羶旌節謝傳空餘梁棟材  
細雨鵲鴝禁不得且邁芳魄入春杯

東臯詩存卷之十一

主

文園

斗轉危柯漏幾分中庭冷露靜生雲太羹未鑿宜元草  
尺壁無聲抱素文蝶夢沉沉遊化國蟬心脈脈寄江濱  
徘徊高寄胸如水悠徹關山笛一聞  
曉露凝光濯素顏竹籬茆舍水潺潺羅仙初不因寒削  
逋客偏宜伴鶴還觀我龐眉投縞帶多君古道照蒼山  
斜陽欲下迷衰草愁絕爭棲鳥語蠻  
芳澤消沉怪獸醒絕無溜湍淨亭亭人閒接婦冰千丈  
天下春風草一庭  
一枝春色擅江南萬里同人報尺函透出香魂凌兔窟  
烟扉靜掩娛清課承露朝來著鶴經

破除寒氣結珠龕清風林下心無競灌木尊前夢自酣  
烟盡疎林殘磬外先生危坐瑩澄嵐

范元勳

字大佐笏麟次子

季第四十初度

同列爾居殿今年四十過弟生猶至此兄長復如何鬚  
髮看咸白飢寒較更多三人俱老大相對惜蹉跎  
父母早離別真窮妻子知有時非邑屋無處好言辭已  
識黃金重應憐白日馳王戎慳可愛免受俗人嗤

貧無書可讀奔走借殘編兀傲難同俗棲遲只自憐一  
東皇詩存卷之十一 文圖

溪新漲水三月落花天春欲歸何處明年草色芊

丁龍受

字田來

春深過朱處士山居

亂木森森屈曲蟠逢晴策杖愛風湍幾灣碧水鷗眠靜  
一塢濃花燕掠殘丹藥每攜幽處曬朱琴會向醒時彈  
西隣蓮社聞堪結未許過從眉更攢

寄家漢公白門

朝天宮內羽仙家詞客閒行衣帶霞前代風流賞不盡  
留君獨看海棠花

宮內海棠一株相傳謝太傅時植

許亮

字著工績溪縣訓導舉鄉飲賓

七夕後二日立秋

解佩上層樓江雲面面浮雙星纔駕鵲九日又驚秋落  
葉飛金井邊聲起戍樓半輪今夜月一倍照離愁

題壽聖寺古松

寺松傳自唐開元時幾經兵燹枝幹如虬龍  
蜿蜒左右樹良古矣余與白沙蔣美函經其  
下感而賦之

壽聖形輝複道遙雙松偃仰薄層霄霜寒古殿蟠孤壘  
東皇詩存卷之十一 文圖

歲老行人見五朝鐵幹影移鐘響合蒼鱗日射海烟消  
開元勝事嗟回首拜舞于今共寂寥

戍樓聞笛

月落城樓夜漏微笛聲起處亂鴉飛軒楹霜薄雲旗色  
鼓角風生虎帳威入海即今鯨浪少過江從此羽書稀  
凭闌却憶睢陽句天地風塵事不違

吳家修

字仲舉號匪義順治十八年恩貢生有夕佳

樓詩集行世

日暮

轉眼扶桑影遲遲下昧谷烟凝山色紫暉落水光煜飛  
鳥向林棲歸舟鼓棹速自憐蓬鬢人榆影亦在目歲月  
不我與勞生空碌碌安得魯陽戈途窮且莫哭

欲雪

啟戶見回雲寒風從北至預興灞橋思懸想陶家味嚴  
寒見天心僵卧亦何畏不知瑞木上六出作花未

報國寺怪松

何代青松蓋世材枝枝盤曲倚雲隈若逢風雨連朝吼  
知是虬龍天上來

吳世標

東臯詩存卷之十一

五

文圖

字公建號嶢谷邑廩生舉鄉飲大賓

秋柳

春光早已洩柔條蕭瑟於今傍野橋漸少濃陰停錦勒  
頗饒清露飲鳴蜩小蠻半老偏餘態陶令雖貧尚有腰  
折贈送行何處去長天一色水迢迢

龍火西流歇眾芳靈和手植也蒼茫迴風漸覺纖枝瘦  
舞雪還思故態狂縷縷差堪延促纖絲絲可許糝荷裳  
彫榮轉眼知何事落得柴桑北牖涼

吳岳峙

字尊光邑庠生

雨後過王于丹蒼蒼園看芙蓉限徒字

烟雨一村孤相將問釣徒樹深難辨屋水曲不知途倦  
去詩還就狂來酒更呼看花興未盡臨去尚踟躕

壬寅秋試儀真歲莫未回感懷

白髮星星老布袍那堪歲晚客江臯豈因望遠書頻寄  
祇為思親首自搔古塔夜沉鐘欲靜寒風入悄月初高  
從今早賦歸來好三徑重開有濁醪

別王木菴歸里

離亭把酒蟻光浮唱罷驪歌不可留幾樹霜華侵老髯  
片颿風影亂寒鷗重逢縱有他年喜頓別難消此日愁

東臯詩存卷之十一

五

文圖

回首小樓誰共語蒼茫雲物思悠悠

吳貞女詠

深閨猶未字彤管早知名不識生前面常留死後聲毀  
容為就義斷髮豈由情翻笑鬚眉者存亡頓易盟  
次和傅尚書菩提社韻

杼懷從步遠無意到空林飛閣低帆影斜陽冷樹陰心  
隨佛火靜碑向古苔深幸得留殘句悠然共嘯吟

丁之翹

字楚隣號塔芥廩生著有愁餘草自娛草

和鄒汾亭登山二律

名以焦君著今猶見此岑長松圍古色修竹護層陰帆  
遠拖雲出濤轟漱石深僧閒無個事清梵有餘音

偶然來古剎閱歷幾曾經潮發中洲白山屯隅岸青總  
之皆浩淼何復有滄溟即此堪遺世夷猶髮半星

### 別山菴

一山猶有別西土豈無南會得其中意心中自有菴

### 登小九華

暇日登臨最上頭四隅景色望中收樓前列岫青相簇  
檻外喬松翠欲流樹杪一帆歸北岸雲端數雁度南洲  
江天九月無霜信萬木含烟不識秋

東皇詩存卷之十一

七

文圖

### 訪磨笄女殷七七遺跡次宋射陵韻

偷閒覽勝到山亭刻畫遺踪炳日星寂寂花樓迷草綠  
稜稜笄石隱苔青谿閒逸事逢僧話澗底清音送客聽  
為愛楓楸秋色好歸來殘照落滄溟

### 鄉思

天乎無可呼條歎不成聲鏡裏霜容槁冠中雪髮生三  
山孤客夢五月故鄉情回首東臯路西風只數程

### 送協兒歸

膝下依依更可憐臨歧涕泣灑江邊一川殘月還家路  
兩岸淒風卒歲天汝去多愁徒自號予歸有夢倩誰傳

丁寧好自樹萱草莫誦周南思伯篇

### 中秋後八日聞雁

夢醒殘月夜却是雁來初語落三更後情縈百感餘層  
霄仍有字絕塞豈無書莫向衡陽去愁聞恐甚余

### 深秋夜行

四境烟嵐合宵征去路賒馬蹄翻月影烏羽帶霜華野  
奏生虛籟鄉思動遠笳最堪惆悵者到處是津涯

### 冬日遊澄江沙山

朝來乘興欲登峰底事嚴寒亦策筇蕭寺有僧宣梵語  
疎林無物滯行蹤境多曲折山彌遠石露嵯峨苔半封

東皇詩存卷之十一

太

文圖

遙望白雲深鎖處鬱鬱佳氣護蟠龍

宋之鼎元趙君有墓在上

### 天寧雪夜

長空飛六出此際意如何高調吾徒少幽情天地多疎  
鐘流濕響暝鳥亂寒柯寂寞僑居者擁書只自哦

### 觀焦山鼎

先朝法物豈容窺聞道昭王置水涓追琢渾堅超象鼻  
光華離陸軼雞皮曾同簋簋廟堂薦竟與鐘鏞草莽遺  
留鎮應知非賂踞凜然覆鉢有餘思

### 同石蒼姪再登北固多景樓限韻

看山殊不厭小阮拉同登欲覽高樓景相尋危石凭幾

行來塞雁一艇去山僧樹影依稀外臨流見數曾

秋風來北固霽日照山巖梵語松中聽層巒樓外窺蕭條溜馬礪寥落放生池遊子情無既悠然有所思

夾山竹林寺

岫遶烟為寺中阿一徑紆萬竿青玉立片石白雲鋪馴鹿隨僧去哀猿向客呼寺有一猿一鹿皆放生之物上方行盡處石罅列如珠

拈花菴訪元育上人

迤邐尋蘭若疎鐘落晚風問樵知遲捷聽偈悟心空月指忘形外花拈有象中眼前皆是石端賴爾生公

東皇詩存卷之十一

九

文圖

一 遠望南江

碧寥無際野雲空極目江干點綴工積翠遠浮孤鶩外淡烟斜籠數鴉中岸邊潮濶沙全白林下霜濃樹半紅景物不殊情事別愀然惆悵對西風

張圯授

字孺子號茗柯一號白髮辭人邑文學國

初母為亂賊所害生遍訪其仇不可得飲痛終身不仕著有茗柯集行世

鄧藍田生日

憶君四十歲正值之官初香飄春蘭花著飽江豚魚其

時我五十意興頗蕭疎下君樓頭榻讀君樓頭書相訂

游京華載脂長安車卒以妻子累所願竟亦虛詩歌誤

歲年王門懶曳裾種花茗柯中恬淡飽園蔬君去官藍

田蒼生日宴如射殺北山虎懲褫奸吏胥訪古名山川

不憚路崎嶇購求宋陝搨歷覽秦邱墟彈指十年中五

十閱居諸過此又二年始得賦歸歟丁丑五十三解組

憇舊廬賓筵陳玳瑁絲竹爛庭除一往且為樂何用重

躊躇

零口荅前村漁父三首

兒童寄書來知爾特見親我無用世才但知能率真移

東皇詩存卷之十一

十

文圖

家後村口不襪亦不巾門前有楊柳居後有枯椿

茆屋三兩間不甚密四隣浩然懷千古沮溺誰其人手

持一杯酒坦懷任天真南窓有清風白首甘沉淪

簪纓不足貴所貴道德珍縱目清池上田田荷葉新時

于萍藻閒游泳觀閒鱗菜羹與布衣風味何其真

簡三權和尚

屋老如人老敝危不可扶又如酩酊翁踉蹌尋歸途一

朝忽頓擗束手艱支吾出門復入門徘徊將焉徂三公

方外友過我深躊躇慮我囊中空風雨濕我書東家惜

長鏡西家借耒鋤挈伴充服役供飯摘園蔬匠匪毀瓦



人整頓在須臾豈無平生歡所求非所需堂上金叵羅  
堂下錦羅綸招我以醉飽樂我以斯須安知歸來茅屋  
壞南風雨打書與圖若非方外有吾師昨夜冰雪狂風  
愁殺白頭之老夫

荅黃交三見懷

舉家蒙見憶自顧已衰年辛苦還茆屋艱難割渚田興  
來猶買醉老至不談禪常在親朋裏稱君父子賢

石五中內姪丁艱歸里見存草堂話舊有感

四年不見石靈邱萬里邊城薄宦遊雪暗白登傷陟屺  
月明羌笛惱伊州一官盡把羊腸歷九府頻將駿骨搜  
東臯詩存卷之十一  
主  
文圖

得謝簿書親翰墨歸來好為訪應劉

別後攜家住遠村備嘗辛苦事饕餮誰知翻誤中郎女  
垂老空消伯道魂數口生全惟拜石他家詩酒或留髡  
垂垂白髮如霜雪辭拙何能汎叩門

中禪寺訪友不遇望隔岸池亭作

何代中禪寺幽踪與世疎客來枯樹下僧立夕陽初山  
冷餘荒雪亭閒貯好書主人尋不見深閉子雲居

春日餞別黃仙裳歸里即入都門

樽罍又向別離陳南浦驪歌送美人去路馬嘶芳草岸  
還家花發故園春幾年作客形容老千里辭親涕淚頻

知爾交遊滿京洛不妨襆被走風塵

送陳其年歸陽羨

百年吾老滄江上千里君歸陽羨城滿地于今猶野哭  
空囊何事獨宵征幅巾佩劍穿山路匹馬衝泥帶雨聲  
此去故園螢已亂誰同秋月一經行

秋日茗柯卧病

豐樂橋南舊有家門前老樹夕陽斜青苔院裏無人到  
看殺紅蕉兩盞花

次荅青迴禪師

一光直接月公燈萬卷堆頭法乳凝莫道方袍師獨著  
東臯詩存卷之十一  
主  
文圖

松房我亦是閒僧

冬日程公定拉同汪玉山卯飲寓齋

故人得美酒相喚白頭翁真意固如此交情自有終寓  
齋冬旭暖着核旅厨工況復偕高士欣然一醉同

洪超遠見貽茶笋

此贈來千里鄉閭舊有名兩前茶味嫩熏後笋香清最  
愜幽居意尤高物外情遙遙煩寄我蘭氣靜中迎

種桂

還家舊樹已無存手種天香又幾根方外自忘身後慮  
眼前花草是兒孫

當窓一樹最青葱  
卷幔香溫小室中  
枕上碧紗金粟影  
分明人在蕊珠宮

漢宮秋

漢宮舊種多年浸  
此度重栽爛熳紅  
天半朱霞何處落  
粉牆西北老柯東

乙巳五日巢民齋中喜雨得心字

雲暗虛堂雨正深  
菖蒲花發又驚心  
時光寓目成桑海  
風俗從他變古今  
薄命五絲何用續  
消魂九辯不須吟  
辭家便擬乘新漲  
此後蓬門未可尋

遙和孟冬巢民先生即席共用枝字

東臯詩存卷之十一

五

文園

白板扉局晏坐時  
東山絲竹豈相知  
過牆月冷空齋樹  
近硯香生晚菊枝  
峰隔芙蓉雲片片  
烟深秋水夢遲遲  
遙知吟手俱陶謝  
倚杖寒巖一和詩

和巢民冬日過優鉢菴訪梅谷和尚韻

僧寮且喜未為墟  
半畝閒田蒔野蔬  
詞客數分懶殘芋  
鉢囊新貯石軍書  
窓臨老樹寒烟近  
竹繞荒城夜雪虛  
此地儘堪銷白日  
漫云吾亦愛吾廬

巢民老伯內屋染香閣新成

如此階除如此辰  
石闌桐葉坐幽人  
後堂綠竹煩相向  
只是秋光已絕倫

掃石焚香作卧遊  
九分春色一分秋  
樓西尚覺清陰淺  
課種紅蕉近海榴

淨灑隄塵拂素牋  
柳絲花朵著輕烟  
米家船上丹青手  
染得胭脂最可憐

秋風秋雨昨來多  
羅幃花疎點綺羅  
一醉櫻桃楊柳外  
漏移忘問夜如何

墨鳳歌為巢民老伯賦

画工貌鳳鳳不至  
五色烘染徒紛紜  
一朝飛來真鳳出  
屏風九疊香氤氲  
却借朱顏生羽翼  
不教光彩讓卿雲  
雄姿莽蒼烟中翮  
佳氣龍從嶺上紋  
美人如花凭湘几

東臯詩存卷之十一

五

文園

熨貼吳綾剪秋水  
砵然數筆羣鳥驚  
鴛鴦鵲爭徙倚  
此鳥相傳不世出  
一見岐陽一漢室  
天子宮中弄玉簫  
丞相府前彈寶瑟  
後來獻瑞傳不真  
直至如今絕消息  
是日來儀雲母屏  
滿堂觀者開顏色  
粉本丹青拜下風  
白描高手神充實  
豈無青鳥與白鵬  
欲貌其形不可得  
鳳兮鳳兮翺翔千  
仞莫下來恐有吹簫之弄玉  
引爾乘風飛去使我心悲哀

得全堂賞晚菊 拈七律得茶字

秋堂夜色染霜花  
紫萼新薰自點茶  
圓影數層環蘭墨  
寒香一倍靜窓紗  
尚餘蓓蕾窺人淡  
又映罌罍入座斜

欲換歌頭勻竹肉五更猶喚撥琵琶

匿峰廬看芙蓉次青若韻

故盡芙蓉朵秋光已細微露華凝漱灑籬菊借光輝正  
訂三秋約何堪百里違相思迫遙夜乘興叩園扉

題還樓齋

草堂七築仍還樓自逸園暨樓深翠水繪匿別業頻  
新更有雲齊在東槐國夢闌驚蟻陣墨池秋爽鬪鴛羣

欲開絳帳成餘子旋鑿明窓對此君我是西園舊儔侶  
一尊應許細論文

誰通細膩領風光花月層層隱洞房綺閣麗人精渲染

東臯詩存卷之十一

圭

文園

胡牀老子妙宮商烟霞泉石天然趣冰雪芝蘭別有香  
七十多年山水福先生纔是傲羲皇

九日匿峰廬登高效合肥宗伯以重陽登高四

字為韻

水檻接芙蓉精廬敞匿峰留賓吟九日坐石撫孤松秋  
霽雲山淨林深花影重和香兼淪茗登眺意從容

年年踪跡換飄泊負重陽且喜歸節屋還來賦草堂任  
風吹席帽從俗佩茱囊池館秋光盛無過此地強

亂竹荒岡上微醺更一登菊花田處處揚柳岸層層隔  
縣來陶令長安憶惠能謂梅清歡須永夕聚散有何凭

客醉鴉啼後東山月已高出門聞梵唄歸路繞松濤竹  
裏秋光好花前詩興豪猶嫌吟未穩且莫展離騷

石克峻齋中用巢民韻

北風獵獵氣初寒促膝圍爐漏未殘草閣香醪延野客  
霜天菰菜薦園官尊前尚覺論文好旅次休歌行路難  
開過小春花事減蠟梅花放更須看

冬夜飲巢民先生天放堂次徐孝緒韻

老卧街東第娛賓竟日開促談移小榻環坐望寒梅臘  
近酒人至宵長羯鼓催後堂絲竹起不用放歌回

對菊飲酒和陶飲酒韻二十首

東臯詩存卷之十一

圭

文園

秋光盡在菊怡情信有之風日既晴和延賞貴乘時瓶  
盞無虛設吟弄良在茲相與賡載歌問難兼析疑野人  
發高興範尊手自持

古堂靜白畫門巷如深山人淡與菊忘有時竟無言餐  
英一以佳況復能永年取適在意中勿為外人傳

元賞兼卜夜茲花非世情宵良清味足薄彼人間名伶  
傳恣陶寫絲竹快平生有美女中俠偶儻令予驚卿相

會歸盡何為歎無成

佳色如昨日蝴蝶栩栩飛浮生感物候寄趣乖歡悲眷  
言托籬東晨夕仍相依憶從髫鬢歲嚮往知所歸履霜

志彌貞懷古意不衰晒彼參與商出沒兩相違

夏子金閨彥入座寂不喧石爐焚柏子橫琴屋東偏半  
曲烏夜啼魂銷庾子山彷彿雲中鶴來從絕澗還徘徊  
菊花下誰更發狂言

四十九年非三萬六千是齟齬物不齊詭誕譽與毀未  
能還太古寄懷聊爾葵蔬小烹摘塊彼華筵綺

心儀陸子靜神往張商英晚年第一義宵冥結遙情花  
下一杯酒興發相與傾瀼瀼秋草根寒蛩已不鳴今我  
不為樂白髮鬢以生

眉山余宅相少小秀丰姿提攜侍座隅依附虬松枝爾  
東臯詩存卷之十一

圭

文圖

姑祖人望老筆詩絕奇碩果在鄉邦皈依念奚為驛駟  
驟鞭影勿令弛銜羈

籬根既爛熳隣圃亦徐開顧瞻西園侶三徑每眷懷策  
杖往從之咫尺未為乖酣飲日未晡庭鴉已歸棲主人  
向我言強我醉如泥眾賓一以暢臭味夙所諧亂雲橫  
谷口逕轉路欲迷還望得全堂烟月仍空回

一夕未就菊脈脈如向隅若乃判袂久何異隔雲塗請  
從今夕矢慎毋它載驅暫依方丈室對佛夜有餘明當  
歌采采言笑陶公居

秋霜被榛莽北邙理墓道東西南北閒無少亦無老貴

賤共一邱其骨浸已槁罄此菊前觴人生不再好髮膚  
歸幻化衣珠須自寶請看丁令威歸來語華表

今日天更好又值歌吹時祭酒譜黃絹傳留絕妙詞故  
人老巢民賞音恒在茲兩美互作述纖悉訂無疑古語  
成於樂斯言不我欺况有墻東菊捨此復何之

咄哉耿先生幻化絲蘿境菱花影亭亭玉杯人醒醒魂  
配未分明琵琶兩心領想其按拍時禿盡霜毫頰曲終  
菊影迷更剪燭花炳

三更風露涼西風颯然至人醉菊光中菊亦敲危醉屢  
舞或僊僊盤餐失位次信知行樂心及時以為貴三復

東臯詩存

卷之十一

夫

文圖

古人言中邊俱真味

雞鳴霜月高客散羅含宅煞鼓一聲罷歡場已陳跡人  
生駒隙中壽命難滿百適聽更漏催旋復東方白在世  
亦如之歸來每嘆惜

菊屏鎮相對菊圃今始經能詩金菊史三徑功已成晚  
花四五種香色妙變更茆屋飽秋光引我坐後庭兩菊  
善清歌時復一笛鳴有此種菊手焉得不陶情

菊史二子  
以善歌名

大菊小菊俱金

初夏天無雨又復兼狂風積年賣菊家並在荆棘中菊  
好惟茲圖杖履皆可通常恐雀啄花花下捫凋弓

九月已向晦秋光不可得晚花接小春娛目必無惑坐見落英退紅黃重逼塞先後一月中身在衆香國悠然有會心自學維摩默

曼卿雖妙齡通籍已登仕冰心映玉壺藻修恒潔已曰歸緣定省干謁以爲恥攜尊就菊花齒讓牧閭里內戚託芳隣倏忽近三紀交勉師古賢知足並知止往者洵綢繆未來知足恃

余山兩詩友氣誼頗能真二冒篤金蘭皆能返于淳復此花下飲白頭兩若新招隱東籬遠何異避羸秦座客雖紛紛總無半點塵經月訂會期幽意何慙慙四海皆

東臯詩存卷之十一

壬

文園

弟兄周旋見情親他日菊花殘誰人更問津願言依香山永岸澆酒巾金石在素交呼我山中人

己巳清和廿五日冒憲副前輩百歲生忌

百歲先朝秉憲身滄桑地下紀生辰中堂猶作萊衣舞末座爭看台背人

時巢民先生年已八十

榮戟廢來時代改范韓

沒後子孫貧如生視死真難得哀感何須只至親

花朝後一日集得全堂限韻

昨宵雲霧滿江天放過花朝便一年水部韻邀今夜續何少微星向此閒懸開元弟子風觀老吳下蟲娘意態妍若使曹劉都歇絕教坊妙技亦空傳

許公銓庭藻招看東郊芍藥雨阻未往攜尊得全堂即席分賦

二十四番風信逼看花密約到將離芒鞋直為甘霖阻酒盞難寬後日期色擬瓊瑤如在眼人拈蘭墨共搢頤稍晴出郭須扶杖肯使芳藂蝶自私

己巳五日集洪靜山霏玉軒限韻

靜山掌珠畔盤之慶

天中期五五長命縷羅羅莫訝提戈緩先鳴佩玉多賓筵懷屈宋名士接陰何更有難兄在談經誰復過

七夕得全堂觀劇有懷玉川先生即次見寄原韻

韻

東臯詩存卷之十一

三

文園

有客乘槎海上留未同按拍聽梁州隔將南北疑風馬望斷雲山到女牛冷露簾葭遲舊雨疎燈絡緯逼新秋尊前惆悵吳公子總為情多太費愁

小詩奉賀冒樸人老姪

少年晉秩授元戎督府旌麾指顧中萬里接天鯨浪息七閩運嶂虎韜雄出身本是名家子報國兼收上將功聞說枕戈曾禡纛請纓浩氣貫長虹

一代奇勲一日收籌邊方畧借前籌白頭大甫推詞伯綠髻文孫表列侯却憶聯吟開水繪也思射策到延秋豈知鐵硯終無補徒有青藜夜照劉

巢民先生以詩見投感賦一律

寂寞荒齋裏孤懷當歲寒誰將千古意不作衆人看夫  
子真知我深情世所難風前歌白雪感動忽無端

除歲前一夕重過巢民先生齋頭爐香茗盃位  
列尤佳即席得句

歲晚重相過青燈與更幽茶香終勝酒人淡迥如秋直  
視雲烟氣都忘戰伐愁漏深歌最清思一亭悠  
瓶梅多古致指點雜虛堂不厭終年聚誰爭此夜狂天  
寒同側席人靜自焚香一聽漁陽鼓渾如在異鄉

聽通州白壁雙彈琵琶歌

東臯詩存卷之十一

圭

文園

琵琶好手難具述白三居然推第一平生雅耳段師名  
想慕多年如有失去歲傳說離通州嚴風急霞吹羊裘  
檀槽未譜相思曲耳根已似聆笙篴今年初夏集水繪  
主人解事當今最為我走覓白琵琶歡聲已溢垂簾外  
後堂茗椀又一時白老捍撥聲遲遲登場一曲見大意  
白髮高僧讀楚詞亭午以後忽嫵媚雛鶯乳燕聲初試  
斷續輕歌信手彈宛轉朱絃恣遊戲妙來酒力已半酣  
王婆鄺哥如面談四條絃上西門死嬉笑怒罵情何堪  
曲終更理陳隋調楚楚哀音老猿叫當時玉樹後庭花  
后主悲魂猶窈窕吁嗟吁嗟白三郎琵琶落盡深秋霜

弛絃緩撥且暫起感余老淚沾壺觴空羣妙技胡為者  
贏得歌臺紅玉竿故宮禾黍已經年夜深雨打鴛鴦瓦  
當時情重白香山曾聽琵琶江水平閒君真後裔推能手  
落日揮絃心手閒琵琶琵琶有如此陵谷滄桑吾老矣  
紛紛坐客向余言尚有說書柳麻子

丁行乾

字自公號路嬰謙龍弟早卒

揚州

城堞遙與廢繁華無盡時荷香侵短棹花色補荒籬  
吹風流遠琵琶世態移高原多戰鬼秋氣最堪悲

東臯詩存卷之十一

圭

文園

雨後書感

何山堪避暑瀑過晚江清蚤早陰初動蛙殘徑一鳴日  
開猶帶雨雲漲未能晴共喜秋風近空知費此生

丁元會

字天敘謙龍姪早卒有淇園集

偶題

十載鬚眉異浮名只自知家貧親易老才短遇難期小  
閣孤燈夜疎窓細雨時每懷千里志拊髀動深悲

同諸子晚步

論文過夜半攜手更徜徉魚動波心月蟲吟草上霜孤

僧逢野寺亂火見山莊與盡各歸去蕭然獨倚牀

東臯詩存

卷之十一

垂

文園

東臯詩存卷之十二

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

劉道明

字仁寶號卓侯錦江先生子著有草堂詩靈

瑩集原神論

平山堂和王阮亭司李

碧蘿烟外繫春山雲展諸峰未可攀遙望澄江千萬里

東臯詩存

卷之十二

一

文園

清流如玉照君顏

夜棹

帆迅憑西指東風入夜長閒雲橫渡遠鷺鳥踏沙忙擁  
被吟方劇扶牕月漸涼停舟傍寒渚清夢滿池塘

許山濤久別復來海上贈我詩賦答之

文心妒秋月媚好發霜英潑墨皆名理含毫灑至情氣  
橫滄海立思共碧天清好句堪華國端非賦杜蘅

金陵除夕寓中與友人飲

松酒歡長夜他鄉意倍親聊將今夕語迎合眼前春懷  
遠豈無思同心適可人明朝風信好梅浪一江勻

賀戴又逢登進士歸娶

盛世推華國黃樞選妙才官袍傳杏苑珥筆近蘭臺五色文成瑞三槐兆作梅歸來偃玉樹引滿報花開

行青山道中山皆五色石子土人云此靈岩支脈也因咏誌之

淑氣入靈岩華光若神護誰持五色雲補此烟霞路

雨花臺靜室品梅

春明遊事勝散步一登臺雲引松濤台山移日影來花光濃似酒僧意靜於梅重約麝香雪相攜憇碧苔

孝陵龍泉菴

東臯詩存

卷之十二

二

文圖

團茅小構萬山中藤引樵青一徑通猶憶龍升泉自在一瓢誰與試松風

山僧坐禪

月外風烟靜山前老樹吟欲知僧意古笑指壁閒琴

海村

紫瀾依岸落滌迴燈細紋閒鷗爭戲月冷燕欲巢雲漁老頻收網書多值幾文持醪東望遠草綠野田墳

舟中月夜

晚泊羣艘遠波停影見天微風生桂棹小月下汀烟漏永人初定燈清我欲禪銜杯應獨坐霜落未曾眠

海雲

離離不斷隨風起紛紛飄忽凌烟水若絕若續夫何心縹緲千端無定指有時四漫陰濛濛姿態翻覆迷長空矯如渴猊奔寒泉又如封豕追長風承雷載雨疾如箭翳日縵天形萬變婉轉離奇掩八荒碧落清虛渾不見仰見旭日升中天陰霾四走潛四邊陽回赤道卿雲見燦然五色何連綿如車輪兮復如蓋碧峰嶙峋插天外赤城漸起勢漸移廓焉橫互如華帶輕盈片片巧于秋晴暉遙構雲上頭無心出岫還入岫盤延三山十二樓瑞雲自清陰自削清者為厚削者薄瑤光萬古擁三辰

東臯詩存

卷之十二

三

文圖

題畫竹

友人寄來三兩筆風風雨雨不成行想是吳綃秋月下蕭蕭醉墨寫瀟湘

劉 炯

字文清號念菴明蓼莪先生子以廩生入武闈中順治己丑會元授本省掌印都使司都使

七夕隨仲兄偕子姪輩集飲伯兄宅



耿耿銀河咫尺隔烏鵲填橋在此夕一葉桐飛報早秋  
半鈞明月照綺席經年離別一度逢相逢翻使相思集  
可憐天上會合難可憐人間駒隙擲何幸此夕弟及昆  
猶子團圓聚一宅相對罇壘醉肯辭相向天倫何怡懌  
此時微涼生樹閒此時蟲聲出四壁眼前風露總堪親  
世上浮名安足惜不妨痛飲莫輕回明日芳辰成往昔

宿大覺菴

愛此禪房靜蕭然景色賒秋林雙屐露晚水一溪霞僧  
定寒宵月燈清古佛家到來心已覺應悔客天涯

東宛平王敬哉夫子

東華詩存卷之十二

四

文園

當代文章伯 熙朝柱石儒青箱綿奕葉白鵠繞星樞  
燮理台垣近調和鼎鼐需箕裘光閭閻榮戟煥庭衢王  
竿傳經久蘭亭載筆殊忠忱隆 聖眷幹濟佐 皇圖  
已慰蒼生望咸瞻惠澤敷龍門宏樹植 鳳閣賴匡扶  
忝擢知難展追隨敢自誣才無徒挾策跡有但懸弧戀  
闕恩光重作霖心力孤衆皆嗤蹇拙公獨恤艱虞律轉  
灰初動陽回草不枯挂冠天地潤狂走道途紆翹首槐  
庭遠紫懷竹素俱何時重泛艇再向瑤林趨

歸來

為侍慈親早乞還歸來蓬戶只常闔不妨自勸花前酒

何必同登水上山宦海已辭三品俸孤雲好伴一身閒  
兒曹勉力傳書史人世浮名我欲刪

許嗣隆

字山濤號文穆康熙壬戌進士選庶常歷遷  
左春坊左中允兼翰林院侍講康熙癸酉雲  
南正主考著有孟晉堂詩集金臺集奉使集

雪中早朝

聖德天心眷興朝地道昌三冬行水令十月兆 春王  
淦淦同雲布綏綏瑞雪翔六花開爛熳千樹照琳瑯全  
映山河色微飄簾幙香素娥空抱月青女漫飛霜璇榜  
瑤堦麗金羊玉馬祥銀袍光虎拜鶴璧燦鵲行心濯水  
壺裏身依水鏡傍孫書慚學業袁戶惕行藏氣自含膏  
雨寒應讓太陽南山原禹甸萬壽頌篇章

寄懷同學諸子歌

虎文風格儼神仙荷衣荔帶藝菊田書卷長橫屋東偏  
振令茶後與香前臬盧袒跣揮空拳傾囊倒筭翻恬然  
虛白耽書腹便便蠶尾蠅頭筆障圓卓午猶在花底眠  
雲門一派老婆禪黃禮醉後聳雙肩據梧擊竹誦詩篇  
清狂故態驚四筵墨菴學書學張顛鸞鵲鷹詩勢騰騫  
斫地作歌向高天知爾者誰惟龍泉秋江麗詞偶金荃

一邱一壑綠溪邊  
繡袍償盡酒家錢  
無譽詎諧致  
翻翻讀書萬卷木榻穿

飢鳳行

鳳凰翔千仞  
德輝乃下之  
累累琅玕子  
鬱鬱梧桐枝  
食息何珍異  
清矯性所宜  
紫庭升穴殊  
寂寞來應禎  
符巢阿閣繡羽光  
分藻火衣華  
音響叶簫韶  
樂生平豈為稻粱謀  
十步五步安  
飲啄南山忽有張羅人  
媚嫉一變為刻薄  
鳳德未衰寧苦飢  
清淨真正甘藜藿  
素餐素食歲消月磨與者不少  
欲者不多上林竹實況如許  
羅兮羅兮將奈何

東華詩存卷之十二

太

文圖

春情

春風時入戶  
春光不出門  
東隣燕子飛  
西家蝴蝶翻  
海棠一樹香  
絲動簫聲靜  
婉画樓送橫陳  
禪榻對花眠  
濃烟淡日江南夢

題祇園游夢圖

魏進士曰夢遊祇園謁一僧僧曰我即汝前身也汝三十年後

當復歸此遂繪圖索詩為賦四絕

識得前身與後身  
中閒便是夢游人  
分明覺路金繩塔  
莫問華胥是幻因  
碧澗蒼巖繞梵宮  
醒來色相一時空  
多君悟徹雲門理  
塵世何人不夢中

樹裏禪扉迴未開  
舊游彷彿踏莓苔  
再經三十年重到  
翻憶當初曾夢來

丹青簇簇寫冰紈  
說法身今現宰官  
野衲朝簪皆幻相  
虛無只在畫中看

毛烈婦詩婦為毛進士際可女歸方編修象瑛之子夫亡婦墜樓吞金簪珥皆不死  
苦節十年葬夫畢即絕粒而逝遂合定焉

由來烈女比忠臣  
殉節從容更少倫  
金谷樓前垂死日  
摩笄山下未亡人  
兩旬絕粒心神爽  
十載繙經涕淚新  
同穴事完松槨盛  
不須連理發青春

馬上

東華詩存卷之十二

七

文圖

陰陰綠樹拂朝雲  
一路空香馬上聞  
客裏不知春已暮  
驚看乳燕掠波紋

為默公弟題畫

老夫豈有詩中画  
阿季偏工画裏詩  
一壑一邱通象外  
經營不在吮毫時

枝峯蔓壑好溪山  
樹裏泉聲杳渺閒  
寫得烟雲堪供養  
吾家原自有荆關

萬壑千巖繞一區  
松杉映水奏笙竽  
烏臺尚有森森柏  
再染丹青画幾株

山水清音絕妙詞  
游歌不羨習家池  
中條題遍桃花洞

始信詩人即画師

雨後馬上見西山

馬頭人面見高峰雨後看山更濃宿霧初開青蕒蒼  
朝霞捧出紫芙蓉

三韻三篇

市馬須市駿好龍須好真風雲隨馬足雷雨護龍身浮  
名無厚實嗟爾斗筭人

繡文不可刺市門或可倚涓滴成江河銖積而寸累載  
寶玉而朝奕奕繁華子

茸茸巖下草亭亭山上松無私齊雨露託根實不同萬

東臯詩存卷之十二

入

文圖

物有時命何處問元工

自西直門至高梁橋

陽鳥馳南陸陰兔隱東林出郭舒盼睽適野娛清深雲  
聲散幽姿水木結層陰坐使炎蒸滌石瀨送遠音俯觀  
戲波魚仰眺擇枝禽萬物各有託儵然獲我心繡陌歷  
紆折綺寮愛蕭森素心談白法茲游豈招尋愧彼羽衣  
流塵視此華簪

夜中自高梁橋至暢春園

銀河樓角垂玉繩簷際宿問夜立軒墀盟漱事結束攬  
轡就宵途夜色明且肅月墮樹烟生露收山霧續一氣

接蒼茫四野迷心目但知濕衣裳安從辨陵谷遠火細  
猶紅近樹低仍綠人語在杳冥臣心凜幽獨炳蔚升日  
車光華森地軸列次席平沙咫尺拱黃屋

冰

元冬池沼鑿朱夏几筵須映物光為鑑觀心影在壺飲  
時甘淡泊履處想艱虞莫訝炎蒸却蒼涼玉署俱

送默公弟歸如臯

送客仍為客鄉心更黯然三年燕市酒七日潞河船白  
髮看須鏡青山買費錢到時鱸膾美兒女坐場圓

秋興

東臯詩存卷之十二

九

文圖

盱衡今古面晴空獵獵金飈滿桂叢鸚鵡賦難辭鼓吏  
鳳凰曲不異琴工身居槐棘風雲下夢斷菰蒲烟水中  
缺盡唾壺不須擊一聲長嘯落征鴻

憶昔南歸坐草堂門前流水即滄浪弟兄原住東西屋  
賓主何分上下牀月落三更重命酒風迴五夜復添香  
於今老作燕山客豈為尊鱸始望鄉

官貧落落夢江關只合巢由自買山犬子原應逢狗監  
寫肩未必識龍顏橘奴他日栽千樹寒士何時庇萬閒  
世事無憑須貰酒開門恰喜典衣還

長安西笑路濛濛景物山川在眼中猿鶴空山啼夜雨

雁鴻遠渚唼秋風渠深未必農田溉峯峻何能帝座通  
奉使應無慚汲黯居人何事頌虞公

禁裏疎鐘響易沉攤書玉局坐秋陰五侯帶礪分疏戚  
萬國山川判古今青瑣影移朝日淡黃扉光掩暮雲深  
姬公自合稱元老吐哺能歸天地心

時奉詔纂修一統志

曉氣冲融杳靄閒書幃靜對自朝班驅車翻欲噴牛弱  
伏櫪何須羨馬閒萬事關心成白首百年開眼向青山  
鈎簾設絳張琴後挂笏秋雲看往還

列宿迴環擁北辰金風淅淅自清塵雄關日帶高城曉

絕塞秋噓遠谷春白鹿千年迎帝子斑龍九色駕真人

東臯詩存

卷之十二

十

文淵

陳書不侈天庭藻只有相如是侍臣

草亭落落在乾坤書滿牀頭酒滿尊大海魚龍原雜沓

長天鷁鷺總飛翻餌芝只合依清壑刺繡何如倚市門

讀罷南華註秋水雲消月吐又黃昏

杪秋

疎簾清簾惜離羣物候相催秋已分殘葉半黃猶著樹  
遠山一碧不藏雲鄉書欲寄雙鴻去午夢初迴一笛聞  
懷抱豈因時序改青天把酒讀奇文

張孺子生日索詩次韻奉寄

蝸廬高隱羨雋先桑海闊心歷歲年白髮豈真無後福

青山亦自有前緣春風點筆開羅屋秋雨擔鉏藝菊田  
禪榻觀空叉手坐游絲細細裊茶烟

鮮立風塵獨飲冰乾坤雙眼只瞢騰百年寄興新詞好  
五夜消愁濁酒能移竹香沾花外屐讀書光借佛前燈  
金門傳語雲門客我亦蕭然行脚僧

感懷

懶慢無堪自索居披裘側帽坐吾廬鴻音斷續烏棲後  
雲影橫斜月上初二頃未謀妻子笑十年不調友朋球  
南隣酒伴如相約為報狂夫正著書

自厚載門至西華門馬上口占

東臯詩存

卷之十二

十一

文淵

宮闕參差倚暮寒軟塵撲面雪漫漫斜陽一片西山影  
輸與閒人立馬看

望中兒大儒不至

自爾出門去秋歸冬又殘霜濃愁馬滑風急念衣單宵  
夢分明記郵書仔細看燈花前夜結烏鵲此時寒

餓虎謠

居庸人說有虎困谷中餓甚居人憐而飼之  
虎忽作反噬狀乃共逐逸去作餓虎謠

虎在窮谷耽耽逐逐爰帖其耳不果其腹爾色班然爾  
腹枵然不可以服牽解飼以一鼠予怒子侮飼以一豚

載欣載奔<sup>二</sup>譬彼鷹也飢則依人譬彼狼也窮則處<sup>三</sup>憤憤其形信信其聲自視尊矣何冥頑而不靈<sup>四</sup>汝雖善怒吾則親汝是狐也而非虎<sup>五</sup>

寒日歎

老屋荒荒寒日短七年敝裘苦不煖覽鏡但愁鬢絲長  
寒裳只覺衣帶緩黃簾綠幙豈遮貧攤書贏得一閒身  
銀鼠金貂珠勒馬俱是尋常行路人

登紫陽山大觀臺

何處乾坤一望收大觀臺是最高頭地分吳越孤峰立  
城抱江湖兩派流呼吸果能通帝座陸沉當日說神州  
東臯詩存卷之十二 主 文圖  
遙望鳳凰山朔風颯颯吹雙鬢始信登臨緩四愁  
宋大內故址

瓜渚夜泊

不寐數殘更推篷夜氣清江連平野動風趁早潮生尋  
夢依山縣相思問水程<sup>懷劉</sup>來朝還擊楫今古一含情

潤州懷古

城上高樓好聽潮東吳門外潤州遙江流西下原三楚  
山色南來尚六朝戰伐只今留<sup>映蔡</sup>錚錚烟霞終古讓漁樵  
金川鐵甕當年事漠漠烟波伴寂寥

偶成

夢華讀罷讀南華漠漠輕烟鎖碧紗閉戶請迴俗士駕

朝來新插膽瓶花

孤雲淅淅雨霰霰虛室香殘手自添何處歌聲催按板  
春風吹入水晶簾

現北瀟疎絕點塵閒來點筆寫天真吟成疑與蒼茫接  
不愛今人愛古人

酒旗飄處是河橋二月春風在柳梢不信行人攀折後  
籠烟帶雨尚條條

花田況復值花時油幙開花向晚宜折得一枝添悵望  
惱他名字喚將離

東頭屋角柳毵毵嬾慢真成七不堪長日繙書消不盡  
東臯詩存卷之十二 主 文圖

疎簾清簟夢江南  
敢謂高居百尺樓眼光如炬看沈浮胸中荊棘餘三斗  
名士仍稱第一流

四月十九日 命下恭紀十二韻

側席勞 明主臨軒進禮臣孝廉傳漢詔物行教周民  
雲昔生南國星今拱北辰揆文能偃武得士在知人選  
選羅羣策周詳歷一旬才原慚襪線 思竟沐絲綸萬  
里掄才地百年報 主身浚郊旌子子原隰馬駢金  
碧峰巒古苴蘭花草新自媒羞抱玉待聘念懷珍門敢  
裁桃李山應網鳳麟拔茅逢泰運歸得獻 楓宸

韓魏公衆春園

不朽韓公業為園亦偶然手能扶日月志豈在林泉喬木垂棠蔭荒塗接古田踟躕還立馬百感夕陽前

玩龍亭

丹青渲染畫龍身但好鱗鬣不好真莫笑葉公無特鑒如今并少好龍人

卧龍岡

崇岡勢如龍即是卧龍處卓哉武鄉侯經綸此中裕澄懷觀古今琴書安儒素釣渭與耕莘先後同一過不謂魚水歡乃在雲龍聚披圖纔數語成竹胸中具北伐先

東華詩存卷之十二

南

文園

南征一綫延漢祚亦知炎精微力欲迴氣數六出兼七擒慙勤荅三顧我來訪古遊揮策南陽路雙闕聳高祠昭烈字非誤二表勒豐碑歷歷肝膈露丹樓矗層霄複磴無雜樹再拜立斜陽徘徊不能去

從小南橋至荆門州

竹柏芙蓉雜荒途水陸分斜陽牛背笛秋色馬頭雲天淡原無影山空亦有聞荆門遙在眼迴首惜離羣

渡荆江

送目入蒼茫一片荒江白四顧覺倉皇立馬沙岸側招招呼舟子艤舟沙岸圻理揖向波心水勢借風力鼉浪

凌空濛迴流寫蕩滴不復辨東西始信限南北屢折更欹斜布帆張兩翼縮瑟看僕夫面面無人色長年如猿猱便捷肆騰擲日與水沉浮舡隨雲出沒卓午涉層瀾登岸已曠黑回望問渡人神定重服慄乃知世途中頃刻分順逆揮鞭止前坡臨風三歎息

金鴨灘

涔陽一路芰荷幽金鴨灘前又放舟雲束山腰晴亦雨風生樹尾夏先秋涵空水色開青眼踏浪撓歌起白鷗長路且休愁速涉五溪環遠在前頭

辰龍閣

東華詩存卷之十二

正

文園

兩峰對峙高千尺縛炬宵征亂石分俯視羣山懸落月橫穿萬壑踏行雲楓樟隱蔽迷秋色虎豹依棲作夜聲時聞虎嘯當日王師曾轉戰時平無復水犀軍

寒岡鋪

一入寒岡鋪炎蒸覺漸微山深松葉暗水滿稻花肥帽影露殘雨鞭絲送落暉向誰問驛路野老荷鋤歸

相見坡

枝峰蔓壑紛相向此坡危聳難為狀心目蒼茫立道傍終須置身雲霄上驅車走坂咫尺迷自西徂東東復西如是者三費閱歷數沿亂石臨迴磳蛇行龍顧極周折

步步直欲踏天梯前驕後騎宛轉會儼如來往分高低  
百盤修已凌絕頂過眼烟霞在一瞬天籟微添斤斧聲  
澗流倒瀉莓苔影我生每有山水緣風流故比謝客有  
鑿山通道今無俟恐懼忽消翻欣然與人致詞公莫羨  
吾曹尚覺心手顫前途更有小相見

小相見坡

小相見大相見兩坡數里如對面突兀小嶺橫其中狀  
流界斷鎮遠縣行行直欲躡重霄石徑環遠剛一線盤  
躡流汗顧僕夫白日青雲遙隱現蒼茫厚地接高天南  
北東西不可辨迴首來路遠微微車騎絡繹如匹練驚  
東華詩存卷之十二 文圖

魂已定方知險重覺心搖與目眩嗚呼此坡小更雄大  
小命名殊未善薄暮兩坡一氣通烟嵐頃刻生百變

播州明萬曆辛丑平楊  
應龍始改平越府

播州自昔稱荒服百雉於今拱 帝基北去江流通葛  
鏡南來山色接黃絲金戈消後鳥蠻府玉砌開時竹鬼  
祠意緒荒蕪風土僻頽牆傍眼一吟詩

孟亭

吾聞孟夫子曾隱鹿門山高風不可見孤亭不可攀清  
絕惟詩卷長留天地閒

王粲宅

依劉既不終如何復臣魏作賦漫登樓出處不知計故  
宅杳難尋應在西陵地曹操葬西陵

習家池

山公駐襄陽元是經綸手清淨以寧一鎮俗託醇酒豈  
是醒而狂舉鞭任馬走寂寞身後名高陽池何有

荊州

形勝居然控上游長城萬里壽亭侯白衣搖櫓真奇計  
豈料樓船下石頭

夜發鄒溪經桃源縣小憩

夕陽纔收暑氣平脂車秣馬事宵征烟籠淡月秋無色  
東華詩存卷之十二 文圖

水瀉輕雲夜有聲松夾紆途懸百尺城留殘鼓報三更  
桃源舊是仙家路果許漁郎打槳行

江中峭壁

停橈還四望絕壁漾波紋寺迴懸孤嶂峰高擁亂雲歸  
鴻天末見清磬水中聞領畧江山意樵漁自有羣

蜈蚣關

曉望蜈蚣關鴻濛但一氣迤邐窮幽深此身在其內反  
徑繞迴磴曲折難直視複道極巘崿雲日相虧蔽亂石  
插地生十步九蟲矗立者獅象蹲卧者蛟龍睡拾級路  
愈高險僻出人意仰面矚前驅俯身窺後騎直造飛雲

巔涼亭得小憇千仞拓心胸四顧決目皆羣峰儼兒孫  
遠樹若螺髻真如百足蟲大有蜿蜒勢作氣注危坡臨  
下徑稍易魚貫躡峻嶒蟬聯牽蘿癖心定身始寧移時  
猶病憊回首眺蒼茫烟海杳無際斯游得未曾衣裾落  
空翠

山行

暑氣何曾覺深山一望深無雲天漠漠不雨樹陰陰問  
路披蘿逕加餐過竹林丁丁聞伐木空谷送餘音

油窄關

峻嶺當空出岩峽逼諸天傍徨顧僕夫趑趄不敢前努

東臯詩存卷之十二

文圖

文圖

力向前路解衣聳雙肩扳藤且披棘籃輿百丈牽仄徑  
石橫卧頽崖樹斜穿一步一邪許始得造其巔駐足聊  
舒目所歷實宛然曉來峰頂雲翻作下方烟夾道通一  
線石級灑瀑泉絕壁迴如削題字紀歲年但有風日麗  
而無鳥雀喧葬險不在境心曠神自全碧落應非遠可  
以挾飛仙

飛雲巖

白雲飛不去結洞在山巔此中蘊奇秀其大豈枵然幽  
光四壁裂倒影羣峰懸裊裊疑挂軒軒擬鳳鸞瘦蛟  
低渡海長虹垂飲川陰沍經時雨瀕洞太古烟紛擘駭

心目邃谷足音傳嵌空碧苔補架虛丹閣連佛燈畫明  
滅會心在靜便樹裏響琤琤銀練掣瀑泉周歷恣遐矚  
映帶有餘妍三巖橫左臂一寺枕右肩

大風洞

岳麓之英靈洞天及福地山有洞則名大風更幽異橫  
嶺兼側峰森森成逆視鐵色刀環古玉音璆琳細鵬鶚  
騫翥形蛟龍攫拏勢黑陰起雲雷白日走魑魅削盡艷  
冶姿歸然存老氣尋罅窺深浩落杳無際豈是桃花  
源終古石門閑堂房極崕呀淙淙清流沸源自楊老驛  
四十五里至潛行在地中當春乃汪濊卓哉此奇觀題  
東臯詩存卷之十二

文圖

文圖

五華山歌

滇黔之山分秀頑滇山秀絕敵烟鬟環城皆山圍紫翠  
城中一峯峙人寰相傳五華雄微外不知今在指顧閒  
始從山下生遙望隱隱俱作雲霞狀粉堞丹樓相回縈  
拔地倚天無依傍亭臺高下勢參差邱壑斷連生逸宕  
拾級遂上層崖巔綺寮紺宇各蟬聯決皆盪胸飽奇趣  
呼吸恍惚通諸天豈獨對面聳金碧包羅直欲俯全滇  
振衣頗覺秋瑟瑟黃葉紅花當秋夕萬象空濛萬綠空



會心只向靜中得仙乎仙乎身在畫圖丹砂絳雪轉覺  
虛無人生適意在清疎何必海外三山之蓬壺

### 十里橋

十里橋參差石勢傍青霄對峙兩崖橫水面孤懸一洞  
互山腰百級直須層層上俯身攬轡絕他想回頭始覺  
所歷高無遺風日相摩盪危徑荒荒斷續行廢寺微聞  
鐘磬聲崩岩勢欲連雲落亂水音還帶雨生異哉橋無  
十里山十里九折之坂尋常耳世路險巇豈如此

### 武勝關

龍身虎脊遶羊腸倒馬高坡俯大荒閱歷陽嶺與陰岡

東臯詩存

卷之十二

干

文圖

武勝傑閣復堂堂危乎高哉倚天闔絕鉅百丈位中央  
神留宇宙宇軒翔莓侵苔蝕還昂藏磨之治之筆墨良  
誰為書者韋仲將巨人之跡在其旁肖象相傳三丰張  
神仙變化亦尋常乾坤事豈盡荒唐下有金橋普津梁  
夜夜微雨滴芳塘晚霞日日映斜陽嫣紅姹紫吐光芒  
晴夜雨絲墜微茫雨夕晴霞紛飄颻勝蹟今古峙黔方  
歸然幸不隨滄桑我來停車恣相羊欲去不去重徬徨  
搜神志怪費平章是用作歌貯青箱

### 李贊芝將軍席上同談震方作

此中金谷不須疑好聽佳人絕妙詞難以音聲分竹肉

翻從粉黛見鬚眉筵移夜月銜杯久扇拍秋風按板遲  
漫說周郎能顧曲記來紅豆費相思

銀燭燒殘曲未終疎疎簾影漾玲瓏雲流音出檀槽外  
風動香生羅袖中紅粉休迴無御史錦屏見慣有司空  
巫山咫尺天涯路斷夢秋宵賦惱公

### 白水河

兩山東處流白河巨聲淙淙湧亂波溯洄從此陟層嶂  
俯身復下臨澗阿危巖聳立千尋許橫坡十丈如覆釜  
瀑水喧騰萬馬奔驚雷震盪飛電舞洪濤匪浪接混沌  
虛空直瀉無吞吐珍珠倒瀾簾影高水晶斜落屏光俯

東臯詩存

卷之十二

壬

文圖

接地化為百頃烟凌虛散作半天雨古寺風生欲動搖  
噌吰鞞轆雜鐘鼓雪練川霞斷碣懸五色晴雲水面補  
滙聚盡入兕牛潭窅渺難窺白日寒何不為龍歸瀚海  
寂寂今古徒泥蟠或謂消水絕泛濫海上沃焦得安瀾  
窮源尋流寒山外浩浩却與白水會竟日追賞緩驅車  
雷音雪色意中在

### 關索嶺

際地蟠天層層出嵯峨關嶺一片石數里以外見危途  
欹斜綫縷在超忽宛轉纔過灞陵橋對面逡巡上不得  
螺旋蚓曲澀先登人皆馬伏馬人立費盡足躡與肩摩

臨巖屢憇還服慄半嶺荒祠空丹青鎗泉啞泉存古蹟  
石底繁花咽露紅澗邊修竹千霄碧須臾忽覺身益高  
蒼蒼莽莽眼雙入河流如帶見點青萬壑千峰拱而揖  
仙乎仙乎步虛來帝座可通在呼吸吁嗟此嶺真崔巍  
五里十里終難測十三複磴類轉環三千七百餘石級  
仰觀昔怖天梯懸反顧重驚飛棧反順忠古廟踞山巔  
冠裳再拜猶怵惕坐久始令心神怡冉冉烟霞盪胸臆  
歸化寺

古寺高蟠百尺峯探幽拾級更扶筇兩行翠落松杉冷  
四面雲歸澗壑濃漠漠戰塵消舊壘蕭蕭秋響出疎鐘  
東臯詩存卷之十二 文圖  
遙看粉堞參差處烟火迷離一萬重

九日范蘇公制臺招同王在茲撫軍談震方文  
部泛舟遊太華山四首

龍山今在太華巔九日邀賓敞菊筵百隊旌麾珠勒馬  
兩行簫鼓木蘭船風迴簾影歌絲轉雲擁嵐光酒盞懸  
但醉醺醺休顧曲奏來仙樂是鈞天

相從縱目上青旻萬仞高峰置此身梁益二州原楚地  
西南諸國盡王臣碧幢遠殿金仙古綠字磨崖鐵畫新  
匹練叢花城市迴此時天際想真人范公善書故碑記多出其手

當歌對酒立飛樓俯瞰滇池萬象收日月此中看出入

魚龍何處見沈浮岸衝急雨疑分注帆指斜陽似逆流  
疏鑿空聞勢漢武戈船旌葆在秦州

枝峰蔓壑暮雲平花外迴舟打槳行絃管歇時燈漸熄  
水烟斷處月微明楓連隔岸秋無色鵲起長天夜有聲  
沈醉不知歸路遠眼看北斗挂高城

重九後二日王在茲撫軍招同范蘇公制臺談  
震方文部自銅瓦寺至報恩寺復登舟劇飲三  
更始歸賦得四首

為有尋幽約中丞騎馬迎旌旗開曉色山水得秋情境  
僻羣音寂天空眾妙生憑虛看直上紺宇接雲平

東臯詩存卷之十二 文圖

黃金曾布地祇園自古今一殿銅為瓦雙楓錦作林海  
山陳俊味竹肉發華音把酒青簾下溪山只自深

履痕沙路軟帽影野橋斜雨似留山簡風疑待孟嘉翠  
濃霑細草香冷落高花隔院晴絲卷芙蓉映晚霞寺有古桂

四株皆萬數丈隔院芙蓉一叢更極明淨

泛舟宜晚興解纜坐中流細火明漁舍殘雲出戍樓杯

添看酒面笛響起歌頭卜夜忘歸路嚴城鐵鎖收門已下鎖皆紆道自北開歸

芒稻河

河勢若游龍河流若奔馬側浪與迴波鹵莽供一瀉百

尺險如削大聲震屋瓦六橋五巨石翻騰勢彌大雪霜  
色變幻紺碧氣瀟灑日星在其中烟雲出其下天地覺  
迴旋摩盪晶瑩寫此水自黃河入江斯道假傾覆在舟  
楫篙師不能把紆折開新河雙槳方可打吁嗟此畏途  
知機何其寡歎息立西風水影冷梧楫客心自飛騰秋  
目失淡冶視彼危石巔乃有垂綸者

白溝河

北人乘馬亦乘船易水蕭蕭淡遠天看去山光三百里  
沽來美酒十千錢塞翁得失孤雲外漁父浮沉野渚前  
莫問燕丹當日事烟消斷碣此何年

東華詩存卷之十二

五

文淵

早發

僕夫語中宵曉征事結束披衣出蓬門殘夢車中續初  
日照高林春晴恣所矚山光拂面齊曠然爽心目冉冉  
風塵中無端事蠻觸飢渴走荒塗束帶擁空腹愧彼田  
閒人靚深媚幽獨細柳沿迴溪繁花覆茆屋

山中

十日塵沙信轉蓬忽從石逕度春風山園平野周遭綠  
花發迴溪宛轉紅只合棲遲歸隴上何妨閑置在車中  
枝峰蔓壑多稠疊雙眼蕭蕭入遠空

晚過平原縣

一徑入平沙松杉護水涯輕黃翻某甲淺白出梨花殘  
日車聲急春風帽影斜預愁郊店宿不寢聽金笳

所見

細馬駛來十五餘盤頭窄袖意徐徐莫將花朵誇人面  
隄上桃花總不如

延令客舍與羊月生錢貢南封元李諸子言別

時立夏前一日也

途窮又復傷離別豈但情懷似別人草長此時宜歇夏  
花殘何計可留春目無今古方成達腹有詩書未是貧  
正值江鄉櫻笋熟擬將濁酒絆經旬

東華詩存卷之十二

五

文淵

一月征車同浪跡黯然握手覺愁生江分南北思漁棹  
人到鄉園識鳥聲竹葉能消春畫夢柳絲難綰別時情  
三年更有看花約便與諸君策馬行

宿故友別墅

夜長偏畏雨春好不禁風濁酒添深盞幽花發舊叢闌  
心雙鬢白開眼一燈紅多少悲歌意荒邱華屋中

舟泊

小市嘗局戶荒村正繫船鷺明無月夜雁寫有雲天暮  
綠愁仍結燈黃夢未圓平生飄泊意百里亦悽然

繫舟

薄暮荒江曲乾坤此繫舟數帆收廣岬孤月上空樓水  
白千峰影蘆黃萬里秋風波渾未息不敢道安流

廣陵雜詩

河亭重到綠陰繁風景蕭疎靜夢魂水檻柳絲空白晝  
秋簾花朶易黃昏

文牕閒枕俯清波仰面崇岡見薜蘿映得水亭紅紫色  
瓦房高處夕陽多

微風輕颺白蘋遠宛轉波紋百折圓兩岸簾光流不住  
南來冉冉有歌船

綠紗牕動有波瀾半面初迴掩素紈烟影映人人映水

東臯詩存卷之十二

文圖

盈盈只作畫中看

秦青歌調遏雲迴橫笛徐郎坐綠苔唱到水烟斜斷處  
人家簾子一時開

琉璃燈子挂秋軒下有燈船歌緒繁白榜朱闌幾咫尺  
曲終遙夜兩無言

硯北相依共隱淪洛陽耆舊有巢民秋來贏得絲絲鬢  
始信江淹是恨人

古渡

野水環東郭橫斜繫一船流殘他日雨消盡古時烟樹  
卧陰仍直沙平影自圓波瀾不可押倚杖夕陽前

九月遲于皇先生不至

相期八月東臯會海上秋風看落霞九日猶然艱一棹  
白門何處有黃花杯中濁酒思陶令夢裏鍾山識杜家  
老去登高休悵望恐驚雙淚墮清笳

秋日有感

微風起綠萍天影落空青積水遶雙鳥斜陽帶一星卷  
書開涕淚尊酒慰飄零特地青笳發悲涼在此聽

抄冬日徐方虎先生招同余羽尊集寓園分賦

歲月真如流嘉平忽焉至淦淦高雲寒冥冥成雪意微  
霰何飄颻脈脈下簷際接袂到梁園置酒作高會賓客

東臯詩存卷之十二

文圖

擅東南河岳鍾靈異謂允一揮孟延古歡坐接香爐氣

掀髯談古今燕笑雜游戲累累有清歌吳儂出佳麗渾  
脫且劉離屢折出一字醇醪愛周郎顧曲極微細樂哉

夜未央燈花重結穗雁語作邊聲茶香消薄醉四座靜  
不譁風光誠細膩濁世有風波過眼只雲翳來日雪霜

消南游攜襍被

題冒辟疆表兄匿峰廬

一曲清溪野趣長為園還在故山傍橘收南浦千頭富  
瓜種東陵五色香篋裏楚騷舒感憤閨中吳語伴清狂  
移家只合成偕隱素練霜毛寫鳳凰少君蔡姬善畫墨鳳吳門人

秋暮

波紋含細白，暝色斲空青。何處容詩卷，秋來一草亭。

經先叔忠愍公故居

先叔諱直，官吏部員外郎。甲申三月之難，本朝賜

諡忠愍，建祠于祭。

江北孤忠是此盧，綠楊門巷最蕭疎。九重天子勞旌節，一縣居人拜璽書。殊族何來矜燕處，故巢今已讓鳩居。東隣詞賦西隣酒，也向堦庭浪曳裾。

瑣瑣興衰何足論，孤臣靈爽或能言。肯令國破家仍在，猶幸身亡子尚存。俎豆翻蒙崇祀典，衣冠何處慰親魂。時封公未葬荒邱華屋堪垂淚，痛哭羊曇過此門。

東臯詩存 卷之十二 文圖  
吾宗太史久開基，吏部門牆今屬誰。自此竹林無舊館，從他薜徑有空祠。時平人忽忠臣傳，宅廢難藏絕命詩。為語游人休悵望，當年王謝總堪悲。

秋夜聞蟋蟀

秋蟲當八月，虛宇竟長鳴。心小難容恨，哀多各為聲。寒花紅有色，殘月碧無情。促織人誰織，含悽羨爾名。

聽爾愁無寐，淒淒入五更。露添今夜語，秋動去年聲。苦調誰能和，微鳴敢不平。孤燈同一照，慎勿遠柴荆。

孝女詩

女出吳門蔡氏，為冢辟疆少君長齋繡佛工書畫事父孝，刲股愈其疾。韓元少

先生嘗紀其事，余亦系以詩焉。

吳門有豪士，軒軒自霞舉。倜儻且風流，車笠通六宇。曾射魯連書，千金輕一羽。更具物外姿，清談揮玉麈。彝鼎鑒古今，詩書探出處。擊楫渡江來，晨夕聚舊雨。青春欺白髮，鬚絲垂縷縷。彈琴誰知音，中郎尚有女。

有女閨中秀，瀟瀟迥出塵。皎皎映冰雪，亭亭植松筠。長齋好繡佛，跣趺悟靜因。閒情託毫素，振腕如有神。一水復一石，花鳥亦雜陳。丹青兼筆札，爛熳寫天真。夫子厨顧流，靜對常如賓。只此雅人致，足以娛老親。

親老善言愁，啣杯每悵悵。高年病所歸，況復病于項。孝女極憂傷，淚眼徒相向。我身肉一臂，或者可以餉。揮我

東臯詩存

卷之十二

无

文圖

金佩刀模糊，血縷漾煮以白銀。鑄貯以花玉，盜亡箸方接。脣頓使神氣，王再拜謝彼蒼身。親兩無恙。

正月十三夜雪後見月同諸子觀燈賦

火樹初傳夜，銅街滑不行。紅燈寒有色，畫鼓濕無聲。暗

數梅花落明看竹，葉傾諸君情爛熳。堅坐聽吹笙，照席還疑雪鈎簾。月已生，空華春萬里，虛白夜三更。急

管迎人亮香泥入步，輕相將渾不寐。高興滿江城，春行

春行

大樹門前亂影橫，溪烟初起覺愁生。雙開白眼看雲落，獨着青鞋載酒行。春岸柳絲何淡蕩，夕陽花朵更分明。

布袍無恙微風滿聽到歸鴻只一聲

贈我怡上人

霜氣撲疎檐香燈衆妙添乾坤雙眼入仙佛一身兼宵  
渺雲歸岫虛無月在簾相看饒靜業領畧最精嚴

吳園次先生移居

茂苑歸來又卜居蕭然何處愛吾廬萬閒大厦人曾庇  
百尺高樓地有餘徑滿竹梧遷赤甲簾深風雨夢黃初  
休官始覺幽棲好試較羅含彼不如

門巷還依雉堞斜由來栗里是陶家莫言久宦二千石

僅有藏書三十車金粉題辭刊柳葉玉船泛酒伴梅花

東臯詩存卷之十二

辛

文圖

雪兒歌罷春醒解賦就閒情自品茶

紀孝詩有引

如臯冒子青若者西京華胄南國名流襲祖

父之鴻聲世稱遜抗揚弟昆之駿譽人羨機

雲門無鳳字幻傳孔李之言筆有龍文長獲

曹劉之目詩寫銀光集英華於十子詞題金

粉漱芳潤於六朝瑯琊字以卯君肥水稱為

孝子乃洗馬既善言愁拾遺又兼感遇黃金

有命憐他猿臂將軍白雪無權歎此鳶肩奇

士行吟楚澤天上埋憂舒嘯蘇門風前寫恨

因之家計荒蕪重以人情構鬪伏戎卧榻忽

飛朱亥之鎚喋血門庭竟中隱娘之劍身能

代父雖洞胸穿脇以無辭心可籲天但飲恨

吞聲而何罪實受三刀之慘幸全一綫之生

天生孝子兩代聲名世有勞人廿年荆棘縱

芳華披於異日乃蕭槭甚於斯時嗣誼切葭

草交同金石觀茲異事聊綴微吟爰矢秦音

深慚郢雪耳

百尺樓頭七尺身清華門第品嶙峋詩中王粲元才子

賦裏江淹本恨人未有末光依日月何曾夜氣識金銀

東臯詩存卷之十二

壬

文圖

先朝黨錮存遺老硯北牆東侍老親

鯉庭趨對自垂髫零落金萱雪後凋萬事無心看草露

百年有淚墮花朝青若慈君以花朝仙去  
同人為賦廢花朝詩彈琴傷往黃

門苦贈縞論交白雉遙孔雀豈知牛有角寒潭相遇輒

魂消

何年噩浪與盲風忽有戈矛及老翁孝子果然能搏虎

侍兒况復解當熊君家侍兒甚子亦模糊血裏三刀夢  
以衛主傷腹幾死

慘淡天收一七功此事原關僕射福笑他妙手遣空空

每從痛定想殘軀賴有原鴒急畏途話到酸辛翻脈脈

事闢恩怨亦區區雖無貧賤韓公子却念支離楚大夫

我意不平鳴不盡繞尊拔劍一狂呼

許容

字實夫號默公福建福州府檢校精篆刻工

画著有破難草

文殊院望家書不至

連朝雁斷數行稀一水盈盈咫尺連江樹霜催黃葉落

湖天烟送白雲飛急流聲吼還驚夢

幽磬音傳已息機最羨老僧泉石隱

掩雙扉

企隱

東臯詩存卷之十二

垂

文園

年來漸覺厭驚塵欲買青山作主人沙磧驚鷗歸遠浦

香巖松柏自長春黃河徹底流千古白髮逡巡修五句

堪笑老梅待臘盡飛花滿地又成茵

寄懷仲兄均節

惜別黃河岸他鄉反故鄉心隨江樹遠愁共海天長雨

後花俱發春深燕自忙新詩題草閣有便寄僧房

贈古巖和尚

欲覓桃源渡曹谿可問津清談空世外妙道樂天真竹

榻因吾設山茶為客陳開迷一喝後霜雪悉陽春

題羅宣明画

樹高茆屋小嶺峻白雲低極目千山外茫茫一水迷

深溪依斷岸幽壑出疎鐘莫訝高人隱雲山有萬重

雨阻湖心寺

湖心居僻境四面絕風塵野曠疑天近胸清覺道親竹

聲猶帶雨花淚欲留人盡日高樓上題詩寄遠濱

野色看難盡沙虛雁獨留放懷春浩蕩結慮雨綢繆交

少誰青眼愁多已白頭路遙無礙夢昨夜到揚州

野眺

野色望無極迢迢不可期閒雲散遠樹蟬蚪篆平池犬

吠花閒影人歸月下陂竹林深處好吾亦願追隨

東臯詩存卷之十二

垂

文園

乙丑春杪歸里張元標招同張公佐兄均節及

鈞兒燈下賞牡丹

十年江海客此日別風塵感慨存知己情多不厭貧酒

深香愈遠燈近色翻新爛醉忘歸去花中第一人

諸兄握別

兄弟晴窓話正寬依依握別到江干花能戀我香沾袂

柳欲留人絮點冠春盡一年剛此日麥修三月有餘寒

前途蕭索空回首獨倚維舟淚幾彈

舟過海岸夜宿摧母鎮

五日雨經海岸行去來舟過聽啼鶯多情蛺蝶迎風舞

無賴楊花墮水輕時事暗催霜鬢改愁思却共夕陽生  
今宵遮莫腸千轉一枕清流夢不成

東臯詩存

卷之十二

五

文園

東臯詩存卷之十三

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

曹繡

字文虎著有盱眙遊草

乙巳五日喜雨同杜茶村冒巢民張茗柯諸君

分韻得人字

還家高會及佳辰疎雨浮雲過影新華館喜沾蒲節酒

東臯詩存

卷之十三

文園

征衣猶帶馬蹄塵花因潤色爭含笑鳥欲停飛故傍人

有客得乘新漲後他鄉莫恨屢經旬

早行

月淡烏飛露氣清雷公橋下問前程征衣錯認朝光射

猶是荒村獵火明

古香積寺

南朝舊日知名寺地古碑橫半夕陽惟有浮圖長自在

不關興廢是空王

夜聽琵琶

月黑花冥更漏遲悲絲正共別離時憑君說盡邊關苦



二十年前總不知

登樓

九分春色十分愁步屐何心更上樓南望直窮千里目  
綠烟滅盡水悠悠

巢民老伯染香閣新成同孺子口占四絕

新成小閣坐繡書謝墅庾樓總不如移得江梅三四樹

一窗明月影疎疎

小疊迴廊石半支乍涼天氣閉門遲此中只有閒功課

不咏晴光咏雨絲

曉日鈎簾罷掃粧玉人湘管自相將不知花草添新染

東華詩存卷之十三

二

文圖

但覺風來錦繡香

豈有閒愁到此間底須紅藥駐丹顏香山娛老渾無事

細膩風光托小蠻

顧風彩

字霞儀號羽皇有蘇門集

雨中同冒公履小飲弘德堂

喜當風雨夜奕罷對幽軒把臂欲千古相看無一言淹  
留應白社款曲此黃昏尊酒頻相勸挑燈深閉門

清明後一日同冒公履仲兄異羽集余宛駒齋

十年兄弟隔林邱剪燭同登百尺樓勝日幾逢花

暮春初見月當頭莫言寒食清明過空憶蘭亭少長遊  
且盡故人一杯酒素心好共數更籌

東園雜詠

憔悴梅花已十分經年芭坼吐清芬一株煖玉融香雪  
萬斛湘蘭染素雲映日碎搖光皎潔隔籬微送氣氤氳  
宗之自昔多瀟灑遮莫而今不似君

淡淡濃濃艷艷粧美人新浴試蘭湯重陰晝壓珠千顆  
小院香銷淚幾行色借臙脂勻曉露頰添紅粉失朝陽  
太真睡熟長生殿腸斷梨花夢亦香

葉底歌喉不辨名知他燕燕與鶯鶯啄殘梅萼千林亂

東華詩存卷之十三

三

文圖

揉碎棠梨一片鳴別園未聞挑菜語小橋時雜賣花聲  
綠陰多處寒生峭半是如簧舌釀成

尺五天開芳草池錦鱗游漾水漣漪浮沉不管鴛鴦浴  
出沒生憎翡翠知亂逐荷風翻荇帶羣穿柳浪織萍絲

濠梁樂事原由我不學任公釣海陸

隔斷琅玕碧可憐模糊香霧濕林巔日離滄海三竿曉

風定閒雲萬个連揮漢幾迷哀雁過傍松如伴老龍眠  
此君髣髴猶堪愛似屋王猷最足傳

素質青標鬪夜闌紙窗分影上欄杆微微露濕林如洗  
薄薄風吹水欲瀾碧海孤懸冰鑑冷綠天斜挂玉弓寒

秋高莫遣繁霜折圓滿常留扇與團

歷歷垂條不忍攀依依獨傍小池間  
冰壺倒浸絲千縷風絮斜飄水一灣  
未免有情歌子夜不堪回首聽陽關

臨流攜得雙柑美無數黃鸝學語蠻

陸地瀾生攪碧空大夫何事惱驪宮  
星辰不敢眠三峽草木猶能走八公  
海氣晴翻龍甲雨江聲夜捲鶴巢風  
乘槎無計看牛斗歎息時聞四壁蟲

范良楨

字貞木

巢民先生庭前山丹分韻得情字

東華詩存

卷之十三

四

文圖

最憐春去總關情賴有山丹繞砌生  
艷極雅堪名灼灼嫣然絕似染猩猩  
葉分翠篠光風潤人是青衫幽思清  
卻對朱顏饒逸致紅牙輕拍裏新聲

余瑣

字文賓號自玉郡庠生試授郡佐著有亦園

詩稿

歲朝和巢民用東坡韻二首

深巷春朝似遠村屠蘇滿飲祝生孫  
榮先萱草滋前砌春透梅花護小門  
自信無才甘落拓敢誇有舌任澗翻  
年來惟患山田薄雲物還須卜上元

僻地常思郭外村編籬護竹養雞孫  
何緣梅福尚留市空羨袁安日閉門  
逢閨黃楊原受厄入春綠柳漸飛翻

眼前不少猗玗洞誰肯攜家學浪元

十月三日巢民出晚菊于得全堂集飲同人分

體得香字

十月繁霜落猶看菊滿堂品原同隱士  
名竟擬花王有黃白二向夜搖疎影臨風散冷香  
還須勤愛惜微雨潤何妨

妨

只此稱真賞漫言逸興狂新茶來廟後  
舊醞出家藏歌罷人全醒吟成花欲香  
顏年洵可制不必飲南陽

東華詩存

卷之十三

五

文圖

辛酉九月既望匿峯廬看芙蓉次青若韻

林氣多蕭爽芙蓉映樹微壺觴沾冷艷  
几席得清輝相對情如澹頻看興肯違  
錦官殊不遠何必出巖扉別業橋邊路  
相連一水微近年多灌莽此地足光輝  
常賴招攜便不教心事違竟來花裏臥  
鎮日掩雙扉

秋杪芙蓉未著霜高低相亞映池塘  
嬌姿對酒助顏醉冷韻侵人沁骨涼  
疑泛仙湖鷗弄色宛登唐苑墨生香  
老來偏有繁華夢此外依稀盡渺茫

短鬢星星憎點霜半生心事託林塘  
喜逢九月花光滿不使三秋景物涼  
返照隔山尤逞媚暗風度水只輸香

丹楓空說吳江好，懶買扁舟問杳茫。

花朝後一日譙集得全堂限韻

飄零湖海各殊天，握手登堂憶昔年。雅興忽隨芳草長，高懷爭向早梅懸。笙歌不厭堪邀醉，閨閣偏能解關妍。此夕莫言成意外，風流鄴下許誰傳。

中秋日黃河遇大風雨

向曉東風急，將午勢尤壯。舟楫不敢前，排空衝逆浪。濤湧黃沙捲，霧起白草颺。倏爾暴雨來，四顧陰雲漲。片板漸欲傾，篙師力難抗。童僕四五人，倉皇走岸上。衣履盡淋漓，慘澹真萬狀。相視無人色，性命竟誰仗。垂堂昔所戒，涉險今何妄。傍晚敲石火，櫛飯充一餉。仰天忽大笑，此身幸無恙。茫茫宇宙間，所歷未可量。人心多叵測，天意豈偏向。似此暫驚駭，何必生惆悵。稍待冰輪升，此景彌空曠。

登玉虛宮

馬陵山下屋宇稀，塵埃十丈白鳥飛。孫龐一戰膾人口，碧血青燐夜雨微。何年頂上構仙觀，絳殿朱樓接霄漢。玉節金幢擁至尊，像教威嚴嚴復爛。燭更凌石陞步虛，空羣峯聯絡烟霧濛。風掣千帆爭出沒，河衝列郡走西東。下相城邊舊軍壘，黃者衰草白河水。年年版築倍苦辛，

東臯詩存

卷之十三

六

文圖

可憐人民盡瘡痍，向午林中炊烟少。雲光香氣正繚繞，登臨不傷霸業沉。翻歎黎民多憂悄。

淮陰舟中初度日同青若作

今宵愁轉劇，把酒竟忘歡。世變真交少，年凶遠道難。微懷終未吐，老境漸增酸。胯下人何在，蕭蕭烟景寒。

王景州往閩欽州赴燕悵然有作

書到傳無恙，鴈行忽背飛。客程燕塞苦，鄉夢鯉湖違。日月催霜鬢，風塵老布衣。幾時還載酒，蕭寺對斜暉。

冬夜全丁石倉過柳天植寺寓留飲

夜寂羣器散，一燈對客懸。不期潦倒日，偏話壯遊年。白髮餘豪氣，青樽照晚烟。此方花月地，經過莫徒然。

東臯詩存

卷之十三

七

文圖

吳門清明

溪邊高閣對江開，小憩何妨乘興來。草色微茫連遠霧，梨花淒冷綴深苔。叢祠久罷迎神曲，野塚空飛應劫灰。莫向真娘墳上望，一杯誰與剪蒿萊。

去歲隋隄結伴遊，今年書劍滯蘇州。但知山色三吳好，誰識鄉心百里愁。囊乏一錢難貰酒，年衰無力怯登樓。生公亭上憑欄立，掩淚何堪對楚囚。

客中示叢玉蟾胡蔚公

秋日城邊秋雨頻，闌珊心事歎風塵。相看俱是多愁客，

到此同為失路人徹夜鐘聲知漏永連朝酒蓋覺情親  
黃河不阻南飛鴈好趁晴和一問津

梅花灣 離臯城三十里

發絲亭下往來頻幾曲迴環接遠津獨怪梅花消息斷  
露桃空自占芳春

感懷

久有住山意此心誰可論聊開竹裏屋獨坐水邊村歲  
儉人情異時平國法尊莫求分外事古道願常敦

送王木公入南部幕

垂老何堪事遠遊離亭握手淚難收棧檠秦嶺雲俱暗

東臯詩存 卷之十三

八 文園

驛近巴江水亦愁自信郊超堪入幕從知王粲懶登樓  
柳邊消息經年隔莫惜雙魚付置郵

觀騎射

底事空教尚武功據鞍挾矢共稱雄輕蹄上下追飛電  
急羽參差逐勁風映日錦袍欺白面盜金雕勒拂青驄  
功名此日原無着擗管何如挽畫弓

登萬仙樓

迎仙迹渺萬仙成日望崇霄降鶴笙卻笑始皇謀太拙  
空煩徐福到蓬瀛

顧澐

字水雲

匿峯廬看芙蓉次青若韻

對坐芙蓉岸留賓詠賞微池花秋艷艷山館靜輝輝鄰  
並時相逐韶華肯暫違真憐王給事松竹鎖巖扉  
艷冶輕盈不耐霜背山依柳枕橫塘曉風未似秋江冷  
夕露遙生草閣涼三徑依稀唐苑種東籬掩映菊花香  
追隨苦憶趨庭樂閩海烟波路渺茫

吳協姑

字微蘭號松亭貢生有採隱書屋詩集行世

秋夜

東臯詩存 卷之十三

九 文園

花外銀鉤到曉清芙蓉露濕夢難成無端涼氣浮簾入  
今夜初聞蟋蟀聲

與居輔臣說事

曾記當年柳敬亭蕪城秋雨話泠泠六朝多少興亡事  
更向尊前此夜聽

聽琵琶

三尺鴟絃繞指柔青衫濕盡為誰愁情深忽到無聲處  
滿地霜飛九月秋

村居曉雨

曉起澄幽況庭花刺眼鮮春聲茅屋雨柳色斷橋烟徑

僻苔容古林開鳥語妍落紅侵石燕相對意悠然

白沙秋月

和施太尊原唱

清光浮碧漢旅夜獨聞秋鴈影高吳嶂濤聲溯越流杯  
遲風入座詩就月當樓一片冰壺照行歌古渡頭

曉行

漸覺東峯白茫茫問所之朔風人面冷霜路馬蹄遲野  
霽山開霧松深雪在枝誰憐行役者辛苦歲寒時

冬盡

北風吹野岸慘淡暮雲寒山火明殘夜春聲急淺灘囊  
空沽酒盡家遠寄書難賴有檐梅好清香伴歲闌

東臯詩存

卷之十三

十

文園

冬夜聽琴

涼月照餘雪鳴琴如可彈冷冷松澗滿淡淡石林寒墻  
竹風初寂爐香夜未闌移情君自得剪燭話幽蘭

雪

五夜寒生戶殘年雪閉門山川迷遠道烟火斷孤村燈  
黯花無影雲封屋有痕誰能置高會尊酒賦梁園

立秋前一日

炎威初退碧雲空窗下迎涼草幾叢雲浦蘆花期雨白  
吳江楓葉待霜紅簾開水閣猶飛燕氣肅龍沙欲送鴻  
對酒莫餘河朔興明朝夜色落梧桐

寄懷徐岱瞻

分袂年來隱碧阿柴門蕭瑟近如何一簾月影侵書帙  
半榻松陰挂薜蘿春老鷓鴣愁裏聽草深風雨夢中過  
思君聊寄雙魚信笑指橫塘好和歌

重陽前一日舟中遇雨

楚山搖落已經秋遠岸青楓動客愁萬里賓鴻催九日  
滿天風雨在孤舟數行烟樹來蕭寺一幅瀟湘轉戍樓  
誰道參軍多逸興碧波蘭棹意悠悠

蓼花

和施太尊原唱

搖落於今始放花西風偏自倚平沙蕭疎夾岸江天迥

東臯詩存

卷之十三

五

文園

蕩漾晴波烟水遞幾度含情深客思似曾相識到山家  
千峯遙指金陵渡秋色無邊帆影斜

秋徑

秋深雲物靜小徑亦蒼涼鳥跡縈苔紫蟲書蝕葉黃石  
寒留厚露風冷錢微香極望長天遠斜陽鴈幾行

冬至前三夜

北風鳴牖紙寒影靜書檠月冷通霜氣天空嗽樹聲殘  
更知酒力枯坐得梅清幾日微陽轉窮愁竟此生

雨中柬友人

漠漠陰雲重瀟瀟六月寒一城烟雨合四野畫圖攤短

屐攜難去方空著轉單連朝思爾甚薄暮倚檐端  
雨勢侵墻竹風聲亂薜蘿映門流水活開幔濕雲多客  
少衝泥到人無問字過旅懷應寂寞點染意如何

夕

淡月林塘夕風簾宿鳥過花陰搖玉簾露氣拂天河裂  
石誰家笛行雲永夜歌幽懷不可寐來往步烟蘿

新竹

叢篁紛解籜歷亂散清陰未挺凌霜節先虛應物心枝  
低和雨重葉密帶烟沈恐有人來看柴門掩莫深

蟋蟀

東華詩存卷之十三

十一

文圖

亦是鳴秋者深閨獨爾驚一燈牀下咽四壁月中聲芳  
草豈能綠寒砧空復清平陽孤館客夜夜幾含情

鷺

秋水生涯遠青山去一行霜飛蘆荻岸玉立藕花香潔  
性烏應妒清姿鶴可方潛魚毋浪出往往在寒塘

棲霞道中

幾日棲霞道籃輿度碧峯板橋行急瀨石磴走長松曉  
起山雲變春寒夜雨重禁烟時候近愁殺野桃濃

金陵懷古

十幅征帆五兩輕江山指點石頭城帝王六代還興廢

龍虎千年幾戰爭舊內有隄連野色荒陵無主入潮聲  
曠懷往事知何限搔首寒空夕照明

七夕前一日立秋

涼氣翛然灑素襟遙遙天漢起層陰纔移白帝三秋令  
不改黃姑一夜心短榻風清如客過高梧雨急有蟲吟  
明朝兒女穿針約露濕金梭待月臨

細雨

春陰漠漠雨絲絲最好池塘變綠時已向海棠添睡態  
全教烟柳做相思塵清九陌行無迹風過重簾濕未知  
何事晚來寒轉峭有人窄袖苦吟詩

東華詩存卷之十三

十一

文圖

城邊

射雉城邊風景新望江樓外野原春每逢芳草如歸客  
纔見梅花似故人日瞰晴空摩老鶴池開輕凍躍潛鱗  
青鞋布襪多遊興誰向西園載酒頻

冒儼然

字公儀歲貢生著友龍齋詩

曉行

征人未云苦晨起最堪傷馬首迎殘月鞭梢帶曉霜路  
迷嗟漏永神倦怯途長夏已過三日重裘尚畏涼

蒙山道中遇雨

莫道風塵苦荒村更雨霖黑雲迷驛路紅電繞山岑衣濕難禁冷泥深不耐駭僕夫前共慰林出是蒙陰

金山夜宿

峯石浸冰盤舍空一色看扁舟時出沒過客幾悲歡風急催濤湧霜飛落鴈寒流連新吐月潦倒醉江干

謁伍相祠

生祠凜凜聳城樓衰草離披動客愁平越未能空挾目沼吳徒自驗前籌捐軀壯志千年恨護國丹心一寸鉤血灑胥江收未盡飛濤日夜怒東流

冒坦然

東臯詩存

卷之十三

十四

文圖

字公履號鹿樵

匿峯廬看芙蓉次青若韻

蓬蒿偕小隱花萼傍精微莫惜芙蓉晚偏增曉露輝萍蹤流水聚心事涉江違日涉猶成趣招尋近竹扉采采難忘向拒霜盈盈欲語媚林塘紅顏含笑人偏老白露沾裳月漸涼相對不嫌叢菊冷自憐欲借海棠香憑君更憶秋江畔寂寞汀洲立渺茫

祝巢民伯兄疊用徐方虎太史唱和原韻

浣花溪水老如何語必驚人更揣摩賓客舊推鴻烈久文章新重石渠多情陶謝傳山中野年紀吳剛月裏柯

羣季卻慚非俊秀拳耕不厭日相過

中天芷若九成臺招引羣仙馭鶴來靈藥寧將仙掌露流霞醞就夜光杯歌翻絳雪何辭醉照徹紅粧不肯灰馮仗方平更相訊幾回清淺見蓬萊

春日讌集和董使君

選勝招詩友陶情共酒杯春生池上草香動閣邊梅同調欣能聚孤懷得好開奈何慚未至妍唱已先裁

冒綸

字彌若公履子有芸室稿

匿峯廬看芙蓉次青若韻

東臯詩存

卷之十三

十五

文圖

花開何在再日往漸霏微徙倚看朝采留連尚夕暉拒霜愁太晚露露願無違早起還應惜今宵莫掩扉朝來濃露換輕霜賸有芙蓉綻滿塘未許清標禁寂寞何妨衰草任炎涼烟波解映祇憐影蜂蝶能逃且讓香相對卻愁殘菊盡東籬一望轉茫茫

和巢民世父與諸友訂中秋十日之飲抱恙忽

已踰旬悵然有賦原韻

淹留叢桂許尋盟好句何期伏枕成秋色最妍八月夜清光辜負一句明衣侵露濕中庭寂愁入蛩吟滿砌生鎮日叩門相問訊恭禱無限霍然情

和十二日竟日喜雨

乾封不覺中秋近望月何如望雨來雲竟一天難尚晦  
珠光五夜蚌猶胎菊浮鮮翠翩翻起桂濕新黃次第開  
淨洗煩醒燭宿慮眼前那更有纖埃

和十三夜臥月

雲淨庭梧落葉輕涼侵冰簟露華明影涵新霽秋宵合  
月近初圓夜景生瀟岳由來工作賦東陽原自舊多情  
無端阻隔南樓詠不覺星迴斗柄橫

和中秋竟日夕雨

不斷行雲鎖暮烟平分秋色雨連天可憐佳興偏多阻

東華詩存卷之十三

文

園

也坐清宵未肯眠半壁孤燈猶自碧一年明月幾曾圓  
陰晴聚散真無定好覓醇醪百斛船

奉和水繪菴看桂

東山別墅倚平臺桂樹攀援此復開徑滿蓬蒿應自喜  
篇連月露更誰裁從教雲外吹香遠何處淮南招隱來  
世上相逢謾相識心情無那且銜杯

春晚過匿峯虛

橋通山勢起石出水痕乾細草生春色輕烟作曉寒花  
繁疑徑小地僻覺懷寬且盡登臨興雙眉不用攢

懷陳天御移居南江

擾擾離愁不肯降思君一夢到清江蘆花似雪迷沙岸

月影如人對竹窗澤畔尋常懷楚調潮頭日夜繫吳纜  
何時問訊橋東路信宿論心倒玉釭

白沙秋月

水落沙還白山高月正秋影隨宵漏轉聲帶夜潮流才  
調謝莊賦風流庾亮樓江干多少樹烏鵲繞枝頭

送友

人生多聚散忍忽難可娛飄如風中絮泛若水上鳬別  
君四寒暑夢寐恒與俱把臂僅旬日言盡意莫數感懷  
念平生解佩為我沽離緒奄復起四座興長吁東風一

東華詩存卷之十三

文

園

何異川途一何紆烟樹望中極白雲天一隅臨歧不能  
語聊當立斯須

丁其錫

字天子號殊齋試授學博有聽松軒詩稿

送浮村上人之天童山

吾師金粟種訪道入名山一水圓蒲外千峯杖錫閒經  
行霜路迴趺坐碧雲閒待到拈花後依然靜掩關

素風堂銷夏

無塵暑亦佳同調況天涯更以青松伴兼之白石偕林  
深逃俗駕風好敞虛齋但作碧筒勸陶然共寫懷



重陽後一日飲余文賓碧山書屋

我有黃花君昨醉君開綠醕我今閒芳辰不惜頻消遣  
好友何妨日往還子夜歌聲猶碧落中天月色自烟鬟  
此心久在浮名外只有茱萸句未刪

贈梅谷禪師

曲徑雲封獨閉關深公何用買深山頻來運石多名士  
老去殮芝得好顏驚嶺孤吟時自得虎溪三笑問誰閒  
憑師已識無生妙花雨常飛四衆閒

喜潘冰壺再至東臯

愛君詩興寄滄洲賦就蕪城載筆遊十載江臯尋舊好  
東臯詩存卷之十三 文圖

一時尊酒解離愁看來菊綻東籬色聽到蟲鳴別院秋  
聞道明年強仕至可能握手更淹留

洪必元

字彷彿沂贛榆縣教諭

海陵讌集

不減南皮譙高軒共夕曛酒闌橫劍鐔燭地藹香芸露  
重兼葭色烟浮象緯文海天鷗鷺宿相對恐離羣

丁確

字

乙巳午日巢民齋中喜雨得江字

一年此日人皆醉我覺愁心不肯降獨喜酒邊逢楚客  
謾憑雨外說湘江花枝照眼終無賴鳩婦呼晴他自雙  
最是主人知敬愛好燒銀燭聽淙淙

余昂

字宛駒號寧愚試授縣丞著有綠筠軒詩稿

東郊訪冒公履

訪舊出郊原呼童載一尊層層烟樹合處處暝禽喧木  
葉弄風色柴荆上月痕嚴城更漏起相別更何言

秋夜同顧霞儀述懷

扁舟一月別此夕若為懽夜靜燈微綠秋深衾漸寒亂  
東臯詩存卷之十三 文圖

蛩依枕畔老鴈過雲端為憶溪山好相期把釣竿

贈家羽尊寓僧院

幽僻禪林路思君不厭尋秋光聊倚杖流水共鳴琴初  
日澹楓樹曉風清梵音浮生都若寄相視歲寒心

匿峯廬看虞美人花

白板橋過一徑迴杖藜日日看花來舊依闌檻分階映  
更綴巖阿傍水開植援編離多曲折攜尊列坐有亭臺  
何當嘯咏忘賓主嫩竹初成隔歲栽

范韓

字平木著有逸齋吟

過巢民別業賦得尋秋

三徑添風雨催余識晚秋平沙蹲怪石老樹倚危樓露  
白增新恨楓丹感舊遊頻澆千日酒泥醉臥山邱

冒雨飲陳浩菴草堂

不憚春泥滑尋幽過草堂荒烟迷遠艇急水走橫塘酣  
飲傾村釀高吟助客狂相攜歸路晚袖拂野花香

燕剪

王謝堂何在喃喃若共嗟身輕掠水慣力怯受風斜趁  
柳裁新縷穿林碎落花莫愁無舊壘飄泊任山家

村中即事

東臯詩存

卷之十三

文園

滿眼蓬蒿恨已賒更無人可話桑麻遠天直壓前村樹  
旗影飄搖識酒家

村醪獨酌坐清溪新月如鉤影漸低不是生平寥落慣  
夜深難聽子規啼

謝家玉

字義白

辛酉九月望後匿峯廬看芙蓉次青若韻

芙蓉逞秋色環山近翠微迎風標逸韻帶月映清輝策  
杖謀深坐銜杯恐暫違主人元好客安用掩柴扉  
歲蕤競勝怯清霜半傍花溪半柳塘卻羨朝容承露潤

猶憐夕影受風涼閒歌曲澗臨秋水笑近疎籬趁晚香  
劇飲高吟酬逸興白雲黃葉轉茫茫

東臯修楔同顏佳胤劉雍州石王香吳犀年

令序空修楔同聲與舉豪盡簪來道院連袂集吾曹命  
世皆英俊驚人各彩毫山公尤雅量舒嘯即東臯

三月三日諸子讌集

上已驚逢修楔事大江南北集名賢山林列坐幽情叙  
水竹環遊逸興傳觴咏酣呼隨俯仰風光和暢任留連  
遐思逸少蘭亭主此日東山亦與焉

范 壘

東臯詩存

卷之十三

文園

字祗承號栗園邑文學著有栗園詩稿  
大哀篇

舊年值此時父母猶雙侍吁嗟時易窮吾母忽先棄父  
憐哭母兒兒劇思親淚方謂椿樹榮猶得承歡意門戶  
賴支撐經營忘所事憂疾與時俱愚昧不多記佑啟我  
後人惟恐先業墜循循真善誘教誨無不備昊天胡不  
弔二豎復來祟病未及周旬巫醫俱不試慘毒世所有  
兩喪實誰庇哭父兼哭母呼天并愴地戶內多糾紛外  
人復覲視焚焚孤獨子一命如懸寄哀毀不成文又恐  
多物議浪得孝子名虛聲豈容易鼎養既不能救水無

難致事親當及時慟予已不暨泣血并推心我死何不  
亟

短歌行送倪永清先生兼上仙裳黃夫子

朔風蕭蕭吹落木有人來自曲江曲酒酣拔劍心茫然  
偃蹇東臯白日速我欲騎龍遊太清君如南山霧豹高  
隱忘其名談詩直壓少陵老學仙不許丹邱生猗嗟不  
歌復不哭辜負平居今古情酌君酒共君盟瞪目一顧  
浮雲平神仙彷彿來蓬瀛問訊吳陵黃夫子山頭可許  
共吹笙

西園消夏步陳所軒韻

東臯詩存

卷之十三

圭

文圖

避暑西園好何須拄杖頭儘拚今日醉已覺此生浮羨  
子名成早慚予鬢已秋原非因熱輩聊復枕清流  
北窗初臥起濯足小橋西石倚寒泉瘦花因曲檻低楚  
人方索戰野老獨分題良會恐難久愁聽烏夜啼

過辟疆園有感

司理琴尊地登臨事已非名園成棄土亂石倒斜暉盜  
賊攀蘿薦兒童採蕨薇廢興天意在聊復坐漁磯

雨香菴即事

約伴探幽勝曾經此地過林深先日暮地僻覺風多別  
館成榛莽談詩就薜蘿昏鴉棲未定縱飲白雲窩

東閣開筵處高賢集四方酒酣天覺小茶熟雨生香經  
濟存安石才名愧子陽忽聞歌折柳滿坐總淒涼

躡屐雲林好苔深石徑幽仁風生別院詩思滿高樓才  
子推連璧神君富九邱夜寒須痛飲欲去復遲留  
把臂皆知已翩然共入林揮毫黃鶴下回首白雲深劍  
不伸豪志琴能悉素心十千君莫惜爛醉索高吟

劉雍州諸子同白上人偶集春草軒即事

楊柳低垂鎖闌青風光遷轉似流萍何當佛老拈花頌  
攜到農家喜雨亭知已笑談空島嶼丈夫心事付滄溟  
雙龍在匣時相吼為報東南有將星

東臯詩存

卷之十三

圭

文圖

贈李雲佩次陸吳州先生韻

螺髻佳人鴨嘴船世間何處有神仙非關歌舞堪娛老  
便到艱危不受憐白晝閒將書度日青春只任醉為年  
風光到處多欣賞不獨長安尺五天

濯纓亭招飲諸子即席分韻

濯纓亭畔放船時且拉同人進一卮滿目好花容易老  
開頭挾柁莫教遲詩方對壘才難敵茶本依經座有師  
按罷滄浪春色暮短桃紅杏兩參差

立秋和陳殿升韻

時殿升寓  
雨香菴

江山雲影為君留萬里西風萬里秋記得登高同嘯咏

隔林明月到南樓

范大本

字心淵號缺菴邑廩生貢入成均官中書科

中書著有紫薇集

出都留別同寅諸公

三年綸閣忝同寮染翰池邊愧續貂本擬步趨南斗近  
卻憐溫清北堂遙毛生捧檄情方遂潘令扶輿意自饒  
出處雖殊同孺慕敢貪微祿駐烟霄

爭看珠履上金臺獨賦歸興與豈顏張翰思尊如有約  
陶潛愛菊急須栽瞻雲頻眺西山外戲絲新從易水回

東臯詩存

卷之十三

五

文淵

趁此秋光投佩好石田萱草茂蒼苔

留別都下諸公

平居性頗愛交遊此地嚶鳴副所求傾蓋都成金石契

素心不啻漆膠投諸公袞袞登臺省

用杜句

賤子庸庸傍

海鷗遙睇江村歸養處碧雲紅蓼滿汀洲

披垣濫厠附鷗鷺冷署蕭閒但素餐無以報君臣職

忝不遑將母子心寒逐初猶可開三徑明發奚知戀一

官為覓輕車分手去春風回首憶長安

崇川舟次喜晤王叔旦

一別動經歲空餘魂夢親何期今夜月得共素心人話

舊傾尊酒看花惜暮春明朝歸棹發兩地各傷神

望金山

不盡長江水奔流自古今一峯衝浪出四面受江侵映  
日樓臺麗參天樹木深風帆明曉渡登覽縱高吟

琴臺

最高一片石人道是琴臺飄渺羣峯繞蒼茫湖水開老  
松敲曲徑游屐履破新苔舊趾年年在知音何處來

元墓

非復諸山境悠然別有天寒梅橫極野古木接孤烟檣  
出湖邊草鐘鳴世外禪幽情渾未足皓月滿歸船

東臯詩存

卷之十三

五

文淵

晚登金山

南北分形勝江心出此峯潮來雲水合日落海門封深  
樹夕還密遠山晴更濃中流有砥柱不必畏蛟龍

歸里

薄暮江天鼓棹時風帆一望去參差歲行盡矣愁為客  
人賦歸與喜可知涼月三更明似水清謳百轉細于絲  
鄰舟絮語鄉心亂更剪寒燈把酒卮

范大士

字兩奇號拙存以明經筮仕天長縣教諭陞

肥鄉縣令擢戶部員外郎兵部職方司正郎

遷梧州府知府選詩發二十卷行世著有墨

莊存稿

暢春苑引 見恭賦二首

玉漏初收禁院東疎星落落曉烟濃馬蹄蹀躞人聲寂

柳陌參差燈影逢古寺半棲蟬冕客是夜隨部霜天

響徹景陽鐘朝班未就心先肅拂拭衣冠屢整容

旭日蒼涼便殿開鬱葱佳氣滿宮槐樞衣漸識宸居

近趨走驚移仙仗來封事大僚蒙側席親民小吏亦掄

才官常敢負心如水兩沐龍光盼草萊已卯夏初按肥鄉令曹引

乾清門

東皇詩存卷之十三

五

文圖

題登嘯圖

絕壁從天懸孤松不可撫詎止千仞岡腳下山難數何

處是人間蒼茫但烟樹衣袂亦飄蕭雲氣冷然聚伊余

展斯圖搖搖不能主君身有仙骨視之若堂廡攀躋踞

其巔嘯咏情無迕嗟彼塵壚中碌碌寧為伍

夜泊

水驛淹行李荒村且艤船夕陽將欲下遠道不能前暮

靄千林合漁燈兩岸懸攤書憶西閣消受燭花偏

過家大兄慈雲精舍

避人成小築茅屋結三間勝地何妨小空忙不若閒望

中無數樹高處一重山更待編籬落同來靜掩關

小西園休夏同萬登嘯限韻

乍喜鳴蟬寂林鶯隔寺啼一峯支屋小疊嶽宿雲低嵐  
氣朝昏異烟光遠近迷知君會心處伸紙任闌題

甲子元旦

青陽起東節年芳肇在茲條風一以布萬物潛復滋感  
念奔駒促倏忽負佳時去日苦不返來者焉可知人生  
非松喬安得鬢不移一為愁所役顏色難久持何如肆  
志意飲酒以自怡

薛秀才惠蘭花歌

東皇詩存卷之十三

五

文圖

斜風細雨悲蕭瑟獨坐茅齋心若失落花片片堆蒼苔  
殘書滿案空佔畢雨中忽聞剝啄聲呼童故闥遙相迎  
涼風天末快士至繁憂頓釋開襟情連日思君令我瘦  
快哉今雨翻為舊與君把臂入林去今朝豈復稱虛觀  
幽蘭吐花香滿巾多君贈我何殷勤離羣高臥別來久  
美人芳草徒勞神浣花培土灌且溉我曾思紉子思佩  
同心如此媚國香蕭敷艾榮安能逮吾子況是謝庭珍  
花事相成盖有因香清茶熟興復劇案頭側理須君申  
賞花以詩兼以酒世俗羶薶亦何有幽光蕤蕤元對深  
不求九畹兼百畹西園次第生芳馨風晨雨夕懷良朋

獨攜綺石黃瓷斗三嗅臨風對右丞

荅虞山瞿修齡

牧齋鍾得虞山秀鏗金戛玉詩壇舊牧齋已死稱詩陋  
誰復言言能入殼虞山挺出瞿生又揮毫落紙風雷驟  
驪珠白璧奚囊富依稀如聽鈞天奏瞿生瞿生學有年  
傳書萬卷得真傳不比尋行數墨空連篇聲牙詰屈奚  
取焉昨日曾題金花箋一吟再吟韻仙仙筆削顏放筆  
如椽亦復雄渾出天然余研此道匪旦暮難壇一散如  
烟霧數載茫茫愁失路尊酒論文竭情慙聞君高致長  
相期江天極目依雲樹今春何幸翩然顧片時握手稱

東臯詩存

卷之十三

天

文園

良晤英英露采神色裕詎止伊唔弄章句四明狂客今  
相招桂燕道君意氣真凌霄如余羈棲不出畏塵囂聞  
風伏雨悲寥寥吁嗟嘻余既歎平原十日之飲不能竭  
黃梁春非難陳設又歎平時未見空相悅暫時得見即  
相別片帆飛渡歌三闋思君不見五內熱人生參商何  
笑兀舉頭惟看屋梁月

仲一成

字聖瑞號西園邑庠生

重遊金山

萬頃玻璃碎玉盆一回登眺一驚魂江淮浩蕩晴還雨

吳楚微茫畫欲昏山擁樓臺開海國塔擎日月出天門  
我來不敢重題句多少殘碑蝕蘚痕

弔史閣部墓

革裏忠魂葬翠岑墓門奠酒淚沾襟悲涼一點征袍血  
慷慨三軍死戰心四鎮干戈成故壘孤墳風雨黯空林  
年年嶺上梅花落飛向邦溝日已沉

過泗水祖廟

黃河春漲水滔滔謁祖維舟意自豪古殿巍峩丹護壁  
殘碑倒臥綠平蒿蒸嘗萬古酬黎藿衰冕千秋補緼袍  
一脈相逢情更洽何辭徹夜醉醇醪

東臯詩存

卷之十三

天

文園

范大謨

字禹思號宙留金壇縣訓導著有宙留詩稿

雜詩

盛衰皆有由霜露為平準露至滋萌芽霜加漸收窘前  
後忽改觀人心胡不省富貴是危樓負賤同坎井出井  
驟登樓乍驚還自忖

四海雖寥廓不過眾流歸行潦各異處波文亦滌洄見  
小妄矜大鳥知身量微涓涓入空澗始悔曩夸非能悔  
能推宕培塿稱巨魁

掩耳不開聰蔽目不去翳百端代搜羅唯恐忘記不

是全荒唐芻蕘趨避當趨輒狐疑當避反遊戲如此  
渾不分貪鄙真純繫

出門非浪跡素懷有所期抱負欲名世皮相少心知  
知傍何所天合若漣漪來往適相值吐氣即揚眉彼諧  
我亦暢穎脫出囊錐

抱負久因循無名易忽畧一朝躋雲輜紛排齊煜燦顧  
盼既英雄揮霍且輕約趾將從此高名亦從此攬遇合  
豈倖邀袂袵連帷幕引繩到和鈞銖稱而寸度

賦得三才萬象發端倪

異敏超箸探化機聖人中處配兩儀一子一午正南北

東臯詩存卷之十三

辛

文園

一卯一酉分東西萬象紛綸由此起參伍錯綜從中批  
中為大本旁為達正隅周旋溢四規規圓矩方異偃仰  
晝晷宵漏辨幾希出入終始成進退萌蘖歸藏積零畸  
不始萌蘖何以暢不終歸藏何以提秘葦億兆何所極  
零畸分杪散葳蕤天官布算恒難定增減盈縮慮微岐  
七舍五行通其變天根月窟滋狐疑圖疇律理皆條貫  
納音干支嶽窺宜宮君商臣兼佐使微事角民任追隨  
至誠功業能贊育林總戴恩溥海嶠乾坤倪左右手  
手持太阿挾轉移先天弗違後天奉樞紐關鍵衡潔齊  
齊禮導德翔且洽優游福綏穆垂衣

叢長茂

字松如號倩園府學增生有學拙寓詩稿

賞海棠

春來何處選名花粉艷紅嬌數季家恨少詩王留絕唱  
漫傳妃子醉流霞朵含朝雨脂偏膩樹嵌春燈錦更華  
莫笑老人連歲賞花彌爛熳興彌奢

咏素心雪蘭

品到湘蘭萬卉空驚看冰雪淡幽叢香浮滿谷曾何異  
花弄瓊姿未許同幻出素娥雲鬢黷紉成芳佩玉玲瓏  
丰神更自超羣蕙絕俗無妨混俗中

東臯詩存卷之十三

辛

文園

夢中有贈詩者醒時記得三四兩句因足成之  
青山一片已成空野鶴閒雲汗漫同人去平田儔侶外  
春尋雉水畫圖中八旬年紀心情淡二月時光景物豐  
夢裏何人投我句賞音寤寐有神通

東臯詩存卷之十四

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

許之男

字蒲瑞有耕巖詩稿

劔山

最愛朝陽洞攜尊怪石邊遠雲皆若水陰樹欲無天江

冷聞猿嘯松高見鶴眠更尋遺劔處薄暮入寒烟

東臯詩存 卷之十四

文圖

余羽尊移榻匿峯廬

復此移琴劍名園一徑斜幾時仍客夢何地不天涯開

閣風涼入披襟樹影加牢騷且未已擊筑謾長嗟

泊采石磯

采石江邊夜泊舟長歌一曲月明秋宮袍醉酒人何處

依舊青山枕碧流

江行

名勝多逢惜未攀櫓聲搖曳浪花間青山兩岸烟波動

白鳥雙飛天地間擊楫漫勞憂世事趨庭應似到鄉關

時之新安觀

省家嚴慈 滄浪漁父無相識遙向楓林欸乃還

遊東屏

衙齋常與山相對出郭登臨到上頭下視寒烟明古堞  
中懸絕嶂涌飛樓橋當野碓溪聲急泉注僧厨竹影秋  
畫壁尚餘前代跡蒼松落落幾株留

十月十日北歸逢初度

孟冬之十日襟被喜還家世路魚腸暗風塵馬齒加養  
親惟菽水托志在烟霞坐待明晨發寒城散樹鴉

江元洲見過袖綃索畫紀以短歌

四月衙門苔衣赤開門忽見江南客相逢一笑手相攜  
示我新詩慰夙昔疎簾寂畫花氣通袖出吳綾三兩尺

東臯詩存 卷之十四

二

文圖

青山白水愛遠勢對君潑墨染秋石竹寒沙碧藏小舟  
添箇茅茨類吾宅明日攜往江南遠烟樹茫茫幾行隔

月夜家亦人齋頭看菊

月色無今古清言累百家涼秋兄弟聚濁酒鬢毛華天  
皎林無葉霜寒屋有花明朝還訂約戍鼓莫深搗

車馬湖

渺渺平湖浪泊沙千年曾過美人車西風白草荒原路  
一帶茅檐數十家

紛紛人事總難堪且自行吟過竹潭始信五湖歸去好  
青山無數出江南



得全堂讌集同吳聞璋張若柯巢民先生分韻

三徑深梧竹陰濃綠野堂盞簪人共到投轄日偏長墨

灑銀鈎壯是日先生書紙數幅命諸友闕取之泉炊玉乳香快談名理在

還許劇清狂

喜雨

雲霧繁窗檻橫空獨鳥過疾雷轟石壁急雨定江波舊

蘚生仍密殘花落復多平橋新漲滿載酒入烟蘿

送戴務梅先生

文章韓柳畫荆關白首身名五岳間一棹寒波回雒水

過江雲氣識鍾山追隨但願高賢後天下無如二老閒

東臯詩存

卷之十四

三

文圖

先生執手更留嘉樹傳清風此日杳難攀

輓王將軍

烽火西南急瀘州羽檄飛牙門開上將約畧動神機百

戰心猶壯懸軍力豈微功成糧轉絕盡節向重圍

五夜星初落三軍竟不還芳名垂史筆褒詔惜天顏事

與睢陽合身堪麟閣間猶餘大樹在英氣滿西山

齋中

清風半榻藤陰細長日空階樹影搖一枕桃笙耽午夢

短牆脩竹自蕭蕭

雜詩

不情天地最勞勞長夜西風怒自號北固山根近砥柱

東瀛水氣翕江濤折來野岸花偏媚看去晴空雲忽高

卻憶當年張仲蔚終年書卷閉蓬蒿

由來遇合事無常老驥良材自可傷千里長鳴思伯樂

七絃哀怨憶中郎清音久已餘山水逸氣真堪信雪霜

若是有人能一顧何妨爲爾一高張

當軒老樹影婆娑晚歲蕭條雪滿柯不信一天異冷熱

全然陡地越風波楚音空谷人來少雅意幽巖客自多

賴得寒山留片月終朝相對可摩挲

閒披史冊古人看名遂功成有幾般見說茹芝能翊漢

東臯詩存

卷之十四

四

文圖

由來辟穀未忘韓孤舟急去歸湖易一箭飄然蹈海難

千載高風同不墜富春江上釣魚竿

湖海元龍百尺樓偶從杯酒覓封侯敢言測管窺三象

便欲乘風望九州今古茫茫幾戰伐乾坤納納送春秋

滄洲黃鶴飛來晚挈杖聊隨麋鹿遊

大海靈波夜起潮靜中生出動中消朱絃一鼓魚龍寂

清角孤吹屋瓦飄簾幙風花悲世梗江湖烟月屬漁樵

蒲團好向深林裏千尺長松挂酒瓢

石髓松腴不世逢誰將上藥叩神農三宵露冷金人掌

半臂雲生玉女峯遼海至今傳化鶴闔門自古識簡翁

夜來夢入華陽洞月照桃花濕曉鐘

朔氣崢嶸逼歲除  
臘梅消息近寒廬  
常因送臘多儲酒  
信是窮愁好著書  
壯不如人終自恨  
生非知己莫相於  
石田茅屋荒苔色  
贏得長吟興有餘

暮春雜興

水繪園猶在林荒草漸燕池臺窺鸛雀  
山石走麋麇他日清尊往經年白晝孤  
偶來風雅地感歎不能無東郭水之涯  
行吟伴晚霞清鐘傳野寺小雨濕桃花  
雲拭遙帆出烟橫古渡斜安能營五畝  
就此莼桑麻

小艇攜妻子梅花十里灣烟開漁浦曲  
人向鹿門山隔東華詩存卷之十四  
五文圖

岸春雲動平蕪夕照閒溪頭雙白鳥飛  
去復飛還野泉根古寺遠汲一池分石迴  
行清瀨春空上白雲中冷堪共潔洞界自  
然芬默會天隨理山窗又落曛性僻已如  
此空知涉世難但能清耳目誰復念飢寒  
講席通禪悅拈花見古歡悠然一榻外俛  
仰自然寬

同御天過水繪園有懷亡友冒子彌若

寒碧餘荒徑城隅斂夕陽幾時臺榭改  
他日水雲長風雨埋山骨藤蘿老雪霜與  
君來一眺身世撫蒼茫好友嗟零落曾同  
賦水邊人歸春寂寂園廢草芊芊草酒無  
茲日風騷竟早年那能禁短笛回首暮雲  
天

哭巢民先生

髫髻成名士膺滂記舊人遺榮緣世變  
愛客到家貧屢卻微書曰天生孝子身一  
聞騎尾去南國盡沾巾父執今誰在江山  
恨獨遙園林悲宿草絲竹黯清宵不復龐  
公拜寧忘宋玉招七哀知有作觸目幾魂  
消

送巢民先生歸葬感賦

白日銘旌去不停萬花原上草青青先  
生衣鉢傳誰是愧殺鯁生淚獨零

昔先生與我云余有衣鉢欲以傳汝

得全堂上歌聲歇水繪園中石塊荒盡  
是羊曇情痛處不關風雨送斜陽

東華詩存卷之十四

六

文圖

吳維翰

字五玉有菊隱園草

曉觀日出

坐向西窗列遙觀日出東林烟猶吐白  
海水已翻紅極目滄溟外棲身色界中  
安能奮鵬翮飛破一天空

雲臺山

登臨興未已復陟小雲臺鳥語花間度  
鐘聲寺裏來危橋臥曲水脩竹繞蒼苔  
此際頻翹首春風滿袖回

村居即事

三里十家村攜妻隱鹿門厨烟空白晝  
燈火斷黃昏每

見兒孫苦難忘父母恩素幃猶在室瞻顧幾消魂

清明

日暖風和二月天春光明媚最堪憐松楸舊塚誰人掃  
榆柳新烟到處傳孤鶴唳空雲漠漠野狐臥塚草芊芊  
今朝況是清明節幾度思親淚點然

除夜

韶光虛度惜雙九索處孤村強自寬守歲有妻分杯酒  
承歡無母獻椒盤家貧豈肯因人熱我敝還須念叔寒  
幾欲送窮愁莫遣竹爐松火懶相看

不寐

東華詩存卷之十四

七

文園

露冷風清覺漏長愁懷輾轉益淒涼不堪骨瘦還支枕  
猶賴燈殘獨照牀四壁蛩聲催五夜一天鴈字到橫塘  
此時假寐難成夢又聽鄰雞報曉忙

西窗遣悶

風雨摧殘落葉疎離羣寂寞守窮廬興來耳熱猶貪飲  
病後頭髻懶不梳入世無錢難結客謀生有計且攤書  
消磨歲月憐將盡留得荒園手自鋤

迷樓懷古

次王阮亭先生壁間韻

隨隄楊柳幾經秋策馬平山訪舊遊錦纜已隨流水沒  
玉階難爲故宮留可憐粉黛三千女空占烟花十二樓

往日笙歌今在否荒臺古月照邗溝

吳爾璠

字夏宗邑庠生

謁安定先生祠

鹿洞猶存舊講堂崇寧碑斷祭田荒儒風不及蘇湖盛  
教澤還隨淮海長首荷充筵陳俎豆縹緗列架盡琳琅  
淵源遺緒留臯邑景仰高山悵夕陽

春暮

江村三月雨萬綠暗柴門石笋解新箨溪流沒舊痕世  
人拚共棄吾道獨能存病後多幽興清言老衲存

東華詩存卷之十四

八

文園

尚有幽棲地家貧客不過沉沉新雨色細細老鶯歌烽  
火驚心少烟雲極目多男兒三十載何事更蹉跎

喜天準弟歸蒲

放棹歸來日黃花映薜蘿幾年真寂寞今夕得酣歌壯  
志憐余盡功名讓爾多石城風雨恨回首近如何

上元後一夕薛巨源顧岳宗家石渠兄雨中見

過

忽變沙汀色柴門起暮烟同人杯共把昨夜月初圓風  
雨春燈暗江城戍鼓傳莫愁豺虎亂古調各相憐

五更枕上

臥病蕭然半榻幽微軀渾似泛虛舟已知有筆難成夢  
縱使聞雞倍起愁宿鳥亂啼殘月樹遠鐘徐到曙烟樓  
那堪向晚孤衾冷寂寂松風響不收

吳球

字夢鳴號琴屋歲貢生爲淮安沐陽縣訓導  
年八十有二卒於官著有松石山房集

咏齋頭海棠

朱粉輕勻錦簇枝風前故故弄嬌姿隔牆遙與梨花望  
定許紅粧賽雪兒

玉洞殘紅落彩霞又舒冷艷繼桃花晚窗睡足嬌無力

東華詩存卷之十四

九

文園

新燕銜歸王謝家

冶容嬌軟伴春殘洗出丹鉛暮雨寒莫遣亂紅飛滿徑  
恐分脂水散河干

向夕當筵映燭開似飛紫電繞三台今宵若化簾前蝶  
好共莊生入夢來

戊戌首春沐陽學署寫懷寄鄉間親族

離家臘底又春初兩歲平分一月餘清景無非幾字鴈  
好朋還是半窗書梅花帳屢尋歸夢竹葉杯聊慰索居  
卻喜貧無怯篋慮支更鈴柝不妨疎

淮陰一飯古猶難冷署今誰更撥糴但愧學疎無厚報

不因俸薄恥爲官橋門差勝達門陋壁水仍同野水寒  
寫就鄉書何所寄祇添二字說平安

悄如孤鶴夜橫江旅況全非父母邦剪草覆橡聊代瓦  
編簷留隙便爲窗徒從淮甸歌長鋏也是文壇樹赤幢  
只愛諸孫勤課讀篝燈深坐影雙雙

講堂依舊一寒瓊舌耨筆耕守硯田林靜曉聞鳩喚雨  
風和時覺柳梳烟唾壺擊碎老彌壯土銼燒殘窮益堅  
遙問家山芸閣外梅花開處尚如前

癸卯秋窗口占寄姜文庸自芸二子

載筆平生棘院遊也曾芥拾視瀛洲未達伯樂誰青眼  
東華詩存卷之十四

十

文園

空歎劉黃早白頭鴈陣飛騰紫陌風芭對對集皇州  
淡雲疎雨鄉關路曾念東籬杞菊秋

十年營案共沉酣畢竟染絲青出藍喜得酒狂貧未減  
羞言筆陣老猶堪聯珠結就原惟二雙璧琢成應少三  
回首一堂分出處笑看雲起自江潭

月下菊影次石龍嘯韻

任有養英意朦朧祇暫看平鋪低入畫斜印仄穿欄踏  
徧何曾碎篩殘仍自團空留彭澤韻難揅膽瓶寒  
東籬欹側處枝外別相看近夜初浮砌移時忽傍欄露  
封還有跡風動不成團寂寞更闌後疑隨入廣寒

登狼山

買得籃輿訪舊山，琴樽偕我到江灣。  
空廊雨過雲林靜，淺渚潮回沙草閒。  
身陟平岡逢石坐，路連曲磴倚藤攀。  
遙窺佛火尋僧處，犬吠松房門未關。

夜集振衣亭聽友人度曲

谷口看花春暮時，盤分蕨笋佐清卮。  
斜依虬石敲檀板，細撥鶻絃唱竹枝。  
塔影窺亭山月迴，松聲咽露海風遲。  
興來更上最高處，一笑凌空起鷺鷥。

真州中秋喜晴因懷顧亮臣邦上

萬里濃雲帶雨收，銀河洗淨一輪秋。  
鴉棲深樹烟輕鎖，

東華詩存

卷之十四

十一

文圖

桂冷空庭露暗流，可奈他鄉同作客。  
依然兩地各憑樓，雷塘自信尤潔想。  
到紅橋醉裏遊，

次和顧湘靈雪中見柬

六出花飛柳市南，尋梅有約又停驂。  
簾前瓊宇因時幻，檻外瑤臺任意探。  
應向殊方懷暖谷，懸知絕島熟冰蟾。  
山陰棹懶空垂釣，日日長竿對激潭。

銀塘四顧凍雲淹，書屋寒侵玳瑁籤。  
皓影涵階欺楚璧，清姿映月勝吳鹽。  
遺寒自許燒金獸，謀醉何辭引玉蟾。  
獨是陽春高唱後，頓教洛紙貴於鐔。

次和湘靈雪後再柬

踏殘溪北又村南，歸掩衡門息晚驂。  
亂灑寒威和霰集，

暗藏春信許梅探。客來茶熟權為酒，歲暮衣單悔未蠶。  
忽憶梁園誰授簡，惟餘鶴氅映空潭。

不須夢筆羨江淹，且理孫康架上籤。  
撲案冷如雲母石，飛花潔比水晶鹽。  
瓊樓深鎖迷朱戶，桂殿重封失彩蟾。  
坐聽九齡歌咏好，果然素練與輕縑。

次和湘靈雪融復柬

俄催滕六去天南，雲作輕車霧作驂。  
太璞已難留壁合，零珠尚可向驪探。  
簷同久旱初飛雨，人似三眠乍起蠶。  
畢竟塵寰芳潔少，不分清濁赴江潭。

東華詩存

卷之十四

十二

文圖

瓊華入夜意將淹，忽漫雞人散曉籤。  
暖律吹開離樹絮，曦輪碾碎出爐鹽。  
已輸素影溪邊鷺，猶闕清光月裏蟾。  
呵筆朗吟元歎句，應須一字一酬縑。

狼山觀水師

孤塔凝眸萬里賒，大江風急亂帆遮。  
一聲鼓角驚龍夢，無數旌旗閃浪花。  
古樹近連村浦綠，長戈遙接暮山斜。  
將軍似識遊人意，不許鸞舳占淺沙。

客澄江恭和學憲蔚州魏夫子試竣八章

冰雪襟懷迥絕倫，釣鰲江上獨垂綸。  
三年藻鑑羅奇士，一代文衡仰哲人。  
博物張華真巨眼，起衰韓愈是前身。

收來鐵網珊瑚盡歸向君王細細陳

鳴騶按部聽鸞鈴滿目春風萬壑青文運開天欣有托  
錢神遍地笑無靈穀中英傑爭投技鏡裏妍媸孰遁形  
每向大江南北望五雲深處燦台星

風雲簇擁絳帷開甲乙因心手自裁惟向魯斤同就範  
敢言吳地獨生才五更猶剔孤燈坐六月還移雙槳來  
莫漫驪歌愁欲唱甘棠留蔭已曾栽

國計精勤家計疎輕裝一束駕柴車搜羅宦橐渾無物  
點綴奚囊只有書對酒揮毫追李白登臺作賦比相如  
風塵歷盡關河路笑指瀛洲識舊廬

東臯詩存

卷之十四

十三

文圖

大海應能納衆流肯教謝豹獨含羞論功詔急人將去  
遺愛碑存蹟自留點點鴻飛千里暮蕭蕭木落一江秋  
野漁漫說匏瓜繫魂夢依然傍綠舟

每懷司寇望雲霞喜見明公繼厥家節比寒流澄海甸  
皎如新月照窗紗身惟理足常能健鬢為心勞半欲華  
已是謝庭森玉樹金蘭又放檻前花

白日當空燭照深浮雲飄盡散重陰孝思常與慈幃戀  
官舍何須客夢侵相馬自殊時俗眼擁書不愧古人心  
歸途借問怡情處兩袖清風伴鶴琴

菊綻秋英秀可餐更多綠竹報平安品題搜遍無遺美

樽酒閒來始盡歡砭砭吳山看植節盈盈淮水想居官  
主持壇坫尤風雅白雪吟成屬和難

八十咏懷

平生書債盡蠶叢償到如今尚不窮一事無成真鑄錯  
百端交集只書空名山未改嗟身老野鷺爭喧喜耳聾  
獨愛隔溪楊柳店青帘招我漾微風

世情歷盡付軒渠滿目浮雲過太虛曩鼎陸離真契友  
林泉幽勝小仙居閒澆疏圓朝提甕倦臥藤牀午枕書  
逐隊肯從珠履後輕彈長鈇歎無魚

冠羸自幼染沉疴雞骨應難勝病魔可奈空囊求藥少

東臯詩存

卷之十四

十四

文圖

祇憑強飯得天多半生泣樹皋魚淚垂老鼓盆莊子歌  
馬齒愈增心愈壯劍光猶在不須磨

獨抱芸篇守一瓊不燒丹竈不逃禪編茆覆屋惟容膝  
墨石為牆僅及肩老至自應同鷄退興來還覺喜鶯遷  
笑看桃李門前樹果向春風憶昔年

由他三徑長莓苔眼底紛紛遍草萊已是息肩長鍵力  
敢言作賦復登臺事同山月圓還缺愁逐墟烟去又來  
只有東籬半畝菊年年常傍石牀開

幾番浮海欲乘槎變幻猶嫌蜃市賒晚到酣時常嘯月  
老無事做只吟花溪亭背郭窗如水園果經秋果似瓜

鼓掌笑談驚鶴夢凌空拍碎一天霞

焚香獨坐晚烟時一度凝神一度思身本癯然何況老  
家原窮甚不關詩前途展足全非舊往事回頭半是癡  
到底難拋鐵如意此心惟有唾壺知

鳥當笙簧花當屏衛節亦燦老人星振鐸作板歌紅豆  
剖瓢為樽醉綠醺蘭谷噴雲登岫望荊泉咽露倚松聽  
寬閒即是長生訣莫謂緱山芝獨靈

吳宗

字萬時號研北歲貢生贈武清知縣著研北

詩存十二卷東遊詩抄諸刻行世傳載邑乘

東華詩存卷之十四

五

文圖

咏史

博浪一椎天地空大索弗得其猶龍封留有身不許漢  
報韓終古成孤忠古來忠臣難自保願從赤松拂衣早  
儒者氣象王者師肯與韓彭殉飛鳥

王者自不死兩賢詎相厄興亡灼其幾良禽棲亦擇兵  
刃不相接蕭曹同屬籍胡為大功成不與乞骸骨嗚呼  
臣子二心良不忠漢亦負德無恩澤淮陰淮南類如之  
我固當烹悔何益

前門拒虎後門進狼虎狼不兩立幾人帝幾人王弘農  
白波競孤注白龍魚服遺道旁天欲墮地欲圯日無光

雷聲死匣裏空鋪三尺水

射鬼華林園偷狗新安寺如何寧馨兒傀儡同一戲母  
腹亦何辜雪刃相向刺露車空復迴長眠醉已泥傷哉  
田舍翁灑盡英雄淚

同室操戈開門揖盜永嘉不競家居再造誰司其責清  
談坐嘯誤我蒼生排牆獲報君不見蕩陰血濺帝衣斑  
至今弗浣猶未殷又不見執鄙吝者成陽公一門忠孝  
何從容

肥水湯湯投鞭可斷強寇壓境山游汗漫矯情鎮物罔  
有勝算晉祚未移小子天幸朱序一呼風撼鶴警夜齒

東華詩存卷之十四

六

文圖

雖折樂意先騁臨事而懼發人猛省

戰守兩無策恥為城下盟况復非族類安有香火情存  
亡係呼吸僅以口舌爭捐軀為孤注免胄開精誠杯酒  
釋嫌疑朔氣靜征營軍中如巫言安穩見大人吁嗟乎  
此行安穩有天幸不戰而屈人之兵豈知詩窮力竭無  
所出致之死地乃能生

君子小人不兩立熙豐元祐相殘賊君子盡言招人過  
小人耽耽瞰其側坐以朋黨籍偽學一網打盡算無失  
君子常負小人勝消長之間堪太息

大道本無我得朋亦非黨眉山與洛川樹幟相雄長相

視如仇讐交惡不相獎小人乘其釁深文張禁網海外負奇文經筵罷直講君子自取之何以杜羣狂

道學自有真安用修邊幅衣冠貌古處聚徒宮舍溫以

茲駭愚俗燕雀恣啾唧斥之為元惡排之出死力正學

幾中絕何如任坦率

### 竹林寺

夾山千畝竹蕭寺茂林藏雲午方開影山春已送香投閒松籟寂習靜磬聲涼更欲尋招隱攀蘿到上方

### 銀山

登山乘薄暮雪後尚凝寒市隔人烟暝峯高玉宇攢風帆輕似葉鐵甕小於九放眼江天外茲遊亦大觀

東事詩存卷之十四

十七

文圖

燕磯

### 燕磯

長江萬里赴東溟燕子磯浮一點青風雨凌空飛欲隨雲霞出岫掠還停崩崖秀削懸危寺永濟寺傑閣孤撐倚

翠屏觀音門幾度扁舟臨夜泊烟波落日影亭亭

### 過三台山禪院

廿年曾此作歡場嫩柳天桃半老蒼燈火幔亭遺愛永滄桑人境舊愁長一龕蓮座羅蛛網三月香厨絕鼠糧到得峴山揮淚盡昏鴉樹樹噪斜陽

### 秋夜

力疾坐過夜支離便欲眠星光眩霧眼夢境愜涼天人

靜疎燈暗蛩喧小砌偏鵬程向空濶消息早鴻傳時神兒需

都次入

### 秋草

夏雨滋秋草墻根一片青無花仍駐蝶有葉便棲螢展齒防摧折茶烟伴晦冥避人成老懶相與偃閒庭

### 閒坐

心境崎嶇老始平瞠然閒坐了餘生形能忘我何妨寂語不驚人卻易成茗椀多情非病渴洞簫寡怨竟孤鳴邇來筋力將迎倦鷗鳥無猜與訂盟

東事詩存卷之十四

大

文圖

### 十月初二日赴山左紳兒官署留別同好

老去何心賦壯遊板輿竹杖繫離憂雪中晴岱招黃鶴溪上寒波起白鷗社酒幾人尋舊雨春帆他日有歸舟歸來何物堪持贈背上奚囊到處收

### 遊大明湖因登歷下亭觀星臺

半篙清漲灌湖田岸柳依依喚渡船歷下亭荒尋古跡觀星臺迴問青天漁莊霜信蕪葭老雉堞風烟竹樹偏更羨新荷涼雨後碧筒競勸酒如川

### 有感

曾上名園樓外樓琵琶聲裏聽甘州繁華銷歇梁塵散



只有啼鳥夜夜愁

徐斌

字德滋號樹菴康熙丙午武舉 誥封宣武將軍加贈懷遠將軍

人日喜晴

堯黃七葉逢人日瑞靄千門送曉晴煖報寒泉融野谷望迷烟樹散春城不須剪綵酬時今準擬揮毫頌聖明更喜夔龍調寶歷年年常賀泰階平

金陵江中

驚浪如山擁石城一舟繞過一舟迎可憐名利場中客

東華詩存卷之十四

文

園

盡在蛟龍窟裏行

鄧士英

字傑人號謙谷歷官至藍田縣令

平山堂春眺

蜀岡形勢接崑崙堂外江光帶遠村帆影盡隨晴嶂後濤聲長傍女牆喧春迴版渚鶯歌脆雨過雷塘麥浪翻俯視燮烟十萬戶醉餘無事誦羲軒

田家

野外塵囂遠田家風俗新鋤耰當戶立鵝鴨近人馴物意尚貞樸吾生甘隱淪相看惟漉酒斟酌莫辭頻

張應詔

字君宣諸生

送君徵弟同良蔭惟鼎兩姪海陵應試

黃花丹葉報深秋書劔蕭蕭共一舟筠管定應窺豹變竹林須是屬龍頭東來濤色侵窗幔西指風帆向海樓老病枯眸無一樂佇看三傑聞風遊

張祚

字良蔭號松友康熙壬戌進士任朝城縣令行取主司

題山東旅舍

東華詩存卷之十四

辛

文園

登起攜殘月停驂怯曉風雲飛千樹裏身在萬山中草以經霜白顏因借酒紅何年建旌節問俗泰山東

吳開宗

字吾始國表姪

懷顧龍坡

自別長康後悠悠悲遠天病深纔見女涕灑又開船細雨花村裏孤城沙鷺邊幾年宵火夜回首獨茫然

客至

有客扶藜杖西郊問草堂夢從前夜入語自別來長與爾詩同調憐余酒共觴夜深風雨後竟夕聽瀟湘

虞美人

誰將白雪襯紅霞  
綺婉低翻曲檻斜  
江雨夜懸垂別淚  
曉風晴散舞衣紗  
不堪此地留青塚  
還向人間怨落花  
為報江東銷舊恨  
只今誰是漢王家

石之璐

字孟玉

秋七月

六月炎蒸後  
三秋蕭颯初  
涼風竹下細  
暑氣晚來除  
世亂休耽祿  
身閒好著書  
悠然如有得  
不復羨樵漁

有歎

東華詩存卷之十四

圭

文園

幾年常歎息  
今日倍淒其  
月冷風高夜  
貧深鬢短時  
江臯楓葉滿  
燈火夢魂遲  
北雁何來晚  
憂思欲寄誰

觀黃石齋先生龍江別友墨蹟

廿載風霜歎故墟  
當年事蹟竟何如  
黃沙塞草遶臣節  
錦軸牙籤魯國書  
惜別滄江秋月冷  
愁歸漳海碧雲虛  
悲涼此夕寧堪論  
弔古空山恨有餘

吳星聚

字含譽有存樸齋詩集

奉贈冒青若先生移居還樸齋

又見開三徑  
細縑咫尺移  
性高因避俗  
才健愈工詩  
竹

色侵書案簷花  
落酒卮高眠北窗  
月清夢到瑤池

過薛含芬夫子浣香亭

捲簾看霽色  
春日不知寒  
宇宙詩名永  
滄溟夢境寬  
濕烟滋碧草  
細雨茁幽蘭  
羊角何時起  
雲霄振羽翰

靈威觀喜晤倪永清先生

一笑坐生春  
相逢意氣新  
羨君髯似雪  
贈我句驚人  
天半孤帆遠  
花前把袂頻  
詩歌舊相得  
於此更丰神

長至日全薛含芬夫子暨朝曦三叔觀宸弟歸

里

佳節當長至  
衝寒賦曰歸  
烟波吞客路  
風雪到征衣  
折

東華詩存卷之十四

圭

文園

柳情何限尋  
山興莫違暮  
雲千萬疊  
天外一帆飛

碩人朝曦兩叔父讀書萊隱山房詩以奉柬

取次探幽勝  
疎花護短牆  
雲霄低倦鳥  
樓閣倚斜陽  
苔蘚三秋碧  
芝蘭一座香  
新題多應制  
何日獻長楊

過九桐居大雨

隱隱潮聲動  
茫茫樹色昏  
亂雲生大陸  
驟雨失孤村  
水鳥飛相戲  
泥蛙覺自尊  
心知霑灑處  
一夜竹生孫

過戴維章先生芳祇居

冉冉烟霞鎖  
碧苔伊人卜築  
水之隈  
鵬搏定擬凌  
霄漢  
約隱何妨暫  
草萊  
紅醉鶯花春  
乍暖  
碧吹柳浪燕  
初來

桐山寂歷青相映好對溪流一舉杯

春晴沙揆百亦變兩內兄邀集西城草堂

濕烟和雨帶芳叢新霽探幽逸興同綠樹故欹深院外  
丹魚飛出小溪中驚方弄舌窺嘉客月卻當頭射釣筒  
莫漫良宵輕睡去朗吟長嘯過林東

積雨寄懷劉季發先生暨祝書盤鄭越千諸子  
積雨深林未肯休東風簾幙動春愁花枝粉褪難招蝶  
樹頂烟迷尚喚鳩倦倚綠窗情脉脉欲尋紫陌思悠悠  
何時雨霽西郊外射雉城高一掉頭

對鏡

東華詩存卷之十四

圭

文圖

一春憔悴損朱顏強對菱花掠鬢髮侘大一林江上竹  
近來多是淚痕斑

怨別

但是逢春便遠遊卻將離別釀成愁也知今夜停撓處  
萬種相思月滿樓

題詩

淒風苦月冷朱門七字吟成暗斷魂開道玉臺多好句  
兒家也解學西崑

焚香

風靜簾閒隱曲房遠山初畫翠眉長博山怕冷氤氳氣

耳次還添十錦香

吳實栗

字凱庭康貢生

壬午重陽

幾度悲秋鬢欲霜西風早又報重陽天香不發蓬蒿徑  
黃酒難澆魂礪腸籬下菊英迎我笑眼前雲路讓誰翔  
相看景物還如許寂寞牛衣只自傷

顏衣言新構落成

平泉原是舊山莊復構新軒學肯堂素壁影搖花似錦  
蓬門客到座生香三秋早息南溟路五夜常分太乙光  
東華詩存卷之十四

圭

文圖

雪禪上人雨中招賞牡丹

天香纔發遠公家開徑相邀對品茶未許塵囂喧淨地  
應叅富貴是空花胭脂點點流紅雨錦繡團圓簇彩霞  
老眼看來原是霧幾番認作邵平瓜

種名西瓜

蒲草

纖草含元氣參差綠漸勻不須土脉潤但與石泉親斂  
節防羣妬無香可媚人全憑培護力弱質傲松筠

友人煨芋

報書正好謝蹲鴟滑柶團圓熟未遲記得懶殘厨下味

十年富貴僅如斯

吳稱佳

字士褒邑庠生有秋在閣詩文集

新河告成

蒲塘烟火直相望水勢紆迴始發祥兩月功成開玉潤  
一時帆轉已隨湘地靈自是鍾奇秀人傑方能破大荒  
只說新堤風景麗鶯歌燕舞麥初黃

新河舟泛

石梁南眺色蒼茫隱約峯青接五狼繞過新隄穿柳去  
忽疑古寺帶雲藏觴流曲水觴還轉月背蓬窗月又當  
東華詩存卷之十四 文圖  
渡口輕烟春漲綠歸人爭泊落帆檣

范安素

字位公號受菴廩生

真州道中

獻賦竟何益東園悔浪遊三秋裘敝客半夜月明舟風  
急鴉聲亂天寒鴈影愁還鄉值歲暮臘酒喜新筩

編籬初成示弟靜山

寂寞荒齋人事少短籬編就小庭幽藤蘿上架紅芽細  
竹樹憑欄曉露浮相勸酒杯憐棣萼謾添詩興送春愁  
蒼苔滿徑柴門掩啞啞黃鸝叫上頭

清明

可歎芳菲節翻驚風雨頻花飛紅泛渚門鎖綠沉茵獨  
步亭三匝孤斟酒數巡遙看雲濕處烟火幾家新

訪白拈上人

義公幽息處乘興共追攀暗水蛙喧徑夕陽人叩關世  
緣遺物外佳趣得林間坐對繁花落閒吟不忍還

上巳日邀同顏佳胤桂燕詒江岷山諸子尋勝

郊外有作

良辰速佳客挈榼出城闌帶雨花容媚含風麥浪新無  
多春去日漸老眼中人相賞還相惜觴飛莫厭頻

東華詩存卷之十四

手

文圖

偕友人城頭晚眺

晚眺郊原暮翛然逸興偏鴉飛殘照裏人語古樓邊衰  
草侵行屐寒風薄舊氈歸途有明月邀醉促詩篇

兼山牧菴兩兄招集露香園賞玉蘭即席分賦

玉樹亭亭檻外新多君載酒集同人千枝艷奪梁園雪  
一路香清號國塵燒炬光搖山岫影吹簫聲徹洞天春

卻憐筵散苔茵冷東閣斜開月半輪

徐天鳳

字文徵號梧岡樹菴長子康熙甲戌會魁歷  
任至化林坪協鎮

秋赴都門道中次凌青玉韻

蒼茫雲樹鎖荒邱，策馬風高天下秋。  
嶂氣千尋昏海日，湖光萬頃冷沙洲。  
無邊烟景長途出，不盡崎嶇客路愁。  
極目薊門雙闕迴，征衫何日解皇州。

臨清關步芸菴韻

昨夜曾歸夢裏家，醒來依舊在天涯。  
心縈故國隨流水，道逼嚴關滯客艤。  
兀坐那堪風雪困，高飛空羨鴈鴻賒。  
明朝還自愁津吏，肯許孤檣破浪花。

望沂山湖限韻

揚舲共涉烟波趣，放眼湖濱興更幽。  
一片檣搖驚鷓鴣，半灘漁唱起鳬鷗。  
風生水碓春殘日，雲鎖林臯冷畫樓。  
望裏晴光無限好，動人吟咏幾遲留。

東臯詩存卷之十四

壬

文圖

半灘漁唱起鳬鷗，風生水碓春殘日。  
雲鎖林臯冷畫樓，望裏晴光無限好。  
動人吟咏幾遲留，泊德州遇叢梅先進士北上話舊限韻

泊德州遇叢梅先進士北上話舊限韻

客路舟頻阻，蕭蕭望遠塵。  
正悲今夜夢，忽見故鄉人。  
刻燭才偏捷，傾壺意更親。  
愁看分手去，依舊悵孤身。

懷廷璧自牧孚履樹玉諸友人

晝寢醒鄰笛，閒愁起索居。  
畏塵稀入市，感過懶翻書。  
俗物偏難遠，良朋轉盡疎。  
幾時重聚首，剪燭話庭除。

徐天魚

字武舟號瀏江梧岡弟邑庠生

聞歌

誰家一曲起芳塵，款款聽來調自新。  
莫更忘情歌折柳，春風易惱別離人。

盤陀夜泊

疎林村犬吠寒烟，為傍居人此繫船。  
迴野沙明天一色，空江波靜月雙圓。  
漸趨鄉國愁能減，遠憶親闈夢屢牽。  
永夜推蓬閒悵望，孤燈黯黯不成眠。

八陣圖

夔水東流去沙邊，石幾叢偶來憑舊跡。  
只此見英雄色，與風雲護才寧。  
管樂同緬懷梁父，曲客淚灑丹楓。

東臯詩存卷之十四

未

文圖

白帝城

此日牛羊道當年，白帝城亂烟藏兔窟。  
衰柳噪鴉聲雉堞，基仍在宮廷跡已平。  
西州興廢地懷古不勝情。

小姑山

翠微高揭碧波環，楚尾吳頭第幾灣。  
乍喜朝來風日好，推篷先問小姑山。

夜行即事

為促歸程喜便風，晴江夜半走征篷。  
銀沙兩岸天連水，人在扁舟皓月中。

晚次宿遷和韻

一水南浮不記灣晚停雙棹泊津關風燈點點沙邊市  
夜色濛濛遠處山嘹歷去鴻雲影外夷猶歸客月明間  
未辭潦倒還呼酒痛飲狂歌可駐顏

月

辨色鴉藏樹推蓬月在天正逢孤棹夜又見一番圓碧  
水空於鏡遙山淡似烟旅懷何所寄相對不成眠

宗範

字左三號半僧康熙癸卯科舉人

述懷

生逢堯舜世甘為巖穴人問君何為爾帝德不易陳五

東華詩存

卷之十四

五

文園

臣洵難及羣材實可親棟梁資大木案稅詎等倫莫言  
水與火禹益瘁厥身莫言稼與穡後稷啟荒榛詰茲與  
敷教寬猛理適均下及十二牧濟濟復閭閻仰藉當日  
事大化亦何醇許由生斯日飲牛豈甘貧借言逃隱去  
虛節莫誤真內愧經術疎文章羞比隣素餐君子譏食  
力庶免嗔天地能包容荒穢堪作新不思善吾後得無  
逐鷺塵妄念從茲絕虛懷獲日新鼓腹信坦坦朝夕誦  
皇仁

贈叢有度

鴻濛日云遠大道漸凌替苟非貞節操孰能永不敝青

蔥蘢石門霜雪凋蘭蕙皎皎玉庭樹芳華忽遂泥維彼  
松栢姿偃仰蓋一世丹鳳翔其顛元鶴吸其抵根盤龍  
虎窟幹挺雲霄際我黨有大賢清高方可比小子庸劣  
材仰望結夙契杳鑿合圓方門牆日數詣塞晦或時閒  
蛩焉亦自意

歸田行

天地何寥廓蕭然此一身謀身計苦拙守志成隱淪仲  
夏草多穢荷鋤甘及晨日入精力倦晝作勞其神老農  
田閒來要我話所因火耕兼水耨稼穡難具陳余聞心  
轉悲秋來不復春少壯今已矣老大徒酸辛荒田百餘  
畝強半付荆榛俯仰無所賴苗畝或救貧旱澇預難定  
瘠瘠庶免屯古人有明訓勿為游惰民

二月晦日偕同人遊水繪菴分韻

習家池上草萋萋野老相將望欲迷山色空濛盤小閣  
波光明滅入前溪樓臺隔岸浮雲暮花竹當門落日低  
修禊明朝何處好枕烟亭北小橋西

蘇廷珍

字席遊號謙菴康熙甲戌科進士

贈倪羽衣同年

七年睽隔人南北君步雲霄我浪游天眷特優留宿衛

捷音遙聽慰三秋營開細柳龍儀肅策展金門豹畧收  
此日 聖躬勞瘁從勲名應得拜通侯

投孤峰蘭若宿

幾年塵鞅走關河落日空山偶一過菰米借炊僧意密  
松房棲止夜涼多時清夢失他鄉客漏靜聲傳何處歌  
樹杪忽看孤月上碧雲飛去挂青蘿

盧梅

字永年

題隱玉齋

齋名隱玉知何處池水於今清且漣鳥語噪翻新碧柳

東臯詩存

卷之十四

壬

文園

僧歸踏破舊蒼烟虛無宋代宮牆改泉邑宮牆宋在中禪寺前絕少

曾家碑記傳不有廣文詩續史呂克孝空教兵燹歎當年

年

章遇繪

字素菴

題隱玉齋

蕭蕭隱玉俯清流六百餘年景物休寒雨數聞殘雁度  
荒烟無復斷碑留梵音嘹唳中禪寺雲樹蒼茫仙鶴邱  
池中有獨愛延陵人好古重標碑記識來由

余承欽

字光緒

題隱玉齋

久標邑乘跡難湮舊跡俄看結構新峻閣雲深圍綠樹  
綺窓風細漾清淪文名昭著懷前哲雅志維持類古人  
浩劫總然休預計好圖魚鳥日相親

東臯詩存

卷之十四

壬

文園

東臯詩存卷之十五

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

許 鄴

字子公

冬至前五日集同社諸子飲其年於辟翁齋中

蠟炬燒殘興不窮新詩脫手似芙蓉登樓王粲思方倦

下榻陳蕃意轉濃白社諸君忘禮數清商一部雜笙鏞

東臯詩存 卷之十五

文圖

眼看柳翠思前夢安得沉淪徹曉鐘

馬遷于諸君集辟翁齋邀陪其年即席限韻

折柬同人集因君欲杖藜開樽新月冷顧曲暮雲低文

几浮花氣裁詩雜鼓聲坐來幽意洽肯為俗情攜

幾年思駿骨今日得麒麟萬感吾將拂千秋爾共陳停

杯徐憶舊寬句刻爭新不覺清寒色如同坐翠筠

歌聲簫鼓沸高咏更飛觴韻逸懽花徑情深向曲房流

連還惜月語笑暗生香不負佳招意羣公興正狂

吳道敏

字奇章

雙峯閣

幽巖絕頂雙峯閣喬木槎枒挿碧空一塔金山烟霧裏  
層樓鐵甕有無中江平明鏡舟浮鴨寺古蒼松氣吐虹  
卻羨孝然真隱士不因三詔重高風

胡學山

字 見廬志

摩訶山

青螺縹緲水雲間目斷滄洲未可攀淮海東來三百里  
大江中湧一孤山玉龍怒捲凌高磴藍翠斜牽點石關  
舊聳西南爭咫尺慳來遠徙畏驚瀾

東臯詩存 卷之十五

二

文圖

遊水繪菴

清和天氣惜芳菲攜手名園眺夕暉踏遍山堂心似水  
數聲黃鳥繞枝啼

滌泗曲水遶城東樓閣層層落日紅試向雷懸亭上望

一身都在畫圖中

顧有章

字民彞邑文學

三月三日諸子讌會

興來載酒訪名賢好會剛逢上巳天風送鶯聲來客院  
日隨燕影拂前筵論文自覺清言勝韻事誰為往哲傳



謾羨曲江車馬盛歸來四壁只蕭然

陳以位

字 見盧志

南江

從來天整分南北射雉原頭萬頃遙  
澎湃遠連揚子渡  
蒼茫直接海門潮風帆縹緲遊龍疾  
雨色淒迷石馬驕  
聞說濟川心已極江淮民力正蕭條

胡際可

字 見盧志

文昌閣

東華詩存卷之十五

三

文圖

城頭高閣倚雲開八座文星應上台  
東海紫瀾隨地起  
西山爽氣自天來凌空俊鶻朝摩翮  
待雨蟠龍晝挾雷  
見說使君新結構碧桃紅杏滿蓬萊

文峯閣遠眺

醉攜長劍倚高臺睥睨雄心天地開  
無限西風吹不盡  
白雲飛過大江來

吳錫範

字 見盧志

輓許忠愍

報國孤忠不惜身乾坤鼎沸晝陰陰  
直疑碧落三更月

來照先生一片心

顧岱

字岳宗邑廩生鄉謚文貞先生所著有聽楓

閣集行世

題蒲上梓潼祠

廟貌新南極文星四野垂寒風吹畫壁  
晴日隱靈旗地  
僻鐘聲遠壇空樹影移從來稱孝友  
吾道賴維持

張明熙

字 見盧志

宿三溪菴作

東華詩存卷之十五

四

文圖

岑寂僧房夜蕭森樹欲秋月橫梧影瘦  
雲黯鳥聲愁遠  
澗鳴聲咽孤衾旅夢收梵鐘驚不寐  
無那隔重樓

許大儒

字董傳官詹文穆子附貢生

午日集洪靜山霏玉軒限韻是日為靜山掌珠  
晬盤之慶

共摘菖蒲葉香飄蛺蝶羅競時風自細泛酒客來多文  
繡遺方始珠囊佩若何金鑾真足愛聰慧更誰過

集飲小西湖

客裏逢同伴攜樽結勝遊不須悲落拓還足共淹留  
閣

外橫山遠湖心湧石流一杯渾已醉莫謾倚重樓

贈潘冰壺和顧八韻

摩訶山外特相聞騷雅如今應屬君愛接風花忘久客  
每依文酒得同羣年來慣踏邦江月筆到旋飛剡曲雲  
不是東吳顧文學誰能把臂挹清芬

曉起

曉起家何事呼童掃綠苔經霜草猶濕含霧花正開

人日

皇州增氣色風日媚春姿烟靄自西山晴光滿軒墀佳  
節況逢人鵬咏適所宜息機依斗室樂事如有期定省

東臯詩存卷之十五

五

文圖

承歡日墮篴叶佳時高閣試香茗玉堂進金卮蕭疎性  
所成寧為俗累移徑草暗舒色梅蕊吐新枝萬物漸向  
榮對之覺神怡

贈馬玉振中表

季常天下士風流迨大雅奕禩繼簪纓聲名冠諸馬俊  
游濁世中駿骨自瀟灑詞賦宗王孟才華全董賈焉遜  
遠俗塵曠達弄杯斝崑崙落情歷歷胸中瀉青山日  
賞心黃金如土苴同余少小交朝夕藉陶冶况稱中表  
誼膠膝原非假古道惟君敦求之斯世寡贈君有片言  
點筆聊抒寫

過訪齊東令劉雨若先生

記得邦江握手同瓜期已及驟行馳萬家歌起春為谷  
一縣花明錦作叢應有 墨書來冀北先教膏雨到齊  
東正平久已成疎放懷刺今來謁孔融

宿紅花埠

斜陽影裏紅花埠暫解征衣怯晚寒旅舍殷勤頻進酒  
家人笑語勸加餐愁心漸遠逢時暮鄉夢初回值漏殘  
繫馬長安應計日承歡堂上報平安

贈潞河刺史李會生世翁

元禮聲華滿帝京多年敝歷翊昇平三刀夢叶熊幡

東臯詩存卷之十五

木

文圖

麗五馬風高鹿駕迎玉尺名同嵩岳重冰壺光映潞河  
清登龍有願心期慰下榻應多孔李情

戊辰除夕金臺署中和玉振韻

客裏逢除夜相看意氣投乾坤雙落拓歲月一淹留濁  
酒酬佳節清談慰旅愁趨庭依玉署瑞色滿皇州

九日同二弟客海陵憶家大人

客裏逢佳序驚心又一年玉堂千里外金菊一尊前見  
雁疑傳信登高望遠天茱萸誰共挿無語意淒然

齊魯道上同五中賦

聯轡青齊道雲山接地陰桑麻千頃碧烟火萬家深沂

水平沙色淇泉曲澗音鰲峯絕頂處攜手一登臨

贈劉雨若侍御

才雄北地接黃初譽滿蘭臺早佩魚鄉多冠時霜作簡  
花驄行處雨隨車荒江縞紵情無極渤海瓊瑤意有餘  
最喜金門重握手塵談卻勝十年書

抵京相依家大人膝下未及半月旋去山左途中有賦

趨庭纔幾日又復理行裝不盡晨昏意無邊道路長山  
川供覽眺身世覺蒼茫茅店夜深後依依望玉堂

九日平陰道上遣興

東臯詩存卷之十五

文園

楓葉紛紛落曉紅一天秋色雨濛濛乾坤何事風塵裏  
節序還驚客路中南北關山徒悵望天涯踪跡感飄蓬  
多愁惟有詩消遣還恐愁多句不工

黯黯秋光動遠情況逢九日倍愁生天邊雁影連雲影  
樹底風聲作雨聲采菊幾番思栗里登高何處望燕京  
長年作客渾無賴把酒旗亭醉眼橫

秋夜東昌旅舍作

旅舍成枯坐秋聲不忍聞疎砧鄰院入殘漏戍樓分永  
夜看燈影長天數雁羣舉頭直北望何處是燕雲

登蓬萊閣四首有序

余家雉臯瀕海究未嘗一觀海也壬申秋有

事東牟登蓬萊閣決背盪胸側身天半凡為

市為樓為洲為島為雪浪紫瀾以至沙鳥風

帆魚翔龍舞日出月沒一瞬百變不可以言

言臨眺之餘賦詩四章挂漏渺小所謂洋洋

表東海者遂在是耶蓋自慙蠡測矣

蓬萊聞道近方壺餘閣於今儼畫圖蜃氣樓臺歸變幻  
蛟人亭館入虛無荒城烟冷鐘聲寂絕微霜寒雁影孤  
縹緲扶桑千萬里丹崖日出走金烏

漢武秦皇安在哉空留姓字勒荒臺茫茫海勢成終古

東臯詩存卷之十五

文園

隱隱禪燈照劫灰虛白千層諸國在空青幾點萬艘來  
揚塵自是當年事莫問滄桑只舉杯

獨倚危欄聽晚潮凝眸一望欲魂銷拍天雪浪俱東注

挿水雲山盡北朝海中三山俱北拱閣前影落蛟龍秋澹澹光懸

牛斗夜蕭蕭坡公閣上殘碑峙跨鶴樓前更寂寥

置身百尺面長空呼吸應能帝座通烟樹微茫生意外

乾坤浩蕩在胸中田橫島冷年年月徐缺

萊州道中

碌碌何時歇長途計總非孤城山翠隔獨鶴海雲飛殘

葉迷官道輕霜點客衣年來成浪跡恨與故鄉違

客夜

獨坐不成寐挑燈書幾行雁聲來北塞月影過東牆衾薄難禁夜衣單更畏霜連朝風雨作知是近重陽

常山

竹兜輕窄疾於飛晨起山行露濕衣浪疊水田秧正好棟花吹落到荆扉

玉山

玉溪南北水分投疑向滕王閣下流昨日舟行灘上水今朝又是下灘舟

廬陵

東臯詩存

卷之十五

九

文圖

螺川浮沫下流漸正是山谿水發時文筆峯尖雲外出狂瀾一柱古如斯

泰和

東北風涼夜雨多編蓬遮漏不如蓑舟人但說風來好滿引輕帆過泰和

上十八灘

章貢交流處奔濤疾於駛怪石既參差山根復如齒扁舟不盈丈篙師踰數子碎石聲相磨船底薄同紙盤旋如游龍平流面成綺深者不可探淺者清見底沸沸亦淙淙灘灘盡如此四顧惟懸崖烟巒倏青紫振衣發浩

歌猿聲悉驚起嗟哉行路難離情溢如水

過梅嶺

夏日方赫曦客行苦迫感僕夫整籃輿盤轉入林谷疊嶂屢回互烟光豁眉目行行數十里峯巒起還伏古樹棲昏鴉流泉夾細竹亂雲既披離野草亦叢簇徑折翠微中遙瞻嶺頭屋古寺白雲封登臨懼失足憑高且小憩四顧松濤謾涼風逼征衫放歌還擊筑家為暮靄遮情似山水逐去去花封近休嗟天地蹴

南華寺

曹溪一派自西來演法蓮花陸地開古剎榕陰炎不到

東臯詩存

卷之十五

十

文圖

片時小憩即蓬萊

下英德灘

一棹奔流下灘高若建瓴好山呈半面怪鳥失全翎擊楫誰知已乘風愧客星浩歌急浪裏潦倒拂青萍

出金山徑

下山勢陡不如升石徑迢迢歷幾層踏遍秋花山欲盡天空雁到嶺南曾

佛桑

朝榮夕殞色還空化日天開爛熳中十月嶺南霜不到四枝猶見杜鵑紅

雜感

七尺匡牀一短檠，通宵魂夢不分明。似從紫陌塵中過，深入黃茅瘴裏行。高樹引風傳漏點，敗簷疎雨捲潮聲。朝來檢得彈碁局，試看中心卻未平。

棄繻投筆豈無情，兩鬢霜華已滿生。綠野鶯聲三月暮，漁灣風雨九秋驚。井閭擾攘蜂衙聚，山岳縱橫蟻垤成。豈是獨醒人較苦，不辭把盞向春晴。

上騰碧漢下飛埃，勢絕雲泥亦可哀。顧我語言忘忌諱，任他形跡起驚猜。詩酬劍客襟期壯，酒飲高樓眼界開。莫怪窮途偏積恨，春風何日轉蒿萊。

東華詩存卷之十五

士

文圖

太原懷古

太行西去故雄藩，襟帶山河控五原。選將拊髀思李牧，登樓卻敵想劉琨。神功疏鑿先壺口，天險憑依屬雁門。公子揚裘占異采，千年何地可招魂。

西安懷古

靖函終古號神州，百二雄關據上流。紫塞月高秦嶺暮，白榆風勁漢宮秋。看花禁苑輪前輩，走馬章臺憶舊遊。自是終南多捷徑，青門當日本封侯。

承露金莖舊有臺，行人過此重徘徊。校書天祿名誰繼，獻賦長楊志已灰。博望苑中空寓目，新豐市裏獨銜杯。

茂陵身後求遺稿，漢武何嘗不愛才。

燕京懷古

居庸天險鬱崔巍，西山爽氣排空來。行人艷說燕昭事，當年曾築黃金臺。黃金之臺高百尺，瓊島玉泉照顏色。涓人選駿豈無媒，不惜千金買駿骨。師事還從郭隗始，賢士一時相繼起。報仇復國指顧間，乘勝長驅入齊市。無何避謗身歸趙，繼世君臣恩不保。騎劫潛來代將時，火牛誤中機謀巧。近來好客徒紛紛，眼眶孰辨蘓與黃。只教千古悲歌士，慨然憑弔望諸君。

白虹貫日欲昏壯士乘車，竟入秦。蓋聶羈豪曹未識。

東華詩存卷之十五

主

文圖

衝冠義憤不顧身，田光自是奇男子。誓不洩謀甘刎死，詎如色變上秦庭。舞陽孺子徒為耳談笑，旋披督亢圖。圖窮匕首現，須臾何當袖絕苦相逐。提囊惟有夏無且，此時秦庭咸辟易。環柱倉皇窘無策，縱然生劫事不成。頃將呂政說其魄，所嗟授首樊將軍。冤魂千載終沉淪，身後寧為異鄉鬼。生前斷不作秦臣，只今策馬來燕市。酒徒骯髒知誰是，和歌絕少高漸離。矐目疇為報知己，吁嗟乎雪恥酬恩古所難。莫將成敗論燕丹，君不見此地衣冠送客處。風起蕭蕭易水寒。

歲暮

歲暮愁為客天涯悵夢遙欲歸身未許多病酒難消枕  
冷添鄉思燈殘伴寂寥驚心逢鴈盡飄泊尚今朝

霜信炎方少薰風逐處生大都遷謫地原異故鄉情山

鳥催歸客巖花護遠程呼童啟篋整頓舊冠纓

客久忘為客方言日漸諳歲時隨俗度禮數向人參梅

綻春生早杯深月影涵不堪愁絕處蕭瑟有誰談

嶺外經年客惟餘一破囊愁來還得句懶去且焚香濱

海腥魚蛤深山雜虎狼烟波雖有志萬里實心傷

天末容吾遜崎嶇瘴海邊曳裾悲世態按劍畏時愆誰

是綈袍贈止憐布被穿不因人鹿鹿獨坐且揮絃

東臯詩存

卷之十五

丰

文圖

憔悴同司馬何時返故廬黃金空駿骨青眼有樵漁愁

並春生草文看越絕書敢云真避世到處滯征車

許納陞

字元錫貢生有家墅偶存詩行世

遊平山

蜀岡簫鼓木蘭舟立馬郊原落日收旅夢已迷歌吹路

舊遊還記酒家樓三千宮粉千戈盡廿四虹橋烟雨留

莫說淒涼隋帝事玉勾無主野棠愁

閒坐家墅

一榻琴書野水灣簪冠靜對迴塵闌窮階草色俱成僻

亂世名心好自刪破懶始知詩有味送愁還覺酒開顏  
邇來喜不因人熱五噫高歌厭近山

春日聽經於海月寺贈佛愍法師

支公開社玉山邊風動珠林草色芊獨炳心燈開妙偈

共傳口海廣慈田有緣試茗分僧榻無意尋書看鶴眠

慙愧戴顓居士業別知淨土別為天

懷白門蔣震青

雁啼蘆葦冷汀洲細聽清歌到石頭弄筆麤能消歲月

踏花常欲借漁舟買來新茗供高杓剛得殘篇當酒籌

莫謂牛衣相對泣著書終不老窮愁

東臯詩存

卷之十五

古

文圖

題黃公言烟鬟小結

澆酒菊田漱晚汀香籠翠壁著新硯雨流石髮波紋亂

風捲花鬚蝶翅馨嵐氣婆娑山有態水光灩澦月初冷

輞川深處幽棲好三畝春鋤也帶經

贈昭陽李小有

迎來筇杖是荀香握手情深興未央孤劒衝雲疎世法

新言鏤玉滿奚囊磯頭冷月澄秋水樹裏荒烟蓋石林

拂塵揮言通九畹不知心醉水雲鄉

綠陰簾外竹窗虛有客求羊慰索居欲識維那禪是疾

須知休伯道兼書歆歆世事堪焚筆感慨人情幾拂裾

自是與君聯夙好醉吟江上伴春鋤

九日讌集

偶拋愁思強登臺菊映芳樽晚漸開淡淡月痕依樹瘦  
悽悽鴻語泣人哀感時同負叅軍興研句殊慙靖節才  
相對莫忘今日會他年知有白衣來

登高何必遠相招徙倚層樓聳碧霄四座清言飛菊釀  
九天爽籟雜漁謠澄嵐半浸枝頭月秋水斜橫樹裏橈  
遍地風波誰是岸迎眸臺畔幾魂銷

送周吳舫先生北上

雪花片片繞征裳獨鹿山前憶故鄉朝兼相如歌上苑

東華詩存卷之十五

五

文圖

暮偕執戟賦長楊旗翻易水天無日馬走寒沙夜有霜  
自古燕昭收駿骨金臺高照柳初黃

星催菰飯日初暝倚劒長歌短褐溫河止崔盧高閣閱  
江東王謝樂箎塤朔雲出岫鴻聲切冷月垂霜猿嘯繁  
天上歲星才獨擅春衣未換拜金門

清明讌集分賦

冷竈無烟是禁烟貧能好事我奇偏狂呼藍尾頻澆恨  
戲指膠牙各問年半席高歌驚鶴夢一簾香雨養花天  
長安冠蓋紅塵合寥落荒園倍可憐

同湯旌三吳賓王步月有感

暫分幽色到空廬月語欹欹亦笑余木脫鴉棲驚敗葉  
雲敲鐘影落殘書文慙知己情還熱窮不依人餓有餘  
歌罷此生惟短鋏當今馮氏總無魚

深秋夜雨

靜擁琴心對短檠蟲吟窗口自吹檠殘蕉已濕將衰綠  
敗草猶滋未了青讀古可能來尚友感時相許避浮名  
誰憐我作悲秋賦竹葉尊空夜雨聲

寄懷鹿城孫若士

文章何地訂嚶鳴零雨淒淒念子荆漱石驚濤銀澗落  
撫絃披卷玉山行無車減刺逃名久有扇遮塵是處清

東華詩存卷之十五

末

文圖

前輩風儀今未墜幾回飛夢到孤檠

初秋得白門張修崖書兼訂五經文會之約喜而成咏

孟陽劒閣震江東有客吹簫在故宮千里秦淮前代月  
十年尊酒古人風望來孤雁情偏急接得雙魚興不窮  
自古文章元我輩六朝烟雨落殘紅

送趙公美歸錫山

輕舟載得一囊空黃袴青鞵意氣雄家住梁鴻謀世淡  
淚生阮籍恨途窮海門風緊春潮紫戍鼓寒生落日紅  
玉女洗頭盆尚在高吟縹緲白雲通

說道交情分外寒江烟何獨繞征鞍歸心偏起捕魚棹  
殘夢猶生響玉盤村路無更難語失新詩有興酒腸寬  
蓉湖正值梅花發折得一枝兩地看

寄懷昭陽趙正叔

寒風飄雪入籬門每憶同君把臂論盆裏淺山浮水動  
檐邊小鳥學蟲喧病來無興名俱冷想到多情月亦溫  
閒剪燈花兩地影離愁何日不黃昏

海雲蕭瑟壓天寒多難山川淚未開避地遠從梅福隱  
埋名時與慶卿歡別來詩句憑誰賞冷向梅花獨自看  
莫到朱門頻鼓瑟信陵公子盡凋殘

東臯詩存

卷之十五

七

文園

新秋坐蕉閣簡江上戚价人徐伯宏諸同盟

夜雨青燈冷華門黃初鄴下幾家存露依衰草飛螢濕  
月湧長江落木昏司馬逢人多涕淚鮑昭有賦盡郊原  
蕭蕭好友闊河遠秋老鱸魚一命尊

重九過堯臣岳宗寺寓即席限韻

蕭索東籬靖節家偶隨秋色問黃花孤鴻叫月迷沙渚  
野棹懸霜拂水葭雖乏白衣憐我僻可堪濁酒向僧賒  
寒塘正與清風會短鬢何心落帽斜

秋夜攜妓泛洗鉢池

分外秋光到画船南朝舊曲正堪憐一池夜浸芙蓉水

萬里風高鴻雁天月濯波心林影散雲迷渡口水亭遷  
酖醺正與沙鷗狎扶我紅粧倚袖眠

和題金山寺

秀奪三吳半壁奇渡船夜泊秣江籬烟來兩岸天疑合  
月挂危巒塔欲移十隊紅粧明漢水千軍金甲閃朱旗  
潤州波浪應如舊怪底魚龍異昔時

哭鹿城孫若士

青麟白鳳無顏色死到傷心怨豈平楓落新墳山鬼哭  
燈吹殘雨暮鴉聲修文地下星猶爛埋玉人間月不明  
更歎生前多失意未知泉路果娛情

東臯詩存

卷之十五

八

文園

上己日懷力臣師六兩家孟

廣陵烟月向人寒潦倒離愁正采蘭不信文章偏落拓  
從來吾道屬艱難沿江烽火春堪惜三月鶯花興未闌  
多少永和詞賦客至今風景好看

木末亭謁方正學先生祠

淒涼銅獸碧苔荒九族魂銷古木香血濺寒潮飛白日  
冤鳴山鬼哭清霜碑頭殘墨孤雲伴墓上開花野蝶忙  
成就龍逢雖主德功名終不羨三楊

送劉文若之任廬陵

送君收守拯凋殘載道千旌簇錦鞍彭蠡風高元雁度



廬山霜落皂鵬寒三千里外孤帆遠九十峯頭匹馬看  
此地由來多碩彥不妨異代出琅玕

冬深

敗葉趁人影寒風自閉門雲荒流野澗沙凍失孤村蹴  
月梅光薄趨烟鶴夢溫銷愁惟一醉把酒坐黃昏

過來使君寓園

步屨深林晚開尊敬水亭池連芳草碧春到遠山青入  
洛年方少過江譚可聽誰憐刀筆吏俯首坐論經

燕子磯舟中

危石凝空翠三秋水府清天高山脊小雲破月痕明南

東臯詩存卷之十五

尤

文圖

北昏江氣古今變梵聲可憐孤館客難聽琵琶情

中秋宿僧房看月

會心靜裏得秋色自隨天鐘度雲穿屋蟲鳴石聽泉廊  
空人未睡月在意俱禪暫對南能話山花繞法筵

月夜簡陳士振吳園次徐聞宰劉玉少宗定九

李小有諸子

好月知予志蕭然賦索居布袍交誼重彈缺世情疎因  
念相逢意又來別後書幽芬誰處覓清露滿芙蕖

冒嵩少先生以集杜見贈賦此荅謝

十載解朝簪留耕結靜菴雲眠松色冷月入水聲涵晚

節吟詩細名山黃酒探一篇繞把讀滿座盡烟嵐

送周素安歸襄陽次吳賓王韻

一身千里外孤館萬山前白日分吳岫丹楓落楚天還  
家猶有夢為客幾無烟王粲樓仍在誰歌灞岸篇

過吳公建尊光宅上

才大偏高隱秋深見草堂地連山郭碧天入海雲黃茶  
熟今宵雨鴻來昨夜霜朝歌吳季重嘯咏有滄浪  
入門琴室靜對爾興偏狂果得隱夫重花因處士香曲  
欄圍野色錦砌散斜陽慧業因文字相攜問法王

懷舊

東臯詩存卷之十五

于

文圖

湖山猶未改師友盡黃塵冷幕雲窺戶荒庭月畏人幾  
經喪亂日徒愧讀書身薄俗頻遭忌何年得避秦

秋夜

遲暮又逢秋開簾竹影浮有天都是醉無地可埋憂霜  
冷江楓落天空塞雁稠誰家吹玉笛人靜月當樓

登狼山望海

天濶千峯遠雄心向佛降烟霞生絕壁海樹落虛窗怒  
浪如奔日危巒欲渡江依稀徐福在童女擁幡幢  
嵐光迷積霧清磬出江邊石湧雲斜抱風吹月倒垂老  
魚迎水立怪木受帆疑天地幾龍戰黃沙終古悲

久客

久客如飛鳥蒼茫歷歲年一春方乞米千里夢歸船去  
國悲中散憂時泣仲宣銷愁惟濁釀沽盡賣文錢  
憔悴天涯客囊空不說貧幾經蓬鬢改羞見歲華新交  
道遊方覺情言醉倍真故園松菊在何必問秦人

促織

促織聲何切淒然到草堂過窗飛露白吟月出林青萬  
戶寒砧起千營戰馬停閨中有少婦夜夜帶愁聽

折楊柳歌

到處收邊馬春風逐路塵至今楊柳樹不管別離人

東臯詩存

卷之十五

圭

文圖

擬閨中怨辭

郎未登舟去歸期枕上聞妾癡暗自記望斷北來雲  
鐘鼓月影碎妾夢在郎船驚曉強答婢依然月未圓  
郎既耽遊冶何人贈客衣雙鳬頻擊水鳥也恨孤飛  
豈無鄉思急相趁打魚舟歸日還愁別妾怨幾時休

飲山中人

山頭烟一尺客至即開尊老嫗呼兒女拾薪煮蕨根

送友人從軍

年少衣裝迴自殊腰間錦鞬繡整弘談兵學得陰符術  
莫使轅門笑魯儒

偶贈

一曲清歌子夜新幾行紅淚泣殘春千條弱柳因風起  
愁殺江南搖落人

拜范文正公祠

文正祠堂古木斜甲兵滿腹屬君家千年事往人何在  
萬笏山前落晚霞

送友人之楚

二月桃花猶帶雪三江歸雁未銜蘆知君一過黃陵廟  
風雨蕭蕭可念吾

冬日巢民招集宋射陵諸子水繪菴余適他往

東臯詩存

卷之十五

圭

文圖

不與補和

落日散高林層冰結池沼靜寂似空山歡賞出意表言  
念同心人把臂在幽島欲步城東隅塵霧相圍繞晚霞  
明絕巖昏樹集羣鳥托跡深以遠令名乃可保俯仰觀  
古今感歎向清昊平生樂琴樽良友共傾倒邱壑娛吾  
情詩書恣吾討寤言一何深修名苦不早遙想良宴會  
無以抒懷抱願為歲寒友春近采芳草

墨鳳行

西墨鳳者巢民先生女史也

九苞殊彩出層雲鳴彼高岡天下聞羽儀飄緲真難繪  
野雀山雞不敢羣况乃一幅好絹素洗盡雕華無凡羽

斯須天上真鳳來茫然不辨梧棲處墨筆淋漓仔細描  
傳粉施朱何所慕丹霞千仞挺挺出陰雲四野森森布  
此曹精妙誠不朽一空人世丹青手況乃美人是傾城  
意匠慘淡善經營烏絲染就揮毫迴斑管拈來落紙輕  
麟衫繡帶增顏色趙瑟秦箏雜鳳笙風移皓腕空中舉  
月映明眸物外生焚香瀹茗堂前挂三千賓客盡心驚  
況乃主人擅非常口吐白鳳工文章拋卻簪纓身既隱  
一枝高寄自翱翔吁嗟鳳兮德已衰文明斂戢樂栖遲  
細蟬金雁無人問一東岐陽暗自悲君不見弄玉吹簫  
作鳳鳴喻麋善寫在雕楹俄頃奮翅飛青昊化作閒雲  
東臯詩存卷之十五 文圖

萬里橫

巢民先生相訂中秋十日之約值抱恙不果詩  
以問之步巢民韻

園開水繪久聯盟百草新亭又落成松徑人來雲欲起  
竹窗茶熟月初明招尋籬畔柴桑侶臥病山中桂樹生  
酒債詩魔渾不減白頭扶杖最關情

十二夜喜雨步韻

今年春夏憂無雨待月偏驚雨忽來瑤島何從飛玉魄  
金波翻欲洗珠胎亭因欣喜人曾記蘿繫秋陰徑未開  
縱有吳剛斫桂斧其如少女絕纖埃

十三夜看月步韻

昨夕庭花帶雨輕今逢玉兔正微明月披宿霧千重出  
人立閒階百感生庚亮登樓添逸興張騫奉使寄遙情  
為懷廿四橋邊好腸斷秋風一雁橫

中秋竟日夕雨步韻

參差庭樹亂蒼烟萬里清涼鴻雁天祇為有尊堪獨坐  
翻因無月轉遲眠芙蓉水落凌波淺楊柳風微滴露圓  
但願乘槎尋采石瀾空傾注放漁船

十六夜月步韻

冰輪光射伴姮娥不減清圓泛錦波招友幸逢人宛在  
東臯詩存卷之十五 文圖  
開簾為問夜如何溶溶皓彩騰銀漢淡淡幽輝閃玉河  
自是三秋今過半舉杯邀影興偏多

匿峯廬芙蓉次青若韻

獨隱諸峯秀寒光晚更微殘霜披宿靄初日弄清輝只  
合秋江冷何妨桃李遠誰憐同調者孤賞掩山扉  
粉艷盈盈尚未霜高低向背在寒塘心分黃菊朝光吐  
顏奪丹楓夜露涼色到悟來偏有色香生真處獨無香  
少陵並蒂留佳句千載騷壇豈渺茫

陳元祀

字孝裡見顏佳脣詩存

九月七日

後日重陽節今朝孤矢辰偷生長客路謀食祇風塵看  
紉還多興開書卻有神近聞兵滿地何日慰吾親

七月望日哭先君

慟哭當年事逢辰倍憶親無能承誦讀有疾走江津几  
杖何繇侍雞豚愧未伸徘徊今夜月偏照斷腸人

邵瑞麟

字昭伯見詩觀

黃仙裳寓齋對雪遲吳吾始張李雅不至

此時僵臥者真不受人憐深巷斷行跡破扉闔野天渴

東臯詩存

卷之十五

奎

文圖

惟敲石火倦欲弄冰絃何處乘船客山陰隔暮烟

處暑

暑氣今朝減柴門望裏清締衣待月吟桐葉墜風輕屏

跡繇吾素後時任物情相看白露降漸次起砧聲

水漲

幾日冥冥雨登臨遠望高地圖翻瀚海樹影沒城壕頓

慰山農苦殊添澤國勞東流易乘秋只恐見旌旄

秋懷

經旬謝人事此夕倍淒涼月映露全白風翻葉半黃過

江烽火急直北雁書長相對渾無寐蕭蕭鬢影傷

懷顧龍坡

憶昔定惠寺送君又一年思深秋雨後愁絕暮笳天別  
夢鐘聲遠新書雁足傳何時乘小艇重對月娟娟

陳其年來自江南戴務旃繼至月辟疆招集山

房得歌字

客星次第渡邗河東井筵開此復過冉冉光分元夜火  
盈盈曲度越溪歌文章伯仲齊南北江路烟波任笠蓑  
最是不堪分手處夜深殘月照藤蘿

梅

清安玉骨有梅花春到江城傍水涯迴若仙姝遺粉黛

東臯詩存

卷之十五

奎

文圖

皎如寒雪觀紅霞信傳嶺上枝枝早月映窗前朶朶斜

為憶當年何水部句題官閣未曾賒

九日

雁字蟲聲石磴斜登高還復賦蒹葭風呼合見摧寒木

雨黑偏驚急暮鴉自笑狂歌須縱酒也知脫帽更宜花

相期莫信長房術佩得茱萸有幾家

許濤

字雪來見詩存

梧桐

高齋侵暮色初月到梧桐影入銀河細香飛金井空夢

回傳夜雨坐久動秋風搖落年年在清陰幾日中

蛩

清秋好明月何處起蛩音咽露依寒砌臨風亂暮砧能添久客淚嘗動後時心颯颯難成寐碧梧疎影深

馬世喬

字遷于見詩存

約諸子往水繪園看池荷雨阻不果卻攜酒過得月堂聽歌采蓮曲

不成河朔飲風雨暫羈遲聞說荷香好難虛樽酒期清歌傳太液羅袖起相思卻弔江南事興懷淚欲垂

東臯詩存

卷之十五

七

文園

賦得淡雲籠月色

且喜清秋夜雲端月影生茗烟浮竹細花色到窗明憫悵紅橋事閒翻玉笛情興酣頻倚檻不復問陰晴

劉行

字遠思見詩存

登望江樓

高樓明不極徙倚見層空日色荒烟上江聲遠樹中羣鳥貪下食孤鶴迫凌風只覺柴門老悠然興不窮

與佳肩夜話

燈影清良夜君來共竹牀感懷詩興減惜別鬢毛蒼歌

哭隨時有干戈對酒忘一回頻起舞遮莫笑顛狂

遊碧霞山

古寺蕭蕭暮空林人不行鐘聲連霧隱山路倚雲平杖出諸天近僧歸片月清相將忘夜久長嘯獨含情

秋日舟泊廣陵

北歸依夕照初月正娟娟楓落波光小烏啼塔影懸孤江停客夢細火上漁船萬想馳逆夜疎鐘野岸邊

懷友

昔年經此地風雨別孤舟有夢還垂涕無言更倚樓半窗殘月下幾樹斷烟浮何日來江渚因君話舊遊

東臯詩存

卷之十五

七

文園

曉發邗關

孤舟月落半江寒挾柁張帆百里難水勢北來村外急山峯南去霧中看風高鼓角荒城遠野濶雞聲兩岸殘為客不離鄉國夢愁將心事望長安

春夜侍坐虎繡諸父側

春深入夜雨初晴執手西窗燈火明諸父相看知義重經年多故覺愁生不堪戍鼓城頭急且喜提壺竹下清贏得一堂忘漏永依依殘月又鐘聲

九日陪夏宗姑丈北莊看菊即席得堂字

小舫輕移向北莊入門秋色照虛堂人逢令節花初放

酒至論心興益狂落帽有風慙短鬢登高無雨對斜陽  
干戈歲月容疎懶莫佩茱萸問長房

劉愈燬

宇文起廩貢生

登望江樓

江臯望裏收臨眺起孤愁龍去空河曲鶯啼古樹秋花  
香存遠楚塔影沒荒邱卻憶桐廬客釣磯有敝裘

舟夜

輕舟明月夜經過人靜天空得意多藻荇風微流漢影  
村墟烟斷聽漁歌朋從海角舫初扣語及闕山酒正酣

東臯詩存卷之十五

无

文園

去住只今憑泛梗不須涕淚畏凋戈

蘇世威

字子儀廩貢生

十一月諸子招同佳賓集小雅園余與白耳偕

赴文起後至

青霜巖落木君子遠來初佳會集名境憐子屬後車論  
文阜上國把酒共圍蔬何事臨公幹積薪恨有餘

訪楚中李公維揚客舍

新歲愁難盡扁舟問故人幾年勞驛路勝日渡江津惜  
別莫灣酒高歌湘水春因君來好友猶恐易沾巾

月夜

片月下孤舟偏增客路愁櫓搖光未定身在影如浮  
唳沙頭雁悲涼人倚樓十年蓬轉事不必怨貂裘

江上雜感

霜清山寺傍孤城紅蓼青楓幾日程午夜鼓鼙催客舫  
曉天風雨亂潮聲帆歸木末星河動馬立江臯雁字橫  
只為新亭曾灑淚登臨嘗繫舊時情

吳師濂

字周靜歲貢生

雨鯉

東臯詩存卷之十五

丰

文園

聞道西郊外神魚天路迴頓離滄海濶還挾暮雲來鱗  
甲非殊衆飛騰亦異哉冥冥隨變化卻望海門開

浮雲

薄暮浮雲影開簾夜色清疎星乍移白皓月未全明氣  
接滄江遠烟迷綠樹平卷舒隨物態俯仰一含情

古榆

老樹空庭古疎枝畏向人己能留勁節更復傲殘春風  
颯風塵苦蕭蕭戰伐新因君悲往事寥落不堪論

返照

維堞逶迤返照間雙溪流水到柴關離離老樹影相亞

泛泛浮鷗晚更閒幾見孤雲開石岸一時明月照溪山  
憑闌聽徹孤舟笛折柳關山亦破顏

宗倫

字攸叙見詩存

春晴

幾日晴光好春郊分外明霧開新柳色雲亂曉山情農  
事勢何極江城日已更甲兵南北路那得慰孤征

呂杰

字子凡見詩存

雨

東臯詩存卷之十五

圭

文園

東海臥龍起翻盆雨不休風雲忽異色雷電滿滄洲頓  
覺波濤濶回看竹樹浮何時乘小艇鼓棹任西遊

秋懷

不盡炎威日俄驚七月秋晚來動橫吹客路恐添愁風  
色荷邊老蟬聲葉底收蕭條時漸近迴立向東流

舟夜

舟移百里遠江城東海漁竿入夜情沙岸柳垂人皎皎  
篷窗酒對月盈盈高歌忽入鄉園夢歸路應無鼓角聲  
不是山陰喜乘興如何兩地有逢迎

苔石月川

飛隼摩空正搏擊斷鴻顧影欲何之兩心但使憐同調  
千載還須似一時紅葉已看交徑滿白頭莫恨與君遲  
鼓琴適有伯牙在此日知音問子期

張肇卿

字錫九見詩存

芟草

為爾亂柴扉階除半已非隨時蒙客路帶雨濺人衣喜  
得經鋤盡無妨百卉稀自今明月夜螢火照來微

雨晴

二月江臯風雨聲一回忽復報初晴階除細草新添色

東臯詩存卷之十五

圭

文園

竹戶寒梅更發生隔水雲歸千樹碧疎櫺月上半簾明  
趨庭此後知何事雁字風高最有情

傷春

柴門積雨一時收小樹低香落古邱萬里歸鴻傳隻影  
半江明月照離愁只看塞外烽烟急不見溪邊春事幽  
最是殘花零亂處暮笳蕭瑟動城頭

東臯詩存卷之十六

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

石 溆

字月川號熊耳邑廩生匏菴先生長子有月

川集行世

偶成

莽莽岷我水天風吹不休順逆無常所浩蕩東西流人

東臯詩存卷之十六

文圖

生百年內恩怨迴不侔一飯固當報睚眦何足警杯酒  
捐宿憾重怨若蚍蜉鄙哉秦范叔徒為後世羞

虎踞關

石壁控雄關英雄誇虎踞六朝暨南唐偏安紛割據控  
甲莽如林強鄰豈敢覲袁公死猶生鏖戰今何處荒塚  
風蕭蕭白楊夾長路斜暉已下春歸驂信勿遽

舟中晚眺臯峰諸山

天暝迴孤舟凝睇諸峯背連絡羅屏帷青翠分眉黛川  
平萬影涵日入清光碎幽壑鎖藤蘿青天卷雲霓微  
山下村烟先生叢靄緬思遺世人遁跡寄其內我困泥

渚中風塵日龍藏安得翩然遊耦茲荷蓀葦溪水供垂  
釣山田足負來幽事未能忘勝游何日再

張王故宮行

東南都會屬姑蘇左控三江右五湖兵威漸熾從餘祭  
霸府初開數闔閭蘇臺楊柳荒千載惟有張王來築壘  
披圖直欲裂黃輿駐仗曾經吞陸海當日義旗奮白駒  
項王瞳子公孫鬚叢祠篝火人疑信大澤屠蛇事有無  
兄弟梟雄誰與比六人笑入孟城裏達魯頭嬰雪刃青  
平章血濺霜矛紫建牙吹角遽稱王壯志縱橫東南方  
黑稍千羣屯鐵整水犀萬隊扼金湯塞旗斬將經千戰

東臯詩存

卷之十六

二

文圖

兵鋒迅指如奔電三吳久已貢殯珠兩越方將陳竹箭  
羣臣擁戴號大周威儀法物自千秋茂苑初開鵲觀  
長洲更起鳳凰樓雅性由來素勤儉停歌罷舞罕閑宴  
午夜猶程衡石書後宮祇服湖州練師徒四起民不驚  
秋毫無犯令分明壺漿載道咸迎陣蓑笠連阡未廢耕  
王氣漸銷大業燬臣元歲進連艘米御酒頒來撲鼻香  
降書賁去天顏喜割據從知鮮遠圖徘徊自守誠偏奴  
已見兩軍持左蠡未聞一矢發東隅無何楚漢雌雄定  
建康天子何其盛桃花縱勝將軍囚鐵礮還催丞相令  
吳興失守臨安傾四郊蠶食日營營弄權差記王



賣國曾傳李伯昇西來驍帥推常李城下屯兵屢諭肯  
田橫不至乃加誅盆子如來當不死張王倔強頗昂藏  
困守圍城晝夜防寧死沙場為戰鬼豈甘與觀作囚王  
孤軍巷鬪氣猶猛齊雲樓下烟塵營珠焚不上館娃宮  
玉碎寧投景陽井幾回刎頸頭不殊距戶自經真丈夫  
恨滿胥江馳碧浪魂銷震澤逐青鳬三百年來重弔古  
斜陽蔓草看淒楚仙人樓閣委黃塵玉女窗扉變焦土  
徘徊四顧劇堪傷鳥語鶯啼更斷腸金塗寂寞狐狸穴  
壁帶銷沉瓦礫場昔年遺愛恩猶沃居人往往走祠堂  
霓裳羯鼓宮人悲細柳新蒲野老哭英雄草澤盡驅除

東臯詩存

卷之十六

三

文園

成敗由天原不誣袁劉豈勝當塗魏蜀述應輸亦伏符  
客子無端易墮淚南遊怕說南朝事烏程面縛長城降  
何似張王猶壯氣今古興亡軌轍同此日依然一甬東  
神龍蜿蜒終蛟伏日暮滄溟起大風

五人墓

五人之墓相盈把先朝曾勅死忠者奸黨已糜身亦死  
白骨同葬三塘下當時簪紱豈無人義兒假子徒紛紛  
南牙北牙今何在明月山頭惟有君

卞忠貞墓

典午日尋戈赤幟烈猶火辛苦瑯琊王問道來江左江

左誰叅霸府勲巖巖獨數卞將軍上流鼓碎王敦滅半  
壁湖山淨掃氛那知橫江起臥虎廷尉山頂勃然怒丹  
陽小路夜銜枚朱雀桁遘亂如雨將軍臥病朝請疎不  
忽賊臣當關趨力疾提戈更貫甲督軍那顧血模糊可  
憐陣裂將軍死二子捐軀皆已矣朝堂禦敵更無人逆  
渠競渡青溪水九重播遷元帥逃西江醜酒誓旌旄義  
師掃蕩賊徒盡孤忠雙孝蒼天高詔書封贈奔如鶩羽  
葆赤幢旌築墓沙場詎博身後榮殉難旌忠兩不誤遺  
封歸峙冶城邊祠廟棲題猶煥然歷代相沿無廢祀穹  
碑歷落見雕鐫我來弔古因人識故壘徘徊長太息聊

東臯詩存

卷之十六

四

文園

將桂酒酌忠魂楓林蕭颯陰風黑

河決

不道張秋決前朝此復同魚龍高逆浪城郭任颼風日  
觀秋毫失淮南轉粟空九河故道在何計令疏通

亂山

忽到亂山裏林荒鳥跡新雨中聞遠磬樹杪見行人曲  
徑隨溪轉危橋勒馬頻莫嫌途路僻此處好逃秦

春望

寂寂江村外人家斷暮烟有誰憐赤子不敢問蒼天旅  
燕棲新壘饑鳥下古田何時歌大有倉庾慰年年

十載

十載悲南國凋殘事事真可憐歌舞地愁殺亂離人古  
殿繁風冷寒笳咽月頻紅顏無處所搖落委沙塵

籠鳥

最憐羣鳥內惟爾困樊籠巧舌原多累柔翰尚未豐悲  
鳴寒日落悵望碧天空自歎年來事羈棲復轉蓬

金陵懷古四首

古巷修遠內人傳大帝宮御渠流剩碧殿壁隱殘紅閭  
閻荆榛裏威儀禾黍中赤烏與甘露惆悵霸圖空

開國東吳後羣雄競虎爭石頭紛割據金翅亂縱橫嶂

東臯詩存卷之十六

五

文圖

雨驅兵氣江濤挾鼓聲新亭猶在目戰伐暗心驚

五馬成南渡偏安二百年歲星占在越天塹失投鞭禪

代君臣易凋殘兄弟先可憐望仙墓玉樹已潛然

齊邱歸霸府畫筵有誰聞密進匡扶策因成帷幄勳庸

人爭躡武天子總能文及奉中朝朔江南已暮氛

江望

萬里岷山水飛流瞰大荒氣吞吳地白浪湧楚天黃磯  
口亭臺古洲邊蘆荻蒼烽燧沿兩岸控禦屹金湯

十廟

遺廟秋風裏凋殘苔蘚青空山響寥廓夜壑冷精靈石

縱猶森轟綠垣已斷零登躋遊客倦窈窕坐蒼冥

江行曉發二首

信宿觀音閣今朝始放船櫓搖千頃浪帆破一江烟歷

險心如石憑虛意若仙俄看初日出一照衆山鮮

森森江無際中流萬舳舳齊舟身時下上帆影自東西矯

矯鷗羣迴飛飛雁陣低維航知不遠回首意多迷

黃天蕩

曉發黃天蕩危檣巨浪開乘風覺澎湃下水尚喧阗似

聽千峯雨如驚萬壑雷江流此地濶戰鼓莫相猜

刈稻了詠懷

東臯詩存卷之十六

六

文圖

最喜秋成後農家穡事齊夜深無犬吠月上有鴉啼今

日洗兵馬當時厭鼓鼙高車非所羨吾欲隱蒿藜

呂城懷古

割據天分險英雄舊築城千年餘廢壘一代擁行營樹

影旌旗色江流征鼓聲霸圖今已矣何事尚留名

毘陵道中

連江皆峭整北路漸平疇漁舍沿隄滿人烟近水稠殘

紅猶歷歷新綠更油油何事東風急舟行不自由

過毘陵

幾曲毘陵郡修渠帶古墉樓臺花霧暖城郭柳烟濃吳

婦多採櫓鄉音半說儂所悲詞賦客馬鬣已成封

謂翁士

題彭氏隱居

高臥滄江未有涯幽棲城北似山家盤雲老鶴藤蘿下  
穿徑黃鸝石磴斜一室斜通分竹樹孤峯獨立倚烟霞  
知君最愛清狂客載酒重過看落花

別陳其年

江上春光長綠莎相看無那別離何正愁此日關山遠  
况復經宵風雨多長笛一聲催客路短亭五里聽驪歌  
思君何日扁舟下酌酒還期話薜蘿

東臯詩存卷之十六

七

文圖

送王阮亭先生之祠部二首

高標日觀自巍巍冠蓋如雲榮戟輝夙昔偉人推歷下  
于今華胄本臨沂寶刀十葉仍膺瑞瓊樹連枝更解饑  
最是金門初仗節燕城賦就已芳菲

誰遣維摩下九宵詩歌一出黯魂銷中原獨步曾驅虎

南國無雙更射鵬尚憶寺門書白鳥

棲靈寺壁有書先生白鳥朱荷一閑

每思畫艇咏紅橋

先生有紅橋記

自今荒草平山路縱有笙歌

也寂寥

得昭陽王景州書

有客提携雙鯉魚烹來忽得故人書秋深知爾遙相憶

天末憐余未定居憶舊途窮真悵望憂時水患足躊躇  
連朝肺病愁無賴見慰加餐意便舒

將抵蕪城

故宮極望暮雲深拂面驚沙萬感侵螢苑迷離烟已暮  
維臺迢遞日初沉風流帝子隨興廢詞賦參軍自古今  
擬向平山尋勝事朱欄畫閣好登臨

贈別射陵

歲晏江城初霽雪廣平鼓棹將北歸塞雁一聲催客路  
寒梅幾樹掩荆扉自信羽儀已寥廓豈與裘馬爭輕肥  
鹽漬去此原不遠別後無令踪跡稀

東臯詩存卷之十六

八

文圖

登文選樓

文選樓高事已徂登臨一望盡平蕪牙籤曾擁春風杏  
甲帳空懸夜月孤絕勝茂陵開博望何如大業夢江都  
蕭梁舊壘餘流水處處河洲長綠蒲

大雨

秣陵山上雲繫腰秣陵山下雨平橋滄江風急蛟龍舞  
白晝天昏雷電驕鬬岸傾隄非一日浮家泛宅已千橈  
可憐轉徙流離子呼兒攜婦急飄搖

瓦官寺

窮秋憑眺瓦官閣斷碣摩娑識晉唐六代名流原曠達

十年圖畫自飛揚，罔罅紆折盤龍虎。梧竹蒼森宿鳳凰，  
鳳臺在寺右大桁新亭零落盡。空餘此寺亦荒涼，  
戴安道寓此寺，顏虎頭圖佛像十年方成。

青谿渡

小姑本無夫，家在青谿口。谿口打魚郎，雙雙沽美酒。

長千里

梅住長千里，門外即江頭。江頭郎去後，日日有歸舟。

戴顓祠

京口行來日色西，戴顓祠畔草萋萋。雙柑斗酒人何處，

依舊黃鸝樹上啼。

東臯詩存 卷之十六

九

文圖

臯橋

高人傭廡此，經過舉案當時勝。事多我到伯通橋上望，  
何人再續五噫歌。

重送毛亦史歸婁東步諸子元韻

又復送君去，林烟兩岸青。飛帆新驛路，貰酒舊旗亭。地  
隔江湖水，天分牛斗星。初歸無意緒，離笛數聲聽。

燕

燕燕飛何處，飄零寄此身。幾年尋故主，二月渡江津。愁

絕杜陵客，悲添漢苑春。翩翩下簾幙，來往莫辭頻。

月夜

極目疎林淨，宵征興未闌。霜風兩岸濶，星月一舟寒。殘  
柳移新色，輕鷗度急湍。江頭歸路近，清曙且盤桓。

夜泊城下

尚作經宵客，停船水自流。孤帆遲十里，一夕似三秋。遠  
火時明滅，棲鳥自去留。倚門應有望，淹泊起離愁。

放船

薄曉寒威動，孤帆正遠征。檣高侵日影，槳急上潮聲。秋  
樹迎風落，寒蘆逐岸生。鄉園欣在目，倚棹一含情。

夜歸

寂寞家鄉路，秋深此日歸。經年惟一入，夜故雙扉砌。

東臯詩存 卷之十六

十

文圖

冷苔痕古，庭空鼠跡稀。坐來忘夜永，霜露已沾衣。

田家留飲

行吟荒野畔，信步入田家。徑折疎籬竹，溪垂夾岸花。開  
軒風更好，入座日初斜。不覺微醺後，江村有落霞。

薄暮

瑟瑟寒風急，秋原落日昏。疎星低遠樹，細火點孤村。黍  
釀家家熟，雞棲處處喧。寂寥人境外，塵世不堪論。

金陵道中

迢遞金陵去，逶迤古徑長。山兼雲作障，土雜石為牆。戰  
壘多流水，人烟半夕陽。縱橫牛馬地，攬轡亦徬徨。

縱馬臺城下當年事可傷談空因佞佛名禍自親王望  
斷青溪渡魂銷朱雀航六朝興廢易豈獨一蕭梁

勒馬危岡上江南一望中山深龍虎氣城逼斗牛宮控  
帶三吳近輪將九域通茫茫建業水天整為誰雄

覆舟山背路觸目轉蒼蒼古碣存開剏平湖失混茫奉  
園金粟冷陪寢玉魚涼又聽秋槐雨迢迢客思長

不寐

有懷愁不寐長夜正漫漫牀下蛩如訴城頭漏未殘人  
當秋後瘦衾到晚來寒輾轉情何極淒涼只自歎

劉增琳

東臯詩存卷之十

廿

文圖

字雍州號藜閣念菴先生仲子邑廩生著有

藜閣詩草

丙辰夏憂水

奔流倒峽雨中天北日難書小有年千里同時遭水厄  
萬家強半絕炊烟人迷野渡翻歸市帆領漁舟直入田  
遙想廟堂應屢念東南民力正堪憐

華陽旅次同家兄渭書蒼伯坐雨

眉山兄弟情無限珍重當年聽雨聲此地華陽秋夜雨  
對牀人即是彭城

懷邗上史陶村

春來花事盛新月到簾鉤饑渴懷我友一日如三秋同  
郡既密邇同聲自相求夜闌步中庭孤鳥聲啾啾奮飛  
共眠食堪消萬古愁

妙高臺月夜

性癖耽雲山尤愛江天眺樹影落中流鐘聲到客棹為  
陟妙高臺高峯勢嶄峭昔宋元祐時印公才德幼靜夜  
睇西北赤城霞色燦光燭星漢間旦夕常榮耀爰構崇  
臺觀遠水連員嶠時有坡仙來哀絢歌水調遙遙數百  
年月色古今照感懷波浪濶舟燈上漁釣坡仙曾起舞  
此地得歡笑呼吸近蟾蜍水風鳴石竅把酒問青山

東臯詩存卷之十六

廿

文圖

中足長嘯

賞牡丹

攜尊花下結為鄰座上同袍總率真詩關奇葩金谷酒  
詞填本事玉樓春無雙香色方環席第一聲名久絕倫  
墨汁淋漓飛滿幅庭階月照已如銀

桐月董夫子席上作

夫子不負月兼能不負桐清光與碧色雙映酒杯中

燕子磯同陳百師王方若桑練文望大江

山半高亭一徑通聳身橫睇大江東層波浩渺無窮極  
人立蒼烟暮雨中

江舟聞笛

段腰江口夕陽斜鐵笛何人起釣槎驚起洲前雙白鷺  
銜魚飛入荻蘆花

祝巢民老伯八十壽即和其自壽原韻

小試維揚逢父執早蒙刮目待增琳試策論時老伯謬賞于卷時披

肝膈言提耳說到文章血印心老伯語余云好文字是心願一點血其言可貴

金大集同人行世久學詩諸子受恩深含銳黃理孺子石大集諸詩家皆

受業水年年三月鶯花美春酒長宜碩果斟

辛亥憂旱

入秋猶苦旱農事待如何將見羊糞首寧聞豕涉波無

東華詩存卷之十六

圭 文圖

才作霖雨有淚似滂沱極目瞻霄漢蒼生望正多

同友人醉後作

壯士未酬志乘秋慷慨歌把杯呼快友入夜看天河月

影三更動蟲聲四壁多不妨同起舞待旦一橫戈

詠柳和唐人韻

勞勞亭畔灞城西西子湖頭蘇子隄惹恨偏多隨意綠

斷腸不獨草萋萋次溫飛卿

黃金嫩色艷河濱燕蹴鶯啼春復春盡道當年張緒好

不知松栢屬何人次劉夢得

朱廷宮

字中治號省齋駕部慎人先生子貢生有西

聲聞詩刻行世

曉鵲

曉望林影薄老樹彌介特如何危枝上息此搏風翼立  
身最高處下視氣深默羣雀氣自沮不敢踰枳棘日出  
千峯青雲散一區白矯翮倏遠逝雲海浩無極

上學憲磁州夫子

中州秀氣真蘊鬱天資名賢光黼黻張公甲第最崢嶸

文章四世雲霞霽九齡風度自翩翩秉鐸成均時雨歆

西園共羨玉為堂北闕爭傳花是筆瀛洲學士推水鑑

東華詩存卷之十六

市 文圖

相馬九方識神物只今持節大江南械櫜菁莪聲四訖

不令滄海剩遺珠肯使荆山玉抱屈東南桃李正盈門

歌聲轟若江濤沸枚卜行占最上籌九重佇看傳綸

綍

病起貽友人

澹泊養廉瘵蹉跎惜壯年詩書親枕席步履斷林泉吾

意身嫌贅秋高病覺痊濁醪如已熟招爾醉籬邊

馬馱沙懷古

閒看大地等雲浮百里滄桑一望收島嶼規模開驥渚

天家賦稅及龍湫蕭蕭大樹人安在滾滾長江水自流

憑眺荒城多古意落花依舊滿平疇

寄懷冰上人

天下無如出世難曠然高寄海天寬何曾有法教人問  
未肯將心乞汝安兩載春光徒汗漫一林秋思重盤桓  
須教踏破千山色滿眼浮雲帶笑看

贈顏佳肖移居

五柳先生住郭西鶯遷髣髴武陵溪門庭似更添幽勝  
花鳥還應共品題故國不須勞遠夢新居且自樂安棲  
直教并作朋簪地笑入春風引杖藜

郊行

東華詩存卷之十六

五

文圖

出郭登臨野興長園林幾處暗飛香花遲似待春風發  
樹老應憐晚色蒼江上往來隨釣獵眼中倏忽見興亡  
悲歌不為龍泉吼別有閒愁立道旁

喜雨步式屏兄韻

柳外朝來泊釣舟一回疎雨麥先秋平疇草色迷青眼  
隔院花枝照白頭大陸風高飛石燕平沙日暖睡江鷗  
腐儒多負生成意潦倒終年一敝裘

上林都督

儒將聲名第一流居然裘帶賦登樓桃花雪暗瑯玕晚  
柳葉風生畫角秋江漢朝宗真不易天山歸命更何求

不妨預奏昇平曲元老於今有壯猷

歸思

客舍花深白日遲故鄉一別也多時空庭春半無人到  
開得梅花三兩枝

寄懷友人

俗尚皆雷同可畏良復深愛君守朴畧胸懷無古今白  
石何齒齒暮雲何沉沉相遇各爾女澹然冰雪心

寄謝劉秋紫兼憶舊遊地

五狼名勝壓東南吾友蕭閒儘自探風作江聲侵臥榻  
天開巖影落空潭地因詩句傳偏好人與江山正堪

東華詩存卷之十六

六

文圖

望望不禁思欲絕何時樽酒共沉酣

寄贈金闍齋夫子

悲歌白首意何深歷數年華忽到今總是有懷頻欲吐  
還應惜墨重如金荒江自挹朝霞氣蓬室何來空谷音  
矯首雲天成悵望吾師獨見古人心

和贈徐石霞

鼓棹來游問所親好風過處起芳塵雄才不作歸田賦  
我輩終非蹈海人工部新詩真仔細翰林豪興亦清真  
青山無數征途晚愁絕論心已隔晨

于太守頌

使節高門擁八騶，早蜚聲譽滿皇州。三年不愧黃丞相，五部無煩郭細侯。詔下依然分半虎，才高直似解全牛。於今化洽江南北，父老謳吟那得休。

呂清

字彙亭號秋厓，拔貢生官夏邱學博。原籍徽州，國朝初從父遷居如皋。有咫堂詩草行世。

咏史

唯恐生得失，仗劍請獨行。屠腸自勞面，所以隱其形。奈何哭都市，必欲揚姓名。死者誠何益，徒使負初盟。

東臯詩存

卷之十

文四

上將萬戶侯，行年七十矣。矍鑠誇據鞍，壯心猶不死。進此更何求，猜嫌應以起。不待意涉讒，久已無生理。

桐江七里水，華山萬丈峯。君王空設罟，不得弋冥鴻。宋室多賢俊，雲臺盡英雄。乾坤無缺陷，遑俟兩老翁。縱有經綸手，未必勝羣公。何如棄軒冕，千載仰高風。

世勛據山東，不負李魏公。因遭秦王養，賜姓寄心胸。居然社稷臣，伯仲視夔龍。及乎立武后，柔媚何其工。胡為一人身後先，迥不同乃因明暗。主忠佞，遞迎逢。虬髯非不聽，嗚呼隋術中。

江上阻風

蘆花拂面來，魚龍怒不已。激浪濺長空，雪花六月起。短纜繫垂楊，低頭臥蓬底。獨羨釣魚翁，閒閒坐流水。日夕大江頭，無心慕千里。

月夜

花氣擁茅齋，空庭夜忘久。獨坐看歸雲，淡淡過楊柳。天宇何寥廓，顧影頻搔首。左右寂無人，春風鳴戶牖。月落不能眠，自起開尊酒。

種樹篇

主人愛種樹，種樹茅屋傍。小樹枝條柔，萌芽易生芳。古木千百載，荷蒙日月光。陰翳障阡陌，根株盤高岡。寧隨斧柯斷，忍復貪春陽。材大難為用，所以別榆枋。殷勤謝主人，恩愛誌不忘。

東臯詩存

卷之十

文四

貧婦吟

鴻雁北方來，中途悲失侶。夜夜聲嘹唳，偏感貧家女。夫婿避征徭，棄妾之吳楚。十年斷音書，一身復誰主。陽春百草萌，有田無禾黍。布裙不掩膝，面目封塵土。采得野菜根，歸來帶泥煮。破壁鳴悲風，中宵淚如雨。不信有佳人，施朱事歌舞。

聞砧

天高月白滿林霜，秋風無處不悲涼。况復清砧連夜起，



一聲一杵斷人腸  
擣衣未必皆怨女  
翻使聞之淚如雨  
自是離人愁緒多  
倚枕何須怨砧杵  
朱門絲竹夜紛紛  
金鼎醉擁石榴裙  
銀燭光中香霧裏  
一任砧聲若不聞

憶振藻園竹

平生素具子猷癖  
手植龍孫無數尺  
抱甕移鋤日幾回  
階前踏遍青苔石  
坐見春風生美箭  
月落空庭猶戀戀  
不須僧寺報平安  
一任肩輿來別院  
青氈一旦寄孤城  
辜負新陰滿小亭  
何時一枕北窗下  
看君變化入青冥

叩銅鞮

叩銅鞮聲鳴馬疲  
驕不前鴉鳴日將  
晡歌聲婉轉出

東臯詩存卷之十六

文

圖

榛蕪滿眼湖田飛  
鷺鳬信口吟宮商  
無中含悲哀向天  
呼南山白石飯青  
芻一朝載之乘後  
車長路漫漫有荷  
鋤沮溺之流焉知  
予

讀吳子雪疑黃山詩

天涯芳草三年綠  
菟裘遠寄黃山麓  
有夢不離溪上雲  
相思只在猿與鹿  
奇峯句裏忽飛來  
頓吐青蓮三十六  
荒齋疑踞萬峯頭  
臥聽松風時設謔

喜張與偕設帳振藻園

此是魚鹽地論文  
有幾人殘篇子獨  
枕古道爾為鄰看  
月潮聲近烹鮮海  
味新時時攜手共  
踏遍小園春

宿塔山

塔山留一宿  
慙息亦安禪  
枕上秋聲滿  
窗中月色懸  
露然忘世累  
不復有人烟  
欲結曹溪侶  
山靈許暮年

辛酉立秋後一日振藻園荷始花恨先人構斯園而未之見感賦

池藕三年後  
秋風一夜開  
畧添新草木  
還是舊樓臺  
暗淚香前滿  
悽情花上來  
闌干風颭颭  
疑是助人哀

送西方菴靈章和尚移錫馬山

道窮辭海國  
垂老入山阿  
行李一瓶鉢  
乾坤孰網羅  
霜痕前路冷  
詩思別時多  
回首栽桃處  
而今十載過

東臯詩存卷之十六

辛

文

江干一片石  
北向面孤城  
老衲忽飛錫  
山禽時出迎  
徑荒餘鹿跡  
禪定入濤聲  
薄暮鄰鐘接  
松杉落月明  
悠悠山下水  
寂寂山上僧  
瓢笠風霜歇  
蒲團日月升  
魚龍吞梵偈  
猿鳥共寒燈  
已矣渾忘世  
花開知未曾

丙寅九日夏邱登高懷諸兄弟

客裏初逢節  
茱萸帶淚看  
一官圖醉易  
有夢到家難  
雁影南樓近  
霜花北地寒  
始知離別苦  
悔我早彈冠

夏邱春日

見梅知歲換  
頓失異鄉情  
曳杖巡三徑  
高吟博一名  
香浮桑落滿  
寒到鷓鴣輕  
冉冉春光遍  
枝頭百舌鳴

南寺

寂寞一孤寺暮寒侵我肌枯榆生活火冷磬入新詩稚  
子逢官避山僧煮茗空門前搔首望斜日下遲遲

夏邱春日書懷

草色驚心綠流光逐鬢移一簪安薄俸三載隔慈帷有  
淚他鄉滴無家到處悲誰憐遊宦苦旅雁自應知

雨霽

庭徑看朝綠山光帶濕開語聞新到燕香挹落殘梅海  
日鄉心近江春客夢回樗才歸未得覓醉且銜杯

三岔曉發

東臯詩存卷之十六  
主  
文圖  
歧路通城市長淮下泗州土林安旅夢麥飯動鄉愁馬  
跡侵霜淺犁痕帶霧浮眼前春草綠曙色到芳洲

月夜登燕子磯

六代烽烟事已休雄磯依舊踞江頭濤聲遠接三山近  
鐵鎖空橫一帶秋閒縱野情遲夜月卻忘幽夢到孤舟  
興亡眼底成今昔怪殺清談第一流

新安江

兩岸千峯送一溪行舟處處綠陰齊山根屈曲波隨轉  
鄉路依稀望漸迷帆逐春風過樹杪心連夜雨到湖西  
檣鳥亦有家園思繞遍高林未肯棲

七夕泊海安鎮

天涯薄暮此停舟新月娟娟水上浮鐵騎千秋餘故壘  
金隄萬丈拒狂流商歌斷續鷺鷥漁火依微接女牛  
明夕不知何處宿楓江芳草客心愁

秋郊晚步過孫處士幽居看芙蓉

處士孫姓問其名則不荅居於東海之濱一  
椽課讀三徑種花足不入塵市者二十餘年  
與之遊服其甘貧遺世初不料海隅亦有孤  
潔如此者

徑轉秋花曲曲通相逢白首鹿門翁自言廿載塵囂外

東臯詩存卷之十六

主

文圖

曾度半生烟月中咫尺茅簷天地濶尋常心事鷺鷥同  
籬邊不斷三時色看到芙蓉水又紅

同王鹿田先生吳夫一洪倣沂舍弟英白登狼

山分韻

不斷雄風送海潮狼山高踞俯青霄秋來蜃氣連三島  
夜半鐘聲隔六朝石上鯨吞初月到望中鵬舉亂星搖  
前峯一片懸軍地

江中有軍山相傳始皇駐軍處

知有沉戈鐵未消

泊燕子磯遊弘濟寺

山分燕子一洲橫蘭棹初停曳杖行石壁雙懸通鳥道  
江樓孤聳闕龍城雲歸遠浦秋無跡月湧寒濤夜有聲

千里荆吳下京口征人愁殺怒潮生

鹿邑月夜偕查子二瞻洪子衷白吳子樹屏管

子念脩家兄任菴西礪登老子臺泛湖至白雲

菴分韻得城字

城裏平湖夜色清湖光半壁浸孤城白雲遙憶華山夢

紫氣空留柱下名芳樹遠籠漁市小扁舟初泛浪痕輕

頻年馬首多惆悵對此蒼茫無限情

舟泊懷遠縣

塗山荆山俱在縣境

淮水湯湯不計程孤城古岸日初暝春風送客帆無盡

往跡興懷酒獨醒四岳萬邦宗夏后一身三則泣荆庭

東臯詩存

卷之十六

圭

文淵

只今寂寂荒烟裏唯有寒山相對青

秋日登文昌閣晚眺

傑閣嶙峋複道迴青鞋踏處磴雲開低看落照斜封樹

細認殘碑暗剝苔簾捲波光涵雉堞杯銜山色到樓臺

孤城日暮行人絕惟有寒鴉帶影來

舟過漢高皇廟

漢帝祠前去復迴顏門日日對湖開金刀已共良弓盡

寶瑟空餘永巷哀兩岸白沙看月上半山紅葉逐風來

停舟欲賦愁無盡欸乃漁歌莫漫催

送舍弟濤歸東臯

寂寂孤城漏欲終銜杯愁見曉光紅池塘得句三年久  
風雨聯牀一夜中古道依依遲去馬長天嚶嚶羨歸鴻  
白雲滿望家何在夢逐萊衣到海東

濠梁道中

萍踪漂泊馬遲遲咫尺譙樓望不違原上草根共野鶩

河濱水氣上征衣聲聲布穀春將老處處啼鵲淚不歸

何處高林堪一憩數聲殘磬出柴扉

子夜歌

自從別歡後夜夜孤衾裏桐樹生空花那得見梧子

夏邱南莊觀荷

東臯詩存

卷之十六

圭

文淵

城南十里到前莊極目盈盈水陌長繫馬綠楊沾一醉

青衫盡染菱荷香

芙渠一片絕風塵香色飄搖郭外新此地種蓮供歡歲

看花莫作采花人

虞美人墓

古墓蕭條驛路傍年年芳草斷人腸停車莫賦招魂詞

猶恐歌聲近楚鄉

署中植柳

離離陌上影方含植向荒齋待鳥探二月淮西春未暖

黃昏風雨憶江南

陳希夷白雲菴

白雲灘上白雲多一枕清風擁薜蘿未敢披帷瞻道範  
不知幽夢近如何

題畫

古木蕭蕭一水斜小橋西去隔平沙此中時有高人臥  
閒看歸鴻帶落霞  
山色蒼茫望裏青白蘆深處一舟停迢迢烟水人何在  
似有漁歌出遠汀

雪夜

一庭寒氣淨無瑕短褐凌風興益賒小牖初疑明月夜  
短簷難覓野人家暮禽返樹巢迷跡此地無梅雪作花  
魄濯水壺眠不得挑燈掃石自煎茶

春日同吳樹屏汪上玉郊遊得花字

一水環城路不賒青青芳草覆平沙春衫淺碧分林影  
驕馬輕紅帶落花野渡無人橋倚樹茅菴留客柳為茶  
香風踏遍須豪飲何處村帘是酒家

新夏即事

一派槐陰覆草堂杜鵑聲裏日初長蛙鳴遠浦沉深晝  
燕壘新泥上舊梁稚子攜鋤種秋色山妻炊黍餉斜陽  
但能幽賞供狂趣浪跡天涯亦故鄉

揚州北郭

北郭多荒塚西園即酒樓可憐泉路客不及少年遊裘  
馬無雙地炎涼第一州耳邊簫鼓熱時動鬼神愁

西楚霸王廟

在重璧縣虞姬墓側

喑噫叱咤千人廢悲歌慷慨時不利乾坤不戀戀虞兮  
數行蓋世英雄淚生期相逐死相依此身先死釋君疑  
千秋廟倚虞兮墓一心已慰復何悲

石湘

字王香號巢雲乾菴先生子邑文學著有巢

雲集

東華詩存卷之十六

禾

文圖

醉歌行贈桂燕詒

我欲醉吟浮大白一醉三萬六千日我欲歌時聲激揚  
滿座聞之皆若狂酒亦不停歌漸急曠懷直欲空今昔  
踴臂酣呼興轉豪仰天大笑脫巾幘世情翻覆君知否  
眼前鹿鹿非吾友晨夕綢繆轉盼疎慷慨意氣竟何有  
細數交游誰最真只今重義樂清貧年來爾我不得意  
兄亡親老同酸辛君不見漢時司馬歸成都身著犢鼻  
妻當爐又不見韓侯未遇遭逼側顛倒淮市無人識自  
古英雄數數奇且將尊酒開胸臆

題李左民畫三友圖

李郎李郎技何殊畫盡天下多凡夫平頭駟會不足數  
其餘跼踖類侏儒四明桂子來江曲秀骨珊珊邁流俗  
吾輩季札美丰姿酷類陳平如冠玉只有范丹與更豪  
昂藏七尺志凌霄倚然獨立空庭際燕雀安知鴻鵠高  
我與三友稱莫逆白眼看人人莫識安得吳門老畫師  
鬚眉點染生顏色一幅蛟綃畫最工輕舒雙腕走蛟龍  
想亦九方能相馬故從草莽識英雄君不見漢時張良  
甚奇偉聞其狀貌如女子公等豈是蓬蒿人行將矗立  
青雲裏

雙節歌

東華詩存卷之十六

圭

文圖

吾輩素推桑孝子哭籲君門代父死歷傳八世流輝光  
一門雙節炳青史阿母孀居三十年齡齡誓賦栢舟篇  
娶婦堅貞堪濟美視古烈女無後先亡何時際兵燹變  
雪中金戈光躡電驍騎奔騰誰潰圍馬上佳人羞掩面  
覩顏事仇何紛紛賣笑追歡從賊軍須臾亦同螻蟻盡  
可憐千載無令聞爾時姑婦不得息深入蘆葦剪荆棘  
曉夜提携競竄奔弱女呱呱相對泣忽報妖氛逼道途  
自揣被擄無完膚攘臂罵賊爭先逝婦亦捐軀下報姑  
身隨亂骨枕荒草血濺長流魂縹緲寧教陌路葬朱顏  
忍向行營誇校好君不見田橫義士五百人拚生延頸

死海濱君家長幼皆從難迴看若輩梟鸞分

花將軍歌

登陣還憶花將軍慷慨酷似南霽雲霧雲就縛爭先逝  
將軍罵賊今古聞夫已捐軀妻亦死一門忠節標青史  
妾為蕭家保一箇含羞躑躅行營裏抱兒旋復竄江濱  
漂泊曹娥幾殞身足登蓮實連行在其間呵護如有神  
兒果嶄然頭角異岐嶷不愧將軍裔寧願兒為萬戶侯  
但祈勿墜千秋祀迄今姑熟祀三忠前此睢陽雙廟同  
殘魂熱血歸何處空餘瑟瑟松楸風

題張西園半舫

東華詩存卷之十六

天

文圖

吾輩張子稱渠魁中藏欽寄磊落之雄才麟角鳳姿人  
莫識爾乃游奕歸蓬萊築成斗室絕纖埃宛如舟繫山  
之隈劃然長嘯興悠哉一日醉飲三百杯有時踢倒燕  
王臺千金買駿始歸來嗚呼富貴功名殊草草不如半  
舫隨君老

王右軍瘞鶴銘

瘞鶴傳何代山僧指點過轟雷崩怪石潑墨灑滄波苔  
蘚碑猶在華陽跡未磨不知持隻字可否換雙鸞

謁諸葛武侯賓吳遺像

當年車馬駐江干此日荒祠墨未乾豈為皇華輕遠涉

恥教王業小偏安  
眉峯猶鎖雲山恨  
劍氣時冲牛斗寒  
堪歎長吟曾抱膝  
南陽曾作布衣看

三月三日修禊

臨流修禊興悠然  
況復鶯聲到綺筵  
酒出東臯成雅集  
星移南國照羣賢  
桃花片片飛紅雪  
楊柳絲絲罥綠烟  
最喜銜杯春色好  
相過不讓永和年

謁方正學先生祠

看君十族殉山河  
絕似長沙弔汨羅  
莫謂孤忠頻灑淚  
首陽先有採薇歌

故宮

東華詩存卷之十六

无

文淵

離離禾黍沒荒邱  
父老還能認舊遊  
只有景陽鐘尚在  
夜深敲落半天秋

張雅望

字仲雅見顏佳肅詩存

七夕

良辰逢此夕  
瞻望亦何為  
誰惜天孫錦  
徒生雲漢悲  
一邱聊辨跡  
三徑且題詩  
守拙行吾道  
幽棲只自知

夏日集辟疆宅觀黃漳海先生墨蹟誌感

開樽當仲夏  
掃榻見遺書  
壯志層雲上  
丹心皎日初  
十年懷慘澹  
此際重躊躇  
須信珍藏者  
悠然意有餘

遷于約諸子往水繪園看池荷雨阻不果行卻  
攜酒過得月堂聽歌采蓮曲

今日臨流興翻為驟雨移  
花香遲後約嘉會尚無遺舞  
袖工吳咏行雲隨玉卮  
不須河朔飲兄弟亦相隨

贈佳肅移居

苑外秋深菊正開  
移居欣值錦成堆  
一簾細影高晴色  
十里香風落酒杯  
遲爾東園新翰墨  
憐余西野舊莓苔  
自今把盞邀明月  
拄杖相將往復迴

城南火

負郭雞棲有數家  
誅茅結構竹門斜  
車雲忽起因愁屋

東華詩存卷之十六

丰

文淵

玉璫空沉更捲沙  
卻恨淮南無汲黯  
還應西蜀有樂巴  
不堪極目烟塵地  
慘澹垂楊繞暮鴉

張雅志

字季雅見詩存

水漲

水漲漫高岸  
清波處處生  
何時移巨艦  
乘月渡江城  
擊楫中流便乘風  
破浪輕潮洄萬里  
外回首澣雲平

泛舟

秋氣今宵淨  
扁舟最有情  
月明浮水白  
露冷濕衣輕  
橫笛中流細  
殘鐘隔院清  
仙槎曾不異  
何事羨蓬瀛

訪顏佳脩

為訪幽人至晴川帶夕暉岸花香冉冉宿鳥語微微書  
史風塵際干戈歲月非客愁從此減惜別已忘歸

元宵後日國表招佳脩諸子集荒園

江天風雨暗沙頭拄杖行來燈火收豈與延之經契濶  
熟知季子最風流沿隄柳色垂花岸小徑松聲到竹樓  
興發會須拚醉倒不教鸚鵡喚離愁

雨中懷友

久雨陰雲暗不開天涯春色重生哀金臺執手知何日  
竹館吟詩能幾回海燕有情巢舊壘江梅無伴落荒苔

東臯詩存

卷之十六

圭

文圖

相思錯上長隄望那得音書自此來

傷秋

古院層陰黯碧梧平川淼淼浸菰蒲江翻急浪蛟龍怒  
日落荒原烟雨孤樽俎折衝羞管樂指揮談笑失孫吳  
東山故老拋殘盡瀚海虛傳佩玉符

舟夜

乘興東來憶舊遊片帆薄暮動離愁一溪明月鴻飛杳  
兩岸黃雲麥隴秋樽酒濠梁成底事松楸燐火又荒邱  
相逢吾黨猶强健鼓棹長懷杜若洲

張雅言

字小雅見詩存

處暑

暑盡秋還燥風涼氣未平漸看竹露白頓覺砌蛩清白  
拾從兒覓扁舟逐浪輕微微明月下荏苒舊時情

秋懷

年華成代謝人事總孤危守口猶防俗卑躬只自疑緜  
袍誰共好純扇更生悲颯颯秋風下能無鄭谷思

月夜泊舟

月白光如許舟輕浪亦平飛星隔岸小橫笛過江清萬  
樹聲皆靜千家杵乍鳴尚因小兒女來往易為情

東臯詩存

卷之十六

圭

文圖

泛舟

清樽隨小艇明月漾溪流光影樹頭白撓分天際秋過  
橋依水檻席地聽名謳來往輕如許渾疑逼斗牛

蟬

幸出塵氛內頓傳高樹聲幾時吸露冷今日咽風清農  
事驚先暑幽齋助遠情交交槐柳上雀啄苦縱橫

喜佳脩病起偕國表過與夏宗諸子飲至夜半

雨甚留宿

聞君滯病多蕭瑟二妙偕過喜欲狂罇酒論文心共折  
夜寒添雨話初長一時變調流商羽十里高朋慰草堂

不厭匡牀能信宿後期重對菊花黃

喜昭伯偕蔡孟昭歸自江南

纔說江南問舊遊又看秋盡賦歸舟征鴻影入庭闌夢  
折柳歌殘客路愁千里一時輕桂棹良朋昨夜共霜裘  
柴門楓葉紅如許勝有江虹飲碧流

送陳其年歸陽羨

東臯風雨暗沙頭送子維舟動別愁春色西城千里客  
暮雲南嶽片帆秋隋皇塚畔遲歸艇玉女潭邊憶故邱  
日後不堪消契濶好將書跡付江郵

元宵後日國表招集荒園分賦

東臯詩存

卷之十

臺

文圖

風雨初殘五夜燈喜君執手互擔簷荒園獨許幽人迹  
雄辨相誇古寺僧宿霧未收梅似雪春寒仍逼酒如澗  
高呼次第傳籌急禮法糾紛幸未曾

立秋

去歲金陵度早秋今年故里強淹留平林客路迷烽火  
落日鄉園照古邱戰艦十千橫北岸青梧一葉下南樓  
傷心莫問前朝事舊壘蕭蕭蘆荻洲

吳師洛

字道川康熙壬子舉人

納涼

為愛微風至移牀到竹陰雲霞望裏色溪水席邊深發  
興當清坐感懷動玉琴自今疎懶甚獻賦欲無心

寄懷江位初

江關迷道路日夜水東流故國天涯夢相思江上愁連  
年絕又素細雨到深秋徙倚還無賴憑軒淚未收  
高才人不及屏跡轉如愚古屋平江外清樽逆興殊生  
涯何落莫心事共艱虞思爾不能見蕭蕭木葉孤

初夏

入夏趨庭過竹軒坐來綠樹借鄰園無心擊筑頻呼酒  
有意攤書更閉門燕語一時故壘失烏啼比屋暮雲昏  
東臯詩存 卷之十六 臺 文圖

張家彥

字燕羔見詩存

九日

秋老悲無極後時又若何江帆連雨暗雁字逐風多搖  
落離邊色淒其塞上戈草堂清醕在獨立強高歌

蛩

不覺秋窗下淒淒乍有聲草黃餐露薄月冷咽風清只  
益愁懷苦能添夜夢驚漏餘聽不極起坐最關情

吳克峻



宇堯臣見詩存

夜

竹風兼夜月臨眺最關情春老單衣薄更深遠水明珠  
星驚漏短鄰犬畏人行回首龍城地遙遙去雁鳴

春日贈小雅園居

江臯春色競懷新况復幽居古義親白鶴橋邊題柱客  
百花叢裏讀書人屢空金錯雲三徑不盡銀壺月一輪  
懶學逢迎疎世法藤牀小憩伴松筠

東臯詩存卷之十六

畫

文圖

東臯詩存卷之十七

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

賁琮

字黃理有承閒堂詩

贈隱者

道氣不在多天地貴真一爾拙是爾真斷之虧天質一  
邱了一生脩然誰與匹破屋可全心貧居無虛日精力

東臯詩存卷之十七

文圖

亦已衰莫為人輕出

和金長真夫子望摩訶山

摩訶山在大江中望之如髻浮碧空日本琉球一葉通  
吾祖抱杞憂無窮建議立寨創奇功扣關讜語勒鼎鐘  
忽有虎豹扼其胸鑿山通道事未終先王父奏請立寨此山以備倭寇權  
嚙求賄賂命不果下今疏稿後來天意轉朦朧桑田一  
報國策尚存修志者損不錄變成鮫宮洶湧澎湃聲風風竹排十里化為虹霓登島  
嶼蠟蛭冲鷄鵲飛散鴟鷂叢未幾寇盜發穹窿縱火焚  
燒山童童鼎遷分籍屬江東鄖水與岡失礮礮大海鯨  
翻波影紅果由京口駕長風秣陵幾覆千艨艟誰念憂

時昔老翁今日翠蓋出江楓遙瞻海嶺石龍從揮鞭得  
句奇且工和者千人追孔融若能歸奏建元戎東南保  
障勝天雄吁嗟若能歸奏建元戎東南保障勝天雄

雞鳴寺見菊

寺廢僧猶在淒涼動客吟宿塵迷佛面老樹見天心忽  
訝黃花發方知白露深故鄉雲水外極目望遙岑

蘆葦避風

連天雨勢傾岸上行人絕蘆葦風蕭蕭船頭水泱泱既  
與家人遠又與新知別懷抱鬱莫伸幽憂向誰說少年  
氣過雄如今計何拙憶昔淮陰侯棲身無一穴得志立

東華詩存卷之十七

二

文圖

奇功千秋稱賢傑余亦懷此情溫飽故匪屑常恐心命  
違斯言不敢泄

題招隱寺壁

招隱何人隱青山共白雲徒深松鶴夢空老石苔紋綠  
位迷真性烟霞飾近聞茫茫無止極誰實謝紛紜

冬日許山漁山濤薛木菴張孺子曹文虎顧水

雲集飲茅齋待石含銳不至

柴門畏俗常深閉喜接生平幾弟兄把酒縱譚花弄色  
尋詩緩步月多情霜空過雁連天遠霧樹棲鴉映水明  
悵望東鄰歌舞地偏將錦瑟滯同聲

懷人

前月得君詩知君念我切把讀忘夜深開門一天雪

同梅國和尚薛虎文石含銳許山濤張孺子集

余自玉碧山深處看梅

老樹空庭雪片寒香風滿院玉堆盤莫言置酒情非易  
即許看花意已難佳詠共酬今夕興清狂不減少年歡  
先歸破衲何無賴忍棄疎林月一團

半園絕句

園為田左拾別墅幽渺深遠不減潮川余至海陵即下榻其中

兩岸風牽弱柳斜霏霏細雨不成花堤邊遊女多輕薄  
折向春塘弄水蛙

東華詩存卷之十七

三

文圖

濛濛烟霧細如絲做冷粧嬌只片時山鳥一聲香氣散  
風扶日影上花枝

薄羅衫子試荷風雙槳輕搖碧水中葉密花稠歸去晚

山亭遙指一燈紅

隔院鶯聲高復低蕭蕭翠竹與樓齊長廊夜靜風生籟

似奏笙簧過水西

清水潭

波漲南天一夕風三州廬墓水聲中河臣不謂隄防闕  
漕運寧憐杼柚空凋瘵六年民命盡費糜千萬國儲窮  
揚帆到此因垂念淚滴澄潭浪蕊紅

發王家營

攬轡登長道晨光草露濕蕭蕭群馬鳴朗石烟中立日  
出走風沙征衫澱泥汁僕夫亦孔飢野店爭先入飽餐  
過魚溝遙望新集冠蓋誰家兒旌旄蔽原隰丈夫會  
有時何為感車笠

渡黃河

九折入中原濤聲萬古喧崩奔向海若澎湃自龍門日  
月憑吞吐風雲任卷翻澄清如可俟擊楫聽潺湲

蒙陰早發

茅店雞聲夜未央褰衣秣馬促行裝輪蹄雜遝爭高下  
東臯詩存卷之十七 四 文固

烟霧離迷接混茫殘月半鉤峰影亂薰風一路襲花香  
征人盡唱關山曲不到幽州已朔方

登泰山

盤輿盤曲上天門五岳齊稱岱獨尊元氣渾淪通帝座  
奇峰突兀出雲根秦松石擊空街在漢時風漂故址存  
七十二君封禪事茫茫今古向誰論

泰山望孔林

眼濶空諸有歸然獨孔林萬靈羣擁戴一氣混高深總  
括江山秀延綿天地心烝嘗垂奕祀何必問升沉

居庸關

百二雄關在當時竟若何回思翻欲笑即景且為歌  
暗千峰雨風迴一水波閨內有彈琴峽流水深洄四十餘里懷柔原在德  
設險不須多

土木

當年孤注走居庸一擲隨教九五空不有邝王能踐祚  
焉知靈帝得還宮重標玉燭綠天意奪取金墉豈爾功  
土木荒荒餘恨在誰知後事更飄蓬

絕塞雨

霹靂雷轟大荒野掀翻海水龍頭瀉邊山壓斷天欲下  
馬鬣風吹向人打偏側塞垣知者誰垂白翻同幽并兒  
東臯詩存卷之十七 五 文固

橫行萬里豈貳師徒來絕徼爾何為

古雞鳴驛

古驛淒清鎖翠烟龍髯石罅長多年山根水響分千壑  
雲脚雞鳴入半天共說橋成巖下虎不聞人見浪中仙  
驅風走雨山南北一望長城意悄然

宣府觀獵

宣府城上聲策吹宣府城下草萋萋駱駝千隊馬萬匹  
一時多向城南騎腰懸赤羽彎繁弱銀貂繡襖晃斜暉  
飛上山頭射猛虎林木震驚猿鳥啼發必疊雙洞胸臆  
軍中個個養絲基仰接飛鳶手狐兔熊羆格殺填路歧

寶雞射盡遊驃死何況徒麋與兕犀須臾血灑平蕪滿  
移營又過小橋西縱橫轆轤天風動暮靄千山尚不歸  
燔熊炙雉彈邊調明日新豐再合圍

登玉華峰

采芝登高峰徘徊元岳巔屢屢臨空構洞壑偃群仙青  
嶺擁繡蓋奕奕晨霞鮮柏巖架飛橋梯我凌層烟攀蘿  
踞絕頂堯堯直造天俯視八埏小身世一茫然

讀毛大可太史西河文選有贈

許詢昔愛蕭山尊不道蕭山有俊人燕市得交毛太史  
文雄今古品絕倫西河一集讀未能膽豁心搖目驚宅  
東臯詩存卷之十七 六 文圃

天地奇觀盡在茲更有何人肯居亞用筆之妙如神龍  
游行自在蟠碧空有時雲際露鱗甲有時天畔走雷風  
攪亂山飛海水立龜鼉翻浪蛟人泣霎時雨霽新月明  
組織霞光成五色瀛臺宴賦麗春華琴室勒石靜啼鴉  
他如陸生張別記嘈雜吹咽暮笳解賦彈箏氣幽鬱  
千巖萬壑松風拂開府碑文歸正大裔裔皇皇真法物  
中閒敍到倪天章感我枯腸淚雨行我與倪生交不薄  
倪今籍子名已揚其餘引跋皆雋古瑤草琪花半吞吐  
觀玩疑從蓬閣遊天女散花摩尼舞人言都說似昌黎  
我道直與秦漢齊吁嗟有才能如此不愧金門梧上棲

九月十九陳其年見過同田左拾登毗盧閣得  
高字

憑虛一望渺雲濤萬里天風冷布袍此際不知家近遠  
移時但覺眼空高乾坤著意留孤客殿閣傾心伴二豪  
有酒固佳無亦韻好將珠玉供揮毫

萬柳堂眺雪

東城一望海天昏玉柱瑤峯插遠村萬柳蕭森騰白氣  
孤梅冢次冷清魂來登相國虛堂靜喜得王家賦手存  
勒馬長堤雲欲暮遙看新月上金門

停鞭慢慢渡銀河景似山陰好放歌庭鶴翅寒飛不起  
東臯詩存卷之十七 七 文圃

嶺巖毛重舞偏多滇池水涵聞拋甲閩海春回必倒戈  
豫兆豐年饒瑞雪高吟良耜下前坡

短歌贈別葉桐初

蕩子欲歸歸無策霜風雪月與君集君今別我向山東  
天寒歲暮留不得留不得送君行君上馬我淚零丈夫  
何為感歧路一言難悉其中故南歸遇我素心人為道  
賁生却被虛名誤

自京師往太原次涿鹿城下有懷沈繹堂鄭山

公耿又樸陳迦陵毛大可倪闇公諸先生

羸馬單衫督亢亭燕山回望數峰青春風驛路催沽酒

暮靄荒原早見星弔古情深仍聞筆懷人句苦只飄萍  
城頭忽下三通鼓孫客淒涼不敢聽

贈許將軍荆波

許將軍真人傑起家八閩世閱弱冠文鋒辟萬夫中  
年投筆騰金闕近提貔虎鎮井州夜夜笙歌留明月花  
樓課子百城書水閣邀賓千韎韐影書聲泱泱浮脫  
劍橫琴心怡悅綸巾羽扇任風流高懷朗朗澄冰雪時  
清不聞鉦鼓鳴閒向山頭較射獵乘龍佳婿吾生徒迎  
往太原便馳謁留歡信宿餐奇珍萬樹桃花霏紅屑

狄梁公故里

在晉陽城南十里有雙槐樹鬱鬱  
高千尺餘相傳為梁公手植

東華詩存

卷之十七

八

文圖

史冊欽芳烈風塵識舊廬一峰敲落日雙樹挽征車憑  
弔情何極生平恨有餘晉陽城在望臨去復躊躇

山館春晴

風止雨初收山空日影出開窓美景來情態良非一高  
鳥上天翔浮雲靄嶺嶂天桃分外妍媚我題詩筆孰知  
我意違舉筆泱泱飛本賣長門賦何來晉府飢江南春  
倍好道阻不得歸伏枕沉吟久依稀到帝畿

柳溪

小亭臨稻畦茂柳多陰涼夏日坐垂釣人閒魚自忙

獨夜

淒風鳴終宵孤客伴華燭彈琴讀素書靜想生幽獨

有所思三章

與潘次耕太史言傳青主顧寧人  
李天生三君子適歸惺崖修撰來

旁及他事歸  
作此詩遣之

有所思在晉陽昔溯洄水中央麗眉與皓齒堂堂復堂  
堂抱夢龍撫鳳凰談傾地軸撼天綱白日近浮雲長何  
時湖海共翱翔

有所思夢華嶽嶽之麓隱先覺辭故鄉採真樂撚霜鬚

傲冰雹乾坤日錄憑掌握孤身天畔倚寥廓元默年奎

星落先生吳人也隱于西  
故是歲殿故悼惜之天無光弱神雀聞微言欣有

託次耕乃  
其高弟

東華詩存

卷之十七

九

文圖

有所思望西秦海氛滌蕩淨天根羲和炳耀融洪鈞長  
揖萬乘今有人受爵拜疏還養親手扶八極奠崑崙不  
負昂藏天地身

贈施愚山侍讀兼致謝

塵海遇靈光羈心頓自息神味信遠閒語默盡可則迴  
不是春華皎如秋月逼所言皆舊人時修明史席中言  
及別山稼軒密之  
諸公并道陽  
明受託之事所製聊新式卷帙散晴軒淡寂饒古色涸  
跡時宦中深情誰得識為愛我率真朝暮勤拂拭酒與  
意俱濃溫然常欲即感此紀片言中心曷有極

贈別周譽凡孝廉

揚州老賤甘飄泊紅綾艷雪都無著鵠面羞同虎拜人  
與君晨夕相絡索御溝柳葉乍搖風君騎羸馬轉江東  
秦業魚爛不復說漢河濱圻誰人壅我欲跳浪無鱗甲  
白眼看天天意滑驚筇鼓舞花門寂守寒窓供筆札  
吁嗟筆札悞此生長劍倚天空自橫封侯未遂鬚眉老  
絕塞揮鞭何處行感君視我如兄弟執手躊躇雙淚縱  
明年此際君重來未識鰕生遇不遇

寒食同金會公許山濤吳西李孫雲韶袁紫臣  
胡修予六太史遊祝園雅集黑龍潭用東斜二  
韻

東臯詩存卷之十七

文園

頗有竹林趣傾尊小閣東靜喧惟自適欣賞意原同舊  
燕翻新雨寒花笑暖風帝城春過半得此樂無窮  
倚醉芳郊立頻添油碧車青山還我輩紅袖任他家柳  
拂烟絲亂蒲穿水沫斜豐臺曾有約芍藥已生花

過路廷彥新居

較前多堊垣真可說鶯遷柳院旋花馬詩囊雜酒錢晚  
風雲破月春雨竹生烟灑灑饒幽致清宵奈獨眠

冬夜韓慕廬侍講邀飲即席成

朔風吹月盡成霜天青地白浩茫茫玉堂高會萃王楊  
酒坐無諱清興長素琴流響韻悠揚梅影當窻護冷光

起看北斗忽低昂滄溟海浦晨雁翔貪飲得無已太康  
心悅君兮樂未央

花門

幾簇秋山裏烟鬟小樹村觀魚立礮水彈雀過花門峭  
壁千尋下游雲萬疊屯蕭疎塵外賞即此是仙源  
八月十八往北山吳容大編修邀飲未赴

北山秋色暗相招驢背詩籤挂酒瓢紅樹碧雲隨處飲  
亂峰殘照一聲簫飛空雁字排銀漢隔澗漁歌度石橋  
對景寄言吳太史賓筵莫怪野人驕

曉度銀山次比部張嘉侯韻

東臯詩存卷之十七

文園

銀山高與碧空齊立馬回看萬嶺低不見雲中藏吠犬  
祇聞天上有鳴雞霜林葉落風迴澗雪洞猿驚水下谿  
行過翠微峰背路扶桑日照大荒西

酬王公垂蔡方麓魯敬侯備述亡女貞孝於湯

魯菴撫軍冀其具題旌表

僵卧忽聞三學士建言開府慰貞魂連年老淚枯成鐵  
此日衰容笑出門未必紅裙光史冊也應綠字照乾坤  
几筵倘獲邀崇祀春露秋霜總是恩

贈張師伯主政

磊落胸吞海放情天地閒談鋒霜刃利逸致野鷗閒孝

友追張仲文章壓賈山即今強仕日雞舌點清班

送靳熊封遊武林

靳家公子遊武林武林烟水深又深烟水深深留人住  
人欲不留心不禁南屏山鳳凰嶺黛螺結翠約千尋行  
過九里松前柏堂在香山竹閣對森森夢兒成小憩葛  
塢聽風琴放鶴亭前雨飛來峰下陰此時不樂非人理  
此時不飲還自斟及至孤山巔頂四照閣可以俯瞰  
地之真心更有涵碧橋邊滲寥與龍井寒光微灑向人  
侵六一泉清我最愛行坐不廢短長吟若夫画舫東風  
笙歌雜還又不獨我輩始開襟兵戈間道曾消歇君去  
東華詩存卷之十七 主 文圖

湖山得好音歸來傳語風光好再買烟蓑訪碧潭

自大同歸京師呈耿又樸太史

前日拜階墀忽往大同去大同古雲中蒙恬出守處紫  
塞繞三邊白登東踣踞形勢天削成強兵足控馭獨笑  
武靈王膏血空泥汙漢高真英雄此地危朝露後有飛  
將軍稍稍騰聲譽近代不可言臨茲增百慮北望受降  
城城在人誰據南渡桑乾河天陰戰鬼語白草映黃榆  
蠻鳥枝頭絮似訟李陵冤若為明妃詛陰風動地來重  
疊愁雲布往事潛悲辛中腸結昏曙回首望京畿翻身  
如脫兔歸來見先生情辭誠急遽先生大笑之謂余少

靈悟天地本空濛古今若官署野馬逐斜陽我心無回  
互但熟莊子篇莫抗匡衡疏優游信優游功名壽鐘鐻  
再拜領嘉言中心乃悅豫

喜石含銳宗左三張良庵曹文虎見過

遁跡無人境經年閉草堂何期來素友相率到寒塘鳥  
雀驚車馬兒童問酒漿醉吟應計日不負菊花黃

雜咏

蘭生在空谷日出由海底幽深益人多愁苦何為爾  
仕路分今昔人情變昏旦拔劍舞婆娑霜毛增浩歎

盧丹

東華詩存卷之十七

主

文圖

字成九一字紺叟號鍊菴以子香贈宜興縣

學教諭有西村存草

半亭夜酌

高山公永安署中

花署半亭東歡然車笠同鄉情敦古道宦況拂清風揮  
塵塵綠外雄談盃酒中夜闌索和句愧我腹空空

福藩

偃息金陵逼歲除編年正在甲申餘馬驕輦路愁難控  
鹿死中原慘未舒一事關心惟演戲五更妙筭祇遷居  
都門百里親遭縛夢醒梨園入破初

蘇為烈

字武功號匹三諸生有漫吟草

月夜送別陸無文

作客悲君慣遙遙何所之一天清苦月雙影別離時馬

踏春霜厚舟牽積凍遲塗窮歸定早後晤不須期無文謝鋪上舟

同郭振兮張孺子晚渡瓜渚望焦山作

不負看山約扁舟共入吳人行沙月冷峰立海門孤白

浪自今古荒烟半有無中流頻悵望風景未全殊

桃葉渡遇陸吳州先生

同是白門客相逢古渡前一聲狂笑處雙影夕陽天蕭東臯詩存卷之十七

古 文圖

瑟今朝恨繁華昔日傳水流山未改偏動野人憐

舟過燕子磯

片石迎江碧當年燕子磯山川仍是朝野已全非波

壓漁人網雲陰楚客衣牽舟崖下住終老不須歸

村居東張孺子

不是他鄉客何堪見亦艱村雞啼晝雨漁艇出晴山雲

影當牕白溪流過耳閒出門看野樹應到此柴關

隋苑懷古

尋勝來隋苑淒涼鎖一邱徑荒埋白草鬼哭出晴樓好

夢應難續蒼溪空自流繁華原易歇不用動閒愁

客郡城感賦

十日邗江住松門只自關幸逢知己嬾轉得容身閒若

粥度清畫雲鬟如小蠻多情溪畔鳥時肯傍衰顏

攜攜兒野步

出門看野綠稚子解追隨半里迴塘路千村欲暮時微

寒生短袷小立傍疎籬樹杪酒旗動臨風空所思

山舍對雪懷于四澣

急雪一庭舞兒童笑語頻三冬初見汝千里頓懷人詩

酒虛今夜歡歌憶去春山陰縱無棹幽夢定相親

寄懷徐爾靜于吳觀察署中

東臯詩存卷之十七

圭 文圖

與子春初別秋光復見新衙齋何所事書卷定相親白

髮倚閭久豪家索負頻成名須及早車馬候江津

九日獨坐兼憶觀兒

又值重陽節驚心益暮年登臨怯行邁衰病倚林泉帶

露草仍綠迎霜菊已鮮獨憐浪遊子七載尚幽燕

望四男觀不至

剝啄聲聲急開門却又非書從前日到人合此時歸斷

北山河險江南朋侶稀眼穿當落日不禁淚沾衣

渡江

布帆無恙曉風清江柳垂黃水氣明得句忽然狂吐酒



看山何必盡知名波連滄海情無限路接瀟湘望未平  
極目遙天增感慨亂餘忍見石頭城

遊虎邱

蒼烟老樹鬱崔嵬二月山花一半開客聽溪聲連曉暮  
僧隨雲影過樓臺真娘墓古沉荒草陸羽泉深隱碧苔  
最是可憐亭下月年年清夜照人來

春日寄懷陸無文

隔歲春寒歎別離天涯何事更驅馳此宵月色應沾酒  
到處梅花定有詩憎我不堪貧尚在思君徒以夢相隨  
東西南北無終極莫遣愁懷哭路岐

東臯詩存卷之十七

七

文淵

雪中徐爾方招飲莊居

西風瑟瑟水漫漫枯柳深村隱釣竿乘興獨來如剡棹  
愛君僵卧學袁安溪聲盡到尊前落山色偏宜野外看  
醉踏東塘歸路晚炊烟燐火共生寒

喜晤石濤

十年清夢苦相牽渺渺江雲意惘然幸踏籬門消繾綣  
得覩風采倍流連孤山處士真和靖三絕當年老鄭虔  
鎮日追隨情未已歸舟懶下海陵烟

范端

字簡夫邑廩生保舉仕儀封縣歷官戶部員

外郎詳邑乘孝子傳

儀封十二景詩

請見遺跡

白樓城倚大河邊塵拂元文問碣陰石鼓尚留春樹老  
朱琴已入暮雲深明明一見開天眼脈脈千年印道心  
咫尺孔林天地濶于今木鐸未成音

景文故宅

長堤秋老雨蕭蕭驚眼濤聲怒野燒二妙風流存往榭  
三春花柳問寒宵殘碑明滅晴光遠烟火霏微古木凋  
安得渡人如渡蟻平沙漠漠景文橋

東臯詩存卷之十七

七

文淵

琉璃聖井

遠樹寒沙抱浚城梁園東眺野林橫百年不改封人邑  
此地猶懸聖井名苔篆拂題摹碧竅泉心探底叩泓清  
軒輶到處低回意仰止能無感慨情

金花女營

千村星散百河危不謂元戎是俠姬野樹風來驚壁壘  
陣雲日下黯熊羆綠林半解群雄甲繡閣高懸大將旗  
落莫春烟兵氣在從來巾幗愧鬚眉

舊城夜月

行行東野杵烟疎暮雨寒林黯古墟紫竹月流梁御苑

黃沙雲翳祖龍車當年城郭煩馮弔此地滄桑付慨噓  
紅蓼灘頭銜照遠新豐雞犬問村廬

練苑春花

雨霽平原濕翠茵遊人載酒踏輕塵鶯花未老蘇堤曉  
風月應憐杜曲春帘影參差烟樹斷帆光上下櫓檣新  
梵宮笙管高樓笛此際君其問水濱

浣泥落雁

衰柳危樓碧水枯清沙極目路荒蕪霜流曉月鷗依渚  
雨漲汀洲雁宿蘆蒼浦茫茫迷遠棹青帘落落問村沽  
淒涼滿眼悲秋老我欲重臨鄭俠圖

東臯詩存卷之十七

六

文園

大河飛帆

濤怒驚搖客子魂吐吞星宿到崑崙駭心何處三山險  
屈指從來四瀆尊帆挂舳艫吹大鹵界懸南北控東昏  
凭欄樓畔頻搔首欸乃歌聲撼禹門

青凌樵唱

花塢茆房枕大河參差遠岫隱烟蘿荒燐腐草英雄墓  
白日芳溪牧子歌景自輞川圖裏得人從湖曲鏡中過  
尋春曾共山農語笑指青青百畝禾

黃渡漁歌

波心十里藕花居澤國吟魂遠故閭落日漁歌浮野筍

香風画舫製遊裾滄桑一霎迷菱藻耕鑿三春問沮洳  
縹緲滿疇芳草濕量晴較雨卜公餘

大閤晨鐘

垂楊一滴雨花飛浮碧流丹映遠暉南郭何年存古刹  
西來此地悟禪機閣從天際迢迢出鐘入林端靄靄微  
苦殺衆生沉孽海慈航乞佛早傳衣

沙溝曉行

水涵霜枯欲曙天前洲雲失荻蘆邊笠蓑早步畦閒月  
貿易遙喧渡口烟一邑鷗隨沙渚戲幾家大靜野厨眠  
風塵日夜憐牛馬與與晨征亦淡然

東臯詩存卷之十七

九

文園

冒起霞

字赤城有十二樓草

月夜同天季姪看菊

斗室藏秋色繁英老更新無錢聊小飲得句一開蟬境  
僻人常寂霜寒酒足珍比隣誰作伴藉雨樂閒身

贈巢民姪

解組閒居四十年栽松問菊鉢池邊汪洋黃憲微難起  
寂寞商山道固全江左名流存舊業義熙處士見遺編  
阿翁手澤今猶在信爾天生孝可傳憲副兄稱巢民為天生孝子

九日匿峰廬登高效合肥宗伯以重陽登高四

字為韻

此日同尋菊到門花影重蒼烟深洞壑秋色遍芙蓉白  
鹿頻招隱青尊倒匿峰今朝添逸韻清興幾回濃  
江城追落帽載酒問南陽雁唳墟烟白霜高落葉黃仲  
文憐好節桓景惜茱囊簾外風聲入花侵笑語香  
座中多好古把酒快同登醉後詩千首狂來酒百升黃  
花欺白雁綠橘妬紅藤水繪看莫好千秋憶杜陵  
麗晴逢九日極目五雲高卷幔傾桑落開尊醉蟹螯誰  
人稱酒俠我輩仰詩豪樹幟來何暮新聲滿雉皋  
春暮送毛亦史歸婁江

東臯詩存卷之十七

壬

文園

春江歸路好驛柳正青青別淚霑驪曲交情共草亭烟  
光迷曉月帆影落晨星野水鳴幽澗難為獨客聽  
送家樸人赴閩

笑提魏戟出淮濱阿阮家聲總異羣幕府檄書飛海甸  
轅門虎節下將軍樸人為金瘴山弓抱鰲江月蠻塞旗  
翻島國雲玉帳談兵應不倦彭湖新見著奇勳

春夜同方邵村步月水繪菴

湘閣烟深花半殘鶯梭蝶夢織猶寒更看明月清如水  
却與先生坐藥闌

冒起英

字千子號笠菴有鶴渚軒草

登白琅高處遙望五山

不盡蒼山色登臨一望中羣峰連斷碧晚寺入殘紅忽  
訝洪濤響其如浩渺同寂寥誰作伴江際有漁翁

過石門

宵征遠望盡頽垣策杖前過古石門往事豈無遺跡在  
荒郊只有一碑存荆榛蔓草分殘恨苦雨淒風積淚痕  
不意幾經歌舞後遊人到此却銷魂

暮春招李子鵠淑問袁子正胡玉士余文賓飲

匿峰廬

東臯詩存卷之十七

壬

文園

天桃半落柳絲絲千里論交此一時山鳥亂啼春欲暮  
林花爭發蝶飛遲狂歌笑撚筇枝瘦醉眼俄看日影移  
遠野人歸殘照外板橋流水自漣漪

許掄

字公銓一字穎由選貢有慎餘堂詩

雨中訪寒溪和尚即次至日茶話韻

咫尺精廬把晤稀虛邱纔過踏霜扉鼓灰應節初調律  
花雨彌天靜點衣詞藻揮毫驚倒峽談諧捉麈愛投機  
一盂麥飯隨堂供細嚼寒松味入微

過寒溪山齋坐黃梅樹下

旭日照庭戶風暖霽色佳拂塵潔几席有吏來靈應寬  
袍杖方竹緇素少長偕班坐黃梅下抗言多詆訐浮雲  
薄富貴岳瀆饜芒鞋黔楚及幽薊南北天一涯剡溪歸  
晚棹舊雨尋館娃此集良不易主賓暢積懷炙飢佐酥  
酪隨意餉午齋尋行苦迫促瘦影移昨階

遊幻影廬次韻

步屨西城路探幽有此廬林空飛野馬水落見鯨魚霜  
草仍葱蒨風簾自卷舒引人徐入勝結構愛蕭疎  
深廊鴛瓦接迤邐策筇看徑仄門重開峰迴路鬱盤梅  
花水影瘦竹葉雪聲乾亦自成邱壑襟懷放眼寬

東臯詩存卷之十七

手

文圖

斥鹵巖巒少林臯物色饒俾連多掩映剎近遠喧鶯松  
菊懷三徑谿山憶午橋夕陽凝眺處烟樹影飄飄

立春前一日寒溪和尚過家父娛晚堂賦贈近

體時余正客揚州續和二首

歲晏衡寒跋涉艱勞三宿滯邦闔雪封睥睨珠為樹  
冰裹河橋玉滿山擁褐維舟頽岸下推篷染翰凍脣閒  
迎牛土鼓聲相逼冷落春盤盡日閒  
娛晚堂開侍老親翛然竹石遠輕塵須知渾俗棲吳市  
可似逃名匿富春方外追隨款風好箇中消息任天真  
箕山潁水當年事游衍林泉字散人

四忠詩次韻

車書溥海同一隅化自梗喪家走茫茫顧名義井井藉  
手為扶持緹峰鶴去冷樓船來石頭怒潮鐵甕打厦傾  
木難支月黑燈獨耿鈞黨痛李膺河山留片影

科名真不愧忠孝自能料空梁懸一綆斯事寧倖邀悲  
歌聲慷慨元凶慟未梟眼枯泣親淚血痕尺素標旌  
謚隆祀典春秋歲遙遙俎豆祠屋下魂兮何處招  
盤盤仙李根踐踏同陌柳磊塊起方寸把盃澆濁酒世  
鮮百歲翁皮囊幾不朽毅然膏斧斤何如天保九芳名  
萬古春編年竹應剗邱隴首重回抔土竟誰負

東臯詩存卷之十七

圭

文圖

憶昔西山士採薇嬉以游何獨吾宗子不見容邑侯長  
嘯辭親串捐軀性所優從容語廷尉鬚眉為之羞係纏  
咏歸去知命故不憂寂寂梅花嶺濤飛碧血流

戊寅元旦般若菴

高僧却向祇園集此地居然舍衛城膠柱瑟中憐錯會  
點睛鋒上見深情和尚開示般若大意幸聞擊鉢纔窺豹莫總歸  
山獨聽鶯從此履端稱盛舉年年人憶遠公名

己巳清和廿五日冒憲副百歲生忌

一自修文去不回亭亭華表肯歸來千秋淚向雙燈落  
百歲人從片紙開白髮兒郎真達孝烏衣子弟總奇才

幘聞懷見渾如在猶看斑斕捧壽杯

堂上衣冠優孟傳當場傀儡鏡中懸新蒲細柳還今日

鐵馬金戈自昔年俎豆應悲身後祝松杉徒咽龍頭烟

檀槽撥盡南朝事祭酒微詞正惋然是日寅吳梅村年伯林陵春

巢翁外祖小集慎餘堂同用先韻

草堂詩酒集高賢皤鬢相如老更妍詞藻驚人文浪濶

談鋒入座口河懸攜來茗椀香堪把看到梅花夜可憐

此會耆英空洛社楚山遙望隔江天

邀巢翁外祖看東郊芍藥雨阻未往攜尊得全

堂

東皇詩存卷之十七

雷

文園

紅藥新開丙舍傍扶疎獨自殿春光泥塗有意拘遊屐

尊酒重移到畫堂想是臨風還盡媚憐他着雨亦含香

烘晴晚色天堪卜相約明朝再舉觴

紀夢詩

舟中聞長沙郡誌知城西隅即岳麓山山有

道鄉臺北海李公碑記在其上私心竊向往

焉是夜即夢晤公於碑左公問巢民冒某無

恙耶其水繪樸巢興廢如何余悉以先生近

況對瞬息又隨公登湘中閣游還樸齋訪先

生於得全堂先生置酒款公命歌兒演漁陽

摻過正鼓聲填然余忽驚悟古人夢感神交

往往有之遂援筆賦此以紀異

二絕碑前逸興賒乘風御李渡星沙尋來湘閣幽人窟

夢去巢居處士家自有文章通寤寐還從傀儡憶聲華

奇才屈抑曾何限不盡相逢鼓欲撾

許揆

字敘百邑庠生

送內兄石宣六之任澧州

裘馬翩翩冠玉人璽書特簡出楓宸地當衝要徵書

急民歷烽烟播徙頻雲夢山川渾未改洞庭草樹待更

東皇詩存卷之十七

圭

文園

新此方應有隨車雨驛路壺漿擁畫輪

三世親情更比隣那堪風雨悵離羣鏡中霜鬢人初老

眼底春帆袂又分對酒仍同吳地月看山遙隔楚天雲

廿年曾下江樓榻澗草汀花媚晚曛

春日登碧霞山望匿峰水繪遺址有懷冒巢民

先生

懶向高臺千仞行碧霞山外暮雲生園名尚說巢中叟

詩句難尋石上盟蔓草荒烟徒有跡落花流水竟無聲

人歸何處頻惆悵杜宇年年叫不平

柳底聽歌踏月行繁華如夢隔前生詞壇舊好存遺老

酒社高朋半背盟春去幾家花不謝園荒二月鳥無聲  
滄桑莫向天公問缺陷何曾為補平

蠅頭曾記寫真行字字龍蛇腕下生筆墨惟餘今夕既  
風流誰續舊時盟林邊不見鬚眉影澤畔如聞歎息聲  
莫道鶯花娛客眼斷雲哀壑氣難平

清流門巷久經行老樹殘陽百感生却聘豈邀青史譽  
入林不負白鷗盟東京人物餘燐火南渡衣冠有哭聲  
我亦當時王謝子滿腔磊塊幾時平

過沙躍其園亭

老樹蒼藤破屋栽画廊空處小亭開人從仄徑紆迴入  
東臯詩存卷之十七 文圓

風打寒香斷續來一縷簫聲吹落照半牕松影舞深杯  
等閒莫問桃源路此地清幽絕點埃

春日尋邱公祠廢址

海上狂飈卷大旗將軍陷陣力難支黃沙白骨埋荒草  
碧血青燐有舊祠故老尚能談往跡書生空自泣殘碑  
幾回惆悵斜陽下誰酌春風酒一卮

村中訪菊

楓林如画裏無處不烟嵐採藥人難覓尋秋興頗酣白  
雲樵子路黃葉老僧菴徐步過橋去攜歸菊滿籃

春雨坐毘陵王線谷舟中聽金校書度曲

一曲琵琶最有情當年曾共坐吹笙人來画舫春風軟  
香到梅花夜氣清細雨簾纖雲外濕新鶯宛轉谷中鳴  
青衫江上原多淚漫撥檀槽譜舊聲

許拔

字庭藻

邀巢翁外祖看東郊芍藥雨阻未往攜尊得全  
堂

夏初紅藥當階舞玩賞何堪頃刻離白雪媿難酬好句  
甘霖欣得負佳期不妨他日重攜杖且喜深盃足解頤  
一月春風曾侍坐肯將花蕊自為私

東臯詩存卷之十七

文圓

繆芥

字公琰號若菴有若菴詩集行世

寄家念齋殿元

公諱彤字歌起丁未科狀元

夔龍何事戀林邱高寄長懷物外遊吳苑鶯花晴倚杖  
太湖烟月晚移舟榮名久已騰金馬逸興偏宜對野鷗  
聞說綸扉思故沃東山未許謝公留

和杜呂公

童叟村居白日閒慣攜竿餌過漁灣誰知一夜黃梅雨  
隔斷前山與後山

落花

昨日枝頭花正好今日花落何太早可憐倏忽別芳心  
惆悵堦前不忍掃

東臯詩存卷之十七

天

文園

東臯詩存卷之十八

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

冒襄

字无譽號鑄錯老人巢民先生弟邑諸生鄉  
諡清德先生著有鑄錯軒詩草

詠懷

涼風飄閒榭秋氣傷我心蟋蟀聞中夜白露下高岑  
東臯詩存卷之十八

文園

子思故鄉倦鳥失舊林獨坐不成寐愁襟理瑤琴世久  
無鍾曠誰能識此音

黃鵠摩長空斤鷄棲卑枝翻飛異塗軌羽翮各有宜力  
弱不自料思與黃鵠齊中路一獲落鳥雀羣見欺何如  
安枋榆飲啄隨所依

途窮躓駿足時至伸庸材按劍忽不懌凌風步高臺極  
目空浩蕩古人骨已灰鄴侯奮刀筆驃騎起駑駘一朝  
附龍鳳英氣被九垓何必困雕蟲坐令兩鬢衰

送別陳其年

城角蒼涼夜如水江干北風一千里故人駕言欲遄征

薄暮呼童具行李慨慷握手出城隅欲別不別謂驪駒  
酒酣相顧各歎息仰天熟視西飛鳥須臾月落孤城堞  
茫茫萬里江濤疊揮手河梁歸去來孤帆六幅輕如葉  
吁嗟聚散何太悲人生自有別離時去年惜別寒江畔  
今年又作送君詞君歸勿復傷遲暮世人誰愛揚雄賦  
銅官山頭百草枯好向霜天獵狐兔

咏懷

今日非昨日昨日已可悲明日異今日摧殘安得文何  
以解我憂瓶菊六七枝仰看青青葉亦復鮮華滋

韓鷹未脫背焉知天地寬河清不可俟筋力疲閒閨晨

東臯詩存卷之十八

二

文圖

鐘破冷夢哀雁噤肺肝殷勤謝明月休照鬢毛斑

飲酒須盡醉盡醉萬恨捐讀書莫弔古弔古寸心酸黃

茅蔽四野霜雪催芳蘭所貴任推運坦懷履險艱

猛火非不烈不鑠百鍊金嚴冬非不殺不凋松竹林小

人勢利移傾覆失恒心哀哉同根樹剪伐直至今

高譟奈若何歌與淚相續古道成荆榛新蹊難轉轍曲

行非我心直行羈我足曲直無所從徒勞阮籍哭

題許自超小影

無事此兀坐恥為萬物役松暗春雲深境幽午禽寂懶  
與世周旋那知歲改易遙情恣孤蹇瀟灑飽風日置身

片石閒誰與話疇昔

送別王阮亭先生和杜茶村原韻

緒風蕩柔條芳郊桃李繁節序值深春幽花覆層軒我  
公青雲器愍予情日敦前月來按縣征驂稅寒門荒園  
北城隅蕭晨敷琴尊嗟我苦羸弱久病傷心魂日夕但  
僵卧末由被春溫昨聞曲水戲賓從盈郊園詩成驚四  
座落筆聲潺湲微雨歇林杪暮烟迷山根無何唱驪駒  
騶從去邱樊強起隨伯兄祖餞追離轅揭軫一相送聚  
散如雲屯握手難為別似聞清夜猿愁霖復號怒兩岸  
風濤喧去水絕還波令人懷湘沅尺素自南來悽惻河

東臯詩存卷之十八

三

文圖

上言伸紙聊想衷形影歎飛翻

贈王阮亭先生

海內聲名王伯輿未成三十佩金魚九秋獨掌隋樓月  
千里偏攜魯殿書入座賓朋推北阮隔江烟樹是南徐  
只今為政風流地畫閣清尊祇晏如

壬戌暮春晤貴池吳子班泣然感賦子班次尾  
先生子也

下馬忽逢吳季子相看心緒轉茫然細詢骨肉情偏重  
驟述兵戈語未全千里閒關尋舊友十年偪側走山川  
乾坤此會真難得濁酒空堂劇可憐



冬夜同諸子招陳其年集愛日堂即席限韻

又見同人聚相邀還杖藜霜依衰草白月過小牆低滿  
目悲戎馬關心動鼓鼙從今頻握手日夜得招攜

辛未秋宮敘五寄詩見懷即次原韻

積雨消殘暑庭梧報早秋病餘驚老困書到慰離愁自  
笑身如燕誰憐氣食牛何時同鼓棹重與醉揚州

贈寒溪和尚其先人東林遺老也

盪胸雲氣挾江潮滇楚曾經萬里遙兩鬢風霜天地老  
十年戎馬羽書驕塵中度世非今我物外觀心是舊樵  
正喜遠公開講席便圖作佛傍雲霄

東臯詩存卷之十八

四

文圖

客金陵喜晤戴二元忝兼懷戴大務旃

遠客故人少相逢如弟兄惜君晨欲別今夜酒頻傾山  
樹晴天出江帆細雨生不堪追往昔幽恨杳難平  
聚散渾無定兵戈阻尺書孤身千里夢八口萬山居酒  
態今能否雄心近可除何時乘逸興訪戴過君廬

贈宋既庭

南朝名士說蘭臺賦就高堂絕妙才曉日鳳凰看射策  
春風鸚鵡憶傳杯江城每誦懷人作軍馬誰憐去國哀  
自是靈光今尚在篋中紈扇為君裁

壽張孺子六十即步原韻

傲骨稜嶒六月冰酒酣落筆興飛騰求名似我真無賴

離俗如君較獨能聊把一杯供洗硯好持半偈續傳燈  
碧梧門巷長瀟灑茗粥花谿退院僧

水繪菴夜泛

小艇回溪一徑深亂鴉叢竹晚沈沈小三吾下春波靜  
日暮瀟湘共此心

癸未中秋撥悶

極知來日少悲至輒呼天夜雨驚殘夢新涼怯暮年活  
應無我法死豈望人憐盜賊兼荆棘吾衰孰與全

可惜

東臯詩存卷之十八

五

文圖

舊雨飄零盡誰能怨老狂有時悲落木無語盼斜陽人  
向書中槁園成意外荒隣家多絕粒吾敢怨穹蒼

戊子歲暮雜感

秋夏移居西復東因人成事笑忽忽旁觀錯料營三窟  
辛苦無成七十翁

百斛雄文手自扛三千豪氣未全降寒風凍雨炎涼甚

不透重幃透紙牕

落拓襟期生事微故家喬木戀斜暉傷心斥鴳無豐羽  
敢擬扶搖九萬飛

落戶驚傳王四到兩人老態費安排如何詩酒流連夜

忽唱陽關惱醉懷謂歎

集賢街上下陽斜爭換新符映燭花閒把瓣香參佛座  
數聲清磬送年華

即事

兩載三遷客孤身七十翁不須悲去住均是此飄蓬短  
髮經霜白頰頰借酒紅始終行我法人或笑愚公

陋巷

陋巷絕車馬條然成古今聰明知日暖睡足覺春深守  
分貧原樂無求鬼不侵衰頰耽半醉把盞獨長吟

除夕

東華詩集卷之十八

太

文園

照人寒燭瘦辭歲晚鐘清尚有無涯恨仍從來日生椒  
花明陋室爆竹閒孤城憶遠心如擣蕭條悵獨行

暮春遣懷

本不勝涓滴年來愛舉觴苟非憂可解安用醉為鄉老  
覺糊塗好人憎爛熳狂醒時仍故我回首更茫茫

新秋

地僻逢秋好身閒與病宜空堂憐爽潔渠屋望迷離竹  
粉含濃露葵花足曉姿回頭聊問影此意汝應知

懷青若三姪合肥道中

忽復出門去飢驅七十翁世人嗔老賤知己痛途窮苦

淡休輕滴深情豈易通平原絲繡後惟見尚書公謂龔  
芝麓

月

霜月鑒毛髮寒威逼老人轉因眠不穩翻得夜相親病  
劇身仍健時危盜與隣素娥原耐冷定不厭清貧

哭宮半村

君忽先吾死吾生亦罔然老難當此慟天絕不相憐血  
淚高堂竭麻裳稚子褰幾時將絮酒匍匐寢門前

贈般若菴僧時福兒讀書菴中

城東般若寺七十始經過為愛遠公靜還憐春水多老

東華詩集卷之十八

七

文園

懷牽季子曲徑遶青蘿話久渾忘別真堪托嘯譌

喜晴

老子公然健秋天如此晴風輕披褐穩天濶少雲行翠  
色閒相向茶烟裊更清獨嫌頭上白今歲太分明

哭江二時化

花朝風雨過九日老屋晝掩坐昏黑喧傳我兄病膏肓  
口燥舌僵勢頗急我聞流言怒且詈小邑蜚語成積習  
少旋忽報我兄死擲書毀硯身傾仄失聲一慟路人驚  
僕黨妻孥同失色兄不負我我負兄不及寢門親永訣  
或云兄子盡豪賢鴻案齊眉均七十孫枝濟濟玉樹齊

清門傳業耽書帙一旦含笑謝濁世撒手懸崖依古佛  
黃童白叟無異詞共歎此君難再得生榮死哀何遺憾  
墨蘭翠竹留絕筆爾今年已近七十胡為不達長於邑  
我聽人言哭轉高餘生最苦傷孤特眼底同心五六人  
許石陳劉燭火熄謂山濤克安希若季發兄忍棄我又先歸如山  
悲憫誰能悉邇來少年大逼人故人行酒羞離席黃河  
太行起揖讓何必九曲褒斜始戰栗三十餘年性命交  
重泉閉後無消息哭兄之淚還自哭禿髮蕭騷百感集  
桃杏忘情依舊紅楊柳青青作寒食

丁丑元日

東臯詩存卷之十

文圖

士以癖成拙何妨老更狂強將青白眼還入少年場

重陽前十日至海陵宮六掌雷招飲

驚濤莽蕩擁危檣遙指吳陵即故鄉人世幾回逢一笑  
天涯十日又重陽江魚過露肥無敵園菜經秋味正長  
羨爾工文名自達會看起草入明光

哭伯兄巢民先生

出門一望一傷心憶昨霜天共賞音詎料樓成埋白玉  
翻憐無藥鍊黃金深情肯惜頻推解至性真堪問枕衾  
此日親朋齊巷哭中原絕意廣陵琴

甲子九日伯兄招同鄧孝威顧同叔余羽尊張

孺子顧水雲諸君匿峰廬登高

投足疑無地披襟始覺高百年惟拜石萬事付持螯白  
社留前輩青尊識酒豪便須終歲住三徑任蓬蒿

冬暮書懷

士有一知己何勞更不平世今無鮑叔人喜罵侯生需  
灑孤兒泣悲涼壯士情便應求半偈兀坐做公卿

甲申仲冬雜感

絕粒過三伏勞形更忍冬凍雲垂敗屋急雪濕鄰春捉  
筆晨抄史添香夜數鐘兒多能悞父無地可潛蹤

不禁淚如雨枕邊聞雁聲偷生難問世忍死愧無成骨  
瘦嫌余重燈昏見月明曉來防剝啄自起掩柴荆

東臯詩存卷之十

文圖

憶福兒時讀書般若菴

萬事不稱意方知客館閒烏啼叢竹碧犬吠一僧還此  
去漸佳境何須定入山麥畦凝望處大可破愁顏  
身健猶勞憶時危敢問天孤燈蕭寺裏細雨紙牕前春  
色忽已半梅香喜未全一枝聊寄汝為占百花先

冬日

安貧垂十載冬盡諱言愁仰面慚兒女甘心呼馬牛飢  
烏啼屋角點鼠聞牀頭半菽余初飽將何慰汝求

冒嘉德

原名禾書字穀梁號珠山巢民先生長子著  
有寒碧堂稿燕遊詩

上已後二日程周量先生招集慈仁松下

長安萬事看花好蕭寺城西逸興同馬首自尋芳草綠  
酒顏先讓海棠紅百年勝地餘孤樹一夜春燈感斷蓬  
辜負採蘭前日約嘯歌依舊對東風

送毛亦史歸吳門

江南江北正春烟一路東風送客船虎阜茶香新入市  
楓橋夜月不論錢落紅片片催鄉思折柳絲絲贈別天  
惆悵採蘭三月近可能迴憶永和年

東畢詩存

卷之十八

十

文園

長安雜興

飄飄岐路竟何之飽歷風塵感鬢絲檻外流鶯春寂寂  
枝頭紅杏實離離關心歲月瞻雲淚惆悵空閨攬鏡悲  
更憶家園因樹屋秋蟬疎柳月明時

白髮高堂感慨增盲風噩浪總難勝廿年貧賤依司隸  
兩世家門託信陵大纛高車勞羽翰衡茅菽水藉吳綾  
感恩自比春潮濶揚子江頭綠幾層

繁華消盡防人面入眼難堪生事違頻笑任教隨薄俗  
悲歌且自慰庭闈翩翩少俊爭橫綬落落吾曹合布衣  
燕市荒臺憔悴甚弓刀好趁打圍歸

於今誰復念閒關粉署風流縱往還官重樊川詩卷盛  
名齊北海酒杯閒十年夢繞珠江水萬里人依粵秀山  
聞道嶺南風景異梅花可似昔時閒  
生計迂疎自昔年那堪淪落益蕭然三閒賸有看山屋  
二頃生憎負郭田誰識往時曾結客堪憐此日飽風烟  
遙聞玉笛羅江怨裊裊愁聲到客前

金臺爭羨稻香樓無數春暉座上收從古才人清似玉  
由來高士淡于秋簾疎松影傷今昔帽壓飛花感勝遊  
庾信江南多少淚對君不復動深愁

垂楊官道已成圍宣武門前送落暉寒暑最傷遊子念

東畢詩存

卷之十八

十一

文園

塵沙易染客中衣掖垣香氣浮黃閣諫草疎鐘入紫微  
今日獨行重過此舊遊迴首思依依  
弱弟經年愁緒多每憂世事盡風波鵲鴿飛急綠繒繳  
池草春深付浩歌楊柳怨生誰折贈櫻桃會罷信蹉跎  
歸期準擬秋雲薄洗鉢塘西看卷荷

贈鄭蕤菴先生

先生天下士高隱三十年望之不可即忽遇燕雲邊春  
花依客榻紅壁圍山烟朝端思結襪歸計仍林泉昔與  
先大父嘯傲羅浮巔大父頭半黑先生方翩翩袁郎草  
露布倚馬竟長篇投分重相與莫逆真忘言大父悲謝

世松風冷華筵夕陽亭榭改門第空雲連家君甘跼伏  
兀坐類枯禪先生亦老矣回首共茫然一守南海曲一  
種東臯田賤子本漢落京華更迢邐先生相慰勞執手  
淚漣漣懷中有餘刺豈向侯門傳願從結廬隱粵秀好  
山川

贈苗焦冥

遼海有異人少小工詞賦身隱不事名陶然樂韋布中  
年學採芝驂鸞躡雲霧眷念易水深來就燕山路好道  
多公卿攀轅達情懷揮塵聽微言滿堂驚回顧客子邗  
江人風塵識高步聞歌歸去來千載增懷慕

東臯詩存

卷之十八

士

文淵

贈施匪莪司城

秦淮紅樹晚涼天命酒河亭說往年才子競投青玉案  
美人自賦白雲篇宦遊罷採千山藥貧賤惟耕二頃田  
相對燕臺多慷慨滄江回首隔秋烟

九日龔芝麓夫子招同紀伯紫白仲調趙園子

徐方虎曾青藜杜湘草陳康侯緯雲諸子黑窰

殿登高次康侯遊西山五韻

有隙中厨借大官管絃清畫集平巒秋深落葉空林老  
人到高臺野色寒不見萸房歸玉佩爭看錦字落瑠盤  
追隨禮法容疎放閒倚微雲學振冠

勝遊是處接芳尊回首青山與舊恩黃菊再逢仍客路  
白華遙望隔鄉園秋瞻御苑雲連樹地近高城月到門  
顧影自傷搖落甚江天愁思復誰言

清流聞說鳳凰臺画舫珠簾日夜開帳後師生新禮數  
樽前朋好舊塵埃才人藻績南鄉重處士茗華北地催  
桃葉桃根俱往事尋秋重為庾公來

晴峯古堞對嵯峨共聽松風謾謾過幾處落霞橫玉塞  
數行歸雁渡金河吹簫冶興他鄉少擊筑歌聲醉眼多  
不是戍樓催落木肯令車馬散明駝

亭榭風前樹影重江淮名士此相逢明珠神劍當秋合

東臯詩存

卷之十八

士

文淵

菰米松花到晚供檻外雲山紛雁鶩筆端風雨走魚龍  
夜闌再奏伊涼曲冷露垂垂拂酒容

冬夜感懷

所居在窮巷寂寂不聞喧四顧但霜葉含情無一言西  
風感遙夜遠夢生邱園此際憶明發歸期難具論  
家園豈不念豺虎日來過身世已無策人生其奈何塞  
鴻天外斷戍鼓客中多夜久誰相問沈吟發浩歌  
深寒驚薄簾獨坐擁孤衾即此清霜節難安白髮心羊  
腸迷近路鷹眼徧遙林安得改顏色從人慕蓋簪  
不知衣褐短但苦夜寒濃旅思如春繭人情尚夏峰燈

孤園落葉雨響送疎鐘慚媿炊烟斷送聞急早春

題李武曾澗園圖

壯遊車馬倦京塵歸臥柴門草色新金谷尚從圖裏見  
竹垞先約耦耕人

短布單衣岍幘斜朝朝抱甕為澆花邵平不向青門去  
世上誰傳五色瓜

贈張螺浮先生

十年霜雪老黃門一片孤忠世所尊憂國上書多有淚  
避人焚草欲無痕理輪不數當時直求劍還沾此日恩  
四海蒼生思碩果肯容初服戀荒村

東臯詩存卷之十

古

文圖

黑龍潭松下晚集分得三字

選勝滌煩暑結軫過茅菴崇林雜衆卉素楚明蒼潭上  
有空桑樹陰翳浮烟嵐肅肅涼蟬鳴遠峰歸蔚藍清燕  
集蒼舊豈必皆朝簪移坐傾壺觴微涼恣幽探雨餘風  
欲來漸覺酒人酣俯仰思今昔萬感羅清談百年曾幾  
時鬢髮將髮髮勝地在都市即次當再三邱壑意無限  
風塵聊自甘如何遊覽劇忽復憶江南

和韓秋巖先生見贈家大人原韻五首

家世洛陽城清風永嘉縣往再十四年流光疾於箭雅  
拜詣方舟數語廣聞見人生貴令名所憂非貧賤

累葉託通門嬋媛不能解結契金蘭幽當年成佳話盛  
衰亦無常繁華詎云快此會坐重陰迴谿入圖畫

緬懷探幽奇雄談追上下披襟對空林遊盤命杯竿吾  
父積憂虞倚伏安足詫菽水生古歡千鍾薄王霸

願隨黃鵠飛處堂羞燕雀雖云挺孤根式微同振簞窮  
達聊自安世情何輕薄相對不極驩含情待誰樂

風雨惜行人繁詞無足比有懷戀青松素心旌白水言  
歸樂田園荷鋤一經理更載河陽花三徑滿桃李

贈雲閒陸子淵先生

孤踪飄泊十年閒離畔秋花記往還何意征鴻迴歷下  
東臯詩存卷之十八

五

文圖

相逢車馬駐燕山風塵萬事惟尊酒今古愁人是玉關

千頃泖湖春水碧釣竿猶識舊時顏

君往遼西歷萬山斷谿荒徑馬蹄艱寒深碧海孤雲立

風咽黃沙塞月閒旅食出關監酪貴青春去國鬢毛斑

吳生憔悴真堪憶何日金雞放早還

送別黃天濤

相逢且漫說相思為誦燕山驛路詩落月三年懸客夢  
平原十日醉君卮愛吟紅燭他鄉共翻恨春帆江上期  
却羨雙飛頻騁望天津橋下合歡時

上已修禊水繪菴分賦

和風蕩林樾霽色搖春岑入門灑飛泉映水啼幽禽花  
竹日淡淹烟景何清深節序一以佳矧邁瑤華音握蘭  
正婉婉折柳嗟侵尋且漱溪邊石一聽邱中琴  
亭亭澗底松泠泠琴中鶴陟阿媚層崖激水映花萼嬋  
媛紅芳年暮歷青山郭惟恐鷓鴣鳴春花坐零落

送王阮亭先生北上

僕夫告行邁車輪何憚憚出郊授良綏涕下如沈瀾六  
年荷歡愛感激非一端詎止顧恩私實慮知音難夫子  
青雲姿流光照鴛鴦高文擅秩宗著書比琅玕鄙人守  
江介藜藿相盤桓憂至心易瘁事往居恒單追錢出郭  
東臯詩存卷之十八 文圖  
門賓從耀銀鞍豈無一尊酒簫鼓亦不歡飄飄晨風飛  
安得藉羽翰

吳子班大兄重訪家大人見投三律答和

幾載頻離合嗟予心力疲年華漏駒影門戶補蛛絲耕  
養辭榮辱灰心歷歲時近來荒紙筆不復責諸兒  
與君甘世外半世總三秋霜雪盈頭白江山到處酒  
銷南北史歌送古今愁同說人倫鑒龍門好共投  
升沉憐數子文友寶汾其年  
諸兄俱赴玉樓寧敢怨沉淪埋壁空歸趙  
懷珠不繫秦相逢畱草閣促坐惜花辰別去交魂夢天  
涯共此身

九月望後家大人集諸同志看芙蓉即席限韻  
時奉命去郡城歸和

為愛芙蓉好霜濃酒氣微美人隔遙岬秋色上清輝雜  
坐寧辭醉將車事暫違椿庭看不厭日夕啓柴扉  
壬戌中元薦其年長兄於定惠寺追和其己亥  
中元賦謝原韻以哭之

弟兄稱異姓半世附顏行星鳳歸河嶽雲霄失羽裳晚  
年登漢殿綺歲序滕王魂魄應來此精廬當故鄉  
蕭寺仍齊薦英魂痛爾添千秋成永別十載幸無嫌人  
事真難料天心何太嚴紫雲應在侍可復舊纖纖

東臯詩存卷之十八

文圖

冒丹書

字青若號卯君巢民先生次子著有枕烟堂

集西堂集

匡峰廬看芙蓉即席限韻

蘭彫蕙慘艷清霜屢屢植纔逢徧野塘欲語竟無秋水照  
含情更受晚風涼高枝面面畱春色小立亭亭抱冷香  
相對自憐憔悴甚停杯花下轉蒼茫

上已同阮亭作

憶昨風雨多寂寞寒食節今朝交暮春臨水濯新潔  
林塘恣遊豫竹樹匝芳蒼風流王右軍重作蘭亭會

苔錢石上生釣絲風中起時有桃花飛流入桃花水  
旦日洛水戲薄暮詎忽歸稍待新月橫流光上春衣

侍家大人集施潯江太守西園分韻

今夜仍圓月仰視天蔚藍暮秋好風景何以忘幽探西  
園數高宴東閣聆雄談我親荷佳招頭白髮髮髮同心  
三五人念茲稱盃簪嗟余久躋屈懷抱如春蠶遭逢得  
所托豁落歌酒酣况復老樹立擅樂烟露涵主人竟忘  
疲愛客星斗參欲別不忍去艤舟臨清潭

王阮亭年伯奉命祀南海由廣陵還朝賦

呈

東臯詩存卷之十八

文

文園

廣陵城郭綠楊遮舊日濃陰陰萬家重向華筵符芍藥  
成趨儉府映蓮花黑頭事業絲綸美大手文章禁苑誇  
今日佩魚懸彩筆平山賓客擁仙槎  
昨聞馳驛過江鄉驚喜趨庭喚買航再浴恩波新漲潤  
願依臺閣北風涼羊欣貧困真難說荀爽顛危最可傷  
父執若憐加拂拭餘生重幸立門墻

花朝後一日公讌得全堂和韻

開尊雪後放晴天重對何堅話往年謂何柳鹿莫訝舊遊雙  
鬢改不教隔路寸心懸貧羞雞黍親還健花發蓬茅春  
正妍共醉月明酬唱好過江此會藉君傳

奉答吳聞璋先生七夕見懷原韻

老來消受海東秋何不乘槎問斗牛獨坐茫茫雲過眼  
仰天歷歷月當頭數聲蟋蟀鳴鄉思一葉梧桐墮旅愁  
寄語先生休悵望滄波浩渺伴閒鷗

九日匿峰廬登高步鄧孝威韻

最好無風雨秋光上匿峰籬花分九日霜樹隱千重勝  
侶聽高雁仙人冷卧龍九日雨則  
仙人降扶親山頂立疎響小  
林鐘

山畔奪秋陽蒼茫野色荒良辰幾辜負愁裏借輝光厄

我茱囊佩貧餘菊酒香謫仙期未至何處快傳觴是日  
侍李

東臯詩存卷之十八

文

文園

鶴山先生

停杯驚節序昨歲客金陵歌舞傳芳讌文章憶舊朋歸  
棲傷老驥挾翅訝秋鷹重與南陽接高堂此共登昨秋  
修誌  
金陵讌金觀察署中時名  
賢雲集今不勝聚散之感  
鴻雁漳江去無情對濁醪半年頻入夢兩地各登高遠  
嶺擘江荔家鄉持紫螯弟兄深佇想雙眼望旌旄家兄  
客間

恭呈大司空孫屹瞻老先生四首

丹山有鳳凰奮翅凌太清麒麟濯靈時長飲珠玉英麟  
鳳不易違紀德通精靈夫子集嘉瑞麟鳳何敢爭仰天



麗星斗擲地金石聲珥筆躋秘閣光敷際 聖明王佐  
冠來籍師保荷恩榮鳳彩五色昭麟壽三千盈念茲非  
尋常侍從金馬庭

特命肅 明詔河水協靈祇上有唐虞帝疏淪得所宜  
淮南秉節鉞無不起瘡痍魚龍効神異江海洽天施畚  
鍤萬餘戶一一懷恩慈眷言惟已溺何異同已飢飢溺  
本帝心福祚隆 皇基

昨歲泣海濱迢遙指北辰浮天極波濤懷柔傾海神鴻  
公崇養老先及白髮親束帛賁邱園旌命殊駢臻小子  
驚駘質肅肅拜值熙春剪拂惠優渥沐浴懷深仁忘年有  
東臯詩存 卷之十八 干 文圖

司業貧賤交情真夔桐慚賞識終焉念沉淪泥塗何以  
拔登降懸龍津感知重今古仰答無由伸恩波揚萬里  
願藉起枯鱗

歷春及深秋遲迴仰層昊嘉節動重陽萬辰茂芝草金  
盤列繡糕玉醴浮安棗結佩萸囊紛食菊益壽考憲府  
鸞鶴翔笙簫滿瑤島仙降三山羣為致頌禱百世垂  
功勲河清通七表隨親進霞觴岡陵祝元老

贈水部吳戢山先生

帝念淮海民七邑誰優患優患謂寬  
漫其患也 平定命水曹慷慨  
疏汎濫効靈通神祇拯溺息鴻雁願茲頌河清言笑殊

晏晏

經歲獨勤勞勞績著水土既擅濟川才政暇窮今古書  
史性所娛風雅託鳳舉何遜美前賢抗立昭韞矩  
暮春客海陵太陽實葵向逡巡未敢前具涉期雋上傳  
聞信陵君吐喔得真放歸去仰北辰光華映風望  
閉戶滿蓬蒿悲秋苦不遇載詠窮鳥吟三復枯魚賦扁  
舟來楚水樞衣愜吾懷驚馬伏櫪鳴一顧倚高步

壬戌中元薦其年長兄於定惠寺追和其已亥  
中元賦謝原韻以哭之

貴賤兼生死交情託雁行招魂仍舊寺揮淚滿衣裳白  
東臯詩存 卷之十八 圭 文圖

髮辭 英主青蓮引法王綿綿神理接應許到吾鄉  
廿四年如夢存亡思轉添哭君嗟未死余三年前知我  
復再生 恨無嫌身後心同慨秋來氣早嚴夜臺何處是霜月總  
毫纖

癸亥中秋讌集李書雲仁安堂

一年圓月夜難得是中秋忽漫揚州路還登庾亮樓古  
懷真豁達前輩見風流持杖從親後情深共白頭  
追數龍門舊華筵此特開為憐佳節好深喜故人來天  
洗浮雲色人當桂酒杯千秋慕元禮三世繞蓬萊  
竟夕喧歌吹繁華入畫圖午圓開玉鏡秋艷奪明珠坐

對霜娥冷行看碧海孤舞軒燈月映吾竟託孤蘆

忽忽心多感清秋悵汝家重斟須痛飲不負此嘉招顧  
影慚金鏡回頭聽玉簫光華歸獻納莫使望雲霄

步家大人留別周貞茲友燕兩先生原韻

不知經歷幾春秋重和遺詩感應求父執久亡留痛哭  
舊遊忽到慰窮愁一尊今夕人如夢異代蒼茫夜聽謳  
展轉自憐生獨晚難追勝事慶時休

八月病中和余羽尊十三夜玩月韻

月傍中秋好清光入窈冥凄然人卧病誰與坐孤亭枕  
簾微微白窓簾的的青呻吟怨遙夜促纖纖殘星

東臯詩存卷之十八

圭

文圖

和十四夜看月

忌滿銀盤爛何人醉靜便隔年驚一墮來日恐難圓多  
病酒尊罷傷秋鬢髮憐願言乞靈藥羞對月華妍

和十六夜雲月

又說仍圓夜重窺素女嬌鮮雲垂玉宇冷露泣清宵愁  
思沈沈醉秋聲處處遙應知花樹下有客正無聊

和十七夜霽月

閉戶陰晴異推窓朗月升披衣如瘦鶴盈手抱春冰細  
數三年病余每至中秋皆厄于病徒傷萬里澄靜觀知擾擾寥慄

思千層

卧病書懷再用前韻

漳濱耽臥疾秋到每沈冥戚戚支空榻悠悠夢草庭日  
斜窺夜黑蟲響怯燈青疲欲昏朝暮愁添雙鬢星

連宵渾盡卧翻訝腹便便徹瑟音何響彈珠淚不圓長

年吾福薄刁達危病夢神告曰福門之子當享長年多病是誰憐只益成憔悴

容光辨醜妍

忽傳佳節至枕上怪姮娥萬感隨年逝中秋奈雨何照  
心期月滿攪鏡惜雲拖為憶江南夜高樓且醉歌時伯兄客

蘇姑

偃仰驚初寐悲來慘不嬌母妻都隔夢兒女缺中宵細

東臯詩存卷之十八

圭

文圖

藥貧難繼晨炊計轉遙白頭兼鞠育依倚慰無聊

徒悵沈疴積雲霄何日升故人皆美祿老淚迸寒冰身  
世飄萍在生涯爽氣澄坐愁行歎苦誰與拂層層

早發羊留店水阻汶河

中夜雨斷壑曉行天尚昏征夫畏前途客子心憂煩驅  
車過層岡石亂黃河渾草深沒大隄林木徒殷繁羣峰

突然立青蒼半雲屯行矣前渡河忽聞河水翻攪轡只

長歎愁坐憩荒村牀前月微白千里照家園

再渡汶河四十里抵泰安

寥落曉星垂振策陟河畔飛泉尚衝湧馳波噴沙岬頓

戀朝日升揖師杳難喚須臾集村農浮甕渡洪瀾中流  
惕戰兢慎勿恣放誕

澄霽風氣涼威遲息魂魄野徑既迴紆四睇飛岑白嶽  
靈接青天垂雲帶如帛穿林索纂纂槐花飛廣陌我從  
前路來今夕少踟躕亭午止奉高登山撫漢栢皚皚山  
下泉磊磊澗中石淺渚輕絃鳴瀑落練光壁寒裳攀藤  
蘿掬水漱清碧一為洗憂煎澄潭月如璧

六憶歌

陽春三月東風起灼灼桃花映穠李屈曲長隄亂早霞  
行人錯認桃源裏今年花似去年紅去年人醉桃花中

東華詩存卷之十八

文圖

文圖

自謂年年顏色好碧桃花底還相逢忽然春水三五尺  
春花飄泊嬌無力桃葉桃根絕可憐萬樹春鮮空艷色  
人生盛衰各有時莫惜花前進酒卮昔日繁華更何處  
遮莫桃花知不知

憶畫隄夾岸桃花

亭亭孤松何鬱蒼託根此地年久長密葉離離作鐵色  
虬枝偃蓋餐風霜嚴霜凜冽風簌簌歲寒不復凋寒木  
始知勁節競崔嵬只許奇材老岩谷一朝雨雹堆巔岼  
十圍古木驚彫殘蒼皮崩剝翠鬣死令我搔首增長歎  
百年此樹今已矣夜聽風聲悲莫止手撫孤松喚奈何  
我今愁作憶松歌

憶小三吾古松

西隣有垂楊曲岸依依婀娜長柔條低拂鵝兒黃春風  
掩映畫樓傍倚闌一望何輕颺忽然斫去生悲涼絲絲  
牽繫迴柔腸吁嗟乎西隣婀娜之垂楊

憶隔岸垂楊

水繪菴前一池水沉潭月出深見底大魚小魚千萬頭  
紫鱗翠尾何悠悠長汀短沼縱遊泳紅闌碧杜相沉浮  
一朝枯槁水傾竭長鯨暴腮遊儵絕須臾四面沉大網  
一擁數百橫相截揚鬣噴浪今已窮須臾夜捕尺澤空  
噫吁生物有誰惜俯首相看長太息河伯含愁對豫且  
誰誦枯魚過河泣

憶放生池魚

懸雷山前古雲碧懸雷山後高百尺前連疊嶂下青天  
後削懸崖崩大石截流半壁勢莫撐捫壑交藤路不識

東華詩存卷之十八

文圖

文圖

登臨半醉睨巔岼尚憶孤亭俯青壁  
平池澗水迴圓綠浮天萬頃生烟玉寒碧堂前雨派分  
右是浯溪迴九曲日落烟青白月輕小池如月轉東城  
孤舟搖曳不知處渚淺沙虛更有情如今地缺如月蝕  
滌回損却玻璃色海澗天空魚鳥歸局促此中惟太息  
憶小浯溪迴環故道

贈柳敬亭并題左寧南軍中說劍圖

玉帳登壇夜論兵將軍出塞氣縱橫可憐多少銜恩客  
寫向丹青只柳生

朱珠

宇石安號魚目例捐內閣纂修

過張朱鎮登雄峯大士閣眺長蕩湖

水光山色兩相連一帶沙隄一帶田長蕩卷來千尺雪  
雄峯撐住半邊天枯藤老樹龍蛇影翠壁丹崖虎豹眠  
傑閣臨虛霄漢近青雲紅日目前懸

題漁舟晚泊圖

綠波春水意悠悠飽食濃陰晚泊舟為慮風波平地起  
身家久矣託浮鷗

梅寓

東華詩存卷之十

壬

文圖

春信憑誰一寄子尋芳覽勝過幽居窗橫瘦影千枝雪  
屋繞清芬四壁書傲骨稜稜終未改冰心凜凜尚如初  
纖毫不染塵埃俗淡月寒烟總自如

新秋飲荷花館

新秋消酷暑薄醉送斜陽明月連江白蓮花入酒香雲  
開天漢淨歌怯晚風涼紅蠟高然處朱顏未卸妝

復過小姑山

湖口帆東下嵯峨一望間舟人來語我又到小姑山

紀夢

葉隨流水詩為證花嫁東風鳥作媒千里情懸憑夢寄

何年心核始成灰

邗江別友

草滑春深藏馬跡秋寒夜靜擣衣聲要知別後相思意  
燕市平山共此情

雒水別友

雒水東來急孤帆西去遲相逢又相別何日是歸期

秋夜泊連兒窪

寒氣近方甚鄉思此夜深披裘猶怯露對月止聞砧野  
水一舟泊孤懷萬里心豈甘作浪子顏色重黃金

春日贈江村主人

東華詩存卷之十

壬

文圖

茅屋三間水一涯幽棲門巷絕紛華有時兒女同沽酒  
無日松篁不瀟茶竹榻綠分迎岸柳柴門紅映半天霞  
賞心最是春潮闊開遍江村二月花

牡丹

輕雲淡月襯新妝千古佳傳一檢芳富貴有根隨處好  
風流無價入春忙嬌分曉閣凝脂汁味奪冰輪碾桂香  
一自上林遭謫後惟憑幽夢到河陽

王鼎

字鶴村諸生

贈張子殿三

屈指論交五十年廣陵壤接甌城烟登山同踏雙峯月  
望遠齊空萬象天漁火微明蒼靄外江濤怒激寺樓邊  
曠懷往事還如昨風景蕭疎不似前

吳棫茂

字函室號樸村邑庠生

孤松

五秩秦封化冷烟於今片玉自昂然  
鐵榦孤寒柱倚天共羨調高徵鶴和那悲  
滿前蒿艾誰相識風雨過從有倥傯

松聲

東華詩存卷之十八

天

文圖

種樹徂徠不計年數番天籟落尊前豈因風好聲偏叶  
若為山空響易傳謾鳴陰應和鶴冷冷奏雅欲賡絃  
赤松近日遊何處慨想伊人意惘然

疇昔秦封幸已逃何煩雜沓雲嶽蒼龍甲響千哇雨  
陸海秋鳴八月濤若以箴砭療耳俗豈將鼓吹節詩勞  
先生枕石方高臥林外狂飈莫怒號  
幸無剝啄到南村孤榦盤桓手自捫揮塵談如來晉苑  
掀髯嘯若出蘇門竹梅五荅原非寂山水偕鳴自不喧  
卻恐後凋偏惹妒臨風徙倚欲無言

吳玉存

字荆巖文學

蕪城懷古

孤城高峙聳雲屏自昔興衰凡幾紆到處野烟邛上水  
繞門荒莽竹西亭於今吳苑新橋改依舊平山古木青  
絃管朝朝盈畫舫閒情輸與醉漁聽  
枕淮控海遠襟江天下繁華更少雙一自風光隨運轉  
幾番憑弔未心降岡連輦道湮遺址觀冷瓊花易法幢  
惟有廣陵濤愈濶不分今古自淙淙

祝周中尊振菴夫子

九年纔一至公堂滿眼薰風日正長孔過應知歌父母

東華詩存卷之十八

天

文圖

曲成喜未峻門牆合歡香草沿階秀多子榴花對酒芳  
海屋雲連臺省路上林徐見鶴翱翔

吳曾矩

字獲先號可菴文學

賦得何處送春歸

何處送春歸春歸在落花夜來風雨急瓣瓣委泥沙  
何處送春歸春歸在柳絮飄飄散復團飛向鄰家去  
鎮日送春歸不識春歸路着意問東風東風悄無語

雪中漫興

松梢密灑似濤聲旋入茶鐺傲麴生但惜兩朝為學士

止將掬雪博清名

亂飄懸瓠白紛紛驚自高聲驚噪羣雪隱旌旗宵克蔡  
至今猶說李將軍

夏日郊遊

壯窗午枕夢初醒欲覓清幽步野汀滿岸綠陰飛燕子  
一溪碧漲點蜻蜓柳邊牧笛黃鸝和萍際漁歌白鷺聽  
遊興甚濃歸甚晚沿隄有伴是流螢

燕

簾幕陰中元鳥飛呢喃似問舊時扉杏林深處巢存否  
朱雀橋邊事久非傍社微風搔紫領餘寒細雨濕烏衣  
於今王謝門俱換問爾今宵何處歸

東皇詩存卷之十九

辛

文圖

東皇詩存卷之十九

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

冒禹書

字玉簡鑄錯老人長子有倩石居遺草

送九弟金陵

三載燈牕下窮經答 聖明秋風桃葉渡夜雨石頭城  
老至憎言別時違多拂情臨歧惟一語待振舊家聲

東皇詩存卷之十九

文圖

月夜有懷

何以消今夕私懷向月陳他鄉孤客影空谷一詩人地  
與心相隔情于夢轉真蕭然惟兀坐簾外白如銀

法印上人挽詩和文足原韻

不用悲歌感慨頻此生面目總非真雨花自昔亦多事  
面壁於今有幾人只是禪心千古在須知幻影一時新  
鐘聲敲醒塵埃夢剩有昂藏七尺身

秋來

忽忽年華傷暮遲秋來懷抱最相宜感時實下江州淚  
觸目空多宋玉悲蕭瑟荒庭鳴蟋蟀蒼茫遠水下鷗鷄

寥寥天地吾何託幾度臨風有所思

秋日送萼原歸窻

秋風瑟瑟摧黃葉十載相依盡此時目斷烟雲空有淚  
素車敢負故人期

冒殷書

字文足號何文廩膳生鑄錯老人中子著有  
黎雨堂春浮集何文居詩存

雪夜飲黃琴齋齋中

叔度能知我相逢醉不辭半天春雪急數陣雁聲遲好  
友情偏重狂歌意自悲酒闌清漏下此際已迷離

東臯詩存卷之十九

二

文閣

次宮方大感懷原韻

書空同咄咄曲盡九迴腸不飲心原醉多愁夜故長寒  
霜清更烈飛鳥倦還忙飄泊同流水途窮泣阮郎

撲巢廢址

寥落干戈外荒園獨樹奇野花開曲徑流水漲橫波蘚  
石空庭亂清颼古榭移不堪回首望腸斷是當時

憶古愚

念子徒長歎相思每棄餐少年言別易多病再逢難最  
愛孫登嘯誰憐范叔寒桂花開獨晚風雨夜漫漫

病中聞方大葬期

埋玉悲無極何堪病裏聞荒烟迷短草殘月下孤墳負  
土悲無子垂名幸有文傷心寒食近淚雨獨紛紛

天水黃先生飲松濤山房即席賦贈

秋風蕭瑟滿茆堂黃琬高標老更狂抱木窮蟬聲已歇  
橫空哀雁影初翔披襟對酒悲歌起促坐裁詩老桂香  
此日追隨頻掃榻驪駒未許厭他鄉

九日登岳王墩

風急霜寒鼓角哀紛紛木葉走黃埃秋深雉堞迷荒壘  
亂後人家半草萊短髮蕭疎容落帽異鄉天地怯登臺  
遙知伯氏茱萸酒應有黃花滿徑開

東臯詩存卷之十九

三

文閣

二月十九日

社日重陰午欲眠梅花香裏乍晴天池塘春草墳頭綠  
一慟人琴忽六年冥時是日生

哀卞處士

黃文九言忘不得貌言華也至言寔稂莠充斥苗已枯  
誰去螟螣及蠹賊我有所疑質之子羅鄩奚若鬼奚似  
富貴不如貧賤多但未知生不如死我聞新鬼大故鬼  
小誰見歸然六十老嗚呼若教氏鬼其餒而不祀忽諸  
甚于殀

柳花

日暮佳人莫倚樓  
蔓蔓古陌與芳洲  
纖腰可念眉堪画  
一過青春便白頭

午日和江有聲

佳節如何酩酊酬  
榴花紅處白人頭  
怕成東野元夫夢  
近畜雄雞當曉籌

夢對鏡六月十六夜

居然老瞿曇  
面黃鬚髮禿  
自見鏡中人  
不思飛食肉

過密居舍人

頻年誰念我憂與病同  
沈萬里仙人米時食葛仙米  
千秋國

士心亂蟬過城堞  
新水滿園林  
他日能勝酒  
重來望遠

東臯詩存卷之十九

四 文園

岑

喜雨

朝見秋霞紅  
暮見秋霞紫  
一雨殘暑收  
此樂可忘死

寄青萬司城

正對元方憶季方  
官河雙鯉到秋堂  
何人若此真慙隸  
有友如斯獨阻長  
夢裏風光梅萼白書中有梅放東歸之語  
愁邊

霜信菊花黃  
憐子采葛朝朝咏  
覓得纖絺帶淚將

杪秋過石甥寶常

蕎麥登場新麪成  
釜鷲重甃板魚烹  
江雲全斂暮鴻冥  
林葉半空秋笛清  
章句負人多白首  
糟醅扶我過黃精

連夫四十田園盡  
漫把春耕勸萬盈高適別從甥詩莫以山田薄今春又耕不

答范舍人

稻田已為鰥微子  
吾其魚更乞半閒  
屋時開一卷書舌  
存頭竟白綠盡習  
難除未殞無歸骨  
多年飫厚糈

茅屋

不知茅屋在城中  
烟渚雲汀處處通  
城麓當門似山麓  
一林鴉舅夕陽紅

謁方正學先生祠和季弟箕疇韻

麻衣泣血痛金甌  
三百年來第一流  
烟冷墓門抔土碧

東臯詩存卷之十九

五 文園

烏號廟樹亂山秋  
九原顧命真無負  
十族亡身未足愁

赤子之心君不失  
宜標正學表方州

寄范大密居肥鄉

同心猶自異行藏  
一臥孤蘆一遠方  
萬里君纔騰健翮  
十圍我已痛垂楊  
地連邊塞寒笳早  
夢入秦淮秋水長

回首里門少知己  
迢遙應憶孟襄陽

胡六孺墓下作

一首新詩墓下吟  
招魂學得楚人音  
烟昏宿草三生夢  
血醉高楓萬古心  
抱恨原非因許劍  
感恩終不在分金  
碑文有道堪傳後  
片石如何未可尋



得史大方山書却寄

參商不作一天星春盡魚書到草亭蓬頭顧君易老  
糟醲日月我難醒囊空看惹錢神怒好句吟教山鬼聽  
身事年來各如此離懷猶苦柳條青

湘靈下密居之榻雪夜話舊達旦前臯人訛傳

湘靈楚中消息

沈沈舊事總差池爾是微之我牧之簾幙風多消絳蠟  
地爐火燼倒深卮三湘誤隕招魂涕一夕欣成坐雪詩  
高誼定難忘仲舉莫因殘臘動鄉思

舟發里門

東臯詩存卷之十九

文圖

兼程舟擬宿三塘幾日家園又異鄉啼鳥不呼塵夢破  
飛帆未抵客心忙丁年雪早侵潘鬢岐路金先盡阮囊  
芍藥折來誰一寄驛亭垂柳復垂楊

無題

極意追歡極意哀且停絲竹罷尊疊青衫不耐長年濕  
紅蠟焉能頃刻灰雲水渺茫心上遠鱗鴻次第夢中來  
買絲難繡金難鑄合把芙蓉對面栽

黃泥山望江南諸峰

虎豹虬龍未可探芙蓉隱隱瘦江南閒雲幻作天邊嶼  
遠樹迷成水上嵐輕舉那能如鳥疾久看聊許學僧憨

買山不是巢由事欲揀諸峰結一菴

村中答箕疇

兩肘何曾恥捉襟但論身世感偏深正平路窘逢人罨  
叔夜燈昏對鬼吟藥物原無驅病力文辭不盡送窮心  
比來近市非吾意一臥孤村直到今

戊寅長至

臆滿朝暾起尚遲今冬屆節病相宜回頭鼠到生肝日  
過眼蛇當綴足時半世計疎東郭路連朝氣喪北門詩  
那能更戀屠羊肆擊柝抱關重所思

己卯上巳過顧大念哉

東臯詩存卷之十九

文圖

比來纔覺負年華馬齒驚心暗暗加百舌盡情啼上已  
東風着力落桃花管絃不結文人社詩酒聊尋處士家  
窮日追歡還卜夜嚴城何必鼓頻挝

過蔣子寓樓賦贈

日月焉能為客留已教締綌換羊裘兩條絳蠟難消淡  
十幅烏絲易寫愁無地可彈馮子缺有時聊上仲宣樓  
相逢何以真相得爾作駢枝我贅疣

不得箕疇消息悶甚是日雪

依人千里滯歸期悵望經年消息遲因斷來鴻同去鯉  
每憐爾女甚吾兒家山不入官齋夢春雪應虛客路悲

縱是歸來各無恙那能還似別離時

喜箕疇自樂平歸即和其韻

隔年揮淚餞離堂纔得攜家返故鄉麥稼偏教南畝汨

春歸猶作北風涼敢虛縞紵書經遠得樂平令石五中前華書兼辱厚贈

不負山川句擅長弟紀遊詩甚佳關我雞豚悲咤憤椿榮賴爾

一稱觴弟為家君介壽歸也

送徐子返淮應試

懸榻難留徐孺子踟躕不耐聽驪歌驕驕掠地悲鳴少

鵬鷗冲天健翮多暮雨愁余孤白社秋風送客到黃河

還勞漂母祠邇去為報王孫鬢欲皤

東臯詩存卷之十九

八

文園

贈唯我上人

文人末路半逃禪竟着緇衣弱冠年猛起道心真夙慧

早辭書債亦前緣並無頑石撐階下只有孤鐘落枕邊

野馬自飛芻狗幻難消塵夢絕堪憐

吳陵秋追悼宮十五方大也

老楓作雨吳陵秋田裏水高河裏流黃土才人永不起

青衫辭客重來遊攜衣聲裏昔年夢彈鋏歌中今日愁

宿草生芻慟何異墓門再拜呼扁舟

感懷

壯也于人總不如知交何怪此時疎未能假寐愁無酒

竟得忘貧賴有書中葉造家奇策少長年下第威名虛

身為贅物天尤贅七尺昂藏焉用余

雨花臺晚眺

雨花臺廢存遺址風景江南此地殊秋水鑑人荷葉老

夕陽送客雁聲孤名心冷後宜禪境鄉思衝來戀酒壚

身事未應悲落曾誰不變黑頭顱

不寐寒甚追悼葬尊

枕上雞聲分外酸酒醒何易寐何難四肢若與余相離

一夜惟愁火欲殘自悔有情成沈瘦誰知無句不郊寒

明朝擬拜徐君墓宿草淒迷那忍看

東臯詩存卷之十九

九

文園

春日經亡友葬尊故宅門前有古柳一株吾友

自題曰柳門今墓木已拱而此柳無恙人琴之

慟何如也作柳門詩

嫩葉垂楊連日生何為策馬西州行陶潛魂魄此應戀

張緒風流如可迎忍到堂前聽燕語曾於樹下作驢鳴

數圍不比桓溫恨華屋山邱空復情

怪物篇寄揚州顧友于兼慰喪子

天池之濱大江之濱曰有怪物易蟄難馴泥沙尺寸為

雨為雲物負其異人失其真習狃凡甲性狎常鱗枯魚

相弔變化無因人亦有言物屈必伸上下于天震電方

春耳聲目色迴出見聞子也寡昧閱物紛紜心賞神契  
適當其屯無以過之絕倫軼羣千秋亭下聞泣安仁經  
年離索強飯自珍敢勞卜氏下拜逡巡

辛丑冬日疽發背雜詩

良背失其象盜背無其容居然公子首偃僕齊庭中任  
重過木石欲蹶難扶節匡牀變戚施下策辭火攻庸醫  
掉臂去活我須梁鴻謂梁又文

梁鴻世親串淹通素問書朝攜刀圭至亭午已決疽枕  
簞愁血霰衣裳憎膏塗狗馬侈浩劫人天窮持扶婆娑  
顧庭槐勉強生枯株為德能有卒固非小丈夫

東臯詩存卷之十九

十

文圖

良霄能為鬼三世執政柄我亦思取精物向何人倩魂  
魄無由強有生多陷阱為鬼姑勿論為人拂其性

薄夫何以敦邑有長者存鄉先輩石樊山農部當其哭吾弟哀吾

家益屯不厭再三過霜晨坐掘門體輕人得藥此意與

誰言

弟死婦早寡苦節何人載若非黃口兒摩笄亦無悔碩

鼠無他長黍麥食門內泣釜豆無聲煮豆心猶在東山

周公吁王堤季友嘅人不可無年發憤癰遂潰

未與顧榮訣謂顧仲愉垂死輒復生何時執子手何時聞女

聲昨夜夢見女慮子奠兩楹憂患雖遭逢鄙哉多磴硜

三復夢中語書紳佩至情

四體綿瓜爬滋蔓難圖皮骨雖僅存心肝未全無猶  
願假數年采藥鍾山隅意不在蟬蛻無疾終微軀士燮  
叔孫姑祈死何為乎

蔣琬亦微疴謂璞莊使者接踵來受賜覲面目先施何有

哉我豈左伯桃公真羊角哀

寓公老王郎謂蕭村食力如徐穉河水清且連伐檀河干

實奈何貧客錢屢為病夫遺爾貧不辱身我貧已降志

泥塗不可居窮餓謝物議

狼疾不自顧相背童子詳洗濯如魚目醞釀如蜂房聞

東臯詩存卷之十九

十一

文圖

者無不散褚師聲子比謂衛侯曰臣有疾異于人若見之君將散之撫背垢相忘買

藥足重繭甚于疲津梁面目見中心所以動韓康北面

年最幼就養知無方事師我未能築室誰于場

實沈與臺駘二者主參份為崇似越俎淫厲未前聞信

巫非其鬼有物蔽天君時數不可為咎神亦深文痰疾

皆拂亂治絲焉可棼

投劉臨止

君家老潛夫辭人甘北面誰能嗣辦香祖庭亂飛霞先

生詩文宗填辭更盡善春風寫數聲見潛夫詞于今乃復見

因好深沈思厥長遂獨擅江南紅豆新芳草迎歌扇玉

皇供奉人不值承明殿曰歸未得歸寥落清秋燕鷗鳴  
水灌河萑葦一以變刀尺夢中寒商飈摧搗練巢林輸  
桃蟲生計空飛倦茅容有老母故鄉能不戀小友辱忘  
年過情聲聞徧或者千載遙得附林宗傳前日幽谷來  
酒錢倩親串於臯公為賓我未設一饌翻貺飲食人貧  
也若非賤有友皆如斯雖貧正復便

送費執御北上

鬱鬱久居此何如早問途鳴蜩三伏盡落日一帆孤辭  
賦窮名士魚鹽溷壯夫長安半先達能不念孤蘆

苦雨

東臯詩存卷之十九

主 文園

索寞一春病今年何處春空亭原似舫青草略如蘋耐  
冷花難艷啼飢鳥不馴人天同曲局久雨共長貧

答家甚原送木棉

羊裘三十載不抵木棉溫冬日難出戶詩人忽到門艱  
難推解意脫略有無言何以酬衣被應同一飯恩

送別澄江翁霽堂

小縣水無際青楊八月黃送君朝又雨速我鬢成霜貧  
極朋情闕老來詩卷忘雖嗜未能和威鳳在高岡

舟中和費執御兼寄鄧茗村

君歸吾作客何意共扁舟帆破稻花雨蛩喧豆葉秋兼

鼓遲白露燈火隔揚州鄉思多于髮詩成寄鄧攸

過五人墓

莫弔要離與專諸五人俠烈冠三吳早知市井多名世  
何苦衣冠不丈夫日落楓橋游艇亂譟殘虎阜墓門孤  
人生死所難同得一笑鴻毛視此軀

移居支家莊

移家直盡城南路寥落居人盡掩扉靜極有聲梅子墜  
老來無伴燕雛歸姑遲一食當再食更壞何衣補此衣  
安得相逢不相賤古今人似我貧稀

題從姪樸人泰戎洗馬圖

東臯詩存卷之十九

主 文園

錦官萬里亞夫營班馬朝同画角鳴老去依然愛神駿  
健兒為濯一泓清

花朝種竹

一年此日百花春多少繁花艷比鄰誰繪二妃蕭瑟影  
李夫人崇韜妻與管夫人

自笑

蛾眉曼睂目騰光修態嬌容綆洞房自笑不如玉溪子  
一生心事楚高唐

哭彌若族兄次盧邑侯原韻

撒手懸崖不轉頭一時頓放百千憂遠棺僅有能啼女

扣角悲無可飯牛養志何須求阿堵狂吟直欲撞烟樓  
天涯知己捐金斂苦憶侯芭伴旅愁

題琴齋書屋

高齋如画足幽情掃榻焚香景更清明月半牕人靜後  
秋聲疑是讀書聲

撥悶

花開花謝綠盈枝斗室香殘午夢遲病裏一春風雨足  
連朝喜聽嘯黃鸝

舟次泰州同鄧二穀貽限韻

我生豈愛長為客却比家居懷稍開禪理大都緣醉得  
東臯詩存卷之十九 古 文園

名心多分為貧灰三春只剩今宵月雨度同傾此地杯  
舟子陰晴偏熟識預愁風雨到江隈

寄箕疇樂平

春來離恨苦無窮西望何時馬首東千里攜家遺季女  
一年負笈伴童蒙梅花點點天涯白荆樹枝枝夢裏紅  
縱得故園消息到不堪此日尚飄蓬  
迢迢雙鯉報平安客裏遙知意緒寬最快鳴琴逢宓子  
不勞彈缺類馮驩遠天暮雨牀頭聽暖日晴嵐馬上看  
家累暫輕稽古好官齋書史一瓊攤

偷然難得異鄉身莫怨飄零秋復春采杞定憂親善病

陟岡休慮我長貧詩文甲乙多前輩風雨追隨少故人  
從古客星殊落落鄱陽湖上好垂綸

比因憶弟減容顏得句何人為我刪萬事俱從愁裏失  
百年徒羨客中閒過江米賤堪常住負郭田荒莫遽還  
一榻天涯清夢穩笑人不寐想家山

無題

人間無路接蓬萊海外空傳方士迴但是綵雲偏早散  
何曾翠羽不先摧秋風孤艇憶同夢夜月高樓疑獨來  
悔殺丹青未圖畫當時熟識此時猜

燕子磯晚發

東臯詩存卷之十九

五

文園

磯頭昨夜泊輕航夢醒帆飛透骨涼客興漸隨殘月盡  
歸心直似早潮忙江聲萬里波搖枕山色千重霧沒橋  
曉起凌風聊放眼縱非叔寶也茫茫

題畫

三月渡頭烟綠楊眠不起春濤颯然秋荻蘆打船尾

苦雨答友人

吾輩覆釜形雨多不得瀉十年借廬居秋水來牀下

題伯兄面壁圖

秋分鵬鳴衆芳歇摧敗零落景光瞥辟之少壯必髦鬢  
陳陳相因新新勃張目俯視蟻行蛭先生獨從壁上觀

人奴封侯若奇絕

幼好奇服老不衰瘦筇破笠空徘徊相君之背非塵埃  
心頭寸寸昆明灰皇天老眼安在哉不自我先不我後  
却見斯人面歸來

披圖了了談易理京房不如董南史

董秋詳題  
辭言易理

屠狗推

理艷羅綺從茲季女飢方始荷蕢荷蓑而已矣願兄竟  
學古瞿曇閉目蒲團坐不起

去年今夜

牀上秋霖竈下迸竈下炊烟牀上橫逆旅主人呼不來  
逝將去女吾事竟嗟予已卯迄甲午六度今宵面如土

東臯詩存

卷之十九

末

文園

金陵兒女作中秋秋中無月有簫鼓江東病客泣夢魂  
鄰婦殿屎時復嗔早潮勿似晚潮惡明朝又出水西門

將之白門別蔣璞莊

夜來涼入枕頻夢少年游客感三旬別天爭十日秋居  
停山共水行李驚和鷗多少窮途淚惟從鮑子流

哭從弟小山

明知旦暮死猶望數年生朝僅苦太速秋蟬嫌過清本  
無壽者相何有偶人形杯酒棺前勸為君唱渭城

秋懷答范密居

微子誰子問秋懷落葉同褐衣捫蝨客桑野祝雞翁去

食貧當決懷居老不工自從過白露終夜視燈紅

生日憶門人李生

多少無聲淚時流几上醴與君長別日是我始衰年風  
歇葉猶響霜乾花不鮮相依實為命豈料及黃泉

乙巳夏日雨懷

再雨事難測所憂非黍苗一春無蚓唱五月不鳴蜩小  
扇芎時佩洪鑪朮日燒侯芭聞勿藥清夢似前宵

百勞非敢情對面失其羣夏木帶秋葉朝烟幻暮雲力

漸南畝食甘懼北堂分

老母每  
食餉予

有殍非天命良由嗜典

墳

東臯詩存

卷之十九

七

文園

新茗宜梅水支鐺亦憚煩遇人殊意外夢鬼匪思存不  
共蛟潛壑而隨蝨處禪幽幽目無見曉起已黃昏

黃雪聲堂盆荷

腹純白邊微紅

素亦可為絢藐姑射之神此來殊不負昔夢總非真積  
雪分殷頰凝脂釋絳脣誰歟影相弔幽鳥與幽人

蕪城

蕪城見說碧城同幾度經過思不窮腐草依然螢改火  
垂楊只有燕翻風節過寒食芳洲綠人倚斜陽画舫紅

且喜安瀾接淮海太平無復事朦朧

有贈

蓬萊原自接塵寰青島無煩數往還滿院花香更漏淺  
半牕月色酒盃閒曲傳趙瑟秦簫外人在春山秋水閒  
他日迴思應似夢願求上藥駐朱顏

別王瑞雲

猶有何戡執別裾江南楓葉眇愁予何年重續長干夢  
細雨寒塘看打魚

燕子磯阻風

風信柴門夜打牕燈前愁坐白頭雙此時如見先歸客  
應悉春分已過江

回首

東臯詩存卷之十九

太

文園

豆蔻牆頭秋月明涼颿作響露無聲百年此夜難回首  
待旦郊原葬李生

冬日方鄉三來置酒

膽瓶就日曬黃梅溪上柴門午未開不是深山亦窮谷  
感君攜得酒錢來

題画梅

客來頻問小三吾玉勒金鞍興轉孤寫到林逋腸斷處  
江南春事有如無

短亭孤棹凍雲流姑射神人影却留別後青青見梅豆  
夕陽芳草澀鶯喉

題友人画

白露橫江水接天江聲繪出斷崖邊水西門外三年夢  
曾似先生夜扣舷

一片青山坐讀書秋林紅葉愛吾廬自傷牛馬風塵態  
不及悠然水上鷺

沙棠楫小便操舟漠漠春陰喚鶻鳩燕子磯頭秣陵客  
幾翻暮雨聽江秋

送別宮瑤池

諧此一盃酒為君壯遠遊感君十年意相送到揚州

為甚原題徐雪堂画梅扇

東臯詩存卷之十九

尤

文園

徐子詩無敵更愛寫羅浮紈扇休輕擲春風何限愁

病中敬步家慈惜蘭原韻

天然九畹絕纖塵雨過香生色更新忽訝枝頭憔悴甚  
殘花却似病中人

海陵寓寺

離家三百里書達老親遲風雨有秋意關河多夢思佛  
龕燈燼後禪榻夜深時歸去躬耕者諸生安可為

冒福書

字箕疇鑄錯老人季子諸生著有桐蕉書屋

詩題齋紀年詩

己卯秋日同宮半村遊紫琅諸勝

江上一片秋山青山下一帶秋江冥江山各奪遊人目  
分外爭秋呈秀靈爾我山中一攜手踪跡何異江之萍  
人生眼底苦不潤遂使胸臆不能脫太虛浩蕩自無涯  
終南嵩華直一撮海外三山亦藐然何有五山在天末  
奇懷只是山靈知山靈與我長相思我來放歌震林麓  
山靈著意弄幽姿芙蓉初浴微霞抹瘦絕峰巒暗淡時  
山雲變幻疾于駛人世升沉皆如此百年旦暮將母同  
何為悲傷難自己千秋清淚灑牛山此中不曠徒爾爾

吳陵大雪同家兄文足登岳王墩懷古次家兄

東阜詩存卷之十九

壬

文園

韻

堅冰如鐵填官河久客懷歸歸復止積雪盈尺新雪加  
往來全沒行人履相顧無術驅旅愁寒裳冒雪踏荒壘  
憑高放眼豁心胸飛絮撒鹽更不已玉宇瓊樓高下迷  
太素一時千萬里墩似山谿誰築之傳說岳家名父子  
敵兵遙望避天威難下雄城加一矢巍然祠廟踞其巔  
魂魄千秋應戀此蒼天夢夢負孤忠景仰不禁悲感起  
翻因弔古切鄉思明日天涯臘盡矣

讀史偶題

人閒烈禍鄙夫貪快意焉知後不堪下箸翻忘生計侈

排牆應悔宦情酣激昂肯負聞雞舞睥睨何妨捫蝨談  
七尺虛生真可惜千秋功業待奇男

雜詩

逃名固牢騷盜名亦齷齪笑非郭林宗人人巾折角  
唾手取青紫自顧誰得似那知天地閒儘有遼東豕  
不必遇帝王小心承嫚罵過此便驕人可憐負清夜  
甘脆足自娛綺羅足自奉方憎說了期吁嗟墓木拱  
殺身報知己前言猶在耳一朝忽我讐金盡誰國士  
孤芳羨芝蘭且恐桃李逼那堪空谷中此日生荆棘  
凡馬欺驂駟終日氣彫喪舉肥豈有心舍此不能相

東阜詩存卷之十九

壬

文園

烈士嘗感恩傑久每忍詬恩重詬可忘涯昔報何陋  
良玉必終識深山那能匿豈有命世才棄置甘偪仄  
我思古之人著書堪不朽庶異閭里兒但知麥與韭

錢塘曉發

勁櫓爭搖鄉夢破風迴身已過江南遠帆疑自雲閒出  
鄰艇時從霧裏探吳水驚心千尺浪越山回首萬層嵐  
春寒只覺今朝甚漠漠長天雨氣含

潯陽得文足家兄書賦答

相思誰似弟兄真書達潯陽滯四旬楓葉雨寒前浦雁  
蘆花風老隔江尊遙傳築墅名丁卯近說編詩首戊辰



入夜尚能斗酒否好緣雙鯉問精神

同錫九章孝廉允懷堂聽雨

連旬多苦雨欲歇又縱橫衙鼓不聞響山松常有聲憐君今夕意似我故鄉情書去應遲到江船未可行

康郎山功臣廟題壁

世遠人皆盡歸然剩一祠舟尸漁子日天隕將星時於此魂方妥當年事可危原非求血食竹帛要名垂

舟返章江夜過北蘭寺

夜返章江棹禪關面水隈風吹清磬落月起曉潮來空憶林閒雀難探屋角梅此行千里別經過重徘徊

東臯詩存卷之十九

圭

文圖

螞蟻灘舟阻風雨

過灘過灘灘水急灘中石笋撐舟脊山色忽同水色昏雲脚低垂天如墨魚龍奮躍走雷霆盆傾苦雨無休息十日灘頭不得過邪許用盡舟師力移舟孤繫荻蘆邊拈韻敲詩遣永日十里沙汀落雁鴻四月草根鳴蟋蟀此時空思飲酒歡此時空歌行路難君不見螞蟻灘

槐木將軍

明太祖與陳友諒戰于鄱陽湖陳郎山師潰太祖避箭槐下得免後封其

樹為將軍命有司歲時致祭

猶見當時稽侍中並無血濺帝衣紅簪纓不必林閒繫俎豆何曾樹下空川嶽千秋儲大棟虎羆半夜遁靈風

不材豈盡天年得蔽日于霄今古雄

山行口號

風雨崎嶇路行人日暮難援聲過峻嶺馬足澀平灘松合千峰暗山深五月寒華門堪信宿猶愧具壺餐

七里灘

灘水自清漣終朝客不前衝沙頻湧石拋漿競扛船樹匝千巖瀑山留一綫天何如雙白鷺驚起又閒眠

小姑山

初日芙蓉秀更癯我來意與境同殊長江苦作銀河隔不使彭郎近小姑

東臯詩存卷之十九

圭

文圖

月夜江行

青山頃刻白雲生月下征帆蛺蝶輕打槳不歌江右調知余魂夢廣陵城

雪夜懷友

此夜寒威何太酷惺明亂紙地臥竹被不能溫睡復醒古詩枕上移燈讀忽憶故鄉有故人四十無聞雙鬢禿歲儉何堪歲欲終蕭然踏雪歸空谷架上應多千載書甕中知少明朝粟記得三塘送我時慮我雙親眉常蹙我自季春別高堂殘冬西江歸未卜西江遍地起青山山上白雲空滿目願將白雲寄知音此時和雪煮為穀

不寐

永夜難成寐，匡牀思不窮。高堂千里別，孤館一燈紅。滴盡芭蕉雨，吹殘楊柳風。聲來枕上，爭入客心中。

宿山

行李初停萬慮空，登臨竟日興何窮。三更清夢尋山麓，一榻孤亭臥石叢。飛瀑噴殘中夜雨，怒潮卷盡大江風。此來倍覺增惆悵，無限滄桑二載中。

范大猷

字聲著

隱玉齋

東臯詩存卷之十九

雷

文園

洗鉢湍流漱石鳴，當年曾和讀書聲。昔人不逐殘碑沒，虛室還鐫隱玉名。歷歷梵音度古寺，青青草色覆危城。到來俯仰情何限，鄰鶴歸飛唳月明。

蘇宏學

字景瞻，號覺齋，候選知州。

謁選都門，重陽前五日過張再青讌集，有懷鄉園。

園

清宴高齋興有餘，黃花紅葉滿前除。經生綰綬五旬外，陶令飛觴九月初。夜雨不妨尋夙約，秋風偏易感離居。燕山多少南飛雁，好倩江干一寄書。

程國才

字周士，號隱山。

客崇川天寧寺

山色蒼蒼樹色濃，接雲梵剎拱狼峯。風傳幽磬禪關靜，月照迴廊塔影重。點點蕭疎秋夜雨，聲聲開覺暮天鐘。客遊來此情何限，竹院浮生不易逢。

劉鍾愉

字孺顏

隱玉齋

曾相趨庭憶昔年，讀書別業景幽然。水明臺角留香月，金點苔斑護福田。柳院霧深知豹隱，杏林風暖聽鶯遷。

東臯詩存卷之十九

三

文園

蕭齋千古基，仍在渴想前賢品。玉涓

東臯詩存卷之二十

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

薛開

字展也號木斧

秋杪集巢民老伯還樸齋看菊步工部九日韻

商山一老饒幽興樸樹齋前築菊臺五夜星稀孤鶴立

千杯電醺萬花開客從野墅攜琴至我自荒村策蹇來

東臯詩存卷之二十

文圖

愁思正須詩思曠無勞刻燭更相催

鴻飛閣外數聲哀嘹唳西風去復回對酒翻悲秋已盡

看花恰喜月初來祇緣夜護霜前葉不畏寒登石上臺

卻笑漏殘歌管歇留連猶自戀深杯

久客五琅補和得全堂公讌

坐雪書空但問天五山作客度殘年老人病後心猶注

遊子歸來夢不懸梅蕊初開何浹花朝纔過更鮮妍

未逢前會欣今會春酒無辭百盞傳

何郎得晤仲春天

詞京口何御虎

屈指離分廿八年越席言懷情已適停歌論別意猶懸樽中醺醉人須醉嶺上花枝

他自妍海內詩篇爭附選好尋佳句待君傳

時御鹿商刻詩侯

曉步

蕭蕭野色曉山青卻帶松風拂露行雨氣全收孤寺見

烟光直上一村明漁舟解纜初翻浪獵騎頻嘶早出城

最是客心傷遠望等閒步屨亦愁生

堰口雪夜黃天濤齋中晤焦獲孫豹人即席分

賦

臘殘不解還為客客裏逢君作客同雪積路迷千樹白

酒醒心折一燈紅刺溪棹繫郵亭外堰口詩成別夢中

料得明朝增悵望依然渭北與江東

東臯詩存卷之二十

二

文圖

薛斑

字脩遠號止菴有四壁齋詩稿

冬夜集巢民先生天放堂限韻

虛堂來舊雨薄暮綺筵開叉手閒尋句巡檐笑索梅疎

鐘蕭寺冷畫鼓成樓催此後須頻過無妨一百回

花朝後一日讌集得全堂即席限韻

春風已過養花天舊雨重開似昔年異地友朋皆畢集

佳辰燈月又雙懸乾尊雪霽光逾燦梅蕊冰融色更妍

一曲開元人共醉中宵莫放漏聲傳

四壁吟

吁嗟乎半生牢落風塵裏坎壈盡猶如此極目交游  
感孝標世間孰是魏公子頻年奔走長厚顏艱難轉不  
憂過死吾家昔日曾富豪門庭赫奕驚兒曹詞客當筵  
歌白雪酒人列坐排金貂荏苒歲時桑海變過眼豪華  
都不見廬舍田園已作塵蒼頭使令誰相戀傳家舊物  
今何在審視惟存筆與硯斗室蕭然四壁傾淒涼鎮日  
掩柴荆三春婦歎愁難說午夜兒啼慮轉橫悲來仰天  
一狂叫哭無淚今復長笑丈夫七尺骨峻嶒豈為濁世  
驚貽料君不見成都昔日病文園家徒四壁無可論當  
壚自着犢鼻裋褌眼中何有豪富之王孫又不見原子家

東臯詩存

卷之二十

三

文園

貧衣露肘四壁之外無所有貧也非病不肯受人憐能  
使富貴之子慙愧下堂走我今試作四壁歌攬衣環顧  
吟且哦四壁四壁奈爾何

送冒公履之三水

露滴秋衣桂子香送君百里駕孤航雖無別慮經年遠  
亦有離愁去路長滿目蘆花隨地老半隄帆影逐風狂  
歸來應傍重陽節好向臨邛典鵲鴛

同周鐵珊先生集舍梓菴限官字

麥隴翻風四月寒吾儕送興未曾闌數奇只合依三寶  
命舛何須戀一官人喜無營堪縱酒時方多難強為歡

相逢莫漫嗟為客末路還宜放眼寬

揚州夜泊

夜泊邗江岸荒城早閉門人經百戰地舟聚幾家村  
眼波臣月驚心望帝魂淒涼無限意咄咄向誰論

贈別鐵珊先生次南村韻

一代推名宿風流正壯年歸休花縣令招隱竹林賢  
比諍雲爭迴摘文藻奪鮮為君占紫氣遙接海東偏  
月旦評江左君當第一流憂時闕去就混俗信沉浮  
有詔來丹陛如公尚黑頭蒼生尚屬望僻地敢淹留

贈余羽尊即次元韻

東臯詩存

卷之二十

四

文園

北風凜冽送寒聲四壁淒然笑此生喪亂頻年多失意  
盍簪今日倍含情清尊坐醉霜林晚夜話行看斗柄橫  
自是君才堪宰社塵埃惜未識陳平

立春日同戴介眉放舟三塘訪鐵珊先生

萬井春回曉氣清相攜訪舊出荒城慙無才地同王聚  
剩有窮途類阮生野徑雪消千樹濕河橋冰解一舟輕  
行行笑指三塘近會見高人倒屣迎

送王公佩孝廉歸臨淄賦得馬繫庭前柳

送客高樓日已西珍珍嫩柳綠初齊當筵莫向庭前折  
愁見蕭蕭班馬嘶

春感

老病人扶再拜難杜板扉雖設可常關蓬蒿狼藉需童  
掃詩卷蠶叢倩友刪臥起枯腸空九折竭來破屋只三  
間到門貴客休投刺且放衰翁一日閒

紀夢

海天深處有蓬萊巨筏乘風遠溯洄似劍奇峯環洞列  
如龍怪樹倚雲栽丹爐茶竈無新火石磴藤牀半古苔  
七十三人未返野烟空鎖故山隈用白樂天事余年適與白符斯夢亦非偶然故紀之

藍田雜感

東華詩存卷之二十

五

文淵

官舍羈棲百感繁孤燈獨夜旅魂驚牛衣泣對思鄉里  
襍被歡眠憶弟兄九折腸同車轂轉三更月傍紙窗明  
支頤欹枕難成寐淒絕城頭戍鼓聲

登華山

巍巍華嶽勢崢嶸西鎮秦關百二城雲卷蓮峯天外秀  
露凝仙掌日邊明希夷嘉遯成今古太白高吟著姓名  
我亦來遊重回首殘山剩水不勝情

贈榆波較書次冒巢民韻

迴廊小立拜深深鴉鬢橫欹綠玉簪星眼低垂情萬縷  
櫻唇微綻價千金衣衫搖曳輕無骨話語閒挑亦有心

問爾懨懨緣底事傷春病後到如今

重晤黃龍士賦得相見時難別亦難

相見時難別亦難眼前不覺又春殘三年契濶愁無限  
十日牢騷興未闌岐路徘徊同子天涯聚散各悲歡  
與君贏得癡狂在話到驚心骨盡寒

四哀詩

彈指俄驚六十年曾看滄海變桑田峰屯秦塞終歸劫  
沙漲錢塘莫問天旋轉難逢生馬角焚荒恨不及龍泉  
空談尊養成何濟贏得隨人說代遷

東華詩存卷之二十  
滿眼兵戈擁上都相傳南渡定成虛全身恥學難籠鳥

太

文淵

強頂羞同泣釜魚此日寧為袁粲死他時免笑褚淵疎  
甘心玉碎扶名節不負當年讀父書

千里間關事海溟厓山氣盡勢難憑主恩未報生猶覲  
臣罪當誅死足懲不願黃冠留信國惟期碧血化莖弘  
秣陵累累多荒塚鐵骨誰從認李膺

三百年來水土恩還逢陽九識頑民補鍋肯使身存活  
賣菜能攘血染塵三尺青絲延國脉兩行碧宇見天真  
當時多少冠裳客不及江鄉一野人

鄧永年送牡丹一枝

一枝分得自南陽也算吾家有國香挿向瓶中嫌露少

攀來檻外怕風狂玉樓春色真無價金谷名葩本自芳  
忽憶廣堂聯舊好共將詩句酬花王

九日洪雲瞻枉顧問疾兼賜佳章次韻奉荅

一病顛連夢不聞多君九日過柴關和詩強執牀頭筆  
訪菊難登郭外山藥餌那能延歲月風霜自足損容顏  
明年願得身長健共采茱萸醉酒還

徐文度瞻雲枉顧問疾兼惠藥資賦謝

臥榻朝聞鳥雀聲爭傳有客到柴荆南州少俊情多摯

西日衰翁體亦輕險韻驚人詩強和文度病臥窮愁

擾我疾難平相看不盡惓惓意餽贈同心羨弟兄

東臯詩存卷之二十

七 文園

薛彬

字含芬諸生著有浣香亭詩草

蕪城懷古次吳園次先生韻

蕪城聳翠鬱嶙峋覽勝空懷故國春吳苑蕭蕭生白草  
隋隄寂寂暗黃塵三千粉黛留幽恨十二紅樓憶美人  
歌舞即今銷歇盡夕陽西下落花頻

賦得原野有秋色

露竹風蟬兩岸幽晴郊佳氣望中收蕭蕭蘆荻楓林晚  
瑟瑟梧桐枕簟秋霜老天高紅葉醉山青雲散紫烟浮  
夕陽古道登臨外欲灩波光泛野鷗

真州曉發

衝寒走天際烟水漫悠悠月落江聲靜雞鳴曙色浮孤  
帆千里客一枕五更愁曉發真州路雲山望裏收

登狼山

狼峯聳翠遍江皋結伴登臨詩思豪天近花宮飄法雨  
風吹梵磬落松濤樓橫碧霧人聲迴江帶斜陽塔影高  
縱目蒼茫烟水濶春山絕頂醉香醪

蘇隄夜月

蘇隄風景好柳浪綠鋪平水色連天濶山光落澗清  
橋餘古蹟畫舫雜新聲逐處迷遊屐烟花醉月明

東臯詩存卷之二十

八 文園

客真州仝偉中元執夢鳴霞儀暨家士表蜚英

豫佳崧巖弟遊榮園

結伴行吟處高臺古木中苔痕三徑碧楓葉萬山紅  
亂石迷歸路清波帶遠空城南風景好疑與武林同  
登牛首山懷古同汪梅坡徐方虎兩太史

登臨閣道水雲連突兀雙峯挿碧天寂寞山留千古蹟  
依稀寺帶六朝烟雄圖自昔銘鼎勝地于今叫杜鵑  
回首不堪頻眺覽蒼松白石草芊芊

花朝後一日得全堂限韻

撲巢烟樹接遙天徑曲峯回勝昔年洛社耆英千里合

高臺月鏡一輪懸夜闌歌管移情遠春半梅花逐處妍

讌集羣公多韻事歸舟時望好音傳

時何卿鹿有五琅之遊

輕風淡蕩早春天柳鞭鶯嬌又一年花信昨朝烟景集  
燈光此夜彩雲懸輞川亭榭幽偏曲工部才華老逾妍  
刻燭分題頻索句附君騷雅共流傳

秋日客廣陵望家報不至

魚書終日恨沈浮烟雨空濛獨倚樓百里山河今夜夢  
一番花月異鄉愁韶光旅邸思無盡逸事秋來興已休  
搖落風塵音問隔孤城惟見水東流

次邵公木憶秋山韻

東華詩存

卷之二十

九

文圖

蓉菊參差秋獨好層巒遙隔已頻年風流勝賞情猶昔  
瀟灑孤懷我自憐石磴空餘歌舞地江樓寂寞綺羅筵  
紛紛黃葉悲為客恍惚山光意悄然

新秋同仙裳菊隱兩先生暨映微諸子小集文

昌道院

高閣秋容淡閒雲冷翠微一尊攜友過殘葉惜桐飛亂  
石分題賦維舟待月歸宵涼殊不覺零露已沾衣

送別倪閣公太史之湖上

襟期磊落四筵驚邂逅論交肝膽傾浙水扁舟聊寄傲  
天涯十載久知名碧窗叢桂秋初好紅燭催詩月正明

握手卻憐分手易西風黃葉不勝情

立秋

時同二交律中霞儀洪書諸銘長應試金陵

宿雨收殘暑江山景色幽獨憐千里月四望一天秋桐  
葉飄金井波光泛野鷗長空雲影碧大火盡西流

題范兩奇清音草堂

寒蟬霜葉滿庭秋雲樹深深碎月鈎一片空明清似水  
恍疑身在五湖遊

鳥啼深院護烟霞路轉峯迴石磴斜十畝生涯何處是  
呼童日日種名花

小西園全萬登嘯范兩奇步月兼聽李仲祥清

東華詩存

卷之二十

十

文圖

曲

面新亭影晴光散落霞晚風敲竹韻雪月浸梅花怪  
石如林立危橋貼水斜微歌閒寄興清賞煮蘭芽

新秋與張天篤諸同學夜坐

新涼消溽暑四望靜塵氛地僻空支石天空不礙雲烟  
嵐淡夜色蘭氣冷秋芬草砌蛩吟切淒淒未忍聞

水繪園與仙裳先生茶話適孝威先生過訪

午倦拋書卷雙扉掩綠苔漫將香茗沸卻喜故人來雅  
淡留芳韻清言坐落梅異鄉悲作客愁思為君開

中禪寺夜坐

萬籟無聲院宇閒夜深寒色透松關一簾殘月梅花影  
幾卷新詞醉裏刪

舟宿金山同許力臣師六兩先生

憑望層巘日影黃環山面面送征帆開古渡三更月  
客醒危樓兩岸霜塔頂洪鐘通大麓水邊孤雁叫空廊  
明朝分手河橋畔雲樹天南正渺茫

送三弟蜚英遠館

次豫章韻

分手河橋望遠空晴郊策馬日初融文情旅夜梅花月  
人影芸窗柳絮風三月音書違伏枕幾年琴劍慰飄蓬  
相思憶到談經處桃李春妍着雨紅

東臯詩存

卷之二十

士

文圖

贈夢鳴新構柳塘書屋

東林卜築好居諸結構幽奇景自如藜火光聯蕭寺月  
梅花影伴讀書廬琴飄逸響山泉靜鳥弄清音岸柳舒  
徙倚元亭頻寄傲高吟梁父漫躊躇

半畝經營奪化工蕭然環堵挹高風十年抱膝長吟日  
萬里冲霄指顧中門靜春深遲鶴夢亭閒香暖逗花叢  
習家池畔饒幽致一派濃陰帶遠空

哭姚襄周

芸窗人去冷書函濯濯丰儀映碧潭白骨沉埋風雨夜  
夢魂飛不到江南

春日東寄雲間陳葯聞先生

滿目芳菲增客愁故人遙憶獨登樓別來風景春將半  
望斷關河思不休新月一簾遲好夢落花幾點上孤舟  
秦淮文物堪求侶莫對江山戀勝遊

登狼山望江南之作

五山如黛倩雲籠策馬長途曲徑通秋水淺迴蘆岸白  
霜林遙襯夕陽紅天空雁影晴嵐外帆落潮平古澗中  
悵望江南風景好迷離烟樹鬱青蔥

石 密

字舍銳歲貢生

東臯詩存

卷之二十

士

文圖

石洞雲封圖

夙昔到鶴亭耽意恣遊賞溪山信第一天然圖畫與洞  
壑與諸峯一一探塘屹倚松瞰大江臨風慨以慷上山  
石欽崎下山雲迷莽歸來數十載夢寐結遙想今日見  
斯圖穆然神復往

漁溪阻雨

歸客行踪不自由瀟瀟暮雨苦相留漁溪一夜簷前滴  
添得羈懷萬點愁

緬舊

歡游如夢水雲中底事回頭逐曉風記得當時相訪處



南窗夜雨一燈紅

江自漢

字元洲號漁村著野天吟集

聞新沐姪為嚴州守頗廉潔喜而有作

吾愛嚴子陵高風邁東漢今古遺空臺崔魏聳江岸幾  
欲乘孤航訪古遊汗漫阿戎守是邦歡聲騰里閭悉知  
太守賢於事頗能幹化民惟在德天下不至亂大矣仁  
者心龔黃兩斷紫

聞汝在嚴州清如桐江水洗心何愧天愛民而潔已肅  
矣我祖德後裔當媲美而我山中人冠亦不履散髮

東華詩存卷之二十

圭

文園

千仞巔賦詩一志喜

送雲濤弟入城泛舟至土山下

蘭橈劃素波白鷗送野客江水自悠悠直接遠天碧欲  
別安可留胸中百憂積俱傷老大情會面不忍釋慈親  
日云邁髮久已白菽水貧亦歡定省貴朝夕謀生各  
異途爾我為子責努力慎經營光陰真可惜

送汝泛輕舟乃至土山下徘徊不忍別登岸淚盈把攝  
衣還上山立望帆如馬重重烟樹遮不見所去者頓起  
一天風極目空四野

清明哭先大人墓

清明攜麥飯痛哭止新墳身賤慙兒子家寒似白雲下  
泉生養隔在日舊居分及此傷零落冥冥不可聞  
酌酒重泉上難承栢下歡雨餘源水合花落墓門寒往  
事無千古沈憂有百端嚴親知此恨異地總悲酸

正月五日哭先大人

他鄉骨立百憂深作計空思返舊林負米十年貧徹骨  
終天一旦恨傷心愁雲黯淡黃昏早晦日淒迷白晝陰  
慟絕此時腸欲斷江河為淚極哀吟

閏午日張耐菴先生招同袁大宣朱魯菴石維  
周陳御天表兄即席分韻

東華詩存卷之二十

圭

文園

乾坤代謝何今古百感侵凌祇默言轉眼廿年重閏午  
乙卯閏午及今廿年回頭霜鬢老中原海榴應候餘花在河朔追  
涼海暑煩一醉如泥惟靜臥平生兩耳厭囂喧  
醉鄉天大何曾覺忽對蒲觴又醒時同惜閏餘長夏永  
可憐花月一秋遲碧筒舊置殊常飲彩筆新傳絕妙詞  
正愛綠陰涼似水老鶯啼上最高枝

食蟹有作

雙螯入手涎垂地片月當頭酒滿卮我已目無畢吏部  
詩應狂過杜分司今人作達甚于古明日為歡非此時  
忽憶吳中往年事鱸魚秋老正相思

志士吟

意氣輕黃金揮之若泥土平生重然諾慷慨欲千古世人汨沒皆可憐饑寒只愛金與錢幾人能得首陽餓餓死于今仁義大幾人高臥冰雪寒古來閉戶惟袁安丈夫志在守窮賤千鍾百鍊心不變須知天欲老其才珍重殘書與破硯

鳥

有鳥惜餘春朝朝近簾閣一聲烟雨萬片桃花落

贈白拈開士

身世兩枯寂真僧禪獨高年年鉢池水花落不波濤

東臯詩存卷之二十

五

文圖

過馬道者幽居

十年頻過此一日始留詩坐到無聊處言終不語時苦遭兒子縛遠與道人期五岳雙遊屐茫茫任所之

中秋有感

深愁憐好月秋與夜平分藥餌扶慈母萍蓬慮卯君數聲臨水笛一抹隔江雲卻悔深吟悞通宵僅半醺

江村

爽氣臨清晨幽人睡初起不櫛亦不巾盥漱衡門裏風藤裏窗烟空翠落書几并日親韋編歲月如流水

上已值清明集御天寺館限韻

百年高興能多少今節難逢此日雙詞客盡來親古寺

春花猶未落南江醉聽檀板歌金縷笑對空王倒玉缸修禊卻當新改火旋煎芥茗話松窗

過冒辟疆司理水繪園舊址有感

老樹心空捲壽藤假山猶在勢峻嶒劇憐大雅遭淪沒不為荒臺感廢興今日那堪留倦蝶昔年常此宴高朋春流鳴咽夕陽下花落高樓誰與登

題贈錢將軍源小照歌

虞山錢公好身手少年志大殊不偶仗策從戎愛讀書一腔忠義世稀有兩經破賊分都邑天子賜金各一

東臯詩存卷之二十

六

文圖

斗丁酉秋公從總戎梁華風公勦寇金功高位下國

恩深博得英雄名不朽邇來防駐五狼山強弓硬箭如等閒海上清平無一事精神常在詩文間江干結夏復

奚為高談古寺每追隨偶持尺幅向余笑意欲索余題

其詞展玩丹青繪者誰寫公之照何威儀他日超騰見

天子虎頭燕領稱英奇

雜興

堂前生錦葵花開勝霞綺誰謂貧士居冷落如秋水春隨紅芳盡綠蔭盈鳥几不意閒園中蜂蝶忙如此兒女雜蜂蝶笑舞花叢裏野人有老親策杖欣然喜

訪白拈開士

野人家海上入市本無心為念白公久遠臨烟寺深好  
花猶未落幽鳥自孤吟默坐忘淵永松風滿客襟

上已有懷

春陰亦已甚上已幾曾晴酒伴隔城市桃花愁雨聲讀  
書何必解聽鳥那知名草澤誰修禊空餘江水清

送陳允衡入城

一葦清晨發烟霜萬里晴水寒江不動葉盡樹無聲握  
手那堪別題詩空復情歸時近冬至冰雪互相生

五日過魯菴看戎葵

東臯詩存卷之二十

七

文圖

離編萬柳受風斜百本戎葵半着花佳節盡歸朱處士  
夕陽時候一村霞

試燈夜作

隔簾梅影弄東風一枕寒香夢不同世事已拚終日醉  
春燈能耐幾宵紅新詞換酒開青眼積雪當窗映素桐  
誰弄玉簫花閣畔歌珠細落月明中

送萬千仞北上

故人書劔去長安客裏辭家夢未殘晨鼓忽催關吏起  
春風不使馬蹄寒蹇騰健翮冲霄易老大深情作別難  
愧我無才翻傲世五湖烟月一漁竿

過雨香菴偶晤冒公履先生兼悲令子彌若

兩年驚見淚痕枯默然心傷老態殊已是路窮雙鬢白  
更無家在一身孤春城寄食文猶賣野寺看花杖欲扶  
每念故交悲令子夜臺今已愧慈烏

思歸

一番薪膽六經秋老屋孤燈自惹愁失意從前應有悔  
讀書以外復何求頻臨野水忘機慮每念家山愧客遊  
鱸膾及時歸便好越吟人在木蘭舟

二子詩

許蒲瑞

東臯詩存卷之二十

六

文圖

蒲瑞高尚士真樸存古心與世惟淡然逍遙散閒襟讀  
書早聞道蘊奧良幽深詩本儲王派非不為高岑絕俗  
豈無謂終當歸山林

陳雲公

雲公志超世高標出塵埃舉世無知者眼青常不開比  
年歷憂患埋照親尊疊傲岸委窮達逃跡南江隈珠玉  
貴含韞隱處須賢才所以陶淵明長歌歸去來

同友人冒雪飲村舍

衝寒踏凍痕萬壑繞孤村不負新年約相將古道存老  
梅春護屋積雪夜封門滿酌再三勸田家多子孫

雪夜懷御天客蕪城

銷魂何處是蕪城，凍柳猶含送別情。  
白雁驚寒雲外落，朔風吹夢雪中行。  
故人多難千愁集，賤子繁憂百感生。  
莫問途窮當歲晏，典衣沽酒盼歸程。

偶成

天地容吾傲，心情與世疎。  
醉無千日酒，貧只一牀書。  
遊跡自高尚，端居成晏如。  
理生那免拙，常慕古樵漁。

秋夜登上方山

好山宜靜夜，停櫂一登臨。  
孤月照峰頂，高雲期客心。  
澗方秋瀑落，松作老龍吟。  
獨憩古亭上，杳然幽思深。

東華詩存卷之二十

九

文圖

和盧菽蒲大令元夜步月

六街如織競縱橫，笑語褰衣躡足行。  
廿一年春惟此盛，十三夜月到今晴。  
依然帝力忘知識，況復中原盡掃平。  
自古有年興頌繼，桑枝麥穗已初萌。

程相一見顧

結茅深巷隔溪灣，面水開門望遠山。  
治世好誰青史上，吟詩老我白雲間。  
多君話舊腸偏熱，小閣迎涼夢亦閒。  
何日勝遊探五岳，芒鞋千里共追攀。

晚秋獨酌

暝色西風裏，新寒壓酒缸。  
斷雲穿落日，歸雁剪空江。  
氣

肅秋應晚心雄老未降，醉來天影暗待月倚松窗。

贈晉六子英

晉六少年力如虎，讀書學劍拓強弩。  
鬚眉似戟勇過人，失意從軍墮行伍。  
一生任俠賞余心，髯也真堪論肺腑。  
於今五十頭鬢蒼，有子能文兼好武。  
眼前對酒且盡歡，世事茫茫何足數。  
君不見馮唐易老不能官，此恨綿綿獨千古。

夢遊支硎

久與靈山別，相思遠夢魂。  
入雲攜謝屐，臨水瀉鮑尊。  
孤策歷千磧，萬松開一門。  
分明此中路，烟月不黃昏。

東華詩存卷之二十

十

文圖

泉名千尺雪，其下有孤亭。  
竹籟寒山骨，松風墮鶴翎。  
白雲今古淡，香草歲寒青。  
絕頂荒菴在，鐘聲出杳冥。

丙子長至日，余犯雪當風走。  
邀陳子過朱子魯菴，村舍余先往。  
踏凍涉斷橋，越大隄，數百折穿脩竹小塢，始叩扉而問寒焉。  
朱子時曳瘦筇扶躬於瑶林水壑間，驚見則啞然笑，各不能言。  
遂攜手入室，箕踞地爐，煨榾柮，指爪稍能伸屈。  
於是竹爐湯沸，漿几香薰，幽賞之餘，寒光滿室。  
余乃解杖村沽，朱子則剪蔬佐饌。  
陳子得得後來，雪片披短褐，冰珠垂髭髯，相與就坐而酒杯入。

手矣半酣則觥籌交錯雪霰繽紛遙對長江遠  
山空明萬里平田老樹玉漲千村斯時也豈止  
酒盡復沽亦且夜以繼日余得詩二首以紀一  
時之興云

雪片寒侵骨圍爐酒正呼江山三處士天地一冰壺古  
調高難和佳辰興不孤尋梅多冷趣孟浩實狂夫

萬里冰天一草廬此中僵臥竟何如燈光落盡寒膏淡  
棉拙煨殘夜氣虛洗盞幾回浮綠蟻登盤三復剪青蔬  
殊常勝賞須泥醉半世清愁早破除

試燈日送御天入城

東華詩存卷之二十

王

文圖

醉來扶上木蘭舟萬派寒潮夾岸流人遠海天都入畫  
漁歌烟浦不驚鷗漸看圓月添鄉思繞試春燈好夜遊  
別業已經梅盡發高吟誰為破新愁

歲杪懷雲濤弟客閩

閩中一去二千里多少山程更水程失計慰親垂老日  
倩誰傳汝未歸情深冬雨雪催行李大海風波念養生  
最苦此時聞雁過滿天霜落夜無聲

聞張孺子先生復自東村歸城中舊隱賦寄

冥心幾度賦歸田鶴髮蕭疎被兩肩又卷詩書還舊隱  
尚存松菊慰餘年狂來故態耽風月老去新聲咽管絃

十載深懷期再晤桃花春水木蘭船

過謝叟村居

謝老貧逾健幽棲久灌園愛人間與共終日淡無言返  
照明花徑重陰覆水軒白鷗眠更穩溪靜不潺湲

懷張耐菴先生

高人不可測茅屋在江心即此世情遠何妨江水深秋  
山明老眼空翠落幽襟一棹白鷗外終多漁父吟

同御天表兄過耐菴先生齋中看菊得江字

夜雨曉來霧秋氣澄空江讀書嬾巾櫛餘燼在蘭缸念  
彼黃花遊佳侶忽成雙幽人坐高館風露遍山窗淪茗  
哦舊詩持螯羅酒缸餐英竟終日餘興不能降

東華詩存卷之二十

王

文圖

坐月

幽徑無一塵月散林木陰博山與素蕘靜夜閒我心倚  
闌坐苔石對影忽孤吟至理苟未達曠懷聊在今

涉雪

晝暝日未出陰寒何森森凜冽吹北風萬里雲無心白  
雪亦已至飄來沾我襟瓊花散開園集素先高林偶然  
涉前阪不覺芒屨深窮源失故步忽聞漁父吟惜哉冰  
雪中調古無知音

土山納涼

散髮上高岡坐石捫青蘿竹梧夾陰殿高處涼風多徬  
徉憩丘壑曠望窮江河萬籟一時寂獨聞山鳥歌幽懷  
良已深取樂當如何

過亡友石聖在齋中採白芍藥感賦

華門羅雀少人來水樹當軒綠映苔為問曲闌花幾許  
粉香纔放一枝開

曼卿老去惜才華樹幟江皋逸興賒風月眼前誰是主  
忍來亭子坐看花

秋曉看月懷蒲瑞御天籙菴

露蛩吟不歇殘月皎秋空木落山齋冷霞生海氣紅美

東華詩存卷之二十

文圖

人天共遠清曉夢俱同無限將歸意蘭舟待好風

御天歸自延令感賦

雪後乘驢發西縣衝寒兩日抵南江銷魂南浦水應合  
砭骨西風酒不降空館再來形影子故人重對淚痕雙  
傷心近事知難問細品山泉向竹窗

立秋

商氣落高林涼風吹素襟誰家愛新月香杵試秋砧

雨霽

積雨洗高林晚晴蒼翠深遠蟾生碧漢孤閣滿清陰氣  
冷幽人骨天閒靜者心無煩遠鄰舍寂寞響秋砧

雪夜讀書

學道于今悟始初中年有悔惜居諸家貧歲晏無餘事  
白雪封門夜讀書

短檠相對意從容徹夜冰山一萬重烟寺隔林應不遠

老僧寒打雪天鐘

寒夜過硯山

孤月照寒水碧溪沉野天戶庭若冰雪林影忽成烟高  
士有如此此心常淡然眼前真境在即是好林泉

聞姚籀菴北上匝月過歸詩以訊之

天子出師平寇急書生投筆請纓遲如何不作封侯想

東華詩存卷之二十

文圖

按劍歸來理釣絲

寒食後一日舟中示吳生

同舟故人子亦為掃親墳有淚不能止吞聲安可云慈  
烏偏惹恨孤雁久離羣日落愁登岸傷心此路分

月夜硯山齋中醉菊

衰大幾時頭半白家貧骨傲身不辱一任癖潔無點塵  
茗椀爐香飽清福蕭然四壁類相如萬卷牙籤充破屋  
新來逸興動深林疎狂醉盡籬邊菊連宵愛我能賞心  
月下壺觴咏三復乾坤縱浪任吾曹舉世何妨皆側目  
吁嗟乎黃金白骨化為泥珠玉迷心誠醜毒寧甘老死

作漁樵不忍低顏涸塵俗忘機息慮全天真侶魚蝦而友麋鹿君不見江山放誕兩閒人萬仞峯頭展書讀

九日登土山

秋聲容易響空山雨後楓林夕照還此日登高舒醉眼落霞孤鶩有無閒

老柳岡頭鳥欲棲烟江漁唱水天低驚看粉壁昏黃月蝸篆蟲絲蝕舊題

章純仁

字仁山號清溪處士邑諸生著有抱膝吟四

書本義劄記近思堂雜說毛詩點注學者稱

東臯詩存卷之二十

重

文圖

清溪先生傳載邑乘

處士行

西陵豪貴氣振振門多食客累重糶粒米狼戾飼野豕吳姬越女充下陳主人一呼人百諾諤諤之士驕不親東郭先生號處士終年坐臥滄江濱草堂不葺徑不闢編衣綦巾甘受貧有時見客客大叫先生豈得長潦倒先生笑謂客勿言但足相樂如斯妙

送吳雪疑歸黃山

黃山之氣殊佳絕山靈秀發生奇傑吳子風流天下聞文章詞賦稱冠軍再上京華志不就浮家海上蒼龍吼

握手嶼山幾十年肝腸如雪氣凌烟歸與忽發陶潛興囊無宿儲室如磬我聞君去唱驪歌此情此際將奈何膏車秣馬不可繫交遊耆舊皆流涕况君本是山中人睽離南北倍酸辛君去黃山望烟樹相別幾時再相聚君何不復顧所知淮河之水尚有東流時吁嗟乎淮河之水尚有東流時

東臯歲暮同范硯友沈勝我石天中諸子飲錢容山宅因留別

客裏當殘歲相逢冷更親莫辭今夜酒應念未歸人好友餘清興孤鴻度遠津明朝風雪甚別意怕侵晨

東臯詩存卷之二十

重

文圖

題芳泉寺

相傳唐咸和三年李裕統兵至此軍中之水掘地得泉遂壘山建寺在掘

浦之南

古寺蕭蕭不計年山含青碧柳含烟鑿泉舊事成荒謬薄海黎民幾播遷故明中葉立備倭營于芳泉之北人治是大將鏡歌憑弔裏梵王宮殿亂離遑望窮彼岸情何極范公題落日登臨一惘然

夏日同友人陸文思表弟郭又夔家伯上玉從弟仲山登北山遠眺

鬱葱佳氣滿遙山挈伴登臨不欲還丞相陂塘秋水外將軍壁壘暮雲間烟生滄海迷歸棹柳蔭清溪起白鷗

自是同人多逸興頓令心地遠塵寰

將軍墓

將軍不知名姓爵里相傳後冠犯海將軍被戈禦之不勝且死遂葬其處

聞道將軍舊築壇短袍輕罩鐵衣寒馬經海向人初定  
初拂營門血未乾太史不傳心耿耿歌雖散氣漫漫  
英雄大抵皆荒草多少行人掩淚看

玉簪花

亭亭玉立覆莓苔點綴秋階帶露開艷色似嫌紅粉膩  
幽芬聊寄綠雲堆珠蘭敢以名為匹寶釧何緣幻作胎  
怪道夜深清夢冷香閨賺得女郎來

過東城賈大夫廟

東臯詩存

卷之二十

五

文圖

當年射雉事何如停棹東城問故居異代風流今不見  
驚鷺乘雨出芙蓉

沈音三書齋獨坐

客中清致向誰論盡日無營自掩門閑坐不知春已去  
數聲鐘磬報黃昏

夏日有感

人皆笑我迂我亦道吾愚迂愚渾不辨時還讀我書

李夏探沈西山兄弟於崇川山寺因晤戴子漢

晤王子上詒

不是山陰棹寧緣訪戴來客中存問訊草次喜追陪寺

晚鐘初靜譚深夜未回三年江上夢此際積懷開

州歲試後未晤

海上望雲峯

奇峯海上來攢簇穹窿頂盪眼生層烟摩空罩萬井風  
翻天欲流鼎峙山光冷變態此俱含茫然發深省

客夜

艤舟城東城夜色已蒼蒼烏鵲喧林木孤帆入渺茫東  
臯不可即以此聊徜徉蚊蚋啗人膚風雨侵我裳忽然  
聞犬吠起坐見天光奚奴伏枕勦舟子亦踉蹌獨有浪  
游人輾轉難相忘豈有得意處而宿此道旁悠悠二三

東臯詩存

卷之二十

五

文圖

子安知余衷腸浩歌餘太息中宵起徬徨  
如臯晚發

親朋一為別飄泊此孤舟螢火明殘夜天河澹早秋月  
痕弦外落帆影望中收憔悴情無那浮沉類野鷗

白雲歌

白雲本無心飄忽天地表灝氣遊太虛靈瑩清皎皎出  
沒望層巒聯翩送飛鳥蒼狗與白衣變幻一何巧安得  
登雲梯一覽塵寰小

冬日贈胡翼尊

逸少有佳致風流羣所驚對君坦腹士愧余儉父名秋



菊挹其標春梅餐其英自我來林梓一見已傾誠再會  
至東臯款曲心逾貞冷冷原上霜悠悠世間盟骨肉多  
參差况復葭莩情吁嗟念吾子深足感平生我懷不可  
極長歌思縱橫

謁胡安定先生祠

自昔追先哲流連安定祠入門窺廟貌瞻象肅羽儀先  
生名世儒百代人倫師我今一仰止慷慨發深思大道  
不終闕斯文良在茲焉知後死者不得與於斯微言今  
已絕借問此何時烏鼠翻薨屋瓦礫擁階基寥寥幾百  
年舊業竟陵遲嗟彼浮圖宅千載能支持

東臯詩存卷之二十

五

文圖

海陵感賦

天地本寥廓人自小其生局脊轅下駒向人發長鳴誤  
落塵網中忽忽多變更虛靈衆所摧遂與大道盲大道  
諒不阻斯文有主盟卓哉四子儒千古莫與京人爵未  
可要天爵有餘榮昔言不我欺感愧此交并念彼名世  
人盜者純虛聲吾斯之未信胡不歸柴荆築室荒烟下  
攜兒教耦耕了我平生事適我遁世情既耕復以讀聊  
亦足吾生前賢事筆墨原不為簪纓

吳祿

字孔曼邑庠生

題謝念昔畦園

水榭荷香

虛亭宛在水中央水面風來十里香最愛晚涼人靜後  
碧蘭干外倚紅妝

長山晚翠

築得園亭水石間隔花好鳥自關關曉來幽興知多少  
閒倚晴窗看遠山

小閣桐陰

高梧小閣影森森長日應堪抱玉琴靜坐莫傷秋意早  
飛來一葉感人深

東臯詩存卷之二十

五

文圖

池塘春草

水滿方塘春意饒披簾一望綠迢迢曾因夢裏吟成後  
芳草依然是六朝

靈山觀魚

秋盡天微冷觀魚出郭南松烟藏古寺山翠滴空潭曝  
日朝俱集浮波餌不貪欲知濠上樂還向老莊參

夜坐半山亭

山亭夜愈靜明月上春潮天淨松濤合江空石壁搖霜  
鐘雲外塔漁火樹中橋何日來招隱幽棲向此饒

夏日贈張度如作山水圖

乍染霜毫暑氣清滄江雲水一時生天機不但同摩詰  
氣韻尤能逼李成樹入烟波晴弄影山連風雨夜聞聲  
飛橋下有漁船渡疑向桃源洞口行

次御天韻

獨坐

空庭生夜涼獨坐秋聲發幽興每無言松梢露微月

獨酌

垂楊掃石磯微波淡如倚一尊聊自娛遠岸漁歌起

顧秉為

號耐菴

東臯詩存卷之二十

三

文圖

望摩訶山

摩訶形勢類蝦蟆砥柱中流坐水涯但有寒沙留過雁  
全無老樹集歸鴉雲連疊嶂空中影日映孤巒望裏賒  
幾欲登臨迷去路不知何處覓乘槎

謁安定詞

心儀道貌謁公祠大雅文章百代師絳帳高風傳往昔  
青篇遺澤重今時非徒淮海人魚仰寧許蘇湖學共知  
俛仰古今滋感慨蒼苔碑碣續題詩

東臯詩存卷之二十一

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

張槎

字漢乘號秋溟吏部良廕公之子歲貢生教

習授亳州學正以老報罷著有寶硯堂秋水

軒燕齊吳楚遊草錦雲詞文苑說叢海嶽精

華錄

東臯詩存卷之二十一

一

文圖

將之寧波石天中邀同諸老友集飲嘉德堂

擬挂輕帆賦遠征故人雞黍又相迎江山有待開新霽  
詩酒言歡戀舊盟雨過綠苔沿砌滑風來白苧透身輕  
稻梁不飽啼鴛鴦未免湖天兩月行

八月初五日紀我述家會集時有越中之行維

舟以待

乍晴乍雨嫩涼天策杖行吟曲水迢望眼劇思揚子月  
散懷獨放剡溪船冲霄旅雁披風急送別黃花對酒妍  
莫悵登高人去遠吳江楓冷有歸鞭

姑蘇曉發

鄉國水雲中輕帆赴曉風櫓搖諸嶺近日出半江紅今  
古此昏旦升沉一轉蓬悟得浮生理天涯處處通

山塘曉發

扁舟輕泊水平堤獨客憐同宿鳥棲驚櫓聲驚夢斷  
荒村又報五更雞

中秋

中庭楊柳風颯颯弄秋聲四載湖湘月無如今夜明

過雙店喜晤石果育孝廉

板橋通曲徑別是一家樓絳帳先生業黃花客子秋且  
傾今夕酒同話十年愁明發驅車去西風憫敝裘

東臯詩存卷之二十一

二

文圖

舅氏新居落成賦贈

況瘁經營事有成百年堂構遂初情頗無藻績風仍古  
但遠塵聞耳更清烟月卷簾通舊燕芳菲滿座聽新鶯  
一堂豫順留真樂世上浮名豈足榮

除夕感懷

今夕云除夕相看在故鄉暗驚兒女大翻怪髣髴長門  
擁連朝雪厨增隔歲糧燈前思往事不覺淚成行

二月四日過雨香菴看梅兼弔白拈上人

去歲花飛颺白沙今年梅落雪如花  
花開雪落尋常有幽芳獨占老僧家  
老僧與我素相習每到花飛對花泣

此日花開不見僧東風滿院空於邑

元旦

瞳瞳日曉物華新聞說渠通好問津解慍笑斟新歲酒  
吟詩不說去年貧聊憑綵燕迎軒至早有東風入戶親  
自檢松花焚柏子欣看甲子轉頭頻

汲郡初秋

一徑槐陰滿院花朝來風色冷窻紗井梧葉落飄殘暑  
簾月光沉映早霞官閣尚餘河朔宴江鄉莫問季鷹家  
明朝又入安陽道愁聽銅臺起暮笳

蘆花庭院吟

東臯詩存卷之二十一

三

文圖

最是幽人易感秋近來刪却許多愁夜深一片蕭蕭影  
人與蘆花總白頭

幾曾寥落在天涯便入清秋興亦加昨夜寄將消息去  
近來和月宿蘆花

庭軒無纜似艤艖內有人稱海上翁縱然一夜西風急  
不出蘆花兩岬中

中州試院留別楊學使

鯉魚風過雁翩翩雙袖龍鍾淚欲連歲月變遷人七十  
河山重疊路三千迂疎漫廁文章府憔悴頻霑雨露天  
江上尊鱸何足羨故園黃菊已爭妍

將之亳州學署留別臯中諸戚友

早年挾策謁 楓宸歷暑經寒踏軟塵丹鳳樓頭瞻曉  
日白雲堆裏憶慈親魚龍得水皆能躍花木逢時總占  
春捧檄直教違故里桐江不復整絲綸

重過東濱有感

廿年不作海濱遊為起西風一放舟滿地白波迷舊路  
徹天清露染深秋記來門巷人非昔話到寒暄淚欲流  
寺老無僧庭樹槁故人強半委荒邱

五日抵杭寓樓戲筆

船到西興曳不開四圍山色望中回諸君莫笑衣裳濕  
東臯詩存卷之二十一 四 文圖

十里長堤踏雪來

雙店道中

舍櫂更乘車風光四月餘為尋方外侶再食海東魚小  
犢行隨母閒農晝枕鋤隴頭看麥秀大有好頻書

步范中翰中秋原韻

客裝過發又中秋燕子磯邊早放舟濁浪卷開千古恨  
遙峰遮斷一天愁鄉關日遠新多夢山水綠深老未休  
我欲乘風歸不得卧看明月照牀頭

都門春日送盧荀座孝廉歸東臯

都門霽後竟無塵檢點家書倩遠人鴛婦漂搖三月雨

杏花潦倒一園春歸休且喜兄兼弟別恨非關繪與算  
寄語家人休望遠比來不減舊時貧

聞家鄉米麥價昂不勝憂懼并簡天章

索米長安願總辜江鄉又說米如珠痴兒幸習貧能早  
拙婦堪憐計已無宰粟那從鄰里乞麥舟誰向故人呼  
夜分不寐晚無策且往豐臺聽鷓鴣

四月十七日憶次女思敬

四月十七日正是女生時直負看花眼空成哭女詩小  
年矜蕙草長日把松枝獨上南樓望遙遙何所之

十五耀新粧粧花繡鳳凰那知不死藥絕勝返魂香卧

東臯詩存卷之二十一

五

文圖

閨梅空老天台月有光女嫁于肥鄉我悲同愛子半載  
已茫茫之天台山莊

雜言

倫合不齊安用此斗約信不齊安用此口

雷霆擊人值其起處避近當之豈亦有故山水橫衝八  
百人傷心莫怨蛟龍悞

七夕感懷

半載長安客驚心又早秋晚風吹蟋蟀深院起簾櫳天  
與年年使人牽處處愁只餘視犢鼻不上曝衣樓

賀新任朝城章明府

係先君舊治

八月金風玉露天使君走馬出幽燕城邊柳引黔南鶴  
東下人耕雨後田花滿河陽森桂子庭趨東郡想當年  
於今再聽歌廉范冠石山頭月正圓城南舊有冠石山

季試日同吳二天章偃榻雍中趙宅遇會稽俞

明經

檜柏陰森筆陣收夜闌人宿殿西頭聲傳木鐸砧初起  
烟鎖宮牆樹已秋曲徑疎籬延孺子清尊華燭識荊州  
於今不負成均約遮莫聞鷄說祖劉

呈大宗伯許時菴年伯

曳履聲聲徹帝聽天留耄耄老文星百年禮樂資調

東臯詩存

卷之二十一

六

文圖

劑一統車書就範型幕地幘幘真徧覆蠹天松柏總長  
青武林世德歸仁里桃李陰森護鯉庭

解推願欲古人同藉有洪鑪代化工越水聲華連二酉  
汝南清望起三公久滋化雨歸堯德重見安流助禹功  
吐握不遑惟獻可敢教頑梗挹春風

小心翼翼戴高天清慎勤邀

御手鐫

欽賜清慎勤三字講幄

精誠嚴玉檢禮闈鄭重出青錢朝廷有道心惟泰門  
館無私靜可眠草奏即今傳白簡染毫重補鹿鳴篇

羣公袞袞陟三台節鉞風雷動地開見說通門思孔李  
敢云作賦比鄒枚文章自有千秋鑑鼎鼎終歸不世才

只有任華能耐冷肯容庭際拜高槐

徐掌鹽納姬戲贈

海棠花睡鳥無聲底事能消客裏情浣筆池邊秋未老

紫綃帳暖月三更

濟寧州有浣筆池

十斛明珠未足珍梅檀為骨玉為神誰言城北徐公美  
燕趙從來有麗人

嗜飲已傳光祿酒烹鮮又得醺成芬朝來何事歸偏早  
割肉先教遺細君

沉烟百和滿庭馨彩筆橫分黛色青細語不聞人跡悄  
却嫌鸚鵡隔簾聽

東臯詩存

卷之二十一

七

文圖

御河橋聞鶯

三月烟花艷如織柳翠梅芳弄顏色御河橋下水爭流  
帝城景物斯稱極行人勒馬傍宮牆牆上高樓樓下廊  
鳥語松風不知處數聲清韻依宮商金衣公子殷勤訴  
啼遍天涯芳草路少婦深閨斂翠蛾可惜年光暗中度  
碧戶朱門日欲西雙柑斗酒聽黃鸝桃花亂落梨花雨  
今歲王孫歸不歸

春水

遲日和風滿葦門一溪春水抱孤村浮沉小鳥隨新漲  
深淺沙堤紀舊痕香蕊泛來曾過雨桃花流去不知源

垂綸一棹江天晚烟鎖澄潭冷夢魂

舍北堤南縱復橫浣花溪畔水尤清漫言細草生無力  
護得文鴛睡有情急雨乍添新澗滿迴波旋溜曉風輕  
明朝會有南湖約好趁中流自在行

輓江時化先生

先生折肱岐黃怡情山水數日  
內夫婦長逝時在京邸寄詩以

之弔

桃花落盡戶朝扃鄉語傳來涕泗零幻海波頽稀柱石  
中天月隱暗文星徒將丹鼎貽經室便引簫聲上帝庭  
人世那知雙鳳杳空吟薤露未堪聽

綵筆旋收入絳囊任他餘閨厄黃楊曾無愧悔疑曾子

東臯詩存

卷之二十一

八

文圖

只有廉隅說彥方獨鶴正飛鸞又去靈椿已老桂尤芳  
逍遙自有蒙莊侶碧海青天路渺茫

燕臺秋日有感

擊劍看書事總非強支言笑願多違求名只自逢淹蹇  
探道何曾領細微冀北風高衣袖薄江南雨足稻粱肥  
與君握手還相問欲待何時始息機

敢云詞賦擬相如不用勞勞說本初識路最憐羈棧馬  
傷心忍廢疊牀書老來兒女偏生惜貧後姻親到底疎  
一事至今猶記取海東初上早潮魚

薄雪蒙頭總不消那留閒興挂詩瓢埋名欲賣成都卜

乞食思吹伍相簫落日園林投倦鳥過江行李趁歸潮  
於今正有謀生策水可為漁陸可樵

紫金光擊電如蛇尺蠖難伸歲有加鮮與俗諧車四角  
未如我願路三叉牢騷錮結囊中穎穩穩銷沉夢裏花  
一鉢一爐酬歲月不須為圖學栽瓜

月夜同石正也沈再田自明弟何五樓上觀舫

戲

亂踏黃昏入醉鄉酒家樓上燭輝煌登臺漫作侏儒舞  
過眼堪憐傀儡忙啼笑正同真面目優伶猶有舊冠裳  
不須更說魚龍戲贏得逢場一舉觴

東臯詩存

卷之二十一

九

文圖

客中重九雜咏

斂身僻巷等孤村熟客何曾肯到門

是日有以飛帖來投者賴得

主人頻勸酒不教清冷對黃昏

琴書歲歲阻天涯秋雨秋風感物華莫道馬卿貧似我

羨他四壁尚成家

陸居無屋水無舟豈有雄心作浪遊昨日西風今夜雨

分明釀起一天秋

蕭蕭剩得幾莖絲每日腸迴十二時若道今年人未懶

幾曾重九竟無詩

落盡同儔祇自哀故園黃菊為誰開盲風不管天涯恨

更卷西山暮雨來

舟發衡陽留別署中諸子

幾年送客湘江岸此日湘江送我行千里歸鴻飛乍起  
一篙春水浪初平琴書漫解鄉園恨詩酒難忘戚友情  
只有青山仍笑我布帆如舊客裝輕

長沙放舟

酒盡登船船正開漫天清浪起春雷是日辰刻雷雨低徊驛路  
啼山鳥婉轉江亭落早梅好友隔船分道去別時孟調兄別往澧州  
故人騎馬出城來高衡陽繆劉陽暨諸友舟中話別長沙自古增離別

一棹橫江首重回

東臯詩存卷之二十一

十

文圖

岳陽舟中

山色暗朝暉淒風滿客衣遠帆雲裏度高塔霧中迷旅  
恨經時積鄉心帶雨歸低回經匝月長羨冥鴻飛

道士狀

鐔立江干上重重護曉烟風平帆似馬雲破石叅天竹  
樹高還下人家斷復連好將生計足小住亦三年

陳臨秋翁攀留屢夕率此致謝

相見輒依依高情仍不違繞庭兒共戲入夜塵猶揮古  
道孤村在荒年故侶稀臣心原似水不用掩雙扉

題童菊潭倚樹聽泉圖

昔日童顏今白頭逍遙七十五春秋閒來愛聽山泉落  
洗盡人間萬古愁

與君同硯亦同庚水窟山坳寄遠情請君莫聽涓涓響  
流盡年光是此聲

元宵前五日長青閣會集即事

融融清旭日初升笑語喧填盡好朋歲過經旬還有酒  
家貧十載已無燈擁衾獨憶東隣爰時立玉病卧扶杖閒尋

隔院僧三五良宵期莫負碧霞山頂好同登

出門歎

人生百歲期七十三去二古人於此際萬事盡廢棄惟

東臯詩存卷之二十一

士

文圖

余耽積習竹園花猶時時復洗端溪開函摩古字老僕  
當窻立朝餐總未治懸釜以待炊嗷嗷泣童稚擲筆事  
補救再去倒篋笥祇堪今日計明朝姑且寘俄來故人  
札言辭劇懇摯天子重選建大小得委質以公精力  
健尚可任國事把書竊三歎不覺淚盈眚丈夫年及邁  
理應以政致何當鬚髮白僂焉以仕試兒子前致辭毋  
為固執意且冀升斗粟聊爾蠲吉饌以茲閣筆硯居然  
作試吏貧窮志易改那得更由自媿彼陶元亮偏能守  
初志

過西寺

一逕濃陰覆苑牆沉烟寂靜茗甌香老僧課罷還無事  
種得青青菜幾行

詠月

江月曉逾白江鴻入夜斜漁燈三四點同伴宿蘆花  
一片長途月隨人直到家帶將入門去未忍掩窓紗  
何處覓郎踪深深對月拜問月月無言西風吹解帶  
金谷園中酒昭陽殿裏花不知歌舞散今夜落誰家

客冬感懷

秋日辭家園敗簾兼敝幃何當北風勁着力衝我衣起  
歎夜漏長老浚背人揮所志不得遂却與初心違骨肉

東臯詩存卷之二十一

圭

文圖

成路旁感慨知音稀

在家恨來遲到日訝其早蕭蕭雨鬢髮罔不厭枯槁轉  
憶故人言早是不來好牀頭幾卷書聊爾開懷抱貧老  
事千求本來非善道拂袖上歸航衡茅以終老  
冷月薄簾幙照將筇篴虛吃罷厨頭飯抄我案上書抄  
書亦何益心胸不自如跼踖偃中宵展轉增歎歎  
畢世弄柔翰祇欲希前賢旅食在京華淹留今七年一  
朝遠別去故人涕淚牽所嗟白日逝雙鬢不復元詎意  
後來人思義成怨愆啣恨對西風矢志事言旋

歸途即事

霜落樹全凋歌詩破寂寥日高山影重潮長水痕消去  
路歸還怯鄉心近轉焦待鋤三徑草揮塵解蚺蟠

越遊吟

嗟余性在烟霞閒南遊百日今始還黃花開處鼓行棹  
不憚險遠惟登山初經吳門及東越吳船橫載鏡湖月  
獨上吳山第一峯豐碑御墨肅且恭轉出清波門一  
棹西湖濱式瞻伍相廟再拜岳王墩一自錢塘渡江起  
江風瀾瀾烟雲裏素車白馬不曾來猶憶英風射潮水  
纔過飛來峰遙聞靈隱鐘眼看吳地盡旋見越山重蘭  
亭禹穴真美好倉皇不及事幽討苧羅村裏憶嬌娃曹  
東臯詩存卷之二十一

圭

文圖

娥廟前薦芳藻有客溪南赴雁來登臨一上越王臺山  
從禹甸千峰出江自剡溪萬派開披奇歷險總無倦直  
到甬東猶未遍還向燈前展畫圖按圖歷歷如曾見我  
思古人深歎嗟心懷五嶽拚離家如我南馳北放車祇  
今不惜髣生華牀頭正有舊遊屐且自攜之踐苔石欣  
逢盛世途路平問壑尋邱惟所適我今踏遍水坳聽  
松風行過千巖萬壑中錦囊郭筒真不空歸來有客重  
相逢握手同話東堂東

步范漱芳見懷原韻

一棹西風客又還夢魂猶滯越溪山惟天付與貧常健



於世無爭老更閒書不療飢空飽蠹詩能泣鬼豈容刪  
故人詔我馳京洛為報新來鬢已斑

和吳容若見贈原韻

十年花月客中過勝侶重逢感倍多握手又增新笑語  
捫心空負舊烟蘿百端俱集窮為甚一事無成老奈何  
願假餘年事杯酒醉花眠月共婆娑

中秋後二日邀集諸友小酌家伯茗柯以詩見

投次韻

十年無住著邇日幸安居雨過時移竹亭閒自檢書敢  
攜桑落酒為迓故人車好會惟今夕清光到草廬

東臯詩存卷之二十一

十四

文園

伯叔無多在婆娑一老餘幾年嗟蕩子晚節得安居興  
會貧偏適吟情老未疎小庭秋月好頻過意何如

斗室延朝暮鹽齏任苦辛只教花入眼不使硯生塵至  
味無如淡貧交不厭真何當今夕酒長對素心人

十月十一夜書懷用客居韻

液雨纔收又晚風打窻寒葉舞西東無分醉裏和吟裏  
總在愁中與病中機警那如知夜鶴空疎果是蠹書蟲  
殘燈隱隱形容悄鑄錯何庸鄙化工

祝白拈上人七十壽

洗鉢池邊樹拂天樹前樓閣隱神仙老僧卓錫閒看鶴

飽聽松風七十年

奪卷耽吟真賈島登臺說法又生公黃花古柏西來意  
恬淡仍餘太古風

過雨香菴弔白拈

禪宗獨振苦支持精力強添客到時滿院冷香收暮雨  
一天皎月浸清池長吟賈島行何遽入社淵明見已遲  
聞僧病劇往問時已圓寂三日轉眼西風人更遠寒林孤鳥總相思

雜感

幽居地僻海東偏賣去猶存數畝田最苦三時無滴水  
禾苗枯盡雨連天

東臯詩存卷之二十一

十五

文園

世情翻覆似孤輪多少炎涼歎積薪今日華堂換新主  
當年原是倚門人

重陽後一日集飲許建兩齋頭次韻

雨收風歇菊爭黃佳節才過又草堂一月不妨頻聚首  
百年能有幾重陽祇須把酒乘清興不用登高學古狂  
莫訝尊前人共老一陽來復日偏長

小庭

小庭如水浸梅魂瓦鼎叢香火正溫粒絕舉家生辟穀  
人稀竟日懶開門詩懷至老仍難遏月色逢花不肯昏  
每到夜深還秉燭呼兒執卷漫評論

輓劉羽上同學

恬淡無營得自由，不知人世有憂愁。  
閒看經史資談柄，滿插花枝醒睡眸。  
七十人堪稱壽考，諸生品已傲王侯。  
向平此日全無慮，掉首先為五岳遊。

題張學博畫冊

高鳥度雲去，層巒入眼賒。  
野人四五友，茅屋兩三家。  
村抱溪流合，巖依樹影斜。  
晚來收芋栗，珍重問桑麻。

五月二日寶硯堂會集

眼底寥寥剩幾人，每因愁感損天真。  
還將杯酒娛遲暮，不用文章泣鬼神。  
竹樹快逢經日雨，琴書難遣舊家貧。

東臯詩存

卷之二十一

七

文園

憑君莫哂頭如雪，艾葉榴花正可親。

過鄭州張明經雉園

城外清溪抱郭流，城中楊柳接高樓。  
當門一片石猶古，遶徑幾叢花正秋。  
行到水亭詩意淡，坐來仙塢鳥聲幽。  
文星照處笙歌沸，公子殷勤捧玉甌。

輓馬不羈

故人家住小橋東，每到秋來卧菊叢。  
今日我從橋上過，慈烏啞啞叫西風。

同庚僅有五人存，花月清樽好弟兄。  
未到重陽君已去，祇餘風雨暗柴門。

春雨感懷

或坐或卧身未安，敝裘且掩春風寒。  
天已三日五日雨，家無一人兩人餐。  
檢曆且喜清明早，憑闌又惜梅花殘。  
匪我飲恨不肯說，失意告人誠所難。

重至東濱有感

東濱橋下水空流，有客乘查問海鷗。  
過去事都成皓首，再來人已半荒邱。  
黃梅雨過金魚市，舶艣風生龍麥秋。  
怪底故人重眷戀，難禁廿載一回頭。

夏日過馮開宗宅小飲酒後登黃家墩看漁船

晚歸

東臯詩存

卷之二十一

七

文園

蜀葵花放滿庭紅，乳燕低飛掠午風。  
醉裏楸枰拋劫險，老來檀板放歌雄。  
烟收晚艇歸斜照，雲湧虛臺落彩虹。  
最是美人香未遠，狹斜門巷館娃宮。

題劉元愷照

好讀奇書五十年，擬將功績銘燕然。  
於今老至無心計，猶把當年黃石篇。

哭陳晞巖同學

三十年來好弟兄，聞雞清夜舞劉琨。  
愁心默默嗟蒲柳，遠道時時憶夢魂。  
老至姻親偏可念，舊時車笠不堪論。  
管寧已老鍾期死，哭盡東風畫掩門。

歲暮感懷

潦倒空驚歲月徂，霜天雲樹老啼烏。  
韶光去矣雙親杳，生計蕭然一事無。  
懸釜更無人送米，閉門惟有吏催租。  
掩書擲筆還長歎，百結愁腸淚已枯。

海陵春雨偶興

擬上層樓望海潮，子規聲急草齊腰。  
殘書偶檢還相識，好友頻過不費招。  
永日風光人睡午，落花時節雨連朝。  
隣鴉撼起南窓夢，一縷沉烟暝未消。

春盡日同陸亮彩陸金溪集陳懿菴齋中

烟水帆收落日低，小庭花謝鳥爭啼。  
梧桐葉惹東風雨，

東臯詩存

卷之二十一

文

園

樓煙聲連午夜，雞好夢尚留紅燭外。  
鄉心已到故園西，重逢賴有陳遵酒。  
痛飲何妨醉似泥。

可歎

碌碌復碌碌，寸心如轉轂。  
長聞婦歎息，不禁兒啼哭。  
入春苦飢饉，延捱及三伏。  
強顏過隣里，背人搜敝簾。  
所嗟生計拙，悞悞成跼蹙。  
故人為我言，何不食廩肉。

人生重結褵，願祝百年好。  
一為家室牽，纏綿怯遠道。  
坐令歲月徂，悔不致身早。  
長貧成詛譏，嫉妬生懊惱。  
同居而離心，憂傷以終老。

東家有老叟，八十猶種樹。  
牀頭饒阿堵，妻孥鮮完袴。  
一

朝辭人世躑躅黃泉路，焉得有長繩繫將白日住。

我有萬千言，對人不能吐。  
我有萬千愁，深藏若良賈。  
豈曰甘絨箱，出言令人迂。  
習俗尚嫵媚，諛阿成水乳。  
拯溺救然眉，斯言真朽腐。  
豪貴秘家傳，覲面作龔瞽。  
誰謂骨肉親，棄若塵與土。  
古道久不談，迂哉越石父。

中元日遊報恩寺

臺殿鬱嵒堯，中峰聳碧霄。  
江山看倚角，鐘鼓送春潮。  
月湧長千里，人歸武定橋。  
嚴城真趾錯，燈火認南朝。

中秋日登燕子磯遠眺

西風淡蕩入江樓，趣有閒身作勝遊。  
海氣蒼涼迷遠雁，

東臯詩存

卷之二十一

文

園

溪雲宛轉認歸舟，陳隋事業荒烟斷。  
吳楚關山故壘秋，今夜月明峰頂望。  
幾時漁艇伴浮鷗。

閏三月吳陵寓中夜雨有作

不管愁中與夢中，子規聲裏院牆東。  
留春又得逢三月，問枝終須媿五窮。  
向晚情懷貧共老，落花時節雨兼風。  
誰家夜半還吹笛，暈結殘缸一點紅。

九月三日范心淵招同史篁谷范聖麟暨次君

變臣家翰宣泛舟虹橋步翰宣韻

已是重陽近，今朝却放晴。  
曉山千里碧，秋水一湖清。  
載酒攜朋去，看花蕩樂行。  
還登臺榭上，四顧野雲生。

咫尺虹橋路盤迴過幾灣暮鴉紛似點亂水曲如環老樹偏隣寺秋容盡在山得逢佳勝侶烟暝不知還

御墨輝高閣停撓一熾舟道心皈法海往事問迷樓不用青龍授須教綠蟻浮蒼茫烟水外落日照荒邱

疎鐘燈火亂返照仍依城借此茱萸酒為聯兄弟情良宵千古重心事一鷗輕入夜歌還徹歸時耳尚盈

舟中坐月

客裏纔初夏蓬窓四面通烟浮千樹杪月出萬山中絕壁沉幽影清波漾碧空倚闌看皓魄萬里故人同

雜咏

東臯詩存卷之二十一

辛

文圖

曉風淒淒入樹蕭瑟動絺衣縱使他鄉好還思萼鰕肥墻角扁豆花幾朵迎霜紫不圖今年花但取明年子蜂蠆慣刺人窠結大如盤一朝掃除盡毒孽幸無卵苑中白鶴雙亭亭若對語莫剪再生翎猶得冲霄去

泊舟

可惜西風便停舟不肯行聽潮來數里坐月到三更北雁看飛盡寒衣尚未成不知籬下菊猶有幾枝撐

湖中坐月

湖水連天白西風昨夜休波隨帆影轉月近大河流胸次涵空碧行踪歎敝裘何當鳴怨鶴驚起一天秋

都門燈下聞雁

亂鴻悲切不堪聞况復愁多客裏身一夜西風纔送冷半亭霜月已窺人青雲正有圖南路振羽寧沾冀北塵嘹唳一聲天地遠白沙蘆葦自成隣

白溝河晚發

客裝猶照一燈紅望裏長安咫尺通路滑只因前夜雨雲濃又怕晚來風河流宛轉山容寂馬首依稀霧影濛遙念故鄉小兒女歸帆應過柳溪東

病中感懷

強持書卷絕鄉思坐擁寒衾冷不支昨夜夢回猶自苦東臯詩存卷之二十一

壬

文圖

滿庭羅網結蛛絲

斷絕還聯去復回世閒無物比愁來可憐百結眉閒鎖便到春風也不開

京邸除夕

逼歲歸鴻信懶傳故鄉雲水隔經年事如亂絮難成繭身似枯榆少有錢天上歲華時復旦人間興味老猶堅沉沉夜鼓渾忘睡貪看梅花色正妍

立春日舟行遇雨

朦朧烟樹暗江村水色天光共一痕舊歷山河堪指點新來離別足銷魂風吹雪浪頻揮棹雨打船篷靜掩門

客路不忘春日酒一聲雞犬又黃昏

江行雜詠

一腔離緒一江烟細雨斜風徹遠天行到江南春有色  
歸舟好繫綠楊邊

十年踪跡似飄萍歲歲梅花慘客情何幸人歸先似燕  
莫辭風雨放舟行

挨柁開船船趁風布帆冉冉逐征鴻回頭笑指衡陽路  
一片迷離烟雨中

青山隔水水流斜水面人居三兩家此夜離人宿江岸  
任他風雨滿蒼葭

東臯詩存卷之二十一

辛

文圖

偶賦

江漢歸休客乘風欲早飛鳥聲經雨滑人影隔江微壯  
志酬蓬葦閒情老布衣到家原有約端合掩柴扉

贈汪邵軒並祝

海濱東望鬱蒼蒼桑柘陰濃是故鄉旭日偏臨君子宅  
祥風都入吉人堂指囷不愧周公瑾服罪還欽王彥方  
自學古賢修靜節用成優游杖履日方長

秋日舟中

石橋橋下水西流此處清幽好繫舟卷地暮烟收宿雨  
連天哀雁叫深秋月離海嶠雲初破風起篷牕浪欲浮

話到更深頻剪燭不須沽酒破沉憂

送景世友歸登封

湘竹簾初下清風到草堂日隨花午向人共雁南翔汴  
水連伊洛嵩峰接太行家聲與世業山水共爭長

把酒欣長聚看花惜晚晴形容吾獨老肝膈爾同傾自  
是雲泥判寧殊冰雪清秋風一把別腸斷故人情

蘇闕

字易門號畊心叵三先生長子有甲坼草印

須集

冬夜韓慕廬侍講招陪金穀似孝廉朱采章進

東臯詩存卷之二十一

重

文圖

士許山濤庶常即席奉和

連龍吹雪散如霜宿莽留蟲瞻渺茫冬日之日何堂堂  
忽焉嚮邇神遽王青藜紫燕更非常華屋生春吐夜光  
酒行以後氣都昂筆勢搏空大鳥翔維摩學畫擬長康  
旋題響徹漏未央

呈韓元少尚書

銅街喧阗爭重關誰其處此樞軸間美人新致發天宇  
皎如清曙橫西山虛舟放溜任三峽明月一白無躋攀  
秋水清門自辟易往來不比長安陌七月七夕賀新涼  
公生走也過之飲一石逡巡話到十年前似坐梅花二

月天左擔澗瀕屏萬里陡覺百倍騰新鮮人生所遇盡如此何必定邁崇山巔

題大滌子襟花卷

稱意之花無不有不期開出斯人手從來造化屬先天  
筆墨那得居其右而君作畫如土產句萌甲拆無掣肘  
絕似東風着力齊元氣鬱勃舒神秀我適閒過數竹堂  
春雨薄烈如雷吼見此如同得新霽山水參差間花柳  
雨風一妬一香生花氣薰人如釀酒玩之不已杯到口  
索我題詩跋花後麗句那有天下白聊看花作牛馬走

水

東臯詩存

卷之二十一

雷

文園

舊日淮南水因風到海安遙將一片白取作大江看天  
淡雲同調潮浮月共寒如何臨浩蕩直洗寸心寬

喜許山濤先生至

自我離京輦相思掃不開那知荒徑外驚見美人來王  
事膺雖切仙舟去莫催良宵好明月纔及放春梅

自淮陰捨馬乘舟順流而下時客京師四年矣

漸與揚州近風生舵尾時山遮鄒子國帆送露筋祠歲  
熟村俱異湖明岸更移草堂雖未到鄉井意相宜

馬首

馬首見山青山花媚遠汀殊方新耳目晴日喜郊垌澗

水通雲棧人烟出曙星未能成小憩鳥語最堪聽

江上

雨過生涼月雲根點數星蘆垂孤艇白山擁大江青羣  
盜離蛟室狐狸避草亭暫時幽意愜爛醉逐流螢

劉家沙望江海

樓櫓高寒斥堠排憑虛曠望一江開千山保障東南盡  
萬古波濤天地迴敷土既成歸禹貢元圭再錫見人才  
昔時昏墊蛇龍窟江漢朝宗日夜來

秦園同張公弼別駕宴遊

初夏園林碧澗開小山中斷石如裁樓臺婉轉啼鶯出  
東臯詩存

卷之二十一

圭

文園

水樹游揚返照來自是習池能醉客可容山簡不銜杯  
試聽月下泉聲靜細擬清閒且莫回

舟行

扁舟輕便岸如飛水劈雙將打夕暉禽鳥自私林壑美  
山川常似送人歸

京口

青青柳色靜如烟花外春江暖客船一片夕陽山帶水  
酒醒人在白雲邊

蘇卓

字立原號無可正三次子有黃得集

沙包山畫馬見贈

歲晚仍羈紲天寒正寂寥雄心消伏櫪虛席想燕昭有  
客來江上丹青擅本朝畫圖能贈我咫尺看騰驕

浮香亭新月

江月何消瘦蝦蟇缺未完半規幽澗底一線暮雲端影  
比銀鈎直光連珠斗寒暗香浮動處清興憶秦觀

秋日同丁葑園祠部吳岱觀大令王丹麓毛稚  
黃葉林屋諸文學登吳山

拾級天門上峯高萬井中水流江界白秋老樹爭紅峭  
壁叢菁合嶢巖仄徑通當年誰立馬亦自足豪雄

東臯詩存卷之二十一

壬

文圖

鍾山

建業龍蟠地鍾山勢接天紆徐靈谷路寂寞孝陵田輦  
道披荒草神旂卷暮烟晚攜舊宮監杯酒話當年

皂角樹

城北八里河塢間大數十圍陰垂十畝

東臯城北路古樹碧參天落葉深村徑垂條接水淵性  
寒霜雨露苔老蝕風烟寂寞高原上空爲我輩憐

丹陽道中

樹裏雲陽驛經過日正斜馬遲沙路窄江晚渡人譁細  
大明荒店孤城急暮笳倉皇下行李獨客在天涯

寄周鐵珊先生

別後驚時序三年判客顏音塵淹歲月魂夢隔江山露  
冷蛩聲咽秋清鴈影寒思君無意緒贏得鬢毛斑

西園

十畝閒園在春來喜獨過到門無吠犬入徑有烟蘿鳥  
啄階除靜花連几席多平生興廢意對此發長歌

送宮定山先生巡撫八閩兼呈王丈坦人

聖明藻鑑過容成珍重提封屬上卿自昔才名原赫奕  
只今閩海藉澄清銀牙努並前驅數雀尾香傳列隊迎  
最是王公懷抱偉老逢知己慰平生

虎邱九日

東臯詩存卷之二十一

壬

文圖

悶倚風廊日欲低江清草碧樹離離真娘墓冷愁寒鴉  
短簿祠荒壓斷碑簾底紅妝喧繡女石邊腰鼓鬪羊兒  
高歌痛飲吾何有笑折黃花獨賦詩

題柳風樓

鄰柳依依正對樓靈和如在屋東頭曾經張緒當年態  
又入陶公九月秋垂老孤懷堪嘯傲逢人佳句懶搜求  
胡牀尚有三更興拄杖兒扶作臥遊

毘陵道中送友人先返邗上

斜陽江上送行舟一路江花照客愁歸去老親如問訊  
為言吾已到常州

題畫

北闕由來懶上書  
侯門多事曳長裾  
年來買得鄰家畧  
蓑笠磯頭學打魚

江上送黃鳧仙

望裏雲帆去漸低  
一江春水自漣漪  
無情惱煞隄邊柳  
更不和人綰別離

蘇觀

宇審堂號香谷  
三季子有拾遺集

菊影

不寐挑燈坐  
花寒壁上秋  
月過三徑寂  
人淡一庭幽  
水

東臯詩存

卷之二十一

天

文圖

墨光如寫烟雲氣  
欲浮昔年陶令宅  
此景得曾收

重過六盤山

在平涼府隆德縣

依舊山頭路  
秋來冬復旋  
高低雲不礙  
今古石磨穿  
跋涉因何事  
艱辛又一年  
林泉慣相識  
祇是此前緣

送費大將軍北征

奉使登壇事遠征  
貔貅十萬出神京  
寒催草木旌旗肅  
霜重關河虎豹驚  
畫角曉吹沙月冷  
瑯玕遙指塞垣平  
遐荒此去銷鋒鏑  
定取降王早罷兵

家仲兄立原寄懷卻和

手披招隱一篇詩  
知為同懷遠繫思  
盤谷有心歸李愿

輞川何計學王維  
池塘夜夜吟春草  
花萼年年感鬢絲  
況是笑蕖初放日  
倍緣離恨鎖雙眉

登高壽閣望西嶽

踉蹌行役瞻望山  
峯心神過往隆冬  
冰雪未  
易攀躋也乃登萬  
壽三重閣諸峯羅  
列朗然  
在目如陟太華之  
巔迥出塵霄

憑臨高閣盪心胸  
華嶽連雲千萬峯  
西顙降靈常駐輦  
崑崙望氣識來龍  
橫持閭隴收秦塞  
撐拄乾坤亾岱宗  
欲去上方通帝座  
滿山冰雪正隆冬

十三陵

在昌平北

東臯詩存

卷之二十一

天

文圖

十三陵上草萋萋  
望去空山日已西  
花落寢園烟色暝  
黃鸝飛過柳陰啼

馬嵬驛

中使香囊奉至尊  
雨淋鈴曲最銷魂  
楊花落後無消息  
海外空傳濕淚痕

攝山

山含翠色樹含烟  
磴道紆迴霄漢邊  
欲結一亭空澗處  
好舒雙眼望江天

石碁

宇玉溪康熙戊寅  
拔貢著小學咏贊



寄友

離索經秋晚無由見所思夢回殘酒後賦罷落花時  
淅淅虛安道揮絃憶子期願言重倚玉相與訴心知

中秋感懷

深山霽月皎長空秋色平分此夜中歌管羣遊仍舊侶  
獨無人倚小橋東

詠古

豫讓

身可漆炭可吞啞癲何足辭難酬國士恩君頭為飲器  
安用我頭存橋下廁中誰在此義士甘心趙襄子君不  
東華詩存卷之二十一 手 文圖

見東鄰再嫁妻能為後夫死

陶侃

不忘恭敬民之主東晉風流得似無分寸光陰忙裏惜  
世人甘作牧猪奴

采薇歌

朝采薇露未晞夕采薇風淒淒岐山東來墨為縑大白  
小白懸兩旗食周之粟何如薇與蕨薇雖不能還是  
商山草

高允

人情所難莫難于死死不易辭乃堪作史大書特書死

亦書聞古南史蓋如此後誰繼者高伯恭不負君不負  
友不負已不欺二字銘肺腸何須穀觶天威咫尺嗟乎悲  
哉瞿黑子

石琮

字果育康熙癸巳舉人廣西修仁縣令

將歸問夜

野店膠膠雞四鳴披衣坐起數殘更客懷長路思多苦  
雨打幽窗夢不明豈獨惟公稱健者空教豎子浪成名  
向晨又欲孤舟去落葉琴書懶出城

城南

東華詩存卷之二十一 手 文圖  
文章誤我老逾深流落城南直到今梁月夜懸孤客夢  
藜燈秋冷故人心興豪空擬山陰棹道阻還成渭北吟  
且勿清時貪獻賦冷冷一曲伯牙琴

石璠

字奐若諸生

作詩

作詩本醫俗俗習醫良苦所以有心人悠然思前古思  
古如有獲處處精神聚當其游戲時落筆驚風雨能令  
腐儒曹縮舌不敢吐

舟次江東

石橋橫鎖大江東一葉隨潮渡朔風岸上呼童沽酒去  
停舟共醉夕陽紅

秋日經亡友墳

疋馬生前共載途奚囊時逐探春壺于今染盡楓江淚  
泉下有人聽也無

渡龍江

風清孤鷺飲餘霞網集澄江八九家上下船搖人賣酒  
漁燈隱隱出蘆花

舟夜聽話雲市精舍

蘆花似雪露淒淒夜正閑時鳥又啼獨棹和霜依斷岸  
東華詩存卷之二十一 重 文圖

疎鐘將月渡寒溪久安故我成芻狗偶向同人說木雞  
聞道山中雲市好何當松下相攜

冒與晉

字晉卿邑廩生有賜谷集蜉蝣草

烏衣巷

門掩斜陽戶網塵烏衣巷改尚逡巡舊時燕子飛還到  
莫向堂前認主人

燕子磯晚發

枕上風雨息忽見青山曉江色淨朝嵐歸雲擁樹杪回  
望磯上亭濃烟隔祿淞

別山僧

清秋既云暮別君歸山去徘徊斜日外落葉紛紛路

姜玟

字文玉號石珠

春半

百花又放到棠梨時序平分景物齊乍雨乍晴寒食近  
墓田人哭野雲低

春澗

霞嶂烟屏萬丈春中分一派水粼粼扁舟釣叟無名姓  
說是前朝避世人

東華詩存卷之二十一 重 文圖

春燕

又見紅襟浣碧波華堂新構滿城多不嫌傍水柴門僻  
還向茅簷補舊窩

春宮

瑣院深沉午夢清春風忽散玉簫聲君王新製霓裳曲  
親選宮娥十二名

春妝

新試薔薇露一瓶綠雲香暗碧紗櫺玉釵寶髻應嫌素  
添朶桃花點鬢青

春夜

雪兒時曲譜三吳雲母屏風蜀錦鋪燈暈酒闌人盡散  
一庭花月影模糊

春水

冰紋霧縠曉風裁灩灩溶溶斂復開為問岸傍桃李樹  
昔年曾見浣紗來

春信

連朝喜鵲報當樓郎寄書來慰妾愁讀罷情增心懊惱  
未題一字買歸舟

東臯詩存卷之二十一

五

文圖

東臯詩存卷之二十二

同里江大鏡樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

張九鵬

字萬程號楚園以博學受知於簡親王延  
為世子師著有楚園集

史閣部墓

在揚州梅花嶺

丞相孤忠孰與儔廣陵浩氣總全收兩朝未許元戎績  
東臯詩存卷之二十二

一

文圖

四鎮空遺上將謀疏冷南宮歌舞靜魂依北闕海天愁

只今惟有邗江月夜夜清光照隴邱

吳王墓

闔閭墳上草芊芊野戍啼烏異往年不是艷施能敗主  
還因蠡種善回天重遊輦道皆陳迹舊作離宮已變田  
見說館娃亭畔月年年歌舞為君憐

九日同高康錫登高限韻

醉插茱萸傷客情簷牙風雨作秋聲鄉心每向杯中盡  
旅思偏從物候驚黃菊欲簪悲短髮素懷按劍愧長纓  
登臨莫話當年事高卧西山老此生

贈梁五稔時相約入都

十年風雨海門濤，寐寤梁生未可招。  
家剩一身猶愛客，田餘五畝尚征徭。  
奚囊僅有驚人句，旅次曾無索酒瓢。  
我欲傍君南北走，長風只待晚秋潮。

春暮過恕菴先生園亭

為訪高人遠市闌，滿懷愁緒一時刪。  
雲連疊嶂疑無路，木落層崖別有山。  
柳絮遍吹亭閣外，人家都在樹林閒。  
一春好事酬今日，鷗鷺從容愛我閒。

迷樓故址

破壁修垣滿薜蘿，隋家宮殿舊山河。  
長葦日晚悲鴻雁，東臯詩存卷之二十二  
二 文圖

衰草秋深牧駝粉黛色，空幽夢遠綺羅香。  
散野棠多百年此際渾如醉，多少滄桑感慨過。

晚發維揚月夜舟中作

廣陵濤上理歸航，秋月明明滿載裝。  
千尺淡烟籠柳塢，幾家殘火照魚梁。  
書還季子真無賴，舌在張儀總不妨。  
歸到燈前妻子問，但云詩句滿奚囊。

投秦三首時臘月廿八日

投秦無善策，歲晚促裝行。  
襖被風尤冽，孤村月未明。  
不愁雙鬢老，還笑一身輕。  
止宿依長夜，淒然百感生。  
匝月行來遠，重關百二開。  
河連黃霧塞，山擁白雲來。  
志

在謀猷壯心雄，器識恢秦人無遠略。  
只此正需才，廢學由來久。  
顛連未有時，食貧嗟命運。  
計拙愧鬚眉，夙負張儀舌。  
常懷季子，雖不知天地理窮達。  
果無私

謁少陵祠次韻

病竄依行在倉皇，未入林天旋黃屋。  
遠人老碧雲深慄，慨酬初志艱危托。  
素心荒祠遺像古，瞻眺喜追尋。

瓜渚晚眺梁藥亭太史限韻

竹西傳勝蹟，瓜步有奇觀。  
岸澗棲雲列，江空夕照寒。  
潮聲通鐵甕，地勢接金壇。  
事業蕭梁遠，吾儕眼醉看。

由西函谷關過中條秦嶺道中作

東臯詩存卷之二十二  
三 文圖

谷口春深烟雨重，遙瞻紫氣入秦雍。  
中條北峙河東路，南嶺西連太嶽峰。  
水際但餘黃霧塞，山巔常有白雲封。  
雄關百二從誰建，今古人傳是祖龍。

華陰廟

廟貌巍巍擁碧天，陰陰氣象更森然。  
地當華嶽三峰裏，人在黃河九曲邊。  
古柏蒼松依日下，秦碑漢勒滿宮前。  
滄桑自古多朝代，獨有山靈不變遷。

由杜陵韋曲過牛頭寺懷古一律

十里長林一望收，人依馬首度牛頭。  
秋風浴葉空山響，細雨鳴鶉古戍愁。  
韋曲豪華垂百世，杜陵詞藻重千秋。

可憐舊日開基主漢寢唐陵土一邱

三月舟行晚泊

蠶豆花開天氣晴田疇燕子舞風輕舟從雙社湖邊過  
人在山陰道上行樹影波光遙蕩漾江聲嵐氣轉分明  
俄驚隔岸蒼烟裏欸乃漁歌唱數聲

秋日病中述懷

愁看雙鬢已絲絲况值秋風旅病罹眼底交游惟縱酒  
近來著作頗傷時夢花誰信江郎筆冷被還吟杜老詩  
潦倒十年徒自苦祇憑離恨寄相思

不寐

東臯詩存卷之二十二

四

文園

顏唐豈是為途窮種種顛毛漸作翁北闕有書誰薦士  
南山無地久飄蓬為官自昔需文教拜爵而今讓武功  
可惜晦明風雨夜年來總在別離中

蕪城放舟至大江登金山梁藥亭太史限韻

金山往昔曾登眺妙高臺上舒歌嘯十年潦倒不如人  
此來端惹山靈笑粵東才子舊知名大雅文章一代傾  
黃金臺畔動離轍廣陵道上理行旌平山暫住邀名士  
官閣不嫌人問字萬派胸羅勝大川五車腹蘊高中秘  
紅橋又復宴詩人我冠博帶多佳賓快同此際人如玉  
不謂今年冬是春勝遊信宿殊為樂避跡繁囂遠剝啄

移舟直抵大江濱驅愁暫把塵心濯雲收霧斂見朝曦  
風平浪息拜江豚混茫一瞬日之夕東山月出如車輪  
溯洄旋繞蛟蛇宅澎湃波濤喧石壁龍歸海外露新鱗  
馬走江頭消舊跡一拳石百株松層樓疊閣摩蒼穹江  
天一覽何蕩漾雄哉天地古今大江南北挺然獨秀之  
奇峰

送蕭子穆之如臯

春暖維揚好放船波光搖蕩水如天桃開隔岸紅侵檻  
柳綻長堤綠到筵幾處村原漁市酒萬家燈火夕陽烟  
江城風物君先到計日還來杖履前

東臯詩存卷之二十二

五

文園

南鄉觀劇贈段對亭女史聯珠

象板鸞簫集鳳臺美人天上唱歌回一時梳洗臨秋水  
兩岸芙蓉不敢開

山東道上

路出齊河縣高原不問津泉聲疑落檻山勢暫依人萬  
樹鴉啼急孤村犬吠頻中原名勝地先此動蹄輪

答楊階六

不識騷壇客村居作隱淪鬚眉交宇宙詞賦冠江濱有  
道何妨拙慳謀且耐貧我來從此約把卷與君論

寄宏謨弟

相逢成底事別緒轉離草斷西塘夢音疎北雁詩王家烽火急時乙卯故國羽書遲未必分陰惜愁看兩樹絲

與越峰有約將歸江南賦此以贈

同是金陵客三年冀北遊范睢將去國王粲每登樓久客偏生恨長貧慣惹愁何時攜手去相對古林邱十載談交道襟期未許同愛君無白眼容我坐春風義肯通無有才堪濟困窮風流人未遠歸信託賓鴻

秋日經先大人墓

此恨終難極秋宵不忍聞老親歸故土稚子哭新墳古東臯詩存卷之二十六文圖

早發金臺宿方城署中贈童四夫子

天畔黃雲曉未清春明門外又南行十年馬脊人將老五夜雞聲劍欲鳴薊野經時棲客舍江干何日紀歸程相將暫得依劉表未許登樓賦北征

慰徐楚狂時寓惠明寺

荒園蕭索暮秋時又值西風傍晚吹客夢不來千里約羈魂愁聽五更颼燈殘古寺僧歸少屋倚高林月上遲莫謂一身無伴侶予將與爾論新詩

春社後一日飲寶公家大兄處將歸江南走筆

達蕪城諸舊識

東風桃李爛春城旅思偏從物候驚謾卷琴書將去國不勞車馬日尋盟雲山獨有家南望音信曾無雁北征昨夜得嘗春社酒一杯思與故人傾

贈王召似

檢點生平頗自廉十年滄海一茹檣寧無司馬驚人賦更有君平賣卜簾至友何妨交未早新詩只恐字多纖他年握手邗關路數遍春風舊酒帘

壽汪萼友

石榴花老麥秋天客子郇厨敵壽筵此日元龍天下士東臯詩存卷之二十七文圖

當年李白酒中仙吟成不必皆三百醉倒還須更十千與我訂交情最切相期白首坐林泉

元夕前二日遲友人不至

燈火千門樂事催幽齋旅夜自徘徊地當僻處賓難至人在貧時客怕來明月一天雲未鎖疎燈半點戶全開倚門目極同心遠但聽笙歌罄綠醅

童伯翁聞太夫人訃音詩送歸里

我亦終天挹恨人為憐哀苦動情真廿年宦况家無定一代才華志未伸舊館新亭催過客素車白馬歎孤臣兼程指日慈靈側哀毀還宜惜自身

陰平道中

東嶽成林面面羅布袍無恙往來過十年只走山中路  
幾日重披江上蓑北望河源黃霧滿東瞻岱嶽紫雲多  
誰為燕趙悲歌客劇孟無人可奈何

陳益齋冒樸人聽周子能度曲

柏枝椒酒薦新年賢主邀賓動十千國士喜談天下事  
幽人但說口頭禪閒中度曲翻新調醉裏耽吟寫素牋  
我亦濫為東郭侶金門握手重留連

無題

相逢月下恍瑤臺仙子風流莫浪猜搖曳謾隨湖上柳  
東臯詩存卷之二十二 八 文圖

蕭疎應笑隴頭梅眉因拂意牽愁鎖口為多情帶笑開  
寄語高唐休入夢近來誰有宋家才

讀晉史

俗尚清談廢古今五方雲擾禍基深當時亦有言官在  
直到蒙塵想郭欽

夏口陳兵接石頭武昌北望擁貔貅當年不是丹陽尹

東晉難延百二秋

蘇峻兇頑叛逆時上流破竹統雄師最憐卞壺全家沒  
庾亮聲名自此馳

遂使神州竟陸沈中原血淚灑衣襟平城一歎英雄老

夷甫諸人責最深

正朔相承已有年大哉王猛告符堅如何不聽臨終語  
草木皆兵亦可憐

國運無常易作災中天彗起禍樞來萬年帝子從來少  
勸爾長星酒一杯

蘇鼎鄴

字方侯康熙癸巳舉人任湖廣黃安縣知縣  
春雨

雨過山山暗知希日掩門隣烟沒草樹為語亂朝昏適  
興時烹茗偷閒自掃園關心無一事坐聽水潺湲

東臯詩存卷之二十二

九 文圖

宿醒猶未醒晨起怯春寒雨急翻苔砌烟沉鎖石闌驚  
從愁裏聽人向霧中看坐久還思卧東山老謝安  
村居晴固好雨後亦增奇石溜傳琴曲蛙鳴代鼓吹天  
低雲黯黯柳顫影差差更是離邊景新鋪蜀地葵  
陰霾何日散又聽雨聲纖屐齒粘泥脫花鬢帶濕拈風  
來常閉戶酒到一掀髯漫說愁城破愁城壓里閭

同年周子介歸里賦此贈別

江城遠隔幾重山戍漏催征一夕還久賦同心依帝  
里應隨好夢到鄉關半生績寄鳬烟外盈帙詩成馬足  
閒吏隱高風今再見歸田落得奉身閒

沙鍾珍

字彥弢岳州別駕

遊西山秘魔巖

古徑支筇一望收石岩深處半橫秋龍餘舊蹟迴殘照  
山帶晴霞瀉碧流千碣遠松開梵唄九天寒雨散林邱  
空潭夜靜聞清響疑是雙螺出水浮

春日登中頂望仙閣次紀伯紫韻

望仙閣上試登臨春色闌珊祇樹林花墅半開天外畫  
槐亭全散晚來陰同人野坐餘觴咏帝里歡遊自古  
今遙望金臺多王氣悲歌休繞故園心

東臯詩存卷之二十二

十

文園

燕山雜咏

盧溝

高原獨立曉風涼目送渾河入渺茫拱極雲連鼉鼓浪  
盧溝月照馬蹄霜西山木落砧聲急北塞天寒草色黃  
橋畔經年頻餞客無邊秋色識行藏

太液

風恬雲淡水光明鳳閣玲瓏出帝城萬頃晴波涵日  
動一池玉浪有龍行人吟柳岸看鷗浴鳥弄花香解客  
醒疑是桃源深處芳洲杜若襲衣清

玉泉

層樓高閣逼青霄天外羣峰倍寂寥但見玉泉噴石髓  
誰知古殿自金朝丹山碧水流虹帶綠樹青雲映彩橋  
多少幽人閒眺望清風明月好逍遙

繆彥禧

字裕輔號松崑郡文學著有松崑遺稿

渡江

放楫中流去風微客不驚漁舟乘浪穩沙鳥浴波輕海  
氣連雲暗江潮帶雨平凝眸空萬里渺渺滌塵情

邗江月色

清秋邗水碧迢迢漏靜猶聞舟子招百雉當空懸好月  
東臯詩存卷之二十二

十一

文園

疎星照夜漲新潮光連蜀嶺三千嶂宴罷隋堤廿四橋  
昔日勝遊成浩歎於今愁對此良宵

登崑山

怪石巒岈仄徑通蒼烟杳渺樹迷濛萬峰鏤立當胸列  
一水天開照眼空古柏陰濃橫碧靄高梧葉脫舞秋風  
登臨早到半山處已在穹窿深翠中

懷王止齋遠館南村

相思孤館杏花天擬放南村一葉船風雨尋盟疑昨夜  
弟兄隔面又經年鳥聲頻喚高枝侶野興閒拖拄杖錢  
良晤有期知不遠一壺細與話燈前



再送張楚園北上

相逢又欲泛仙槎此日離情未有涯十載文章驚海內  
半生鬢髮老京華馬嘶驛路西風勁雞唱蘆花曉月斜  
竚聽彤墀邀寵渥漁陽事業應堪誇

陳天位

字晞巖號萬蘆歲貢生著有萬蘆詩稿

春夜宴滴翠山房

分得屋字

亂峰挂薜蘿中有梅花屋盤迴白雲護仄徑窈而曲門  
開怪石迎轉見波光綠疎窻對小池几案無塵俗嵇阮  
抱琴至悠然豁心目法書觀絕筆高僧憶梅谷主人逸

東臯詩存

卷之二十二

主

文園

興饒張燈呼醺醪少馬向溫泉或效狂士浴浴罷擊鉢  
吟繭紙飛珠玉春園送酒多風雅吾輩獨山水發性情  
豈徒飽載肉古人秉燭遊勝事今能續酣醉忘歸去鐘  
聲起城角

寄黃際飛

臨風望遠寄雙魚露冷天高月桂初海岱相思千里外  
江臯別夢一年餘身隨琴鶴花陰老分隔雲泥酒態疎  
丹桂香濃秋正爽豈能無意惜離居

除夕感賦

霜髯明朝又一年浮生百感總茫然春來菽水空餘恨

老去頭顱倍可憐問字敢誇揚子宅探囊祇剩阮孚錢  
驚心四野聞鴻雁華屋爭飛爆竹烟

入夜寒廬寂不譁燒燈暗自惜年華寸陰駒隙光何迅  
大衍吾生數已加窮慣那須文送鬼涎流空羨麴盈車  
安排歲事無他物笑問簷梅放幾花

十四夜舟中同門人宗定山觀月

蒲帆高挂趁秋風明月多情照短篷草露淒清蛩響急  
飽尊寂寞友生同英年愛聽濤聲壯老眼愁看夜色空  
百里茱灣烟水濶魚簪隱隱一燈紅

孫遊

東臯詩存

卷之二十二

主

文園

字書升諸生

書齋獨坐

簷鳥空庭亂春深意悄然蒼苔連夜雨新水一潭烟花  
落方知午書殘不計年起看堦砌綠童子弄榆錢

和洪時敏孝廉往楚未果返棹揚州原韻

三楚空懷負壯遊孤身二月返揚州却逢馬首迎春色  
不教猿聲動客愁天岳看山勞夢想雷塘弔古亦風流  
何妨潦倒塵途客簫鼓頻邀看畫舟

次韻蘇方侯孝廉中秋全人步月

沙畔行來起宿鷗簫聲幾處落高樓人閒喜玩今宵月

天上平分此夜秋  
瑟瑟西風衣袂冷  
蕭蕭落木客心愁  
蟾宮肯予虹橋渡  
長嘯一聲雲為留

和陳洗宜見贈原韻却答

幾點青山指顧閒  
千年不改舊容顏  
滄桑變易悲棋局  
詩酒尋常小漢關  
昔日斧柯還自理  
今宵花月賺人閒  
城頭鼓角霜飛絕  
蓑笠誰同水一灣

和蘇方侯九日偶成

放懷天地眼從寬  
九日登高好盡歡  
雲鎖玉峰齊北闕  
桂香金盃釋南冠  
因風正想尊鱸美  
浴水何愁鷗鷺寒  
醉倒茱萸山月小  
東籬有菊十回看

東臯詩存卷之二十二

十四

文園

佳哉秋氣繞樓臺  
鬱鬱蔥蔥沉霧開  
雁塔君膺黃綬早  
龍山我愛白衣來  
也饒江筆題糕在  
獨帶天香入袖回  
有興不妨燒蠟燭  
莫教老影照孤杯

問蘇方侯病

寂寂草堂花落日  
相思心苦似旌懸  
寒飈坐我貧餘骨  
襟被眠君瘦削肩  
更與何人頻縱酒  
空憐有月正當天  
寄言好誦陳琳檄  
起和蒹葭白露篇

夏日即事

一月沉陰蔽褐涼  
看花辜負日空長  
編茅數補門牆漏  
糴米行愁道路荒  
雲鎖層岡悲虎豹  
風吹衰木壓池塘

幾時月出東山上  
萬里明霞繞夕陽

次韻江及先孝廉咏雪

豐年今始兆瑞雪  
滿空颺日落雲容  
紫天低海氣黃衆  
芳皆粉飾六出是  
花王欲解相如渴  
須將舊鷓鴣

除夕江健士寫梅見贈因賦

幽情信筆成梅譜  
墨淡香濃更有神  
為我衰年添老友  
愧君除夕作閒人  
窓前已足屠蘇酒  
湖上相宜鶴髮身  
自覺久淹東閣興  
花箋明日與春新

江健士歸里三年矣初冬自黃山來見訪喜贈

十月風寒近仲冬  
忽從天外落征鴻  
老來兄弟同無恙

東臯詩存卷之二十二

十五

文園

別後文章孰有功  
解寄家書黃耳犬  
慣吟海雪白頭翁  
人生幾個三年別  
滿眼浮光草木窮

七月海嘯人民多死至中秋猶無寧處賦以誌慨

洪濤怒發蒼生沒  
慘極呼天天不聞  
四野難分原與隰  
千家多以屋為墳  
波中猛獺銜新鬼  
岸上狂風擁怪雲  
佳節縱饒涼月好  
難將杯酒洗塵氛

舟泊虎邱

日落停舟傍虎邱  
滿山蒼翠暮雲收  
十年迷却還家路  
記說傳經石點頭

客窓感懷

倦來晨起不梳頭月自低斜花自幽鄉思幾番紅葉大  
客愁無數白蘋秋鴻飛塞北千山雨人送江南萬里舟  
幸有昨宵燈下約抱琴來共話悠悠

秋月

人閒秋似水天上月如盤長笛千山靜清砧萬井寒無  
風吹木葉有露濕欄杆雁過留孤影愁人不忍看

寄懷江健士

黃山一帶好尋秋曾記東濱昔日游十二時中雙老眼  
三千里外一孤舟烟迷海上蜃樓在雲鎖衡陽雁道修  
東臯詩存卷之二十二 文圖

只有相思託明月幾時對酒盡更籌

徐宏成

字自西附貢生雍正戊申 旌表孝子著愛

月軒詩稿

歸舟遇雨

晨起理輕裝濃陰佈野塘孤舟衝浪出密雨挾風狂柳  
暗烟迷色桃紅淚濕妝寒侵春服薄歸路轉悠長

文昌閣避暑即事

地迴樓高暑不侵城南咫尺共登臨風來四野空無際  
木杳千章畫亦陰漁唱溪邊催晚景蟬吟柳外滌閒心

幾時再眺層臺上次第秋容看畫林

江源

字岷山號靜齋康熙己卯舉人著有映月堂

詩文稿

僕夫吟

僕夫抱苦辛千里供斯職所嗟徒步艱全以肩為力高  
低歷崎嶇上下從登陟身折常偃偻兩手張如翼時或  
走層巒脚底踏沙石況復風雨中顛蹶有飢色勞與牽  
夫同彼尚有時息獨爾疲四肢侵晨至日夕嗟哉百役  
勞疇能堪此極如何車中人安然猶自得

東臯詩存卷之二十二

七

文圖

辛未紀事

狂風迅雷天際來萬丈之崖卷塵埃旋轉乾坤在頃刻  
使人對之喪心魄自是天心不可測鬼物妖墓在咫尺  
聖朝立德本無違何事生靈多震嚇况復殘冬雨雪凝  
江河之中數尺冰奇寒亦是南方少多恐今年麥不登  
又如城市中春來肆祝融動焚百餘戶居民悲轉蓬如  
此災異見復見南服如何失天眷至德從來可勝天災  
祥莫報銅龍殿

重過玉泉園

幽徑經重闢名園喜再過到來風日好望去水雲多蕭

索已如此登臨更若何素心平不得徙倚一悲歌

此地由來久經時獨往還誅茅成小築壘石竟為山三  
徑野花發半灣溪水閒昔人今已去踪跡杳難攀

問訊邱園老相逢意更親悠然穿竹徑偶爾坐花茵舊  
犬知迎客寒梅欲笑人我來憐風好潦倒白綸巾

猶憶西窓下聯牀話所歡花時曾嘯傲月夜恣盤桓客  
散獅王座人非獬豸冠登高獨回首落日暮江寒

### 蟋蟀

一夜西風起堦前蟋蟀鳴已添羈客淚況雜擣衣聲避  
雨入牀冷傍花食露清晚來閒抱膝為爾動秋情

東皐詩存卷之二十二

文

圖

### 偕同社諸子看牡丹分韻

小院花迷日欲昏同人攜酒到柴門總緣春色詩偏富  
卻羨名花品獨尊倚檻濃妝蜂着眼滿簾香氣客消魂

姚黃魏紫凋傷盡簫鼓南軒未許論

董琴菴夫子舟次吳陵同倪永清黃交三兩先

### 生分賦

雲影江聲總不閒令公船泊大堤閒桃花半落愁還賦  
楊柳無多醉復攀客夢一時回海國宦情千里託關山  
消魂最是今宵月也向樽前照別顏

### 村園口號

一帶垂楊綠滿堤數家茅屋傍清溪我來此地常移酒  
鳥在騷人頭上啼

### 惜花曲

採將紅芍藥插向小瓶中不有憐花客能禁幾陣風

### 江濤

字有聲號秋觀試授郡佐著有海棠巢詩集

### 寒林晚望和施濤江太守韻

一望寒林迴朝來爽氣清宿雲低別島旭日上孤城野  
樹疎無色江潮遠有聲相期春信至共此踏莎行

### 春暮有懷蔣雪岩

東皐詩存卷之二十二

文

圖

九十春光暮天涯倦欲歸一年花事晚十載故人稀好  
鳥吟深樹扁舟載落暉悠然成獨往無那惜芳菲

### 至日海棠巢分韻

同是天涯客佳辰共一觴漫言時不再且喜日初長把  
酒驚遲暮高歌向夕陽葭灰吹動處春氣轉蘭唐

### 送王景山南歸

歲晚驚分袂南歸豈浪遊恐荒舊院竹未許故人留有  
劍閒時嘯無家到處愁臨歧重惆悵回首海天秋  
正熟餘杭酒君歸菊有花一年南北阻千里夢魂賒寄  
食全無謂相逢那是家吾曹須適意取醉就平沙

陳于山攜酒話別

判袂河干語不休白雲親舍指高秋芳辰有酒勞相勸  
異國何人解此愁揮淚不禁重把臂欲行無奈一回頭  
到家若問歸期晚漫說溪橋攬敝裘

登狼山懷舊

五峰依舊聳層阿卅載同儕着屐過把酒臨風呼谷應  
出雲入月縱山歌燒殘短蠟驚長夜坐到紅輪湧綠波  
此日獨來桑海變青山白髮任蹉跎

七十踰跚強步那登高空見白雲多癸未歲扶先慈偕兄弟同登江

天有淚分泉壤夜月無聲獨嘯歌官閣支筇尋碧澗懸

東臯詩存卷之二十二

辛

文園

巖踞足指烟蘿漫將懷抱傷今昔只恐重來蹟又訛

試茶和陸樵海韻

媽紅吹散碧梧華燕子輕沾水面花簾幙半鉤長晝靜  
竹鐺蟹眼煮新茶

和陸樵海病中原韻時元宵後五日

與君虛訂平原飲同病爭差十日遲欹枕乍酣莊老夢  
披襟欣讀放翁詩樓臺燈火成空約春信梅花又及期  
強起扶筇嗟獨立門前新柳亂如絲

送陶菴十姪之蜀

男兒少壯未安貧萬里風烟定有因江過黃牛波激灤

城高白帝石嶙峋亂雲飛處家山遠北斗橫時客夢新  
此去加鞭驅畏道二王忠孝兩天真

悵爾輕離白首親天涯忍作一孤身縱饒富貴公孫飯  
可及芬芳孟母隣峽水易深遊子淚鵲啼不是故鄉春  
浣花溪上母多戀采石江頭早問津

八月二日示四男銳

百歲韶光瞬二旬衰頽況是古稀人休輕綵袖堪娛日  
正是蓬弧可畏春奮翮十年當卓立埋頭一刻莫逡巡  
由來巨孝家聲美授錦還期五色新

鄧繁提

東臯詩存卷之二十二

壬

文園

字穀詒有茗花村詩行世

九日和冒君苗先生韻

路入荒涼緩步行一年此節最多情黃花似笑酬佳句  
紅葉如愁憶舊盟江上秋風寒尚薄雲中旅雁字初成  
杜陵老去悲歌易我亦茫茫百感生

紫琅塔題鐫

長江流不窮高山青未了頓覺豁心胸盼睽乾坤小  
即景

蕭寺鐘魚寂疎窓烟雨微桃花猶未放海燕早飛飛

無題

淚灑黃花面秋風那得知寒蛩何所恨也共雁聲悲

虎邱

畫船無數到雲汀歌吹多于石上聽霸業消沈宮闕盡  
闔閭墳畔草青青

擬吳歌和廣文先生張嘯竹韻

采菱復采蓮蓮塘接菱塘塘邊孤駕起為我送情郎

爵臺張夫子枉過

侯度推廷尉賢哉天下平八騶蓬戶過五瑞布衣迎相  
示多新句能忘有至情粉榆原不遠仰止快吾生

揚州客中內舅氏郭山顯先生招同冒三過飲

東臯詩存卷之二十二

圭

文圖

驚心花事到將離二客揚州匝月羈別久才能牀下拜  
情多已得酒邊隨崔盧門第清猶貴燕許文章老更奇  
我亦欲東少歸計好憑溫語慰鄉思

紅葉復紅葉

紅葉復紅葉葉葉惹秋蝶秋蝶復不留已見秋露歇飄  
零趁水東西流何人不為紅葉愁

追悼海陵黃舊樵昭陽王西齋兩前輩

二老詩篇冠古今獨宣鐘呂百家瘡瓣香誰嗣風流盡  
腸斷西州絕賞音

秦淮辭

秦淮到中秋碎瓦為浮圖浮圖僅及肩歌吹無處無明

月照離人三更啼夜烏只隔秦淮水相思空踟躕

昭陽王勿齋前輩過飲

元方去後季方來真率先呼酒一杯詩是當年玉溪子  
有時還似杜陵哀

過晚香亭憶先伯父大令公

晚香亭畔坐又是菊花秋北海賓朋老東山絲竹愁何  
年方化鶴幾載罷乘舟亭畔有不盡升沈幻清砧過舊樓

桃葉渡曲

東臯詩存卷之二十二

圭

文圖

我來古渡頭不曾見桃葉桃根六代前桃花水上貼舉  
頭鍾山青燕子飛城堞

過水繪菴追悼巢民前輩

水繪園荒牧馬嘶斜陽猶見柳垂堤陳蕃遺榻懸何地  
有客驚心烏欲棲

山中贈宗紀上人

山中終日話枯禪見道支公自早年雨到天花空俗累  
聽來梵語了塵緣風清月白澄江畔鶴唳猿啼古木邊  
不負山靈招隱意巢由不費買山錢

陳漁

字于山號秋江邑處士

清平港晚發

秋色餘殘月扁舟趁曉行隔林遙犬吠廢寺近鐘聲水樹連天澗山田帶露耕前途村落裏早有亂鴉鳴

待胃介菴不至

秉燭坐良夜虛窓客思深孤城寒漏盡遠寺夜鐘沈消長從人事憂疑隔此心五更還不寐為爾一微吟

送江有聲內弟之吳陵

酸風盲雨話離羣握手叮嚀苦送君思入黃花天漸遠人登青雀酒初醺郵亭暫共東臯月別路遙生海甸雲

東臯詩存卷之二十二

文圖

咫尺他鄉今且去魚書雁帛易相聞

過鄧孝威中翰舊居

陋巷淒清異昔年徵君閤閱已蕭然到門惟見蛩吟月入室何堪竈突烟剩有圖書遮屋壁却無車馬駐林泉玉樓金谷皆如此名士風流更可憐

秋夜同江岷山兄弟廣福寺步月

滿空月色下禪林薄醉閒遊洽素心最愛夜深仙籟寂露花墻畔有蛩吟

舟過柴灣有懷冒長益洪謙六

鴉帶寒聲窺夕曛秋山一碧點秋雲無情最是東流水

能使扁舟兩處分

登天寧寺大悲樓

揚州選勝出郊遊挈伴同登最上樓遠雁微橫島嶼孤帆隱隱下江流慈航自悔離塵晚法海因知學佛幽寄語山僧須入定蕭閒容易白人頭

同程輯五諸子集容菴齋中賞桂

良朋高會綺筵開丹桂香清拂座來風作秋聲鳴碧葉月將叢影過蒼苔高枝不用登天折佳卉偏教得地開分付旁人休剪伐君家原是舊追陪

許銳

東臯詩存卷之二十二

文圖

字穎賢

露筋祠

野寺蒼茫湖水渾露筋大節在乾坤香燈掩映丹青舊環珮飄搖簾幙昏一夜酸辛成萬古千年俎豆只孤村朔風颯颯松杉響庭際疑歸貞女魂

廣陵郊外即事

黃鳥聲中鼓角悲百花影裏出旌旗驚心二月春郊路不似當年歌舞時

咏白芙蓉

疎疎照水幾枝斜間柳依蘆一半遮白帝似憐秋色淡

分叢點出赤城霞

閨中秋

華月重懸玉鏡光  
霏霏露冷欲成霜  
高樓又進千山雪  
丹桂還飄萬里香  
夢入蒹葭秋漸老  
烟浮橘柚影初黃  
詞場此夜翻新調  
佳宴開時興未央

許猶份

字纘公號韞齋考授州司馬

七夕立秋

佳節欣逢報早秋  
鵲橋曾否渡牽牛  
銀河清淺雙星會  
金井風涼一葉浮  
理曲忽來江上笛  
穿針卻憶月明樓

東臯詩存卷之二十二

壬

文圖

銜杯此夜情無極  
獨對年華感舊遊

句曲歸里值風雨大作復滯邗江感而賦此

驟雨奔濤湧孤征  
此日愁途窮多嘯咏  
家遠恨淹留徑滑遲  
羸馬風寒透敝裘  
空勞思婦夢依舊  
滯邗溝

冬日

怪來林杪亂棲鴉  
淅瀝西風走電車  
卻戀重衾支不起  
銀瓶一夜凍梅花

途中苦雨

連朝雨不休三伏似深秋  
驛路難投足郊原可泛舟  
輕雷翻水面宿霧隱山頭  
一望渾無際長歌起四愁

桃墟小憩

柳陰深處一停車  
長日如年感歲華  
極目燕山頻悵望  
暮鴉飛盡夕陽斜

任邱旅舍見新月

新月一鉤簾外生  
淒涼客舍最關情  
烟深不辨庭花影  
光細猶輪短燭明  
淺照沙汀鶯有色  
淡籠碧落雁無聲  
最憐獨坐更殘後  
止見輕雲伴斗橫

許猶衡

字再匡號樸存考授州司馬

至日入山左界

東臯詩存卷之二十二

壬

文圖

離鄉曾幾日節序望中更  
吳地平沙盡齊山  
遠樹生風塵前夕  
夢霜雪此時情  
古驛松杉外  
馳驅紀客程

半城曉發

漏盡仍行役霜嚴滑馬蹄  
三星猶在戶孤月正當蹊  
宿鳥深枝動晨雞老屋啼  
長途舒遠望一帶曉烟迷

山行即事

千峯籠曉霧一望道途迷  
怪石填車迹危坡滑馬蹄  
掃天孤日迴連屋野雲低  
攬轡澄清好寒風靜鼓鼙

宿琉璃河

曉起何曾歇荒荒又一程  
停車投野店倚檻望燕京  
把



酒消長日擁書坐晚晴西鄰聞玉笛忽起故園情

雨泊燕子磯

燕子磯頭夜繫舟江聲不盡枕邊流卻緣客路多風雨  
又起征人一倍愁

吳萬錦

字繡軒

偶興

停舟依古岸閒立夕陽時歸犢下山疾殘碑認字遲蒼  
頭能覓酒小史解吟詩差覺離愁釋灘聲向晚宜

懷友

東臯詩存卷之二十二

夫

文圖

十年拂袖早歸山種柳成園放鶴還醉裏行吟書白練  
狂來感舊惜朱顏江天雲暮應懷友城市塵多定閉關  
知我近來消息否蓬窗常鑷鬢毛斑

清明泛舟

天遂遊人意佳辰早放晴柳垂春漲綠花綻曉暉明縱  
酒看山色移舟近笛聲不須乞新火先已熟茶鐺

病起獨酌

肺病身雖健連宵愛酒危客中秋氣早山外月光遲料  
撒初涼夜膏騰半醉詩回思支枕日竟是隔生時

虎邱雜咏

悟石軒前水一涯可中亭子最清嘉四時如筮無裝束  
面面樓臺處處花

女伴登臨嬌力微金鈿翠袖逞容輝誰家年少風流甚  
打落梅花滿鬢飛

保障無寧問繭絲山前山後盡生祠往來試問遊觀者  
可似羊公峴首碑

贈漁者

潯陽江上賣魚者怪爾丰神自瀟灑手持大魚不索錢  
但云換酒青山下潯陽太守招不來連日風狂魚未打

桑越璽

東臯詩存卷之二十二

夫

文圖

字喬蔭庠生

從山左歸省

歸來扶病省親顏行李蕭蕭衣不斑稻仰荒田無隔宿  
官輸雜稅有多般求名未遂椿堂望守困翻憐兒女頑  
鐵硯已穿心似鐵手持一卷聽潺湲

桑敏樹

字柔蔭太學生

雨霽過霞山禪林

雨餘閒縱步乘興過禪堂樹滴波羅水花流自在香鳥  
聲雜梵語山色媚斜陽無限清幽境塵囂到此忘

遊朝陽洞

山自崎嶇洞自幽仰攀俯入費追遊挿天翠岫當空立  
浴日紅波向晚浮隱約鐘聲臨曲岸微茫帆影度中流  
門迎萬里滄江遠何處重尋謝眺樓

東華詩存卷之二十二

手

文圖

東華詩存卷之二十三

同里江大銳樵所

興化王國棟竹樓全訂 同里汪之珩璞莊微輯

同里黃振瘦石

興化左亭筠谿校說

沙鼎

字元調以諸生貢入成均除江西建昌府通

判司餉滇黔卒于官著有盱江遺稿

送余羽尊之天長

聚首渾無益送君將奈何已經負病後一任別離多

東華詩存卷之二十三

文圖

髮新霜雪衣裳舊辟蘿不堪明月夜揮手唱驪歌

坐雪

江上青山色西風不耐看門扃三尺雪人坐一樓寒樵  
子仍穿徑漁翁罷釣竿誰憐僵卧者世外有袁安

擬古

芳蘭閼深谷寧懼霜雪侵良璧韞名山豈欲人世欽招  
飲南山下清風吹我襟白雲蕩遠澗丹葩發秋林清泉  
激怪石好鳥送餘音長揖巢許流俯仰成高吟寄謝雲  
臺客我志耽蕭森

閨月

燈花落盡漏三更月到三更光倍明却恨紗窓遮不得  
偏來香閣照離情

春閨

亭院深深寂不譁春風依舊到人家欄干倚遍無聊賴  
小立空階數落花  
夜靜香殘花漏遲朦朧月色樹參差欲知萬種愁生處  
最是無人短歎時

秋夜曲

沽酒山堂依薜蘿正逢江上征人過清商一曲奏羌笛  
吹落長天秋幾多我聞此曲促復緩無限傷悲腸百轉  
東華詩存卷之二十三  
二  
文圖  
相邀剪燭話離情夜半西風窗外生

題興教寺壁

共羨揚州跨鶴輕我來憑弔不勝情董生獻策終無補  
謝傳行軍浪得名明月二分千古色寒濤一派六朝聲  
藤牀莫作繁華想審雨堂開夢易成

宿天寧僧房

花影蕭疎梵宇重客窓夢醒一聲鐘倚闌獨坐閒庭葉  
欹枕微吟和砌蛩夜冷芙蓉情共遠秋聲桑落興方濃  
不堪寂寞難成寐舞罷昆吾挂老松

丁丑秋重謁吳陵岳祠

樹色參差背粉牆陰森朔氣灑衣裳平林日落寒颼急  
古寺秋深蔓草荒千載英雄埋碧血一杯伏臘醉椒漿  
興亡自古皆天定莫恨金牌出尚方

懷友人

九峯青入雲幽人在空谷恨無雙鯉魚三載斷尺牘既  
能遠器塵自爾多清福門少剝啄聲日出睡未足不似  
長安人風塵徒碌碌

仲春昭陽王景州同余羽尊劉季發集飲城西

草堂即席分賦

水帶蒼烟正滿堤高車偶過小橋西花侵屐齒苔紋破  
東華詩存卷之二十三  
三  
文圖  
坐對山腰閣影低已羨烟雲浮翰墨況兼朋輩共招攜  
青尊絳燭黃昏後醉別江城路不迷

金陵道中

馬蹄踏遍秣陵秋碌碌征途不自由萬木傍人驚落葉  
遠山隨我上漁舟天空雁斷鄉書杳地僻庭虛客夢幽  
想像邗江烟霧裏故園遙隱荻花洲

秋日雨中從金陵至句曲

風吹殘葉雨淒淒回首金陵路已迷千里鄉關江水北  
一天烟霧雁行西草枯徑滑勞征騎泉急山空漲石谿  
城闕未知還近遠蕭然策蹇度長堤

阻風白下江村

長江雪浪湧清秋  
漠漠陰雲鎖戍樓  
兩岸烟波空客夢  
三山風雨自離愁  
孤村野寺蒼苔徑  
落日漁家杜若洲  
久客懷歸終未得  
五更長歎攬輕裘

渡太湖

遠水接天影  
孤帆漾碧空  
雲山時出沒  
漁艇或西東  
白羽雙雙鳥  
青林習習風  
涵虛八百里  
憑仗一檣通

雲巖山

百萬松杉不見天  
一聲清磬破蒼烟  
家家芳草春風外  
處處殘花落日邊  
西子廊空環珮冷  
吳王琴斷石臺偏

東華詩存

卷之二十三

四

文圖

當時勝事今安在  
夜月何曾異昔年

蒙陰道中

迢遙山路晚風斜  
水發孤村走白沙  
隔嶺疎鐘知有寺  
千霄傑閣屬誰家  
烟開斷嶂千層翠  
風落殘花幾片霞  
人在暮春增感慨  
旅情如草遍天涯

曉發

去去三十里  
方知去路非薄冰  
凝濁酒重露  
漬征衣  
劍倚邊城月  
燈明野店扉  
何時南牖下  
閒坐待朝暉

初夏燕臺聞雁

荆衡二月已離羣  
此地難堪復此聞  
嘹唳一聲經上國

翺翔數字下斜曛  
長風未必同黃鶴  
絕塞何當叫白雲  
對爾不禁腸欲斷  
欲將騷句弔湘君

秋夜寄內

浪迹天涯久  
流光暗自驚  
鄉心秋九月  
旅夢夜三更  
易落征人淚  
難消客子情  
燕臺寒色動  
想已到江城

廣陵舟中留別親友

帆開邗水去  
燕城握手人多惜  
別情千里敢云酬  
壯志半生猶自逐  
浮名馬前山色兼  
天盡樹裏秋聲入  
夜驚從此故鄉回  
望遠碧空無際斷鴻鳴

過淮陰侯廟

東華詩存

卷之二十三

五

文圖

淮陰自古推三傑  
封楚封齊事尚存  
樊族未曾容說客  
偽遊何意縛王孫  
曾聞函谷同飢渴  
更憶陳倉共苦辛  
百戰祇教酹一飯  
分茅裂土向誰論

節婦

古賢有節子德教能遠垂  
迄今村中婦向背知所宜  
聞彼孫氏女嫁與白家兒  
秉性素端方靜淑生光儀  
孰意嫁未久郎疾不可醫  
告天願身代割股恐人窺  
偷泣不敢前恐郎生慘悲  
宛轉向郎語妾今為汝期  
生既為君婦死亦不暫離  
不若赴汝死免爾心相疑  
從容投繯在郎側吁嗟此  
女心鐵石鐵有化時石有  
爛女心堅貞良

可歎世間多少老衰奴夫死昨日情已斷東鄰年少可  
續盟西鄰貴介堪相伴冰人來往日紛紛起坐心神俱  
已亂前夫珍寶盡收羅留與後夫作賞玩後夫娶得休  
喜忻前車不遠作公案嗚呼此輩人間不勝數不見鄰  
城白節婦

青駝寺

山中古寺號青駝日暮登臨感慨多南望鄉關雲斷續  
北來巖岫石嵯峨隔花幽徑聞樵語跨水浮橋待客過  
萬事驚心殘照裏坐彈長劍獨悲歌

涿州懷古

陳軫詩存卷之二十三

六

文圖

歷盡年華萬事非荒村烟草轉霏微蚩尤畢竟成妖孽  
昭烈居然起布衣萬古川原終北向三秋鴻雁只南飛  
干戈無復桑麻地遠水遙山對落暉

秋日胡孟行太史枉過慈仁僧房小集

僧扉獨閉靜焚香忽枉高軒過曲廊幽徑花深苔破綠  
小窓風細雨生涼客厨愧我無兼味市酒留君倒百觴  
談久不知天色暝滿天秋色雁行行

燕臺行

臺荒金沒仍巍然四顧蒼茫悲遠天野鳥相呼殘角外  
迷離樹影含雲烟回想當年築臺日昭王求賢有奇術

死馬引出生馬來頃刻下城凡七十開行騎奴忽相代  
主疑臣去前功敗北望淒然淚欲零山川依舊風光在  
嗚呼世事升沉不足論偷閒且醉崇文門

再過目耕園方亭即景

春到名園日日遊狂歌縱飲任淹留閒分委地花中座  
醉臥臨溪柳外樓草色初齊平似翦鶯聲未老滑于油  
誰知御蹕光臨處肯許閒人互唱酬

曉月

夢覺鐘聲斷窺窓夜色清湛空疑水動虛白怪簾明松  
影參差落鄰雞遠近鳴披衣重起坐誰與慰生平

東華詩存卷之二十三

七

文圖

重登金臺聞雁有感

千古艷說黃金臺搔首臺上空低回四望山林暮烟起  
高空漠漠賓雁來雁來何速聲何切如訴離情多哽咽  
羨他排陣只南翔愧我羈身猶北轍韶光虛度鬢欲斑  
滿腹幽懷共誰說無邊黃葉下蕭蕭令人不禁傷離別  
夢魂恍惚天一涯數聲嘹唳心摧折

進署

鶴柵琴牀一半空垣頽缺處但餘風中間添個如來影  
過客渾疑是梵宮

遊雙峰頂

雙峰應似五丁開，著屐攀蘿亦快哉。  
石磴千層雲裏度，山泉一線日邊來。  
嶙峋玉嶂蒼烟裏，漠漠江白浪迴。  
跌坐高空塵世遠，愧無佳句答蓬萊。

東鄉署中再賦

堂鼓三聲晚罷衙，一輪月上紫薇花。  
清光獨對寒空淨，荒署孤吟晚興賒。  
故國久疎陶令柳，小園誰種邵平瓜。  
世情濃淡真如夢，何事樊籠老歲華。

秋日署中桂花盛開同高刺史章守戎賞之

近簷高處桂初開，初招我同人坐畫圖。  
枝上著花香十里，杯中浮綠酒千壺。  
風流太守催詩看，豪邁將軍脫帽呼。

東華詩存卷之二十三

八

文圖

西地濃陰連几席，平分秋色是吾徒。

重九後三日同益齋立夫登靈谷山

秋光滿樹葉斑斑，拉友登臨得偶閒。  
乍佩紫萸猶子洞，重攜黃菊建昌山。  
沿村路向峯腰轉，渡水橋從岸脚還。  
最喜晴和風氣好，褰裳緩步到禪關。

莫秋自盱江至南昌

又應飛符召，輕舟過白沙。  
灘高驚水急，風疾怯帆斜。  
禿樹栖蒼隼，遙山襯紫霞。  
行行方旦暮，雄蝶望猶賒。

經四十八溪

高岡重複少人烟，野霧迷離馬不前。  
四十八溪連夜雨，

再聽不盡是流泉。

過平溪衛聞鷓鴣

浮空戍堞自高寒，古道重崖石磴盤。  
山鳥頻呼行不得，不行須是不爲官。

相見坡

盤迴爲道幾千巡，上下崇岡不厭頻。  
行過一程回首望，前坡猶見後坡人。

征途雜咏

勞勞投驛館，與馬鐸相聞。  
直欲披星月，何辭度嶺雲。  
爲窺搖子箒，兼作猓蠻羣。  
迢遞關山裏，猿聲不可聞。

東華詩存卷之二十三

九

文圖

苗子

苗子垢面語如鳥，短衣跣足目深窅。  
男女椎髻佩利刀，刻木爲契文不曉。  
婦人下體不着裙，長袂百折繡花繞。  
或居高山巔，或處深林表。  
首插雞翎知未婚，蘆笙吹合即私奔。  
未審種類自何始，居然山魃木魅之子孫。

白雲坡

四圍碧嶂橫如黛，萬疊青松響作濤。  
却羨山僧行脚處，重重石徑與雲高。

過武侯征孟獲會盟嶺

漢帥南征日，平蠻此記勲。  
可憐能七縱，無計出三分。  
往

事垂青史孤懷仰白雲躊躇前日事斷碣臥斜曛

新秋大雨宿滇中霑益州驛館

昆明七月似深秋風雨含悽滿驛樓  
漏盡荒城連鼓角寒生孤館入衾裯  
三冬無雪南蠻地萬里皆山古益州  
薄宦天涯心緒亂不堪危坐聽泉流

諸葛臺

欲定中原早定蠻武侯神算化奸頑  
幾回劫火焚燒後臺閣猶存夕照間

咏佛桑花

花大如葵噴血紅千枝萬蕊各迎風  
謾誇國色天香最

東華詩存卷之二十三

十

文園

比却花王更不同

鎮遠驛曉發

殘燈未滅上輕舟又向江城泛碧流  
斷續溪聲初過雨迷離樹色已深秋  
揚帆瞬息千峯度鼓棹微茫一葉浮  
勞頓于今能自在閒揮松麈看沙鷗

白龍巖觀猺子居

白龍巖下水如藍白龍巖上雲如疊  
猺人構屋巖中處懸梁飛度藏兒女  
援亦莫能上鳥亦難盤旋猺人何以  
處之長泰然鼓棹中流始一觀我心却  
為猺驚怖疑是蜃樓現海西猺乎猺  
乎誰端倪

黔江夕眺

落日黔江上羣巒返照中山深含霧  
紫樹老受霜紅二酉藏書在五溪貢  
賦通二酉山五溪蠻俱在沅州境滄桑從古異流水至今同

冬日萍鄉縣道中

炎蒸從此去還見雪花飛高樹寒鴉  
細遙村野徑微崢嶸孤嶂石破敗老  
僧扉籬犬驚人吠隣雞得食歸烹茶  
聊當酒擁火若添衣半載征途倦三  
冬官况遠欲投山縣去策馬趁斜暉

春日登望湖亭

東華詩存卷之二十三  
山光延獨眺春色滿湖堤細草生猶  
嫩輕鷗下未齊烟浮荒寺北市隔斷  
橋西漁艇迴沙浦村農耨水畦落花  
微點水飛燕乍銜泥片片風帆轉行  
行雁字低白波連棹柳青嶂接雲霓  
氛浸消難盡人家望欲迷乾坤今昔  
異不改舊招提

彭澤懷古

青山圍繞一孤城昔日淵明解組行  
不肯折腰從俗吏何妨種菊愜幽情  
雲封雉堞荒岡迴寺對漁溪野水平  
極目川原增感慨千秋誰繼此高名

阻風

處處春深草色青陰雲忽布日冥冥黑風怒觸龍髯動  
白浪高翻蜃氣腥兩岸林巒埋翠黛千羣鷗鳥亂沙汀  
沸天泉響商羊舞檻外居然走百靈

連朝逆浪苦稽留漠漠江天霧不收草色有無連雨脚  
山光隱現入雲頭聞敲拙句消長日靜看奔濤起亂流  
十里連檣皆國課封姨何事阻行舟

弔余闕墓

國爾忘家矢盡忠登山憑眺起悲風數椽祠剝荒岡畔  
三尺墳埋老樹中泉壤定知塵世異滄桑應歎古今同  
赤心正似江流水萬折難回只向東

東華詩存卷之二十三

主

文圖

謁仲夫子廟

前賢如在望祠宇柏森森俎豆存天地衣冠歷古今但  
看孝子米即見聖人心門對潺湲水同流淚不禁

湖堤夜泊

夏日炎如炙舟中午夜涼窓含楊柳影衣染菱荷香長  
笛吹初斷羣蛙叫亦狂更加譙鼓急無夢到江鄉

病

公事勞人病又侵滿船毒熱竟難禁停撓覓樂無村市  
避暑尋陰少樹林薄宦天涯萍泛泛挑燈湖畔夜沈沈  
已知瘦骨支來盡為憶鄉關感倍深

岵嶧曉發

一聲雞唱東行裝老馬長途踏曉霜按轡續成蝴蝶夢  
拂衣猶帶鷓鴣香疎星明滅當林表怪石參差伏道傍  
遙想深閨眠不穩也應飄泊念周行

獨鶴

朔風蕭瑟叫仙禽豈有閒情憶上林三島何時同托足  
九臯無處覓知音行隨明月梅俱瘦夢落仙壇雪自深  
此夜揚州誰跨得空留隻影伴孤岑

送邵吾廬歸五山

黯然言別出城東一片歸帆逐順風天色欲沉荒戍外  
雁聲初斷夕陽中沿途芳草還能碧映水孤燈獨自紅  
此去歸橈應未遠蒲塘親串快相同

江天寺

古寺碧峰頭蒼茫俯亂流樹含瓜步雨濤捲海門秋山  
影移僧榻鐘聲度佛樓憑高聊極目客思正悠悠

秋感

五度秋風往事迷繡幃無復錦鴛棲彩衣化盡空長歎  
好夢驚殘自暗啼片月小窓秋寂寂孤燈虛幌夜淒淒  
年來悔作京華客安得花閒手共攜

山中晚眺



空山當薄暮蕭爽作深秋積雨妨行路涼風偏敝裘僧  
歸紅葉寺人倚白雲樓極目荒村外清溪曲曲流

懷春

芳草連天澹落暉那江山色又相違總教中酒愁仍在  
便夢還鄉醒却非新綠萬家春雨足落紅三徑曉烟微  
遙憐故國頻回首我亦松窓久息機

遊張氏水亭

荻花如雪響寒風曲岬幽廊水榭空倦倚迴闌疎柳外  
閒行落葉小亭中鴉翻夕照林梢紫寺接晴山殿角紅  
孤旅不堪回首望秋聲蕭瑟送飛鴻

東臯詩存

卷之二十三

古

文園

江上

布帆風急暮鴉飛霜葉因風亂夕暉蕭瑟空江人獨往  
鷓鴣閒立釣魚磯

山村

荒岡斷處見山村雞犬羣依老樹根中有白頭人可羨  
南軒曝背撫兒孫

冬夜至山村公館

薄暮入村市黃昏馬首東犬聲孤驛冷樹影一庭空帶  
月僧歸寺棲枝鳥背風遙知郊舍暖的的夜燈紅

油柞關

高峰一線上仄徑五丁開石壁插天半人從鳥道來

晚霽眺蜀山湖

一點荒山蒼翠濃浮雲來去亂高峰拂天仙籟風聲起  
傍壑人家樹影封浪捲長虹垂極浦日斜孤寺打疎鐘  
此閒只有漁舟集荷鋤何曾見老農

舟中夜坐

連檣南下曳帆輕回望湖光一片清寂寂孤村無犬吠  
昏昏驛路少人行雲開大驛沉星影月動荒洲起雁聲  
堪愛此閒多逸趣動人正自愜幽情

浦口夕眺

東臯詩存

卷之二十三

五

文園

江城霧欲黃夕照波微赤隔岬是鍾山猶帶六朝色

夏晚江村同陸薊門

草閣臨流對碧蓮卷簾閒眺意悠然雲將雨過生新月  
水蕩沙平漲晚烟宿鳥露零聲寂寂好花風動影翩翩  
偶來拈韻成知己細讀囊中白雪篇

吳函

字犀年號西嶺邑廩生著有聽松樓詩稼書

堂集

詠史

儒以文亂法俠以武犯禁二者均有議終無軌於正緩

急固時有誰能拯危困所以稱賢豪窮思委命緬彼  
四公子出入恒參乘藉爾王侯親奔走若響應吁嗟間  
巷俠立名本忠信匹夫重私義硜硜獨行廉退饒古  
風睚眦負天性贍人無餘財延頸以身殉偉哉朱郭流  
鄙風一以振

賢豪世皆稱烈士古所美屠狗有奇人高風傳軹里匪  
獨政也賢烈女傳厥姊燕市醉歌呼秋風吹易水秦皇  
祚未終荆卿名不萎嗟彼舞陽兒徒憤乃公事擘魚專  
諸亡吞炭豫讓死惜哉博浪椎何如圮橋履仇怨誰復  
深屈指何堪使七首中夜鳴碌碌悲餘子

東臯詩存

卷之二十三

六

文園

淵深而魚生山深而獸隱人富而仁義嗟哉可猛省干  
乘亦憂貧百室亦患窘况爾編戶民曷不植根本棄取  
仿白圭鹽鐵師倚頓收長重侯王寡婦抗萬乘鴟夷累  
千金聚散安足論維彼端木賢曾不甘受命智者采其  
術聲名埒陳鄭世俗慕多財素封擬鐘鼎巖處殊足羞  
貧賤長可憫貨殖負奇材曷以得要領

李母孫太君貞烈哀詞

燦燦桃李花當春弄顏色不遇霜雪辰誰識松與柏庸  
庸冀瓦全皎皎甘玉折側聞李母賢盡政殊超越夫子  
偉丈夫膝下皆英物忽遭兵戈起事變乘倉卒慟哉夫

與子兩地不及訣烈氣冲九天芳魂飛寸鐵信宿顏如  
生金堅玉比潔刃之至今存焚之不可滅滅此甕中骨  
碧化萇弘血夫子狀為文字字含幽咽風霜六十年凜  
凜猶生活表章賴文孫悽愴揚勁節豈無采風使姓氏  
上，丹闕巾幗愧鬚眉千古此人傑

范改亭先生崇祀鄉賢

大雅久不作名賢昔已靡古道易浮夸素風變澆詭不  
有聖哲人其誰網維是公本文正裔家聲振寰海讀書  
崇正學斯文藉扶軌孝友重家庭惠澤沛鄉里建社倡  
育嬰全活多葉委畫策救災民肉骨而生死差役賴以

東臯詩存

卷之二十三

七

文園

均積獎一以洗百世樂生全德業參二始其他博濟功  
累累不勝紀山川毓精英扶與肩清美宮墻數仞高誰  
能躡其趾夫子顏曾儔後學何堪擬德既大賢侔宜配  
先儒祀昭代未有倫靈淑實鍾此丹山雙鳳皇修翎耀  
華綺上座蜚英聲中秘煥圖史振振有父風麟仁爰及  
趾不匱歌孝思詎徒羨丹紫

范畏齋先生崇祀鄉賢

正氣存兩閒扶輿產英特哲人挺殊姿河岳涵光澤感  
慨世風漓薄俗鮮矜式惟公植奇行鴻名紀碩德閭修  
昭天壤嘉懿垂典則嬰兒歌眾母行道懷休息樂利民

所依懋厥功與績生榮死亦哀里閭猶嗟惜秉彝好德  
同崇祀羣情懌俎豆發幽光令名千載植況復嗣君賢  
燬廊重典秩道在子臣間訐謗炳史冊光耀賴後人所  
重在紹述余昔忝猶子追隨仰父執興起藉家修模楷  
幸親炙國朝訛聞人惟公雁行出接踵兩名賢千秋  
諧廟食無忝文正風克繼忠宣蹟後先逢鉅典揖讓宮  
庠側景行仰高山寸心銘金石

贈三韓宜妹即呈宜聖臣

吾家賢女弟一別廿六載錦衣旋故鄉翟第生光彩容  
顏不復識音語亦已改再拜通寒暄春風挹和藹夫婿  
東臯詩存卷之二十三  
舊簪纓郎官新出宰晉接篤親誼談笑瞻風采節鉞繼  
蕃宣家聲重鼎鼐雁序列縉紳功名比元愷玉雪羨佳  
兒安神更清灑尊酒話夜闌容納如滄海把袂聯歡娛  
梅放春冰解浩然發歌聲聚散餘感慨

麥秀歌

春城一帶柳烟碧菁蔥染就郊原色纔驚麥浪鼓微波  
又見芄芄連野白秧針細草受風斜紛紛繡陌急桑麻  
萬頃黃雲呈瑞景即今婦子免咨嗟昨日客從關內至  
流亡饑饉踵相繼斗粟八百青銅錢麥葉枯焦塵滿地  
大河左右遍僵尸輓輸千里竭民脂太原直接西涼路

曉轡晝夜無停時人人盡道江南好簞車倉廩知多少  
春風春雨遍桑田清和先報麥秋早隴上雲棲穫事興  
預從春作卜秋登雙岐三穗尋常事郊野迷離總瑞徵  
吾鄉豐稔何能爾父母循良歌樂只但祝貽牟常降康  
監門休繪流民紙噫嘻麥秀農夫忙鎌刀競奏聲皇皇  
更願征租緩敲扑含哺優游樂未央

覽社珠光行

君不見百頃銀濤夜有色一輪初湧如圓月又不見波  
光直射讀書臺虛窓映徹疑寒雪蛟人突現水晶宮洪  
濤乍卷蛟龍宅此是秦郵覽社湖老蚌含珠時出沒昔  
東臯詩存卷之二十三  
年莘老湖上居文光常共珠光發文光萬丈吐蒼茫珠  
光十里爭明滅文游臺畔星斗寒書聲誰繼先賢轍長  
湖不改向年波珠光徒聽前人說風雲霧雨指顧興靈  
珠豈是湖中物

遊輞川錫水洞

峰迴疑地盡洞敞忽天開徑絕叢荊莽梯危撥草萊風  
雷迎面起冰雪滿山來徙倚神仙境斜曛挂遠隈  
雨霽晚眺

連宵陰雨積一夕水平畦野外炊烟合城頭落照低蟬  
琴清遠樹蛙鼓闌前溪最羨紅橋下魚簪挂柳堤

白沙秋月

最好沙頭月幽輝淡素秋迷茫涵塔影明淨徹江流  
午夜風生幙三更雪滿樓登臺起長嘯烏鵲遶枝頭

石莊舟中

百里南莊路蒲帆十幅輕水因秋潦足月趁夜潮生  
野渡寒林色孤舟旅客情自憐無負郭逐隊此中行

坐月

晚凉初浴罷獨立倚疎桐有客披襟過清言興不窮  
樹高遲得月地曠遠生風容易茶瓜供何妨夜夜同

擬四時行樂詞

東臯詩存卷之二十三

子

文圖

曉春明媚日簾卷百花新良玉宜簪髻文犀可辟塵  
耀瑜音妙選陸海味奇珍紅紫鞦韆畔擎尊看麗人

曲沼高樓外池深可納涼鳥嬌籠碧玉姬小浴沉香  
綉扇搖水簟盆蘭繞象牀招朋還醉月畫舫艤垂楊

東燭來高宴崇臺接小山嫩涼爭半臂薄醉倚雙鬟  
筆架珊瑚赤書籤玳瑁斑露寒明月墜袖取夜珠還

獸炭紅爐擁貂蟬翠袖圍金尊浮蟻綠犀筯厭羔肥  
麗錦新纏臂深裘舊賜衣門前珠履客逐隊款朱扉

端陽八詠

和友人韻

長命縷

細縷名長命盤旋五色絲妝臺爭納束兒女學嬌痴  
窄袖黃金釧纖羅白雪肌年年長繫此還願繫相思

雄黃杯

不倩丹砂染天然鑲刻工黃流應借色琥珀更添紅  
酌酒功同藥宜男佩得雄量嫌蕉葉小一盞已朦朧

繭虎

猛獸不盈寸深閨剪綵妝蠶叢窺巧妙虎變悟文章  
縷縷抽難盡耽耽視更强鳳釵同壓髻簪戴好風光

養鶴

本來龍種異變化欲冲霄瘦骨凌風勁前身破浪遙  
羽

東臯詩存卷之二十三

子

文圖

毛豐有待賓客戲能招莫笑兒童伎摩天志未消

蒲劍

不用羨吳鉤光芒野渡頭舞時看露滴鳴處聽風颼  
冷能驅鬼青青欲射眸休誇鋼百鍊繞指亦同柔

葵毬

千枝叢異彩紅紫競芳妍似錦攢來巧如毬捧出圓  
心舒還向日花小更名錢莫訝宵無色然燈看倍鮮

絹人

亦自安眉目如何體態輕衣裳新有艷描畫美如生  
小閨閨製雙雙結繫情通靈憑線索孤立恐難行

角黍

汨羅何處弔解粽不勝愁恨向千絲結飢將粒米酬孤  
臣遺愛遠習俗古風留頭角看如許蛟龍怒未休

輞川懷古

一水中分兩岸山烟霞曲曲鎖重灣歌湖花落流鶯寂  
鹿苑鐘沈古渡閒青嶂插雲天欲盡白蘋吹雪浪空還  
樓前畫舫歸何處滿目桃源不可攀

三至輞川寄宿僧舍

峽道盤迴策馬難奇峰萬疊接長安波濤動地千山應  
冰雪侵人六月寒夜半空林愁對酒秋清茆舍慰加餐

東臯詩存

卷之二十三

圭

文圖

閒來三度尋摩詰一片雲封不可看

清明即事

東風吹雨灑簾鉤寒食輕烟入望浮嫩草軟鋪遊子騎  
繁花亂插野姑頭烏啣紅去還依樹人踏青歸尚倚樓  
只我微吟愛枯坐茶烟象鼻小窓幽

春日得全堂讌集分韻

絳蠟銀箏敲洞天司空見慣自年年五更筵上歌珠落  
百尺樓頭月鏡懸上客衣冠殊蘊藉早春風景倍鮮妍  
追陪文酒多耆碩應有驚人好句傳

中秋客邸聞歌有感

不堪佳節復聽歌子野清狂喚奈何作客正逢賓從好  
傷心偏對月明多碧霄雲淨天如洗紅蓼風微水不波  
我欲凌空跨鯨去登樓咫尺溯銀河

閨前牡丹

妝臺初罷卷簾時花信風柔日影遲濃綠漸歸楊柳色  
新紅又上牡丹枝半窓彩色侵眉黛兩袖天香落酒卮  
莫向尊前誇富貴竹爐茶竈也相宜

平山堂春眺

平臺百尺水重灣畫舫笙歌任往還遠郭烟籠千井樹  
隔江雲接六朝山鶯聲自在垂楊裏帆影參差落照閒

東臯詩存

卷之二十三

圭

文圖

明月二分今在否前賢遺蹟足追攀

冒巢民先生屢招未赴以詩見責依韻答和

小窓兀兀坐攤書揚子庭中問字疎為欲敲詩歸大雅  
還思選勝叩精廬窮愁日月真無賴花鳥心情懶不如  
反覆佳篇投贈意惱懷愛我費躊躇

食蟹

銀鑊煮出色如霞秋老霜濃味更嘉滿腹丹開烘荔子  
雙螯白破凍梅花恰逢甕裏醅初熟喜對籬邊菊有華  
座上酒人貪未足海陽何處甲專車

除夕小盡

汲冢周書海陽  
有蟹其甲專車

除夕何當更小除一年生計此無餘惱入歲月驚心短  
愛我春光轉眼舒稚子遠庭喧爆竹病妻圍火剪冰蔬  
天公知我無聊甚早遣窮愁去敝廬

花朝前一日雪

盲風凍雨逼花朝花事蕭條雪轉饒傍檻舞疑梅瓣落  
點衣輕認柳棉飄初生軟綠旋成壁慳放新紅又著綃  
撲蝶明朝佳興倍衝泥好共踏溪橋

周鳳鳴

字鳴岐號梧岡泰州人遷居如皋邑增生授  
徒數十年著有華穠舍詩稿

東臯詩存卷之二十三

香

文圖

蓉桂篇寄叢松如

蓉桂艷秋姿不關桃李芳鴻鵠志四海不逐鶯燕翔際  
會各有時丈夫異尋常先生天下士博學工文章明珠  
不暗投剖璞有賢王兼多風雅才妙技擅衆長詩畫類  
王孟作書晚晉唐矧能義成仁疏戚沾恩光所以膝下  
兒寶器美圭璋為善信最樂冥報析毫芒古稱艾服官  
論年理所當仕路重老成彈冠緩不妨濡我如霜毫脩  
君流霞觴

紫駟馬歌

昂昂渥洼產不與駑駘同緩步中衡石疾行可追風主

人耀輕肥顧盼凝雙瞳黃金為匱匱白金鑠其中不憐  
筋骨峻但顧皮肉豐豈不足芻豆控制由狡童朱汗落  
桃花舉鞭輒馳空若居古戰場詎無衝突功惜哉脫鹽  
車仍偕伏櫪叢有時借人乘孰是提戈雄奮力晨向西  
長嘶暮轉東

長歌行贈李生

天生李生生豈偶同胞稱亞才推首弱小嚴慈當掌珠  
長大親朋譽交口十年書劒困風塵珥筆橐弓誇妙手  
眼輕桃浪禹門高背負鹽車冀北走禹門冀北穹壤寬  
雄虹作氣輪悲歡驚心輦下麒麟楨抗志雲端獅豕冠

東臯詩存卷之二十三

香

文圖

如今怙恃失已久更同奉倩含辛酸年過半百不得志  
銷憂惟寫圖畫看看圖作字氣頗壯八分書擬中郎樣  
呼兒命媳勅行厨櫻笋新鮮酒懷暢買臣五十功名初  
自此騰蛟多美況膝下雙雛左右環捧觴納履從所尚  
暫時屈抑久自伸欲卜今人鑒古人勾漏丹砂駐顏色  
樂天知命慶長春

咏堂前桂

馥郁西堂桂涼秋曉夜看零星金粟艷掩映月波寒蔭  
可均鄰舍香先到講壇梯雲慙老懶林下且圖歡  
手植經三載花開恰半秋碎黃攢葉底新馥散齋頭宴

豈貧能設吟雖老不休兒曹耽賞翫尚想探瓊樓

上巳雨

陰雲駿駛冷池臺  
秘事羣因宿雨裁  
明府虛閒三日會  
野亭辜負百花開  
老年風景憐時節  
貧戶知交慎往來  
獨有詩腸堪料理  
朗吟高擬永和才

和吳西巖再赴村齋

紅樓照日柳拖烟  
別墅遙同野寺連  
翻幕靜看晨雨燕  
卸帆遙認夕陽船  
倦敲石榻閒敲句  
遊憩花茵不喚眠  
只恐占星來客使  
南陽依舊起龍眠

天車過

東臯詩存 卷之二十三 文圖  
首夏已聞聲  
轟轟莫指名  
天車如數過  
失望是西成

遊仙詩四首

瑤草琪花四季香  
爐烟飄處彩雲翔  
下方城郭迷陰雨  
不比蓬萊日月光

美滿瓊漿飲一甌  
醉鞭龍背下雲頭  
冰臺玉斧修明月  
照過洪荒照未流

洞裏花開別樣春  
三千年後碧桃新  
只緣早得長生訣  
繞作珠宮跨鶴人

綠水青山錦繡城  
片雲孤鶴往來輕  
人間學得忘機術  
定向蓬萊頂上行

鐵牙將軍行 有序

將軍邦產也居西山石室中土人求而得之  
昇置幕中所嚮無敵獲里中金錢財帛無算  
嗣是直抵三吳踰越兩江九秋十旬之內縱  
橫數千里每一登場決勝負則衆皆披靡莫  
敢近王孫貴公子愛其驍勇輸千金重幣送  
之歸歸而飲至殺牲致祭用梨園弟子侑觴  
將軍坐帳下不言功興至輒鼓琴作羽聲慷慨  
而已無私蓄所獲財物悉畀諸從事惟鯁  
魚茭肉自隨霜露既降海宇澄清蠢動屏息

東臯詩存 卷之二十三 文圖

邊聲閑寂將軍得仙術遂尸解去土人哀之  
負骸骨以葬遺二齒蒼堅鋒利雖斧擊不可  
破碎乃知其為鐵牙將軍云龕以祠之藏二  
齒於內不敢褻予時客邗土人備述其事為  
作鐵牙將軍行欲與賈秋壑所撰經並行於  
世凡四十韻

金天肆肅殺羽林喧九垓羣動誇智勇決勝無長材將  
軍起草澤威名何壯哉鎮靜寡聲色從容帷幕開指揮  
任偏裨獨踞中營臺戰場諸頭目跳躍東西來對壘見  
鐵牙不戰咸崩頽青項白麻頭驍將稱渠魁肅然歎金

翅收軍早卻回其次黃麻頭潤背金絲椎觀面遂乞降  
股慄伏塵埃其次內鋤頭退避同驚駘其次青拖肚顧  
影先疑猜其次黃錦囊踟躕隱山隈亦有紫狗蠅畏縮  
但徘徊更有全束帶遠竄棲蒿萊兼有三段錦遁跡陟  
崔嵬他如月額頭紅鈴殊胚胎品題多種類各自負雄  
才將軍只一顧驅逐同嬰孩橫掃三吳塵席捲兩江財  
周迴數千里秋闌返旆繞歸來見鄉井歡呼若殷雷秦  
凱謝神祇度曲稱金疊絲棚結流蘇歌管相喧阗功成  
慕高隱松菊為良媒所得無一私奉君佐鹽梅晚食輟  
魚烹芡肉充饑餔清琴發逸響餘思悲南陔邊聲久廓  
陳阜詩存卷之二十三 文園

該  
清葭瑤方吹灰高枕夜寂寥霜月齊皚皚將軍修道術  
羽化歸天台遺齒當舍利寶貴差瓊瑰報功崇祀典歲  
時醅一杯峴山勒鴻勛指點生餘哀我思漢天子拊髀  
煩審裁頗牧逝已久迷古猶溯洄鐵牙不嗜殺能弭格  
鬪災得將盡如此王綱可以恢莫鄙荒唐詞至理實兼  
讀琴菴夫子雨後獨酌歌全劉雍州次韻  
三唐作手誰最高青蓮居士真雄豪琴菴夫子繼彩筆  
千言立就呼醇醪銀鈎鐵畫復草聖手筆頻繁不厭勞  
審音識曲有黎閣追隨鞭鐙殊囂囂比來對花復坐月

意不在酒矧老饕鳴也獲伏慙下里新詩屢屢披鄭毛  
一字一哦一擊節萬丈光芒那可韜六月之望雨浴月  
雨後劉郎擬賦騷夫子長歌和瞬息詞源萬斛何滔滔  
即如驟雨傾碧落即如霽月印江濤連朝北客報芳訊  
滿城歡喜首重搔龔黃召杜續久著技穎自取中山毫  
明良際會非偶爾彼蒼清醒不酖醕異時卿雲歌喜起  
堂堂筆陣無須鏖鵬毛順風在指顧歷級行看晉六曹

還樓吟

一事不知何足恥一技不善何須鄙古來渾沌能長生  
日鑿一竅心乃死我今飽看世間人健如猛虎智如神  
東阜詩存卷之二十三 文園  
以強取弱貴取賤簞金已滿還憂貧有時威盡謀亦拙  
揭篋而去空怒嗔我今飽看人間士學富三冬筆如駛  
自倚才名冠國鄉老來饑困慙鄉里伏臘尚書何太榮  
太平世界半同是轅邱之樹商邱材匠石不顧天栽培  
果然還樸甘無用南山萬壽何悠哉

章倬

字惕若號讓菴歲貢宣城縣學司訓有讓菴

遺稿

三十自言

太父恩同太母深蕭蕭白髮病猶侵風雲三下劉黃涕



烏鳥空餘李密心敢謂鼎鐘需異日私憐菽水尚如今  
流光飄忽催遲暮應學前人惜寸陰

村曉

茅屋亂雞聲殘星三五明絕無人影動祇見霧烟橫

送春

東君何事更樓樓纔見紅齊便綠齊送爾一杯千日酒  
省他幾遍杜鵑啼

寒江有感

蘆管頻吹傷客心暮山率偉起長吟一天風浪晚來靜  
千里雲程望去深寒月上遲光隱約疎星出早影浮沉

東臯詩存

卷之二十三

三

文圖

桓榮稽古成何事少角伊唔直到今

過大通驛

江亭橫赤壁山市繞青松日午人爭米雲昏僧報鐘問  
津先賞酒涉險任支筇豈不懷行路登臨興未慵

秋柳二首步崇川姜暉吉韵

三眠三起特精神轉瞬蒼涼暮座軍幕漸看稀半壁  
仙槎差不蔽通津殘枝繾綣留餘照老榦扶疎待小春  
但是渭城高唱後仍堪攀折贈行人

天涯無恙釣魚磯樹樹摧殘對夕暉婀娜不留青鎖闥  
蕭條重帳白雲扉蕭松作伴成今是桃李同儔悟昨非

可怪章臺臺畔客一腔情緒尚依依

落花吟

昨日見花開今日見花落花開花落不多時人生看處  
須行樂舉杯花下得盡歡何勞更問神仙藥

東臯詩存

卷之二十三

三

文圖

東臯詩存卷之二十四

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

石為崧

字五中號樊山弱冠舉於鄉旋成進士三任

縣令歷官戶部員外郎告歸傳載邑乘著有

且夢山房詩集

廣武城

東臯詩存卷之二十四

文圖

廣武山城山接天城高天半與山連西風獨戍橫雕外

秋雨千峰入雁邊草卧斷碑迷往代沙沈折戟問何年

秦皇築後堪愁絕閱盡興亡飲馬泉

雲岡寺

寺在大同西三十里山皆鏤石成佛北魏拓跋時建

古寺荒岡接絳霄上方昏黑雨花飄山頭頑石皈西土

樹裏寒鐘記北朝百戰川原殘壘在三關風雪塞垣遙

天涯歲莫嗟行役客思鄉心漫寂寥

登雁門關

晉代松杉漢代邱雄關獨上倚清秋平吞朔漠三千里

橫截燕雲十六州野水有情寒出塞名山無恙晚當樓

武安祠下烽烟色今古催人易白頭

靈邱雜詩

山曉攤書靜峰高日上遲蚤衙常報午牒訴不妨詩斗

粟民成訟三章吏未知官閒容我嬾城上角休吹

射獵初開境人傳趙武靈遺弓今尚在戎服昔曾經天

入飛狐白雲連雁塞青兵戈追徃代鼙鼓幾時停

塞水連沙汲陂田帶石耒市喧迎稻米俗怪見河魚麥

餅炊為飯朝藟平聲拾作蔬我生滋味薄一飽願無餘

太白道中作

太白山腰路便與盡日程半天蒼鶻落到處石鷄鳴地

東臯詩存卷之二十四

文圖

瘠難供賦徭多尚有征拋鋤來野老道上問休兵

饒娥祠

在汨羅山下

銀麓江濤走建瓴孝娥祠廟向江高桂旗蘭棹無消息

白日深林自杳冥靈雨暗添芳草綠朝雲不夢楚山青

娥父喪後終身不嫁柳碑謂死父傍如曹娥事誤也灘聲鳴咽無今古渡客躊躇

傾耳聽

中秋日泛舟泊江登蕭山作

跼促常不樂悵望清秋時曠然凌緬邈始覺娛心脾碧

水澄餘滓纖鱗了可窺寥芳芙蓉渚擊汰楊柳湄舍舟

復遵陸巖壑呈幽姿石路亦屢折雙屐未云疲羣峰互

出沒白雲上下飛古寺閒無人日午松陰移是時煩歎  
息緒風吹我衣相攜待素月相羊以忘歸

得戴開亭荊州書却寄

楚天消息近風雨倍情牽事往如前日書來已十年頭  
顱看若此塵海意茫然一派岷峨水雙魚好細傳

鄱陽湖上作

沔陽漁子千天紀淮右真人拂劍起草昧雄雌猶未分  
魚龍怒攪西江水可憐成敗只等閒可憐生死須臾閒  
樓船十萬灰飛滅三十六人也不還盲風畫卷陣雲沒  
野草宵平戰血殷我昨孤帆湖口宿芒鞋小踏康郎麓

東臯詩存

卷之二十四

三

文園

折戟當年問有無平沙落日歌樵牧翻笑雲雷劇戰爭  
布衣遂得中原鹿只言富貴等金甌那識滄桑同轉輟  
春花秋月暗消磨朝飛鷺鷥暮鴛鴦橫戈躍馬渾難記  
虎踞龍蟠竟若何到頭劉項皆歸盡湖水悠悠空逝波

泊江春漲

樂安江上雨兼旬孝女灘頭浪似銀斷岸都敲寒食柳  
落花如遇武陵人蛟龍得氣狂吹沫鷗鷺忘機狎作隣  
明月板橋孤棹在青山是處好垂綸

鄱陽故淮邸廢址

枳花櫚葉滿斜曛勝國桐封自昔分帶礪猶傳江外土

蟲沙已化水犀軍鴛鴦有瓦埋青草雞犬無家住白雲  
最是金輪秦小吏靈旗古廟賽鄱君

夏日雜興

清盥起披衣縹緗羅素几偶把徑寸書忽歎千秋駛孔  
墨等颺風周秦同逝水垓下與昆陽紙上空殘壘何況  
太古前孰與觀無始一鳥鳴我庭清風吹蘭芷倚杖自  
閒謠有懷曷云已

步出城東門衆山青可數行行犂确多長天日云暮林  
黑蚱蜢飛徑仄猿猱度睽彼紫衣人中峯隱烟霧我行  
足力煩曰歸無安住歲月不恆居徘徊此中路

東臯詩存

卷之二十四

四

文園

飛飛離閒雀止我城南倉但啄倉中土不見官家糧蓬  
根舊儔侶啁啾來何方持竿東隣叟挾彈馬上郎何如  
茂樹枝奮翅可高翔何如野田蒿滿腹且卑搶  
當餐忽焉歎投箸不能飽我愁果云何紛如堦前草思  
彼稚川翁移家日南道白石煮為糧丹砂可娛老斯人  
不可見使我傷懷抱

赤輪赫炎威陰雲升北陸薄暮急雨過微涼蘇新沐譬  
彼漢三章一朝解秦酷取我鳴琴彈彈作清商曲鍾期  
古所難聊以娛空谷

槐木將軍行

山光黯淡秋蕭瑟老槐葉戰西風急蒼皮慘裂苔蘚滋  
靈根蟠屈蛟龍蟄以文石橫雕欄古碑斜卧蔓草殘  
日暮牛羊不敢過隴頭樵客誰能攀雨打霜摧半身槁  
南柯新枝枝漸老滄波閱盡彭蠡湖陰風怒卷康郎廟  
道旁老翁為我云此是當年槐將軍江左初興鄱陽戰  
楚人萬弩何紛紛寄奴王者原不死槐根避箭槐有神  
白龍幸脫豫且手歲歲椒漿盈桂酒賜爵曾同大夫松  
攀條寧比金城柳三百年來王氣收一杯誰與酌春秋  
婆娑生意凋零盡寡雀空吟孤鵲愁賦用槐憶昨興朝  
循舊典祠官還說天家遣鼠耳重看碧浪翻虬枝忽與

東臯詩存卷之二十四

五

文園

饒州漫興

效死曾傳有國殤三忠同日殉城亡雞豚村酒年年社  
不到譙門舊戰場甲寅城守諸公俱戰沒北門  
止水亭荒水亦枯宋相公江公萬里靖節處女牆有恨夜啼烏不知  
清水塘仍在余闕城邊似此無  
英布城根挂萬籬吳芮築以妻布鄱君宅廢旅葵多康郎戰艦  
今安在一種銷沈等逝波

一笑掀髯憶范公率更亭畔夕陽紅縱教薦福碑無恙  
今日書生可救窮

泊陽雜詩

形勝居然百雉城半邊烟火聽雞鳴太平榛莽年來闢  
劫地猶看草亂生

徽歛羣峯據上游樂江如箭射黃流秋來杭稻連村熟  
百丈齊牽入婺州

平生怕讀靖康史馬角龍髯句愴魂今日單車桑梓地  
一杯先酌里林村

父子高名元宋閒松楸遙望馬姑山馬相國廷鸞教授端臨葬處那

東臯詩存卷之二十四

六

文園

知王謝風流盡蝸角天荒鬬觸蠻

山裏青山村裏村阿儂雞犬似桃源從來不識催租吏

兒輩何曾到縣門

幾載潢池學弄兵虬髯虎氣也知名孫恩誅後賣刀劍

彭綺山前叱犢耕蕭山三國賊彭綺據以叛吳者

孝女灘頭水亂流虎山高樹墓門秋英雄巾幗皆千古

側帽書生一浪游黔南王祖墓與饒城汨湘相對

馬乳桑乾醉百巡饒城汨湘相對乳燒為酒南來也復有燒春樂邑火酒最著

那能羌女琵琶曲一盞霜前更勸人

夢中曾識洪厓路圖裏頻窺叢玉峰二山樂邑最勝處有仙人林燒丹石

兩載塵容愧未到丹爐藥竈茶苔封

編成箸笠誌吾廬真個牽船岸上居鳥道羊腸看欲倦  
畫簾雙漿問華胥

送舍弟桂東歸

惆悵饒河水西連彭蠡湖霜前鴻雁到原外鶻鴒孤山  
色遙分楚江聲直到吳老親凝眼望行矣莫躊躇

衆埠街

峰壑何文蔓人烟一徑添上游連婺歛小市有魚鹽澤  
維春飛隴鳴鳩午在簷松門懸磴細又是雨廉纖

重經北蘭寺悼澹公

東臯詩存卷之二十四

七

文圖

登樓舊憶庾開府卓錫今傳支道人三十年來逢小劫  
蓮花何事染淄塵

過英布墓

楚國軍鋒百戰過那堪提劍走隨何中原劉項爭纔罷  
地下韓彭骨並多鄱水只今侵墓草漆燈無復出松蘿  
婦翁半壁山河在不及南荒有尉佗

鄱湖打魚詞

江水彎環湖水平楚天霜落渚痕生居人半向蘆花住  
款乃聲中灘月明

酬神鼓罷大江前亂槳爭飛箭吐絃官舫不移商舶靜

一時都讓打魚船

不種山田作穢師賣牛結伴買鷓鴣如何一樣催租急  
蟹舍空灘吏總知

發石鎮

聽打開船鼓曉曦日氣昏岬留酤酒路檣背落花村街  
霧鴉先去逢林鳥一喧清暉無遠近相對只忘言

饒州

來往此城下風塵日不閒復隨沙鳥至昨共野雲還草  
長鄱君國鶯飛郭璞山蟻洲門外路碧水自彎環

宿湖上

東臯詩存卷之二十四

八

文圖

曲港帆爭出平湖日已西水兼春草濶山隔浦雲低空  
外魚龍氣黃昏鷗鴉啼會須凌緬渺侵曉待天雞

渡湖

一枕初迴夢湖灘早放船舟人鷗際飯渚月蚌邊懸屢  
渡憑忠信中流只穩眠南崖漸欲近戍角曉風前

望五老峰

鬚眉真自好嵐彩供朝昏人少百年壽翁能萬古存滄  
陽潮上下三峽水崩奔欲訪羲農代低頭竟不言

讀陶士行傳

陶公天下才自挺東南秀方其未遇時束縛在甕牖客

至缺酒漿秣馬少芻豆身賤名亦微抱玉無人售小試  
縱陽令英聲劃然走風翻騰驚霜蹄駭馳驟天子賜  
羽葆羣才競輻輳身為八州率名在王謝右緩頰范孝  
廉推轂盧江守知音苟不存功名亦何有

鄱陽湖

萬頃爭江下滔滔此逝波孤山真屹立砥柱竟如何駭  
浪兼天遠漩渦囓岸多我憑忠信力猶自怯頻過

鳳源村

疊嶂埋深箐孤村隱斷岡人烟亂後少山氣晚來涼野  
碓閒春澗岩花墮古牆催租符帖下昨夜有流亡

東臯詩存卷之二十四

九

文圖

夜度插柱嶺

疊嶂連雲黑復輿促夜行人聲傳谷遠炬火入烟明葉  
露聽猶落秋星望若平如何途屢折復教嶺長橫

芝山晚眺

新霜城郭雁飛時背嶺牛羊下日遲木落湖光猶浩渺  
霞飛山色轉參差靈旗半卷鄱君廟杯水常清相國池  
聞道東峰林谷好鷓鴣擬借歲寒枝

去鄱陽十里許飲村旁大樹下

纔喜離城市空江好暮雲一村臨水閉有路向田分世  
味慚雞肋孤樽對馬軍青青留一盞鶯語上頭聞

雨花臺

少年幾度金陵客木末亭孤不厭攀舊路忽經人易老  
重陽將近菊初斑天高霜信來西浦日落秋聲到蔣山  
安得真僧更說法寸心不挂野雲閒

馬西齋刺史出示尊人文毅公草書字彙敬賦

長句公被繫粵西時所集目錄小楷顧夫人筆

也

滇南妖鳥啼點蒼蒼梧殺難想飛揚夜呼一軍朝盡甲  
孤城畫閉日無光中丞秉鉞臨要荒衝冠髮指鬚戟張  
倉卒變生連肘腋搏風有翅安得翔前呼禿鶩後鴟鴞

東臯詩存卷之二十四

十

文圖

吁嗟因此孤鳳凰兩雛潛飛度瀟湘丹山巢傾卵不傷  
嗚呼我公盛文章書法直逼鍾張王尤工草書兼衆體  
上溯漢晉下隋唐支分派別搜羅遍倚撫宋元至有明  
叶方公被繫閱四載重檢舊本披縑緗百獸奔馳羣鳥  
駭一點畫詳邊傍有時翻新出已意銀鈎薙尾相炳  
煌自公大義殉封疆一身以外同枕藉孤兒夜哭尋遺  
跡尚留破篋敲古牆蠹粉剝落蚪蚪字剡藤零斷龍賓  
香有美一人婉清揚水玉為肌鐵作腸蠅頭小字何琳  
瑯與公騎鶴白雲鄉賤子訪舊池水陽維公季子邦之  
良示公遺墨縹作囊薈薇盟手捧珪璋逡巡注視一詞

不能贊惟覺目眙舌顫且僵君不見靈風颯颯來紙  
上瑤光墮地森寒芒

下相項王祠

衣錦歸何日空憐敵萬人公生非為楚天意借亡秦霸  
業浮雲外荒祠野水濱烏騶猶躓地暗牖有流塵

秘魔崖

蒼崖碧落外千尺倚寒峻險有將飛勢青無更上層雙  
龍腥夜雨古柏蔓寒藤歎息盧師去誰傳石室燈

涿州道中

長堤行盡柳吹綿人過胡梁古渡邊磧裏穹窿城半壁

東華詩存

卷之二十四

十一

文圖

馬前縹緲塔雙懸紙錢社鼓軒轅廟麥浪春風督亢田  
日午脂車更西上燕昭遺跡總茫然

三月十八日真定恭紀

扶桑歲歲日輪明萬國歡呼百戲呈況是滹沱天尺五  
春光直接九重城

大佛堂前擊鼓鐘綠章刺史叩頭封須臾蓋底青蓮現

閣上雲蟠五色龍

金銀幻出好樓臺逐隊黃旗疊鼓催二十七城爭赴會

六街齊頂辦香來

纔罷行香敲法筵傾城士女更駢填長官不教人呵止

西得花宮寶座圓

洛陽

濺濺洛水長新蒲宛宛修邛戀舊都官道猶嘶叱撥馬  
女牆頻喚畢通鳥金魚玉腕閒愁在翠羽明珠好夢無  
酒醒半窓餘落月依稀清漏響銅壺

潼關

關頭湔出華池雲關下河流兩界分曠野非秋天慘淡  
黃沙如雨氣氤氲赤眉函谷曾飛度大將桃林竟喪軍  
斜日一鞭追往事西來驚鶴戛空聞

畢嶽廟

東華詩存

卷之二十四

十二

文圖

白帝靈壇碧澗阿中天華闕鬱嵯峨秦松漢柏交簷老  
嶽色河聲入院多芝草有香堪採擷古碑少字重摩挲  
舉頭彷彿笙歌近應有雲輶駕鹿過

錦屏山空心樹為火所焚詩以悼之

百尺靈柯上古栽山頭小劫付殘灰將軍不見彭亨腹  
匠石空留臃腫材巖際熊歸難覓館飲中仙到罷銜杯  
聞人每飲其孤根礪礪如石猶有烏犍礪角來  
內可容一座

金牛道

上古閉蠶叢四萬八千祀為貪冀裏金遂滅開明氏

駟馬橋

長卿宦情薄偶一乘高車影影春風裏時時但著書

### 銅官山

銅山不救飢不如河之水爲語黃頭郎漢帝大誤汝

### 君平肆

一日得百錢贍生已云足不知紫標記何用三十屋

### 籌邊樓

李文饒節度時建

太牢朝下書悉怛暮誅死安得曹公來烹之以享士

### 武擔山

擔土可成山瑩石可作鏡移此好色心可以死賢俊

### 劍門關

東華詩存卷之二十四

圭

文圖

陰平曾失險劍門匪云固君看益昌江還有入蜀路

### 巴江棹歌四首

巴水灣環作字流布帆不挂往來舟下水舟輕疾於鳥  
上水舟難慢似牛

兩岍山高山接天山高兩岍斷人烟侵晨格磔穿林叫

落日於菟飲水眠

鷓鴣一桁向江津款乃歌聲盡楚人蜀兒牽得魚貓去

捉出山根紫錦鱗

纔過小灘又大灘灘頭亂石橫相干憑誰盡鏹灘頭石

碧玉江光掌上看

### 重過伊東山

到山不知高遠望勢如削昨過刺羊腸今來轟劍鏑連  
嶺波層委孤峰天一握霧霽樹微明氣迴霜初落捫葛  
擬可梯物役苦多縛岐路停羸驂空響流哀壑側聞莫  
之春神光照寥廓蕭鼓穆靈巫蘭藉薰山酌願言俟良  
辰乞取仙人藥流霞餐不飢攝生聊可託

### 拜張桓侯墓

叱咤暗噫敵萬人髯公而外更誰倫共吹炎燼扶天漢  
忽躡雲車上北辰塚似祁連如舊日燈昏隧道已千春  
塚中相傳有千年燈湘江魚腹鰲啼夜一種淒涼月似銀

東華詩存卷之二十四

古

文圖

### 送保寧蔡郡公歸里

與公未見相撐柱臣怒鳴蛙公怒虎予初任以吏事上書忤公與公

一見兩悠悠月自中天水自流士夫秉性須薑桂棗甘

蜜甜良可羞公今解組遂長往嘉陵江上撥雙槳巴流

百折射夷陵楚山過後吳山青荻芽滿地鰣魚出桑葉

連村戴勝鳴公莫羨牀前阿堵爭圍繞糠覈堪肥藿堪

飽公莫羨車前有物森斑斕建牙吹角亦等閒公家有

書高插架醉時畫腹醒時把陰符經好卷莫看參同契

在閒須寫打鼓開船公莫遲蜀道艱難古所悲閬州城

南天下稀何如白蘋洲畔柳惲詩公舟過發臣請隨好



作三吳老布衣人生有耳聽黃鸝何事山頭聽子規

富村驛

分疆兩邑地青鮮有人家古障彫烏翼畬田錯犬牙漸  
稀巴女唱不見聞南花北去雲溪上冷冷水一涯

鹿頭關小憩望成都

岡頭小立解征衣千里平蕪山四圍南望刀州迷遠樹  
東流綿水半斜暉時來井底蛙能聒事去坡前鳳不飛  
關下有龐士元墓漢上鶯黃堪買醉青絲須挈滿瓶歸

新都朱鹿田畱宿署齋誌別

灘灘雙江水旅雁自成行春風一以至換翅各飛揚徘徊

東臯詩存卷之二十四

十五

文園

迴戀舊侶鳴聲一何長故人敦古歡相與延樂方清歌  
雜繁吹促坐飛羽觴良夜已云徂言笑殊未央共把篋  
中籍妙義窮混茫往覆不知倦傾瀉鮮所藏蕭蕭風雨  
聲凝膏耿朱光依麻貴其直採蘭同其芳遙瞻朔北雲  
遲君雙翻翔

甲辰元日

無事亦晨起端居不出門髮加前歲短身幸兩朝存道  
帙焚香把庭柯負日暄遲遲春意動好濯漢陰園  
有弟同余癖常懷五嶽游酒酣尤鼓舞夢到亦勾畱三  
月糧誰聚一囊錢未收今年須早計日暮倚樓頭

謁文相國祠祠在石港海上為相國渡海求二王故地

古屋垂蠅蛸陰廊蔽蝶蟻寂寞相國祠正氣猶凜烈憶  
昔蹈海初江南盛流血神州雖陸沉不忍社稷絕波濤  
良險艱孤身蹈危轍世遠念忠臣人心尚憤切遺像畱  
空村荒藤封短碣我來讀遺文淚落中腸結

下河觀水

黃河非故道萬里溢洪水決東南困天低郡邑浮蛟  
龍蟠大澤蘆荻偃中洲極目哀鴻遍汪洋起暮愁

讀臯民先生書樓山先生傳後感賦

噩浪吹殘建業城狂瀾猶藉一書生當年清議摧權貴

東臯詩存卷之二十四

十六

文園

樓山先生攻陳寧甚力臨難孤忠答聖明記載已光青史筆表章  
重繁故交情可憐白骨荒原冷畱得區區義士名

秋日坐秦淮水榭聞故老談金陵遺事

木落江南秋暮天開元聽能轉茫然荆榛曾記從龍日  
鼙鼓還傳失鹿年夜月照殘樓十二金風吹冷殿三千  
憑誰坐失長江險玉樹歌終亦可憐

九日臯民招同孝威諸子于匿峰廬登高四首

效合肥宗伯以重陽登高四字為韻  
竹柏影重重烟嵐小徑封秋聲繞九日霜色已高峰江  
蟹雙螯美金樽綠酒濃主人良汎愛高雅豁心胸

已識陶潛癖仍來杜甫堂黃花開滿徑紅葉關重陽倚  
樹銜杯靜臨流洗硯香深閨好畫手乞與寫山莊是日乞先

生書箋並求  
兩夫人作畫

閉門嚴雜客繞座得良朋喜見今詩伯都來聚海陵秦  
如阜俱古入林拚痛醉覓路快同登談笑橫青眼松筠  
海陵地

碧幾層

酒罷步林麓輕寒上絮袍山光低夕照暮色白秋濤漁  
唱還南浦鐘聲帶遠阜明朝餘興在吹帽再憑高

題沈驪珠瓢泛圖

長波翻空天吳趨几席咫尺生江湖誰歟中流不假楫

東臯詩存卷之二十四

七

文圖

飄然一往如翔鳬諦視村掌怪且咄我友呼之真欲出  
憶昔朱顏好少年橐鞬鞭弭時周旋文壇掉鞅詞鋒峻  
擘窠岌業蛟龍纏會乘扶搖搏九萬直排闥闥培青天  
如何百年忽過半萬端回首同雲烟南華真人子莊子  
願與先生遊無始魏王曾貽五石瓢我浮而去良逍遙  
無何有鄉廣冥野冷冷天風吹海濤李君作圖亦好手  
能從頰上添三毫把圖索我歌我歌當云何此中得計  
君已多我有長柄一葫蘆翻身跳入衰顏酡

邵伯道中

天影含虛碧湖光相蕩摩千家依竹榭一綫轉漕河爰

止棲鳥少頻啼旅雁多司空沈璧馬碩畫定如何

秋詞

東風蕭瑟暮生涼樹樹歸鴉帶夕陽庭院最深秋也到  
葵花零亂雨三行

海安鎮

我家東海濱一舍三塘路河流去不還帆影連朝暮結  
髮事遠行往來亦云屢蹉跎二十年雙髻已非故孟冬  
十月交百草淒寒露飛鳥投深林游子無安堵人烟舊  
時村黃葉霜前樹撫懷百慮縈復此乘風渡

西城晚眺和章錫九

東臯詩存卷之二十四

大

文圖

擾擾愁堆案因君引興長登樓閒極目霽色正蒼茫山  
看春來好城憐戰後荒人烟南浦樹一半偃斜陽

正月十五夜泊陽署中作

頻年踪跡記幽并璧月良宵幾度明一曲天津人掀笛  
三更幕府夜移兵萍分南北春重到鬢入韶華感易生  
美酒秣田堪給否梅花屋角最關情

曉霽山行

微雨秘晨光幽夢破清曉稍霽穿雲根餐霞度木杪我  
心淡無營曠若孤飛鳥不聞人語聲回首烟村小

江樓吟

襄陽堤上樓襄陽江邊草江草歲歲青人向樓中老

北蘭寺

江迴帆爭落山高雁並過沙頭人語亂峰頂夕陽多世路慚牛馬浮生負薜蘿出門還小住銅狄重摩挲

晨起坐西齋對南山作

茲晨有餘適睽彼南山峰相見如揖客來我西堂中朝光頗幻冥稍霽得空濛秋天石氣瘦削出青芙蓉連朝簿領惡對面若不逢息心偶有遇縱目遂無窮我聞中峰頂上有萬株松有冰歷千載有乳垂石鐘飲乳駐我顏嚼冰沁我胸道遠莫可致陟巘其安從空巖遊麋鹿

東臯詩存

卷之二十四

文

圖

落日啼猿猿願言攜短杖問道打柴翁

于役

于役三秋數征途落日殘山風吹面黑松露滴衣乾徒御猶言倦客懷誰與歡惟餘紅楓樹道上飽經看

池陽過訪章錫九同年留宿

山童報客語初譚共飯中庭日漸斜廿載登堂方拜母西窓下榻竟如家年凶白墮猶開釀坐久青燈更吐花數畝臨流兼背郭霜風湖外落清笳

將之九華同園時春宿池南五里菴

月黑松門一榻留共牽布被擁羊裘四山多少紅楓樹

亂卷秋聲到佛樓

元夕

不斷昨宵雨方春一枕生那期今夕月依舊六街明玉笛爭芳夜華燈續晚晴香塵吹不起連臂麗人行

西充道中阻雨

酒盡沽難得書攜讀易完青山相對暮白袷只添寒雁叫知天遠猿啼逼夜闌何當聽吠犬清旭躍林端

題還樸齋

大樸昔曾蟠野外結果今又到城東多年人事滄桑後七日天行剝復中好石移來山是画新詩賦就險逾工

東臯詩存

卷之二十四

文

圖

君家舊物依然在應向南柯悟世空

息機擬作葛懷民寥廓鴻飛迴絕塵惟有小山擁獨樹時招詞客與騷人風情北海由來少雅集西園孰可倫聞道秋深開絳帳烏衣巷口我知津

蘇嶺

字雲笙號蜀山太學生著有北遊草蘇子世

畧行世

閨上已詩

昔日少年行而今忽已老好花不復開春去傷懷抱豈意尚餘春修禊事未了再為曲水遊天氣一般好試問

流觴人歲月寬多少

鹽車行

名馬非凡庸馳驟宜上林食粟需一石常存千里心駿  
足人不識鹽車困已深奴隸苦驅策哀鳴猶至今安得  
伯樂顧牽之登高岑

麥秀歌呈崔明府

君不見見源陽張堪賢太守勸民耕稼漸殷阜桑無附枝  
蠶有絲森森麥穗兩岐秀一自賢侯宰雉臯召杜之後  
罕難親簾外東風相與清香烟細裊黃金獸百尺高松  
覆訟堂悞疑枕上笙簧奏廉靜感帝適降康貽我來牟

東臯詩存卷之二十四

三

文圖

稱黃茂瞻彼南畝麥浪滔奄觀銍艾豐年又我侯命歌  
麥秀篇歌聲在左文聲右開閣課士興欲豪絃歌雅化  
古今高屈指四月初望分題授簡燃蘭膏鳴琴清暇  
規風俗多士開懷瀉錦濤江淹濡筆花生管李白題詩  
酒在毫僕隱茅齋何所見也曾文陣隨百戰觀獵還生  
歡喜心效顰豈有嬋娟面吁嗟乎文聲歌聲俱可傳安  
得乘風到上天太平有道開閭閻正是垂紳正笏年

王明府將之都門贈別

臨岐當遠道遺愛在他年夷惠心無愧龔黃事並傳登  
龍猶見日射雉已無天安得隨鞭鐙乘風直到燕

送賁黃理返東臯

七載長安客今朝返故鄉寒風十二月征雁兩三行匹  
馬關山雪雙龍邸第霜歸來問耕鑿春色上平岡  
得意還家好平生志未酬上林春冉冉鄉井夢悠悠仙  
侶金臺晚才名壁水秋念子還浪跡何日到林邱

陳爾猷孝廉見示西園詩集招飲賦謝

妙齡即有神童目老向長安志益雄揮手家居誰念汝  
掉頭雲路已成翁西園詩句清同鶴北海樽壘氣似虹  
我亦客中頻過訪竹牕燈火話途窮

許彤

東臯詩存卷之二十四

三

文圖

字廷賜一字賡菴忠愍公孫邑諸生著有虎

變齋詩稿

可歎

可歎孤忠後偏為久困人未成千里志徒愧廿年身把  
酒自疎放論文誰假真有時逢伯樂良馬出風塵  
舟至茱萸灣琴菴董夫子以詩話別和韻奉答  
飄逸東臯宰邗江竟日遊兩行知已淚萬斛送君愁握  
手臨岐路離情載滿舟北行同有夢只在五更頭

秋日邀同琴菴董夫子劉藜閣先生飲西園喜

晤羅補菴前輩

處處青山帶落暉西園小集莫相違筵開有客頻中聖  
星聚何人識少微傍晚晚亂雲凝復散清秋歸燕語還飛  
詞壇况有羅含在總使沈酣也不歸

和先王父忠愍公遺詩六絕

長空雲淨日孤明三尺昆吾馬上橫誤用荆軻為刺客  
燕丹原自不知兵

前朝天子尚征誅我馬元黃我僕痛自是相公多失政  
西南赤子亦何辜

剩水殘山變古今函關烽火舊相侵總然奪得長安去  
難奪投繯報國心

東臯詩存卷之二十四

圭

文園

泰山墩上禮虛皇吐出雙虹百尺長我祖若教懸鵲印

悲風安得滿淮揚

君意臣心貴正誠西山寇盜豈難平無端坐使金甌缺

三百年來太滿盈

含凄扶輦向南行下詔旌忠仗聖明風雨篷牕眠不穩

夜深聞罵賊臣聲

春日送琴菴夫子舟次吳陵同倪永清黃交三

兩先生偕江岷山有聲昆季分賦

揚州何處是聊宿海陵城春水連天濶晴雲帶雨輕今

朝杯共把明日路長征從此無知己沙鷗好結盟

九日寄懷琴菴夫子

佳節蕭然失所親雲山北望倍傷神遙知陶令登高處  
也憶東臯載酒人

潘有簾

字子調號竹舫有越遊草行世

瓜洲阻風

不信仍棲泊蘆花淺水中自然愁逆旅無計慰飄蓬雪  
浪掀高屋江豚拜下風從來吾道坦前路或亨通

冷泉亭

東臯詩存卷之二十四

圭

文園

嶮磴曲盤通奇峰相對映雲深石溜寒亭近山容觀草  
浸萬松青苔封孤寺淨憇茲俗念消烏可無題詠

登大善塔

浮圖百尺憑空插攜友同登興不類扶木兢兢升絕頂

倚闌脈脈遠層臺烟雲深鎖常疑雨風樹爭鳴迸作雷

極目江天凝望遠蒼茫溪壑擁城來

泛舟雲門山

欲銷旅邸愁一棹恣狂遊兩岸開青嶂千峰映碧流濤

聲催濁酒山色入輕舟縱步層岡上悠然意興悠

弔五人墓

俠士孰云無一時同有五忠肝貫日星義血濺風雨草

色亦含嗔松聲猶帶怒並埋鄰虎邱烈烈昭千古

訪芋蘿山

芋蘿山下澗潮平躡屐登臨感歎生不信釵鈿能霸國  
敢將歌舞作奇兵吳宮謾憶傾城色浣浦空留夜月情  
幾向淒風頻悵望嶺頭猶見白雲橫

西興驛憶兩弟

歸來車馬急落日故鄉懸千樹藏荒館萬山隔遠天愁  
看鴻雁字怕誦鵲鴛篇悵望長橋上情深未肯眠

丹徒夜泊

落照橫江盡片帆望裏收波濤驚客夢風雨動鄉愁野  
東臯詩存卷之二十四 五 文園

鳥分南北孤踪急去留如何消永夜一枕對浮鷗

冒泰然

字大來號公贊

壽凝虛上人

雙行密樹畫蕭森中有花宮俯碧潯風送魚龍聆妙義  
雲歸睥睨結層陰自憑靜悟參朝夕一任微塵幻古今  
若向高僧詢甲子百年秋月此空林

冒志同

字于野邑文學

驪山

天寶承平日驪山樂事優香車陪翠輦仙樂奉宸遊  
嶺花仍發溫泉水自流空留黃土恨千載未曾休

淮陰侯墓

滅項曾傳百戰功千秋遺恨未央宮殺身總是由蕭相  
垂死徒教憶蒯通枕畔烏啼愁落日嶺頭雲起結悲風  
英雄盡有藏弓懼幾見山河誓始終

馬嵬坡

漁陽烽火照秦關駐馬千軍委玉顏誰舞霓裳來殿上  
祇餘羅襪在人閒蓬壺碧海三生隔驛路紅塵一騎還  
滿目淒涼悲往事夕陽斜影下寒山

東臯詩存卷之二十四 五 文園

渡瀘水謁武侯廟

蕭蕭車馬駐江臯仰止荒祠燧小舸鼎足已知分漢魏  
丹心尚欲總蕭曹蠻烟一縷清邊微瀘水千秋化不毛  
惆悵運移難再復祇餘遺像肅清高

戎城暮望

郭外青山江外沙杏花紅上酒帘斜隔林遙見炊烟晚  
茅屋臨橋三兩家

觀光臺

觀光爭說上高臺寶暈重重妙影開我道無光亦無影  
分明親見願如來

余秉綱

字維三

吳城客舍別家叔惟輔之漢陽

親老遊同遠飄蓬未有方烟波分隻影夢寐各高堂故國愁難盡荆江路更長相依腸欲斷况復別他鄉

懷社中諸子

路入延陵思更酸幾番鄉信欲歸難半牀客夢傷秋雨九月征衣怯夜寒木落孤城鴉影亂詩成千里雁聲殘遙知白社多愁寂回首嚶鳴淚未乾

渡揚子江書懷

康輿詩存

卷之二十四

毛

文園

天涯落落缺羞鳴歸興空餘感慨生九月西風吳子國滿帆秋色潤州城蕭條行李三更夢浩渺烟波萬古情回首山川人寂寂霜寒古渡月初明

金陵即事

石城斜日下江亭遊客秦淮酒未醒欲覓新詩翹首望蔣山還是六朝青

舟行即事

行舟馳日夜客夢畏風霜詩濕遲難得衾孤曉更涼江空秋淡淡露滴月蒼蒼因有歸歎歎興懷念故鄉

別社中諸子之楚

寂寞遊常遠荆門路更深風塵催老大時事極傷心異土親多恨疎才病復侵別離無限意憔悴寄哀吟

哭仲舅項仲言先生

何事憂如此知公我獨深病長時乏藥驗薄竟無衾老母哀難慟孤兒恨自侵直人遺不慙灑血問天心

客梁溪憶友

春色上園林春風動客心愁多詩興淺日落暮雲深寂寞清溪路相思綠綺琴何當頻煮夢夜夜在山陰

晚發天門山

天門山下晚潮生舟子歡呼逐浪行無位不知江上驛

康輿詩存

卷之二十四

毛

文園

有詩聊記旅中情風搖寺樹篩燈影寒入蘆洲送雁聲莫問今宵何處泊擁衾一任月華明

次雙店雨阻書感

歸擔何事却遲遲病骨愁心強自支鄉夢又驚雙店雨客懷難寄五湖詩生涯碌碌空經歲道路飄飄未了時自識韶華無限思草堂春色上梅枝

石赤乾

字如先甲午科舉人山西籍

江館夕

小廊人靜酒初消月轉花陰倍寂寥林外火光頻却雁

渡頭風急驟來潮愁心縱睡何曾著寒漏數時更覺遙  
獨把一杯香雀舌古墳墳下與相澆

李榮山

字靜怡隴西人國初遷居如皋太學生著有

景和堂詩稿

山閒寒月

望遠升何慢山空氣益寒白雲開澗壑蒼莽出峰巒高  
處光華大圓時島嶼寬幽人猶未卧曳杖與盤桓

村中寒月

日暮益村寒天飛冰玉盤野田光寂寂茅屋淨團團水

東臯詩存

卷之二十四

元

文園

上輕雲凍橋邊白雪殘時平雞犬靜負手出門看

雞冠

文彩高冠耀日明竹雞敢與木雞爭書窓靜聽寂無語  
起舞西風忽有聲

東臯詩存卷之二十五

同里江大鏡樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

胡香山

字夢白號成村雍正癸卯進士授翰林院庶  
吉士充一統志纂修官改河南道監察御史  
總理內務府咸安宮學政以疾謝職著有古

柏山房詩集

東臯詩存

卷之二十五

一

文園

早春過福城菴次壁閒韻

長衢泥未融山寺春先住斫竹受東風拂拭題詩處清  
磬捲簾聞幽禽避人去跌坐憺忘歸暮烟橫庭樹

洞庭鄭氏桃源山莊

絕境多遼索至水棠埃塵誰期人閒世桃源有主人桃  
源杳何許今在震澤濱是為鄭公鄉四運咸如春冷松  
澹長夏異卉紛蕭辰石洞晝常開翩然來嘉賓潑墨言  
有希漉酒言有巾曩讀陶公記逋逃緣暴秦今我逢明  
時豈復迷其津願言戒行李往結烟霞隣無為守荒穢  
以私誣大鈞



次韻答姜自芸

木生綿岡阜草生連培塿通門弟與兄同氣異父母怪  
彼世俗人相交甘醴酒當其共業時雲夢吞八九時移  
意亦移如蘭委道右靜言問從前誰復面顏忸屈指少  
小儔於中君獨否君父余父執臯比重望久在昔余何  
知升堂稱小友君尤早馳譽姿儀濯春柳先子劇喜之  
一篇譌一斗斯時豪氣同所賴家法守那知命並迤趨  
庭日沒酉葦宇遶風厲卑棲嗟地醜壘篋難為吹有聲  
疑天牖君德以蹇修及時緝萬有遂令翰墨場惛服童  
與叟迺猶戒滿溢秉心維其厚松關鍵復開惛惛尋曹  
東臯詩存卷之二十五 文圖

讀書言懷二首

古聖杳何在牖人經與史道若鐸華鐘聽之疑充耳弱  
冠知討探廿載意無已晨興手一編日夕猶徒倚有時  
觀大意所得惟糠粃彊力恣冥接倏忽踰芳軌識字施  
鈴繫聆音調官徵跡象類雕蟲嗟哉成末技遡河窮崑

崙望嶽卑窮施路遠寸心綿雙丸去母駛

士當貧賤日七尺如繫匏中心但浮慕出語多喧呶或  
言乘風雲策足長安郊或言絕塵垢深山營把茅溢懷  
為商略情棘義亦膠窮達本通津胡為璵堂坳冀野騰  
千里丹山藏九苞既鮮烟霞癖豈貽山林嘲斯意古所  
箴無殊金石敲頑固詎能爾勉玩義周爰

平原

平原開赤岸深溪蟠近郊凌冬曠且清白雲堆松梢中  
有御風人冷然在衡茆塵纓不相屬高若居榴巢浮邱  
及洪厓會合成漆膠渴來飲雲液饑則餌靈桃千載心  
東臯詩存卷之二十五 文圖

神恬何關絃與匏

寒夜作

北風雖然涼無由侵珠箔珠箔幕爐香妖姬酬杯酌來  
朝餘宿醒玉椀傾羊酪西隣坐老生局戶何蕭索猶有  
舊醅存淺斟供吟噓街頭誰家子飢軀赤兩脚僵眠曉  
未交冒霜來擊柝

吳陵魏長麓刺史重建先文昭公祠有詩落成

次韻

大道今猶昔振興須鴻儒魏侯鄒魯來奠此東南隅敦  
政斥華偽晰理嚴紫朱吳陵絃誦聞治欲企軒虞繫余

先文昭餘韻存蘇湖講堂既以圮誰知秉燭趨我侯爲  
慨然傳檄工駟俱率先分廉俸崇朝定厥謨棟隆桷有  
挺周詳及戶樞憶昨荆榛叢莫與分路衢柱礎靡子遺  
草樹空繁蕪久嗟理窟湮漸致邪說誣末裔更衰微詎  
敢陳家模何山抔土遠歷歲隣荒途先文昭墓在烏東  
程何山之麓  
舉故里宅近亦成塵區感茲表章意揮淚還長吁安得  
舉似公一一煥軒檻堂成多士集瞻拜咸作孚豈惟多  
士孚行路亦以愉於今豆與簋事事蒙咨諏好德世雖  
同大類試齊竿維侯結神契無須憑史巫高情庇奕祀  
寸心依珪符何以答雲天先型勉儀圖

東臯詩存卷之二十五

四

文園

吳畬求家土垣除夜爲雨雪所頽敘爲短歌

元龍有樓高百尺延陵先生止四壁壁閒蠹冊與身齊  
更番披閱忘昕夕寒風大作朔雪屯昨夜及肩今無存  
繩牀剥盡瓦盆缺別歲但餘雙掌捫入春殘雪還照耀  
行人指是蘇卿窖鄰叟念之縮版來先生揮去復狂笑  
君不見街頭醉倒屠酤兒挾得青陽歸繡帷我屋從來  
春不管今朝姑遣東風吹

七夕張廣文招集聚星樓分賦

溫風未收木未滅弦月已懸澄水帛張梨堆盤家果奇  
呼我登樓過七夕西皇御天金液竭我禪徒有烈日炙

若使銀河墜不流西來恐阻乘槎客先生拍肩呼之坐  
解此杞憂須大白良時合與酒爲緣休令胸次爲之窄  
感君此意忽復醉聊歌一語傾肝膈誰歎又誦乞巧文  
綺語丁寧徒刺刺我生之初雲錦爛早占八世無垂隔  
余以乙卯  
是夕生髮衰未輟隴頭耕羣兒笑問兔園冊細思靈  
匹何巧拙塵世所傳皆倚撫不然一葦亦可航底事終  
年情脉脉

江岷山送三韓周侯歸櫬至京感賦

江侯靜者耽閒適公車久厭長安陌倏忽南窻理敝裘  
更問山程與水驛此日淮流疾如箭到時雪片大於蓆  
東臯詩存卷之二十五

五

文園

衝波冒雪匪所辭爲感賢侯自疇昔疇昔之事衆所悲  
侯也愛士真成癖買絲誰不繡平原對此遺孤徒歎息  
朝來羽檄勒歸期束手終鮮資身策驚飄鳳泊棲不成  
入門況復營窀穸江侯拔刀欲斫地去共長塗食冰蘗  
我聞此事雙淚零高情度越恒流百潘令徧種河陽花  
萊公僅得巴東拍作歌莫道北風涼君懷自有春拍拍  
虹橋卽事

廣陵城下濤聲起小秦淮似汴河水河中畫船蘭作橈  
撓鳴便過紅欄橋紅欄蜿蜒日杲杲畫船遊侶來何早  
銀箏撩亂曲中花玉勒迴翔原上草可憐芳草常青青

可惜芳花開復零纔看楊葉舒晴谷又見荷莖藏曜靈  
荷莖楊葉爭搖漾螢苑雷塘空疊嶂但得光陰足嘯歌  
休翻水調生惆悵短簫聲動午風涼曲罷凌波江月黃  
冶遊憑弔情俱淡月底風前醺醺香

射雉行

射雉復射雉雉雉春田裏鷓鴣踈踈來飲啄何自喜竹  
不實兮威鳳餒雉兮胡為炫文采雉兮雉兮我所悲秉  
心耿介終不移錦膺帶箭綺翼垂供人一笑荒江湄

廣陵寒食

廣陵寒食桃李新野塘激灩山嶙峋遊人拂曙已雜還

東臯詩存卷之二十五

六

文園

僮僕紛馳攜錦裯亦有圍聲與長笛紛紛陌上爭迎神  
遂令女伴蕩舟去花鈿墮水香成塵蜀岡纍纍列墳墓  
白楊慘淡難為春世人最重墻間祭誰知嫠婦方酸辛  
我來旅寺避塵垢斷木支戶從吾真所欣熟食殊舊俗  
炊杭燒笋何知貧醉來自捧臍臍腹頽然笑問歸來人

題嘯竹雜卉卷

人世何者稱良緣看花南陌復東阡放翁我生愛此由  
性癖對花不厭真成顛張侯更是工吟咏出遊揮筆思  
如泉往者吳門多異卉玩之一一深鑱鐫徐黃數輩諧  
游賞傳色著墨紛來前春花秋實靡不有人力所聚天

機全直如仙島遊侶至浮邱袂拂洪厓肩最後一筆尤  
奇絕不與儕偶爭凡妍細看妙處有詩在神清骨駿風  
冷然卷後墨梅乃嘯竹自寫東臯花雖遜吳下花期帘颺堪流涎  
漫云塵事多糾纏得閒便與天公箋我將按圖選勝求  
佳句從君日揀三百青銅錢

曉行

野宿難成寐天荒起早行霜橋人未到凍樹鳥先驚馳  
驟逢殘臘辛勤歷半生翻慚田舍叟抱犢話春耕

旅寺寒夜

嚴寒將作雪蕭寺坐初更壞壁通隣語疎鐘斷梵聲杯

東臯詩存卷之二十五

七

文園

同毛褐冷燈向紙窓明獨得冷然意詩成格外清

臘日小集限韻

急節催雙鬢相逢一笑看感時頻攬鏡何處可彈冠卯  
酒功能速霜蔬氣味完卑棲無勝事醉飽禦衰殘方書云食

經霜菜減人顏色余謂不然

甲辰試院中秋蒙 賜克食恭紀

秋香浮動值新晴珍味如雲下太清官舍恰逢時序好  
高天同仰月華明 恩深格外開賢路鑒別籠中答  
聖情自愧編摩難報稱仙盤也為滴金盃

恭頌 聖駕親詣太學大禮慶成二十二韻

文教由巽序恩光徹玉衡杏壇逢盛事藝苑被殊榮綵  
仗凌晨啟銅龍向曉清致齊昭 聖敬無息著乾行松  
栢祥烟合槐陰淑氣迎鵷聯皆風戒鳳翹及春晴符節  
知同契羹牆見恪誠動容何穆穆備物盡明明遵俎延  
前軌簫韶發正聲瞻 天多士集向日衆心傾建極惟  
精一新民在治平微言宣閭閻義翦榛荆匡直兼童  
冠儀型藉老更步趨承 帝則抃舞暢 皇情色笑歌  
從邁風雲慶彙征傳餐周六館進善植雙旌廣額驚遷  
木通經鹿食苹覃敷恢禹服於樂過周京道德宗先哲  
淵源邈大成小臣欣始進珥筆廁蓬瀛

東臯詩存

卷之二十五

八

文園

奉贈少宰李晴海先生十六韻

代郡長城峻并州北嶽崇地靈鍾國老人瑞表臣忠美  
譽由誠立奇姿與道通彩毫揮顧免清佩響飛鴻節槩  
千尋直明良一氣融八成康庶事六屬賴和衷蟠石仙  
根大千霄屢葉豐楫霖徵四德表治並宗工庭訓聞邦  
禮高情寄閭風乘閒摠雅詠涉趣寓方瞳開野同裴相  
為鄉勝鄭公鳳來榮木裏賓宴菊花叢山色丹砂現秋  
香紫塞充引霞浮綠螳瞻日憶華蟲積慶承 天眷無  
私格上穹青精頤養備蔗境接崆峒

山居雜興

寒山看不盡扶杖晚徘徊相逢前谿叟問訊前谿梅  
山中雨初歇泉出堪洗耳不復染纖塵流下深溪裏  
天曠雲翳淨空山獨往時一聲木葉動幽鳥出深枝  
水流春杳然送春惟遙矚衆木含深情環溪搖淺綠  
勝友白雲似朝來暮始還有時興未盡相送過前山  
泉細不成響山與人皆靜木杪輕風來遙峰見塔影  
凝霜被密葉蕭蕭如密雨近峰及遠峰空明皆可數  
日落歸鳥盡衙門清復迴舍南舍北松濤聲似滄溟

野興

炎風陣陣起晴沙勾引溪光上稻花一派空明看不定

東臯詩存

卷之二十五

九

文園

何知深樹有人家

真州絕句十首

邗水西來古白沙沙頭芳樹徧開花移情最是春三月  
十里穠桃發晚霞  
涵虛亭對壯觀亭處處憑欄似畫屏遊女只疑山咫尺  
不知山是隔江青  
密篠疎楊碧四圍漁家清夜敞柴扉月昏兩岸人聲斷  
了髻兒童蕩槳歸  
垂楊碧似玉關干曲曲溪亭釀曉寒折贈休過仙掌路  
柳屯田墓月初殘

估客明珠論斛投蛾眉成隊上江九十三便習琵琶語

何待潯陽訴舊愁

郭外諸峰接蜀岡行人款款話興亡銅山荒似隋家苑  
只有雞留草樹香

賦詩臺上蘚痕斑吳魏戈鋌自此閒一葦漫云飛渡得  
枕流還有落帆山

秋山長望更魂銷一水空明見六朝日暮帆檣停故壘  
連天蘆荻倍蕭蕭

路入橫山問古初鐘魚聲斷倚躊躇巖花開日人爭看  
曾與維摩照讀書

東臯詩存卷之二十五

十

文圖

錦瑟銀箏夜夜歌商船泊處酒如河東園亦是閒遊燕  
丐得高文便不磨

抵家三首

叢桂香銷興未窮菊花開處有清風擎杯擘蟹煩雙手  
肯挽藍田二石弓

暮江高浪接邦關水驛重重一夕還九十九灣秋水濶  
故山深似秣陵山

中酒猶然力可支興來不異看山時阿兒道是歸來好  
一徑秋花正待詩

東隱寺

維揚東隱寺鮮碣記前明歲久無人到廊空有鳥行殘  
書攤永日野竹愜幽情薄暮微風動經聲入耳清

送潘生歸剡東省覲

久客萊衣綻秋風念汝歸不妨貧徹骨已曉避宜肥故  
里山千疊荒祠樹十圍剡溪沙上雁應識舊烏衣

獨酌有感

一杯情頗適清似吸丹霞且自揮筠管無煩按莫邪矮  
牆先見月破甑可栽花物理何嘗定吾知故有涯

歸興

江雲障月雪華新江上琵琶數苦辛千樹冰霜投倦鳥  
東臯詩存卷之二十五

十一

文圖

一船燈火載歸人問途難唱前村曉計日梅開小苑春  
消受風光憑斗酒牀頭遙憶不全貧

采桑曲

曉起挈筐去遠揚滴宿雨生恐濕春衫小立聽禽語  
題畫

結屋在深山蒼苔厚如許幽人時一來同聽幽禽語  
嵐氣逼殘陽林木森蒼翠人立山前雲雲歸山後寺

送別張嘯竹廣文

六載思君鬢已絲何堪握手數歸期鴻來燕去踪難合  
且共寒塘立少時

舟夜

一葉蒲帆落暮烟  
水窓開與酒旂連  
春寒裊微難容典  
卧聽當爐夜數錢

揚州雜詩

九年重到白蘋洲  
落日船窓記昔遊  
猶有酒旗歌板在  
楊花飛去水邊樓  
潮落潮生歲月銷  
一篙還刺舊溪橋  
閣梅堤柳千年事  
齊逐春風到酒瓢

題王侍御垂綸小照

手握絲綸入帝鄉  
閒心猶自對滄浪  
一竿已拂珊瑚樹

陳臯詩存

卷之二十五

七

文圖

何待他年釣玉璫

柳陰漠漠接花陰  
五尺竿臨千尺深  
小坐豈真魚可羨  
為憐秋水似臣心

贈吳門沈生

十畝清池一畝宮  
書聲琴韻動遙空  
軒窓開處埃塵淨  
吹過松風又竹風

古風

風騷聲歇絕眾喧  
乖律呂太元與法言  
私準易論語美  
新何違離投閣終  
悽楚卓哉龍門子  
躬耕幾寒暑上下  
千餘載收斂歸環堵  
麟遊嗟見獲鳳輝  
由藏羽

雨中懷李真九姜自芸

詩情酒意須揚簸  
不爾便如塵土泥  
北村李侯東村姜  
茲事一肩齊擔荷  
城隅我關數弓地  
往往花前藉草坐  
窮微雅令更聯吟  
直如酷吏嚴考課  
所嗟囊橐咸羞澀  
充類如蚓誰能那  
今年一旱八閩月  
良苗燔烈如兵挫  
李侯曰歸問秋原  
家人歎息力徒瘁  
修焉已作五旬別  
未雪袁安早僵卧  
姜子去為索米計  
車輪歷碌風搖堞  
丈夫口腹肯累人  
反哺無資匪細過  
寒齋四面寒蟬鳴  
蕭然坐我剛一個  
催租小吏怒後期  
門前林立同警邏  
入冬水泉故應涸  
風欄夜雨聲翻大  
晚收宜燥不宜濕  
摧殘祇令為雀賀  
嗚呼天意仍如此  
我儕何日辭輶軒  
願言相聚賒斗酒  
更教珠玉風中唾  
休嗟一飽終無時  
此情甘極即受和

張懋京

字元標著有蓬徑集

冬日陳于郛過飲

長者停車處空階  
草色蕪論詩吾道在  
把酒客心娛世  
好由來重襟期幸不孤  
盃盤未狼藉惆悵日將晡

春晴

為愛春天雨天晴  
春滿庭隴梅初放  
白岸柳乍搖青世

上都新意吾廬但舊經此時風木恨不覺涕先零

春日喜晴

春暮多淫雨落花時滿庭浮雲千里白芳草四郊青  
蹊展溪邊寺聞鶯柳外亭此時心境豁高咏問滄溟

喜姊丈許實夫從清河返棹即復闕任

久客風塵裏長淮水驛邊著書開士屋貰酒賈人船  
窮達都由命恩波轉自天閩寮諸故吏旌節待君前

田舍喜晴

秋天淫雨密落葉滿池塘今日陰雲散開扉見夕陽  
牧童歌四野孤雁就餘糧酒伴何從覓秋風薄晚涼

東臯詩存卷之二十五

古

文園

乙丑春日登文昌閣

春暄無處不融和散步南城挽薜蘿高閣登來連鳥道  
小窓開處見雲過野田夾岸青將遍堤柳迎風翠欲拖  
回首西林明月上蕭然歸去更長歌

秋夜泛舟

雲散天空放小舟推篷看月向中流浮萍水草俱堪咏  
衰柳寒蟬總不愁秋色闌城沉鼓角人家燈火隔林邱  
忘機欲盡今宵興酩酊狂歌狎野鷗

和韻答黃交三

初秋園柳未蕭條日暮元亭酒興饒爛醉欲歸還看月

殷勤相送過紅橋

沈頌

字驪珠號大瓢歲貢生有補硯山房詩稿

夏夜同袁眉山程士我飲嘯竹先生學署限寒  
字

半輪梧月下闌干雨後清涼夏亦寒石鼎茶槍猷武火  
玉盤山果設文官頻呼紅友愁瓶竭漸濕青衫怯露溥  
譙鼓三通催落筆由來敏捷讓袁安

遠大堂餞春用常司馬贈別原韻

東海人歸舊好逢故園春盡一尊同流年不貸吾徒老

東臯詩存卷之二十五

五

文園

改錯難隨世俗工北苑有香煎穀雨西牕微熱試薰風  
扁舟只待平堤水棹月搖星處處通

丁亥臘月廿七日

歲暮關心百事堆無情白髮鏡中催窮陰潛轉春風近  
閉閣寒生夜雨來新酒綠筍三斗熟老梅香報一枝開  
年華久擲甄陶外造物應知愛不才

楚陽王勿齋驥江孫吟川兩先生過訪留飲

迂儒自分老江潯避地牆東半畝陰二妙遠尋三徑草  
一杯深訂百年心雪牕新霽看梅破吟榻粗安愛月臨  
肯飽園蔬山栗味莫辭信宿坐荒林

陳敦禮新構初成

陳遵藏息地妙製宅東偏峰借他山石池通何處泉尊  
壘邀舊侶鶯燕入新年好待穠花發還登岝上船

曉渡揚子江

荻蘆月落響清颼画梁雙飛趁早潮望裏乾坤猶未闢  
一江烟霧鎖金焦

新莊

放艇城南路平堤水一灣橋通烟霧裏人出翠微閒俗  
樸猶存古村深不亞山早知幽勝地來往日開顏

從狼山步至黃泥山同瞻盧夫子吳萬時作

陳韋詩存卷之二十五

文園

攜酒下山來策杖過橋去但見桃花紅漁人知何處  
高躡嶺頭雲低坐江邊石沙鳥弄陰晴江流自今昔  
望見江南山山形連如織不作江南人乃生於江北  
師從鄧尉來舉體梅花馨梅花背我白梅子垂又青

元旦

元朝燕坐強精神百事粗停老病身奉母又擎今日酒  
攤書仍對舊時人河山氣暖方開歲門巷風生亦自春  
年邁養和須蔗味盤中不用薦椒辛

殘冬風雪逼柴門今日晴明又一番萬象變遷看世態  
百年強健感天恩青春教養辜西塾白髮蕭條戀北萱

但使園園長慶節迂儒何恨老乾坤

送桂秋崖之望江

老逐風塵慣翩然去望江家貧猶有計心在未能降舊  
路迎雙屐新詩載一腔倦遊應念我頭白話松窓

上已集佩玉聽松閣同茗柯先生聽謝申伯彈  
琴

永和春日尚堪尋松閣招呼坐綠陰風定鳥分簾外語  
花深人抱鄰閒琴滄江寂莫留遺老勝日追陪盡好音  
一曲漁樵彈世外益令聽者有遐心

留別崇川諸子

陳韋詩存卷之二十五

文園

崇川三見月坐對自秋初客館千巡酒家園一紙書寒  
梅應小破荒草未全鋤更有關心處慈親日倚閭

陳上悅

字霽從號楓亭邑文學著有楓亭詩稿

徐孝子行

浩浩乾坤難不朽孝炳日月齊牛斗臯城叢爾江海濱  
捐軀奉母亦希有歷覽往古皆沉淪寥寥青史能幾人  
吾鄉宋明七百年兩人嘖嘖寰區間崢嶸赫奕同忠節  
歲歲明禋大祭頒 聖朝有詔闡幽微特沛殊恩丹詔  
飛茫茫宇內孝誰全惟有徐君堪流傳徐君之孝有自



來秀鍾秦隴節烈之奇才母夢鳳儀肩美髯何翩翩風  
神多俊逸仁慈更纏綿板輿花下承歡永愛日堂前萱  
草妍一朝母病瀕于危呼天無計雙淚垂吁嗟悲哉徐  
君之孝真千古匍匐惶惶到雙股吾親不起吾何生臂  
血淋漓皮肉腐慟極須臾氣絕時空向夜臺悲反哺靡  
瞻非父靡非母獨君至性純且苦麻衣括髮殘軀捐襁  
褓孤兒口尚乳家雖素封人丁稀蕭蕭門戶倩誰主有  
子克肖世罕孺起振家聲軼前修每懷風木淚如雨顯  
親志切心嘔啾請崇勅賜齊血食隆隆廟祀享千秋  
吁嗟悲哉徐君之孝以孝揚孝益生孝孝乃彰今年姓  
東華薛母卷之二十五 文圖

春歸前一日同石二久也石九輯也琢鳳堂尋  
牡丹再用蘇長公清虛堂韻

春光欲去鼓晴沙楊花飄蕩飛彭衙燕子差池鶯語滑  
東風吹放鼠姑花琢鳳堂空三徑寂蕭疎儼同處士家  
鞋紅冷慘花閒露歇碧鴛殘枝上鴉漠漠天香叢荆棘  
綿綿蔓草侵奇葩曾記開時催載酒難忘此日呼煎茶  
臺荒無復饒燈映夜靜寧煩羯鼓迴回首當年皆雨散  
令我幾歎勞搔爬不是來遊多感慨每經觸目堪吁嗟

傷情不敢山頭望彷彿書聲低彩霞

泛舟觀劇六用清虛堂韻

淼淼河流浪擁沙水浸城根繞官衙郭外放舟風景麗  
夾岬尚有薔薇花二麥秋成黃且老風摧雨折傷田家  
婦子啼噓愁不飽催租吏胥噪如鴉民苦積陰勤祝禱  
天風為我散晴葩歌臺略約蠡河畔招邀好友呼烹茶  
誰倩洛神陪報答遮遮舞袖揜情悵輕羅香襯汗凝頰  
玉鈿斜飛銀瓜爬自是民風多澆惡淫邪滌褻吁可哂  
安得吳鉤齊剗掠洞胸縷血清烟霞

不寐

東華薛母卷之二十五

文圖

展轉不成眠風聲到枕邊愁添春雨夜人老落花天出  
處全無策窮通信有緣曉鐘將欲動百感總茫然

送吳鹿書之秦中

崑崙西望古雍州攬轡春風萬里遊八水還吞秦帝冢  
五雲曾繞漢宮樓欲從渥渚求天馬須上蓮峰問鐵舟  
功勒燕然良不易仗君綵筆著邊籌  
楊柳垂垂綠漸深河梁攜手惜知音月迎馬首心猶壯  
夢到家園鬢易侵濁酒荆高須痛飲新詩王孟好狂吟  
身經百戰沙場地萬古興亡幾陸沈

舟中雜咏

輕帆高挂走淮河柳暗花明任放歌路去故鄉嫌夢遠  
人逢異地覺情多荒涼古渡三更月澎湃洪濤萬里波  
一望茫茫風景異天涯極目奈愁何

爭傳底定是淮流桐柏淵源古楚州側岸人家孤似鳥  
邊河荒邑冷如秋漁燈隱射風檣客蟹舍危成水上舟  
過眼烟雲增感慨狂瀾奔處幾閒鷗

劉鍾悅

字傳巖號築夫歲貢生

江口望摩訶山

山徙何年久不迴一江橫斷隔塵埃霜禽帶月衝雲去  
東臯詩存卷之二十五

文圖

雪浪掀天卷海來形勢浮沉常隱現滄桑變幻費疑猜  
老農笑指烟波裏無數漁舟傍晚開

過雨香菴茶話望水繪園舊址

山房移榻暫為家偶過曹溪細煮茶詞障怕參龍象地  
元機能落雨中花曾傳隱玉留賢跡惟賸茅菴傍水涯  
北牖洞開春草綠匿峯高處夕陽斜

曲塘道中

琴書歲晚趣輕裝遊子情牽客路長西去水寒冰漸疊  
北來風緊雁成行銜山殘照烟光紫隔岸深林樹色蒼  
祇為名心拴不住塵沙撲面馬蹄忙

高深

字贊兩號龍淵鄉貢生著有綠雪山房稿楚

江吟集

舟行即事

澄江入夜靜無風獨倚危檣望若空人在水光秋色裏  
櫓搖月影荻花中樓臺燈暗前村市笳管聲悲北渚鴻  
不識旅懷何處著一天吟思入冥濛

觀曉山出雲

膚寸崇朝合紛披接斷山乘風由此去為雨不曾閒霜  
渚通千里陽臺見一班無心任飄泊踪跡幾時還

東臯詩存卷之二十五

文圖

旅泊

近水人家半掩扉篙師沽酒未曾歸扁舟傍柳閒閒繫  
野鳥窺魚款款飛波起洞庭秋思遠葉稀霜樹夕陽微  
風高何處砧聲急澤國寒先到客衣

途中寄懷范大月三

瀟湘遊興全無賴帆影灘聲總憶君恨不共吟湖上月  
閒方獨卧海邊雲江山應念漁樵約前曾同作漁樵夢  
劇未成即有是遊  
踪跡空懸鷗鷺羣好待故園歸棹後重將尊酒細論文

旅懷

作客情何切悲秋日又深露開臨砌菊風急遠村砧旅

雁驚鄉思寒蛩伴獨吟不堪明鏡裏重覺曉霜侵

至衡陽哭從弟連漪兼示署中諸親友

回雁峰頭雁不回三千里外哭君來鵠原一別成滄海  
花縣重封等夜臺前令內黃茲特再補握手祇憑春草夢招魂不  
用楚詞哀宦情知爾清如水肯戀衡陽水一杯

已是難招不返魂諸君何以慰生存宦囊揮去原無物  
故國歸來尚有村孤寡貧途身莫主衙齋旅櫬骨猶溫  
未知珠履三千客誰感當年國士恩

瞿良士

字煥文號唐民著有一誠堂集

東臯詩存卷之二十五

五

文園

送別楓江陳殿升之都門

縞紵情深兩月餘驪歌忽唱轉躊躇鶯聲夾岫迷征馬  
柳絮含烟繞客車千里關河成遠夢一牕風雨寄離書  
旗亭美酒無聊賴何日相將問舊廬

過雨香菴贈白拈上人

傍城結構繞烟霞羨爾精藍第一家曲逕遍栽君子竹  
疎籬多種美人花客因撫景還題句我為尋芳特駐車  
瓢笠飄然超世俗何時同上泛湖槎

繆偉臣

字亮士號芸菴康熙丁丑進士著有芸菴遺

稿

遊弘濟寺

緩步過青磧入雲山路幽門排千嶂列寺對一江流  
峭危吞屋松高迥出樓星霜曾幾度何意復重游

登報恩寺塔

瓊宇清虛絕點埃登臨獨上最高臺半天鳥雀連雲下  
萬井烟花匝地開突兀金峰盤碧落崢嶸翰墨出新裁  
蕭梁此日難憑弔惟有江山入望來

過羊叔子墓

蕭條落木冷荆叢百代衣冠一壟中惠澤即今歌楚甸

東臯詩存卷之二十五

五

文園

勲名誰復振江東殘碑淚墮三春雨古墓秋悲萬樹風  
爭說當年開府蹟輕裘緩帶贊元功

叢子次玉過訪次韻贈別

相逢未飲心先醉忘却光陰轉蓬彈指八春春又盡  
開顏此日日還同次兄八年前曾於三月三十日荷蒙過訪賦詩縱飲今仍於此日贈別  
愁成萬疊頭俱白花落千番泪幾紅明日放帆又分手  
教人惆悵海天東

繆偉望

字賡期號默菴歲貢生著有默菴遺稿

接鑾兒家信

忽報征鴻至闔山天一涯遠書開鄭重老眼歎昏花苦  
雨渾無賴孤燈寂不譁深更對杯酒細細問京華

憶歸

亦已倦行路何當返舊廬田耕一片石園蔬幾行蔬野  
岸青萍合秋村碧柳疎畫長人事少且得曝農書

贈恒一禪者用蘇學士試衣亭詩韻

曹溪猶自有傳衣漫說平陽已夕暉今日龍山山下路  
天花處處鳥銜飛

放鶴亭用前韻

聞說山人衣草衣山行日日到斜暉蒼苔白石無今古

東臯詩存卷之二十五

雷

文淵

却恨亭前少鶴飛

贈脫凡上人

黑髭滿把已都刪老向禪林深閉關魚鼓聲中頻徙倚  
松篁影裏一躋攀頭陀苦行由來妄菩薩真空亦是閒  
但得尋常無个事何難定自為開顏

即景

麥隴虛涼烟色微柘陰風細乳鴉飛腰鎌客過雙芒屨  
飼犢人來一草衣小市西街猶酒旆新橋東岸自漁磯  
朝來何處蠶娘喜纈得新絲滿上機

瞿聖志

字安懷著有蘭軒集

庭竹着雨

數竿庭竹綠猗猗嫩葉新枝着雨垂堪寫湘江妃子怨  
滴殘珠淚翠鬟欹

梅花咏

歷盡寒風帶雪開偏宜怪石傍亭臺滿園桃李無消息  
春色憑君早報來

題山水圖

山影參差日影斜攜筇野老興情賒沿流一帶亭臺遠  
翠柳蒼松接晚霞

東臯詩存卷之二十五

圭

文淵

月夜望江

緩步沙灘上開懷望大洋風清偏有浪天濶杳無光鷗  
畔蘆飛雪波心月帶霜漁舟三兩葉葉自飄颻

新柳

不知春已至有色上堤楊着雨增纖綠隨風漾淡黃腰  
肢未解舞眉黛早添妝少婦如相見閨中欲斷腸

暮登石莊土山

閒步荒山寺蕭然土一邱晚烟棲葉竹落日滿沙洲殿  
古遊人寂林深宿鳥投桑田似滄海極目水悠悠

夏夜對月

夜定微消暑蟾光似鏡圓風薰人正醉星燦水如天拂  
逕花多影環堤柳裊烟有情誰唱和漏鼓促詩篇

村館

一經授古墅數載面江村築屋泥塗辟栽花瓦是盆閒  
憑松作友狂愛月當尊外此渾無涉敲詩靜掩門

春燕

新燕營巢墨雙雙語屋梁身從花裏過街草帶泥香

聽蜚

寒夜聽寒蜚啾啾無伴侶猶吾處陋村寂寞自言語

石沅

東臯詩存

卷之二十五

三

文園

字杜若國學生夏宗先生第三子

過揚州棲靈寺

草色郵亭北花光別墅西片雲行處落曲徑到來迷樓  
閣三秋迥星辰五夜低君王曾駐蹕云有上天梯

狼山呈范十山先生

到手杯重把黃昏意悄然那堪愁黯淡且復坐留連海  
水黃含日江峰碧刺天相期看修竹重放子猷船

柳

獨有旗亭柳偏能近酒樓長條贈離別飛絮學風流自  
足驕驄馬何曾繫釣舟因思灞橋外寂寞不勝秋

送補五內弟入燕

送君同立夕陽中意氣仍如宿昔雄綠野老農雙鬢土  
黃昏匹馬一鞭風桃花雨散村原濶楊柳烟開野店空  
此際孤吟定相憶南來莫負楚天鴻

燈市

鳳吹鸞笙清夜徂一天雲氣月模糊樓臺十里渾如水  
夜半何人問紫姑

示充兒

燈火鷄窓好讀書侯門未可曳長裾莫教又負雲霄志  
我已人間老蠹魚

東臯詩存

卷之二十五

三

文園

石京

字天中號蓉村文學月川先生子旌表孝

子傳載邑乘著有蓉村集

真州道中

浪跡真州地天涯媿此遊金門空獻賦玉露冷歸舟渺  
渺雲山暮茫茫烟雨秋故鄉今已近岐路不須愁

已巳冬日王香叔偕董明府倪高士暨諸同人

集雨香庵有作

勝地由來久追陪只一方今宵同促膝卮酒有餘香  
客此殘歲深林空夕陽莫言歸路晚雲樹總蒼涼

旁舍多松竹相過地轉幽設言探勝境且自飲高樓斷  
纜迷前渡荒榛暗古邱他年須記取曾共此淹留

雨香庵卽事

昔日論文地今為選佛場偶同閑士坐兼領落花香鐘  
鼓新禪寺詩書舊草堂相邀頻載酒此後好徜徉

吳陵道中

迢遞吳陵路揚帆放野航一泓秋水濶百里暮雲荒古  
渡人岑寂深村路渺茫夜長渾不寐獨坐咏滄浪

示從弟東州右軍雙峯

我家四世耽黃卷汝輩英年好立名兄弟此時同隱志

東臯詩存卷之二十五

宋

文圖

丈夫何處不蜚聲堂前奇字頻相問檻外韶華暗自驚  
少壯青雲宜努力挑燈莫惜到三更

遊南村望呂公墓懷古

吳大司馬呂岱墓在余村南高陽塢中上有掘

樹誌

當年仗策鎮雄州名冠江東孰與儔詎意簪纓成往事  
空餘碑碣臥荒邱孤墳寥落烟初暝野樹迷離葉自秋  
一望村南憑灑淚滄桑今古不勝愁

吳陵懷古

岳王臺上氣凌嶒遙望青山隔幾層莫問當年南渡事  
千秋辜負此中興

吳陵城畔草蕭蕭歌館年來半寂寥暫倚城樓高處望  
酒家仍插舊時幬

崇臺矗立俯荒岡疑是當年古戰場痛飲黃龍成往事

祇餘流水帶斜陽

除夕

除夜淒涼甚含愁獨不眠雙親成隔世太母亦重泉此  
夕餘三鼓明朝又一年那堪兒女輩歡笑舞燈前

半山亭

登臨興未盡放眼半山隈星月隨帆遠雲霞逐浪回探  
奇披蔓草乘醉上高臺此意何人識長空白鶴來

東臯詩存卷之二十五

宋

文圖

穀日田家小飲

八日偏宜穀陽和景物賒乘舟過野渡索酒到田家袖  
手看機變終身少怨嗟醉歸渾一笑殘月下平沙

社飲

社鼓村村急秧歌處處生休言農務急且共酒杯傾禮  
法原無謂周旋覺有情興闌吾亦醉身世是蓬瀛

東臯詩存卷之二十六

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

姜任修

原名耕字自芸晚號退耕康熙辛丑進士翰

林院庶吉士著述甚富有白蒲子詩編三十

卷

紫琅塔燈

東臯詩存卷之二十六

文園

塔尖山更疊燈影最高峰海底射星斗天空飛燭龍烘

雲春作雨不夜日高春我欲排雲漢光芒駕萬重

黃泥山精舍

迢遞東岡落迴龍結曲阿峰從雲水變瀨引鶴松哦海

若懸秦鏡山精帶楚羅諸天遊一室僧占地靈多

馬鞍山一線天

西麓窮天劃玲瓏巧斲山望疑浮海外來不似人閒電

掣蝸天破龍眠禹浪閒飛仙留洞室白日閉清闌

劍山朝陽洞望軍山

彩翠飛山氣鐘聲過海天坐來遺世界到此即神仙枕

石停殘喘垂綸度小年未清塵土面還淪醒心泉

渡海遊軍山

神山如可即石室久為隣泥土皆仙氣雲霞似故人歎  
忘林洞世魚樂海天身采藥宜營老滄洲屬隱淪

河伯吟 并序

南河告成感而生夢情事歷久如昨遂追述

而有是吟

夢游仙入山谷我問山中何人斯云是蒲上南河之河  
伯而乃築居仙縹緲若在大江之濱劍峯之麓紫閣連  
朱宮山重帶水複迷花倚石悵忘歸大聲疾呼來相告

東臯詩存卷之二十六

工

文園

與子期今河之靈會當一扣魚鱗屋洞天啟石扉剗訇  
轉地軸前有朱干玉戚之羽林後有綠牒丹文之圖錄  
入門不拜通姓名白衣笑向吾肩拍舉手引以金絲繩  
狗苟狐媚紛齷齪余也拔劍如驅蠅塵紛一掃清風穆  
是時座上美髯公司隸威儀漢官服吐哺握髮禮儒生  
延余座右傾珠玉須臾手授中書君用輯五瑞數親矚  
第一日麗珊瑚紅雲捧玻璃綠其二手開天下春梅花  
數點寒香馥古文剝蝕第三枝鳥跡蟲書不可讀第四  
之筆吾忽忘獨有第五枝筆上現出襄陽圖一幅遙唱  
襄陽歌未投襄陽躅何以山川城郭鬱蒼蒼望中宛然

如故國河伯為余言吾生當食此閒祿指點虛無景上  
綠茫茫前路竿頭卜吁嗟乎天涯飄泊一萍蓬奮身冥  
冥飛鴻鵠焉肯飽繫于斗升而為造物所結束為我謂  
河伯福兮既所伏三閭戀主終離憂長沙上書空痛哭  
羊家遺下峴山碑淚溢三湘公不復曷如且飲習家池  
歡然醉聽銅鞮曲鼎折足覆公餗憂則違之用說桎梏  
四語夢洞觀三易真本師富貴神仙安能合一局少瑜  
與文通筆花天錦簇我亦夢中來手握蒼筤竹五條分  
得五茅能力排巨靈支五嶽挾以上青天天上可賣文  
為活吾盍冷然御風游四陸

東臯詩存

卷之二十六

三

文園

本志詩

庭中有孤松嚴冬尚巍煥霜雪雖復加當之而不憚方  
春桃李花媚冶人爭看植此屈鐵枝百中誰一願幽人  
懷貞心無言亦無悶本性羅凝寒用濟陰陽換盤錯中  
無虛斤斧難以斷此材寧矜奇但見存骨幹

蕙英揚光輝紉佩須及時不然易消歇何以遺所思所  
思在萬里遠莫能致之時乎不可再微香難久持日暮  
倚深谷涕零方如絲而乃折芳馨臭味明自知孤芳無  
與賞持贈空爾為冷露彫秀質春風茁瓊枝有之而不  
采國香終在茲美人怨遲暮自己非芳姿曷如倚蘭操

君子為心期

不翼何能飛不脛何能走嫫面借脂妍自鏡亦可醜好  
女行采桑提筐大路口軒車任雲屯玉帛徒徇苟豈無  
駕與鵞所觀尚非偶吉士從前來清風激馬首不以俗  
情汚而惟高義受贈我以永貞感君之自厚降心從所  
期安得驕吾有巧笑眄同車先我嫁八九愁我真色人  
棄捐落人後何以物外心相賞得良友十年乃字之所  
積知已久

東臯詩存

卷之二十六

四

文園

不在我浮雲時往還避就不在人厚植期如山數奇何  
足道素履獲所安本志乃不負常伸天地閒

西洲繫柳圖吳陵試後作也長洲同學沈礪士  
寄贈詩次其韻

柳折尚垂條不繫征帆住柳落更為萍迷漫門前路江  
北往來信江南早晚潮分明不相似空復勞雙撓郎船  
只兩槳如何太流蕩妾將一寸心壓在郎船上船急風  
打頭根斷絲連藕為聽采蓮歌悽絕青青柳春水綠于  
雲傷心草妬裙獨有沾泥絮吹落郎不聞憔悴隋堤柳  
顧影照秋濤一從條繫恨作底垂江皋



柴墟岳王祠題壁

柴墟潮汐聲鳴咽桃花紅雨將軍血化為碧燒痕生  
苔蘚斑斕蝕斷碣荒祠古柏烏夜啼戰場日落風沙迷  
鄂王遺像猶生氣二帝蒙塵猶慘悽丈夫此身不自有  
中原斫劍蛟龍吼廟堂功罪胡足論凌寒乃顯松青久  
精忠報國天書傳金牌十二歸窮泉斬王跨驢從此遊  
崖山一炬俄成烟

浪游

江南春可惜別酒促離人馬縮窮山徑帆停暮海濱白  
雲吾友贈青草此身因枉學臨淵子無魚羨釣緇

東皇詩序

卷之二十六

五

文圖

途次

門前同海角秋水雲深渚冷蕙葭骨山空杜若心微  
陽黃憤社猛雨黑松林食我桑黹鳥徒懷聽好音

海陵繆都諫湘芷飲席

玉泉吐春流西苑纈花萼平野秀綠蕙山烟引叢薄物  
色正迎眸朋知豈緩酌清謠海鶴寒染翰天雲作即趣

淹京華未嘗廢邱壑

送同年儲翰林六雅還陽羨

馳譽愆芳春攝官薄晚暮稽古匪辭榮震俗每招妒獨  
幟樹騷壇方舟競要渡尚乘薦鵲秋少假猛虎步蓬萊

文日珍金玉品有素志極苟無旁高馳寧復顧驅馬登  
蘭皋回車向瑤圃懷淑自有芳劖芝乃本務鳳銜西秦  
書豹隱南山霧伊余託同聲與君豈異趣茅拔見茹連  
家貧藉鄰富殷殷北門心去去江南路故人風雪中行  
藏保所固

登橫翠樓

中城百尺聳危樓躡步梯雲到上頭西望太行盤鳥道  
東臨瀛海注龍湫風吹空廩聲喧雀日沒荒隴影散牛  
莫向鄉關苦延首身單袖薄不勝秋

贈漁父

東皇詩序

卷之二十六

六

文圖

十千斗酒換多魚鼓枻滄浪適所如世上大夫胥醉盡  
不須江畔勸三閭

昔遊

近來筋骨苦周旋倚杖尋幽亦偶然山月故人來戶外  
江帆新雨落樽前花閒避世頻中聖夢裏登天亦得仙  
多少壯遊成往事烏飛兔走自年年

冬日郊居

日短西風緊離披楓樹林茅絢為歲計麥穎見冬心禽  
逐荒年食笮鳴空谷音坐愁生百感懷古白雲深

村舍

市遠賓難款租完吏到稀乘春驅犢往帶月荷鉏歸  
社招雞酒長年飽歲微呼兒無別作三飯掩柴扉

水西亭晚對

林亭寒鏡裏晴野散空明跨海長虹亘連雲列岫橫  
紅高爲沒秋白晚烟生誰伴人遙對孤吟望古情

吳東田半屋

抱膝容長喘棲遲抱固窮俗情豪夏屋小築學盧仝  
殼牀根穩龍文鼎實豐無邊占風月却放半天空

南長蘆漫興

潤絕蠶塵水竹居忘機鷗鷺訂相於稻花得雨香畦晚

東臯詩存

卷之二十六

七

文園

河鯉驚釣跳岸初豈乏清暉供嘯詠老來生計託樵漁  
如何北闕書先上草塞南山空徹廬

午笛

日散蘿陰午院開啄花馴雀下蕪苔江梅落盡無人寄  
何處飛聲却送來

遊南長蘆北垞

志狹理有妨人散物無役適野暢禾風尋源藉草澤舊  
里暖阡阡新嵐颭滴瀉汀葭莽洋洋梁鷺羣翼翼即日  
遊東田與懷往北垞藍輿昇生徒杖藜招淪謫言投箇  
桂林請看藤蘿石日色麗秋清雲陰結寒碧蕭騷竹韻

鏗冷淡蘋蘊白霜橘穎未題露葵卷已摘魚跳樂潭空  
爲歸歡樹匿履素願攸行背良身忘危豈鎖松筠門取  
笑烟霞客

三月吉

光風乍轉蕙碧浪已浴鷗潔中換春服采若瀕芳洲葉  
卷及晨展文霞停夕收艷陽曾不吝絃觴寧自休棲禽  
識乳樹躍鯉思乘流均之構新賞即趣與天游

藤花行

水周空外涵林塘滿林藤樹風花香上苑有花探不到  
對此髣髴紫微郎十年三逕就荒落歸田始得條柔桑

東臯詩存

卷之二十六

八

文園

榆柳陰後亦青眇棠梨開側雖紅妝南岡碧梧待丹鳳  
挺生空老秋風霜漫天市地莫窮紀香香色色森開張  
莫若長繩綴倒蓬華繁暘目神飛揚愛敬池邊直陵突  
浣花石上垂青蒼高林結蓋龍蛇走赤城霞蔚紛千章  
牡丹富貴繡綵潔三枝際會聯春芳主人曳杖哦其下  
吹筵鋪簟熏詩腸豈不逍遙負能事即景尋味功精詳  
竹垞聯吟古藤架虛舟設席雙藤堂朱王兩太史京師  
寓齋藤花最著名  
京師勝概若此倣未免後進加前良我願含英莫布葉  
飄女頓信東風狂明歲仍開應更好今春謝去誰先償  
其必四季保厥美八面燦爛如堵墻當期之日三百有

六十開出九九八十一萬紫鴛鴦

不寐

瘦骨支牀第青燈晦石枰昏鐘容易動旭日幾時明術  
乏除衰酒情多累久生如何愁不寐蟋蟀共宵征

春遠

野燒凝寒未轉痕陽春何日到衡門從教射虎難封廣  
底事聞雞便舞琨萬古羽毛瞻碧落半龕燈火送黃昏  
成蹊桃李爭時艷凍藥香消是故園

遊小華山

向日趣甫田穿徑入幽藪澗曲紛抱岡雲深忽斷阜陰  
東臯詩存卷之二十六 九 文園

陰松路遙鑿鑿石稜嶸佛香散林風花雨清搔漫鳴鐘  
生隱心異草益仙壽精魄藏坤維靈光煥星斗儼若駕  
鴻人一啟餐霞口道妙窮所宣禪機着何叩元哉林澤  
遊天樂憑虛受

荒園

養疴荒園中園林日荒落木拔盤根掀階淹石藪薄如  
剔缺竇激冲颺愁鴟叫寒壑楊枝載好音春榮耀叢薄  
賞心于焉期芳樽歡共酌秋闌竟不來已疾非勿藥露  
夕四山空遼天望海鶴

驚巢起宿羽萎葉辭故林潦淖暮天合雲重懸品沉水

竹結寒碧池館增元陰靜默注微睇孤獨窮幽尋青藜  
無亮焰鳴條有悲吟良夜客竟去高操難為音湛湛楓  
江曲誰知調瑟心

醉夢

我為拳三秀神遊到九穹方知泥醉處乃與洞靈通人  
跨歸雲鶴笙吹落桂風嘯秋山石裂飛鏡海天空  
獨存真面目常制毒龍蛇不讀高僧傳焉知轉法華鑒  
心涵水月如意舞天花一覺浮生夢車回路已賒

潘阪桐竹根圖書歌

生也嗜古追邱墳科斗鳥迹無與論史籀不起石鼓破  
東臯詩存卷之二十六 十 文園

嶧山之碑為火燔李潮小篆杜老取陽冰猶與斯相親  
可惜作者邈無像後來摹刻非其真老桐手法天所倚  
古學如綫中流砥落墨三李丈人行捉刀且同筆耨紙  
六書八體時為之刻符摹印秦漢氏豈惟迹象兼通神  
繆篆父書出土裏黃山程穆倩吳閭文三橋晚近鐵筆  
亦矯矯斷金裂石名相高金斷迹痕逼入古石裂體勢  
驚飛刀棗木傳刻肥皮相况乃截裁篠蕩勞古氣磅礴  
龍鍾節雪貫霜凝根鬱結渾屯鑿破生面開貽藉前良  
表獨絕修綆汲古負真文執戟雕蟲豈不屑人言美酒  
斗十千百金一字復何說紛紛輕薄兒快目嫵媚姿秦

聖漢印苦拙朴一錢不值相詆諆長安索米牛馬走揚  
州騎鶴空爾為惟有白髮青老眼望子彈琴歌古詩

甲辰仲春奉 命出宰留贈同館知舊

依依免絲結根松阿湛露均澤纖條莫柯薜英朝隕桂  
蠹秋科離哉孤翻顧鶴鳴和願言不固憂傷如何人言  
易足同心孔嘉我佩子黻子謠我歌無賞弗奏匪芳孰  
華泉分雨絕緬邈山河何以送旃金貂玉珂何以去旃  
席帽柴車何以贈旃鬱屯巨羅何以寄旃杜若疏麻爾  
音或密我心不遐

出京

東臯詩存卷之二十六

十一

文園

易水蕭蕭去雁鳴若為南聽落寒聲春明一出身天外  
不敢回頭望鳳城

租驢

官渡橋邊古道傍一鞭終日趕斜陽數錢但得讎相直  
不管行人路短長

楊柳枝

儘教攀折無相惜驛館河橋分外長人自送人人自別  
却緣何事怨垂楊

涿州詠懷古蹟

我行涿鹿野登古華陽臺大禹鑿鐵柱聖水崩天來寒

聲送嗚咽憑弔令心摧美人變黃土名驥空蒿萊於期  
枉授首昭王安在哉緬彼督亢圖沃壤千里開荒烟起  
桑柘春氣何中衰河柳不肯綠去馬為徘徊當壚夜呼  
飯雞聲臨霜催白日忽平楚樵牧知悲哀

漢高分燕國名郡邑巖巖王莽俄垣翰劉良亦侯封  
乃今范陽驛車乘徒趨趨桓侯問故里水冷洗馬潭羽  
葆樓桑蓋貴人留玉談惟有酈亭水水經注未載我欲  
騎赤鯉仙去琴高咸昇天邊洞元先我駕不淹楊公清  
白吏崩通存舌尖僕僕仕宦途望古心憂讒

弔宋臣張叔夜

東臯詩存卷之二十六

十一

文園

吮血扼腕弘三年化為碧腸斷打毬歌青衣行酒役

安肅軍懷古

易水湯湯屈逕流分門城闕古營州銅梁邑久爭燕趙  
鐵遂名終震冀幽西日游龍仙客去南朝繫馬大軍留  
名碑季海千秋筆茂草叢祠沒故侯

高春冉冉落寒汀雲盡峰頭數點青車殆馬煩行處止  
山鳴谷應望中聽徐城菜色迷星野平孔雷音吼洞庭  
何所張華村外墓悲歌酒德酹劉伶

北嶽歌贈清虛子

恒山作鎮雄插天九河似縷走雲邊左揖泰岱右西華

中條屏障羅于前支流乳穴吼不息五月神蛟憑為宅  
位臨天極紫微垣響應龍門與積石禹貢恒水出其陽  
百川分澤流孔長顓頊之精運元化北嶽真君迴龍翔  
元石一飲千日醉古塚何年復幽閼遼城去鶴歸乎來  
大椿春秋八千歲手攬六箸博東隅洗頭玉女為投壺  
旬始太儀通帝座指揮談笑雲霞敷袖把芙蓉漱鳴玉  
九陽晞髮咸池浴飲我沆瀣離人羣老至風塵恥鹿鹿  
楊忠愍公祠

先生骨幹挺今古遺像巖巖仰泰山何代當權無蠹國  
幾人致命必鋤奸連章竹帛光前史薦席牲牢典舊班  
東臯詩存卷之二十六 主 文園  
枯檜參天墻數仞何期棠蔭得躋攀

有所思

有所思不在水不在山乃在清風明月邊明月入我懷  
抱清風送我羽翰所思何處兮去無還山有極天之鳥  
道水有隔海之鯨瀾宜其望之不可即欲往從之行路  
難而何西軒錦瑟怨遙夜東鄰玉貌窺短垣獨與予兮  
目成期黃昏有酒盈樽席不接鳴琴在御弦空彈桃花  
落水忽相失長門一步艱迴輪得不坐愁行歎廢寢忘  
三餐願君化清風將我入雲端我亦變明月作君之心  
肝以影隨形親顏色如響斯應同話言天荒地老無期

別相死相生相見歡

溪水曲

君家溪水北妾住溪南頭分居合一水或可託同舟

花殘

無言春寂寂帶恨月沈沈那及風秋葉長鳴不落心

薄宦

昨日北山移問何年東海歸期前路非無藜藿故人喜  
有鷓鴣

人在雲林古洞路迷海岸天橋秋水蒹葭采采雞鳴風  
雨瀟瀟

東臯詩存卷之二十六

古

文園

紫霞山暖谷詩

葛洪棲過處今封清虛真人王文卿隱居於此

山蔚紫霞松陰白日雲構天翔香泉石咽世以清虛魂  
從澡雪棲鶴心悠鳴環響徹所謂伊人幽思獨造暖谷  
長春草木榮曜元牝機緘葆光鏡照冷風穆如濯林吟  
嘯于焉逍遙羅縷道妙大隱朝市歲星下來臣心似水  
在穎之湄媚于天子白雲自怡還山司馬永矢天台俗  
吏之為塵根罔革顓謂仙風宛如太白真人一見呼予為太白後身  
期我邱中授以寶冊騎鹿未馴昇天假翼悵望方瀛何  
年遊迹

靈雨寺禱雨

野寺垂楊裏潭渚衆壑泉禪心澄水木世路慘風烟土  
淨塵胥浣陽驕候已愆毒龍應受制花雨散諸天

見獵

見獵心猶喜園場及少年衆工歸我善步驟騁人先馬  
老駒難反弦虛札不穿草元今白首徒取壯夫憐

喜同年華孝廉豫原至自江南即送其赴公車  
兼寄王黃門箚林

駒奔隙易過嶮歷心難平方獲晤言適轉愴前別情見  
別泣荆璞送子于南征不薦一麾出落落樊侯城丁丁  
伐木版膠膠聞雞鳴相思不相見相應憐同聲頃從江

東畢請存

卷之二十六

五

文園

南來風景寧殊恒尊鱸秋水泉香白芷生淮南叢桂  
樹白下楊柳青一一得無恙惟我漂蓬萍而何襲蕙蔭  
亦以申芳馨乎鶴莫之和同壙弗克乘遠羽儀可用受  
福惟王明矧已六月息逮此搏瀛程鞭弭執所御附以  
揚德清清襟照王子送我乎西行贈之綠綺琴未報瑀  
華瑛

自訟

濟孤濡尾曳車輪出險君其問水濱獄黑多從天設色  
燐青近與鬼為隣解衣賴有燈前舞捫舌羞如病裏呻  
蒙難不隨仍不激寒水即目見陽春

古雜詩二十二首

心腸轉結背膺痛交離白日忽西匿乃在方中時鳴  
鳩厲商調衝颺折森枝抱柱豈不亮盤石時轉移願為  
科上槁斧斤憑所施欣欣念方長無令天札之

蘭谷幽獨秀鮑肆當風吹懷香與逐臭難用相為資強  
世易好醜粉澤工設施明目盲五色亦遂傾天姿淄澠  
辨異味何人飲不知高鴻漸雲陸羽乃用為儀豈曰鳳  
貪餒斥鷃同園籬犬羊得芻牧麟也係而羈曷若戲海  
鳥山閒遊鹿麋深山絕人迹海外無猜疑

迹人肅官命負隅期必櫻皮相尚蔚炳威氣消宏聲搏  
東畢請存

卷之二十六

六

文園

噬不怒物啞人性所成爪牙張正利揜取環向并輕狂  
乘其斃仁者傷舍生不忍見革面悔晚無完名

走馬出門去去去騁風心夙心在津要前路岐來侵中  
道無多轍不如安故林井心忽汎瀾片雲騰重陰蒼蠅  
好點白膠膝離浸淫鴻毛視性命布諾輕千金一意迂  
杯酒白刃剗相尋如何悠悠者可與論知音

白日際兩晝一跼開重華平分有四季芳春豈獨多彭  
殤共晨暮天道孰減加異味快朝飽白璧同疵瑕楊朱  
不作達臨路猶咨嗟鬼神亦茫昧陶令言無差請從青  
溪士白雲為吾家鳴夷早識事汨沒五湖波

日月爭相馳形神習見醜似我垂暮人明星爛何有調  
飢不及餐急觴持在手聞樂反不歡既酌難入口安得  
求無生庶以善其後踟跳先機羈決躁彌掣肘長寢樂  
無踰髑髏乃吾友

神魚湧九淵品目孰龍種喧鱗暘谷燁振鬣天潢動朝  
生尺水波暮見蒼霖涌雲密雨不施雷甲聲徒聳盤泥  
鱗毀傷落店骨孤竦不恨處位卑鰕蟻高自擁

日夕仍不至同心明我違仙去鶴有返天絕雨無回延  
頸望三山海外魂空飛變故迅不測思覺移細微蕙敷  
從風散藉藉泥塗之焉見科上槁既死生華滋

東皐詩存

卷之二十六

七

文園

錦段麗晝日三朝羽采采蜉蝣愛自修長此翩翩在四  
運化齊宣春秋涼燠改蟪蛄與朝菌晦朔為千載惻愴  
寒山空道蓋竟誰待終願霰雪心不殺芳蘭茁

蕙若安可樹蔓然羣蔽之蓬蒸日峻茂氣燄陵江離猿  
猱就櫺檻籠鷄心欲飛滅獲信見任管晏非其時為容  
力黽勉膏沐徒然施曷如抱芳性菲菲終不虧

揚帆故安排負策亦進取所底途維均用力判甘苦君  
不循自然性命為勢阻中路挫跌之孰與居安堵榮名  
豈傲物拙訥終隣迂童僕喪厥貞親昵尚乖悔况不於  
其倫媒孽橫空摹

莽英耀朝日灼灼呈妖姿芳杜落水澤淡漠隨風漪雅  
鄭改恒聽妍媸計一時豈無聰慧者自為智慮期長惡  
博短美予乃奪之基寧作孤生竹山結根不移

舉頭望終古荒途邈何人茫茫卷天地所見空愁雲對  
鶴彈丁令肉眼眯匪親子安呼不至生命風吹塵願為  
陵中柏長與幽鬼鄰沈沒豈不苦獲與古招魂

路衢有號罷自德比麟趾草蟲非所食逢生不踐履狡  
獸糾其曹備物養廉恥不明不晦閒要妙承微旨林野  
有死麋曾莫貢軀體縮舌齋怒含鬱作眈眈視

林中特栖鳥其羽儀遠鴻自愛恒歛翮惟恐當鸢鷂  
東皐詩存

卷之二十六

六

文園

巢鳩所託時亦卑栖躬衍衍不素飽漸磐乃有終峰尖  
矯鷹隼扶桑乘長風謂言鳳足附比翼期與同鷗鷯亦  
可寄鷗鷯忘機鋒鷯為固不羣曷敢降心從

鵲冠切高雲蕭緯耀旭日金紫矚目迷白賁明性悅朋  
賽孤行通天優世術劣所敎在浮榮所存有貞潔緼我  
明琅玕瑩瑩秋水冽飢鳳勤加餐可以齧冰雪

林薄山之幽駕言招隱士荒途莽茫茫日暮失栖止朱  
紱衢術旁騰選續紛子攜手相攀緣長艷春桃李一掬  
馨未盈朝槿墮泥滓緼袍笑狐裘與立安可恥

大笑謝妻子奇男豈戀家仗劍臨四野直去無回車北

登恒嶽頂東窮海之涯夷路驥未展分歧亂如麻穿檻形不迹百獸胥羅遮乃悟初就道挽袂留無差

鯤鯢徙天池鰕鮑戲演潦豈不肆宏觀所落方隅小抗身鳴元雲俯視籊籊鳥翕翅鳳在鉸斤鷗凌蒼昊地勢使之然榮名安用寶

植木期作棟傍簷思報恩離之見兩美合必相須殷行媒憑鳩告幽蠹生胎根天光有明晦勢路分厭欣伯趙豈饒舌時至紛亂羣采葛固所懼青蠅寧足嗔豺虎投不食何況於士人

有翮不能舉有足將安奔兔自為犬獲翟亦籠於樊所東臯詩存卷之二十六 九 文園

在機鎗弋動則生命殘是以蘭與艾斬伐均一斤巢燕藉桑土乳雀依草根多材豈翠累以賄象焚身鷹鷂苟不逐弱肉強忍吞吐此亮無所可以離人羣

積別酬一會桂酒盈金波臨觴鬱不展對曲無人歌所歡邈天末斷絕腸無他如何獲心曲覲面睽山河華燈散明燭四座洩滂沱晨雞叫碧樹東方高奈何

代題劍仙圖贈李同人

神劍不可遇氣燄驚豐城識者獲茲寶亦遂傳雄名當其落井谷僅等泥沙輕詎以利與鈍下與刀錐爭李侯抱利器盈鞘秋泉明一割雖未試百鍊已致精况復天

仙子授術千人英說劍非口實契妙乃目成顧盼凌八極奮擊蛟龍鳴

索居

室暗雲時斂舟危浪夕增故人千里夢寒雨五更燈沈醉頻中聖孤清不讓僧終難遷縷繡白日得飛昇

古詞

千年鶴不歸萬里人難見舊愛成新愁只在郎心變迴眸錢百萬儂亦善為容昨日還相顧恩情比若濃蛟戀豈闕香鶯啼不選樹新寵珠古歡自被嬋娟誤桃李爭顏色一一剩空枝妾命豈獨薄疑歡總不知

東臯詩存卷之二十六 十 文園

古語

一本結兩瓜甘苦各異味曷若斷源清無分涇與渭

寓目

蘋葉新齊白芷生望江南悅翠峰晴春陽不惜蒸山氣暑雨方資澤火耕市地陰雲催暮色聒天崩浪變秋聲淮王桂樹香無敵待到遊歸歲已更

次韻答大名太守武昌王南樓見贈

試弦憎作吏窺鏡怯非夫拙共譏鳩鳥香誰惜蔓于枝無穿七札才豈賦三都計處禪中蟲嗔瞻屋上烏而于山抱璞乃入海求珠傾莫勝敬罷投偏觸峭壺淤泥相



濁淖矇矓不分區迎吠狺狺犬流從汜汜鳬有盆頭自  
戴無路衽焉敷合使摧毛雁終成濡尾狐何圖顛鼎趾  
作意毀稜觚坎險輪需曳途危僕易痛毒忘懲螫尾體  
誤受鰕鬚沒骨風塵滿彫心綵績無祥麟寧就繫野鶩  
不爭趨北闕行將上南溟正可圖蛟龍看啟蟄牛馬聽  
來呼彈垢蠅徒黠無瑕壁豈汚走惟宜落魄性本愛拘  
迂水孰回遺漏穰應棄簸揄飛乘新脫籠磨幸未磷吾  
骨相留蓬鬢頭銜署酒徒垂竿鷗鷺狎采藥牧樵俱聚  
樂田園侶書來笑客孤

次韻和順德太守南豐曾慎齋立春日為制府  
東華詩存卷之二十六 主 文圖

李穆堂夫子志喜

固陰不肯舒駐景揚子宅晏溫已來蘇堅冰猶未釋居  
惟松石朋戶滿磨屨迹逼臘無展辰剩晷延餘尼未知  
窮谷寒極覽終何適少選仁風翔海流行路客三宥誦  
堯言萬口騰歡懌蠖以屈而伸菑畬晚倍獲始念霰雪  
心悉以深滋息及春揚蘭輝筮君振鳳翮拔茅必連茹  
盎背知豐膈笑余山澤臞往日靡可惜舉竿投長流荒  
濱老襤褸

清明

又屆清明節增傷逐客心棠梨招野厲鸚鵡作春陰掃

墓人皆子營巢樹有林一枝圖徙溟早不卜升沈

歸興

鯨浪龍洋汎鐵航天梯石棧騁驪黃行來不信前途惡  
過後纔驚故態狂骸骨計能歸草萊雲泉恩已拜君王  
久為遷客翻嫌慣却望家山似異鄉

公無渡河

公無渡河淺水風波彼譖者口深于懸河

猛虎行

虎之猛從風張既噬猊又駝羊履尾不啗人猛虎猶尚  
仁

東華詩存卷之二十六 主 文圖

大道曲

春秋變路草車馬隨風塵行人日相視各不相為言  
八分歌贈內邱宰長洲文鹿曹

鹿曹大令衡山孫八分家法書通神寒山趙氏得墨寶  
胎脫漢帖十餘編云此碑版久毀滅惟留紙本傳貞真  
勸勉一一對臨肖細為書者持平論杜贈李潮顧文學  
蘇州昌黎石鼓文追琢琳瑯垂金薤焉得淵博承後塵  
史籀篆變程邈秦之佐隸西漢因東京隸草更分楷  
上谷次仲導夫先能者宜官最流美伯喈獨步高躋巔  
鴻都石經書乃聖太邱酸棗均稱尊銘無愧色今贗托

東華詩存

卷之二十六

圭

文園

仲克礪後名訛填梁鍾毛左各蔚起往往秘妙得不傳  
使人懸帳釘壁玩泰山受禪良殊觀中平直與熹平接  
萬麻出土曹景完曲阜禮器華山廟史晨孔宙堪齊賢  
徵特前匹婁元考隼尾波看中郎親石室夢神授筆法  
至今九勢排真詮藏頭護尾字中畫欲左先右右亦然  
疾澀二訣書妙盡耽習功積成邱山唐人隸法實師漢  
規旋矩折無頗偏庭珪碑舊號三絕維則擇木蔡有隣  
可惜遺神而取貌展促過當波勢繁是謂治水航不矚  
徒然泛涉斧鑿痕淡撲簡易見天質奇怪險譎古則焚  
角弓反張露馮怒蒼蠅點白厄漏斑刻鵠尚驚不類狗  
羣醜競與牛鬼倫風雨消磨苔蘚蝕像其剝爛滋蔓延  
癰夫不昭撰偽體撥充佩幃石亂璠流俗鑒別復錯誤  
作者非易知者難走也挽髮考古蹟嗜于漢氏源清源  
晉人俗書赴姿媚苦縣光和骨立堅纖波濃點善錯落  
離而不絕有數存訖無筆力破餘地學劍不成同咨歎  
猶畫畫地夜畫被白首墨守家青氈開成石經已茂古  
近代石刻低八分千祿書請不貲息鬻鬚靈資戎不珍  
今君癖古申篤好期與力矯時便安試効吳炳摹桐柏  
畫刻漢隸登頌珉司隸威儀喜復見豈曰優孟空衣冠  
以教秘書正典籍人書萬本誦萬言學士大夫不考獻

金石決裂頌聲淪坎廩失職志且朽  
蟻習苦終沒身  
噫乎大雅其不作  
吾將安放追古人

西城春望

滴滴新嵐出岫鮮  
東風吹野碧  
芊眠露香曉  
染百花嶼  
凍乳晴蘇一畝泉  
塞北鴻歸春雨社  
江南樹隱暮雲天  
誰從柳寺茶亭路  
躍馬芳塵誘騁先

客路贈同行

秋河汎已興  
寒裳日又晚  
春草更青青  
超忽平原遠  
得此共天涯  
前途車對輓  
寸步不相離  
千里同餐飯  
千里無閒斷  
寸步有移轉  
毋令泣路歧  
中道忽背反

東華詩存

卷之二十六

圭

文園

西城樓晚眺

譙門角起戍操戈  
桑柘寒烟落  
遠渦無數亂  
山橫古道  
不勝歸鳥夕陽多

方順河連電水迷  
五迴倒馬上天梯  
飢鳥不共征徒去  
獨止延秋夜夜啼

燕南趙北口却寄任邱宰袁幅千

水光無際火雲滢  
隄樹涵空市水鏡  
早雁未秋已酸嘶  
風濤當暑發寒性  
江南有客昨曾過  
蓮花紅浪蹟青波  
驂騑長轡騁逸足  
直躋瀛臺發浩歌  
金高南山買詞賦  
書上北闕鳴鸞珂  
豈料一麾星隕石  
窮年流落風塵客

卷蓬飄散失所依殷紅洗盡誰為色結交舊有冬嶺松  
肯隨蒲柳衰春容腰纏無惜脫相贈手杯雖醉不放空  
顧我困驥垂兩耳答君雄劍吟雙龍杜陵野老傷獵手  
董龍自古名難狗泰山一為擲秋毫東海有桴乘魯叟  
激清聞嘯歸去來行雲起處勞延首

徂徠道中

日脚射雲山黛活沙尖穿樹水華明徂徠獨愛行人馬  
轉路回峯挽客情

由郊城之宿遷

山盡青駝寺城臨傾蓋亭瞻星分女宿問渡得鄉音雁  
東臯詩存卷之二十六

文園

報天風厲鯨翻海嶽陰征車停夕暮鞭馬愜歸心

萬花園

菁菁陵上參天黛松柏摧為薪不存名墓有人耕綠野  
故侯何處訪青門江山華屋還烟月海國荒城改市村  
春草萋萋遊未返蟪蛄吟遍萬花園

鄭大德

字衣聞號獨石康熙辛丑進士山陰縣知縣  
轉鄞縣著有喝月樓詩

桃花扇題辭

鍾山無復舊蟠龍回首金陵王氣終元武湖波沉夕照

白門楊柳暗秋風陪京幾見安神罷跋扈何人議戰功  
又是江南興廢事小長干在石城東

刺水殘山幾段秋風流天子盡無愁西宮絃管銷金粉  
南國鶯花泣玉鈎戎馬只餘征戰地風雲猶是帝王州  
大江東去降幡出嗚咽潮聲打石頭

國步艱難舊鼎遷選聲中酒尚依然桃花著意題羅扇  
燕子何心說錦牋兒女暗憐風月夜英雄長恨草除年  
那堪江左風流盡淡落秦淮水榭邊

斜陽荆棘沒銅駝秋盡長橋落葉多自昔君臣荒宴飲  
至今風雨雜悲歌新亭淚盡餘鈞黨舊院人稀散綺羅

東臯詩存卷之二十六

文園

脂粉無情陵谷變媚香樓上月如何

燈船子夜極盤游六合風塵黯未收不謂神兵從北下  
可憐江水向東流烟花野史詞人淚禾黍離宮過客憂  
試按紅牙聽法曲清尊銀燭不勝愁

乏舊醅嬾飲

酒債尋常事壘磬奚足賑所惜千日藏羣飲一朝盡空  
餘金屈厄懶參玉板筍豈無新督郵高上如欄楯曷弗  
愁置之溜澠辨未泯却笑張君房忙致舍人窘瘼絕石  
季倫坐令處仲忍沈霾斯薄中牛飲何其蠢

望梅東同年姜退耕

高士甘潛踪美人怨遲暮秉性既幽貞植根復磐固葆  
此冰雪姿寧為嚴威誤俚俗喜繁喧紅紫日常注我輩  
君子交恬如欣皓素想像藐姑仙髣髴凌波渡調羹和  
鼎寶置之且勿數霧裏猶能看遙望珊瑚步

孟秋二日赴巢筠兄齋頭小飲

素商感我心躡步隨清宴一再不憚煩意愜情尤遣劇  
談又高歌涼風送餘善微雨現旋消離閒綠鮮薦几上  
萸萸枝軍持燦如變對此寧弗酣愁腸鬱已轉為問夜  
來香几如紅玉巢兄昨有  
輟語及之

蕙花

東臯詩存卷之二十六

毛

文園

誰言蕙草最忘憂堂背宜男鬢已秋只合小姑調味永  
嫩黃新摘弄芳柔

墨菊

獨傲秋官品更芳紫桑吟罷紫茸香如何又學天隨子  
筆底蕭疎盡飽霜

武陵客館送春

春山碧色水清波士女嬉遊可若何白髮無情酬嬾婉  
青衫有恨涕滂沱繁香開到酴醾了乳燕巢成羽翼多  
我為創深徒伏枕長繩何處絆羲和

和石頭仙贈別

江夏何緣解愛才老生襟抱向誰開孤帆遠影睢陽路  
秋草王孫春便回

江上別崔筠谷

吾道猶存意氣侔餘懷別緒共扁舟一聲鐵鹿江天渡  
那怕風帆逆上流

酬許南臺水部惠新茶

一封滿貯月團光消渴文園入夏長嫩蕊花前迎穀雨  
濃香焙好出頭綱品隨甘苦心知別春在捨棋眼正狂  
便為蒼生稱諫議三年蘇息肯潛忘盧王川茶歌云便  
頭合得蘇息否南臺任  
上元惠政及民民誦之

東臯詩存卷之二十六

毛

文園

潘世芳

字義椿號芥圃雍正甲辰科舉人休寧縣教

諭有寧遠堂詩集

登君山絕頂

攀援直上最高頭萬里檣光入望收城郭參差沙上雁  
山峰減沒水中鷗遙連海氣晴疑雨忽起天風春似秋  
千仞振衣飛鳥外此身恍若御風遊

登范公堤和會稽顧許臣原韻

何幸追陪顧虎頭平堤遠眺豁雙眸乍明若滅烟村樹  
似斷還連水際洲綠柳行中分港汊白蘋深處聚漁舟

主人更喜能留客爛醉豐年小麥秋

睡蝶

採徧芳叢粉翅收垂垂欲住困難留花房日暖游思倦  
柳幕風輕舞力柔魂逐斷香尋草際影隨殘月伴枝頭  
惘然方與蒙莊化翡翠何須錦作稠

阻風登燕子磯和吳夔鳴先生韻

危磯屹立倚長空江上歸舟滯晚風瀑水白流天外浪  
落霞紅映嶺頭楓千尋閣道攀援絕四處盤崖曲折通  
快有同人爭製錦好收佳句入囊中

賦得漏聲遙在百花中

東臯詩存卷之二十六

文園

銅壺初滴曉星沉當殿牙牌報早更響去疑從林外落  
度來知向柳邊生聲穿曲檻音偏遠風送雕闌韻更清  
最是退朝花底散鳴鞭遙和在春城

余僑寓景山西隅屋小僅可容膝然非我有也

因自頽曰借棲同年王丹麓贈以詩即步韻奉

答

數椽偶卜禁城西慚愧門來鳳字題却似牽船岸上住  
原同築室道旁棲半窓明月遲人卧一枕鄉心怯鳥啼  
剩有新醅留客醉酒錢不用杖頭攜

同年王丹麓方穆齋葉薇庭丁菊潭又過借棲

留詩因登前韻

斗室蕭然一水西却教添出好詩題但求適意何妨借  
得個安身便可棲鄉夢正圓驚鼠鬬客愁不斷到雞啼  
諸君好我無空過佳句還須滿袖攜

河堤晚步

有興何須歎索居堤邊緩步夕陽餘小桃含蕊風催放  
細柳低眉鳥喚舒晚景半歸漁父艇新詩仍在灞橋驢  
皇都浩蕩春如許一片晴光渾太虛

賦得企石挹泉飲茶次莊親王韻

振衣乘石磴峙足聽泉聲萬斛停雲冷一泓漾日明掬

東臯詩存卷之二十六

文園

同君子潔飲比聖人清但得承仙露長懷涓滴情

東臯詩存卷之二十七

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

姜開緒

字擴原號迪菴一字而膺歲貢生以子穎新

封直隸按察使有薑芥園偶吟

初冬喜黃仙裳姻丈枉過即席次韻

不意名人駕偏來處士家百年聯戚好四壁借光華野

東臯詩存卷之二十七

文圖

藪無兼味盆梅得早花柴門追杖履繞樹聽寒鴉

薛含芬移家別墅

頗有山林趣移家傍草堂入門還拜石繞徑只聞香四

壁圖書富環村烟水茫秫田秋已熟醉客莫停觴

抵都門

少日耽鄉里衰年到國門老夫綠憶子長路賴攜孫

全杰冠蓋迎偏懶林亭靜不喧時假館王宵來園小閣

把酒話家園

至保定視猶子任修

鐫職憐猶子衰翁一遠尋但期無愧忤那復計升沉讀

易占无咎論詩耐苦吟倚廬人尚健只恐淚痕深

姜穎新

字文庸號至山一字通臯雍正癸卯恩科進

士充會典館禮部纂修官乙巳 召試特授

翰林院編修改補刑科給事中歷任天津通

永道陞直隸按察使予告歸里著有至山詩

文集傳載邑乘

登黃泥山

曲徑松楸繞柴門隱竹岡水流春澗冷雲亂晚林香倚

石迎歸鳥攜僧送夕陽卻憐江上客日月片帆忙

東臯詩存卷之二十七

文圖

法寶寺和石上魏別駕韻

向夕橋南望逢僧話竹林葉填雙井廢亭覆一池陰破

壁鳴蛩急頽廊積蘚深欹斜碑字蝕句斷不成吟

秋晚同琴屋先生寓樓小飲

江城同作客寂寞倚禪樓破悶沽新酒防寒念敝裘落

霞千里莫孤雁一聲秋忽憶鄉關月臨風倍起愁

薛含芬移家別墅

豈為藏名另買山舊時小築兩三間門迎石浦梅風暖

柳壓溪橋鳥語蠻習靜不嫌開徑僻安居雅羨種魚閒

村深乘興忙移艇訪戴何妨帶雪還

白華山莊謁晉漁先生次韻

窮鄉浩蕩水連天五柳門前好繫船老屋幾閒藏竹樹  
小橋一帶有人烟池邊藉草看雲起臺上搜詩對月圓  
為愛郊庭多樂事忘歸日日醉芳筵

泰州謁舊樵先生步交三內叔志喜原韻

水國遙飛渡汪洋溢野塘幾朝新雨歇夾岸亂花香人  
正來莎徑月將過女牆從今忘旅思文酒日徜徉

旅中止已琴屋先生疊前韻見懷次和

疎雲淡日午窓明燕子飛飛掠晚晴幾欲殢舟歸舊浦  
仍看攀樹落殘英杯乾慵覓旗亭酒春老空憐綺陌鶯

東臯詩存

卷之二十七

三

文園

任說采蘭多勝侶風光還是故鄉情

贈方靈臯先生

藜閣同簪筆高文素所傾制科名進士經術老儒生道  
合尊師友情扶比弟兄 聖朝隆典籍泓穎氣崢嶸

尹元符招同王漢階胡夢白戴卯君夏荔園陶

田見諸同年豐臺看芍藥

杏苑同遊客尋詩共藥欄春風天咫尺宿雨步蹣跚  
初霽道泥濘 小圃供吟賞名花得飽看明朝清興發更訂酒

杯園

家大人至津署喜賦

昨年京國纔回轡此日津門又繫舟始信高堂真老健  
恰欣荒署可淹留晨昏教語惟清白左右紛披自校讐  
燈下猶能書細字檢書又復為孫謀

巡河紀事

陸行車一輛水行舟一葉徒隸不用多一僕身兼攝所  
職慎河防勞形無訟牒 聖主重憂民恩澤肆周浹綜  
理得賢王平成襄大業 怡親王總理水利營田 監視宰輔勞陰陽  
資調燮 高安朱相國兼理河務 所屬並勤劬小大寅恭協邪許動  
地來一呼集畚鍤疏濬利溝渠隄防衛城堞禾黍屢豐  
年田家勤餉饁村村足花柳雞犬靜安帖

東臯詩存

卷之二十七

四

文園

次和邵吾廬六十自壽

春夢相親未可憑離情想對玉壺冰耽遊慣作終年客  
習靜真同出世僧別後應添新白髮傳來猶戀舊青燈  
相思便把君詩讀細律前追老杜陵

李四載

字莫九號穎菴康熙庚子順天經魁著有介

柳堂詩賦遺稿餘閒堂詩

聚星樓文讌

左海飛樓瞰紫瀾風騷魚雅舊登壇漁陽鼓吏同聲易  
流水琴心識曲難醉酒石甘諧道隱切雲冠欲為誰彈

銀蟾直透臯比座傾倒高言入夜關

揚州懷古

禹廟

乘橈揚州定幾回浮山一點卧蒼苔三江派別歸瀛海  
九穀區分闢草萊石塔香燈隨地湧東陵簫鼓揭天來  
紛紛人解趨仙佛不管荒涼禹廟頽

邗溝

誰鑿邗溝護廣陵吳師北伐自驍騰雄圖爭長曾何益  
屈膝行成尚未能窮谷陰風嗥故鬼荒邱燐火遍青燈  
腹心疥癢終須辨地下君臣共撫膺

東臯詩存卷之二十七

五

文圖

吳王釣臺

驀地關山入戰圖祇緣博局恨難輸六王蜂起推吳淠  
諸將星聯拱亞夫邗水風濤驚雁鶩釣臺烟月冷荻蒲  
不知敗走丹徒日還憶鄒枚泣諫無

孔北海故宅

高士坊頭血尚新一門爭死為天親豈貪虛譽嬰鋒刃  
未許時流竊後塵座上客成雲霧散墓傍碑是草莎煙  
清風久已無消息誰問君家作比隣

甲仗樓

謝傳樓高俯郡河閒來登眺運籌多墅開碁局初爭劫

鶴唳秦軍已倒戈北地金笳悲夜月東山絲竹醉煙蘿  
八公草木皆兵日席卷中原意若何

文選樓

腸斷蕭家帝子樓南朝興廢幾悠悠閒花戲蝶迷荒徑  
衰柳寒蟬咽暮秋文選羅張雄七代高齋星聚壓羣流  
須知此事何今古一點心燈萬載留

弩臺

十丈臺雄萬弩飛竟陵襁褓子猷圍攻城有將誇穿札  
亡國無人咏采薇恃險幾曾推勁敵推心差可壯餘威  
一從覆轍相尋後疾足高材得所依

東臯詩存卷之二十七

六

文圖

隋堤

沿堤柳色帶平蕪曾入隋宮舊畫圖今日鴟鴞攢廢宇  
當年翡翠錯明珠東南江海飛天塹西北河淮束地樞  
向使一人稱有道維揚何異洛陽都

平山堂

官舍脩閑僧舍同蜀岡西北寄高風千山霽色當窓碧  
十里荷花入檻紅溪女攜遊雲影外村翁扶醉月明中  
有人問道無他語寬簡薪傳萬古通

曾襄愍公墓

勦撫奇功得未曾遼陽河套舊憑陵出師纔建終軍節



當路翻傾李牧能十八策中空瀝血三千里外共填膺  
孤忠就戮尋常事遺恨邊防日土崩

真州絕句

官河東去古邗溝黃濁淮清路上游吳楚萬艘溯京國  
安瀾最是白沙洲

東園名勝故邱墟經始頻煩長者車耳熱只今唯二絕  
歐陽公記蔡公書

黃天天塹塹飛濤舸艦艨艟等一毛出佛洞前巫覡滿  
能知神禹不言勞

鹿跑龍關逼巉巖千里橫江此落帆野燕不知過涉頂

東臯詩存

卷之二十七

七

文圖

拂牆故語呢喃

泰州牧魏長麓先生修復安定講堂有詩紀事

次和原韻

心燈有傳燧不屬章句儒萊蕪產大賢牧民寧海隅理  
析秋毫端明遠逾離朱妙悟追孔昊撫治懷軒虞溯洄  
宋五子源泉在蘇湖披榛問故里側足樞衣趨雙樹何  
輪囷靈蔭與道俱曩誰司文教而令孤典謨豈乏築室  
願曾未握其樞日夕牛羊來居然步高衢敢以盤錯器  
小試芟繁蕪敢以吾德馨崇正祛矯誣廉俸奚足惜式  
此先哲模久之禮數安立不堪為途德車而樂御優游

人一區俯仰廢者修感激翻生吁塗林西有櫛箕山東  
有櫛碩果供旨甘道味那不孚檟桷輪以奐瞻拜恭且  
愉君子恥獨為與衆周咨諏和鳴杏壇琴濫謝齊庭竿  
篙舞以雅南安取彼偃巫乃知聞風興曠世皆同符嫡  
乳與辦香絕續惟所圖

秋原步月

野曠覺天低月近步亦緩梧梢白欲飛山頂青未散渺  
渺予所思秋風吹不斷

詠豆腐

惟腐存吾道淮南洞古今釀元知有術甘淡亦何心玉

東臯詩存

卷之二十七

八

文圖

軟冰同澤規隨矩不禁尋常憑耳食誰為賞希音

精存仍以舊膚汰早標新化氣歸金鼎噓和引玉津屠

酤元派別水乳自情親安得南山麓長為種豆人

凝霜知外潔點雪恥中乾朗潤醍醐比元通沆瀣看不

供三品料却傍五辛盤紅豆當年曲低回憶素餐

大哉榮流輩寒釐厭老儒釜鬻才一拂菽水便相須釀

去參天巧咀來覺道腴淡成誰似者渺渺望中孤

秋興應徐嵯使教

西陸陽烏漸入簾蟄蟲坏戶畏霜嚴虛無桂子從天下  
實有砧聲薄莫添纖葉落時千樹禿濃嵐收處萬山尖

龍湫百頃寒沉底誰遣雲雷為起潛

猿啼雁落暮江淅月慘風悽陰復陰黃菊恥為春冶態  
青松知是歲寒心常時食蓼能甘節作底臨流始濯襟  
只有淮南解招隱更無人嗣小山音

山水登臨依舊清最難平是短長亭艤舟柳岸傷心別  
嘶馬蘭皋逆耳聽木末拒霜開且落葵花向日老先零  
人非金石誰堪此一夕幽憂兩鬢星

三湘七澤遠連天草短林稀好割鮮枯矢星流霜淬鏃  
角弓風勁月開絃南山獵縱盧黃耳西塞軍飛馬白顛  
投筆那須文俗吏廟謨今已靖烽烟

東華詩存

卷之二十七

九

文圖

天上河流江上潮此時清淺穩吳舫蘆花浦淑供長釣  
楓葉汀洲奏短詔鏡貌雖半改凌雲逸氣未全消  
欲尋日母超瀛海可許虹霓作彩橋

丞相原

城東之地高且平正氣直上千天青文山入海此畫伏  
至今原以丞相名名存人不朽孤踪若為偶十二從者  
半死亡寸挺尺劍非吾有當時疊山不與諧况乃受閒  
揚州守推心惶恐灘瀝血零丁洋前路去洵洵所過已  
渺茫哀哉天不祚宋颶風狂只有千秋正氣餘光芒

屠退齋師 簡任彰德恭送十二韻

楚國聯師座梁州仰福星借材需秘省振翩徙南溟

帝以欽哉命臣惟肅爾聽揆文兼奮武敷教更明刑五  
馬二千石三川億萬丁希恩同乳哺沛澤作霖零底慎  
中邦賦清勤四鐸銘政成畿外甸名紀 御前屏旗羽  
揚仁遠壺冰澡德馨民將河比笑士曰獄鍾靈有玉懷  
都潔無媒眼獨青此時種桃李應似舊蓂苓

不寐

竹房紙帳簇寒衾雪拂風披客思侵鼠竄空梁無匿影  
鐙孤永夜不灰心九峻七澤輕游遍江北淮南好夢尋  
怪底聞鐘未交曉東陽暎出最高岑

東華詩存

卷之二十七

十

文圖

張大中丞復任三吳撫軍喜成十二韻

月鏡虛心徹冰壺照膽清七州風始動三載政初成寒  
谷陽春遍窮荒化雨傾海融朝霽色江靜夜濤聲倚社  
狐俱竄眠籬犬不驚遠山無瘴癘深苑有嚶鳴白日微  
雲過青天大地明世人甘瓦缶吾道肯餅餌利器更盤  
錯高標屹拄撐文瀾橫壯闊理窟透光瑩草木爭披秀  
豚魚解用情 皇朝富梁棟應讓此庭楹

宿摩訶山寺聞鐘

山劈長江流鯨鐘與俱咽激響迸雲飛餘音歸洞徹提  
撕萬古聲驚冷寸心熱雉雉香不聞鼙鳴條以滅起視

夜何其衆星尚森列

柳花

瑤華仙子步虛微  
懶縛塵纓逸興飛  
六合本來無罣礙  
顛狂任取俗人譏

弱不禁風白勝綿  
東西南北艷陽天  
章臺路接連錢馬  
隋代堤迷薄暮烟

盧香

字孟升一字蘭畹  
號潯左鍊菴先生  
子康熙

乙酉舉人考授內閣  
撰文中書揀選知  
縣署

宜興縣教諭著有  
七戊吟存草

東皇詩存卷之二十七

十一

文圖

八月十五夜集飲李復堂供奉寓次漫成

今夕饒佳興風光果不同  
桂輪分外滿花氣隔簾通  
是

客能豪飲無觴肯放空  
勿辭爛熳醉起舞露華中

好景真難得良朋詎可求  
乘茲明月夜聚我素心儔  
脫

畧形骸累精專樽酒謀狂情  
吾更甚蓬鬢任驚秋

贈冒參戎樸人

青細世業舊簪纓  
獨負英雄材武名  
閩海擒王提尺鐵

蜀山開闢建雙旌  
西湖跨蹇思斬國  
東郭鋤瓜憶邵平

萬里舟車桑梓路  
歸來故我一儒生

答和同宗素然孝廉

淪漪幾曲古荆溪  
旅客依棲泌水齊  
絕少綸竿堪把釣  
誰云桃李竟成蹊  
空庭覓石歌斜坐  
蕪句臨風散亂題  
安得弟兄勤握手  
夕陽茶話小牕西

道上口占東石樊山

澤國無從問水程  
畫橈行處板車行  
絺衣點淡風沙色  
鄉路迢遙關塞情  
旅宿夜投喧古廟  
客餐晚授指高城  
艱難不及農憂切  
踏破牛蹄未易耕

宜興弔故大司馬忠烈公

萬馬騰驤拔塞來  
五千捍禦早堪哀  
尚煩樞相持籌計  
又費監軍驛騎催  
勝敗情形明判決  
死生義勇肯遲回

東皇詩存卷之二十七

十二

文圖

傷心詰旦揚麾出  
誰館兵符夜印緣

題畫馬贈胡庶常夢白

本是天閑上駟羣  
却拋羈杓立斜曛  
春郊草軟添肥澤  
好待秋高躡陣雲

梅花嶺弔史閣部墓

春歇香消野土荒  
孤忠殉國瘞冠裳  
空憐興復輸王導  
誰信艱危勝李綱  
南渡公卿門戶急  
北來臣主嘯歌亡

憑將赤手扶顛覆  
淚灑寒原碧草長

和范靜山九日同人載酒看菊

薄日含暉月影高  
客情風色兩蕭蕭  
白衣賁酒宜今日

黃菊上盆自昨朝佳景但於靜處賞壯懷都向老來消  
三杯微醉呼清茗曳杖須防歸路遙

陽羨學署詠竹

脩脩晚翠上朱扉為惜清標許共依自是仙曹能遠俗  
笑人肉食但癡肥

不似春叢淺黛姿炎涼通歷到今時秋風蒲柳飄黃後  
伴得青松更讓誰

木落山林盡已髡凍雲凝碧掩重門夜來霜月清於水  
猶散濃陰覆故根

朔吹縱橫易作聲輕清雅調最怡情爐烟茗椀敲詩處

東臯詩存卷之二十七 文圖

夕日烘牕綠影橫

移種琳瑯但幾竿渭濱千畝在闌干春回雨露滋培厚

簇起蒼烟繞座寒

李宗紘

字思倫號拙民歲貢生候選訓導明孝廉猶

龍先生孫有九我廬貴足軒浣雪山房諸集

行世

孝陵

王氣曾經閱幾時孝陵芳草又成絲銅駝露冷悲宮監  
石馬苔封戲牧兒晉廟無烟花自落吳宮有址柳空垂

不逢 聖主隆禋祀應歎荆榛沒斷碑

京江懷古

三吳樞軸越襟喉雄鎮東南古潤州入水斷碑沉壓鶴  
隔江分野合牽牛竹林送客楸梧老揚子懷人木葉秋  
千載空聞傳狼石霸圖消息憶孫劉

登銀山絕頂

直上銀山最上岑浩歌聲振水龍吟江風浪鼓千條練  
海日波涵萬點金浮玉亭邊垂釣穩紫陽洞裏坐禪深  
爭如絕頂多奇勝袖拂飛霞落滿襟

將之石城留題鐵柱宮寓樓

東臯詩存卷之二十七 文圖

老怯登峰只上樓凭牕日夜對江流帆來帆去爭何事

潮落潮生經幾秋水抱羣山圍鐵甕雲開雙塔認揚州

名區不放人多住又赴東風向石頭

陳宮

朱雀航邊野草平春江夜月至今明花圍繡檻宜傾國

井傍深宮好避兵江總慣能陪內宴麗華不解報朝盈

羽書未發山河改豈獨傷心是苑城

登雨花臺

淺草如茵覆雨花踞巔俯視萬人家環城山色青螺擁  
繞郭江光白練斜木末亭空春繫馬烏衣巷古晚棲鴉

醉歌狂舞紛無數誰解尋僧訪鹿車

清涼山李後主遺跡

山寺荒涼暮靄平當時避暑月華明此中亦有胭脂井  
何地曾無組練兵一介馳驅憂社稷六宮佳麗關輕盈  
葺亭造殿成何用不許降王住石城

遊弘濟寺

造物何矜斲削能天成奇峭倚雲層行穿峽裏蟠根樹  
靜禮崖邊貝葉僧風起寺門停估舶雨晴江北灑魚罾  
肯辭遊興因衰減山頂還期仄足登

江行

東臯詩存卷之二十七

五

文園

滿江烟雨夜推篷彌望洪濤拍遠空帆脚時拖層浪裏  
船頭忽落半天中掠舟龍過餘腥霧傍岸山多避攝風  
自可不來來又悔綸竿穩坐羨溪翁

廣陵雜咏

廣陵濤水日潺潺南入長江逝不還地脈幾時通蜀井  
禹功千載說浮山軍儲重計先漕運商賈輕裝候權關  
且喜黃河無泛溢儘教婦子得遊閒  
七省舟車集似鱗淮南都會扼江濱明經董相祠空鎖  
煮海吳王迹已陳鯨鱓賈驕盈倖戚里民間衣食藉遊人  
於今六合承平久歌管城西日日春

東韶滄洲處士

癡絕滄洲老蕭然似野僧自知窮到死不改冷如冰忍  
餓珍藏硯扶衰仗古藤著書成一子猶得近於陵

京口渡江

奔流怒激沸聲洪片石橫江葬郭公鴨嘴南來衝北浪  
鯨波西下闢東風雲翳落日豚魚黑樹隔昏燈燐火紅  
出險驚魂猶未定長年翻侈濟川功

劉荻江見過話別

客到倉皇納履遲倒衣問訊別來時二年強半舟中住  
一索空餘嶺外詩草閣傾欹淹久坐盤餐粗糲托相知

東臯詩存卷之二十七

六

文園

祇愁分袂無他贈折得將離四五枝

時以花伴東

讀季漢書

炎運屬板蕩割據紛膠擾魏武仗兵謀諸雄滅如掃豫  
州敗當陽勢欲吞江表東風卷軸轡鼎分從此肇南陽  
三顧初霸圖規畫早帝祚賴稍延偏安一隅小恢復志  
不遂大義日星皎初山書入寇陳壽何顛倒國賊非孫  
權西隣舊通好如何爭荊州同讐互攻剽五官襲父業  
拱手竊大寶自謂法舜禹勸進皆國老人事有工拙天  
步有昏曉金人淚未乾銅雀埋紅蓼奄忽六十載吳亡  
越亦沼只今赤鮮口烟波空浩渺

讀范史逸民傳

衆鳥集繁樹獨鶴巢孤松靜躁各殊性通介異所從睇  
彼馳騫子夸毗習雷同釣名如釣水趨勢若趨風仲叔  
去安邑幼安去遼東韓康逃藥肆伯鸞為任春彼此不  
相知寒水語夏蟲

自昔尚高節發聲由固窮風會日以殊嘉名歸素封先  
達負時望月旦擅儒宗紈袴每見賞鶉結鮮登龍古人  
生今時懼與今人同袁安宜凍死焉得為三公

何以仁義為富貴而壽考富貴有消歇壽命難自保向  
長與禽慶攜手歷蓬島遐哉不可追江河日浩浩逝者

東華詩存

卷之二十七

七

文圖

如斯夫嘯歌傷懷抱

四府非不貴五等非不崇生榮沒則已但餘馬鬣封惟  
茲賢達人垂名詩書中野王即禽叟陳留植杖翁姓字  
惜無傳太息仰高風焉知詩書外不有冥飛鴻抱道守  
窮約滅沒類秋蓬結想千載下憂心徒忡忡

靡草競春華古檜發冬榮君子亦有窮窮不易其貞已  
厭當時寵寧希後世名採茶酌寒水寂寞遠俗情遠从  
善藏用所樂在無營我餘子不足快論獨君平

古墓行

驅車郭門外道傍見廢池面池立小山五峰互參差潛

築多勞費疑此安用之居人歎息言彼有塚壘壘聞其  
初葬日佳城鬱崔嵬後倚三重岡前樹十尺碑華表琢  
文石上與白雲齊石人控象馬老檜偃蟠枝廣堂轟霄  
漢曲房鎖葳蕤豈期未百年壯歲遽陵夷羅城塌作田  
墳墓陷為陂拽石掘樹根不知賣與誰當日松楸道不  
見黍離離又聞塚中人宦歸擁厚資晚自營兆域雄麗  
甲一時斯土不可耕幸因存餘基達者貴速朽確論信  
不移

上畱田行

世風澆薄人之父母死而不字其孤弟者有

東華詩存

卷之二十七

八

文圖

矣既以規其兄復述所見以為戒

四座且莫喧聽歌上畱田請說孤兒苦孤兒最可憐寄  
命在誰手成立知何年予于靡所之伶仃如窮猿沉思  
結不解心念父容顏記得父在時常抱著膝前飢向兄  
嫂泣望兄勿棄捐所需亦易足眠食求粗安我父即若  
父懷憂入黃泉父死不再活但以兄為天

猛虎行

虎之啞山有不採之麋虎之威山有不采之薇虎奮而  
起孰敢履其尾虎怒而趨孰敢編其鬚有虎而馴笑而  
逆人近則掠食嚼人如豚前者被傷後不覺狎而玩之

傷其身吁嗟乎猛虎之猛猶可避笑虎之虐焉可奔

老女歎

掘井欲得泉綆短不可汲織縑欲作衣緯斷不可緝有  
美在空谷絕世而獨立皎皎冰雪姿脉脉芳香襲潛居  
抱孤貞褰裳防露濕深村無良媒笄年遂已及二十忽  
過頭荏苒到三十威顏如舜華衰至何大急未識時世  
妝雅慕周南什棄置恐有由疑恨並羞澀涼月照空牀  
獨掩羅帷泣

剖肝朱孝子

孝子名人龍字雲舉邑南范湖洲人康熙乙  
亥割肝療母病母愈而孝子亦無恙皆獲壽

考

縱死歸全義未虧銛鋒入脇斷無疑吾親已矣遑多恤  
兒命如何不敢知至性若愚真孺慕回生有效得期願  
因君倍切卑魚慟仰愧芳型自悔遲

讀迷樓記因憶廣陵白下舊游陳隋故跡

楊素樓船颿力駛跨江直逼陳天子美人黃土血飛燐  
六朝金粉東流永轉盼楊梅伐作薪太原王氣種仙李  
開皇之末房陵廢小子淫昏亂天紀宣華何似張麗華  
手結同心付勅使步輦逍遙十六院院院管絃聲沸耳

峻宇雕梁重復重俯視臨春卑結綺湖波月明泛玉鳧

海山風湧潛金鯉叔寶空懷亡國恨阿廢要向江都死

夜遊只唱望江南夢見江南覺後喜窮極奇巧築西苑

奢靡一旦棄如履仁壽宮中秋草黃光政門前暮山紫

溫語叮嚀教好看勿令後人貽笑齒苑監宮娥泣送行

六龍已發誰能止閣道周廬十萬人行宮帳殿三千里

龍舸到處選妖嬈殿脚承恩綠楊裏江水迎鑾日再朝

瓊花望幸嬌含蕊錦纜牙檣幾日休寇氛兵氣連天起

遙指揚州一點烟景陽灰冷迷樓燬遊魂不得到長城

吳公臺下添新鬼

東臯詩存卷之二十七

文園

積雨書懷

青燈焰短孤村夜黃葉聲多小雪天悶只對書猶嚼蠟  
倦惟憑几似乘船直同兒戲成衰鬢猶有童心到暮年  
一雨兩番更晦朔能無飛夢向愁邊

晴

恒雨從秋末時暘已仲冬寒先生肚魄動氣入霜鐘菊  
盡留殘蕊林陰露遠峰衝泥循麥隴無恙問窮農

小除夕作

紛紛歲事逼殘年欲換桃符懶擘牋望得有梅常病渴  
鑄多成錯莫言錢門衰只覺生男劣金盡真能損婦賢

不是昌黎無傲骨於今何處着顏淵

擬左太冲詠史

總角負英聲操觚學干祿攻苦涉羣籍鉛槧逾百軸二  
毛倏已侵癖愛親簡牘手翻少時書遲迴不忍讀持論  
羞雷同羊棗嗜所獨三騶徒善誕出入馳繡轂淳于任  
滑稽抵掌傲華屋稷下非吾願願希段干木

離離原上樹鬱鬱嶺頭松凡鳥爭集苑孤鶴盤秋空蘇  
秦愧妻嫂見金不有躬噉名如噉餌趨勢若趨風四皓  
避龍準兩生拒叔通濟北見黃石膠西聞蓋公豈無王  
霸業視之等飛蓬掩卷發長歎引領企高踪

東臯詩存卷之二十七

圭

文圖

故枝辭故葉新曲理新絃脫粟良已厚綈袍亦偶然漣  
夫交田實得罪杯酒閒麾騎縛之去合座無歡顏所以  
張仲蔚蓬蒿滿逕閒寂寞守窮巷斗酒歌南山

監門效奇計救趙却秦軍博徒持正議公子立還轅魯  
連騁雄辨談笑折新垣毛遂從至楚從定在一言凡皆  
布衣雄跌宕越魏閒所貴達時務動口能解紛勿以儒  
服故輕視貧賤人

荆軻別燕丹悲歌渡易水賓客盡灰滅酒徒匿宋子慷  
慨秦廷筑聊以謝知已今歲六王畢明年祖龍死擊秦  
與帝秦紛紛徒然耳變法令未行焚坑議未起早有避

秦人宛在水中趾

曳裾絆微祿雅懷托豪素吟詩擬淮南作賦準班固鴻  
寶一以成八公遂仙去依倚將軍勢禍及方知誤衣新  
畏荆棘屢新避泥污瓦缶幸自完主組誰能顧穆生拂  
衣早見幾良足慕

觀道書

太虛何寥廓是身如稊米住世鮮百年有亦須臾耳彭  
祖生殷時為周柱下史稽古猶不廢矧余惡可已導引  
祈長生金丹授圭旨終歸黃泉路誰是赤松子不如守  
故業卑力循聖軌遺訓時披覽少得亦可喜鼓缶待大

東臯詩存卷之二十七

圭

文圖

吳翔

字培風號南溟邑增生有素心齋詩集

題鋤金小圃

幾許林亭趣轉加半村半郭勝山家沿溪密密疎疎柳  
遍地紅紅白白花曲沼有魚爭吐沫霜楓無樹不飛霞  
主人何事能消受一卷黃庭一盃茶

寄嗣東

雨過階除沒點塵清涼半榻伴閒身北牕高卧渾無事  
不讓羲皇以上人



悠然雲水共無心一刻何如千萬金翻笑惜花人起早  
沙鷗穩卧綠楊陰

歲暮偶成

殘棋度日酒為年歲暮俄驚百慮牽短夢愁多紫角枕  
寒鴉風緊叫霜天眼看駒過時難再自取絲纏計未便  
無限壯心今減却燈前且醉舞龍泉

春郊即事

草滿青畦柳拂衣豆花香落野蔬肥三春梅雨千林濕  
萬里晴天一鷺飛軋軋聲催課急闌闌鳥語喚人歸  
茂陵耽病渾無事且向江頭獨掩扉

東臯詩存卷之二十七

五

文圖

過友人村居

柳拂長堤草滿塘幽棲勝入午橋莊水環山郭魚偏美  
竹繞村籬笋倍香避迹何曾知晉魏倚牕真足傲羲皇  
此閒應有南陽樂數頃良田八百桑

過友人讀書齋

高齋重整葺疎籬最是三春樂事宜燕拂簾前新雨後  
鶯啼柳外讀書時烹來茗餘香在移得山花向客垂  
更羨夕陽人已靜一燈斜照月侵帷

柳枝詞

春雨綿綿春事饒際天新綠漾紅橋是誰倩得徐熙筆

寫個長條復短條

千條綠線拂青萍幾個黃鸝叫曉晴待得東風吹柳葉  
小牕時送一聲聲

沿溪縷縷碧金梯半入雲端半拂堤最是曉風殘月裏  
板橋東畔画樓西

日日長條繫画船和烟和雨傍花眠多情應笑人無賴  
也學多情好處牽

吳超

宇茹連邑庠生

贈烈女

東臯詩存卷之二十七

五

文圖

深閨猶未字彤管早傳名不識生前面常吞死後聲毀  
容為就義斷髮豈由情翻笑鬚眉者存亡頓易盟

吳峻

字凌雲廩膳生乾隆三年督撫學使咸薦孝

廉方正學者稱為東田先生

歷城九日

一抹秋林淨水涯歷城九日興偏賒山堪望遠身忘客  
酒為貪醇醉是家北雁叫寒書信早西風吹冷帽簷斜  
他鄉不少龍山會暫得提壺問菊花

鈞突泉

歷下名泉七十二一泉三突聳如擎花飛雪浪搖金掌  
珠走雷聲響玉枰澎湃半空晴亦雨光芒四映夜猶明  
憑欄直入蓬山窟纔信蓬山海上生

自歷下南旋別三弟迴樓

來時草草去匆匆徒倚明湖華鵲中官舍幾番留駐馬  
驛林曾不滯飛鴻茱萸酒勸三巡醉池館情牽兩夢同  
贏得歸鞭鞭霜葉下青衫皂帽夕陽紅

書齋有感

浪說雲霄待遠風可堪溝水任西東心遊傳舍匆匆裏  
人在飄萍咫尺中近市不如謀野獲入林仍與借巢同  
東臯詩存卷之二十七 文園

吳翀

字羽中號迴樓雍正癸卯選拔教習授順天  
武清知縣擢霸州著在鹽車集四卷迴樓詩  
抄八卷傳載邑乘

東園

夾岸菰蒲舊水鄉晚烟寂歷散橫塘禾因半實爭垂穗  
樹帶微紅早著霜園果落時餘鳥食茶鐺響處試泉香  
斜陽西下不歸去約束書童灌菊忙

沈丈大瓠過訪出野蔬作供劇談竟日有詩次

和

探梅來趁早春時春到梅花正及期野菜偏宜佳客供  
豪情端少俗人知舌能耕硯逢年晚酒佐談元引醉遲  
兼綴談莊列諸書 村舍比鄰君可卜秋風江上有蓴  
絲大瓠欲卜 居蒲上

早春過東園

歲寒霜雪阻前溪乍啓柴扉竹院西鳥解風和能弄舌  
草知春到欲掀泥拂塵几淨花光入淪茗烟生樹影迷  
屈指一年消受處早梅開後鷓鴣啼

濟南

東臯詩存卷之二十七

壬

文園

三十年來賦子虛 璽書初拜漫超超雕蟲滿目排青  
瑣夢鳥無心挂紫魚劍匣已甘埋敝簾衙齋端合稱吾  
盧逢人禮數疎慵甚也趁班聯學曳裾

一觴一咏強風騷日卷簾櫳對沈寥新句得來猶踴躍  
舊遊望斷是雲霄百篇李白頻沽酒五斗陶潛已折腰  
莫笑官齋勤灑掃一枝安處學鷄鷄

江南遠在萬山南雨雨風風總不堪縱有平安憑報竹  
曾無升斗足分甘望中勞想神還沮夢裏承歡樂亦耽  
簿領半籌慚未展天涯賸得淡空含

耳熱城南酌突泉瞥驚沸沸水潺湲一奩珠顆晶盤耀

三樹銀花玉柱連  
閒院傾歡迎夕照  
殘碑斷續卧荒烟  
風流勝地偏如此  
坐對蒼涼亦黯然

署齋西偏隙地雜植瓜豆  
早秋雨後摘豆莢以供晚食  
愛其清腴欣然一飽因成二律

淡寥官署好秋光  
冷淡原如僧退房  
稻耙家園爭倚陌  
豆棚客舍早迎霜  
頤無可朶蔬翻美味不能兼  
藿亦香一笑隸人偏解事  
清腴堆垛已盈筐

忽憶江南八月天  
雞栖豚社足烹鮮  
堆盤手拆無腸蟹  
罷釣厨供縮項鱸  
官况逢秋還寂寂  
菜根有味自便便  
書生事業原如此  
獨坐拈毫亦灑然

吳葵

字葵陽號衛堂歲貢生

秋草

離離憔悴色一望帶斜暉  
蟲語寒來咽螢光腐後飛  
平原今日盡春路  
隔年肥綠褪衣裾  
舊王孫尚不歸

秋山

落盡寒林葉層巒見始全  
淨遠兼夜雨瘦不染春烟  
雁影橫空浦雲痕淡遠天  
願攜琴枕去高向此中眠

秋桂

獨秀擅清標春花莫見嘲  
霜難雕碧葉月為護香苞  
弄

色皆紅婢弄色秋海棠名長生作素交菊名長生花金風雖冷落強似凍梅梢

顧崑

字增城號中山邑諸生有古藤書屋詩

秋夜此君書屋與同社諸子對月

近局招邀酒數巡  
涼秋夜色幾回新  
水雲深處清虛境  
邱壑中間自在身  
萬里翠寒關塞曲  
十年香淡舞人裋却逢勝日情如許  
敢慕南樓集盛賓

夏日園居

深林乳燕輕黃嘴  
曲沼新魚小赤鰓  
蕉葉搖牕傾曉露  
朝陽纔上竹枝來  
竹裏胡牀午趁涼  
雛鶯新學弄笙簧  
映日海榴紅似火  
出房蓮子白於霜

宗芳山

字厚菴兵部司務有啄鳳堂詩草

夏日啄鳳堂避暑

園中最好是炎天  
選得清陰任我眠  
夢到無心應化蝶  
起來半夜尚聞蟬  
最貪樹密藏風久  
更愛牆低得月先  
隨意興居堪養拙  
一生疎懶悟真詮

薛大鯤

字汲三止菴先生子諸生有芸窗詩稿

古淡園倡和

匆匆節序幾回更每愛閒窗花草生古樹獨存如舊友  
春風秋月更關情

秋日集友人范子性原齋中

夜靜蘿窗月挂烟蕭疎梧葉舞庭前敲棋促膝忘賓主  
命酒談心勝管絃師友淵源情更篤芝蘭臭味道能堅  
倦來假榻留山閣細聽秋蟲咽露眠

西府海棠秋開次陳小髯韻

記得春深聚飲時絲絲絳蕊逞芳安何期秋老梧桐日  
東臯詩存卷之二十七 元 文園

又見新花發舊枝

春日移館虛白齋感賦

重攜書卷到幽齋仄徑疎梅次第開吐鳳人遐庭久閉  
密居 謂七友 聽鶯客至酒頻催山亭日色明苔蘚老樹花光  
半草萊猶憶當年曾講授豪情逸興已全灰

梁貞瑋

字輝耀號退翁江浦籍乾隆丙辰恩貢銅陵

縣教諭

渡洋子江

放艇中流去無風浪自平撐天浦口塔瞰日石頭城柳

碧含朝雨帆輕趁晚晴沙鷗驚起處漁唱兩三聲

石城晚渡

石城新雨後棹發日將西天際三山小雲中一塔低餘  
烟迷遠岫落照挂疎籬靜聽蘆花岸沙禽送客啼

雨後觀荷

燕臺日暮雨初收載酒仙源訪道流數畝花光兼水淨  
兩隄柳色帶烟浮山添嫩翠晴偏好寺擁餘寒靜自幽  
乘興悠然忘逆旅歸來新月已如鉤

初晴

連朝苦夜雨今日喜新晴繞路幽花發沿階細草生殘  
東臯詩存卷之二十七 辛 文園

雲歸海岸春水侵江城時聽深林裏鶯啼三兩聲

山村即事

村野古城東柴門一徑通溪迴流水緩山遠小亭空烟  
碧家家竹雲紅處處楓野人無個事把酒話年豐

曉望

曉發清江畔山川入望明雲從山樹見日傍海潮生野  
岸分花色林鶯雜澗聲人烟縹緲處知是石頭城

過白雲寺

古寺蕭蕭畫掩扉竹林寂靜鳥聲稀四面好山看不厭  
白雲堆裏一僧歸

梅花

暗香何處逐風來  
報道梅花昨夜開  
我欲更栽千萬樹  
置身都在白雲堆

周崇仁

字亮德號靜山邑增生梧岡子屢舉優行有

靜山詩稿

九日文峯閣看菊圖

數畝幽花千種色  
風和日霽此重陽  
荒籬獨闕黃公酒  
瘦質偏凌素女霜  
不逐魏姚陪富貴  
豈無陶孟識馨香  
雲封傑閣鴻飛遠  
臨眺多情戀晚岡

東臯詩存

卷之二十七

圭

文園

范棠

字液舟號棟園宙留先生長子國學生著有

棟園詩草傳載胡石田太史文集

鳳凰

紅尾曾經駕玉簫  
雲翎香羽襍金翹  
桐江花放新迷雨  
珠浦梅開舊號么  
侍女騎來看夜夜  
高崗鳴處自朝朝  
秀君先識安東貴  
不用湘絃著意挑

咏桂

秋爽入巖桂婆娑  
月影遮玉階紛未落  
金粟靜無譁  
香淡雲容瘦黃酣  
酒味賒謝家清咏好  
酬句愧疏麻

述懷

未遂買山志悠悠何所之  
蟲沙原不較猿鶴恐相嗤  
春雪憐清奏寒甯空綠陂  
徒勞扣牛角長夜竟誰知

東臯詩存

卷之二十七

圭

文園

東臯詩存卷之二十八

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

黃克業

字文勲乾隆丁巳進士任池州府教授卒于

官

遊天童山

來與塵囂隔青鞋物外緣松森高障日竹暗色參天古

東臯詩存卷之二十八

文圖

剡山雲合香茅晉宋傳辦香歸塵拂會勝屬幽偏

太白羣山首青闢亂壑宗石隨泉咽澗吾與客支筇繞

徑穿林穴沿溪赴碧峯瓊瓏山時隱現青擁萬層松

趺坐僧牀曉層巒上碧紗拄餘窗北頗看到日西斜山

客時樵筍居人競賣茶紛紛馳不靜聊與共誼譁

策杖娛東谷全身裹澗雲大都皆絕境何處著囂氛鉢

韻澄真想禽喧入靜聞貪看題壁咏不覺景西曛

一兩尋幽履山蹊踏幾重但酣峯前芳不厭草芊茸亂

石蝦蟆嶺層苔獅子松禪關千古意登眺一時逢

客中六十述懷

身世悠悠悔覺遲從前鑄錯總如斯學書學劍無成日

為圖為農未了時婚嫁已完兒女累桑榆猶繫故園思

向平一笈今攜去添得風塵鬢上絲

隙光駒影過茫茫六十年中更海桑好夢無因頻幻蝶

讀書幾帙竟亡羊且憑故我稱投契未必兒孫志顯揚

老女只今猶待字何時停作嫁衣裳

陽九丁年厄歲逢何須咄咄憤書空青銅幾換簪莢鬢

白首能禁落帽風甲子暗教愁裏過庚寅何必降時同

團圓鄉國題糕日應想蒿辰有阿翁

盆松

東臯詩存卷之二十八

二

文圖

盆松盤屈老苔衣三寸蒼虬儼十圍謾道山風吹不到

依稀枝上翠濤飛

看花

小借輜輶出郭西胭脂紅濕陣雲迷錦囊不付奚奴手

好句奇時要自攜

可園芍藥

酷艷彤英闔綺霞春當婪尾可園花烘香一片流雲液

結珮千行倚露華詩不驚人傳謝句譜寧博物繫劉家

豐臺斗大尋常事要取揚州金帶誇

晨起

老眼昏昏夢覺中白窗初啟見虛空鑄成錯後貧而樂  
悟得通時道不窮塞馬從渠知得失海鷗無自識西東  
浮生一笑真如許日對秋清看轉蓬

題友人新成別墅

載訪壺天小憩初幽妍事事稱精廬稚松種作霜秋韻  
林竹移當醉日鋤蕉白名坑珍點易萌黃分帙課抄書  
庾塵一塵揮將盡不厭千回日掃除

自笑

迂疎不改鬢蕭騷事事相妨老緼袍容易分闕詩怕滑  
艱難索醉飲偏豪青春已過眠三柳白髮全抽換二毛  
東事詩存卷之二十八 三 文圖

惟有閉門逃熱客固窮留得一分高

漫興

頗覺精研少健同謾將顏老笑衰翁相於讀漢無須酒  
甚欲工詩耐固窮薜荔集裳清有韻松花作供雅能充  
代耕力穡諸當早拚買西城地數弓

閉門

清癯人物不勝論商畧平生只閉門浣到俗塵三日睡  
焚餘文字一分存酒醺竹葉聯知已香蕪梅花覓返魂  
簾外紛紛紅雨墜枯籐也擬隔溪捫

咏枇杷

白沙佳果賣城南入夏盤盂引興酣節序蠟兄先蜜父  
平章盧橘勝黃柑建業野人種梨誇其味曰蜜父種枇杷時其色曰蠟兄又閩廣人謂枇杷為鳥馴幾狎金丸墜蜂渴寧窺玉液甘杏子纔頻梅豆澁老饕此飲不嫌貪

咏綠牡丹

姚魏稱尊已濫觴嫁來碧玉汝南王蘸他號國新眉黛  
占斷楊家姊妹行  
么鳳啾啾鬧小枝轉驚花底曲參差妙香一色珍同賞  
不辨香鈿倒挂時

河畔青青草長肥女郎花艷趙昌靡漫將國色誇羣婢  
東事詩存卷之二十八 四 文圖

大有夫人賦綠衣

朱學演

字永思省齋仲子歲貢生候選訓導

九日閒居

天地良非偶造化資始生人為萬物靈韜鎖惟利名勞  
攘失時序夜氣未可平何如達者流瀟然超形聲好景  
互流覽放意娛遐齡日月自更迭世事多欹傾只此重  
九日東籬花吐英銜杯適我意撫琴寄我情緬想嵇阮  
儔幽遐由天成

坐月

萬古長江月澄然到眼中寒輝還自浣霽色竟誰同砌  
滴梧桐露襟披楊柳風夜深渾不寐吾意已全空

邊詞

龍沙百戰到桑乾朔雪淒風刺骨寒奪得邊城三十座  
看人騎馬賀登壇

冒廷驥

字攀雲號江村歲貢生候選訓導

三台晚眺

三台巖絕處突兀傍雲霄遙望依天近臨風寄興遙  
烟催去鳥落日數歸樵放眼乾坤外予懷正廓寥

東臯詩存卷之二十八

五

文園

賦得夜半鐘聲到客船

依微漁火半浮空入夜疎鐘出梵宮響徹清淒千里月  
聲涵蕩漾一江風驚迴客夢塵勞外敲斷名韜宦海中  
曾向姑蘇門外泊聽來身世感窮通

冒廷駒

字維嘉太學生鄉謚文清先生著有慶餘堂

雜咏

魯良弟招飲

但使主人能愛客同心兄弟即良朋聯吟曲巷看花去  
共醉朱欄帶雨憑老我閒情渾似舊多君佳興此番增

衝泥不怯歸來晚更上江樓第一層

和吳坤菴表兄喜得阿仲蜀中寄書

經年方得買歸航遙憶詩人減卻狂萬里驚心來劍閣  
幾番回首醉高陽他鄉琴瑟牽情遠故國鶯花引興長  
兩地關山休悵望霜前佳景雁成行

春初讀書東村

為避塵喧暫出城同心師弟挈兒行雨晴隔岸鶯簧脆  
風細平疇麥浪輕花氣曉添文藻色梵音夜伴讀書聲  
窗前願爾分陰惜我老須知不為名

江文波

東臯詩存卷之二十八

六

文園

字魯溪號碧齋邑文學

讀書優鉢菴

獨愛城南寺清幽倚樹吟鐘聲常在耳水色可澄心妙  
徹三摩地銷鎔百鍊金桃源原不遠何必覓山林  
性僻屏人事抒懷只獨吟未空生滅理已徹去來心意  
洽蓮為社字焚墨若金庵右有惜字菴慙余非醉客也許入東  
林

丁酉春社同費執御冒何文鄧穀詒即席作

晴郊踏倦春分後徑醉高齋酒百杯野馬幾絲芳草靜  
山鳩一喚杏花開飛揚拇戰增豪興卓犖詩腸愧妙才



卜夜伏鸞重有約鼠姑花下破蒼苔

紙鳶飄處杏花紅良友追歡意氣融真逸堂中饒逸興  
不辭泥醉荅東風

洪家讓

字謙六歲貢生候選訓導著有岍麓詩草

停舟

愛看楓林晚停舟十里墩殘鐘來野寺老樹隱深村風  
定孤鴻影天青一水痕悠然隨所適踞坐倒清尊

雁字

誰學書空筆勢遒淋漓一望墨光浮長天藉此如椽筆

東華詩存卷之二十八

文圖

寫出江南萬里秋

整整斜斜一字初色無濃淡總相如有時帶雨羣飛急  
疑是張顛醉後書

憶內

風凍層雲雁不飛遠書未得到柴扉可憐夜夜深閨裏  
時對燈花卜我歸

洪家謨

字懋哉邑庠生

卜築

傍山小築柳重遮僻地無村眺望餘數頃晚烟迷遠樹

半溪香雨滴春花解嘲欲比揚雄宅涉趣還同陶令家  
不是生平常避俗野人情性在桑麻

再過菴羅樹園次前韻

亂谿曲曲水灣灣地僻人幽結構閒紅葉遠封亭半檻  
白雲低護屋三間詩歌句裏皆成畫猿鳥聲中別有山  
此日重過秋漸老夕陽澹影暮鴉還

題扇頭山水

空山絕人蹤微風吹林莽獨有垂釣翁扁舟時來往

舟次海岸懷胃子長益周子咸喜

片帆斜挂逐輕鷗收拾吳陵兩岸秋今夜月明何處泊

東華詩存卷之二十八

文圖

霜林隱隱一孤舟

蘇潤

字岵山號墨耘無可老人子諸生著有亞堂

集

春女怨

桃花落楊花飛楊花飛去春不歸昏昏白晝惱煞人開  
奩拭鏡無光輝蝴蝶雙雙過牆去卷簾帕上閒偷覷十  
五艷明粧十八守空房空房獨守顏色改花開豆蔻何  
時采

月夜泛舟

一天秋露白風颭水痕清  
盪樂開蓮葉孤帆挂月明  
蛩吟夾兩岸歌吹到三更  
好放中流棹寬閒自在行

庭梅

不盡孤山地依然處士心  
模糊雙眼色黯淡一春陰  
伴我餘清夢含情托素琴  
真香時暗遞千古費幽尋

和陸碧人晚遊江天寺

暮春遙見嶺雲黃俯視長江意渺茫  
萬頃波濤流夜色一天星斗蕩寒光  
蘄王廟裏鐘聲遠鐵甕城頭帆影長  
歸去月明回首望水搖山塔鶴迴翔

寄劉摺鵬

東臯詩存

卷之二十八

九

文圖

不見劉郎已二年日來神駿定超前  
老余伏櫪江鄉外翰爾凌雲上國邊  
莫遣傳經終白簡愛看起舞出青氊  
秋風桂苑前途穩好著天街第一鞭

和荅江式如

擬將客邸西窗燭共話閒愁十二年  
訪遍江城人不值空教離緒拂長牋

盧方煜

字麗初號絨菴潯左先生子諸生

傾城歌

城何高高百尺雲中仙錦城易錦城不足身  
請益烽烟

一笑犬戎來君王身葬驪山側

城何堅堅似鐵鐵銷鎔情鬱結天荒地老等閒看  
此情亘古難磨滅打破石頭長城湮胭脂井底雙啼血

城大百雉何如犀齒城小半規何如蛾眉塊然無情者  
何為金湯鬱鬱巫山奇狂且失國應憐小破越人歸暮齒頹

僑寓

風月千場有溪山但借居掃除人我障豁達性天餘界  
地成芳園呼名擬敝廬主翁高曠意倚杖步徐徐

逆旅偏饒趣閒中寄託幽他山吾自愛客舍我常留夜

東臯詩存

卷之二十八

十

文圖

雨青燈夢春花蠟屐遊從無塵俗累不解望鄉愁

春初即事

雪後沙融軟觀苔城邊緩步共徘徊閒看白面調驕馬  
笑逐紅衫探早梅老興偏耽年少趣幽懷暫趁晚晴開  
辛盤累夕流連醉明月誰家更舉杯

歌舞臺

西子猶存歌舞臺古今憑弔首重回獨憐紅粉空塵土  
不惜雄圖沒草萊禍水一支吳地沼飲歌三發楚人哀  
夫差死後還爭學誰聽胥濤響暮雷

登文選樓和韻

蕭條狹巷往來過文選樓空習綠蘿斷壁蝸涎書篆古  
疎極烟漬墨痕多徒聞賈客誇遊獵遙聽鹽官樂燕歌  
耆舊幾人能到此肯將憑弔寄吟哦

前題

董相祠西徑路偏風雲高韻欲摩天一樓關係終何益  
幾卷詩文大有權蕭寺久荒埋寶偈梁家未泯賴瑤篇  
可知少海非無命恥學悲吟作暮鴟

前題

七代遺編費討搜青宮偉烈壯金甌烟寒建業迷荒寺  
月朗邦關照古樓山影猶看文筆聳江聲常作詠歌流  
**東臯詩存**卷之二十八  
何如同泰翻經日飲血空門泣暮愁

吳曜

字旭旦號問亭邑廩生

春菊

已看春花簇錦城籬東小草尚如嬰輕寒早孕三秋氣  
乍暖俄分九日晴磁斗攜來初有約牙籤檢得舊知名  
漢皇幾度朝蘭秀冉冉餘芳繫我情

玉蘭花

共羨幽芳足珮紉千霄佳木有前因不同秋露寒湘晚  
迴異晴波采鄭溱玉樹謝庭方過末蘭臺漢署比陳荀

援琴莫歎淪空谷賞識王香自有人

綠萼梅

嶺頭春信未云遲萼綠飛仙早訂期欲吐花光偏雅淡  
恐汚雪骨故清奇烟浮金谷珠難辨月映孤山鶴自知  
閣筆平章良不易琅玕九錫允相宜

高山

字仲倫號石翁

和荅黃瘦石

論文最篤數忘年久別重逢在客邊老去誰能容我傲  
貧來堅不受人憐文章自古兼清福飄蕩如今是野仙  
**東臯詩存**卷之二十八  
多謝阮生多一哭傷心欲說也徒然

雞冠

冠幘峨峨五色呈化工巧奪德禽名高低若有將鳴狀  
抖擻居然敢闢情舉世幻成秋蝶夢一宮誤聽亂蠅聲  
怪他漏永將沉月翹首空階直到明

雁來紅

賓鴻方度玉門關有草庭除色正殷不共春花爭艷媚  
卻同霜葉冷秋顏江南蘆荻初飛雪塞上胭脂已滿山  
最愛斜陽新霽後霞光相映更斑斕

陳以璋

宇國賓號瘦翁國學生

梅影

紅蠟高烧戶半開誰將冷壁畫疎梅睡迷霧服孤山夢  
皺破晴宵庚嶺苔冰骨精神波底見雪窗風韻月中來  
更深獨坐無消息寂寞香魂倚石臺

蘭芽

春氣通林麓蘭芽茁素心媚香原有夢空谷豈無音藏  
葉收朝露含苞待夕陰他時芳竟體臭味洽人深

燒痕

新綠破郊原劫灰今尚存但知明野火何以慰王孫狼

東車詩存卷之二十八

文圖

文圖

藉留春補牽延改舊痕馬蹄漫蹂踐雨露待新恩

春雨

小閣霏霏濕絳紗輕紅洗出牡丹芽新添色潤含情草  
濃蘊香滋着意花躡屐東山攜社酒衝泥北郭憶林家  
興來還訂明朝約春到江南未有涯

題黃瘦石何處漁郎照

滿目雲山入嘯歌絲綸百尺一漁蓑心能似水涵光遠  
意不在魚寄興多江雨乍晴虹作線林烟遙起月沉波  
未知添得閒人否同乞樵風訪爛柯

狼山

狼山兀立大江北山氣青蒼江光白塔影橫插波濤中  
烟雲滅盡蛟龍跡

春宵偶成

一卮春酒一庭花花底聯吟酒興賒嫩綠平鋪芳草色  
新紅先上牡丹牙

古澹園

古澹名園舊荒蕪我過頻小山頽鶴徑枯澗臥龍鱗臺  
榭陰生薜蘿花冷向人東風空自好寂寞一林春

謝凌洲枉顧三次未晤詩以代柬

誰道相逢邂逅中幾番枉顧未相逢東西來往門三過

東車詩存卷之二十八

文圖

文圖

彼此參差路幾重昔日兒童思舊業頻年詩酒憶高蹤  
碧桃紅杏江村滿疋馬春深肯過從

客舍獨坐有懷

鄰家門戶屢開關野老窮居整日閒遙憶昔年詩酒地  
烟雲遮斷幾重山

高雨船枉駕

一接賒吟客愁眉覺頓開非惟良讌集且得好詩來素  
月同秋潔金風逐雁回桂香能幾日還不共銜杯

顧此山過舍不值

枉勞車馬駐江村寂寂閒庭落日昏有子未能留客住

客來應以鳳題門

九日過雨船聊寄草堂

緩步城東野水濱黃花歷亂舊柴門半林憔悴經秋樹  
三里荒寒遠市村郊外盤餐堆芋栗籬邊場圃走雞豚  
野人不解茱萸會聊把相思與細論

遊山

徐步峯巒又幾重此身漸到半天中行防石滑援藤蔓  
坐就松陰聽壑風水氣遠同山氣合江潮暗與海潮通  
烟霞相引忘歸路猶指雲巖問牧童

送春

東華詩集卷之二十八

主

文淵

春來春又別把酒錢斜陽芍藥懷人遠楊花惹恨長欲  
留留不住便去去何方自此天涯外殘紅燕子忙  
雨雨風風裏而令歲月徂既經離草木未必在江湖金  
縷筵前唱香醪柳外沽人生能幾日不復住斯須

重遊綠雪園亭

不解林泉興重來覺更幽鳥傳枝上韻花點石邊秋歌  
舞知誰在清閒供我遊相逢恨已晚獨坐小山頭

訪劉老鶴不遇

不信老將至詩情覺倍狂朝尋愁路遠夜語託更長門  
在春風掩花開夕照涼此來猶不遇會面卜何方

寄懷城中諸友兼謝黃瘦石招看桃花

剪剪東風暖融融霽色新花光連綺席豪興滿嘉賓野  
外風塵老天邊雲樹春桃源雖有路愧謝武陵人

題劉老鶴騎牛圖

知章風流馬上醉浩然詩思在驢背若何獨愛騎青牛  
情興飄然神仙類先生讀書窮五車先生素志凌烟霞  
時事太平尚耕讀且耕且讀看桃花

落葉限韻

歷亂乘秋下碧空飄零滿地恨無窮山林有約年年易  
天地無私樹樹同蕭索徒教悲暮景剪裁何必費春工

東華詩集卷之二十八

主

文淵

衰頽縱有霜華染多半斜陽慘淡紅  
原將暗綠補殘紅轉眼誰知綠又空偶帶濕螢飄上下  
遂隨流水各西東落花已化無根草萬樹先悲一葉桐  
辜負陽春多雨露生涯偏仄是蒼穹  
淒淒策策一林風吹散乾聲萬壑中枕上驚聞鳴夜雨  
庭前又聽叫寒蟲飛開復合隨鴉影掃去還來點菊叢  
不是老夫愁對女鬢凋齒脫頗相同

軍山訪劉南廬不值

山腰新闢路何長歷盡烟霞問草堂深鎖桃源春寂寂  
不知何處覓劉郎

荅謝五凌洲寄懷

久滯孤城鬱不舒多情來雁幾封書每于夢寐懷君切  
接讀詩篇覺病除花下殷勤調藥餌樽前寂寞數居諸  
東籬共有黃花約擬伴陶公醉草廬

蘇嗣裕

字陰南號寶田邑諸生

九日病中

龍山曾有約病骨悵何之呼婢移花盞看兒滌酒卮秋  
陽暄可愛樹影瘦難支坐久渾無賴還尋舊日詩

寄瞿道士

東臯詩存卷之二十八

七

文園

黃冠近日頗紛紛誰及瞿公道不羣運氣夜深開劍匣  
翻經臺迴仰天文丹砂煉就壺中術鐵笛吹來海上雲  
鼓棹何時松鶴畔藥爐茶竈一逢君

贈管正紀先生

迤邐南環路悠然半畝宮品高松竹外交淡水雲中靖  
節饑能忍叅軍句更工溯洄何限意時一繫孤蓬

酬仁老招飲賞梅

纔踐看花約旋過綠水隈草堂三日別春色十分開疎  
影橫窗度清風入座來幸逢蕉葉飲談笑倒金罍

管率祖座中作

乘閒又到子雲居斗室春和雨過初早命兒曹辭宴會

好留賓客侍庭除時伯子雲度香浮臘雪新有人招不赴酒美薦

春潮出網魚監史雖嚴翻大笑狂奴故態竟何如

過鉅金園

東風雲葉漏晴光簾幙春明晝正長悵主人何處去  
開軒一榻紫蘭香

重九前一日登後山

預踐登山約行行柳岸斜丹楓明遠水白袷染秋霞習  
習風吹帽微微月印沙醉來眠短草老興更無涯

南齋感舊寄梅林

東臯詩存卷之二十八

大

文園

一天明月漾清輝夜坐懷君靜掩扉鄙吝爭消黃叔度  
風流競尚謝元暉花邊臥醒蛩吟砌石上吟成露濕衣  
幾度徘徊嗟往事空留素影伴人歸

王之楫

字右蘭常州府人寄居如臯遂家焉

秋郊晚步

緩步斜陽晚丹楓照眼明四圍山聳翠一路鳥爭鳴雲  
影隨風度烟光入暮清秋來人意爽有句不難成

客窗有感

金井鴉啼怯暮寒不勝清怨倚闌干露沾白袷和雲濕

風妬黃花帶月看底事疎狂常作客可知愁恨也無端  
強吟莫慰窮途苦老去尤驚行路難

朱清源

字朋來

桐香書屋

桐花馥馥倚牆開便有秋風過院來一片清芬薰翰墨  
十圍寒碧浸池臺托根自傍龍門客養氣還儲鳳閣材  
靜對銀牀深夜讀月明珠影落蒼苔

葛萱

字

東華詩存卷之二十八

尤

文園

登山

天風吹袂躡丹梯簷外輕雲與檻齊暝色平連山遠近  
水光遙映樹高低半簾蒼翠堪圖畫滿眼風烟入品題  
此去星河剛咫尺欲從飛鳥玩婁奎

艤棹

舟臨崇武泊江干暝樹昏鴉倚棹看殘雪未消千嶂白  
薄衾無奈五更寒疎狂季子金將盡潦倒馮生銹尚彈  
萬里孤臣身一葉何時飛鳥上長安

旅店

一身羈跡滯天涯暫寓城南野叟家四壁寒風吹蕙帳

半窗皓月聽鳴笳遣懷恨少中山酒破睡頻傾北苑茶  
自是客懷眠未穩非關無夢到梅花

雪

天際同雲凍不飛曉來滕六遍柴扉光含柳眼迷春色  
寒勒梅花照客衣東郭行踪何日見霸陵詩思隔年違  
東風乞與離人便免向窮途賦式微

湯世杰

字拱宸著有南江集

煬帝行宮

迷樓絲管醉朝昏顧影終憐元武門一夢難臺忘故國  
東華詩存卷之二十八

于

文園

千年行殿鎖烟村蘼蕪落日鈿車路蛺蝶春風玉女魂  
終古簫聲明月好君王何處再承恩

秋葉

向夕隨鴉散驚秋落杵鳴西風送霜信一夜滿江城物  
感豈能久聲淒多不平飄零最憐汝春日苦爭榮

遶馬

風勁拳毛動秋高壯氣驕夜營一長嘯霜月慘無聊踐  
草沙飛雪窺遶戍擊刁擬將突胡騎汗血報王朝

凍硯

書足記姓名男兒安久事壁水凝晶光冷徹凌霄志揮

毫臨墨池鬱鬱不得意感彼榮辱情撫之不能置雪窗  
暄微陽隸几舒雲氣洪崖不可求翰染徒委棄日暮掩  
吾盧冰池冷無味東風開有時春波沒有地君看雷霆  
興空山頓駭異

壯士行

出門兮無功折寶刀兮哭秋風猛士紛紛兮吾誰適從  
雨中口號

今年春色無情緒雨雨風風不見春莫上錦江江上望  
烟波三月正愁人

青山繞郭綠楊斜楊柳門前賣酒家十日孤村積梅雨  
東華詩存卷之二十人主文圖

一江新水漲桃花

渡頭漠漠晚烟霏寥落江村又掩扉明日尋春春不見  
一春春雨送春歸

戲題太真春睡圖

纖腰舞罷嬌無限倦倚春風醉欲斜一枕紅羅香夢好  
不知還到壽王家

項王廟

虛堂蕭颯半蒿萊背盟鴻溝怒未回十七城亡彭越失  
八千兵散楚歌哀昏黃鐵甲鳴金出風雨烏江走馬來  
百戰精靈祠祀在長陵宮闕劫飛灰

新晴

積雨朝忽霽鳥聲呼獨眠開窗豁愁眼萬物各新鮮此  
境邀清賞春風似昔年萋萋幽草色天意肯垂憐

清涼山題壁

四圍山色合一徑入峴巖石瘦凝蒼蘚雲深籠碧杉寒  
泉自今古老衲絕塵凡終日長江水悠悠送客帆

景忠烈祠

曉出金陵城羣山雜蓁莽夕陽亂峯西返照荒祠上緋  
衣畫壁血猶腥凜凜虛堂瞻遺像憶昔仗劒氣如霜歟  
罵快齒猶倔強碎磔骨肉何足惜九原歸去遇高皇忠

東華詩存卷之二十人主文圖

魂雖死不受縛長安門前屍斷索可憐英氣貫天地皮  
骨空存仍怒躍即今燕子何處飛空山巖廟對寒暉麻  
衣痛哭者何人相與終古長歎歎嗟哉孝陵一抔土鍾  
山壁立空崔巍

范乘

字容駟號壩四太學生宙留先生季子

先君手植盆梅二種每花時輒坐對賦詩今年

盛開先君已辭世矣觀之凄然

香斷燈昏月影清霜華開綻尚精神去年人日花前坐

針罷題詩到五更



條見梅開再檢詩摩挲手澤動悲思半生辛苦雕龍筆  
玉立仙班第幾枝

李昭鄰

字軒臣號仙岑鄉謚文惠先生著有學詩堂  
存稿

哭江靜齋業師

連朝風雨淒閉戶翻書簾忽聞訃音來哲人嗟無祿憶  
昔從遊初櫟材叨刮目雪案數晨昏談經不厭複追隨  
年復年情好惟予獨吾師性冲和見者皆親睦善氣自  
迎人不啻芝蘭馥矯矯絕人羣清標比松竹軒冕直泥  
塗榮名非所逐放懷天地寬掃去愁千斛 聖主重名  
賢花縣需良牧翻然就公車蒼生待蒙福胡天不弔兮  
瑤臺返駕速修德獲報窮親朋同一哭我更依門墻能  
禁淚盈剝揮淚寫長辭招魂恨不復

徐自西 勅建孝子坊

浮雲富貴安足論無慙名節世所尊徐孺後裔有奇士  
殺身不恤人倫敦幼年失怙依阿母至性匪獨在晨昏  
母病垂危艱藥餌抽刀剗肉置朝飧病入膏肓不可救  
子血淋漓幾斷魂顙地呼天創復甚一朝畢命謝慈恩  
二十餘年不磨滅及今 丹詔表其門大義自應昭史

東華詩存 卷之二十八

圭

文圖

冊聞揚端賴有兒孫兩世心源能會合胎謀奕葉見靈  
根吾徒聞風益慷慨自顧罔極在歿存微才灑淚効陳  
辭百年虛度復何言

吳方漪齋頭十月初放牡丹二枝索詩賦此

漏洩陽和十月中流霞成錦靄亭空何須凍葉千層碧  
卻染霜枝兩朵紅富貴偏能娛冷眼繁華不獨占春風  
為君快讀眉山句新巧應知是化工

冒四相

字又僑一字東里邑文學

晚歸草堂

東華詩存 卷之二十八

圭

文圖

北風栗冽行人少薄暮衝寒意轉忙一片荒墳經野火  
幾枝衰柳臥橫塘遠空漠漠雁行細落日沉沉鴉影長  
十載驅馳休未得歸來馬首有新霜

冒導

字銳峯一字檄北雍正乙卯科舉人

泰安道中

山勢似城郭西南一徑開隄高路覺險澗淺石成堆冰  
鑑光堪照瓊花地滿栽慙予詩思澁對此少新裁

將赴公車留別同邑諸親友

荒雞促客起匆匆行路蕭條值暮冬野徑暗嫌寒月淡

故裘冷覺曉霜濃，驚駘易躋青雲步。瓦缶難諧紫禁鐘，珍重臨歧分手意。圖南終恐困書傭。

宿遷道上口占

離家八百里，作客一句餘。久覺詩書賤，偏驚歲月除。暮林還倦鳥，驛道遡歸車。獨有長征者，經年總自如。

秋村晚眺

返照留林杪，哀聲出雁羣。我心全不憚，閒煞是孤雲。

顧元

字伯良，雍正己酉拔貢，廷試一等發陝西。

以知縣用，尋卒。

東臯詩存卷之二十八

文圖

懷友人讀書塔山

半帆春水載書囊，深广軒開傍石梁。山色似分文筆秀，詩情不讓暮潮狂。松林颯颯齋鐘晚，塔院沉沉客夢長。何日僧林聯好句，黃泥<sub>山名</sub>深處話蒼涼。

登燕子磯

參差江樹遠含情，帆卸磯頭潮正平。山頂浮圖雲裏出，蘆間漁火浪中生。蛟龍窟宅佛狸園，楊柳枝搖鬼臉城。形勢莫誇天塹險，後庭能唱幾新聲。

遊弘濟寺

石磴峻增嵐氣侵，橫空傑閣倚孤岑。窗前直湧大江水。

屋外高撐祇樹林，虎踞龍蟠空王氣。潮平日落見禪心，登臨不起興亡恨。何處歌來江總吟。

己酉十月客澄江，從外祖吳公研北暨吳趨張

翼亭崇川錢松苓登君山

從遊晴日踏溪灣，籬落斜通蘭芷間。江水望中嵐氣遠，茶烟靜處老僧閒。捫蘿攬勝人皆韻，揮麈談經石不頑。若信如來真實語，幾忘人世在塵寰。

攬身直向高峯立，滿目荒涼繫客思。老樹能撐山上屋，殘碑已沒石間詩。江橫素練寒光動，山繪脩蛾望眼疑。回首遷延緣麓坐，誰人指點說當時。

東臯詩存卷之二十八

文圖

斜橋早發

烟樹迷村舍，霜橋淡野津。寒風銛刺骨，道上有征人。

羅漢松

羅漢歸何處，青松留草亭。枝長疑挂衲，聲颯似翻經。霜骨撐三界，龍鱗燦衆星。由來八百座，只此現空靈。

寒食後一日同年吳恒叔以遊宛平相國怡園

看桃花詩見示次和

昨日同年友偕遊太傅家，正逢寒食節。開出一春花，詩思清于水。風光燦似霞，暢遊欣勝賞。起舞帽欹斜。

章茗思

字儼若號陽陂邑增廣生清溪先生子

歸舟作

故園遙在目帆挂曉暎初兩岸鄉音熟雙槳古渡餘到家收晚稻望海識歸漁此際懼無限兒孫趨向余

余洋

字星源號半繭 慎郡王賓客銓巢縣縣丞

丁艱未任著有于路草燕臺集

擬古

茆屋結山阿地僻離塵俗寒暄遞推遷榮枯識草木野叟坐其閒亦任韶光速目盡古今書絕交息征逐柴扉

東華詩存

卷之二十一

五

文淵

畫不開膝琴養高躅

高懷與世疎葺茅隱深谷絕無車馬過往來見樵牧把酒對殘篇狂吟傾百斛斗室有餘情天地覺迫促

愛此幽居靜開窓對綠蘿松風吹短褐溜水落層坡徑仄苔茵滿山深鳥語多遙情寄天地白髮任婆娑

荒山不見雲古寺臨江浦雪浪卷長空汗泚驚舟賈富貴洵浮名勞生亦自苦逝者如斯夫誰復能為主

午日

半晴半雨麥秋殘榴火簷前帶醉看漫展楚辭悲屈子懶彈劍缺薄馮驩去年艤艇憂河涸今日披裘說夏寒

人事紛紜酬酢厭且將杯酒強追歡

留別故園諸同學

攬轡登車學浪遊西風衰柳動離愁風高雁唳千山月露冷蟬吟萬樹秋半世浮名真若夢十年拙計竟如鳩萍踪從此天涯外遑問梁州與趙州

暮春客中索飲

荼蘼未謝老將離孤館蕭條動旅思樹上青黃梅似豆風前長短柳如絲驚心客裏春歸速極目天邊雁到遲無限鄉愁羞對月欲舒還得借君卮

試爐節哭亡內墓前

東華詩存

卷之二十一

五

文淵

孤村荒草路遙遙長揖墳前酒自澆何忍百年當此日不堪一祭是今朝蘆花瑟瑟秋先老楓樹蕭蕭葉早凋清淚為君流作血可憐沉恨幾時消

留別揚州諸友

故人迢遞隔重城今日相逢又遠征十載猶貪雞肋味半生空負虎頭名涼風樓上蘆簾卷細雨江邊弱葉鳴淚灑離亭分袂去天涯回首不勝情

晚泊金陵

長干維短棹遠客罷孤征衰柳迎秋老殘霞送晚晴人爭江口渡鐘出石頭城回首鄉園路迢迢無限情

復過邗江僧舍喜晤魏鈍夫顧合揆兩先生未  
及盤桓即欲發棹就席敘別

蕭寺殘鐘促漏聲故人重晤酒同傾三年踪跡嗟彈缺  
兩鬢風塵媿耦耕往事總成顛倒夢新詩又賦別離情  
片帆愁是明朝去江上蘆花黯客程

鹽漬留別宋滋菴先生

尊前綠酒泛燈紅傾盡殘更語未終六載睽違驚轉瞬  
三旬虛度歎飄蓬無緣久坐春風裏有恨常添夜雨中  
况是明朝江上路難憑鴻燕定西東

舟至淮安

東阜詩存卷之二十八

元

文園

蕭蕭蘆荻亂黃昏一葉扁舟過海門遠園蒼蒼寒鳥集  
古城漠漠暮雲屯牽愁衰柳橋邊市敲夢秋砧郭外村  
懷古幾回驚逝水韓侯何處釣臺存

郊城道中

百折崎嶇道孤踪去轉賒充腸強黍稷撲面惡風沙馬  
倦村難到山深日易斜江南千里外回盼白雲遮

曉發德州

幾揭疊鼓動嚴城風勁霜寒馬不行冰結溪橋秋九月  
人離茆店夜三更漫漫陰壑啼猿咽寂寂荒林宿鳥驚  
悔不故園高枕卧綠窓紅日老平生

客中除夕

天涯歲晚轉淒其雨雪霏霏春未知獨舉柏杯傷作客  
遠離親膝愧為兒詩留一卷心灰後蠟盡三更夢冷時  
半世浮名流水去空餘兩鬢欲成絲

早春

酥雨初沾澆堦前萬物知草芽萌處處柳眼醒枝枝  
帝里鶯遷早家園雁信遲旅愁無以慰特地醉春卮

即席

蕭灑樓臺郭外村雕闌曲曲鎖苔痕一庭花發知三月  
四面窓開見九門翠館繽紛遲玉漏華燈燦爛映金尊  
東阜詩存卷之二十八  
辛  
文園

卧病

主賓歡聚春光好莫把閒愁向此論  
俯枕門恒閉渾忘日影斜羈魂驚落葉瘦影比黃花祛  
病方難覓經秋思更加何當霜鬢改攬鏡動長嗟

枕上偶成

可耐淒其夜霜飛欲曙天鐘鳴殘夢後雞唱曉星前好  
景嗟虛度浮名惜浪傳空牀衾簾冷反側不成眠

偶成

故鄉遙隔萬重山雲樹悠悠杳靄閒安得此身同燕雀  
朝來飛去暮飛還

秋夜不寐

寄踪蕭寺有誰同燒盡孤檠漏已終  
斷續蛩聲悲夜月蕭疎梧葉下秋風  
三年辜負東籬菊尺素沉浮北塞鴻  
萬種閒情眠不得殘鐘聽徹建章宮

九日金臺

薊邱城北古金臺兩過重陽客獨來  
紅葉半隨秋信老黃花多傍野墟開  
徘徊空憶參軍事感慨徒憐國士才  
日暮倚闌鄉思遠水雲登登幾時回

清明

空齋獨坐自欹歔細雨連宵客過疎  
兩載虛逢寒食節東皇詩存卷之二十八  
文園

三春纔接隔年書烟鋪綠草迷荒塹  
火灼黃錢越古墟最是棠梨開謝後  
杜鵑聲咽更愁予

僧窻偶感

寄跡禪扉半榻塵布衾紙帳老閒身  
貧因病累醫難効懶與愁兼硯不親  
年去年來惟負月花開花落可憐春  
浮名空戀忘歸去彌勒蒲團靜笑人

中秋對月

病起逢佳節離懷得暫開愁輕詩易就  
月好漏休催玉露滋丹桂金尊瀉綠醅  
及時須遣醉不惜玉山頽

登臺

蕭蕭紅雨逐風飛遠上高臺歷翠微  
萬疊烟雲迷夕照千家砧杵疊秋衣  
山皆北向連邊塞水盡東流遶帝畿  
日暮緩鞭歸路遠帶回明月滿荆扉

春日偕友人遊西山過門頭村馬上口占

柳線榆錢夾徑幽青黃菜麥望中稠  
山來人面雲橫出天插湖心日倒浮  
馬上聯詩穿谷口村中貰酒問門頭  
年年此地春光好不負今過五度遊

敬步 二十三貝勒過荆軻墓韻

慷慨酬知遇悲歌著九州壯心明白日  
易水咽寒流不見強秦在徒憐古墓留  
荒林寂孤兔明月幾春秋

東皇詩存卷之二十八

文園

敬步 慎郡王過賈島墓韻

林木蕭蕭幾葉翻夕陽斜處弔吟魂  
斷文碑立房山古環壠沙衝易水渾  
瞻眺雅懷留帝子躊躇芳草憶王孫  
當年驢背詩名重贏得荒邱此地存

送易公申先生歸楚

晴雨初收卯色天離亭折柳一潸然  
梁園半載論交重衡麓千峰別夢懸  
把袂難留君此日歸鞭未卜我何年  
馬蹄羨煞春三月看過青山紅杜鵑

見西山積雪

帝城節候異江南二月東風尚冱寒  
堤上柳條吹不醒

西山猶在雪中看

味甘亭夜坐應教分香字

亭迴山當檻窓虛月滿廊烟痕留石色風陣識花香久  
客憐平子深恩感孝王青尊傾永夜戀賞詎能忘

味甘亭聽琴

亭月淨如水張琴客未眠坐中霏白雪指下起蒼烟靜  
若龍吟海清同鶴唳天絃絃多古意絕唱擬成連

晚登隨園假山望西山應教分來字

壘石高於屋看山數到來遙峰晴不斷薄日暮相催天  
接關門迴源分濤水迴寺名三百六盡在白雲隈

東臯詩存卷之二十八

文園

慎郡王以詩贈歸步韻留別

因奉萱堂命離筵一和歌徘徊鄉路遠珍重別情多質  
愧菰蒲陋恩邀水乳和臨歧承訂約重望醉顏酡  
豈不戀崇眷春風強踏歌田園荒穢久歲月遞遷多馬  
踏冰初泮鶯啼日已和西園今夜酒拚取別顏酡

登車 王賜賸儀敬疊前韻誌謝

三年知遇重遽忍賦驪歌情繫親年老愁牽婦病多計  
程嫌日遠攬轡趁風和拜賜增顏報非闕着酒酡

春夜席前聞李繡峰黃蓉湄歌應教分齊年韻

酒酣月轉画廊西春色芳園萬卉齊一曲新聲花外轉

嬌鶯結舌不須啼

衛玠潘安兩妙年歌拋珠串聞芳筵幾回顧影羞衰鬢  
傾盡金尊未忍眠

留別萬君際

廿載交情爾我真重來又別倍傷神朱門久託顏應厚  
白髮空歸路更貧雲水接天歌慷慨關山勒馬話逡巡  
離筵拚醉杯中酒滿腹牢騷不可陳

題雨中春樹

東風無力雨無絲喚過山鴉樹綠時多少婆娑漢南柳  
十圍猶似昔年姿

東臯詩存卷之二十八

文園

題冒何文漁樵圖

江臯舊樵人新銜署漁父莫又拋漁竿一如擲樵斧秦  
淮浪泊天嘔軋鳴雙舫有生狗浮名醫和所謂蠱易惑  
不丈夫百年何自苦

東臯詩存卷之二十九

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

吳毓賢

字鹿書號夢蕉邑廩生著有蜀遊燕遊入關

雜詠中州雜詠甬東唱和諸草

儀徵縣

我愛真州好天然景色閒背城揚子渡隔岸石甌山漁

東臯詩存卷之二十九 文園

艇菰蘆裏人家竹樹閒烟波飄渺外飛鳥夕陽還

鹿邑道中早發

向晨雞未唱愁轡急登程殘夢猶堪續雙眸不肯明樹

交低月影露重濕鐘聲可奈勞勞客還過苦縣城老聃生

苦縣城在鹿邑界內

許昌懷古

殘壘荒涼舊殿基當年事業太凌夷貂璫西橫人才盡

翟孫東垂國祚移帝子牽衣天地黯中宮破壁鬼神悲

至今麥秀蘄蘄處戰血腥風薄暮吹

潼關

雄關高立跨崔嵬曉日曛曛四扇開西嶽中峰分聳峙

黃河清渭兩襟洄得形已足金城固扼險誰容鐵騎來

天府何緣稱百二漢陵唐闕盡成灰韓昌黎詩云日出潼關四扇開相公

親破蔡州迴

登華陰廟五鳳樓望太華

夕息華陰縣暮入招提院拾級登層樓名嶽當牕見崩

劣帶遠天合沓連遙甸蕩涵有雲霧閃爍疑激電巨靈

一片玉青坪千尺練三峯類削成飛猱升亦倦雲中司

寇冠我我如會弁西接終南峯峰勢蔓衍睇鵬濤腰

收倏忽嵐光變神智肅且清目光定復眩九節杖安在

東臯詩存卷之二十九 文園

玉女盆可羨倘可遇希夷挾我乘風便

華陰廟古柏

古栢何年植輪菌數十圍交柯抱別樹老幹削孫枝苔

蘚參天怪虬龍拔地奇不緣忠武廟安得少陵詩栢內槐已合園土人謂之栢抱槐

王景略墓

三尺荒墳蔓草中久從青史識遺風雄談捫蝨凌司馬

雅望蟠螭擬卧龍符堅與猛書曰卿蟠螭布衣朕擬卿於卧龍磊犖奇才終

遇主飄零下士應羞公千秋過此饒英烈颯颯回飈吹

短蓬

過郭忠武王故里

劍閣鑿輅蒙塵日靈武雲梢草創初若使忘家非尚父  
大唐社稷竟何如

震主勲名退急流暮年林下是真休春風珠玑三千士  
明月笙歌十二樓

昔日樓臺甲帝京雕楹玉碣勝蓬瀛誰知舊宅今為寺  
簫管聲成梵唄聲張籍法雄寺東樓詩云汾陽舊宅今為寺猶有當時歌舞樓

陳希夷墮驢處

芒鞋久未到人間得得青驢出華山不訝黃袍事倉卒  
為他定亂一開顏

東華詩存卷之二十九

三

文園

蘭相如墓

膽識千秋壯邯鄲倚棟梁壁完歸趙土血濺懾秦王  
月流荒隴黃腸毀便房壽春上將塚相隔兩茫茫廉頗墓在壽春

過華清宮故址

每日朝元薄暮開霓裳舞接紫雲迴宮奴伴宿攜衾去  
浪子偷聲擲笛來燭燼正遺諸姊烏月斜還關五王杯  
清歌徹夜無停拍寧識風流有劫灰

澀浪瓊甃泛錦鳬麝蘭香沁玉肌膚纖柔入水都成怯  
滑膩凌波總不濡雲鬢亂梳拋枕睡雪胸半褪倩人扶

長門尚有梅精在曾遇春寒賜浴無

禁院深深障碧閨黃虬潛伏渭川西杜詩化作長黃錦虬謂祿山也

綳三日低迷笑翠帳通宵婉轉啼太液金錢猶續賜漁  
陽鐵騎已長嘶無端風雨摧芳艷空使花枝踏作泥

遊碑洞

貞觀初罷破陳舞弘文廣植圖書府四庫充初九勢精  
終南刊石成字圖碑版插笏多於林陸離瑰怪滿廊廡  
金薤錯落配虞敦篆籀縱橫擬石鼓偃波詔版出漢宮  
六國芝英誰參伍羣鴻戲海鵠游天雄逸跳龍兼卧虎  
歐虞褚薛一代才北海平原重三輔歷代遞嬗結精英

東華詩存卷之二十九

四

文園

鏤鏤光芒射王宇世寶久聚洩元機神鬼妒淫天工怒  
突來向珙鎮長安摩挲無厭居民苦往往往磨治數十碑  
字畫模糊不可數復遇霸橋久傾圯修橋京兆值倉父  
一似阿耨不識字磨碑刮碣作橋柱兩經奇厄勝羸火  
至今零落不全觀跌底龜龍多齧缺蟠角蛟螭盡墮寐  
風剝雨蝕隨屋仆半漬蒼苔半宿莽我來覩此重歎息  
傷心委棄同塵土何當廣取南山石一一重勒垂千古

冒南坡至自都門雨牕夜話

君來京洛染緇塵我亦征衫馬汗新入室同為初到客  
離家俱是隔年人他鄉風雨驚心慣故國鶯花入夢頻



二月已過寒食近龍頭望斷一枝春

送冒思堂東歸

分索東西後襟懷祇自知  
收君遊子淡增我客途悲  
明月終南影秋風灞柳絲  
天涯孤館夢夜夜到江湄

送冒燮廷歸里

菊黃時候着歸鞭  
遙數還家小雪前  
宿鷺羣依初退水  
新蟾斜挂欲霜天  
江鄉正薦長腰米  
港口爭持縮項鰻  
燮廷居近南江風景故園看愈足  
不知還憶五陵烟

宿寶光下院

危峰落日下午梵  
宇足清幽暮鼓千山靜  
風鈴一夕秋旅

東臯詩存卷之二十九

五

文淵

人真寄客野興軼浮鷗  
夢亦塵寰外凌虛到十洲

徐建中

字瞻雲孝子自西子貢生  
舉孝廉方正著有

醉鄉詩稿

遊金山

一到金山寺蒼茫迴出羣  
波光宵湧月峰勢曉參雲飛  
閣憑虛構疎鐘度水聞心  
頗俱已淨回首世全分

棲霞道中阻雨

未到棲霞境山雲咫尺迷  
人罷難冒雨驢瘦怯衝泥  
野店低檐入村醪絡甕提  
燈殘漫枕手夢斷一聲雞

遊寶華山

乍識寶華面巉巖倚碧空  
履行萬木杪人在亂山中  
捫蘿讀殘碣披雲問梵宮  
登巔一迴顧林壑香難窮

宿寶華山慧居寺

銅殿峙山巔羊燈挂佛前  
鐘殘心印朗僧定意珠圓  
清冷宵無夢虛閒景有禪  
幾時拋物累來此學金仙

余漢

字天章號楷園又號我齋  
著有四宜軒詩鄉人私謚  
文介先生

田園即事

東臯詩存卷之二十九

六

文淵

飛來一片雲遮我碧牕  
月深夜雨滂沱凌晨猶不絕起  
視田疇閒槁苗盡皆活  
匆匆翁與嫗無煩憂旱魃屈指  
一百日此雨應春雪  
負耒出茅簷耘耔自不輟家有廿  
歲兒讀書是其末今年婚娶成  
辛苦亦怡悅

偶感

質美身之災才高未為福  
猶草不如蘭蘭萎猶還綠  
苦棟不如橘橘落棟在木  
明珠生水中探待驪龍宿  
壁玉石包藏用必琢其璞  
珍奇神不完令人常手予我  
亦有所思佳人在空谷日薄  
天黃昏蕭蕭風弄竹

病馬

伯樂滿天地無緣遇却難獨憐泥滓卧誰作渥洼看千里志雖在五花文已殘但求逢市骨身後亦心安

江干晚眺

薄暮灘頭望來偷半日閒潮平臨水寺雲起隔江山蘆首因誰白楓顏為底斑羨他歌款乃雙艇打魚還

謝友贈藤杖

故人千里外惠我黃山藤優老堅添力扶危瘦沒稜推詩敲戶得沽酒過橋能獨媿逾稀古天朝策可登

早卧

酒價高難貴無聊索寢安比年身易老九月夢先寒戶

東臯詩存卷之二十九

七

文圖

閉憎蛩鬧籬荒厭菊看明知秋夜好空誤月團圓

送別劉元次歸里

放梅天閣小春陰作客情因送客深岸隱孤帆離古渡風飄剩雁落空林徒憐豪宕傾樽酒未得留連愜素心從此故園花底月輸君無限短長吟

竹林寺

雲峯數里入禪扉曲徑幽堂竹四圍接葉綠陰消暑氣侵衣碧影透晴暉風吹松子徐徐落鶴帶藤花故故飛偶到林公泉畔過逢僧清話竟忘歸

石頤

字正也一字養齋號頑仙太學生著有皖江吟武陵遊草瓠浮軒詩集

秋晚漫興

西嶺高春落空庭夕靄浮杯深惟對菊人淡最宜秋啄雀爭來去寒蛩自唱酬清風時舉舉慷慨發商謳

登佛慧山

不盡登臨興扶筇到上頭路隨青嶂曲寺倚白雲浮海日迷前浦山城枕碧流晚風人影亂簫鼓下林邱

正月九日同人泛舟大明湖遇雨登歷下亭痛

飲

東臯詩存卷之二十九

八

文圖

幽尋肯放片時間十頃湖波曲幾灣小艇尊壘濕春雨古亭歌嘯啟花闌城迷北極烟橫閣樹暗華不韞霧擁山劇飲莫嫌能赤面韶光正欲媚蒼顏

同人飲汪惇士棗花書屋

連朝酒興兼詩興誰道他鄉異故鄉不履不衫攜友至一邱一壑引杯長書傳南雁秋初老人醉西風菊正黃為想小山舊茅舍淮南三逕未全荒

時寄家書

寄汪菊田徵士

夕雲舒復卷落日亂歸禽念我菊田老空齋抱膝吟藥香杯酒膩槐古晝陰沉往事猶堪憶離懷春水深

亦戀長安好重遊未有期愁多還自遣交淡最相思雪  
盡山呈態風柔柳宛絲詢余近何事覽鏡鑷霜髭

對白菊待月

白菊一枝鮮且潔不有明月誰為儔瓊樓玉宇杳何處  
滿庭霜露悲殘秋投壺王女倚闌闌弄珠仙子臨清流  
俯視號國作婢子淡掃仍覺蛾眉羞牀頭還有白衣酒  
滿斟玉碗盈冰甌大醉倘恍到月窟手把蟾兔涼風颭  
素娥亦解白紵曲低眉為我商聲謳

釣突泉

天上三星影倒開誰將清淺鑿蓬萊釣分石竇驚噴雪

東臯詩存卷之二十九

九

文園

突迸山根駭聽雷劫火不曾傷地肺老龍何日墮珠胎  
週圍仍是平如鏡半護沙明半綠苔

題李晴江墨梅

古人惜墨重於金使君潑墨定一斗從來能潑在能惜  
譬諸有為必有守古人鳴琴單父理使君讀畫莒州治  
又如治理通画理不屑脂粉飾觀視君如梅花姿芬芳  
浮動陽春滋我如梅花骨明月清風老硯研吁嗟此骨  
莫浪誇巖壁老鐵何時花空堦躊躇兩手又舉頭忽見  
蛟螭拏思君落筆何鬱勃爾我肝肺原槎枒

人日立春

扶桑初日擁奔輪一片晴暉萬象新七種盤挑紅甲菜  
九衢春媚白頭人暖生綵勝星回次寒斂青幡月建寅  
只有梅花消息杳江南江北望中頻

元宵

今夕是何夕金吾禁未曾如何一輪月不照六街燈我  
有維摩室心同雲水僧高歌當絃管消盡酒三升

口占

自有閒情自詠詩肯教風格世人知曲欄干外斜陽裏  
正是蜩鳩決起時

中秋和友人韻

東臯詩存卷之二十九

十

文園

早見東峰皓月明老蟾叱馭出滄瀛一年佳節今宵好  
萬里秋光蒼漠清乍可驅愁詩幾卷不堪搔首雪千莖  
瓊樓玉宇渺何處蕭瑟空堦落葉聲

癸亥試燈日

主人東閣娛賓夜客子蕭齋洛誦時明月不隨歌管散  
三更伴我醉題詩

習禪

不妨彌勒與同龕禪誦清齋我自諳一鉢葵羹顏可駐  
六時梵唱興尤酣聲聞乘裏牢愁破去未因中蝶夢探  
我本淮南鴻寶客由來仙佛豈殊參

平原弔顏真卿

唐家天子倦精勤，鼙鼓煽動漁陽兵。大河以北廿四郡，  
義士獨有顏真卿。廟廷再造功偉矣，惟公實先郭與李。  
如何孤忠百鍊身，不陷祿山陷盧杞。平原祠廟蔓草荒，  
寒風颯颯悲斜陽。我來臘日正飲蜡，椒漿憑弔貞魂香。  
盧杞希烈終黃土，公之精英昭萬古。

考城渡河

極目荒城烟霧生，片帆遙渡晚風輕。濁流不洗江淹恨，  
蔓草平原今古情。

觀雪

東臯詩存 卷之二十九

十一

文園

曉起披六籍，前修洽心賞。尚友安敢希，孤懷結遐想。  
凍雲壓檐楹，寒氣侵簾幌。迴飈然至雪，片大於掌蕪。  
滿空庭霽霽，來決莽硯席。發幽光，竹木聞餘響。蕭蕭高  
詠人，肝肺共清朗。

隋苑

大業當年駐翠華，江山永作帝王家。離宮四十迷春旭，  
殿脚三千亂綺霞。皓月不明螢苑啓，東風常住柳堤斜。  
李花一曲歌河北，只有龍舟滯水涯。

五山野步

山色蒼茫裏，秋光曳杖尋。村園叢樹碧，江湧片雲陰。里

社雞豚古，西城歲月深。鄉民知敬老，扶我過前林。

宋太祖廟

夕陽西下噪棲烏，落葉空山廟貌孤。誰料中原經百戰，  
却教俎豆在西湖。

湖上春望

黃鸝聲裏日方長，湖上遊人種種忙。沽酒遠尋和靖宅，  
汲泉先薦水仙王。烟花閨苑開瓊圃，鐘磬蓬萊作道場。  
獨立蒼茫山色暝，東風吹動袷衣涼。

馬介夫惠太白山茶，兼將余二十年前同李東

門鄭瀛洲遊太白山題辭之句錄寄一紙

東臯詩存 卷之二十九

十二

文園

憶昨太白山中宿，山水清音奏絲竹。二老相攜話庖犧，  
科頭曳杖歡常足。幾頁蒲帆返故鄉，日月與人俱碌碌。  
重來那問舊題詩，依稀記得山雲綠。多君抄詩郵寄我，  
使我見之涕盈匊。宿草三年悲李翱，馬鬣新封哭鄭谷。  
兼頒太白雨前茶，江水烹之香可掬。讀詩懷人啜新茗，  
廿載居諸如轉轂。悲歡莫待靈氛占，去住休尋季主卜。  
只合高卧湖山閒，置酒一壺書一束。

偶感

靜想吾生事事乖，廿年浪迹走塵埃。眉何堪白還頻皺，  
眼頗能青不教開。猿鶴有情招我老，蓬蒿無恙待人回。

昨宵夢到淮南路，叢桂秋風酒一杯。

傳聞林太史招飲

宿雨乍收天影碧，晴雲冉冉如絮擘。高齋靜絕暑不侵，  
手把松枝勸浮白。率真肯使拘形骸，解衣直教露肝膈。  
愛客爭傳陳孟公，喝盞飛觴恣歡劇。清風徐來蟬鳴樹，  
沉醉不知日之夕。座中大戶汝南君，周雪舫分司我亦老狂  
忘落魄。

遣懷

勞勞人境裏，倦客竟何須。老覺塵緣淡，閒知道味腴。  
疎簾風折笋，檐燕雨將雛。又到上燈後，清斟聽漏壺。

東臯詩存

卷之二十九

三

文圖

題山水送杭大宗太史主講粵東

麟閣才人嶺外行，東風三月片帆輕。沉香浦接花田綠，  
拾翠洲連瀧水清。客館夢回啼越鳥，講堂春盡長新橙。  
青山一幅添離恨，何處烟嵐是去程。

送全謝山太史主講肇慶

輕帆遙指爛柯山，在三江五嶺閒。笏竹城邊開藝苑，  
桃榔亭下啓花關。先生講業春壺滿，弟子繙經畫漏閒。  
莫道南枝巢最好，臨歧先欲問刀環。

江行

大江劃南北，千里望蒼茫。濁浪流終古，怒濤卷大荒。遠

鴻叫天際，孤艇下殘陽。惟我憑忠信，推篷笑舉觴。

秋水一江滿，風濤淨不生。青山兩岸潤，暮雨片帆橫。  
望遠開圖畫，涵虛接太清。欲吟詩思少，為憶謝宣城。

大觀亭

畫棟碧雲端，登臨果大觀。遠峰銜落日，巨艦狎奔湍。  
吳楚風烟合，江山世界寬。何因來倦客，東望路漫漫。

題画山水呈納大中丞

太室凌雲峻，南山近日華。泉飛千尺雨，膏潤萬人家。  
松響風中籟，苔生石上花。從來謝太傅，清興愛烟霞。

望江

東臯詩存

卷之二十九

古

文圖

岷源何代鑿，萬古此江聲。風雨曉來歇，蛟龍靜不驚。  
天光沉水碧，帆影接雲平。想到滄桑劫，乾坤酒一觥。

題晴江画梅

鐵幹幾春秋，橫斜卧碧流。西湖明月夜，香與水雲浮。  
花開三四个，樹老百千年。何處得高致，孤山風雪邊。

皖城覽古呈納大中丞

蒼茫雲水皖城開，粉堞凌霄曲復迴。千里江山古舒蓼，  
萬家烟火小蓬萊。王世貞句吳歌秋月菱湖唱，楚酒松風釣  
嶺杯。一望桑麻彌綠野，大觀亭子是春臺。

望龍山

北望堆巖岫龍山聳獨尊嵐光凝暮雨秋氣冷朝暝崩  
石開雷澤飛泉下海門會須凌絕頂長嘯大江奔

之潛山途中口占

嬾嬾肩輿問去程夕陽林外雨初晴路從流水聲中出  
人在青山隊裏行

行過山村又水村家家蒼翠護柴門野翁扶杖逍遙趣  
見我塵容不與論

忽見楓林劈面紅晚烟浮動酒旗風一壺飲罷登前嶺  
又欲停輿數斷鴻

翠嶽烟巒遠近分一重山色一重雲行行又下陂陀去

東臯詩存卷之二十九

五

文圖

回首松濤隔嶺聞

七夕飲友人荷池上

大際雲俱起涼生暮雨秋野烟江樹擁夜氣渚蓮收  
會留青眼流年感白頭莫辭通夕醉把盞望牽牛

石恒

字久也礬山先生長子以諸生保舉歷任安

岳長壽孟津柘城縣令

孟津郊外即事

宦遊過洛下作吏愛河陽地樸風逾古官閒樂未妨  
林喧野雀紅葉飽秋霜以此當花縣民無笑我狂

樹色昏鴉外河聲落照閒風雲東觀士松檜北邙山古

殿神猶肅中興事倍艱誰云田舍業不與治平關縣有先武

廟陵

汴梁懷古

西風憑弔古梁州滾滾洪波東向流一代名歸公子魏  
千秋策定老生侯美人帳底收兵柄俠客筵前雪主讎  
漫說興亡由下士早分恩信到鳴鳩

廣武烟塵起劍鋌霸圖遙指暮山蒼峭關霜冷兵戈氣  
睢水秋騰士馬裝地畫鴻溝餘漢壘椎飛博浪走秦狼

英雄事業消沉盡日落烏啼古戰場

東臯詩存卷之二十九

六

文圖

蜀道旅次

不到蠶叢二十秋短衣匹馬又重遊亂山一夜風吹雨

夢裏揚州又益州

菊飲疊宋人韻呈張嘯竹學博

先生快讀淵明稿醉後常向東籬倒襟懷海濶與天空  
一生得力無煩惱荒城日夕相追隨聯吟往往恨不早  
今秋佳節去匆匆微霜墜處黃花好花前厭聞剝啄聲  
花徑此日為公掃公性愛花兼愛酒酒興飛揚詎言老  
我亦自負豪飲人對公真覺風掩草盃盤狼藉夜將闌  
雲開片月吐晴昊

石鍾瑞

字輯也號寶堂礬山次子中乾隆辛酉舉人

舉賢良方正

聞吳凌雲病瘥不得竟試

壯心思一奮垂老願難伸鬼乃病君子天胡困此人江山他日淡車馬隔年塵時返自都門我本甘淪落咨嗟重愴神

送錫山魏西疇返淮陰客舍

落落高人意蕭然老画師蓬飄身似鶴樗散鬢如絲天地雲山在江湖筆硯隨劇憐孤擢去未卜故園期

東臯詩存

卷之二十九

七

文圖

重九後二日自焦山入城訪程壽崖劉遵矩適榜發俱落兩君留飯後送至北固而別返山大雨竟夜悵然

擬補登高插菊期到城佳興轉差池三年稍操摧心日一飯英雄失意時冷淡荒岡同灑遍夕陽長路獨歸遲空山徹夜蕭騷雨碎滴離懷入鬢絲

歎息

中散不偶世劉伶善閉關古人不可見薄俗紛波瀾我生塵空中擾擾類觸藩晨起恣科袒步屨向家園蛛絲隨風來吹面禁且繁棘刺欲牽衣蔓草交蒞蘭繁累梧

桐花寂寂無棲鷁刺啄從何來迫促不暫寬衣冠如桎梏赤雲若火燔奔走滋口舌安得好朱顏日暮就湯沐意劇四體煩微吟苦難讀薄酌不成歡撫懷浩歎忘獨坐深夜闌

石升

字進也號旭堂邑諸生著有萍梗集遺餘集書圖近詩

客夜對菊

經時閉戶只如愚晚節黃花可與俱風入半窓香共冷燈迴四壁影同孤有懷不覺頻呼酒無病何妨亦佩魚

東臯詩存

卷之二十九

木

文圖

三徑漸荒歸未得巡檐南望起長吁

西湖放舟

門帶清波好雙橈未許停湖光浮鴨綠山色點螺青花發遠近寺客喧長短亭鐘聲雲外度歸路出南屏

題紙坊鎮店壁

紙坊鎮店食無餘大宅高門總是虛一個火燒奴共飽兩閒茅屋馬同居只因投筆雄心在誰信窮途活計疎壁面青山多慘淡寒雲漠漠小春初

蘭州夜坐憶家大人客閩大兄客都門

旅館黃河岸挑燈午夜涼蕭騷成獨坐骨肉半他鄉閨

嬌晨昏隔燕山歲月長客魂原不定兩地更茫茫

寄久也二哥

一折河橋柳雙魚尚未通水從三峽險山到七盤雄道  
路常無盡風光訝許同梅梢頻頻悵望還是故鄉紅  
定省君先得步趨我到遲不堪慚康樂何幸類義之閭  
解官厨酒心懸落葉詩南園春正好把卷莫輕離

同大兄飲湖上步韻奉呈

三年只有池塘夢湖上欣看雁字連到處攜壺稱樂聖  
隨時打槳即登仙花明遲日千山繡柳拂春風萬井烟  
醉後詩喉休怕渴雨前同煮白沙泉

東臯詩存

卷之二十九

九

文圖

旅夜聞蛩次輯也韻

寂寥孤館夜高卧一牀幽地僻蛩逾響更深容易愁寸  
心詎有定薄醉不禁秋得志應須早誰能負黑頭

石需

字待也號退菴太學生

晚泊

晚泊周公舖迢迢一水間夕陰濃似雨雲氣黑成山艇  
繫溝蘆密罾懸渚樹灣長年沽酒至待月把杯看

九月二十六日過方駿文江樵所寓齋看晚菊

群卉爭向榮紛敷在春夏時菊作花遲獨與寒相近歲

晏荒園中懸霜墜清夜當其委風塵不如稻穠粒一朝

近軒楹俗眼亦驚詫疎影映書琴晚香沁杯斚高致未

遂殊顏色亦非假所貴得栽培品評有定價託根苟自

異豈終寄離下時陳公木有惜黃花詞云明日出城來會向西風罵也不過寄人籬下

董竹枝自京師至范縣口占奉送

醉倚輕車出帝鄉壯遊南北一空囊同儕惟爾能同  
我不是詩狂即酒狂

寄語昭陽鄭克柔栽花范縣閱三秋憐予久滯燕山下  
只恐雲泥兩白頭

夜坐

東臯詩存

卷之二十九

十

文圖

無端新月喚愁生白髮天涯夢不成北雁已來鄉信杳  
西風誰問客衣輕一燈對照形憐影七字孤吟性與情  
何日歸來老桑梓舉家巖壑有餘清

范樸

字素含號山民邑廩生舉賢良方正著有容

安山茨遺稿

浮山石

石小未盈丈沉埋禹廟側覆以湫隘亭露頂不露骨傳  
自懷襄時司空留故蹟遙遙百千載浮山嘉名錫一見  
起敬思再顧疑滿臆天地既定位山川亦分職滄桑有



轉移夸誕言宜紉不見峴山碑高深猶曩昔虞夏歷多年  
谷陵終未易豈有千仞岡積漸成卑濕况此安瀾慶  
在在皆明德烝民苟不忘寧必藉此石毋乃淮南地坡  
陀鮮翠律即茲貌一拳士夫樂載筆正如嵩少間故母  
談嘖嘖異哉破俗論將毋過拘執焦山文王鼎誰能辨  
手澤岐陽石鼓文紛紛究來歷物類何真偽群言渾得  
失龍門石果鑿衡峯石果勒龜山鎖支初寂寞蛟鼉窟  
傳信不可知傳疑亦可述盛德總勲華神功先契稷千  
秋石永存祀享知不忒

題四弟拭知止草堂

東臯詩存卷之二十九

三

文淵

大造藏無盡群生各自得嗟彼貪饕者恥為時命屈奔  
馳日不遑怨尤莫能釋茫茫溟渤中精衛徒勞力吾家  
有惠連身閒心自逸不慕圭組榮不習持籌術雞黍娛  
慈顏太和聚一室客至展棋枰耽詩疲不聿頗覺歲月  
長詎謂乾坤窅老氏五千言讀之非秘密何以利名場  
在在皆沉溺佩此如韋弦寶此如球璧世鮮桃花源此  
間樂無極

沙漢纓

字清斯號鑑溪盱江先生第三子歷任福建  
平和上杭知縣左降廣東惠州府叅軍尋遷

湖南沅江知縣

獨尋紫雲洞

入山皆古木苔痕少人跡但聞老鶴鳴崎嶇路不識古  
洞何處尋舉目蒼烟碧正疑有無間道士出雲壁滿身  
薜蘿香鶴髮顏光澤相顧惟一笑疾行如飛翻石檻多  
奇花石磴流津液雲氣生衣衫飛泉落肘腋坐久忘慮  
牽心與神俱釋如此幽境不可留下山仍作紅塵客

秋日陪長沙張崑壁太守遊嶽麓山

怪石盤空鳥道多丹岩深處白雲過山橫落日猿聲苦  
滿谷西風散薜蘿

東臯詩存卷之二十九

三

文淵

危亭古木暗蒼蒼石檻奇花自在香太守娛賓行樂地  
手栽修竹亦甘棠

嶽麓寺前太守手植修竹數竿

登慧雲寺閣

古閣自孤迥憑虛轉曲廊野花籠薄霧溪鳥破殘陽人  
對九疑碧愁生兩鬢霜鄉關何處是湘水去茫茫

西湖雜咏

鄂王墳上滿樵松華表戢戢氣象雄猶恨獄成三字案  
山寒日落拜精忠  
蒼松亂插翠岩中身入烟霞有徑通響落空林千谷暗  
冷泉亭畔水兼風

孤亭宛在水中央對岸樓臺倒玉塘落日銜山嘔軋遠  
一枝柔櫓破湖光

桃花扇樂府題辭

豪華轉瞬騰荒邱白下新聲惹舊愁幸有桃花留扇底  
教人腸斷媚香樓

遺恨寧南下秣陵鴛鴦驚散各浮萍魯連排難何人繼  
恰有區區柳敬亭

沙漢儀

字若采號葯房盱江第六子候選縣丞著有

葯房詩草牙慧集

東華詩存卷之二十九

重

文圖

友人招遊北固

朝登妙高臺暮飲松寥閣清興未云疲禪房暫棲託忽  
枉故人書薄言踐舊約方舟汎雲霧連繞穿洞壑林逖  
草芊芊戍荒烟漠漠疊嶂爭嵯峨奔湍無淹泊北顧信  
天險羣英恣鋒鏑倚伏本循環廢興均電灼我輩適萍  
蓬風景宛如昨天地一蘆牛山淚空落極目日西頽  
回首秋陰薄幽懷誰與伸賴此林中酌

泛西溪

疊嶂相環抱諸溪匯一川茅茨深竹裏雞犬白雲邊雨  
漬探梅屐烟昏載酒船仙源在人境不是避秦年

嚴先生祠

山村黃葉落庭樹改秋陰一夜桐江雨清風幾許深疎  
松蟠石磴獨鶴下烟渚不見垂綸客寥寥萬古心

晚登六和塔

古塔依荒甸凭欄一放謠江從羅刹濶山入富春多浦  
樹開斜照崖花發舊柯寒潮自來往猶想翠華過

早起渡江

曉色散江天食程帆影懸雁啼瓜步月人語秣陵烟往  
事青山在流年逝水前樓霞迷舊隱岩壑斷雲邊

送武功兄弟之沅江

東華詩存卷之二十九

重

文圖

仲冬寒氣肅何事復南征大野風兼雪孤舟弟與兄帆  
開揚子驛花遍武陵城莫逐漁人去雙親白髮生

聞笛

高林淡暝烟竹篠月娟娟孤館三更笛荒城幾客眠雁  
聲斜漢外漁火大江前我亦悲秋者淒其閱歲年

倚廬

倚廬何所望山翠水潏潏短榻堆書卷長歌荅酒巡貧  
慚妻作婢老愛子如賓莫話中朝事果由本外臣

立春

臘鼓聲中碧草痕春歸物色動閒門稍看雪盡雲邊寺

已覺鶯啼水外村梅萼將舒思蠟屐辛盤小摘勸浮樽  
衰遲未了冥搜癖時把新詩自討論

懷家二兄四兄

登樓無日不悲歌目極天南感奈何路隔三千三百里  
人家九十九灣河孤村夜雨梅花發沅水春深雁跡多  
小立柴門成悵望相思多付楚江波

村夜

暮色蒼然逼四圍黃昏渡口往來稀烟凝渚樹鴉無語  
月滿柴門攢自歸永夜流泉清客夢一聲疎磬隔僧扉  
閒居綽有山棲癖不恨衰遲志願違

東臯詩存卷之二十九

圭

文淵

冬日江干雜咏

家住摩訶碧嶂閒荒村盡日稱閒閒寒林霜後無多葉  
露出西南一角山  
柳栗隨身未覺遙平沙散步亦囂囂嚴辰不信梅花發  
已見橫枝映土橋  
迎陽嫗坐低頭屋入市兒騎秃尾驢素髮不知城邑事  
久將踪跡託樵漁  
靄靄茅茨向水濱江雲散作鯉魚鱗野翁那解談名利  
麥飯菁羹勸客真

宿白蒲

古木斜陽盡鐘聲敲暮天牛羊歸遠陌星火亂通川人  
卧一船月雞鳴兩岸烟永懷同志友歎逝涕潸然

王化久

字枚卜號湄白雍正甲辰舉人鳳陽縣教諭  
著有濠上百一吟

寒夜芝庭項太守招飲郡齋

水曹官閣咏梅花清獻成都調獨鶴我公今來守淮南  
後先輝映宛如昨幾年興馬遍郊垌何曾坐嘯含桃閣  
郡中六載四逢災建瓴黃水無時涸我公奏對請隄防  
天子聞言親許諾上流已塞下疏排河伯支祁敢肆虐

東臯詩存卷之二十九

圭

文淵

從今積水歸虛北滂退青疇如繡錯兩年處處報有秋  
油油撲撲民歡樂我公頓釋數年憂舊咏新吟細斟酌  
濠上編中詩百篇一字一句闕民瘼公餘折簡呼儒官  
白髮踉蹌齊入幕促膝圍爐坐把杯仍復關心郡東郭  
新橋有水可通城從前底事欠疏鑿明朝行部向濠梁  
匹馬周遭親相度量測高深定已詳返旆新詩自滿橐  
勛業都歸風雅中名臣自古誰能若

聯真率會即席拈得紅字

得似鷗盟海上翁何妨雅集戒言公點頭好句頻催白  
倚笑名花乍放紅清塵揮雲眠理窟醅顏邀月醉東風

歸來老作兒童戲汲水埋盆半畝中

卞和洞依子瞻先生韻

古洞勢嵌巖突出山之半隱者伏其中對璞兩相粲白眼長留青一唱復三歎腹藏未受剖壯趾已流汗楚些不能寶秦文亦徒贊晉魏日鬪爭威衰為聚散郊廟注黃流瑟兮君子玩夏鼎鑄萬方敬承凜明旦匹夫何能懷席珍輝几案端木病求沽曷由登彼岸翠嶂碧雲生織歌羅衫幔欲酬元智人淮流清且渙

元正登塗山次壁間蘇學士韻

石母峻嶒宿雨渾盤空老榦黛猶存山中鑿破唐虞窟

東臯詩存卷之二十九

壬

文園

四百神龍現一村

宿州道上口占

騎驢過小店烟火兩三家老婦擔溝水飢兒嚼野花席攢篷卧犬土作竈生蛙山外荒涼寺僧歸半壁遮午從三尺鋪策蹇到荒莊茅店晚留宿菜根飢獨嘗鳥聲催麥秀風信送花香回首符離北此猶安樂鄉

重遊隆興寺

我識隆興寺十年到幾回捫蘿青點點汲水白皚皚茗帚偈能誦金庭戶早開重尋山第一曾揖老僧來青杖時能至紫衣轉厭陪拈花張笑口拂石坐莓苔皇

覺路難問龍華劫未灰蕭然洗塵念終不負芒鞋

遊蟬窟寺未果

蟬窟林泉寤寐中卧遊十載緬香風籃輿曾擬追彭澤屐齒無緣伴謝公白蟹噴雲呈色相青松棲鶴總虛空洞門樵牧如相問楓葉潭頭說釣翁

登南華樓

曾傍招提道近禪漸登聖域勝登仙晴欄凭領逍遙意清塵揮談內外篇山少世情環縣郭鳥忘機事破溪烟如何到此滄桑變空騰秋來水一川

送瞿蔚莊廣文歸里

東臯詩存卷之二十九

壬

文園

秋風浙浙望行旌秋水淺于送別情千古文章原不朽十年肺腑獨常傾夕陽匹馬鞭遲著野渡輕舟月易明歸去莫愁三徑改早知栗里有逢迎

有感

庭柯堪眄亦堪傷風物淒清滯遠方千里夢回雲冉冉頻年音斷水茫茫啼鳩聲急深春雨旅客情消滿鬢霜一櫂烟波歸去好故園三徑未為荒

臨淮道上即事

臘月有輿出郡城長淮波浪縠紋平田家宿麥迎霜出村裏炊烟徧野橫僧寺尚遙愁日晚布裘雖敝喜春生

每逢父老慙慙語自有珠恩下 帝京

日夜都從隴畔行啼號無復向時聲老翁曝背衣冠古  
少婦肩兒笑語盈失路車徒何所詣到門官吏不須驚  
久閒那解忙中味執掌才繁此日情

後臨淮道上即事

劉郎前度似逢春再過桃園雪滿身獨木橋邊停馬足  
三叉路口斷行人荒村地僻無賓館茅屋烟濃有濕薪  
向晚不知何處去賢勞真好笑王臣

范仲

字雨蟄號松槃邑文學候選州司馬以子元

東臯詩存

卷之二十九

元

文淵

琳封湖南善化縣知縣有左傳補註明墨修

來集松槃詩集

題友人枯柳棲烏圖

芳姿濯濯春堤路嬌鶯啼斷垂楊樹昨夜西風驚地生  
枯條却是烏棲處一枝兩枝凝曉霜三更五更夜氣涼  
烏聲啞啞月如水霜砧切切鳴清商秦宮漢院紛花草  
閱盡興亡人已老長短歌詞譜夜啼幽棲還是霜枝好  
海水浴日天之東蕭條容易又春風耐得冰霜歷清苦  
上林芳樹烟濛濛

北園齋屋既成種花編籬連成塵氛之擾可少

息矣賦詩三首

雅愛營巢寄一枝誅茅隴上已忘疲春光但使沾人早  
花事無妨過眼遲傳舍廢興隨世變中年寄託有誰知  
朝來自覺無振觸滿院微風拂髮絲

十畝閒園半畝宮更餘隙地植花叢徑穿寒葦藤分翠  
座映春燈盞欲紅草木無私沾曉露村墟何處感飄風  
懷安豈遂成枯寂賴有羊求路可通

當年心事託雲霞京邸風光老鬢華

予客京

同學星霜

埋玉樹後生挑達混龍蛇酣吟密咏三閒屋小白長紅  
一院花自愛幽棲無限好晴烟香靄望中賒

東臯詩存

卷之二十九

三

文淵

北園雨中同顧湘靈沈驪珠吳麓擣尋梅連飲

連曙分韻得梅字

濃雲翻墨暗香開舊雨相攜着屐來把酒問花紛爛熳  
巡簷索笑共徘徊冷侵白版閒尋句春入紅螺勸舉杯  
狂醉不辭今夜永還指倦眼對寒梅

蛩

銀河橫碧漢石砌響寒蛩細雨消殘熱淒音送晚風幽  
情秋氣裏活計露珠中好覓清陰地吟蟬和遠空  
爾雅芳名著幽風節候明花閒存夜氣草次作秋聲隔  
院砧何急危巢鵲亦驚同茲淒切韻寒閑攪閒情

為我嗟遲暮憐渠識歲時語言秋士悉身世晚花知對月抒吟嘯臨風奮羽儀清霜下庭院唧唧傍東籬

葛緯

字右纏邑文學

過陸書城齋中

淇上風光好君來此避喧鋤花臨月窟設榻傍雲根雨過涼生樹茶香客到門翛然塵外景竟日淨詩魂

無題

零落萍踪已自哀不堪泉下泣遺孩貞心應與青松伴

艷骨空埋白草堆壙裏明珠增繾綣山頭石鏡照崔嵬

東臯詩存卷之二十九

圭

文圖

從來信有痴情種莫怪柔腸日九迴

冬日得沙宮聲書却寄

零霜寒逼雁飛遲白下書來慰遠思近臘又營新歲酒

懷人重把舊題詩雲龍山杏望猶隔海月門荒跡竟離

異地若憐花放早春來還寄隴頭枝

舟泊蒲塘訪顧北固

排空噩浪卷天風曉向東園泊短篷半郭半村雲樹裏

伊人家在武陵中

蕭疎竹塢掩雙扉花落空庭人未歸渾似深山最深處

一林黃葉冷朝暉

送費執御入都兼返成都

頻年淮海歎淹留此日銜杯送遠遊萬里壯懷悲故國一航孤月悵新秋燕都北去雲程濶蜀嶺西行鳥道幽回首驂壇何日聚相思應逐錦江流

金陵道中

無邊烟景石城西苔滿春山草滿堤多少征人憶桃葉看花爭似武陵溪

積雨新晴野艇橫白萍雙槳打魚聲依稀記得秋帆影

岸柳汀花識舊盟

水面林亭別徑通粉牆深院碧桃風尋常得遇仙源路

東臯詩存卷之二十九

圭

文圖

不是忙中即夢中

暮天風急起青蘋客裏花朝不當春遙憶故園風雨後

殘紅悵望未歸人

題徐瞻雲別業

靜掩花關十載餘一軒新築是蘆廬多栽竹樹堪留月盡列縹緗好著書東壁久能探象緯北窓原自傲簪裾閒來偶得風雲句小楷魚牋寫示余

送吳鹿書之河州

聽話蠶叢憶去年長驅又著隴西鞭明駝露冷關山月廬帳風淒鼓角天憑弔須先登華嶽勲名務必到燕然

青油草嫩應多暇好奇金城出塞篇

歷慣長途渾不驚翩翩書記遠從征山程春盡梅花落  
隴坂雲低塞雁橫枕上關河猶夢馬前音樂是秦聲  
華穠十載金蘭友未得乘風附翼行

方基

字義琴號桐野邑廩生著有松石軒詩集

宿攝山

一鞭指棲霞日暮至西麓翠微未及登秀色已堪曛徑  
欲恣幽尋曳筇入山腹老衲遠來迎苦邀僧樓宿松風  
吹不斷叢桂散幽馥須臾江月出蒼然滿巖谷開窻一

東臯詩存卷之二十九

三

文圖

遠眺峯巒盡在目緬懷明僧紹於茲寄高躅月明山更  
幽精靈應往復明發亟捫蘿餐霞遂所欲神馳最高峯  
延頸企朝旭

宣銅爐歌為北山作

三品百寶鎔為一近代名爐推宣德六火增加十二火  
丁緩安樂謝弗及中原雲擾經兵燹希世珍玩多淪失  
狻猊睡鴨紛滿眼鐵節數滴何從覓茲爐款式真非贗  
鍊盡銅滓存瑩質冶工吸取太白精西方星虛白帝泣  
烏薪滌淨灰常溫腴潤不枯見功力覆手燒成雞皮紋  
通身化為精金色火氣內融異外炫光從黯淡色中出

精采奕奕活欲流一掬清液收不得主人獲此為狂喜  
摩挲玩弄輒竟日坐我書籤茗椀閒沉水一縷共賞識  
我本書痴眇精鑒見之亦為三太息幾度主人為我言  
寒可當衣飢當食

重遊靈隱途中作

未足登探意重來興倍濃石泉常噴雪山徑忽聞鐘林  
淺高峰出天空遠岫重老僧曾共語禪室更相從

遊吳山

紫陽多石笋濃黛半城青雨過嵐猶濕風餘樹未寧小  
山停屐看險洞借筇經尤戀峰腰坐江湖聚一亭

東臯詩存卷之二十九

三

文圖

天竺道中

攜筇三竺路取次一探幽春樹分山翠風泉合澗流舊  
猿窺洞口清磬落峰頭不覺塵襟淨真成物外遊

臯人巧為風箏之製凡人物舟車放之空中無  
不曲肖同顧明經仲瑜胡劍州芳廬范山丹向  
之冒上舍鶴巢分咏得船

春船天上坐冉冉託東風百丈牽霄漢雙橈劃遠空星  
槎何處泊仙棹幾人同雲路頻來往都歸掌握中

廣陵懷古

寫影邗溝舊板橋垂楊一帶碧迢迢樓頭長笛橫秋雁

江上空城打夜潮  
隋苑千門駕瓦冷  
吳宮雙闕鳳笙遙  
司勳莫作揚州夢  
玉燭於今是慶宵

宿雞鳴寺僧房

雞鳴埭上塔嶸嶸  
塔畔禪房一榻清  
設茗妙香殊勝酒  
對僧枯淡欲忘名  
雲來戶內衣微冷  
月上松梢興久生  
莫怪登臨多感慨  
相傳此地是臺城

秋日遊牛首山

天闕攀躋夙願違  
十年始得扣巖扉  
行穿松柏聲盈耳  
步入雲霞色染衣  
閣有他山遙作拱  
樓依峭壁勢如飛  
老僧為說春光好  
歸夢花紅簇翠微

東臯詩存 卷之二十九

五

文圖

遊弘濟寺

山根古寺逕紆迴  
石壁凌空異境開  
喬木杈枒環殿宇  
晚花高下擁樓臺  
千尋竹影庭隅落  
萬里江聲樹杪來  
我亦懸崖能撒手  
忘機隨意坐莓苔

自靈隱之韜光作

雲林斜出有禪關  
蠟屐初停又仰攀  
一路泉聲飛竹裏  
半天峰影入雲間  
金蓮無恙清池古  
玉茗生香老衲閒  
觀日聽潮最高處  
塵緣滌盡不知還

孤山

一邱一壑水之湄  
杳杳高風不可追  
放鶴亭閒空貯月

種梅人去但存碑  
山椒酌酒來荒塚  
湖畔看花憶舊枝  
最愛暗香疎影句  
微吟清氣沁心脾

西湖

西湖景物動人憐  
波影嵐光別有天  
十里樓臺花夾路  
六橋烟水鳥隨船  
峯巒面面開圖畫  
林壑時時咽管絃  
不管塵寰興廢事  
春風夜月自年年

虎邱

靈邱全隱梵王家  
臺榭層層薜徑斜  
半濕山光雲有氣  
遙分天色海無涯  
画亭風暖晴葩覆  
石磴烟空夜月賒  
士女春來遊不厭  
酒船絡繹醉鶯花

東臯詩存 卷之二十九

五

文圖

塞上曲

飛將號無敵  
輕兵出定襄  
去來一日夜  
已斬右賢王

冷泉亭

飛來峰下冷泉亭  
泉響潄潄繞翠屏  
坐久不知巾履濕  
護簷雲氣畫溟溟

秋晚

蕭蕭落木薄寒天  
深閉柴門謝俗緣  
一卷南華方讀罷  
不知明月到窓前

過水繪園故址

予生恨晚未從遊  
蔓草荒烟幾度秋  
今日樓臺同水逝



當年詩酒足風流  
斷碑有字存王謝  
環海何人繼白劉  
堅卧此閒微不起  
長隄凝望思悠悠

鶴巢邀飲范氏園林

相攜步履過名園  
掃石鋪花共一尊  
竹影雲迷連碧落  
松陰月到破黃昏  
亭臺半圯成荒趣  
心跡雙清渺俗言  
幽興歸來殊未愜  
重期來此避塵喧

東臯詩存

卷之二十九

毛

文淵

東臯詩存卷之三十

同里江大銳樵所

興化王國棟竹樓全訂  
同里汪之珩璞莊徵輯

同里黃振瘦石

興化左亭筠谿校訛

范邃

字密居梧州守拙存公長子早入庠序以中

翰策名河工有鳳唼齋霜研集昌晚集諸詩

刻行世

出門

東臯詩存

卷之三十

一

文淵

故鄉不可戀飄然思長征  
男兒志遠大不爭閭里名  
放眼空濶天高霜氣橫  
僕夫起掃車淒淒曉角鳴  
小人憶有母風木恨難追  
靈輿依北堂言別心如灰  
稽首辭母去上馬重徘徊

故人牽袂別高誼良難忘  
並車出郭門願言進一觴  
胡馬與越鶻南北兩相望  
豈不念知己中心自徬徨

雜詩

金以火得鎔石以火得灰  
金冷舊質凝石化何皚皚  
始知堅與白同異必因材  
造物有深意勿復相疑猜  
明明天上月擾擾世閒人  
深心託豪素冷眼辨偽真  
閒

門絕車馬底事逐驚塵一身百年內進退何逡巡

上下百千載聊以明吾志人情貴耳聞相失恒交臂作

述非師心書冊如鱗次在昔有阿六指屋署名字

曰余慕任俠子五陵閒慷慨歌變徵重此平生言就

車不復顧倚柱無所憚斯人如可作執鞭誠所安

一飯不敢忘睚眦亦必報男兒有深懷齟齬無從告那

知簀中人一旦更名號綈袍戀故人前後何顛倒

千金非所惜所惜是王孫封侯豈奇事進食非殊恩免

死烏復盡獨有漁磯存悠悠長淮水此意與誰論

抱琴鼓雍門流覽青松宅茫茫綠野中狐兔穿為穴千

東華詩存卷之三十

二

文圖

秋萬歲後荆棘更誰開承曉淚關干駒馳亦何迫

### 陳宮

兵家嬌女嬌如花芙蕖出水明朝霞垂鴉生小明光裏

三千粉黛猶穠粧眉斂湘烟壓翠蛾驚鴻入掌瀉銀河

清波一轉令人艷蒙恩獨上承香殿臨春結綺複道通

麝臍龍腦酣春風才人狎客爭相逐後庭玉樹才終曲

忽聞鐵騎入建康君王下殿心茫茫愁雲怨霧連天起

忍負君恩為君死胭脂宮井水冷冷濕髮鬢自娉婷

紅妝零落委黃土千年遺恨韓擒虎清歌妙舞總成空

荒墟舊址攢霜楓祇惜佳人難再得莫怨傾城與傾國

### 途中見演繹正平事

清狂品格越當時那得人人大小兒至竟阿瞞還值罵  
儘多黃祖不堪嗤表中一鶚人爭羨鼓到三槓世所悲  
策馬斜陽無限客京華刺滅有誰知

### 有意

瓦松花白舊柴扉日日勾欄對落暉又是一番時候到  
筠籠初暖薄寒衣

### 鹽車行

朝行九折坂暮下千層陂追風逐電不得息不如駕馬  
少嶮巖市骨無龍媒空羣無駿足長安紛紛輕薄兒馳

東華詩存卷之三十

三

文圖

逐爭誇大堤曲世閒那得九方臯鹽車輾轉增長號誰  
能愛馬如愛妾辜負風鬃與霧鬣甘心伏櫪成棄置驛

驕千里誰為致

### 鄒平阻雨

濃雲如墨雨如潮殘夢天涯又一宵草舍荒雞燈闇闌  
紅衫青笠馬蕭蕭山鄉夾道迷車轍野水平堤落板橋  
聊向雪泥留指爪一天風雨任飄颻

### 次冒文足枕上韻

枕上華胥夢最安曉風猶作麥秋寒時臨四月春先老  
雨過三更夜又闌麟角可憐虛有得麋頭何者亦求官

花時車馬爭相逐誰共斯人咏伐檀

露筋祠小泊

湖光如練灌河時面而漁舟踏浪兒夜月遙憐揚子渡  
夕陽斜挂女郎祠寒香橘柚金葩供珠火琉璃玉漏移  
兩岸鳴蟲人一個飄蕭蓬荻布帆遲

秋風白雁歌

秋風瑟瑟秋花紅秋雁離離出雲中一聲兩聲度長空  
酸然夜雨啼梧桐我來淮海東淮水汨沒相撞春維時  
正值雁初來聽之終宵增徘徊如登三峽聞猿哀細推  
此物何不平引吭直據憔悴生離腸萬結不堪數相與  
東臯詩存卷之三十一  
文圖

共此秋風情

泰州道中

榜語篷鳴占落暉晚風成片暮雲歸清秋白雁連聲急  
故里黃花三徑違糖蟹充盤新釀熟香粳炊飯野蔬肥  
眼前村落淮南宅莫遣星霜上客衣

傷心行

梧桐鳴清晝風雨啼秋堂輾轉生平事如何心不傷佳  
人慕高義盛年守空房相隔萬餘里耿耿不能忘願言  
從之遊欲濟川無梁相思無終極念之斷人腸

燕城柳色

長安何處御溝遙官柳依然此地饒帶雨似添螺子黛  
因風如見女兒腰不堪飲泣當時樹偏有消魂舊日橋  
烟月後庭終一曲春江千里浪條條

秋胡行

陌上桑何時植采桑之婦誰相識忽此路傍逢揮金無  
吝色不記別離時相看淚空拭年年望君君不歸州水  
茫茫那可測豈期重色輕黃金芙蓉楊柳誰為飾展轉  
思之為君死判及黃泉飽螻螳不為君汗不愧君恐君  
慚對揮金人

詠懷

東臯詩存卷之三十一

五

文圖

家居不適意決然思長征出門復不樂乃更盼歸程來  
時柳初綠彈指蒹葭生南鴻與塞雁何者為定衡  
我愛陸雲閒讀書聲滿屋更愛王景元醫方及筮卜人  
生天地間如以蕉覆鹿榮名非所欣晝睡美方熟遐思  
蒙莊言但願平為福

秋夜行

秋風颯颯秋雲黃夜鶴驚露將為霜天涯羈客思故鄉  
空階滴雨啼寒蛩主人夜半起徬徨百憂如火煎飢腸  
流光翕歛去堂堂富貴貧賤等亡羊美人何在天一方  
欲往從之道阻長與角折齒付彼蒼人生安用多悲傷

況當清晏惟樂康庶司百職皆驚皇我今不樂後莫償  
會須火急治歸裝故園正好秋花芳剖菱剝芡蟹螯香  
何辭累累千百觴

野望

頓覺乾坤小憑高一望齊天空孤嶼出樹遠淡烟低秋  
老高樓雁風傳野店雞蘆本如此回首日沈西

秋暮鳳味齋聞笛

騎省秋風玉漏遲憑將秋影送秋思商聲亭院梧桐老  
暮氣關河絡緯知卷葉吹殘蘇小恨倚樓句斷趙郎詩  
落霞孤鶩誰能詠又見鄰翁熟晚炊

東臯詩存卷之三十

六

文圖

重九前一日渡京口

兩峰橫絕海門東佳節天涯此興同舉琰預謀從事酒  
開頭好趁擘江風兼天雲水殘秋色夾岸寒花晚照紅  
我意欲并山翠住攜將霜月寫龍從

江天寺

潮落沙堤鏡水浮青山無數望中收東吳津要分揚子  
北固樓臺接蔣州風靜一天人鼓柁江寒五月客披裘  
海門僧舍遺金盡萬頃茫然對白鷗

真娘墓

予于橫塘路摩挲累累劫身心情同小小名號自真真代

遠雲為態山空月有鄰虎邱行樂地千載此芳塵

癸巳臘月虎入吳市作猛虎行

猛虎踞深山耽耽衆所懼越怒等雷霆鋸爪類鋒鏑顧  
彼性遠人居游止孤貉何期煽餘燄攢突入城郭我行  
香水溪慘淡日色薄似聞負隅怒敢望徒手搏平生尚  
意氣談笑百夫卻對此翻悄然蒙頭心作惡威雖嚇婦  
孺險已迫湯鑊方當玉燭平此物奚宜作安得起任鄙  
將須擲寥廓

姑蘇漫興

夕陽猿鶴已成灰汾上秋風雁自回燕市逢人歌慷慨  
東臯詩存卷之三十

七

文圖

黃池失計禍胚胎却看金雀觚稜上誰遣銅仙渭水來  
抔土不封尸裹革梓材千古照蘇臺  
吳趨越絕冶遊場金碧年年煥上方石豈能言忘晉魏  
樹猶如此感興亡髣髴絲禪榻茶烟畔曉夢春心錦瑟旁  
多少風光留不得小樓香綫染秋黃

久客

姑蘇練光橫一疋夜雨空階吟蟋蟀娟娟才見月初生  
早過中秋氣蕭瑟大江白浪湧如銀久客不歸揉心神  
千頭鱸魚百斛酒願君莫作遠游人

病

繞身藥裏漸相親  
冰火陳方少辨明  
解渴玉川茶有癖  
絕交中散嬾堪成  
恒言習慣常稱老  
畏事詩多不署名  
辟穀生涯何日遂  
晚雲舒卷愛新晴

秋夜書懷

益障新添雨送涼  
連宵已是疊寒裝  
何分有益纔開卷  
但可忘憂即命觴  
野景漫增圖畫色  
庸醫空說養生方  
細煎藥火膨脝鼎  
聽盡秋蟲訴夜長

晏坐

熟讀人間世  
吾生任不材  
器成無用木  
心是未然灰  
對酒思溫克  
將書作睡媒  
雨中秋意好  
晚景獨徘徊

東臯詩存卷之三

八

文圖

別業避暑

赤日苦亭午  
空庭鳥不譁  
瓶開猩色酒  
井貯綠沈瓜  
卧具涼生簟  
吟嘯靜隔紗  
無心謝塵垢  
雙髻任髮髿

移寓

掃却蛛絲與薜蘿  
借人屋宇喜無多  
當窻幸可開黃卷  
舉棧還宜卷白波  
客况幾年成習慣  
好懷長日任消磨  
藥房茶竈周章畢  
多少光陰一瞬過

五人墓

板蕩衣冠盡高名  
一代中英風吹白晝  
烈日瞰幽宮不  
負成仁志真堪作鬼雄  
凜然生氣在瞻拜  
思無窮

江上遇風駭甚書感

茫茫滿目恨偏多  
欲倚筌篲賦渡河  
劈面青山盤鶴鶴  
拍天白浪踏鼉鼉  
孟門雲阪原如此  
野馬塵埃且若何  
回首不堪愁絕處  
隔江猶自唱漁歌

覓醉

是鄉可老原非謬  
事大如天也便休  
安得幻成千日酒  
直教終古卧糟邱

吁嗟行

吁嗟麟鳳不可覩  
道路紛紛足豺虎  
一軍飛伏類蟲沙  
數斗蓬萊閤今古  
胸中八九吞雲夢  
眼底青邱馬足數

東臯詩存卷之三

九

文圖

一泓幻海笑浮杯  
黃鶴仙人看腐鼠  
壯惜身名已衰晚  
飛騰歲月誰能補  
長歌聲歇更短歌  
愁極吟成自起舞  
首陽東陵有何異  
萬歲千秋總黃土  
一杯之酒二頃田  
潯南作達心良苦  
悠悠行路莫相疑  
是中空洞無城府  
但署菴名心太平  
孟門雲阪非修阻

病起偶成

憂患由來久  
吾生百折餘  
衰顏紅借酒  
短髮白盈梳  
病起相如渴  
交宜中散書  
連朝乍晴雨  
眠食費躊躇  
之一日

寒燠  
屢更

七月六日

天上佳期近人閒大火流薄雲連似砌纖月隱如鉤冰簾猶當暑風襟已覺秋明朝望河渚高詠曝衣樓

俞貞女歌

簷蔔花萎同心結團冰燭影孤鸞拆秋風細露泣團紅  
化龍故劍聲嗚咽龍梳密髮首飛蓬銀牀零落瑣窓空  
當時不見韓朋鳥劈地琅玕苦節同秦娥湘水九疑道  
日暮嬌香落多少可憐未及嫁春風生來不繫宜男草  
謝家微子擬唐兒頭玉硤重護持阿奴絡秀生離別  
碧海青天未可知楞伽堆案揮塵塵貝多葉下交枝樹  
雙飛不見淚潸潸紅豆鮫綃瀉如雨吳宮紫玉已成烟

東皐詩存

卷之三十一

十

文園

羅屏繡幙冷花鈿我心匪石不可轉萬劫荒荒那記年

東友人

濃潑雲陰雨散絲清房殘睡覺來遲頻刪吟冊生疎句  
并剪擔梅臃腫枝作意寒餘驚蟄後等閒春到養花時  
邇來無伴酣遊少好待同君話酒卮

重陽前一日同郭于宮查可亭吳小眉

索處虛佳節重陽近客居小庭堆落葉秋士滿吾廬綠  
酒聊同調黃花憶故閨天涯樗散質自顧費爬梳  
文史存吾好牙籤散一廳同心共蘭臭短髻映燈青破  
悶詩成帙凌寒酒數經醉中凝望眼小月自惺惺

村中即景

鰲枝鴉輒浪搏花小犢斜陽趁晚霞上格魚鷹鳴接翅  
涵空蟾影落平沙登場早豆猶餘莢棲畝豐禾欲沒車  
好在清秋涼夜永打篷船入野人家  
媽紅香白一庭中秧馬聲連四野通小渚綠陰樺俯仰  
半村黃葉路西東儘堪乘興來無倦卻愧為農學未工  
欲向淮南老雞犬孤踪此外與誰同

記得

江南草長亂鶯飛長日春禽勸客歸記得廣寧門外路  
花朝細雨濕征衣

東皐詩存

卷之三十一

十一

文園

紅絃赤日氣如蒸花滿河橋水滿塍記得胥江停泊處  
淡雲殘月看扳營

月夜

遙看出匣新磨鏡卧聽瀛洲海客談金餅玉蟾伴幽絕  
銀牀冰簟夢清酣故鄉兒女憐猶小世路風波要細諳  
堪笑空天好晴月只教人唱望江南

追錄戊子十月作

霜滿蕭晨榭葉風寒灰心跡冷應同牛衣對泣人難再  
憤鼻行傭事已空燭鏡鸞孤情不斷化城雲去恨何窮  
曇花未向凡閒住好在蓬瀛縹緲中

少小深閨熟禮文雞鳴從此不相聞身如化鶴來無定  
心比飛鷺伴已分萬結不堪縲淚綆三條猶記合歡裙  
年年燐燐催時節欲采寒花醉細君

藥蠶詩卷共盤桓生綠屏風倚暮寒坐久共憐燈闇闇  
哀多長詠夜漫漫宜春帖子舊題處薄命秋風新扇紈  
一自寶釵分折去葳蕤空鎖曲欄杆

天女維摩事等閒曼陀容易謝塵寰世緣薄似秋蟬翼  
淚點多於湘竹斑六曲屏山空自掩九華釵合幾時還  
我生過此無佳趣綺語從教為爾刪

鰥魚通夜不成眠無計招魂續舊絃風景山河有今日

東臯詩存

卷之三十

主

文圖

蓬壺清淺是何年藕分心孔絲還屬鏡破菱花體自圓  
空據半生勞想像交藤樹下草芊芊

窮泉空自悵迢遙鳳影秦樓斷玉簫刺粉未除連日印  
殘脂猶見舊時標青天碧海成來去華屋山邱此暮朝

索莫重扉金屈戌更無人惜可憐宵

何必言愁始欲愁我生無事足淹留寒宵不共紅粧枕  
遺挂徒存玳瑁鉤肅肅靈風搖繡幕熒熒薤露點松楸

鹿車更與何人挽從此歸田有淚流

雙珠玉屑我何堪斷愛惟依佛一龕影響俱銷疑乍見  
關河非隔香難探千秋玉燕長為佩今歲梅花不上簪

誰道夜臺鄉思少應憐夫壻在江南

辛卯十月作

倏爾三年別驚心事屢更常懷兒女淚空據死生情白  
日逝何速清宵夢亂縈夜臺應有覺愁絕雁歸聲  
彈指成來去何難到百年小墳依冷月短草覆荒烟今  
夕仍如此當時自惘然那堪零落後猶憶舊因緣

九日縱櫂園宴集分賦

小燕龍山第幾峰深杯百罰酒波濃晚霞城郭丹邱接  
秋日林園黃葉封東閣就荒人去久南樓此會興難逢  
柴桑細菊吾廬在咫尺關河似萬重

東臯詩存

卷之三十

主

文圖

好在山翁事未涯

謂石林先生

韋平門第舊人家荒原自辟

三三徑勝地旋開七七花楓葉作聲天欲雨蘆洲飄雪  
月將華青州從事吾須醉寬句深慙手八叉

絕句

青粉牆邊白竹扉小門雙合柳成圍曉來不住花梢雨

燕子空梁客到稀

欲歸

竹逕松陰護客扉秋林寒雨濕秋衣邇來海縣多時物  
尺半黃魚秋不歸

題畫

白首營成角里名亭童翠蓋掃空清未須雨洗東坡月  
自愛鏗然曳杖聲

世事喧囂成錯莫此中田地自寬閒淋漓紙上倪黃手  
不是尋常着色山

### 晝寢乍興遽然有作

曾讀南華第一篇逍遙魚鳥即神仙殘烟未證三生果  
滿月難忝初地禪貪睡每因書作合愛閒偏與病為緣  
悠然便有維摩想可要天花到枕邊

### 村寓

半榻殘燈一室虛長宵短夢客中居豐年節氣收成早  
東臯詩存卷之三十 文園

農事商量作苦餘久病漸知攻本草療愁無計覓方書  
誰云稼圃非吾學且得書生習氣除

### 秋日詠懷

滿天涼氣動簾幃颯颯秋風欲授衣月閨蟾光明更徹  
八月庭荒木葉落還飛興來取次頻揮盞閒到無聊只  
掩扉雲物眼前看不足耳邊已覺暮蟬稀

蠻荒百越路迢遙江樹雲入望饒夜雨脩脩垂荔子  
愁聲點點到芭蕉滿天共說傷禾種佳節何心問蒹葭  
水遠山長風景別秋空回首夕陽橋

### 中元閨人禮佛

花果心香密念頻也將歡喜叩前因菩提好證今生願  
選佛場中女善人

### 冒春林

字上苑號寄亭邑諸生著有寄亭詩稿

### 讀史

君子有絀信所貴是知已知不易逢千秋一晏子塗  
遭越石因脫驂免其死載歸為上客知已而有禮我嗟  
今之人肉食者可鄙挾貴氣揚揚嫚罵輕下士而士復  
不恥執鞭亦所喜委曲拜一官感激已無比云圖報知  
已知已乃如此越石安在哉晏嬰風遯矣

東臯詩存卷之三十

五

文園

丈夫不得志炎涼多反覆人情固如此何至誣骨肉妻  
胡不下紕傷心舊面目嫂胡不為炊將以勵其叔君不  
見簡練工揣摩引錐刺股血流足若無妻嫂倍于前季  
子終身猶碌碌人孰無妻嫂今古同一哭妻嫂比他山  
可以攻我玉

世風藐寒士往往薄故人戀戀舊綈袍賴此意殷勤范  
叔固無恙張君乃相秦方其置廁中詎復慰其貧所以  
青雲客自古歎沉淪綈袍原匪舊白首貴如新

愴懷讀漢書掩卷長太息世人重千金一飯難輕擲一  
飯且望報千金安可得漂母婦人耳具有丈夫識城下



遇王孫哀之而進食竟漂數十日慷慨無德色有目嗟  
重瞳翻不如巾幗詎意跨下夫忽展垓下策千金購羽  
頭千金酬母德同是千金賞恩怨何太逼乃知賢漂母  
高風千古則

### 得家書

君不見江南水風濤日夜聲不止又不見江南山千峰  
萬嶂自喂壘余本江北人鬱鬱久居此正月去白門二  
月返孤葦日月曾幾何春將云莫矣遊子傷遠離鄉關  
何處是瞻父陟彼岵瞻母陟彼屺朝暮陟胡乃杳  
雙鯉倏忽家書來讀之悲無已老母病經旬奄奄將不  
東臯詩存卷之三十一  
文園

### 懷廣陵史叶六

暮看青山紫朝看青山碧故人不相見寸心常額額回  
思冬及春聚首如昨昔同心洽金蘭爾我稱莫逆文章  
我之師我媿他山石扁舟去海門風雪共行役客館悵  
睽離相去猶咫尺論心時往還不欲閒晨夕着屐雨花  
臺放眼秦淮側意氣何豪舉矢懷騰健翮一別一月餘  
風烟忽懸隔君既歎不逢我復悲落魄不分隋侯珠瓦

缶同棄擲隋珠且空彈瓦缶何足惜所嗟異鄉人形單  
而影隻思君君不來思歸歸無益何日大江濱臨流浮  
大白

### 七夕

今夕是何夕所傳甚異辭人閒有離別天上亦別離別  
離常一載佳期只一時年年河上渡年年淚雙垂相思  
說不盡復此長相思吁嗟天上歡會且難得人閒離別  
安足悲

### 秋蝗行

秋收望新杭新杭漸已熟倏忽飛蝗來傷心更慘目蔽  
東臯詩存卷之三十一  
文園

### 別內兄范五喬枝時喬枝自焦山歸里

送爾揚州路使我百感生欲歸歸未得欲別難為情忍  
淚強揮手低頭淚已傾為我語兒女勿為念遠行但云  
此閒樂甘心壅菜羹

### 春盡日

斜風細雨催春闌春歸何處不復還去年此日秣陵客

今年此日客焦山山頭楊柳飛白雪枝上杜宇啼紅血  
楊柳杜宇何多情也愛春光惜離別我當此際不勝悲  
老僧從旁笑我癡春去春來尋常事那見三春無盡時

晚晴

忽住空山雨望中雙眼舒夕陽芳樹杪烟靄晚晴餘  
水到天盡清風生浪徐斯邱真足樂不復愛吾廬

送別張象岳先生

方恨新知晚無端忽病歸江干驚曉發風利促帆飛故  
國詩人去孤吟和者稀從茲增寂寞只合掩山扉

江潮

七月十九日

文圖

東臯詩存卷之三十一

極目江濤惡奔騰勢駭然雲連千尺雪風卷萬層烟平  
野都無路排空欲上天可憐村舍近漂溺徧長川

張印宣前輩招同泛舟即和原韻

一葉中流放清涼趁晚天雲頭山外疊雨脚水邊懸何  
幸從詩伯相攜對酒賢却愁來早別離思注長川

宣時印  
都返江

得敷原從弟凶問

功名未了此生緣夢幻無端一病捐人世那堪旋下世  
少年不信竟無年寸腸似結何時解雙淚如珠鎮日圓  
每慟孤棺歸萬里

于野叔父卒  
於德陽縣署

可憐季子又重泉

式微久矣感桑田慟哭夫人更慘然兩世孤孀空白髮  
廿年辛苦冷黃泉關河夢斷青山外風雨魂銷翠閣前  
紫翠閣數  
原書室

生此何心死何意幾回搔首問蒼天

春夜同天長王綸詮潤州李大年飲甘露寺木

樓名木末獨悠然載酒登臨別一天春靄晴江初上月

夕陽晚樹亂橫烟半年燈火焦山客此夜鐘魚北固眠

最喜道林風韻絕吳歌楚調侑尊前

烏鳥含情繞樹啼蕭然木杪此同棲詩工摩詰吟成畫

酒縱青蓮醉似泥萬頃蒼茫春浪濶千峰層疊暮嵐低

東臯詩存卷之三十一

文圖

充

塵懷俗累都銷盡方信名山莫與齊

月夜江上時甫返白門之棹

依然寺館客孤身棹返長干未二旬寂寞初看今夜月  
芳菲空老故園春江光山影還如昨書債詩魔忽又新  
何處吹來一聲笛伊涼調最易愁人

不波亭即事

亭空散服自夷猶移我情惟此地幽風定隔江人語細  
潮平入夜櫓聲柔亂山影抱孤城晚迴薄陰肥四月秋  
坐久渾忘身是客箇中消息與誰謀

午日同家慈原賦

瀾空霪雨似秋霖蒲酒惟宜爾共斟但是芳辰俱寺館  
曾無令節不山林欹歔欲奏雍門曲憔悴真成楚澤吟  
醉後相攜江上立魚書望斷故鄉音

同范五喬枝家甚原夜話

雞牕燈火夜將殘一室三人話肺肝淡泊壑鹽忘世味  
飄飄風雨耐秋寒多愁不為鄉關渺有伴何曾客路難  
貧賤大都緣命得不須車馬羨長安

秋晚即事

簾葭琴瑟響江干早起披衣中薄寒桂萼細含朝露濕  
桐瓢亂墮曉風乾心緣寥落生悲易夢自依稀欲說難  
東臯詩存卷之三十一  
壬  
文園  
最是客中苦岑寂故園秋色好誰看

春閨怨

不見江南人遙望江南樹江南樹復多誰識江南路  
萋萋階下草的的枝頭鳥記得春來初傷春春又老  
儂心縈舞絮儂夢亂飛花花飛與絮舞飄不到天涯  
曉起向粧臺對鏡增懊惱春容變秋容不似舊時好  
不住語呢喃雙雙梁間燕飛去復飛來斜立闌干遍  
朝立荼蘼下暮倚湖山側問儂何所思傷心說不得  
無語怨春風花開花已殘獨有相思淚春風吹不乾  
舊曲悲蘿蕪新詩題芍藥芍藥不易題素心將安託

五日弔屈原

哀哉楚屈原五月五日死五日自年年共此汨羅水

晚步

晚食才過人晚步行行晚樹自啼鴉沉波一片殘陽影  
紫遍山腰茉莉花

即事

秋深舍館客來稀傍晚晚偏宜閉板扉片帆忽從牕外落  
滿船風雨一僧歸

利涉橋晚興

我愛江山如画裏晚涼時候更清幽烟霞十里濃情態

東臯詩存卷之三十一

壬

文園

燈火千家醒客眸蕩槳船迎淮水月賣花聲送秣陵秋  
少年爛醉高吟地長板橋頭舊酒樓

舟中晚發

徹曉不聞漏矇矓已放舟西風吹客夢落月滿船頭欸  
乃人初覺潏潏水細流雞鳴何處所聽說近吳州

雨香菴偶成

菴後名園水繪盧風流曾說小三吾只今溪水依然綠  
蔓草荒烟繪得無

憑高極目思無窮小閣牕虛面面通莫向北牕望城北

何文死後借盧空

借盧為何文先生讀書處

與從弟甚原夜話時甚原歸自淮北

風吹兼雨打共此一燈殘不盡征人苦安知行路難  
姜 余嗟獨抱悼數 原也馮缺為誰彈莫話生平事中心最易酸

遲家書不至

如何消息斷悵矣思無涯小暑初衣葛歸期又及瓜半  
棚新豆葉滿地敗藤花眇眇愁子獨白雲望裏賒

納涼和甚原韻

畏暑兼防病易侵書聯牀上廢宵吟衣裁薜荔生秋早  
酒酌藤花忘夜深江閣濤聲清洗耳草堂樹陰冷澄心  
山蟬也似幽閒絕不復黃昏噪柳陰

東臯詩存卷之三十一

圭

文圖

晚步和甚原韻

晴雲片片雨雲消千丁長廊意不歸山寂有時孤喚鶴  
江空何處一聲簫茗蕤絕跡留殘照舳舻輕撓蕩晚潮  
此際唱酬誰復共好尋張翰過松寥時張象岳先生  
消夏松寥閣中

秋夜

側耳窓前卷荻蘆秋來旅況足長吁每愁急雨穿顏鏢  
漸覺輕寒中短襦砌草蟲喧聲自細篝燈人坐影常孤  
途窮阮籍兼囊盡夜半牀頭索酒無

雨阻廣陵寓中有感

年來踪跡浪西東所至如何輒易窮假館人留三日雨

支牀夢破五更風腸子結處翻難斷詩到窮時卒未工  
衰柳隋堤鷗自噪滄桑歎息古今同

姜念熊

字朗一號誠軒觀察至山先生長子歲貢生

以廕授京職屢舉不仕著有誠軒詩鈔

觀秋穫用陶淵明西田穫早稻韻

弱質寡所營粒食固無端所業在耕作夏勤期秋安新  
晴築場圃離離欣可觀家人刈西疇日夕猶未還斜曛  
落遠村蕭蕭布衣寒肩稊亂登場相慰歲功難養拙守  
田園薄祿何所干把酒話隣翁圍坐多酤顏炊烟起茅  
東臯詩存卷之三十一

圭

文圖

屋秋風滿柴關樂歲古難再邈邈黃虞歎

感興

南方有好鳥文采比鴛鴦偶為世人賞籠之置高堂食  
以白玉粒飲以甘露漿豈不承愛惜繇斂氣不揚霜雪  
幸脫免羽毛愁彫傷何如隴頭春好音鳴故鄉

投宿山寺

此際成孤往閒尋方外盟烏鴉催暮色蟋蟀亂秋聲人  
靜鐘初斷山深月未明一燈親古佛鄉思正叢生

同人宴集南野草堂次家自芸叔韻

此會欣逢少長咸春風相引到西巖避喧野外門常掩

習靜堦前草不芟月榭愛看花倚旋山樓新聽燕呢喃  
當前詩酒多豪興愁絕明朝欲挂帆

蔣太常曉蒼世長枉莫先嚴賦謝兼送北上

官閣故人星散後海雲停處日黃昏何緣一葉來江上  
忽欵雙扉踏寢門相對白衣惟痛哭時蔣亦丁祇合青  
艱將闋眼共長論敢言桃李陰仍在慚愧淒涼憶舊恩

交誼深醇獨數君暫時攜手復離羣朝衣羨爾趨丹陛  
淚眼愁予看白雲江浦錢筵空野味河橋嘶馬戀斜曛  
菰蒲京國相逢渺前路好音賴寄聞

過內弟秦衡廷西河草堂

東臯詩存卷之三十

五

文園

咫尺西河楊柳莊三閒茅屋讀書堂閒來鼓棹招尋慣  
滿路清陰送晚香

江邊古寺

古寺江邊石徑灣深林斜照敞禪關影堂寂寞鐘魚冷  
一片泉聲繞座閒

姜全杰

字莘伍號復咳又號白兔公亦署小卯君太  
學生觀察至山先生子著有復咳小草

閩闔篇

雲排閩闔日麗天中桑麻靈雨桃李春風天地無私覆

載聖人憲天明聰宰相調元諫議秉公中丞刺史二千  
石咸同寅協恭豪雄敘跡圉圉虛空士之子恒為士農  
之子恒為農載筆鼓腹歌詠朝廷恩澤洪人生會須致  
身早世隆則道從而隆敷奏明試車服以庸及時獻納  
亮天之功

鶴

長風吹散海雲陰獨向遙天寄此心千歲歸來猶感慨  
九臯聞後豈消沈霜妍洛浦仙標舉月淨緱山玉管吟  
何似鳳毛騰五色恰從池上煥綸音

贈張雨亭明府

東臯詩存卷之三十

五

文園

杏苑真仙客花封亦古侯文章飾吏治經術緬前修舟  
楫川能濟絃歌韻自流讀書兼讀律漢吏與同儔

辛亥春日寄懷蔣晴厓中翰

幾月不相見君當憶故人通門緣孔李結契比雷陳舊  
雨繁新夢薰風動早春何時重握手清話玉河濱

贈琴者

山水清音太古遺箏琶何物擬朱絲金徽撥盡枯桐韻  
便是湘靈也不知

夏日同舍弟蒼麓靈雨寺河亭納涼

攜手河亭坐畫長水雲深處足相羊陰陰密柳橫魚艇

欸乃一聲沉夕陽

吳繼元

字默存號李亭辛酉科順天舉人任浙江青

田知縣丁卯充浙闈同考官著有李亭詩草

八卷

盤山

松岡突兀勢蜿蜒千里江山望裏吞天外孤峰懸片石

洞中反影露雙門

有天门開舊蹟在上方寺之陰路難着屐逢樵徑雲

斷歸僧失舊痕最是紅塵飛不到蓬壺咫尺即仙源

朝來山北更山南偏向青峰絕處探為讀殘碑頻載酒

東臯詩存

卷之三十

壬

文

偶逢蕭寺便亭驂西風黃葉迷朝霧落日青崖接暮嵐

莫戀此山看不厭塵寰幾許淡華簪

由東竺菴經少林寺歸途口占

策杖出上方逶迤尋東竺躡足轉山岑崎嶇增踏蹶黃

葉覆古苔亂峰自重複披草得舊蹊窈窕沿山麓果樹

紛離離指迷藉樵牧祇園緬雲霧松門殿空谷山僧多

古貌揖客交若夙淪茗烹山泉清味殊馥馥高齋啟秀

巖旁綴幽亭穆篴簾起樹閒松濤與飛瀑白雲邀我行

白塔勢若矗言過少林寺相距路五六鳴琴雜梵音少

憩息塵服夕陽下楓林秋山淡如沐哀壑起悲聲歸與

心覺遊山月照我衣清露沾我足歸息維摩室浩然慰

幽獨

憩西甘澗

數日尋幽費跋涉攀倦遊暫此息禪關朝來霽影推牕看

指點中盤一帶山

拍手相逢拚酩酊老僧八十尚亭亭

寺僧藏山年踰風八十善詩酒

流支許千年在更有詩人李廌青

詩人名鑑號廌青山人與藏山為方外交

西郊問杏

壬戌春余禮闈下第偕石九輯也姜四北埠

悶坐雍署聞西郊杏花盛開同人策騎往觀

東臯詩存

卷之三十

壬

文

徘徊歌嘯於其下歸來分體賦西郊問杏詩

晴郊散春烟庭柯上新綠荒署坐清暇澄懷淡如霖春

服扇微風吹出城西曲修條抱繁蕊枝枝映林麓團團

露華滋紅濕出新沐雲霞襲我衣墜英紛可掬眷此芳

菲心藉草流雙目吾家載酒堂紅雨落茆屋東風靄芳

辰飛花點醺醺江南春可憐離居感幽獨

是亦園

負村留舊業隙地避煩囂野水夕陽艇秋風長板橋十

年塵碌碌三徑莽蕭蕭尚有遺經在忍令風雨漂

三里樓

微茫烟水外三里辟疆園好客常留榻輕舟直到門秋  
花生桂萼夜雨起鵬鯤何日青溪上欣然樂弟兄

呈南潯范約軒少司空

金城鼎望濟時隆岳峻風標仰岱嵩八座旌牙開幕府  
九州水土仗司空南臺封諫猶存草北冀承宣舊紀功  
一自香山營白社至今朝論憶清風

閒雲一片繞山岑雲水青青返舊林丹楫巨川明主望  
江湖魏闕老臣心重刪濟後閒居錄別和堯翁擊壤吟  
未可主張泉石事蒼生靈雨在疎襟

脩然鸞鶴出塵寰吐握虛懷意未慳百里黃圖叨樾蔭

東臯詩存卷之三十

文

文圖

司空開藩畿甸五湖仙笈接芝顏洪爐世藉陶鎔力弱  
家君時宰武清翰慚分大雅班手奉雲箋勞拂拭詩以新見贈願從邱垤景

高山

戊辰清明前一日作

兀坐衙齋官太清誰傳佳節近清明空餘蕭散耐春夢  
無復風光璫酒罌滿路叢香牽客袂一簾疎雨聽鶯鳴  
綠楊古郡三山外苦憶江南射雉城

清明疊韻

茗溪三月逢寒食繞郭芊芊花正明插柳簷高垂曉露  
踏青人醉倒金甃沾枝細雨芽茶熟浸穀深村社鼓鳴

只有潯東閒半刺閉關終日夢春城

壬申二月服闋將之越感懷兼別諸同好

兩載棲蒿里居憂宦計疎馬肝空復爾雞肋竟何如誓  
墓遺榮寵看雲任卷舒飢驅出門去慚說遂吾初  
灑盡祥琴淚西堂夢又陳對牀他日約春草此生因薄  
宦成孤客家書少一人山城風雨夜寂寞最傷神時三弟即

清白吾家法循聲在六鄉居官思補過解組笑空囊此  
道曾嘗試他時敢或忘所希惟薄祿未敢卜行藏

今日良朋集他鄉有夢期成行臨路側相隔即天涯花

東臯詩存卷之三十

文

文圖

草連吳越江湖重別離古歡如可問珍重寄新詩

吳容

字右肩號穆堂廩貢生著有夕葵別墅詩草

四卷

聞笛

娟娟風露小庭幽玉笛高吹何處樓澤畔騷人歌楚些  
閨中思婦起遑愁三更入破關山迴一曲清商草木秋  
我正欲眠眠不得碧天如水雁聲流

隨家大人奉檄自保陽至方城查水災舟行東

淀中

暫拋書卷且拏舟漫說乘風破浪遊賑恤羽書多勞午  
耕耘農事未逢秋瓜藤豆莢空黃葉蟹簪魚罾遍綠疇  
此日正資疏瀹力茫茫禹跡遠難求

西風鼓柁自東流千里蒼茫一望收海月乍騰光不定  
星河倒瀉勢難休雞棲野岸隨鷗鷺蛙吹秋場散馬牛  
治水有方憑大吏任他潮汐撼城樓

舟中露宿

泠泠白露已三更一葉隨波七尺輕水浸樓臺沉夜影  
風生蘆荻激秋聲蓬山可到紅塵遠星漢相連皓月明  
雲綺作衾流作枕良宵博得夢魂清

東臯詩存卷之三十

辛

文圖

石正希

字麟書太學生

同友川上晚眺

同來川上眺分坐水之涓樹瘦凝烟密坡平落照遲征  
帆開晚棹宿鳥闌深枝未盡臨流興相攜且賦詩

旅懷

言歸頻欲賦浪跡又新年半雨半晴日輕寒輕暖天羈  
懷殊莫定春色為誰妍故國高樓望臨風愧杜鵑

石汝鐸

字紫元文學

碣石橋

三山一望草離離短劍提來指路岐斜日度橋摩古樹  
秋風立馬讀殘碑楓多散下搖鴻影菊却齊開傍水湄  
笑我白頭何爾足無才獨散戀清時

夜自西村歸

一村烟月照人歸露氣初濃霜拂衣對岸泉鳴分夜靜  
中庭葉落趁秋稀爐紅榾柮驚兒熟風馥稻花魚婢肥  
籬影半斜門寂寂小庵山外吠敲扉

東臯詩存卷之三十

辛

文圖



東臯詩存卷之三十一

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

姜頊忻

字自申號逸林候選州別駕穎新胞弟

歲酒

杯酒聯鄉社新年樂意賒所聞占水旱相與話桑麻語  
笑隨諸老招邀又幾家家春釀熟醉送夕陽斜

東臯詩存

卷之三十一

文園

讀陶靖節詩

夷齊茹蕨薇高義崇廉恥督郵五斗糧拂衣歸田里豈  
無乞食詩不使官家齒道勝操彌堅幽人貞素履  
秋菊有高韻春花不為侶使從山中來問菊開幾許東  
籬閒採摘滿把供咀茹所以素心人淡然固可與  
醇茂倫賈董風騷方屈宋三唐罕其儔齊梁何足重解  
組賦歸來幽情堪咏諷不解閒居篇嘲者有蕭統  
詩成義熙年心在元熙上讀史述九章悲歌有餘愴棄  
職豈遺榮吾道未敢喪東海魯仲連激烈非所尚

初春

青陽送暖令初開物色知時綠已回自是烟霞常繞徑  
何妨風雨獨銜杯春雷乍啓三冬蟄夜雨旋催二月梅  
最愛江南山色好倚樓遙望白雲隈

六姪昌鹿秉鐸蕪湖

伯氏勲名垂竹帛克家有子擅文壇蘇湖教授尊先輩  
穎壁漣漪現宰官自許儒生能治事相逢名士定交歡  
莫嫌冷署無梁肉奉母還餘首荷盤

秋燕

自是春風迎社燕差池淹蹇到於今未忘紅杏春深日  
恐負黃花秋老心蘆葉風中霜雁早烏衣巷口夜寒侵

東臯詩存

卷之三十一

二

文園

莫嫌故國無顏色萬里烟霞楓滿林

朱學漢

字粹章號清江省齋子駕部慎人先生孫邑

諸生著有六橋集

過邦江訪倪永清隱君不值

法海平山舊路迷丈人門巷草萋萋不逢杖履花閒出  
空見詩篇壁上題碧水丹崖淮渚北白雲紅樹大江西  
時倪采 風江右 那能縮地同歡笑斗酒雙柑取次攜

過江口晚望金山

一葦晴江發上游金山咫尺望中收樓臺明滅斜陽暝

烟樹蒼茫碧水秋魚躍波中徒自喜驚飛天外亦何求  
仰觀俯察悲身世放棹還來訂白鷗

毘陵驛

望望毘陵驛經過已夕陽臨河拴老馬繞岸泊官航幽  
靄凝眸迴清颺撲面涼坐聽歌水調吾意在漁莊

水田

水田一帶白泱泱蒔插欣看綠穎長兩岸波光如匹練  
驚鷺拳足立中央

游虎邱

一葉初停碧水頭高騰虎氣此林邱講經自昔臺還在  
東臯詩存卷之三十一 文圖

試劍於今石尚留七里山塘飛落葉五人祠墓帶清流  
登臨此日堪乘興回首斜陽已漸收

滄浪亭

姑蘇風景屬滄浪一帶閒花倚夕陽芒屨穿林何處去  
在亭西畔贊公房

夜泊吳閭即事

姑蘇臺畔賽那江爭唱菱歌未肯降隱隱佳入花檻外  
粉腮斜托倚篷牕

錦繡溪邊士女遊水牕時露玉搔頭青簾白舫斜陽外  
載得山光過虎邱

登石壁山茆菴

丹梯一何高望望多叢木經過已斜陽扁舟停晚麓攀  
蘿入白雲曲折窮幽谷舉目矚前岡亂石藏僧屋穿林  
忽見天犬吠隔疎竹少憇飯烟霞松風來謾謾

蘭溪夜泊

好風吹客棹落日蘭溪竹樹重重繞樓臺面面齊消  
愁沽綠蟻乘興聽黃鸝取次沙邊泊長空月乍低

頤真宮

開陽一望夕陽西宮闕岩堯似碧雞喬木護門森自拱  
好山排闥翠相齊重重傑閣周遭列隱隱晴嵐遠近迷  
東臯詩存卷之三十一 文圖

借到一枝堪避暑高歌不放白雲低

家大父去任開陽五十年邑人士奉長生祠會  
不輟古道可風慨然有作

縣隸三衢別有天山川明秀毓才賢家饒絃誦昇平世  
俗似淳龐太古前四野桑麻歌樂只千門烟火足陶然  
來遊此地詢遺老尚得從頭話昔年

話到天南起燧烟萬家都在虎狼邊賊多莽伏開山寨  
戶半流亡缺賦錢上下檄文傳招募經營鹵簿少安眠  
猶思大父觀耕處飽飯牽牛下石田

歸舟復泊蘭溪枕上口占

伊昔沙邊話道樓歸舟又泊此蘭溪紅牕依舊憑城敞  
白浪從新與岸齊客枕半欹隨夜月豆棚一片響莎雞  
今宵鄉夢渾無賴宜渡錢塘向浙西

六橋

望望碧湖心橫亘拖長帶桃柳不勝春掩映斜陽外

太湖

川原歷盡到姑蘇高挂風帆入太湖四面石苔凌几杖  
一天空翠撲肌膚波心哭兀千峰迴山足喧騰萬壑趨  
瑟縮儒生殊自覲閒閒舟子唱吳歎

早涼

東臯詩存卷之三十一 五 文淵  
味爽披襟起新添八月涼風聲歸別院日影淡空房露  
早凝花萼田方足稻梁物華占歲稔我欲醉林塘

喜雨

簷溜終朝急應前聽不禁茶烹泉外味琴帶水中音莫  
作為霖意無虛在野心四郊看潤澤處處沐恩深  
一雨村村足歡然慰所求歌聲隨地得詩思入泉流庭  
草青初長池荷翠欲浮西成知可卜豐稔在今秋

聽鳥

關心春欲去有鳥坐簷牙宛轉聲穿戶綿蠻語隔花歌  
殘矢已暮吟罷日將斜爾亦何為者依栖處士家

月舫抱病還洞溪作此送之

抱病尋常事胡然遽拂衣愛看春色去滿載月明歸雖  
卉紅應瘦垂楊綠正肥前期君莫負來此醉斜暉

歸途即事同涵一弟

濕烟蒼霧兩茫茫百里沙隄望轉長隔岸棲鴉投遠樹  
空林牧笛起斜陽漁舟入港潮平舴艋含臨流月到墻  
此處無人難止宿弟兄深夜正徬徨

鄭大毅

字潛夫號目耕早遊庠晚選巴州牧擢濟南  
府同知充文武兩闈同考官以疾乞歸有谷

東臯詩存

卷之三十一

六

文淵

口山莊集傳載邑志

四十述懷

倏忽韶光四十年無窮鬱抱正愴然慈親早失孤無恃  
短髯頻梳白可憐學愧康成荒舊業才疎祖述滯先鞭  
人生此日稱強仕暮影蕭蕭欲問天

東園即景

荒齋久已鹿為場況是秋深倍可傷牕破常穿孤月影  
垣頽難鎖一園香空留書帶階前綠惟有薪樗葉上黃  
極目蕭條無限感賡詩應取黍離章

春日閒步

苔封庭院寂無人暖日和風入望新策杖踏殘三徑草  
探梅折得一枝春却憐雨後添生趣且喜花閒淨俗塵  
獨倚欄杆誰共語隔林好鳥弄芳辰  
簡斷書殘愧墨莊對花不覺引杯長烟霞蕭爽原成癖  
葵菽清和亦自芳倦後披圖臨北牖興酣得句想西堂  
老夫只愛孤吟好搔首空亭鬢已蒼

山行

層巔蒙霧馬行空倏忽晴陰景不同嵐氣變雲山斷續  
日光穿洞石玲瓏嶺頭疊嶺青兼白岩足添岩紫襯紅  
諸境幻呈當雨後不知身在画屏中

東臯詩存

卷之三十一

七

文圖

寫懷

書卷久拋筆硯荒無端客邸思蒼茫心驚異地楓初老  
夢冷家園菊自芳宦念頓從岐路減詩情轉向塞驢狂  
軟塵十丈征途遠爭似寒牕入夢長

東園新築

半畝蒲東地聊為結數椽高低幾竿竹濃淡一溪烟  
斷我梅補籬疎夾柳編春來邀勝侶判醉杏花天

濟南署中對菊有感

風雨孤城忽自嗟一年又見發秋華清操只抱陶公節  
淡賞偏宜顧渚茶官舍祇應悲白髮故園何處夢黃花

遙憐谷口荒三徑忍聽天邊入夜笳

解任後遣懷

忽拋案牘事耕犁且採園蔬作甕醢已是清風來兩袖  
何須公膳割雙雞白頭尚欲勞婚嫁紫塞何堪厭鼓鼙  
解組歸田休訝早只緣蕉夢未曾迷

病中述感

兩年飽繫在東山老尚風塵苦未閒春雨幾曾蘇病骨  
好花何處慰衰顏親朋久隔疎無信野鳥孤飛倦必還  
應待故園歸隱後松篁滿徑任躋攀

鄭 臨

東臯詩存

卷之三十一

八

文圖

字遠度諸生需次鑾儀參軍著有分體八卷  
藏於家傳載邑乘

北門行

駕言出北門迢迢渺無際遊子欲何之有川思利濟登  
高望前津前津邈難睇森森寒樹陰冉冉浮雲翳紫雲  
欲往從水深未可揭我友切叩須招招誰鼓柁願為高  
飛鳥奮翮從此逝

將歸操

濟有水兮森森其波欲徑渡兮我無大舸驅我馬兮馬  
蹉跎牽我車兮車輶軻厲兮揭兮勢險則那歸兮歸兮

野水漫漫兮傷如之何

猗蘭操

深深幽谷蘭生成行衆草茂茂蘭秀而芳揭車有伴蕭艾有朋混焉以處乃與蕪亢習習生風幽賞罕同楚然足音誰躡其踪悴莫與知榮徒菁葱幸未化芻永保厥躬

村居歌

村居樂風簡朴田可耕井可鑿熙雍化日長不管花開又花落西郊雨絲絲南畝烟漠漠老牛帶犢笛橫吹乳雞抱雛誇鸞鷺中林桮杓免可張清池也有隙隅躍野

東臯詩存

卷之三十一

九

文淵

穀山肴味並佳百蔬突過牛羊酪豐年况是甕醅多村村澆酒俱堪酌一酌能開懷再酌形骸略酌盡橋南尚可賒看我山前山後行略約吁嗟乎村居樂靜似遊魚閒似鶴賦輕田少不勞催閉戶不聞聲剥啄為語世閒多少機心機事人抱甕灌園殊不惡

送蘭兒南回

我來淮水路攜爾上河梁岸柳隨新月船檣挂曉霜百年看鼎鼎千里正茫茫相對忘岑寂長途未覺長骨肉原天合離情此最真寒驢愁落日孤店怯行人爾去應思父余留更念親倚閭如有望歸計及三春

廣陵懷古

蜀岡依舊鎖晴烟柳拂長堤思渺然最是香塵歌吹地可堪衰草夕陽天二分月冷蕪城路廿四橋橫板渚田俯仰遺踪頻弔古竹西還許問歌筵

金陵懷古

六朝宮闕舊山河幾度興亡看擲梭何處笙歌聽玉樹昔年荆棘歎銅駝雞鳴埭已飛黃葉元武湖還長綠蘿往事不堪重疊數秋江來覓老漁蓑

邗江贈別

蒲帆幾幅挂晴烟唱斷驪歌意惘然衰柳寒蕪孤艇月

東臯詩存

卷之三十一

十

文淵

白雲紅樹夕陽天思歸不解同張翰得句應知想惠連回首白門江上路蕭蕭風雪又經年

病中退耕以詩見東即次元韻

榭葉蕭蕭柳葉稀思君夢好共相依不因多病常辭客却為悲秋靜掩扉

韓侯釣臺

未訪淮陰廟先尋古釣臺可憐興漢手竟作未央灰樹老飛黃葉碑殘護綠苔臨流增感歎欲去幾徘徊

漂母祠

風塵誰隻眼一嫗識王孫巾幘猶知義鬚眉忍負恩垣

頽荒徑冷廟古瓣香存來弔芳魂處悲歌醉一樽

鄧弘文

字東聚號盧雲乾隆丙辰舉人著有香帶草堂詩

聖主得賢臣頌 并序賀李觀察

唯天眷顧我 大清王氣鬱盤之地篤生名  
世梧桐萃萋於高岡鳳凰噦噦於朝陽所自  
來也歲辛未 帝南巡狩至於河時宮保相  
國高公左右一人元圭載錫實則庫憲李公  
克勲乃事俾所事者大展厥事以上事 天

東臯詩存

卷之三十一

士

文園

子于焉迂鴻休揚丕烈豈不偉哉公與相國  
同出龍興地蕭曹起豐沛世世為王家作羽  
儀其再徵已向讀王褒聖主得賢臣頌疑失  
頌體竊倣其意而更其製爰作頌曰

皇矣大清圓靈叶慶奉天乘時開天作聖聖聖相傳維  
賢響應長山聳嶺潯水潺湲龍騰雲起仙李根盤功延  
奕世族冠三韓粵暨我公更篤天祐上馬戈矛下馬文  
賦画王摩詰字鍾太傅列郡淮揚厥名孔彰處則喬嶽  
出則干將翼我相國戴我 天王載紀千支重光協洽  
帝南巡狩相迎於闕誰其襄之繫唯公烈 帝曰相

左掖中宮商或命則右角微鐸鏘旦宵黃屋夙夜明光  
相國日侍行  
營仗公夜達封章露啟出諸袍袖相憑口授公綠脫素  
伸掌作案懸書飛構當代章奏每露立伸紙達之 天

子 天子曰勞唯相績懋唯汝勲高俾貳廉鎮多繡金  
貂度支斯凜出納斯允滑吏神沮貧僚氣整野蒂孤根  
于焉延頸貞元會合明威遭逢乾坤爛熳日月春容桐  
妻鳳喈 主聖臣聰元首股肱聯為一德嗣相而興霖  
雨用沛沛萬斯方垂萬斯億

感遇四章 附上李觀察

東臯詩存

卷之三十一

士

文園

海內誰青眼憐才獨有公千金市駿骨一雙護蕉桐虛  
谷涵色廣空山企望隆日升初卓午何地著飄蓬  
久作中流柱今扶大雅輪清風吹繡斧春意滿簪紳幽  
側真無隱文章信有神山公便袋咎唯我不如人  
非項何從說偏勞月旦評三年成小草五字寄長城錫  
比璠璣重褒同華袞榮鍾期千載遇悔作不平鳴  
千澤非吾願抽毫歷上堦鋪張鴻業偉揚厲德音佳絲  
竹吹彈聽聲歌金石諧相期供悅耳得侍日開懷

春寒

青陽無力褪輕寒客冷如冰去住難風信不傳花次第  
鄉書空報竹平安春情百丈絲爭裊紅淚三更蠟未乾

收拾錦囊藏錦瑟忍將哀怨向人彈

得家書

遠得飢兒書是兒親手筆中有血斑斑未審何人滴

題白溝河和薛閒韻

柄國誰人主議和白溝千載淚痕多康王泥馬真無賴  
只渡長江不渡河

庚午午日

南榮啓朱明令節感層遙若榴揚丹華競渡紛兒戲官  
衙雜衆賓羣愜飛動意瀟瀟樓下人白髮慚相寄汲井  
泛花瓷滿引除豪氣俯首念妻孥鏗烟冷何地乙鶴苦  
東臯詩存卷之三十一 十三 文園

送石寶堂之河南

天涯同一涕匹馬忽孤征未別先留夢將離轉禁聲海  
雲飛不盡隴樹碧無情兩地成飄泊何年返故城  
蕭條人已去寂歷駐山阿不盡生平意翻嫌涕淚多寸  
心隨老馬落日滿黃河回首青冥合長空一劍摩

濟寧舟中

兩岸沙連雪白一篙水帶雲藍千里人歸冀北十分春  
到江南

村塾雨中早起

一夜荒村雨侵晨沁草扉苔痕深沒齒竹色亂沾衣好  
句閒相引孤雲澹不歸會心在何處消息向來微

范安湖

字守中號平江著有晚翠閣詩

夜泊太湖眺包胥諸山

七十二峰巒列畫圖布帆夜泊洞庭隅迷濛烟鎖申胥廟  
潏潏波明范蠡湖越地山河空碧寧吳王臺館半青蕪  
當時恩怨今何在萬頃茫茫片月孤

宿北固山

北固山頭甘露寺探幽徑宿白雲崖三更月色涼於水

東臯詩存卷之三十一

十四

文園

半夜灘聲響似雷境僻真疑塵世隔酒酣頓覺俗緣灰  
上方禪榻餘清興猶有烟霞夢裏來

牡丹謝後對酒作

百寶欄邊爛熳枝幾經風雨損妖姿一場富貴真如夢  
三調清平剩有詩設局初酣連日興殿春更訂隔年期  
無從覓取酥煎食粉辦拈來入酒卮

征人怨

將軍馳令保陰山鐵騎團營聲鼓閒惟有歸心無約束  
夢魂常入玉門關

咏梅限魂字

欹斜老幹倚雲根向暖花開一樹繁香滿小園春有信  
影空寒夜月無痕巡檐索笑催沽酒把笛橫吹欲斷魂  
玉雪坡前詩意好石湖舊興至今存

渡江

憶別金山已十年重來風景尚依然江流不動平如掌  
雙槳咿啞鴨嘴船

胥門懷古

復楚功成夙恨銷悲公未即遠塵囂嘉謀不敵同官譖  
忠憫其如闇主驕報德蘆碕空解劍進身吳市漫吹簫  
一從抉目東門後千古胥江激怒潮

東臯詩存卷之三十一

五

文園

閨詞

曉妝高髻懶盤鴉春色撩人轉自嗟偶欲撲他雙蛺蝶  
不知誤打碧桃花  
蘭湯浴出傍湖山坐對薰風月一彎拋却雲和雙玉手  
低頭脫弄紫金環  
木樨花下月華明翻閉深閨伴短檠不覺裁縫過夜半  
隔牕微聽剪刀聲  
紅樓雪片亂飛梅懶更添裘婢子催不解瞞人書底事  
金釵拈画火盆灰

登大觀樓作

縹緲飛樓百尺高行人執轡上層霄牕閒遠岫穿雲去  
檻外輕帆帶雨飄一水淼茫通楚越兩山濃淡別金焦  
縱觀竟日雙眸豁揚子江頭落暮潮

分韻

折楊柳同沈瘦夫余東軒黃瘦石范思堂雙桐  
楊柳枝縷縷繫相思楊柳花飄飄落天涯不識玉門關  
外路攀折長條無寄處可憐征戍客歸心碎羌笛

陳以松

字公木號友筠一號小髯中乾隆戊午副卓  
著有尚慎集陶情集

東臯詩存卷之三十一

六

文園

徐塘口

晴湖一片卷濤聲何處春風不送行獨倚徐塘半帆月  
今宵猶是故鄉明

金鼇玉螭

晴虹百丈壓春流漠漠輕陰遠遠樓刺水打來雙槳子  
鴛鴦飛上綠楊洲

南頂即事

腸斷東風碧玉簫不曾元圃奏雲璈誰家車子空流水  
紅袖春搗學播鼓

送別熙載孝基兩弟回里



客邸歡相聚天涯有弟昆從茲一揮手特地欲銷魂兩  
兩鐙前舞依依掌上恩秋風雙白髮愁絕在蓬門

幾日重陽節歸期不後期忍傾彭澤酒為誦輞川詩紫  
塞寧無雁黃花此一時良辰懷孤往只是鬢成絲

寄內

昨夜新寒有夢歸小牕和淚登征衣殷勤欲語驚人覺  
風剪霜林葉亂飛

秋夜和石待也韻

春盡辭家秋復清夜涼無那客愁生寒蛩咽露叨叨語  
老樹呼風葉聲錦字只憑來去雁鄉心暗逐短長更

東臯詩存

卷之三十一

七

文淵

中庭地白霜如雪坐擁桃笙寐不成

旅懷

更有誰人堪此愁客中病起又殘秋涼生小院連朝雨  
人倚晚風何處樓漫采山苓調藥餌不曾竹葉辦歸舟  
京華故國三千里一夜濃霜欲滿頭

聞家園暑雨傷禾有感漫賦

不獨長安生計微秋深南國鎮調饑傳來五月黃梅雨  
直入雙鰲白板扉大抵哀鴻遍中澤可憐烏鵲尚南飛  
江鄉一望愁千疊涼月紛紛冷露稀

銅雀臺

銅雀何時罷舞筵六官羅綺四聲絃老瞞兩淚真癡絕  
誰與西陵望墓田

題陶然亭碑

四十未通籍飄然事遠遊扁舟違白髮孤客此清秋寒  
日荒荒下蘆英个个浮故鄉渺何處悶淚下層樓

乾隆九年十月二十七日

聖駕巡幸貢院恭紀六首

供帳如雲列幾層珠星點點雜紅燈金貂扈擁三千仗  
扇影遙連曉日升

一字班聯玉筍齊兩行分列院東西

翠華行處音聲

東臯詩存

卷之三十一

大

文淵

寂鸞尾光中聽馬蹄

御爐香裊玉墀風身在蓬瀛閭苑中日繞龍鱗

天尺

五由來堯舜與人同

明遠樓高結彩闌樓前萬瓦碧鱗鱗

天心只有憐才

切親傍風簷念苦辛

睿藻新頒墨瀋香泥金字字有輝光詠歌不盡旁求意

續得菁莪又四章

複道沙明玉輅迴龍旂日暖霽顏開中官走馬親

承旨却為觀星更上臺

三十日

武英殿

賜書恭紀二首

環橋六曲金塘水繞殿三層白玉臺宣  
勅聲中齊拜舞黃封捧出尚方來

何處褒儀玉不如琅函分下五雲車即看秘殿三千軸  
不信人間有異書

却寄

病骨先春瘦愁心與夜長枕邊千點淚不得落君傍

題芭蕉送別方二立齋

一片濃陰覆步檐客牕同聽雨廉纖而今鼓柁潯南路

東臯詩存卷之三十一

九

文園

可對蕉花憶小髯

熟梅天氣燕呢喃嫩綠牕前盡欲芟怕是珠江人去後

蠻牋十幅似蒲帆

霞嶺南隣大小姑風流得似舊時無等閒莫築紅蕉館

浪費齊奴十斛珠

曉行

風林月落曙光遲客路星霜兩鬢知行過楚塘三十里

曉鶯啼日上牕時

盟鷗閣夜坐

綠柳環堤水抱村隔溪小犬吠黃昏卷簾滅燭當軒坐

樹影橫拖月到門

清明偕胡讓西周雲溪冒甚原史荀鶴江樵所

同遊西城

得橋字

雨滯江村久寂寥無邊光景是今朝鶯啼古寺綠楊樹  
人在春風紅板橋

憶齋頭垂絲海棠

西蜀繁花欲滿枝華繁應似去春時可知去歲花前客  
雙鬢如花寸寸絲

見新月

半頃幽篁十丈池一痕淺碧上罌甌誰家淡掃青城黛

東臯詩存卷之三十一

二十

文園

得似西南側挂時

憶得

憶得留髡送客時黃昏小雨膩如絲願郎歡笑愁郎醉

酒到郎前不滿卮

倚樓

目斷南飛玉葉雲倚樓日日斜曛莫教容易上明月

小膽空房怯社君

村塾

四圍紅錦一溪陰恰恰鶯雛試好音幾日不來春似箭  
兒童牛背賭茅針

觀女優演劇即席呈主人

小部新翻最出羣，滿酬三爵已微醺。  
却嫌狂態驚紅粉，不敢當筵問紫雲。

題秋溟先生秋航游稿次范漱芳韻

一棹烟波任往還，芒屨竹杖引湖山。  
舟行越水秋初老，人到天台屐未閒。  
旅夢只憑江月照，閒愁多倩酒杯刪。  
歸帆一溯吳江水，薄雪濃霜染鬢斑。

春日書感示章子克顯

乘風擬放洞庭槎，日課奚奴學種瓜。  
梅綻已知春有脚，天空不信鳥無家。  
湘簾晝卷還裁句，紫槿風和任作花。  
東臯詩存卷之三十一  
主  
文園  
好趁新添溪畔水，小橋閒坐聽鳴蛙。

水西門

夾岸層樓聳碧霄，午風簾幙露金搖。  
輕橈不傍橫塘住，蕩過城西十錦橋。

弘濟寺

維舟疎雨攜雙屐，摩手斜陽認舊碑。  
摘得莎羅樹上果，清涼何似紫花梨。

三合水

亂山一葉挂帆開，浪簸中流駭疾雷。  
轉薄未寧人語寂，雁聲啼傍荻聲來。

白塔寺

古寺紅牆挂夕曛，金鋪鴛鴦香難分。  
記從西子湖邊住，樓外青山鎖白雲。

對月與江樵所聯句

海上飛明鏡，小髯流光矚遠天。  
怪他能寂寞，樵所只是逞嬋娟。  
用成影落數聲雁，小髯風橫一迳烟。  
應憐多缺恨，樵所辛苦為人圓。小髯

韻

倚醉鐙前夜似年，玉清何處覓書仙。  
飛瓊不署人間籍，東臯詩存卷之三十一  
主  
文園  
偷赴西池阿母筵。

柳拂青袍翠欲飄，賣花巷外有錫簫。  
趁香花裏孤飛蝶，舞過清溪白板橋。

打魚

膩雨濃烟四望虛，驚濤初息未那居。  
橫波短棹紛如鷺，衝破蘆花夜打魚。

蔣鍾尹

字愚溪興化人入籍如臯

詠懷

初生海上月，清影落窮鄉。  
寶鏡出塵垢，玉壺濯冰霜。  
美

人卷珠箔相見情難忘團扇臨皓魄下墜整羅裳  
浮雲掩悽惻歸空房紛紛點繡幕螢火肆輝光展轉不能寐耿耿秋夜長殷憂從中來曲折迴柔腸

朝遊東山下亂草隱孤芳孤芳邁流俗顚顚減容光借問何以故夜來纏風霜猶憶桃李開春日賦載陽如何到秋菊清商淒以涼萬物貴早榮晚發徒悲傷誰謂春花艷不如秋花香

有女甫垂髫生長名門裏豪貴早求婚車駟門如市行年未及笄百兩迓之子琪花開珠翠珍香襲羅綺夫壻紈袴兒黃金買朱紫玩器侈璫璣座客矜許史可憐東

東臯詩存

卷之三十一

圭

文圖

家女容顏世罕比標梅時已過猶滯蓬門底妾本良家女嫁作倡家姬改粧媚時人膏沐難不施偶與君相值道妾美丰姿逢迎雖不慣頗解順顏辭見君顏色歡賤妾不敢悲辭氣倘勿善低頭綴雙眉朝來忽自傷阿意非所宜君心妾能料妾心君豈知

重陽後五夕朱雙田見過

茅檐寄窮巷近市如荒村牀頭餘經史門外寡蹄輪西郊日云夕悠然林漸昏飛鳥既歸樹吾亦閉吾門剥啄聞扣戶挈杖來故人攜手延入座問答無寒溫一溪月正好三徑菊猶存欣然復斟酌呼兒倒綠樽有詩且高

唱世事安足論有酒且盡醉何必憂長貧一杯復一杯不覺漏已頻既倦思偃卧為君拂文茵天明辭我去乘興還相親

顯惠廟

古廟河堤上松陰靜掩關空庭黃葉滿頽壁綠蘿閒落日仙人墓秋風戊己山前朝碑尚在披讀蘚痕斑

秋晚懷王清瑤楊素凝兼悼陳爾明

草木霜風苦闕河秋氣深千山爭落日一鳥出疎林泉壤悲公子騷壇念素心故園何寂寞回首少知音

宿港口

東臯詩存

卷之三十一

舌

文圖

客路行將夕扁舟次水濱一輪村店月斗酒異鄉人繞樹憐烏鵲潛淵羨碧鱗草堂何日定飄泊暗傷神

過六盤山

複嶺如螺髻巍峩迴出羣亂山低抱翠飛磴曲穿雲烟靄林端起風泉谷口聞懸崖愁馬蹶蹠蹠下斜曛

阜蘭山早發

鳳林關口外山路望悠悠初日長城曉涼風絕塞秋黃沙天地閉白草古今愁百里人家少孤烟出戍樓

春怨

欲繡復停針卷簾待飛燕春風不解愁吹落桃花片

冒車書

字富五號硯癖

秋興

幾縷秋烟一抹霞空階涼雨似山家常憂來日不相得  
詎是我生真有涯徑遠林臯封落葉宅連雉堞亂歸鴉  
候蟲也似知遲暮鳴過墻陰藕豆花

峴山數葉且畱餘猶記成童佩鞶初王謝弟兄過絡繹

崔盧兒女笑軒渠蓼花水齧中丞墓柿葉聲寒開府墟

先中丞撫秦軍後吏部遺書亦寥落先吏部藏書存什家於海陵遂葬焉

我姑飽食到華胥

東臯詩存

卷之三十一

五

文圖

牽牛花下板橋西漠漠秋烟謝豹啼藝圃灌園真可老

卜居築室更休提治遊難再林亭盡謂先司李水繪廢園生意無

多手足若先兄青若繼沒敗絮新涼早堪擁却愁兒子手談迷

漫興

烏衣不分事多更眼底升沉孰不驚馬以駕駘為上駟

墻於糞土指長城賞音當代徒增穢定論他年或可榮

何慕故鄉拚作客中郎倒屣自相迎

感懷

砲車雲脚挂寒原枕上聲如萬馬奔颶母自驕秋子夜

爰居聊避魯東門縱橫白練光無定斷續青燈影亦昏

不讀齊諧愁語怪止應豐歉問田園

冒漢書

字七巒號小山

長相思

流水苦不斷人生苦相思西風吹榮落大陵何淒淒春  
夢有時盡相思無盡時

采藍不盈擔采綠不盈匊青鏡正新磨不障孤鷺目相

思復相思中心如轉段

春日病起

久病卧茆屋堦前芳草生客多相惜意鳥作可憐聲柳

東臯詩存

卷之三十一

五

文圖

意遲新雨花心動曉晴江鄉烟景好三載總關情

過家上苑

鶯聲三月盡得此倚欄干江柳晚烟重海棠春夢寒芳

時真不再佳句最為難殊愧故人意殷勤致一餐

中秋

窮愁猶未已客到亦淒然攜手小山下開尊叢桂前蟲

吟旋在字人病已經年誰識虞卿意空令千載傳

范昶

字旭東號華阿候選翰林院待詔

狼山秋曉

萬里晴光照爽秋五峰屏列枕江流朝烟欲散顏初霽  
旭日纔升影正浮海濶不妨胸浩浩時清長見水悠悠  
憑高縱目還舒嘯黃菊丹楓露尚稠

冬月見梅開有作

疇將芳信轉韶光忽漫衝寒試淡粧驛使正愁春未寄  
林園已覺夢生香枝橫凍骨餘孤傲影動冰蟾帶冷黃  
踏雪相尋多少客不知誰是孟襄陽

擬陶徵君田居

結茅近古陌矯首觀青畦簪組既投擲不稼胡所為  
黍稷原隰桑柘垂高隄耳不喧車馬時看雲鳥飛豈無  
東臯詩存卷之三十一 文園

親戚話相好常相依動作不違則長吟聊自怡

可以賦新詩

高吟寧擇地觸景自生新不意古茆屋偏能怡遠神時  
來花醉月氣至鳥鳴春了悟隨幽興與禪機更可人

水仙

盂水根盤結仙姿映玉堂珊珊皆骨立隱隱透肌香鼓  
瑟何年恨凌波絕世粧陳思應有賦還倩月平章

海鶴

曉閣東開海氣森橫空秋杪見仙禽飛來烟頂丹初轉  
舞去風衣雪不禁影掠黃樓雲已散輪回赤舄夢難尋

生成磊落無羈束肯謝蓬瀛卜在陰

姚銓

字東衡號老漁有晚翠軒草

題劉夙與親家曝書圖

天祿然藜光大宗發祥始東臯承書香六百餘年矣明  
經十五世令族實罕比藏書富累代牙籤萬軸紀先生  
承其後寶愛逾金紫列坐擁百城南面差可擬膏火勤  
鑽研耽嗜如甘旨猶虞檢束疎無以遺孫子微爛飽蠹  
魚先澤因之毀所以烈日中曝之未能已丹青繪作圖  
於斯見前軌後世仰芳規百代表休美嗤彼銅臭兒遺  
東臯詩存卷之三十一 文園

金珠足恥

咏蘇寶田齋中盆梅

蘇耽多愛客邀我看盆梅紅結丹砂顆香凝琥珀杯自  
應增逸興豈止占春魁相對開懷抱頽然爛醉回

宿鉏金園次管處士辟閒韻

時事滄桑不可論百年高隱此荒園數閒茆屋斜臨水  
一片蒲帆直到門知有留遺皆祖德幸無徵辟亦君  
恩流連越宿盟松石濁酒寒燈古道存

劉無忝

字夙興號繼菴亦號老鶴

夜坐哭仲兄扶九

鵲鵲聲斷子規啼啼到更闌血淚垂艾得三年成底用  
計深二豎竟難支生前梨棗情何切夢裏墳笮醒復疑  
總角藐孤更誰倚庭花零落月殘時

南沙贈別芮子赤陰

同客江村久君歸我尚留帆從雲外遠心逐水東流此  
際多新雨何能洗舊愁母忘明月夜倚醉過齋頭

次韻陸佩葱船屋

井幹麗譙亦枉然安身何必厭居屨誰知流轉雙丸內  
却愛乾坤一画船愧我浮沉動得咎羨君栖泊獨無愆

東臯詩存

卷之三十一

无

文圖

何勞別買青山去行矣風波慎眼前

送王竹樓返里

風急江天內手寒蕭蕭行李布袍寬新詩屢把徒增感  
濁酒深慚未盡歡明月正圓君又去梅花將發孰同看  
也知聚首期來歲白髮相輝欲別難

沈人傑

原名俊

字穀似候選刑部司務

對友

掃室常枯坐蕭然萬慮餘簾風吹細葛牕雨濕殘書焦  
尾彈何益蠅頭作亦虛祇堪與朋好烹茗話貧居

管正聲

字玉章號萬亭邑庠生著有聽松廬詩集

朝陽洞

潮漲水吞門水落紅日曜有洞名朝陽遊人不易到亂  
石白雲封枯藤穿山竅到此脫凡心足以舒吟嘯何時  
遂初心明月來垂釣

龍潭道中早發

策蹇隨征車早行天未曉莫辨衆山巔層層山麓遠流  
水聲淙淙殘月影皎皎撲面西風來啾啾亂飛鳥漂馬  
過石橋清霜滑古道忽開嶺外雲紅日生樹杪

東臯詩存

卷之三十一

手

文圖

雨中

小雨連朝暮溪聲最可聽荒蟲鳴草逕濕霧擁山亭樹  
洗千條碧苔封四壁青但教杯在手莫管鬢如星

遣懷

養心惟澹泊恬退正相宜適意書成帖和神酒入卮窻  
前紅日放頂上白雲期老大應如是當年何所為

對水繪菴故址

水繪名猶昔亭臺已作灰祇餘藤蔓在無復管絃來蟬  
噪荒林急蛩吟斷砌哀憑闌何限意欲去更徘徊

客中夏夜寄懷一二知己

避暑夜涼生逍遙托竹林坐看明月上想見故人心海  
濶浮雲淨門扃清籟深片時難縮地搔首一長吟

石瀨湖

平湖秋水急危坐一孤舟風激星河動潮橫天地浮碧  
雲搖斷岸灝氣蕩中流三萬四千頃征夫總白頭

燕子磯

拳石屏江立衝風砥浪分烟橫山脚雨波撼海門雲高  
鳥翔風下疎鐘隔水聞登臨當薄暮漁艇泊紛紛

古林寺

寺藏深岫裏老樹覆岩阿荒徑人行少空山鳥語多懶

東臯詩存卷之三十一

圭

文園

雲函石壁清梵入樵歌愧我風塵色今來意若何

鉏金園即事

踏凍西橋上披蓑向北原朔風裁雁足老樹斷雲根雪  
擁寒花濕陰霾岐路屯今宵無酒伴空自負黃昏

山居

生計何如學老農躬耕隴畝得相從黃牛閒向池邊卧  
晚稻還期月下春鳩喚一聲春雨足梅開幾樹白雲封  
近來人事清如許泌水源頭好看松

半世塵埃賦索居蕭蕭兩鬢又驚余老來情性十分懶  
貧後親朋幾個疎坐對落花春寂寂門臨流水意徐徐

不須策杖行吟去尚有琴書伴草廬

雲掩深山古木斜叢篁夾抱幾人家橋平水漲烟生樹  
楓老霜凋葉作花野渡有時攜老衲斜陽無處不歸鴉  
清涼滋味閒中得莫羨春城開麗華

坐月次韻

蛩餘四壁亂吟秋山月初升玉宇浮圓歷幾經同棧馬  
生涯到底屬蝸牛雲收河漢天如洗露濕松杉翠欲流  
坐向深更應惆悵一聲長嘯海東頭

大悲閣紀事

層層画閣出朱櫻路轉青苔細草生醉倚落花人不語

東臯詩存卷之三十一

圭

文園

綠楊深處鳥啼聲

石文美

字繩武號亦廬附貢生候選州同有寧壽堂

詩

江行

楚客三千里蒼茫任所之一江春水急獨戍角聲悲曉  
發迷烟早宵行怯月遲鄉關回憶日迢遞不堪思

望彭澤

幾家茆屋遠山巔城郭參差枕水邊耕鑿人烟偏寂寂  
樵漁生計自年年雲移石壁留晴照浪挾江風入暮天



却憶淵明歸去好一尊開對菊花前

客中送春

作客三春前山花飛處處睡起拾山花杳然春先去

沅江夜泊

漠漠輕烟遠沙綠陰枝上酒旗斜居人半以漁為業  
城郭全荒傍水涯

銜杯不覺月明中撫劍長吟待曉風此去江頭三十里  
洞庭八百遠浮空

村居雜興

密籬疎竹水環廬卜得林泉築此居莫訝蕭條生計拙

東臯詩存

卷之三十一

重

文園

由來踪跡本樵漁

門對江南幾點峰天然圖畫影重重敢言供養烟雲裏  
自許江村一老農

半生習氣已全除好讀蒲鵝角上書縱使索居聊自得

喜無剝啄到門問

籬邊笋蕨日初肥又是河豚欲上時村酒釀成花繞屋  
個中風味幾人知

初學躬耕愧未精且教蕭散樂餘生坡仙也作荒唐語  
底事牛羊好縱行

東坡有君欲富餅餌要須縱牛羊之句

一片豪情今已矣數椽茅屋亦幽哉荒畦未敢稱空谷

却有芝蘭繞砌開

雨窓不寐

無計消長夜匡牀思不窮高堂千里別孤館一燈紅有  
意難成夢多愁怯聽風那堪窓外雨點滴暮秋中

江蘭

字衡山號蓮溪諸生

病後管生齋白見過

白頭垂死他鄉病慘絕寒江送我時落羽雲霄真委頓  
傷心人鬼各流離敲門忽破還山夢把火因看下第詩  
百不如人吾老矣青春年紀好爲之

東臯詩存

卷三十一

重

文園

病起示兒輩

秋深落葉下高梧風雨蕭蕭一草廬小子莫愁無長物  
幾家不得有遺書貧來事業青燈在老去功名白髮疎  
失學兒曹多病我三更清淚滿衣裾

抵家

破琴猶挂壁絃絕詎能揮獨客無家別窮人不第歸空  
腸遲晚食病體急秋衣此際誰相語西風入破幃

雨夜

久坐燈初暗長愁酒不斟數聲蕉葉雨滴滴冷秋心

江連

字錦尚號茹軒諸生

過金將軍墓

瘦馬艱行歇此途一抔殘土長蘼蕪天真厭宋將軍死  
人鮮勤王宰相孤氣激江濤飛作雪淚傾山雨落成珠  
舊宮多少流離恨知有魂歸故里無

初冬齋中有感

瓦上新霜水上冰褐衣寒透曉難勝空簷過雨喧饑雀  
古壁凝塵集凍蠅病後形骸添况瘁貧來意氣失飛騰  
荒齋差喜無人到呵筆題詩我最能

懷程老松

東臯詩存

卷三十一

畫

文圖

文名滿天下白首尚塵埃當路慙狂士斯人老秀才秋  
風茅草屋疎雨菊花杯可復攜尊酒開門揖客來

無聊

小菴隣城北殘鐘過水西聽人談米價向婦索詩題老  
屋風初起空林鳥亂啼尚然愁不寐未有夢魂迷

沙之披

字藻亭邑文學

感懷

筋力知難舉力田文章恥復羨逢年小園負米真堪愛  
嬌女拈鬚亦可憐到處題名如洛寺醉餘謝客似斜川

春松秋芋吾家足悔不三竿負日眠

鄭大任

字懷二號巢筠筮仕粵東別駕轉四川西充  
縣令著有課花莊稿

法螺庵

疊石開幽徑編籬護竹扉老僧迎客坐野鳥帶雲飛泉  
水環芳渚松花繫落暉清風消暑盡植杖上苔磯

小華山

松徑集烟霞空亭四望賒湖心頻激浪洞口漫飛花石  
榻經聲冷天梯路影斜蓮峯稱絕頂雲霧隔繁華

東臯詩存

卷三十一

畫

文圖

靈巖山

山迴路盤辟社湖水一痕岫松青疊疊崖屋盡昏昏雲  
起常隨足猿啼欲斷菟琴臺存古意壯麗帝宮垣

甲申午日與范未堂及同人賞午有感

聚會幾何日天中節屆期艾旗揮度曲蒲劍擊催詩幽  
意憑誰識含情與子知及時斟酌好莫訝鬢邊絲

徐世俊

字秀章號碧山考授州同

隱玉山房懷古

山房岑寂古城邊爭憶先生隱五年鋪徑苔花上粉壁

夾溪楊柳護蒼烟晚驚宿鳥雨香磬暖戲游鱗洗鉢泉  
不識梅梢深夜月當時幾度照青氈

春日郊遊

放眼南郊外村烟處處同鳥啼新柳綠花發舊山紅得  
悟浮生理方知萬慮空為歡能幾日載酒訪花叢

東臯詩存

卷三十一

三

文園

東臯詩存卷之三十二

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

范捷

字上之號月三又號鹿裘念一之夫栗園先生  
生長子國學生著有越山集行世

秋懷

新聞大獨度桑乾羣慶宸遊協治安萬國雕弓從射  
東臯詩存卷之三十二 一 文園

鹿九天秋駕護鳴鸞西池露重旌旗布北落門高壁壘

寒欲歎長楊慙彩筆草莽今已事漁竿

露葉風凋月滿林高天涼韻起清砧誰家寶袂龍綃重

有女寒機夜火深山上薜蘿秋寂寂洲中薜荔水沉沉

寥來采去知何益惆悵華予歲晏心

曬藥

鬢影經秋覺更絲比來方悔養生遲丹砂換骨知難就  
藥物扶衰喜易治奴子舊諳迎日曬山妻翻為惜風吹  
鹿門未遂龐公隱獨對筠籠有所思

曉發

微逐非吾意秋風有別離連宵及星飯又負故園期白露沾衣重黃花背客垂臨歧感搖落容易變衰時

宿曲塘

雙槳停秋水新寒生晚晴枕單蝴蝶遠雲薄夜蟾明肺病因愁劇鴻毛似客輕迢迢屬前路脉脉獨含情

宜陵道中先寄汪葑谿就研

蕭條微雨泊寒汀又是離鄉第幾程江上暮笳蘆葉小舟中行李藥囊輕三秋疾病瘳君子岐路安危賴友生肯信故人今夜夢先隨南雁越重城

葑谿以蜀客遺椒詩見示得此誌意

東華壽存

卷之三十二

二

文淵

三復申椒意新詩可服膺兼聞美人贈屬和恐難能道遠經三峽懷芳抵百朋殘生餘合口未敢詠盈升

九日與古水上人

偶爾作秋禊非公殊不豪餐香雲子熟剗對蓼花高煮水微蝦眼搏沙拾蟹螯莫愁歸路黑涼月照寒濤

寄五十

不寐偏思汝時時過夜分已知天有命敢怨爾無聞筋力拋薪水荒蕪到典墳村南有遺業木石且為羣

織素詞

十年前是掌中身占斷絞綃帕底春一自靡蕪惱人意

可憐長作下山人

枕上溫磨銷暮雨鏡中秋水隔前魚空傳賦筆相如好買得長門屬子虛

將遷野田憶懷酬葑谿昆季

浮生迫短景去我何荏苒風昔適鬼謀流離負天厭伯龍困椰榆千里驚龍睽睽憂怒於饑囚魄發為魔慨懷素絲汙恐懼白圭玷禍至那能虞膏成豈庸掩寒女銷冶容末俗妮奴詔藥言詎易甘強笑苦不聞貧緣鄙干謁排撈醜設論杜德契默存潛虛謝言飭先機失精詳再誤坐神晦偕世乏籌策植行寡脩檢撫茲焚身憂幾

東華壽存

卷之三十二

三

文淵

蹈履尾險情劇客依劉事殊舟入剡嬌妾挾清娛癡兒挈舒儼雲路指西南山光面厓陳將焉卜所安抑以濡其染故人就汪倫賤子慙范冉絮情潭水堪比德萊蕪忝風流挹仲將清聞擬公琰芳躅貞且和淵懷灑以澹行李許休息微軀藉含奄翦紙招我魂燂湯醺我臉夏屋慰烏瞻盤石遵鴻漸脩梧覆虛堂滋蘭布陰廣謙謙讓樹低湜湜康泉濂若若桃綬繁纖纖柳絲姍交交幽鳥啼啞啞文魚噉春畦冒烟甲穠華綻羞臉荻臺滑勝臂妃竹斑如靨左實約珠圓東窗削圭剡階祀歷爽塏亭館別涼曦畬田富杭稔芳湖足菱芡白雪唱蘭芬汙

邪賡薺斂土風亦良厚夜戶可忘居綠垣締綢繆高費  
構閤弁姹女媚紅藍肥牛飽鳥茲瞿瞿慎無荒祁祁占  
有滄出岫喜雲豐入谷率霜儉偶爾涉漁獵相將暢噓  
歎一垂任公釣載咏秦風檢巨口跳曲針頰翎矜揉縻  
逍遙乎歸來須臾日下崦小鮮擊魴鮒清尊傾漱澗樹  
蔭食單涼鷗翔水花颺困棘憩閒房安神坐疏簾巡檐  
歷穹宇宵行倏明覩親圖書微言託褒貶經史各  
異籤甲乙類分陝披編入深夜挑燈注殘燄低戶玉繩  
斜垂角參旗閃閃物理閒可觀吾生復何憊欣豫成小詩  
連恤供嗤點寸心致區區聊爾塞嗟嘆

東臯詩存

卷之三十二

四

文園

生日舟中寄內

去年今日住舟中今日今年又短篷自是生涯類浮梗  
不須飄泊怨東風

春湖流浪感年華照影驚霜兩鬢加忽憶前年作湯餅  
煩君纖手擇芹芽

飲鄭山陰宅

燭炮香昏月滿橋街中寒漏落丁丁惟君一石亦不醉  
始信星郎是酒星

謁董子祠

清祠遺像儼輝光南國均鎔拜典常三策天人承絕學

兩言功利折驕王編餘繁露春秋在挹盡流風俎豆香  
卻倚斜陽轉西望武皇宮闕是咸陽

螢火同姜雅師

死灰心緒恥重陳又見流螢弄眼新月暗竹樓低照客  
風迴蘭渚遠親人明時共歎飄零拙腐草殊憐變化神  
不分徐吾底情性半生光景借比鄰

湖上同葯谿

尊前不信是天涯畫舫珠樓盡物華芳草湖邊雲似葉  
輕雷塘外雨如花翩翹細語迴歌扇宛轉流萍逐汎查  
詩思不成成獨醉手搏香水弄芹芽

東臯詩存

卷之三十二

五

文園

北來寺

古寺枕城隈何年自北來草荒空地少花艷隔牆開斷  
繡飄幡影流塵失篆灰憑誰索燈火為我照心臺

留別程汪兩生

天風西北來歸心日騰蹕搖搖吹行旌欲握不可捉寧  
知二子入耳淚先落局促偏衷腸念我久蕭索子材  
比雞肋不足共咀嚼一如虎豹皮毛脫只存軀且復迫  
早衰疾苦相着痾痛焚肝脾慘淡瘁肌膜動徹廢眠  
食一月三止作熾火困焚如徑夕屢驚愕輾轉襟被中  
牽率事纏綿頻年竊臯比深知素餐惡緬懷辨志心俯

仰抱慙忤我友梁孟公研幾破釣鑰宗廟美百官戈鋌  
擅三畧析理入微芒霜颺捲秋穽凜凜後彫心寒根守  
邱壑予生好方人自愧醜藜藿此堪為爾師舊畬有錢  
罇昨已為先容幸承孟公諾而敬樂而羣相與安所學  
他年秋風高盤空待雕鶚

烏夜啼

烏夜啼欲飛不得心悽悽西家碧樹何參差瓊瑤之華  
紛陸離行人並道新枝好太息人情徒草草不如舊枝  
恩愛深誓言與君無異心

空城雀

東臯詩存卷之三十二

六

文圖

空城雀朝東暮復西朝朝暮暮常苦饑饑時啄我城上  
泥今年六月西風多嘉禾不實奈爾何我見長官坐官  
署設法催征費官慮昨夜丁男官捉去烏乎我生不如  
雀如雀饑時泥可啄

謝黃門

元嘉之初稱得人二王一謝劉與殷中外目之為五臣  
一時冠冕何彬彬五官之中誰最稱陽夏之子謝萬孫  
其官維何為黃門

晉陵公主

晉陵公主絕婚初宮官迫促催升車公主急劇呼弘微

可憐不得留須臾鐘鼓不移年運改弘微之心互九載  
僕射於今為不死僕射生平重此子

哀佛念

去年天雞食焚惑一入不出八十日魏國君臣求不得  
今年太尉收長安六師東來聲破山秋風蒙衝沂渭上  
眼中不見咸陽闕長安居民六萬口一時不為秦人守  
長安城雲如墨昏秦人自開平朔門可憐羗兒解持節  
須臾化作宮牆血至今長安宮牆邊霜天草紅如血鮮  
讀胃甚原每對客中味便思堂上餐之句作此

寄懷

東臯詩存卷之三十二

七

文圖

舍肉情彌切循階思不禁天涯遊子意歲晏小人心少  
賤承歡薄長貧飲痛深悽然感同病清淚落高吟

送甚原復之揚州

綠酒紅亭能幾時暫時相賞轉歎歎風檣似燕拋人去  
別夢如烟逐雁飛秋氣沈寥摧宿莽晚雲輕薄送殘暉  
平生此恨那堪道古道杖藜愁獨歸

敝櫛

結髮綢繆髻彼初年來衰鈍苦憐渠多君沒齒能無怨  
比我顛毛覺更疎已是崢嶸負頭角空令風雨共居諸  
何時細把柔荑手入骨縑塵一掃除

廢井

晉井虛涓滴空能爾許深不須悲短綆人已占无禽茅  
經馬誰目銀餅枉自沈殊憐跳梁者猶有蹶泥心

老馬

筋骨虺隤盡殘年傍路歧齒長知力短蹄重覺神疲對  
客空驤首何人惜敝帷房星徒耿耿不照落毛時

籠雁

久客驚籠雁途窮感慨生誰憐春水遠自覺羽儀輕于  
木寧宜漸游樊莫浪鳴相看吾與汝同此異鄉情

黃雀

東臯詩存卷之三十二 八 文圖  
細雨矜黃雀羣飛奈爾何每乘秋雨至只傍野田多未  
俗求滋味危機迫網羅殘生好相惜宛轉為君歌

梧桐

鬱鬱梧桐樹亭亭當我樓清時占風德良夜拂河流望  
以輪囷重陰能覆被周要留楨幹在牙曠莫相求

燈蛾

短檠炷還滅惱人緣夜蛾餘光雖可慕輕命奈而何不  
惜蛭膏沒惟愁鳳脰多移牀就空宇良月滿銀河

蟋蟀

蟋蟀入牀下無端增我悲因之推物變乃復覺時危絮

被寒無夢霜根晚漸衰可憐淪落意與汝共棲遲

梁紫

梁紫西人子年華稚齒新玉盤羅翡翠繡幙剪麒麟媚  
薄留餘盼嬌多得淺顰背人聞謔語裁笑又成嗔

雁

孤雁苦不進後飛良獨難失羣千里遠顧影一身單風  
雪摧菰蔣關河敞羽翰青雲滿前路翹首企鵲鸞

蟹

莫謂螯如鉞寧知禍有樞輪囷出秋水束縛困寒蒲蹠  
進殊非命橫行足隕軀誰憐附明者遺恨滿江湖

東臯詩存卷之三十二

九

文圖

鏡

出匣菱花白照人秋水清不妨聊黠黠惟恐太分明  
魅應相妒嬋娟定欲驚從今寶明哲於物莫輕呈

月

暮雲低不起霜月上還遲隱堞微微見巡檐故故窺影  
寒星漸少坐久樹頻移莫漫驚烏鵲天涯寄一枝

鏡中

零雨競添瓜蔓水他鄉吹盡楝花風歸心一夜煎元鬢  
五月繁霜落鏡中

寒月

碧雲如水思悠悠萬井無聲凍不流不識嬌娥底心性  
夜深闌入望鄉樓

偶成

平生寡髡須自愛頗姑息年來點秋霜雖白不忍摘為  
我類楊氏一毛亦珍惜今年困饑驅歲暮晚為客服御  
苦單弱衣履劇蕭瑟虛檐森暮氣局促就寒席縮澀數  
新婦藏頭事潛匿拂鬱增呵噓入夜三轉側寧虞髡與  
須乃為被所逼昨日拂青銅始獲覩狼藉阿誰假羽毛  
為我好顏色生不逢崔諶欲種恐無策翻然成一笑殊  
勝施摩詰明歲春風生看取蜩毛礫

東臯詩存卷之三十一

十

文圖

感興

天雲生四垂東西南北浮因風會天心蔽芾何油油六  
龍御以升甘雨賴以稠盼蠻蒼浪間沛惠盈九州所以  
古帝王下此賢聖儔五人登虞廷十亂居成周重華及  
蒼姬功業萬古流於焉感際會天命永康休

洪鈞肅秋氣百物謝時榮俛候墟里間已見萬寶成繁  
草寡生意夜蟲多苦聲幽居慨時興念此憂歎并所憂  
非饑寒所歎年命傾眎聽雖未衰霜雪已見盈白首不  
聞道徒為賢者輕氣侯有銷歇將焉辜所生

秋蜨弄烟叢遐心愜幽憩寒花抱夕香那得多時麗予

生迫五十短景汨生計料檢及升合為功亦已細殘炎  
挾驕陽秋熱負餘勢飛廉擺閭闔倏爾化為暄予生與  
秋蝶偶會成一際緬懷坏戶心葆茲天地閑

開畦冬葵得此百本強秋早眇靈雨土膏日就荒下  
有食心蟲上有殺草霜嗟彼灌園人撫此心茫茫辨色  
起行汲抱甕日三商所潤能幾何何足抵秋陽謀事非  
不肫擇業非不良天運有未然志士徒自傷

枕左銘

役於日息於夕君子其惕

枕右銘

東臯詩存卷之三十二  
匪夢之不甘旭日旦矣

士

文圖

留別葯溪就研

四海皆兄弟中心苦未宣藏之非一日不報已三年結  
納虛投縞詩書共勉旃深知友于意只在鵲鴿篇  
倦鳥思飛急將歸惜羽翰老尤知別苦貧始覺廉難感  
激深車笠殷勤見肺肝萍漂忍垂涕今日與君彈

懷汪驊

早夜周旋久睽攜覺分乖知君應日上何以起予懷漸  
陸看儀羽簪花憶折釵遙憐好春服風詠幸相偕

黃葉歎



我昨墟里行釋杖憩嘉木矯首見黃葉風來何簌簌  
視蔓草中忽有老翁哭問翁哭奚為乃爾劇心顏翁言  
黃口時婆娑此樹間撫茲拱把材一日三往還及今八  
十年見樹日益美我生曾幾何黃髮垂兩耳樹葉固無  
情秋黃春復青人為萬物靈乃不如樹貞我口不再黃  
我髮黃未已鬱塞摧心肝淚落不可止

寄從姪斌

久矣思裁荅緣愁苦未曾別來詩更少邇日酒還能暮  
雨寒偏急離魂遠莫憑他時見歸鬢君定訝鬢鬢

冬蚊

東臯詩存

卷之三十二

文圖

營營白鳥往來頻忍冷猶能與客親知爾不才應似我  
殘年口腹尚依人

辛酉長至從弟安國以羔裘相餽作此簡謝

江縣冰霜酷似刀伶仃七尺裹絺袍殘年作客空皮骨  
異地逢君賤羽毛披處日當南陸永解時情比北風高  
平生不盡無衣淚輕易何曾託絲毫

談往

閒尋往事說寒宵華髮青燈對寂寥過去心情春漠漠  
夢中樓閣影迢迢霜昏斗帳櫻桃暗香地銅盤石葉銷  
自分殘年死憔悴不知何處慰無聊

送楊大已軍

客裏難為別天寒多苦辭故人驚雨散落日感鴻離氣  
短黃金盡愁深白髮滋寧知岐路淚乃復向君垂

醉歌行

重離光 大清四葉生我 后 皇路鬱鬱魏羣生歌  
在宥精一簡 帝心萬歲罕所覲赫赫揚天光三垣耀  
羣宿膏澤沛豐年間閭遂昏媾幽僻起巖阿安懷叶老  
幼四序次安寧萬物感成就東海草莽臣作息庇天覆  
種秫刈秋田醇醪釀重酌歡樂難具陳肥羝速諸舅酒  
酣兩耳熱起舞拂雙袖長跪前致辭願言除疾疫湯盤

東臯詩存

卷之三十二

文圖

銘日新侯服廓禹舊九旬永康休 聖人寧萬壽

寄城中親友

自笑野夫何所求只憑耕鑿老林邱新聞西北烽烟靜  
喜見東南雁驚秋溪上漁竿分稚子家傳老屋似虛舟  
美人孤寄雲霄外轉倚躊躇託四愁

看月和就研

露葉濕欲滴流雲去不迴繁星半明滅北斗更崔嵬老  
兔騰光遠清笳入夜哀宵長定難寐憐爾獨登臺

送冒大甚原之西河書塾

二月西河上龍門羨獨登杏花殊自好春服正相應童

子能求學斯文賴引繩東君有藜火乞作讀書燈

西村

江郭新晴春興饒西村烟柳碧迢迢高花有淚啼鶯在  
野燒無痕細雨消幾處閒門通暗水忽看飛鳥上層霄  
歸來種植須親手分得比鄰杞菊苗

秋蟬問桃樹

秋蟬問桃樹爾實曾不華天桃發巧笑笑已還復嗟當  
我繁華時爾猶在泥沙夏蟲與堅冰時勢每相左莊子  
固非魚惠子亦非我

弔古塚

東臯詩存卷之三十二

文圖

野棠幽淚濕荒墳杜宇殘紅共苦辛見說壺中猶惜別  
焉知地下不傷春牛羊滿目無青草風雨銷魂有路人  
寒食年年應夜哭粥香腸白不露唇

種凌霄

特向松根種爾來為憐高格絕塵埃雲霄有路非難上  
亭館無心亦偶栽萬里風雷因尺木百年楨幹在三台  
朱花纍纍秋風裏好覆晴窗自在開

虞美人花歌

虞美人虞美人花枝宛轉嬌上春在昔曾聞魯公死宛  
轉蛾眉殉江水零落殘魂散作花年年歲歲春風裏魯

公死沛公帝風前暗落陰陵涕

贈雁

入秋纔幾日見爾獨孤征健翮空千里高天時一鳴保  
身羅網密謀食稻梁輕落落西風裏誰歌平慎行

三聖頌

臣聞一寸之絲不足以章山龍一稊之米不  
足以充京坻則又何敢以嘽嘽之口而頌無  
稱之德哉惟自國家開運以來迄于今九  
十有九年孝理化成富有大同民無出門之  
役而太倉之粟往往露積于外保和洽壽罔

東臯詩存卷之三十二

文圖

不各樂其性是以流慶無窮德綿後嗣臣祖  
孫父子皞皞然耕田鑿井於含弘之內受  
賜亦靡有涯涘矣歟然伏思汪濊之澤侗乎  
無所稱其亦何以荅高厚耶爰作頌章以  
述湛恩于萬一焉耳

於皇我祖有煥其光維則維天莫與之京萬邦為章  
昔昏墊百六有夏無王封豕長蛇是竊是壤有夏分崩  
莫之敢撓我祖桓桓孔赫不寧曰維我征之有夏其  
痛曰維我寧之有夏其蘇我征我寧振旅徂東於爍  
王師馘此元兇曰一戎衣六合乃同於皇我祖協孚

萬邦孔通惟殷撫此瘁傷秩秩德音率由不忘享祺二  
九慶流無疆

右於皇我祖

仁祖穆穆降自天克岐克嶷升於冲齡天命維虔不  
騫不崩三孽作慝為此大慙進厥虎臣六師斯邁孔武  
維皇 皇武不猛孔文維 皇孝思恭允烏變時雍  
聖敬日躋熙熙春臺育我羣黎含哺鼓腹 帝力其幾  
維六十有一載曰維康哉下民迄於今靡時勿思靡思  
靡已淪肌浹髓

右陟降自天

東華詩存

卷之三十二

十六

文圖

維清緝熙世有 哲王 世宗憲皇作配于京順德嗣  
服天祿永昌任人維賢多士思皇思皇多士作 天子  
弼弼我明明為憲四國有盱其食有宵其衣綏懷以柔  
振德以威恭勤勵精庶績咸熙官臣業業雍雍斯畏斯  
懷四國同寅萬福乃來一十三禩令聞斯該

右維清緝熙

於赫皇穹是冒是憐維我 元后荷天之休荷天之休  
繼 三后作聖維 三后配天錫我休命錫我休命集  
我 皇躬壽考且寧福祿優崇庇我民人寧我婦子子  
孫保之眉壽不已小臣作頌兢兢祈載揚皇休媚茲

一人

右於赫皇穹

後轆轤行

落日橫大川光駛餘景爛爛東北隅西星亦何耿向  
夕撼銀牀抱甕汲金井井深水難上天寒結冰綆綆冰  
結不開轆轤聲悲哀轆轤哀聲不已淚結紅冰落井  
水含酸茹泣入洞房手執安州雪藤紙中心繾綣千萬  
端紙短書長書不完任是書完更何事信使無人倩誰  
寄萬里寒雲隴坂長鯉魚沉淵雁垂翅吁嗟乎華星歷  
歷森白榆冰蟾泣露啼玉壺斗帳宵寒那能寐空使愁  
心如轆轤

東華詩存

卷之三十二

十七

文圖

和迦陵見懷原韻

緬懷執手日植物始勾拆如何轉瞬間蟋蟀鳴階石頗  
知人生年大抵不滿百况我復早衰未壯已斑白今日  
視昨日往事盡陳迹天地與光陰逆旅寄行客念茲同  
根人興言輒太息如何我與君動作參商隔塊然處窮  
鄉誰更念狂易含淚向停雲惆悵竟朝夕三復鵲鴿詩  
予生多謫謫

題潘桐岡四十二願詞

并序

普門化象有四十八臂者各執一物參差笑

人予每怪之而不知其道也後聞此邱得其

大槩名為示願用證陀羅其願之目則四十

有二焉予友潘生偶借桑門之說製為詞闕

亦四十有二觀其所由並非揄揚象教不過

據其所抱而已勉成短章用弁其首

予生一願苦不滿坐使窮愁等博散先生有願四十二

吁嗟此言無乃誕普門菩薩天人師四十八手何參差

何必一手握一物亦何需此牢把持發為四十有二願

何必願乃多如斯此手此願更何用何足勞君填作詞

君何作此無益事嗚呼此情吾能知昔日相逢揚州路

東華詩存卷之三十二

大

文園

曾有一願向子訴今日相逢蒲水東別來面目仍相同

我固知君無奈何短歌不足還長歌一身促跼蒺藜刺

兩足硤硤多輶軻鬼母馮秋叫白日吹蠱吟風聲唧唧

叢薄深林虎豹闢下有絕澗聲潺湲十年天下足歷徧

慨然不畏行路艱饑驅先生走萬里願言乞食徒厚顏

可憐一身不得遂聊以邱言託文字偶然會此菩薩心

填出新詞四十二一願填成一願詞其中半是平生事

噫吁戲普門大士成佛遲先生滿願當幾時去日堂堂

已四十何苦哀吟猶爾為白首青雲坐相失不免長貧

更何及任是東西南北人手把一錐無地立

對酒作

湮渭本異流清濁不相泥每見持籌人旦晚論家計饑

渴不暇食蓬首垂兩髻或勸飲美酒入耳輒欲噉亦知

曾幾時昏昏墓門閉女作他人妻兒作他人壻年年寒

食天春風吹薜荔

江鄉

虛室從容歲月長獨持幽興寄江鄉霜天乍見星中柳

暮影俄驚日在房血色楓樹翻敗葉華顛蘆荻惱橫塘

殷勤把酒澆黃菊世上何人髮不黃

夢與阿潤讀書有序

東華詩存卷之三十二

尤

文園

甲寅正月夢坐梅雪堂之南榮與阿潤同讀

書予誦晏平仲善與人交一章阿潤誦司馬

相如賦久之體中大熱索單衣不可得而覺

那得此清夢與兒同讀書交游齊晏子詞賦漢相如有

造須期爾無聞已愧余但嫌春睡淺未足補荒疎

人日

去年人日愁今年人日愁人生能得幾人日那能歲歲

愁不休去年人日春燈裏淚灑紅綃拭秋水今年人日

小閣中殘月當簾驚曉風五十嬌絲絕繁響雁足參差

啼斷鴻明霞拂曙雲葉爛宛轉蛾眉發長歎兩年歧路

落風塵似水年華暗損人半生坎壈過白日滿腹牢愁  
拋好春去年春已遠今年春正淺兩年人日兩年愁風  
蝶飄零露花軟露蝶風花盡可憐去年愁鬢入今年兩  
逢人日心暗悖華燭當風落紅淚不恨年年長坐愁但  
恨他生識情字明年人日定如何暗想重吟淚更多不  
如一醉莫相問重酌尊前金叵罍

踏春曲

二月十二風淒淒美人踏青青未齊金勒夜控紫騮馬  
銀壺曉挈紅玻璃青驄碧憶西陵路欲結同心在何處  
路傍松栢最無情兒家自有相思樹栽成歲歲結相思

東臯詩存

卷之三十二

干

文園

眼見春來更春去春去春來風雨中樹上胭脂如血紅  
便是花紅終遜妾莫把胭脂惱妾容生小心情愛相逐  
不厭歡娛厭幽獨買來錦幃幃春風教畫鴛鴦三十六  
鴛鴦畫得盡相依任使參差亦並飛連宵達旦與君看  
不惜蘭燈銷九微但恐情長白日短顛倒哀懷作煩懣  
怕似饑蠶吐病絲正好蟬聯忽中斷已矣哉歸去來明  
月那能常滿懷白髮朱顏有更改春花秋草同塵埃今  
日之樂樂難再明日花枝應更開人生賢愚有定論徒  
令白骨生青苔

甲子長至送別鄭祁生吳鍾鳧兼寄家弟迦陵

天涯杯酒盡交期佳節翻令惜別遲九地雷霆初動日  
滿船風雪返寒時尊前不禁思鄉淚袖裏剛餘憶弟詩  
欲從仙舟知未得報君空有鬢絲垂

蘭

芳蘭生幽谷不以幽損芳我生困行役初憶每相望昨  
日暫歸來花發如許長六七八九枝一一生輝光君子  
貴無悶哲人期善藏碌碌未何為顏厚不可當

梅

老梅八九株歷落垂冰丸主人不歸來寂莫檐南端可  
惜如此花自為風雨闌富貴不可期坐使年命殫一入

東臯詩存

卷之三十二

主

文園

塵網中遂令整翮難慷慨積中心慚愧發長歎

竹

此君何偷脩生我僦屋東碧葉攬青雲大小三五叢霜  
根託污泥聿兀當嚴風秉心凜虛谷亮節含謙冲俯仰  
天地間在約無戚容惟彼夷與齊庶幾追其踪

秦始皇

直築防邊萬里城要填東海到滄溟中原戎馬餘三戶  
西蜀金牛見五丁羣縣版圖收內府六王輿壁拜彤庭  
秦皇功烈真無匹天帝何人驗醉醒

范景順

字漱芳號迦陵一號琅五山農栗園先生次

子邑廩生著有迦陵詩鈔行世

和葯谿與進山房七詠

杏花

玉井石壇側井旁樹杏花汲水漱朝齒使我心神遐忽  
見雙杏子團團如丹砂

蘭

連年青徐饑千里無草根朝朝揚州市賣花何太繁蘭  
蕙棄道上拾之樹前軒

香櫟

東臯詩存卷之三十二

圭

文園

豈無千黃金韞櫝恥自街豈無盈手香厥色恥自薦磊  
磊抱冬心落落共歲晏

香櫟鳥

丹樓下靈鳥翼子庭樹顛自信不疑人銜哺當我前相  
偕春風中物物得自然

海棠

今歲花太疎花疎蝶亦少月明風露深孤坐入清曉有  
香不在花意此花能了

藤

憶昔客西園幽芬入魂魄月色闕陰池萎花數聲落相

對起風懷龍蛇互洞壑

梅

古心契沕穆結交中庭梅美人含幽姿珠剖蚌蛤胎袖  
翠倚烟濕虛館春風回

瓊花引

紫皇宮殿開東壁繡瓦沈烟翠欲滴醉眼仙人種綠珠  
龍坡鳳坳天葩茁蟾蜍碾玉染明光霧籠金鈴餐秀色  
士女薰衣喜冶游香滿雕欄花向夕隋家天子夢揚州  
夾道蛾眉低畫戟八鸞十乘宴元都觴酣出座東方碧

玉英妖幻卸鉛華鐵騎生綈紱芳迹移水吹山事惘然

東臯詩存卷之三十二

圭

文園

榮枯過轉紛如織楚客沾衣若有情無雙亭畔殷勤覓

荅友人

豐樂橋西數間屋青雲坊裏一編書露齒細雨春堂碧  
映日飛鳥古堞疎老母冰清勤績紡長兄牢落業樵漁  
盛朝匡濟諸君事勿羨寒儒戀敝廬

蕃釐觀牡丹

春風晚晚江月斜夢想玉洞瑤之華芳草萋迷煬帝苑  
牡丹爛熳仙人家臨邛壚遠仍犢鼻錦帆漚裏空棲鴉  
只今才色不堪恃富貴何如枝上花

存園看玉蘭

掃空色界存真想翹首高吟獨許君江上晴嵐流素影  
林中紅雨挹清芬胎禽低舞迴風雪玉佩輕搖出峽雲  
髣髴霓裳下庭樹一杯春露共細溫

同葯谿飲廿四橋杏花下

春到春山春又分山花滿樹日斜曛春山只合野人看  
醉折山花君共聞塘外哀絃迷畫舫風前碧柳帶荒墳  
最憐春草年年色猶似隋宮宮女裙

贈屈思齊

明月未改色茲城昔云蕪紅芳凋青春一遇高陽徒竭  
來放螢苑浩歎終軍孺帝鄉在遐遠白雲覆荻蒲

東臯詩存卷之三十二

圭

文圖

蕭孝子歌

封肝孝子名日曠時先帝七年也郡人建

祠祀之

青天高黃地厚吹燐劃電煎人壽阿婆將不生孝子泣  
血嘔心違恤身嗚呼肝乃可以愈親捉刀啾啾白日昏  
嗚呼肝乃可以愈親肝腦塗地何足論

諸葛菜

積雨日初妍紫花幽可憐古人羅縠細北伐泥屯田佐  
食空寒儉清芬比蕙荃農書尋故實薤白與同傳

師五泉道人并序

客云泉在京口亂山中道人棲止其側敗屋  
數間而已清夜風生鬼物調笑道人冥心自  
得物莫能憑苦寂生有寄題道人詩多幽妙  
之思予倚和五字一首

亂髮垂飄蕭矍然如鹿豕蘋草滿空堂白龜戲庭止剗  
木勺流泉溪雲觸手起炊黍山楓根道情淡于水

呈大兄越山

先生兼人姿貧賤不能移孝友于兄弟躬耕常苦饑東  
脩不敢懈四十為人師大勇徹臯比薦賢報所知兢兢  
守潔白鄉里仰清規

東臯詩存卷之三十二

圭

文圖

臨涇王節信潛夫著為論山陽仲長統昌言亦無悶白  
社十八賢淵明守尺寸遐哉緬清風利世而磨鈍  
脩塗雖云遠朝發必異宿但恐岐路多荆棘顛覆紫  
芝可療饑諒不如菽粟

古人不忘親恭敬桑梓道術雖云多孔孟斯為美羣  
言首德言其味多且肯枝辭僻民和糾射詎可止迷途  
不遠復反經室則邇

朋友數斯疏兄弟則不然況為道德諍所期在聖賢純  
繆毫釐間千載如倒縣髮膚不敢傷斯之謂歸全

入塾示弟子驂

十年曰幼學授汝以規矩出入敦孝弟詩禮為之輔偷  
薄不載物傳道乃質魯嗟余寡陋安朝夕與汝聚汝才  
似高明汝氣似鹵莽願學龍伯高刻鵠毋畫虎柔嘉非  
軟美我儀仲山甫汝翁意勤勤待汝光門戶為善降百  
祥友于篤周祐我聞長老言汪王昔神武剏海沃填危  
六州咸負弩忠義貫金石祀為烏聊主孫子紹厥家豈  
不念爾祖勉旃復勉旃好學庶有補能言不能行古人  
比鸚鵡

鐵釜 并序

釜在竹西野田中可炊二十斛黍唇缺如磳

東臯詩存 卷之三十二

文圖

礪狀必大業官庖舊物也土人呼為禹王鍋  
隋家鼎沸野烟空未抵黃梁一夢中負祖誰能匡帝業  
烹魚我欲問飄風雷塘數畝魂應餒禹甸千年績自豐  
太息嘉量成棄物願炊紅粟起疲癯

縹瓦 并序

戊午己未江表流民就食揚州穴板渚墓田  
以棲風雨隋宮縹瓦復出人間辛酉三月積  
雨新霽榛墟一碧沙中雜礫如珠翠瑟瑟妍  
好可愛翊上葯谿就研共拾得數枚頗相矜  
尚以為歡笑

金輿玉輦經行處夕莽寒蕪盡惘然焦土咸陽秦二世  
劫灰元狩漢三年流螢已化青燐火碧瓦猶飄夢雨天  
欲問十宮春草路低頭吟弄柳隄邊

同大兄讀書樓看月

高樓凌粉堞清露滿孤桐兄弟此良夜徘徊明月中草  
根餘蟋蟀蓬鬢任秋風不寐坐侵曉天邊有斷鴻

移桃花

野岸桃花春復春天天灼灼因風塵不辭攀折枝因瘦  
猶自含情開向人烟雨一坪移處濕夕陽半晌看來新  
瑤瑤報爾渾渾開事柳市南頭好避秦

東臯詩存 卷之三十二

文圖

蔣王廟

門抱江流帶夕暉廟前春望更依依馬嘶漢月馱青骨  
花滿蕪城照鐵衣樹古盡成蛇蜿蜒靈歸時見雨霏微  
鄉人潛弄龍姑曲殿脊神鴉貼地飛

古意荅孫丈鐵峯

刺繡心情百不如年年針線守寒廬空令竹葉裁衣帶  
又見春光遍綺疏堂上畫梁吟玳瑁風前離佩想瓊琚  
何人割取機頭錦製就江干雙鯉魚

元日

獻歲晴開積雪春風華久矣屬閒身博山夜炷沉烟暖



彩燕朝簪碧玉新，豈謂榆枌無勁翮。但從兒女戀芳醇，生逢堯舜都俞日，淮海真慙扣角人。

趙倅仔小玉印

玉印芝泥副雀釵，倅仔初拜奉恩回。披香博士曾窺得，女弟昭儀見賜來。不分龍釐成禍水，可憐紈扇獨寒灰。何須文母精亡日，始抱卷卷握墨哀。

東園看桃花

高檻晴薰碧水流，小桃花發薄烟收。猗金縷垂楊岸，晚晚紅襟燕子樓。枕上一枝繁客夢，風前滿樹亂鄉愁。離魂飄忽不知處，那更黃鸝叫未休。

東臯詩存

卷之三十二

天

文園

中秋月蝕歎

列星光慘淡，河漢聲嗚咽。嗟哉中秋月，連歲疊被蝕。妖蟊爾何為，敢在太陰側。攬衣下庭階，再拜對天泣。苦無救月弓，先期將爾射。

新笋

烟深林暖石徑斜，錦綳稚子騰金蛇。江燕哺雛啄香粉，山僧荷擔培崩沙。養成雲和十二管，足抵蓬閣三千花。籜冠長嘯者誰氏，明月滿湘乘古查。

寄懷樗村璞莊墨園瘦石

行雲孤去春如箭，彩鳳徘徊費客思。船過馬塘雙榜急，

花繁金匳一聲遲。白狼久別疑無夢，紫蟹初肥定有詩。借問鄭公灘畔柳，依依可似舊時垂。

東西樓子官河路南垞，風帆北垞船燕接。柳花輕着力，笋穿苔徑猛齊肩。最憐鄭谷琅玕簾，謂西亭正憶君家芍藥田。尺素詩成吟向爾，休教謔浪笑時賢。

題鄭蘇門秋夜課子圖

秋館攤書了，髻兒金荷競萼照瓊枝。由來濃笑憐唐字，可要含毫咏哀師。白鶴負霜拳菟徑幽篁，隔水語花移。桐華咫尺丹山路，雖鳳聲清老鳳知。

讀書堂赤鸚鵡同香噉應董繹四兄教

東臯詩存

卷之三十二

无

文園

曹娥渡口晚霞生，鸚鵡來過楓葉晴。蕊啄海圖披絳雪，宿纏鶉首感炎精。江東獨步惟袁淑，席上奇才數正平。錯把珊瑚呼山鳥，猩唇誰為點秋幘。

九月初一日枕上聞雁

渾河八月未飄霜，朔氣初驚落大荒。天末聲哀知汝到，客中魂斷得宵長。黃華晚節違孤賞，青海重來即舊鄉。明發鵲鴒原上望，迢迢南下不成行。

平澗八兄持贈筇竹杖子為作歌

平澗平澗天下才，鴻翼偶爾困蒿萊。蒲梢一出渥洼水，龍媒萬里奔天垓。自笑史公牛馬走，支離跛躄空搔首。

東海羈遲五十年吟咏先王不去口勞君贈我堅多節  
朝出看雲暮看月照爾青藜好校書眼中之人吾老拙

彩虹橋

玉人簫歌步珊珊一笑迴風蛺蝶寒江浦春烟漁唱晚  
海山曉月寺鐘殘驕嘶赤潑揮鞭過冷曳青藤倚柱看  
寄語蘇耽雙白鶴馬卿題字近都刪

聽廣陵道士彈琴歌

廣陵道士感秋吟為我拂拭龍唇琴蒼梧雲白湘水深  
悲風獵獵陰山陰寒垣野燒驚孤禽孤禽一叫清一心  
美人寒宵隨玉簪淮南小山多騷音況余白首夢秋衾

東事詩存

卷之三十二

手

文圖

彈指閣老樹

老樹猶傳謝傳名蕪城未賦已崢嶸枝撐雲日開東壁  
嘯引鸞龍入太清瓔絡滿身秋有色瓊瓏轉影月無聲  
我來實下攀條淚不是桓宣種柳情

宿彈指閣呈前村太史

樹杪空青窺古天我來竟抱白雲眠虛堂夜靜飛蝙蝠  
倚檻吟深擁木棉陳迹眼前彈指過遊仙夢裡拍肩還  
聲聲清唳盤霄鶴拳足秋園可自憐

晚飯示匡老

祖母性整嚴羹藟有綱紀佐食不在多潔鮮斯已矣今  
茲東脯間重復覩厥理先民訖苞範祇今有餘美

吾母惜物力居平以瓶罌置釜底餘燼中煖水

顏面兒年日有之甲子正月宿山薑閣匡兒侍

櫛沐奉罐出感激涕零紀數韻奉寄內子

畫粥曝簷端艱難惜薪水儉德滿人間風流今未已吾

母仰清規汲井溫釜底不謂伯如賢薇音嗣厥美

前春過慎一堂駭姪奉母命款待即席肴核淨

嘉予肅然起敬

細人計口腹君子謂我賤及讀鄉黨篇饒餬列賢傳豐

東事詩存

卷之三十二

主

文圖

非亦偶然敬怠意已見冀缺伊何人內助良足羨

客謂葑谿先生新居卑隘口占示汪驊

在昔文靖公治第封邱門廳事容旋馬以儉教後昆郡

城多與塏華屋實浩繁一柱費萬緡繡地衣垂垣宅主

不再世子孫或乞播思之重思之朴素能久存

賦得丹壑飲晴霓

霽色延秋爽嵐光鬱曉晴澄鮮丹壑出磅礴紫霓生瀑

布皆成彩林巒亦有聲吸川思驥渴噴霧宛龍行看劍

愁仍躍題橋恐暫橫雄雌何必問雙繞日華明

贈梁三詩陶

鵲冠何似鷓鴣冠投世方知入世難荷蓀已曾招我宿  
雍門不惜為君彈氣搖雲海輪囷白胸隱星榆激澗寒  
咫尺富春山好在嚴灘歲歲有漁竿

同葯谿柏巖莎圃看花

五年三度看桃花窈窕春風歷歲華舊雨新歡同一笑  
不知亭館在天涯

揚州寒食和家大兄兼呈東標先生

陌巷錫簫感客居青燈剪盡夢吾廬溪毛未獲親先壟  
椒糝寧勞乞祭餘楊柳花多攀應得鮑魚味好價何如  
鵲冠二老風流甚一唱春歸一和余

東臯詩存卷之三十二

圭

文圖

中翰季香草叔舅復枉嘉什叠前韻以申情悵  
在昔延州來尼父屢嘉予識別皆英賢秣駒選翹楚臨  
行贈以言拳拳敦古處薰蕕不同器枘鑿生齟齬譬水  
有清濁譬時有寒暑赴以聘為師孔呼禰曰汝戚君唱  
印須走亦歌延佇零露漙清揚雞鳴膠逆旅數枉白雪  
辭勉和巴人著嗜我如昌陽鼎烹少所許吹簫弄明月  
採芝嘯嘯侶許身比夔契釣畊友伊呂魯連恥奉秦小  
白敢忘苦世以博作綸我以犀為炬止知佩九言不願  
掾三語鬱輪媚主家羽獵干朝宁瞥眼揚漢鷹失笑近  
人鼠桂豈爨下薪鷓鴣豈盤中俎昔時賢俊人寤寐以受

侮單衣適至肝白石那堪煮兒能讀異書妻未識華組  
試看冥冥鴻祇須楚楚羽朱絃再三歎清角亦屢舉唾  
玉霏重霄壺冰沁六腑僕本賃春人敢不愛其杵

高陽蕩看楓葉歌

白蒲東為高陽蕩蕩即六祥符湖也當秋之  
末冬之初羣籟舛吹氣有萬殊則紅樹數千  
株競勢爭高若錦機之托霄上其下港汊交  
衝素氣雲浮往來遙觀者抱憤載留之夫而  
已西亭大兄選最佳酌駕艇相招自荅鏡香  
巖七子亦及於予或賡招隱之詩或奏洞庭

東臯詩存卷之三十二

圭

文圖

之曲圖畫綺分英談餅瀉致足樂也是為歌  
六祥符湖秋波寒六祥符湖楓葉丹湖雲過雨葉如拭  
雲破湖天鋪瑟瑟華底人家放鴨船波迴倒影臙脂滴  
篁秀藤盤陸渾莊望衡對宇龐公宅我今重到問仙源  
雞犬馴良盡相識酒酣絲竹激風湍歌入冲融寫窈問  
中有寒鴉千萬聲使人聽此彫朱顏終夜緒書何太苦  
一室圖書隘環堵無復風流二十時不須銜淚問眉嫵  
白蒲舊館名滿湘白蒲詩人吳竹莊白蒲三橋中橋強  
蠻娘吟弄滿篋管我愛鄭存吾閨中少婦秦羅敷金釵  
玉贈黃滕酒事事拚擋出揜手我愛鄭西亭蠟炬千枝

厭翠屏鵲娘絃索蕙娘簫泥我當風生鬱陶胸中元氣  
畫秋空白霜紫日交蒙茸杏花桃花不當意一洗天地  
雕璫瓏吁嗟乎今日之樂豈易得湖上鴛鴦毛五色調  
鑄六氣為詩篇珊瑚磊砢琉璃碧海維揚幾俊人自  
富烟霞萬頃春

酒旗

老態閒情百不憂夕陽多在酒邊樓酒旗寫著何人句  
事大如天醉亦休

歸船

楊柳春江又一年高天涼月昨宵圓江干不少浮梁客

東華詩存卷之三十二

重

文圖

借問兒家夫婿船

簫

廿四橋頭江月斜倚樓意不在梅花祇今淮海龍吟處  
疑有仙人乘古槎

壩亭湍水歌

無情最是西亭水走浪跳波不自己龍遊九十九灣環  
一夜流入春江裏春江新月似蛾眉歲歲年年風暗吹  
年年歲歲月仍好雲鬢花顏忽醜老丞相原頭多古墳  
狀元波上空青草鼓琴招鳳飲刀圭了了心猿方寸機  
既不學仙復不醉坐使春花色顚顚歲歲花殘還復紅

年年臘盡有春風借問樽前禿髮翁可能反老更還童

灑掃四賢祠

海山留片石伏臘祀忠良宋德與之久民彝應未亡蒼  
崖紛古色蔓草獨斜陽擁篲一長嘯靈風捲大荒

梅花障子歌

馬鞍山頭春雪晴宛虹橋下暮潮生一樹梅花一片月  
月如弓樣花如雪江月娟娟可愛人江梅淡淡香奇絕  
花前白髮故人來大開笑口顚如雷長繩繫月莫相催  
會須一飲三百杯月落留君不肯住回頭漠漠生烟霧

東華詩存卷之三十二

重

文圖

借問苦心畫者誰紫琅芳草春風暮憶君思君獨不眠  
披衣夜夜看瓊樹

章山

字訥菴

除夕解館歸里

爆竹東風滿市廛獨歸空館擁爐烟半村簫鼓頻驚耳  
一擔琴書暫息肩尚有春醪堪供客別無佳味佐開筵  
明朝只作尋常過莫向兒曹說是年

宗承泰

字尚志號茹齋

絕糧步月思堂韻

晨突烟寒豈惜薪甌座自笑史雲負蓬蒿徑已無行跡  
金石歌猶泣鬼神文字撐腸原未飽迂疎涉世可逢辰  
扣門乞食君虛恥斯里何門許問津

東臯詩存卷之三十二

素

文園

東臯詩存卷之三十三

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

冒春榮

字含山號甚原一號花源漁長義元先生五  
世孫邑庠生著有紫翠閣秋萍集紀遊小草

梅華道人墓

草色披荒塚道人老畫師長縑留墨竹小楷見烏絲鶴

東臯詩存卷之三十三

一

文園

化雲深處鵲啼月落時梅華何處所為爾一題詩

吳山望江

三折源從天子都吳山自古障西湖越兒足踏潮千尺  
宋帝心安堵一隅勁弩射迴樓閣杳亂帆飛渡塔輪孤  
秋風動地鳴夷怒還見凌空白馬無

謁錢武肅王祠

東南奄有越王城潮落錢塘戍鼓清强弩萬鈞爭此土  
謗書一篋不留行里人香火憐祠廟故國湖山指姓名  
父老至今猶頌說獨辭金甲事春耕

韜光寺暮眺用鐸閒瀘州先遷甫韻

輶光望湖波僅見水一勺面目雖不全湜湜心已樂軒  
窓在半空縱目盡寥廓時有山閒雲迢迢湖邊落蘇白  
湖昔遊大雅今誰作得句鐸閒題斜陽映山閣

謁岳忠武墓

已矣復何言載拜不忍起天地報孤忠英雄得奇死鬱  
鬱冢上樹盈盈湖面水水中搖樹影枝枝向南指古殿  
峙豐碑晴霄矗蒼紫範鍊肖巨奸醜歲快湊矢墓樹亦  
可拔殿楹亦可燬此湖有時濶此山有時圯此死照萬  
劫天地如充耳丈夫本無好何心博青史君恩凜天威  
知有死而已

東臯詩存卷之三十三

二

文園

舟經嚴陵臺

一望桐君見薜蘿不辭風雨此經過山連玉峽千尋下  
水到錢塘百折多楚澤荒祠猶俎豆漢家舊事已江河  
題詩忽漫成今昔獨倚扁舟發浩歌

渡海

莫訝縱橫水蕩摩人生到處是風波舟如星漢槎頭汎  
客在魚龍背上過半夜豁開疑日近孤帆欹側仗風多  
中流一砥今誰是且向蓬山采薜蘿

歷亭得素心秋蘭未得往觀寄此

孤苗靜守歷冬春現出光明清淨身空谷既能忘色相

當門應不染風塵誰於草莽輸青眼獨抱瓊瑤報美人  
最好秋來紉作佩須教持護莫湮淪

又東歷亭

久聞無味看無瑕却勝河陽潘令家一片秋空明月裏  
素心人對素心花

送言倚粉歸仁和

不是難為別何因忽黯然秋從歸路近月恰到家園往  
返經千里支離已半年登臨猶有興便買盪湖船  
最愛西湖好茲行却憶君夢回看落月情往託孤雲貧  
極心多負交深手忽分重來雖不遠此際惜離羣

東臯詩存卷之三十三

三

文園

我亦思歸劇寧堪送爾歸半生為客賤萬事出門非境  
寂憎蟬噪心忙羨鳥飛何時村舍米葵外負餘暉

過祇園懷葯上人牛首丈室

牛首堂開江上峯祇園撤板不鳴鐘一僧守院葉長積  
鎮日閉門苔自封講座澗猿應洗盃空山松子落扶筇  
可知定免生公笑許掾何由數過從

暮經露筋廟

十幅輕帆一剪齊好風吹過露筋西寺門過客空回首  
樹樹鴉棲傍晚啼

袁浦月夜觀河

萬里發崑崙東流赴海門無風聲不息有月氣常昏款  
側羣帆渡蒼茫百道奔疏河資廟算耕鑿自成村

暮泊清河縣北村

趁此一帆落來尋野渡頭黃河橫北望白日莽西流飄  
瓦餘荒廟浮雲自古邱乍寒風漸厲尚有敝羊裘

邳州北岡曉望

土岡高處曉經過官柳依依萬頃多放眼綠陰疎處望  
一條紫練是黃河

登雲龍山絕頂

十一月二日

雲龍矗高峰衆山皆下走一覽天宇清木落山容瘦何  
東臯詩存卷之三十三 四 文園

處響丁東泉聲出岩竇縱目渺無際山後環河溜久坐  
試衣亭暮寺鐘已扣鶴放無時還閒雲不歸岫

鍾山春望同李琴夫江樵所吳漁門

十丈晴嵐落禁中朱門清晝掩芳叢銅龍隱約迷春靄  
玉燕輕盈舞曉風父老能言前代事亭臺已改舊時宮  
滿山桃李爭顏色日暖新開萬樹紅

謁方正學先生祠墓同王熙聞

當年遜國事荒唐賴有孤忠峙表坊十族捐生酬少帝  
九原含淚見先王遺文久付秦坑燬俠骨長留汗簡香  
曠代獨存高塚在夜深耿耿落星芒

弔明南都

長淮戎馬日紛馳南渡官家獨醉時樂府新聲歌燕子  
尚書奉詔進蛾眉中原復社頻鉤黨江上孤臣泣誓師  
宮殿只今餘廢址荒烟飄瓦舊彤墀

夫差廟

一戰夫椒拓霸圖東南誰不畏強吳父讐未報美人至  
敵國尚存謀士誅廢苑春來花自發空庭月落鳥相呼  
靈旗畫鼓村農社曾比當年歌舞無

吳山寓樓遲吳漁門不至

只有吳公子頻來慰客愁空山悲落日積雨卧清秋貧  
東臯詩存卷之三十三 五 文園

賤餘青眼艱難到白頭孤懷無可寄為爾一憑樓

湖山第一峯諧二三子晚眺

寒風幾夕吹秋雨溼嵐飛出楓林鳴半角西連雉堞烟  
琳宮高處排朱戶中有真人張紫陽煉就金丹朝玉府  
六十三年丁道人隨去蓬萊元鶴舞風清露白洞雲涼  
環珮魂歸月正午丹竈烟空野草荒行來日暮鴉啼樹  
山坳香飄桂樹枝折贈二生好簪取時折桂與獨舒老  
眼看秋江斷雲一片帆歸浦陳朱二生

秋日坐柳浪聞鶯閣

宿雨滌殘暑清氣滿林薄招尋無伴侶獨出城西郭水

芝露香須晴烟漾日脚陰陰垂柳絲寂寂憑虛閣林鶯  
久無聲秋燕撲簾幕昔遊年復年湖山負夙約小坐日  
夕佳適意避喧濁秋風吹暮雲星河已絡角

留別石養齋表叔兼贈畫幀

淪落天涯歲幾更相逢曾記在蘇城秋風費盡吹噓力  
寒雨難為去住情久客那能消噩夢故人猶不負平生  
胃中多少烟雲氣蹲虎游龍信筆成

中秋後一日招門人朱鳳岡陳北溟小飲寓館

登山看月有作

昨宵無伴獨登樓今夕生徒共醉遊聽到秋聲多在樹  
東臯詩存卷之三十三 六 文園

看來月色不關愁雲橫遠岫星猶動桂落空堦香自悠  
如此風光如此會可堪言別起離憂

明旦赴仁  
和官齋

月夜獨坐

抱影不成寐披衣攬月華此時天欲露昨夜夢還家白  
袷飄蓬鬢朱樓隱暮花坐來星漸落繞樹有啼鴉

江南怨

佇立望江南望見江南樹樹影鬱蒼蒼便是人來路

秋夜

西風不肯歇雨脚冷斜陽孤坐鐘已鳴挑燈畏夜長點  
鼠瞰暗牖敗葉走虛堂三更影俱冷蟲聲咽頽牆人非

金石軀百憂摧肝腸結念屬良朋蹤跡總他鄉曰歸歸  
未得白露已為霜兼葭何蕭條秋水何汪洋相思不相  
見夜氣空蒼涼

落葉

落葉不可掃秋空時有聲西風亦何急墮地與堦平浮  
雲從風來暮雨簾外生纖纖已半溼溼葉飛縱橫斷蓬  
與衰籜一一能悲鳴嗟予成漂泊顧此空屏營

感遇詩

東海有青鳥恥與斥鴳儔振翮三千里扶搖遍九州飄  
飄乘風翼矯矯白露洲適茲雲中趣虞羅不能求何有  
東臯詩存卷之三十三 七 文園

嬰塵網戚戚中心憂

曳履下高堂挾瑟臨廣路哀音達九遠曲終淚如雨彈  
者恻心願聽者不相顧可憐行路人安能託情悰

明月當窓牖皎皎照我牀相思不成寐空閨夜何長妍  
醜由人造貴賤實無常揖舊登蘭席雖尊恐不芳投壁  
隕礫階雖碎不移光

遠雁別雞塞來上祝融峯新秋即長路去此單于宮所  
恨羽毛薄不恨道路窮異縣寡儔匹長路多悲風不與  
故人期乃與獵徒逢長跪告獵徒決拾幸從容南山有  
猛虎寶此明月弓



骨肉寡恩信父子絕天親不見戾太子但見桐偶人讒  
言鑠金石一語移至尋緬彼乘舟子終古戴盆冤

江邊有黃竹東西三五枝枝上孤棲鳳不食常苦飢豈  
無梧與榆豈無糗與糒昨日魯東門鐘鼓享爰居

題張母授經圖

子圮授邑稱  
若柯先生

阿母有子能文章八厨八顧同翱翔晚年詩名遍寰宇  
風節矯矯如山篁阿母絳帳師黃石膝下一編傳子房  
耳提口授見親切披圖英氣凌蒼蒼為問阿母何以死  
言之眦裂心肝傷海內烽烟苦不息亂離無所匿孤嫗  
強有力者劫母去雞驚嗷嗷侮鳳凰母曰此乃吾死所

東臯詩存

卷之三十三

八

文園

罵不絕口身已亡今日才聞馬鬣封張四維兮扶三綱

打麥詞

腰鎌隴上去日夕刈麥還卸車場圖上明月銜東山小  
麥遲大麥早小麥餅餌香大麥煮粥好前村後村鑿鑿  
鼓割雞裂紙賽田祖

汲井辭

鴉髻女兒惜芳景手繰流黃紕修綆綆長百尺纖龍蟠  
攜向銀牀汲深井井深綆短奈綆何獨抱金嬰心耿耿

望遠曲

采采江之臯脈脈誰共語荷華似美人美人在何處荷

珠碎復圓搖蕩相為聚佳期尚彩雲晚晚日以暮將身  
託微波隔水起烟霧

秋夜吟

人生如夢商悵望竟遙夕美人起長歎千里共明月明  
月窺綺窻秋蟲響暗壁誰家梯雲樓臨風送橫笛使我  
增惋傷道遠安所適

壬子大水謠

壬子年水洶洶波心種樹屋上采蓮解一屋沒無脊雞上  
樹鳴魚躍入釜竈不得烹解二竈不得烹兒不得飽兒飢  
猶可母年已老解三

東臯詩存

卷之三十三

九

文園

抹厲花

美人攬青鏡鬢華飾簪珥鬢髮黑如漆香雪散牀第朱  
門一夕花貧家三日米

登孤山

步出西郭門即路度叢薄孤峰擁翠微怪石互擎攫萬  
蘿附蒼松野花媚幽壑欲窮最上巔登頓陟巖磔攀緣  
高著眼嵌崆峒危著脚遠山幾點青一江檻前落洞口流  
雲封空壁就捫摸石牀坐老僧古貌瘦於鶴十年不出  
山園瓢此棲託我生本鈍根踪迹判清濁對此愧塵勞  
蠶絲自纏縛何時來買山小隱把鋤鋤

贈丹徒鮑步江

十年誦君焦山詩十年後始見君面君詩當是必傳人  
君面何遲此日見憶君昔日到東臯荒園三畝盡蓬蒿  
何人為下梁開榻席不暇煖心煩勞乾隆建元新  
天子徵書日下傳黃紙博學宏辭爭舉君再三敦迫終  
不起從來布衣不多傳公卿折節須引延薄此虛名終  
無益掉頭那肯與周旋我與君隔五百里不隔雲山隔  
江水中閒消息縱相聞澧有蘭兮沅有芷西河公子河  
之隈愛馬惟愛真龍媒未嘗輕許言不苟思君不見苦  
溯洄竹西歌吹繁華路車馬紛紛逐朝暮我居東海之  
東臯詩存卷之三十三 文園

東濱片帆偶向邗關渡世上誰無兩眼塵爭笑虞翻貧  
困人懷中有刺字磨沒文章交道原有神逢人趨辟畏  
長揖人皆乘車我戴笠休夏休園嬾出門兩腋清風生  
習習揚子橋頭白板艘昨日聞君已過江躡屩相尋笑  
攜手山僧煮茗話南窓詞藻久奪庾徐席清談時驚支  
許客落落意氣與人殊咳唾珠璣才一石書法畫理有  
源流當代論文誰與儔參軍世傳蕪城賦君堪作敵同  
千秋江東子弟王謝伍揮毫落紙健如虎而今風雅不  
復存相逢傾蓋推盟主西河公子詩酒狂一聲嘯咄見  
昂藏廿四橋頭二分月何時與君把筆凌穹蒼天下真

詩不易得詩得其真能記憶只今三復焦山詩惟願與  
君山中共作六月息

休園同山陰潘丈退翁坐雪即呈鄭箬溪

北風何淒其長夜苦寒冽曉起拓軒窓續紛飛玉屑乍  
驚屋脊遮轉眼樹根滅水骨自煎茶沉香冷灰熱踏雪  
有客來策杖步蹶躓相攜陟高岡三峯盡埋雪難分色  
蒼翠莫辨路凹凸恍疑玻璃屏閃爍當面列深杯復淺  
斟頓破愁心結若然舒長嘯拍手咸叫絕明當駕扁舟  
出郭望皎潔箬溪約飲水遊平山

汪約谿柏岳招同潘丈退翁蔡松原姜靜宰集  
東臯詩存卷之三十三 十一 文園

飲香草閣餞仁和江硯南北上

君才久合馳皇路十年豹隱南山霧青雲有客時相招  
騎鶴揚州徒自誤戒期首路向京華長天劍倚扶桑樹  
三月桃花春水船一帆遠上黃河渡春山如笑鶯亂飛  
郵亭吟遍奚囊貯只今天子重人才搜盡瑯琊鏗韶醵  
君是詞壇江總持壽陵安數邯鄲步瀛門第一對大廷  
甘泉好奏長楊賦離筵此日難為情廿四橋邊春將暮  
故園良朋老客星青眼燈前淚如注謂潘退翁更有艾陵老  
畫師贈以楊枝陳惻愴西河公子發清吟席上筆走雷  
霆怒汪倫握手潭水深曰去為遲君奚顧走也更進酒

一杯四座莫喧歌且住我輩豈是蓬蒿人北溟先舉冲  
天羽君不見古來英雄出處各有時他日乘車戴笠長  
相思

野田黃雀行

黃雀本微物啁啾野田閒所食止餘粒罹禍如邱山食  
君田中粟充君几上肉可憐八九雛哀鳴何所屬人生  
有危機乃在飲啄時哲人慎嗟來念之髣欲絲

書貴池吳氏樓山堂集後

黑風夜起長天裂癡龍尾掉金陵闕千群鐵騎渡黃河  
驚破梨園空白雪此時秉釣猶弄權阮馬名呼齒盡切

東臯詩存

卷之三十三

士

文園

九江亂起上游兵揚州生斷繫臣舌鼎湖雲暗黃塵飛  
剝水殘山只一捏秋浦吳生本異人大呼奮臂真奇絕  
義旗南指陰平路白衣陡換軍中鐵前軍星隕蚩尤明  
寶刀芒濺長弘血盡瘁由來不計功鍋匠菜傭如一轍  
吾家先世舊同遊今抱遺編思忠烈憶昔勛貴擁金貂  
鐵券承恩誇事業時危竟作二心臣朽株糞壤旋漸滅  
先生授首不易心忠魂夜夜悲鷓鴣我朝定鼎獎孤  
忠樓山祀祠春秋設立懦頑廉百世師聞風人凜在三  
節

捫蝨

冬春不易衣寒皸氣相焮蟻蝨乘閒起紫綵藏衣襖羸  
肌自不支何能飽飢喙嚙苦無時養爪為搔背迎暄  
一解衣紛然看奔潰或置之寒水或投之炎燧幾日得  
小安漸復生如蠶不知誰使然生殺徒交恚一身且如  
此令人發長喟

重訂先永平大夫文集呈泰州顧湘靈業師求

德清蔡宗伯方麓前輩序

吾家無長物遺草未全湮欲得如椽筆才傳絕代人不  
刊懸日月相許托陳荀再拜還相送雙魚去海濱

長康門下士託業在名山忍見藏書蝕空譏稍食慳夔

東臯詩存

卷之三十三

士

文園

龍言足倚班馬使應還墜緒茫然久相尋髣未斑

喜儀真曾貫之過訪

鄉縣稱才子龍文手獨扛孤忠宜有後老筆本無雙濡  
墨窺金雞論詩倒玉缸探梅時正好與爾共南窓

泰州客夜作

種種愁心生旅夜東風吹入海陵城離鄉昔日到今日  
歸夢三更連五更芳草萋萋長馬齒好春冉冉聞鶯聲  
披衣側枕不成寐自起開門看月明

鍾山

羣峰環拱鬱蒼蒼隧道盤空地脈長運故鴻圖開草昧

魂歸碧漢配軒皇寢園有路理殘蘚仗馬無聲倚夕陽  
十里松陰餘燄火中涓猶自奉蒸嘗

玉鈞斜

春風吹亂野棠花寒食清明半水涯細馬香車人上塚  
紙錢不到玉鈞斜

金陵懷古

勝地空陳迹人來感舊遊潮奔千里月樹老六朝秋風  
景新亭淡江山故國愁秦淮猶有曲誰復問瑩篁

西風江上客懷古自依依鳳去臺仍在龍蟠勢已非樓  
船沉鐵鎖門巷改烏衣惟有王孫草年年帶雨肥

東臯詩存卷之三十三

古

文園

謁貴池吳秀才應箕祠

建業難為國池陽空弄兵聲靈還九廟節義仗諸生淡  
化長江水天留別宿名至今聞杜宇猶繞石頭城

訪歐陽文忠公遺蹟

當年永叔治揚州政蹟於今竟寡儔人物已隨時代換  
烟花徒共管絃愁殘霞樓閣平山碣暮雨茭蒲八月秋  
最是曼卿富才調孤踪曾否到邗溝

送客之淮兼訊長沙朱蘭田客况

秋老淮陰去悲哉行路心寒河楓葉早孤艇亂花深有  
客羈蕭寺煩君問好音不歸復何事徒使夢中尋

留題銀山清寧道院詠巢松羽士

江上琳宮望儼然昔曾聞此降諸天滄桑老去知何日  
笙鶴還來定幾年巢結松枝聊有託蠹餐經字未成仙  
他時可得塵緣淨借誦金書內外篇

上已郊遊和吳門顧廣文瞻廬先生

杜若芳洲水漸生雙柑倍覺酒多情莫春人到十分醉  
上已天容一日晴望去滿堤皆柳色行來無處不鶯聲  
未應愁坐如韓偓孤館無聊句獨成

漁父

漁父在西溪簑笠狎烟水昨見桃花開定知鱖魚美

東臯詩存卷之三十三

五

文園

古寺

何人古渡頭結此菩提徑衆響寂諸天松閒落清磬

書靖江西郭道院壁

地與市廛隔蕭然道氣深江雲常作雨冬樹不成陰久  
客支良夜微歡賴苦吟明朝放歸棹天外憶遙岑

所居

所居在窮巷寂寂不聞喧四顧但霜葉含情無一言西  
風感遙夜有夢生邱園此際憶明發歸期難遽論

驢江僧舍喜方鄉三來夜話

江館殘冬夜衝寒客到門千金輕季布一飯笑王孫老

樹餘殘雪飢禽噪遠村相留須信宿往事與重論

古道憑誰問交情賴爾真一燈雙酒盞四海兩愁人託  
命同磨竭吾生更苦辛非關怨遲暮何以慰長貧

聞姜觀察文庸前輩予告歸里

竟有休官者高懷迥絕倫一時雙甲第時同退耕先生登第俱養

白頭親籌國當平世還家未老身歸來蒲水上回首笑  
風塵

內人手種晚菰喜而有作

不信拈花手能治種菜田殷勤學老圃辛苦過寒天防  
雪多培土疏根更引泉庾郎有早韭風味許隨肩

東臯詩存卷之三十三

七

文園

得從兄馭鹿總戎計音

絕域淒然杜宇酸塞垣輿欄路漫漫天鐵馬金鏡急  
匝地黃沙白草寒血戰三邊忘死易孤魂萬里欲歸難  
一從計報傳來日西望函關淚不乾

登雲臺山

潮擁連東極奔流欲撼山乾坤似無外日月出其間一  
氣空虛靜蒼茫萬慮閒曾聞遣徐市不復有人還

內子三十生辰九月七日

十年舉案愧梁鴻交謫無聞識固窮荆布收藏勞質庫  
米鹽支借諱家翁團圓兒女東籬酒冷淡花枝九日風

落拓半生真負汝自慚薄技是雕蟲

無限傷秋百感生黔婁終日掩柴荆誰家不貴金為飾  
獨爾能甘菜作羹鴉舅葉紅風乍冷茱萸節近雨初晴  
燈前細讀文淵傳畫虎如余已不成

讀史雜詠

妙舞身輕掌上迴漢皇多在避風臺溫柔鄉裏承恩後  
別殿聽歌赤鳳來

長門恩怨不須爭多謝琵琶出塞行留得至今青草塚

宮人頭白盡無名

襄城啼笑總能工齟齬愁眉傳粉紅誰道將軍能跋扈

東臯詩存卷之三十三

七

文園

却容花底坐秦宮

倚酒當壚竟體芳空懸壁立耐淒涼王孫不宴臨邛客  
爭得琴心託鳳皇

結綺臨春王氣消江南半壁換嬌嬈可憐玉樹後庭曲

翻作黃塵皂莢謠

莫侈秋山射虎詩諫書猶得比班姬如何十曲回心院

不及秋風紈扇辭

遼代何年擢幹廢猶華言粧臺百尺尚嵯峨卓犖從幸

魚兒樂捺鉢同遊鴨子河

舊日君臣禮數寬相攜疑是夢中看千秋佳句東流水

博得牽機藥一九

題崑山王學舒生田書屋

玉峰西路去水竹繞幽村縣吏不到處漁船常在門檢  
書分甲乙侍膳足雞豚真朴惟吾道何妨用拙存  
百折婁江水輕帆樹裏過小橋通巷陌老屋掩藤蘿軒  
冕人閒貴漁樵我輩多最憐書閣上山色對吟哦  
山遠還分翠江空欲上潮村深多汊路地僻認遺樵禮  
法從吾簡清詞信口謠空庭看老樹根幹是前朝

示女

衍波賤出女兒箱阿母簪花格擅長曾寫曹娥黃絹字  
東臯詩存卷之三十三 十八 文園  
近來更仿十三行

與水繪園歌人金菊

水繪名園已久燕酒旗歌板小三吾此時白髮談天寶  
絃斷琵琶燭淚枯  
燕子春燈阮大鍼當年顧曲恨難平紫雲已去楊枝死  
對爾猶然見老成

過野老留飲

老樹陰濃綠卷扉竹籬開遍野薔薇勸嘗缸面雙醪酒  
掘港新來蟬蛸肥

重晤一葦上人

瓢笠綠何去復來芙蓉峰謁本師回仙巖童子迎門拜  
為問曇花開未開

辛亥暮冬移家北村花源港

不將元髮到京華是年春偕入都未果且把琴書載一車每念小  
人原有母可憐長缺竟無家寒塘水落藏魚子荒圃泥  
多護筍芽老屋三間堪小住門前新插竹籬笆

張丈秋溪部銓亳州學正以老罷歸枉過村居  
即呈二首

村荒無客至忽接孝廉船雨好能留客樽空闕酒錢貧  
應生白髮老不愧青氈博得頭銜好歸來慰暮年

東臯詩存卷之三十三

十九

文園

又向河干別春風送入城一官寧足重八口累非輕白  
眼終難遇烏衣空不平何時攜斗酒相與聽新鶯

元旦

王正又改歲還借一枝棲餽煮雙弓米羹調百歲釐家  
無賴士僕室有伯鸞妻蓬戶無人到宜春且自題

寄內人病中

一病經秋晚西風刺骨寒致卿疎藥餌以我太艱難節  
序驚頻過鄉愁積萬端相思底須道聊為勸加餐

挑菜

春田支蔓匝新苗兒女攜筐帶短鋤采采爭尋安樂菜

沿溪更覓板翹翹

碎米東風薺菜香更兼兔耳與驚腸春來嘗遍田間草  
擬補神農食物方

為錢蒲心悼姜玉峯夫人

苟令神傷一載孤曉風殘月夢中呼返魂上藥無從乞  
海外空傳押不盧

生綃半幅寫丰神黛染春山未是真安得非烟非霧裏  
姍姍如見李夫人

玉臺詩派學齊梁更寫蘭亭紅豆莊卷尾一痕纖甲印  
可憐清淚落蕭郎

東臯詩存

卷之三十三

三

文園

碧窓晴日暖如烟翠竹紅蘭設色妍聞是黃泥山下客  
課餘把筆自髫年

送客之湖州

半肩行李挂詩瓢烟雨孤篷向六橋那得一雙閒脚板  
裹糧同聽浙江潮

聞新昌潘桐岡病愈兼呈范月三

古道憑誰見通門交最真得朋能愈病留客不知貧天  
地存吾輩孤蘆定幾人明朝擬相訪把酒話殘春

中秋家園對月

兩度中秋節孤輪客裏看誰期今夜月兒女共團圓河

漢淡無跡露華清且寒明年復何處那得不為歡

客中春盡

留春春盡奈春何瞥眼春光逐逝波九十日逢晴色少  
兩三年是客中過棟花風送黃魚美苦竹叢啼百舌多  
却畏草堂書有信淚痕重疊浥妝羅

過亡弟崑原墓

斜風細雨野棠村寒食聲銷杜宇魂十載西堂空有夢  
謝家春草阿連墳

檢書

敝篋書千帙三遷賴此隨十年窮未賣永日樂忘疲滿  
東臯詩存卷之三十三  
三  
文園  
簾原知貴殘編不耐飢笑予無長物檢點付諸兒

七夕坐止心樓

高梧颯颯響樓頭幾點疎螢拂檻流已歎無家同旅雁  
那堪孤影對牽牛星橋路阻三年客銀漢風寒七夕秋  
客中三  
度七夕  
最憶閨中瓜果會亦憐明月照邦溝

虹橋舟中同潘桐岡李嘯村汪葑谿柏岳姜香

嚴分賦

楊柳腰柔麥脚斜一篙春水插晴沙江天已斷河豚雪  
漁市新收謝豹蝦陌上狂且歌芍藥隔船商女怨琵琶  
繁華過眼渾無定愁絕荒園叫暮鴉

十月聞蟬

十月霜風厲寒蟬何處聲  
違時知左計聽者若為情  
腹剖憑誰信心空自不平  
最憐妙清露何以託餘生

秋日過柱天上人太極  
菴出示新吟即題其卷尾

久歎無朋友閒將方外尋  
雙扉開落葉一徑入秋陰  
老樹棲禪意孤雲出世心  
憐君猶結習得句費清吟

顧野王書臺故址

華陽有真隱曾此卜居來  
古宅惟流水閒門自碧苔  
鳥啼千嶂暝春老百花開  
不改雙峰色寒烟滿石臺

東臯詩存卷之三十三

圭

文園

經會稽越望亭

城郭林邊迴亭臺樹杪分  
窓懸三島日簾卷萬峰雲  
素望中宵起吳歌隔岸聞  
扁舟不可見天際雨紛紛

酬史歷亭明府

陌上嘉樹枝臨秋吹易折  
春華當盛時芬芳懷袖掇  
結客少年場中心指日月  
行役苦嚙些此道中路奪  
飢渴越數年南北遑胡越  
出門望所思參商乖以絕  
相逢有古歡握手情悰結

鬱鬱嶺上松結根何糾盤  
中有千歲花上有零露漙  
漙蘿相依附綢繆青雲端  
君子亮明德不棄匹士寒  
惓惓

長相思白首猶故歡言念六載別執手驚衰顏珍重故人  
意適館勸加餐

與葯根僧

人境即深谷何須更入山  
久知於世幻才得此生閒  
詩思寂猶動書通懶亦還  
總無心可繫自在白雲閒  
我老渾無賴一生惟苦吟  
最憐方外友真得古人心  
短髮思全難流光費轉尋  
論交形迹脫疎畧亦情深

訪雍門村故址

彭城郊原外古墓有陳人  
緬懷孟嘗客來訪雍門村  
日落風鳴樹腰鏤樵負薪  
焉知墓中骨氣壓東西秦  
無絃東臯詩存卷之三十三

圭

文園

發哀響千載聲如聞寄言彈鋏者三窟徒紛紜

雪夜客中

一夜寒威何太酷噫鳴亂紙如破竹  
黃河流水聲淅淅河工傭夫啾啾哭  
日出而作入無休自食其力食不足  
人生衣食老奔波我亦天涯歸未卜  
此際高堂念遊子風雪何處走碌碌  
敝裘已質篋中衣釜中又少明朝粟  
自起開門望遠山山上白雲空滿目

石城橋小舟遇雪

石城橋下客停舟風打寒潮擁雪流  
坐到宵深渾似月清光照見六朝樓



全彭晉函澤令王賀堂世球舟泊燕子磯喜遇

崇明李鴻珊尚美上海蔡朴夫敦華亭繆學山

孟烈元和韓伯慧佩祥諸子偕登磯上晚眺

秣陵先去客風雨阻扁舟已別復相遇同登江上樓夕

陽收遠浦孤嶼帶寒流須飲千分酒高歌可唱酬鄭谷詩

風須飲酒千分

能仁寺看梅同陳敬通李念修

去年春雪住真江踏雪尋梅酒開缸一枝橫斜疎竹外

把酒來就竹外窻今年作客白門春古寺梅花香雪塵

可知花比去年好轉思人事皆成陳眼底韶光去如駛

東臯詩存卷之三十三文園

只恐風光隨逝水况復此身長奔波巢南依北辭鄉里

君不見種花百年歸然存虬枝鐵幹蟠古根花下老僧

親指點夜來夢破羅浮村長江浩浩雲悠悠相看不斷

古今愁烟空水淨斜陽裏玉笛何人吹畫樓

江上望焦山

為望焦山寺帆懸可暫停雲浮一水白樹擁半天青落

日樓頭薄疎鐘浪裏聽昔遊曾切記高處倚空冥

暮過韜光寺

一逕入青竹眾山浮晚烟林深留宿雨澗曲咽寒泉石

磬驚僧定花龕坐夜禪三年曾有約願就小樓眠

秋夜吟

人生如夢商悵望竟遙夕美人起長歎千里共明月

月窺綺窻秋蟲響暗壁誰家梯雲樓臨風送橫笛使我

增惋傷道遠安所適

對酒短歌

葡萄酒玻璃卮對酒不飲生嗟咨天涯美人何處所歡

娛不足成別離山川滿目淚盈把望之不見空相思美

人天涯渺千里流年袞袞如流水天涯美人年復年思

之不見殊可憐勾閑反徑餘芳草遠帆不向春城旋憶

昔尋春大隄畔冶遊不避行人看亭館當時醉草薰綺

東臯詩存卷之三十三文園

羅此日悲香散人生後會何所憑飄零共逐秋蓬轉

題鴈阿山樵畫冊

岩壑窈以深魚鳥應不少雲樹帶遙村茆茨轉微渺

空亭依石磯清鬱堪垂釣薄暮綸不收山月蘆花照

惆悵詞

坐禪飲酒兩無功一水重絨鯉未通不學楊朱泣岐路

夢魂只在板橋東

冶游記得似蘇隄多少垂楊檻外齊只有暮鴉三四點

正懷人處一聲啼

登琅山塔

孤塔凌峰頂憑欄欲御風江流紅樹外山擁碧雲中境  
遠人踪幻身高眼界空往來多問渡秋水曳孤蓬

揚州觀賑

旱潦頻仍後國史書凶年空村多鬼語破屋少炊烟乞  
命崇淫祀招魂泣野田流離殊不免觀此意茫然

何以充枵腹樹皮及草根長官齊設粥百姓感恩奔  
走他鄉子哀鳴過幾村小胥休染指國法至公存

過道者

溪邊淺水卧松斜采藥人歸路自賒昨夜夜深聞猛雨  
墻根開遍麥冬花

東臯詩存卷之三十三

主

文園

隱者

百年皆浪過金玉絕其音修竹有高節幽蘭存素心春  
秋學老圃日夕橫鳴琴俱不關渠事谷陵何足吟

蒲塘書塾月夜作

雨歇蒲塘晚懷人應倚樓斷雲新月出疎竹溼螢流冰  
簾嬉兒女銀河看斗牛所思隔秋水有夢到西洲

西河放舟納涼同汪柏岳姜靜庵命車作

何地避殘暑西河且放舟盪過深竹岸坐傍蓼花洲月  
灑單衣冷簫飛萬籟秋勞人逢此夕能得幾回遊

懷友

秋風世路戶常扃問字人來只厭聽銀杏雙株黃葉滿  
三層樓寫十三經金壇蔣湘驥衡

八十年華寄寂寥丹鉛小筆注離騷遙知門外先生柳  
烟雨絲絲綠萬條蒲州屈悔翁復

廣文官冷沈休文五載相思兩地分留我一尊過猛雨  
蓼花池畔落紛紛宜興沈阮卿牛成

陶令歸來亦倦鉏斷椽剪草結茆廬寒蟲露冷喧秋草  
二頃荒田百本書秦州沈興之點

黃河浪送孝廉船紅杏花開二月天可惜鴛鴦空繡出  
負人辛苦又三年興化趙景山東衡

東臯詩存卷之三十三

主

文園

蜀道青天不可攀故鄉何日送君還陌頭楊柳今搖落  
愁煞江南庾子山成都費執御軒

焦山曾共訪鷗盟江上紅船載酒行醉後還攜方竹杖  
雙峰閣聽打鐘聲揚州張印宣師孔

桃花水暖漲春流岸上歌聲送客舟未到家門先一笑  
隔江遙指謫仙樓懷寧李嘯村勉

破家何用苦思歸楚尾吳頭空落暉江上年年看花客  
僧厨乞食妓縫衣興化鄭板橋燮

園茆破屋瓜洲住書帶紛披綠滿庭山水清音詩一卷  
憲前指點數峰青歙縣鄭明昂

揚州二月百花春花草擔頭色色新妒煞紅蕉書館客

隔江花買寄閨人丹徒鮑步江舉

新剪花驄白豹裘手柔弓燥健兒秋玉門已閉朱崖定

何處重封萬戶侯臨汾門人姚祥奎

翩翩李郭共乘舟風雅羣推第一流鬼唱西風星似斗

大江雙落海門秋句容李芷林江都郭秋浦

圓通精舍榻猶存零落吟牋白板門我少隨身磨鏡具

何時絮酒弔孤魂揚州顧友于

水西門外大江秋兒女牽衣夢裏愁下第啣冤到沒齒

幾時桂子落墳頭泰州韓似鯉

東臯詩存卷之三十三

天

文園

蒼深風靜酒帘垂遙映荆扉識路岐記起黃公壚下句

曉霜如雪賣蜉蟬家何文先生

十載飄零少定踪天涯斷梗有誰容他時若到長安道

先對司空說士龍從兄寄亭春林

獨掩禪關草木深時時空寄白雲心那知別後疎來往

疑是千峰不可尋僧一葦明度

記得焦山夜雨時僧雖生火炙茶卮於今我老僧頭禿

成佛成名總已遲焦山海西菴僧

和姜太史退耕先輩園居雜題

月懸林際空水浸山根冷誰與結清誼樹樹梅花影梅

里

斜倚渡頭烟曉風眠不起一夜春潮生枝枝曳春水柳

西河亭西開相與餞日夕夜靜水不流月明沙際白西

河之上

結屋南山陽種豆南山下落日薄高原秋風動禾稼南

晚浦亂漁舟層烟落空翠濶濶雙槳聲遙遙入幽邃漁

西塞

與象山老僧

東臯詩存卷之三十三

无

文園

山腰開尺罇宜置老瞿曇百丈松垂蓋一拳石作龕寒風吹佛面夜月映經函多少迷途客無生到此叅

題黃瘦石照

我本柴灣樵所樵惟直柯枳鈎傷我笠棘刺損我蓑問君釣何為汨泥揚其波君曰羨非魚美人期邱阿莊生濠濮上樂此良已多相逢自相識樵唱漁和歌吁嗟勿復道英雄方蹉跎

得江樵所潞河書兼懷諸子應春官試

塞上鴻飛到竹西臨風淚浥故人絳江天漠漠浮雲合客路青青蔓草齊曉霧未收花自放春光將盡鳥爭啼

諸公衮衮重霄上獨爾行吟夢欲迷

寄江樵所

君如明月一般皎對月思君秋夜分月行一年十二月  
月月見月不見君

冒天錫

字廷榮康熙丁酉舉人

柱兒入泮詩以勗之

未是文章果已優一時針芥幸相投後生須省千秋業  
先世猶傳萬卷樓豈以子衿酬壯志由來父翼少詒謀  
勅初莫謂功名易鵬翻天地路正修

東臯詩存

卷之三十三

手

文圖

壽李廣文

吾黨推耆碩風流應在茲八磚新雨露百笏舊宗師學  
海遵鴻筆傳經壓絳帷愧無春酒介惟頌九如詩

余鍾英

字啟東號東軒邑庠生

春樹

樹樹凌波綠枝枝夾岸紅柔條新過雨密葉暗迎風行  
處芳菲遍經時爛漫同桃花春水漲流影畫牆東

范拭

字廷衡號南軒國學生有知止草堂集

九秋過蘇雲壑可堂稽古山房留飲叢桂之下

醉歸有作

不負良辰詩力竭生憐賤子主恩加金杯有意欺蕉葉  
玉露無心濕桂花唧唧蟲聲秋在戶沉沉月影晚還家  
天香兩袖凝清夢夢憶庭軒樂事賒

秋夜

千家月冷蛩聲急萬里江涵雁影微愁絕燈昏閨閣畔  
頻催刀尺製寒衣

江城春望

春江饒逸興縱目古城頭柳暗橋邊路花深苑外樓頃  
東臯詩存

卷之三十三

圭

文圖

頑飛乳燕浩蕩沒輕鷗小艇憐漁父乘風任去留

羅最

字衢飛號南城

重九集霞山

莫負良辰興招攜坐綠茵擎杯秋滿眼對菊影隨身玉  
笛吹新水霞山眷故人回頭驚日落去轉因循

張楓嶺重來東臯即之通州留別和韻

不是山陰棹如何傍夜行風狂雪有意浪湧水無情雉  
邑聯詩社狼峯續舊盟明年春二月喬木聽鶯聲

往淮訪僧

雲壑幽人屐松門大士家  
猿棲飛落錫壇積雨空花為  
叩傳心印因聞轉法華  
三生今徹悟長駕白牛車

徐承浩

字瑛士號養齋候選州司馬

閑黃沙洋口紀事

秋七八月海風急怒潮挾風作人立奔流直向黃沙洋  
洋口巨張揖潮入洋內居民數百戶桑田窻座列部伍  
但逢秋漲勢汎濫膏壤頓教成鹽鹽遊魚爭隨水入室  
田禾盡沒收何日出門無路炊無窻婦子啼饑聲唧唧  
聞說茲口閉自舊誰與開者其無後官吏民商盡惘然

東臯詩存

卷之三十三

圭

文圖

數十年來伊之咎醜使文公功莫大下車亟亟問民害  
愷切奏聞情勢真天詔下頒萬民賴鄉里義士爭響  
應捐修不惜家貲罄壅水積石不日成一壩屹立勢綿  
亘譬如猛虎善噬人至此已能扼其吭又如屯軍壩上  
勢且雄一夫拒關誰能當興利除害仁者力備水防早  
君子策從此海若慶安瀾爾民乃得安田宅幸逢盛  
世不揚波范公堤下春田多飲和食德從今始常效康  
衢擊壤歌

春晚

紅雨亂飛花林塘夕照斜  
烏衣門巷冷燕子宿誰家

夏日雨後

碧水紅橋帶白沙  
雨餘半壁夕陽斜  
綠窗風透幽香過  
小檻初開茉莉花

歐橋步月

晚寒步屨小橋邊  
遙望清空玉鏡懸  
樹色朦朧迷遠岫  
漁歌隱約起前川  
疎林茅屋詩中画  
曾擬對河構園片月微雲  
水底天興盡歸來溪畔路昏鴉數點隔蒼烟

蘇秉仁

字樂山號書樵附貢生捐授儒學司訓

詠史二首

東臯詩存

卷之三十三

圭

文圖

竹根結山阿絲蘿遠相附  
清陰一與齊畢生無改慕  
秋胡恣官遊揮金採桑路  
買臣困束薪伉儷不相顧  
貴賤詎非偶所嗟義不固  
君亮執高節賤妾敢忘故  
何必白頭吟始感相如賦  
千秋虞彥歌拳拳結平素  
陳餘不救趙懼以肉餒虎  
張耳既歸漢相視若警虜  
拔幟立漢功詐謀卽足數  
刎剄而凶終感此身毛豎  
胡彼陳雷交膠漆堅如許  
更有管邴華一龍共軒舉  
真交只澹成慎勿輕所主  
一縑全死生何論縞與紵

東臯詩存卷之三十四

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

姜恭壽

字靜宰號香嚴退耕中子乾隆辛酉鄉魁著

有臯原詩四卷臯原未刻稿十二卷

西河之上四章

西河之上敝廬在焉我曾我祖于粥于饘貽我父兄百

東臯詩存卷之三十四

文圖

有餘年田原的的度陌越阡既耕且讀雖樂而貧幸甚

至哉東臯白民

上有二人旁有諸昆版輿黃犢羅茲單門率我婦子潔

爾瓦尊起而為壽日舒以欣為何嚶嚶華何芬芬幸甚

至哉其樂不均

二畝半廬水繚繞之環以竹曠蔽以芭籬風雨不出屋

因樹為頽垣抱碧海髮山衣春鳴桑鴈秋振沙雞幸甚

至哉歌詠于斯

廬中何有有琴有書有鐺有鑪有盤有壺壺有濁酒盤

有野蔬北有漁父西有田奴命儔嘯侶但用相娛幸甚

至哉抑又何須

家風詩

東菑傲載秀綠盈疇倉庚勸稼蠶政興修桑者問雨禱  
子芻牛瞿瞿我士書燈夜篝吏無督課蒸潔着羞雞豚  
逮事瑟丘歌謳行葦忠厚白華湔漱

癸丑穰魁謠

燒禾焚黍肝焦心腐乖龍鞭不起赤帝赫斯怒枯魚銜

泣宅涸釜百千萬民悲哉苦一解小巫擊鐘大巫擊鼓

披髮旋旋作鬼舞欲雨不雨神其吐二解兒呼父煩呼

姥老翁手捧香前設雞與殺不願富與貴但願活我禾

東臯詩存卷之三十四

二

文圖

黍我煩我子共糜鋪三解嗥氣成雲揮淚成雨小巫瞪

瞪大巫懽懽仰觀青天面色如土四解

金焦行寄京口鮑步江

大江西來走東海羊膊一瀉三吳匯日月跳盪乾坤浮

中流無柱愁真宰天吳巨掌擎金焦東南欲倒撐烟霄

一誰一合隨風雨江心浮玉雙岩堯黜洞根深蛟龍窟

朱甍翼空神鬼巢上有金鼎玉帶之陸離兮奠兩山之

寶錄下有石柱鐵鎖之森沈兮割萬里之洪濤湘靈瑟

兮馮夷鼓溯碑洞踏駭其曹我舟過之因風輒引去至

今遠望心煩勞若有人兮山之巔首冠芙蓉立翩翩左

攜華陽袖右拍頭陀肩前飛黃鸝舞踰躑青貌白象何  
曼延酒化雙峰雨瀟瀟簫吹大海秋蟬娟九天咳唾落  
江底湧出中冷第一泉我知鮑子人不識前身乃是青  
蓮仙仙人遠隔秋江潯江水湛湛楓樹林劃然天風吹  
落東臯吟兩角外垂流蘇金中有三尺素讀之泠泠如  
瑤琴君作東臯吟我作金焦行金焦望東臯盡五百里  
如蕪平東海五峰連五城感君注意東海生銀臺金闕  
在何處夢想蓬萊水淺清方壺圓嶠何嘗沒鼉背乘潮  
拱上京鮑子鮑子爾家京之江潤之浦紫金之庭浮玉  
柱胡不水截蛟鼉兮陸剗兕虎側足焦原亦良苦中原

東臯詩存

卷之三十四

三

文圖

落落空我輩眼底紛紛發長喙蛙鳴蟬噪亂黃鍾百年  
此道同兒戲好將隻手障川東高懸日月中天麗雖然  
星斗各參差片言可定千秋事鮑子鮑子爾為雲兮余  
為龍石碑礧磊兮海門龍從洞恍惚而不見兮我將從  
汝於京江江上之雙峰

渡江東歸

燕子磯邊九月天鯉魚風送石城船黃花又見歸來日  
紅豆空裁寄遠篇玉樹歌中陳後主仙人掌上柳屯田  
緘情合付長江水江北江南盡惘然

冬日送客

邂逅遇之子攜手接清歡芙蓉集為裳薜荔結為冠元  
談傾珠玉芳嘯氣若蘭顧影愛蛾眉信美莊且端眾女  
工謠詠見晚獨長歎賞心異流俗結交良獨難風雨從  
中來膠漆益以堅吐心有成言相期在歲寒  
北風吹里門黃雲莽回互徘徊踏層冰揮手即廣路去  
矣復何云臨遠陳悃悃君子崇芳修慎終在初度嚶嚶  
鳥鳴枝習習風吹雨得失判須臾明昧起跬步木落見  
本根湛然乃無怖貢言愧先哲平慎獲所助

乾隆元年元日恭紀

麗旭開元旦垂裳已四朝祖孫與父子飲食更熏陶  
祝聖康而壽臨觴歌且謠年華何鼎鼎春色滿雲霄

東臯詩存

卷之三十四

四

文圖

探梅

元年之元日梅花亦已開獨吟還獨賞竹葉頻相催天  
運剗成歲王正篤爾材風心競萬萼嘿嘿自春臺

春城見花有懷蒲上幽居

蕭齋無落花不知春已徂江城一延矚風吹綠蘼蕪杏  
花紅半城桃李紛交攢蛺蝶恣遨遊鶯燕鳴欣娛媚景  
爭分眴過眼懷自殊茲辰良足惜胡為獨離居

三月六日齋中夜雨

薄寒逼空齋風雨傳春夕晏居感物華况復遠行客燈

蕊燦夜紫瓶中杏花白坐聽城南鐘迢迢沈寥寂江村  
應掩扉落紅紛可惜

送柱上人遊金陵

飄然一笠金陵去掉首江天色界分眼乍青時眼乍白  
愛看山又愛看雲六朝秋寺招蓮社九月歸舟有雁羣  
碌碌恨無閒脚版隨師到處覓聲聞

丁巳夏歸自崇川園居即事

歸來三徑已全荒孟夏無人草木長新燕出巢蛸在戶  
殘泥猶自落空梁

雨銜雲脚日銜山晚飯家家收犢還稻阪新添三寸水

東臯詩存卷之三十四

五

文園

棟花風裏老牛閒

六尺紅藤滑欲流碧瀾清暑似橫秋北窓自有松風夢  
何必吹笙更上樓

屋後鳴鳩雜亂蟬山厨飯熟尚高眠東邊日出西邊雨  
看盡陰晴秀稻天

豪梁魚樂戲清漪得魚賣魚總不知一把釣絲風雨裏  
海鷗何事更相疑

偶然行樂西河上七字爭傳憶范郎門外稻花三十畝  
也應強似建蘭香

葯谿釀蒲桃酒數斛醉後口占

馬乳葡萄酒金杯琥珀光幾時歌出塞醉卧大西涼漢  
使求難得華清笑獨嘗何如瓦盆裏日汲紫霞漿

立秋日秣陵楊已軍

法偕葯谿就研集余寓齋

納涼

為客知秋意河明火欲流幾人能逐熱一月但蓬頭白  
露才霑草紅雲晚抱樓江湖已涼夜不見月如鉤

短歌

石何磊磊竹何森森空軒夜啓憂心難任鳴琴橫席絃  
不成音攬衣出戶陟彼遙岑明月在天冷露霑襟美人  
即來亦淒以陰誰晞文鳥搔首沈吟

東臯詩存卷之三十四

六

文園

結客少年場行

三月春風滿路香繡簾幾行學迷藏翩翩忽過少年子  
露出一雙紅鳳凰

食菱

豎子提携至分甘自野航水華紅可摘風味老能香食  
飽慚頭角年饑此稻梁秋來鴻雁滿夜夜起橫塘

寄山陰潘丈退翁

寧丈年八十久客揚州窮老

欲歸昨以書來故寄二首

故人一別驚如雨芳訊猶傳老布衣燈炮白頭搔更短  
月明烏鵲繞還飛禁春風雪盈長路自古江湖賤少微



無恙稽山歸亦得竹西重過惜交稀

臨行若為勸加餐分著丹青問古歡  
觀鉞獨留煨芋火  
夢溪猶有釣魚竿故人下第方攜袂  
公子登樓倦倚闌  
千里相逢更何處梅花消息慎春寒

送石寶堂鍾瑞重赴焦山讀書兼懷步江

重向青山問舊緣花飛送客冷于烟  
一擔春雨白藤笈  
雙槳夕陽紅板船檻外月明仍墮水  
江南草色又迷天  
蝸廬高卧乘秋律辭詔應輸大隱堅

文章應得江山助旦晚陰晴萬狀新  
湖走石根驚霹靂  
霞蒸雨脚識金銀研池浣筆分滄海  
枕畔歌詩答谷神

東臯詩存卷之三十四 七 文園

便欲臨風弄羽翰索居終愧扣舷人

招隱長歌桂樹殘三山清夢隔雲端  
回驚一別人如雨  
猶念同心臭似蘭避暑定知移石壁  
吹簫何處倚江關  
馮君寬取焦巖句明月蒼苔子細看

妾薄命

寂寞復寂寞西風卷珠箔城上烏夜啼  
鏡中花欲落雲  
髮染霜華玉腕消銀索羅帶結同心  
芳訊成空約幽悰  
吐故懷短夢非長樂亦知君恩深惟憐妾命薄

渡黃河

此去崑崙三萬里為懷虞夏四千秋  
濟黃怒壓雙濤下

清濁爭分一線流輪輓應虞民力竭拜詩真見 聖人  
憂河隄險處多  
御詩碑事儒生須識安瀾策漫欲浮楂到斗牛

大翻山人歌并序

山人姓劉名之璋字德園籍隸關東生于江  
左家世世受襲鎮京口三十年罷居淞濱之  
陰三聘不起有文武才工詩善隸篆兼治雜  
家者流向得識于雍奴今復將別為作是歌  
大翻山故以王氏次仲名山人遂自呼為氏  
矣

東臯詩存卷之三十四 八 文園

仙人制隸不受辟化為大鳥落雙翻大翻小翻分兩山  
雙阜合秀翔空碧蒼崖奇字剝苔花八角垂芒人不識  
山人著書山之巔山中雲卧三十年海門昔曾擁旄節  
三山夢隔秋江烟履貞懷道窮數術歌詩聲出黃初前  
六書八體合古法飛鴻戲海鶴游天三徵堅卧不肯出  
大笑手拍王公肩江南有客塌兩翼旅食雍奴面鰲黑  
臘月悲歌古笥溝忽遇山人道之側彈指不見已三年  
鬚眉白盡森如戟漁陽大雪千里來朔風射面利于鏑  
邀臨修具踏層冰熾炭于位行割炙泥中余作落毛驢  
風裏君為退飛鷁夜吟共此燈燭光酒所厄言空太息  
醉後詩成書八分百黃金償一字直明朝歸去雲松巢

黃鵠獨叫聲煩勞寥廓為君重回首萬古雲霄一羽毛

雍奴署中春懷

黃圖三輔雍奴地為近長安襖被來花損客心飛古塞  
風吹海上燕臺懷人南北春將老戰壘金元馬已賸  
不是多岐怨行役登臨到處首堪回

空城雀噪古笥溝北接風烟渾水流滾滾三沽通海運  
茫茫九道入邊愁駱駝春牧分砂磧鴻雁南歸下莽洲  
欲問漢家舊營闕于今誰是寇威侯

短衣掇拾已叢殘蕙帶猶然中薄寒芳草賦裁盧進士  
杏花風避鄭都官離鸞別鶴殊新曲漁弟樵兄尚古歡

東臯詩存

卷之三十四

九

文園

漠漠春陰迷返照注冠欹側不堪彈

故人昨夜東都去中酒空傷伏枕心紫塞春深沙漠漠  
黃河日下水淫淫應虛梁苑詞人席獨唱幽州馬客吟  
誰復吹簫屠狗者望諸君墓已消沈

江南一雨綠千里紅對草堂山杏花客裏殘春驚日落  
簾前新燕受風斜美人何處瓊酥酒公子相邀白鼻騮  
誰道明朝不當作坐令芳信老天涯

送夏邑彭孝廉

倚華

赴洪都

春山翠黛點雲羅十幅春帆染綠波廬岫嵐光迎擢過  
江南風信落梅多花遊冷上紅脂酒燈試烟團白苧歌

高閣若窮千里目長天秋水意如何

題七弟西里遺筆冊子十二首

木落變山容天光入空白山中人來眷此風雨夕亭  
卑閉虛局落葉迷行跡秋陽沐晴嵐命儔振輕策躡奇  
雲路修招隱花源隔孤往得共賞互嘯驚崑割秋淨石  
華香時時撲冠幘日暮山之幽一啟佳人宅

亂雲鋪海綿冒麓失山險層巖閱頑陰危棧綠幕默出  
沒恐旅心纏屬歷嶄嶄雷雨俯可聞風日仰可攬行徒  
衍山腰天際冠蒼厓仙窟盡靈奇楚巢工媚灝風旗翼  
雲車落日中峯閃何處苦鵲啼拊膺中心慤

東臯詩存

卷之三十四

十

文園

暝色生暮紫蒼然大疆來朱霞明半天飛鳥亦已回孤  
眇入罔象嘿契戲嬰孩仙者向我笑獨立山之隈析冥  
洞三極游氣馭八陔倏然松風至吹醒夢悠哉  
長廊抱幽壑修闌引遙岑湍練破空翠中有太古音澄  
懷入淨淥鏗然如瑤琴雲洩激飛梁忽焉濕我襟緬彼  
逝者歎悟茲悠哉心坐觀濠上魚行采北山苓懷念矢  
津逮川巖阻且深

讀書秋樹根霜容落華色時有黃虞人欣然共語嘿風  
弄丹楓姿鳴條粹以撼靈籟賡天謠瀟灑終日夕素鮪  
戲文漪紅泉吐古脈坐愛晚風善山光悅岑寂忽見露

織阿東軒受虛白

東髮慕幽奇念一屬空谷人外隔佳期  
癡心櫻塵俗過眼撲雲烟流連契昔夙  
陂陀帶平岡逶迤抱迴屋風簾媚鳴泉  
璆然戛氷玉既詠淇上詩復奏滄浪曲  
瑩情興切磋滌垢判纓足跡豈貴沉溺  
性本愛清淑茲言如可酬嘉隣他日卜

策杖且歸去白雲如留人鐘聲何處墮  
遙出青松林琳宮補巖缺飛角橫蒼旻  
木脫戀丹葉秋姿殊不貧顧往惜奔岫  
眇來欣長津岫隱逝元鶴津流冒白蘋  
采采華可擷翛翛羽思翥美人隔秋水  
丹客朝玉宸盈願成歎

東臯詩存

卷之三十四

士

文園

返寥馬誰與親迴我邱中駕終為古秦民

霹靂起前壑忽落咫尺閒飛出白玉龍  
倒立青晶盤珍珠擲蛟宮日色射跳丸  
碎閃光鑠目以手翳之看滃濛雲氣生  
坐覺衣裳單瑤草秀可拾丹芝飢可餐  
慕侶覲芳心天在山中寬谷神本不死  
泉脈詎有端終古逝如斯一氣若循環  
微氣妙所達共拂珊瑚竿

揚舠遵枉渚葭蘆何蕭蕭日落古原上  
臨風生鬱陶鬱陶誰與陳扣舷奏長謠  
今夕復何夕佳人在雲霄思君君不知  
公子美遊遨欲寄芙蓉花采采江之臯  
露藥不盈把霜華亦已彫秋水冷且深  
使我心徒勞

月色灑桐陰秋宵富清暇蟋蟀草根鳴  
栖烏復驚啞繞枝動涼輝紛紛落蘿架  
偕我素心人豆棚坐閒話白露霑衣襟  
明蟾入風榭銀漢淡天宇萬里金波瀉  
努力愛秋清晤賞延遙夜

山風傳空谷如聞人笑語寂抱忘言詮  
虛觸疑儔侶呼童啓柴扃足音已及戶  
開門乃闌然厥聲蓋在樹鳴泉漱山根  
與石相吞吐曠焉穹宇寬熟視一無覩

青山長若茲斯人已安往呼之不能出  
含悲淡盈瞳徒結翰墨緣留與來者賞  
下筆破天倪鏗念鑿罔象生氣開死境  
出神入鬼想有時集仙靈亦或現魍魎  
遂犯造

東臯詩存

卷之三十四

士

文園

物忌不得終厥享九命古所哀天道乃  
或爽絕筆逾可寶身後名斯廣生前一  
布衣七尺空骭骸傷哉鶴鶴原悲風日  
蒼莽

京口曉行望金焦

江澄曉日鏡新磨奩影遙開兩黛螺  
一片秋光不可攬天涯如此美人何

偕史歷亭

鳴臯

訪胡大使

作肅

于雨香菴胡已

晨去菴僧

天隱

出閨胡寫水繪園廢址圖

歲逼空城十二月恍焉渺處朔風吹何  
人塵鞅耽烟墨與客天寒叩竹埤擊柝  
冷官侵曉出負暄老衲應門遲

百年華屋餘枯草多事宜毫髮繫我思

善哉行

來日大難六月生寒舟不必水車不必山一解南山有

雀北山有虎雀罹于羅虎陷于罟二解羅我釋之罟我

出之虞人大怒我心憚之三解道逢黃雀口銜白玉道

逢猛虎欲噬我肉四解長跪告虎求緩須臾虎笑而言

女何太愚五解一日把犁百日舖糜今日同室明日別

離六解今日不樂來日大難善哉善哉飲酒喜歡七解

子夜歌

人言歡負儂儂謂人定錯秋風動羅幃梧子何處落

東臯詩存卷之三十四 文園

人言歡負儂方信人不錯秋風動羅幃梧子何處落

他歡與他儂富貴交益深歡詠十白璧儂笑千黃金

東市有冰綃西市有霧縠歡來五流連經衣與史服

寫梅

肥既不如瘦密亦不如疎只一逃禪老識得率更書

落日空山冷疎疎幾個花香能薰石骨吹到野人家

秋蝶

探花事去已消魂露草離離宿不溫舊錄何堪傳北戶

雙飛忽見到西園香淋秋水都無夢粉壤春紈尚有痕

莫向風前訴恩怨鶯捎燕接總難論

江二十二樵所招集融軒時牡丹將謝樵所有悼亡之感

共擁雕欄送夕暉如仙如夢月華飛香消卯酒迷瓊島

人去東風下錦幃燕麥元都春寂寂鶯花白道雨霏霏

空傳彩筆書成恨欲寄朝雲何處歸

送樵所後江上復遇雲子

名士傾城又一時烟波江上雨如絲曲中舟楫歌桃葉

笛裏關河折柳枝幾日惡懷空復遣他年幽夢與誰期

不言擁髻觀春水綠到天涯任所之

五月十六日夜同雲子舟中玩月有懷江二十

東臯詩存卷之三十四 文園

二

日落水華明涼侵白紵輕晚香生扇影薄醉入歌聲所

思忽千里相看欲二更不知何處月照得夢初成

金焦

金焦兩故人隔江向我笑歸來才幾時乃復涉遠道筋

骨付塵軀性命託波權褰裳盡就予趁茲風日妙裁我

冠珮容鬱鬱烟霞貌契濶痼素心咫尺弗能造郭墓逆

漩渦即次榜人報回頭竟失之海上餓鴉叫

句曲

赤日炙石枯赤脚煆石爛露坐山竹兜僕夫喘且歎忽

然雷雨來疾聲破山澗挺走不辨境逐肉雨如彈道旁  
得古柯持抱藉為幔其下五六人啾唧若鼠竄須臾大  
茅君騎龍撒雲繖石隙溜決渠活活適至盱巢居者誰  
子陰晴閱昏旦修竹淨且娟媚花泣以清出門踏水火  
精魂蕩憂患努力向前途林際日又肝

西湖

夢與佳人期飢渴二十載此行有天意宛轉得津逮相  
逢一破顏欣然瘳宿痼把酒酌湖心臉際溢光彩翠嵐  
持作簪紺林繡為珮清鏡落芙蓉滴滴胭脂滙花裏誰  
家女亦復能瀟灑而乃天人姿精神逾百倍便欲偕汝  
東臯詩存卷之三十四 五 文圖

隱梅花閣斯在

錢塘

漸水千里來出三天子都風濤或鬼神江山生霸圖西  
湖亦娟麗無乃非丈夫層波盪胸臆正及秋之初英英  
丞相風赫赫大夫俱我我白馬軍瞬眼落坐隅舟航一  
不戒血肉甘蛟魚夫差老歌舞句踐守疆圉東門與南  
陽何有賜屬鏤終古不揚波履之如坦途怒濤胡不平  
因此兩頭顱

富春渚

姓名氏山川不聞劉易嚴豈貪為已有百代猶仰瞻魏

巍兩釣磯不博一堂廉深山大澤中詎少幽人潛

七里瀨

白露團火爇秋水亦以駛兩崖束水下喧瀾見石齒蔓  
壑裂地根藏舟窺天咫硤窄入孤光古青何縈紫竹竿  
縊麓行山雲觸人起過目惜奔峭延賞指迎壘一步殊  
一態一瞬呈一美石室憺忘歸中有釣魚子趨途無停  
於因人實可鄙

草萍驛

日落山風吹行子尚未息千峰黑欲來不辨南與北草  
萍驛其中乃知判邦域石垣走長轡蜿蜒為壘僻隔舍  
東臯詩存卷之三十四 十六 文圖

殊越風江淮况異國仰頭觀嚴闕愴然涕霑臆旅宿半  
其程役夫驅之亟秋蟲送我行步步聲啾啾

東津橋

下春發草萍夜半渡東津鳴澗何黠聞我行如盲人石  
圯代浮棧欲前復逡巡綆屬五百丈接續多不勻或斷  
四五尺往往陷蹄輪既過且股栗輕此父母身

南巖

望岫已息心投巖更怵目含阿蔽秋雲豐輔吞佛屋靈  
窟住諸天香花羅梵族古泉垂珠露飲可豐一匊五級  
卓雲中捫蘿歎維谷青士與蒼官濟濟復肅肅白雲豈

無心日夕知來宿緬彼紫陽翁微言啓幽獨歲晏憺忘歸崑栖于茲卜

釣臺二首

盈盈秋水薦芳蓀絕代清狂此尚存七里獨過嚴子瀨萬山都拜布衣尊官惟諫議輕同學道備公孤失坐論莫怪翻然事初服絲綸原不易華軒

大澤何須使者求竟容物色到林邱巢由幾輩成通隱堯舜吾君薄故游六月被裘為此態一竿垂釣姓其州磻溪亦有投綸者同類龍蛇獨罕儔

陸鴻漸茶山

東臯詩存卷之三十四

二十七

文園

紅泉四品浣雲英家住江南變姓名逋客總能勾引入稼軒襟野雨文清

趙忠定一杯亭

醉踏南臺送晚秋一杯亭外葛溪流但能飲得生前酒遠戍何妨到永州

曾文清清樾軒

七載茶山夢枕戈心源古井化枯波我來繞屋無清樾風起松杉怨議和

朱紫陽南嶺題名

石鐔斜開入古天淳熙題字護嵐烟驚湖鹿洞窺雲影

此地何緣住十年

辛侍郎稼軒

稼軒山北剪蒿蓬幾稜秋田覆露叢此是四時行樂處藕花雨後桂枝風

呂文清謫居

鬢釐蓋屋繞籬條分派為圖老謫居見說涪翁都下拜何人更問呂中書

謝疊山祠

一杯清酌酹芳蘅流水徘徊痛哭聲遺恨衣冠終不復忽忽兵散信州城

東臯詩存卷之三十四

文

文園

夏文愍白鷗園

夜半清詞入紫微白鷗園裏已霜飛如何不與鷗同夢空化啼鵲帶血歸

一杯亭送客歸江南

亂石灘懸雁影稀秋來同客不同歸一杯亭上一杯酒七十二峯雲自飛

送同里易翁并序

翁子清標忝鎮信州翁就養邸第暇時接晤頗盡鄉里之歡秋風一起遽返江東詩以送別情見乎詞

昨夜黃花酒今朝白板船窮秋淹我駕千里送君還子  
舍清笳外軍容落日懸玉山峰似戟猶擁扣孤艇

蒼頭行負笈幾盡樹秋蘭暝色來空郡西風已渡山鴨  
頭七里瀨石齒九龍灘若向桐江過為余問釣竿

江月灑秋衣風前雁背飛夕陽官渡寺黃葉釣魚磯正  
及稻初刈况當蟹已肥遙知故西閣未老故園薇

板橋楊柳岸西壩遠蒲塘此外皆烟水其中有草堂如  
翁兩白髮蕩子一紅妝是我天涯夢相隨入舊鄉

登五級峯寄山翁不能從

恣遊那復留餘地五級能盤亦出羣性命可輕奇必歷

東臯詩存

卷之三十四

文

文園

虛空竟住世稀聞烟窺杖影支危石風落歌聲閣暮雲

環足萬山遮不得靈巖惟揖李將軍靈巖七十二峰高  
三十餘里信之鎮

也上有神曰李將軍與  
南嶺正相對距八十里

謁紫陽祠

六百年來岷已微香存一瓣問巖扉江河不廢無今古  
君相何妨有是非石室許窺深且峻溪風未共詠而歸  
拜詩留得淳熙石長護苔花上夕暉

得陳澹寧瑞書

風雨西河有敝廬不窺園近十年餘山衣海髮環垣堵  
虎僕牛蠅供射書社日忽虛雞黍局索居誰訂草蟲疏

於陵仲子詢前約手把遺經獨帶鋤

蝶

花飛驚客夢蝶影弄宵涼画閣簾初卷天涯草已芳邀  
遊分性命聚散亂年光不解春歸恨紛紛有底忙

十八夜獨上石壇看月

澄光洗出鬱羅清月在花宮不損明午夜幡幢飄客影  
一秋風雨此宵晴雲中鸞鶴栖瑤樹天上神仙集玉京  
華髮蕭蕭成獨立銀河縹緲隔吹笙

丁卯初春送迎陵入都

綠楊江郭接春明郭外東風聽早鶯千里雲霞遊子色

東臯詩存

卷之三十四

三

文園

滿堂紫翠美人情歌傳桂樹山中出浪激桃花汎裏行  
雕鶚秋天雙眼潤期余遙度博姑城

寫梅寄秦學士礪泉

雨風月露烟雲雪梅得其天品乃絕美人才子佛神仙  
梅得其人品乃全以天合人見真際不然下筆皆徒然  
玉皇香案神仙客琢月鏤雪作肌骨毫落雲烟千首詩  
香羅小字簪花格手攜墨海排文昌一掃萬夫皆辟易  
入手東風第一篇紅雨香霏露花白五年不見空所思  
怪我驛使來何遲作花不獨是慧業拈花苦愛春前枝  
天乎人乎君知之

小樓

簾櫳橫隔鳳皇山影事前塵損玉顏今日獨披風帽過  
一天秋水月如環

日在簾鉤月在牀燕泥猶自落空梁曉來須掩登樓目  
此是人閒勝業坊

海上冬至

從古人生不滿百如流五十一年過衝寒海上逢長至  
對酒燈前續短歌歲月幾曾開口笑雪霜漸覺滿頭多  
陽鳥辛苦回南陸一線能添縮逝波

長歌續短歌

東臯詩存卷之三十四

主

文圖

無愁果有愁長歌續短歌長歌歡樂少短歌苦傷多短  
歌不須長既醉夜未央堂上高燒銀燭光二八迭奏嚶  
清商客起再拜壽而康壽而康街鼓歇欲落不落山頭  
月屋上老鴉呼咄咄

香雪居問梅花消息

枯桑海水孰華予消息先傳香雪居芳訊何曾闕歲事  
天心本自愛冬餘空庭樹亦如人老破臘花猶惱夢疎  
獨閉松筠喧鳥雀垂垂晴旭下吾廬

野燒

海上多草田煎鹽戶賴之歲暮時無賴潛投

火草中或數夕一熱或一夕數熱火光照海

率以為常

夜夜驚呼起登樓看野燒海光騰日月火勢湧風潮怨  
毒於人甚鄉隣奈俗澆剽焚容盛世觸目亦心焦

題吳梅查均疏泉圖

八八寒泉水疏之彈美襟活能通古脈清見在山心觸  
手溪雲起孤吟木葉深澄懷傳不得幽碎語秋琴

秋花十九首

秋日愛閑居幽花供把玩習習學楚吟孤懷宣柔翰攬  
之俯可得在野二畝半草木乃有情晤賞獲所願呼兒

東臯詩存卷之三十四

主

文圖

輒書之聊用資笑訕箋心贈後人不我見何恨

稻花

樂太平也

欲雨不成雨秋風原上來稻花綴其英柴門晝不開烏  
捷臥牛宮波塘亂鳴蛙豈無蘭與桂而非余所諧昌昌  
天地心邈邈黃農思浩浩君相恩悠悠沮溺懷

豆花

學為圖也

暮色落秋旻蒼然生老圃庚庚鹿眼籬紛紛豆花雨豆  
花既以白豆莢亦成縷晚飯臨涼風秋實腴堪煮上有  
蟲娘遊下有寒蟬語霜田落為其小人良辛苦

蘭

崇明德也



香草秋可拾，飄然羅我堂。中何所有得，奉君子光采。  
者目以蘭，莫服詎不芳。獨茂見孔谷，熏風吹舜牀。揚芬  
與終古，德馨乃為良。秋氣亦無悲，湘纍徒自傷。努力固  
其本，駕言行四方。

玉簪 慎守身也

季女抱素姿，獨向空階立。冷墮白玉簪，蒼烟不可拾。回  
首背西風，秋苔濕珠靸。彼姝漢水濱，解珮殊戲狎。玉體  
未分明，語之羞生頰。涼院下魚鑰，風簾垂犀押。金蟲栖  
香鬢，冰蟬搖寶釵。粉身玷不磨，皎月照深閨。

牽牛 貴知希也

東臯詩存 卷之三十四

三

文園

水碧染秋藍，曉露淒淒以冷。紅樓睡初起，菱華喟弗永。秋  
夢失佳期，翠姿詎見省。竹竿羅柔叢，甘與兔絲並。嬋娟  
惜芳時，園客愛晨景。文鳥濕未晞，長鏡出己秉。銀塘綻  
欲滴，明河散猶耿。牽牛復牽牛，星光亂花影。

海棠 戒爭榮也

日落墻之陰，蟋蟀鳴何早。下有兒女花，乃是斷腸草。纏  
纏被石稜，沃紅顏色好。穠華睠春姿，同名殊所抱。甘瓜  
蔓亦枯，苦瓜蔓亦槁。遠念如何將，何必蘿與蒿。

蕉花 傷心也

蕉葉颭秋陰，蕉花吐秋碧。葉多辦亦多，萼萼何襍積。一

葉一心抽一瓣，一心坼一心。復一心心傷，誰為惜。不惜  
傷花心，但傷秋。已深羅衣露，濕美人罷鳴琴。

木芙蓉 別知已也

蓮落秋江空，好花生木末。昨夜風雨裏，佳人與我別。丹  
萼耀晨霜，可憐紅瑟瑟。欲贈瑤之華，探手不能折。寄我  
金鯉魚，霞尾何潑潑。驚起雙鴛鴦，波冷搖花光。花光搖  
不定，道遠中心傷。

杜若 長相思也

秋水不受染，芳杜搖孤翠。白雁下橫塘，照見相思字。天  
末懷夫君，山中人不至。江南可采蘅，歲晏發遐喟。然疑  
終焉釋，零露已蕉萃。

東臯詩存 卷之三十四

三

文園

菊 紀水災也

乙亥月季春，細雨分秧菊。辛苦抱甕心，藕草課童僕。春  
苗既恣肥，夏葉紛以綠。朝防雀啄傷，晝伺蟲遺毒。抽條  
半我長，掖之扶以竹。會與稼有秋，或當酒初熟。一雨七  
十日大水，上我屋椽腹。過荒年還恤，及草木菊爾十損。  
九存者且蹉跎，陰長驕所生。葉大華商陸，天地本無私。  
留之心亦篤，九月霜風清。庶幾娛我目。

槐花 故交疎也

古巷實秋槐，積滿門前路。衛茅閉蓬蒿，苦花變涼序。青

蟲棄不蝕黃雀食還吐寂寞巢居子老屋但因樹日仄  
墮嘉陰高卧猶未寤流盼入餘暉元駒南枝去

鳳仙 惜往日也

鳳仙好女兒五色花蕊繁芳味咽商律文翼何翻翻本  
是神仙子羽衣下青旻染指泛瑤瑟流水聲潺湲點點  
漂紅萼歷歷鵲鸞言忽然乘鳳去幽會何能護涼露泣  
蕪甸微月在西軒性急帶欲斷秋河鵲影翻

剪秋羅 哀薄命也

溘露悲羊蒙腰袂灰古薜荷花守紅死秋羅不堪剪剪  
羅持作衣化為雲與泥剪羅持作裳莫繡鴛與鴛鴦  
東臯詩存 卷之三十四 圭 文圖

葦花 老將至也

西河水洋洋欲渡阻且采中有漁父宅葦花蔽翳之朝  
過葦花南天暖浴鳬驚暮過葦花北水冷雙鱸鱖葦花  
白如雪漁父髮如絲瑟瑟西風吹聊用相娛嬉

蓼花 習苦也

垂垂江之干亂穗西風急雨過漂水紅鳬翁恣唼喋丰  
標兩公子白羽舒復戢野渡無橫舟層波寒淅淅赤脚  
垂綸人習苦荷蓑笠含辛蟲不避根抱莎雞泣

水木樺 不遺小善也

露畦黃簇簇雲渚夕離離芸蕊英燦燦弱葉碧萋萋小  
草香可憐晚髻良所宜何處采石蘭誰為贈江離莫以  
蠟桂馥馬唐與等夷

葵 憫早彫也

大葉多刻缺作花秋能黃淡淡夕暉影不辨花與光黃  
蝶何翩翩或栖花之房朝餐詎可烹衛足良自傷栽為  
道人衣庶以凌晨霜悲哉時不處海風鳴枯桑萬木抱  
葉死黃隕委道旁

桂 歸山中也

有客寄書至山中桂花發香海凝不流崖際露古月獨  
東臯詩存 卷之三十四 圭 文圖

坐山之幽氤氲入肌骨丹蕊墮繚枝紛然綴華髮時有  
古仙人或出而或沒猿猴悲慕類谷音空髣髴穢跡櫻  
垢氛訪世芳馨絕返駕歸乎來為汝熏羅襪

春柳四首

春色連天接薊門離亭風笛怨黃昏將迎將送烟花暮  
如笑如啼雨露痕十二時中鶯自語三千里外客銷魂  
如何不綰行人住又向江南問水村  
水國風流憶阿渠神仙留客為踟躕且看帶雨臨春草  
依舊飛花入綠蕪鏡裏蛾眉螺子黛風前躑躅燕兒圖  
不須更問金城路終古傷心是夜烏

門外長條復短條，莫愁艇子慣乘潮。纔過白下長干路，又踏青溪舊板橋。壁月瓊枝獨不見，黃羅金縷自相遶。年年浪起春如海，似草青袍色盡消。

四百紅開水綠波，婆娑不數孟津河。美人一笑新花草，香徑千年舊綺羅。怨入公孫桐樹夢，艷同兒女竹枝歌。似曾相識須重過，添得烟姿覺玉蛾。

田家閨怨詞

屋角棗花白，隣家起飯牛。園柳晨烏鳴，咬咬命其儔。麥田已懷穎，良人役遠州。他家願富貴，賤貧匪所羞。山花持插髻，荆枝削為簪。牽蘿倚竈觚，日影下空林。

東臯詩存

卷之三十四

壬

文圖

題蔡松原嘉

少作焦山雪景圖并序

余與松原老友交二十年矣。乙亥冬暮復過邗上，相訪曲巷中，病榻握手，絮語橫涕，出少作焦岩雪景圖索詩。謂昨歲子綸得之，松寥閣中自題歲月語多感愴，蓋甫冠作此，距今近五十年。因憶汪氏味蔬堂瓠花瓠樽院雅集諸子，極一時勝事。二十年來，或死或生，或窮或達，變更不一。而松原病且老，將復不起。余亦就衰，青山無恙，白雪長飛。友生各散，俯仰今昔，能無感耶？為綴四絕書其端，且惜松

原垂暮之年，何不學香山寫詩，藏佛腹中，顧向名山取之而歸，一掩一抑，作江上琵琶之泣也。悲夫。

送畫山根早晚潮，美人遲暮已魂銷。粉香脂盞都零落，拾得當時舊翠翹。

桑海煎心歲晏天，揚州一夢竟成烟。華巔總似山頭雪，彈指歡場二十年。

剪得寒江雪幾分，松寥歲月佛香熏。深山縱有諸天護，腸斷龜蒙記錦羣。

藏山何必更攜歸，觸迂愁心淡濕衣。如此江山如此画，

東臯詩存

卷之三十四

壬

文圖

不妨歷劫付龍威。

七夕後二日拾瑶軒看月同璞莊瘦石雲渡

海上仙人待素書，幽期離緒月華初。夜涼於水秋同夢，鶴老如人髮獨梳。一桁晴雲開碧落，兩行清淚寄方諸。露荷更有珠盈把，繞檻吟成愧不如。開軒重酌味嘉蔬，空碧悠悠濕玉除。秋事關心聽蟋蟀，雲衢無術捋蟾蜍。人閒風露三更後，天上星河七夕餘。誰謂明朝不當作，一年一別亦踟蹰。

姜文載

字命車號在經一號西里又號西田小樵退

耕季子邑諸生工画早卒著有步臯錄紅豆  
篇西田小稿

車馬湖吳宅牡丹冬花

錦里秋風秋雨殘忽驚雙艷倚闌干不須富貴愁春晚  
乃與松筠共歲寒天為白藏留國色花隨青女對文官  
生憎卯酒朝酣日曾拂繁霜犯曉看

園居詩和四兄

黃石山亭

露重芒鞋濕嵐翠滴山曉昨夜黃石公相期拾瑤草

西河之上

東臯詩存卷之三十四

无

文園

設教人初暇蒼茫送夕陽稻花秋滿眼風裏過來香

蓬蒿三畝居

蓬蒿三畝居綽有五畝宅二畝半在野二畝半在邑

迷花谷

奇樹列中庭露下芳華重月出山鳥驚牕影搖秋夢

樹為屋

我愛申屠蟠亦復愛其宅清夢隔林端月落半身白

白蒲書屋

靜極疑無己亭虛鳥載過高吟深夜歇漁唱滿西河

南園

雨落南園田菜生南園土鋤菜起五更得食須辛苦

北垞

剝棗衡門下溪鳴恣探聽執斧撰漁竿斫竹空山應

快宜堂

昆弟羅階下華堂明朝曦持酒各上壽因之名快宜

鸞簫曲

蒲東之水秋浪浪蒲西之水秋湯湯欲往從之心徘徊  
百里琅峯道阻長道阻長今往以復幽房悄立人如玉  
隱思君兮未敢言深情并在鸞簫曲鸞簫曲苦古別離  
鸞簫聲裏雙黃鸝黃鸝不來枝上飛閨中女兒名令暉

東臯詩存卷之三十四

三

文園

聲聲只怨晉公子崑崙消息今何稀人生生年不滿百  
二十五年駒過隙此去綿綿何日歸春風秋雨青絲白  
缸花落盡添芳苾銀管瑤箋淡痕泚再拜封題雙鯉魚  
金猊馥郁銜沉水維尊與章霜鬢疎父母生兒兒命孤  
獨抱幽憂對天泣蟾蜍影裏砧聲急曾將菟絲附女蘿  
衰時相見嗟何及臨風題罷心勞勞方寸之中千里遥  
但願郎歸莫作客免使空山人化石

秋夢

露浥芳魂重遙遙未暫停塞雲垂地黑鬼火照人青掩  
抑渡遐水高低趂冷螢忽驚還作客燈影暈秋屏

寄友

雲凍滄江月燈搖別館魂北風時入戶中夜悄重門高  
誼戀親戚迴心屬弟昆忽然成感激泥首正無言

訓錢蒲心兼送四兄歸里

故園良宵夢裏探萬竿烟雨隔秋潭空林寒鵲飛三匝  
殘焰孤螢坐一籠玉笛罷吹魂已斷黃花滿座酒初酣  
蒲塘望去無多路羨爾征鴻獨向南

與蒲心述舊

花滿春城三月天角門相送淚潸潸青蛭一串親交與  
道爾東門好買船

東臯詩存卷之三十四

圭

文圖

寄答江樵所

青楓渺渺黑雲垂魂斷關山欲見遲炊白近聞驚噩夢  
挑燈起讀寄懷詩迢迢念我南飛日寂寂憐君罷舞時  
更說多愁兼抱病恨無相慰隔天涯

秋胡行

輟矣紫瓊琴鳴琴心悄悄輟矣紫瓊琴鳴琴心悄悄白  
鳳西飛涕泣沾襟引領蒼梧湘水淺深芳樹潮摧清霜  
夜侵歌以言志輟矣紫瓊琴

聽鄰園賞牡丹花

碧桃飄雪月玲瓏絃管誰家畫閣中艷曲似歌天寶事

春衫應舞露華叢孤鴻遙夜驚湘瑟飛燕何時入漢宮  
聽罷玉樓人更遠獨抽羈緒與東風

題画

落葉驚孤魂寒風夜中發玉臂冷於冰烟橫失涼月底  
是君來時霜蕊上元髮早語予不閒閨夢見容悅黃竹  
何蕭蕭有枝自有節何事雙梧桐欄干倚鳴咽歲晏孰  
華予膏沐芳馨歇獨立發長歎豈為輕離別

東臯詩存卷之三十四

圭

文圖

東臯詩存卷之三十五

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

范全庵

字嘉會號思堂仕雲南府通判告養歸著恭

壽堂詩集

湖上

湖上雨氣收嚴谿湖邈路握手上湖亭春色滿芳樹樹

東臯詩存卷之三十五

文圖

底嘯黃鸝蒼洲點白鷺陌頭有佳人結束何淡素蘭佩

紉芳香投贈亦已暮惆悵春風前日色空凝注隔浦望

蘼蕪采采不可度

採菊

秋菊伊可懷寒香情所適採採入深林蕭散如有得後

山雲氣佳登眺日將夕歸路風飄飄摳衣下白石

擬古

瀟亭賤故將瓜田淪舊侯榮華類若此役役更何求明

月濯南澗涼風枕白樓豈乏道人語時和漁者謳葵藿

充一飽此外良悠悠散髮烟湖裏吾慕鳴鳧舟

蘭若盈幽砌春華沒其奇紫莖匪艷媚香與國稱宜美人踏芳露頰英頓忘疲但見時時采不知心贈誰

客無瓊琚遺遺我枯桐琴軫徽金玉意灰漆固膠心屏

慮蕪沈檀明月滿庭陰一彈神已遠再彈情更深詎為

廣陵失咄然臥孤衾太古去吾遠假寐覓元音

綺疏瞰春園百卉及時腓灼灼明石笋熒熒輝清池景

麗容何悴空閨傷遠離脉脉青陽換倏忽商飈馳蕙蘭

既衰謝蕭艾淒以悲檢點芳心在豈伊草木移不觀堅

白者何物可磷緇君子雖棄置安當長相思

晨起理行裝涕下沾衣裳不言離別苦但感多風霜征

東臯詩存卷之三十五

二

文圖

途載雨雪幽閨相與當初時愁尚爾況當歲月長

行雲歸嶺宿流水知因藏云何最靈者怡蕩以相忘燕

趙亦有域齊魯亦有疆遊人無定止海波歎落蹄輪

衆所共不角復不方朱顏耀綠鬢坐令速年光徒抱幽

貞意綰彼杜蘭芳好風自東來卷我懷中香願逌君子

落勿遺大道旁

釣臺

不羨釣臺高臺高猶可越不羨釣澤深澤深亦可從羨

乃耿耿畏高深弗可頡雲臺重諸公勲業既已赫天子

友布衣聲名亦云藉富貴何足為吾寧全吾潔自聞先

生風慷慨增激烈所以東漢時往往尚高節堅白垂百世其人斯不滅

飲酒遣興

絲絲堤畔柳青青陌上桑涓涓泉漱石芊芊草生塘飄飄襲輕裾渺渺舒遠望遠望何所極美人天一方同心而千里遲暮生憂傷徙倚東軒下時鳥鳴我傍永日成孤耿聊復進吾觴

感懷

水流無宿浪日駁無停驂感時憶知己海内存二三茹荼莫云苦啖蔗未為甘人生行樂耳名利何所耽

東臯詩存

卷之三十五

三

文園

秋感

落葉不再榮流波無重回哀哀古孝子痛哭念餅壘嗟余早失怙賦性復不材伶仃多疾病愛惜如瓊瑰弱齡索果餌我母探諸懷寒暄置我衣我母手自裁少長把鉛槧慈顏為之開及今方壯立俯仰空徘徊譬彼林間鳥巢傾喬木災譬彼堦前草霜落成枯茲飄蕭生素髮膝下無嬰孩緬想夜臺內悽惻心中摧誓言守遺訓敢令動履垂庶幾保厥軀稍酬罔極哀再拜向空堂悲風動地來

流火戒授衣邠風念早寒涼月下中庭露坐覺衣單木

葉已紛飛鳥啼棲未安蟲聲何寂寥把酒不成歡仰看浮雲流俯視白露團古來憂憤士胸境絕榮觀如此秋之氣水淡山峰攢豈不惜良辰病懶謝衣冠大節在松柏蘭蕙忽摧殘霜華變物態感懷非一端死別長已矣生離良獨難回首念故人喟然傷肺肝

擬左思詠史

蒼茫弔古今江漢波浩浩白日過人頭壯心何草草伊呂誠有為沮溺亦有道時危失聖賢隱忍就衰老人生不得意常悔盛名早願言謝簪紱日夕望雲鳥

神龍無定跡彩鳳自高翔繁英各爭媚寶此孤蘭芳山

東臯詩存

卷之三十五

四

文園

澤苟有託富貴理可忘緬彼巢與許高致潔秋霜被褐且行歌俯仰任倘佯濯纓萬里流晞髮千峰陽巢禽託靜林潛魚戀深壑豈不能自安翔泳得所樂達士遠紛華於茲守冲漠揚子談元虛澄心寄寥廓老莊得自然一空萬緣縛精詣炳日星千載誰繼作

孤菊

荒齋草樹繁蠹葉凋顏色孤菊不畏霜寄傲山之側自與蘭並生豈同人所植淡逸殊堪賞秋陽短苦逼朋好各相望采持空歎息蓬頭向西風天然絕修飾俯仰抱離憂節物感人極

登滕王閣

滕王閣勸汝一杯酒汝不有都督閻公汝何有汝不有  
詞人子安汝名亦朽只今簷牙高啄突兀撐青空要與  
匡君彭郎相長久君不見金谷園銅雀臺富貴繁華安  
在哉錦帳總幃兩寂寞歲歲春風長綠苔

江南曲

江南薊北三千里一別一回人老矣紫燕歸兮白雁飛  
黃菊芳兮紅菱死錦帳佳人嬌欲眠香重風微扶不起  
玉驄公子慷慨歌千金買笑憐知己芳心未展似停雲  
柔情不斷如流水冷冷幽閨墮翠鈿落烟市垂金鞭

東華詩存

卷之三十五

五

文園

日暮古寺霜鐘晚月正高樓殘夢圓忽驚天邊比翼鳥  
精靈灰冷相留連忽感陌上連理枝顏色零落絕可憐  
傷心自古皆如此多情我獨何不然江南翠袖倚寒房  
薊北青衫醉冷觴有時姣童為我歌哀音嫋嫋斷人腸  
有時艷姬為我舞秀態翩翩思倍長秋露委花花容悴  
秋風欺柳柳色黃琥珀杯寒金翡翠珊瑚枕冷繡鴛鴦  
恩情無如枝上雪雪壓枝頭不堪折團圓莫作波中月  
月隨波光不能掣妾恨似雪雪易消郎情如月月多缺  
安得雪結永不開明月常圓戀瑤闕此日相思早相逢  
他年相守不相別望南浦兮心內傷歌北風兮腸斷絕

長干行

朝裏頭淘炊米莫東視拾漂葦縛蘆住長干門前急江  
水江水湯湯流不已涓涓妾淚流相似憶妾年當十二  
三自顧那知顏色美隣家新婦對水自生愁妾不能愁  
戲拍水一從十五嫁郎家暗惜春光疾如駛郎從水面  
作生涯長年一棹馬溜子東風已過柳條新楓林又驚  
霜葉委向暝輕烟江上橫淒淒冷冷茅簷裏望郎只不  
見郎歸沙頭日日候風起不願東西南北風願風婉轉  
郎船尾明朝五兩忽飛來與郎對坐嘗新柿

民馬行

東華詩存

卷之三十五

六

文園

民馬瘦官馬肥官馬飽民馬飢官馬着鞍而不坐民馬  
揮鞭疾如飛驛吏硃牌和淚寫聞說大差沿路打馬來  
切記帶餘夫好為上官牽空馬

病假歸江南留別薛旦初

江南之人兮還歸江南去北風吹我心冷挂斜陽樹此  
情曷能已此別何時遇思君望君不見君掉頭山色空  
烟霧

冒巢民還樸齋樸樹歌

巢民結屋荒城隈中有老樸歸然百尺歷劫灰西風蕭  
颯斜陽裏黃葉墮地紛紛來高人神遠不可接散落千



枝萬幹之間見崔嵬龍拏虎攫勢參差鱗爪脫盡生莓  
苔精彩剝蝕星月底魄力苦戰冰霜開幽陰應多鬼神  
託橫根迸石鳴風雷摧傷雖多意逾厲直與天地爭春  
回蒼然老氣壓松柏一空萬木皆凡材名園傑閣總如  
夢茫茫去日同飛埃荒寒一片獨撫此支筇俯仰重悲  
哀

簪策行

沙白草枯雲冥冥塞外孤吹不可聽仰天南向獨長嘆  
寒日蒼蒼下臺城君不見黃河濺濺流水響陰山雪片  
大如掌欲轉不轉氣飄蕭羌兒弄笛倚和聲未調前緩  
東臯詩存卷之三十五 七 文園  
後急逾嗚咽秦女彈箏相次指猶澀須臾風勁月出昏  
角音激發車馬喧誰家少婦驚殘夢何處離人懷故園  
人生爺娘妻子本相顧那堪長征萬里此間佳隻雁高  
舉避大旗野駝骨立鳴荒戎有時斷續聽未了霜飛空  
外猶裊裊鐵衣臥起向軍門鐘漏方殘一聲曉

冬日鄧魚門齋中遲江樵所不至

樵所山人聳雙脊嗜酒耽詩有奇癖把臂許我共晨昏  
到處無人識狂客魚門魚門意氣揚置酒高齋勸我觴  
調絲吹竹自為歡銅爐華燭生輝光我輩從來稱不速  
君今胡為乎行獨渺渺兮予懷泠泠兮空谷君不見雲

冥冥風刁刁魚龍江海驚波濤月落城頭烏亂飛霜淒  
萬木聲怒號望君來兮頻見招思君不見兮心煩勞

桂樹篇

山堂古桂何蒼蒼秋風瑟瑟動秋香偃蹇不知露與霜  
虬纏螭盤列幾行枝枝葉葉相扶將上有棲息雙鴛鴦  
愛護勿令斤斧傷美人遲暮抱孤芳攀條拾翠意彷徨  
短歌微吟思倍長仰看明月流清光

淩湖曲

淩湖湖邊淩出鮮湖邊女兒多刺船東家寒裳歌繼繼  
西家打槳歌流連湖裏淩水濁湖外淩水清湖水濁亂  
東臯詩存卷之三十五 八 文園  
浮萍湖水清見分明淩角如針刺儂意淩絲如線牽儂  
情向晚風波湖上生歸去湖心感不平可奈何歌一曲  
定風波

秋風黃葉歌送大恒上人歸西泠

江上還舟行江上烟波杳靄閒蘆花風急一夜起碧波  
帶葉相迴環其中有僧字焚虛頭戴青笠身六銖烟霞  
為骨月為心秋裝一僦空圖書昔與君遊心頗壯世網  
羈轡苦未暢何日重攜訪名山夢逐歸帆心搖漾浙西  
地入萬山中幽閒遼窻非一狀林巒夾路總莽蒼山陰  
禹穴殊不讓行輿曲折曾經過筆硯相隨發高唱韜光

嶺過虎跑泉側想高人九節杖四十二盤鳥道紆俯仰  
蒙翳難測量高秋天氣正清寒層疊雲峰陰雨驟回頭  
雲棲更崔巍左繞右旋列屏障匹練長江怒濤飛千林  
烟湧北風颺住山面壁雖未能離垢觀空亦微尚因緣  
何處證三生經論聊同翻一藏但教咏得寒山詩不用  
喫將叅禪棒手把菊芝襟袖香足踏秋崖天宇曠此時  
風葉正愁人那堪送君江之濱木禿霜飛凍雁叫山我  
我兮水磷磷

放歌行贈黃瘦石移居山莊

人生榮枯總由天丈夫出處非偶然既不能策勳建業

東舉詩存卷之三十五

九

文園

置身廟堂閒便當拂衣高蹈辭塵寰安能齷齪居城市  
終日鬱鬱不得開心顏我友瘦石奇骨相立志欲向青  
霄上十年踪跡半天涯挾策常思干伯王功名蹭蹬無  
所成一賦歸來氣凋喪病貧依舊棲葦門日飲美酒顏  
微醺飼鶴情同林處士射虎願隨李將軍有時酒酣耳  
熱發狂叫謬幽荒怪不顧驚人羣年來每遭俗眼白途  
窮四顧乾坤窄鯢鵬甘與鷦鷯伍騏驎翻隨駑駘迹塵  
氛擾擾上鬚眉歲月蹉跎竟何益幡然一笑雙芒鞋獨  
去江村弄泉石板橋相望河之洲烟水林塘曲徑幽垂  
竿釣鮮鯽扣角騎耕牛忽忽興到發為詩歌風彷彿道

遙遊五言七字多勃鬱一筆不着盡風流憶昔兀坐古  
齋頭燈火三更吟未休相隔何必路阻修望而不見中  
心愁何當諧我素心友一棹訪君隨白鷗相逢命酒且  
痛飲拍手高歌空千秋

東廣陵汪石湖

神交未相識此日枉巾車所恨論心晚剛逢分手初參  
差雁陣沒搖落柳條疎悵望平山外西風返照餘  
知我能豪飲頻勞載酒過把杯忽不樂握手意如何興  
為傷離減情緣感舊多竹西燈火路別夢遶關河

送宗大修亭南歸

東舉詩存卷之三十五

十

文園

古寺黃葉落秋風旅雁飛那堪客中路轉送故人歸世  
事原如此交情久已非臨歧重握手惆悵倚斜暉

野興

野興渺無極幽尋日欲斜水南村畔路茅屋道人家白  
石停歸鶴青松落暮鴉洒然足娛悅何必去天涯

送友人之秦中

江樹春雲合題襟上酒樓遠山岬夕照沙渚集輕鷗折  
我岸邊柳送君天際舟丈夫行役處莫似賈胡留

經廢草堂有懷太白

白也今何處青山舊草堂詩情留瀑布墨跡老池塘日

落蟪蛄咽秋深幽香夜郎回首望客淚欲沾裳

圓通寺

結宇岩巖上巍然選佛場鐘魚僧侶靜車馬世塵忙風起綠蘿蟬晴薰紅樹香石牀當徑列趺坐味幽涼

將去賓川作此留別

去去頻回首空山木落時故人憐我病芳意與誰期風冷行衣卷秋殘斗柄移心旌懸馬上吟望夕陽遲

送史歷亭之任昌化

花落江春晚相逢興不孤一帆開曉月十日到西湖事業期韓范風流想白蘇此邦多勝跡莫惜數提壺

東臯詩存卷之三十五

士

文園

秋水

自有伊人慕難為江上心涼風吹瑟瑟一葉任浮沈素練橫疎雁空青澹遠岑芙蓉罷采采孤月照寒林

秋燈

空堂橫短榻閑寂一燈明劍匣流光冷書幃伴影清草蟲吟敗葉山鬼嘯寒更風雨懷人夜相看百感生

秋草

蟲思苦無邊蒼黃亂夕烟西風頻悵望衰謝又經年冷雨荒山徑斜陽古墓田蹄輪歸去遠何處更芊芊

晚晴

草樹一庭碧陰雲散幾層蟬聲清似水螢火冷於冰霞落山容淡烟空江練澄涼風憶天末缺月又東升

虛白齋小集即席遣懷

月出散陰霾更闌坐小齋桐風吹鬢影蟲響動秋懷淺酌無辭醉清言不厭諧江南人去久吟苦怨空階

月夜京口

夙昔登臨地孤帆復此行山雲高不落江月去無聲鶴鶴搏風起蛟龍破浪驚夜深漁笛罷予亦轉忘情

雨窓

綠窓新雨過月上晚涼天梧竹風初起三更人未眠濕螢沾卷帙飛鼠觸琴絃杯酒留今夕春情一惘然

東臯詩存卷之三十五

三

文園

暮秋同人集虛白山房

倚木舒長嘯紛紛葉墮堦故人憐我病相訪到荒齋月落鐘聲急風高雁字排黃花歸路遠霜冷踏青鞋

贈竹樓王十二先生

契濶通家好相逢感倍增炎涼時改易貧病自因仍古貌癯如鶴孤情淡似僧幾枝殘菊在杯酒話深燈

示姪麟

多病成吾懶相依汝獨殷敝裘寒共着濁酒夕還分琴調空流水詩懷淡白雲仲容才本逸落落不同羣

暑夕

草木含秋氣蕭疎動早涼空齋無一事高枕意何長螢  
火流深碧蓮花淡妙香所思渺河漢吟望露沾裳

秋齋文譙

一雁霜初滿千林菊始芳高秋風月夜今古此茅堂載  
酒諧裴迪抽毫憶謝莊感懷知己在飄泊老名場

秋鷹

獨出驚凡鳥高秋大野空身輕騰冥漠眼疾入荒叢錦  
臂光寒日金鈴響北風何當飛食肉塞外更從戎

秋郊

東臯詩存卷之三十五

三

文圖

支筇黃葉路獨向夕陽村野壑寒流響枯林墮鳥喧釣  
查維敗柳樵擔返柴門不遇狂歌者孤懷誰與論

雨窓與瘦石秋晴夜話

一雨能留客春燈話草檐山林同此癖仙佛一身兼玉  
樹花光暗銅壺漏水添厭厭人意冷風起更垂簾

夜坐懷瘦石

隱几抱孤夢桐風冷逼檐長鏡歸白眼短褐憶蒼髯此  
別心偏苦新詩律倍嚴寥寥人境外貧病一身兼  
片月忽西去星河淡欲沈如何當此夕不得共清吟十  
里草堂近一篙秋水深故人具杯酒鷗鷺可重尋

立秋前一夕坐月

今夕為何夕含愁坐渺然美人千里別明月十分圓涼  
氣空庭得秋心此際偏來朝風葉下吹夢到江邊

月夜不寐

浩歎浮生事仰天涕淚傾嚴霜欺短髮孤月照寒城怙  
恃思難再炎涼感未平夜長杯酒斷擁褐聽鐘鳴

江葯川招賞牡丹

胥雨看花去城南問主人穠芳堪眷戀高會肯逡巡此  
日名流集重來酒伴親更深還久坐不負十分春

融軒招飲牡丹花下

東臯詩存卷之三十五

古

文圖

我愛融軒好花開日正閒七人同嘯傲一女任癡頑有  
酒堪留客無錢更買山穠華忘夜賞堅坐不言還

題贈江畚村新居

城西有老屋不在市廛閒此地堪高隱長年只閉關浮  
雲觀物變流水稱心閒門外多芳草春風自往還

蒧漁齋中看玫瑰薔薇忽雨冰交至感賦

此日看花眼郊原望更愁小秧剛半插新麥未全收一  
雨涼生院紅雲晚抱樓突然冰雹至感歎坐淹留

送宗大修亭扶櫬歸里

霜露驚心血淚流飄零扶櫬下南州不堪寒鳥離羣日

同此窮猿失木秋江口潮生人倚棹燕臺月滿客登樓  
山川極目成今古兩地相思欲白頭

除夕貴陽道中

錦城簫鼓聲喧日知在他鄉歲又除寒意欲隨衰草盡  
春光漸向老梅舒感時自覺鬢眉長入世深慚事業虛  
越水吳山家萬里年年天末子然予

芋羅

天產娥眉種禍基夫差猶恨入宮遲誰知獨浣春紗日  
已兆傾人家國時舞態歌喉渾不厭舟焚釜破更何疑  
姑蘇麋鹿堪龜鑑尚有人來說姓施

東臯詩存卷之三十五

五

文園

憶遠

別情詩思兩悠悠夢逐歸帆獨夜舟涼露滿衣橫草閣  
西風一笛上江樓砧聲搗起寒窻月雁字書成海國秋  
烟水蒼茫東望遠菊花香冷攪離愁

武陵舟中

雲飛雨散夕陽開簫鼓中流日幾迴蓮葉香生西子石  
鷓鴣啼老越王臺湖邊柳色人還倚山寺鐘聲客又來  
惆悵年華逢午節菖花辜負竹根盃

過鳳味齋有感

從來此地稱名勝側帽重過感昔遊最喜少年俱惆悵

難忘故老擅風流蟲沙障眼迷荒墅猿鶴驚心弔古樓  
九月寒霜催木落蕭條杯酒不勝愁

送宗三葭漁遊越

揮手輕舸作遠遊黃金盡著敝貂裘江山如此成今古  
歲月那堪幾去留何處隔簾聽趙瑟有時倚檻拂吳鉤  
相思千里勞清夢嶺驛梅花可寄愁

月夜同秋晴納涼

長夏蕭條無一事披襟恰與故人期彈碁暫輟觀書夜  
把酒還題玩月詩遠寺鐘聲高枕後空階露氣卷簾時  
微涼漸覺秋期近耿耿殘河欲曙遲

東臯詩存卷之三十五

六

文園

初夏月夜書事呈黃大瘦石

小亭桐影漸繽紛病榻鐘聲不忍聞半世離騷空復爾  
一時懷抱最憐君風雲向後知無定花月當前惜又分  
春去那堪團此夕一杯聊與快論文

近來

閒閒空齋獨放歌袷衣天氣晚風和幾番詩寫懷人苦  
不斷簫吹向月多隨意杯盤今夕聚無情花柳一春過  
明朝更是愁難遣擬把殘香醉綺羅

立秋

羅羅花影閒憑几一夕風吹不卷簾北斗柄高天漸轉

空庭露下氣初嚴。雁鴻別塞驚寒早。節序催人感病添。  
愁煞綺羅香散後。晚涼孤月抱吳艤。

東陳晚泊

重經此地頻搔首。缺月難高夜又澄。廢殿鴉啼仍秃樹。  
荒江燈隱只空罾。五更抱夢衾裯冷。秋氣乘人感慨增。  
幾日霜橫黃葉岬。不堪吟望一支藤。

雨後過葭漁齋頭觀梅

梅花爛熳春將半。一雨衝寒把瘦藤。如此色香還有待。  
再來消息恐無憑。故人短榻情偏重。老屋深杯興倍增。  
回憶小山殘雪裏。幾枝吟破小窓燈。

東臯詩存

卷之三十五

七

文圖

春雨過葭漁齋

寂無人更淡無言。漠漠庭陰未夕昏。數點栖鴉偎老樹。  
一聲征雁度寒原。愁來沽酒圍詩局。客去吹燈閉院門。  
獨惜梅花多冷落。更聞風起最傷魂。

大關腦

大關腦外小關頭。仰睇蒼冥俯瞰幽。咫尺離天開路馬。  
一毛沈底鑿江舟。龍蛇乍怪焚山澤。猿鶴新驚起戍樓。  
聖代即今無曠土。洪荒到此少遺留。

飲師阮齋牡丹花下

園林二月鳥啼頻。勸汝扶筇勝賞人。春正繁華詩莫瘦。

花當富貴酒休貧。晴明不怕東風惡。裁剪須知造化神。  
傍閣一枝開更好。美人初試綺羅新。

癸酉夏自滇南歸里喜晤宗二牧初即席賦贈

契濶天涯經幾春。相逢歡笑又酸辛。重來紫陌紅塵裏。  
依舊青鞋布襪人。詩到極工焉得貴。士惟真品始能貧。  
而今孰讀人間世。激烈悲歌總莫論。

雙梧閣觀梅寄懷家兄務白

雙梧亭子綠蕪深。無賴寒梅又滿林。應有花繁官閣夢。  
可無香動故園心。玉關霜冷笳聲苦。江國波空雁影沈。  
記得連牀春月夜。曾驚棲鳥醉中吟。

東臯詩存

卷之三十五

大

文圖

師阮齋即席呈沈瘦夫夫子

花徑香吹入酒卮。幾番深勸慰相思。豪華久厭當時習。  
慷慨曾卑近代詞。末俗徒傷知己少。多情翻覺論交遲。  
獨憐別後空相憶。夜雨春苔長碧滋。

送大姪耕文之杭

菊花秋老近重陽。遊子情牽又遠方。到處為予通問訊。  
隨時須自慎溫涼。帆開楚澤砧聲急。夢入吳江雁影長。  
正好湖邊烟水足。聊憑詩酒慰離腸。

渡江遣興

楚閩吳關一派通。江流日夜去無窮。風雷競起驕鯨窟。

日月高懸大貝宮曠覽禹書添則壤奇搜爾雅補魚蟲  
年來海國樓船靜終古雲山夕照中

落日迴潮幾陸沈江山秋老氣蕭森孤峰高插青冥外  
古寺斜連莽蒼陰白雁聲悲遊子淡黃花香冷故人心  
征衣亦自閨中寄惆悵當時月下砧

沙頭結網趁斜暉莫笑漁郎生事微一枕蘆花依雁宿  
滿篷烟雨逐鷗飛泥封谷口談何易機擊中流願已違  
正好秋風湖水濶綸竿學釣紫鱗肥

一葉隨鷗野興閒晚來爭據上流灣夕陽樹底寒鴉亂  
淺水灘頭夜憤還回首鄉關心事渺側身江海鬢毛斑

東臯詩存

卷之三十五

尤

文園

蕭寒不渡西林月夢倚焦巖翠壁閒

金焦對峙亂流中倒影雙峰落彩虹蜃蛤樓臺飛紫霧  
蛟龍宮闕撼長風干霄桐節邱園老向日葵心草澤紅  
寂寞孤舟塵市遠烟波江上有漁翁

一片孤城萬仞山扁舟直下翠微閒乘槎此日思浮海  
策馬何年竟度關慷慨悲彈笥底缺跼跹羞老鏡中顏  
愁吳望越西風裏流水斜陽自往還

詩

九日汪大璞莊同人集雨香菴見招不赴東以  
漫勞折簡問蓬蒿豈有文章敢自豪獨把黃花簪短鬢

幾人白幘岸江臯疎鐘冷咽千門月古剎寒生萬樹濤  
雲散風流空水繪荒蒲亂葦動離騷

呈家兄務白

整頓烏衣折角巾桃源深處不知秦歸來湖海成今我  
老去詩篇愛古人蟹舍魚莊堪載酒花潭竹塢好留春  
名山有待諧君隱何日逍遙懶病身

三月三日約雨香菴修楔不果晚集江二十二

融軒

高齋獨卧病難勝佳日重逢感倍增楊柳春風池上笛  
梨花疎雨佛前燈當年文酒誰堪繼此日追尋愧未能

東臯詩存

卷之三十五

干

文園

謝爾多情留小酌雕欄香重忍寒憑

送高五雨船之湖南

天末涼風起薜蘿衡陽雁陣幾行過早霜故國清砧急  
斜日平湖落葉多四海交遊悲短髮百年身世倚狂歌  
紫萸黃菊愁無賴潦倒深杯奈爾何

月夜答瘦石

繁霜清徹三更月白水寒生十丈雲月滿石橋人影瘦  
雲隨竹杖夜吟分遙天鶴翅盤空碧老屋梅苔繡古紋  
短褐故人應念我病貧誰復重斯文

送竹樓王十二丈歸里

一別一回人已老中閒消息總茫然那堪孤月當今夕  
又看歸帆去海邊雁背有霜詩夢冷雞聲到曉客心偏  
早春梅萼山頭見待爾清吟拂石眠

京瘦石

海城北去是山莊十里波平路未長一徑草堂燈火靜  
千章夏木石苔涼關門種菜人堪老倚杖看雲世可忘  
準擬秋中來就月與君把菊醉初霜

別意真同一水深舊盟兄弟許重尋薜蘿自愛岩阿趣  
鷗鳥寧忘浩蕩心十畝君堪詠閒池三刀我已夢浮沈  
他時短棹河千路飽聽田家穫稻吟

東皇詩存卷之三十五

主

文圖

秋懷詩并序

秋齋卧疾風雨寥蕭感舊懷人一時並集次  
第有作得詩十八章蕪陋不堪分寄無由他  
日奉几杖於先生寫心期於同好出以相質  
用博和章焉

又值西風落雁初蕭然吟望倍愁予白雲古寺堪攜杖  
黃葉青燈好著書垂老聲華應更重長貧事業竟何如  
寒花消息憑誰問短榻橫窓夜月虛

王竹樓

城東卜築成高隱閉戶閒眠病身哲匠文章嗟屈抑  
通儒品望見真醇世情流水看能淡吾道白雲樂處貧

放眼乾坤餘冷色幾回吟眺獨愴神

沈瘦夫

醉餘狂疾未全除抱影空虛讀道書少日風流自裘馬  
中年事跡半樵漁浩歌白石秋雲淡高枕青山夜月虛  
感激生涯多逼側蓬門久已斷軒車

宗牧初

肯容山水駐吾曹便覓紅藤置小舸自有雲龍并韓孟  
何妨歌筑合荆高酒場易罄千鍾量詩句難要一字褒  
相對最憐寒影瘦不堪燈火老蓬蒿

江樵所昆季

獨夜江城聞鼓角楚江人遠思茫茫驚心節序催雙鬢  
失意琴書滯一方半榻孤燈當月淡五湖歸夢入秋長  
故園杞菊風初冷何日寒衣好寄將

高兩船

東皇詩存卷之三十五

主

文圖

幾回把卷思良友卧疾空齋總未來到晚鐘聲留枕簟  
無邊秋氣滿亭臺一生疎拙甘吾道絕世風騷讓汝才  
多少吟情兼別緒歸時重與話深杯

陳石橋

青山無恙罷登臨折盡雄才入苦吟快馬輕裘他日夢  
荒亭野史此時心飄零鴻雁啣蘆冷憔悴芝蘭泣露深  
一片寒城吹角外大河烟柳變秋陰

黃瘦石

交能淡我連燈火貧不依人獨嘯歌短杖叩門桐葉老  
空亭伴客草蟲多無妨清話傳樵牧自有餘情繞薜蘿  
只此故山高卧穩可知塵世最風波

郭秋晴

秋高海縣風霜冷七尺伶仃裹緼袍如此窮愁真到骨



何來謠詠更吹毛支筇且自尋陶菊痛飲還須讀楚騷  
淮水不堪重問渡離披雁影下空壕

張繡谷

回首年來事總非故交別後素書稀鄉園秋老經霜落  
關塞人遙感雁飛內府傳經增學識侯門投策傲輕肥  
及時努力崇功業雙白扶筇日望歸

胡芸門

蕭蕭木葉亂飛黃感慨從君問草堂但見友朋歌月露  
不聞婦子咏倉箱垂頭餓犬嗥空巷斷尾寒雞叫隔墻  
握手西風頻墮淚年來事跡總荒唐

宗葭漁

彈冠六十未蹉跎何事征鴻又轉過滿路塵沙欺白髮  
高秋風雨渡黃河買山自有閒居賦投策能無出塞歌

東臯詩存卷之三十五

重

文園

重整荷衣杯再把桂枝香裏醉吟多

兄務白

別後離騷感二毛琴書檢點付兒曹衰慚駁馬嘶寒樞  
健羨蒼鷹掣錦絛江北有人歌綺紵燕南何處醉蒲萄  
還當攜汝三山頂岸幘秋空一杖高

雙桐姪

出塵海鶴姿容老風雨名山古佛尊浙石幾人親講席  
江南有客問禪門重來瓢笠空雲水別後詩篇冷夢魂  
搖落鐘聲秋色裏石泉枯木共忘言

大恒上人

何事惓然竟此辭一江南北費相思孤燈短榻增惆悵  
酒面吟襟足別離蟋蟀乍鳴秋尚早雁鴻未到信偏遲  
曉風殘月初楊柳愁絕當歌見汝時

許雲亭

傷心重弔古河邊不見騷人二十年半世才華文酒樂  
一時禍種性情偏長鬚短杖歸何處白髮青娥倍可憐  
百首清詞堪擊賞臨風愁詠倚江天

陳小巽

少小肩隨長倍歡廿年燈火共驂壇夢迴孤枕心魂斷  
秋落荒村草木寒感激知交能有幾摧殘骨肉太無端  
一尊兒女傷心酒白髮深閨淚不乾

徐調玉

當年身世苦支離猶記寒窻抱病時擁褐銜杯朝中酒  
沃冰蘸筆夜填詞几筵寂寞封蛛網烟水空茫冷釣絲  
家室分崩遺卷冊幾回把讀不勝悲

家平江

春日懷耕文兄弟

東臯詩存卷之三十五

舌

文園

猶記朝來別我行寒梅初放曉天晴一帆夜渡邗江雪  
三月人投上黨城關塞夢隨春雁遠圖書裝抵柳花輕  
偶然拄杖橋頭過不見題詩二妙迎

齋頭玉蘭初放喜江樵所陳石橋江葯船高雨

船過訪

空庭花放抱微寒同向春風一笑看忽覺興來忘酒病  
還愁夜短易更闌綈袍老友傾懷久高枕詩人會面難  
如此韶華堪咏賞好憑明月罄交歡

花朝日小飲樵所書齋有懷許雲亭

得雲字

落花飛絮已紛紛把酒高吟又夕曛一半春隨流水去

三更人向小橋分山中夢冷抱孤月江上歌殘隔斷雲  
顏色經年還好在不堪消息竟無聞

春夜與繡谷話舊

昔年萬里挂春帆乃見交情有布衫氣候殊方衝瘴癘  
關山阻道歷巉巖狂來看舞青霜劍老去聽歌白木鐸  
此日空堂燈榻冷不堪扶醉話謫謫

岐亭招飲熙春閣牡丹下

春晴招友熙春閣閣外春深放牡丹一望穠華紛院落  
幾番吟賞倚欄干更餘席改風燈亂月滿香飄夜露寒  
為爾高歌將進酒名花珍重北堂歡

東臯詩存卷之三十五

重 文園

我有

我有山頭月清輝夜夜生如何人盡望都說不分明

古意

妾心感精衛願力重如山欲持鳳釵去擊碎玉門關

漢宮詞

婕妤侍輦迴花外雕欄暝獨坐剔銀燈惱人飛燕影

晉宮詞

錦被覆蘭香宵分未敢卧門前竹葉青恐有羊車過

魏宮詞

深宮夜宴開仙女在銅臺莫信陳王賦空思洛浦來

山居

一飯蒙頭睡柴門晝不開山深無故友只是白雲來

章江曲

妾在青雲浦郎在黃泥洲浦遙相望章水恨悠悠  
郎用鴉尾檝鄱湖自往還但上彭郎磯莫上小姑山  
朝采南浦菱暮采西山葛織葛製郎衣剝菱解郎渴

春詞

人道鶯聲巧儂道鶯聲拙蕩子喚不歸朝朝啼向妾

春溪晚望

溪橋春水急隔岸暮烟深魚入青松塢僧歸翠竹林

東臯詩存卷之三十五

壬 文園

田婦吟

羃布荆釵識妾心願君白首住山深東家夫婿封侯相  
嫁後空房守到今

書罷

書罷澄心已白頭何勞刻意作銀鈎而今瘦硬無人賞  
皮愛鬆肥骨愛柔

蓮

一眺平池九葉全淡香吹入晚涼天閒中試聽江南曲  
畫舫蘭橈半采蓮

紅港

殘霞斜照半江紅江上聲喧晚市中獨有蓑翁無一事  
石岩漁艇自秋風

桂州塘

州上婆娑古桂多桂花香裏度清歌山村寥落人家少  
一帶寒烟鎖薜蘿

雨中招華都閫過飲

漆霧迷空雨洗苔玉壺清醞對誰開漁陽飛將如乘興  
匹馬油衣破雨來

登迴龍嶺

絕塞危關逼水涯高臺幾處傍山斜風光四散誰收拾

東臯詩存

卷之三十五

毛

文園

開遍空山百合花

葵扇棕鞋下翠微山亭高處納涼歸望中風景猶能說  
略似江南燕子磯

春江月夜餞別

碧天如水月如鉤惆悵春風燕子樓紅袖青衫兩行淚  
一聲長笛滿江愁

即事

石壁烟蘿手自捫萬山迢遞未須煩烏啼雙箭風前樹  
人渡滄溪雪後村

寒風一夜雪成堆不道今晨霽色開晏晏山頭馳獵去

營盤山下坐湯回

下馬尋梅古澗前板橋流水急濺濺珊瑚失却歸途晚  
折得梅花當馬鞭

又看小艇破漣漪不是兒郎愛水嬉欲為使君謀斫膽  
晚江斜日打魚時

寄內

湖橋十里人歸晚山樹千重鳥去遲無限夕陽流水意  
都成鄉夢入相思

多病深閨怯遠離暫遊小別亦相思藥爐經卷閒窓課  
尺素封題寄我知

東臯詩存

卷之三十五

天

文園

無題

梧竹蕭疎月一簾碧雲如水晚涼添玉簫吹斷江南夢  
不見風流側帽簷

黯淡星河映畫屏深沈小院度流螢當時記譜鶯啼序  
笛倚春愁坐側聽

鐘動寒江抱月孤芙蓉烟水夢姑蘇涼秋有待啣杯酒  
肯負香肩醉後扶

髻影衣香不可留西風簫管動離憂知君不作無情客  
倚遍江南十二樓

東臯詩存卷之三十六

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

姜掄元

字萬長號鳳橋色廩生著有白石山房詩稿

蘭芽

夜雨空山發草花寒家春信渺天涯午餘驚醒江南夢  
一箭湘蘭吐嫩芽

東臯詩存卷之三十六

送李廣輿之兩湖次留別原韻

文園

無邊秋已到江干胡渡君歌行路難紅葉半船分暮雨  
霜禽一夜落新寒誰能遣此尊須滿何以為懷月共看  
三徑見君容膝處明朝相憶淚漫漫

早春分袂水邊亭花外經時記昔盟正慰素心秋月下  
又逢秋別海潮生輕刀急浪征人意落葉西風舊雨情  
若晤清華潘騎省謂史為言南雁久無聲

題陳竹香菊花冊子時竹香返越

何秋無別緒有客寫黃花片紙留寒影經年感物華楚  
天霜葉老水國雁痕斜一笑相逢處燈前問酒家

月夜同黃瘦石閒步

鐘下寒山踏月歸眾賓言別水之隈故人愛我重攜手  
好夜何心獨自回徑草濕時新得露砌蛩咽處舊生苔  
清光明日還如此期傍黃昏訪菊來

九日瘦石招登望江樓未赴却寄

扶筇九日興蕭然三徑霜明淨曉烟獨憶夫君秋水際  
一開冷眼遠山邊歸攜黃葉僧如鶴醉縱清談酒亦仙  
若向彭城問遺事風流應不減當年

境到秋空益高曠人逢登眺越清狂江樓一望君休笑  
名士留題地亦香白雁西風皆感慨黃花敗葉盡文章

東臯詩存卷之三十六

二

文園

無緣抱疾柴門裏斜日寒鴉噪綠楊

讀高孺人愁叢集

閒牕展讀愁叢集記得兒時拜孺人女作書生文是錦  
老憂家事鬢如銀斷腸孤子難憐火泣血荒墳夜雨燐  
愛我相攜頻問字春風回首隔前因

九日讌集雨香菴分體

霜華九日淨遙天約我東林訪老禪江北江南新舊雨  
秋風吹送海雲邊

路入招提石徑涼松蘿隔岸晚清蒼澄潭一碧傷心地  
水繪風流冷夕陽

綠酒黃花照眼明龍山賓從舊蜚聲不辭策杖尋秋社

愛客無如魯兩生

九日之集度石璞莊倡之

節近重陽風雨多天逢雅集放晴和西山爽氣盈襟袖  
一代詩豪足嘯歌

大雅遺音盡在斯三唐兩晉見吾師尊前一夕成歡聚  
分手天涯信所之

時南廬春明松嵐諸子將歸

### 擬陶徵君田居

蕭然遠塵市東臯地何偏和風扇陽春草木各明鮮日  
出衆鳥鳴松竹散晴烟我僕命巾車阡陌綠芊芊植杖  
以耘耔即事常欣然牛羊日夕下稚子候門前寄傲倚

東臯詩存

卷之三十一

三

文園

南牕孤雲依暮山此樂何所極言歸任吾天

### 感遇

悄悄坐竟夕草木浮清光仰見明月來冉冉自東方東  
方來何暮瀛海仙子鄉屋宇紺碧色賓客綺羅妝松柏  
棲鸞鸞蘭藻飛鴛鴦雲璈奏桂殿羽衣舞蘭堂華譙青  
麟脯美酒琥珀光極樂長春國酣飲夜未央所嗟蓬蒿  
士孤燈燄不揚塊然形共影月出照空廊流螢亂如雨  
露下北風涼撫今思疇昔霑襟以浪浪

### 登掃葉樓次丁艾田韻

掃葉樓高踞石頭登臨我又值新秋憐他玉樹笙歌歌

愛煞鍾山雲氣幽學士風流從古少南朝金粉至今留  
莫愁湖畔閒凝望多少悲涼此一遊

### 登清涼山頂疊前韻

難得當年顧虎頭清涼山頂寫全秋路迴石磴晴嵐合  
雲入僧寮古樹幽六代風流終古在三山烟靄此閒留  
夕陽最好雞鳴埭可惜孱軀已倦遊

### 題叢梅軒小影

雨過蕭齋春鳥鳴每從靜裏晤先生披圖驚絕傳神筆  
不寫風標寫性情

竹影松聲落太空避人深坐茂林中古心莫向鬚眉索

東臯詩存

卷之三十一

四

文園

老屋陰陰冷辟風

### 題冒北山典裘買画冊子

古人韻事數不足豪情俠舉從心欲愛姬換得疋烏歸  
別墅輸與棋一局亦或金魚付酒家亦或連城易片玉  
亦或典去驕驕裘彈與文君求凰曲其最風流石季倫  
易得佳人珠一斛誰比先生事之奇先生之奇古所獨  
墨蹟廣列宣和圖古玩如披明誠錄最後示我徐熙画  
輾然一笑笑可掬不知先生笑之由先生笑而不我告  
猩猩幾株紅杏樹樹樹紅杏光炫目画杏妙腕如画梅  
一朶一瓣無重複綬帶之鳥羽澤新雙栖花枝情相屬

自是寶物何從來視我同人詩一軸縱橫題贈長短歌  
始知画以輕來鬻頃者一笑良以此瀟灑襟懷我所服  
服君之極為君言君笑不休我欲哭嗚呼舉世誰作如  
君人不如君人皆碌碌

同仲松嵐登碧霞山望水繪園故址

城東北隅何幽偏名園古寺相迴連昔日管絃文酒盛  
而今衰草寒荒烟我友廣陵多悲客一棹海上當秋天  
暇日邀我閒同步古徑捫援山之巔黑雲落日荒原上  
斷雁西風空城邊何處葭葦湘中問何處浯溪清且漣  
小三吾內秀早稻匿峰廬下人耘田曾幾何時光景幻  
東臯詩存卷之三十六 五 文園

人日雪

人日寒方劇陰雲低遠岑又連前夜雪白滿幾家林客  
負尋梅約愁添飲酒心高齋成獨坐石鼎伴孤吟

廣陵道中古寺避暑

禪堂森古樹滿地鬱蒼蒼日色當檐淡薰風入戶涼新  
秋饒暑氣曠野足晴光莫漫催蘭棹鐘魚畫正長

答俞容萬

春光九十日風雨共相於高誼真無偶孤懷頗自如輕  
烟橫一水曉日見雙魚此意足千古無庸歎索居

雪中送湖江張楓嶺即次留別原韻

我心清似水冰雪本同儔握手難為別何人念此遊浮  
埃封劍匣遠路徹貂裘身世用長嘯朔風吹不休  
知己江南北年年送遠行易生芳草怨最起夕陽情夷  
淡消塵夢風流問夙盟不須悲雨雪斷雁一聲聲

夜晤李南樓

一笑相逢日經年悵別時黃梅依舊雨綠酒且盈卮剪  
燭空堂靜論心夜漏移母虛故人意草榻細談詩

東臯詩存卷之三十六 六 文園

題黃瘦石垂釣圖次李離村韻

是處生涯可放歌高懷何必定漁蓑不曾烟月人閒少  
一似風流水湊多曉露盈盈開白芷修鱗躍躍動清波  
秋江別有漁家樂不向空山問斧柯

春夜感懷並憶冒生印山

梅花瘦影一燈前時候還如釀雪天眼底看人都紫綬  
年來笑我只青羶江村好景應無限時印山館海國新  
春亦可憐何日扶風開絳帳一堂歌咏倣名賢

秋夕友人招飲

幽人自掃青苔徑薄暮開尊月影華無限深情一杯酒

乍濃秋意半庭花閉門書室深堪坐有子文心秀可誇  
料得小春芳信好文衡行移還乘清興到君家

白門秋夜次石待也韻

一夜西風萬里清江南露白客愁生吳宮秋草聞蛩語  
梁苑霜桐落雁聲扣闕已經書十上支願又盡月三更  
更傷心人適金臺路歎息青衫百不成

喜雨

客雨經宵草乍蘇烟迷柳色日將晡書生立地雖何在  
也向田家話有無

六刺詩咏史

東皇詩存卷之三十六

七

文圖

百戰陰山最上頭射鵰絕技邈無儔下中人物受封盡

刺有將軍未得侯李廣

萬里南荒銅柱標漢廷功業冠羣僚雲臺一一丹青繪

刺有椒房轉寂寥馬援

一代英髦起洛陽高文典冊動明光可憐玉輦過清暑

刺有衰顏尚作郎馮唐

詩賦昆明繡作堆樓邊紙落亂如飛雲卿好句隨風下

刺有明珠鬪月輝宋之問

一鳳孤鶩更二龍東南淑氣已全鍾不鳴不躍人斯在

刺有錢塘寶氣濃褚陶

風雪旗亭絲竹清停杯画壁笑狂生諸伶樂奏皆名部  
刺有雙鬟未發聲王之渙

秦維屏

字衛廷號西河恩貢生著有西河詩鈔

同黃丹霞顧北墅吳雲亭姜南園蒲村遊曝餘

卷分體

迂曲橋西路重陰古寺深何年成結構我輩忽登臨好  
鳥窺經閣名花老石林悠然塵世外誰會此時心

好雨留人住逢僧似阮嵇談詩真不惡入定未成迷村

釀樽浮醖山蔬笋帶泥歡呼爭卜夜明月落灣西

東皇詩存卷之三十六

八

文圖

浴佛前一日同王竹樓姜南園吳雲亭門人姜

蕭廷履廷勿齋蒲村小山曝餘菴牡丹花下分

賦

為愁搖落惜春殘恰報禪闌放牡丹須識露滋香更艷  
莫教風損恨無端興乘佳日偏宜醉酒度芳心未覺寒

人散花光應不減漸看月影上欄干

過秩斯弟西溪草堂感賦

人去荒園戶每扁重來踪跡感凋零山牕聲斷書函亂

草間烟消藥竈停花向秋風容易落夢如春酒不難醒

含情豈獨傷離雁我已衰顏兩鬢星

江舟示姜甥揆受

鴻冥久矣怯飛騰一笑江舟此再登按劍徒勞為白眼  
談經猶憶共青燈幾莖短鬢憐予拙萬里長風待爾乘  
翹首金陵秋色好天街月路影層層

感懷

寒雲古樹繞啼鴉晚節驚心老歲華終古不聞流水返  
到今已是夕陽斜禁愁且貰三蕉酒遣興還看九月花  
假得短籬聊憩息故園猶說是吾家

穀雨

百千彈指此流光穀雨重逢暗自傷短草於今迷曉露  
東臯詩存卷之三十六 九 文園

穠花幾日入殘陽衰年漸覺居諸易孤館翻嫌日月長  
啼鳥不知羈客意偏將巧舌鬬芬芳

和美南園遠歸元韻

光陰暗逝似流泉作宦歸田亦灑然此會重逢修契日  
當年共泛采蘭船還看綠夾雙橋水依舊晴烘五柳烟  
莫慢含愁嗟往事傾樽且醉蔚藍天

自車馬湖歸里移居西村弟別墅

離家逾十載傳舍已三遷世事詎能料浮生只自憐鶯  
花懷故里兄弟憶當年幸遂歸來願安居借數椽  
居處不求適且圖桑梓親習遊三徑地歡聚一家人墓

龍存先祀井疆屬舊隣預謀新釀熟亟薦瓊頭春

有弟方羈宦

即謂西村

我來仍索居隻身時抱甕子並揮

鋤家食常貧耳仕途亦念諸秋深鴻雁遠數寄數行書

斗室近華屋庭空久閉門萋萋長滿徑風雨亦墮垣水

聚魚知樂林幽鳥不喧歸田何日得把酒醉南軒

自認蝸牛舍頗為燕子飛此生原是寄所至亦如歸大

厦連雲表華軒接帝畿倘知容膝易亦莫厭柴扉

治生儒者事居室固其端孰謂都無慮而能得便安窻

移投竄急巢夫雨風寒奚但江湖險滔滔行路難

原非甘蘗伏却自歎泥蟠老樹梅仍發荒園菊已殘北

東臯詩存卷之三十六

十

文園

來風習習東去水漫漫回首湖邊月又分兩地看

世事長流水心如不繫舟得時方命駕隨地可淹留妙

識囊中趣應同物外遊吾生分已定擾擾亦何求

與管二雲渡別後却寄

出門敦氣誼所覓是知音入世吾嫌淺論交爾最深黃

金消士色白水淡人心分手歸來後蕭然樓舊林

海上送行日河干獨立時荒村明月早孤館落花遲清

興與誰共離情有夢知故人迷處所風雨正愁思

丁六井岑以阻水止宿敝廬賦詩見遺步元韻

酬之



止宿惟茅舍荒村逼水居一庭閒日月四壁舊圖書  
遠無多味家寒只野蔬呼兒虔餉客把酒歷階除  
剪燭談心久寒牕夜氣虛掃除安舊榻燕行愧嘉魚但  
有心情洽焉知禮法疎興來吟好句屬和正躊躇

別丁六井岑

正快談心日又驚分手時臨行不忍別已去倍相思秋  
夜三更月殘燈一局棋遙憐今夕好此意更誰知

秦維德

字秩斯號以車諸生著有以車詩草

秋夜

東臯詩存卷之三十六

十一

文園

夜色下簾鈞淡蕩天如許明月銜微雲風輕半吞吐欲  
取鳴琴彈掩抑復淒楚非為知音稀調苦不成語萬籟  
悄無聲茶烟靜縷縷

秋夜懷人

涼風起林樾落日照平野片雲爭西馳孤雁向南下滔  
滔長河水奔流驚湍瀉故人久相違離思何能寫

秋菊苦為雨傷

珍重籬邊菊相依近一年花開霜可傲葉重雨堪憐扶  
植須新竹低垂化暝烟九秋荒徑老孤坐亦惓然

竹樓王丈見過

白露相思久重逢喜不禁尺書三度字一夕十年心大  
雅寧多得窮途匪自今客懷如不惡莫厭酒頻斟

秋日同姜甥蒲村舍姪金臺過西溪草堂分賦

有約尋幽過北巖蓬門荒徑未曾交一庭猛雨聲初歇  
幾樹斜陽影尚銜秋氣漸侵愁客鬢桂香多著少年衫  
樽前覓句誰先就阿似清新更阿咸

姜蒲村齋頭分賦白菊限無字

舜華色相望全疎冷韻幽香淡欲無移近疎燈清見骨  
開當新月白如酥一庭風漾姿堪掬滿院霜寒色不枯  
試問夜闌花睡去烟痕清淺倩誰扶

東臯詩存卷之三十六

十一

文園

春日晚眺

春水如羅到處通晴沙芳草踏銀驄江沱柳色兼天碧  
海成霞明隔樹紅桃李園林新過雨鞦韆院落乍禁風  
青樓蜂蝶忙如許只有忘機是釣翁

秋日歸自白下與金臺小飲

經時江上秋容老茅屋歸來日閉關檻外閒雲低傍水  
天邊幽鶴倦還山荒涼菊徑殷勤問狼藉書函次第刪  
却喜仲容多解意一樽供我破愁顏

劉文玠

字湘雲號樗村邑廩生有蕭湘舊館文園詩

集行世

送瞿應齋歸海陵

訪客獨攜琴萍逢入醉吟三春歡笑地殘夜別離心世路歸寥廓相思望德音可知君去處斜日淡遙林

送南廬

晨興攬衣袂手提劍一囊別我往何所山川路阻長嗟君遨遊不得意我亦青冥久垂翅晨夕相依勝弟昆雞鳴風雨傷心事可憐讀破石室書可憐作賦擬子虛一枝彩筆禿復禿不向侯門共曳裾等閒著述足千古此道何曾棄如土但使麒麟地上行莫愁無路登天府憶

東臯詩存卷之三十六

文園

自江南歲暮來雪花如掌覆深杯紅爐夜燒圍短燭梅摧月落風喧逐世間萬事真局促何處逢人論心曲殘夢瞢騰海角頭時光又過櫻桃熟青絲萬丈繫不住蒲帆又學春歸去花裏鳴筆石上詩空教畱得迴腸處江水茫茫沒楚天斷雲遮夢柳遮船欲沽海岳樓中醉正值囊空無一錢夕陽銜山南風急河橋且作斯須立隔岸何人吹短簫似傷離別聲於邑

贈陸虹橋

殘燈孤館憶當年碧海丹山盡惘然記取今宵明月好相逢忍話舊青瑣

縱酒分題興未闌一甌新茗續清歡不須惆悵臨風晚古調從來只獨彈

家柳村招飯午後攜尊蔭深園飲

阿弟能留客園扉竟日開何人倡高韻隨意步蒼苔落木封茶竈殘霞入酒杯醉餘清思迴涼月白皚皚

七夕

輕羅團扇捲簾鉤月上初更坐小樓不見明河烏鵲影一天風露葛衣秋

花雨堂叢菊甚盛酌酒堂下同人賦之

木落秋宇空佳人閉閤屋雁影流素霜霜下花開足斑

東臯詩存卷之三十六

文園

斑復離離含情倚修竹晚摘嚼清露牙齒吐芬馥如得古板書奇字不可讀如對談元人亂頭更粗服俗賞應所嗔山蔬厭梁肉洗酌雙玻璃松毛凍春綠堂上酒莫停堂下月可掬對月笑秋花我鬢秋來禿

芙蓉

美人消息隔江濤欲采江花思不禁但有烟波清客夢本無哀怨託秋心鷗眠曲岸斜陽冷人望西風水閣深玉笛吹殘共遲暮一枝搖落費孤吟

醉歌行

梓林窈窕蒲濤碧擊汰揚舠日將夕主人不肯歌驪駒

啁啾絲管留賓客賓客少坐幸勿喧何當局促困短轅  
蒲松初出渥洼水鵬背萬里唯孤鶩錢不必論神士不  
必相貧史公游戲傳貨殖千畝千醬何足論齊魯多豪  
俠燕趙多佳人左擔秋露白右載石凍春驅車直過萊  
蕪縣漢柏秦松會相見小草冰霜苦歲華盤根慣作蒼  
龍偃棗花莊外雨冥冥石佛沾酒秋帘清蘆溝繫駝賈  
客多春明花鳥鳴玉珂麟衫鶴蓋滿大道丈夫定須致  
身早宮中聖人賦柏梁瀛臺學士歌魚藻民風淳和都  
荔芳沐日浴月賓八鄉安撫戎國縻弓矢佩珠曳錫署  
文章天地順成五穀茂疹疾不作無災祥賤子聞之再

東臯詩存

卷之三十六

五

文圖

拜跪主人教誠意良美標棟豈是蒲柳材褻味不堪盛  
簾簾南山杞北山李千萬壽樂無已

舟中送墨園之塾

迂疎同調客客路送行舟去住心千縷殷勤酒一甌有  
人能下榻多病莫登樓悵悵江天暮風檣兩地愁

秋雨梧桐夜讀書為璞莊題扇

挑鐙永秋夕金井墮寒碧披卷掩蓬牕雨滴堦前濕

初月

初月出兮星寥寥山高不礙兮浮江潮唇纔起兮含半  
嬌珠簾乍卷兮魂欲銷美人贈我切玉刀何以報之英

瓊瑤

吹簫引為瘦石題照

夢雨初回行峽雲蛾黛微頰紅玉春雲花一片翳羅碧  
眼波溜轉秋粼粼元都已遠裁桃客拂面紅塵來紫陌  
何處飛將月殿人鳳引秦樓羽青赤輕盈瘦盡楚宮腰  
風流莫漫推嬌嬈周郎老大能顧曲蘭語氣氣香不消  
瑤樹常新碧月滿玉漏無聲銀燭短不須更唱懊儂歌  
錦褥鴛央寒夜暖明月吹殘魂暗牽由來藕斷藕絲連  
願學蓮心滴清露一滴成時一滴圓

做宛陵體題璞莊小景冊子

東臯詩存

卷之三十六

六

文圖

扶桑朝晞髮皇路宵馳蹀花落點朝衣雲開見宮闕  
矯矯湖海姿而乃親板笏

蕭晨開元陰微涼生虛牖一卷舊芸編興言念啓後呼  
兒上堦除桂香滿襟袖

寄竹樓

梁園詞客散枚鄒楚水吳天別思悠百里關心分聽雨  
三年旅夢各驚秋浮生豈止如漚幻枯樹何曾一葉愁  
聞道狂瀾逼家室不勝吟望賦登樓

羅村掃葉圖

一逕入寒林吹袂風蕭索秋岩虛層陰山光自迴薄林

泉涓涓流松子紛紛落葉滿林飛佳人住邱壑朝撫  
孤松吟暮共歸雲約緬彼讀書子千載亦寂寞杜鵑  
華姿仙踪弔遼鶴偶與山靈契悠悠類行脚所食不  
蔽所採不必藥掃葉逢樵人共謂此閒樂一葉發一  
對買村醪酌醉藉掃帚眠道遙解塵縛瞻圖挹清風  
意用廣博迷途回遑路是今而非昨劍缺以利鋒鏃  
緣利鏖錦鱗遊巨川潛龍等屈蠖捷足馳雲霓志士冠  
縫擇趨向奚必同高踪有殊託美玉待善價神工忌雕  
鑿寄與皮相人此子非落魄

酌酒

東臯詩存卷之三十六

文園

燭映清簫月映棹水晶簾子隔塵埃春風豆蔻無消息  
且索櫻桃小破來時有歌  
郎座上

文園即事

到來彷彿通仙觀綠水朱霞鏡裏看六月披襟無海暑  
三宵玩月有清歡長松落落散虛籟疎竹蕭蕭生暮寒  
自是主人風雅劇客懷容易酒杯寬  
漁蓑樵笠傍溪烟圖画分明似輞川水榭荷擎杯欲  
玉壺冰瘦骨堪憐閒房月出森鐘磬暮閣秋清散吏仙  
聞道岡巒蒼桂樹託根今已過堯年

樓居仙子愛娉婷十二疎櫺照眼明嘯咏似從霄漢落

管絃偏繞翠微清雕甍繡闥星三點銀燭湘簾月五更  
若是小紅能解語知音應笑老狂生

自與浮鷗狎水涯興來擬泛海天槎四時幾日能逢笑  
八載重來為看花魚隊波澄連底見雁行風勁帶雲斜  
不須更惜明朝別荏苒朱顏已鬢華

牡丹

春明高閣五雲開碧磴朱欄淨點埃何必美人皆富貴  
斷無仙子不樓臺詞成孝穆輸凡筆夢醒文通絕艷才  
只勸金波三百斛便收香瓣也成灰

梅

東臯詩存卷之三十六

文園

含情片石倚孤懷落月橫斜上玉階留影幻成高士夢  
折枝須作美人釵春冰臘雪曾無恙苦茗清言亦復佳  
誰為華光遞芳信三生常教伴荒齋

春雨

不是傷春亦白頭芳心黯淡入波流青袍虛冷三年絮  
玉笛空吹二月愁濕蝶無端頻入夢惜花有客正憑樓  
何當踏屐重聽去醉倒隣翁舊酒籌

花朝

高館藤牀卧碧烟花朝無那復愁牽虛聞豪飲傳三雅  
未許看囊剩一錢萼破簷梅還索笑眉攢宮柳未成眠

暮寒只有東風覺吹向離懷又惘然

乳燕

泥初銜罷夏初長乳燕新生老燕忙餬口尚憐依阿母  
主人休擬戀雕梁坐愁簾外霏霏雨看拂墻頭細細香  
感激羽毛豐滿去春巢迢遞不相忘

訪秋花雨堂分韻

悵悵西園步履遲秋光入眼動秋思劇憐屈子愁如海  
可奈潘郎鬢已絲離夢三年尋舊約吟魂一片醉花時  
明朝回首牽裾處露冷橫塘衰柳枝

歸舟夜泊姜堰聞雁

東臯詩存卷之三十六

尤

文園

客子西風裏扁舟古渡頭月沉烟水濶雁報楚天秋澤  
畔蘆花老山中杜若愁故園歸計得身世一滄洲

是亦園同用堂字

最憶茲園好東風舊草堂雲光沉竹影水氣襲花香林  
密常防帽溪寬欲架梁主人真靜者穿坐古藤牀

答范迦陵見寄即用來韻

夕佳亭畔紅橋路曲水平林緊遠思雨打雜花春去早  
愁連芳草夢來遲十年落魄將投筆七字懷人忽寄詩  
南望狼山動於邑暮雲如幕正低垂

燭

簾影沉沉碧簾幄西牕重剪漏初分光渾酒氣春如水  
烟繞梨花夢入雲南內傳呼圍夜宴玉堂辭賦艷遺聞  
當風莫怪頻垂淚寸草芳心戀故羣

杏花

禁烟時節暮雲平萬點宮花照眼明合讓紅梅香冷淡  
不妨新柳態輕盈粉垣十里嘶驕馬旭日重簾睡小鶯  
莫向畫樓高處坐江南春雨最多情

朱竹里印譜

天開一畫古石鼓三倉繁君能斂磅礴碎割芙蓉根  
精氣走丹砂古意乃可喜不作俗姓名鐵筆弄青史

東臯詩存卷之三十六

干

文園

上已雨

海國春寒夢轉清到門風雨似秋聲已虛少長臨流讌  
空聽鷓鴣破曉鳴歲月償他雙鬢白江湖剩我一身輕  
天涯只有離群感懷抱當年空復情

和韻答陳北溟

黃綃傳來答和遲冰稟蠶老不成絲江南一覺銷魂夢  
又是楊花落盡時  
花露蕉箋碧玉琴他鄉珍重作哀吟好憑一片青天月  
照徹人閒夜夜心

和韻酬春明

同是飄萍者相逢又暮春  
薔薇深院雨蛺蝶畫欄人  
酒病纏綿久詩懷感慨頻  
就中有佳趣聊以著閒身  
一榻依君子清言療我飢  
茶爐烟欲細簾燕語還飛  
湖海餘殘夢風塵此息機  
從茲歌既醉吾道未全非

### 春歸

春來三月雨淋漓  
卷畫溪橋一片陰  
昨日新晴春又老  
出門空有看花心

閒驅羸馬挈吟囊  
踏遍東風幾日狂  
十里西湖忘不得  
隔年塵事太匆忙

亞字欄干舊板橋  
隔溪斜挂酒帘高  
分明聽徹江南曲  
東臯詩存卷之三十六

主 文園

腸斷吳娘碧玉簫  
早嘗櫻笋出郇厨  
望裏長亭日漸晡  
一片客懷渾似水

又隨帆影落江湖  
阻風中酒年年事  
夢冷秦淮水蔚藍  
說道莫愁愁不盡

最無情處是江南  
小院無人苔蘚生  
玉釵空挂舊遊情  
不知何處傷春淚

散作池塘夜雨聲  
一聲聲喚不如歸  
無數殘紅化蝶飛  
又向花陰搔短髮

天涯冉冉綠初肥  
若云春去不須愁  
世上無人不白頭  
酒病三分詩百首

相思直接到悲秋

乙亥十月同黃瘦瓢仲松嵐王竹樓高雨船黃  
瘦石張楓嶺文園分體時璞莊抱病

到來正值初冬候  
黃菊籬邊尚傲霜  
便與同澆花下酒  
一叢寒色淡斜陽

十年為客此淹留  
羅幃深深穩白鷗  
誰上高樓吹鐵笛  
黃蘆苦竹不勝愁

石磴橫鋪水面勻  
瑩瑩水際冷魚鱗  
主人瘦削吟詩骨  
一榻維摩卧病身

半弓新月可憐宵  
又聽離歌勸酒瓢  
明發白蘋江上棹  
東臯詩存卷之三十六

主 文園

西風兩岸葉蕭蕭  
十月十五蟻山看月同春明

蟻山月離離出海  
橋初見長堤吐半輪  
轉看墨壁光耀  
耀滋灑黃金波團圓白玉盤

晴空無際流輕雲  
白露遙天落高寒  
肅肅邊聲起傷心  
一碧天如水塞馬蘆

雁何時無可憐  
悽苦萬萬里去年此時登  
此臺瘦石黃大共徘徊  
冥冥疑有隔歲約今宵又值春

明來春明之意何闌珊  
使我見之增長歎相逢  
總是天涯客明月他鄉帶淚看  
丈夫於人殊落落入世齟齬成索寞

牢騷此際欲何為  
且對清輝共斟酌  
君不見淮陰當日未封侯

宇宙茫茫誰與遊又不見玉門關外朔風急屬國書生  
總白頭謝家樓閣莽榛棘梁王園囿空山丘不如一杯  
澆我胸中兵十萬酣睡不聞霜天曉角之啁啾

過瘦石齋聞諸小阮夜讀

我昨躡履登東臯臨風太息心煩勞瞻言暮景不歸去  
欣逢良友呼香醪香醪滿酌夜光清隔院紛來誦讀聲  
篝燈咕嗶兒曹事督課爭傳昆弟名黃子昆弟吾所契  
雄踞騷壇稱絕詣君家稚子總能文金鐘大鏞聲非細  
古今人日與稽居雪映囊螢事豈虛莫訝少年開萬卷  
由來志士惜三餘憶昔僧房曾借讀不辨陰陽相愆伏

東臯詩存卷之三十六

三

文圖

搖膝但作呬唔聲一劍孤懸盟幽獨每歎豐城時未逢  
塵埃漠漠隱霜鋒夜深空有冲天氣誰識延津能化龍  
而今猶剩剗蛟手牀頭金盡顏何有廿載風塵等閒過  
吳越甌閩空奔走陽烏掉頭不肯留西將入海隨波流  
寄言江夏諸才侶欲采珊瑚及早秋

丁丑九日陰深園分體

郊園集文讌班坐臨前埤木葉已微脫瑟瑟鳴涼颼形  
神既清曠少長咸心知陟岡望遠海流景兼雲馳撫時  
感非一各有憔悴姿美人隔天末良會詎可期傾杯灌  
綠蟻遙奠陶潛籬千秋晚香節不受浮塵淄

瀟湘舊館詞

野水溶溶鳬喋喋虛亭坐泛芙蓉櫂玉屏婉轉雕闌干  
瀟湘鏡面蘋齊葉竹雨蓮風涵楚天石蘭逕引瑤芝田  
小山簌桂秋露白澄潭浴淨雲錦鮮畫中清發詩千首  
謝眺青山李白酒舊館人已到羲皇宅邊猶號先生柳

新綠

野綠開心眼新晴逐境生微從雲外暗倍覺水邊明酒  
醺滄波色衫留蔓草情却憐紅瘦盡梅子雨盈盈

和越山別阿冬後對几上花

花散春庭瑞晚香尚尋好夢擾空牀不知摩詰綠何事

東臯詩存卷之三十六

舌

文圖

也要天花作道場

五雲篇送顧茨山入都

君向五雲路余守三家村村酒勸不醉執手焉能分暮  
雲忽擁樹草色多迷津倦我送遠目知君回顧頻乘風  
騁快駿紅杏上林春望雲亭佐酒珥筆簪花人繫余草  
木子抱甕荒江濱安得展鵲翅附鳳凌紫氛

於姜太史北垞古梅花下悼其七郎命車同學

斷橋流水飲飛虹靜掩東山老謝公三徑竹深逃俗客  
卅株梅繞笑春風鶴寒清露聞遺韻石繡靈苔見鬼工  
香滿庭庭名空香夢香不勝長笛怨啼紅

五琅謠

神山海外仙人鄉欲往登之天路長曷如五圖發象緯  
天星寶石排五琅琳宮紺殿鬱雲起丹崖翠嶽屏風張  
烟霞明滅日東浴軍壘紫氣迎扶桑瑕壁倒樹宅猿鶴  
朝陽洞漱珠泉香西江水沁雙崖骨雲膚仙粉泥金黃  
清奇水石有餘態往往蘭若宜書堂映帶中峯列左右  
浮屠絕頂摩青蒼引人攀龍雲際翔手攬斗柄承天漿  
胸開月鏡照萬古脚躡鸞輪窮八荒豈知塵劫歷未盡  
百端對此心茫茫開山羸政爭強梁掃除四海歸行囊  
揮鞭鞭石石蹈海海濱屹立峰頭昂晴光雨意變昕夕

東臯詩存

卷之三十六

五

文圖

春遊秋晏無盡藏好事因之甚威氣隋家天子臨戎行  
錦帆破浪長風揚江山壯色魚龍忙疾雷劈柱山石裂  
手揮神劍寒鋒鋌英雄霸業流東洋於今水陸更桑滄  
焉有書生坐相待十年不見頭顱霜海波北卷赤岸郭  
南屏萃景開風樯山川勝蹟助磅礴我輩憑弔增慨慷  
為我結宇陵陰岡石瀨為飲芝為糧山鬼慕子綴秋芳  
相視而笑形骸忘雲斤月斧追琳瑯泉鳴樹嘯和笙簧  
小扣大扣發天籟仙機所到非尋常豈復談諧伴俗調  
不畧我以上天之詩狂

和寄竹樓王丈孝康

楚水王夫子河汾一瓣香真儒留道術大雅藉篇章惟  
有嵇生懶深知點也狂仲宣書可贈延首向中郎

贈歌者

水繪園空洗鉢池紫雲何處寄相思一聲長笛楊枝曲  
想見陳髯顧曲時

天涯何事逐鷺蓬酒扇歌裙處處同最是江南好時景  
吹簫人醉落花風

浣香亭坐花

浣香亭子坐花林日染雲渲向客心賺得錦囊佳句滿  
休辭江畔獨幽尋

東臯詩存

卷之三十六

五

文圖

秦淮曲二首

秦淮春軟浪花平舞館歌樓滿石城兩槳送人桃葉渡  
小姑居處盡知名

莫愁湖上莫愁家湖上春開湖裏花一白柳絲牽艇子  
白門何樹不藏鴉

感秋四首

井梧又落一番風歲序驚心似轉蓬十里蘆花秋水白  
半橋楓樹夕陽紅山頭短笛輸樵子溪上長竿讓釣翁  
惟待小園黃菊聚勉攜吟屐過籬東

平蕪一望四圍低月落葭湄雁正啼孤角無端悲古戍



寒砧有信報幽閨小船細雨沉雲暗荒徑空山亂葉迷  
望古懷今兩愁絕破人幽夢一聲雞

烟水微茫欲夕暝昏黃鐘磬隔林間鷗眠別浦常懷月  
雁渡遙天亂叫雲北里笙等人不見西堂蟋蟀夜將分  
誠知止酒情難遣杜老看囊沒一文

峻嶺重樓最上層舒眸天畔興來登山川去鳥稀留客  
今古浮雲飽看僧江上蘆花安短榻松梢白月代寒燈  
端居却憶平生事秋老悲鳴鵲羽鷹

月季花

常抱春香到冷開閨餘花報十三回嶺梅籬菊爭先後

東臯詩存卷之三十六

壬

文圖

不用冬官月令催

題鄭蘇門七夕圖

待到今宵始渡河一生祇覺別離多蛛絲用盡天孫巧  
瓜果盤能乞幾何

題黃鞏堂照

輕烟一抹柳絲柔茗盃香爐書畫舟遮莫小姑閒蕩槳  
載歸三十六湖秋

步東原高阜

東上古高阜舉頭望四鄉山空桂子落秋老橘林黃洗  
馬愁難遣伯輿情易傷百端交集者對此正茫茫

徐燮

字調玉邑文學著有遺興集

野外

輕風冉冉暮春時到眼流光繫客思兩岸桃花紅映日  
一堤桑葉綠盈池橋通古寺啼青鳥路入前村蕩酒旗  
今日風光擽盡醉尊前誰賦曲江詩

晚霽

高柳披猖噪暮蟬開襟閒嘯晚涼邊霧迷落照雲含雨  
風卷殘霞月到天千樹綠陰清似洗一溪寒水漲如烟  
幽懷此際真瀟灑自拾松枝煮夜泉

東臯詩存卷之三十六

壬

文圖

望月有懷

明月夜圓團空庭度夜闌幽情無可託倚遍玉闌干風  
冷青燈暗霜濃碧瓦寒何時重握手淚眼兩相看

宿紫竹精舍

禪榻更深後堂虛燭影紅夢回諸境幻心寂萬緣空修  
竹明孤月長廊泣夜蟲此中消息妙還欲叩支公

暮春感懷

一番蕭索一酸辛到眼流光倍愴神雲氣連陰三月雨  
角聲吹老一年春無邊新綠平郊甸幾處殘紅照水濱  
把酒憑高空極目天涯何處不愁人

東村雜詠

不在山中住常如身在山徑藏松柏裏屋隱水雲閒野  
草相繁拂幽禽自往還非因事耕稼終日掩柴關

閒居玩萬物陶生意各欣欣細雨千花潤微風百草薰  
遊魚跳淺水飛鳥沒重雲總是幽棲趣何人向我分

維揚九日同范六思堂

茱萸灣裏繫輕舟客路霜華點鬢秋醉把黃花簪破帽  
與君同上竹西樓

陸遐齡

字椿年號虹橋諸生

東臯詩存卷之三十六

元

文圖

贈黃瘦石

吾愛黃大癡耽酒復耽詩會友梅花下春風無虛時豈  
曰逃名者實有絕俗思高山易夕陽畏遺身後嗤

擬江總持梅花落

二月東風梅花發芬芳拍席清侵骨佳人插髻倚高樓  
何處笛聲吹不歇短笛聲聲吹落梅潮落雲飛鶴夢回  
輕薄年年怨楊柳空傾明月入酒杯可憐塞北春漠漠  
可憐粉蝶魂蕭索一番開謝不禁春不如帶雪折花嚼

題陳竹香菊花冊子

時竹香返越

踏破山僧老竹籬西風吹冷菊花枝幾回側帽誰為語

獨走霜毫有所思綠野堂深客歸早白衣人到月來遲  
於今秋老送君去天未鴻飛憶別時

新蛟

繡戶初開曙色侵翻翻葉葉短牆陰曾無落蕊團香粉  
早有風光見素心舊夢南園成幻迹重來東閣費追尋  
休教逐隊偕鶯侶飛上紅樓思不禁

盆梅

玉堂風味亦平生脈脈孤芳最有情半面粧成依斗帳  
一痕春淺逗疎檠漆園秋水連冰嚼龍井團茶帶雪烹  
慢把笛聲頻入破博山香燼月三更

東臯詩存卷之三十六

手

文圖

是亦園同用堂字

溪雲澄竹色花雨潤琴牀地僻禽魚狎人閒日月長孤  
瓢分野袖一榻問羲皇塵海何由入翛然綠野堂

題瘦石何處漁郎照用李蘿村韻

空江無那采蓮歌笑倚垂楊脫綠蓑看落山閒紅葉滿  
不知身上白雲多殘花幾點明雙鬢疎雁數聲橫去波  
安放一生天地濶醉從鷗鷺夢南柯

春歸

綠楊空繫木蘭舟人在秦淮舊酒樓水國女郎生小怨  
三更絃索破涼州

正月凝寒二月陰風光忽忽負初心送人江上歸來早  
門掩迴塘夜雨深

隔院吹簫動晚涼看花人老杜韋娘風流空結三生恨  
曾帶微酣對海棠

博山香爐夢回時月落樓頭燕未知收得薔薇花上露  
曉研銅雀寫新詩

重展琉璃七尺屏暖風無事坐彈箏隔年胡蝶飛來處  
消得三更五夜情

荷錢搖蕩真珠碎水似羅裙草似眉風約彩雲消息斷  
一雙鸚鵡破烟飛

東臯詩存卷之三十六

圭

文園

蓬萊迢遞路三千斷雨零雲事惘然不及桃花花下水  
朝朝流到五湖邊

飄蕩如人未有家又催濃綠上牕紗憐他東海新生月  
不是南園舊日花

次韻答劉樗村

秋光寂闕是今年夢斷秦淮八月天何幸相逢今夜月  
篝燈同話舊青氈

月落燈昏更已闌催花縱酒且尋歡來朝會向秋堂裏  
好把琴心一再彈

新遷城北樗村璞莊瘦石至因留暉吉堂小飲

伊人躡屐來遊日正是新巢半定時桑土綢繆纔蔽雨  
槿花籬落已橫枝殘書且撇園中榻沽酒先謀掌上卮  
白雪吟成應寡和姑從花底叶填笮

高綾

字文機號錦齋贊兩子早天

蝶

護粉憐香最可思三三兩兩傍花枝東鄰寄語西鄰伴  
莫把輕紈付女兒

杏花

二月杏花好羣芳誰與同澀香含細雨淡粉透嬌紅酒

東臯詩存卷之三十六

圭

文園

柿三村市花驄十里風莫教空弄色閒煞畫牆東

花影

荇藻橫庭是又非月移風簸總依微清浮銀浪鋪金井  
亂逐秋千上玉幃欲踏怕驚棲鳥夢輕搖似曳美人衣  
玉鬟自起和簾卷時有幽香暗裏飛

送業師魏若山夫子赴江南幕

忽聞驪唱起行塵桃李無言獨愴神三載琴書從此去  
半窓燈火更誰親縱教函丈虛尊席忍向闕西事別人  
肯曰歸與念吾黨仍培薪木待蹄輪

病中雜述

平生志不忘筆硯素所親終朝向窓北拂拭如奇珍一  
從卧病來涉月且兼旬置之不復弄想皆生垢塵念此  
自浩歎無復窓北人空抱平生志惜哉何可伸

人生本是夢長短數不一所夢又何常吉凶事難必事  
既未可量數正無足恤試思凶而長何如短而吉天道  
多乘除自古有成律盜跖終壽考顏回天陋室念此須  
臾身何者為得失虛窓夜氣清露涼吟蟋蟀

溽暑已消亡秋高晴景集竹梧四面陰清虛殊可挹愧  
此久病身不能恣行立呼童洞啟窓為我延秋入西山  
爽氣來亦足當遊習

東臯詩存卷之三十六

奎

文圖

吾嫂勝母慈兩姊亦吾師往往問疾來見我牀頭詩言  
此耗神思疾甚不可為吾言非求工興到只如斯但此  
心未灰觸緒何能持吾嫂及兩姊攬涕亦領之

繆齡

字九陶號詡齋府增生著有詡齋遺詩

江行

帆影搖山色霞光現晚晴人來天際想舟在鏡中行

寄懷揚州陸廣文

風流儒雅亦吾師別後翻增晨夕思一徑黃花數尊酒  
半江紅樹幾行詩逍遙自適溟魚志矍鑠還饒海鶴姿

若問昔遊今健否霜華已上鬢邊絲

繆象鉞

字煥若號拙齋邑文學著有拙齋詩

寄懷家兄北鎰

每對春風輒歎嗟白頭兄弟各天涯江南江北地多雨  
屋後屋前時見花五畝就荒愁卒歲一尊相對擬還家  
懸知蓮幕渾無事射鴨哦松且鬪茶

僧寮秋海棠

幾時天雨花結根在幽草不曾脂粉污自然顏色好開  
落兩無心獨對山僧老

東臯詩存卷之三十六

番

文圖

鄭建

字澤南號初生太學生早歿著有垣衣山房

詩

自解

賢愚各有造天地無庸心燕雀依庭戶鹿豕託長林而  
我寡所儔復乃貧病侵對酒發長謠撫絃成苦吟汨汨  
酒中味冷冷絃外音此趣良足耽聊以豁我襟

戲咏文園並頭蓮花

兩兩花香碧水隈依紅偎綠幾徘徊凌波似欲雙飛去  
有佩還疑並解來璧月夜凉堪對語珠奩秋曉見齊開

前生合是鴛鴦種風雨橫塘有夢回

菊

百卉摧殘日籬邊菊始黃嚴風深葉色冷露艷花光骨  
傲秋逾老心堅晚更香顏齡如可永無復問昌陽

立春日病中

肺病經春動探梅小閣東曉寒偏刺骨衣薄不勝風解  
凍青陽轉開尊藥鼎紅萌芽看百草生意正融融

題友人涉江圖

故人多半在天涯如爾風塵亦可嗟半世心情同泛梗  
三年離別等飛花還搖舟楫歸圖畫要渡金焦玩物華

東臯詩存

卷之三十一

畫

文圖

行到中流須仔細人言江海有龍蛇

月夜懷范大月三

獨坐三更月輕風滿面秋無人慰離緒有夢到揚州烏  
鵲當窻見涼波入戶流此時應念我何日理歸舟

春夜夢姜在經作山水小幅

生死幽明隔精魂一枕通丹青似疇昔言笑各朦朧雲  
影迷蒼狗山嵐滅斷鴻所嗟雞唱早盡逐曉烟空

哭顧子余臯

偶爾離羣日悽然亦感傷那堪成永訣別路與天長書  
館生蒼蘚桐棺表白楊可憐今夜月照爾太茫茫

九日宴璞莊紅半樓

烏帽凌風鬢髮蒼今年東海會重陽鳳凰簫起愁秦贅  
鸚鵡賦成樂楚狂滿眼黃花初應節繞樓紅樹半迎霜  
遙知故國登高者滿把茱萸喚索郎

九日伯兄偕諸昆季奉改之叔父看菊東園子

以留滯海濱未與斯會補賦

花發重陽載酒看玉堂人醉画屏閒家園集飲天倫樂  
白髮盈頭杖履閒天上文星高北斗尊前遊屐是東山  
一時兄弟都豪健忘却他鄉病客顏

冬日養疴梅熟菴

東臯詩存

卷之三十一

畫

文圖

閉戶常經月空亭客到稀病還營鹿砦貧未泣牛衣樹  
古凋霜葉潭寒落釣磯未須愁寂寞佛日老堪依

月下梅

馥馥園中梅皎皎窻閒月梅向冷時開月向明時缺

自歎

可憐鶴骨瘦春至不勝衣似欲成吾懶世情相與違

元夜

花市銀燈門月明笙歌處處慶新正豈知暗損愁人夢  
贏得新愁夢不成

對月

寂寞春寒歎此身廿年知己更誰親相期惟有窓前月  
不以窮愁不照人

古意

永夜何迢迢明月何皎皎蕩子久不歸清光逼人老  
秋風何蕭蕭秋雨何濛濛思君不見君天末聞哀鴻

遷居

偶然饘粥咏于斯爽塏無心與此期舊業小庭書帶草  
不辭風雨要先移

贈歌女阿環

鬟髮垂肩百媚生櫻桃未破已含顰風流慣弄相思詞  
東臯詩存卷之三十六

毛

文園

不唱無情唱有情

東臯詩存卷之三十七

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

顧健行

字自強號以堂邑文學

梅嶺

一嶽高千仞端居五嶺中曉蒸巖日雨夜接海潮風松  
色依寒碧花香趁暖紅客心隨馬首轉轉出蠶叢

東臯詩存卷之三十七

一

文園

登越王臺遠眺

挈伴尋幽賞登臺徧夕陽山前飛雁翅江外泊魚梁雙  
塔斜穿海層城曲抱岡高秋無限意極目是晴光

入都留別

書劍飄零學未成從官慚附魯諸生三年攀柏終天恨  
萬里飛蓬策蹇行南浦銷魂遊子別河梁攜手故人情  
辟疆雖有田園在草宅榛荒不可耕

東臯一嘯賦歸來養拙蓬門晝不開海外徒聞鵬變化  
雲間惟有鶴徘徊篝燈自對書窓讀製錦曾無戰線才  
再別陵陽還抱璞秋風三徑剪蒿萊

秋宵

桑榆倒景暮烟昏孤館青燈掩單門旅雁驚寒投極浦  
歸鴉成陣集荒村娟娟涼月穿窓影淡淡輕霜著樹痕  
卷地西風眠不得吹來海氣斷吟魂

顧驥

字宅西號余臯邑文學

秋日晚望

獨步長堤上家山一望收稻花香十里雲雁唳三秋寧  
愛他鄉好常懷故國憐茫茫落日頓覺起離憂

偶集融軒次樵所韻

東臯詩存

卷之三十一

二

文圖

佳會應難數歸期不自由故人為置酒相與惜離愁零  
落悲今日蕭條怯晚秋煩君最相念未忍速歸舟

客石莊過亡友舊寓

更欲憑誰訴苦辛半生踪跡等飄塵淒涼夜月空留影  
寂寞黃花失所親天地久知為逆旅死生無那欲傷神  
却憐繞樹啼烏鵲空向虛亭憶主人

落花歎

殘月薄東林清光何變變玉屑點羅衣香卷胭脂碎舉  
頭見落花低頭入卧內我有平生交相隔經年歲春風  
罷綺筵淚結鴛鴦帶鴛鴦何雙雙清江浴晴靄回首忽

商參夢醒雞鳴曉東風舊簾櫳入室復誰在不及向南  
枝零落開能再

和姜雅師舟中對月之作

信是孤懷更奈秋何堪羈縶共離舟霜天貴買他鄉酒  
寒月同傾永夜愁曉色漸分紅樹影烟光遙起白蘋洲  
此情不待隨征棹一誦新詩已白頭

和詩贈阿東

風情綽約更誰同獨奈行踪類轉蓬一別河干經一月  
依稀耳畔喚東東

絕世風流范月三肯將肝膽向紅顏可能解愛臨叩客

東臯詩存

卷之三十一

三

文圖

常學文君画遠山

秋夜舟行

露重烟濃星正繁扁舟搖客過荒村漁燈兩岸映秋水  
新月一鉤橫單門入夜寒蛩悲自語高天征雁恨難言  
蕭森易下年來淚更值今宵倍斷魂

吳方

字衡若號默夫邑文學

盆梅

荒村寂歷度春陰疇意人閒得賞音帶土移來香細細  
燒燈看去淚深深美人不待游山夢處士何勞踏雪尋

試就窓前安枕席清宵相與訴初心

鄭人瑞

字五雲號可山貢生需次州司馬著有可山集四卷

中秋邀同人玩月香嚴以三飲中秋詩見贈因次原韻

年來此夕邀朋好風雨清明與共之日淡又當秋氣蕭雲開莫怨夜光遲合歡澆得芳樽酒待漏看殘清簟棋幸有冰輪沾露冷無聲正是濕花時

次存齋二兄別墅落成原韻

東臯詩存卷之三十一

四

文園

開草成新構憑陵一灑然石為山入妙花傍砌生妍明月庭中得香風閣外傳主人吟好句清思湧如泉別院多佳境非關闢麗華竹披經宿雨樹繞暮天雅刹近添新景樓高接遠霞買山曾有願可得似兄家

王學齋枉贈次答

江左多名宿瑯琊第一家半生羈海角百里即天涯髮白星添鬢思清筆夢花不須嗟末路且共醉流霞

秋葉

荒村蕭颯綠陰稀木落無邊似蝶飛秋色一林含暮靄金風萬樹帶斜暉雲岩露冷天香艷石砌霜寒野菊肥

黃葉如花迷客眼紛紛相送晚帆歸

楓柏蕭疎盡著霜霜姿如醉染斜陽寒江木落三秋晚古岸波明八月光落帽有情憐白髮駐顏無計覓青囊何當攜得停車客酒暖林閒數舉觴

壽顧樂何六十

江左多奇士虎頭舊有名詩工錦囊富癡絕世人驚老去心猶壯狂來劍欲鳴秋英堪益壽把酒對長庚

鄭選

字繪獻號桂田附貢生有巢經堂詩十二卷

贈顧此山

東臯詩存卷之三十七

五

文園

廿載聯同氣高懷素所欽最憐風雨夜共此雪霜心汲古談鋒銳投膠道念深誰言貧是病發口富狂吟

暮春小極

久病負春日無端春已殘鶯啼人獨卧花落酒猶寒好景蹉跎過孤懷慰藉難強吟支半榻誰與話團圓

秋夜

秋蕭萬籟清秋月涼於水孤光夜皎皎樹杪微烟起木落霜天高幽思何能已願言洗澄心此中有妙理

送春

微風散碧林絳雪飛如雨去春從何處來又向何處去



草色綠以陰蝶夢迷未寤細雨洗香泥好春類馳驚愁  
似別知已天涯惜岐路愛之豈不畱畱之那能住濁酒  
聊自斟徙倚悵獨步黃鳥銜落英不忍啼深樹

晚菊

賓雁來時徑就荒尚畱殘蕊傲嚴霜頃將白髮憐孤影  
好剔銀釭映晚妝松節差堪同後勁梅花應與接寒芳  
近冬更有誰相伴月滿寥天照草堂

燕城懷古

頻經兵燹是何年兩日風光劇可憐文選有樓餘碧鮮  
蜀岡無樹不春烟三千女散人如月廿四橋邊柳接天

東臯詩存卷之三十七

六

文園

從古竹西歌吹地一尋往蹟一悽然

秋日田家

千塍稻畝接柴荆一望遙天逸思生漁艇遠連鴛鴦影  
荻花晴走雨風聲村醪入夜濃堪酌籬豆經秋味更清  
此日殷勤獨隣叟桑麻共話晚烟橫

范曾省

字震修號聞晨邑廩生

鶴鳴

緱嶺峻岫到上方仙風嘹唳響蒼鵠鵬奮翼飛滄溟  
雁鷺啼飢覓稻梁豈似在陰其子和相將嘯侶與鸞翔

九臯聲徹欣天聽不信青田萬里長

插田行

三月四月農事興東村西村布穀鳴桑田正及零靈雨  
秧針宜插彪池盈黃雲布塍烟動水負耒蹊牛呼婦子  
相呼合作插新秧綠荷包飯田畯喜勸農作苦勞筋力  
其勤宵旦無休息雞鳴荷鋤山火紅日午揮鋤禾汗滴  
著土青苗方向生香菰社酒賽秋成樵歌互答漁歌和  
處處吹葭擊壤聲

冒嶽

字正山號蒙泉邑文學

東臯詩存卷之三十七

七

文園

南湖秋興

臨水登山送遠遊江天龍火日西流雲歸范蠡湖邊雨  
風緊南陵画裏秋桑海塵容車馬跡蘆洲雁足稻梁謀  
長年空對芙蓉鈇彈破清商一曲愁

冒可久

字德中號堅體邑廩生著有堅體集

五日病中

賦詩不復弔三湘正則端應為我傷身近四旬愁末路  
節當五日怨斜陽愁多有酒何曾醉命薄無才或可長  
不分菖蒲花不見何如槿蕚只朝芳

寓寺雨後曉景

五更不能寐獨起待朝暾霧散騰霞影雲晴淡月痕行  
看花塢濕轉似露華繁鐘鼓淵淵動禪心無可言

村館秋夜

荒村原寂歷秋至倍淒迷况復日沉後正當風起時牖  
眠頻掃榻吹夢倏空幃驚起披衣坐孤鴻音遠悲

將之村館留別諸同學

丈夫不得志同學足忘憂無端復舍去行矣竟何求  
口計嘗拙困人事可羞朝來呼小艇雲水共悠悠

攜手河梁上春風聽鳥鳴髮從今夜白月向此時明酒

東臯詩存卷之三十七

八 文圖

國虛知已硯田失耦耕荒郊憐寂寞望遠不無情

流離於此極壯志肯消磨萬里雲天峻廿年烟水過遲

回存舊約偃蹇托新裝腸熱身閒冷臨風且放歌

繆禮

字容也號笠夫

三男作山水小幅因題

嵐光疊疊野雲浮塔影高懸古渡頭學得襄陽千點墨

亂塗橫抹一天秋

早秋夜坐

湛湛空流露銀河到底清梧桐幾葉落涼氣一番生寂

寞人何處蕭條月正明悠思眠不得乍聽草蟲聲

劉漢訓

字廣南早歿

溪邊玩月

晚晚微雲散當空月正圓清光浮水白爽氣逼人寒夜  
靜嫌衣薄天高覺露溥今宵應不寐把酒到更殘

江南行

無端又見碧桃開惆悵江南人未回一夢郵亭成底事  
寄書長望紫鸞來

劉枝芳

東臯詩存卷三十七

九 文圖

字孝先號墨莊陝西鄜州吏目

六合道中

六合名何大行人絡繹過近山平地少夾路水田多野  
渡停車轍懸崖長辟羅征塵飛不盡西去更如何

閔鄉縣盤頭鎮看黃河

咫尺黃河畔驚濤入耳聞霧深山釀雨岸澗水連雲南  
北千峰合豫秦一澗分明朝驅馬去細讀杜陵文

劉枝蔭

字洪先號雲莊邑文學

送春

淡蕩輕風漾碧波  
殘紅消瘦綠陰多  
情深敢倩垂隄柳  
挽住青陽莫放過

劉枝藹

字賡揚號

太學生

桃花瓣

風雨無端夾岸推  
丹霞片片點蒼苔  
繽紛應逐閑庭  
輕薄還隨蛺蝶來  
玉碎華林香易散  
珠沉露井恨難灰  
休言零落堪惆悵  
紫陌紅塵錦作堆

石書雲

字芝山文學

東臯詩存

卷之三十七

十

文圖

卜居林塘

歸耕舊勝地  
卜築以為宮  
水際吟秋月  
山坳納好風  
忘貧惟犬義  
穩睡得貓功  
晨夕自行止  
逍遙洞壑中

寄友

臘殘纔返棹  
春入又離羣  
結伴九疑石  
思家半嶺雲  
山嵐微淡蕩  
鳥語足殷勤  
為報霞城侶  
遠人心緒紛

張橋

號懋堂

東友

相邀慎勿辭  
囊裏有餘貲  
去買陳年酒  
來吟竟日詩  
雪

曾添逸興梅可解  
相思好景休辜負  
清談須及時

姜復基

字敬輿號介亭文學觀察至山先生孫奉節

令會照子隨父之官卒於蜀著有聽猿館詩

鈔

擬古

壁上挂古琴  
悄然寂無聲  
金徽久剝落  
因之塵埃生  
有客與古會  
為我理此琴  
一彈再鼓之  
悠然發孤吟  
懷士懷能清  
塵俗心  
凡物貴相知  
願為領其深

東臯詩存

卷之三十七

十一

文圖

題竹樓年伯白描小照

吾父齊年友  
皤然白髮翁  
鬚眉存古貌  
水墨有清風  
畫手塵心滌  
先生道氣充  
鯉庭陪現席  
擲管愧吳蒙

柳絮

不是晴光好  
幾疑臘雪飛  
因風潛入硯  
帶雨欲沾衣  
瀟岸春何極  
章臺夢已歸  
池邊新漲滿  
點點漾斜暉

閒雁

獨對長空雁  
幾羣無端客  
思轉紛紜不堪  
孤影愁中見  
可奈哀鳴月下  
聞千里有情書  
報遠一行無意  
字成雲冷風颯  
颯吹蘆荻又聽  
秋聲到夜分

冬初孫大楓江見過次家蒲村兄韻

秋殘蕭索卧荒村有客宵來叩華門半壁青燈聊下榻  
滿庭紅葉一開樽眼前世事憑誰定別後新詩幾卷存  
但把閒情歸淡漠人生得喪不須論

途中清明

正是清明節傷心况道途一棺生死別千里弟兄孤客  
緒愁多少蓬窓夢有無幾回揮涕淚默坐自嗟吁

舟泊長溝

四望濃雲合依稀日影微平沙孤鳥沒古寺一僧歸此  
地逢迎少頻年心事違一樽何處覓水際款柴扉

東臯詩存

卷之三十七

主

文園

客都門寄懷家兄達堂

自昔同窓共起居而今澗絕復何如談心不厭三更永  
分手無端五月餘吳水燕山空悵望曉風殘月自嗟歎  
夢回無限相思語珍重郵筒一紙書

白帝城

白帝高何極遙遙絕頂峰鳥棲懸壁樹僧響半天鐘松  
老枝全合苔深翠幾重舒眉江畔望惟有白雲封

灩澦堆

突出中流柱濤喧兩岸聞翻騰常作雨旋繞自成文信  
有蛟龍伏時看象馬分天清光日耀水石共氤氲

曉望白鹽山

朝望晴江上孤峰峭以昂光凝和曉月色白映秋霜露  
淨一天碧風生萬壑涼早行知有客指點認舟航

月夜感懷

憂心如醉不堪論旅舍蕭條早閉門已視浮生慚白日  
那堪孤館又黃昏客中自覺愁容改病裏常看瘦影存  
可是相親惟好月夜來閒過半窓痕

涼風吹動葛衣單靜聽鴻聲夜未闌寂寞關山情脈脈  
蒼茫烟樹路漫漫人情自古秋雲薄世路從知蜀道難  
參透此中難自主語君總作未然看

東臯詩存

卷之三十七

主

文園

年來旅館歎艱辛無那窮愁絆此身十二峰頭明月夜  
五千里外異鄉人閒中作笑非關樂夢裏還家不當真  
潦倒從今知己極迷途何處問前津

東望琅峰道阻長碧空如水夜天涼數聲蟲語吟愁思  
幾處猿啼斷客腸骨傲已知成往性家貧可奈寄他鄉  
故園兄弟應相憶對月遙憐各一方

秋月和吳津帆韻

最好中天月清秋分外瑩色添湖水白光逗紙窓明寂  
寞深聞夢蕭條客子情那堪孤枕畔又聽草蟲鳴

秋林

疎林殘日落立馬向荒臺一派風聲起都從樹裏來歸  
樵迷曲徑飢鳥噪空槐極目淒清境能無客思摧

冬夜有懷家大人客成都

孤燈遙憶客窓寒道遠魂飛夢亦難舊僕曾無殊冷熱  
新交誰與共盤桓鐵衾夜冷霜華重草閣吟遲蠟炬殘  
差喜雁鴻頻寄語開函兩字見平安

江行

蜀道崎嶇不可行頻年江上客心驚瞿唐峽裏愁如許  
半是猿聲半雨聲

送蘭若之成都

東華詩存

卷之三十七

西

文圖

把晤纔旬日感君又別離那堪分手處不盡夕陽時驛  
水孤帆遠深山夜雨遲江干他日望目斷錦江陂

送梅岩之武昌即次留別原韻

寒江分手處點點對斜陽同是天涯客能無岐路傷夢  
中千嶂遠望裏片帆長早擬歸來日梅花正及芳

贈別津帆

多君風雅愛吟詩況復情深係我思佳趣惟堪知者道  
高懷直與古人期孤帆明月寒江遠旅館殘燈客夢遲  
此去應知勞悵憶楚雲西望蜀山陂

獨坐

無成空自感居諸渾穆如登太古初旅夢靜懸千里外  
青燈虛伴兩年餘但能無疾休言樂未必全貧剩有書  
兀坐寓齋詩興少寒山何處去停車時友人方有遊山之訂

雪中著棋

積雪滿空山幽人時共往林深語不聞棋子聲聲響

夔州冬日暖甚

嚴寒真未覺晴色滿山腰入室翻嫌火裝棉不用貂花  
同三月盛雪到半空消此地如天上風光十倍饒

家大人歸自錦城喜賦

忽報征帆集愁懷頓覺除歸於千里外話到四更初竟

東華詩存

卷之三十七

圭

文圖

夜燒紅蠟盈尊泛綠蛆回思江上立極目盼雙魚  
地角天涯路歡違一載過逾知團聚好只為苦辛多家  
室常如此風塵奈若何異鄉差得樂聊自發吟哦

夜宿忠州

前路渺無極停舟寄水隈遠村千樹合孤磬一聲來雲  
繞宣公墓月臨巴子臺漫勞賢刺史詩句細敲推

懷梅岩

聽詩每共到三更風雨遙憐我獨行千里正峰留別淚  
一帆江月載離情渡頭水暖鷗爭浴樹裏烟濃鶯亂鳴  
此去渝州誰是侶相思惟有夢中清

舟過平都山

蜀地重名蹟其中多仙班  
夙昔披青簡已知平都山  
我來山下望遙在縹緲間  
薜蘿挹深翠古木拱蒼顏  
上臨二仙樓樓空風雨閒  
緬懷陰與王一去不復還  
仙踪杳何處使我重追攀  
白雲繞石洞落日靜禪關  
風帆如翔鳥江流聲潺湲  
去去不少停回首水烟圓

涪州曉發

喔喔晨雞四野聞遙看山水正氤氳  
曉歌初起聲猶雜人語經灘聽不分  
殘月勾留千里夢片帆冲破一江雲  
披衣漫讀涪翁集巖谷流傳此大文

東華詩存

卷之三十七

七

文圖

舟次木洞

山頭誰構好園林上有參天古木森  
近舍獨看青犬出孤烟遙與白雲深  
迴峰擁樹千層碧斜日臨江一片陰  
我去巴渝閒眺望蓬窓到處總成吟

九日

三載逢佳節悲哉客裏過  
此心終落寞往事幾蹉跎  
病久賓朋絕秋深風雨多  
登高無處所兀自發吟哦

姜履基

字禮門號卓亭文學觀察至山先生孫奉節  
令會照次子著有問經草

舟泊燕子磯

日暮孤舟泊剛臨燕子磯  
月明春樹白火近夜漁歸  
六代遺芳草千山披翠衣  
明朝攜酒上詩興莫相違

秋望

紅樹千山醉霞明碧水隈  
波迴江影碎秋老雁聲哀

江聲

風雨聲聲客子舟東歸  
萬派接天流巴山響徹孤篷夜  
不是猿啼亦惹愁

紅樹

一望霜楓映暮霞  
茅簷遙認兩三家  
山中落葉無人掃

東華詩存

卷之三十七

七

文圖

却似春深滿地花

客感次家兄介亭韻

已識瞿唐險無緣返故邱  
寒窓千里夢殘月五更頭  
不伴天涯客焉知異地愁  
鄉思何日斷悵望水東流

將之渝州留別趙梅岩蘭茗昆仲

攜手難為別與君共客途  
片帆迎峽水明月聽已歛  
後會知何日孤情寄一隅  
旗亭無限話把酒立斯須

野泊

晚峰銜夕照野泊意蕭然  
夾岸銀沙合長江碧水牽  
林昏孤犬吠山杳一燈懸  
夜卧篷窓底灘聲落枕邊

客中清明敬步家大人韻

頻年冷節感羈遊，夢繞靈萱悵異州。  
魂逐孤雲飛故國，淚隨江水向東流。  
不堪細雨沾花落，況是啼鶯喚客愁。  
却望家園烟樹杳，一杯何計拜山邱。

遊岑公洞

為欲尋仙蹟，停橈泊萬川。  
水簾垂石牖，丹井駁苔錢。  
古洞疑無路，深山別有天。  
岑公今不復，泉滴響潺湲。

漾西草堂

千古推詩聖，孤城一草堂。  
文章光俎豆，檻竹重馨香。  
門湧江濤壯，山留草木長。  
荒庭誰與伴，赤甲隱斜陽。

東臯詩存

卷之三十七

文

圖

夜泊巫峽

日落江天晚，孤舟峽裏維。  
寒猿啼絕壁，獨鳥寄高枝。  
夜靜灘聲急，山高月影遲。  
排雲峰十二，何處夢相思。

琵琶亭

滿眼秋光入畫圖，潯陽江上客船孤。  
可憐濕透青衫淚，直到如今乾也無。

抵揚州

三年留字水，一葉下邳溝。  
綠樹紅橋畔，春風明月樓。  
恰逢佳日至，趁作少年遊。  
望望隋堤上，何人解別愁。

花底吟

萬里歷邊隅，溪山都飽看。  
一葉歸荒園，春花爛復爛。  
卷

此好風光呼朋相與玩，開筵面芳林坐聽流鶯喚入座。

無惡賓談笑屏里諍，接席更聯吟新詩已脫腕。人生苦

踟躕旦晚空吁歎，鴛鴦可為行鷺鷥亦相伴。所志立修

名浮榮安足算，胡不歷秦華矯首披雲幔。胡不涉滄溟

掬水手親盥，如此好胸懷飛觴應不斷。酒罷出門行明

月照東岸

秋日城南晚眺

徙倚荒城暮，孤雲出翠微。  
人烟迷晚市，秋色淡斜暉。  
風勁衣衫薄，霜寒木葉稀。  
一聲何處雁，偏向客前飛。

東臯詩存

卷之三十七

文

圖

甲申早春蒲塘泛舟

乘興遊蒲水，扁舟夕照中。  
一篙新漲雨，兩岸早春風。  
細草繁新綠，林花吐嫩紅。  
篷窗舒倦目，逸趣與誰同。

王竹樓年伯來視予疾兼荷解贈伏枕賦謝

風雨何人過，先生古道醇。  
老年輕遠道，軟語藹陽春。  
暑體憐猶子，窮途念故人。  
感君真意切，卧別淚頻頻。

病劇

望遠思何極，傷心淚暗流。  
親恩真罔極，兒病苦難瘳。  
未了詩書願，空繁風雨愁。  
高天呼莫應，始信此生浮。

山亭坐月

松陰遮不住月色半亭多雲淨天如洗風平水不波客  
懷應共敞我意竟如何別有他鄉夢寒光照薜蘿

題樹晦二兄賓旭齋

小齋重拂拭歌詠趣晴天池草繁春夢荊花受暖烟客  
投詩代東人靜日如年得與賢兄共寧辭乏酒錢

吳掄元

字魁士邑文學早卒

秋日江中

浩渺長江秋色賒烟迷洲渚霧迷沙蒹葭閒倚征人棹  
蘆荻深藏漁父家日逐波翻光破碎雁隨天遠影橫斜  
東臯詩存卷之三十七 文圖

霜鐘日暮吹來晚落葉西風滿水涯

蚊

胎卵無煩自化生營營終夜似呼庚暗中利喙防難及  
聚處轟雷勢可驚吮血攢膚殊酷烈潛身避日畏光明  
形雖微小貪無厭安得霜風一掃清

江岸

字道先邑文學早卒著有桐陰村居小草

南村秋夜

蕭索村居久那堪秋氣清涼風自北至淡月正東生陣  
雁沙頭起斷橋水面橫夜長不能寐枯坐過三更

獨處誰為侶寒蛩夕夕鳴微霜凋草路埜水亂秋聲自  
與塵踪隔都忘身外名徘徊空谷遠顧影忽怦怦

擬古

矯矯一亭月密密一林霜人生容易別不如夢中長夢  
中可以去夢中可以住有時乍相逢反作夢中晤

夜雪

荒村寥落久無賓夜夜寒燈伴此身曉起枝頭堆白雪  
梅花特地着精神

憶老母

小人有老母鬱鬱在北堂我為貧所累旦暮各一方朔  
東臯詩存卷之三十七 文圖  
風何凜凜寒氣侵衣裳我寒我自覺母寒我豈忘我寒  
母應念母寒母自傷空懷陟屺心陟屺亦何濟嗟嗟罔  
極恩莫作遠遊志

憶兄弟

兄弟我手足同乳恩誼深昔為珠與璧今為辰與參雁  
作一行飛出入常相保我別我弟兄人而不如鳥

寄友

一壺濁酒臨風酌幾樹梅花映月斜梅月自親人自遠  
隔河十里是天涯

春閨



滿地殘紅飛不起聲聲鶯語垂楊裏幾回樓上倚闌干  
只見長江千萬里

寄陳石橋

荒村積雪七八日口不輟吟戶不出非王郎迎賓之侶  
乃孫子夜讀之匹兄弟謀食去四方老母抱愁坐中堂  
小人相隔三十里漫天風雪思茫茫且喜主人知我意  
提攜濁酒勸我醉君處燕北我處南兩地憂勞不堪記  
舉杯一盡一思君窓外梅花白紛紛

冬夜

霜落空天雁過遲蕭然無地寄相思梅花夜月庭如水

東華詩存卷之三十七

主

文圖

可是玉人夢覺時

沙 烜

字舒仲號梅村邑庠生早卒

胡丈上歷返山陰

東風吹江雨江碧春波漲情知歸裝輕春帆雨中上送  
送隨南雲浦柳深澁漾倦此素心人暫別仍惆悵清醪  
還共持離歌更互唱明日旅懷孤把杯竟誰向

戊辰上已送胡丈上歷去京師

離筵無那值佳辰花滿江城濺淚頻心逐孤帆搖遠水  
門依深柳閉殘春旅人為活文常賣老境移家弟可親

十載相依慚餽贈通家年少本清貧

露香草堂秋夜同人懷周容軒夫子

滿目秋光客思慵江天凝望路重重池塘月淡寒流淨  
蟋蟀聲淒草露濃病乍痊時疎酒盞心方息處入霜鐘  
囊琴合受知音賞爰下相憐只蔡邕

真州東二十里晚泊

孤懷傷餘春舟行增寂寞微雨江上來江深峭寒作朝  
辭秣陵城暮越真州郭遙林交暝烟近洲散紅萼何處  
暫維梢惆悵歸潮落

病起

東華詩存卷之三十七

主

文圖

黯淡時聞吹古香迢迢清晝掩書堂人生不得行胸臆  
合向庭前種白楊

汪 顥

字士俊早卒

絕命詞六首

孀居堂上苦難支常恐深恩報答遲今日翻為慈母累  
白頭風雨哭亡兒

吾師視病踏荒苔執手南窓話可哀日日登堂羣從在  
眼中少却一人來

蕭蕭白髮迴添愁往日憐才事已休地下有魂招不得

也應惆悵鳳凰樓

頻年倚托謝家昆勸讀留餐總是恩從此春風吹夢斷  
滿庭芳草不開門

殘燈明滅可憐身阿姊相依共愴神臨別叮嚀含淚說  
好生看顧老年人

論文把酒舊同羣離散今朝似斷雲歲歲東風寒食節  
誰披荒草看孤墳

吳荻

字秋浦有神童之目年十五早亡

夜讀

東華詩存卷之三十七

舌

文圖

侍飲庭闈後芸窓靜不囂三冬真足用五夜敢辭勞鶴  
夢看方穩雞聲聽未號唇枯茶正熟雀舌點銀濤

隨祖及父併兩兄登狼山

髫年初到紫狼峰目駭心怡遊興濃塔影高懸低日月  
江聲怒吼縮蛟龍松林欲斷藤為續石屋常闔雲又封  
捧杖追隨三世集咏歸晚郭寺鳴鐘

歸自五山憶舊遊

還家魂夢倚山樓拈筆猶能紀勝遊石壁倒垂樵路險  
松屏斜挿洞門幽半天鐘磬仍墻角平地笙歌已樹頭  
一自江雲盪胸臆眼前何處著閒愁

病中口占

洞口桃花春晝閒偶隨流水到人閒紅塵洗盡滄波冷  
化作白雲歸故山

茫茫宇宙一空花來路無踪去路賒東望蓬瀛何處是  
好乘明月踏青霞

吳正笏

字颺奏邑庠生

宿摩訶山寺聞鐘

孤岫中流聳碧霄躋攀薄暮憇僧寮雲迷松頂鶴巢靜  
月湧江心龍窟搖峰勢南臨吳下地鐘聲東吼海門潮

東華詩存卷之三十七

重

文圖

繩牀夢醒清涼界身世驚塵頓寂寥

瘦香亭探梅

霜雪霏微裏行吟不憚勞香因寒益潔骨以瘦彌高春  
信何曾與天心自可操相看無限意痛飲甕中醪

吳義合

字明良號南濱邑文學

薑芥園館中述懷

十里南園路琴書一室隨祇因餬數口豈曰好為師離  
外烟雲淡窓前筆翰怡小人猶有母嘗食愧無遺

石中騶

字汝開號春浦弱冠早卒

上已

撥人春色惠風清小撥蘭橈載酒行處處天桃飛燕子  
村村芳樹轉流鶯波浮遠浦環江寺雲挾輕陰覆雒城  
一詠一觴歸緩緩海棠枝上月初生

寒食次台兒莊

前林雨霽遠山痕寒食淒涼古渡村陌上閒花隨落日  
壚頭新月近黃昏迢迢芳草懷人夢輓輓塵車愴客魂  
異地可憐逢節序茲鄉思不堪論

阻風黃河口

東臯詩存卷之三十七

壬

文圃

亂山落日路悠悠纔繫黃河古渡頭酒醒月斜人寂寞  
拍天春浪打孤舟

金臺冬夜和王三穎長

孤懷落落醉還醒良夜迢迢玉漏頻疎樹寒烟蕭寺月  
朔風遶雁薊門身鄉心不覺歸途遠壯志空嗟客夢新  
挑盡寒燈詩未就與君同是苦吟人

京邸雨後

林表初過雨寺樓正晚晴月來花弄影風定鐸傳聲酒  
就隣僧借詩從逋客評西山雲外出轉覺旅懷清

九日同人登望江樓

樓指近佳節登高喜共游黃花溪路晚紅葉雁聲秋暝  
色沉江郭風光半寺樓興來催月上絃管莫停留

仲鶴翁

字羽豐早卒

雪得梅字

瓊作平堦玉作臺小園飛雪滿空來隨風素影凝書案  
似月寒光浸酒杯幾點輕飄沿閣柳一枝重壓傍牆梅  
知他橋畔尋詩客驢背長吟又幾迴

吳承宜

字佑申號適齋邑庠生

東臯詩存卷之三十七

壬

文圃

陳南鄉齋中坐雨

街泥綠底事閑寂自堪憐戶啟茶烟颺苔殘展齒圓刺  
談將午夜一雨欲秋天我豈南州客今宵榻未懸

戊婦

日日望邊塞孤幃愁自生寒衣昨夜去羌虜幾時平缺  
月影偏照深宵夢不成鄰家箏韻遠疑惑是砧聲

七夕

銀漢淡逾清鵲橋成未成難消隔歲恨最感此時情溪  
冷沉斜月樓空對短檠予懷空渺渺愁坐到天明

盆蘭

幽谷傳芳草盆中暗吐香微風薰淺酌驟雨襲空堂影  
帶文窓靜烟生夜月涼見珍常異地何必在瀟湘

酌友惠米

數畝荒田仗老農幾經水旱竈塵封頻開綠蟻綠君醉  
細落紅蓮為客春高閣日沉餘喜色晚厨烟最戀朝餐  
最欣得米腰如故徙倚桐陰月色溶

夜長

秋來夜坐苦無棕耿耿銀河冷露中粉堵光移騰海月  
檐鈴響徹度林風坐深幾度挑殘燄聽遠還聞喚小紅  
最是砌蛩吟太苦一般清韻渺難窮

東臯詩存

卷之三十七

三

文圖

吳大生

字春熙十四歲遊庠旋以羸疾卒

石谿草堂

石谿前輩大名垂文采風流盡在茲丈室流萍原自命  
百花詩草可方斯藏書不問何人宅餘韻堪為異代師  
景仰孤標似山斗莫言潘郎一官卑

宗雲程

字扶萬早卒

虞美人

嫩綠繁紅絕世姿楚宮一望一長思即今花態猶如此

況是當年歌舞時

沙熙儒

字孔範號晴江早卒

贈舍將菴僧

禮遍名山杖錫回禪關靜掩却塵埃蒲穿已證如來果  
詩瘦還同賈島才清磬一聲緇貝葉疎梅幾片點茶杯  
晨鐘夜月拈花笑不信人間有劫灰

月

碧天露冷夜初清迢遞高城未報更獨上南樓心似水  
一彎秋月照人明

東臯詩存

卷之三十七

无

文圖

冒杜

字芳洲號東園著有綠蘿館詩卒於蜀

秋夕自柴灣歸

荻花楓葉映前溪十里秋林入望迷古渡西風停短棹  
殘陽茅店聽荒雞村姑戴笠閒驅犢野叟麾羊畢上隄  
農務漸閒村巷靜酒帘近在石橋西

題画

矮屋臨江岸門前上晚潮一聲清磬響山月度溪橋  
楊柳綠依依沿隄乳燕飛春風芳草路落日酒帘稀  
江閣春風動梅花細細開當年孟處士冒雪跨驢來

白鷗環清渚蘆花繞岸迷高人耽幽僻門閉板橋西

孫煒

字亦明早卒

送春

殘夢闌心睡起遲困人天氣雨如絲呢喃最惱將雛燕  
飛盡榆錢也不知

吳華

字湘彩亦字雲溪乾隆庚辰舉人

題侍御顧北墅表叔三里樓圖

不到鄉園幾十年披圖彷彿立前川半篙水漲溪頭綠

東臯詩存卷之三十七

辛

文圖

知是江南穀雨天

樓高百尺聳晴虛萬軸牙籤映碧除花雨一簾開別業

春風累世帶經鋤

參天翠竹貯青軒好客輕舟直到門最愛風林人靜後

讀書聲送出秋原

共羨河東三鳳飛一庭烟靄媚春暉白沙指點江村路

此是君家舊釣磯

范曾肇

字義言邑文學

海鶴

有鳥孤棲東海東舉頭萬里仰高空鯤鵬浩蕩神相洽  
雲水清虛性與同濯羽扶桑朝浴日翻身碧落夜培風  
漫言別是瀛壺種鶴鶴常歸靈囿中

東臯詩存

卷之三十七

壬

文圖

東臯詩存卷之三十八

同里江大鏡樓所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

名媛

吳夫人

賓玉先生配西嶺母

送春

年年此日送春歸無計留春與意違病眼還看佳景去

東臯詩存

卷之三十八

一

文圖

愁心忍逐落花飛殘紅未盡香餘細嫩綠初生陰乍肥

獨惜韶光容易老空庭寂寂對書幃

初夏檢書妹有畫蘭一幅感賦

枝頭梅子乍黃時恍挹幽芬動所思繡筆裁芳常伴我

朱顏遠嫁久懷伊蹉跎歲月輕舟杳悵望流雲過雁遲

只恐歸來容頓改相逢遙憶去時姿

雨後咏虞美人花

江東遺恨化芳薪浥露含姿未減春艷質淋香垂玉砌

嬌魂流涕襯纖塵蝶過為惜紅裙濕蜂散應憐翠黛顰

舊恨不須頻隨淚相親誰是楚宮人

曉望

春去空庭寂寂開簾望影斜不愁今日暗只怕雨交加

村居晚作

又復孤村暮羣鴉噪夕陽水流荒徑冷花發草堂香處

處烟波渺家家砧杵忙千戈渾不定何日駕歸航

村居逢中秋

茅舍逢佳節秋燈暗草堂盤餐畦菜美籬落野花香忍

負邀明月還愁念故鄉笙歌今夜少鼙鼓正茫茫

野望

山居頻悵望幾處暮鴉啼落日江濤吼歸雲古渡迷虛

東臯詩存

卷之三十八

二

文圖

舟天際近平野樹頭低滿目千戈裏偷生何處棲

初夏日釀酒懷夫子

黍釀青梅映小池遊人何事尚羈遲雙眉久淡懷君意

斗酒深藏待子時柳內金蟬聲欲起枝頭杜宇恨無期

徘徊花徑惟憐影香襲衣裾強自支

十五夜坐月

玉鏡今宵滿閒庭白晝同推窗憐素影學拜動離衣竹

葉烟中碧蓮房露下紅平生無一事多病怯囊空

種蘭

弱腕自移蘭幽香怯曉寒芳情誰得似秀色已堪餐帶

土披根易舍葩入俗難繁華消歇後幽夢倚闌干

春陰

花明春正好風雨忽相殘移步芳塵軟裁詩小閣寒鶯聲啼細葉蝶粉濕雕闌任爾韶光轉禪心好獨看

道經祖墓有感

祖墓舟從過含悽拜夕陽徒思金馬盛誰念玉魚亡松栢街頭賣麒麟廟裏藏翻然思伯道轉自得安康

憶妹

吾妹經年隔干戈况未休一書悲雁斷幾度對花愁人遠千峯暗家貧四季秋思伊常夜坐寒月上簾鉤

東華詩存卷之三十八

三

文淵

舟中即事

歸途何事轉生愁紅葉黃花滿路秋雲際哀鴻聲切切舟中弱息意悠悠一江冥霧催殘日孤寺疎鐘起碧流回首不堪頻黯淡故園猶在水西頭

秋夜病坐

扶病支頤坐更殘燭影微瓶花低不語窗月靜偏輝藥減因囊罄詩成覺意違霜飛寒自耐寂寂掩柴扉

和妹七夕懷歸韻

梧桐墜葉早驚秋淅葛涼生起暮愁廿四橋頭明月夜踏歌女伴尚嬌羞

青燈兀坐夜沉沉終日遙思獨爾深玉露侵花寒抱影相思兩地淚沾襟

明妃當日和番時似爾思鄉一段詩曾記海棠花下事聯吟小閣笑聲遲

貧病年來刺繡慵書聲只伴晚來鐘文章未必能衡命相見應憐別後容

范妹

字洛仙詩人獻重之女姪適諸生李延公著有貫月勛集

蟋蟀

東華詩存卷之三十八

四

文淵

秋聲聽不得况爾發哀吟遊子他鄉淚空閨此夜心已愁衾枕薄還慮塞垣深蕭瑟西風緊堪憐雪夜侵

和延公過曠菴看菊

獨坐深秋夜東籬羨爾過菊花應不少竹葉苦無多殘月依蒼蘚寒燈射綠蘿詩成霜露急衣薄奈君何

慰延公夫子

爾我傷心事淒其不忍言埋名驅薄俗把卷臥衡門終有風雲會休云愁恨繁况君詩思健相對好同論

雨窗述懷

楚江新漲後誰可慰離顏病極須增藥愁多不整鬟庭

花嗟已落林竹喜成斑擬便隨波去輕舟渡遠山

燈夕懷脫塵

家園昔日翫燈時歡笑同傾月下卮回首恰當三五夜  
斷腸真有百千思幽窗寂寞遙相憶細雨連綿事可悲  
世態不堪多冷暖須知爾我重交期

懷周羽步

故人離別幾經秋把酒看花淚未收數子交情他自劣  
兩年高誼爾偏優極天波浪誰懸榻翹首雲山獨倚樓  
何日江頭來一葉更從燈裏話深愁

新秋雨窗臥病兼懷延公

東華壽存卷之三十

五

文圖

惆悵連宵雨勢淫相思無那病來侵草亭乍逼蛩啼急  
藥餌難攻愁思深團扇懶揮魂莫定疎簾不卷獨微吟  
勞君慰我書頻寄何日能寬別恨心

秋夜懷延公

誰道新秋好何曾暑氣微夜闌渾不寐只是減腰圍

贈別周羽步

與子連宵賦鵲鴒誰知江岸又揚舲無情最是橋邊柳

吹向人間長短亭

輓吳湄蘭

辭卻人間已一年傷心惟見草芊芊泉臺隔斷情難斷

夢裏相逢覺後憐

桂月年年列綺筵花開今日最堪憐瓊樓一別無消息  
風雨青燈我未眠

癸卯暮春雨夜挑燈偶檢殘帙忽得羽步詩湄

蘭書潛然涕下因賦

百花叢裏共論詩燭炮香銷是此時怪殺輕帆人去盡  
一天愁恨許誰知

次寄延公秦淮

自從人上木蘭舟為爾新添萬斛愁明月一簾花滿路

秦淮雖好莫貪遊

東華壽存卷之三十

六

文圖

七夕

此夕清光影半輪樓頭花果又重陳雙星今夜情多少  
無那深閨憶故人

輓吳蓋仙

曾記扁舟渡碧溪到來同擬樂幽棲談經未盡三乘法  
揮手難容半日稽情深粉蝶莊周夢淚落紅波杜宇啼  
獨我竹林交誼重憐才真與古今齊

題女兄蔣冰心小照和伯父仙槎原韻

花如人貌玉如身閑坐匡牀絕點塵賈得生銷剛一幅  
親勞周昉為傳神



宮婉蘭

泰州宮紫元先生女適邑諸生冒褒著梅花

樓詩行世

留春

寂寂深閨燕語忙庭前時有落花香十分春色難留戀  
一種離情易感傷曉見曉風吹素幔旋驚新雨溢芳塘  
柳絲折盡不成別何日重逢共舉觴

寄淮陰陳二姪女

月映簾櫳樹影深瑤琴彈罷少知音淮陰人遠無芳訊  
流水高山共此心

東華詩存

卷之三十

七

文圖

仲夏同八嫂韓夫人于溪湖看荷

于溪湖口採蓮香並坐烹茶泛野航誰道嬌紅難比艷  
名花不讓美人妝

看芍藥

夜深殘月轉迴廊輕掩紗窗憶故鄉記得去年今日裏  
翻階芍藥怨紅香

見杜鵑花憶先慈

斜風細雨送春光病骨闌珊懶下牀記得慈親勞遠寄  
杜鵑花發更悲傷

冬日畫梅花

獨坐幽窗下寒風透碧紗染毫渾不覺為愛一枝斜

月夜同張大姪女摘茉莉

別久話偏長空庭月過牆煩君親採摘聊共點殘妝

寄八嫂

夜闌人靜憶同遊老大還家不自由四載相思莫相見  
何時共泛採蓮舟

元宵喜晤十六姪如岡

汝來恰值傳柑節我老驚看兩鬢銀回首弟兄多隔別  
相逢于姪獨情親梅殘正好迎新月柳放何堪又暮春  
帶水家鄉原不遠衰年惟有淚沾巾

東華詩存

卷之三十

八

文圖

七弟東表登舟阻風雨

十日樓前對早梅片帆何事忽相催多情只有狂風雨  
特遣行人去復來

寄大兄中丞公

吾家諸弟妹最長共推兄大孝能揚顯清時際 聖明  
賤貧安我分骨肉見君情甘載傷離別吳陵隔雒城

和四兄廣文貼梅原韻

每思兄妹各中年隔歲離情倍惘然拈得新詞勞遠寄  
畫來紈扇復爭傳一枝貼辦梅相贈四月聽鶯聲可憐  
有約買舟期速發莫虛同醉石榴前

海陵留別二嫂卞夫人

數月相依情更深殷勤棋局託知音黃花綠酒難為別  
萬斛愁堆一寸心

禹兒重修倩石居賦以志感

老屋忽更新含悲念先世憶姑永訣年未遂含飴志轉  
盼育三男技浹拜天賜愛若掌中珍眠食何曾離此居  
名倩石一敗竟塗地廿載委荆榛補過在羣穉一旦汝  
繩武堂構渾無異磊磊壁間石殘柯倚蒼翠努力習詩  
書忍使後莫繼淡泊絕玩好溫恭敏才氣比肩兩雁行  
仗汝恩掩義日夕侍明師慎勿輕暴棄長慟告吾姑諸  
東華詩存卷之三十八 九 文圖

孫將成器

新荷

點溪小葉正田田綠淨香清碧浪牽風動露珠光不定  
烟迷月色影初圓鴛鴦未許留深蓋鷗鷺難棲貼水邊  
待得高枝堪進酒納涼時候採紅蓮

慶餘堂蠟梅

莫向窮冬怨獨開孤芳原自絕塵埃檀心似與春相避  
素影偏宜月共來歷盡冰霜標冷韻恥隨桃李點蒼苔  
酒溫爐熱疎牕下為愛幽香首重回

秋日和十一姪逸原貼梅原韻

望去秋深雁影徂梅花何處惜春蕪重拈佳句饒清俊  
欲借香風信有無把筆自慚三折少向榮莫放一枝枯  
思鄉憶汝東牀選諸子龍文果不殊

和八弟友鹿詩扇

清和紈扇寄來新才調吾家第一人憶弟思鄉深夢寐  
衰年骨肉倍情親

冒德娟

字熾婉鑄錯老人女適貢生石巨開著有自

怡軒詩集

中秋

東華詩存卷之三十八

十

文圖

秋光清爽自年年病體支離懶向前叢桂開殘香欲冷  
塞鴻飛急影還連更殘稚子猶相戲月轉高堂想未眠  
此夕萬家同促膝嫦娥應不受人憐

和芳芸題壁詩

殘編閒檢夕陽低乍見瑤華意欲迷到日揮毫情脉脉  
去時遺恨草萋萋香奩何事罹塵網繡閣翻驚逐馬蹄  
父執當年詩句好頻留彩筆向窗西

咏慶餘堂蠟梅同家大人三叔父兩弟分賦得

十灰

羣英落盡見黃梅懶趁春光歲暮開蠟染枝頭烟雪冷

香銷燈畔夢魂來粧成偏愛孤芳近愁破還將好句裁  
美景病中容易擲卻虛披拂立蒼苔

春夕

多病多憂已半生好花好月總無情簷前怕聽三更雨  
枝上偏憐百舌聲志逐曉烟消不斷愁如春浪去難平  
思歸屢作斑衣夢幾度驚魂蝶未成

暇日

曉卷珠簾百草妍深閨無事倚闌前芳春已近花朝節  
細雨偏催寒食天題句不忘聽好鳥披衣半欲學逃禪  
賞心莫訝韶光速滿砌殘梅倍可憐

東臯詩存

卷之三十六

士

文圖

月夜再過玉簡弟松濤軒同兄青若觀菊

重陽已過尚秋清探菊相攜小徑行花愛重來看更好  
剪憐初滿較前明霜侵衣袂忘深夜影亂簾櫳數雁聲  
聯句弟兄皆絕唱殘毫續和祇怡情

和三兄春日過李姑丈舊園原韻

極目春光好無端感慨侵荒階生舊草禿樹立新禽事  
已留空迹門衰負好吟覆巢存大節何必淚沾襟

望月

秋月明如洗清光夜寂寥幽花沾露冷殘葉逐風飄懶  
上調絃曲無心弄玉簫綺窗留素影相對慰今宵

春日病起

深閨初起惜春天弱質蕭條倍可憐無奈東風寒食近  
新齊綠草帶疎烟

月夜懷弟

小院清風剪玉流懷人天末獨登樓欲將心事憑楊柳  
葉葉絲絲總繫愁

題虞美人扇

化作花魂喚美人綠情紅意寫來真染毫若比瑤琴動  
葉葉枝枝更有神

夜雨

東臯詩存  
卷之三十六  
士  
文圖  
細數鐘聲慰寂寥無端風雨更蕭條春來何限傷心事  
剩有殘燈度此宵

秋窗

曲徑幽花弄影疎紗窗雨過小涼初年年瘦盡傷秋骨  
日日空隨數卷書

春病

小窗深坐奈愁何細草叢生似恨多休怪東風情意薄  
好春偏在病中過

秋夜

飄來紅葉忽成秋又見雙星兩地愁階下細蟲喧不歇

簾前紫燕語難留空庭砧杵催長夜遠寺鐘魚逼戍樓  
薄醉欲眠猶未得綺窗遙望月如鉤

春閨

風動簾櫳春晝長鶯聲催起整殘粧獨行亭畔拈花朵  
不覺羅衣怯晚涼

暮春

閒步空階有所思無端新綠又盈枝暮春天氣人如醉  
喜聽鶯聲未老時

秋窗雜咏

帶病含愁淚濕衣夢魂猶自戀親闈何時忽化雙蝴蝶  
東華詩存卷之三十八 文園

長繞萱花椿樹飛

風箏

積雨初晴天氣清小姑含笑理風箏擡頭忽見雙飛燕  
似有參差不語情

曉起

曉來初起對窗紗日上珠簾弄影斜風動高枝黃鳥轉  
聲聲啼向碧桃花

夏日

芭蕉深綠映空廊高柳蟬鳴晝景長悶卷珠簾看日影  
鴛鴦相並立池塘

向鄰翁乞花代篆兒作

無限窮愁何足惜迴廊閒步心如失朔風陣陣異香生  
回頭牆外花枝出但覺枝高朵朵叢那能盡日往花中  
無計得花甚徘徊走東呼童問鄰翁記昨分香拜君惠  
今年還望仍相餽極知惜花不願多數枝瓶供消殘歲  
主人濶達且賢豪舉手攀枝興更陶把酒對花雪正大  
聊吟短句燈獨挑

歲暮攜篆兒就婚吳陵席上留別諸兄弟

咏絮堂前聚弟兄北風淒厲感遐征牽衣忍說親年邁  
惜別難忘手足情雪意滿空寒入座燈花高吐酒徐傾  
東華詩存卷之三十八 文園

孤懷莫謂隨時遣遠道移家怯送迎

促織

促織無端感慨侵高秋只解發哀吟眠花帶露淒長夜  
傍月隨風急暮砧晚院清清還獨聽天涯處處若為心  
那知弱質成衰疾更入深寒恐不禁

莫春媳婦歸寧口占寄懷

嫩綠初齊覆古廊離情種種助淒涼輕風送暖催歸燕  
細雨傷春枉斷腸不盡尊前成聚散那堪鬢禿損年光  
寸箋欲寄鱗鴻杳須念空家勝故鄉

答吳夫人原韻

共道詞壇第一仙  
瑤章投贈感相憐  
水操不讓共姜節  
訓子還同孟母賢  
鸞韻久傳推獨步  
鶯簧初弄敢隨肩  
何時得遂登龍願  
拂塵深閨細話禪

輓吳老夫人

如此竟長別  
空餘淚點然  
陽春難再續  
黃鶴豈虛傳  
驟雨傾珠樹  
層雲蔽玉田  
沉吟思悄絕  
空訝碧桃鮮  
抱病同三載  
殷勤寄錦箋  
逃禪叅古佛  
教子法前賢  
下世人皆惜  
看花鳥亦憐  
粧臺疎識面  
寫恨到重泉

新月

愛此春宵月  
新晴卻上弦  
微光浮葉嫩  
淡影失花鮮  
有意窺寥泖  
無愁想湛圓  
空階閒立久  
遙對慰遲眠

東華詩存

卷之三十八

五

文圖

七夕

銀河耿耿翠雲浮  
為玩雙星獨倚樓  
只道人間多別恨  
誰知天上有離愁

病中寄家大人

屈指沉疴已十旬  
歸期不定日思親  
新齊芳草盈階綠  
細雨淒涼又送春  
殘書悶展掩柴扉  
獨對晴空盼落暉  
安得身如新燕子  
隨風常繞此堂飛

似我曾誰話至情  
自憐形影耐長更  
添愁最是終宵雨

挑盡殘燈夢不成

鴻鵠襟懷志未忘  
遭逢何事不神傷  
欲知眼底無窮意  
一首詩成淚萬行

鄧繁禎

字墨嫻  
藍田令謙谷公女  
適冒禹書著有思  
親吟靜漪閣詩草

天祐堂侍家嚴看菊

天氣屆深秋  
重陽正在目  
淵明住柴桑  
杜甫居白屋  
高士寄襟懷  
抒情唯採菊  
觴詠招友朋  
珍賞媚幽獨  
嚴親解組歸  
閒居領清福  
天祐顏其堂  
手培多竹木  
花種五畝園  
人在衆香國  
布置兩廊下  
夜遊常秉燭  
高低既已空  
向背更相屬  
圓方列幾几  
珍錯陳水陸  
旨酒宴嘉賓  
清音辨竹肉  
簾垂亦相羊  
雜座無拘束  
弟妹樂陶陶  
歲時空鹿鹿  
但願親長健  
良會日相續

庚辰仲春侍家大人遊西湖

名遊自古說  
西湖唐宋於  
今有鉅儒  
太守風流隄號白  
眉山詩酒人  
稱蘇低昂岳  
墓雲橫石  
南北高峯水  
滿渠花柳六  
橋搖畫舫  
樓臺數仞聳  
名都隔林飛  
蓋花千樹  
夾道沙籠燭  
兩株布幙晨  
張彈穆護  
羅幃晚唱聽  
吳趨雕闌鸚鵡  
偕人語碧沼  
鴛鴦交頸呼  
走馬池塘青  
袖窄

東華詩存

卷之三十八

六

文圖

關雞山礪翠林紆一家歡聚天涯樂二月風光淑景娛  
乳燕雛鶯飛暖谷桃紅梨白燦城隅徘徊我已遊仙境  
恍惚身疑在畫圖

新秋

漸覺涼風動猶然暑未收空庭纖月落敗壁亂蛩投旅  
雁蕭蕭度殘砧處處愁凋零楓樹葉又是一番秋

寄懷夫子

留春春不住送春春未央養蠶初上箔欲採陌上桑嗟  
我懷遠人採桑不盈筐深林聞鶉啼鶉啼斷人腸

秋日

東臯詩存卷之三十人  
隱凡人愁坐夜分暑氣消乍涼霜有信久旱海無潮蕉  
老心空卷蒲荒鬢共凋歲時閨後早秋事已蕭條

題貼梅

怕教春事委蒼苔故使春花四序開疎影暗香都可挹  
卻無蜂蝶認枝來

和比丘尼藥林師原倡

病不禁秋秋已深禪宗澹定可輸心昔年雙禮青蓮坐  
藥林弟臥雲道人  
曾過草舍茶話  
此夕重聆白雪音仄徑月明侵短鬢  
西風葉落響疎林殷勤為訂重來約莫負黃花續苦吟  
贈許五表妹

渭陽小妹擅才華道蘊無慙出謝家綠鬢光偏憐素影  
芳姿弱不勝春紗玩花攜手詩情劇愛月開簾秋思賒  
縱隔雲山原咫尺惱人離別是啼鴉

秋日舟中

衰草淒淒已暮秋雲烟漠漠泛孤舟荒村砧杵千家急  
野水菰蒲百里愁蓬影參差依斷岸棹聲潑刺逐長流  
懸崖楓樹飄紅葉交映殘霞古渡頭

贈夏老吾母勝僕也

秦腰當年舊紀綱渭陽人已老南陽客逢白髮哀東里  
我見青衣慟此堂往事盡成天寶曲衰年合醉華門觴

東臯詩存卷之三十人

六

文圖

庚公橡栗無須拾朝夕還堪給糗糧

秋雨思親

秋宵成兀坐細雨被風侵愁緒怨長夜幽懷深素琴最  
憐毛裏句空負夢我吟蠟炬垂紅淚難灰一寸心

聞蛩

蟲有何哀怨黃昏不住鳴繞幃千遍語驚夢十年情風  
透衾稠薄月臨枕單清井梧吹葉落古砌聚秋聲

喜晤謝二妹

憶昔廣陵別悠悠忽到今離懷言未盡觸目感偏深莫  
怨長江遠徒傷千里心寸腸同槁木相對一沾襟

范貞儀

國學范毅女適貢生高讓九年夫歿守節二

十三年乾隆丁巳旌其門著愁叢集行世

閔先舅服

三年服闋暗魂驚瞬息流光節序更兩世藐孤增內疚  
空閨殘喘痛餘生樽前手澤含愁設席上溪毛帶淚烹  
句二

不獨傷心菊又殘九月終天悲慕總無端緹縈有志回

天易杵臼無謀報德難荆棘一庭瓊樹弱風霜滿目玉

輪寒天空有鶴歸華表憔悴應知未忍看

東華詩存卷之三十八

文

重九先夫子忌辰

遍插茱萸句忍忘臨終誦王摩詰過神最傷心日是重

陽空閨多恨秋先老遠鶴無音夢正長半世淒清同皓

月廿年辛苦歷繁霜楚詞讀罷招魂句未見乘風返故

鄉

春日經理綠雪山房

荒館經時未啟扉眼前烟景與心違頻逢風雨花應瘦  
久廢刪鋤草漸肥小閣香泥巢乳燕短牆蛛網挂春暉  
伯勞底事東飛去春晝年年未見歸

勉諸幼叔

諸郎孤幼總堪悲風雨相依忍暫離  
空困無米代君炊夢我抱痛篇空廢梨棗分甘愛共推

惟願青雲連袂上愁叢人待展雙眉

對鏡

匣裏青銅久閉藏暫時相對轉心傷飛蓬欲化三秋草  
瘦骨真成百鍊鋼香閣夢迴山月冷玉臺人去鶴書荒  
薛媛欲寫丹青寄天上人間恨渺茫

叔姑衡州府楊恭人扶叔翁觀歸里詩以慰之

幾載衡山坐翠微繁華今逐曉雲飛空留破鏡孤鸞在  
不見題橋驕馬歸別淚應添新楚竹餘香猶染舊朝衣

東華詩存卷之三十八

文

故園松菊曾無恙林下高風正可依

甲辰二月六日晤叔姑楊恭人聚首月餘一別

七年辛亥二月六日又復來舍喜極賦此

趨拜魚軒七載前風光如是憶當年梅花滿院還連榻

新月浮雲又半弦執手驚憐人共老相逢疑夢燭重然

夫人隆眷情何極仍借衡山祝壽筵

春夜命酒示諸幼叔

簾捲湘文景物殊梅花香氣襲庭除春燈燭影雙雙鳥  
晚膳盤餐六六魚雲破天青新透月蠹侵塵暗舊藏書  
陶分禹寸君須省莫負春風二月初

為二叔完姻誌喜

江梅花放稚春天，幙綰紅絲繡閣前。  
合卺香溶銀燭下，思親夢斷彩雲邊。  
才慙郝氏陪鍾貴，婦係胡太史女學繼昌黎望叔賢。  
韓文公幼依嫂氏薄產遺書持護在，好調錦瑟度華年。

讀漢書有感

綠遍江南春不知，湘江半為寫愁思。  
彩雲望斷仙踪杳，華表空留鶴語遲。  
且讀漢書消白晝，休窺秦鏡惜青絲。  
班姬馮媛俱零賤，可許閨人泣數奇。

柳

暖風微漾雪初晴，晝暝溪橋水正盈。  
嫩葉不禁鶯燕力，東華請看卷之三十入

圭

文淵

柔絲能繫古今情，年年車馬隋隄路。  
冉冉旌旗漢將營，珍貯永豐猶自惜。  
慢和烟雨送人行。

禱神

陳詞謾展兔毫輕，遙對仙壇露氣清。  
性僻所貪惟翰墨，時艱寧憚竭忠貞。  
分飛亦已安吾命，紙牘難忘憶子情。  
香蕪金爐頻稽首，還將夙業問前生。

省墓

野草茸茸綠正柔，浪花千點泛孤舟。  
塚中人隔烟霞冷，閨裏愁催鬢髮秋。  
化石未成清淚溢，充熊無效壯心收。  
多情不及天邊月，夜夜流光照隴頭。

輓朱夫人

佐讀甘貧靜閉門，辟繡夜夜學同論。  
清泉作鏡梳蓬鬢，冷竈為炊煮菜根。  
有媳夜臺扶瘦影，無兒苦塊伴幽魂。  
時子遠遊三年夫婦同淪沒，誰識城南隱士村。

秋日郊南掃墓

江澄天濶片帆來，烟草斜陽極目哀。  
愁倚雲根人未化，忍持松樹手親栽。  
霜華荏苒侵蓬鬢，心鐵銷磨盡劫灰。  
卻看荒山念華屋，祇憑清淚落泉臺。

潛葬逢雨

颯颯西風拂影寒，將孤扶輦葬江干。  
蒼天一似憐嫠婦，東華請看卷之三十入

圭

文淵

淚雨淋漓滴未乾。

七夕

雲路迢迢望眼迷，一年一度一佳期。  
雙星莫訝相逢少，猶勝人間永別離。

書懷

寂處空閨二十年，飛蓬久已棄花鈿。  
銀河洗出今宵月，好印予心對碧天。

讀名媛周羽步詩

揚袂狂歌歸去來，呆愚塵冷舊妝臺。  
重尋昔日裁詩處，寂寞東風掃綠苔。



讀名媛范洛仙詩

聞道芳名喚洛仙閨中秀傑俠中禪而今把卷歸何處  
原稿有把卷臥衡門之句留得新詩任我憐

讀名媛蔣冰心詩

愛爾高標林下風鉛華洗盡美人紅濕雲壓雪臨窗讀  
如醉春光二月中

讀湘中女子詩

羯鼓聲高國士非香消化作彩雲歸至今夜夜湘江月  
猶照芳魂伴二妃

次原韻東月三弟

東華詩存卷之三十六

章

文圖

欲和慙非道韞才梅花此際為君開焚香掃徑攜冰雪  
願解匡言望爾來

寄迦陵弟客廣陵

君去揚州月幾圓芙蓉秋老滯江干不知帝子修文地  
今日誰憐范叔寒

謁先人塋

空山寂寂恨漫漫泉下憑誰請玉安紙蝶飛殘人去後  
松枝露滴月光寒

寄懷叔姑衡陽夫人

草暖風輕笑語溫櫻桃花下侍金尊而今草沒西園路

冷雨斜風只閉門

蕭疎短髮不勝情淚暗征帆送嬾行惆悵當年分袂處  
江天渺渺暮雲平

有感

疊壘時同覓蒨歸汙泥不惜點人衣而今輕逐西風去  
剩有孤雛繞棟飛

梅花嶺蕭節婦墓

欲將玉骨並梅花淚竭啼鵲觀嶺霞青史未知名載否  
荒烟古木噪寒鴉

遣嫁侍婢瑤琴

東華詩存卷之三十六

吉

文圖

殘燈影裏伴孤吟探月尋書最實心病裏不知人已去  
猶然支枕喚瑤琴

春日逸園訪冒四姑

修竹千竿滌綠塵梅飄香雪點芳茵眼前風物清如許  
好與鶯花作主人

春草軒感舊

池塘春水碧盈盈草亂鶯飛雨乍晴記得水晶簾影下  
攤書曾作女書生

水繪園故址

蛛網烟絲戶久扃畫梁檀板黯歌塵春歸王謝堂前燕

曾憶當年舊主人

野草芊芊暮靄迷  
鉢池春水碎玻璃  
匿峯廬內無人處  
月落蒼茫叫子規

懷故居東月三弟

雅律旋迎淑景新  
水雲猶滯未歸人  
不須頻咏池塘草  
亭館今非謝氏春

白髮開元易感傷  
東風桃李盡芬芳  
可憐不及春歸燕  
猶自翩跹入畫堂

悼衡陽夫人

生死因緣憾未除  
天涯渺渺獨愁予  
夜臺似比衡陽遠  
東華詩存卷之三十一

歸雁來時未見書

聞侍者述四姑近況

文君四壁錦城蕪  
憐汝荒村壁也無  
漫訝風鬟憔悴甚  
當年曾是掌中珠

絕命詞

疾病纏身已再春  
稜稜瘦骨半非人  
懸崖撒手吾誠願  
誰補孤兒未了因

東華詩存卷之三十九

同里江大銳撰所

興化王國棟竹樓全訂  
同里汪之珩璞莊徵輯

同里黃振瘦石

興化左亭筠谿校訛

吳師韞

字慧菴候選州牧方村女羅定州牧尚友姊

適武林詩人施槃有蕉雨軒遺稿

閨中曲

日高人已罷梳頭  
淡淡眉山畫便休  
怕見陌頭楊柳色  
東華詩存卷之三十九

一春從不上妝樓

裊裊爐烟春晝長  
水晶簾撲柳花香  
院牆隔不東風斷  
吹過琴聲到玉堂

揭起珠簾下玉階

落花如繡滿蒼苔  
朱門不解關春色  
放出一枝紅杏開

梅影次女弟澤文韻

春風昨夜渡江潯

疏影梅花瘦不禁  
薄暝倚松來戶下  
清宵扶竹上牆陰

雪消瀟水流還在  
夢斷羅浮月未沉  
無數橫斜好風致

六橋烟雨暗難尋

畫臥

安心澡雪盡教空長日深閨一枕中拂塵飛塵難我污  
支頤清夢許誰同靜驚舞燕穿簾影涼受高梧灑地風  
慙愧夕陽如有意醒來每在小窗東

弔王烈婦

憑弔貞娥詩幾章落花鳴鳥斷人腸  
滿淚成波入海長三尺羅巾魂窈窕一篇血誓字淒涼  
恩情節義從今盡留得豐碑草木香

錢塘弄潮詞

分棚逐隊聚吳兒共看秋江關水嬉  
白馬銀濤千古恨誰將杯酒酌鴟夷

東華詩存卷之三十九

文圖

衝風送浪氣如雲生小乘潮迴出羣要與天吳爭上下  
橫江不數水犀軍

斬齊舴艋戲中流卻似平沙點點鷗沒入潮頭看不見  
空江萬里白雲秋

日落長城鼓角豪天風吼斷起銀濤平分翠浪千餘疊  
一葉輕舟似剪刀

半是吳音半越音菱歌嫋嫋出波心西興渡口錢塘岸  
夕照蒼茫對閃金

新荷

擘絮雲開宿雨收藕花池畔看荷抽  
尖尖出水無多許

早有蜻蜓立上頭

木芙蓉

雲薄西風試曉霜輕紅小袖颺迴塘  
要知盡倒珠璣匣難寫仙姿一段妝

芭蕉

天賜詩人綠玉箋臨波清拂墨池烟  
每于風雨瀟瀟下長送秋聲到枕邊

咏斑竹簾

霞光穿透碧瓊瓏小幙冰紋掩映紅  
眉月半彎生黛色烟香幾度逗春風  
杜鵑啼血痕猶在燕子尋巢路未通

東華詩存卷之三十九

文圖

七尺琅玕搖影動恐驚別調上絲桐

秋蟬

最是銷魂落照低一聲衰柳白門西  
月明隋苑含風咽雨歇章臺抱葉嘶  
好與寒螢同梗泛也和秋燕一枝棲  
前身說是姬人化長向深閨道姓齊

沙鷗清

字秋月朱三梧配著有拾鈿遺稿

自君之出矣

自君之出矣不復理殘機機中頭緒多  
歷亂無所依

蠡湖有感

生也無涯卻有涯眼前誰不是浮家吳宮歌舞今何在  
范蠡湖邊草木華

懷母雷州

不見慈顏已十年望穿雙眼海康天大兄迎養應無缺  
弱女牽懷獨可憐萬疊雲山惟見夢一腔憂忿不成眠  
草堂別析甘藜藿訴與親知涕亦漣

課子

謀食須耕稼修身在讀書非徒勤口耳亦足慎居諸去  
惡如芟莠希賢乃遂初慙余胎教失自勉庶徐徐

燈花

東事詩存卷之三十九  
閒挑玉盞縷清烟忽見雙雙並吐蓮紫燄輝煌疑鳳彩  
青燐璀璨照人眠敲來響應銅盤落看到更深寶穗懸  
知有禎祥從此報何須袖底卜金錢

白苧詞和夫子韻

讀君白苧詞理我白苧絲白苧絲可理憂心悄難披朝  
紡夜績功無數機鳴軸轉始成布端委紛紛自剪裁翻  
雲翻雪復相猜炎天酷日惜同轉疾風暴雨慘兩袖此  
日衣成勝羅襦此日看體體亦殊君不見綺羅繡縠無  
苦辛素絲苧麻得天真

叢禧

邑庠生長茂女適邑庠生候選縣丞石升  
春景

池塘綠柳聽鶯新萬樹桃花一片春莫道村居住趣少  
十千沽酒醉芳辰

夏景

茆亭避暑綠溪邊荷葉荷花荇藻牽常有香風來小座  
不殊湖上採蓮船

秋景

金風陣陣透窗紗籬菊叢叢盡綻葩四壁蟲吟如歎息  
幾聲霜杵起誰家

咏賣花

滿擔嬌紅出洛陽聲聲叫過畫樓牆深閨驚動香魂夢  
忙起梳頭對鏡妝

咏燕

新飛紫燕羽高翔日日呢喃繞畫梁玉尾拖來雙剪鈍  
烏衣染盡百花香昭陽殿裏情何寄王謝堂前意久傷  
春社自來秋自去年來往為誰忙

看花

千紅萬紫逞春芳陣陣風來滿院香粉蝶翩翩渾自舞  
黃鸝嬌巧為誰忙踏歌柳陌情何限遊冶花源興更長

不羨洛陽三月景村居亦自足徜徉

牧

漠漠春陰柳帶烟數聲牧笛過前川風吹箬笠隨花舞  
雨灑蓑衣跨犢眠有志何須歌扣角無心且自任垂鞭  
幾多名利奔馳客那識逍遙不用牽

漁

閒來一葉向江湖七尺絲綸一尺鱸瀟灑生涯雲水裏  
桃源莫問有還無

樵

攜將柯斧入嶙峋滿擔青松月一輪若遇仙棋休戀着

東臯詩存卷之三十九

六

文圖

恐防老卻世間人

黃梅喜雨

何期梅雨及時流蛙鼓催來閒不休帶笠老農忙秉耒  
披蓑稚子急驅牛鉤來村釀香浮盃挿得新禾綠滿疇  
四野歌聲豐稔兆田頭乘興醉忘憂

月下白秋海棠

淡蕩秋風夜氣清海棠嬌艷色傾城相看最愛顏如玉  
寂寞墻根臥月明

叢祁誌

號舒卿長茂女適謝魚池有芳韻樓存稿

春景

眺遍春園景物幽枝枝花朵過墻頭黃蜂若解詩人意  
帶得餘香入畫樓

暮春

紛紛暮雨過窗紗消盡殘紅滿架花惟有詩懷消不盡  
又看芍藥鬪年華

夏景步何大仙韻

庭院沉沉日漸長松風琴韻滿書堂池邊芳草沾天綠  
水面荷花拂袖香

日暖風輕水色清雙雙鸕鶿浴浮萍荷香儘有西湖意

東臯詩存卷之三十九

七

文圖

碧水紅橋夏木青

秋景

一天涼月晚風深開綻黃花滿地金遙望丹山誰勸醉  
連宵青女過楓林

憶母

光陰彈指六經秋不及鳬雛傍母遊記得膝前如昨日  
音容渺渺淚交流

黃梅喜雨

傾盆澍雨潑梅天處處蛙聲似鼓闌帶笠農人趨隴上  
驅牛牧豎過村前水田新蒔秧針綠茆屋齊炊藜黍烟

閒望郊原貪遠聽山歌四起兆豐年

村景

一望山林帶雨痕牧童牽犢過前村  
飄飄漁笛隨風起  
嗚嗚山歌隔水翻祇為忘機拋日月  
莫教閒事老乾坤  
歸來乘興田頭坐卸卻蓑衣醉瓦盆

聞唱

歌聲笛韻隔雙扉怪煞清音入繡幃  
正是江城將五月  
滿村多少落梅飛

端陽後一日西行舟中作

浮槎一葉發臯東笑指榴花正艷紅  
百里烟濤帆影下

東臯詩存

卷之三十九

文圖

滿蓬響雨浪花中歷殘村店愁漁火聽盡田歌渡晚風  
為篤同懷甘跋涉等閒把袂樂何窮

夏旱得雨眼禱字

水涵長河枕畫橈青禾處處夢波濤連朝杳不聞蛙鼓  
徹夜喧然響桔槔頃刻興雲烟蔽野霎時暴雨水盈濠  
田家萬井歡聲遍柳外漁人弄小舸

新秋懷家君

又是新涼七月天睽違膝下恰經年白雲飄渺迷秋樹  
綠水迢遙起暮烟遊覽園亭風景在追隨杖履夢魂牽  
詩成每望推敲字何日西來一放船

顧志

字鶴園羅他山配

秋日夫子自東洵返

瀟瀟秋雨浥柴扉遙見輕帆柳外歸貧病連年兒女累  
風塵滿面鬢毛稀須知清淚盈眸落多為離魂入夢微  
黃葉可吹瓶已罄相逢悲喜兩依依

訓女徒

爾輩髫年立志時莫教遊戲逞嬌癡詩稱淑女儀堪仰  
傳載賢媛德可師刺繡春風須起早敲砧夜月要眠遲  
還將餘力攻書史內助規模就此知

東臯詩存

卷之三十九

文圖

除夕偶成

爆竹聲連遠近鄰知催節序欲更新滿斟柏葉辭年酒  
細數梅花待曉春串串青錢分稚子莖莖白髮對嬌親  
歲除可許愁除去一瓣香焚暗問神

雨中感懷

用唐句做雁序體

晝掩書齋覺日長門前草色任荒涼人無可語琴橫榻  
我正枯吟燕入梁百事其如千疊恨十年常是九迴腸  
怪他兒女嬌癡態遍繞庭階撲蝶忙

及時新雨逼肌涼晝掩書齋覺日長蒼苔潤開花百本  
梧桐洗淨樹千章如珠米貴難餐字似錦詩工枉挈囊

無那雙親含淚眼強沽杯酒慰昏黃

竹簾締衣五月涼多緣雨氣類瀟湘夜添溪漲聞清湧

晝掩書齋覺日長墻不加高留嫩綠籬方編密繞新篁

未吟白露兼葭句誰探伊人水一方

睡魔不敢入愁鄉遣夏新添賦幾行乏食饑禽鳴竹塢

思鄉人遠盼河梁時開鏡匣驚顏老晝掩書齋覺日長

賴有生徒多解意清泉烹就潤枯腸

笑煞秦妝與漢妝一時幾換鬪輕狂顧余獨有焚香坐

與俗曾無挈伴行即使貧真同阮籍尚容懶更學嵇康

自憐故態惟安素晝掩書齋覺日長

東華詩存

卷之三十九

十

文圖

高 紫

字亞蘭贊兩長女適邑庠生吳開泰著有龍

烟集

過樸巢故址贈次妹紫

髻年同習鵲巢詩偏爾聰明記不遺今日樸巢人已去

多才卻讓爾居之

晚集綠雪山房即事感賦

故園曾記昔年春今日相看賞復新歸燕來時猶識亞

穠花開處竟忘貧卻憐月是閨中月可惜人非鏡裏人

流景暗傷天又暝綠楊烟鎖翠眉顰

高 紫

字幼蘭贊兩次女適巢民先生曾孫國學生

維輯著有逸園集

寄嫂氏梅花二首

三吾往事總堪哀水繪春風盡劫灰猶有老梅一株在

強支霜雪近人開

寄將憔悴與君看人共梅花正一般只恐深閨還自惜

冰霜姿格有餘寒

袁 機

字素文江寧令枚妹適富平縣丞高枋里子

東華詩存

卷之三十九

十

文圖

繹祖

鏡

我有秦宮鏡清光欲上天近看花獨立遠望月孤懸菱

角何時鑄盤龍不計年無人來照影拋擲井欄邊

秋夜

不見深秋月影寒只聞風信響闌干閒庭落葉知多少

記取朝來着意看

閒情

欲卷湘簾問歲華不知春在幾人家一雙燕子殷勤甚

銜到窓前盡落花

得香亭步蟾兩弟家信作此寄之

經年離別恨何如漁弟樵兄兩索居每恐峯高無過雁  
偶因潮落有雙魚關山風月情何似鄉國琴書味有餘  
只為家貧歸未得江南江北各躊躇

細雨斜風冷畫屏西堂月落夢初醒女兒言語輸鸚鵡  
兄弟情懷感鵲鴿遠信有時憑客報書聲何日隔花聽  
吳綿買就無人寄腸斷秋山日暮青日注我生一女又得瘡疾

輓陶姬阿兄侍者

誰道孤鸞作別離紅蘭消歇彩雲悲妝空畫閣春歸早

親遠關山信到遲素紙臨風空望影燈花何日再論詩

東臯詩存卷之三十九

主

文圖

知君最是情難割膝下嬌癡有女兒

修眉雲髻態情情欲返香魂路莫尋針線頻勞雙手爪  
悲歡同說十年心無家歎我姻緣惡瘦影憐君春恨深  
從此綠窗金翠冷蘭薰粉澤盡消沉

寄姑

欲寄姑心曲盈盈一水長江流到門口中有淚雙行

阿兄得子不舉

方幸胞衣紫驚聞玉樹凋桂香初落子泡影不終朝門  
戶憑誰託麒麟不可招諸姑兼伯姊同有淚難消  
事好翻成夢天高欲問難如何終歲望不得片時看強

仕年將過徵蘭夢又殘堂堂頻問信強自報平安

寄二弟香亭

年來芳訊少雁字隔長河惜墨緣書拙敲詩費紙多生  
涯雲過影心事井消波極目遙天月清宵隱薜蘿

送雲扶妹歸邦後送履青弟歸武林

春風楊柳散花天荆樹分行各著鞭梅雨池寬閒釣艇  
茶蘼香冷罷鞦韆飛飛鴻雁雲千里寂寂樓臺月一弦  
兩處離情江水濶幾時同返木蘭船

偶成四絕句

歸夢隔揚州空庭雨不休女嬌頻乞果婢小懶梳頭

東臯詩存卷之三十九

主

文圖

花好莫焚香夜涼休拜月願持一片心寄與嫦娥說  
難逢千日酒且煮六班茶怕引游蜂至不栽香色花  
照水覺心清挑燈愛影明身閒空睡早夢短恰詩成

聞雁

秋高霜氣重孤雁最先鳴響過碧雲冷燈含永夜清自  
從憐隻影幾度作離聲飛到湘簾下寒衣尚未成

燈

添盡蘭膏惜寸陰煎熬終不昧初心孤檠柄曲痕烟淡  
細雨更殘面壁深有焰尚能爭皎月無花只可耐孤吟  
平生一點分明意每為終風恨不禁



感懷

蘭熏粉澤久飄流  
落葉哀蟬獨倚樓  
查具久為遊子費  
書香空與此身留  
夢中明鏡開還合  
水上浮雲斷不收  
回首夕陽芳草路  
那堪重憶恨悠悠

春懷

二月清明柳最嬌  
春痕紅到海棠梢  
寄聲梁上雙飛燕  
好啄香泥補舊巢

粧殘

粧殘翡翠愁經眼  
詩刺鸞牋怕寄題  
撫事懷人枉惆悵  
碧紗窗外曉風低

東華詩存卷之三十九

十四

文圖

有風

有風荒山老桐花  
不復春死還憐弱  
女生已作陳人燈  
影三更夢墨花頃  
刻身自傷明鏡裏  
日日淚痕新

寄二弟詩五首欲發未發將半年矣歲暮得便

加二首并寄之

殘雪只餘三日臘  
歸人猶有兩年期  
池塘無復鴛鴦宿  
楊柳春風好展眉

久拋筆墨坐蕭齋  
夢汝鱗鴻次第來  
前日書成猶懶寄  
今朝并作一函開

送雲扶妹歸揚州

江城花落滿溪烟  
送汝于歸二月天  
一路暖風琴瑟好  
春聲都在木蘭船

此去蘋繁慎所司  
西湖花鳥莫相思  
同懷姊妹憐卿小  
珍重初離膝下時

水榭風燈廿四橋  
乘鸞月夜好吹簫  
雙魚切記勤芳訊  
莫負春江一夜潮

清風林下說才華  
久有詩名重謝家  
學罷杭州大梳裹  
又彎新髻挿瓊花

追悼

燕去空梁晚簾虛  
素月流輕羅冷圓  
扇明鏡掩妝樓有  
東華詩存卷之三十九

十五

文圖

女憐孤雅無書問  
遠遊誰知白楊樹  
蕭瑟墓門秋死別  
今方覺生存已少  
緣結襦過十載聚  
首只經年舊

事渾如昨傷心總  
問天蕭蕭風雨際  
腸斷落花烟寂寂  
疎簾裏飛霜下碧  
空殘花啼曉露病  
髮落秋風牌

合三生幻雙飛一  
夢終憑棺猶未得  
淚盡大江東隨園  
雜詩

采蘋亭上烟波暖  
需雅軒前竹石清  
水榭雲廊三十六  
玻璃窗外月光明

幾叢水竹湛清華  
終日遊仙總在家  
慣趁山中春信早  
別開花燕燕唐花

樹上鶯啼花上歌水生紋錦月生波簾垂玳瑁看山遠  
座隔芭蕉聽雨多

草色青青忽自憐浮生如夢亦如烟烏啼月落知多少  
只記花開不記年

石可仙

南宮縣丞沙熙純室著綠窗遺稿

晚泊邗江

一片蒼烟拂水生孤帆夜落廣陵城城樓誰個吹長笛  
落盡梅花江月明

莫春絕句

東華詩存卷之三十九

去

文圖

石泉槐火試新茶風裊茶烟上碧紗小立空庭人寂寂  
銷魂一架紫藤花

夏日園居雜咏

為折花枝步碧苔荆扉獨傍野塘開晚風一陣殺紋起  
無數蜻蜓側翅來

野田水閣最多情面面芙蓉拂水清日落憑欄傾白睂  
流螢掠過葦叢明

落梅

昨宵竹外晚烟籠易去春光五夜風寂寞空庭餘瘦影  
笛聲愁聽月明中

梅影

最愛橫斜明月下一枝冷映小窗孤憑誰乞得徐熙筆  
寫向鸞溪作畫圖

流寓周瓊

宇羽步吳江人其夫為人所中傷陷囹圄羽  
步避難如皋與閨友范洛仙吳葦仙相倡和  
秋夜讀書同吳葦仙賦

上蓮月影動簾疎挑盡蘭膏讀史書未許須眉推繡虎  
誰憐巾幗逐文魚角摧朱辨還須爾頤解匡言每顧余  
南面百城無此樂一樽促膝漏將除

東華詩存卷之三十九

去

文圖

贈吳葦仙

纔驚落葉鎖花城一徑春風感落英嶺上白雲朝入畫  
樽前紅燭夜談兵文人薄命非因妒俠女狂歌更種情  
安得五湖同載去好尋范蠡訴平生

和韻留別

易水興歌淚欲彈孤舟殘燭夢難安蓬窗寥落憑誰慰  
歧路蕭條強自寬碧草寒烟江上畫野疏村酒客中餐  
更憐此夜谿前月愁殺離人不忍看

雨後遊水月菴

城西小築上方幽選勝何妨竟日遊雨過積泥侵屐齒

風來寒色滿山樓曲橋有路人爭渡彼岸無舟水自流  
欲去卻逢僧共語閒心又為白雲留

送張又琴較書之邗上

桂楫風輕繫綠楊恐增離恨暫相忘琵琶漫撥思鄉調  
繡嶺重燒心字香雲碧夢迷新楚岫月明人憶舊斜陽  
石榴花下分明認不信劉郎勝阮郎

秋夜感懷

露濃霜重葉初稀孤客無家雁亦歸往事易悲休記省  
壯心難遂且忘機深秋小院人愁坐落月疎林鳥亂飛  
遠戍城高殘角冷砧聲起處理寒衣

東華詩存卷之三十九

太

文圖

贈冒巢民

天涯浪跡幾年春此日何期青眼頻贈藥為憐司馬病  
解衣應念少陵貧慙非駿骨逢知己羞把蛾眉奉路人  
聽雨不堪孤館夜感今追昔倍沾巾

留別吳蓋仙

一身飄泊御風遊嶺上閒雲水上鷗錦字怕隨江雁斷  
詩魂還逐曉鶯流野塘孤棹黃花晚香谷寒窗雜樹秋  
只恐重來仙路迴烟迷霧阻武陵舟

感興

屠龍未就且浮遊江海飄蓬豈自由華髮似因多難短

孤衷寧為晚春愁私憐咏絮才偏拙雅慕凌雲志欲休  
碧草綠波無限意從今莫上最高樓

水繪菴即事和冒巢民

禾黍離離玉樹寒故宮車輦夢中看凋傷始識人情異  
喪亂深知歷世難絕塞烽沙雙目飽首陽薇蕨幾人餐  
五湖烟月雖無恙回首西風落照殘

春居

小榻參差竹影斜衙門芳草鎖烟霞峻嶒傲骨詩為友  
淡泊禪心畫作家暖日不須來燕子春風爭肯逐桃花  
憑闌細雨滿滿夜慷慨悲歌撫鐵鉞

東華詩存卷之三十九

十九

文圖

次韻答張詞臣

莫道天涯不感傷十年閒恨付蒼茫每憐俠骨慙紅粉  
肯學蛾眉理艷妝風度曲闌閒種竹花迷小檻靜焚香  
波瀾世路無青眼誰識人間我獨狂

清明感懷

久潤侵階碧草生杏花寒食半陰晴一簾細雨梁歸燕  
幾日東風樹老鶯淚眼看花如有恨旅懷中酒似多情  
何時十畝偕賢侶箕踞空山嘯月明

次韻贈黃仙裳

春去花飛流水東傷哉我亦類飄蓬淒涼舊事悲殘月

慷慨新詩託曉風  
漠漠野桃陵谷異  
依依江柳故園同  
疎狂傲世人應棄  
阮籍長歌岐路窮

將歸江南次荅鄧孝威見贈

揚袂狂歌歸去來  
五湖烟月冷蘇臺  
遙憐竹屋分題處  
花落重門草似苔

憎煞從來傳粉妝  
素琴時伴古詩囊  
傷心多少繁華地  
只有殘陽麋鹿場

懶向人間道可憐  
古來傾國盡嬋娟  
花飛不煮胡麻飯  
靜裏閒參栢子禪

野草菰蒲一徑通  
短蓬江上趁春風  
亂鴉驚起投巢去

東臯詩存

卷之三十九

辛

文園

人在遙林落照中

高樓獨坐易傷神  
莫漫悲歌生不辰  
一首詩成千日謗

憐才此地卻無人

芳草西園逐恨憎  
夜深讀史乞餘燈  
少年裘馬多輕薄

盡日春風醉五陵

幾許闌心總不平  
飄然湖海託餘生  
閒雲好伴孤帆去

祖道何人唱渭城

烟雲盡處是鄉關  
喜值歸逢二月間  
晴雨總宜春正好

維舟獨自占青山

歸心不惜錦鶉泥  
孤客多愁日易低  
幾處漁燈依遠樹

一湖青草鷓鴣啼

溪上偶成

溪畔行吟野岸斜  
輕鷗浴罷點晴沙  
誰憐一院春無主  
靜鎖東風擁落花

小橋明月燕雙飛  
獨倚孤松坐翠微  
露潤石林苔徑冷  
一溪花影抱琴歸

錢令暉

字亞芬流寓錢五長女著有紉蘭草

春日遊狼山

芳洲新綠長蘼蕪  
連袂山行石徑迂  
雲繞曲巖開畫閣

東臯詩存

卷之三十九

主

文園

天連絕頂挂浮屠  
松鳴彷彿人吹笛  
浪卷依稀女弄珠

閒憩幽亭舒眺望  
江花冉冉映紅襦

題畫上紅白桃花

武陵春色滿城開  
賺得漁郎洞口猜  
道是彤雲千片裡

嶺山何處雪飛來

錢令嫻

字幼靚錢五長女著有珠唾草

樓居偶成

一竿晴旭上簾鉤  
點點寒山翠入樓  
多病懶裁鸚鵡賦  
薄寒初御鷓鴣裘  
香浮竹葉杯中影  
吹徹梅花笛裏秋

平楚蒼茫驚欲雪淡烟如織迴生愁

水仙花傍竹

水仙花傍竹垂枝綠影空濛浸月池似贈洛神螺子黛  
供他對鏡畫雙眉

范毓秀

通州諸生徐人俊配著有媚川集

春雨

繡閣香初暖連朝風雨斜非關寒食近春意在梅花

秋日送淮海夫子金陵應試

驪歌一曲送陽關把酒殷勤分袂難折得柔條親手贈

東臯詩存卷之三十九

王

文圖

柳枝換取桂枝還

暮春

花事蕭條草漸肥鷓鴣聲裏喚春歸殘紅莫要相留戀  
好把風光讓綠衣

王鈞斜

碧血宮人草荒園帝子家瓊花同一哭千古玉鈞斜

徐應坤

字淑媛人俊女諸生鄒恭士配著有紅餘集

雁陣

風冷吳江霜露清玉關征雁一行鳴迴風巧結凌波陣

渡月斜穿細柳營聲亂寒烟孤鶴避影沉秋水衆鱗驚  
無端惹得金閨婦忽憶良人事遠征

賦得四更山吐月

雨過疎林夜已闌又看殘月出雲端半環乍吐青山曉  
一黛斜明碧水寒遠樹淡籠烟漠漠斷雲輕染露霏霏  
西風浙瀝桐花落江上漁翁倚釣看

倣古

強作容顏好含愁為整鞍明知是離別不敢淚珠彈

蕉紙

濃陰一片午窗前書就簪花體格妍從此不知浮碧貴

東臯詩存卷之三十九

王

文圖

薛家新製綠雲箋

虞美人

君王意氣盡江東賤妾何堪入漢宮碧血化為江上草  
花開更比杜鵑紅

秋閨

自汲清泉自煮茶閒消長日少喧譁晚天雨過烟初霽

一架涼陰藕豆花

浮雲吹盡晚天開涼露娟娟點綠苔稚子不須勤秉燭

讓他明月上窗來

輝宗

姓吳名琪字蓋仙一字佛眉長洲方伯挺菴

公孫女適管君名勲字子嘉夫死薙髮為尼

名輝宗晚駐如臯洗鉢池

山中早梅雪後喜閨友任歸見訪

與君別江樹十年滯行跡忍使田園蕪可憐秋水碧道  
遠夢何繇雁促音難繹一朝顧柴關白雲驚艷客澗松  
青若故野人貧似昔午飯供新葵晚香論周易早梅覆  
屋紅積雪映峯白一溪鳥語溶四壁琴書澤任運有虛  
舟放閒無火宅相對綠樽閒起舞南山石

題畫

東華詩存卷之三十九

畫

文圖

江樹迷離鷗自浴江雲飄盡春山綠渡頭小艇賣魚歸  
月映斜扉滿籬竹讀書樓靜倚闌干一望烟霞碧落寒  
奇嶂挿天藏古寺危泉懸壁露巖灘玉笙聲斷鶯啼處  
狼藉落花飛不去將身欲置畫圖間相與神仙覓往還  
書窗晨坐同妹賦

圖史閨中友雕蟲物外情剪燈憐夜午握卷待朝明曙  
月回花夢展鐘動鳥聲蟻眉羞鏡色青鬢愧書生

送別

雪意滿芳洲屏山引去舟霜花吹客夢茄月起遶愁萬  
里從軍急孤身倚劔游家園落日裏莫上最高樓

幽居志興

戢影衡門下悠然物外身擇林知鳥異藏尾識龍神山  
靜雲光活溪閒草色新廢琴兼病鶴相與得天真

村居

貧家風物厭鉛華波影浮來盡落霞夢裏青山閒歲月  
鏡中人面想桃花秋燈病後惟餘硯春水愁多未浣紗  
枕上片魂誰喚起夕陽烟樹幾歸鴉

西山訪隱

人遠山深雲景清青溪石落午烟晴飄殘絮影遙知柳  
啼過桃花不見鶯香嶂開天春一線危崖飛瀑雪千莖

東華詩存卷之三十九

畫

文圖

野猿見客如相識為叩松關鶴自迎

感懷

鶴煮琴焚事已賒不堪回首數年華愁來有句留殘葉  
夢去無人問落花鳥惜晚香窺檻鏡婢憐新病鎖窗紗  
柳枝剩有蘇臺曲未審春風憶若耶

和女郎吳芳華題壁詩

吳女芳華西湖茂才康氏之室也結褵三月  
兵迫錢塘從夫避難天竺道遇亂兵挾之北  
去題詩旅壁有但期死看江南月不願生歸  
塞北秋之句其辭良可悼也嗚乎風緊鸞囚

悵紅顏之無主花殘玉碎惜薄命之多艱為

虞原韻以續幽懷

斷瑟分香萬斛愁雲山漠漠水東流遠城夜靜烽烟隔  
故國風生薜荔秋綠鬢朱顏傷寂歷白楊青塚寄溫柔  
于今玉貌知誰賞衰草迷離隔斷溝

病中送春

帶病攜愁淚滿襟芳春飄泊自沉吟去隨流水無心問  
別向空林有夢尋詩寄梨花經雨瘦酒澆芳草和愁深  
更闌無語空惆悵簾影交橫月滿林

春日范獻重招集笏園看玉蘭次韻同洛仙賦

東華詩存

卷之三十九

辛

文園

花覆闌干水漾苔恍疑洞府步瑤臺初翻素影因風動  
淡寫新妝待月媒駐鶴不分林外雪停鶯猶勝鏡中梅  
詩成芍藥頻驚座欲和慙非咏絮才

雒臯寓園秋日和黄仙裳見過韻

世棄菲才無所親偶于筆墨寄精神綺羅自謝花鈿影  
笠鉢聊為雲水人久處放閒增鶴懶暫因飄泊耐鷗貧  
滿山紅葉多閒地欲向秋風置此身

閨友見訪感舊

蓬門來訪碧山秋別久相逢話更悠紅葉隱燈疎雨亂  
白雲堆榻晚風幽自埋書劒新簾寺誰倚琴樽舊畫樓

料得百花洲畔月年年長照水空流

新秋夜登溪樓弔卂仙清揚

角聲催漏夜涼輕客況蕭條夢未成紅蓼月高新雁度  
黃蘆風戰戲魚驚起開閒閣詩懷遠獨倚危闌秋思清  
千載白雲空碧落人間何處話長生

春晴晚眺

積雨經旬鶴未過小樓詩况費吟哦簾間燕子歸來晚  
門掩梨花落處多新水斷橋通蕙徑亂山古寺隔烟蘿  
行雲飛盡江頭樹畫出春帆送綠波

春思寄懷羽步

東華詩存

卷之三十九

辛

文園

幾日春殘景更清滿山新翠落花輕江風自引桓伊笛  
嶺月時聞子晉笙鄉夢不隨賓雁斷客懷應向暮雲生  
年年憔悴芳華冷書劒天涯悵別情

楓江舟次寄西泠錢夫人

長路關心景色悽片雲隻鶴偶相攜筆牀夢逐西泠路  
畫艇魂銷虎阜隄山翠滿窗人獨倚萍香夾岸鳥爭啼  
行囊點檢詩千首半是西湖別後題

村居秋夜

戢影蓬蒿厭得名閒吟長伴草蛩聲平溪月上魚無夢  
深樹雲來鳥不驚世慮漸消秋氣爽山花欲放旅魂清

從今我欲乘風去好和蟬山子晉笙

閨怨贈芳娘

雲鬢蕭疎影秋燈慘淡容一經離別後針線冷餘紅  
不道腰肢減俄驚帶縷長當年嫁時被悔殺繡鴛鴦  
枕冷驚秋夢鑪閒幾月香不爭南園樹猶得近東墻

春夜

葉底青絲颺小晴草烟凝碧露星星東風吹夢知何處  
寂寞驚花月一庭

秋閨

蕉窗無夢月痕低玉簾香闌淚影淒促纖不知秋有恨

東華詩存

卷之三十九

天

文圖

夜深偏向短垣啼

和金陵難女宋蕙湘詩

宋蕙湘者年方妙舞家本秦淮自留都既推  
為遊騎所擄三秋義幙月葬花魂千里鳴笳  
風彫玉骨因過邸舍題詞壁間嗟乎斷紅零  
翠能不傷心青塚黃昏潛馬出涕爰和以誌  
一痛

城頭萬騎截飛鴉烽火無聲濕露華帳下紅顏悲薄命  
夜深馬上聽吹笳

香爐爐寒猶裊烟殘鐘敲斷不成眠可憐此夜看明月

各抱單情別一天

秋蟬

咽柳鳴槐較恨多一聲聲送夕陽過朱樓盡是笙歌地  
不解悲秋奈若何

採蓮曲

晴川遙映晚霞紅蕩槳遊行錦繡重子得同心花並蒂  
笑看斜溜玉釵鬆

題梅

幾日橫窗瘦影新雪痕消盡見天真為嫌脂粉侵肌玉  
不向羅浮化美人

東華詩存

卷之三十九

天

文圖

畫紅線盜盒圖

珊珊珮影露華浮計就歸來月未收笑殺西施無傲骨  
肯將歌舞事君仇

寄龔靜照

詩狂生性與君同遺世搜奇興不窮見說綠窗嫺劍術  
白雲深處禮猿公

自入秋來興未闌客窗酬和墨雲殘壺中別有閒年月  
篋裏陰符夜夜看

山居

樹遠不妨帆影落溪深常見鷺鷥飛不緣好僻尋山住



祇愛白雲無是非

東臯詩存 卷之三十九

三

文淵

東臯詩存卷之四十

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

方外

寂 喬

字也木

苦熱

江天仍苦熱七月不知秋大火流金氣炎蒸斷客舟涼

東臯詩存 卷之四十

文淵

風何日至驟雨一時收道路看南北青蠅滿目愁

早起

看花常早起徙倚竹林間掃徑仍留客攤書更掩闌小

山門外得棲鳥霧中還賴有忘機者頻年心自閒

馬遷于約諸子往水繪園看池荷雨阻不果行

却攜酒過得月堂聽歌采蓮曲

未遂看花約移樽意不忘更傳千古調還隔半池香簫

鼓行雲濕悲歡薄暮涼主賓高誼足易地有清觴

後十日仍集水繪園看池荷追憶往事

為愛清溪色無違十日期好花今到眼古調兩成悲紅

粉迎風細金房挹露垂與移渾不厭良友重追隨

獨立

獨立沙汀暮秋風落葉時江寒千里月愁動十年思有  
夢歸南國無家寄一枝那堪更迴首寂寞向東籬

歸

不作他鄉客秋堤傍月歸故人情未減新雁影還稀雲  
白經時見橙黃兩度違蕭條隨處甚茅屋只相依

絡緯

明月當秋色空庭絡緯聲杼催如有意絲斷最關情微  
物經霜後置身亦自輕客愁相感切歸夢到江城

東臯詩存卷之四十

二

文園

上元後三日雨中社集張氏園

回首荒城火樹殘蕭條細雨動春寒能來別業梅初放  
為有同心興未闌滿目親知輕聚散經年草木共艱難  
休言惜別情無限相見於今強自寬

雨不絕

江城積雨愁多見竹徑陰雲每獨看容易好花經夜濕  
蹉跎細草半春寒溪翻白浪柴門仄人去黃河道路難  
何事干戈長不定更教魚鱗日漫漫

登碧霞山

上方高閣梵音清極目江灘動遠情去雁只憐歸字少

片颿常帶暮愁生花開又落今春色樹老還存異代聲  
回首空林明月下頓令萬慮一時輕

簡佳脣丈

車馬郵亭不可尋憑君編簡定知音還將獄吏衡文手  
擬向秦廷執法心四海青蠅交後滿他時黃絹辨來深  
只今原野多遺逸斟酌隆中梁父吟

行悅

字梅谷號蒲衣太倉人住優鉢菴

小至日巢民先生招集得全堂限知趨二韻

江城初雪後一線未添時多士此為樂短筇歡赴期松

東臯詩存卷之四十

三

文園

高寒鳥得石冷暮雲知頗勝尊中物相看一解頤

中峰本祖几出示共爭趨巢民出示天然怪石難名狀

寒巖堪畫圖錦囊香霧滿金鴨冷光俱賢主多真賞能

令賓從娛

歲寒詩和巢民

飄梗梅花外重來夢想中却忘人事改喜見歲寒同野

客座仍滿高賢杯不空大名傾宇內鶴髮似仙翁

衡岳秋鴻杳匡廬春瀑乾親朋一載隔圖畫數朝看豈

意峰巒內重遊筆墨端何時罷戈革向此把心安

殘臘匆匆去閒愁故故來留連得風雨寂寞共庭梅為

客渾無忌還家却畏猜真成平地險劍閣未崔嵬  
柱感迴瀾力心刊患難碑法門誠再造祖道賴扶持不  
有青雲笑那成白首知維摩示真訣杜口恨聞遲

濟寧舟中作

既非雲漢窮源使豈是烟波垂釣翁不免風塵嗟風累  
偏行川路念飄蓬舊京茆屋知何似射雉音書總未通  
真負故人惜遲暮微軀多病客囊空

偶吟

活雲不可割細泉堪冷聽啼猿與喚鶴同立歲寒亭

望景山

東臯詩存卷之四十

四

文圖

瞻仰禁林山青蒼古黛色呼吸帝座通可望不可即即  
彼五岳雄下視在其側不惟壯皇居崔嵬輔聖德

長安玩月歌

槐陰滿院日來失零落風收滿樹畢長樂鐘聲送月來  
庭空月朗光飛疾呼兒入室攜隱囊綦子褥鋪燒柏香  
相對欲歌還欲舞冰雪大覺生肺腸忽起飽溪半閣想  
蠟梅花下何人賞三千里外夢能歸大笑月中大拍掌  
此時懷好月愈好難得長安得看飽不眠不坐恣徘徊  
天雞忽叫禁城曉

贈華藏和尚

一個山頭住同源共一溪相逢九天上話舊少城西正  
法衰如此蒼生仗力提著鞭雖有志老步不能齊

責黃理見過東直草堂夜話

不意寒燈下長安今夜同新詩古錦滿知已隱淪雄  
傳青主之  
高蹈故及才大豈無用時清必不窮况君飽經術人望  
久摩空

內道場春日即事

王皇宮闕繞中臺金殿瑤池佛寺開逼近九重天目下  
却同千疊嶺雲隈鳥迎春笑紅橋去花弄晴飛白塔來  
兜率上方無足羨欄杆行遍復徘徊

東臯詩存卷之四十

五

文圖

禮隆祖塔

金銀有精魄化為山中君嘯風振林壑驚起六合雲我  
來拜老祖大地無寸土踏破萬重雲當軒日卓午

蔣山雜詩

心事一身外生涯數畝閒荒村且近郭老屋喜連山文  
字非無用交遊真可刪方知閒計較苦逼鬢毛斑  
曉起南朝寺山樓喜雪晴寒梅四五日春信幾分生思  
食巢鳥下排空塞雁橫呼兒敲石火笑對煮茶鐺  
一冬無過客三月得安居筆墨先無累身心閒有餘冷  
雲山細薄殘雪竹蕭疎意况殊佳絕何妨近歲除

昔種娑羅樹喜今成綠陰依棲衆鳥至攀折少人尋  
地清涼勢承天雨露深時時見漏洩一笑為開襟  
嬾居邗上寺又返舊京山市遠絕塵俗竹深長閉關寒  
燈風雪裏曲几夢魂閒聊作詩招隱同消如此閒

睡起

斷雲七塊八塊柔櫓三聲兩聲倚檻仰天大笑橫江白  
鳥初晴

潞河喜晤許山濤太史

聞宴曲江新及第同人又仰羨腰黃清秋何幸逢僧院  
永日叨陪坐草堂北闕晴雲開五色西山爽氣轉初

東臯詩存卷之四十一

太

文圖

涼回思星聚真難得杖笠歸來袍笏香

長安行

見說長安道風塵百尺高茲來果不謬容易改顛毛顛  
毛既改何為乎人生豈不重髮膚髮膚既被風塵改長  
安端的非良圖風塵攘攘我實怪據鞍振衣便不耐如  
何只拚改髮膚不能為割長安愛

禮懣金千佛頌

千佛共一摩耶腹夫人宏願如轉轅生生為佛母夫人  
千佛萬佛承化育羣生又從佛口生或從法生似麻粟  
所生又現羣生前如月印水無淨濁前明神宗之聖母

一同摩耶夫人局作大千佛皆懣金儼如未散中天竺  
我今如入天竺中天竺亦入我心目重重世界香雲籠  
金色光明展復縮鼎湖龍已久飛騰而今猶能起敬肅  
不惟國母并國君過去生民亦承福蓋自生民膏血來  
用於不壞勝深蓄興替世閒未事爾達人觀化如往復  
喜此功德長如新不隨劫運共馳逐但來瞻禮恭敬者  
即是千佛之種族如斯展轉劫不窮千佛種族難盡錄  
斯大功德亦復然恒河沙數光相續其所難者遭遇難  
然千佛光時照燭只在生民一念回本光即接千佛足  
休羨如何等雕金又如何等之琢玉何等相好不須誇

東臯詩存卷之四十一

七

文圖

碧琉璃地黃金屋作是觀者非正觀得正觀者則不辱  
不辱當年國母心回光互照天神服夕陽正下心依依  
徘徊古柏根之綠壯觀俯仰生浩歎我生何幸遂所欲  
立夏日過佑聖寺喜徐癡野惠詩賦謝

好雨匆匆昨送春夏臨便覺曉風新喜遷山寺蒼松下  
得與雞林國士隣為向支公分放鶴偶同張翰共思蓴  
驚人妙句承嘉惠勝瀉銀河洗客塵

禮窰變普門大士

大地一火宅萬物皆器皿能達其變化如醉夢忽醒我  
昔曾禮江之陰今四十年同初心茲遇上苑復作禮奇

奇怪怪盈胸襟所成本是泥與土磔子磔子太莽鹵併  
成一個古觀音堂堂妙相慈悲普大士昔日證圓通開  
性返聞絕異同亦與泥土琰磔器皿等回光一念皆圓  
融是人皆可變火宅凡身聖身兩不隔能如泥土等脫  
胎也成妙體琉璃碧

雪後入西山作

雪埋竹杖根雲滿草鞋結努力上高山老步不知歇

九日范聖時書至寄荅

又遇黃花節仍留日月邊韶華不住改客舍竟忘年老  
病庸醫誤鄉書故舊憐登高懷小范風度似前賢

東臯詩存卷之四十

文圖

夜坐

屋外寒鴉枯木庭心殘雪梅花縱是倪迂能畫難安新

月橫斜

德孚

字允生號澹菴

謙龍樵園筵蒼三先生過訪因過柳館茶話和

荅

誰向貧居問終朝對野蒿偶來名士駕相看捕魚躬身  
隱貪溪靜談深見月高閒遊與屏跡同是避塵勞

廣濟

字白拈通州餘東人開法于台州能仁寺三  
年來臯主雨香禪院著有呼夢草

和余文賓見過原韻

門外多驚塵舉步無所適忽逢高士來踏破蒼苔迹款  
座生春風清言豁鬱積論交已廿年不覺老棲碧  
看柳眼更青探梅興尤劇還期結淨緣竟作住山客杯  
茗却忘歸寒潭冰共釋

荅汪博亭見贈原韻

握管營慘淡天淵落奇想褰裳擷青英沉冥入心賞選  
樓擅品題龍門限何廣緬想絕古今思神協精爽一見  
儔侶空稍覺風期上爛爛披瑤華茗茗斗山仰

東臯詩存卷之四十

九

文圖

小孤山

長江流不止片石生中央四面皆陡絕無路堪梯航水  
鳥歇山背曬翅乘漁梁老衲駕小艇竹竿挂空囊乞米  
齋大眾不敢云休糧島中且如此况乃遊南康

湖上

我最愛麻湖歸來浣禪腑不覺信宿留遂作麻湖主湖  
深水更清乾坤欲吞吐夕霽浴月光幽冷含雲乳神遊  
駕扁舟中流聽漁鼓湖上八九家幾家破茆宇雞犬如  
不聞桑榆蔭南浦忽見天目山天際生烟雨相看即蓬

壺心地忘今古一嘯遠天秋輕鷗弄毛羽

荅和姜自耘見慰原韻

古松產奇巖永無斤斧戕盤蓋如虬龍夭矯被幽芳根  
深脂結就琥珀正相當中有無為人白髮恣疎狂拳小  
千萬峰側目視豺狼胡為風雨夜摧折一悲傷

羽鍛凌霄鶴轍涸吞海魚龍蛇固混雜凡聖寧同居飛  
潛一失時衆類藉恣睢况無鐘鼎姿鑪錘天壤俱慧劍  
臨風試蔓畦帶月鋤此中本清白皎然如太虛

山居次荅雪鴻上人

聞君在山結茅屋不種芝芋便種菽披雲摘月就巖頭  
東臯詩存卷之四十 十 文圖

宿靈隱寺

我聞駱賓王敬業事敗游諸方變却衣冠藏姓字身為  
老衲坐禪牀嘖嘖詩名宋之問信宿靈隱方拈韻苦無  
繼句荅名山中庭明月微生暈浙江滄海發兩言宋之問靈隱詩未就賓王云何不言直如松風釋頌閏明日尋之樓觀滄海日門對浙江潮  
室已虛追思昨事成歎歎今夜禪堂僧不少我吟不就  
將何如

錢塘古意

錢鏐當日何英雄東南開國車書同五代帝王好殺伐

卑辭厚幣能彌縫兵革不曾犯其境直與五代相始終  
君不見此君虬髯張如戟撫綏百姓真無匹江上秋風  
揚大旗白刃如霜照顏色我乘明月駕輕橈兩岸青山  
王氣銷越雉少年一百萬更有何人能射潮

桃花洞

桃花洞外多荒烟桃花洞裏多神仙承平世界好游戲  
却與木石同餘年父子不顧夫婦棄捐餐松茹柏可長  
壽乳羊牝鹿皆登天洞壑市廛無二理飛昇拔宅由前  
緣此中果有桃花女何不出與參空元

吳門短歌

東臯詩存卷之四十

十

文圖

君不見昔日吳王南破越君請為臣妻請妾又不見元  
末明初事更奇丞相惟憑黃蔡葉士誠百戰不肯降敗  
績投環國亦滅至今風俗尚浮囂不事生產甘飄搖十  
家九家竈不火忍飢對客還吹簫身上單衣蝴蝶薄口  
中清曲鳳凰調梨園小兒甫十六朱唇細語何妖嬈况  
有綠鬟樓上女媚人體態多丰標鐵石心腸稍一變居  
然虎狼落坑塹賣盡田廬更賣身花妖月魅成親串鴿  
市雞陂春復秋多少紅妝樓上頭老衲不關今古事乘  
船閒過百花洲

天台山頭歌

天台自昔昇仙地土人視之如兒戲石梁盡說通仙都  
土人行之如坦途我到北開迷處所下臨深淵上烟雨  
決意欲尋劉阮踪欲行不行慄雙履旁有樵者白雪髭  
問我今將何所之特向樵者舉前話樵者笑我何太癡  
此是我曹尋常來往處絕無乘鸞跨鶴之輩來瑤池請  
君且看秋山色莫信人閒古蹟詩

題雨香菴次陸子大韻

就寺開茅屋幽期志弗設春山來處士流水瀉詞源天  
地無真隱林泉學避喧不須金布地彷彿小祇園

冷雲堂閒咏

東臯詩存卷之四十

主

文園

敲枕疎櫺下清陰滿薜蘿雨深黃葉亂秋到白蘋多鶴  
夢回松塢蟬聲斷柳坡勞勞名利客此際意如何

題巨闢師幽居

橋通三里岸別構小茅菴路僻人稀到亭虛佛可參雲  
光連石竇野色上松龕兀坐忘言處青燈映碧潭

儀真道中

老大憑誰慰飄蓬不自由金陵天際失鐵甕水邊浮牧  
笛村村晚漁歌處處秋夜來江上月有意照真州

朝陽菴掃塔

暫作兒孫計聊傳祖父風暮潮吞海白落日背山紅洞

口漁歌斷松梢鶴夢空神通如可試一劍斬長虹

冒鹿樵過雨香菴看梅

庭梅吾所愛寧厭客頻看日暖添春色年深識歲寒清  
標先衆卉香氣雜幽蘭只合依茅屋塵氛總不干

過石門寺

一杖探幽勝沿溪到石門危峰敲樹頂斜屋就雲根翠  
竹千竿立雕題萬古尊不知天已夜明月照黃昏

過雲隱菴與南印兄話舊賦贈

一別十餘載燈傳此地清門窺秋月色江走夜潮聲舊  
雨憑闌思新交贈別情幾多好兄弟如爾見平生

東臯詩存卷之四十

主

文園

閒坐書懷

春色無深淺雲山到處同鳥啼青嶂外門閉綠陰中新  
雨連村白殘花撲地紅曠然幽賞足閒坐獨吟風

過放生菴古愚畱坐

古公棲隱處即在水之涯出郭不多路沿村無幾家因  
君畱午飯啜茗看秋花不覺忘歸去西窓日已斜

寄懷菊村薛虎文

先生風雅士高卧菊花村澆酒時移席攤書日閉門青  
氈消歲月白髮老乾坤古道無人應應知養拙尊

三權和尚同人外師過雨香雅集

我師勞杖履幾度枉香林一片還山夢三年落日心天  
空穿水月風散出巢禽避俗全吾事門愁閉不深

秋興

好山終不改秋色自陰晴變幻憑亭毒流連任性情層  
層雲樹渺細細石泉清坐久無人語竄然一磬聲

留別問雲兄

聚首知難得離羣更若何夢隨寒日短愁比暮雲多鬢  
髮新霜雪衣裳舊薜蘿不堪明月夜揮手唱驪歌

竹林納涼

憩迹重陰下倏然賴此君石橋雙澗水茅屋一溪雲鳥

東臯詩存

卷之四十

古

文圖

語傳清畫蟬聲度夕曛涼風吹不斷為我掃塵氛

訪遠上人

可是東林寺攜筇問遠公夕陽隨我下秋興與誰同水  
湧一江白楓酣兩岸紅會心殊不淺幽磬度微風

竹陰

寒碧舊名堂無雲亦自涼常疑風似雨不見月如霜楚  
楚繁虛檻森森護曲廊瀟湘人去後坐嘯水天長

次余文賓過雨香看梅原韻

老更垂青眼山房況有花人同雙幹古心醉一枝斜風  
雨隨摧折榮枯幾歎嗟詩篇還自得酬唱韻頻賒

答程式宏榻雨香望水繪有感

君今五嶽遍雲遊乘興來尋雉水幽潏墨未教秋色霽  
吟詩每到夕陽休半生磊落星雙鬢萬里清輝月一鉤  
莫怪名園無媚色辟疆隔斷是蒿邱

相見無如是此年誰離秋色滿芳筵頻將詩卷消清晝  
獨惜陂塘起暮烟檻外蘼蕪空積翠庭前松菊倍爭妍  
那知頭白論交日傾蓋如新欲廢眠

洗鉢池觀水和程式宏原韻

悠悠爽氣散清氛水皴漣漪細細紋上下晴光浮夕照  
高低老樹蕩秋雲四圍魚網思嚴子一隊鵝羣伴右軍

東臯詩存

卷之四十

五

文圖

多少烟波書不盡筆花寧得與君分

次吳慶鳴即事原韻

疎林荒院久清虛却稱幽人作旅居對月坐當臨水處  
披裘寒似入山初銷愁不醉如澠酒得意閒翻種樹書  
珍重臘殘春又至好憑音問託雙魚

初夏同克靈天襲時習諸子晚步

斜陽結伴共徘徊蠟屐沿溪破碧苔樹近袈裟分綠去  
山如翡翠送青來過橋隱約聞僧梵對客無由問劫灰  
笑指蒼茫東海上幾多蜃氣吐樓臺

訪陶靜菴謝茂之不值



隔林幽鳥語聞聞只在濃陰綠樹閒望柳欲尋陶處士  
過橋惟問謝東山雲歸攝岫僧空過日落鍾陵客未還  
且坐懸崖千尺上碧溪獨聽水潺潺

贈白雲菴張搖星先生

南華讀罷又茶經雲自高飛水自停半閣簷虛苔蘚白  
十年衣結薜蘿青長江縹緲孤峰月短髮鬢鬆兩鬢星  
問字過從人不少松風祇許鶴來聽

孺子雨村人外重過池亭

殿角風微逗午涼品茶初罷又焚香池留水氣仍寒碧  
樹帶蟬聲自夕陽高卧且敲呼夢枕朗吟慢憶讀書堂

東臯詩存卷之四十

七

文圖

其東即孺子百可堂古今興廢渾閒事一任山僧老更狂

用茗柯韻送寒溪和尚

朝雲縹緲暮雲歸又逐溪風度板扉現辟支身殊可笑  
杜毘耶口證全非烟波江暖芹芽匝鮮徑山寒屐齒稀  
作戲逢場聊復爾縑塵原未染縑衣

同檀園和尚登攝山

杖頭不挂買山錢蠟屐同登攝岫巔苔蝕寺碑深沒地  
雲封石塔半摩天尋僧峰頂看明月截竹山腰接斷泉  
何事東風一夜雨溪濤澗草忽生烟

題余文賓山房松樹

詞壇奪幟倚芙蓉為愛青山一樹松偃蓋已堪棲白鶴  
批鱗直欲犯蒼龍赤城霞並層陰起碧海雲隨倒影重  
那識高標君自有不關青翠映扶筇

登餘東城樓

斜陽衰草滿城秋上帝高居北極樓漠漠東臨滄海氣  
迢迢西枕大江流尚餘雲樹教人恨不獨鄉園動客愁  
昨夜南山消息到漫招野鶴過林邱

萬煥然歸自郡中

清秋一別幾蹉跎歲杪相逢意若何家信不妨南雁少  
敝裘無那北風多寒雲萬里青萍港夜雪千門白塔河

東臯詩存卷之四十

七

文圖

見說月明橋畔路玉簫聲斷散鳴珂

和寒溪和尚贈張茗柯

依依無着遇天親來往逢迎冬復春充棟圖書連玩好  
榻前只受兩三人

送蒲菴和尚之蕪湖

逆走長江破浪風天門山勢逼蒼穹螺磯牛渚雲千頃  
盡在詩僧卷帙中  
透骨奇寒夜正長披衣侵曉問行裝莫愁人事空蕭索  
十里松花滿路香

池上獨坐

小寺斜通一院深桃花成實柳成陰方塘活水明如鑑  
獨照當年洗鉢心

哭昱峰師兄

白雲飛上舊緇衣黃葉平空積翠微眼見一行沙上雁  
西風吹斷不同飛

荅江元洲漢自過訪原韻

江水渺無際懷人抱此心風塵徒冉冉烟霧自深深林  
密鳥雙下沼寒龍一吟小亭朝放鶴遲爾更披襟

雨後簡菩提化和尚

睽違將兩月疎懶出城來水自溪邊足花應雨後開孤  
東臯詩存卷之四十 十八 文園

峰垂白髮荒寺老黃梅何日臨三徑攜筇看竹回

和吳方舒岳王臺懷古原韻

燕雲迷泰岱何處見精忠迴望一天月愁生萬里風水  
聲湖畔小秋色海陵空憑弔誰同調興亡感慨中

范十山先生見過賦謝

意氣秋寥廓相過見素風一茶籬菊外三笑柳陰中交  
共山光淡貧兼世事空年年勞問訊消息未曾通

送悅公之華山

此日隆昌寺春晴萬壑雲池塘光可鑑松柏韻多聞乞  
戒方離俗行持始出羣同壇兄弟好幾個得如君

寄汪天木

蟲吟三徑夜雁寫一天秋松樹子初落木樺香正幽寄  
書還致問命駕復來遊款款溪南坐青山看水流

秋日贈龔子輔葉淡生

但能謀有道何慮德無隣對奕先饒子題詩不讓人靜  
中銷俗慮世外樂天真見說黃山夢悠悠絕點塵

張鶴東來自上海賦贈

柴門經歲閉竹榻偶然開客自雲間至秋從海上來詩  
篇追漢魏劍氣出蒿萊莫訝添悽惻霜華歲序催

暫賣君平卜江臯作釣徒高談傾海嶽長嘯對江湖世

東臯詩存卷之四十

十九

文園

事悲搖落鄉關夢有無青燈堪話舊只欠酒頻沽

江樓閒望和吳疊峰

俯仰高憑閣蕭條四野空一冬天不雪萬里樹皆風短  
棹橫江北長雲極海東無端嗟作客飄泊鬢雙蓬

舟泊雙店乘驢下村莊二鼓方至

孤舟維遠岸黑衛下村莊茅屋分寒氣柴門閉夕陽更  
鐘聲漸起荒野路偏長自識浮生事勞勞亦不妨

過黃蒲溪宗宅

出郭尋高士寒烟淡欲無紅霞生赤岸碧水老黃蒲踏  
凍驢堪策驚棲鳥不呼那知宗慤在歲晏亦留吾

過馬塘河法華菴贈道基志果

野徑當河出茅菴面水開安心成佛去歌足有人來茶  
熱風生腋談深笑滿腮化城歸處是即此重徘徊

候江南石塔不到寄岫崖和尚

莫訝空相約多緣信息慳一秋惟望塔十月未登山菊  
傲霜華老梅催夜月閒看看春又到可得續追攀

宿毘盧菴雲開公他出

舟隨村店泊託宿至精廬人靜燈初滅庭陰草不除問  
君何處去乞食轉蕭疎孤眠明月下幽夢自蘧蘧

訪舊

東臯詩存

卷之四十一

三

文淵

冒雨尋高士穿雲過別峰村荒畱敗寺僧病冷疎鐘聽  
鳥啼幽谷看花共老農紛紛涼月夜清影照孤松

畱裏知看梅得心字

冷淡淹冰雪婆娑自古今相看不以色獨立是何心江  
路春初齊松堂日未陰知君明月夜未肯負山林

喜雨

竟不畏炎熱蕭蕭只看雲萬家停午幾一雨洗朝氛水  
白晴光合田青野色分山靈知我意草木亦欣欣

感懷呈吳蘭臯

病因春不減貧與日俱長可惜新花甲仍居舊雨香霧

中窺豹隱雲外失鷹揚誰似延陵子蕭疎老更狂

贈蔣若宜

聞道開三徑頻隨二仲來攜雲尋藥石伴月看庭梅茗  
碗時相對詩篇日並裁搜奇方得句冥意羨臯枚

過十三里港

曲港知何處盤迴路十三溪桃紅艷艷岸柳綠慘慘老  
我雙蓬鬢憐君一草菴鐵籬笆外望渾不似江南

贈舍桴三和尚原韻

願言松柏操今古一相聞道氣無如此宗風已不羣龍  
吟鉢底月虎嘯杖頭雲采采空江上香分碧澗芹

東臯詩存

卷之四十一

三

文淵

天曉看雪次曹鵬舒原韻

灞天多瑞色傍晚逐風斜無數蒼茫樹能開頃刻花尋  
梅詩欲就鼓棹興堪誇幾度思陶穀支爐漫煮茶

同迂兄和尚碩果師遊愛日園

為愛西園好同人始暢遊亭支一片石樹繞幾重樓爽  
氣山多僻澄懷水自幽登臨忘晝永斜日半林秋

寄懷許韓若

我見君非醉君知我獨醒心同天下白眼共海東青一  
別歸山寺三秋卧草亭近來殊老邁兩鬢已星星

送鄭北魚之海陵應考

岳武荒臺尚可登方舟斜日上吳陵半天暮色隨孤鶴  
萬里雄風看大鵬羽翼自憐新變化雲霄從此遠飛騰  
故人倘問中禪寺白髮蕭蕭一老僧

雨中吳有咸招程德三許連城昆玉黃公喬宴  
集余因泥潭未及感而賦此

松門秋水石橋南半舫高軒擬可探烟雨故迎新韻士  
泥途獨怯老瞿曇傳聞四座尊常滿痛飲三更興未酣  
不獨風流吳季札許詢江夏恣清談

勉雲居菴雪禪上人 菴在亦園傍

雲居獨處自幽閒差勝江南雪竇山 雪公曾參雪竇南  
澗諸山乍住雲居

東臯詩存 卷之四十

圭 文園

靜玉帶雙虹橫彩架銀塘一鏡照禪闌翠浮竹塢風頻  
撼綠襯苔痕草不剛記取靜觀齊畔額真心常住莫為  
艱 甘露菴額題有靜觀二字  
傍影堂中又曰真心常住

海月寺有懷故舊

海月門前碧水流板橋南去萬仙樓一聲鶴唳荒臺暮  
幾陣鴉鳴老樹秋觀物思人情黯黯傷今懷古思悠悠  
可憐垂老身無伴短髮橫空已白頭

歲暮次王卜非寄懷原韻

蹉跎難補齒牙疎獨樹支撐一小廬兀坐雲堂思綠野  
閒銷歲事憶黃初草衣木食渾無賴竹椅繩牀且自如

爭及輞川烟雨外年年東郭卜三餘

和李德先留別原韻

連朝整頓舊衡茅塵事紛紜已盡拋風過樹頭鴉作陣  
雲歸松頂鶴為巢寒燈燭冷和烟剔清磬聲殘帶雨敲  
無奈仙郎思故里臨行攜手話歌饒

洪康錫留贈即次原韻

沉酣詩酒興彌賒誰是臯城第一家玉帶橋邊維画舫  
雨香菴裏看梅花一簾眉月光猶潔半壁燈心影未斜  
漫笑老僧無韻事呼童只煮霍山茶

葛芳洲卜居村莊次韻以慰

東臯詩存 卷之四十

圭 文園

村莊盡是君家業何必離羣歎索居三徑縱荒松未老  
一犁初動草頻除綠陰聽鳥啼何處白晝攤書典自如  
堪笑世人貧不耐朱門似海曳長裾

輓王眉雙先生

道妝仍是舊衣冠閭郡人將子晉看不信一枝筇影瘦  
忽聞老樹葉聲乾龍泉夜吼青霜冷鶴馭春隨白雪寒  
記得乩仙曾有識姓名已著玉清壇

攝山絕頂看月

十里清陰萬壑松半天削出一芙蓉但教夜夜留明月  
却喜時時對遠峰鶴唳林閒空澗戶僧歸雲外失行踪

蘆花野水連江白不覺霜華上短筇

贈雪霞師

人似淮南第一山青松翠柏駐童顏紫茸供設烟雲外  
白社風流晉宋閒苔蘚跡稀三徑曲藤蘿月挂一燈閒  
不知門外塵多少煮石餐霞自掩關

小春望日喜吳夫一慶一崐一雪疑集冷雲堂  
對月

落葉空林月色新冷雲堂宇絕纖塵尊前白髮皆詩伯  
眼底青眸只故人頓見數羣棲樹鳥漫憐三尺躍池鱗  
今看水繪荒烟畔誰念高風舊逸民

東臯詩存卷之四十

三

文園

陸子大過雨香不值

昔人曾咒鉢池蓮引勝何期陸象先布穀聲微春淡宕  
梅花影亂水澄鮮醒來未接三生夢悟到惟空一味禪  
我正入山君出岫往來踪跡兩悠然

次韻答陸子大

一棹橫塘看白蓮雲歸却在我歸先茶經已是推鴻漸  
詩草何妨對惠連綠水動搖堪喻法青山坐卧足安禪  
半春拈韻盤桓處花月平分豈偶然

五月四日吳怡園過我

梅雨疎疎復浹旬新篁閉戶淨芳塵那知五月披裘客

仍問孤峰卓錫人酷日煩蒸欲大叫空堂笑語倍相親  
也憐小圃香蔬嫩麥飯齏湯不厭貧

重九後二日和吳旭輪

門無剝啄與喧譁獨倚危闌看暮鴉幾片白雲疑是雨  
數株紅樹爛於霞風吹蔣詡蕭蕭竹霜傲陶潛處處花  
跌坐蒲團心未了月明入靜讀南華

呈范十山先生

海內文名重作家先生高隱贊初華祇看蕭寺秋三徑  
愁絕伊人水一涯擊鉢歌成羅玉屑揮毫賦就擷江花  
却憐明日重陽節兩地登高憶孟嘉

東臯詩存卷之四十

五

文園

賁韓授以九日同集望江樓詩卷索題即和章

惕若原韻

時重九後四日

羣賢畢集此高樓况復尋僧卜勝遊雨細不嫌雙履滑  
菊殘猶剩數枝秋曹溪水接中禪寺時劉子乞天泉謝眺詩傳  
杜若洲小句只堪題卷尾敢容拈穎繪風流

章惕若同張萬程醉後集余雨蒼宏業堂看壺

嶺舊圖次韻

碧山扶醉對斜暉展画相看正掩扉往事只堪傾白墮  
舊家誰復問烏衣春風席上花如繡秋色籬邊月正輝  
幸得素心人在座廿年清興不相違雨蒼橋梓與余方外廿年舊好

簡李仙臣

荒庭夜色淡無邊水定清池月皎然託宿鳥棲黃葉樹  
悲秋人坐白雲天松蘿不惜留詩伯薜荔先將護研田  
知己愧無瓊玖報臨風長憶李青蓮

次荅浪夫上人

瓢笠棲遲古寺中主人真是信天翁虎溪送客曾三笑  
驚嶺憑誰守一空夜雨飢來餐杞菊秋風睡起對梧桐  
何緣得讀金山偈珠滿松房玉滿宮

古重陽喜黃月舫同李莫元過訪有懷范栗園

紛紛白雁冷荒洲復為重陽古寺游十日天寒何處雨  
東臯詩存卷之四十 文園

一庭花落幾人秋况逢舊友黃公望得見新知李鄴侯  
愁絕兼葭霜露白扁舟如葉放中流

同石波遊紫竹林登一蓋亭

歲暮風霜道路難同人踏凍上林巒鐘聲帶月穿窻曉  
山勢浮空入殿寒細細花開松百尺深深門鎖竹千竿  
分明貽我清涼散誰肯當爐試一看

憶秋山和邵公木原韻

高人書寓尋常事剪燭西窓乙丑年雙劍呼來龍欲吼  
孤松老去鶴為憐南山夢遞秋風信北海尊排舊雨筵  
比似相如終有賦直教四壁枉蕭然

秋日石王香過訪

江月松風共一堂

時江蘭友黃文超假榻山房

更於何處覓亡羊乍

驚高士尋秋色不覺疎林度夕陽大雅惟君名獨重香  
山遲我話偏長倘聯白社傳今古此日頭陀鬢未霜

送鮑爾起歸隱黃山

飛蓬白髮誰同調回首青山祇自憐終許烟霞埋姓字  
肯教猿鶴擅林泉就雲高枕梅花畔臨冰酣吟竹塢邊  
試問飄蓬湖海客不知何日是歸年

春分日范栗園見招余以傷風未至兼蒙蔬品

見遺依韻致謝

東臯詩存卷之四十

圭

文園

知己花前好咏觴野人獨避黑甜鄉閒看水碓舂雲白  
飢向峰頭飲月黃活火須知溫藥竈息機曾未解琴囊  
素心正恐詩多事肯附羣英逐隊忙

東臯詩存卷之四十一

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

超傳

字嵩穎桐城人遊如臯與舍桴菴三權和尚

友善薦於京江為永業寺主後復遊臯示寂

於舍桴菴

過金山晤學公

東臯詩存卷之四十一

文圃

幾年烟水別詩句較前多老矣身猶健蒼然鬢未皤風

生虛閣韻鳥傍雅人歌相對渾忘暑斜暉散白波

重過如臯問訊張茗柯先生

一違光霽後結想到於今路出關河遠情同渤海深數

番冬底雪幾見菊邊金暗惜年華改東臯再討尋

送三權和尚之宣州

歸祝萱堂壽修途落日低孤舟衝白浪兩岸叫黃鸝親

老迎門笑花深入室迷敬亭乘暇訪重和謫仙題

病後寄懷茗柯

寂寥終日對山林路隔滄江念獨深為我病軀難舉足

綠君短髮更關心消愁甕有千鍾酒買藥囊無一寸金  
覷破人閒涼煖狀何如閉戶只高吟

別徐自西

握手雄談惜未曾何妨支許任人稱別猶招薦盤中笋  
晚更留燒花下燈古寺幾經勞玉趾春帆忽漫挂金陵  
高齋他日如重訪好記烟霞百衲僧

簡花三和尚

觀蓮猶記到門頻不覺時光換小春放曠性隨人事淡  
綢繆情最弟兄親苦吟未礙霜侵鬢枯坐應須衲裏身  
路止隔城三二里不通消息動經旬

東臯詩存卷之四十一

文圃

寄靜如和尚

白鏹青蚨都未蓄便將院子一肩擔安心住靜高無匹  
仰面干人苦未諳下榻最憐孤客病挑燈幾共五更談  
得名奚藉居名剎水上無妨結小菴

別確夫姪

相期高枕聽潺湲却絆芒鞋不得閒那慣客中饒別緒  
況當人外歎時艱孤燈夜讀黃初律拄杖寒投白下山  
得暇何妨臨古帖他年看取換鵝還

讀友人詩

筆底如春吐物華碎金零玉美無加眼前便有唐人在

杜老何曾在浣花

留別吳西巖先生

纔得騷壇晤謫仙  
那堪旋賦別離篇  
迂疎似我誰相念  
才思如君劇可憐  
入社何妨頻載酒  
對花正好共談禪  
調高却苦誰為和  
惆悵歸帆破曉烟

行 傳

字竺堂號大癡通州人主菩提社方丈

園居

地僻無來客  
柴扉懶自關  
花香流水外  
鳥語碎林間  
白髮偏生老  
韶光不等閒  
家僮知我意  
遮掩鏡中斑

東臯詩存

卷之四十一

三

文圖

獨坐知山靜  
香聞花草深  
烟輕生古道  
露重滴松林  
有竹添窻影  
無雲減砌陰  
不聞塵世事  
百轉羨幽禽

桃花

客路逢佳節  
山橋偶自經  
誰分江上火  
忽破柳邊青  
似與霞相映  
還同酒未醒  
放懷春意好  
折取挿空瓶

李守戎四十初度

雄風生海甸  
壯氣壓重城  
間政清如許  
皇恩寵不驚  
江天何鎮靜  
海日見昇平  
虎帳開三祝  
琅山北斗橫

贈湛淵老宿

一從叅石磬  
高隱碧溪頭  
人謂真彌勒  
相看老趙州  
行

能兼衆德名不傍時流  
向往傾來學青山喜共投

崇川范十山居士同諸子過訪

攜筇冬日上輕舟  
故國招提是舊遊  
霜葉高飛涼入幔  
旭光初照暖生裘  
天涯良晤歡無極  
水際雄談迴莫儔  
歲暮尋幽歸棹晚  
空林不負暫淹留

賀宮居士晚年得子

昨夜君家賦弄璋  
天公原不吝才良  
醪顏自映靈芝色  
白髮初聞桂子香  
雲裏石麟歸白屋  
人間丹鳳出華堂  
懸知姓字他年遠  
請試啼聲到曲房

聽鶯

東臯詩存

卷之四十一

四

文圖

出谷遷喬棲復鶯  
殷勤偏自話無生  
遊人不解流鶯意  
錯認東風為友鳴

偕諸同人登天目山

引興豐林興未休  
相攜踏綠到峰頭  
短桃紅杏都開遍  
不覺斜陽過竹樓

看雲口號

臺閣嵯峨綠樹中  
登臨聊復盼晴空  
閒雲來往雖無主  
未肯輕隨閣下風

芙蓉

三塘秋盡見芙蓉  
曾在長江北岸逢  
怪汝通身胭粉氣



也來同聽六時鐘

揚柳

高臺迴翠出塵埃  
綠樹陰深繞寺隈  
分付時人高著眼  
溪山柳色總西來

遠帆

西窓日暮見歸舟  
鹿鹿虛名水上漚  
載得夕陽過白浪  
須知到岸再回頭

明啟

字化昱號覽雲主菩提社方丈天目獅巖和

尚嫡支

東臯詩存卷之四十一

五

文淵

同友人遊冷泉亭

同人攜手過蘇堤  
遍歷西湖更向西  
共愛冷泉幽趣好  
鳥聲時雜澗聲啼

飛來峰

踏遍雲林萬萬峰  
烟嵐深鎖樹重重  
悠然曲檻泉聲冷  
韻入呼猿洞裏松

春日遊拂水岩

閒身緩步到巉巖  
四顧烟嵐撲面來  
分出画图千派遠  
倒傾瀑布一峰回  
離離樹色濃陰轉  
灼灼桃花爛熳開  
日暮登臨情味已  
遊魂恍惚到天台

步月

一片坵墟白  
幽輝愜野情  
鳥歸林宿穩  
花照水猶明  
松密濤聲壯  
峰高天氣清  
徘徊圖畫裏  
素影助詩成

採茶

攜筐入南園  
信手摘龍芽  
露滴縐衣濕  
風翻綠葉斜  
隔林聞雉雉  
撥草見靈蛇  
薄暮歸來後  
殘陽映落霞

靈巖步月

夕霽天如洗  
晴光漾碧流  
溪連山吐翠  
雲合樹含秋  
禪火燒殘夜  
漁燈出剡洲  
悠然塵世外  
瀟灑復何求

秋日贈別

東臯詩存卷之四十一

六

文淵

此日促行裝  
征帆挂夕陽  
殘蟬吟斷岸  
野艇破秋光  
去雲山遠迢迢  
道路長相思  
同一望烟樹  
兩茫茫

次本起大師山居原韻

山深有路客來稀  
撲鼻梅花香滿谿  
夜靜不聞塵世事  
夢回清曉一聲雞

春日同純德師遊龍池

雨餘嫩綠色  
初勻結伴同  
遊意更新拂  
石題詩雲入袖  
尋花覽勝鶴窺人  
香浮幽谷芝蘭韻  
烟暖深林草木春  
薄暮悠然情未已  
臨池踴躍暢心神

晚涼

老樹積重陰涼風拂素襟烏棲天籟寂鐘度夜禪深鬢  
髮悲前事親知感舊吟悠然思無際桐露下高林

題画

萬疊層巒一境閒白雲暮暮覆柴關幽人策杖閒來往  
取次秋林看遠山

聖因寺除夕

江北清風宿草堂明朝早起渡錢塘伍員廟裏濤聲急  
斗轉星移兩鬢霜

閒步

杖藜閒過石亭東映水花光分外濃小立斷橋看未已

東臯詩存

卷之四十一

七

文園

夕陽明滅一聲鐘

山居

三間茅屋傍巖隈澗底梅花漸漸開接竹覓泉分雪瀑  
不知身在白雲堆

秋日喜雨

沛雨漲溪流濤聲洗客愁芙蓉江岸冷天地一番秋

送別

何堪此日動離顏千里迢迢獨自還望裏孤帆天際遠  
歸心應共到狼山

成岳

字柱天住太極菴有石根集行世

灌蔬

荷鋤兼抱甕幽居翻覺忙生涯寄蔬圃常業詎可荒綠  
雲菜苗秀翠帶瓜蔓長差足供采摘力弱宜自強

澆花

種菜既盈圃種花亦滿庭對花如對客不語各有情獨  
愁煩暑酷葉悴根亦傾莫辭灌溉勞趁此山月明

詠史

盛鬢蛾眉掃六宮芙蓉別殿又椒風千秋只有文皇帝  
容得張蒼困節通

東臯詩存

卷之四十一

八

文園

一破姚秦事便休兵機神算付東流寄奴若不為天子  
千載應推兩武侯

重過資國寺

別山今六年見山兩眼碧秋風為我能重來一洗千林  
出瘦石此身浸在雲霞中此心暗與洪濛通鐘殘月落  
老鳥叫挂帆明日還江東那知山靈更相惜風雨縱橫  
曉留客添得前巖飛瀑聲緩歸且整尋山屐

梅仙嶺

丹竈缺荒烟秋風吹古木時有道人行前行是麋鹿

北蘭寺

清晨相與入幽叢漸覺秋衣怯冷風惆悵惠崇何處去  
蟬聲催老碧梧桐

苦雨

林鳩喚不已惆悵倚簷楹何乃一春雨竟無三日晴青  
山埋霧迴飛瀑聞雷砵誰解鞭陽石天開雲氣清

博山

晨起踏霜雪衝寒來看山古苔凍不死深洞結成斑池  
淨夜星浴嶺高孤鶴閒不須多屋宇容膝即禪關

中秋泊凌亭喜晤葛子芳

乞食昭陽南十里去城郭小艇弄晴碧秋空迴寥廓野  
東臯詩存卷之四十一 九 文圖

性契烟水尋幽戀飄泊良晤得葛洪襟期迴脫略船頭  
共露坐涼風吹杜若菱藕延清話雲盡中秋樂但羨月  
華明不覺銀河落

興化縣九首

一片朝霞十里紅東湖秋水淡無風蘆花不動鷺鷥立  
幾個漁船霜滿篷

城臨秋水樹臨烟水上高樓人坐禪自笑五更貪起早  
不知漁父未曾眠

四鄉瓜圃閒漁莊柳轉橋迴曲岸長時有高僧尋不見  
野花修竹古禪堂

萬傾荷花水接天也無廬舍也無田人聲忽聽烟波裏  
十五兒郎放鴨船

雁叫湖邊一字橫風吹不斷繞湖行家鄉萬里渾忘却  
暮戀蘆花秋水情

老僧不作采菱歌菱葉菱花滿近河紅袖扁舟休聽曲  
有人簫管託微波

幾朝濃露幾朝霜枕枯聲中隴稻黃碧玉蓮蓬冰雪藕  
沁人心肺好秋涼

是處西風藕豆花土牆茅苫一週遮墻陰老樹枯藤挂  
霜老猶存未摘瓜

東臯詩存卷之四十一 十 文圖

挂壁寒燈夜卧遲四更霜辣斷吟髭爐頭煨芋批糠火  
鼻底焦香是熟時

幽居

嬾向西隣問灌園紅櫻紫笋壓柴門前生應帶烟霞骨  
不住山村即水村

太極菴遣興

偶上城頭望江天豁遠空浮雲不藏樹斜日畧生風浪  
迹由來慣鄉書久不通年年歸未得慚愧北飛鴻

一枕和史荀鶴太史

一枕支頤信睡魔老僧隨分愛清和厨中飯熟三交米

簾外風吹半卷荷，舊劇牆陰栽藕豆。新牽瓜蔓上藤蘿，  
聲牙佶曲楞嚴咒。不若無腔唱野歌。

程曉聲主簿詢匡山之勝

曾住匡廬面，面山橫峰側。嶺寺迴環鉢，從飛瀑簾前洗。  
門向長松葉底闌，爍影霽時烟出沒。霜鐘迴處水潺湲，  
而今得把陶潛臂，結社還思向此閒。

次范守中見贈原韻

住山不用買山錢，瓶拂飄然處處緣。白髮早催年半百，  
離家不止路三千。菊邊拄杖尋陶令，月下乘舟到剡川。  
自笑了元真放誕，題詩偏傲老坡仙。

東臯詩存

卷之四十一

十一

文園

秋日歸省吉祥老人并問諸同門謾賦

挂帆趨祖庭，秋空風日美。問訊菊花黃，菊花纔放蕊。  
寄意香雪樓，相攜白門口。借問夢梅人，如今夢醒否。

舟泊廣陵懷板橋鄭明府萬峰顧明經二公時

客廣陵

曉發石頭城，暮宿廣陵岸。愛此秋江濤，月映光零亂。良  
宵懷故人，迢遞隔城闕。披衣坐不眠，霜鐘來夜半。

方義琴范平江冒笙儀賀谷諸公納涼大樹堂  
以今日良宴會分韻得宴字

早久暑倍驕，炎燄肆相煽。共為物外遊，尋涼憩深殿。戶

牖閉不開灑，然得清善高。樹雜叢竹濃，陰森北院興。到  
各賦詩紛紛落，瓊瓊嗟余病。日久銀海正搖眩，忽若得  
空青光明掣，爍電沉李削。甘瓜盤殮次第薦，他日懷舊  
游差抵河朔宴。

磨軒吳文學贈詩次韻

守拙原吾道，非闕與世違。琴書聊適意，魚鳥共忘機。充  
腹松花飯，長年雲水衣。蹉跎年五十，慚愧不知非。

雜詠

古交如真金，百煉色愈燦。今交如烟雲，一日千變幻。今  
古不相侔，我心先自鑑。

東臯詩存

卷之四十一

十一

文園

夷齊謫採薇，耿介兩弟兄。西山微細草，得此成嘉名。諒  
哉孟夫子，一字褒為清。

夏日則飲水，冬日則飲湯。適用在及時，大道存陰陽。四  
時有冷暖，人豈無炎涼。

問爾窮巷媼，日夜哭不止。氣絕復回甦，慘傷胡為爾。答  
云遭大變，夫病前月死。十日悲未定，長男溺於水。夫魂  
何處招，兒屍不能視。孤苦有殘丁，含酸視小子。腸斷復  
腸斷，沉痛何時已。我聞如是說，淚下寒風駛。

上巳日五十初度感懷

暮春三月三，鶯花半年半。修禊懷良辰，五十逢斯旦。風

光未遲暮至道無涯畔昔賢稱知非懸殊竟河漢

無計補蹉跎老大傷頭白鄉思徒紛紛羈遲慚作客卻  
羨南歸雁高飛振六翮

夢去綿江山雲邊出棧道雲山遙復遙夢短不得到父  
兄幾轉遷光陰又迅掃徙倚懷感傷五內煩如燒

題姜孝廉靜宰秋夜讀書圖

蒲上姜公子翩翩無俗情茶因甘得苦詩以瘦為清送  
月驅殘夢看星愛故明一片梧桐樹分明有誦聲

荅冒處士甚原雨中見寄原韻

禪闍原自閑誰復肯相尋一逕黃花瘦三秋積雨深妙

東臯詩存卷之四十一

三

文園

香清世慮孤磬入愁心不有新詩贈何緣寄苦吟

謁紫竹林祇園兄

十年驚會面兩鬢老秋風大樹江天北孤雲海國東烟

籠孫竹翠花笑祖燈紅龍藏從天下香飄徧遠空時賜

藏經至

姜命車文學繪山水見惠

曳筇橋上立聽瀑者誰子萬壑赴奔濤濤聲湧出紙  
危峰削芙蓉深林落松子捨此不誅邪何處求居止

題画龍

紛拏鱗爪試縱橫奮鬣飛騰入太清吐霧吞雲好頭角

可曾霖雨濟蒼生

酬釀西夫子寄懷原韻

同作海濱客十年章句師尋梅過別院種菊滿東籬路  
遠夢難到愁多詩後期花箋裁欲徧吟毀幾多時

竹樓王孝廉贈詩次韻奉荅

不談文字不談禪老去疎慵只自憐情淡淡時雲外鶴  
韻翩翩處世中仙科名不足酬書卷品骨方將入古賢  
最憶藕花紅處醉風流占斷夕陽天

九月八日夜歸匡廬次日登漢陽峰

久客深夜歸山徑認曲折林月漸欲墮足疲興不竭瀑

東臯詩存卷之四十一

古

文園

聲已琮琤龕燈時明滅到門松影長入室霜鐘徹弟兄

獲把臂秉燭話離別明當洗客塵共作重陽節

振衣一登高直上漢陽表奇峰紛噴吼雲嵐互窈窕搔

首紫霄近縱目鄱湖小征帆出遠空片片爭飛鳥留連

下山遲一徑烟鐘杳

龍潭觀瀑次郎中丞韻

懸崖飛匹練終日響晴雷雪浪奔騰去天花散漫來萬  
松留白鶴一雨洗蒼苔不盡登臨意茶香當酒杯

過水草園訪續如兄

孤磬出幽藪叩門立花底雙扉久未開月出涼如水

明悅

字雪傳佳甘露寺著有南宗小集行世

初至大悲院呈方丈禪師

擔囊繭足走風塵三過雲堂禮碩人  
仙梵一從林外度野猿時向座中馴  
松窓既許常停錫蓮舫還容數問津  
惜我慵疎參叩晚無窮領略負青春

賦得一個閒人天地閒

陸海風濤欲蹈難因隨野鶴出塵寰  
懶殘煨芋風千古寶月題詩屋半閒  
夢覺諸緣皆化境心空何處不深山  
箇中樂事憑誰語天地吾廬日日閒

東臯詩存卷之四十一

五

文圖

九月初三夜分夜字

落葉紛紛如雨下幽人靜坐悲秋夜  
忽聞屋北雁聲初又聽城南鐘動乍  
剪燭蕭閒吸茗餘扶筇遣興敲詩能  
却憐新月最多情流照清光過我舍

歸鳥

霜染丹林起晚颺燕山無限鳥歸遲  
心常求友飛偏倦志欲冲霄力不支  
暫憇孤峰秋雨後輕翻兩翼夕陽時  
明朝莫問遊何處且向深林借一枝

庚子除夕有感

韶光忽忽暗中遷臘去春回又一年  
楊柳未舒烟水綠

梅花先放草堂前紅塵閱歷孤筇畔  
白髮飄蕭一笠邊慚愧此生渾似夢  
半成愚拙半成顛

范敬承先生招古淡園看梅

春景融融意興歡維摩攜挈過層巒  
松臨水閣參差見梅傍山亭爛漫看  
竹徑閒行頻指點板橋小立更盤桓  
一枝前日蒙相贈滿室幽香尚未殘

新構別業落成

避人小築喜初成謝世偷閒惜此生  
畏彈曉鴉棲樹穩脫釣春鯉躍波輕  
不關榮辱從吾癖聊免飢寒寄此情  
月照松窓無所事藤牀竹枕夢偏清

東臯詩存卷之四十一

六

文圖

庚戌立秋

庭梧一葉墜新秋便覺寰中暑漸收  
雁影已經橫谷口蟬聲猶自噪枝頭  
柴門小補還為屋布衲重縫又當裘  
忽憶歐陽方夜讀蕭然四壁韻清幽

遊小天台

為覓天台路攀蘿上翠微懸岩無鳥道  
峭壁有柴扉處有塵塵子山色觀難盡  
溪聲聽不違芒鞋從此費振錫隱居故云

更何歸

山居

茅菴結就翠微中不放柴扉睡正濃  
綠水繞門三兩轉

青山插戶萬千重

實燈

字濟傳一字偈船化豈法嗣主菩提社方丈

寄懷冒甚原先生

故人憐久別心跡豈相疎不惜千山杳傳來一紙書夢  
魂雖見慰歲月已驚除花徑春常掃何時顧我廬

客西湖送省真德善二上人歸渭南

歸意亦何急別情生晚風雙飛同野鶴獨我類飄蓬湖  
水經秋綠霜林入渭紅片帆殘照外相望渺無窮

輓體賢和尚

東臯詩存卷之四十一

七

文圖

不復聞清訓空瞻一照懸孤燈紗幔寂雙樹草堂偏暮  
雨來歸鶴春風泣杜鵑瓣香將酌水捧喝更何年

春日寄懷開遠兄

劇憐風景好曾記到幽林竹密輕烟散潭空皎月沈野  
花迎笑客春樹亂啼禽一別小堂久蒼茫託苦吟

送德山上人

曳杖歸何處梅花客路香春風瓢笠遠回首夢魂傷剪  
燭嫌宵短論詩託興長飄然從此別星漢滅光芒

王竹樓江樵所兩先生同喬峰上人過菩提社

即和王韻

菩提塵外境地僻少人來勝友成三益蓬門始一開茶  
香風乍定詩就雨先催莫道東溪遠尋常數往回

山中

白雲深處住何事復相關修竹侵窻碧殘花滿地斑崖  
泉濺雨細松月照人閒時把楞嚴讀長年不下山

竹房

寒翠千竿葉盡香幽清自喜滿山堂閒扶短杖吟同瘦  
靜倚疎簾影共涼籜解雪林增勁節燈分磬室透晴光  
高風却愧香巖老一擊聲聞合併忘

豆架

東臯詩存卷之四十一

八

文圖

綠陰密密傍疎籬消受清涼午亦宜不是頭陀勤料理  
恐經風雨費支持已當葉底花開後莫道秋深豆熟遲  
有客閒過相問訊佐烹蔬笋滿盤匱

贈別大恒老和尚

菩提社裏接慈顏十日追隨雙樹閒相送河橋愁遠別  
竭來詩句喜頻刪夢魂常繞雷峰頂瓶鉢仍懸雉水灣  
累代獅巖延水木瞻依常在隔江山

焦山

但見蒙茸不見山一團蒼翠水中閒浪開石穴蛟龍瘦  
月淡松林鸛鶴閒幾個漁舟時度客百年春夢懶開關

書聲常與鐘聲應都共鷗羣日往還

同人訪友晚歸

訪友歸來晚荒城一水環正當殘照裏同放小舟還行  
過紅橋北仍盤綠樹灣相攜入古寺明月照林閒

續光

字喬峰定慧寺僧泰然弟子參學金山天濤

和尚留為記室旋付衣鉢居方丈數日示寂

祇園和尚見過不值次焚虛和尚韻

歸來聞客過此際費沉吟萍水三生事寒水一片心蕭

疎畱妙墨珍重比良金已掃浮雲淨紛紛月滿林

東臯詩存

卷之四十一

元

文圖

寄懷復聞上人

握手知何日相思一寸心殘梅隨雪積落月到更深遠

望雲踪杳孤懷雁影沈名山憑夢繞那得便登臨

春日偈船宗兄同諸公見過看梅分韻

卜得幽棲地先春幾樹梅牆高枝未露香暗客能來煮

茗共清味題詩藉妙才孤山逢此日留戀莫言回

秋霖

朱夏驚枯旱炎暉不肯藏清秋轉多雨連日得微涼籬  
外數朝槿墻陰出海棠郊垌新霽後陣陣榴花香

喜竹樓夫子不果歸

連朝心耿耿為怕送行舟不想歸思轉還從寓館畱銀  
蟾剛皎夜塞雁已橫秋蘭若橋邊近閒來幾度遊

吳思堂叢梅軒兩先生枉過不值

地僻苔封徑門臨水一灣誰知有好客相挈過禪關窓  
掩繩牀冷枝橫暮雀還初屏題姓字寒月照斑斑

望竹樓夫子不至

見說黃花放清波撥棹來今看三徑曲祇剩數枝開漸  
滿當頭月將舒半嶺梅西風消息斷終日獨徘徊

喜竹樓夫子至

烟波三百里渺渺隔雲山忽見蒲帆影來停維水灣新

東臯詩存

卷之四十一

千

文圖

詩難自定舊業最相闕珍重南飛雁銜蘆莫遽還

懷胃甚原先生

撥棹韓江去傳聞早已歸如何許多日踪跡此閒稀一

望烟雲合空瞻鳥雀飛疎林明月好深夜冷清輝

同偈船師過竹樓夫子寓齋不值

閒來挈伴到橋西擬坐春風一指迷檻外寒梅花自笑

案頭新句墨初題漸聽別墅鴉聲急早見書窓日色低

立雪憑闌空悵望仍隨鷗侶下東溪

月夜同人登妙高臺

金鰲登眺好直上妙高臺况得同心伴相將看月來漁



燈深夜細帆影滿江開且盡清吟興潮聲莫漫催

九日過鶴林寺

羣峰江上秀九日漫登臨何處鳴清磬相尋到鶴林丹  
楓帶霜落黃菊得秋深蘇米留遺跡追思費苦吟

龍潭除夕

勞勞行脚客除夕住龍潭守歲渾無著容身幸有菴梅  
花風入戶松火夜明龕未許鄉思動惟將白業忝

次韻答竹樓夫子見寄

并序

乙亥秋予歸自金山聞夫子館文園相訪已  
旋里矣後蒙寄詩予復往浙丙子春又歸里

東臯詩存

卷之四十一

主

文圖

傳聞夫子踪跡不一無從過訪次韻寄意

向來東海畔問訊一擔囊人返湖天碧庭空草樹黃傳  
聞新挂席重到舊吟場未得真消息含愁倚夕陽

西湖

風景餘杭處處妍西湖湖水映清天嵐浮四面千峰雨  
柳暗中流十里烟歌管縱橫飛白雪鷗鳬自在浴清漣  
何時小築依林麓棹月眠雲年復年

花塢訪證法師次銓閒韻

澗水迢遙石徑斜白雲堆裏老僧家山中有地多栽竹  
籬外無時不著花客至盤餐饒笋蕨雨過溪壑走龍蛇

憐予本是烟霞侶空向人間擲歲華

送指凡上人歸銅梁

迢遞關山各一重偶然江上接芳踪談元河海胸中潤  
覓句烟雲筆底濃積雪初融歸故里輕帆高挂出深松  
天門景物休留戀瓶鉢秋來望早逢

卧病武林天長寺雪中書懷寄秀崖上人

卧病天涯獨黯然何堪急雪舞庭前寒侵瘦骨朝慵起  
光映虛窓夜不眠圖画六橋空自好鄉書千里倩誰傳  
多情猶幸逢良友藥物相將到枕邊

除夜作

東臯詩存

卷之四十一

主

文圖

十年蹤跡寄江湖客裏驚心歲又徂道業半生懷進取  
詩情近日轉荒蕪香飄凍雪梅花瘦聲斷寒空雁影孤  
送舊迎新俱莫問青燈相對獨圍爐

次和松友和尚登金山

峰頂招尋我共登白雲踏破幾千層江山勝跡何年始  
吳楚雄圖駭浪崩孤影翩翩天際鶴禪心淡淡玉壺氷  
從來莫問塵中事偶遇騷壇話葛藤

喜壽光弟至金山

金烏江上墜負笈入遙岑豈憚兼程遠常懷面壁心故  
人稀足跡異地重鄉音但覺漏聲促不知夜話深

祖鏡

字壽光柱天僧法孫受具於寶華山文海和尚著有東溪集

村居次韻

投閒深處羨村莊五柳清風一草堂野濶天低雲墜地  
窻空地僻月臨牀西疇共許箕山里南畝爭傳潁水鄉  
吟客頻來無俗侶利名久謝世人忙

荅端如上人

涉水登山曾幾年丰神瀟灑獨超然應知久入烟霞侶  
敢謂能酬錦繡篇愧我未離詮說外羨君早悟死生前  
東臯詩存卷之四十一  
圭  
從今三益憑知己洵是江天宿有緣

秋夜

西風落葉滿江城何處霜鐘入夜清三逕花魂歸冷淡  
一天月色照空明鷗眠池上原無禁雁過樓頭却有聲  
遙憶故人消息斷相思萬里獨含情

春日同人登菩提社大悲樓和偈船和尚韻

登樓伴結神仙客極目林多雨後田室靜常聞雲外鶴  
窻虛時見渡頭船分吟應羨陶潛句入定還知慧遠禪  
世事浮沉俱莫問千金難買一春天

過訪南浦居士

路轉橋迴細柳斜春晴徐步到君家一庭白雪多成句  
幾樹紅梅正放花拂几張琴防燕子卷簾舞鶴起汀沙  
我持半偈空諸有還向坡公覓五車

登焦山

突兀焦山寺門門面水開濤聲飛白雪雲影接蒼苔好  
逐長風去還乘野鶴來名賢棲隱處臨眺獨徘徊

登金山

夢想金山寺今來縱目初胸中小吳楚檻外走龍魚郭  
璞墳何在蘇公蹟尚餘大江流不盡千古總成虛

寄懷金山天濤和尚

記得中流住臺前聽法時花開紅散而柳展綠垂絲設  
教師無倦會心我獨遲遙烟水隔寤寐起遐思  
東臯詩存卷之四十一  
圭

秋過菩提社

問訊菩提路疎鐘出郭聞板橋橫碧水石逕起青雲古  
木秋先老新鴻影乍分塵談相對久握別已斜曛

夜登江天寺

水濶江天暮鷗鳬尚往來烟林分兩岸爽籟徹三台帆  
影乘潮遠鐘聲滿院催清吟登眺好明月到莓苔

登君山呈墨隱和尚

獨上君家嶺愛看數里山松依深磴老石卧大江頑佛

屋天香裏蓉城竹樹閒蒼茫憑眺處日落鳥飛還

喜晴

久雨開晴色祥雲滿四郊  
神龍歸鉢底野馬出林梢  
隔水呼童子攜琴訪舊交  
田家閒不住老屋補藤茅

荅卓然上人贈詩

瓢笠南尋惠遠間風輕一葉到禪關  
論心易墜簾前月續句還看屋後山  
蟋蟀聲音清夜切雲嵐事業此身閒  
淹留只為多情景巖挂松枝許我攀

徐氏山房新葺

幽居新葺與雲齊敢却東君索我題  
石上藤蘿垂古篆

東臯詩存

卷之四十一

壬

文園

池邊花柳拂香泥橫空時見冲天鶴  
靜夜常聞報曉雞風景依稀山裏住  
嫩篁四壁壓簷低

春日過優鉢菴

優鉢花開襯綠苔南城好鳥喚人來  
一庭靜掩千竿竹數畝新栽百本梅  
小憇經牀塵久絕閒吟茶竈火全灰  
東君不厭頻來往半鉢斜陽莫早催

小有天園

同小梧居士作

梯石攀藤入洞天路迴小憇綠楊邊  
山花開處憐行客野鹿過時引謫仙  
煖色苔痕侵布袖清音鳥語散湖烟  
淋漓墨跡龍碑在宛轉長吟費品詮

妙高臺遠眺

妙高突兀冠羣臺帆影迷離四面開  
隔岸鐘聲隨月落空江漁唱逐潮來  
雁飛樹杪投清渚雲入山根隱翠苔  
極目不堪頻悵望郭墳亂石自成堆

東臯詩存

卷之四十一

壬

文園

東臯詩存卷之四十二

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

流寓

邵 潛

字潛夫號五嶽外臣通州人寓居如臯工篆

刻有眉如草寄公廬詩草行世

移家南溪

東臯詩存卷之四十二

文圖

卜居遠人境頗覺塵事稀山水漾清影嘉樹暖餘暉皮

褐苟自完藜藿聊止饑朝騁六藝圖夕宿詩書帷豈謂

世我遺我與世相違寄謝雲臺客吾志甘漁磯

雜詩

我聞三神山越在九州外瓊蕊翳岡巒金臺敞烟靄中

有冥寂士食以靈叢艾雲行戲蒼垠飄飄絕塵塏逝將

往從之弱水奈汪濊

紛紛豪俠子熒熒五陵間慷慨明分義重此平生言千

金市一死推難無所憚鉛筑一以擊易水千秋寒斯人

邈可作執鞭誠所安

嚶嚶中林禽哀鳴慕其侶伊人豈無儔而與木石處五

交昔所尤三零況相聚冠塵只空彈寸心向誰語破琴

勿復言淚下零如雨

葛天易海內軒皇治華胥反顧一以失何有復何無人

生寄天地蝶化在須臾安知夢非覺覺亦非夢歟斯理

良難究欲辨還踟躕

文犧登俎豆神龍游陂池榮顯實生患隱處安且怡人

生適自適禮法寧復羈禮法不復羈樂也曠無涯駕言

自茲逝永與白雲期

讀貨殖傳

東臯詩存卷之四十二

文圖

處世無經業貴在取富強營營各異致牟利殫毫芒販

脂固云辱雍伯千金裝掘冢乃姦事曲叔日以昌卓犖

治冶鑄張氏起賣漿拙哉力田農亦復稱秦陽多財不

市死名譽還飛揚尊顯擬素封結內輕侯王連騎何雍

容鼎食羅中堂意氣恒相矜盼睠生輝光我胡守貧賤

局促安其常逝將事小賈為樂殊未央

過孟嘗君養客處

山行日欲夕我馬亦已瘠彷徨岐路側棲託靡所如維

昔田齊世茲地美且都公子敬愛客士也紛相於悠悠

向千載遺跡惟榛蕪誰為慕義者而復騁良圖撫碑一

太息乘夜臨前塗

長恨辭 哭兄長庚

子夏失厥明王衍鍾厥情兩賢豈不達永傷骨肉傾緊  
子載生初列星揚其晶 內子初夢大星墜懷有妊故云姿才既秀異歧  
嶷亦性成三月免母懷日與疾癘并周齡失所恃饑安  
蔗與錫靜默不好弄展矣衰宗英東陸忽云邁壯邛遂  
為鄰白日一以閉大暮不復晨昔在母脉存今亡母脉  
泯昔為掌中珠今為地下塵天道杳難測夢理何沉淪  
哀鬱纏五內血淚沾衣巾

贈道者

東華詩存 卷之四十二

王

文圖

英英華山客娉娉區中仙端衣既緝纓鹿駕何翩翩道  
遙廣陵陌顧我放靈顏授我象外說令我排冥筌長跪  
一以受彷彿平生言君豈魏叔清余豈呼子先 皆華山仙人

古意贈白爾亨

娥娥紅樓女皎皎當軒窗朱顏曜暈來言笑馥蘭芳十  
三工織綺十五爛成章手爪妙一世巧思出中腸吳娃  
步屢卻楚艷不可方佳期諒無愆勉哉慎自藏

送陳時卿醫士還京口

吾聞太古世壽考咸克臻季葉何淪薄天札頻相仍三  
芝可引年五石足鍊形誰明此鴻術而敷濟物仁悠悠

折肱言非君疇足論

伊余遘奇疾三載未云已金膏遞無靈積顏日以委之  
子何神奇乃能生厥死春風一披拂枯槁忽復起嗟哉  
造化權仁者互為理問君奚所師問君胡能爾取法何  
次公參以王太史

憶君少年日撫劍遠行遊朝謁閭海濱日夕青齊陬覽  
勝吐高吟慷慨慕前修交際發中誠往來多好仇愧我  
窮鄉士何以結綢繆

朔風號中林雨雪皓以素何意同懷人揚颿忽南驚飄  
飄鐵甕雲渺渺金山樹可望不可親搔首淚如注

東華詩存 卷之四十二

甲

文圖

君子交有道豈必恒相因中懷苟不渝在遠分自親矧  
茲同鄉縣夙昔如一身離居路雖阻誰謂非比鄰墜歡  
倘可接要我以陽春

客東臯適范司勳異羽至損惠三金書此為謝

少無諧族韻積譽良亦多竄身在岐路顛躓可奈何我  
公方舟來弭權容經過攜手一相勞授色雍且和慨茲  
寒氣肅客遊常蹉跎兼金脫以贈匪用相矜夸在貴不  
忘賤斯義久已磨酬德諒靡繇涕下空滂沱

寄陳仲醇徵君

日落江樹昏碧雲起天末曠瞻幽人居山川杳難越容

輝一以遠十載徒延結離夢或見之躑躅中腸熱安得披芳襟慰此長饑渴

冥鴻振高翮繒繳安所施巨鱗縱四海網鉅寧能羈洵美曠士懷而與青山空結言在邱壑身世兩相遺清談馥蘭茝攜藻春華披芳風日以遠千秋良在茲逝將追逸躅黃髮以為期

贈潘虞部仲和

世風日以漓人心日以罔一為貴所移勢燄遽炎上支屬巧借叢輿臺紛樹黨縱橫間里間伊誰矯其枉我友秉懿德好古結遐想志意既冲和才情復秀朗金閨籍

東華詩存卷之四十二

五

文圖

載通聲名冠同榜維時苦逆閹危行懷忠諫帝曰咨汝工功懋則懋賞汝往其欽哉稽厥鐵與錐爰駕幔亭輅爰泛秦淮槳王事信靡寧鮮克辭鞅掌向家省慈顏庭闈增氣象緋袍御板輿五鼎隆祿養乃瞻平生交握手歌慨懷文酒數相求不解自雄長矢欲挽頽波驕矜盡排蕩謝彼湯窻徒視若夢魘題倚歎及艾年服官從此昉嘉猷翊聖明事業何沈茫良玉蘊餘輝朱絃奮逸響三復損益文勉悔諒無爽

濯足亭

凌春恣行邁遊目江上山歸然覩新構獨陟心自閒危

徑既僻紆積石何嶢嵬仰負千仞厓俯鳴萬里湍豈惟暢遠懷煩慮聿已捐載誦滄浪咏爰悟川上歎濟川亦奚為浮海徒辛酸道以習坎勝幽邈無乃安旨哉左生言服膺詎可謾逝將謝塵軌長此弄潺湲

賣書

嗜書夙有癖袖藏良亦難卅載與之俱晨夕恣游觀東臯一遷徙愁苦恒無端三口日號號衣食胡能完辟穀街廛驗裸身非所安豈無榮華子誰肯周貧寒縹緲雖云富可閱不可餐持之向人售壹鬱增長歎

將進酒

東華詩存卷之四十二

六

文圖

黃金疊碧玉梧瓊漿盎盎松花開脯麟饌虬蘭蕙藉瑤堂綺席香風迴歌妓童舞佚女散樂作清彈舉芳春對景須盡歡青鏡朱顏不我與勸君莫惜玉山曠世惟有醉鄉堪託處

鄒學憲彥吉一指堂觀演王逸少傳奇

華堂絳蠟凝夜光朱簾繡柱雲屏張玳筵象席蘭荃香金盞玉膾充圓方主人愛客禮數忘平頭絡繹行酒漿紈羅四座輝煌煌雕談綺辯聲琅琅優伶窈窕美清揚秦青韓娥堪雁行纖歌妙舞各擅長變幻百出誇身強恍如江左來諸王羣賢畢集蘭亭傍清言疊疊易老莊

風流跌宕不可當乃知名士多清狂置身邱壑樂未央  
舉觴白眼天茫茫後世之名安可量我用我法奚所望  
願得沉酒聲色場終朝一咏復一觴與君百歲同徜徉

贈汪醫士

新都醫者疇最良昔有吳橋與吳洋其名一落文人手  
治效種種垂無疆伊誰嗣之汪夫子神妙人人寄生死  
十指能奪造化權近代名醫那有此余嬰寒疾良不輕  
經旬大叫無停聲君來診視矚日夕多方治療全吾生  
吾聞用兵如用藥標本緩急毋失著善用則存否則亡  
片片草根皆劍鏑君昔曾將海上兵因寇變化寇乃平  
東臯詩存 卷之四十二 七 文圖  
所以料病猶料寇出奇出正功皆成操茲鴻術仍大雅  
貧富何曾異趨舍宛然高士隱于醫直將藉此行仁者  
我之餘年君所延報君安得黃金千他時願繼汪司馬  
為傳方技令君傳

觀朱康侯王孫為包穉修先輩畫竹歌

先朝寫竹稱好手夏昶居前趙備後其餘畫者徒紛紛  
神妙誰能炙人口君侯高帝之子孫言謁州將來江門  
詩法還將作畫法質實貌出如生存已生戴雪攜尊至  
乞譜谿藤數三四與酣濡墨恣揮灑意態經營殊有致  
不根而生勢不羣低者亞水高拂雲別有粵種斜生節

一一積素枝枝分幽姿遠思浮几案似向阮家林裏看  
對茲握麈足徜徉抹鳥塗花那足算我癖此君匪曰迂  
種之無地空嗟吁何如尺幅挂茆屋歲寒不改恒相娛  
有傳余道死者聞而作此兼寄社中諸子

昔從間道離鄉里九死間關亦危只生未有婦父無孫  
天欲死余無死理流言孔亟仍孔多以口代手操干戈  
讐手未死讐口死其心叵測將如何人生天壽自天受  
生死死生良已久不死者心死者身請君試問大小酉  
將遊五嶽留別里中諸君子

遙遙事行役戚戚辭密親星言即往道中意曷能陳齊  
東臯詩存 卷之四十二 八 文圖  
梁殊塗軌况復楚與秦短褐不掩脛資糧難及晨朝陟  
青林幽夕息窮谷濱飛鳥相隨翔糜鹿為比鄰飄如無  
根蓬忽若路上塵萬事長已矣一身非所論惟念金石  
交把酒立途巡願君重自愛聊以慰遠人

令名不易處古道翻見咻諛疑成貝錦玉石亂其儔百  
感日以集俛仰生愆尤立身諒寡諧局促將安求何如  
謝塵鞅從彼浮雲游

青陽能幾時寒露倏為霜壯志不在遠老去徒自傷天  
地洵寥廓胡為守一方逝嚴萬里駕皓首以相羊  
人生嬰世網高蹈乃其宜不見向子平慷慨赴前期名

山秘靈笈仙窟產神芝行求苦不早寧辭渴與饑各天  
自明日握手茲一時生還苟無因死當從此辭

### 悼亡

列列江上風猗猗谷中蘭風威一何勁蘭芳摧以殘眷  
懷我淑儷吐惜起長歎永辭在瞬息一往悵莫還生存  
洵苦辛之死良亦難上顧頽齡親而作若敖觀下顧穉  
中兒索乳聲淒酸駕言舍之去中懷詎能安隆思五情  
塞惻惻傷心肝

萬類各有匹吾亦慕同聲奈何雙黃鵠羽翼修以零

宗忽云邁白日暖冥冥昔者長相聚今也限幽明百身

東臯詩存

卷之四十二

九

文圖

莫可贖念至忽忘生獨有流芳在可以慰中情

生命有終極天道何茫茫莫壽於娥姁間姁乃為殤豈

無長年術天閼良足傷云胡炎炎火焚玉發崑罔魂兮

杳難問掩淚訴穹蒼

傾曦有返駕逝水無還流漫漫夜臺路會面邈無由元

雲黯總悵悲風淒素旆入門無與晤四顧中心愁死者

既長已生者何時休絕絃再三歎愴怳以夷猶撫棺一

哽咽涕泗慘不收永言結胸臆茹恨于千秋

### 家難作將避地陪京留別范司勳異羽

人誰無遠別此別最酸辛淒惻無家狀倉皇避難身推

心空自苦喋血營難陳前路無知己臨歧淚滿巾

橫逆卒然至危機可易窺伯奇誠不肖王湛未應癡罪  
以長貧得恩因積怨移寒灰那復暖鄉律待君吹

### 上巳水繪菴同王阮亭

山園曲曲恣尋幽不減蘭亭昔日遊年似永和饒麗景  
客同大令自名流歌聲宛轉雲間出酒氣綢繆水上浮  
卻怪諸君太無賴詩成頃刻傲前修

### 並頭茉莉詩

冰蕤共蒂弄清光露立中庭異衆芳秦號雙娥容並潔  
瀟湘二女體俱香經宵月綴鴛鴦佩侵曉雲籠翡翠裳

東臯詩存

卷之四十二

十

文圖

應是化工微有意故將花信報仙郎

穀梁世兄生子以己亥人日滿月賦此為贈

生兒方匝月恰喜遘靈辰質已毓陽德氣仍含早春家

駒今日譽國寶異時珍重慶蓮前色寧誇勝作人

### 大水漂溢民廬病中賦此

十日雨翻盆連江地欲奔蛟龍蟠古木魚鼈上空村野

色千峯暝人家幾處存憂時方病肺何計補乾坤

### 召伯道中

曾是經行地重過異昔時荷香夾櫂發樹影逐颿移矮  
屋低臨岸平田曲抱陂舟人遙指點相近露筋祠



渡江訪范尚墨異羽

殘夜日初生孤舟戒曉征金山雲外寺鐵甕樹中城破  
浪身如寄乘風夢亦驚不辭天整險祇為故人情

奉酬閻三守太素問疾

秋風催伏枕顧影獨含辛海上將衰骨人間欲殺身時  
情纖可畏吾道鬱難申別駕如公少翻能問隱淪

寄懷顏佳胤兼簡國表

孤村西郭外地僻愜幽棲坐看江雲變行聽野鳥啼草  
烟迷碧澗麥雨濕青畦日共同人語詩篇幾處題

題王大將軍羽卿兩標銅柱卷

東臯詩存

卷之四十二

七

文圖

誰是平夷第一功中原豪傑競推公風生楚道梟槍滅  
雨洗盤江瘴癘空喻蜀更傳司馬檄渡瀘猶有臥龍風  
兩隅天地銅標在荒徼千秋氣自雄

客宋東光伯宿署中荅高洪父陸無從兩先生

霜落燕臺木葉丹蒯緱猶自向人彈黃榆白草愁中見  
碧水蒼山夢裏看烽火三邊秋色苦衣裳九月杵聲寒  
尺書欲報加餐字鄧雪紛紛和轉難

謁于忠肅祠

六馬蕭蕭阻朔風孤空質計何工無才定惑遷都議  
有守能酬轉日忠名在湖山偏借色事過社稷尚論功

牽門羣小徒多幸血食寥寥史傳中

山居有懷陳思受明府

涉世慙無術幽棲愧不才盧分山葉葦衣學水田栽地  
僻塵塵入沙寒雁驚迴佳人邈天末日暮思悠哉

同鄒學憲彥吉鎮溪菴聽講法華經次學憲韻

名僧殊解事揮麈落松濤巧作金篦喻能令白法高理  
寧窮壹與疑頗析秋毫半偈消諸妄何須擬反駁

金陵除夕

豈是無家者飄零忽竟年徒裁司馬賦難釀阮修錢幽  
恨誰堪語奇窮鬼不憐夜寒淹獨酌顧影益悽然

東臯詩存

卷之四十二

七

文圖

哭李兆震

斯人無死法那得遽如斯年稍踰長吉名甘次藥師採  
芝鍾阜日折柳蜀岡時回首成今古浮生電影馳  
曾不得四十傷哉黠自驚撫孤無少婦將母藉諸甥意  
氣猶堪想音容儼若生招魂何處所長歎淚縱橫

冬日異羽尚墨招同社中諸子及危芷上人齋

集北山同賦

歲晚傲高賞抽閒且盡歡磬鳴山欲午冰結木應寒麴  
蘖何曾禁伊蒲自可餐清談差有致斜日下檐端

奉送王總戎心抑勤王北上

大將苦寒行賢勞為聖明占星知虜騎望氣得軍情鼓  
角臨邊靜烽烟出塞平封侯元有骨麟閣看勲名

建牙江上久冰蘂著清聲有賦能酬德無金可市名時  
危需將畧國難見師貞銘勒燕山石飛書慰友生

民變寄慰諸公

生死蒙菑害椎心淚欲枯烽烟連近郭剽掠徧通都狂  
吠聲為影訛言紫奪朱天王問戎首守相可能逋

孤憤鬱難平天心似玉成憤金人莫辨抱壁客偏驚終  
使風雷動那傷日月明千秋公道在應不損高名

乞州大夫陳公子輔援前守周公例捐俸刻余

東華詩存卷之四十二

主

文圖

循吏傳友誼錄書此代簡

著書吾豈敢藉此送窮愁吏治匡昭代交情障未流旁  
搜心已竭重鏗願難酬誰復如前政明公庶可求

送楊廣文和宇遷空良令

正喜交堪託何當故別筵八年歌在泮萬里賦游滇厚  
德今楊震高才古鄭虔須知一分手南北各風烟

雨中簡楊贊皇先輩

敗蘆風雨驟益重野人哀重疊茅同捲周遮壁半隤釜  
空藜藿少衣冷薜蘿推卻羨繁華宅梅花映酒開

聞警簡王大將軍伏隆

盜賊彌關洛烽烟日未央羣生罹水火千里斷耕桑絡  
繹羽書至參差戍壘長東南有王翦慎勿近淮揚

丁丑元旦日蝕

日蝕當三始驚心詎忍看陽虧光稍晦陰盛氣偏寒實  
恐闕朝政將無勵庶官普天共修省可得杞憂寬

丁丑二月晦日日出如血亡光有青如日者數

千百或聚或散與日相摩盪自卯至午已陰雲  
四合遂不復見人莫考其故晤冒考功宗起示

所記則嘉靖乙卯臘月晦日曾有此變也書此

答之

東華詩存卷之四十二

古

文圖

日異君能道徵諸手疏中事將乙卯並時豈永陵同犯  
關無驕虜登朝有鉅公胡然天示變吾意轉昏蒙

晚余實甫

良友逝何速詞林色黯然江山留麗藻風雨斷朱絃疑  
義無繇折奇書不復箋題詩懷昨日披覽淚雙懸

崇禎庚辰閏正月十五日作時余年正六十

上元今歲再春色萃柴荆夜暖燈仍燦天澄月更盈百  
年方合閏六表恰重正自慶添庚兆銜杯坐待明

酬里中諸先生題亡室淑媛流芳冊

歌來萬里不堪聞幾度嫋嫋憶少君一自芳名題淑媛

遂令白骨重青雲風生聚窟香仍轉夢入瑤臺佩未分  
總是楚人工楚些招魂今復見奇文

呈吳大方伯體中

高名十載冠中州砥柱東南藉壯猷堯典官寮推四岳  
周家屏翰屬諸侯重看伯氣回吳越爭羨台星傍女牛  
草莽自慙非上客敢從薇省挹風流

贈江錦衣邦申

承恩仕漢執金吾日日隨班侍禁樞賡有才名驚四座  
謾言家世重三吳人間騏驎誇龍種天上鵷鸞識鳳雛  
結俠倘能虛左席夷門君好問屠沽

東華詩存

卷四十二

五

文圖

病中寄馬仲良張克雋兩先生

高枕蓬蒿氣色偏天涯非復壯遊年風流江左懷張緒  
留滯周南憶馬遷白社空懸鸚鵡筆青山遙負鹿麋緣  
荷香竹色銜杯處醉裏題詩定幾篇

奉寄吳大中丞體中

時巡撫四川

郊垌小隊幾徘徊問柳尋花亦快哉八陣風雲猶劒閣  
百年山水自琴臺何人更獻揚雄賦有客應誇杜甫才  
倘憶野夫貧到骨那筒春酒驛書來

酷暑不得過沈仲雨相公

炎暑蒸人鬱未舒薄遊孤客意何如衰時懶擬吳都賦

往事空探越絕書片刺懷中仍復在一錢囊底更無餘  
休文自是同心侶龍藏安能問起居

飲陳仲醇先生山齋

三泖湖頭一草堂幽居如在浣花傍太邱道廣人難及  
仲子名高世未忘著就雄文皆月露刪成秘笈總琳琅  
從遊已後諸年少家釀寧辭醉百觴

春王五日集愚公谷同朱修能陳晉卿

長廊曲榭轉逶迤宛宛樓臺相映垂疊石不教金作埒  
疏泉殊勝錦為池檻梅偷暖鶯先覺曉蕙禁寒鶴未知  
遊興非緣中聖發即無醒酒亦相宜

東華詩存

卷之四十二

十六

文圖

顧比部思齊書種堂成賦贈

小築精廬興不慳雖居人境自幽閒隔窗雲樹高城繞  
卷幔風颿極浦還庭立諸峯橫作障池分一水曲如環  
也知對此堪逃世大隱何須更買山

暫將簪紱狎樵漁茗盞薰鑪日晏如滿壁蒼烟宗炳畫  
一牀黃葉子雲書依人馴鷄能司酒調客靈禽解索糈  
莫道官為清課累爽雄樂事未全虛

送白大行兩亨復命還朝

駢駢四牡返明光秋色丹楓冷鷓鴣于役久推星是使  
載馳又見宿為郎宣恩宗國維周典肅命朝廷秉漢章

滿路流亡堪痛哭可能無意達君王

臥病

臥病天涯漫自憐觀濤欲賦轉悽然看來鶴骨貧逾瘦  
老至蛾眉苦未妍折券何人如武負尋山無計逐焦先  
金莖不療文園渴長日匡牀似小年

月夜冒汝峨偕高伯調過訪

中庭樹白月黃昏剝啄俄驚客在門科跣那能循禮數  
談諧殊不雜寒溫犬聲處處啼如豹鶴吟時時聽若猿  
卻怪王猷寒雪權興窮剝水不通言

哭朱介毅先生

東華詩存卷之四十二

七

文園

悽然傷逝重欷歔仰止斯人不獨余郭泰里門無雜客  
張華家世有藏書鄉評謚後名尤重野史編成志已虛  
欲續襄陽耆舊傳幾回握管愧迂疎

俞明府典記者美而能書為余錄紫釵傳奇詩

以贈之

時從酒畔見清姿誰擬聰明擅墨池似較方回差有意  
能依穎士即為奇花凝宿雨香長駐柳破深春葉正垂  
手腕莫嫌書欲脫也應無忝色絲詞

敬廬為族人所據藉范司勳得復書此為謝

家貧那復有贏餘風雨先人一敬廬祇願芝蘭生砌畔

豈堪荆棘入庭除燕尋故壘聲偏苦犬戀疎籬步每徐  
不是山公能念我此身何以得安居

簡張民部揚伯

頻年氛祲暗遼陽鼓角聲灰氣不揚坐使一軍爭表草  
遂令諸將戒垂堂先朝帑藏虛儲積大府金錢總耗亡  
司計陪京公等在運籌何以潤邊疆

壽冒汝九先生六十

寧海分符棄若遺垂綸還問玉蓮池家緣不異之官日  
客贊差強捍寇時兩邑甘棠常蔽芾滿籬佳菊故紛披  
名成今子稱觴處何限秋光入酒卮

東華詩存卷之四十二

七

文園

奉呈李大宗伯本亭乞撰詩序

赫奕詞林供奉臣春曹欣復領儒紳力追大雅將衰業  
名壓西京以後人揮塵三山增氣色抽毫雙闕闢嶮岫  
向來齒頰如元昊肯借餘芬慰隱淪

壽王大將軍心抑五十

艾歲重提海上師東方諸將沐恩私試看緩帶輕裘日  
猶是敦詩說禮時建勳龍沙多遠畧致身麟閣可前知  
栢梁自和千秋調不擬平原奈樂詞

送侯海門入覲

鳬舄翩翩度遠峯回瞻馴雉隔花封雲中輯瑞趨三殿

天上鳴珂謁九重丞相憐才能汲引君王問俗自雍容  
楓宸剴切論時事儒賦東南不易供

與孫元沖話舊

瞥爾論文二十年那堪踪跡各風烟幾回見月能同醉  
何處看花不可憐祇為家貧拚棄置豈因身賤廢周旋  
羨君三語成良緣底事狂夫手一編

七夕范尚璽異羽招集潘仲和園命紀姬分韻  
作

半林梧葉入秋殘瓜果筵開夜未闌地主不殊幽客意  
天孫只當美人看鵲絃撥月商聲急風管吟風水調寒  
東華詩存卷之四十二  
與劇轉嫌更漏促絺衣一任露華溥

哭黃君求文學

傳君御氣入空虛廿載交情一夢餘任使秣林留藻翰  
可堪文苑失璫璣玉蓮夜月孤吟社綠酒春風冷故廬  
惆悵名流凋謝盡不禁雙淚濕衣裾

謁宋丞相文忠烈公祠忠烈之謚我朝景皇帝  
所賜

荒祠古木澹朝曦瞻禮孤臣儼若存祇為勤王來海嶠  
遂令遺像在江村心懸皎日千秋見氣結愁雲萬里昏  
今代已非元社稷明裡能不慰忠魂

贈袁都護君貢

齒當定遠入關年高枕秋風興灑然玩弄鼎彝消茗椀  
遲迴花鳥費詩箋禦戎薊北名常在平冠山東事漫傳  
莫謂家貧難裕後先公清德世稱賢

沈節婦

青春抱影度年華淚灑天南血作花事舅三看姑易室  
撫孤終見婦空家苦心較藥應尤甚潔操如水更莫加  
此日旌門勞使者香名千載重江涯

偶成

寥落他方愧一身淒涼舉目重傷神青衣紅袖應嫌老  
白水蒼山似戀貧那有篇章堪借客祇緣衣食尚須人  
勞生擾擾成何事縱得微醺不解聲

簡許義烏若魯

識君十載倏推遷回首升沈各一天領邑已聞多惠愛  
還家仍喜獨清妍白雲檻外將心遠明月花間任意圓  
累世通家情不淺可因讀禮廢周旋

丁丑立夏後五日中庭籬畔忽產靈芝三本色

黃荳紫光彩溢日詩以紀之

猷地為廬寄此鄉神芝何意產籬傍氣鍾首夏荳含紫  
秀發中央質帶黃商嶺雅聞饒可療謝家應見祚能長

休徵天錫良非偶一笑臨風酹一觴

年來赤氣亙天而旱蝗寇盜未已淒然賦此

夜夜遙天見赤氛機祥何事動乾文王師尚未旋京國  
流賊猶然在汝汾四海瘡痍良可念萬方蝗旱不堪聞  
杞人無賴憂偏切淚眼模糊對夕曛

奉寄冒宗起觀察

憲府遙臨粵嶺隈遠人爭識濟時才九分赤白風霜凜  
劔說雌雄瘴癘開鈴下畏威羣吏化軍前懷惠百蠻來  
梅花遶署香浮酒越絕書堪次第裁

崇禎庚辰仲冬六日余犬馬齒六十矣自惟一

東華詩存

卷之四十二

主

文圖

生坎墮半世孤筮撫躬存亡何心天地命酒微  
酌悽惻不禁爰成四律聊抒鬱抱云爾

窮愁無緒亂交加初度悽然感歲華烟斷破驚連日火  
風開蔽褐幾重花自知白眼難容世何處青山好寄家  
多少繫心驚老至回看孤影倍堪嗟

才微只合困巖泉骨相清癯數已然家乏五銖貪結客  
身餘一袖足遊仙子年索隱言非誕叔夜傷時性故偏  
卻怪無端兩眉宇平生不肯向人妍

衰年貧賤轉難禁旅鬢緣愁雪色侵海上松楸空引恨  
夢中蘭玉尚關心天清魑魅憎遐舉月白鷓鴣妒苦吟

檢點浮生無一可能教住世不沾襟

風雨柴門悵此辰長鏡相對轉相親聖明那復求畸士  
草莽聊堪署外臣半世饑寒應有極多生魔障豈無因  
朝來卜命探周易漫道亨期是獻春

余所草州乘資或有毀之者書此解嘲

出門落落竟何依對面人心有是非擬著襄陽耆舊傳  
翻蒙新莽大夫譏剛方始信人終棄軟美應知衆所歸  
寄語波旬無狎我此身已外死生機

上之回

東華詩存

卷之四十二

主

文圖

回中稱險絕詔蹕事巡遊六馬追風駛千車憂水流雲  
移龍仗肅日繞翠旌浮山鳥傳清警邊花亂綠表偏辜  
渭叟望未使塞胡愁稅駕甘泉路惟歌汾水秋

客中詠懷兼簡鍾祠部伯敬

久客殊亡賴俄驚歲序遷雄心徒激烈壯志每迤邐病  
乏三年艾貧貪二頃田蛾眉衆女妒駿骨幾人憐寂寞  
平原飲淒涼司業錢曳裾風不競下榻事多愆已信才  
元拙何疑世並捐難忘枯樹歎懶誦達生篇泉石聊乘  
興烟霞且結緣無心工作賦有口敢談天落拓寧如此  
浮沉任自然千秋流水調應待子期傳

少年行

六博爭雄豪俠場盤孤金注益鴟張問渠何物堪為采  
笑指輕裘是鷓鴣

宮詞

宮外雷聲度小車君恩又幸董賢家掖庭多少如花女  
不識龍顏鬢欲華

吳山忠清廟

亭亭山上松獵獵江上風巍巍遺像肅惻惻懷孤忠鞭  
荆一何武繫越一何雄紛哉列國士疇敢櫻其鋒夫差  
既淫佚牢詬復面從屬鏐一以賜稅駕鴟夷中怒濤日  
夕吼含意良不窮瞻言念吾子千古傷人衷

東臯詩存

卷之四十二

重

文淵

登松陽外山覓李北海追魂碑作

昔有葉道士操術一何奇生攝北海魂永夜相追隨授  
石索其書神妙傾當時置之此山上是曰追魂碑流傳  
足清賞舉世咸見推惜哉何年代湮沒無從窺或謂藏  
林薄或謂沈川坻懸知摧毀際呵護愁靈祇我來值秋  
莫日夕起涼颼但見颺颺徑蔓草紛離披興言懷往蹟  
四顧情淒其徘徊久延佇悵悵令心悲

山東道中

遠道人烟絕孤征重慘悽雲開山盡禿野曠日全低綠  
樹鶯聲少黃塵馬足迷早知行役苦何似只巖棲

望泰山

岱色與前滿經過幾日程遙連諸郡迴高壓萬峯平雲  
霧俄吞吐陰晴迭變更登臨吾未得空負遠遊情

韜光菴是靈隱最高處

仄徑捫蘿上盤迴樹杪行江湖當檻圻日月挂簷平鳥  
語雲林寂泉流石砌清塵囂吾欲避於此重含情

謁嚴先生祠

雲霄辭故舊長往狎江鷗逸氣超千古清風傲列侯荒  
祠舍落照斷碣立高秋不是逢光武芳名未必留

登弘濟閣

東臯詩存

卷之四十二

重

文淵

凌空傑閣倚崔嵬絕壁千尋勢欲隕吳地烟花從此盡  
楚天風雨自西來微茫江色晴飛雪合沓濤聲晝起雷  
憑檻遙窮千里目不知身外有蓬萊

紀甲申三月十九日事

傳聞賊騎陷燕疆逆豎迎門變異常九廟英靈魂震蕩  
一時聖主思徬徨朝廷晝黜烟塵色官禁晴飛劒戟霜  
祿食諸公恩不淺幾人頸血濺衣裳

千戈滿地日相尋四海橫尸慘不禁總為玩師增寇虐  
更因催戰啟戎心山河次第悲雲擾社稷逡巡歎陸沈  
雪恥除兇羣辟在野人只有淚沾襟

初武林之進勦也一誤于庸理之玩

冠再誤于兩嶽之失師三誤于潼關  
之催戰遂致陷關中而有今日之禍

### 哭思宗烈皇帝

宵旰憂勤十七春孜孜圖治為生民發奸不貸中官罪  
去佞難全上相身儉比漢文無侈德剛同唐憲有深仁  
鼎湖一去龍驂遠惆悵山陵入戰塵

### 輓吾郡許忠節公若魯

淚灑龍髯不可攀孤臣何事戀人間誓將一死酬君辱  
忍復全生覩賊顏正氣瀾漫填宇宙忠魂悽惻繞天關  
同官慕義相從者屈指寥寥供奉班

賊焰迷天國勢危此身殉難卻如飴老親違養心無悔

東華詩存

卷之四十二

室

文圖

羣僕環啼志不移握手哀謀差自慰追蹤許遠復奚疑  
亦知從逆多名士留得芳聲萬古垂

### 喜吳大將軍破賊

元戎血戰薊門陰誓掃妖氛淨綠林氣憤材官皆用命  
意悲邊塞盡傾心流星劍舉鯨鯢戮明月弓開虎豹擒  
協佐中興推首事重來吳漢古猶今

### 傷皇太子及定王永王

皇家託體不尋常豈意偕亡道路旁主器虛推周上嗣  
維城難擬漢諸王愁雲忽蔽青天影妖氣全羅白日光  
天矯三龍何處去應將怨恨告先皇

甲申五月十五日羣臣迎福藩即皇帝位於南  
都恭述志喜

新皇江左紹洪基神鼎重安若有期不數少康興夏日  
應殊至德復唐時去殘更約三章法戡亂還陳六月師  
靈貺自甄天意在寰區從此樂無涯

### 官兵

官兵跋扈亂揚州夙昔繁華轉盼休雲黯四郊人跡少  
烟空萬井鳥聲愁默黎受僇心難死紅粉蒙羞淚暗流  
三詔促行終自若不知何意此淹留

### 讀史相公分鎮疏惕然有作

東華詩存

卷之四十二

室

文圖

南畿三輔是淮揚遠慮須嚴此日防即使分茅應鑒漢  
豈堪列鎮不懲唐風雲變幻何嘗定天路清夷詎可量  
珍重持危賢相國急紓長策佐君王

有詔追上懿文皇太子及建文景泰尊號喜而

### 賦此

當年御宇彼何人特詔追崇不廢親世遠是非評始定  
時移謚號議仍新高皇應覺幽衷慰列聖寧期缺典申  
看取殷殷教本意肯遺草野一窮民

### 悲今日

禾黍離離故國秋烽烟四望使人愁羣臣棄主仍增秩



諸將要君盡拜侯蒿目世情無一可傷心時事已全休  
羽書絡繹偏安地野老應難遂首邱

聞郡城信

悵望蕪城思慘然生靈屠盡豈由天師臣畔敵奔何亟  
藩鎮臨衝避獨先血積通衢難辨路屍填古渡不須船  
可憐明月吹簫地賸有游魂泣暮烟

傳檄至

傷心四海競干戈白首流離奈若何北顧未能存漢土  
南來寧復止淮河百年食土恩非淺九葉為儒幸已多  
垂老不堪逢世難行行重唱采薇歌

東臯詩存

卷之四十二

辛

文圖

史閣部檄置高傑家眷於如臯即事有作

四月十八

移兵飛檄至閨媛一時驚競欲棄城去寧辭冒雨行提  
攜忘倦色襁負雜號聲四顧心難定何方託此生

初同協僕至吉家陵

憂生時下淚匿影且孤村不分風塵起何當日月昏穴  
居寧暇擇木食復奚論但保頭顱在難忘造化恩

協亡

與爾同東窺如身共影隨艱難猶未識甘苦故無私感  
感于何騁棲棲只自知主恩雖不戀慈母重堪思

中營變作

吃哮豺虎亂官亦受虔劉白日埋孤影黃沙暗兩眸城  
空人盡竄市罷客無留殘忍千天譴深為爾輩愁

同劉姬及婢燈兒避亂之黃家莊

相逐離城邑寧嗟去路遙輿行猶昨日徒步自今朝力  
倦頻思憩心驚不禁跳田家聊伏匿舊業任飄搖

又同劉姬燈兒之何彭莊

邊烽看漸逼遠遁敢辭貧水涉煩田豎途迷訊路人自  
憐生氣少共忘苦聲頻離亂剛相值能無歎不辰

至洋莊即事

東臯詩存

卷之四十二

壬

文圖

奔馳無日定何地可藏身空自尋知已憑誰念旅人投  
瓊多暇豫借寒少情真躑躅歸途遠依依月色新

得寄公廬信

近得吾廬信柴門敞夕陰簞瓢皆羽化卷帙半塵侵夙  
昔經營苦生平創守心永懷愁欲絕西望一悲吟

覽鏡

衰年遭世難未死是遺餘敢復憐毛髮而仍吝削除于  
心元不忍顧影竟何如行素言堪繹隨時共卷舒

歸寄公廬

廬存身可寄歸後轉悲悽饑鼠穿垣走垂蛛網戶低塵

泥封臘几苔鮮上殘桂四顧無鄰舍羈孤未易棲

余所篆皇明印史亂中為人剽去遍訪絕無踪

跡

寓史於諸印深心煥典墳貶褒憑鳥篆篆鉞藉龜文自  
創千秋法期垂一代勲蒼天何所忌幻化入塵氛

悼劉姬

還家纔四日一疾遽云亡魂為愁兵斲神因憶子傷檢  
書曾感頰覽物幾沾裳奄忽辭塵去將無返故鄉

羣生

羣生逢世運不啻刈茅菅流血腥郊野陳尸塞市聞烏

東鼻詩存

卷之四十二

元

文圖

餐肌肉亂犬齕髑髏開燐火終宵見悲思悼旅顏

燈兒為某所奪

女奴嫺服役教養七年周風雨來何驟雲烟去不留裴  
殮難自辨衣履藉誰收孰與終身憶非徒旦夕憂

乞某歸我燈兒不許

乞哀書屢上曾不少垂憐壁去何由返珠亡竟莫還顏  
齡誰倚藉羈旅執周旋勢焰遙堪畏逡巡敢近前

葬劉姬

重棺埋兩骨魂魄願長寧不朽墳前石難湮地下銘斷  
雲封隧道荒草苔陰靈我死誰為役情知只裸形

余育燈兒七年所今春正月七日橫罹圍奪鬱

不得申疽發於背病中賦此

疽發緣何劇中心鬱不平恨從初月結情自七年生授  
藥難尋影須糜錯喚名此身如就木怨氣徹幽明

老眼

老眼昏逾甚時時帶淚痕死生三口別莫苦一身存枳  
棘推羈履風波斷旅殮亦知終道殣誰與賦招魂

遊鄒學憲序吉惠錫園

零雨暮云歇秋氣晨益清名園肆探歷四顧抒中情空

翠映簾櫳飛泉淙階庭蠟花漸凋歇汀芷揚其馨翔翼

東鼻詩存

卷之四十二

手

文圖

拂高漢游鱗浮綠萍或觀孤征雁載聆寒蛩鳴眷此愜

幽賞離憂事已平何當占一壑永畢我餘生

中秋夜集潘先輩仲和館中

人生若皎月顯晦恒無端良時既相及寧使憂患干有  
酒且斟酌遙夜樂以殷坐見浮雲散微雨過前巒庭柯  
影交加風篠鳴珊珊潛蛩揚其音驚鳥無停翰攜手出  
中遠四顧中心歡南登城上樓北望長河滿河宿漸已  
移露下衣裳寒景勝貴廷賞疇念無荒言繫我二三子  
絕絃能復彈願比素靈質千秋光未殫

東臯詩存卷之四十三

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

范 霽

字夢符湖州人中表李衷純令如臯因避亂

依之卒于臯

訪周叔夜寺寓

是處成幽寄何妨只數椽寒花餘白瘦霜葉試紅鮮榻

東臯詩存卷之四十三

文園

穩扶詩夢窓虛受月圓夕陽疎磬度一一暮鴉還

不寐

蛩聲咽露氣寒色倍悽然推枕夢何處起行月在天宿

鴉驚古樹獨雁叫蒼烟明發隣鐘動吾將理釣船

同申周伯飲余公祐書樓

雨過殘陽逗桃花一望明亂紅凝日氣新綠喜春晴池

蒨枯成饌江螯淡入羹相將幽興發拚取坐深更

浪跡半生上自高曾以迄父母兄弟生養死葬

俱有疚心傷哉貧也用宋人句漫賦五首

貧作負恩人顛連秋復春松楸一掬淚悲慟四時身窮

去詩無伴年來死是隣墓門如拱木或恐化為薪

回天定無力貧作負恩人雙觀晨昏夢諸昆聚散身無

猿腸欲斷有雁信難真仲弟聞摧折傷哉益痛辛

蔀屋荒城畔東臯偃蹇春癖猶耽好句貧作負恩人感

舊音書閒生涯筆硯塵孤城明月在夢去亦迷津

慣窮能自固母老鬢如銀身已癯同鶴衣應結類鴉炊

慚巧媳婦貧作負恩人婚嫁何年事秋風憶採蓴

寂寞吳陵道重逢意氣真素琴橫我室破屋與花隣風

雪村村晚烟花處處春朋情同鮑叔貧作負恩人

送舅祖蔭之新安

公履之父

東臯詩存卷之四十三

十二

文園

三月桃花水揚舠白岳進到時逢首夏歸計及新秋試

水移茶竈探囊見石榴遺風培積厚聲氣遠相求

友人于桐鄉張使君署中致詩見懷次韻奉答

兼念老親諸弟

震澤分攜汗漫遊菱荷衫在不禁秋延津不復探龍劍

閭闔無端夢虎邱對酒每深雲樹想登樓偏惹故宮愁

遙知九滌回飛棹欲與嚴灘理釣鉤

髫髻相期六藝遊溶溶墨瀋志千秋紅分夜火侵書史

綠滿春枝映索丘何意沈腰仍瘦減却憐范釜只窮愁

使君清暑勞相念兩地同看月一鉤

飢軀何計出門遊寤寐交知二十秋豈有驚人同謝朓  
竟無知已是曹邱春暉寸草斑衣夢暮雨荆花綠鬢愁  
君近鼓盆憐寂寞可能含笑看吳鉤

斷絕雙魚憶舊遊曾憑尊酒度春秋朝元殿已歌離黍  
鼎盛家應歎廢邱筆底青山差可賣画中紅袖且消愁  
棲枝未穩同烏鵲漫道崎嶇曲似鉤

聞警有感

風風雨雨一春虛落盡殘花濕盡書巨浸拍天連海嶽  
新聞特地到山居神魂盡日驚衝突烽火何時報掃除  
桂子風高茆屋破酒壚何計慰相如

東臯詩存卷之四十三

主

文淵

余克之留宿莊居

秋清氣肅不知寒村落人稀犬亦安客為興豪邁酒債  
主緣情重費盤餐風凋古木鴉為葉蛩絮虛窓月近關  
別有幽情饒遠致晚霞斜挂碧天寬

懷石爾月村居

含銳之父

村落蕭疎處烟波正渺然葉鳴寒夜雨舟載落霞天人  
淡致方古微言機已禪多君幽意在不與世周旋  
不慣炎涼面兼之冰雪腸晚餐薇蕨嫩秋老稻花香白  
法僧同契元言妻與商無端繫城市夢在水雲鄉

錢岳

字五長號循陔通州人晚家于臯

七賢詩分賦阮嗣宗

抗志稽古人風流推晉代緬彼竹林賢曠懷自千載矯  
矯阮嗣宗尤非衆所逮寄托良亦深疎狂特其概時據  
酒壚飲思與隣姬對醉則脫乃禪白眼觀世界窮達兩  
不羈嘯哭一無聞脩然獨往中觀者轉生晦吾意更憐  
君片言辭帝配不然評七賢高寧在放廢

吁嗟行投贈漢陽宋道掌

吁嗟乎文章氣運江河下當代何人稱作者任教課袒  
任浮沉却怪風塵同調寡錢生孤立滄溟東也思藝苑  
東臯詩存卷之四十三

四

文淵

開鴻濛十載上書猶侘傺歸向山窓卧日紅宋君宋君  
自是欽欽磊落不凡士俾我一見神情醉腹笥橫將金  
薤盤毫端怒擊珊瑚碎新裁古法各淋漓一編兩編咸  
可垂簷簷小言那足數直與漢唐晉魏名輩相追隨歎  
我宛轉雕蟲裏白眼投入乏知已乏知已可奈何酒酣  
耳熱拔劍斫地悲且歌結蘭徒爾金垂盡聳翮翮然網  
胃多丈夫致身苦不早恨不遠跨十洲近躡三島安能  
戀戀守家園藏名賈豎與傭保宋君宋君與子握手披  
肝腸千秋以上抒眼光吁嗟乎千秋以上抒眼光吾而  
不狂誰當狂

余默菴招同部方壺謝峨白許子公潘子調余

允尊賞菊于朝徹堂共用年字東許子公

共醉持螯抑鮓天賞心樂事慰耆年隔簾菊借燈拖影  
入座香隨月上弦潦倒利名雙屐外淋漓酒態一尊前  
來朝又屆吹花節采采芙蓉滿釣船

許元錫過訪同限字

柴闥握手各神傾文字交遊別有情三徑未荒秋菊冷  
數椽纔葺晚楓明肝腸任俠何甘老巖壑耽幽敢驚名  
與子鴻溝申約後直拚斗酒定縱橫

贈徐石霞

東臯詩存卷之四十三

五

文圖

曠觀身世一浮漚山水蒐畋別有秋自是襟期出寥廓  
何妨嘯傲凌滄洲萍鷗世事恭棋局蕉鹿生涯問酒籌  
相約共償楊許約清虛碧落好同遊

黃長孺攜酒蟹見過

今年苦澇菊難栽點綴茅簷次第開正切南州三老望  
誰攜北海一尊來科頭捫蝨談當世盥手持螯縱酒杯  
飲不沉雄詩不快詩成飲賭玉山頽

冬日巢民先生招同楊無聲鄧孝威徐石霞飲  
水繪菴即席共用枝字

款扉一笑慰離思名士高僧邁會奇恰似延津驚劍合

肯教北海倒尊遲闔山雁叫繁霜影林莽鴉翻弔月枝  
稍喜僦廬雲樹近羣公觴詠獲追隨

次巢民先生韻贈梅谷和尚

手曳枯藤踏竹菴頽然殘菊尚堪簪偶因禮佛塵氛淨  
不覺尋僧日影南白石清泉澄法界繩牀經案擬瞿曇  
色空空色無窮義且任拈花一笑叅

遊虞山拂水巖

絕巘臨風客思豪蒼松頂上立波濤水珠倒激嵐光濕  
山練斜飛曙影高陟彼崔嵬胸漸拓感殘興替首重搔  
劍崖況復誇奇絕欲向飛仙借羽毛

東臯詩存卷之四十三

六

文圖

徐學清

字澄之號湛然浙人國初官於邑之白蒲  
鎮因家焉著有蛩吟草

寶劍

欲覓封侯仗太阿流光駒隙莫蹉跎豐城乍見雄心壯  
易水雖寒俠氣多戡亂只憑三尺勁報仇奚待十年磨  
佇看異日軍前試立靖烽烟奏凱歌  
龍泉曾射斗牛明報國封侯而未成謾謂荆軻魂獨壯  
敢教張禹胆先驚功高殊勝三更讀威震能降百萬兵  
從此雞鳴須起舞勤王何用請長纓

寄從兄學惠

相違顏色已多年故國他鄉兩夢牽  
自歎鬢毛愁裏改誰憐皮骨病中延  
天涯知己黃花老海外音書白雁傳  
何日揮鞭返閭里笑談重結舊時緣

寄從弟學愛

歷盡江湖白髮新每逢秋到倍傷神  
仕途蹭蹬艱還苦歸計因循老更貧  
靜裏時懷諸弟語夢中常見故鄉親  
為思往事重回首幾向西風涕淚頻

雪夜

雪凍山家萬樹寒冷冷清夜燭花殘  
映窓有色翻書徧

東臯詩存卷之四十三

七

文園

乘興無心訪友難呼酒欲驅寒氣盡  
擁爐忽報漏聲闌衰年只合頻僵卧  
恥向侯門抱鉞彈

人日

綵勝家家上玉釵貧居無夢到金臺  
梅妝懶點綠妻老詩句頻添屬女裁  
麗日烘堤先着柳輕烟散野欲籠梅  
江晴喜得春無恙何處香風入酒杯

雨窓

東郭廉纖雨南窓枕簟清風迴書几濕  
水漲海雲平歸燕窺梁語鳴蛙雜鼓聲  
晝長無個事銷盡篆烟輕

日暮

日落門將閉庭昏夕正陰歸牛尋舊路  
宿鳥亂深林偶坐風生袂將彈月上  
琴經年無物役寤寐不驚心

重陽

搔首扶筇過野塘飄蓬此日又重陽  
菊黃也自知秋老衣白誰人送酒香  
冉冉楓林愁裏血蕭蕭蘆渚鬢邊霜  
登高望遠家何在黃酒頻斟枉斷腸

送友北上赴試

赴試休傷別瀕行莫問程雨餘春水潤  
風急布帆輕柳拂平淮浪鶯啼隔岸聲  
承明朝帝闕衣錦早回旌

中秋聞雁

東臯詩存卷之四十三

八

文園

倏忽逢秋半驚聞雁又來那知征婦怨  
空待寄書回露冷寒蟬歇風生畫角哀  
感時徒白首對月獨徘徊

秋蝶

霜清風急草初萎燕去鴻來蝶不知  
庭院蕭條花落盡飛飛猶自戀殘枝

春日偶興

春來常是病從未踏青山花鳥憂愁裏  
家鄉夢寐閒題詩過竹徑避世掩柴關  
歲儉兼兵甲心何得暫閒

蜀府海棠

異域遺仙種春深花自榮東臯今始見  
西蜀舊知名睡

起嬌無力妝成笑有情不香何足恨相對解新醒

新秋病起

病起情無賴掀書眼倦開草堂惟自掃竹逕少人來木  
葉知秋到江帆畏浪催年衰尤舐犢襁抱且徘徊

西湖賞蓮

夾岸芙蓉淺淡閒輕舟鼓棹去還來拍浮不用將籌點  
一片落花酒一杯

中秋前二夕月

蒲塘秋欲半樽里月先圓何事他鄉客清光獨見憐玉  
闌人未返石室劍空懸日暮愁霜鬢衰頽不似前

東臯詩存卷之四十三

九

文淵

秋砧

楓落吳江冷塞鴻誰家搗練月明中聲聲訴盡深閨怨  
只恐秦關路未通

重陽有感

每遇重陽節殊增遊子憂寒衣猶未授邊使更何求遲  
暮驚黃葉霜風漸白頭登高頻眺遠新雁度南樓

冒港渡江

港口三山近江心九派遙檣烏低動日屋氣遠通潮赤  
岸鐘聲斷延陵樹影消投鞭心未遂白髮恨蕭蕭

晚泊江陰遇雨

澄江風色暝舟泊浪聲幽水鳥隨潮落雲帆帶雨收只  
令聞鼓角無計慰貂裘回首長安路十年不解愁

遊虎邱

一葦楓橋過乘風至虎邱鐘鳴知寺近松古覺林幽劍  
氣看潭影禪心點石頭塵襟縱無限到此可忘憂

長至後得士槐姪信時槐從都中入謝宗孔幕  
隨任廣西新太營

汝去久無信人來報粵遊蠻溪交廣地桂嶺古荊州瘴  
毒千山暗身孤萬里愁自嗟衰老甚相見恐無由

秋日述懷

東臯詩存卷之四十三

十

文淵

一室蒲洲曲水平蕭然四壁滿秋聲門無征稅貧何礙  
客有求詩老更清非是雲山供嘯傲豈無車馬費逢迎  
年來種杏閒消息樵子漁翁最有情

秋日吳國表同令姪五玉輩過飲

寥落門常閉秋光到薜蘿且斟八月酒休作五噫歌雁  
字風前細琴聲月下多况逢諸阮集白首肯蹉跎

過東村讀書處

海日逢天霽西風過墨莊賞心修竹徑聚首讀書堂酒  
惜千鍾少詩徵一日長醉吟驚野鷺諸阮興何狂

冬至

此日陽初復羈人易感傷凍梅未破臘衰螢已成霜早  
潦連三楚荏苒徧四荒鳥窮無粒啄猶恐吏徵糧

初春吳上公招同黃仙裳吳環玉子敬諸友小  
集限韻得鱗字

白髮催人歲又新兵戈何處可潛身非緣近結斯文會  
安得相逢大雅人入座自慚疎禮節談詩獨羨藹陽春  
值今世亂多傷感好藉揚波起涸鱗

和李侍郎讀水經注憶洞庭之作

鳥啼吏散正消停讀罷圖經酒已醒覽勝謾思天岳迴  
感時猶憶洞庭冥壯心落落春雲淡遊興蕭蕭暮雨零  
東臯詩存卷之四十三 十一 文圖

霜鬢自憐歸計晚江山回首短長亭

春日黃仙裳過訪予因他出失候賦贈

春色纔移曲水濱幽棲方喜絕風塵偶過蘭若聽談偈  
不料桃源枉問津倒屣未抒王蔡悃盍簪誰似阮嵇親  
論才故是青雲客豈獨評詩捷有神

贈吳在茲移居

不意鶯遷處行行近我蹊笑談欣莫逆朝夕好相攜墨  
妙雲堪愛林幽鳥自啼祇慚無斗酒少敘比隣西

顏光祚

字佳庸東魯人少寓吳門老遊如臯從之學

詩者衆因家焉著有詩畧行世

董小宛少君哀辭

南國有佳人耿介懷好述冶容妙無方流韻清且柔置  
身偶失所流涕倡家樓回顧陌上人草露等悠悠絃歌  
且不屑寧媚余與稠眷念同心人宛轉使我愁解一我愁  
抑何極寢興徒反側千里遠相知離居限南北何況客  
遊子情思一何逼金石固難要鳬藻猶未得結言在終  
朝矢願同比翼解二比翼歡有日疾颺起無時辛勤孤燈  
下三復行役詩君子雖我懷聊自歲月欺音問久為別

竭來顧有違驅車金山頂弭節江水湄感彼行路人誰

東臯詩存卷之四十三 十一 文圖

不稱令儀解三令儀不可希良會尤難期從親千里外握

手臨路岐中情雖有結豈得申所私孰知盤石心嘉運

不我移珊瑚曳裾至白首願追隨解四追隨歷九秋樂咏  
同晨暮豈徒謝鉛華纖素猶如故嬰憂浙水濱邁患長

江路輸力竭忠貞隕身委朝露哀鳳起翺翔孤雁紛來

去傷哉君子儔零淚松楸墓解五

贈石夏宗

皓天積陰霾嘉樹落荒邱迢迢九衢內屏翳若龍遊俛  
仰起悲風歸路無所由自非希世哲躡景難自謀振衣  
彩虹外灌漑長江流還顧淮南桂馨香樂我儔願得長



相依榮悴復何求

送春曲

十年春風江上住一半愁深風雨路杜宇南來啼更多  
血濺荼蘼花下樹九十風光今漸非舊絲輸了新蠶飢  
麥攏青青爾何益將入官倉踏作泥

古鏡

秦帝照來久樂昌會未難暫離花載影重與月俱團繡  
帶憑誰結冰心只自寒再經妝篋內羞作嫁時看

寄家書

八百鄉關路九年音信疎幾回江上馬前夜病中書淚  
東臯詩存卷之四十三 辛 文園  
血灑難盡巔毛亂不梳淒涼重回首轉憶別家初

聞笛

羌笛聲聲急客心淚未乾傳來遶塞苦變作海雲寒柳  
折西風盡花飛白月殘此時一相對倍使別離難

宮紫元貽酒兼惠新詩賦酬一律

帶病江鄉久吳陵此復過關河行跡少詩酒故人多拭  
淚看題句開顏起醉歌知君解簪紱耕鑿意如何

同吳尊光過吳五玉莊

一水樹參差橋迴路不知小山剛入戶曲磴又通池柱  
杖春風客落花高士詩招遊皆爾族接跡隱茅茨

送別張燕孫遊粵東

秋風蓴菜正生香張翰翻能去故鄉豈是壯懷輕弟妹  
故令遠道見文章山經毒霧人宜黑地出蠻江草不黃  
看罷嶺梅逢好友笛聲莫遣送歸航

贈故秦中監軍御史金公死節詩

紫宸重賜繡衣尊祖帳新承玉几恩先皇賜宴送行自是張綱  
宜道路忍教項羽毒乾坤龍旗影沒孤軍勢鼙鼓聲悲  
死士魂多少羽林遲扈從見君精爽哭黃昏

中原百萬盡雲奔休道秦關壯士屯紫塞未曾虛校尉  
劍門早已戴公孫霜威獨貫孤臣節粉骨猶知大義尊  
東臯詩存卷之四十三 辛 文園

明日 朝廷重卹贈睢陽祠廟不須論

妾病

浪逐東風燕子樓顛狂強半為人羞非同樊素能鍾愛  
實為臨卣有客愁多病各須憐短髮忘情獨不願封侯  
交交一樹門前鳥雨雪猶棲最上頭

竹西曲

柳揮花殷揚子橋農家樂事勝前朝不須更畏韓擒虎  
別有深宮貯阿嬌

喜雨

旱魃久凌厲陰雲驟發生黃梅宜節候白水到柴荆天

接松濤影雷翻麥浪聲差池雙語燕淒切速來情

晚晴

驟啟柴門色夕陽雨後生斷雲千里碧孤柳半天明淺水鳴蛙急南塘牧笛清纖纖初月上應照未歸情

夜雨

復作黃昏雨蕭蕭竹樹聲客愁聽不穩燭影照來清歸夢應無路行雲豈有情蹉跎江水上誰為洗戈兵

秋七月

七月又今日涼風吹若何蒼鷹摩翮勁菰米浸池多已急畚田久猶防塞馬過星星看短鬢亦與歲蹉跎

東臯詩存

卷之四十三

五

文園

水漲

水漲茅亭外層陰岸岸深儵魚屯卧柳白鷺上高林只作漂萍老徒為擊楫心頻年南國思雙鯉獨難尋

同吾始夏宗宿國表西村草堂早起得錢字

好雨應時至晨光尚黯然未醒殘夜酒獨立見村烟客語舟行路家亭竹下泉東隣有雞黍不費杖頭錢

遷于約諸子往水繪園看池荷雨阻不果行却

攜酒過得月堂聽歌采蓮曲

傳道方塘色一時風雨移却教蓮葉冷翻向曲房吹愁絕吳江調歌殘越女詞相將有朋好隨分倒金卮

後十日仍集水繪園看池荷追憶往事

不盡平原興名園尚爾思紅妝還倚日綠酒更臨池似入鄉園路再歌風雨詩依依見今昔因重別離悲

客至

西野暫棲遲好風昨夜宜只因人跡少復作客過詩綠醕從隣得蒼苔信杖移不須歎芳草世路漫相思

傷春

五陵三市變如雲小苑春風事也分短短薔薇低刺手高高鷹隼亂傷羣采芝獨困商山老鳴鏑猶傳瀚海軍已見縱橫皆涕淚尚攜樽酒會論文

東臯詩存

卷之四十三

六

文園

秋日鄧孝威吳興公諸子集宮紫元宅

搖落江城宿霧深仰天拊岳重追尋幸無鐵騎屯孤壘且倒金罍共盃簪夜雨各摧雙鬢色酒狂獨見兩朝心迢遙忽入關山曲遮莫鍾儀尚楚音

忽憶

忽憶東來舊陶令名園良夜幾回詩有時對酒孤懷抱却恨逢君易別離細細柳條青入眼雙雙燕子白穿籬那憑風力仍翻羽好過巢居古樹枝

雨不絕

瑟瑟雲寒過甲子淅淅檐溜動經旬只看燕子泥何濕

那見花枝葉獨新江舸斜還逆浪席門淹泊更愁人  
頻年拄杖仍為客去住無繇親好春

陸元升奉 詔赴河間賜祭高尚書晤余客舍

明光起草識 天顏故老功高侍從班 玉殿履聲歸

斗柄鳳池簪筆 詔河閒廬溝風雨新祠遠大陸旌旗

駟馬還不是機雲稱使者黃麻難副 主恩頒

翩翩裘馬出青門春草 王程事不繫南國五雲傳

禁闕上林花萼映諸昆玉珂暫假江干色金盃先承

雨露恩慙愧梁園多病客獨無漢武詔南藩

遣興

東臯詩存 卷之四十三

文園

萬家燈火夕鐘初攜杖江村楊柳疎客舍易經秋草沒

劫灰難辨故宮餘尚憐死後平陽寵莫信生前揚子書

贏得相逢當日暮更教壯士足躊躇

舟夜

小艇東回野岸陰狂歌招手更相尋春風入夜憐知己

燈火維舟見客心沙面影移孤雁急鄉關人隔戰雲深

無端刁斗還宵警庾信江南思不禁

東臯修楔

佳辰良會恰春溫前代遺風此尚存非是永和猶好句

更多王謝有清言呼尊隨意開花合興慨無心庶草繁

列座更兼南客至江東名勝不須論

余儀曾

字伯來號羽尊福建莆田人客如臯與冒巢

民輩友善因家焉著有瞿瞿草詩畧六卷

匿峰廬十三夜看月

林昏風乍斂倚檻闌冥冥金谷翻多事銀蟾最此亭墀

移秋水白鬢盤露華青忽聽棲鳥亂回頭惜四星

十四夜看月

滾滾風塵際街杯樂聖便來朝秋始半今夜月虛圓獨

客渾無賴霜娥亦可憐清輝官漏轉高處看逾妍

東臯詩存 卷之四十三

文園

十五夜無月

豈意逢佳節青天匿素娥連宵都絕好此夕竟如何雨

脚當庭暗雲頭着地拖一杯張兩炬既醉也長歌

十六夜雲月

喜見多情月和雲破影嬌團圓知昨日皎潔憶前宵清

恐朱門未寒憐玉臂遙直西有蕭寺鐘鼓太無聊

十七夜霽月

花徑晚霞散柳隄晴月升未虧磨寶鏡中夜漱寒冰漠

漠青天上溶溶碧海澄涼秋無伴者蛩語坐層層

巢民先生扶病招同水繪菴看桂步韻

旅葵旅麥涸池臺尚有名花桂樹開低葉瘦能承露發  
細香恬不受風裁水萍青鬢人都去烟草黃昏雁自來  
身外漫勞傷往事眼前只好勸深杯

往昔行 有引跋

東林前輩炳炳日星自楊左獄成正人天喪  
嗣復社後起而如臯冒公司李巢民實共主  
蔡邱焉五十年來屈指中原魯靈無恙詬誶  
翻叢往成虎鬪今則泥蟠蓋圓鑿方枘兩不  
入也已未重陽之夕於得全堂看演精忠譜  
劇乃五人之墓事也巢民歎曰諸君見此視

東皇詩傳 卷之四十三

文圖

為前朝古人惟余歷歷在心目間次日出丙  
子歲八月十八日巢民南都寓館為魏子一  
大會同難諸孤兒紀事三筵并悉始末為之  
浩然夜長不寐作往昔行得字五百六十

巢民司李文章伯邇許我為同調客紛紛輕薄少年場  
往事茫茫心莫逆說來泰昌及天啟愚蒙宵小千綱紀  
忠直禍源何所胎移宮易儲紅丸是比當甲子乙丑間  
孽閹吹燄焚邱山楊左諸公在社稷一疏再疏鋤神奸  
那知孽閹薰高天嫁言三案戕名賢一網殺盡東林人  
國家元氣晨星然謹言楊左遭蒙蔽魏公忠節懷寧忌

周公忠烈受遺孤心肝慘逆英雄淚繆李高黃與顧公  
一時冤獄九家同青天白日落霜雪哀壑無光號黑風  
忠節冢兒隨父死死忠父兮死孝子世間忠孝一門鍾  
子敬名同山岳峙其時緹騎下吳苑忠烈清忠風世遠  
五人市井莽男兒疾邪捨死美名建從來邪正不兩保  
滔滔空惜頭顱好一旦乾綱攬烈皇春風郁郁雪山倒  
五虎五彪典刑後焚焚子一長安走兩上血書瀝父冤  
死獄孤兒誰其偶子一高才東南稀貢入南雍居南畿  
長衢短街斂踪跡傳道懷寧謀子遺仇爽儼公楊孝廉  
為匿子一僑一屢其時巢民好兄弟陳張呂劉顧樓邊

東皇詩傳 卷之四十三

辛

文圖

陳君則梁說子一巢民一見膠投漆大開壇坫懷清橋  
頓使陰謀意寒慄觀濤高會十三人只有楊家阻漢津  
則梁密之好古歌歌成雪掃眼中塵左氏四兒一善詩  
子一画做黃大癡画上小楷跋情話淋漓墨蹟真吾師  
子佩子潔寫孝經繆氏采室能殺青密之飛白脫相贈  
三筵列名如明星方公侍御范司馬四方聲氣在門下  
梁溪貴池陽羨流朋逐奸邪尚風雅南都復用懷寧儔  
修報寸心深仇讐先生不著毒手死豈非天意嘉靈修  
聞此野人增歎息側身天地滿荆棘千古勲庸一夢中  
面龐傀儡君須識眼前齷齪休衡量白雲蒼狗空奔茫

秋雨秋燈弄柔翰知他何地無滄桑

陪徐方虎太史飲巢民先生得全堂步韻

其奈相逢客舍何登龍聞說已有摩側身塵後壯顏去  
傾耳尊前情話多愁破茗香生礪戶燈昏人影亂庭柯  
北風寒雨橫斜入中澤哀鴻斷續過  
坐斷嚴光舊釣臺翩翩鳴鴉狎人來海邊再見神仙珮  
天際同銜地主杯長笛短簫淹永夜丹邱元圃總寒灰  
從今莫說雲泥隔自有清輝及草萊

疊前韻和荅沈允一

周南倦客奈愁何只把圖書日撫摩寒月乍逢相識好  
東臯詩存卷之四十三 主 文圖

晨星轉念故人多不無白眼癡同阮復有知音笛是柯  
邊海十年空潦倒西湖烟雨未經過

霜高莫上望鄉臺回首千峰月色來好聽纍纍耆老話  
非同泛泛酒人盃夜闌風好城聲緊曲罷屏邊蠟炬灰  
四韻休文最華美疎狂媿殺泥蒿萊

疊前韻和荅巢民先生

咄嗟老大竟誰何秃羽難將碧漢摩客久亦知山縣小  
交新肯道鬢霜多紅泉促膝看初霽黃葉當風脫晚柯  
勝有習家池館在歲寒松柏許同過  
布袍絮帽共登臺水郭西頭雁下來地底凝陰將轉律

天涯知己一傾杯深衷人咽生前淚緒語心銷劫後灰  
舉世濁泥悲汨汨需君隻手托蓬萊

己未至日讌集得全堂

袂薄歲云暮頭如蠅不伸陰雲掩遙陌潑潑寒風屯令  
節邁一陽生氣履其新堂上具觴豆堂下升衆賓拉雜  
變行次長揖衣冠人百五十年前風俗誠龐淳禿衫與  
窄袖有底不悲辛冷許苟小小胡苦百吻陳緬睇古訓  
詞縱樂非無因竹肉兩三奏大白沛來親飽尊覆方席  
土燈耀圓茵永夜等明晝不覺啼司晨窮陰既已盡冰  
谷應陽春歎息斃斃遊孟藁何處呻

東臯詩存卷之四十三

主

文圖

己未除夕

無家絕似阮宣子不分蹉跎鬢就絲寒去今宵同反掌  
春來明日若相期壯心灰又年華改短氣憂惟酒國知  
馬齒庚申三十七和風應亦暖荒籬

城上霜鐘催臘盡池頭宿雨漸春波往年不信青年換  
今日纔知去日多潦倒新愁江北折艱難故里枕南柯  
可憐漂泊還無定即是依人又若何

得全堂賞晚菊

拈五言古得魚字

霜降去茲遠緬維陽月初奇雨應良辰宿莽將更舒深  
閨出遲菊爛熳交綺疏黃白國色具春工紅紫虛席中

香密窗屏閒影徐徐進趣永今夕肯使衷懷疎金縷唱  
匝匝絳蠟明周法蕙香復煮茗炙酒還烹魚觴酌委豁  
達景光邊留餘嗟彼躋塵鞅日月徒居諸

匿峰廬芙蓉次青若韻

曾伴芙蓉睡高吟抱影微歲華改疇昔亭館又光輝綠  
醺情如舊三秋賞不違坐深溪色漠鷗鷺閑閒扉  
經過已隔一年霜又見芙蓉颺錦塘墮粉不消征婦恨  
集裳堪慰野人涼也從南國分餘艷難向西隣覓斷香  
對酒當歌花在眼去來身外總迷茫

和汪叔定荅巢民題芙蓉画扇及西瓜膠佛手

東臯詩存卷之四十三

文圖

露見寄並招賞芙蓉未赴原韻

淺渚平沙遠一峰秋深木末錦圍紅浮脂瀾粉迎朝日  
冷面天魂戰晚風

開尊深坐睇霞莊夢想汪倫泛曉霜鴻雁下來人不見  
經年辜負是紅粧

舊事東陵五色知而今百煨臍如芝銀匙滑溜堪怡老  
漢武金盤露不滋

佛手柑傳烏石岡慈悲液煉紫茸香曾經甕貯貽高士  
復許當筵野客嘗

還模齋詩

尚未滄桑日人從樓上巢威名原海宇陳迹已江郊居

處頻移竹門庭廢解嘲蓬瀛清淺異耕釣只林梢

百年先業擴還以模名齋不敢言天道聊堪慰風懷剪

茆開曲徑移岫上空階檐際蒼蒼樹君家舊種槐

蒼松圓嶠北丹桂小山南灑掃容清簟琴尊助雅談不

愁名理盡只有卧遊堪倦鳥歸飛定天光落枕函

范園荷花盛開巢民建臺置酒於園外隄上招

諸子為花壽

路幃坐薰風名園望可通樓臺看入画菡萏羨能紅把  
酒新歡見聽歌舊而同看人碌碌萬事等閒中

東臯詩存卷之四十三

文圖

巉巖見一峰水木亦清通為樂嘗吾黨空忙笑若翁疎

明來晚照掩映送香風何處繁鉦鼓桑林禱未終時以亢旱

令公方為下民禱雨

夏杪夜集見雲閒女郎沈倩扶寄巢民札巢民

用吳梅村祭酒贈別倩扶詩韻遙寄四首同人

亦依韻奉和

祭酒重蛾眉詩成錦繡垂數年聞讀史今日觀臨池福  
與書生并家從泖水移有人頻掃榻何事過江遲

七夕匿峰廬和孝威韻

地似山中靜人從物外尊昔年曾灑掃留我過朝昏萍

跡終無定心期豈易言那知當巧節重此滯吟魂

長林豐草裏荷鋪許吾眠白水浮瓜會青山舊日綠綺

羅輕世上約窈意河邊想像飛靈鵲天孫也玳筵

主人真有道老愛謝公遊長嘯爭千古高賢此一邱竹

光風過卷松翠晚來浮忽見如鈎月當軒勸舉頭

我輩天良在齊竿未許吹林泉甘姓字麋鹿著襟期夢

蛟空蟬鬢青苔廢竹枝皆余舊寓勝情殊不易翻恐漆

成絲

九日匿峰廬登高效合肥宗伯以重陽登高四

字為韻

東臯詩存卷之四十三

壬

文圖

佩綰茱萸出丹邱駐短筇風塵迴俗駕天地閱清容忽

變雙丸色都因九仍峰憑凌霜阪曲候雁下來重

此日人誰健前年菊又黃韶華俱潦倒尊酒未荒唐近

坐移松影虛簾汨水光雲開花嶼暖蜂蝶鬧秋陽

漁父桃源客王宏栗里朋殷勤雞黍約髣髴往來曾自

不求紅粉何煩覓老僧是日賓客頗衆所碧霞山隔渚

還欲更登登

心長頭髮短情好是醇醪五岳青衫老千秋白眼豪文

章還大塊衰憊未吾曹寒袂織歌起初弦片月高

冬夜集巢民先生天放堂次徐孝緒韻

飢寒心獨溷到此眼俱開尊酒三秋秣瓶花十月梅絮

談金石潤長夜雪霜催得奉賢豪命寧教不醉回

得全堂席上菊飲五首用工部遣興韻

長夏天不雨始秋澇驚心菰菊待重九辛苦遙及今今

晨一花發儼來空谷音賢達淡志意樸茂相招尋觴咏

四美備絲管啁寒林

菊韻用淵明光爛文章府臭腐化神奇良工敢辭苦小

子刻鵠鳴見收煩數苦想像濠梁閒觀魚莊惠聚所樂

在性真悲咤將焉取

歌謳疊南北盤錯重圓方流連采昌茂風露夜悠長華

東臯詩存卷之四十三

壬

文圖

燈影交亂香艷翹秀望闔戶足孤潔出戶惴豺狼俯仰

冰凜外鴻雁兩三行

暄暖展重陽小春無悲風歲美衍佳日天澤厚花蓂晚

節道腴者忍令座客空二月老農說播秣勤南東長生

在酒谷宇宙吾手中

素履素位志素心無越攀素絲披雙鬢中外膽斗山如

愚醉碩果春風談笑開餐英當採薇飲水獲大還何物

茹芝老矜許神仙顏

己巳七夕和王川老年伯見懷秋字原韻

一棹天涯變早秋心隨流水海東頭魚鹽不似江南貴

風俗難為倦客留漸敘炎歊還把卷忽逢明月自登樓  
人閒又過穿針會長簾淒涼恐未休

贈樸人世銘道兄

十葉科名壯 帝猷書生戎馬更千秋三軍贊畫收青  
海一品歸來是黑頭舊宅掃除文獻出新謨宣著鼎鐘  
留祖孫父子皆名世始信男兒勇自謀

綠水送春帆

煦煦氣節和熈熈莎蘭綠坤輿麗韶景一一媚遙矚曰  
君駕言邁戒晨行結束車馬轅東門油然風蠶蠶當岐  
意黯爾航筆永芳躅

東臯詩存卷之四十三

圭

文圖

理楫謝區區坐於天上水青霞冒林莽九州正無涖隨  
意濯吾纓濯足眠鷗起悠悠大自在身側画圖裏琴樽  
與僮僕表表出塵軌

李郭謂神仙神仙好清弄飄飄澄鏡開牙槽聽風送左  
似過太華右若接雲夢城城舉青眼四邊天覆甕醺酒  
寫灝懷穆焉節羣動

小泊就城市羅綺嬌上春鑿繡爛朱粉賦此洛濱神輕  
橈更一鼓雞犬猶先秦將我四方志許彼庶物親行行  
固得意澤蘭還獨紉

上林花滿枝紫燕雙喃喃河陽雨初霽柳穗黃金含大

塊茂生理去住殊情絨新知侈纖縞故人單羅衫四極  
了遼瀾屈指瞻飛帆

五日懷古

三閭楚賢士祿命胡不昌區區屈屈景豈曰國無良室  
中滿蕢施蓋心在懷王自古死莫贖一杯空沅湘  
宋玉好詞令雄雌風調詡當躬亞昏墊千悲未一補負  
笈徇才命青與藍參伍情愴在九辨招魂餞前古

長沙固年少嶷嶷非濁夫識卓不見容彼哉絳灌徒纖  
驪有奇骨安逐駕駘趨塊傳哭墮馬所任寧斯須  
孟嘗處齊國一炬炳中夜妨父語如冰高戶對如蔭碌

東臯詩存卷之四十三

夫

文圖

碌餌虛聲珠履競庭榭雜還賓眾中市義廝其下

胡安士夏少文彈琴歌

胡徽人夏吳人余聞人也相聚如臯作此贈之

客是閩南吳閩新安信美射雉風霜乍寒寂寞海門雁  
背白蕭森人徑楓葉丹漂泊西南慘天地愁結飢腸千  
百端即事相將求解脫琴有名言須索彈胡生性疎豁  
夏子心中無波瀾吾斂吾手用吾耳兩君七絃相盤桓  
上追太古師衰意下向中郎疊下看聲音之道通神理  
一彈再鼓風珊珊颺颺松石共清冷躁進小人魂不安  
從來事事陋孤注相遭敵手成大觀聲在四手二十指  
沁我心肝煩惱寬愁心翻倒喜心發想見良人惟古歡



風雅元音好如此流水高山知者難開元皇帝解音律  
銀箏玉笛隨龍鑾譜成一曲霓裳舞聞道龜年早拜官  
學古半生剝落拓讀書萬卷徒踴躍識時務即成名士  
不画牡丹休痛酸君不見朝菌薺華一發便枯萎莊椿  
臙腫無剗劍但得來朝重聚首廣陵散後重加餐

棲鴉

一枝安穩否吾亦類棲鴉直道疎虞重時人指摘加攪  
身憐月色挺脊忍霜華寒氣淹林莽高城未曉笳

宮紫陽太史園亭海棠下同陸縣圃

年年一樹季家紅來看花開是老翁似有殷勤招遠客

東臯詩存卷之四十三

元

文圖

兼將富麗點春工名妃睡去歡娛後碩果裁來感慨中  
二十四番風又雨布衣酒白幾回同

江天寺恭覽 御書留雲二字匾額

宸翰恩深寵上方敢將心正頌 維皇臣知捧 日依  
龍德天欲留雲護象王氣勢萬夫同辟易莊嚴七寶動  
輝光如今重譯來朝日過此先欽 御墨香

答許漱雪農部

十九年重聚雉城靈光心事漫相驚名山老盡他鄉眼  
逝水悲深故國情肯似時人輕布素濫分春色照柴荆  
連朝晴雨渾難定農部能來且聽鶯

呂半隱進士寓齋二十韻

巴蜀數千里生才接甫申較書光漢史司馬自明臣開  
闢文章盛勤勞職業新非徒憂分展直欲抵風塵玉策  
迴 宸聽金貂東國鈞甲兵優小范獻納陋先秦虎榜  
風雲捷龍池日月迤盱衡齊出處天地騰因循佩服三  
綱重飄零百指貧幽燕埋照久淮海卜居頻巢許寧須  
位義農肯借人物情恒滾滾吾道倍津津北苑丹青妙  
西河劍器神客連池草夢家與峽猿隣山曉嵐移障花  
晴錦疊茵登樓成繾綣過日每遼巡誚讓來歌鳳行吟  
但泣麟眼前榮瘁異身後是非真敢謂千金貴惟餘一  
東臯詩存卷之四十三

三

文圖

鶴馴入門琴酒在安穩夢華春

如臯縣三十四韻

洪濤坦赤岸輿縣廣陵偏封域分千古城池始百年地  
爭江北岸天盡海東邊芹水超金鹵霞山護玉涓四郊  
收草蕩一水灌洋田風俗原淳朴棲遲每靜便家人樵  
采易園園果蔬平雨韭盤烹蛤霜葵金割鱸生憎黃鯊  
賤溺愛白蝦鮮蜃市神仙宅侯鯖賈客船問錢開夜斲  
播麥耨春烟賦藉沙田米贏兼隰壤棉煎鹽鹹地脈淪  
茗淡天泉物產絡無匱人材代有傳鼎元高宋室理學  
化吳川指棘王孫隱鈞書帝使連大銓身殉難小相計

非全官本文章得軀將喪亂捐說詩尊石冒為政肅蘇  
錢吏部家聲美經魁物望先前王今不作古道闕無宣  
衡路交魑魅衣冠濫市廛驕矜天馬步河漢木雞篇德  
視纏腰殺榮無寵命愆桃符同水湧甲仗與雲駢宿醞  
延津要芳殮沸鼎筵歡追歌管末香發綺羅前公子誇  
蛟客佳人託閒仙味觀散器理浪宵雪山有欲返斯民  
習端資邑宰賢周南留滯者水北草堂眠自許心疎豁  
人嫌室倒懸妻孥恒凍餒老病動拘牽曾種衡門柳臨  
風且聽蟬

酬吳聞璋年伯見過

東臯詩存卷之四十三

三

文園

三讓王孫後東吳濫榮旌一纓今小隱萬慮豈全平年  
譜存行臘天涯佩老成滄桑君國事凋瘵甲科聲莫訝  
遭逢異先須出處明唾香私綺語搗墨坐春鶯忽抱安  
仁痛徒聞子晉笙鏡奩詩在握文選世同評短鬢違軒  
冕虛懷向釣耕塵纓江漢濯行李海鄉輕不倦登臨興  
還深著作情青山搏俊鶻黑水刺飛鯨經濟才寧棄神  
仙氣並衡伯牙都絕調元亮有門生恰得籃輿便堅從  
茗椀盟孤松含月冷苦竹灑風清聚首憑商皓先相晤在巢民  
先生開顏傍酒兵醺雞慙自小画虎未人驚去國心同  
啓通家眼漫瞠幾回勞杖履光彩動柴荆

有人

有人顏如花家傍清溪住妝成棄脂水鴛鴦過溪去

同內人坐月

博山烟細酒微醺請看空階月瀉銀解惜清光如爾我  
可知天地有閒人

范兩奇園亭燈謎

秦淮八月燈記得是金陵北客當年見西園勝事增千  
章深樹直百頃碧潭澄轉過小橋去星樓又幾層

夕泛

高高鬱初霽淺碧羣鷗至進艇矯虛湛耳目一新寄徐

東臯詩存卷之四十三

三

文園

復揮杯酒雅泱泱灑灑意世有桃花源于人淡清秘將且  
窮滄湄鍾曼蕭梁寺林烟振西嶺東月圓波遂夜氣千  
尺寒五月凜秋吹徙倚闌勞襟吾懷與幽邃

初夏張念麓招泛舟鉢池同賦

亭館茂新綠黃鳥鳴環環陂池湛舊水画舸維翩翩地  
勝人得閒閒徑來羣賢舉酒坐頽唇新月忽林顛洗盞  
投中流華燈澄鏡懸北檻破倒影南巒鬱遙烟雅有橫  
吹曲竹絲齊清圓美人雜燕趙交珮執拳拳懿此拍洪  
崖嗤彼勞歲年願言永今夕相與一陶然

半夜

半夜小窓風雪來天邊  
嘒嘒孤鴻哀地爐火散空撥灰  
手僵脚硬口無語何時得見陽春回

殘燈將炷殘酒醒事滿寸心  
余鐵冷獵獵角聲亂官井  
展轉不眠清淚多一腔熱血誰相整

### 放船行

六月二日天高雨歇倦客起梳頭  
挈伴東門舟載琴載樽爰溯其流  
一聲欸乃應虛谷幾處朱簾卷  
畫樓須臾舵轉出郭去水際天連  
不知處纔過法海寺前橋一望  
長空高柳饒屈指當年宮寢地  
惟有青秧與白蒿忽見紅開十丈蓮  
蓮葉田田搖齊烟前船美人香娟娟後舫

東臯詩存

卷之四十三

五

文園

### 苦雨

場圃麥芽萌勞思海日生開門無客至  
看潦與橋平高岸都堪棹圩田恐廢耕  
蛙聲四相荅鎮日不成晴

### 悼紀伯紫

人自鍾山舊交輸幕府新親朋憂酒債  
牛馬耐京塵大夢隨年幻浮雲過眼真  
苦思頭白後清節耿無鄰

### 陳尊生西河草屋

招我茅堂路未諳迢迢溪上柳  
參差入門無地竹連徑買酒有錢囊  
再探看去軒車鄰巷富箕來邱壑此人堪  
青衫爾我須眉改忍向清樽不醉酣

### 邵公木集杜見贈奉荅

車馬湖邊四見春青門一識種瓜人  
聞名自許清流上把臂相看白眼新  
世歷風波宜縱酒君多才地豈長貧  
餘生潦倒悲歌裏何幸疎狂得比鄰  
臭味雖然草木并合將文采讓先生  
詩兼集杜千篇好客獨依劉百感平  
自是飛揚原有數即歸空寂亦非情  
男兒出處須斟酌不覓封侯便退耕

東臯詩存

卷之四十三

五

文園

### 集范兩奇小西園同孟百聚

共舉花前酒一杯東南賓主好懷開  
眼青人自閒情具頭白余憎客思哀  
老樹當門看鳥下高峯插座想雲來  
晚晴更上西樓望桑婦鄰家笑語回

### 冬夜小集次冒青若

世閒只是酒情長何幸愁中捧一觴  
促膝人如殘菊淡開軒月變小春霜  
若知天地心難測豈可風塵恨不忘  
珍重前年歡會處再圖今日亦茫茫

### 席上贈女史文然

徧體都從畫裏分亂頭粗服亦銷魂  
最憐十指纖纖玉

小立當筵奉酒尊

抵港場春詞

海氣江聲入望偏  
平沙淺渚雜人烟  
東風早晚桃花汛  
鮭菜如泥賈客船

真州客樓送娣之南州

輕帆昨夜出邗閩  
遙望廬雲指顧閒  
一娣尚教離別易  
半生無那世情艱  
樓頭宿雨迷蒼樹  
天際長江鎖亂山  
骨肉只今悲感極  
重逢恐不少時顏

棲靈寺

平山堂際棲靈寺  
殿址崔嵬映摘星  
第五泉憑僧竈煮  
東臯詩存卷之四十三  
文園  
隔江峰插翠微青  
秋空漁唱頻來往  
日暮軍笳入杳冥  
散步荒臺多感慨  
蜀岡殘塚有碑銘

東臯詩存卷之四十四

同里江大銳樵所

興化王國棟竹樓全訂  
同里汪之珩璞莊徵輯

同里黃振瘦石

興化左亭筠谿校說

潘澂

字鏡如號冰壺越之新昌人  
康熙初客如臯卒葬于城東著有看奕堂草

春日俞介菴表叔招同陳君卿張允文呂水因  
諸先生飲花下以詩見贈依韻賦答

東臯詩存卷之四十四

文園

生世多逢難離情適柳枝飲君花下酒  
慰我畫中詩雲出山山幻人貧事事奇  
還家猶是客今日暫開眉

懷汪中郎同陳雪公先生呂柏菴舅氏共用龔  
業師山居韻

我歸正欲聚君去是何心  
不悔交情淺應憐別恨深  
春風鳴草屋落月走空林  
一片桃花水悠悠費遠尋

春日懷宗兄竹舫

山城日暮鎖荒烟  
千里懷人思渺然  
窗外落花紅滿地  
江干細草碧連天  
池塘空有三春夢  
風雨應憐半榻懸  
二十四橋深柳處  
何時同泛米家船

冒巢民先生見招因憶吳越仙事

兩鬢逾增宋玉傷十年重拜李膺堂且看洛社人無恙  
正使宗元賀不妨竹徑還容求仲入琴聲已共伯機亡  
黃泉碧落渾閒事玉蕊琪花竟杳茫

和仲兄山居原韻

萬峰深處是吾鄉古樹蒼藤挂夕陽臨水數間茆蓋屋  
傍巖一帶土為墻人看山月影俱瘦詩詠梅花句亦香  
甕有陶潛新漉酒何須作計覓仙方

又和仲兄山居韻

樓居山最上俯視萬千峰盡日無車馬經時但菊松小  
東華詩存卷之四十四 二 文目

堂虛下鳥遠水僻藏龍咫尺桃源路神仙似可逢小莊與天

台山接  
築故及

山中即事

竹葉覆茆屋溪流傍石牀牀頭置酒甕屋後設茶甌長  
嘯迎新月吟詩送夕陽道書閒裏悟偃息見羲皇

竹間試茗

石閒掃得松枝葉旋汲清泉煮雨茶跌坐萬竿修竹裏  
仰看小鳥逐飛花

閏六月七日南明山避暑即事

南明洞壑足深幽絕壁千霄翠欲流千載老楓晴似雨

萬竿修竹夏如秋夕陽斜度天王殿新月高懸石佛頭  
茶罷焚香正趺坐一聲清磬到西樓

閏六月十六日獨立棋盤石上口占

空山賴有千竿竹舉目原無一個人獨立棋盤高頂看  
茫茫下界盡紅塵

題白華樓為新安方氏賦

樓成自何日樓樹已森森孝子終無盡遺徽久見箴風  
雲來几席慈惠感人琴花發惟添淚憑闌憶德音

同舅氏呂魯園州牧泛虹橋登平山堂

我欲入海擎蒼虬虹橋之水咽三秋涓涓向人非橫流  
東華詩存卷之四十四 三 文目

我欲上山射白虎平山直是一堆土不得彎弓試才武  
靴尖踢起成飛灰旁人笑我太麤鹵吾家舅氏來越東  
把臂一笑心忡忡政聲欲平兩漢績詩篇不亞三唐風  
乾坤那可豁塵鞅暫憑山水開心胸水不必泛滄海山  
不必登華嵩只此虹橋之外平山中亦可消我千年萬  
年恨何須彈彼倚天長劍升空同

揚州旅次生起鬼感賦

隣翁攜酒至悲喜出松闌四世諸孤貌自先相國四世之下惟余一人  
多年一脈慳但能承素志敢望舞斑斕故苑荒蕪久何  
時抱汝還

冬日雜詠

栽却梅花地尚寬，可容修竹報平安。  
夜來寫幅詩中畫，持向山僧換幾竿。

移居

板橋西去第三家，茆屋柴門柳岸斜。  
莫羨先生心愛靜，黃昏樹樹聞棲鴉。

謝友人惠筆

腰閒無莫耶，何以驅妖邪。  
手中無管城，何以走龍蛇。  
多君贈我兼毫筆，揮染雲烟白日黑。  
有時勺水幻滄溟，有時泰岱歸拳石。  
有時陰森六月寒，有時一掃青天碧。  
君不見杜老乾坤一草亭，挂君高堂之素壁。

東臯詩存

卷之四十四

四

文圖

桂均浮黃

桂子香飄下廣寒，移來花砌護闌干。  
秋風吹發黃金粟，攀取仙郎掌上看。

九月晦日坐西竺師樓中兼訂閒步

九秋今夕盡明日，小陽春几淨宜添菊樓空不染塵。  
白雲招隱士，紅葉愛詩人。我欲攜禪侶，西郊一問津。

自題西津菴壁上画松

永康縣東郊有松化石其亭尚存

城東老松樹一朝化為石，松高十丈餘石不盈三尺神。  
龍多變化千古留奇跡，我居越山東偶作桃溪客與石。

久周旋蒼苔尚深碧，歸來洗破硯為君寫神格。頃之風雨生竊恐壞人壁，老僧薄暮歸稽首稱嘖嘖。問我寫何時壬戌之七夕。

山中東楊思齊

磊石為高屋，藩籬結小園。山連天姥脈，溪接石梁源。  
閒有仙人跡，從無世俗喧。子雲肯到此，把酒話黃昏。

沙聲遠

字匏山通州人以画遊於臯遂終焉

延陵旅次

竹樹蕭蕭十月寒，霜鐘驚夢正更闌。豈無清興閒敲句，亦有多情屢授餐。  
冷暖場中交衲子，春秋皮裏識鄉官。飛來野鶴還飛去，此地空餘夜月殘。

東臯詩存

卷之四十四

五

文圖

虎邱遊女

二月柳條黃，風和日漸長。女兒多懶繡，冶服到三塘。  
閒門當壚女，可憶勝如花。當壚小內家，惹來輕薄子。醉眼昵人斜。

閩山月

羽林飛將下榆關，片月高臨萬仞山。今夜月明傳破虜，明朝月下凱歌還。

塞上曲

一夜鼓聲催戰急將軍破陣正更闌寶刀經過如空過  
血濺征衣曉未乾

過南望

南望湖邊草色新濛濛烟雨暗分津白頭又渡春光半  
猶自離家作散人

上京口馬大將軍

大將軍真神武旂麾到處無堅伍憶年十九破仙霞破  
却重關只三鼓聞粵滇黔指顧收南中仍是天王土  
功成不愧世元侯麟閣紀功爛如組聖主於今思股  
肱簡駐京江開幕府京江半壁馬蹄颺英風吹徹大江  
東  
東臯詩存卷之四十四  
六  
文淵  
流江流天際搖空碧鯨鯢屏去無踪跡八旗子弟本龍  
驤較射人人能沒石餘艘將士諳帆檣出入狂瀾軍氣  
揚可以擎天為砥柱畫地作金湯盛代承恩樂未央嬌  
歌艷舞恣徜徉不經征戰苦爭似郭汾陽丈夫有志當  
如此老作經生徒然耳

邗江女

歎息復歎息邗江有女顏傾國阿爺居奇獲千金死別  
生離任南北南去北來風雨狂風風雨雨渾難測一朝  
獅子吼河東妬殺春光猛相逼院宇深沉曉亦昏哀詞  
惟以血和墨告哀鄉路阻且長月下魂歸應未得君不

見東村姑腰肥脚禿兩眉龐不解琴書解辟繡十九嫁  
作西村婦於今九十老且娛邗江但有紅顏女不死他  
鄉自古無

徐無為

字虛生號蕭然祖籍崑山遷居如臯

冬夜書懷

積雪難消復隕霜燈殘被冷一空房壞窓風入寒侵骨  
破屋月明光過牀生苦自嗟夢亦苦恨長無奈夜偏長  
悲歌又恐驚堂上伏枕潛吟意緒荒

冬日雪晴即事

東臯詩存卷之四十四  
七  
文淵  
拋書矯首望長空薄霽晴光度雁鴻瘦瘦寒梅侵雪白  
蕭蕭霜葉舞風紅天時生殺無偏向人事榮枯有不同  
大笑一聲何處去蓬蒿自古困英雄

村塾雨後晚眺

曠野雲消轉夕暉閒來負手出柴扉堦前雨過苔痕潤  
隴首風高木葉稀籬落尋花香染屐魚舟聽笛冷侵衣  
烟橫遠浦無人處流水潺潺一雁飛

秋夜登望江樓和友人韻

長嘯登樓天地空大江遙望霧濛濛淒涼萬里清秋月  
悲壯千崖落木風古道惟餘烟草白隔林猶見夜燈紅

憑高若有元龍卧百尺凌霄訝許同

桂興宗

字燕貽號秋崖慈谿人隨父避兵江北依叔

父狼山協守備明末隱如臯遂家焉有冷香

堂詩二卷行世

先子讀書堂歌

先子讀書堂溪山帶其側歲久松竹荒檐楹亦傾仄予  
歸珠心傷修葺敢勿亟經旬始畢工風雨不得逼宗人  
皆走視留坐具酒食龐眉者老兄停杯深歎息汝生長  
異方先世事罕識園林祖公買堂廡叔所植素性畏喧  
東臯詩存卷之四十四

父園

囂營此聊容膝朝夕吟其閒猿鳥為儔匹叔幼以孝聞  
頭角便傑出是年甫十三卓犖操翰墨就試谷使君擊  
節賞奇特遂補弟子員名譽噪邦國中歲遭喪亂離家  
走江北仲叔亦棄官兄弟隱全節不肯妄干人衣食耕  
以舌信義孚是鄉曲直競趨質行藏類管寧餘論比陳  
寔至今為美談宗黨賴生色書堂茲復完几筵淨拂拭  
君子澤攸綿汝免虧子職族有秀子孫可居此習業叔  
魂魄來遊觀之亦意愜敬謝老兄言再拜泣沾臆收淚  
作此歌用誌親嘉德劇削屋邊石倩工以刻勒

先父諱  
發明廩生先叔父諱辰  
字仲升明狼山守備

行廬山山麓過慧林寺

才輟彭蠡棹旋行廬山麓嵐霧濕征衣曲折度谿谷嶺  
村雞自鳴秋田禾欲熟亂石阻奔湍殘雲薄灌木路經  
慧林寺勝概悅心目樓殿倚層巘亭戶俯修竹老僧多  
道氣延客坐石屋入耳松聲清解渴山泉綠指引看爐  
峰秀色若可掬悠然想宗雷高風誰可續我非無心人  
苦被世情束他日婚嫁畢決計離塵俗杖履遊名山重  
來住信宿

嚴子陵釣臺

輟棹青巘下褰裳登釣臺一水潏洄抱千峰朝拱來先

東臯詩存卷之四十四

父園

生巢許倫清風鼓八垓如何塵俗子竟敢拜蒼苔漸余  
髮已白出處安在哉自顧亦男兒可歎乃非才林晚鳥  
欲集山空猿嘯哀徘徊不忍去落日暗相催

醉時吟

高卧北窓下醒來日漸晡遙聽溪林閒啞啞鳴慈鳥開  
簾清風襲仍讀几上書讀久費心力腹內覺飢虛入厨  
覓簞食祇見空酒壺回看春草碧且自步庭除吾女忽  
歸寧怪我顏色枯袖中出青錢沽酒買江魚明燈具壺  
觴錦鱗薦紫盃數杯輒已醉酒色徹肌膚拍手歌一曲  
妻子笑坐隅歌雖無腔調要知懷抱舒倏復悲感集衣



上落淚珠嗟余貧且老賴汝孝有餘

樵夫詞

山中採藥歸巖下逢樵夫共坐清溪濱怪彼語論殊問  
我事何事前村一腐儒未老耳先聾身益與世疎養生  
田百畝猶能自荷鋤閒來即閉戶嘯歌聊自娛上遊羲  
皇庭下與巢由俱箕山並潁水彷彿繞吾廬知己者誰  
子屋頭雙老梧昨偶據之瞑幽夢入華胥醒來月已白  
零露滿衣裾悠然會心處含笑視太虛樵夫曰且住我  
授子玉樞言言皆至道不解將何如

相逢行贈毛慎菴博士

東臯詩存卷之四十四

十

文淵

山陰市上逢毛遂久別面龐猶可記邀我至其家戀戀  
故人意促坐水邊樓恍惚若夢寐須臾陳壺觴盤中列  
珍味酒酣往事滿心來俯仰歎歎欲澌淚憶昔與君客  
冀州此州刺史亦英流爾我斯時俱少壯豪情逸氣橫  
清秋一朝大獵漳河湄我馳怒馬爭黃羆回看後騎不  
能隨人笑我如并州兒獵罷張筵臨皎月刺史命客賦  
校獵君操彩筆灑雄文天矯神龍翻溟渤刺史擊節叫  
奇絕賓客從傍皆咋舌滿堂歌管寂無聲但見風吹凍  
旗掣當時只道易成名豈料終為草澤人三十年來重  
會面相看惟有白頭新彼此行藏言不得如何感歎不

沾巾我亦莫沾巾君亦莫傷神吾儕其如造物何且對  
青山綠水飲旨酒放高歌

狂歌行贈趙雲厓

去年九月之九日聞君高會黃鶴樓酒酣欲將樓搥碎  
黃鶴古樓精巧絕倫為楚勝觀今為俗樓中仙子驚且  
手修壞故趙君醉後憤激欲搥碎之  
愁如斯豪邁殊快意每思會面嗟無由楚江春半烟花  
媚張緒招飲黃花地一客乘驪獨後來虬髯偉幹形容  
異入座把酒不辭滿談笑縱橫有奇致或云此即搥樓  
者我暗點頭心為醉彼此問答只數言相親便是如同  
氣高歌白苧我和之海濶天空有何忌柳為繡幄草為

東臯詩存卷之四十四

十

文淵

茵君醉眠令我枕君山邊樵子竊疑訝隔林窺視拋斧  
斤我執樵子君執酒亦欲強之飲一斗樵子豈知酒中  
趣大叫不肯畧沾口此酒仍復勸君傾勸君休作醉鄉  
人如今湖湘正用兵幙下參贊須陳平諸侯交薦何不  
行丈夫豈合忘功名問之不應仰雲生君真醉矣扶入  
城別時握手再訂明我有江南酒兩斛相期明日鸚鵡  
洲邊弔禰衡

同汪振公先生楊文止周芑觀慧隆吟隱兩上人遊括蒼山

秋深多逸興結伴訪名山路轉松蘿裏雲黏衣履閒嗟

峨嵐獻秀杳冥谷鐘開越澗尋僧舍扣關雙樹灣

鳥喧天欲曙迤邐下東峰林壑秋容淡山家野趣濃雲

邊人種藥湖口鶴巢松肥遁平生志何當此問農

更探幽奇處平橋進小船兩崖垂翠竹一線露青天暗

壑啼猿狖迴峰挂瀑泉仙源疑是此莫向世人傳

通城縣白彥先明府留寓西園

白公能好客西園寓迂儒水石涵亭榭烟霞老檜梧草

晴蝴蝶舞山曙鷓鴣呼更得僧為侶清言意味殊

柳渚過疎雨白蘋花亂浮棋殘鐘出寺吟苦月低樓風

竹爽紗帳露蓮香茗甌賓筵猶設醴吾亦暫淹留

東臯詩存卷之四十四

圭

文圖

重遊棲雲山寺

梵宮居絕頂放眼暮天遙烟壑乍收雨風江正上潮樵

歸穿嶺樹帆卸入村橋寄宿長廊晚星河耿絳霄

寄甥周因嚴恕存

老來翻失路欲話不堪聞借屋居窮巷舊田剩古墳貧

為人所賤憂歎子難分再沒謀生計仍然去賣文

新淦縣雜詩

新柳圍池館鶯聲坐卧聞愛尋閒活計細輯舊詩文章

睡憑茶沸蛇過覺草分倦來庭下步落照送鴉羣

沉陰江水漲半月没人來幽獨雖常慣襟懷亦不開拈

毫書岸葉把酒摘庭梅客意聊為遣山禽莫浪猜

初四西樓月幽輝映半牀梧桐微落影星斗爛生光覆

草露華重侵衣池氣涼凭闌無一語誰問客思鄉

聽說小廬山巉巖石剌天一條綠鳥道百派瀉雲泉險

峻難安寺幽奇只駐仙每於明月夜鸞鶴舞蹁跹

曉渡揚子江

侵曉渡揚子帆檣競往還火雲蒸鐵甕雪浪浴金山萬

頃風蘆亂一竿漁父閒吁嗟頭盡白猶自涉江關

寄家書 付大男成器

出門已兩月僅能達漢陽路逢淮海人寄汝書數行余

東臯詩存卷之四十四

圭

文圖

性素放誕草澤恣徜徉因汝未婚娶束縛走遐方跋涉

豈辭苦風波險莫當昨過陽羅磯老蛟忽譁張天地為

變色小舟如播揚雖免葬魚腹形勢實愴惶艱辛為兒

女亦乃父之常但慮汝失教不克承書香吾家固寂莫

青蠟猶在牀汝懶更過我罔惜筆墨荒男兒無文彩何

異糞土牆苟能自發憤年長有何妨西村百株柳培植

歲月長五月坐其下颯颯生清涼早晚須防護恐為樵

牧傷藥畦素所愛澆灌更勿忘夜郎難久住行當返故

鄉再添溪上屋掩映花柳傍龐公畫室隱吾將續芬芳

與汝耕且讀瀟灑遊羲皇

七里磯

晨雨細濛濛舟行七里磯猿啼深寺裏江出兩峰中過  
嶺村烟白迎霜浦樹紅嚴陵垂釣處遙望羨高風

晚泊巴陵

隱約高城近滄茫水氣蒸幾年遊楚澤今夕泊巴陵井  
邑圍驚浪汀洲露遠燈昔賢經此地詩句羨峻嶒

洞庭湖

巨浸鼓帆渡寧能不黯然千層風蹴浪四面水涵天亂  
葦聲聲雨遙山點點烟未知何處泊舟勢指西偏

辛卯除夕

東臯詩存

卷之四十四

南

文圖

除夕他鄉慣今年得在家臘醅偕婦酌春鼓抱孫搗珠  
斗低簷白玉梅橫檻斜團圓非易事盡醉不須嗟

耳聾

耳聾人欲棄我却遂疎頑塵俗稀問問親隣減往還妻  
嗟從此廢天教老來閒爇飯三餐外科頭釣一灣

孟夏

孟夏氣清和扶筇行且歌安貧覺累少省事得閒多麥  
熟全家喜池平一鷺過前村飲社酒吾醉亦婆娑

甲戌除夕

又在天涯歷歲除滿庭風雪鎖寒廬呼童且煖送來酒

然燭復攤看過書今日飄零仍不免他年窮達竟何如  
鄉山尚有耕桑計欲挂歸帆賦遂初

回慈谿故里

總是離鄉深歲月歸來人事不堪論惟憐病姊猶重見  
可歎隣翁無幾存沙壅甘泉秋礪涸雨荒山屋薜蘿繁  
薄田雖在誰為種遙望茫茫雲水昏

泊桐廬縣

將泊桐廬落照殘翩翩倦鳥亦飛還舟來細雨秋江上  
縣在羣峰翠靄閒背谷樓臺燈影亂臨流村店酒旗閒  
須知勝地難常到痛飲爐頭博醉顏

東臯詩存

卷之四十四

五

文圖

過元山人

三冬貧病交相逼強展情懷過水涯溪岸尚垂金橘子  
山亭初放蠟梅花峯遮牖下心彌逸酒熟牀頭興自賒  
何日得如棲隱志似君瀟灑送年華

樓

九日同鄭宗浦沈上臨王東白李讓柳登黃鶴  
醉揜茱萸上古樓高天新霽縱凝眸兩行霞雁侵雲夢  
一派風濤打鄂州近郭漁烟生薄暮隔江紅葉變深秋  
回看蓬島遙相接愧乏仙才不可遊

將返如臯贈別湖北大叅張公勳伯

將攜書劍返荒林，曉顧旌旗愴此心。不惜齒芬勞獎借，每蒙恩及辱招尋。漸衰愈覺詩腸澁，多病彌增鬢雪侵。自分永為軒冕棄，獨膺恩似楚江深。

五十無聞賤且貧，更兼迂誕可羞人。花時縱酒春耕廢，雪夜尋僧寺宿頻。楚澤淹留緣故舊，江淮巫去憶鱸鱠。到家應訝多矜色，曾在侯門作上賓。

定邊

為逐嫖姚到塞城，霜天寒肅將星明。愁吹羌笛家鄉遠，喜靖邊塵朔漠清。膽在猶能隨射虎，年衰深恥再論兵。寬懷惟有葡萄酒，閒擁貂裘細細傾。

東臯詩存

卷之四十四

丁未

文園

西池

秋光可愛到西池，徙倚孤亭有所思。耳漸不聞羞對客，身將無用好耽詩。布袍重補依然煖，麥飯雖粗亦止飢。看破榮枯真一致，莊生齊物是吾師。

空無上人邀過東林禪院

支公邀我到山中，一個茅菴鎖萬峰。人語石牀雲半屋，虎咆岡路月當松。籬邊掘笋和菰煮，廡下擔糧付水舂。若肯容留為道侶，衰殘猶可代鳴鐘。

與新淦縣王明府咸一

先公出鎮便蒙恩，來往侯門四十春。廝養多成專閫將，

芝蘭俱是見生人。滄江野老貧如故，花縣郎君政甚新。今日河陽重聚首，幾多悲喜欲沾巾。

遠歸喜蔣約占為隣以詩贈之

歸來無事可眉伸，惟喜元卿作比隣。蔬圃區分三徑草，烟花聯絡兩家人。即妨風雨過從易，數對吟哦趣味真。有酒便呼憇下飲，寧知孰主孰為賓。

六十感懷詩

花甲已週嗟老矣，窮愁可復累其心。春缸酒熟沉沉醉，柳月樓空細細吟。興至探僧過野寺，懶來枕石匿幽林。最憐耳重難酬應，戶外曾無一客尋。

東臯詩存

卷之四十四

壬午

文園

少壯豪情不自持，縱橫險遠任吾之。烏蒙瘴月調蠻舞，紫塞風天拉馬馳。粉黛繞筵驚顧曲，貂蟬盈座看題詩。豈知骨相終貧賤，種豆東岡日就衰。

客問平生何所專，篋中詩在沒人傳。苦搜島瘦郊寒句，悞至頭童齒豁年。竟不值錢貧在苒，欲將覆甕意留連。沉思千載尋知己，泣向西川焚百篇。

敢恨無成兩鬢絲，蒼天感謝暗扶持。兒雖失學猶知儉，家固難支未忍飢。貧絕干求矜我貴，老增顛放任人嗤。相依幸剩伶仃姊，每共談禪月映池。

贈張茗柯先生移居

橋東蔣詡是吾隣今喜橋西又有君一水空明映冰玉  
蔣君乃先三家更迭會詩文街頭櫻筍童分買屋裏機  
生令坦縷婦共聞且俟琴書安集穩先來攜酒醉斜曛

塞上曲

霜月高懸朔氣寒平沙無際白漫漫邊人夜唱伊州曲  
獨倚營門淚不乾

豪酋奇贈玉花驄毛骨權奇氣勢雄騎向沙場逐狡兔  
惟聞耳後怒生風

聖朝聲教包天地絕域中華總一家昨日城邊過驛騎  
人言哈密進奇瓜

東臯詩存

卷之四十四

文

文圖

黃河套裏好番家水草豐甘羊馬賒少婦姿容如玉色  
閒臨秋月學琵琶

贈喬東山

大醉掀髯涕復歌塞天風雪凍關河淮陽太守能知汝  
莫怨霜毛兩鬢多

桐江

天為予多山水僻故教垂老尚飄蓬桐江昨夜維舟處  
兩岸猿聲滿樹風

敬贈宮詹張先生

三十年成百首詩甘心埋沒少人知今朝忽遇先生賞

却似焦桐入爨時

黔陽張秀森明府招飲

垂老怕應酬不敢輕投刺冒雨達黔陽風景多幽致邑  
宰聞余過沙頭候數騎欲不赴佳招恐孤賢者意傾蓋  
若舊交滿口輸高義迥然異時流逢人動猜忌坐我枕  
江亭烟波翔翡翠簾檻帶烟霞君也實仙吏爛漫奉客  
歡屏後呼女侍紅顏四五輩姿態天然媚嬌歌繞杏梁  
慙慙勸盡醉情深感慨興歡場反濺淚平生苦疎狂兼  
有詩酒嗜鄉曲且不知軒冕誰見器豈意遲暮年蒙君  
青眼視知君政已成立見登省寺萬一念漁樵吹噓莫

東臯詩存

卷之四十四

文

文圖

顧瀛

字仲瑜號湘靈一號臣廬泰州明經設教於  
臯終焉

對酒

早歲墮文墨空譚無所施壯年行負販作計追子皮娶  
婦擇醜粗教兒識芸菑春縲足短褐秋穫儲糟醕本無  
經綸志安用軒冕為陶然得一醉莫論後世嗤  
我重陸大夫千金分五子我慕向子平雲踪寄山水瓢

笠足瀟灑神仙供驅使入雲杖履輕窮險塵凡死飄飄  
游太虛下視真寄耳丹經既糟粕空理亦泥滓王喬尚  
不羨何況緋與紫

方朔滯長安歲歲娶小妻黃帝升鼎湖累累從玉妃神  
仙亦情人嗜好故不揮求仙捐妻子漢武真醯雞即此  
有待意安能升雲梯勺水舞應龍寸雲垂長霓虛室自  
生白六鑿紛天倪王母與王公相望分東西

同陳芳于宮宋如再泛紅橋踐愚近文惇士適  
以家忌不與席座閒再疊前韻

曰余麋鹿性恥作猿狙服自署五湖長頗薄九州牧良

東臯詩存

卷之四十四

壬

文園

游謝塵埃幽泛愜川陸排岸花逢迎出岫雲疊複嬌嬈  
歌滿船拉沓花紛囿再過鬪雞臺還沿六塘澳芳草紫  
有情繁枝紛入目因之念勝友苦廬尚匍伏同心異哀  
樂對景分淒淑悵然顧遠天停雲在桑竹

飲黃泥山脚戲為醉歌

四天碧入金叵羅注乾東海添酒波胸吞八九小雲夢  
而況三江能幾何極天晶品何嗟峨但有白浪無烟螺  
魚龍向我迎馮夷為我歌跳丸墜日歸意急為我迴馭  
停山阿自昔秦皇漢武泛東海駕梁載舶何足多不如  
徑麾東皇具驂從穩騎鯨背凌蛟鼉扶桑之弓近可拓

沃焦之烏馴可囿手移星斗變維舍顛倒樞極成偏頗  
日本既翻顧魄沒自然無冬無夏無晝無夜百歲皆春  
和須臾山水相爭摩大聲磅礴如揮戈山根業業欲飛  
去恐如六鰲所負頃刻移於他孤根久矣輕險阻一任  
醉眼瞢瞢卸銀河江神勸汝一杯酒母以聲驚微顏酡

鸞漏

鸞漏丁丁應濯龍春瑩紅玉勝芙蓉犀簾月迴三霄露  
鏡檻風鳴九乳鐘顧兔冰輪原未吐戲魚荷葉鎮相逢  
玉山此處無多路未要層城訪碧峰

送田少文入鄉校

東臯詩存

卷之四十四

壬

文園

田郎淡宕如春風着人欲醉心怡融又如娟娟妙月懸  
天中朗然澄澈開人胸玻璃萬頃涵虛空臨江老屋白  
雲封十年不踏街塵紅機中對婦織膝前看兒嬉往往  
哦出錦句爭天工達官不見知鄉里不相容鬣鬚長鬚  
可挂弓乃與黃口學子持研趨黌宮齋飯酸屑俗所訐  
廣文之面如竹筍而何昂藏好眉目竟與猿狙鬣裂衣  
周公請披短服跨兩驄與君往射雲中鴻萬人行炙酒  
百鍾醉來吐皎生虹少年意氣纔得雄那能刺頭鑽  
核為書蟲

綺言

綺言結習夢清都跨鳳人人履玉鳧不信試看瑤島客  
神仙若個是菰蒲

可惜一首贈宜興儲泥雲

雲鸞那合巢樗櫟天馬何嘗勞翦剔離從丹穴九韶音  
不解伊啞和箏笛先生古貌張乖崖須眉秀發美且髯  
眼中百為無一可尚爾趨走隨塵埃五湖東望烟波好  
委玉尊絲雨中老樸頭一棹不歸來空負雲山坐增惱  
有人哆口說京華欲將冠黻醫烟霞掉頭舉手畧不顧  
素衣還我無塵沙佳人自古在空谷西北浮雲大如戟  
一竿誰與卜滄浪忍使斯才困拘束世途如此復何論

東臯詩存卷之四十四

圭

文園

烟水平章須有人緣君長觸思歸引我亦拏舟向舊津

湖上三首

雨態雲容着筆奇湖烟百頃盪胸期好憑飛絮添文思  
故遣流鶯助妙詞  
潑墨濃雲正壓頭跳珠如在望湖樓新詩未就吾先醉  
起舞何妨踏亂流  
石壇高下坐名儒爭墮名花似雨珠洗出鉛華看艷麗  
誰言此是小西湖

過友人齋小集

重逢狂喜拓疎齋朋輩如雲杖履偕舊撫松枝皆長大

昔沿溪水尚清佳詩腸鼓吹兼歌版酒今搜求到曲牌  
醉後髯翁話前事屋頭金字記詠諧

州大夫魏長麓先生重葺宋浮香亭并泐秦蘇

四子舊詩次原韻

八年手拯疲民槁更障文淵迴既倒衙齋一石偶湮沉  
一事猶煩使君惱公之文筆蘇秦儔齊魯儒中名最早  
吏才經學兩無匹開府梅花吟更好舉袖清風十邑傳  
堆案塵氛一時掃同時唱酬得寓公東西相望稱二老  
即看秀句續前賢快睹豐碑出幽草他年鼎寶和鹽梅  
應有餘芬答蒼昊

東臯詩存卷之四十四

圭

文園

登前韻東家瞻原先生

詩翁閉閣吟鬚槁獵獵霜風吹馬倒五山咫尺斷游踪  
連卷眉黛山容惱先生鼓勇戒徒役竹杖芒鞋行獨早  
肩隨踏凍及甘人尚對江光憶游好鯨波萬里飲興佳  
牛弩千鈞巨筆掃始知冷翠山倍妍未覺顏唐詩筆老  
浩歌扶路踏明月幾度解鞍思藉草歸來小吏呈文書  
更整冠裳迎太昊

歸後二日  
即立春矣

九仙山

仙樂雲中賽九仙越王秋殿敞幽筵似家爭似錢家好  
猶占天台四十年

文峰曲

霜女凌秋解按歌然香吹管夜如何年年欲作文峰曲  
不及秦中有妙娥

殿館

老子韓非際遇時秦家臺館至今垂誰知瀟灑龍山帽  
也到襄陽閉閣兒

鶴林杜鵑花

爛漫能開頃刻花美人纖手擲丹砂如今仙韻凋零盡  
儘着桓溫笑孟嘉

戲馬臺

東臯詩存卷之四十四

圭

文圖

廣武英雄又一時荒臺戲馬不勝悲中原果有劉文叔  
爭數新洲伐狄兒

八月十九日飲未雨山房歸塗烟月迷濛同人  
共拈東坡海市韻以紀之

纖雲淨卷月舒空漏板寂歷宵方中西橋西畔得異境  
步虛恍自蓬萊宮霏霏郁郁烟霏合雖有粉墨難為工  
遠林蔥蘢若菌閣清影掣攬紛虬龍初疑莽蒼范寬筆  
又似媚好雲林翁主人攘袂客狂叫春潮入竿鯨波雄  
酒痕烟態滿衣袂但願良夜無終窮我才已鈍不足數  
諸君妙筆方豐融金春玉撼清廟瑟不遺枯槁憐霜鐘

起舞弄影那忍別更飛百璇傾新豐乘風玉宇欲仙去  
天門跌蕩排青銅明朝作詩紀清興寬裳可許追唐風

天上謠

雒陽巾幘迎小蘇東方紳笏輕大儒良馬安可使守閭  
巨牯自然無小魚娶妻易得陰麗華仕宦難作執金吾  
天下多幫人受祿焉可誣君不見黃鉞一下即幽都青  
龍之旁有白榆

飲酒

達人誇天漿禮士笑狂藥鴟夷與井瓶自古有善謔我  
昔耽杯鵬癯嗜甚甚聚墨濡張旭頭往往襟歌号狂隣  
東臯詩存卷之四十四

圭

文圖

卧當壚窮賔走後閭婦言既不用老兵仍可醉比來倦  
輪鞅因之疎梳杓南樽困壺湯北食困鹽酪茅柴冬社  
味稻稌秋田穫懷此如昇仙寸心屢淹薄欣余同舍友  
生俏貌所託雄才浩湖江雅量恥蠹勺日飲得無何昏  
酣良不惡續此耐久朋亦曰天游樂二豪蟻蝶談一手  
蟹螯攫吟詩招老陶止酒可無作

黃鵠

黃鵠歌殘羽翼孤秋風秘殿採茱萸新來院院開金鎖  
擁髻何人嫁子于

重九古為勝游而僕衰殘失學塊然如退院之



僧是日與兒輩縱步上鄂王故壘叩關黎羅公  
禪院晚與六同舍飲輪掌西堂座閒慨然共徵  
古事分得戲馬臺一首並邀右軍祀瞻二君同  
作

佳節不能懶聊復開茶闌意行犯榛杞霜葉亦已殷同  
游六君子矯矯遺塵哀呼我共觴勺數坐藉草菅緬懷  
義興初宋公濟時艱屬曹得二謝秀句難追攀因歎廣  
武豪百年若等閒羸劉且顛蹶而况晉宋閒即事念二  
老巨手倖輪般不同菊琰飲何以舒我顏作詩招之來  
好句幸可扳

東臯詩存卷之四十四

去

文圖

寒竹吟和如臯少尹胡岱原

滿院寒颼靜掩扉日光金碎淡相依疎疎冷碧無多葉  
不信人間有綠肥

活火薰籠薄雪天數杯竹葉冷堪憐吏人莫作衙齋看  
中有尋詩孟浩然

本是凌霜萬仞姿爭能俯仰學隨時壽星院裡題詩後  
寒碧雙闥更有誰

蓬蓬衙鼓懸齋東日上三竿事不同報到先生冬睡美  
何曾動竹有炎風

齋厨祀菊愛留髯看竹人多日到門未用春鳩有兼味

東坡佳句在芹根

鳳簾龍雛品目華暫從東閣伴寒花風雲飽後支千厦  
肯學漁竿釣水涯

閒來弄筆腕偏柔自守書堂號竹樓一笑如椽堪作柱  
片時冷淡不須愁

一般解舍影離離筆格清閒費所思記得香山說秋竹  
無波有節是吾師

紙窓浙歷作寒聲凍雀昏鴉各有情醉擁烏皮看物態  
南枝何限雪肌橫

老守胸中著萬竿肯教作意得相干壁閒新繪幽人句  
東臯詩存卷之四十四

去

文圖

翠袖雙攏倚暮寒

贈僧二首

敬通老不遇乃受婦孺欺龍邱亦可憐茲恨頗似之窮  
年苦谿勃伸眉定何時公以無盡燈照我六鑿癡虛堂  
淨掃地闔戶觀天倪從此遊化城或與天魔辭一笑說  
李陽作計良已卑

少年勤硯席然脂盛著述中歲頗謝遺投身皈靜律寶  
山雖在眼如夢飯飯溢竭求逢鉅公金荃發局鐫五圓  
得真記九菴啟丹術誓將與夫子象外尋幽謐方平古  
仙伯賤子老記室

題陸二莘白新居

士衡廨三閒彥龍舍一區苟可列圖史數椽良有餘平生釣竿手走海求鯨魚晚知事大謬悔不安鳩居堂豁刈葵藿清池歌姬隅開畦時晚柱抱甕儲冬蔬庶幾懺諸妄收效于桑榆

題自註莊子內外篇後

綺語久洗祓閑眼存黃庭惟餘故態在點注南華經異同辨瓦注虛實窺影形才非熱天燄光等自照紫賤貧事奔走斷稿憂飄零茲來掩關居漸可謀殺青天遊歸重閱妙斷呈新硯他年注莊室或配野史亭

東臯詩存

卷之四十四

宋

文圖

鴛屏

鴛屏蜀夢自行烟八扇珠窓護晝眠虎魄橫釵微醉後龍須方錦未涼天金盤露凍三危椀玉井花開十丈船鎮是一生惆悵處錯教人喚海棠顛

阿綿畜家雞十數庭除汗穢可笑戲作一首

早歲羨修鵠清昂備殊態意欲買名山攜此遂幽介風塵溷高志頗為兒女敗啁嘶滿中庭子母自成隊待米階除穢登案瓶罍壞朝吟亂晨課暮宿惱清戒坐觀忽發笑生今乃伍噲

蘭君詩

蘭君者歸媒隊主之族子苞孽諸侯之細君

盈盈紅玉香徹豐肌琅琅清冰香生皓齒能

誇夫壻艷稱于千乘王仁欲大門楣屈節于

安東周浚叩屏賈瑣拾林自過春卿戶柳簷

櫻入座能兼秋實渚官宋玉傍宅為鄰吳市

梁鴻同傭偕隱既無南朝郡主之悍鬢髮同

憐兼有西園公子之風醪醪共醉是鄉可老

白雲夫復何求嫁娶一心皓首永無離別如

或文園作令固看鬢影而彈春風若其馮衍

歸田亦左孺人而右稚子仲長統山居之論

東臯詩存

卷之四十四

宋

文圖

於世寡求白樂天池上之詩去人何遠請陳

素尚用極綺言

壓闌花氣醒餘醒起瀉荷珠曉露清小燕斜釵簪未穩

閒闌葉底聽初鶯

赤闌雁齒小橋西金縷揉烟綠覆隄斜照秦宮更漏永

騎來紅尾是雙棲

人閒靈潯路千尋皓腕虛攘笑洛神第一五官才分薄

莫教蒲葉傍行人

芝房雲母敵鴛屏几格清閒對短檠碧玉硯池花露冷

削葱纖指寫黃庭

琉璃八尺簾生澗日轉高梧畫漏遲小閣放簾風不動  
玉基清響落多時

小解描鸞弄筆姿粗明楷法愛臨池依稀點畫停毫處  
費記微之雜憶詩

水清纖齒露微吟流水琅琅響玉琴還有誇張文學處  
閒拈院本作吳音

桐花簾幙清于水絲管華堂沸若雲道是國香隨處好  
空山金屋總離羣

千騎東方已有鬚伶俜絡秀為門閭薔薇未架心猶醞  
二十臨頭十五餘

東臯詩存

卷之四十四

手

文圖

讀林和靖詩欣然有入山之志寫懷二首

少夢初平舊牧羊早占吳翠擅清狂著書祇合模雲水  
作賦何心動廟堂稻蟹繞廬生計足雞豚隨社濁醪香  
幾天一事煩祈乞扶持容教日月長

故山岩壑久遲予曾寫春雲入畫圖繭閣蠶房真艷麗  
風車秧馬看馳驅手扳犢背能輕險脚踏船舠可放歛  
莫負五湖烟水志黑頭好與白鷗俱

一鶴詩贈于宮

癸未春于宮已將占籍  
上林會中輟故及之

胎鳥茸茸蓋代仙雲端塊視九州烟片翎下界仍珠玉  
清籟人閒已管絃鸞翻難馴曾剪鍛鳳巢雖掃會騰蹇

香詞麗製祥符體多恐重來是大年

刷羽瑤池飯玉杭文昌飛棟縱長鳴雙鳬舉國輕揚子  
一鶚何人薦正平不可狎波隨上下莫教張樂駭鯉旬  
杜陵有語須持似未露文章世已驚

雨中同乾為于宮韋玉宋如泛舟虹橋醉後與  
鶴聞介夫汜雲宿方園倦眼劇談達曙詩以志  
之甲申五月廿五日

觥船浪漫百分多醉入深林卧淺莎倦僕困眠猶抵掌  
棲禽驚亂更聞歌儘教溜雨千繩急不遣良宵一擲過  
如此雄遊真可記好留詩筆在岩阿

東臯詩存

卷之四十四

手

文圖

雪中東吳琴屋

銀沙千頃壓溪南西崦東屯斷去驂自是袁廬無事卧  
非闕郢曲少人探噤如凍嶺將飛雀僵似冰絲欲老蠶  
不有長鬚來索句詞源久已涸枯潭  
歲逼顛顛百慮淹良書見慰自封籤笑君帳裏誇烹水  
愧我樓中賦撒鹽綠管乍揮毛磔蜩紫雲方碾玉生蟾  
新篇可許酬已唱好映寒光送素縑

雪後次前韻再東琴屋

愁聽狔狔遍粵南空懷佳伴罷飛驂寒欺朱火知難敵  
句濯冰壺好共探漫說鷹飢甘作燕有時龍蟄小千簷

幽陵未必殊場谷平等心原似碧潭

麗藻馳毫不久淹報章晨送夕飛籤燭龍獨照冰霜國  
鏤虎羣驚白黑鹽高調君應凌郢雪餘光誰敢關官塘  
還將瓦礫投瓊玉雲錦知非一匹繅

雪融復東琴屋仍疊前韻

眩眼瑤華映舍南誰教蹴踏委征驂也知孤潔遭泥泥  
轉喜融和耐客探火燄從容能結蕊冰山安樂自宜蠶  
君看十丈懸崖水冷暖何曾損綠潭

冷玉知無十日淹排簷故故挂瑤籤向前狂態因風絮  
到此塵心落水鹽溪漲驚波添雪浪山披雲帽露水蟾

東臯詩存卷之四十四

韋

文圃

相期共賦凌寒句莫笑疏麻閒錦繡

城南採櫻桃同如臯范拙存作

江鄉雨霽櫻桃熟揩眼睛光漾新綠主人赤蹠走邀賓  
白玉青絲繫醺醺輕風出郭淡初日擁足香塵送華轂  
林塘均轉午橋莊水木清華杜韋曲初入南園破繡茵  
旋開北垞排文褥四望陰濃代幔紗一林鶯囀調絲竹  
遙睇瞳瞳曙霞散近挹鱗鱗彩綃簇碎截珊瑚爛漫垂  
紅滴守宮光艷足紺園琪樹十畝金碧海珠琲幾千斛  
絳蠟光凝赤鳳飛妖姬笑斂朱唇壓主賓諧謔方嘈嘈  
肴核登梓添續續明霞入餞已堪醉而况玻璃更新瀝

脫冠不惜傾百觴促坐何妨按五木醉入丹雲凌紫氛

穿林百匝還爭撲壓枝萬顆採勻圓接葉千堆貯箱籠  
浪拋紅豆走銀盤亂灑珠胎散金谷我因對酒感身世  
往蹟千年隨轉燭林光玉椀嘉會遙紫禁絲籠歸騎速  
高宴良辰古所希似此清歡可追逐先生文壇老主盟  
四海爭歸如嶽瀆萍蓬我已感漂零拂拭公猶賜薰沐  
坐我瓊樓摘落星飲我天漿沁枵腹佳招特許陪鸛鸞  
跛蹇何當附鴻鵠已隨子弟拜魏其敢列賓僚廁枚叔  
酒酣濡墨紀此詩欲獻雷門還瑟縮

看新先輩榜目漫成

東臯詩存卷之四十四

韋

文圃

炫眼泥金墨未消卷書狂喜淚重澆並驅天路人如夢  
獨落荒江髮自凋此日纔驚還布襪舊游堪賀已烟霄  
功名早立諸公事勉扈椒蘭答聖朝

青袍如草氣如春簡盡驂騑少此君自是頭顱無肉相  
非關西北有浮雲病身懶豈儒冠誤宿業耽于翰墨勤  
莫向玉京頻悵恨幾人書劍老塵氛

佇聽鷹隼破樊籬眼看龍鸞上玉墀構厦薪多理汲黯  
舞筵袖短笑張儀即誇駿足驕朱汗且理魚竿滄綠漪  
一葉春波行可泛誰言烟月數偏奇

故人京洛屢傳書曾道東華可曳裾懸棧名雖甘駑馬

摩霄才本謝鯉魚年年除日如雲過個個宮花似錦舒  
捉鼻漫言狂態在名場多半起樵漁

做雲伯生金碧山水歌

員嶠仙館凝金碧琪樹菁蔥曉烟白王濟自擲珊瑚鞭  
珂馬連錢魏王陌越人夜作天姥吟青崖白鹿深復深  
三山吹浪更何處鯨鰲紫海波沉沉金燈古佛草玉井  
仙人岑何如香藕寶勒踏花去千巖萬壑行山陰

范農部家觀演長生殿四首

翠被匆匆見執鞭上陽門外即居延彭原詔已來回鵲  
蜀道人猶拜杜鵑燈火揚州成往事管絃今夕是何年

東臯詩存卷之四十四

壽

文園

座中大有狂詩客爭誦平明上馬篇

履道閒坊引興長鈿箏小部按霓裳曲中國艷朝酣酒  
天上笙歌夜繞梁画燭光搖金翠亂綺寮星迴玉繩涼  
彭宣本是安昌客縱飲何辭錦瑟傍

古礎方花曲宴移宮衣小隊窄衫垂此時白髮談天寶  
當日紅塵笑荔枝窓鏡粉囊憐杜牧瑤簪霜仗感溫岐

未須更下華清淚圓月雙星又一時

長句津陽感鄭囑昇平伎樂足歡娛東城花帽金為距  
秘殿蓮房錦作鳬渺渺仙山歌白傳沉沉宮漏記黃姑  
可憐花落江南節重見開元盛事無

東臯詩存卷之四十五

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

丁 撰

字文同黟縣人寄居如臯之李家堡有碧山

草堂遺稿

秋夜對月

萬物不為夜天地何寂寥流雲散輕練遠水生微颿幽

東臯詩存卷之四十五

十

文園

人隔烟火獨坐還吹簫簫聲入林去木葉同飄飄

登平山堂偶成

策杖來西山窅入蒼苔路松杪挂僧扉鐘聲動烟霧行  
行空翠中覓我登樓處樓高日亦酣斜陽散微樹俯仰  
發長歎遙望江南暮飛鳥先我心隨風渡江去

春日野步

蒼翠積人目雙溪一逕分柳風搖憩鳥松影礙流雲酒  
旆春多見山鐘午尚聞行逢林下叟款款問耕耘

春遊

晚風吹野步曳杖古堤邊釣艇沉溪月僧菴裏樹烟斜

曠依落鶯春響托啼鵲自有逃名意長歌憶少連

### 游五山

峭壁懸青霽登臨意自寬松濤奔萬壑塔勢擁孤巒曉  
磬烟中斷春山雨後寒遊人看不已鼓吹亂江干

### 寄懷吳野築

樹壓空軒靜雲歸古院深扣門皆落葉橫榻剩孤琴愁  
影燈前酒寒聲雨後砧應知今夜思同是故人心

### 暮春雨窻寄懷汪次朗

水澄山更碧窻冷受春憐花病三宵雨禽癡一樹烟無  
聊殘影後負約故人遠回憶分秋浦鴻書去未旋

### 東華詩存卷之四十五

二

文圖

老為飢驅健如君世未能逢花身是蝶得句意同僧樹  
破隨春補人分待夢憑天涯今夜雨幾處續山燈

### 九日登綠雲山閣冒雨有懷陳二仲遠

却恨登高處蒼茫只雨烟故人重嶺外客思九秋遑白  
髮增今夜黃花負此年滿拚沉醉倒脚伴閑雲眠  
豈料重陽日登高意轉傷不堪扶竹杖獨自負莫囊好  
節偏多病良朋况各方極天盡風雨何處可相望

### 寄吳次巖

黃梅將落盡風雨尚殷殷酒市深藏樹漁村遠入雲家  
貧知僕怨田薄許禽分欲挈孤筇去山中訪鹿羣

清貧今已甚不復畏無聊辟破雲穿屋溪寬雨過橋閉

門留鶴守鄰寺赴僧招似此皆吾事思君轉寂寥

霽霽連月雨雞犬戀貧居煮水憐親老開門念友疎芭

蕉藏鹿夢楊柳繫鴻書欲向江南去黃山未結廬

十載連雙影先生鬢早斑家聲存故國文字走名山繞

榻花同卧開窻鳥共閒詩書欣有繼歌讀笑啼閒

### 春日雨窻述懷寄吳次巖

不敢呼天問天心竟若何途窮身轉逸計失夢偏多好  
月藏烟海斜風動女蘿別來因似此熱讀楚狂歌

### 燕集冒巢民先生得全堂即席分賦

### 東華詩存卷之四十五

三

文圖

座滿羣賢酒滿巵春光雖去未多時風將入幔花先動

日漸移陰樹不知紅袖艷香飄几席青山秀色湛鬚眉

沉酣不辨歸來路猶自慙慙索賦詩

### 將抵金陵江中作

放楫中流日尚昏風平波浪淡秋痕蘆花北去連青浦  
楓葉南來見白門六代旌旗當日盡幾人詞賦至今存  
淒涼最是鍾山月此夜須期共酒樽

### 賦得楓葉離離漸勝春步孫豹人先生韻

洞庭霜影醉湘神每立斜陽欲化人殘樹從他生老態  
落花疑爾是前身猿啼數點愁中血鳥宿千枝夢裏春

却恨江霞煊不定武陵歸艇壓秋旻

初夏寄程巨木

招尋今已負春風一水橫軒去未通蜂蝶路藏新樹裏  
驚鷗家在暮烟中飢能似我愁方少窮欲如君句始工  
只有西村吳野築多情願為寄詩筒

江干遊倦復田居有水無山亦結廬檐底藤花開繡幕  
堦前苔草篆奇書何妨戴笠朝看憤不則持竿晚釣魚  
偶爾題詩須遠寄為憐知己更憐余

白烟青草日當門野趣新添水氣溫乞茗僧還楊柳寺  
讀書人在棟花村靖艇上下晴兼雨布穀啁噍旦復昏

東臯詩存卷之四十五

四

文圖

安得約君同鼓棹早蓮香裏泛乾鐸

何處潛身問鄴侯水雲深處有人留閒聽秧鼓千家雨  
醉卧漁村一笛舟歲月只隨新句積夢魂都傍故鄉遊  
於今不負黃梅約忍被青楓又譜秋

寄汪止水

與子尋山五月餘無端詩草寄躊躇青蓮獨羨人閒酒  
黃石仍多世外書野店燈寒分襍被板橋霜滑共征車  
依稀殘夢今猶在每向潯陽看赤魚

秋日同吳野築宿繆松巖浸月亭賦贈

蕭然野屐幾人俱甘里幽尋到水隅艇繫白雲蘭棹冷

燈藏紅樹竹樓孤基聲夜半和松籟詩句秋深泛酒罇  
共惜沙頭明日事西風簌簌送雙鳬

秋日過繆松巖齋次留宿

相逢止宿暫相安雲染秋衣半未乾倚榻松燈窺影瘦  
灑窓蕉雨逼心寒應知邱壑投閒易若問琴書適俗難  
明日離顏動溪水片帆東指向漁灘

九日同吳野築登高感賦

衡峰征雁破晴嵐風急登高酒易酣何處黃花非故國  
可憐紅樹似江南雲邊客屐留雙蹟石上烟蘿偶一探  
歸去又逢樵子路半天霜影墜秋柑

東臯詩存卷之四十五

五

文圖

還新安

荒村問宿揖歸樵指破春沙渡野橋青靄出泉衝石骨  
綠陰分路挂山腰三春再見詩先訂五載曾過夢未消  
猶憶故園松柏老不將枝幹為霜彫

秋日喜吳次巖見過

逢君雙屐破苔紋一笑林端葉正紛積夢故人今握手  
無心孤鶴偶同羣荒厨傍晚吹寒雨野水含秋宿亂雲  
極目更憐清嘯足菊香浸酒勸微醺

送薛雲瞿之楚

去去南州荆楚外應知遊覽必經年山頭葉落秋風寺

江上烟樓夜雨船荒閑可留黃鶴在寒沙空有白鷗眠  
湘君何處遣人怨鐵笛聲悲吹暮天

宿次巖秋齋夜話

蟋蟀吟秋細雨頻茶烟銷盡露華新青蘿結窟藏孤月  
黃葉滿村留故人千里鄉關分戰壘十年詩卷共風塵  
安排老大無他術坐對先生說避秦

秋夜留別張玉五吳佩六諸子

時諸子饒余於玉五莊上余繪

圖并賦此

蕭然深坐一燈含意篤偏教酒味酣穿樹月將來閣上  
驚秋身似在江南久無詩句應難就暫有離心便不堪

東臯詩存

卷之四十五

六

文圖

明日三塘更回首片帆收處隔烟嵐

上巳日黃繡臣招同查梅壑遊冒巢民園

林閒花事日繽紛載酒相看到夕曛幽語不驚藏樹鳥  
輕陰時送隔溪雲只言覽勝隨公琰誰識當前有右軍  
珍重蘭亭無可見歸來燈下校遺文

秋日客歸過謁蔣孺翁

翩然巾被老林邱不似貧裝任遠遊彈罷枯棋分理亂  
吟成餘墨補春秋同看海國風初冷獨憶雷塘柳尚柔  
何況江干多事日相逢先為說戈矛

將登華山謁見月上人

三塘橫一水飄卷夕陽輕雲走天為路春歌鳥作聲遠  
鐘連樹響孤月隔江明待立峰巔上相看說此生

中秋前一日對月

忽出東峰數十尋檐前積水湛空陰寒花漸欲分冰露  
幽客頻思鼓玉琴綠酒情深滄海色碧雲秋遠故山心  
人間只重明宵約輸我先耽一夕吟

二月與吳佩六汪上玉集豐溪數日予欲先渡

江干佩六送三十里至城東宿一宵而別誠天

涯佳晤也作此寄之

亭亭折柳愁詩盡處處看花羨酒濃為送人行三十里

東臯詩存

卷之四十五

七

文圖

不知身出萬千峰林多鳥語春難辨店有雞聲夢未封  
去後懷君當水寺無邊烟月裏寒鐘

春夜訪僧不值

為問靈山第一峰孤筇仄迳僅相容天清千里蕩春月  
雲響半溪浮暮鐘法在自能觀石拜錫飛偏不與人逢  
猶期錯落鶯花候待客禪關莫再封

陸大珩

字珮璉一字莘白泰州人壻于范氏遂家於  
臯有人境草廬存稿行世

咸遇



桃花浪沸蛟宮底，驪龍抱珠潛未起。珊瑚鐵網爛不收，  
電光虬背餘頰尾。燦天寶氣山岳動，磁水老魚驚不喜。  
青絲盡結蚶蚌歸，神魚落漠滄溟水。天門怒激霜波還，  
鞭霆直繞會稽山。剡河濤頭淡無色，東海龍門踏欲翻。  
此生不遇任公子，徜徉且宿星宿灣。只今風雨滿鱗甲，  
半沉不躍滄波閒。

題石渚魏楚宮垂釣圖

乍識魏仲先，冷性洽冰玉。紛紛炙熱途，私心羞託足。  
託足在何許？裊裊一竿竹。固知非釣名，聊以慰幽獨。我亦  
求魚人，失計為綠木。披圖發深省，於事始無欲。何時近

東華詩存

卷之四十五

八

文圖

水濱相與弄寒綠

酬友人貽藤杖

攜贈枯藤路幾經，知從白岳乞山靈。杖杆荷篠途閒物，  
勃窣扶行病裏形。五夜斷無黃閣火，兩行只用紫巖銘。  
他時再到神仙窟，煩劇青冥寄茯苓。

入春月餘始得此詩

九十春光一半休，閑風伏雨送鳴鳩。並詩不作方為懶，  
芒酒能消豈算愁。新草含芳周子砌，沃流通浦仲宣樓。  
偷閒盡日成孤往，任是逍遙易白頭。

過詩人吳陋軒墓

龍門樹死半為薪，泉下風騷可問津。坎井淫蛙亂逸響，  
荒庭蔓草冷詩人。海濱春盡花無主，鬼伯秋深墓有隣。  
路口三叉天薄暝，寒鴉飛過水粼粼。

秋日雜感

夜卧不遑朝，明星爛書格。故戶露華滋，四垂天宇碧。逕  
開蔣詡園，蓬生仲蔚宅。鑒途在雅尚，尋芳踐故迹。歲月  
不待人，奄忽如過客。

朝菌昧晦朔，蟪蛄失春秋。羣蒙亦何愚，物化與蜉蝣。驚  
飈撼榮木，芬菲忽漂流。夸士艷華簪，幽人甘敝裘。形骸  
非金石，百歲同荒丘。誰辨貴與賤，鬱鬱繫松楸。

東華詩存

卷之四十五

九

文圖

謀食不遑居，塵氛乖所好。豈為蠹餘書，形勞髮易皓。  
日薄桑榆秋，籜疾風掃。

秋蟬噪高槐，泠泠一聲響。薄暮細雨生，蕩濁因之爽。暝  
目謝暄涼，不因人俯仰。豁然凌太虛，天地小於掌。機慮  
淡夷猶，勞生空鹵莽。我欲御清風，置身雲霄上。

讀明紀事本末

九有金甌固諸王，玉葉蟠分封。仍漢轍誤國，襲周官赤  
族。誅鋤數青燐，戰伐寒至今。杜宇血猶灑，石城灘。

秋夜

無端忽不樂，秋氣暗相侵。蟋蟀又當戶，虛堂空復吟。青

燈進倦夢白首病餘心世味從知淡無煩感慨深

### 桃花歎

天桃花天桃花漢殿千秋核最嘉叢生度索山中土露  
井分栽映若耶天涯邂逅二三月迢遞紅塵紫陌斜陌  
上行人去似電回頭不識春風面淺深看遍斷腸花燕  
語鶯啼風片片眼底流光刺可憐楊花慘慘草芊芊過  
時顏色不長好春老江南叫杜鵑君不見平陽女兒倚  
芳樹對花偷泣身無主

### 秋夜聞絃聲

秋清遙夜撥鷗絃廿五聲中斷復連湘浦魂消黃葉雨

東臯詩存卷之四十五

十

文園

蕭關腸斷朔雲天疎林霜重哀鴻轉短榻燈昏墨夢還  
拚讓五陵行樂劇歌鐘如沸酒如泉

### 旅次抱病枕上口占

回首踉蹌襪被行淒涼景物若為情秋驚勞客愁先集  
寒逼衰年病易生不解經營來鬼笑誰從楚越辨吟聲  
夜深反側空推枕風雨荒城打二更

### 雨中作

晴猶淒楚况鳴鳩老奈時何集百憂已去六旬春有幾  
自交二月雨無休危橋橫路扶人過亂草沾泥上屋抽  
聊把陋軒詩破寂偏逢鬼馬送兒謳

### 行路難

種樹莫種棘棘刺難作食畜禽莫畜鷹鷹飽便飛騰太  
行孟門連雲霧驅車策馬紛無數昂藏七尺走風塵輪  
摧蹄蹶在當路我聞洗耳向潁川何曾牽牛過貪泉世  
路羊腸九折坂爭似歸耕谷口田

### 權厝三弟於東濱

生淹海甸三年殞膚薄桐棺七寸存死已他鄉埋又寄  
不歸人與不歸魂

### 內子生日

椎髻初更操作前蘆簾紙閣日蕭然常愁閉戶空相對

東臯詩存卷之四十五

十一

文園

不覺於今各有年懸金每需十口米傾壺却欠一囊錢  
仍煩辛苦將兒女刀尺頻催欲雪天

### 送程老松之崇川

萍合無多日青途復阻修事都失當面老每惜回頭他  
縣空經過吾居亦少留分攜憐白髮君又長三秋

### 鐵如意歌

西皇陰崩碎石屋天精下鑄鉛山麓鐵幹千年卧風雨  
淡拭青蘊符禺匱赤白地文光龍蔥山精為骨土為肉  
元璧數寸圭盈尺渾鋼點星理如穀黎花時淬青黎土  
靈芝半破蒼水穀剪髮斷指指髮餘洪鑪鍛灰秦冒陸

神火攻之水為色元帝欽華白帝陸漆花黯慘先熊熊  
青碧縞黝質或或西人龍首握龍骨螭頭天矯伸還縮  
鐵樹摧落花帶枝花枝虬屈蛻相壓問渠之性陰成精  
問渠之家山號竹高帝少子名封趙石家季倫金作谷  
君不見隨倫聞富天子宮寶氣崢嶸逐華璫珊瑚擊碎  
紅滿塵鈿鈿聲斷梁州牧萬物觸之本無敵王侯莫向  
英山哭又不見王處仲每醉之後歌聲長嘔壺撞破悲  
於筑壺口精鋌百丈餘擊之盡缺老驥伏鳴乎嘻姓名  
雖只隨主入此身百鍊存名目元教握手諸大兒柔鐵  
鏤鋼寒肅肅

東華詩存

卷之四十五

十二

文園

南畝

雜咏六  
首存一

南畝有農夫穫麥刈枯芟當此麥秋時炎驄四面來蹴  
蹴悲生計鬱陶不能開陰陰紫灌木飛飛起雉媒日月  
忽云暮白髮苦相催諒無黃鵠翼摩空騰九垓

清明日還家上塚

廿載他鄉敢問天還家涕淚盡山川墻間酒肉一時熱  
泉下衣冠萬古眠雨霽空林啼獨鳥烟消寒水繫孤船  
飄零無限傷心事何日歸來問墓田

茶

陽坡石液秋流華露滋瑞草魁春花水氣千年潤山骨

仙人掌上生蘭芽秋娘愛剪月團小春鋤細劇雲根賒  
星星碧縷過微雨濛濛綠慘慘蒸流霞山靈惜此筭累春  
乘雲却致仙人家玉椀浮來風七度玉皇有路清無譁  
誰何辨解三峽味魚鱗蟹眼絲烟斜欲將高蹈足千古  
永與鴻漸垂無涯

病廢

淹淹歲月苦相仍病每思除最怕增愁裏秋光還若此  
老來藥物竟無能勞生倦似投林鳥斷酒嚴於退院僧  
深愧故人時問訊迎門跼步藉山藤

送秋

東華詩存

卷之四十五

十三

文園

曾驚春去為流連迢遞秋歸更可憐隱隱砧聲催薄暝  
荒荒人意逼殘年寒風赤葉昏鴉樹冷雨黃雲朔雁天  
逝水流光真莫挽平蕪眺盡欲生烟

胡驥

字上歷號滾西山陰人寓居如皋二十年

楊子江

岷峽建高瓴長淮勢復併安流衝地軸分野列天星虛  
抱浮嶽碧寒紆遠樹青朝宗意何限吾欲問滄溟

弘濟寺

遊興不可遏一天留好風攬空秋淡淡到眼惜匆匆洞

壑山腰轉樓臺樹杪通大江流不盡遲我夕陽中

勢極依天遠長江孰與京荒荒融日色浩浩鼓風聲南  
北千年事岷峨萬里情今朝此憑眺喜見浪花平

秋菜

幾日園葵長多時飽甲蔬壓霜翻曬白分露剪苗疎箸  
下香仍膩羹炊玉不如何時似彭澤乘月帶花鋤

秋籟

孤館獨愁處西風一片過夜虛成響易忽迴得聽多搖  
落竟何意羈棲且浩歌朝來問庭蕙消息爾如何

秋成

東臯詩存

卷之四十五

文圖

野角搖青塞孤烽倚夕曛功虛出闕使淚濕望鄉雲朔  
氣深無敵宵聲不可聞灞陵歸卧日翻羨故將軍

有以劉隨州上李侍郎雜咏八首要同次和遂  
用以見意

幽琴

翕然動四壁隱隱傳曲欄圓聲落靜響細韻搖輕寒含  
情鼓春和霹靂時一彈要知廣陵散不在聲音難

古劍

霜氣逼人寒持看每心悸本屬化龍質寧論斷蛟利上  
花繡斑斑不沒干將字塵埋未可知定值豐城使

晚桃

別樹子累累一樹花始然瘠土難為榮得者寧獨偏貧  
家有令女姣好誰為傳感此無言意灼灼滋風前

舊井

泉甘那足論得新舊當徹獨惜照影寒一泓長不減肯  
以用舍故致變平時潔明德良可懷汲引豈終絕

瘦馬

筋力有時瘁敢怨勞風塵獨抱千里思服車成酸辛一  
顧或可當孫陽豈易親蹀躞羣錦韉飽秣驕青春

春鏡

東臯詩存

卷之四十五

文圖

開匣驚電流圓冰湛清水疑有細漣生暗逐東風起鑒  
物固無心萬象適自爾屢照知不疲孤明懼相委

寒缸

虛空搖孤紅斂情返沉莫光分月華淡影避風聲落因  
明苦自煎丹心向誰託努力揚清輝恩膏本非薄

白鷺

瞥露下西風橫塘延素頸欲逞得魚心巧避臨波影處  
地在不爭何煩更遐騁六翮時一振悠然碧千頃

秋日偕柱天上人登東城

晴空定寬濶擘手一登城風向海門急日兼秋氣清野

田渾豆稷故土足香梗欲遣翻成憶遙遙千里情  
草色看將變風聲日漸多浮雲行不定遊子意如何飽  
食隨雞鶩羣飛樂鵲驚秋成天更好安土自婆娑

理園

漏天何時乾積雨未為好洪漣覺平疇吾園亦滋潦常  
恐蔬蕪荒復苦蛙蜺繞遙看夕陽還霽色動歸鳥泱泱  
遶籬白初月在新沼

清朝攜長鉋往我東園隅決瀆祛逝波分叢整扶疎畱  
夷覆暇長誕節如有餘萋翠非不好非種故云鋤庶幾  
一項豆為其免其吁

東臯詩存卷之四十五

末

貧居理唐園將以治疎慵為道慕日廣敢輕芸植功町  
暇肅成列葵蓼互依封含性各得所續繡隨惠風終畝  
一以收聊復開吾胃

茹陰始亦榮災陽乃隣實欲知陰陽化相彼草木質挺  
施亦何心萬族固云隲遂令甘桔姿充然俱抱一謝彼  
漢陰機為功爾何及

夙聞賢達風醫卜半棲託愧非臧孫徒邱園隱為樂茂  
樹交午陰農事及春作長日休其鋤聆缶不為薄遐企  
桑者閒逍遙歌且嘯

泥勝有遺書樊園昔云尚誰言小人學經綸或能當稍

測陰晴分用備風雨壯坐須嘉種成吾功庶無曠顧笑  
陳仲子灌園乃逃相

經冒巢民水繪園舊址

公子聲華遍九垓至今猶若動風雷可堪身世成遺老  
好辟林園付酒杯片席尚餘花石在幾人初見畫圖開  
縈紆波影斜陽裏葉卷寒風掃梵苔

五人墓

細雨芊芊碧草春義雄魂魄尚精神當時政令無天子  
一代松楸有庶人未解閉門誠好勇須知直道在斯民  
衰翁來坐坐斜陽裏嘖嘖猶傳舊事新

東臯詩存卷之四十五

末

文園

蓼花

閒鎖橫塘兩岸秋穿波紅裊一溪愁儘遶詞客畱青眼  
鎮向漁人對白頭齊偃驚風迎落照亂搖疎影入寒流  
不知顏色為誰好開遍鶴汀兼鷺洲

碎折芳苞燦陸離肯因無事泣空枝江湖共遠深相託  
薑桂同辛頗耐思何草不黃秋以後伊人宛在水之湄  
近來誰適和羹用老向西風祇自知

丁卯冬季過汪璞莊宅適臘八日餉以粥糜戲

成

新糜黍稷合馨香佳果還添棗栗芳舉箸早驚僧臘到

揆時好看世人忙幾家逢節能酬節笑我隨鄉便入鄉  
多謝殷勤推食意飽餘同樂歲年長

西泠嬉春詩

江南草長水拍天風光催人大劇顛薰衣雉面開寒食  
冶葉倡條勝去年乳鳩喚晴能覆雨榆莢買春工數錢  
怪然闔門討元手一瓢無事日高眠  
蒲桃撥醅香鏡波春人嬉春嬌綺羅細蛾側袖打珠絡  
少年青絲搖玉珂插花屬客研光舞難燭留髡蹋臂歌  
偷閒不趣百回醉回首繁紅何處多

東臯詩存卷之四十五  
文園

類魚帶子掠舷飛斜塘晚決郭泥度小徑叢芳側帽歸  
載酒題襟幾年事風流未覺故情違  
一春贏得最狂名南陌東城處處經金鈿別裁蟬翅薄  
縠衫偏妬柳條青久拚羣劇工如許莫自烟花笑獨醒  
祇恐叢芳更消歇半江萍葉雨冥冥

題画桃源行

秦皇獵國烹六王九州圖已何房藏樓煩合浦竟秦土  
何處畱此天全鄉萬石撞鐘萬石鼓秦法冰毛吏冠虎  
微呼尚欲倒鬼神獨使空山成太古風塵晉魏白日陰  
燕魂趙骨無深林世閒盡失種桃處詎是扁舟迷路尋

溪園嶂繞花千畝長使九泥封谷口不到華胥到葛天  
醉鄉但足通婚友花下主人延客俱花閒茅屋春渠深  
豈惟擾攘不知漢禮樂且可忘唐虞問津惆悵不能去  
空撫丹青謀割據欲趁漁人黃道真落英貌我溪邊曙  
近世丹青誰第一文沈前朝號無匹吳中更號仇與唐  
落筆開縑名甚籍仇生巧手人莫知遠師李成近郭熙  
樓臺樹石勢精絕神妙自得闢天機吳君寶此三尺絹  
照眼烟雲紛駁絢山紅礪碧江入雲渺渺長波澄素練  
春日欲暮春風顛晴霞片片明前川漁人挂網掉舴艋  
畧婦抱子相嬋娟柴門老婦望嬌首犬吠雞鳴無不有

東臯詩存卷之四十五

文園

齊謳行

越羅搖裔空烟春織成鴛鴦雙文鱗摻摻卷袖鋪錦茵  
吳刀細剪一疋銀光明裁作三疊巾餘者為裳穩稱身  
珊珊擎來雪色純可知皎潔同麗人側腰細步向君陳  
被君王體容華新懼君不御朱顏與含情却顧意未伸  
宛轉更進修蛾頰粲粲流月無纖塵請君服之衛君恩

纏腰束臂私自親

白紵歌

遙夜青春臨洞房美人飄袖春風長春華的皪耀明妝  
青揚曼鬢自生光丹唇欲度芬荻香纂箏瑟琵琶簧  
瑤璫玉手奉華觴博山沉水鬱金牀翠幄朱幃溫且涼  
千妖百念極所滅驚鸞冶鳳本相當相逢道惜東家王  
愛而不見摧衷腸七轡垂手祇方皇今夕何夕留君旁  
區區託意兩難忘為君起舞歌樂康歌作白紵期以翔  
千秋萬歲渠未央

變白紵歌

東皐詩存卷之四十五

千

文圖

華堂日沒繡幄舒珊瑚百枝懸明珠璧姿艷發春愉愉  
瞥然而來光有無流風迴雪卷座隅翻若比翼翔雙鳬  
素蛺冉冉乘風趨乍低而昂抑復掄轉身動佩瓊瑛珞  
纖跣迴蹴送雨鹽不惜宵窺開羅襦玉牀映射明月軀  
奉君橫陳盡君娛沉水璧月送玉壺君今不見空踟躕

山陰雜咏并序

越無多奇山川特峰巒秀拔迴互層疊湖水  
環注輝映瀾漫縱觀則應接為難約取亦隨  
在入勝余家山陰素習而安之比之四方乃  
轉憶故山不能置庚申辛酉閒客如臯沙君

宮聲為話居遊之樂渠曾至止喜尋舊跡探

討幽邃流連光景於今不忘就其所經述以

咏歌要余和焉噫流覽一過猶難去懷則生

長遊處者當復何如耶時方久遊倍切疎濶

聊借其意比思歸之引云

禹陵

山川靈護夏王宮鳳閣龍樓紫翠中經歲不歸春又晚  
石帆東指待秋風

南鎮

崔嵬岡勢臨朱鳥奔走千峰仗節齊雄鎮居然形勝在

東皐詩存卷之四十五

三

文圖

長年帶屐滿松蹊

會稽山

盤盤嶙峋翠芙蓉箭括重雲鳥道封香滿烟霞人不  
月明時見最高峰

戴山

草色漫山作意深令入還惜沼吳心年來幾度繁桃李

孤負春風一醉吟

望湖堂

望湖臺上望湖亭想見雄襟壓洞庭八百湖光春正滿  
倚闌時憶對清冷

種墓

霸業空餘逐水流到今何必問松楸  
每食望海亭前立為聽寒濤入素秋

土城

隋樓陳閣久波平何有教歌一土城  
遺跡好存知有自六千君子散宜生

卧龍山

翠影飛騰遠更濃鏡光開處見蟠龍  
林泉臺閣渾包舉莫入匡廬辨好峰

錢清江

東臯詩存卷之四十五  
江繞青山向北流一泓澄澈自千秋  
於今父老非前日時見斜陽說故侯

柯亭

幾節枯椽入咏歌往來尋討向烟波  
東南竹箭知多少未抵中郎一暫過

蘭亭

蘭渚孤亭隱舊聞至今名屬右將軍  
春來修禊年年事爭慕風流向水濱

若耶溪

一逕涎涎抱郭流帆山東漾白蘋秋  
蔚藍水色開天鏡

直到雲門最上頭

大能仁寺

第宅由來總劫塵維摩難亦問前因  
千年不改齊心地水色山光舊許詢

怪山

遙臨疊嶂俯平湖東武飛來定有無  
樓閣盤空闌檻出夕陽金碧隱浮屠

鏡湖

渟注滌洄八百波萬山環照擁青螺  
藕花菱葉無窮碧五月涼風處處多

東臯詩存卷之四十五

道士莊

三山南豁漲玻璃排戟層巒入戶低  
酒載扁舟尋一曲東風十里画橋西

吳越王祠

東南屏障好規模越絕山川舊画圖  
祠廟西風斜日裏丹黃千樹錦模糊

雷門

五雲東啟煥曦輪意抵青門義或均  
出震自傳聲應在尚聾雙耳洛陽人

六陵



珠襦玉匣已全空莫向諸陵羨鬱蔥咫尺中原歸不得  
祇今遺恨是攢宮

吼山

崖藏樓閣漱藏花石破天開水一涯洞壑深深深幾許  
轉疑靈境辟桑麻

曹溪

層層臺榭護花陰渺渺清溪共竹林不厭醉翻歌管細  
底能初定出塵心

石屋

熊眠怪石青當戶虬掣蟠根黑飲溪休訝迴龕危到地

東臯詩存卷之四十五

圭

文圖

捫蘿還得上天梯

南礪門

波光漾漾接天流冷浸芙蓉日夜浮只說城邊好風景  
南華秋水一扁舟

湖曲草堂

湖上茅堂頗見稱歸思長日但飛騰小樓簾卷春風裏  
綠遍溪山又幾層

移寓

共說新遷地幽偏似隱居已輸洛陽賈還廢石渠書詞  
拙羞威鳳腸枯類涸魚知名枉兒女不分灞陵車

飄泊何千里團團念一家弟兄論手筆兒女展眉花北  
閣開紅友南枝亞碧紗歸舟憑竹葉清夢繞天涯

歲晚不歸去僦居原是痴自饒臨水宅豈待買山貲斟  
酌寧雞肋纏綿同繭絲深情原有不必望人知

整戶周粘壁巡簷細剪茅隔牆風隱梵隣閣樹低巢波  
折時迴梗雞棲豈繫匏待看春事好花發老藤交

小置嵇家竈高安管氏牀隣剛依白社門便記青楊愛  
我寧辭僻營心底用忙生平無一價猶自嗟韓康

借得烏皮几休言生事微往來慚有道人士重無衣蔬  
果尋常接雞豚取次歸累人羞口腹客沛用過飛

東臯詩存卷之四十五

圭

文圖

高樓聲望接一水積迢遙隔岸愁飛度臨流想置橋小  
桃栽密顆新柳閒長條見在吾居處寧將久暫要

寒露後西郊見羣燕

久矣辭梁上寒原作隊飛地偏當海近占候已陽微飄  
泊知情苦淹遲惜願違可堪千里外秋盡不成歸

早雁

歲歲客如歸天長度影微風沙看漸遠儔侶見還稀歷  
歷橫秋漢遲遲下夕暉稻梁何處好辛苦又南飛

蜘蛛

屋角連牆角分隅布晚涼重勾新網密飛控一絲長得

食知能幾營心正爾忙會開三面意遮莫近高堂

画眉鳥

半額粉痕低高描欲開誰雕籠懸竟日蠻語住無時巧得人爭愛媒因妬易施自綠喉舌誤不用怨雙眉

方桂

字香山歛人客于阜

送別張宸樸

張衡天下士相識已秋分勞力同為客傷心又送君月低樓外樹雁叫嶺頭雲指日飛騰去何當更賣文

沈光祀

東臯詩存卷之四十五

三

文園

一名曉字明東號誦芬浙之錢塘人館於阜

遂終焉

乙亥九日同黃癭瓢劉南廬王竹樓王春明仲

松嵐陳竹香江樵所汪璞莊顧墨園黃瘦石范

思堂姜鳳橋陸虹橋高雨船讌集雨香菴分賦

金天瑟瑟商飈發戲馬臺前望吳越木葉朝飛萬嶺霜

魚龍夜冷三江月年年風雨度重陽今日新晴到上方

攜取東林蓮社侶金沙脫屣共徜徉騷人自昔悲秋氣

萍水芝蘭喜傾蓋江神風送片帆來追步滕王高閣會

落霞孤鶩舊詞英金薤琳瑯擲地聲健筆凌雲有神助

香林擊鉢已詩成淋漓墨妙三臺迹渴驥奔泉貌扶石

五色花牋擘衍波千秋草聖兼飛白囊萸采菊復持螯

舒嘯偕登射雉臯陶令方來多置酒劉郎誰道不題糕

南州九井空山在落帽風流今不再哲匠蕭晨自感傷

達人齊物遊方外曲徑通幽寶地開天風花雨散香來

明年此會重攜手更上翻經百尺臺

春遊漫興十首

野客閒中好春山雨後新踏青來綺陌浮白坐文茵花柳芳菲節江湖淡蕩人虛舟行不繫南浦復西津

春至方東作年來正屢豐山村連夜雨花信幾番風雞

東臯詩存卷之四十五

三

文園

黍娛親串蠶桑事女紅西疇逢野老談笑綠陰中

麥隴連山北桑田隔水西汀沙晴浴鷺村巷午聞雞點

點紅飛雨迢迢綠漲溪仙源行處好咫尺使人迷

石磴蒼苔滑溪橋獨木危雲花風外舞山果雨中垂茅

店沽春酒叢祠讀古碑行行忘近遠藜杖日相隨

柳浪紅橋外蘭橈載酒多輕風分燕翦細雨濕漁蓑水

曲新修禊春陽好踏歌雲中君不見羅襪去凌波

幽澗生堯韭疎籬艷舜華烟林樵子路雲壑野人家帶

露新挑菜烹泉細品茶山厨風味好何必飯胡麻

投老遊方外尋僧到寺樓魚山清梵響獅座妙香幽遲

日飛花雨陽春入竹秋無生如可學身世一浮漚

漁子菰炊飯村童箬裹鹽林閒敲白屋花裏出青帘巖  
長兒拳小美生女手慘夕陽雲影散峯翠露眉尖

水月初沈壁仙霞已建標山松長麈尾隄草細裙腰祇  
樹三千界瓊花廿四橋不須重覽勝此地足逍遙

晚晚青春老蕭閒白日長鶯梭穿柳線蝶夢戀花房流  
水琴心遠沾泥屐齒香奚囊佳句少才盡笑江郎

庚申歲杪旅次韶陽都督王公幕府諸君子肆

筵合樂公讌於寧靜堂折簡招邀連宵觴詠酒

闌燈施述事書懷兼以留別漫成長律五十韻

東臯詩存

卷之四十五

文

文

庾嶺蓉山北韓瀧桂海東皇岡韶石近湏水曲江通牛

女星分野羊公位總戎將軍開武庫幕府集文雄草檄

三臺上飛書一箭中征苗干羽格伏莽卵巢空跨海橋

鞭石分疆柱立銅邊風清肅肅朝旭朗瞳瞳蘆管吹鈴

閣梅花照雪宮弦聲驅伏虎弓響落驚鴻擊折嚴城閉

張筵大饗隆朋簪停寶馬仙酒吸長虹竹葉宜春至蘭

英贊夏同兵厨兼麪部鄴水接郵筒授几華鐙錯加籩

綺席豐金盤羞鱸鯉翠金熟脍熊燕脾濡仍白牛心炙

更紅綾鯖和有法齋跖味無窮翦韭兼琅菜烹葵雜綺

蔥傳餐雲子進度曲雪兒工樂府安公子梨園試小叢

移宮調淥水變徵激流風鼓作漁陽弄簫鳴嶺谷簫笛

吹雲夢竹琴奏嶧山桐傀儡紛歌舞魚龍戲戰攻交竿

逢倩女躍劍走僂僂角抵方爭力迷藏乍發矇星毬紛

燦爛火樹巧玲瓏蠟淚堆華屋蟾光透綺櫳鄙人叨上

客名輩仰羣公月旦鄉評重耆英德器洪遠遊新度嶺

高步舊登嵩淵水珠輝映星辰劍氣冲春雲晴靄靄冬

日暖融融學貫圖書富文成棟宇充清談披悃悃奇論

聞鴻濛義手詩無敵同心曲未終詞華追繡虎篆刻鄙

雕蟲師表推宗匠儒林有折衷多君敦古處教我發童

蒙僕也螢牕老蕭然鶴髮翁樓遲耽野趣悃欵抱愚忠

東臯詩存

卷之四十五

文

文

蟋蟀吟居壁鳬驚泛在深營生甘采薇浮世苦飄蓬湖

海三生夢乾坤一眇躬無奇殊碌碌自笑實慳慳豈有

班揚筆堪書衛霍功西園陪宴賞北海謬推崇野岸將

舒柳蠻江未落楓河梁遊子去飛霞集孤蓬

揚州懷古八首

夢到揚州鶴蓋停橫山遙接蜀岡青珠簾秋水芙蓉間

錦障春風芍藥廳臺上吳公曾建節帷中董子舊談經

驚沙飛散孤蓬振歌斷蕪城一涕零

綠楊城郭映紅橋瑟瑟邗溝一水遙文選樓方天祿閣

廣陵濤似浙江潮陳琳書記才無敵杜牧風懷恨未消

揚子津頭吟望處青峰兩點是金焦

壁月銀燈透綺櫺吹簫人在廣寒宮樽開新醞紅梁美  
拍按清歌玉樹工豆蔻梢頭仙掌露茱萸灣口錦帆風  
豪華彈指滄桑變幻入槐安一夢中

長江天塹古今流流過帆山野渡頭雉堞推頽空石鼈  
雞臺迢遞接金牛雲浮車蓋通吳會風利樓船下益州  
萬里名城徒自壞春林巢燕使人愁

甲仗樓前古戰場千艘轉粟海陵倉黃旗紫氣臨江浦  
白馬青絲起壽陽淮泗雄豪紛割據陳隋荒宴幾興亡  
時清南國無兵火坐嘯平山月滿堂

東臯詩存

卷之四十五

手

文園

朱明南渡此迎鑾草木兵威仗謝安四鎮蟲沙墮保障  
九重魚腹走江干朝周玉馬心如醉辭漢金人淚未乾  
賸有梅花孤嶺在忠魂抔土葬衣冠

鬪鴨池塘戲馬臺千秋陳迹莽蒿萊南冷水美仍烹茗  
東閣詩成已落梅館憶爭春花爛熳樓空明月影徘徊  
烽烟銷歇開初地畱待山僧辨劫灰

迷樓羅綺舊繁華廢苑秋螢照暮鴉倩女紅妝金屋貯  
美人黃土玉鈎斜雷塘長夜遊仙夢月觀當年作帝家  
更有風流千古恨無雙亭上少瓊花

聽羽士彈琴

冷冷幽壑瀉冰泉三疊琴心玉洞仙妙在無聲絃指外  
翩跹雙鶴舞寥天

一曲仙音百尺臺天風吹浪卷蓬萊期君海上移情處  
還駕琴高赤鯉來

疊韻二首

崩山霖雨激風泉悵望成連奏水仙彈指揮絃人不見  
茫茫雲海遠浮天

三徑松篁掃石臺清都雲氣接蓬萊廣陵散後音塵絕  
傳與通仙再鼓來

江樓夜集賦水仙詩送別

東臯詩存

卷之四十五

手

文園

雪艷雲香月色新水宮仙子素心人飄飄羅襪凌波去  
遺恨陳王賦洛神

江妃二女閨清華玉珮丁東隔翠霞交甫空懷人不見  
冰魂銷作斷腸花

脈脈盈盈一水閒瓊條玉葉美人攀傷心繡被香猶暖  
青翰乘風去不還

騷人自昔怨生離欲采瓊芳未有期敲碎玉壺冰一片  
江天明月照相思

題畫雜詩

洞口相逢漁父仙源自有人家浮出門前溪水不知何

處桃花

山家有客沽酒竹院無人閉門淡淡斜陽紅樹迢迢流水孤村

落日渡頭風起采菱人未歸來一雙溪鳥相喚無數山花自開

泛宅江湖浪迹敲枕篷窗卧遊只見雲山繞屋豈知身在虛舟

山行十里五里道上長亭短亭芳樹紛紅駭綠羣峰繚白紫青

高柳鳴蜩隔水長松繫馬登山亭臯木葉微脫遊子天東臯詩存卷之四十五

涯未還

綠浪魚鱗層疊紅橋雁齒參差柳外夕陽漁笛花裏春風酒旗

高士羈棲郡北幽人招隱牆東世上翻雲覆雨山中卧雪吟風

卜宅松江蟹舍浮家笠澤漁舸南浦一蓑烟雨西風萬頃雲濤

戲與鷗盟海岸閒觀魚樂濠梁不記壺中歲月那知塵世滄桑

孫仙墨竹歌

在仁化南閩準提閣上東壁雨竹西鮮風竹

題曰雲陽孫程寫理不知何代人相傳過此

一夕而成投筆忽去詰旦寺僧蹤跡之已不

知所之矣

金瓶高閣浮雲邊閣中四壁生蒼烟通靈妙画入神筆

琅玕百尺新娟娟莖抽素笋比玉潤籀解森梢呈碧鮮

濕葉翻階雨滴瀝低枝掃石風翩躚伶倫吹律震解谷

英皇雪涕臨湘川威鳳來遊紫庭下文鸞降自崑崙巔

直節不讓會稽箭良材絕似柯亭椽倏燦晦冥雷電作

龍孫破壁飛翩翩雲陽仙子作技獐登樓興發青燈前

東臯詩存卷之四十五

圭

文園

一夕揮毫幻影去飛度錦水寒風連西池東海不知處

南條北葉長鮮妍神氣迴出古莫比蒼皮溜雨風泠然

此君高節我所愛况乃墨妙傳飛仙恍然坐卧竹里館

簣簣滿谷神流連吾廬亦有三徑竹思歸不得心憂煎

對此渾疑夢中見豈知歷劫逾千年梁園寂寞少冠蓋

元池蕭瑟無管絃何如截取葛陂杖騎龍直入壺中天

丹穀詩

丹穀出曲江芙蓉山形如雞卵堅若鐵石色

黃赤間以蒼白斑駁可玩中虛洞然扣之琤

琮有聲圓經云漢康容修道此山鍊藥所遺

也

滇江南上芙蓉山山中石室通天閣康容鍊藥井竈在  
林壑幽異非人間丹成仙去遺丹殷竒古堅完真太璞  
爐火炎炎發寶華金沙隱隱留斑駁絳雪元霜帶紫霞  
雲英石髓幻瓊花當年七返餘靈蛻傳與飛元玉女家  
鴻都道士懷仙藻珍秘銀筒以為寶大似西池阿母桃  
小於東海安期棗贈我殷勤一片心靈光飛下碧雲岑  
丸泥中有神樓散青鳥銜來送好音千秋保護神明力  
真氣靈香生五色服食身輕便御風憑虛忽駕雙飛翼  
鵬背逍遙萬里天丹臺一去不知年歸來重訪南山老  
東臯詩存卷之四十五

雷

文園

蛻殼依然化地仙

金陵舊內咏古

揮戈濠泗斗星寒滅漢平吳掃葉看不信中原終鼎沸  
誰言江左只偏安殊方玉帛歸王會薄海威儀仰漢官  
今日九龍橋上望故宮秋草自漫漫  
一破金川萬事非倉皇夜半啟宮扉錦囊存有先朝牒  
複道行同白日暉去國可憐成杜宇還家誰更識丁威  
蕭然老佛空身世不怨當年燕子飛  
多事齊黃悔噬臍師稱靖難祇相欺成王有子猶堪立  
公旦何緣便自為斯舌名儒成篡字皮囊厲鬼犯鑒儀

誅夷從此同瓜蔓空使先朝士氣虧

軒睡難容卧榻中王師已報下江東匆匆玉樹歌方半  
草草金陵運又終截坂干戈爭鷸蚌防河兵馬化沙蟲  
可憐建號無多日比比似齊梁更不同

東臯詩存卷之四十五

雷

文園

東臯詩存卷之四十六

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左 亭筠谿校訛

陸進

字宿凡號樵海一號漱石泰州文學晚家于

臯著有漱石詩稿十卷

行路難

誰謂行路難三峽黃牛九曲羊腸隘險峭折不可攀長

東臯詩存

卷之四十六

一

文園

蛟搯其前猛虎踞其顛封弧長劔在吾手斬蛟射虎亦  
等閒何似當盆之瓦礫陸地之波瀾路鬼擲掄躡我後  
當面盟心背面寒含沙哆厥口射工暗中彈胡越推心  
腹機械動相干鸞鳳高舉青蠅在樊吁嗟乎行路難

河水

河水湯湯其流泱泱侵我稻田民卒流亡一解河水滔滔

傷我稼苗何辜于天淪胥以逃二解瓠子決兮宣房塞兮

散財發粟我心悅兮三解散財發粟軫念民饑父母孔邇

云胡不夷四解

春草

綠野堂開烟雨濛郊原凝碧望荒叢踏殘遊女三春半  
別後王孫二月中斜日慣沾蝴蝶粉清明曾染杜鵑紅  
池塘夢好傳佳句閒共青袍嘯晚風

蓬萊境

已入無人地蓬萊闢洞天捫蘿山鬼笑穿竹野猿眠桂  
坳浮香遠桃源識路先匡廬如在目何處覓神仙

海水溢

海水溢海水溢時心惕惕上河下河民太息憶昔范公  
蒞此邦智勇直與洪濤敵沙隄肆岼築東南狂瀾頓使  
安潮汐沮洳欬忽為平原煎鹽布穀無遺力農夫竈丁

東臯詩存

卷之四十六

二

文園

遂其生商人販夫動萬億千秋保障存遺愛功名不獨  
當時戴繁公陟遐數百載精誠猶覺于斯在土人每見  
當陰曠朱衣象笏垂天際予聞之土人每陰霧時見衣冠楚楚往來雲表一如公像  
知公此意豈無因前者開之後誰繼土圻沙崩時所有  
幾見成功能不朽東漲西坍不可當白雲轉盼如蒼狗  
去年七月颶風作沿海居民盡隕獲億人無復數人生  
尸橫遍野饑鳥啄存者羣羣奔上河水猶猶想田園樂  
豈知斥鹵不可畊數畝荒塍餘敗穽我鄉距海雖百里  
連年亦苦潮水薄去秋傷我苗今夏盡無麥一雨十旬  
稀紛紛涼月白深感皇天恩三伏雷雨足藉有健兒把

犁鋤努力耕耘望秋熟幾日狂飈動地來潮汎奔馳越  
信宿有禾看欲焦有水空盈瀆屢負縣官租追呼日夜  
迫貧家無計得聊生富兒有產急思鬻吁嗟乎海水溢  
海水溢時心怵怵滔滔汨汨幾時休良田那復生荆棘  
異地何愁無樂土男兒翻苦多家室兒啼婦歎只吞聲  
轉徙流離不可必所賴長吏賢繪圖達警蹕築防繼前  
徽尤仰司空力功成垂奕奕環海得安息會見涼風天  
末飲隄上逍遙聞蟋蟀

先嚴諱日 丁未三月朔日

不分輕拋埏埴田客中况味轉蕭然 時館東阜 一春孤館棠

東阜詩存 卷之四十六 三 文園

梨雨三月他鄉楊柳烟生事惜騰成隔世故園消息判  
遙天夜來卻惹趨庭夢計日彌留已十年

采蓮曲

君欲采蓮花儂自采蓮實中有無限心辛苦不得出

重九集江秋觀斜暉書屋賞菊

岫雲天際晚勾留簾卷光搖月滿頭地盡沉烟消永漏  
嘗來旨酒識新筭醉吟白髮欺雙鬢飽看黃花過一秋  
好是唱酬忘作客西風吹不到鵲裘

歸舟

已入故山路舟行翻不前寒凝河上草日落渡頭烟雁

陣隨雲沒漁燈近市懸征衣初拂拭霜重板橋邊

戊申秋日過玉山有感 時值四月初度

四十飄萍鬢已斑滄江日日羨漁竿歸來翻覺誅茅懶  
老去空悲行路難風木殊鄉魂夢杳烟波野寺水雲寒  
避人不為逢初度聊借清涼一枕寬

人日

人日天氣佳羸軀步不健兒扶一負暄手足虛欲顫靜  
思攝生理苓朮非可戀不如日飲醇餐飮適所便元氣  
漸滋培春風待微扇以此保清虛庶幾稱厥善

中秋攜兒往東村收穫歸時已二鼓矣月下惘

東阜詩存 卷之四十六 四 文園

然有作

曉起村莊去歸時漏再傳露垂今夜白月憶隔年圓小  
艇浮秋水空庭靄暮烟自從失荆婦愁看海棠妍 去年內子

病中猶呼兒覓海棠佐觴

春日客廣福寺憶故韞山和尚

蘭若停輿得地偏春風一榻意翛然半林雨霽占乾鵲  
二月天晴遍紙鷲舊日雲門曾過飯當時雪嶺欲逃禪  
即今花雨傷寥寂但聽鐘聲薄暮傳

白蒲晚泊

流水斜陽外秋風古渡前半村黃葉樹一片紫山烟柳



岸漁家網蒲帆估客船由來魚米地棲泊正安然

題二非上人壁

晴川歷歷水淙淙信宿來遊逐短節一榻秋風黃葉寺  
五山烟靄碧雲峯花開蜜鉢棲幽鳥畫隱滄波掣臥龍  
他日虎溪重問訊遠公石上許留踪

立秋日述懷

我家芙蓉村摩訶稱接壤年來道路頻出門時惘惘昨  
歲挈妻孥臯城雙僊仰繞埤竹與梧手種今已長鴈鵲  
寄一枝秋風度已兩所嗟丈夫志尺直而尋枉不知霄  
漢路迺為枋榆搶今年值延遺私心擬一往引鏡白髮  
東臯詩存卷之四十六 五 文淵

燕磯阻風

摩空絕壁俯中流冒雨登臨最上頭浪駭長空千尺雪  
風號古木萬山秋孤亭日落檣烏集天慙雲橫塞雁愁  
噴薄總迷南北路怒潮信宿為誰留

歲朝醉歌行

開年旅舍一事無眼前雲物不甚殊東家有人招我飲  
滿堂賓客爭譁呼江秋觀主人於此興不淺開尊那惜

傾百壹座間觴咏頗不惡晡時不覺日已落泥飲今年  
第一回仙仙欲起騰兩腳出門且復倩兒扶人生跬步  
須防錯歸來乾葉尚餘綠吟襟忽動杯仍續兩滿三平  
不自持竟須傾倒仰梁屋家人正色動相戒老來翻作  
少時態不知蓋公醒猶狂緊我酒酣何足怪况復年來  
羈異地若非醉鄉何所寄但思痛飲求模糊誰云狂藥  
非佳味

五日同范南軒過朱鍊師精舍

閒遊豈必羨鳴珂方外逍遙着芰荷一院榴開丹竈火  
千年松老白雲窩棋函未許窺仙術劍氣還堪辟醉魔  
東臯詩存卷之四十六 六 文淵

道德五千深自秘不須重問右軍鷺

桐生篇有序

余於辛亥初夏再假館于斜暉書屋至今四  
越歲矣庭偏小梧即以是時植比既增長成  
樹頃苦湫隘自春徂夏幾有囊下之憂詎雨  
露所潤漸漸敷榮抽條引葉濯濯可人新露  
晨流清陰午蔭不覺心曠神怡也

造物有真宰默司苑與枯栽培固不爽傾覆豈云辜豐  
茲必奮彼困極迺復甦靜觀盈虛理因材篤自殊君子  
重修能榮落非所虞鑒此空井桐可以發長吁

小庭植梧埤愛惜我所素昔歲栽東廂摩挲擬大樹佇  
看蒼榦抽旋復孫枝附不謂托朽壤頻遭水澇蝨今春  
望敷榮遲遲渺難遇時已值仲夏隔院花繁吐生意日  
無聊行將事斤鋸那知十日陰枯枝得吹噓徐徐生細  
葉脉脈含新澍可知人間世屯亨各有數藏器以待時  
勿阻中道步

天心本仁愛靈承在惠迪憂戚玉汝成履豐恣放佚根  
茂實必遂本撥枝難直動則傷其生靜乃得滋息莫謂  
桐易華漫不加護惜珍重元豁雲保此清妙質不見龍  
門山高枝疎百尺

東臯詩存

卷之四十六

七

文圖

咄彼不材木托地在荒隅卷曲不適用枝葉轉扶疎維  
此琴川姿多為王者儲大任必勞苦風雨老奇株物苟  
值艱貞益信匪標檮安知時勢屈志節不可撓砥行歷  
盤錯眷顧始不誣所以嶧山陽特立乃云孤

浩蕩固有劫運數不可窮人間榮願事那便付苓通當  
其拂抑時渾如未昭蟲一朝生氣勃騰若鵬御風草木  
隨人意大化豈尸功靈滋濯元雨涵濡沾化工顛木有  
由藥指日披晴虹可為鬱儀蔽陰翳碧叢叢可為鸞鳳  
棲葦蕒鬱葱蔥千霄看直上枝挂扶桑東

秋曉過環翠山房

此地曾留榻重來路未遷斷橋流水外衰柳夕陽邊舊  
徑成新圃荒園靄暮烟故人同一嘯回首影蒼然

冬日排悶二十二韻

古人不可作吾道復何之痛飲離騷醑休占大易辭羸  
羝雖善觸老驥豈堪羈壯志徒千里卑棲只一枝艱虞  
貽後悔輒軻失前期鐵網珊瑚沒隋珠滄海遺世情真  
鹿跡機巧似蛛絲坦白誰投分疎頑我自嗤枯魚底用  
泣狡兔亦奚為鬪捷爭言智牢籠各設疑方輪寧有濟  
圓蓋卻無私索綸原難鍵洪爐詎易錘貪婪快染指縱  
欲妄觀頭可歎亡羊悞非關失馬岐乘風思鼓浪脫穎

東臯詩存

卷之四十六

八

文圖

愧無雄歷險追三峽懷鄉憶五噫攻文路鬼笑落魄小  
巫欺花月恣遊賞精神總慙疲比紅欣得句綠白漫多  
髭潦倒傷貧賤支離度歲時百年餘盜蹠萬古薄窮奇  
荏苒流光逝浮沈駒隙馳狂惟耽麴藥病久棄參耆逼  
歲襄陽感胸膈那得知

一枝巢歌

一枝巢偏側偏側難崇朝四宇八荒何寥廓胡為托跡  
同鷦鷯主人不覺三歎息孤鴻一叫海天高吁嗟乎一  
枝巢解一有客有客來東臯臘月冰凍風怒號遊子葛衣  
髮蕭騷余家昔有江湖叟烟波來往恣逍遙昔人舟居

余木處哀鳴獨立求其曹

解二

有室有室托蓬蒿牽蘿補

葺心勞勞桑土未徹多傾圯

解三

偶然振翼來遊遨黃雲四

塞雪霰下夜半寒芒垂斗杓

解四

我生負性如寒蜩朝榮

夕悴隨所遭深山大澤龍蛇窟

解五

荒烟荆棘颼颼啤此室

不塗亦不暨但聞雞鳴聲膠膠

解六

有鴛有鴛來營巢銜

泥作墨語叨叨主人語鴛莫堅緻

解七

主人此屋易漂搖誰

家甲第拂雲霄畫梁深鎖蛛絲交

解八

爾我同是天涯客不

用綢繆牖戶牢

解九

一枝巢半間土銼襟塵囂風雨不避

暑難消偃仰一室何所有唯見左

解十

簾與右瓢樵蘇三日

已絕憂男呻女吟共嗷嗷早起大笑出門去歸來月上

東臯詩存

卷之四十六

九

文圖

東山高

解十一

有墓有墓在故郊白楊已拱風蕭蕭遊子無

端適茲土一任封孤白日驕何時得遂首邱願高膝有

解十二

地容誅茅吁嗟乎一枝巢

寒廬

寒廬

寒廬抱孤燈生涯嗟歲晚豈無懷土情遊子不得返宿

昔被拘學放蕩同嵇阮如何塵埃中跼步行常蹇悵往

復思來白日去袞袞安能附黃鵠高飛天際遠

悅人無善術宿瘤笑夷光靜女不工時隱約守閨房日

夕理機杼七裏成報章舉世何蚩蚩選色棄鸞鳳明珠

豈埋照太璞寧久藏耐此歲寒節端居不易方

浮萍蕩輕波飄然靡定住豈無所自生根蒂本不固以

此歎勞心終年羈行路風雨憶柴桑世世羞老圃嗟哉

鴻雁羣南北失故處踳踳竭青華引鏡髮添素

吾生真薄祐百慮無一伸窮棲在海隅甘言靡所親故

園餘薄產比年苦沈淪斥鹵土不食免葵雜然陳西方

望彼美迢迢隔河津河津不可渡朔風愁殺人

謁方正學祠

在雨花臺側

臺前風景就荒蕪大節千年獨不孤古殿秋風飛燕子

宮庭落日嘯鼙鼙十門俱逮全家戮寸舌難捫一字誅

遺像至今懸烈烈衣冠端可範羣儒

東臯詩存

卷之四十六

十

文圖

謁景忠烈祠

在正學先生祠左側

先生英氣挾秋霜落葉蕭蕭殿宇涼鐵釜那能煎傲骨

丹心獨不向藩王蟠松錯節千年勁怪石當門一徑荒

可歎比鄰接正學忠魂兩兩泣殘陽

歲晏傷江秋觀

疆圉大荒落之十月適秋觀下世予以遠出

未及為哀詞以誅殊為缺典歸值歲徂風雨

決旬鍵關空谷回憶秋觀存日之況不勝今

昔之感率成二首

叔季重勢交貞士念死友難黍約已虛挂劍更何有薰

集 413-733

舊臭不同道義味可久歲寒松柏凋陰風北林吼美人  
傷易逝日暮空搔首

鄰畿我舊遊忘年相與俱廿載譜金蘭形跡不為拘十  
年館西墅慎終一如初花晨并月夕遑遑同歡娛觀景  
忽傷情醉兀成歎歎

訪杜茶村先生遺跡

謁來城北路初訪杜陵家石徑迷黃葉江村冷白沙固  
窮唯戀酒何喜卻歸茶今古斜陽外空餘牧豎賒

最高峯次日復登步

碧天秋老氣蒼黃捫壁攀藤到上方松樹直排千佛嶺  
東臯詩存卷之四十六 文圖

桂花橫落九天香石精霞髓通元脉波撼雲蒸接大荒  
身入虛空風凜冽山靈應亦笑吾狂

鎮兒二十

憶汝初生日憐子在路岐寒天霜裏雪外舍母舍兒子生時在外家  
少小慈顏逝艱虞老境危只今已及冠成立此其時

午日讀焚椒錄

午令當陽薑毒侵阿誰門第產觀音入宮競艷琵琶手  
誓志偏懸捧日心

鴨綠江頭射虎時君王獨賞可敦詩風流不減才人咏

猛獸當前格鬪遲

入朝矜媚貴家嬪幻海波生誕降辰灤水真龍得無恙  
禍胎更結趙王辛

回心院裏白頭吟掃殿還思可汗臨花笑三韓春草碧  
瑤階重護綠苔深

教坊特地選諸伶二八宮娃正妙齡怪煞宵人爭妒寵  
無端嫁禍向彤廷

何人誑作十香詞穢亂春官定不移祇為當時弄柔翰  
可憐妾命薄如絲

弔古懷深嚴若秋山頭木葉冷悠悠含冤難覓知情月  
東臯詩存卷之四十六 文圖

敗雨殘雲頃刻收  
縷金裙子杏黃衫玉質寧勝衆口讒可訝天書三十六

直教白練應槍挽

獄成誰復辨含沙謾說妻猪定艾豕惟信由來能仗義  
可堪孝杰附奸邪

椒宮儲貳緊綱常朝右難禁密網張千古冤沈悲屈子  
女中今又感蕭娘

長夜謠

平生負壯志駒齒惜已老酒酣托筦簟夢覺天難曉覺  
後無所之寸衷百慮攪達人雖安命造物理亦渺欲從

淮南遊枕中乏鴻寶東林一杵鐘侵晨霜鶴鳴

村居

平川面山郭水靜一泓深曠野渺無際商飈下空林  
暉日曜晚景窈窕窺陰倚杖望村墟聊以擴胸襟  
雨氣洗林薄稻花香遠畦諸厓息牛馬秋水灌長隄  
盈徧川谷水車修已移行看隴畝旁結實亦何稀  
西成未可卜豐嗇詎有期不如漢陰老抱甕日忘機  
一亭置松陰一舟繫菱港亭中餘書史柳外挂魚網  
靜與古為徒動適思蕩槩皎皎白日光長鏡牽菰蔣歸來  
日已暮松際發清響

東華詩存

卷之四十六

主

文圖

清泉不須引白石不須鑿水石相依倚自然成邱壑  
山林望最佳心眼莽家廓但得離塵網仙道何用學階前  
一峯秀往來雲綽約

三里小塵市近在石橋東閒來跨款段沽酒隨鄰翁  
少年餘故舊邀我入城中衣冠久不飭徒為俗人誼揮手  
謝之別落日回秋風

涼月夜橫窗紛紛秋露白山氣出虛牋曉起烟霧滴屏  
翳暖不明崇朝直至夕豁然天欲開行雲如過客蒼狗  
與白衣斯須杳無跡

裴几白木淨涓埃不能浼破硯黑如漆光澤洵可緬出

門見遠山寒鴉三五點嵐影入戶牖楓林色可染

七月十四夜渡江

時與山陽朱翰  
尊楊大同共濟

蕩槳輕搖欵乃幽長年指點下真州夜深露濕墜蓬腳  
岸影山空隔渡頭江上沙鷗憐故我天涯浪客識同流  
朝來好趁長風便明月平分白鷺洲

遊寶光寺

數折周遮一徑通山腰嵌住寶華宮苔深石碣沉秋草  
澗沸松濤響碧空客倦機忘清梵裏僧歸影在白雲中  
晚來不用邀明月隔寺琉璃塔正紅

長至後飲范夢韓齋次

東華詩存

卷之四十六

十四

文圖

高春銜落日卜夜不辭頻強半耽吟客都為耐冷人  
草堂梅索笑寒谷酒生春莫悵歸途暗霜華白似銀

讀外戚傳

權勢從來多藉勢廷評卻自少公評那知仲孺同安國  
詎必田蚡勝實嬰

曲室銘

尺蠖之屈以求伸也君子之曲以全身也

雁橋行

留別友生  
江華峯

已別雁橋去重訪雁橋春雁橋水汪汪楊柳可憐人憶  
昔城南住適與江生鄰從游踰十載往往數晨昏况復

追陪者相對有嚴君春江花月夜引杯坐斜曛時令君

予於斜爾時好伯仲同懷叶筮璫下惟共辛苦攻堅意

詩詩日月去何駛倏若車與輪先冬攜家返掌大雪片

紛從此一揮手相思兩地殷朱夏復相見愛爾詩嶙峋

冬來特放擢欵欵扣柴門今春書又至招我雉水濱雞

鶯初出谷宛轉聲韻圓老夫忽乘興不惜走踈蹊江生

倒屣迎相延坐融軒秋觀別墅開尊特飲我鮭菜襟然陳飲

少心輒醉相與步河津徙倚雁橋側高吟發性真

哭莘白兄時癸亥秋八月

屈指家羣從年過五十稀如君真不易似我亦幾希徂

東臯詩存卷之四十六 主 文圖

暑人云致高秋意總違一棺羈旅况白日掩柴扉

記得如臯駐人爭艷二難詩工窮愈迫年老病相干乞

米無人貸歸家有夢寒予於酉冬遙憐但化後囊草情

誰看

西河再抱痛不悴亦神傷兄于酉戌二歲連喪二子溷溷偕流俗騷

騷托酒狂胸寧無吟域世大有滄桑冥路愁多險方輪

好自量

為憶衰年况精神總覺消生堪嗟落拓死亦歎飄搖信

美非吾土難忘是大招魂兮如欲返可認鳳凰橋

畦成

鋤得半畝地春來園已成自欣收白菜更辦種黃精垂  
老方安命常貧不治生向平徒有累誰復識予情

濬河行乙丑臘月

天寒地凍泥土圻邑宰傳呼濬河急特遣胥隸前致詞

役夫欲倩富兒覓富兒幸得結官長不顧人命只顧賞

錫來莊堡搜壯丁黠者逃匿愚者枉一日二日陰風深

飛來雪片大於掌官價給米日一升窮民饑餓苦不勝

枵腹那能充一飽哭向總管求加增短布單衣不掩髀

沾體塗足皮肉破朝來作飯傍土鏹中夜露處仰天臥

人云彼蒼胡不仁詎知彼蒼意甚嗔 皇恩怙冒大莫

東臯詩存卷之四十六 主 文圖

擬胡為事均勞逸分得已不已卻何因爾欲報功困下

民更有廝賤肆荼毒東鞭晝夜相迫促小民不忍答捷

苦訴之官長空遭辱垂頭飲泣不能止前月已有三人

死

秋野二首

極目西成晚秋原亦曠戡人從南陌往雲逐北山來二

隴家難給三農戶不開道傍逢牧豎閒話夕陽回

大隱不須招尋幽狎野樵樹深喧鳥雀地僻絕歌謠徒

倚憑枯杖崎嶇渡石橋秋風天末起樹葉晚蕭蕭

秋晚登望海樓

寥天秋氣拍長空  
雲色晴嵐一望中  
吳楚迢迢連泰岱  
江山平遠入鴻濛  
蒼煙路迴楓林暗  
紫海烟迷鳥道通  
日暮高樓頻俯仰  
風雲變態亦何窮

後濟河行

丙寅臘月

寒冰冽冽河上凝  
水車汨汨河下鳴  
隴頭擔夫操畚揭  
流澌臘月嗟踟躕  
訊知朝廷濟河急  
耗費盡出商人力  
商人射利收羨餘  
皇仁不貪多蓄積  
睦稅存貯業有年  
貸向牢盆幾倍息  
今秋纔得輸內帑  
仍與民間資利益  
欽命疏濬向南方  
既以便農更便商  
農夫溝深恣灌溉  
商人販賣利舟航  
況是年荒人乏食  
募值儘可東臯詩存

卷四十六

七

文圖

充饑賜公旬三日  
豈無時用民之力  
亦何常司空委員  
吏吏紛紛歷逐人  
如蟻方丈尺步有  
稽程暗增明減焉  
能計小民沾惠曾  
幾許卻拋妻子前  
來詣手足匍匐不  
得停水宿風餐暗  
垂涕天憐此輩一  
冬晴忍教雨雪相  
侵凌土酥凍解下  
鉅易一月半月功  
可成劇知我皇多  
惠政更感蒼昊施  
哀矜但願明年麥  
早熟秧針插處聽  
倉庚

早春家逸元叔招集西園

負郭家園近開年  
踏軟塵水邊梅速  
客林外鳥爭春柳  
眼垂青早苔錢點  
綵新此間饒樂趣  
掃石待投綸

賦得前溪忽調琴

杖策臨清泉  
泉聲咽幽谷  
悠然山水音  
安用絲與竹  
前溪有高人  
寤言寄茅屋  
扣絃時一鳴  
天籟無心觸  
此中留太古  
松風吹謖謖

除夕

曉起何奔逐  
難清濁世塵  
喧恬頃刻異  
風俗此時淳  
萬事歸醇酒  
衰顏盼早春  
掃除心地淨  
纔許結松筠喜從遊  
江毓五至

之子衝寒至  
無忘昔授經  
踏冰尋白屋  
載酒過元亭  
老去興都減  
年殘事未寧  
清言如欲接  
相約柳青青

東臯詩存

太

文圖

朱然行

事有所必至  
預定亦何難  
而多不可測  
奈何遽為然  
廢婦不恤緯  
杞人漫憂天  
此輩誠迂拙  
達人所深憐  
愚者懷千慮  
寧無一得焉  
周旋我與我  
心思倏變遷  
肝膽尚胡越  
何況身外緣  
琴瑟雖專壹  
能無念改絃  
鴻鵠雖高翔  
能無畏絳纏  
洛陽花開盛  
豈意馬蹴翻  
韓原車載稔  
豈意泥淖還  
磐石誓不背  
中道忽棄捐  
高張生激楚  
風雨起晴暄  
慮不在千里  
几席必仆顛  
居安不忘危  
君子空慎旃

咏史

好士由來天下聞  
孟嘗君與信陵君  
馮驩彈鋏夷門老  
市義何如教劫軍

霜降日南營觀操

環海烟塵靜邊隅  
畫角清偏裨咸樂業  
雞犬總無驚  
晴日將軍樹秋風  
細柳營由來鎖鑰地  
開國未稱兵  
霜降寒將近  
秋高馬正肥  
漫誇戰士甲  
競拜總戎衣  
雲鳥隨風卷  
旌旗映日輝  
承平日已久  
即此壯軍威

田家雜興

次和儲光義韻

柘影日悠悠  
風雨往田墅  
晨夕課桑麻  
雞豚襟兒女  
閒來傍石磯  
桔槔灌秋圃  
荷鋤白雲深  
驅鳥惜禾黍  
賞酒東臯詩存卷四十六

文

園

向鄰村揭衣涉淺渚  
夜呼諸孫起落月數聲杵無限烟霞態老翁恣攜取

村館襟吟效陶徵士

田間逢野老意味畏  
渾樸道旁聽稗史  
語言皆穿鑿  
鼓學漁陽神氣轉  
蕭索夜來遡風雨  
可滌胸中惡  
黃雀噪野田促織鳴  
簷下蟲鳥自依依  
翻覺多清暇  
何緣終日間鷄聲不  
相假疲神復汚耳何  
處容洵瀉  
明鏡疲屢照清流失  
惠風縱有清明體那  
能鑒物容  
年來自斂翼  
遊跡荒海東  
呼牛復呼馬  
肯受塵埃蒙  
歲晚不歸去  
朔風愁殺儂

雞鳴茅屋下雞鳴誠何心想其對孤客膠膠懷好音此音殊不惡風雨滿秋林

澗底有古松松老葉蒼蒼姿致雖不佳頗可耐風霜其如托朽壤貌悴神不揚立身自挺持寧為晚節傷野菊含幽芳不入陶家派意態超俗塵秋老情無賴秀色未堪餐霜姿亦可愛解人自怡悅餘子何藉在生徒采菊供忽爾饒酒味市遠無人沽佳興渾難制花亦不在多酒亦不必齊但得此中況陶然便覺醉譬彼無弦琴聊復存其意

韶華近析木時序屆陽九晚節始敷榮窮秋迺吐秀不東臯詩存卷四十六

辛

文

甘寄籬下適來對迂叟相顧欲忘言此外誰復偶良材遇匪人嘉卉落俗手茅茨藉椿榦蘭茗雜蒲柳榮悴固有命嘆喑那堪受何如托名山而以不材朽朝起于原野濛濛迷宿霧宿霧撥不開阡陌失故路炯炯雙眸子竟日成昏翳道途多荆棘舉足便錯誤宵來愁風雨曉起喜天晴曜靈繞一出陰霾斂太清人心既爽豁眼界亦空明樹頭鳥雀喧場圃枕枯鳴物情各有適賞心難以名

霽景霽朝暉卵色天可愛殘月留半規孤帆拂曉黛露氣沈宿雨溪光搖水態立苗濕未疏秉耜且開曜農家



大歡喜指日事藏蓋

六籍皆陳言莊周謂糟粕老來頗嬾慢縑緇總不約開  
絨多腐爛慙愧蠹魚剝相彼庸庸者未提日充索持此  
謝經生詩書安用着

有生皆逆旅吾廬自可愛環堵一畝宮繞宅生蒿萊疏  
圃時閒花朝夕勤灌溉年來逐荒金塵埃滿面戴噬將  
歸去來天晴良可待

道義古所敦技藝時所譽執鞭固可欣從好豈云誤以  
此違俗情咄咄與世忤所學誠何事肯便易吾素

高勝生荆棘中有先人墳忝地餘五畝未許他人耘歸

東臯詩存

卷四十六

主

文圖

來展墓道野狐忙竄奔默爾思前烈難以語後昆返照  
入蒿里到家已黃昏

涉世惟忠信謂人皆若己其如心不同齊驅實異軌我  
方守一轍彼已去千里矩步世所嗤蹣跚世所喜鸚鵡  
固能言慧黠亦足鄙黃鸝志高鶯鳴鵲躡其尾

寒日歸自虎墩途中作

孤帆四望暮雲屯水涵沙凝見遠邨汨汨流民依凍渚  
荒荒野日下寒原枯桑易惹青燐火破塚難招白骨魂  
悵望哀鴻歸去晚獨留明月照黃昏

劉名芳

宇南廬閩人不知其出處寓寧後先近三十

年卒于雨香巷

中秋泛舟平山堂桂花下分韻

秋色驚過半秋情入酒濃轉因叢桂地欲息小山筇疎  
樹出高閣晴江落遠峯仍歸黃雀舫隔水聽烟鐘

遊平山贈拙樵上人

遠躋人境外天地亦翛然雲裏開仙梵花間出石泉虎  
龍知問法猿鶴解談禪莫便催歸去空江月正懸

自平山堂泛舟至紅橋看月

粼粼秋水月明宵紅板橋頭蕩畫橈一曲橫塘六七里  
東臯詩存

卷四十六

主

文圖

西風臺樹葉蕭蕭

疎柳烟寒翠漸微湖光山色滿秋衣  
驚起眠鷗拍水飛

夾岸飛蘆蕩不開豆花雨後水瀟瀟  
綠溪香冷紅衣盡  
憔悴佳人夢已灰

衣香臉色蕪迴波檀板聲中打槳過  
宛轉歌喉花裏去  
水邊樓閣麗人多

草白長隄慢卷霜笙瑟猶自沸雷塘  
殘楊敗柳依然在  
場帝風流未盡亡

只合模糊對酒卮人間往事莫深思  
醉拋烏角搔華髮

不倒山公白接羅

薄薄襟裾浴露華知從何處逐仙槎倒鋪水底星辰濕  
腳下天開北斗斜

鐘落寒潭漸近山清輝掩映老僧關已過秋色平分夜  
桂魄圓如昨一般

中秋後二日社飲二首

九旬秋又半蹉跎赴約歡從雨後過蔽月濕雲猶在野  
上階新水未歸河慙無花管酬文陣欲藉椰瓢辟病魔  
醉倚涼風搔短髮葉黃時節客懷多

老不勝愁強自寬清言竟日此盤桓吟衰砌草蛩聲急

東臯詩存卷四十六

圭

文圖

叫亂汀蘆雁語寒一息榮枯原是幻百年歌泣總無端  
得逢良會依良友敢惜團圓到夜闌

十八夜洗鉢池看月同用容字

微凹破鏡初飛上萬里遊雲不敢封仰聽玉娥音細細  
倒浮金闕影重重枝頭三匝尋棲鶴花外一聲出定鐘  
徹底澄清魚鼈亂毒龍自有鉢能容

雨香菴遲菊

秋老東籬消息無招邀竟日傍浮屠滿頭插處情偏切  
冒雨開時與莫辜坐冷花宮黃葉下吟銷竹院白雲孤  
殷勤未致空相遲除酌醇醪何所須

乙亥九日雨香菴燕集分體

白露下黃雲飄木葉脫風蕭蕭莎雞聲細桃蟲死荒天  
寒色上江臯江頭草白青霜厚衆卉繁華消歇久惟有  
寒花向晚開采采盈把香在手老馬行吟射雉城茱萸  
釀熟值重九拉我來登選佛場散花臺上頻翹首淮流  
東下茱萸灣九十九灣來海口五朵芙蓉砥末流倒挽  
頽波鯨鯢走五花樹靜老龍眠三足鳥將入虞泉烟消  
青霞斷河岳何暗淡何暗淡北海尊罍東山絲竹人俱  
散鍛我十年凌霄觸漢之羽翰神仙不見招臨風增浩  
歎聊逐同心人閒憑青玉案竹管搖空青寫我情傲岸

東臯詩存

卷四十六

圭

文圖

吁嗟乎盛會難逢鴻泥雪爪埒浮踪歲筵難再百年易  
逝期不逮披襟一嘯天風生滿頭華髮吹清籟

題瘦石手硯圖

去歲秋仲十有五日瘦石與文園諸子遊邗  
上三日大醺平山禪堂及碧天道院酒酣揮  
毫墨汁淋漓癡瓢居士狂呼大笑為瘦石作  
手硯圖迄今一載出圖索題走筆應教

自廢結繩觀鳥跡書契初開神鬼泣南越括盡解苔紋  
綠沉爭抹元音汁從茲神火下昆吾鑄成鬼斧光熠熠  
帶露連雲入端溪鑿破洪濛不可葺萬丈老坑水不枯

鸚鵡眼明青花密海內珍之若連城紛紛競取無虛日  
茱萸灣下海陵東雉水壇開人文集中有黃香才挾天  
萬言滾滾疇能及夜來食盡一林花朝捧龍尾凌空立  
濶領大袖美髭髯旁若無人神超軼欲挽天河下硯池  
待揮五色生花筆瘦瓢高士產吾閩與君舊是雁行秩  
客歲一聚平山巔偕我團頭支遁室亂拂秋風寫作圖  
迄今開看墨痕濕

洪裕

字莫村號羨厓太學生歛人寄居如臯

湖上賞梅即席口占

東臯詩存卷四十六

圭

文圖

梅花爛漫早春天水涘山岡致態妍藤杖忽來高士駕  
竹橋橫繫酒人船風吹衣袂飛香雪笛起樓臺靄暮烟  
最是多情湖上月冷光清麗十分圓

漫興

几淨窗明意自賒清幽端的讓貧家客來不用陳雞黍  
旋煮寒泉點菊花  
霜鬢蓬門春復春依然七尺夢中身短檠破硯成知己  
日夕盤桓對古人

江泳

字拭如號淺堂歛人流寓如臯

題耕讀圖

晴窗列芸編秋磬眠烏駮青苔別院深風葉一林落幽  
人把卷坐阿堵神卓犖忱懷有莘樂道任先覺千駟  
等氛埃一介爭清濁保衡功何奇負俎紛謠詠毀譽本  
無恒不拔潛龍確我今披茲圖願君懋績學際會自有  
時勿為甯叩角

淺堂

自顧無邱壑堂名淺固宜世情深不得古道澹相期窗  
藉柴扉護花披草樹垂只餘書數卷未便許人窺

寄懷方南堂

東臯詩存卷四十六

圭

文圖

櫻筍纔過麥又秋懷君獨憑水邊樓溪童散餌釣銀鯽  
林客扶筇聽栗留土銼荒涼茶半熟畫山清絕臥堪遊  
先生舊贈王石谷画一江烟樹三年別爭得身同不繫舟

采蓮曲

郎船打槳來儂舟背花去離合烟波中未到花深處  
小窗坐月有感

漠漠漫空雲隱隱穿簾月想見我峨眉清光鑒毛髮

徐人俊

字秀萬號懷澣通州諸生寄居如臯著有淮

海集

與徐野塘

仙人種芙蓉宛在水中沚願言十丈花採實秋風裏如  
何泥淖中靈根抱香死湘娥倚暮烟惆悵盈盈水

即事

烟水蘆花冷夕曛江頭鷗鷺自為羣憑誰清夜梅花弄  
吹去秋空一片雲

庚辰九月十六日示錫爵

火傳薪盡忽重然明道先生見獵年不是冰霜磨不死  
瓊花自是丹中仙

離垢堂觀梅

東臯詩存卷四十六

壬

文園

林逋墓草已芊綿紫玉春魂化曉烟惟有名花偏耐老  
暗香疎影自年年

汪頌

字維碩號就研歛人客遊如臯與范迦陵姜

香巖友善卒于臯

天涯

此心直欲遍天涯浩渺難憑海上查華屋秬今餘白骨  
荒臺無復問丹砂吟聯明月何光遠笑倚微風蔡少霞  
擬傍星河終有日空令寂寞遣年華

聞簫

何處弄明月飄來若一絲因風輒引去竟夕起相思不  
見秦宮女還憐吳市兒卑喧眾鳥靜丹鳳復奚疑

聽王吉途彈風雷引

大雅忽復作泠泠入耳來此聲久岑寂千古有餘哀  
嘯秋空斷龍吟洞壑開風雷五絃上與子絕塵埃

看月

日落垂楊岸沙明綠霧開一川春水濶萬里夜珠來  
望極愁生白天空獨上臺零零下清露桂影入山盃

過木蘭院并序

託契孤游羣斯真佳偶爾抱怒爪冀元同驚

東臯詩存卷四十六

壬

文園

崔老更三十年尙刺刺有言先生夢耶

荒寺偶來成小憩午餘齋冷不聞鐘一節自伴野僧瘦  
雙樹晴飛花雨濃浪跡應須悲往事閒吟何處覓遺蹤  
客堂茶罷欲歸去林外晚烟沉遠峰

白蒲書屋雜題和姜退耕太史

白蒲書屋

老屋枕春煙因樹為屏障中有姜伯淮草居幸無恙

迷花谷

衆花媚幽獨好鳥亦相賞澹嘿看花人偶吟發清響

蕉叢

秋陂生夜涼  
螢語聞悄悄  
碧影馳書簃  
一雨幽夢曉

柳塘

青青塘上柳  
柔條莫輕折  
賤子行路人  
恐有杜鵑血

古墓

墓草何萋萋  
墓石何楚楚  
楚風吹野棠  
花魚鏗暗春雨

魚梁

春水上葭蘆  
鳴榔夜到岸  
鴈宿忽驚飛  
前村漁火亂

西亭壩

一水獨西流  
上有西亭壩  
秋月入空亭  
望此瓊瓏夜

漁西塞

東臯詩存卷四十六  
漁  
魚兄與漁弟  
蓑笠狎烟水  
昨見桃花開  
定知鱖魚美

過顧北墅水亭

北墅放春船  
今朝雲物鮮  
水明芳樹遠  
花重小亭偏  
賓主漫相識  
禽魚亦灑然  
歸途落日好  
一笑別南阡

田父

西村有田父  
土屋沒藜蒿  
隔岸犬聲急  
到門人語高  
嘉隣惟老樹  
送客過輕舸  
忽已隔烟水  
臨風生鬱陶

六月十四夜同冒甚原姜倚牖香嚴雅師在經

泛舟西河之上

月與水相得  
空明湛若秋  
偶於亭上合  
綠檻下輕舟  
舊

雨二三子清風六七  
旣歸衣露露濕宛轉扣中流

山館

山館不成寐  
秋心越楚江  
候蟲多在戶  
野鞠亂橫窓  
夢外琴三疊  
懷中鯉一雙  
會知對空局  
鏗影照幢幢

拜冒巢民先輩墓

獨埽秋墳愴夕煙  
予生未獲拜生前  
美人幽怨黃埃盡  
公子清華白日懸  
水抱草塘猶作繪  
梅留憶語但聞鶯  
西園詞客都寥落  
回首風流七十年

蕃釐觀玉皇閣望曉雪歌

高閣矗雲雲四垂  
寒光最盛凝朝暉  
江淮一雪白千里

東臯詩存卷四十六  
壬  
文圖

頓使萬象無叅差  
朔風裂背更俯視  
晶晶直射瓊花臺  
瓊花寂寞五百歲  
千枝忽訝臺前開  
毋乃仙人作狡獪  
偶然玉戲迷天垓  
銀海生芒寒禁口  
欲指一氣復縮手  
百靈來朝白玉京  
雲旗風馬空中走  
光明殿上光且明  
閭茲大塊封坤母  
亂雲紛糝播南箕  
痛飲歡呼援北斗  
一行寒鴈雪中飛  
嗷嗷北向聲何悲  
中有一鴈忽墮落  
失羣更苦毛羽摧  
海水天風自相識  
稻粱之謀徒爾為  
揚州城中十萬戶  
幾家玩雪華鏗吹  
夜深猶恐不復雪  
貂裘金勒平山騎  
今秋淮東苦水患  
稽天大浸突無炊  
昨夜積雪厚一尺  
水骨凍死釜中蟻  
自搔白首呵壁問

土木不語空現珎萬象一色萬情異一白中有寒與饑  
垂頭下閣三太息吟吟重與梅花期

將進酒

左尊右截上堂來華燭輝輝門洞開考鐘伐鼓鳴高臺  
丈人聽我歌康哉今上神明繼三后宜封泰山禪  
梁父聖人以謙教天下雖休弗休少寬假今年纂脩  
三禮成四夷賓服羣后貞萬方載玉百穀登皇心密  
勿皇人寧乃下詔曰於戲其與我民休息免天下今  
年租稅之半及他縣役賜百戶牛酒八十以上中尊為  
人後者爵一級丈人幸生明聖世今者不樂更奚俟  
東臯詩存卷四十六  
文園

酌君酒為君壽願爾樂康祝爾黃耆

題鄭明府所寄畫竹

故人遠為范縣宰卒歲遺我青琅玕胸中在昔有成竹  
壁上於今增暮寒南國報書隨鴈下西山高節拂雲看  
調饑向晚苦岑寂風雨對此還加餐

同蔡松原鮑澥門史歷亭姜香巖家兄葑谿家  
弟孚谷玉勾洞天玩月有懷范越山迦陵姜鹿

守養疾野田別墅

樹鬱羅蕭貝闕幽蓮花浮出殿東頭清輝委體涼於水  
高唱摩空淨逼秋何處簫聲來白鶴故人芳訊隔滄洲

丹砂為覓長生訣悵望纖阿倚玉勾

丙寅九月七日同程南林姜香巖史歷亭鮑澥  
門蔣星巖家三兄葑谿集瓠尊院喜李琴夫來  
自江上卽送之海陵

鴈影驚寒入九秋深宵舊雨話新愁夫君朗澈玉為骨  
於役去來江上鷗仙館月明成小住海天霜迴更東遊  
金尊共倒休辭醉離外黃花笑白頭

九日登彌羅閣

郊原風雨罷登臺古觀層樓向曉開士女歡娛成令節  
雲烟飄渺到蓬萊江光夕帶孤帆遠朔吹寒驚早鴈來  
東臯詩存卷四十六  
文園

更埽石壇黃葉坐月明高唱菊花盃

對月

明月不我棄對之如故人盈虧緣所遇澹嘿見其真孤  
影欲有託寸心難具陳勞君共遙夜白首鑒清貧

石壇烟月同已軍香巖家三兄葑谿

霜月忽生烟冥冥向客圓相看殊昨日惜別又經年夜  
自浮光滿春能得氣先離憂不可語惆悵石壇前

九秋吟

秋空

寒烟冥冥沉霜月皎皎出獨立在蒼茫天地乃為一

秋雨

庭戶闌以寂飢鳥棲復驚日夕對尊酒黃花同我情

秋蘭

孤苗芳清秋臭味在草莽寂寞守故根幸不識者賞

秋蟲

蟲吟亦何苦似為報秋深昨夜入牀下感君遲暮心

秋苔

碧滋荒逕花亦復補茅屋戶外足音遐陰晴媚幽獨

秋鷹

偶爾入風塵多為愛者誤秋高振羽翰一去不復顧

東華詩存 卷四十六

三

文園

秋田

十月過村莊家家穫稻梁歸來課兒子毋使硯田荒

秋墳

原上芳草枯白露下黃土風前幾故人吟魂嘯寒雨

秋鐙

秋鐙何熒熒對此生靜悟一心抱幽光我不失我故

感興

嘿坐羣動息嗒然於我忘哀樂苦造次其味多淺嘗百

骸誰為親慮歎熱中腸乃知松與柏歲晏期雪霜

俯世覽物情戚戚抱孤影大道邈不見岐路空引領浮

雲在高天陰晴昧俄傾甘心守節茨藜藿味獨永養生  
貴務實妍媸盡所秉

天地闊寒色朔雪來大荒寂寂覆我屋昱昱升我堂行

子絕深巷飢鳥號短牆瑣屑易累人不及謀千觴桐愁

爨下盡徒使炊烟蒼百憂蕩精魂逸興難飛揚東隣樂

天運日夕良會昌絃管何紛紛達曙猶未央空階墮檐

冰歷歷疑星光平生凍餒苦顧影彌自傷

東風不殊昔春意多所宣昌昌育物心一一由自然悠

悠負冰魚相率升大川時禽弄新聲寒梅忻古懽緬彼

南陔草乘時滋靜娟

東華詩存 卷四十六

三

文園

幽蘭出芳谷少小辭故根沐此三春暉感激無殊恩飄

風從西來搖落增頻窵况乃顛顛色值此秋雨繁秉質

寧不芳當門匪所存脈脈抱情懷戚戚難具言願結美

人佩託體同叩園

東臯詩存卷之四十七

同里江大銳樵所

興化王國棟竹樓全訂

同里黃振瘦石

興化左亭筠谿校訛

汪之珩

字楚白號璞莊一號蕩簫海客 誥授資政

大夫候補道有文園六子詩甲戌春吟行世

春雨得心字

九十韶光已到今小園梅信尚沈沈方愁客興因花減

東臯詩存

卷之四十七

一

文園

又聽簷淋入夜深斗笠故人雙漿至謂何春燕老鶴一

窗陰海濱風景荒寒甚兼此蕭騷感我心

送友入都

玉衡直北是金臺多謝軒車紆道來蓬戶敢勞重枉駕

荒園聊與共銜杯地連海岱風雲壯路入燕齊雨雪催

好整花鞭珍重去江南三月待春雷

中秋泛舟平山堂桂花下分韻

客意秋山外天香碧樹邊何期逢舊雨相與問枯禪曲

岸停虛艇平橋隔暮烟殷勤松際月漸向古堂圓

次韻荅贈黃癭瓢劉南廬

一帶橫江別夢遙劫餘行旅剩詩瓢鄉心殘照登樓賦

踪跡吳門逐客簫嗟我年華歸斷簡憐君香草續離騷

明朝又挂蒲帆去野鶴閒雲何處招

萬松嶺待月

瀟灑孤亭上披襟待月圓松陰清佛火山翠冷厨烟雲

淨先歸鶴光升未滿川空山消萬籟惟聽落風泉

遊平山贈拙樵上人

玉宇秋高萬里清鐘樓重上最高層三宵半偈無雙月

六代殘山第一僧親謁翠華千氣象自鋤蔬笋饜賓

朋客兒老去翻經晚辜負牟尼得未曾

東臯詩存

卷之四十七

二

文園

自平山堂泛舟至紅橋看月

江左繁華第一州我來天氣值高秋良時勝境稱雙絕

漫說今宵是浪遊

隔岸山岡盤地脉繞隄淮水自天來山堂明月明如此

太守風流安在哉

飄殘黃葉見樓臺龍脊花磚照酒杯何處女兒歌婉轉

被風吹到客船來

直欲乘風到廣寒一聲欸乃入雲端天光水色原無二

爛熳銀蟾浪裏看

如雲如燕復如花纔是楊家又李家迷漫不堪回首望



平山堂北玉鈞斜

珠簾輕隔美人蕉竹影含烟帶月搖兩岸秋螢流不定  
銷魂怕說到紅橋

參橫斗轉月西斜法海鐘聲起宿鴉一片詩情都入幻  
徘徊記起後庭花

雙槳停時客散頻豐碑屹立在前津隋家雨露何曾竭  
楊柳而今感路人

舟中寄荅顧茨山即次來韻

水驛初涼日臨風念遠離暮雲遊子意秋柳故人詩  
鳳闕應殊寵花封本素期舟行見征鴈為我寫相思

東臯詩存卷之四十七

三

文圖

移菊

霜根埋亂草移植遣兒曹一徑分秋雨空堂對楚騷依  
人花影瘦迎榻鴈聲高呼取鄰家叟尊前擘巨螯

題蘿村照即送入都

冰玉儀容秋水神風流自是過江人三年別夢思君切  
一笑披圖覩面真詩思近來嚴紀律京華也去問蹄輪  
可知宣室虛前席料理嘉謨達紫宸

題鞏堂黃大泛舟影子

莫愁湖上好烟波桃柳春風遊冶多水國女郎能盪漿  
白門斜日有清歌萍逢浪合愁無限月殿雲廊路幾何

駕鶯前溪村不遠兒家原有舊漁蓑

題陳竹香菊花冊子

黃花開最晚良朋會最難二者巧相值一笑杯酒寬名  
士多善畫畫骨不畫顏念彼故人心寫此白露團取意  
在耐久不是比芝蘭

章中尊招賞菊花

河陽花一縣自古擅風流明府來茲土霜葩揀滿頭鶴  
鳴官署冷吏散石亭秋早得公餘興筵開碧玉甌

愧乏王宏酒來從彭澤吟幾番招玩月間過聽鳴琴四  
野桑麻好一庭雨露深花皆有佳色瀟灑傍棠陰

東臯詩存卷之四十七

四

文圖

七夕

新涼初試袷衣邊人倚金風聽暮蟬此夕秋思禁不得  
淡雲微雨過遙天

瓜梨新饌笑相招竹檻疎燈隔水飄露滴瑤階紅欲濕  
秋心一卷美人蕉

迢迢玉漏殘更轉落葉園亭飲興豪銀漢無聲星有影  
滿空涼露洗秋高

紅香乘夜放秋荷白石欄斜繞碧波醉客興移隨意坐  
大家齊唱採蓮歌

和韻贈春明

短榻懸孤夢相交見性真花前開醒眼天壤得斯人燕  
識烏衣主簫吹白紵春寸心消折盡杯酒託芳辰  
倘不嫌蔬食荒園且共依洗桐添牖翠愛竹破苔衣相  
與看春水投閒坐釣磯兼逢諸伯仲文酒可忘歸

題瘦石何處漁郎照和蘿村韻

漫把長歌續短歌片雲為笠雨為蓑竿頭烟月閒如此  
囊裏詩篇有幾多塵事隔年歸曉夢臣心似水託澄波  
何當更約扁舟去分我珊瑚七尺柯

偶成

風雨訪故人止我兩三宿日夕歸東菑黃落滿林麓

東臯詩存卷之四十七

五

文圖

閨秋遊古淡園

日暮尋幽境荒園半棘薪鴉連城上樹水接寺為鄰老  
屋支遊客殘山見古人從來文酒地臨眺易愴神

過隱者舊居

亂草猶飛蝶空堂盡網蛛雲隨秋黯淡鳥為客驚呼屋  
塌憑蘿補松欹仗石扶登臨一眺遠極目總寒蕪

小六橋玩月弔姜鳳橋陸虹橋

萬仙樓下六橋旁月夜徘徊露氣涼苦憶鳳凰池上客  
衡門相望鎖垂楊

又九月十五日融軒分韻

爽氣忽以肅涼颼起空林蟬蛩當戶滿烏鵲懸巢深秋  
閨才過半冬心亦已侵清霜下造夜寧厭酒頻斟

立冬日分韻

節序無代嬗何以成古今蒼昊既受謝元冥如追尋嚴  
風自北來可驗松栢心晤言得所願擁鼻續秋吟

文園七夕分體

日落山之幽篁中啟風榭佳人期未來坐此瓊瓏夜  
雲渚何離離露華悽以冷不見烏鵲飛立盡梧桐影  
薄醉不成歌幽棲不溫席莫畏風露多為女睇文烏  
我亦有良歡恩愛兩不移雨住結蛛網作此多晴絲

東臯詩存卷之四十七

六

文圖

丁丑九日蔭深園分體

我居東海子焉寡儔朋友沓至為母添籌時家母七十壽

灑春酒乃泛九秋客為我來我隨客去勝地可尋良辰

斯遇即事多欣各抒麗句或撫烏几或據禪牀風葉蕭

蕭吟聲鏗鏘追之琢之金玉之光古人邈矣慨焉遐想

菊酒萸囊風流已往天上賓鴻一聲遠響

庚辰七夕同王竹樓鄭板橋郭琅亭黃瘦石

風雨連綿直到秋欣逢晴夕共登樓西南一抹河清淺  
流水迢迢萬古愁

嫩凉初試薄羅天看到雙星意惘然不作團圓不離別

一逢一度一年年

別有星槎不渡郎，卻勞烏鵲代津梁。神仙畢竟無虛語，獨倚瓊簫耐晚涼。

兒女無端笑口開，跪陳瓜果滿涼臺。明朝檢取蜘蛛網，笑語姑姑得巧來。

舟中夜雨得如字

買棹行春夜，輕雷送雨初。片帆新漲穩，清夢五更虛。風斷漁村笛，潮通荻港魚。曉來憑眺遠，景物總恬如。

平山堂看梅

棲靈寺外平山路，高下參差遍種梅。芳徑乍看疑雪積，

東臯詩存

卷之四十七

七

文圖

東風多謝遞香來，影疎不礙孤山月。枝密纔分庾嶺苔，前輩風流猶未遠。好酬真賞共銜杯。

花朝喜晴

滿城風雨作春寒，尚有殘梅未許看。花一逢辰天乍霽，客能乘興路纔乾。柳拖弱線紫金勒，雪吐清輝綻玉蘭。

攜榼呼朋竹西去，好聽歌吹到更闌。

贈張蔚彤

名家碩德邈難求，相望高風迥不侔。關塞極天臨渭水，江山如畫說揚州。澤流梓邑情尤暖，譽滿淮南面未謀。

正是杏花春雨候，不慚短刺竟輕投。

愛弟聯翩侍從臣，哲兄風度曲江濱。石君孝謹貽謀遠，謝氏才華夢草新。跡寄江湖儲國器，詞傾珠玉數家珍。小詩自愧災梨棗，取笑方家不敢陳。

吳思堂有湖上之約，余以渡江未赴，比返讀諸子詩，以余不與為憾，依原韻答和。

邂逅揚州路，相思慰此生。畫高曾幾讀，詩好更難賡。花柳隄邊雨，烟波湖上情。誰知輕負約，一帆渡江行。

渡江口占有懷李子琴夫

作別隋隄柳，挂帆揚子津。只今連日雨，消息幾分春。風定江豚靜，潮平水鳥馴。此行無可訪，天末念征人。

東臯詩存

卷之四十七

八

文圖

山樓坐雨

山水多佳趣，寓目頗怡然。奈何春過半，盡日雨連綿。晨起面江滸，坐寂類枯禪。安得風如剪，分開水底天。

有寄

蕪城渺無際，蒼茫烟雨迷。可憐春已半，桃李不成蹊。掌上輕盈舞，燈前笑語狂。江流何浩淼，相憶不相忘。

帶水情無限，參商兩地遙。憑高凝望遠，何處覓星橋。相聚無多日，相離又幾時。寸絨為爾寄，珍重慰遐思。

登金山

覽勝金山寺，推開磊砢胸。鐘聲清過海，塔影倒懸峯。石

聳如攢玉松虬似蟄龍仰瞻 宸翰遠處處五雲封  
宿願今繞遂山樓一短筇暗潮侵古墓晴雨濕疎鐘老  
衲雲中臥鄉人世外逢適逢鄉人披荆于此多時風颯颯落日下  
高春

擬遊焦山不果

多年宿願擬今酬風雨連旬阻客遊遙望白雲封古寺  
絕無紅板蕩中流紅板京口船名老僧舊日曾相識杯渡經時  
不可求為遣江魚通訊問短牋聊以代書郵

贈超凡上人

春晴挈伴入山中遙聽鐘聲興益濃正是南朝第一寺  
東臯詩存卷之四十七 九 文圖  
好看當代十三松高僧述事徵前志勝地經心訪舊踪  
欲繼遠公聯白社便於今日約相從

遊鶴林寺

徒御向南馳言尋鶴林寺筍輿越崇岡重叠不可記路  
旁涓涓流未悉源何自須臾聞妙香禪林衆山蔽伽藍  
說米顛白龍說劉寄逢僧竹院中導我訪隱秘廊廡遍  
尋搜大都多斷碣餘興遊招隱山深更幽異倉卒揖戴  
公回車西日墜

杜鵑樓故址

鶴林寺最古營建始何朝中有杜鵑花春風滿枝條微

志悉其源分植天台遙道人殷七七九日舒花芭一時  
稱奇勝建樓依僧寮奈何不幾時零落隨風颺嗟余來  
此晚不及見仙標徘徊故樓址濡墨發長謠

周濂溪先生祠

寄奴泉

先賢崇鄉祀祠宇仰高致先霽亭前草至今有生意

十三松

帝業已銷歇留泉號寄奴不知泉淺深還有白龍無

獅子窟

鶴林十三松相傳唐宋物黃鶴不復來松老蒼龍窟

十

文圖

東臯詩存卷之四十七  
探幽窮奇峯直達獅子窟窟留獅子去深遽實罕匹傳  
云讀書窩又為逃禪室連延松竹間空洞烟雲出安得  
棄妻肉誅茹此靈穴

訪丁卯橋

心識山水好遊興乃無厭况復丁卯橋久矣繫人念斷  
石激清流欹樹壓山店樵人指敝廬當年風月占

清明山行

客邸值清明幽興發俄頃攜筇出南郭欲躋衆山頂始  
上九華峯旋歷獸窟嶺磨笄與黃鶴逐步生提警石勢  
怒峻增向人若箭鏃輿夫不着地戒危跬步凜越險到

竹林松吼一山吟入門逢舊僧清話忘日永延登最高樓俯視生悲哽時節展邱墓余獨羈遠境吁嗟不自由倚閭辜暮景

贈趙桐門道士即留別

春帆一葉信風飄人去人來朝暮潮江水滌殘塵萬斛山樓侵透雨連宵乍開曉日迎松鶴擬挹清光破寂寥忽接遠書催客返忍離雲窟意蕭蕭

書所見

倚酒尋春騁玉騶銀山山下野人家小統初試不遮面漫向檐前拂落花

東華詩存卷之四十七

士

文圖

織眉斜寫遠山青拂罷薰籠出畫屏獨倚門前數飛燕一雙雙並落沙汀

繡簾依閣映江流蕩漾春風不下鉤忽訝歌聲花外囀動人離恨是箜篌

奇絕僧房笑語譁尋踪不遠隔窗紗姑姨爭取盤中果旁有沙彌手送茶

清明前二日登北固山望江

江南二月繁花柳遊人如蟻馬如狗我亦乘春汗漫遊筇輿一簇攜朋友迤邐前抵北固山整巾忙揖烟霞叟為我歷數前朝事為我遍說當代某攜手更躡山之巔

俯視大江接海口衆山羅列若屏藩此山突兀超羣醜君不見青峯白水總依然孫劉古蹟埋林藪又不見金焦並峙巨浪中木末高樓幾摧朽撫掌大笑復欷歔須知世事如電走人生行樂當及時從來遇合原非偶

登龍埂

春日多遊興舍輿步崇巔綿亘石徑遠險峻若登天命名曰龍埂偏仄難比肩四聽衆山響松聲雜澗泉

自京口至攝山宿安橋步竹樓韻

沿江傍山行坦途不計里日落到橋頭留我宿村市王子詩興豪夜吟傾人耳明朝路迢遙相戒雞鳴起

東華詩存卷之四十七

士

文圖

遊攝山

山行值仲春花鳥迴難識途次恣盤桓不覺日已夕倦息古佛樓曉起整遊屐寺僧意頗殷導我觀遺蹟九老松最奇千佛巘最僻上躋山閣紫下臨雲根碧快飲品外泉幽居實天闢古樹蟠虛巘流泉落山脊遊興正振發江上來書迫哦我最高峰咫尺不能即命輿返南徐行疾若輕翻同伴後來人為我述所歷嗟我緣甚慳未必山神斥人當及壯遊名利何足惜他年謝塵囂來此卜幽宅

釣鰲亭見新月

孤峯矗立水雲間一上峯頭破旅顏  
天地有情人自老江山如畫客能閒  
亭當碧海春千尺潮長青天月一彎  
直似玉鉤挂霄漢澄潭萬頃釣龍還

京口留別

回首蒼茫天際流感時傷別兩悠悠  
遠山環顧如相憶細雨聯綿欲我留  
慚愧無言酬勝概空教有淚落江樓  
明朝又是邦溝路不盡低徊一葉舟

程宅聽歌

嬌小能歌絕妙詞我來況是晚春時  
岸花得意皆含笑林鳥含情若有思  
香閣畫船爭妙麗燈光月影兩迷離  
東華詩存卷之四十七  
文園

送洪羨崖返邗上

春事忽云暮何堪傷別離海天雲漠漠  
南浦水漪漪折柳驚飛絮當花繫遠思  
前村有酒店不惜醉千卮卅載交情切  
君歸我意悲論心嗟往事撥髮歎新絲  
裝匣空餘劔奚囊富有詩明朝騎鶴去  
相晤訂秋期

暮春即事

抵家纔兩日散步小園中梅子大於豆  
楊花細逐風游魚吹淺碧飛鳥啄殘紅  
如此春歸去流光亦太匆

立夏郊遊

春光能幾日節候暗推遷花落蜂無主  
鵲啼樹可憐遠天沈麥浪淺水貼荷錢  
田作方伊始農歌遍陌阡

舟中風雨步竹樓韻

記得前春暮同君夜渡江奔濤激蓬脚  
掣電入船窗遊興何曾減詩情未肯降  
今朝共舟楫又復雨淙淙

催梅

無端風雪滿樓臺幾樹梅花未見開  
九十春光將過半一年好景肯輕來  
低拖弱線輕搖柳小步連錢淺有苔  
好語羅浮新夢香多時粉蝶動疑猜

花朝新霽

造物知時節花朝散積陰晴光明遠  
水秀色動遙岑地暖苔生綠風清鳥有音  
愁懷今頓釋酌酒發長吟

壬午文園七夕分體

臥病兼旬起驚傳七夕過秋吟皆有興  
巧思苦無多傑閣年年客天河湛湛波  
相望原不遠風浪奈愁何火改早涼天  
風光又一年鬢毛殊可惜秋思益無邊  
瓜果陳深院星河落晚筵多情小兒女  
腸斷海棠前

夜長和瘦石韻

良夜沈沈思孰與同流光漸次到秋中  
淒清不斷荷池雨蕭屑常鳴竹院風  
稚女嬌憐雙鬢綠老親健愛夕陽紅

迢迢暗覺更籌轉幾度觀星仰碧空

漏天詩

今年夏苦熱臥病北窗前早魘狂為災炎風熇如焚農  
力幾困疲官長禱誠虔三時已告盡稿苗何有焉幸荷  
皇天慈秋雨潤石田晚禾賴以熟稍可濟民貧無奈苦  
恒雨七月塗無乾雲暫披復合雨乍息又聞淙淙達旦  
暮淋淋夜及晨蒼曜形常隱暗牖光甚艱雅雨共黎風  
信乎有漏天東海本澤國宮旻姑矜憐年年潮震怒在  
此數日間風定雨亦止庶幾昇康年

七月望夜新霽同竹樓砥齋瘦石檀香菴水次

東華詩存卷之四十七

五

文圖

步月和竹樓韻

秋水瀾漫夜氣清石梁東畔繞溪行草深露濕蟲猶切  
雨過涼生月更明廢寺鐘疎人影寂碧天鴈杳海雲橫  
誰家砧杵聲聲急懶婦聞之夢亦驚

十六夜小樓坐月

月上一樓迴清光愈昨宵同儕欣散步獨我病無聊露  
氣浮階白書聲隔院遙憑闌堪久坐燈炮不曾挑

鴈來紅一名漢宮秋

池荷搖落杳無香直待東籬放早黃幸有漢宮秋色好  
宜晴宜雨更宜霜

淺紫深紅別樣嬌明霞一片露光搖由來清夜啼鵲血  
化作珊瑚七尺高

送竹樓即次留別韻

未及過從話別離新詩先到小窗西篝燈思寫酬君句  
風雨秋心亦慘悽

黃叔岳母吳老孺人舉殯同人集古春園夜坐

和韻

入夜深林滿著霜更殘月缺尚餘光幾人執紼來秋隴  
有客題詩上草堂酒力不禁風力健書燈何似漆燈涼  
淒清鶴唳難成寐倚菊沈吟大石旁

東華詩存卷之四十七

六

文圖

新寒分韻

偏覺蕭森漸不堪鴉啼風信滿江南攤書便欲垂簾坐  
愛月猶思出戶探舊絮微嫌霜後薄村醪那得醒來酣  
園丁好事饒清興綠橘黃橙餽滿籃

竹栢山房夜話

乘醉尋幽興未闌風光不比昨宵寒霜橫栢竹清如水  
月照庭軒大似盤苦茗頻澆塵壒淨新詩細論蠟燈殘  
遙情本自能忘寐何況君家有二難

謂綠吟清滿

晴雪得吟字

夢破寒窗浙瀝音醒來喜見日光侵只言湛湛清于鏡

不意霏霏散滿林着地無聲旋化水舞空有色見如金  
謝莊作賦工彌甚愧我難成白雪吟

黃梅分韻

久晴冬過半一雨動梅梢樹樹攢香蕊枝枝放蠟苞冰  
心一點冷磬口幾層包好對鶯兒酒寒香結素交

雪霽文園探梅得昏黃二字

雪霽支筇且出門老梅消息問荒園不知乍暖枯枝上  
可有先開幾朵存小小含苞春意早疎疎弄影濕烟昏  
何如處士橋頭路隔竹橫留凍一痕

而今籬落太荒涼人到空林冷色蒼石罅有根皆積雪

東臯詩存

卷之四十七

七

文圖

嶺頭無信可尋香避風凍雀晴猶飲近水寒雲晚更黃  
難道天心終不轉三冬節盡有春陽

壬午九日課春堂得高字

九日柴灣水一篙課春堂上共揮毫輸君刻燭題糕字  
引我含情對濁醪楓葉就丹秋漸老露華凝白月偏高  
相看籬下星星菊不厭重來擘巨螯

題洪奎南杏林春燕照

溪橋處處杏花雨簾幙家家燕子風春色千重萬重好  
人生何樂不江東

先生情性愛春和常坐春風寄嘯歌莫把韶光看容易

乾坤花鳥也無多

壽王芳谷

翩翩仙鸞降日車黃封頒到使君家人當壯盛天將  
午地有英賢國自華江左風流傳燕子嶺南清白比梅  
花芳谷為廣  
州太守歸來構得林亭好醉倒飛樓海上霞

新春雪霽偶聞竹樓阻水途中度歲

曉窗乍啟薄寒侵且喜宵來雪未深早有春光浮檻外  
頓教日影照花陰樓頭恰飲屠蘇酒海角偏懸客子心  
聞說去年歸路阻為渠憔悴到如今

陸虹橋席上同樗村瘦石作次樗村韻

東臯詩存

卷之四十七

六

文圖

秋風把酒慰離羣紫蟹黃花醉夕睡倘許慵疎來卜宅  
高情常荷陸家雲虹橋宅旁有屋一  
區因卜鄰讀之

飄零江夏號多才襟被劉蕡今又來明日天晴花事好  
相期再覆掌中杯

顧墨園招同李蘿村吳樵月劉樗村黃瘦石花

雨堂分韻

十載名園一夢牽到來正值欲霜天酒爐茶竈然松火  
竹檻風燈敞夜筵座上客吟江上雨菊邊人傍柳邊船  
秋心已覺清于水不待冰蟾入夜懸

癸未秋臯子刺使張蓮湖先生寄詩誌喜因答



買山幽處海之濱愚作 王家草莽臣敢以孩提聞刺  
史過邀獎借比麒麟七旬老母光餘寵一脉寒門及後  
人從此箕裘安本業昇平應荷撫綏仁

榮分銅虎此邦來惠愛元元久共推大抵視民皆赤子  
不惟喜我得嬰孩龔黃事業千秋著謹厚聲名萬石開  
報施循良天不與子孫奕世盡賢才

訪秋

晚風樹影落清波又是流光二百過塞馬鳴邊霜色早  
玉簫深處月明多祇應騷客逢湘浦那有佳人隱芣羅  
不賦江南舊哀怨賓鴻歸燕已蹉跎

東華詩存 卷之四十七

文圖

丁香

東風吹過暮春時細蕊疎香結放遲幽怨一生誰共說  
芭蕉心與海棠絲

蘭

別來空谷幾春風畫筆雙鈎學蔡邕莫更傷心吟楚佩  
幾人臭味與君同

寄酬墨園見懷之作

信宿西堂醉叵羅絃句風雨憶清哦闊情百里仍書札  
有約何年再薜蘿管邠聲名同皂帽謂樵月荆高心事  
互悲歌謂樵村春風一奏墳笳合莫惜芳蹄送玉珂

月夜樽村招集玉笛山房

山房漏永笛聲殘促鄰聲杯話暮寒歧路憐君頭早禿  
良宵許我月同看桐花隔苑清香落蔓草侵階白露圓  
莫更婆娑歌短曲秋心端自損幽歡

黃沙洋紀事

帝世湮洪水滔天流湯湯一代微疇咨千載慶明良  
聖朝襲水土寰海波不揚澤國奠井牧蒸民樂休康墮  
漬未成害所在多紀綱 憲廟甲辰歲東海決隄防  
黃沙湍怒奔衝突轟新洋新洋岸為谷波力競督強計  
丈四十二一氣何茫茫蘆舍倏梗泛民命魚腹藏但見

東華詩存 卷之四十七

文圖

鷗與鷺不見麻與桑倒瀾挽赤手無力徒傍皇死者化  
鬼哭生者悲唇亡火急赴官府大臣司封疆馳奏達  
宸座 宮中聞驚傷 手詔頒臣僚咸集政事堂廷論  
急切陳宰輔須南行即日辭 鳳闕星軺馳海邦叶登  
高遠極目羅布瞻鹽場鹽場三十六高屯盈千倉東北  
忽一角湖泮銀濤橫叶厥土號豐利海岸為城隍歷年  
計十二奇禍遭不祥居民等萬戶汨沒矜痍瘡蛟龍不  
可敵跨海難為梁傳言未深信目覩非虛張 聖人宣  
宏慈罔象爭披猖何以慰 天闕袖手徒相望望豈不惜  
民命猶恐費周章道路聞太息垂涕沾衣裳與爾葬大

壑盡各擔其囊邱墓不得顧老幼奔踉蹌四顧望家室

一哭摧肝腸鹽官大使羅名玉果江西廬陵人特達珍圭璋愛民

如己子哀此奇禍戕盡食不下咽宵寐不撫牀籌畫拊

兩髀計決聲慨慷不貸官府錢不支常平糧不伐洪水

竹不排天上閭輸我斗筭俸破我黃金裝奮臂振一呼

築岸如垣墻期在不日成遵路還康莊天意若不測一

失難復償朝築夕復塌浩蕩幾懷襄不浸越三板百慮

虧周詳公氣愈猛厲矢志身命將稽首肅冠帶再拜呼

穹蒼此禍閱茲土厥惟臣德涼萬類端何罪天吳不肯

平叶旦夕民命蘇不惜臣身殃昊天鑒誠恪水師銷鋒

東臯詩存卷之四十七

主文圖

芒不須萬弩力疏淪資辦香期月而隄成往害俱無妨

至今見安堵隄外過帆檣吁嗟微大使大道沈滄浪何

當春與秋豐祀蒸與嘗小子才不敏頌禱無文章南山

賡禹甸盛德歌陶唐銜恩勉紀載願言備省方

鄭公灘相傳富鄭公駐軍于此

宋代留遺跡灘名署鄭公平沙秋色遠橫海碧雲空未

著梯航績虛傳戰伐功臨流嗟往事我欲問飛鴻

經前明許工部墓

豐之西鄙去市數弓地有明工部許孚墓碑

碣蕪沒土人呼為許墓月夜偕劉顧二子登

石梁作詩弔之兼補色乘所缺云

愛此石梁月沿隄弔古邱習聞工部墓姓字許孚留隔

代魂應餒荒原草自秋偶來捫斷碣翁仲一含愁

次韻寄樵月

風颭寒波泛水萍夕陽重望舊山亭沙團白鴈明孤月

客醉秋堂散曉星可惜孟嘉頭竟禿不堪阮籍眼常青

遙憐清戒辭杯酒一榻燈橫陸羽經

蘿村掃葉冊子

水粼粼雲幕幕豐山鐘動霜華白陌上一葉辭條飛千

山萬山洗空碧鴻鶴秋高無點塵深山愁劇孤行人去

東臯詩存卷之四十七

主文圖

年不見春來路今年忽見秋滿樹秋心淒切夜無眠淚

滴三更咽露蟬昔我夢遊白玉京五雲雙闕晴春明美

人天遠不得見芳洲采采吟杜蘅江南之村號黃葉李

生掃葉弔蝴蝶厨烟古寺冷松青欲說閒心有誰答可

憐顏色紅于花凋傷一夕如蘼葭可憐青春青于柳飄

零江上成老叟君不見二三月間李與桃花落花開九

十朝有時敗謝西風起嫩葉柔條一江水請君掃葉入

空山只有蒼松耐歲寒

鶴

瘦影褫褫雪羽輕石壇斜日水邊行茯苓香暖松花落

茶竈烟銷竹葉清池館縱教堪托跡雲霄端自未忘情  
霜寒五夜村雞近慢放車原第一聲

寒月

湖海客頻至銜杯待月看薄霜潭水白枯樹碧雲寒影  
愛連宵滿人同此夜難誰家剩秋思吹笛尚樓端

書瘦石悼亡詩後

逝者長已矣招魂終不還查飛星宿海塚結女牀山破  
鏡休開匣烹魚只咏鰥攜君問黃菊好為解愁顏

松

不屑巖阿覓拜官故山風雨太無端有時雲傍僧檐落

東臯詩存

卷之四十七

重

文園

何處巢容鶴夢寬空谷靜聞松子響陰崖深長挾苓寒  
擬從月夜披襟去醉洗秋琴石上彈

春雨

濃烟密霧隔層岑有限春光何太陰小鳥禁寒啼不得  
故人遠別夢相尋可憐苔色逾秋碧只覺燈花是冷心  
為語芳菲休悵望從來零落亦恩深

同蘿村墨園紫薇閣懷瘦石樗村

鷗鷺滿湖海飛鳴無暫分故人不兩月時時離故羣虛  
檐易暝色俗慮悚高聞脉脉共斟酌我意懷停雲

聽某生話虎阜花事之勝同樗村蘿村瘦石墨

園分賦

客話虎邱寺春從話裏生小樓沽酒店深巷賣花聲葉  
暗千巖雨山鳴七里鶯何時閑蕩槩一過闌闌城

遲燕

記得年時草閣陰飄飄花外見元禽一庭朝雨生芳草  
半壁香泥點古琴陪我斑衣堂上舞憐他翠幙夢中深  
寒家門第還如昨莫向天涯漫滯淫

贈燕

念爾天涯作比鄰一年一度往來頻幾同白鴈長辭國  
不學黃鸝漫罵春寒食雨中垂柳院落落花風裏倚樓人

東臯詩存

卷之四十七

重

文園

于飛只向樓頭宿不敢輕沾陌上塵

菜花

竹籬茆舍樂清貧二月花光分外新直滿東南千里目  
別開天地一家春文章至此成真境淡泊甘心到古人  
看罷幾回原上去閒心重羨耦耕親

和荅范迦陵

白髮青衫一老儒廿年文史冠三吳雨深雉水春波濶  
花落狼山鴈影徂時在紫琅書院纂修州志引我欲尋高士傳憶君  
醉倒步兵厨野謳何敢邀弘獎私擬猶慙附學徒

和高云莊遊軍山過劉南廬隱居

踏遍山坳石路斜孤松無恙老僧家烟雲浩蕩摩崖句  
雨露涵濡古樹花何處採芝攜短杖有人招隱問殘霞  
寒泉一掬清人骨準擬重來漫鬪茶

雨中遲墨園和李蘿村

淙淙檐溜喧耳邊未見君子心茫然清酌對泛竹根碧  
攬鏡寤歎春絲鮮獨雀投嶼與無賴新蕉滴雨心可憐  
閉門不出苦旬日遲爾展齒苔痕穿

杏花

看煞紅妝一抹新幾回金勒踏芳塵重逢寒食初來燕  
遙指高樓尚有人行客問來村內酒江南開遍雨中春  
平生不解桃花意漫引漁郎去問津

朱竹里印譜

羸秦變壞古文法符刻摹印八體雜殍金繼統無改更  
神鑄大鑿垂後葉丹陽善銅匹銀鏐官府中外窮雕搜  
私者姓氏官爵號將軍司馬關內侯螭蹲龜伏象靈鈕  
拳身不必盡蝌蚪一氣直貫陰與陽色閉芒寒鬼神守  
炎銷土蝕三千年水銀黛綠丹砂鮮古犁臂井耕陶出  
五銖半兩兼銅錢今人說印目空眩倚撫批據作黃絹  
點竄縱意皆私心走馬容針終野戰高幾入雲卑墜泥  
端正不奇欹斜奇一矯一率纏染久孰得中道之威儀

東畢詩存

卷之四十七

重

文圖

古人作文今作伎伎亦有神豈兒戲消息根底義韻通  
靈源在心心使臂離合呼吸參化工氣蒼骨老超凡庸  
孟盤鼎鐘皆我助母泥斯籀稱毫雄唐薛宋趙明文何  
寸金片玉傳不多專精抱璞就規矩漢燈約畧無差訛  
朱生突兀海上來秋雲瘦削芙蓉腮囊挈大鑄三百六  
離奇光怪含秦灰揉鐵搏沙剛古壁閩山石嘯水晶泣  
志通神合非迹求毫釐倍足強弓力一源九派空茫茫  
中有奇氣不可當相逢欲倒玻璃缸斯人眼底誰其雙  
吁嗟乎世上黃金印如斗蠹魚冷然雕龍手世上銅錢  
如泥沙鄰沽不許行人賒請君同吸東海水饑來餐盡

東畢詩存

卷之四十七

重

文圖

三山五岳之朝霞

上巳雨和顧墨園韻

五更殘雨聽淒清化作檐端上已聲南國嬉春雙蝶夢  
佳辰懷友一鶯鳴采蘭人隔東風冷暴藥橋虛畫燕輕  
陳迹不堪重俯仰天涯少長古今情

送顧茨山入都

文學東南冠彤庭拜命初蒼生望霖雨經濟富車書  
別我繫春緝留君坐草廬寸心言不盡光照小蟾蜍

東臯詩存卷之四十八

同里江大銳樵所

興化王國棟竹樓全訂

同里黃振瘦石

興化左亭筠谿校訛

汪之珩

東秦醫

從來和緩總西秦二豎潛踪畏若神又見藥調上池水  
能教目視隔垣人功存利濟同良相心薄錢刀愧計臣  
遠地蜚聲傳海內瘡痍急切向君陳

東臯詩存

卷之四十八

文圖

僻居東海每神馳百二秦關載贊遲倉令屢承天子詔  
越人時作小兒醫晚年豚犬偏鍾愛遠道鱗鴻託寄詩  
肯賜良方廣君惠感恩何止一門私

折楊柳送樗村入都

柳條輕于絲柳花白于雪飄漾逐春風感此傷離別  
人去阻闊河人歸期春燕盼得楊柳青尊前重相見  
日月若轉蓬光陰如過隙努力惜韶光秋高看鵬翮  
折柳重徘徊柳枝春正來挿向靈和殿切莫近章臺

羅兩峯自云前生花之寺僧繪圖索題

相識春風海上山兼旬同閉白雲關詩情畫意通禪理

信道根基不等閒

自云老佛是前身曾向夢中參夙因面貌清奇原彷彿  
綠窗多一畫眉人

比邱尼與比邱僧同山下山東土行大有因緣消不得

與君詩畫了今生

尊聞詩畫擅名又女中傑出者

莫上翻經般若臺留君暫住海之隈此時只是真名士

他日相逢合掌來

送蘿村歸京口

淺酌蒲觴醉復醒風流寥落幾晨星天涯滿把憐才淚  
化作金焦兩點青

東臯詩存

卷之四十八

二

文圖

株守深村愧病夫送君終日動長吁踏歌也唱桃花曲  
得及春潭一尺無

春歸

蜂鬚蝶翅漫勾留萬點殘紅赴客愁失卻竹窗亭午雨  
夕陽猶在水西樓

一幅春風飄渺情粉香濃淡墨香輕夜來燕子分明說

已過江南第一程

謂李蘿村

紅兒低唱竹枝難冷落秦淮亞字欄芳草漸肥人漸瘦

夢回斜抱五更寒

綠葉成陰子滿枝重來已越十年期人間誰是多情者

只有司勳杜牧之

娟娟明月下銀牆卷上珠簾夜有霜曾撥檀槽教一曲

十年腸斷小秦王

釣磯重駭亂雲窩人海無風水不波消受一竿閒歲月

裂紅裁翠補漁蓑

竹西歌吹木蘭橈點檢羅衫酒未消明日送人從此去

舊遊新別總無聊

### 試燈日漫興

元旦纔過十三日春光早已遍天涯岸頭楊柳舒青眼

砌下芝蘭茁紫芽觸目韶華生意動滿街燈火物情奢

東臯詩存卷之四十八

三

文園

從茲到處謀歡賞檢點新詩荅歲華

### 雪中望野

冒雪來郊外江山一畫圖尋梅逢畧約沽酒見葫蘆壓

損空田麥飛低覓食鳥欲歸尋舊路行跡已全無

### 題管鑿白冊子

### 就傳圖

憶昔就傳初賦質殊不惡朝誦夕輒忘嬉遊耽逸樂今

觀鑿白圖令人多慚忤知非亦云晚羨君亦大錯我願

至來生函文牢立腳

### 梅花美人圖

鑿白幼年讀書露香書院月夜見美人立梅花下視之恍如也

梅花明月是前身偶一離魂莫認真蕭館客舍春夢裏多情豈獨畫中人

### 文園梅

寂寞春寒曉起遲荒園梅信繫人思多情一夜霏霏雨催放南枝又北枝

亂石崖邊屋枕溪梅花香發小亭西牆陰積雪消將盡

夢醒江南鳥正啼

上已後五日同人飯後步胡氏城南家塾暮歸

### 得向字

春暮入城市桃李半飄颻故人具雞黍相與共酣暢散

東臯詩存卷之四十八

四

文園

步城南隅汗漫隨所向林亭寄靜觀胸次增舒宕日落

沿溪歸清光呈昭曠

種荷為雨香菴且公作

百載棲禪地亭臨碧水中藕從今日種花待隔年紅長

養須人力扶持藉化工相期滌煩暑長晝坐薰風

### 水明樓得東字

行李僑居老梵宮水樓高敞坐春風臥波楊柳橫烟綠

隔岸桃花帶雨紅地本風流人不俗興多豪放酒先空

宵深客散頽然醉鐘起松梢月在東

### 紅杏山房雨集得生字

冒雨踐君約山房集友生鶯花三月少圖史一簾清我  
有懷春淚人難此日情留連當永夕滴碎瓦檐聲

擬登望江樓雨阻不果分體

江臯罕絕壁城南鍾秀峙層樓百級高聳拔三百禩去  
天尺五遙江聲近在耳偶過一登臨塵慮頓蕩洗相期  
集勝遊攜觴剪蕉紙詰旦雨為讐溷泮竟不止促膝風  
潭上鉢池數浪盪把詩緬昔儔曠懷收眼底寓僧實解  
人酌酒澆塊壘縱飲發高歌雄談相角抵壇坫各崢嶸  
深慙續貂尾明日天晴霽登覽興勿已

雨後水明樓坐月

東臯詩存

卷之四十八

五

文圖

積雨初收夜晴光漾碧空江城春寂寂花館霧濛濛鄰  
寺暮鐘動隔溪漁火紅俯窗波淡蕩月上古牆東

壽冒思堂七十即次自壽元韻

老健如君世所稀優遊林壑樂無違飄風野馬拋諸慮  
茗椀書籤共一幃先業豈惟家乘重後昆堪與古賢依  
舊時門巷春光在除卻羊求孰款扉

天與遐齡了不驚丁寧何必用先庚長川易逝偏難竭  
老樹能枯轉發榮縱是西河心感慨卻欣南極算餘贏  
壽杯正與華燈映簫管喧闐倍有情

兩束牛腰著述多樸巢餘蔭老婆婆只看心境淡如此

遑問世情濃若何萬里天池垂羽翼一鞭華嶽足吟哦  
而今白髮拋遊屐好署詩函賦繭窩

半世行踪汗漫遊老來安用卜梁邱閒情只向詩中寫  
好景都從畫裏留花下酣嬉春自遠尊前顛倒醉無休  
白頭笑看編欄舞芝玉盈庭有底憂

東東亭分司張靜遠先生

名士為仙吏風華迴不侔直如何水部詩興滿揚州海  
甸謳歌日江天富庶秋相期載尊酒吟嘯十三樓  
王儉蓮開幙陳蕃榻下賢論文潮出海為政月當天一  
別何多日相思易隔年可知遼宇鶴清唳碧雲邊

東臯詩存

卷之四十八

六

文圖

招友賞菊

移到崇川菊邀人次第看終朝舒老眼加意護新寒霜  
信天涯早秋深木葉乾乘茲花滿目須教酒杯寬  
好友集燈前豪情勝去年詩成霜砌白雁斷海雲聯賭  
酒春生面看花月在天此時應珍重吾髮已華顛

秋風

又是秋時候淒清殿角鈴繁霜橫玉宇黃葉舞空庭聲  
撼疎窗紙光搖欲曙星萬山清徹骨帆影過雲汀

秋雨

農家方刈獲郊野望秋成何事連霖雨相看總不晴濕

烟村屋冷庶草水田生深夜難成寐簷淋雜雁聲

癸未送春同竹樓

春去渾如不繫舟一帆風送竟難留枝頭好鳥聲將老  
架上穠花香漸收舊日情成今日恨老年髮上少年頭  
可憐時序驚心換逝水茫茫大海流

送陳綠町應試金陵

握別河橋畔相期見素心片帆秋水濶落日故園深鄉  
思三更夢文章百鍊金高堂懸望切努力慰佳音

小園散步東意園九弟

一自衙齋散綺筵酒魔終日苦糾纏可憐清夜園園月

東臯詩存

卷之四十八

七

文圖

抱病先尋草榻眠

直是昏昏醉夢間懶親筆墨懶開闢短童茶熟輕輕報

近日文園花事闌

支筇移步小園中短砌長盆面面紅屋角蛛絲親灑掃

又防蝴蝶到花叢

當階獨立意遲遲瓶插新花一兩枝窗外日光上簾腳

又到先生飲酒時

題宗牧初望海圖

海晏不揚波人清絕點塵獨立詠蒼茫渾渾無涯津神  
仙事荒幻徐福無還輪蓬壺渺何處方士徒紛紜揚塵

聖明世屬國頻獻珍元龜象齒外不聞荒唐言先生  
富萬卷方書妙入神倘得不死藥用活世上人

題竹樓飄零酒一杯照

雪鬢蕭蕭望若仙東西南北損華年文章到處增聲價  
莫謂貧無種芋田

君是詩仙更酒仙一生著述自編年但教常有杯中物  
何必還須負郭田

酬章配官繪文園七夕圖

佳節逢秋序文星聚海隅腹中書可曝花外酒能沽斜

月芙蓉閣清池楊柳鳥又來高士筆揮汗寫新圖

東臯詩存

卷之四十八

八

文圖

同人露臺坐月

盛夏渾如秋氣清暮雲收盡月空明池荷水淺花猶艷  
庭樹陰深露更瑩四野桔槔聲沸沸隔林清磬韻鈴鈴  
憑虛竚望情何切欲為求霖海上行

題李于戀煮海圖

我居東海濱習知海民苦海民有內外內地一隄阻隄  
外為煎丁日與螺蚌伍豈不惜身命海地多斥鹵曬灰  
淋滿池積之事煎煮利在害則忘捨此更奚處海中之  
潮日起落每到秋來輒大作年年七月八月間風頭鼓  
浪如山嶽亦有邀天保護時潮聲抵岸迴風卻小民貪



天眞倖免往往捐軀殉海若力勤燒鹽酷熱中屋外赤  
日內火紅塵汚汗穢面如鬼赤脚竈婦頭飛蓬商人安  
坐擅大利此輩賦命如沙蟲我聞哀矜不忍視尋常不  
敢過隄東三秦李子本人傑聞此意象增騷屑偶經隄  
上益淒涼停驂悵望心如結眼底艱危繪作圖名曰煮  
海心彌切展視同儕豪侈人情狀昭然省口說

送廖月圃大使返西亭齋署即步留別原韻

別我匆匆買棹歸河干執手實依依民間雨露沾多少  
杯水深慙報荅微

一年筆墨訂同心案牘如雲不廢吟此去西亭衣帶水

東臯詩存

卷之四十八

九

文園

水深未抵別情深

壽章配宮六十

甲子初週日清霜兩鬢侵一枝辛苦筆半世慨懷心有  
酒邀朋醉無錢自在吟烟霞隨手作山水結知音

廿年論縞紵情好足平生歲月一荏苒漁樵此弟兄風  
高雁羽健海濶鶴聲清松葉深杯泛今宵緩緩傾

題常蒼谷先生灌園圖

先生開平之子孫種瓜彷彿古青門衣冠甲第舊承恩  
胡為匿跡歸邱園俯仰家國天地翻君亡與亡寧久存  
覆舟沈溺驚江豚鬼神向空中援僦居種菜聲常吞

身存心死增煩冤年逾五十謁帝閭棺殮無措哀江村  
故人賄賂為招魂舍以麥飯薦溪蓀當時陳力公侯尊  
疏十二上忠愍敦謂吾功臣之後昆安能鬱鬱舌空捫  
只今百年後裔繁灌園之圖留乾坤凜凜正氣神飛奮  
何年瞻拜松楸原

意園九弟三十述懷步原韻

風流少日重詞壇曰壯年華早蒞官繞序雁行詢舊里  
占先馬齒總新安簿書不礙吟襟敞監史何曾酒政寬  
三載追陪形迹泯豪情直上碧雲端

豈惟孔李是通家越國雲初水木賒同有并州忘旅況

東臯詩存

卷之四十八

十

文園

獨看懷縣種庭花詩篇早入名人室門巷頻邀長者車  
容我疎狂無禮數頃荒吹動勝箏琶

十畝荒園隱綠蘿使君詩句似陰何一時散步行吟便  
四序看花積卷多爭羨聲名高上苑自憐歲月老卷阿

他年若得趨丹陛好學郊祁更和歌

何必閒居作賦才官齋時奉板輿來背萱也慶嘉平月

春酒同斟獻壽杯戲彩編爛皆命服躋堂溫暖得春

臺散花芳馥聞天女不用殷勤折野梅

秋日泛舟過奎星樓遇雨賦贈廣智上人

放棹空江訪釣徒水中閒憩一浮圖茶烹活火爐烟細

園翦山蔬野味殊風雨驟來林木撼鐘魚敲罷客心孤  
夜來說法人聲寂應有依皈聽講孤

聞蟬和瘦石

空庭苦無樹偶復有鳴蜩時節還中夏悽清類早秋臥  
病鮮逸事往聽上高樓風過殘聲起疎疎暮雨愁

清明憶北固山兼懷竹樓瘦石

去春同客京江日北固山頭興亦狂鼓角半城人似織  
是日城下大聞雲霞滿袖酒盈觴韶華已逐鶯聲換勝概還同  
蝶夢長又是清明好風景海濱枯坐讀書堂

送姜東甫入都

東臯詩存卷之四十八

十一

文園

明光起草殿虛席久遲爾高名繼大父騰蹕玉署裏而  
翁我同譜儕輩無與比吟壇建大纛尊之執牛耳勉旃  
即長途世業須濟美

元旦試筆

瞳瞳旭日映雕闌瑞靄氤氳曉不寒又是湖山新氣象  
居然文物舊衣冠春回大海魚龍變運轉鴻鈞草木歡  
何事星霜潛入鬢開來羞對鏡中看

上巳郊遊

佳節休虛度郊遊一日閒東園尋故事修禊覓同班雨  
霽鶯聲澁氣寒花蕊慳晴雲層疊起海上見春山

淨土菴看梅以杜句花濃春寺靜為韻得濃字

挈伴探梅信沿溪曳短筇花幽空淨域香遠認疎鐘老  
幹霜兼雪深交竹與松長吟杜陵句詩興一時濃

小園梅放

臘後冰胎瘦春來細雨侵精神益清健花萼喜幽陰人  
道平山好香浮雪海深小園三兩樹一樣敬吟襟

雨窗遣興

一雨沉沉直到今庭除苔蘚碧痕侵詩能醫俗吟偏嬾  
酒為驅寒飲不深有病經春常欲睡無求終日不營心  
焚香且自添爐火又看蕭蕭結晚陰

東臯詩存卷之四十八

十一

文園

題筠谿照上有一僧對坐

昭陽自昔多名士老友筠谿今繼之工畫工詩工篆籀  
更敲細律寫新詞

襟期瀟灑邁時流閒訪幽棲伴貫休不是欲逃塵世外  
靜中真味貴推求

石頭城裏石頭僧好向桃花洞口尋記得文園消夏日  
禿頭相對白頭吟

花菴

已卯作文園消夏圖筠谿與石莊僧  
繪作抱膝對談狀今石莊主廣陵桃

千箇琅玕水一灣清溪白石野雲閒何時得遂投閒願  
與爾相攜訪碧山

到崇川乘夜即訪王文竹樓陳子綽酌清浦於

法華精舍

百里乘新漲黃昏始到城泊船無別事訪友即宵行燈  
火門將閉泥塗雨乍晴故人知健否微月扣柴荆  
老衲舊相識逢人眼倍青爐烟消殿角花影護階庭囊  
富遊山什瓶餘款客醺一杯堪慰渴談笑落殘星

咏燁

羨爾能高潔悠悠不世求隨時知變化抱葉自吟謳恥  
與同儕伍超然碧樹頭塵寰殊可棄咽露倚清秋

意園九弟三十初度

東華詩存卷之四十八

三

文園

五雲鰲鍵護朝暎弧矢高懸官閣門虎脊已騰沙苑馬  
雁行同是越王孫壯年東海熙鴻業春酒南山獻壽尊  
節近嘉平冰未泮賓朋紛集錦堂溫  
不矜翡翠上蘭苔碧海鯨魚掣浪遙萬里飛騰看鳳翼  
卅年著作束牛腰舒長化日公庭靜風雅閒情吏治饒  
皇覽稱兄真忝竊愧無佳句寫清標

祝海門瞿業師七十壽

師字彬若

俯仰成威衰蹉跎感今昔憶當舞勺年程門雪已積抱  
書隨季父志欲雙奮翮夫子擁臯比淵源通一脉善誘  
偶會心相視竟莫逆蒙師謬許與飛騰易旦夕無端以

漳濱藥裏廢書策越今三十載州邑久曠隔宿學負深

醇文戰困闡棘希世卞和玉屢獻屢屈抑遂令歲月深  
鬢髮已變白今年政七十高才徒戚戚德門餘慶長梁  
孟老無數更有好男兒萬夫堪辟易著述扛龍文才力  
聘虎脊將為上國賓詎久諸生籍盛德後必昌先生  
有遺澤小子悔當年函丈未請益

意園九弟邀同蔭深園賞菊

抵家纔兩日醉菊已連宵踏葉穿籬徑攜尊過野橋老  
人秋更健謂蔭深園主人紅樹晚猶嬌未盡尋遊興歸舟載月  
搖

東華詩存卷之四十八

古

文園

使君真愛客歸署復開筵雅什工能賦清歌妙可傳露  
乘涼月白花映夜光妍爭看何郎飲長鯨吸百川謂何  
邀意園九弟小園看菊同用吳野人句作起  
淺白深黃次第開攢來便似錦成堆香分陶令籬邊種  
酒泛王弘甕裏醅佳客題詩每風雨短童扶杖上樓臺  
不嫌荒墅秋容淡一日何妨到一回

對菊偶吟

瀟瀟風雨暮秋天燒燭留賓就菊筵未必詩多如昨日  
幾經霜冷又今年寒花對我燈前落白雪從他鬢上延  
此去韶光須仔細東籬消息最堪憐

九月望後法華菴盆梅早放一枝步竹樓韻

重陽繞幾日梅破一枝春香海何其暖墨花已自新風  
光將釀雪消息早通人莫作尋常看孤清此最真

壽仲寶三十六

聖世嘉名洽海濱蔚然文物羨彬彬六旬甲子稱人瑞  
三代衣冠盡國賓食德定推弓治舊服疇還見燕詒新  
彩衣才子承歡日驛使梅花報小春

聞說名園致不同樓邊竹樹貯清風園名暗香心沁林

和靖有斐人思衛武公佳氣氤氲丹詔外斑衣璀璨

綠陰中清歌妙舞餘騷雅詞客高吟孰最工

東華詩存卷之四十八

十五

文園

荅葯上人即步見簡原韻

袂判鑒江北思深渤海東講筵開白下飛錫響山中鷗  
去盟難愜鴻來信未通獻花巖市坐棒喝振宗風

惆悵經年別還山亦暫休龍潭秋鼓棹牛首夜登樓遊

履名山合上人行有五臺之遊萍踪碧海浮詩情隨處有曾否念

滄洲

驛使來臯渚開緘慰我思瓊瑤通舊好翰墨寫新詞未

聽支公偈先吟惠遠詩蒲帆東挂日名重習家池

長夏荒園開雲幡望更深雨花沾法界冰雪淨禪心非

但止饑渴還期論古今相將聯白社把臂入深林

晨起文園看雪見小盆黃梅已開

冬來籬落未荒涼一夜梅花雪裏黃正是小春初應律  
可知凍萼已含香瓦盆力薄憐枝瘦詩客天寒索酒嘗  
移向檐前收日色歲殘風味劇清狂

意園招賞菊花

使君不惜買花錢高會風流百里傳余客東臯已聞詩酒之盛好酒  
自宜人盡醉黃花應笑客遲旋寒生壁上疎疎影月向  
天邊轉轉圓況有攜尊賢客至是日葦白移尊花下一時清興十  
分全

癸未秋杪崇川夜泊

東華詩存卷之四十八

十六

文園

迤邐城隈靜不譁舟居風味頗堪誇淺斟野店沽來酒  
亂挿山僧折送花殘夢寺鐘聲斷續荒蘆漁火影交加  
濃霜不寐看斜月涼暈淒清色轉賒

榆錢

三月榆莢肥青錢滿林數昨從郊外見飄落同絮柳熊  
風充綺筵藜藿飽餓叟安得變為真貯滿天下手

先君七十冥壽泣賦四章紀事

乙亥臘月十四日為先君七十冥壽俗尚稱  
慶非古也第念先君見背時年六十有二未  
及耄耄遽奪其算不能遂此捧觴之願為可

悲耳泣賦四章用誌隱痛有哀其衷而和之

者光及泉壤矣

海天寒倚片雲孤夜月魂銷反哺烏百歲靈椿凋太早  
八年風木恨難蘇燕貽自昔慙弓冶株守於今凜髮膚  
四十功名仍草莽止堂鳩杖一兒扶

鯉庭無復見儀容畫翼驚心入暮冬便到百年從古有  
若開七袞此辰逢魂交永夜饒新淚夢向寒衾斷曉鐘  
渺渺幽懷消不得遙天一片白雲封

獨夜追思廿載前膏肓二豎苦沉綿文星有曜誠能格  
上藥無煩病頓痊

東華詩存

卷之四十八

七

文園

北斗石壇春暖拜瑤箋

病愈即記聖像於文園

何堪夢去還成夢

驗識偏符十二年

杜老無端說古稀我吟斯語淚頻揮況逢生忌惟將母  
誰與為歡合掩扉山雨琴尊消往事海天風日冷斑衣  
竊深事死如生念華表何當見鶴歸

分司張 先生復任石渚

海上暄春日天邊耀福星鹽醃新部署琴鶴舊儀型竹  
馬兒童喜茅檐婦子寧三年思雨露百里靜風霆延納  
蒙嘉惠優容在廣庭空勞駒咏白卻荷眼垂青久切趨  
承願重欽蘭蕙馨私心將吐露公事待消停布政優優

後高吟細細聽自慙歌下里一介走伶仃

重過放生菴

破寺欹斜石徑荒殘碑猶記放生堂茶烟留客僧何處  
魚鳥親人世亦忘面面蒼煙圍廢圃聲聲清楚度橫塘  
我尋舊日題詩壁記得清清古道場

寶峯莊訪佛海上人不值

放棹尋幽興自賒禪關寂靜鎖烟霞林餘紅葉兼黃葉  
瓶有蘭花與菊花四壁吟牋追佛印五山風景做倪家  
逡巡不覺林塘晚樹下僧雛更煮茶

七夕分韻

東華詩存

卷之四十八

六

文園

又到雙星會面期多情兒女淚交頤比如天上難相見  
何似人間久別離烏鵲無知橋早拆姮娥有恨月斜窺  
一從竊藥長年寡那得風波兩地悲

乙酉仲冬阻風丁堰春明時將止上同人賦贈

好友難為別衝寒百里征昨宵纔聚首今日便登程纔  
繼游人淚相思 五鳳城憐君雙鬢白辛苦為功名

畫牡丹戲題

近日耽幽學釣徒鄭公灘畔狎鷗鳬得魚沽酒頽然醉  
乘興拈毫畫鼠姑

秋蝶

秋老花殘蝶未歸西風吹冷破柴扉可憐翅粉消磨盡  
詡詡猶然戀落暉

暮春即事

酒醒西園已五更新愁不覺雨中生東風不解愁人意  
吹斷黃鸝夢裏聲

雨打殘花滿地紅遊人猶自苦匆匆春歸尚有餘春在  
架上茶蘼弄晚風

一春春事客中過到得歸家風雨多近日家園無所有  
濃陰深處看藤蘿

暮春小園招客賞花

東臯詩存

卷之四十八

文園

江臯攬勝足歡場繞得歸家興復狂聞道小園花事好  
鼠姑將放紫藤香

一春花事雨中殘鶯燕無聲草閣寒正喜乍晴春又老  
急須扶醉倚闌干

醉將清酒酌天工明歲春花著意紅豈以海濱皆斥鹵  
便教三月不春風

有花無酒負春天有酒無詩亦枉然今日艷陽花事好  
盡歡須做永和年

題意園涉江采芙蓉圖

芙蓉江上蕩船人面與花光混假真人在花中花在水

一江秋色一船春

吳兒解唱采蓮歌采采蓮花江上波采得蓮花入君手  
更無繡被奈君何

祝陳鶴園夫子七十壽

海濱最爾區文教尚未墜少小趨庭時奉公為前輩公  
與先君交道義敦至契豈分上下牀百尺樓堪置小子  
荷鍾愛通家積年歲令子傳二難文酒聯世誼賞析固  
相與休戚尤不棄先生今七十面背喜益睟嶺上早舒  
梅掩映編欄戲小子乃猶子頎然侍舉觴可惜老明經  
未遂飛騰志友教亦云仕鱸堂自清貴威德後必昌應  
東臯詩存

卷之四十八

干

文園

有 肥封至

載菊吟

去年分植狼山下今日移根雉水邊有酒有詩寒露節  
阻風阻雨菊花船

對菊

每到三秋抄東籬逸事增邀人傾美酒伴我對殘燈徑  
以經霜古臺還冒雨登好花真耐久即爾是良朋

九月望日劉友松招集陰深園賞菊同用秋字

名園幽致罕為儔掃徑迎賓傍寢邱愛客主人醇似酒  
佐觴逸友淡于秋餐英能令顏常駐飲谷何須藥更謀

識得神仙無異術避罌種菊不旁求

小隴曾營望海樓林泉樂志富春秋池魚躍水誰知樂  
園鳥依人亦解謳愛菊不栽平易種結交必得許巢儔  
歸來醉步紛紛月夾岸蘆花一釣舟

小齋賞菊得下字

秋色分鄰翁佳興生良夜霜月滿庭鋪花枝猶未謝好  
友飄然來沽酒陳籬下貽句邁陶潛堪比白蓮社

茶菊

均是籬邊菊同為九月花不堪持勸酒祇可摘烹茶耐  
久香無比輕黃色更佳從來甘谷美何必定陶家

東臯詩存卷之四十八

主

文園

錢菊

愛爾頻移書案燈無端摧謝覺愁增明年九日遙相待  
昨夜三更睡未曾遲暮不關風雨妒荒寒受盡雪霜凌  
與君淡薄成知己醉盡今宵酒數升

余五十賤辰陳綵酌清浦兄弟招飲竹栢山房  
令行百壽僅欠三紅余一擲偶合成數在座諸  
公深為余幸作詩見贈賦此荅之

五十無聞愧撫躬感君招我醉春風筵開竹栢清陰裏  
客聚詩文我輩中酒令相期行百壽盆巡將到欠三紅  
偶然巧合逢成數盈滿從來忌化工

立夏前三日文園牡丹得攜字

家儲數本已開齊又得奇花雉水西百幅布蓬都蔭罩  
一園狂蝶亂高低午餘乍熱陰雲佈飯後邀賓酒甕攜  
儘可平原十日飲先從今日醉如泥

立夏前二日雨後牡丹無恙分韻

深宵風雨作輾轉縈我心艷質何堪此凌轢諒已深清  
晨披衣起一看笑不禁園丁真解事綢繆雨未淋憑軒  
敞簾幔旭日啟沉霽折東招友朋開筵共酌斟樓高王  
粲至榻下徐孺臨草木通人意濃華逞妖淫令人倍珍  
惜千金抵寸陰

東臯詩存卷之四十八

主

文園

立夏前一日牡丹花下送春得涯字

春欲作歸計風光分外佳啼齊布穀鳥開到牡丹花宿  
雨敷濃綠晴暉麗晚霞極知不能戀怡悵海之涯

立夏日賞紫藤繡毬得風字

幾日歸來小閣東十分花事感天工團圓疊砌當窗白  
藤蔓牽延滿架紅似帶殘霞來海上亂堆明月在空中  
芬菲到此春將老尚有濃香逐晚風

題管蓋白鉏金園圖

管自注云鉏金園吾家三  
世讀書處也後以事易他  
姓今于河西買地一方種樹  
築亭名仍其舊不忘先也

構得茆齋四五間依稀昔日水雲灣閒來課子窮經史

老去看花遠市闌從古英雄期自立由來消息理如環  
鉅金克副先賢志不愧鬚眉鏡裏顏

詩存一刻璞莊與余籌之久矣至去冬始發啟徵  
輯設局文園以待陸續紛投赴珠槃玉敦之會今  
年五月梓人畢集將付開雕而璞莊歿其時變出  
非常內外失措其行其止幾不可定幸閩君黃夫  
人能成其志克蕺厥事計啟篋於乙酉十月撤簡  
於丙戌十一月為卷四十有八歷宋元明清四  
代八百年之幽光潛德於是畢著雖名儒碩彥有  
名而無詩者未免遺珠之歎而年遠代隔搜訪無  
東臯詩存卷之四十八

文園

竹樓王國棟跋



汪璞莊小傳

汪君之珩字楚白號璞莊一號瓷簫海客其先歛人也  
系出唐越國公後高祖曩甫始遷如臯數傳至璞莊生  
有慧業善讀書顧體羸多疾弱冠游四方遇佳山水輒  
流連經月徧訪諸名流相於訂編紵交父澹菴謝世後  
家政紛然無一手足助人方為璞莊難之璞莊日綜理  
庶務夜鍵戶縱覽書史家道日益隆而所學亦日益進  
尤篤念先人善行期無失墜凡邑中有大修建及鄉隣  
所利賴率先倡議勞費獨肩前後所輸逾萬計歲丙子  
江淮大饑死亡相藉乃慨然發倉中粟立法賑恤邑人  
東臯詩存卷之四十八

文園



遂無可考用是搜集廣博扶摘幽粹得詩若干顏曰東  
臯詩存工既集而璞莊奄然物化矣易質時唯此為惓  
惓一語不及家事一子為霖甫四齡妻黃念其夫之魂  
魄戀此也爰請同志藏厥事而屬余為之傳

論曰余於雉臯多石友尤契者姜子香嚴香嚴博學多  
藝能更長於詩嘗為余道璞莊不置比年家居時從郵  
筒中得璞莊書傾慕益至而香嚴墓有宿草矣今璞莊  
又復下世魏文有言何圖數年零落殆盡綴言遺冊能  
無慨於中乎

乾隆丙戌季冬江寧秦大士撰



東臯詩存

卷之四十一

文圖

昔人謂詞者詩之餘也而近代詩人  
填詞者蓋寡吾師退耕先生六堂  
謂余尔好為古詩即不宜作詞恐傷  
古氣竊玩詞學之真始於唐盛于  
宋唐初諸家雖不作詞而涼州伊州  
陽關諸絕句本古樂府之遺已為詞  
家開風氣之先五李太白之清平  
調菩薩蠻經已是詞實古樂府遺  
者子與氏謂今樂猶古樂豈不然乎  
豈不然乎余初與璞莊議輯東臯  
詩存即有兼存詩餘之訂今纂輯  
未竟而璞莊逝矣其家人刻期藏  
事更不及通為搜羅就各家送到  
詩集中有附存數十闋或一二闋者輯

東臯詩存

序

文圖

而存之所得終四十餘人存詞終四百  
五十餘首嗟乎鼻詩之存於茲者  
大都皆蓄于前而重於後人往風微  
不勝珠沈之歎矣況詞學久廢詩人  
多紐於詞終矣曼有妨古者之說  
置而不講又何怪乎遠者不復留而  
近者不察見耶惟然大美不終秘壺

東華詩餘

序

二

文圖

城就劍神光卒出人間是書以璞莊  
之段不獲寬以時歲忽遽撤簡他日  
有好古之士因是書而採其所不逮  
必將有如劉禹錫之作所在神物護  
持壁間塚中應求而出茲編為王  
矢功不亦多乎哉乾隆歲在癸兆  
蘭歲之小雪日樵所江大鈺題於文園

停雲館



東華詩餘

序

三

文圖

東臯詩餘目次

卷之一

明

嚴怡 一首

冒襄 九首

國朝

冒坦然 一首

冒丹書 一首

冒綸 一首

余瑣 一首

東臯詩餘目次

冒裔 三首

許嗣隆 五十四首

石泚 三十八首

卷之二

薛斑 三十六首

賁黃理 二十二首

丁之翹 四首

張圯授 二十五首

薛彬 七首

石湘 五首

張槎 四十六首

李宗紘 四首

卷之三

冒禹書 十首

冒殷書 九首

高深 四首

范遠 十九首

姜頊忻 一首

石頤 二首

石升 一首

東臯詩餘目次

許銳 五首

余漢 十九首

陳以松 五首

范安瀾 三十一首

范捷 二首

姜恭壽 一首

高綾 一首

姜文載 四首

江岸 三首

徐燮 九首

二

文圖

史發蔡	二首
卷之四	
名媛	
鄧繁禎	七首
冒德娟	六首
范貞儀	四十二首
叢祁誌	一首
高 繁	三首
高 縈	一首
范毓秀	四首
東臯詩餘	目次
徐應坤	八首
方 外	
行 悅	二首
呆翁和尚	六首
流寓	
余儀曾	一首
胡 驥	四首
陸 進	十首
潘西鳳	十首
汪之珩	十一首

東臯詩餘卷之一	
同里江大銳樵所	
興化王國棟竹樓全訂	同里汪之珩璞莊徵輯
同里黃 振瘦石	
興化左 亭筠谿校訛	
嚴 怡	
蘇武慢	題希夷卧像圖
你是何人豈無些事創有工夫閒睡睜開眉眼打起精神也好看些天地虎卧深山龍潛大澤忘却世間名利這其閒倘遇癡兒形迹論他不濟 又馬知寤寐庖義	
東臯詩餘	卷之一
神遊混沌親見太和元氣終身填海半夜藏山到底不成心計魔力難降迷頭莫悟孰辨衆人醒醉想先生不是慵眠別有一般清味	
冒 裏	
鵲橋仙	已巳九日扶病招同開璋諸君城南望江樓登高陽羨萬紅友空青石新劇鵲橋仙三闋絕妙劇中唱和關鍵也余即倚韻和之以代分賦
巢居覆却三吾烏有結構一生胡亂今朝空上望江樓	
覺南北烟林全換	新譜重翻麗詞三和一字一聲偷
看縱海枯石爛萬千年銷不得余愁小半	
一剪梅	和吳園次題染香閣貼瓣梅花

香玉霏微雪泛塵月下單身夢裏單身閨中小婦弄精神  
妍手偷春老筆藏春折來看去總如新寫出真真  
喚出真真古苔綠萼碧烟昏香草還魂蜂蝶銷魂

夢揚州和盧中尊菽浦先生原韻

湖離愁望琴堂早已春浮老矣編眠念此中心無休相  
違正是中元節到於今歲臘全收今何夕年光換四加  
七十何求那止牽思九秋遠盼切王喬鳬鳥風流豈  
不懷歸絃管城中共遊画詞紙扇遙相寄况雲卿原泛  
三舟元宵後匿峰梅好肯戀并州

沁園春築匿峰盧初成有維揚女校書適至周  
北公賦二闕次和

東臯詩餘卷之一  
二  
文圖  
聲竭平生幕天種樹拔地成峰想結果古樸凭虛萬頃  
移山水繪濤響孤松五十年間兩番清淺一枕蘆盧付  
曉鐘重來此與老農老圃策杖相逢衰年人外疎慵  
奈山鬼睇迎無處容聽犬聲如豹狺狺吠日蟾蜍擲穢  
口口當風介葛難明情詞並絕惟有逃之不與從匿峰  
處喜天空雲淡五岳心胸

絕似爪牛依然土室埋照風塵許南陽逸叟過橋一笑  
東岡高士促膝無痕浪說如花羞稱倚竹容易吾盧酒  
半醺詢前夢只秦淮花月妙氣氤氲無端剩我巢民  
受萬態千波數十春思人龍文虎今留誰在山魃木客

遍處宵晨息影離羣耕雲釣月廣漠無何避此人欣同  
調更聽鶯村酒登和三君

百字令

甲寅三月既望犬馬之齒一週散木首  
倡詞為壽北公桐初介臣諸兄和之于  
素不期此勉和情事得四闕

鶯花三月際生辰良日眉黃無皺歡喜護堂開九秩萊  
子舞斑衣繡兒進流霞孫扶鳩玉子弟同瞻就當杯滿  
飲壽親兼以為壽疇昔婦子雙雙齊眉並祝此日殊  
非舊舉目悲涼良友失方曉從前邀厚鏡聽無詞釵函  
難叩荀令誰為偶碧天黃壤茫茫弱息曾購

東臯詩餘卷之一  
三  
文圖

放艷陽呈繡衰落猶存凋零無與遠友羣相就啣杯在  
手世上幾人長壽何當鏡藻詩詞紅牙白雪情事翻  
隣舊獨守東岡偏好我湖海元龍交厚海錄書淫澄江  
耆宿瘦島尤難偶里中英物潘江陸海齊購  
初週花甲憶寅年誰念半生酸皺淝水文章稱大手千  
里揮毫如繡蒙難情疎更生事怪老筆紛相就驚谿千  
幅錦屏四開春壽幾番寄語纏綿心棲水繪歸棹論  
盟舊星嶽竟歸天地秀淮海孤生誰厚舉世何依吾儕  
尤甚絲繡平原偶修文天上何時白玉重購  
葯房泓穎弄雲烟寫出遠山蒼陂亭画沉香花更好鶯

鳳仙人紅繡雙玉爭輝三織成  
燦燦老天成就嬌癡小  
女隨向阿爺稱壽  
堪笑白髮盈頭頻生屢死圓夢難  
逢舊鬢影春風重可倚往世鍾情殊厚  
丹鳥生香甌茗  
入妙靜好還相偶久遺人世深閨小友偏購

冒坦然

鶯啼序

同人泛舟水繪菴用彭駿孫先生閨情韻

漸可忘機海上客共親鷗鳥白駒隙逆旅光陰又看一度春杪避俗喜於塵事遠高春不覺東風曉負一春烟景論興味年來少  
乍雨餘寒花禁不放做露凝霜縞  
恰新晴日暖風和遠天纖弱如掃惹無端傍柳隨花舊  
東臯詩餘卷之一  
四  
文園

心情祛除未了似元都千樹齊開劉郎重到  
激流植援穩載檀槽金粟汎柳堤行沼聽絳雪迴風綠水無波  
青山微笑翼拊禽飛蛟潛壑舞暝雲不散魚龍靜影一  
碧疎星夜深悄當歌對酒厭厭不醉誰歸觴無算箏瑟  
攪  
深源何事咄咄書空短鬢銀絲裊裊有菟裘纔就  
松菊猶存人生行樂風光真好玉山心迹姓名金谷古  
人秉燭非無意待深林明月來相照問他招隱荒途朝  
市山林安知大小

冒丹書

又

檢點春光轉不盡千聲春鳥驚心甚偷送流年報春又  
呼春杪濃綠烟拖花是夢殘紅雨過香生曉愛吾廬城  
北不用較春多少  
曲曲荒林瀾瀾春漲四面銀波縞  
向中流擊引惹鶯煩襟濯空如掃指斜陽樹挂愁些易  
黃昏天連青了笑頻年碧草炎枯白鷗繞到  
晝長卜  
夜儘待月上烏飛任魚遊春沼想多感多情人世拘牽  
難逢嬉笑舞愛溪前歌聽塵外縱饒耳目成怡悅只中  
年歡處心神悄破除萬事須知飲莫留殘便醉也還紫  
攪  
陡來心上往日今番一樣春風裊端的年隨春逝  
弄花攀柳幾同榮落幾爭嬌好燈火樓臺笙簫尊酒廿  
東臯詩餘卷之一  
五  
文園

年勝事難重問喜白頭健飯青天照臨流幾個知心剝  
數晨鐘星稀月小

冒綸

又

常是春閒趣美景看花聽鳥早催過寒食清明韶華將  
近春杪雨過無塵苔鮮潤風晴浥露垂楊曉但願留春  
住休遣綠肥紅少  
落絮無端如綿似霞滿地鋪纖縞  
怕枝頭雨困風敲繁英轉眼如掃只花前翠倚紅偎酒  
杯持吾生足了反禁他花落花開引將愁到  
微吟信  
步轉過小亭別渚映紅橋綠沼宛濠上華林魚鳥相忘

不言而笑駘蕩春和婆娑畫永徘徊薄暮忘歸去漸碧  
天無際月明悄春宵難買共道一刻千金愁誰信飛花  
攪東山絲竹画鷁凌波按拍行雲裏是第一流人物  
名士風流亂頭粗服看來都好漏莫催銀山須頽玉夜  
深猶恐花枝睡更留連高燭紅粧照不殊老子當年乘  
興方深南樓月小

余瑣

又

敝閣新晴嬾心緒擬同倦鳥棲枝上百舌生端聲聲催  
道春杪幾點悠悠花漸落一番寂寂情曾曉趁碧清晴

東華詩餘卷之一

六

文園

泛高曠如今全少画舫纔移短橈初撥飛鷺翻鮮縞  
看危峰斜鉞堆青無煩雨沐風掃望餘霞散綺初收早  
繁燈光搖未了宛珊瑚歷落騰輝鮫人疑到兼逢此  
夜不教滿雲蔽樹止微嵐映沼任波湧魚愁歌拂鴛鴦  
井蛙空笑橫槊英名叩舷幽趣何妨吾輩都收領問底  
事匆匆惹憂悄羽觴賭勝聯駢坐倚雕闌拇陳起歡聲  
攪湘簾紋細龍沫誰薰暗覺芳馨最喜慈親身健  
兒婦偕隨天倫真樂今宵偏好酒闌歌罷漏沉人靜園  
林深處重陰障恰疎星朗朗來相照回望隔岸樓臺霧  
鎖烟迷山高月小

冒裔

字爰及巢民弟

滿江紅憶崇川白壁雙琵琶

賀老琵琶還要讓白三名手記昔日得全堂上三吾亭  
後四燭如山人不語一輪晶餅明如畫聽四絃輕撥唱  
沉垂調珠盤走人已沒家園覆止剩得衰隄柳笑一  
場大夢不堪回首盛極必衰原至理調高鮮和應難又  
病闌珊往事上心頭眉空皺

卜算子漫成

欲行沒處行欲坐如何坐冷冷清清一個人只合隨緣  
東華詩餘卷之一

七

文園

過妄想總徒然浩氣休因挫樂在逍遙散誕中莫向  
人言餓

滿庭芳山居避暑

山立簷前水圍堂下千章喬木冲霄炎風烈日那得入  
吾巢散髮披襟安坐柴几上爐火微燒画闌外蘭芽似  
箭豎放百千條香飄何必羨金魚玉帶待漏趨朝有  
朋來對奕月上松梢勝負記償酒債醉須止高卧冰綃  
天方白清涼無汗酷暑已全消

許嗣隆

望江南秋日雜咏

秋光好卷慢坐凉天似暗復明橫曉月欲連還斷散朝  
烟秋早是今年

秋光好回首路漫漫砧杵音中爐氣冷關山影裏笛聲  
寒無語凭闌干

秋光好禪榻淨無塵細雨似愁愁似雨淡雲如夢夢如  
雲墻罅一蟲聞

秋光好瑟瑟可憐宵香裏風光尋細膩酒邊意氣學粗  
豪只是覺蕭騷

秋光好爽氣豁心胸籠寫葡萄珠歷落盤堆荷藕玉玲  
瓏相賞莫匆匆

東臯詩餘卷之一

文圖

秋光好一葉墮斜陽鴻燕去來添悵望雞蟲得失費平  
章送目入蒼茫

秋光好拒妝買秋城樓角紅拖飄繡綴簷牙錦簇颭紗  
燈夜色漾空明

秋光好寒露濕窻紗碧枕香傳浮茗葉青缸影動護燈  
花銀漢一些些

秋光好逐隊度秋風秤過鵲鴉裝錦袋聞回蟋蟀貯花  
籠三市六街中

秋光好天宇碧鱗鱗月印竹枝書个个風迴雁字寫人  
人南望隔秋雲

阿那曲 春圖

春烟無力穿簾幕花盈盈隨意落倚遍闌干不了愁  
晚來更覺春衫薄

如夢令 紅橋晚眺

綠抹山樓波映紅入酒旗風定送眼到空濛幾縷斜陽  
將盡一陣一陣花氣樹光烟影

貂裘換酒 次韻贈戴介眉

大地梨園也徧乾坤當場傀儡盡蚩蚩者白眼讓君橫  
一世漫學杜鰲蕭亞原不肯寄人籬下試看屠沽多富  
貴合沽鞋竹杖任滿灑杯中物供陶寫 何須耕釣求

東臯詩餘卷之一

文圖

諸野待雄才揮戈磨盾雕龍倚馬不則文章游戲耳嬉  
笑甚於怒罵待他日逃名洛社醉舞狂歌天地老把催  
花羯鼓花前打笑優孟衣冠假

惜秋華

九月十四日周吧公先生招飲寓園余  
以生日未赴次韻奉東

如我兩人夏徂秋各有無窮懷抱捧釣煎茶也當烟波  
埋照青鞋白襪歸何處况復塵飛雲擾仰天笑且須珍  
重這遼東帽 三十過頭老恰生當此日霜秋皎好遙  
憶名園高會狂夫未到開尊自就繁花正空庭天高月  
小閒了却纔知酒多愁少

水調歌頭 題范汝受小像



如画鬚眉好画裏更逢君翩翩濁世游戲龍馬見精神  
雙眼樂遊原上一夢大槐宮畔贏得此閒身心兼賦  
手無處着丹青拂烏衣對綠樹眺青雲笑他張儉無  
計白首歎飄零萬一鷗鷗變化忽地麒麟圖寫軒冕易  
山林出處誰為是試問卷中人

前調 陪徐方虎先生水繪菴泛舟

雲影分初夏鶯語接殘春渡邊春水初漲十畝碧鱗鱗  
烟外扁舟閒弄翠袖凌風掠水細碎動波紋雨濕巫山  
夢浪湧洛川神有塵妝欲墮情脈脈最宜嗔尊移晚  
興冉冉羅襪裏香塵盤底朱櫻射覆簾下紅牙按板一

東臯詩餘卷之一 十 文圖

石更留髡詞譜銀光紙花醉玉堂人

惜餘春慢 立夏日同徐方虎先生王公珮同年  
薛絳遠冒青若飲匿峰廬有懷冒辟  
疆表兄時辟疆客吳門

細麥垂花圓荷吐葉無計留春得住半灣流水一片孤  
城步入夏雲深處却喜酒坐琴言簾影浮空斜陽暗度  
暮烟生鬢影衣香縹緲非花非霧漫回首離思縈懷  
歌殘笛歇四座停杯無語風牀卷幔月檻籠紗寂寂溪  
山誰主遙憶長亭短亭芳草粘天路迷前浦料江南杜  
宇頻啼啼道不如歸去

夏初臨 陪徐方虎先生集冒青若深翠山房時  
有校書綺雲在座

麥氣含風槐陰釀雨園林乍暖還涼滿徑苔痕分明綠  
映蘿牆燕泥蹴落芹香看穿簾入幙雙雙藏闥送酒添  
衣卜夜人在深房遊踪落拓大似旗亭風塵高李詞  
賦齊梁殘陽帶月一鉤初褪微黃花影茫茫傍溫柔沈  
醉為鄉總相忘盲風噩浪萍水滄桑

鶯啼序 庚申暮春水繪菴泛舟彭美門先生聞  
情韻

老矣英雄眠食外寄情花鳥憶亭畔蔓壑枝峰開徧媽  
紅春杪咫尺吾廬成懶慢蒙頭布被忘昏曉問埋憂何  
許除是酒多愁少鞋襪東城樽壘北苑春服裁吳縞  
面長空放眼看雲心胸鬱積都掃對繁花紅紫猶垂眺

東臯詩餘卷之一 十一 文圖

新篁青葱未了笑生平夢斷山陰此閒如到春波更  
綠隨意松舟檣楫穿迴溪曲沼驚徹底澄鮮鏡影盪光  
照人歡笑四面烟霞雨頭簫管春情細膩兼駘蕩忽一  
聲長笛羣音悄夕陽在樹暮寒側側侵入看柳絮微風  
攪又聞曲中另起歌頭一線晴絲裊近水清音嘹亮  
水調依稀賞心娛目燈前偏好黃鸝樓遠赤鳥人在白  
頭青眼知誰向只我輩心期還相照酒酣耳熱歸來醉  
裏乾坤其鄉不小

八節長歡 癸酉元日早朝

鳳歷初開獸尊方設月是春王霜濃旗影重風軟漏聲

長六飛親出舉裡祀遵 法駕鷄時鸞翔祝罷 慈寧

萬壽 天子垂裳 銀青金紫成行效虎拜珠簾掩映

龍光扇影拂爐香稽顙至又看百國梯航 金莖賜

命侍從玉梳擎將遙相望前星少海 青宮更祝元良

兩同心 咏琉璃燈

望去疑空看來有色熒熒地玉鏡常懸泱泱處冰壺不

隔恰掩映火樹銀花寶光相射 纔把蘭膏添得中邊

如一水晶琢龍子深宮玻璃碾蛟人密室有照夜顆顆

明珠蟾蜍休出

帶人嬌 春風

東臯詩餘 卷之一

主

文圖

裊裊停停細細游絲一縷是淡蕩微風潛度穿簾入幙

又何曾暫住輕薄甚乍暖乍寒家數 雁影斜時烟光

斷處搖漾得春情如許送來短笛曲裏殘陽暮偏好夢

吹不到江南去

漢宮春 上巳

楊柳飛花看青春深矣三月初三暖風搖漾吹面也覺

微酣蘭亭何處過西湖多少晴嵐休問那流杯曲水烟

波還隔江南 却憶佳人攜手赴綠濃紅軟新試羅衫

園林未開芍藥情蕊空含添人惆悵傍斜暉垂柳毵毵

只好向黃鸝聲裏商量斗酒雙柑

憶王孫 春閨

湘簾微漾杏花風縷縷斜陽襯落紅翠袖寒生玉笛中

數歸鴻水影山烟一萬重

生查子 春愁

不知何事愁脈脈愁無語草草共花花總是添愁處

愁自在心頭翻向眉閒聚原是隨春來還望隨春去

多麗 郊望

踏晴沙特來領略春華最清疎迤南城關何曾伐鼓鳴

笳對瀟沅疑雲疑雨向縹緲非霧非花雙眼曾騰一身

瀟灑東風帽影任斜斜叮咛外聲傳空谷鶯院接蜂衙

東臯詩餘 卷之一

主

文圖

耽幽處冲融杳靄且住為佳 漫支頤峰頭樹尾輕紅

襯出朝霞閃金碧叢叢佛寺面水竹個個人家臘味須

沽春衣堪典酒旗風颭有些些荒塗畔金魚石馬芳草

不能遮空畱下千年勝算萬古長嗟

念奴嬌

癸酉杪春過慈仁寺海棠院花下迴憶

辛未三月潘楊聯年兄招同同年諸子

置酒看花賦詩移日今廣菴子武歸江

南景峰歸陝楊蠟竟成隔世聚散存亡

有慨於心一闌志感詞不足言也

綺寮紺宇正繁花纔吐春風駘蕩屈指三年成一夢往

事何曾得忘橘裏商山槐中南郡邱壑生遐想烹葵醢

酒潘郎意氣豪爽 今日樹隔江東雲迷渭北只是添

惆悵况復黃門膺帝召又去玉樓天上腹轉車輪口銜  
石闕淚眼花相向人琴亡矣海棠依舊無恙

桂殿秋 雨中

風片片雨絲絲春情偏在晚春時  
矍鑠紅穩獨兒睡簾  
幙青搖燕子歸

夏初臨 本意

麥颺輕花荷浮細葉纔知昨日春  
歸釀雨含晴曉寒庭  
院添衣柳花偏眉游絲傍湘簾又過樓西海棠開後金  
梭烟重玉剪風低  
久知笋綠漸覺梅黃香蘭習習芳  
草萋萋清和時候江南最惹相思更有誰知一雙戲蝶

東臯詩餘 卷之一

十 文圖

向人飛自徘徊晝長夜淺好夢依稀

雪獅兒 臘八日同兒子大儒食粥

但糜自可又何必飲太邱實錄白玉為堂風味原非梁  
肉清疎不俗况臘八果鮮蔬熟今休羨党家羊酪石家  
豆粥  
只此也堪果腹快圍爐分昏小匙相續飽暖交  
加消受人間清福長安富足那有此勻圓嘉穀  
君恩  
沃父子同霑天祿

搗練子 喜秋

桐陰濕竹聲乾疑雨疑晴獨凭闌  
十丈塵消天欲淡一  
封書到雁初寒  
是日得家書

長命女 秋閨

游絲颺何處秋聲空外響秋在人心上  
人比黃花體  
態書寫簪花字樣生怕沈郎添悵望只說儂無恙

沁園春

新秋葉桐初過寓齋謔賞荒詞輒有捉  
贈次韻奉答即送歸婁東

其樂融融之子之來足音跼然笑東塗西抹吾憑孤掌  
南轅北轍卿聳雙肩好不可為富非所望沽酒探囊尚  
有錢銜杯久看奇姿鶴立情話蟬聯  
年來筆墨周旋  
但字裏行閒總未圓况滿篇沙礫汰洮居後九天珠玉  
咳吐當前白雪無權黃金有命食蠹安能使得仙卿歸  
矣這一邱一壑吾志原堅

東臯詩餘 卷之一

五 文圖

望江南 燕臺中秋追次舊遊漫成

中秋節記得在昭陽萬頃水烟涵月影孤村燈火照秋  
光猶侍兩高堂

中秋節記得在邗閩水榭濤翻銀浪湧画橋蕭瑟玉人  
寒丙夜不曾還

中秋節記得在金陵兩岸水樓橫夜笛六街瓦塔闌秋  
燈淡蕩月三更

中秋節記得在金閶石上歌絲風寂寂舟中絃索月落  
落虎阜到三塘

中秋節記得在吳州漠漠鐘催蕭寺雨濛濛雁送古城

秋絲竹絳紗罽

中秋節記得在家鄉堂背萱花含古色簷牙桂蕊送新香瓜果味偏長

中秋節記得在昌平山吐雲光明一院天橫秋氣冷諸陵笳吹未曾停

中秋節記得在滇南風漾雨絲山映碧雲涵月影水拖藍桃李綠陰含

中秋節記得在燕臺玉漏殘時歌板動銀蟾生處酒旗開興盡閉高齋

百字令 二月二日微雪晚起至官衙賦

東臯詩餘 卷之一 文圖

春光猶嫩又匆匆二月正當二日鐵馬丁東驚曉夢起坐不寒而慄聲打窻紗光浮簾幙微雪生虛白披衣攲戶春情如此蕭瑟揮鞭走馬官衙槐廳清冷更覺添顏色滿灑瓊花風外舞不見梅花消息薄薄銀光纖纖玉屑難得圓成壁御河清淺颼颼波面風急

前調 九月十四生日漫興

霜濃日淡又匆匆過了燕臺重九獨立崢嶸蕭瑟際烏兔任他飛走眼傍齊州氣吞雲夢一室纔如斗香銷茶罷黃花只待紅友何事筆陣書田東塗西林閒却持螯手大嚼淺斟忘日月愛我無過醇酒肘繫黃金腰圍

白玉此事吾何有亂頭粗服車中從閑新婦

蕭蕭落木覺空庭添得許多秋氣雁影濛濛烟影斷直恁冷冷清清地飲酒千鍾擁書萬卷差足強人意吹竽挾瑟看來非隱非吏伏擬老驥堪憐唾壺缺盡歌罷何曾醉晚食加餐堪當肉那得金螯玉脍佳佳居殊不易心口還相計思之爛熟自知難助無味

淫書蠹字到如今悔讀南華第一有客翹閭能負鼎用盡生平全力吾愛吾廬卿從卿法子羽來頭責黃簾綠幙但須知白守黑堪愛窘蠢迂疎送人作郡羣鬼揶揄劇細觀金魚珠勒馬曾到大槐安國蛇亦名龍鳴先

東臯詩餘 卷之一 文圖

得鼠何苦將人嚇盱衡今古春華難比秋實

西山對面問何如當日終南捷徑車轍未嘗來長者不用彈冠相慶長劍刺犀短衣射虎老子多豪興因人碌碌仰天狂笑公等說甚燕領鳶肩臣原貌醜勛業羞看鏡踽踽獨行徒自好敢說鸞文龍性絲竹中年文章千古聊寫襟情詠蓼我具在讀時清淡先遊

黃金縷 深秋

長笛一聲天似水秋葉秋花催得秋深矣南雁頻飛無半紙寫來幾個人人字

惜餘春慢 十月八日大雪

一帶瑤階幾稜銀瓦添得十分富貴鳴爐烘煖蟻釜驅寒便是侯家風味渺渺我思古人郢客歌高梁園賦麗笑當時冷淡無聊生活亦徒然耳更向晚皓魄流輝中邊表裏素影清光無二晶屏映外珠箔懸空更有瓊花點綴鶴顰何如羊裘綠酒青燈聊供游戲酒醒時放眼蒼茫古屋數椽而已

連理枝 咏燈花

照夜金釭麗細結蘭膏穗顆顆勻圓星星穠艷貫珠編貝把爐烟遮得不分明問燈花何喜未必不為瑞抑或偶然耳亂影搖紅繁花閃碧連枝並蒂頻褰衣低護

東華詩餘 卷之一

文

文圖

翠簾風拚今宵無睡

鸚鵡舌 冬月

碧瓦稜稜霜重紅簾漠漠烟輕添得姮娥今夜冷難言有恨無情影裏山河縹緲光中蟾兔分明

踏莎行 寒鐘

忽到青簾來從紺宇疎疎密密閒中數燈花敲落未曾傳寒宵寂寂長如許響斷霜中音迴風處鄉園有夢難歸去愁來空外濕無聲瀟瀟銷盡黃昏雨

憶黛眉 夜坐

月淡霜濃橫旅館借西風做成悽惋青女衣衫素娥眉

黛朱必此宵偏暖銀箭丁丁玉漏轉顧天公將他吹斷小院重闌孤城深鎖只有夢無人管

天香 雪後見霞

駕瓦拖黃蝦簾蔭白遙懸屋角天影一派空明十分濃艷未識施朱施粉輕寒乍暖霞共雪冷光遙襯西望西山看雁行遲疑不定半奩珊瑚朗潤壓冰壺玻璃微印又似玉兒嬌借紅兒暈又似蓼花灘畔有水鷺沙鷗羣相映如此風光画工難盡

石 伊

搗練子 秋閨

東華詩餘 卷之一

文

文圖

衣楚楚步珊珊粉褪脂銷倚玉闌貪看秋千窓下影露華濕透不知寒

生查子 織女詞

織布妾心悲織錦郎心樂織布妾為衾織錦郎衣著郎著錦衣溫處處新歡誰妾抱布衾寒夜夜常擔閣

女冠子 墜釵

朱鳥飛到正向越娥窗照曉粧酣染翠仍鬆髻裁紅更墮簪却愁瑤股折斜挂機羅尖羞遣傍人拾玉纖纖

卜算子 落月

斜月照空梁冷淡催刀尺玉手殷勤不怕涼祇為蕭關

客 未識郎腰圍近日何如昔擬把郎腰準妾腰生怕  
郎衣窄

謁金門 秋懷

經年別宮樹幾番啼鴉銀漢三更秋寂寂擣衣聲又咽  
愁把鴝鴒香熱絳蠟淚乾將滅獨擁素衾眠不徹玉  
堦蛩語切

木蘭花令 感舊

當年走馬青溪路長劍短衫肝膽露逢人不唱遠將歸  
結客唯歌君莫舞 如今寂寞蘅皋暮渺渺孤雲迷去  
住無情皓魄又團圓應照昔年沽酒處

東臯詩餘

卷之一

于

文園

玉樓春 有感

蘼蕪綠盡春山杳紅葉因風寒不掃故人原自勝新人  
何必相逢憐手爪 芳顏不信無同好一片離心秋草  
草叮嚀誰更領深情只有堦前秦吉了

南鄉子 初冬月夜

月色已非秋短砌凝霜露不流賸有黃花尚好優游  
細折花枝當酒籌 更喜足新筇百榼千壺倒未休醉  
臥東籬君莫笑颺颺任是初寒也破愁

臨江仙 曉發

玉露未收紅蓼冷曙光初照扁舟惡風濁浪打船頭心

中多少事付與水東流 燕子磯邊秋色斷何須惆悵  
芳洲閒雲只是伴輕鷗樽前吟楚些腰下看吳鉤

品令 洗硯

萬丈凌雲氣都分付端溪紫春蠶正渴筆酣墨飽一揮  
千紙玉匣塵封誰蘸寒烟冷水 君苗已矣藝林事休  
提起只將古硯輕磨兀自雄心爾爾漫展琉璃重把青  
花淨洗

風入松 立秋

素娥孤迥海天青花事漸消停午陰帶暑消殘夜南樓  
外梧葉初零說甚浮瓜沉李清宵燈火熒熒 薄涼曾

東臯詩餘

卷之一

王

文園

到短長亭烟柳伴伶仃湘雲盡日無心卷都分付歸燕  
流螢白紵聲聲吹也故人知否同聽

鎖窗寒 聞笛

入夜風涼亭孤屋小月明庭裏虞姬一闌黯黯笛聲盈  
耳猛思量虞兮奈何霸王事業猶如此況等閒繡紵兒  
曹黃卷那堪芬茜 殘壘烟和水但穩臥滄江暮雲都  
紫翛然夢覺長嘯一聲而已正溪邊瑤草芊芊伴清閒  
鹿羣鷺侶問先生活計如何酒熟烹雙鯉

百字令 浩感

男兒慷慨任牢騷不作悲秋形狀痛飲中山千日酒按

下虹霓萬丈箭冷穿鵬人閒射虎霹靂絃聲響封侯已  
矣東園瓜圃無恙 為問百石強弓何如一子投筆驚  
悲壯三十年來如夢裏老却修眉雄顧故李將軍灞陵  
都尉呵止荒亭上長風天末會須翦破驚浪

賀新郎

寒夜同馮潔士先生張孺子董明試集齋中用芝麓先生別其年元韻

古徑梅花發喜芳齋高朋滿座劇談陵闕夜迴風微寒  
色靜天意陰森欲雪又隱隱半彎新月炙免燒麝人未  
醉問樽前那有三千髮聽玉漏起城未 英雄梗概真  
心折看依然琴書寶劍囊無他物指點當年鏖戰處萬  
隊貔貅驍傑誰想道鼓沉旗滅碧浪銀濤南渡後染征  
袍尚帶沙場血須痛飲恨何益

東臯詩餘

卷之一

主

文圖

前調 戴介眉四十有一自製此詞步韻以和

衣白山人也看飛騰年過四十豈徒然者富貴神仙皆  
有分共道天公真啞權嘯咏東籬花下五色鸞箋新織  
錦儘揮毫潑墨淋漓灑感不絕臨風寫 英人鍛羽棲  
山野似當時儕雲朋月征西司馬浩歎田蚡滿目是使  
得將軍痛罵任脾睨青樽白社看取漁竿收拾起把笑  
蓉寶鐲從今打心正壯手方假

憶江南

本意

江南憶最憶是金陵紅板橋頭三疊曲青蓮塔上九層

燈何日更重登

江南憶其次憶南徐烟幕蒼岑飛碧練雨梳紅葉染青  
渠渺渺更愁子

如夢令

秋砧

小苑乍消殘暑處處西風砧杵聽到斷腸時殘落夜星  
如雨愁汝愁汝梁燕社朝新去

望江怨

重九前一日與湘弟同用菊字韻

東籬菊酣雨豪風早花簇寒林秋意禿預知宣武登臨  
促黍初熟莫更問茱萸恨人腸曲曲

醉公子

賁駟

東臯詩餘

卷之一

主

文圖

髻髻桃花面踏烟鞭赤電叱撥可憐貧錦繡將屬人  
珍重拳毛腹世人多相肉瘦骨壁嵯峨其如蹭蹬何

前調

賁劍

習貫細囊賤健兒豐羽箭萬卷蠹魚書爭如一鹿盧  
細磨光麗最銛鋒堪切玉繡帶紫金鞘長橋斷赤蛟

前調

閨茶

百沸魚吹浪密雲何客鉤茗椀豎旗槍爭如蒙頂強  
不須愁水厄清風生兩腋澱齒有芬香為君洗俗腸

生查子

閨眠

奩內翠鈿收牀下蓮鞋割誰與伴余涼只有香雲鬢

燭已乾心又渴花信成消歇冷釧壓酥胸却卸如環月

前調 閨早

網戶影遲遲揭幔憐秋早辛苦陌頭枝懊惱河邊草  
無言獨自背西風懶把香絲裏且入織機房細織天孫  
巧

卜算子 秋海棠

紅土淡嬌柔露泣胭脂面淚眼尋花恨斷腸腸斷芳心  
亂 寧止斷花腸花斷儂和斷花落香泥貯枕函留與  
郎歸看

武陵春 村中遇雨

東臯詩餘 卷之一

五

文圖

漠漠沈陰深柳暗新綠漲溪頭白鷺青鳬自在遊浩蕩  
可銷愁 村鼓聲聲農事好牧犢戲平疇况更嬌鶯語  
不休酌桂酒泛蘭舟

鷓鴣天 恨別

小雨涓涓潤翠樓薄羅衫子不禁秋犀梳倒挽離絲亂  
鳳杼慵梭別緒抽 人未去淚先流從來夫婿幾封侯  
知君慣唱涼州曲白草黃沙萬里愁

踏莎行 秋望

蛩蛩啼寒林蛩唱曉憑闌四望迷衰草蓼汀零雁帶霜  
棲孤城画角愁多少 五畝猶荒重門不掃愁容一夜

經秋老幾回搔首問蒼天蒼天黯黯行雲香

前調 即事

青荇紫絲朱荷飄蕊江燕遍發輕舸艤可堪村笛晚悠  
悠清商斷送愁人耳 紫笑撐波紅菱蔓水雙螯八跪  
尊鱸美一生長合臥烟霞無端踴躍居城市

百字令

馮潔士先生招同崇川錢五長謝嘯白  
許元錫張孺子天姥潘水壺飲寓齋共  
用坡仙韻

竹籬僧舍共聯翩江北江南人物木榻香溫紅蠟燭相  
賞圖書四壁謝屐登山江花恨別一卷如冰雪文章千  
古豈惟當代之傑 今夜筆陣詞芒縱橫排盡處弦無

東臯詩餘 卷之一

五

文圖

虛發拍案狂呼正熒熒窓外寒星明滅百罰深杯千迴  
巨挽酒氣酣衝髮吾曹豪興大都觴咏風月

前調 送別周證山先生步韻

巫雲變巖送行人變作陽關一段萬水千山吳地盡那  
更猿鳴隔岸樹老先紅橙新尚綠不覺秋容換肯如鹿  
豕終朝有聚有散 自歎廿載支離瘕癈吻鈍焚却君  
苗現且喜逢公清興發醉把茱萸細看桂柵仍開松扉  
又閉何事堪云善歸心急也料應非石難轉

桂枝香 照鏡

雙鸞自照歎近日蓬心竟如秋草敢是青牛去遠碧鴻



飛杳平生浩氣今安在瘦棱棱影形相弔沈公腰減潘  
郎髮薄又傷懷抱 懶登那松舟桂棹撫琴橫劍海天  
孤嘯箕踞科頭細讀酒經花誥支機石畔星河杳便乘  
槎何事來到問他窻下微風淡月破愁多少

雨零鈴 薄傳

深宮愁絕但涼天夜夜鎖涼月庭前桂子初發等閒又  
近中秋時節依舊銀缸暗淡與人伴寒冽想荔支錦臂  
海棠紅睡惟餘玉環熱 無聊且把生香熱更開箱驗  
取同心結歌喉舞袖休矣聊一唱管枯絃裂漏水迢迢  
催盡了雲淡星河滅便似此無對無雙只擁霜余鐵

東臯詩餘 卷之一

京州令 惜花

冷閣秋思懶怯把清湘輕卷疎櫳侵曉透風涼小山殘  
靨雨急花心顫惜花更拾餘花片花插雲鬟亂擬將鸞  
鏡初展誰知照見愁花面 人遠愁和遠愁人曉轡常  
轉秋來無數好花開紅英翠帶却在瀟湘畔非關淚眼  
看花倦無那花容綻遲郎歸日春風暖花前共把花枝  
撚

惜餘春慢 感遇

十載看花三秋折柳歷盡愁濤奔瀨驕蹄蹀躞迅羽飄  
颺金紫視同拾芥猶記初登鳳臺遙望三山一樽曾醉

歎孫劉當日虎爭龍戰幾番成敗 誰料着豪氣橫空  
飄然萬里兀未還完書債狼毫秃盡鵠眼磨穿近日無  
文可賣耐耐西風賺人去日苦多英雄無賴問蒼天玉  
璫金齋何似那蓬池膾

沁園春 吟詞

浩歎平生費月磨年構書結果此果何太麗飛虹跨棟  
沈香裝檻高矗雲霄氣貫千秋目空萬古一卷風雷起  
怒濤高臺下聽三更鶴唳五夜雞號 春來適長蓬蒿  
更與那辛秦初定交看美人吹笛音柔韻脆將軍打鼓  
節短聲豪泉咽危灘松鳴絕壑常共狂夫伴寂寥旁人

東臯詩餘 卷之一

道錢刀有用安事風騷

賀新郎 歸舟讀秋水軒倡和詞廣元韻

旅恨愁颺卷看當今詞人紅豆將愁俱遣雨過芳洲紅  
濕好疑是墨花猶泣真不負霜鷺銀繭羨殺驪珠爭攬  
處料當場肯讓才華淺斑管搦一時展 人生豈必封  
侯顯但揮毫千軍橫掃詞圓詩區俗眼當誰愛惜一  
似蜀中黃犬雕蟲技如何能免滿眼珠璣心醉笑解錢  
刀快把新筇典吟咏罷燭初剪

前調 飲東籬花下限韻

佳節輪飛陡一年中春正夏五怎如秋九霧紋烟收人

意健入夜清霜微透剛贏得東籬影瘦淺碧深黃兼姚  
紫論紛紛披不比他家有此中樂君知否 浮生豈必珠  
高斗又何須緋衣垂帶黃金懸肘曠野天清猿臂好莫  
放雙鵬高手試看取藏弓烹狗脫帽狂呼花月下典輕  
裘縱買鄆筒酒污吾目牛馬走

東皇詩餘卷之一

天

文圖

東皇詩餘卷之二

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

薛斑

有四壁齋詞稿

沁園春

晚出金閨門早舟至虎邱宿悟石軒是夜大雪

剪剪疎風絲絲嫩雨做就春寒向吳姬爐畔衝泥沽酒  
金閨城下帶醉呼船短簿祠荒真娘墓悄幾處柴門冷

東皇詩餘卷之二

一

文圖

霽烟三塘路覺今番七里遠較從前 黃昏直叩僧關  
借一榻安眠悟右軒聽塔頂金鈴琤琮擊碎樓頭玉笛  
宛轉吹殘攪亂鄉心驚回旅夢曉起推窗雪滿山憑高  
望似梅花萬點開遍層巒

前調 咏虞美人花次許山濤韻

意蕊情條纖縵紛敷真耶幻耶想垓下歌闌燈昏楚舞  
帳中血碧月射銀沙泣露啼烟愁峰慘蝶為惜朱顏委  
劒花千秋恨賸柔枝弱井翠鞦紅斜 疎風嫩雨頻加  
宛淚結紅冰透臂紗問鸚鵡呼來人歸何處鷓鴣催落  
腸斷誰家檻外嬾娟溪邊婀娜碧玉移將闌麗華評花

史謝江東父老憐取奇葩

前調 為內子題照

眼底驚看瘦骨支頤不似渠儂記二十年前鏡臺初下  
卿年三五我恰相同無賴流光多情煩惱銷盡當時雅  
淡容妝梳懶為長貧善病愁隱眉峯堪悲四壁秋風  
更羅計頻憐坐命官笑空厨無火庭槐自掃壺鹽不給  
野藿長供斗帳酣香釣簾印月舊事尋思一瞬中卿休  
苦有吾曹舌在未必終窮

前調 長安謝使君席上醉後作

姑妄言之姑妄聽之莫笑狂生看長楊獻賦人傳才子

東臯詩餘 卷之二

文圖

沉香侍宴詞譜新聲臺殿絲綸封疆保障旅還朝奏  
蕩平功成日羨燕然勒石磨閣題名拂衣早遂歸耕  
遇花月常教醉不醒更選妓徵歌金釵環繞談天炙轂  
珠履縱橫五世簪纓百年耆耋進安期證上清心方  
足但前因未種一事無成

水調歌頭 懷戴介眉客都

憶昔邗關別霜月冷侵門倏過清明百五花事半紛紜  
苦被幾番風雨牽惹一天愁思寂寞怨離羣雲樹渺無  
際悵望黯銷魂玉河水涓橋柳灞陵春爭似江南景  
物山色軟撩人為問京華舊識曾念相如遊倦擬與薦

雄文好待歸來日握手細評論

前調 藍署席上使酒呈瞻武澄溪謙公

落魄揚州客隻影寄藍田又見梅花飄雪絲柳綠含烟  
可惜三分春色轉眼二分已過歸計尚還延賴有素心  
侶良會勝平原重簾卷風入座月當天肯教辜負瓊  
瓏紅燭照華筵笑指索郎快賭競作長鯨川吸轟飲亂  
觥船莫歎無人管一任醉時眠

花心動 同余明尊吳西巖錢拱玉看桃花偶過  
石王香齋留飲用宋阮逸女韻

日霽烟收正紅桃如火未經摧折絲柳搖金杜若吹沙  
漸近牡丹時節年來頗怪游踪懶枉自信張儀有舌總  
東臯詩餘 卷之二

文圖

浪把韶光拋擲心枯腸結此恨謾勞重說對綠酒青  
燈且休愁切落落吾徒草草盤餐不讓五侯鯖設醉鄉  
有路甘同徙又何論身名湮滅莫辜負當前好風佳月  
念奴嬌 題李若金偕如君王素調羹圖即次  
來韻

鶯歌燕舞記前宵邂逅歡場曾共惱煞連朝風雨惡駭  
賊襟懷如凍落拓情悵困人天氣好選黃昏夢板扉慵  
出為嫌屐齒泥重最羨南國佳人隴西公子琴瑟供  
調弄一闋新詞題甫就漏閣籤聲頻送鼎鼐奇才鹽梅  
妙手暫向柔鄉縱他年事業披圖招取麟鳳

水龍吟 同郭振兮泛舟紅橋

七年不到紅橋重來放棹當三伏微風吹雨濃雲翳日  
遠天新沐碧藕香中画樓深處酒旗高矗望東船西舫  
衣光鬢影簾兒下人如玉 時樣內家妝束採香遊陂  
塘幾曲紅牙小駐丹唇潛轉歌搖金谷不管愁人中年  
以後神傷絲竹笑狂奴買醉無錢浪踏遍平山麓

念奴嬌

雪中早行寄龍叔先

朔風如箭結層陰催送一天濃雪旋舞六花銀滿地妝  
就瑤簷瑤壁半夜雞鳴五更人起行李衝寒發登車遙  
望千林飛鳥踪絕 此際羅綺叢中紅酥手暖繡被香  
薰徹一枕溫柔雲雨夢誰信嚴冬凜冽曾念長途水凝  
東臯詩餘卷之三 四 文圖

前調

吳門重晤黃龍士

春殘一別歎飄零又早歲云暮矣我苦淹留君未返天  
地沙鷗同似握手他鄉論心客舍暫醉吹簫市寒燈促  
膝低徊無限情思 猶憶故里初逢君年英妙我亦稱  
豪士曾得幾場花下飲倏忽吾衰將至雨棹烟帆酒旗  
戲鼓濕盡青衫淚此都鬱鬱為君須亟歸耳

前調

吳門返棹路過三塘晤別格人見示何鐵  
画扇并詞即次元韻

漂蓬千里恰歸來又是殘冬時節羞澁空囊從鬼笑祇  
剩登山雙屐岐路逢君饑寒驅我共歎家徒壁清宵相

對空憐三月離別 聞道北固狂生揮毫縱飲濁酒鑄  
中熱更寫幽人臨絕嶮下視乘風飛鷁松色堪餐雲根  
儼活妙理渾難說奇才如此世胡欲殺何鐵

前調

藍田途次寄別鄧謙谷

鞭絲東指正殘紅零落胭脂鋪地撩亂春光曾幾日花  
事半隨流水極目青山粘天碧草客路誰同醉藍田漸  
遠回頭無限情思 憶昨野寺持觴芳原繫馬送別驚  
分袂耿耿相看人竟去也覺魂銷此際聞說感恩不如  
知己古語君應記前歡可續雙魚莫惜頻寄

踏莎行

舟宿吳陵雨中有懷

東臯詩餘卷之三

五

文圖

落日催行重陰放棹孤舟信宿吳陵道瀾漫野漲浸荒  
城平川一望無青草 熠燿螢翻官私蛙鬧不眠愁被  
鄉思攪吾廬今夜雨聲中燈前有個人煩惱

前調

早發句容縣

夜柝敲殘晨雞啼歇漫漫磧上沙如雪山高馬滑路崎  
嶇衝寒行盡前村月 露洗長林風欺短褐柔腸對景  
愁千結天公不肯靳霜花星星亂點離人髮

減字木蘭花

丹陽道中聞雁時染小恙

披星浥露趨過丹陽城下路倦策吟鞭雙槩平波逐曉  
烟 河橋風惡吹送離鴻沙際落欲倩傳書惆悵平安

兩字無

前調 清平港半夜大風幾覆舟

拖烟抹雨已到黃昏投港住陡起狂飈攪亂江半夜  
濤 山鳴谷應長嘯劃然天地震底事心驚噩浪盲風  
我慣經

金菊對芙蓉 四十自壽并壽內人

廿載同隨半生同病韶華恰又相同愧巨源才學說甚  
山公每思與缺齊眉好幾年來廬下勞春我恥無聞卿  
傷見惡憂恨重重 回頭坎坷途中只如今相對也算  
難逢笑充囊詩卷未救奇窮謝卿莫漫羞貧賤有雲海

東華詩餘 卷之二

六 文圖

洗盪心胸太冲嬌女淵明劣子且醉花叢

風流子 本意贈妓吹石王香韻

輕車來此里盈盈女家傍白蘋洲見嬌點梅妝壽陽漢  
殿俏吹鳳竹弄玉秦樓魂銷盡華燈雙影顛斜月一痕  
收曲和鵲絃歌名宛轉枕移皓腕鄉號溫柔 佳時容  
易度聽譙鼓三襲又打樓頭怕是秋宵不永須閨更籌  
其紫宮爭咏金丸翠被錦鞋漫賦碧纈細勾且學顛狂  
風絮浪逐波流

蘇幕遮 無題

臉波微眉暈小帳掩流蘇遮莫歡多少繡被鴛鴦頭共

倒細語低迷沒個人知道一意冥冥聲悄悄一枕高唐

飛夢巫峯繞惆悵殺無情難喚曉催起曉曉又上紗窗了

金縷曲 京江舟中四十初度生吳門韓慕蘆先生

四十今朝是鎮無端孤舟滿載一天離思半世風霜搖  
落盡槁項真成窮士豈甘作庸庸餘子生不同時逢狗  
監困泥途誰薦雄文似愁不斷如江水 行行漸指吳  
閭地記當年平章花月裁紅縷翠忽漫光陰催轉軸精  
力已銷亡矣怕華髮星星垂耳賸有公榮堪與飲縱淒  
涼客路休辭醉醉歌金縷祝強仕

前調 吳門席上使酒贈姬人

東華詩餘 卷之二

七 文圖

吾老是鄉矣又何須求仙辟穀從赤松子服食多為藥  
所誤爭此飲醇能醉論達者彭殤同致暫解纒頭偃舞  
袖儘吹簫擊筑吳東市得且住為佳耳 蘇臺漫說風  
流地看如今荒烟蔓草苔封塵翳不見館娃人似玉腸  
斷零珠冷翠空極目殘山剩水一片楓林紅露灑似榴  
裙血染青衫淚歡未竟愁仍繼

滿江紅 元夜藍署即事呈韓瞻武孝廉謙谷使

月暗燈昏總湊做淒涼元夕那更是流亡滿目魂銷羈  
客遼邈關山音信杳蒼茫雲樹家鄉隔怕春風吹雪上  
華顛頭成白 愁脉脉紫如織心耿耿絲如棘縱強拚

拋下怎生拋得被酒難尋張子布逃名不過孫賓碩聽  
哀鴻嘹唳叫三更添悽惻

金縷曲 燕子磯懷古

帆挂秋江半瞰高空長山如帶長河如練燕子磯頭凝  
暮靄無數舟停水面看不盡山容近遠蘆荻洲中森敵  
壘戰西風搖颺牙旗展黃葉舞碧雲卷 留都自昔稱  
雄健笑吳兒籌邊乏策空誇天限惟有波心一片月照  
徹古今不變歎轉眼興亡飛電試向鍾陵高處望問當  
年王氣今誰見思往事情難按

前調 金陵旅中初度

東臯詩餘 卷之二

八

文圖

歲儉依人住猛傷心他鄉他席又逢初度荏苒韶華過  
四九受盡虛名耽誤儘流落酒旗戲鼓潦倒半生饑欲  
死羨侏儒飽飯教臣妬仰天笑冠纓汚 當年壯志聞  
雞舞占騷壇縱橫牌闥齊名韋庵十載銷亡精力倦羞  
說雕龍繡虎空躑躅天涯岐路旅館三更驚雁叫對孤  
燈語遍淒涼苦悲老大淚如注

前調 同友人雨花臺訪張南村不值路過報恩寺看菊

相約城南步望蒼茫雨花臺畔迷烟鎖霧行到山前剛  
數里繞遍水村漁浦問昔日詩翁何處茅舍竹籬知在  
否怕西風吹入青冥去人不見眼空注 憑高遠眺天

涯路最關情離鴻聲徹白雲紅樹鐵甕城遺沙滾滾隱  
約龍蟠虎踞更塔影橫空倒豎且向招提尋往蹟渡危  
橋手挽疎藤縷黃菊好暫延佇

前調 寄贈何鐵三十初度次鐵珊先生用辛稼軒元韻

龍犬從人說說何生癡狂懶慢居然懷葛落拓天涯三  
十載歷遍窮途霜雪總理沒朱顏綠髮回首江南風物  
好枉飄零辜負梅花月鎮日鼓齊門瑟 與君動是經  
年別更堪悲多番坎壈幾般離合血裏輪囷銷鑠盡祇  
剩峻嶒瘦骨空大笑冠纓索絕此後相逢須痛飲將黃  
鬚醉舞龍淵鐵看世態目皆裂

東臯詩餘 卷之二

九

文圖

望江南 歸舟雨阻楓橋

河橋夜風雨最難禁點點驚殘孤枕夢聲聲滴碎故鄉  
心客淚暗沾襟

前調 別怨

嗟別後嫩質老風塵柳弱不堪縈醉客花愁多為憶離  
人寂寞暗銷魂

前調 秋夜

更漏永起坐自傷神嘹唳雁鴻悲遠磧淒涼砧杵響寒  
村入耳總銷魂

憶秦娥 丹徒道中偶見

香風裊湘裙低視凌波小凌波小行來印破霜痕多少  
倉忙錯走林間道含羞愈覺丰姿好丰姿好搔頭伴  
整侍兒斜靠

唐多令 京峴山望揚子江

木落失山青山高阻客行行不盡石徑峻嶒京峴山前  
聊憩足風凜冽客衣輕 白雁叫蒼冥清霜點鬢星裊  
孤烟沙磧寒汀遙望江邊知不遠還繞過潤州城

蝶戀花 藍署紀夢

涼透竹窗剛薄暮一枕餘甜迷卻黃河渡秦水泰山無  
盡處尤雲瑞雨終難據 明月樓臺橫白露半晌貪歡

東臯詩餘 卷之二

十

文圖

忘了來時路怪煞夢魂留不住秋聲觸碎芭蕉樹

滿庭芳

同澄溪謙谷二使君贈武孝廉集張楚白秀才輻圍看玉蘭花

麗日烘梅輕烟染柳錫簫催近清明春風吹綠草色暗  
山城共指蓬蒿三徑尋仲蔚小憩荒庭繚垣下悄無人  
跡玉樹獨數榮 江南當此際木蘭開放地粉天瑤見  
他鄉凋謝身尚飄零顛悴藍田倦客怕重聽茅店雞聲  
花前坐休嗟潦倒拚醉對良朋

鶯啼序

庚申暮春水繪鵬泛用彭義門先生韻

麗日烘晴聽柳外數聲黃鳥卻繞過嶽降良辰年時候  
又春杪紫陌踏青春起晚朱樓浮白貪眠曉看朝來雪

壓紅褪海棠多少 玉李花穠碧桃萼破一望如銀縞

惜蒸霞幾樹纖紛亂隨流水難掃啄蒼苔翠羽拚飛掠  
晴波紅襟來了美風光不減武陵漁郎誰到 廣寒深

處欲把嫦娥喚醒駐清池曲沼儘簫鼓中流選妓徵歌  
恣情歡笑玉屑分餐金波長吸吾儕痛飲為佳耳怕更

闌月黑園亭悄十年心事茫然暗自銷魂禁不住柔腸  
攪 那堪重見昔日何戡宛轉歌喉裊裊憶當年筵上

雲母裁將雪兒唱徹紅鹽偏好舊恨如絲新愁似織費  
騰醉眼頻迴顧只樹底殘燈弄餘照蹣跚緩步歸來仰

視中天春星漸小

東臯詩餘 卷之二

士

文圖

賁黃理

有承問堂詞

昭君怨 題畫

妾在繡幃中住郎向錦叢中去花氣滿園香守空房  
心被簫聲吹動月被花陰撇弄排悶強觀書悔當初

一剪梅 贈龍溪和尚

老僧禪號慣名溪前有曹溪後有龍溪試拈宗旨問龍  
溪當屬曹溪當屬龍溪 一輪明月下前溪也入龍溪  
也入曹溪能忘萬事對清溪何必曹溪何必龍溪

滿庭芳 秋夜述懷

雁送秋來蛩催夏去景物只見翻更我生何事終日苦  
營營豈是天公算定細自思實困疑城從今後虛空揉  
碎何處繫人情 情真無繫處花隨水遠雲逐風輕歎  
乾坤若大安用虛名漢武秦皇何在即使在在亦平平  
何如是澄懷觀道寂坐想無生

山漸青 楚陽通中

山漸青水漸青山水青青送我行春風真有情 花一  
層柳一層花柳層層映旆旌揚鞭遊帝京

散餘霞 晚抵羊流店

小樓烟鎖空村靜駐馬尋芳徑花影爭趁斜陽鬧蜂兒  
東皐詩餘 卷之二 十三 文圖

不定 殘春客衾尚冷貰酒消孤悶醉想叔子風流且  
憑闌索咏

龍山會 九日中頂登高

同是江南客燕市登高還向南郊集秋山蒼翠滴染霜  
林媚我題詩江筆佐酒有黃花又兼是天青雲碧任吾  
儕狂歌痛飲帝城生色 憑闌遙指虛空冉冉斜陽聽  
雁聲嘹唳此時云樂極更何必翠管銀篴方適景物有  
何常能得趣時時堪憚不然富貴徒苦耳甚為可惜

千秋歲 麥飯亭

水烟縈繞已到滹沱了山影亂星光小風生花自落鳥

語天將曉荒碣畔遙看麥飯亭敔倒 大樹將軍香滿  
地王孫草空歎息徒憑弔昔時人已歿此日春尤老追  
往事都如夢裏邯鄲道

滿江紅 井陘

壁壘無存止留下河山歷歷歎淮陰用兵神變古今誰  
匹背水奇謀天欲笑陳稀暗事人為泣論中間功罪不  
無分還該恤 定垓下誰之力遊雲夢誰之失既猜嫌  
滿肚自然成隙三楚移封恩已薄諸侯俎監心尤感縱  
當誅亦自有王章由巾幗

感恩多 豫讓橋

東皐詩餘 卷之二 十三 文圖

赤橋名豫讓豫讓殺橋上至今橋下頭血還流 三躍  
斬衣而死足千秋足千秋地覆天翻報讐心未休

金明池 黽園

太乙金波明霞蕩漾紫閣朱樓瑞靄皇居畔烟村月嶠  
畧點綴儼如仙界繞萊葭鷺鷥翻風足菱芡鳬鴨喧爭  
驚瀨更接近瀛臺龍舟時泛錦纜斜牽衣帶 黃柳襠  
中遮繡蓋看有道曾孫際時清泰宮閣燕樂賡魚藻江  
海浪息鯨鯢億數吾生驀地情深不夢叶能蕉翻成狼  
狽笑萍梗天涯魚水君臣未審何年歌拜

歸國遙 黃花鎮晚眺



光燄轟轟翠峰雲霧斂紅樹滿山風颭帶棲鴉幾點  
落日塞門將掩看旌旗閃閃鳴笳疊鼓聲闌歎王公設  
險

秋蕊香 錢瓶菊

消受清香最久今比我客還瘦欲將伊送芙蓉岫臨別  
信難分手霜天寥落風威驟飲杯酒素瓷瑤水仍如  
舊來歲秋清重候

淒涼犯 寒柝

霜鐘一發收魚鑰千門燈火初揭膈膊何聲簷頭牆脚  
高低相接淒淒清幽咽乍疑是砧敲涼月卻原來無衣何  
東臯詩餘 卷之二 文圖

處手凍心如結聽到三更盡虬箭頻催幾曾得欲珠  
樓錦帳夢巫山雲峯疊疊日出酣眠那知道更殘漏微  
卻還愁酸風醞釀來夜雪

傷情怨 官滿

長門秋夜靜悄欲睡誰纏繞為甚心中惹閒愁不了  
坐聽金壺漏曉卻怎生聲聲如搗記得當熊回思何草  
草

烏夜啼 官鴉

飛飛日在昭陽恁顛狂長喙傷人彈射忌君王頭早  
白身漆黑妒無雙倘似趙家飛燕也何妨

美少年 官柳

青青垂玉階貪舞春風早趙女闌腰肢嫉妒生多少  
色易衰難自保回首邊霜到葉葉帶愁容棄置同秋草

柳梢青 官鶯

柳坐金衣窺簾欲語故意飛飛婉約生姿踰躑有致宜  
在宮闈銜花鬬草依依往別院休傳是非嬉好無心  
昭儀多妒構陷傾危

愁倚闌令 官槐

槐生耳畫初長倚明光枝上鴉雛爭哺急墜紅墻闌  
外雲上瑤窗槎枒屈曲影微茫遲日濃陰迎翠輦勝昭  
陽  
東臯詩餘 卷之二 文圖

碧桃春 官桃

隔簾紅影漲明霞霞邊來內家心疑明主駐羊車焚香  
迎翠華卷珠簾是桃花天天拂絳紗回眸慵看起長  
嗟無心掠鬢鴉

滿宮花 宮中金線菩薩

佛前花天上種玉潤珠圓金孔先皇手賜舊宮人妾亦  
曾沾恩寵到如今成骨董那得不加珍重興亡感慨  
立西風暗泣常懷驚恐

聲聲慢 長樂鐘聲

黃扉初閉殿閣風輕長空霧烟如縠萬戶千門燈火漸  
收馳逐宮中一聲嘹唳透重城響驚林麓清夜永任鼓  
風咽雨穿花度竹直待雞人催曉朝臣集靜鞭三下  
繞伏聽爾勞勞今古徒懸華屋此時興亡閱盡剩追蠡  
一線橫木倒不若那簷鈴君常在目

八節長歡閻先祿梅公邀賞園亭

京國名園獨無金碧倍覺高超峯迴蟠曲礪嶺斷接飛  
橋亭臺隨意點空翠借黛色圖畫山腰繡鮮蒼苔滿地  
紅樹飄飄霞光掩映如潮酣飲處紗窗月挂松梢好  
景欲移情又況是玉人何處吹簫詩魔發隨筆寫占斷  
東臯詩餘卷之二  
文圖

丁之翹

滿江紅次和岳武穆

二帝蒙塵西湖上笙歌未歇惟武穆中原掃蕩請纓倍  
烈刈賊雄師旌掩日渡河壯氣猶吹月都祇為擔了國  
家憂報仇切朱仙鎮將恥雪奮敵愾期烟滅恨權奸  
在內金甌玷缺字刺盡忠猶在背淚彈義勇應成血有  
誰能山甫佐中興補其闕

前調追和沈石田題宋高宗賜岳飛手勅○手勅勒石夏使橋沈潤卿掘地得之丐諸名公題咏

當日昏庸委飛建中興之勳何傾信譏謀害正妄加羅  
織致使忠臣蒙顯戮反將愼士稱良弼把貞邪顛倒亂  
朝綱冤沉黑也屢諫求和失也屢辯戰征得想天心  
厭宋使伊賣國唾手君親仇莫復誓心天地功難立縱  
遺留手勅至今傳嗟何及

沁園春用韻追和邱瓊臺高宗殺武穆

獄決風波功隳沙漠往事堪哀當朱仙兵進犁庭指日  
卻因何故疊召金牌檜縱營謀俊雖黨惡皆以昏庸種  
禍胎思恢復歎十年之力一旦成灰吾為探出私懷  
恐駕返徽欽忌且猜任中原躡踪姑為退避淮南猖獗  
東臯詩餘卷之二  
文圖

首出臯亭降表恨與山堆

前調讓岳少保輕易班師

大義勦君精忠捍國方虎之才值鸞輿阱陷邱墟宗社  
急須恢復匡救其災應變宜權守經貴達繩墨拘牽大  
事乖聞君命將在軍不受異論金牌軍如山岳難摧  
在戢亂中原必首推况郾城破馬腥殫電逐朱仙整旅  
豪傑雲來榆塞成功業街待罪君義臣忠兩得哉惜輕  
返致千秋評論尚有吾儕

張圮授

有茗柯詞稱為白髮詞人

憶秦娥 柳舟紀遇

燈來了柳邊有隻船兒小船兒小孤孤另另棹來縹緲

香樓黛閣人多少個人只在天然好天然好閒愁一

種眉峯知道

減字木蘭花 惱狂奴

半生愁裡下截新愁從此起惱亂春風只在梨花細雨

中金門夢遠焚卻牙籤書萬卷臥聽殘更又是鄰雞

第一聲

沁園春 壚頭送潘鏡如歸新昌

東臯詩餘 卷之二

文圖

彈鋏無門飄泊江南那不思歸記秋宵把袂襟期落落

寒窗染墨想入非非北斗金高三都文賤凍死誰人為

解衣君歸矣有南陔白髮繞膝相依還期刷羽奮飛

慢惆悵知音世所稀任天無老眼權時蹭蹬人剛綠鬢

不久棲遲我買江魚沽魯酒行矣安仁醉莫辭銷魂

處是橋霜店月雁陣迷離

前調 題丁子硯還讀我書之村

萬事都慵懶慢無堪悲歌自怡去城西十里誅茅為屋

柳邊一帶種菊編籬貯盡好書買來破硯澤畔行吟有

所思烟深處更平田時藥曲水通池從他城市紛靡

只沁水衡門可樂饑聽夕陽牛背數聲笛弄晚秋蟹舍

幾點漁炊揸架標題充簾書畫一幅淵明歸去辭人間

世自讀書以外無事堪為

百字令

冬夜馮潔士大行招同五長我白元錫月川鏡如集飲寓菴

羣賢畢至恰圍爐促膝寒冬風物板屋三間僧院冷人

倚蒲團半壁劈繭闌題分箋染翰競吐陽春雪看君用

意不虛今代詩傑最是黃菊花殘雙螯斗酒高興還

頻發笑指牆東千箇竹烟裏夕陽明滅畫閣誰家簫聲

清婉嫋嫋歌如髮醉中分手樹頭猶挂殘月

玉蝴蝶

竹齋中醉別同仙裳鏡如步月城南因過水幢師達曙

東臯詩餘 卷之二

十九

文圖

醉罷三通譙鼓起來作別烟月蒼茫為訪城南老衲又

扣禪房犬牢牢竹籬夜靜松冷冷土壁苔荒故雲堂旃

檀香施稽首空王徜徉一談一笑或行或坐賓主相

忘忒也清狂通宵幽課興偏長撫金徽引商刻羽滌破

研潑墨生香只琴張冥心緘口宴坐繩牀

八聲甘州

贈別金沙于象明

記採茶歸後甫重來底事又思歸正暮春時節林園綺

麗櫻筍鮮肥因念江南風景欲去戀庭闈兩岸啼鶯處

楊柳依依尚憶水邊書屋袖新詩見訪低扣柴扉就

松風煮茗竟日鬪芳菲悵無端匆匆話別恰麥秋村舍

棟花飛旗亭上斜陽芳草皂帽牛衣

喜遷鶯 歸來

歸期初卜正岸柳噪蟬籬門映竹石只一拳天惟尺五  
放着兩間茅屋人有淵明堪學書有漆園堪讀倚杖處  
縱就荒三徑猶存松菊 幽獨算往事蕉鹿華胥任雨  
雲翻覆一瓣好香數甌佳茗占盡此生清福索把上林  
詞賦改作閒情題目從此後但樹邊黃卷溪邊黃犢

金菊對芙蓉

東村晚歸喜周鐵珊先生下榻舍  
梓蘭若蔣山人招同夜話即席  
相為倡和

白鴈橫天黃花匝地可憐時節深秋自荒村策蹇暮返

東臯詩餘 卷之二

干

文園

林邱到家未及聞言語見僧雖短簡相投為言佳客渡  
江遠至下榻僧樓 倒屣何敢夷猶早芒鞋竹杖夜訪  
羊求喜豎壇名將老益風流漫言別後相思苦請交看  
白髮雙頭主人興發三更不寐只勸香甌

江城子 乾溪方丈題壁

野塘秋水路灣灣學深山掩柴關杓柄溪聲隨分住人  
間白髮蕭蕭窗下坐花散誕竹平安 六時清課在毫  
端拂齊紈墨光寒歲歲年年懶去靠蒲團只是秋來方  
丈裏書滿架背人看

金縷曲 寓園即事為周鐵珊作

不用黃衫客悄攜來十二樓頭掠雲拖碧鬢影衣香紅  
樹下宛似深閨深僻幾暑作秋娘私宅妾本丹陽城下  
住遇齊梁賦手人無敵值得折東山屐 酒旗歌館還  
能憶記當時曉風殘月五更吹笛舊綠紗窗今在否餘  
得釵兒一隻鎮目斷江南江北十斛閒愁君釣起妒君  
家有個人同立腸斷也砧聲急

前調 石王香招飲東籬

風約傳來陡占東籬今番花事君居其九小圃西頭開  
屏屋匝地黃金冷透也值得苦吟詩瘦幾尺珊瑚爭賭  
勝問秋光似此何曾有紫絲帳今存否 飲場膽大元

東臯詩餘 卷之三

壬

文園

如斗儘相呼霜風拂面免毫絲肘羞學金桃工獻媚白  
晝山莊嚟狗看我輩拍肩攜手此夜留髡同買醉罄小  
槽紅滴珍珠酒詩七步分頭走

多麗 贈晉人

傍東牆寒烟老樹蒼茫向此中鋤花灌竹區區貧也何  
傷書五車有兒能讀酒一石賣賦堪償策杖探梅尋僧  
踏雪水邊林下恣徜徉縱博得神仙富貴勘破也尋常  
爭似做詩家沈謝詞苑王楊 數年年江河日下何須  
潦倒風霜招不來青門寄傲麾不去白社埋狂鶴戴書  
歸鹿銜花臥茶經丹術滿縹囊臣本是農家之子所業

在田桑任沒齒藜羹食豈羨膏粱

念奴嬌

同雪巖和尚黃理過蔣山老人靜室聽漁鼓簡子

陡然冰冷聽山樵漁鼓遊仙一闕不待三聲腸已斷惹得咽喉嗚咽黃面瞿曇青蓮居士罷擊催詩鉢分班而坐鼓音點點疏越 是甚任俠荆高酒酣膽壯雙耳輪根熱漢武秦皇猶挂口笑殺諸天菩薩塞北金鏡江東鐵板總是離騷跋令人深省兩堂不用齊喝

蝶戀花

題江時化小照

圖裏文通心欲折兀坐攤書好個閒時節閱盡古今無可說一雙冷眼渾如鐵 圓頂方袍裝束別君是何心

東臯詩餘

卷之二

三

文圖

也斷青青髮秋水冰壺應照徹梧桐枝上三更月

洞庭春色

懷周錢珊

秋色佳哉四無人影獨上南樓看遠山如浪疎林似戟暮烟成海那不牽愁况值西園清夢斷正霜冷湖光千里秋斜陽外層層楓樹赤誰是長洲 算來幾多程路總只是楚尾吳頭想虎邱烹茗洞庭嘗橘有時閒着定買漁舟笠澤蘇臺頻訪舊問角里先生家在何時醉罷聽君細說也當同遊

解語花

訪妓不值

池拖柳碧門掩苔青院落深深鎖犬兒閒臥綠窗外開

遍鳳仙花朵無媒可做也省得風流罪過向橋頭小立須臾喚買貧婆果 甚處梁州入破料擊節賞音幾人真個騰那無那歸來晚對盞盞燈火有誰賡和填不就小詞清妥待來朝說與卿卿何以安排我

賀聖朝

秋夜聞鶴唳

誰家池館鳴秋鶴隔花陰簾幙一聲寒峭兩聲激楚三聲寥廓 煩伊喚醒長生樂悔紅塵擔閣從今以往侶予和汝與伊相約

滿庭芳

懷蔣山本師和尚

秋草如波秋花似錦無端又是中秋秋窗閒坐秋茗泛瓷甌白髮老僧別後秋江上誰與同遊連朝被秋風秋雨攪起一天愁 石頭城下路秋雲冷冷秋水油油縱有南朝寺總則難留試聽紅花埭北鐘聲猶在景陽樓

東臯詩餘

卷之二

三

文圖

秋堪怕歸來正好秋色滿籬頭

海天闊處

御天見招汎舟

呼船買酒相招元都道士門前又逆流而上持螯大嚼誰當吾右放膽文章無腔曲子儘來消受向東南過盡烏柏樹夕陽幾點寒鴉瘦 憶自隴西去後碧珍珍萬行官柳疎鐘野寺斷橋流水風光依舊席地狂吟仰天微笑付之烏有算從來家國興亡一夢不勞窮究

哨遍

歸田步公履文賓羽尊黃理青若條遠御天見送元韻

妾改村妝兒挽雙鴉竟作歸田去儘扁舟裝滿請殘書  
櫓搖向杏花深處破草堂先生自攜家住周迴幾派溪  
流護任皂帽吹風牛衣曬日從今請學為圃漸畫長麥  
秀綠陰鋪看野老瓜田冒雨鋤樹下牛眠樹上鷓鴣都  
成野趣笑白首為儒從前已誤休重誤所歷厭機巧  
田舍翁差可語聽欵乃于喁綠叢青笠家家龍上犁春  
雨試荷鋤其間醉歌笑讀甘同沮溺為伍况爭先已一  
局全輸怕老大徒傷歲月徂趁而今歸田堪賦年年潘  
鬢如許錯料平生事幾番更變哀來樂往識盈虛之有

東臯詩餘

卷之二

五

文圖

數清齋松下供伊蒲了餘生朝朝暮暮

春夏兩相期寄懷蔣山人

自春江折蘆南渡攜家我亦東去兩兩分頭隔絕烟波  
無數六朝古寺老僧來十畝荒園狂奴住飄泊風塵支  
離天地人生何苦別來多少風雨想住山清課米顛  
顏魯寄與封書細把清詞填譜袈裟晴上雨花臺蒲團  
月冷啼鶯處樹下臨池郭外看花幾時重聚

柳梢青秋館坐月

一月當頭風淒露重蟲語難休石竹翻階水荻拖砌人  
上簾鉤松邊草閣清幽書聲歇香茶數甌菊未含胎

桂方苞蕊早又中秋

醉花陰

憶雙

可惜一壺花下酒閒着持螯手最憶是前年紫菊籬頭  
喫了千千口青銅三百藏來久等待中秋後待到過  
中秋不見團圓乃見蝗蟲走

怨三三雨中聞哭

芭蕉聲外一聲聲直恁傷情人立西風太瘦生青衫淚  
我曾經悲來細碎零星說些個衷腸不平促纖助愁  
鳴更堪簷下鐵馬東丁

薛彬

東臯詩餘

卷之二

五

文圖

有浣香亭詩餘

碧窗夢本意

蕉影橫窗碧花光逗幕紅一聲孤雁叫樓東驚破一番  
旅夢半牀空

長相思本意

花為姿玉為姿有個人兒舊姓施若耶芳訊遲夜闌  
時酒闌時離緒縈懷費所思寸心明月知

如夢令秋閨

桐月半懸銀餅竹露自鳴金井小立卻含情但把湘裙  
漫整人靜人靜風動一簾花影

菩薩蠻 尋春冒雨

冷風索索鳴窗紙孤眠一夜淒涼死燈火近黃昏春歸  
欲斷魂 積陰吹不破帶雨穿花過登登下危巒芒鞋  
不要乾

雨中花 采石磯懷古

四望兼天冰雪峭壁稜稜奇絕滾滾江流重重烟樹多  
少蛟龍六 石頂狂呼傾酒歡仰看山間明月請說與  
遊人排空銀練都是英雄血

滿庭芳

冬夜全妻上唐實君鄒乾一陳葯開先生  
集已專三齋中

雪壓梅紅烟迷浦白疎籬掩映重門風塵漸解剪燭細  
東臯詩餘 卷之二 文園

論文落落曠懷高寄驚四座麗藻繽紛画闌外清歌一

曲幽韻欲消魂 南村瀟灑處紅香縹緲綠野氤氲儘  
抽思擲管狂態猶存讌集今宵勝也同散步踏破苔痕  
夕陽下寒鴉影亂冷月做黃昏

最高樓 歸來

家山路獨自命巾車重葺舊衡廬花萼吹香能睡蝶柳  
枝和露好穿魚且閒居還沸茗日翻書 拋將賦筆不  
學相如去開七首不學專諸千古事總邱墟竹深佛院  
須留偈客散朱門懶曳裾天氣好重相訂看笑渠

石 湘

風流子 贈女史輕雲謫仙

亭亭雙玉立河洲畔勝却杜蘅洲靚墮馬妝成嬌同越  
艷墜鞭郎至睡穩秦樓儘此夜巫峯魂夢繞洛浦雨雲  
收虬箭催殘偏嫌短促海棠顛罷越覺溫柔 前歡卿  
記否尋佳境依稀香滿羅浮正擬錦衾重浴聽笙簫  
有燕侶傭眠人虛半枕鶯雛久待苔印雙勾細把情悰  
說與分賜風流

金縷曲 憶舊

小玉麗珠麗俏攜來金谷園中掠雲描翠手挽香肩紅  
樹裏占盡溫柔旖旎更帶醉潮添嫵媚曾學鴛鴦池並  
東臯詩餘 卷之二 文園

浴到巫峯深處容偏膩鬢影顛釵兒墜 誰知轉眼生

憔悴詫無端轟雷掣電驚翻叱利烟鎖池塘拖弱柳寂  
寞柴門空閉趁青鳥銜書難寄從此章臺人去杳惜尊  
前少個虞侯至腸欲斷心先碎

前調 寄贈吳犀年移齋步元韻

季子真風雅薦移來霜毫紫穎淋漓揮灑避卻濃陰繁  
縟處不遣閒情牽惹換一片清涼界也靜鎖松筠虛甕  
鑰喚兒童莫把鸚哥挂怕客至先傍射 我今棒喝當  
頭打撒紅塵探奇選勝寧耽大厦霧嶂烟巒雲樹裏多  
少層樓曲榭無歷日安知春夏寄語吾鄉諸舊好趁青

聽早向天衢跨須努力毋寬假

前調 送姚北元東歸

浪跡何為者鎮終朝行吟坐臥三間外舍棧馬轅駒甘  
跼蹐何事牢騷叱咤笑鸚鵡嫌籠便罵藉有姚崇恣跳  
脫把新愁百斛都傾瀉同半榻銷殘夏 閒來賭墅長  
松下任盤旋青山白紵紅塘綠柳聽菱歌催返棹淚  
濕江州司馬且盡此金樽玉罍絨好雙鱗煩密寄只平  
安估值千金價人已去豈如話

前調 徐舍山當塗署中書室落成漫賦

底事耽華廈只如此土階茅舍殘垣剩瓦塵拂纖塵新

東臯詩餘 卷之二

宋

文圖

粉堊便覺晴光四射再設個茶蘼小架移植甘蕉三兩  
樹共松濤噴薄芸窗下堪臥雪能銷夏 公餘時放先  
生假恰疎籬黃花挿鬢紫萸盈把尊可調羹鱸作鮓不  
羨金鑿玉鮓任問字侯芭來也筆走龍蛇風雨集展蛟  
綃一幅淋漓寫此中趣誰知者

張 槎

有雲錦詞

醉妝詞 閨思

江頭路山頭路知在誰邊住馬行處車行處只有烏柏  
樹

春宵曲 晚閨

画閣聲方寂秋千影半斜樓外正棲鴉夜長無箇事弄  
琵琶

憶江南

已丑元旦自泉興集起行北上馬上漫成

元旦日擁被聽殘更爆竹數聲驚倦馬紅燈幾點落疎  
星野館足逢迎

元旦日纔過大河濱白麪餛飩烹沸水紅箋帖子寫宜  
春景物一番新

元旦日侵曉踏清塵三十六旬新甲子二千里路早行  
人障斷去年貧

東臯詩餘 卷之二

无

文圖

元旦日風細曉天雲驟馬過時村酒喚秋千颺處女兒  
欣村舍禮彬彬

前調 首春襟味

春到處瑞雪滿東臯去歲馬頭瞻泰嶽今朝水面放輕  
舸惆悵五山高

蒲水上風送一帆輕舊路五年人不到新愁隔歲話難  
平樓上已三更

前調 春閨

垂楊岸簫鼓画船多只有奴心澄似水任他風起不生  
波春事已蹉跎



關于外皓月碧如波記得與郎煎沸水洗清瓷盃酌松蘿消受不曾多

樓上望一片綠如雲桃葉桃花開盡矣壘巢燕子咬青芹如此過今春

甘州子 吳陵道中

盲風猛雨拂輕車楊柳岸馬蹄沙青林一帶有入家啼遍後庭鴉無人見一樹絳桃花

相見懽 遊橫園

牆頭散倒長松画闌東坐看庭前錦幙買芙蓉延霜菊迎風竹暮烟中禁得日斜人散幾聲鴻

東華詩餘 卷之二

手 文圖

浣溪沙 春日遊古澹園

夾岸澄波擬若耶繞隄門徑一溪斜畏人犬吠隔籬笆丞相祠前孤石立紫薇堂外亂峯遮小樓開遍玉蘭花

前調 分手

懊恨垂楊古渡頭雁行西去水東流最無情是木蘭舟縱有飛花濺短棹那堪燈火憶重樓月殘風曉正牽愁

清平樂 長沙城內園亭

春花幾樹中有人家住昨夜雨淋真似注泥濘門前小

路分明翠袖相招溪頭只少藍橋卻恨柳絲無賴重圍住桃夭

採桑子 途中見雁有感

年年怕見南飛雁風雨離迷風雨離迷直到衡陽始得回我今又向衡陽去淚滿征衣淚滿征衣未必明年共爾歸

山花子 寒食日憶江南

暖日熏人換袂衣畫長香盡冷金猊自卷湘簾看燕子杏花飛小艇悠揚鶯早喚画闌周折柳重圍畢竟江南春色好幾時歸

東華詩餘 卷之二

主 文圖

西江月 暮春感懷

日夕陽西下年年逝水東流燕來雁去幾春秋又是落花時候富貴當年王謝文章往日曹劉虎頭猿臂不封侯說甚朱顏非舊

南柯子 署中全楊希文魏巨卿吳恭若家大仙燈下飲菊

朔雁排空碧寒鴉噪晚楓重陽過了卻匆匆搬取陶家一座錦屏風帶醉翻棋局伴愁躲玉鐘龍膏照徹蕊珠宮羨煞名花名士兩相逢

風蝶令 寒食風聲

虬箭繞驚漏寒鴉早報聲研羅裙上響銀箏和雨和愁

總是不分明 倚樹狂呼夢衝簾猛過庭封姨十八鼓  
湘靈拍岸排空潮打潤州城

河傳 荷色牡丹

輕紅數點迎風斜颭小桃一片枝枝葉底挂香囊嬌艷  
費盡天孫剪 同心結綰輕烟裏盈妝女不繫湘裙底  
啟窗紗斂晴霞非差依然富貴花

浪淘沙 感舊

新燕乍來時開起蜂兒凭闌無語倩誰知夢裏巫山山  
上路一半淒迷 妝鈿冷清池莫問人歸垂楊砌畔有  
將離縱使來時花盡也總是佳期

東臯詩餘 卷之二

前調 送春

此去幾時回別恨成堆亂紅飛絮總相催怪殺子規啼  
不住開到荼蘼 水曲與山隈甚處徘徊卷簾聊與餞  
金杯酒醒夢回何處是雨打風吹

前調 留春

畢竟要重來何苦分開三更未滿尚堪偕誰使東風常  
不換輸卻金釵 楚雨暗章臺珠淚盈腮明年花發莫  
相乖收拾南園千頃地任爾安排

前調 送振業煥姪歸

短榻與殘燈撥火敲冰閒來擁絮說心情不信人歸先

似燕伶爾奔騰 莫漫惜伶仃瑣瑣星星悔將生事悞  
春耕藉語兒曹休望遠未有歸程

鵲橋仙 頌叢母沈夫人節壽

人中麟虎女中嬰杵軋機聲月裏九熊截髮撫孤兒  
四十載一朝而已 帝鄉承旨人間幹蠱有子人稱不  
死看他巾幗守綱常慙愧殺奸臣賊子

一剪梅 春怨

小院春深叫鵲鳴朝也姑姑暮也姑姑庭前細雨正如  
酥紅也鋪鋪綠也鋪鋪 錦幃別後至今孤想煞當初  
恨煞當初風前無力倩人扶睡也模糊醒也模糊

東臯詩餘 卷之二

夢揚州 言愁與慎齋中翰

我言愁愁未了公也言愁總是愁人索性言盡方休燕  
市裏有子落魄先生學以為傳釵鈿盒炊夢白君與我  
總相伴 豈料新來更愁且攔起子愁獨話君愁散盡  
千金一紙左券空留歡歎數也因而笑儘堪憐短髮盈  
頭這都是盤根錯節嘗試吳鉤

滿江紅 和香山年伯

相見何遲且漫說紅亭又別縱此夕雨淒花謝猶然三  
月浪疊千江還自湧珠傾八斗尤難竭最傷情一曲滿  
江紅三春雪 髯正美何須鑷腰未老何曾折便身撈

戰壘此心休滅炙手繁華容易冷生徒問字非藏拙壁  
驚箋潑墨寫宮詞真雙絕

前調 經吳陵試院有作用迎陵詞韻

翰墨壇場真俊傑每曾經此也只為寡旗擣鼓始基乎  
是紫閣看他飛去疾青衫顧我牢相寄數臣之壯也不  
如人今衰矣 秋露白甘泉旨天籟發鳴簫紫任指予  
牛馬從而曰唯雙鬢如斯何足恨一寒至此誰之恥問  
桃花又放海陵車無聊耳 秋露白海陵酒名

是也非耶沽美玉允須待價君不見紫茵木槿早開先  
謝骨相那堪麟閣画淚痕欲向龍門灑笑買臣季子是  
東臯詩餘 卷之十一 垂 文圖

何人知予者 幸有個東村舍記臥在西窗夜趁柳風  
拓影雞豚之社好夢直尋槐國蟻閒情欲辨莊周馬語  
兒曹悞我是誰行殘篇也

鳳凰臺上憶吹簫 聽秋蟲

一聲淒其數聲哀怨世間何物能憂惹徧情南阮涕淚  
長流多少繁紅嫩紫悲咽處葉落香收何況是殘燈夜  
雨白髮新秋 休休馮唐已老有角吹殘暑雁語南樓  
悵邇來踪跡又客皇州總是孤臣孽子千載後唧唧啾  
啾芸窗內閒吟閒寫與爾同愁

聲聲慢 聽范聲著酒後琵琶兼與敲棋夜話戲贈

閒情併積禪榻生寒天外一輪孤月暢好征鴻故里烟  
花能說猛然琮琤碎玉攬同雲打窗新雪頓送我愁千  
斛四條絃子輕撥 且把鄉思撇卻燈兒地顛倒板枰  
還劫跋扈堪驚暮氣如予已竭收拾旗壇戰壘都付與  
螭蠻蟻穴歸來也尚小范逼人咄咄

金菊對芙蓉 東濱秋夜贈金四兆祥

老荻橫霜亂葭撐雨板橋秋水斜暉恰冷風殘照驢背  
初歸苾芻隔岸呼名字道故人相念依依算來良晤剛  
逢重九黃菊開時 向晚月映疎籬有數層蛩語切切  
悲啼向此中跌坐那不含悽平生骨冷宜僧伴過招提  
東臯詩餘 卷之十二 垂 文圖

兩宿松扉殷勤話舊總忘漏盡笑譜新詞

譙鼓三通禪燈一照相憐人淡如秋看窗搖老竹茶泛  
香甌虎溪勝事多年絕肯輸與陶陸風流談諧尤妙滑  
稽新語細述從頭 悄然方寸閒愁被詩魔打攪惹意  
相尤只個般般懷抱今古悠悠聞君又夢江都好換行旌  
竟夜攀留清齋松下籬花正滿忍便歸不

前調 越十九年丙戌夏日重至東濱兆祥出前快索題依韻奉贈

簷雀搗箏池蛙縱鼓柳營檣捲斜暉正鸞眠夢老遊子  
將歸幾家載酒過蕭寺與故人支遁依依到來匝月過  
將重午梅子黃時 可憐逐處藩籬更愁長夢短怕曉

鵲啼念當年舊侶那不悲懷一十九年人面改喜今朝  
又話僧扉重翻舊譜仍忘固陋再賡新詞

暮靄剛收素輪繞湧晚來天氣如秋看香銷古鼎茗滄  
清甌白蓮社裏淵明至倩誰言張緒風流管他新恨重  
申舊好想殺從頭擺開十斛閒愁任擲掄齟齬莫漫  
相尤只水光雲影笑傲悠悠明年此際知何地挽歸航  
再四淹留蒲帆挂後難忘之子與爾同不

琵琶仙 客窗春雨感懷

獨客閒窗剛遇了深巷賣花時節惆悵落拓心情好景  
多虛設三尺劒劒綳都破一牀書錦函生裂猛雨衝簾

東臯詩餘 卷之二

文圖

盲風撼樹小樓燈滅 恰今朝雙鯉南來把梓里虛無  
盡情說只有饑兒病婦局柴扉嗚咽縱守得鐵杵磨成  
怕難禁鮒魚涸轍不如春水江南滿帆新月

百字令 祝家伯若柯七十初度即用自壽原韻

黃雲繞遍西城第拍手先生七十勒鼎銘鐘成底事遠  
遜桐江蓑笠蓮靜芝肥鸞翔鳳舞不比尋常席興會脩  
然花前且聽吹笛 算來地僻錢愚經營擾攘好景空  
相失看取蒲輪推國士豈少登雲拔宅下邳橋頭濟陰  
城壯彼此都無逆香山佳會年年此月今夕

玉燭新 和元錫先生春日寄懷原韻

春來多少樂看梅蕊香生紅英錯落入夜行吟歌律劇  
月影沉沉霜幙畫樓人靜聽只有風來書閣拈纖毫譜  
按新詞卷簾試問雙鶴 幾許匹馬關山想故國烟花  
許多丘壑風光不惡願追隨座後盡情商確文光劒氣  
四座裏烟雲磅礴展縹緲千里飯依笑言如昨

綺羅香 庚寅七夕

心上添秋庭中瀉暑又是他鄉七夕玉藕青菱往事盡  
成於邑恰今宵小雨孤燈是去年背人面壁任靈鳥渡  
盡天孫天涯孤客正蕭瑟 休言會少離多堪歎美人  
黃土撫今追昔疊水崇山杳渺夢魂都隔疎櫺外幾陣

東臯詩餘 卷之二

文圖

楸梧夜闌時一腔蟋蟀又何心臥看牽牛去聽高樓笛

前調 閏七夕

瓜果重陳鵲橋還駕屈指剛經一月忙煞天孫又把靈  
機絲轆寒溫話此際無多別離情這回休說乞天公再  
閨三更人閨天上均歡悅 誰知我獨含愁却似褪節  
黃楊禁聲啼鴂鈿盒金釵一度一番嗚咽針樓上人去  
塵封犢鼻裯近來斯裂便重重絲結紅絲盡是荀郎血

念奴嬌 冬日書晤家牖竹學博

一棹飛來正楓丹橙綠儘堪吟寫清綺詩篇誰得似一  
似秋濤揮灑吳苑烟花蘇臺柱管恰放先生假別來無

恙素絲添得盈把 細將詩格閒評幾多英俊盡在君  
之下京洛聲華空有夢守得妝顰作啞三作堪賡四愁  
休做六十過頭也拈髯同笑一時離恨都寫

西江月 無題用高贊兩韻

么鳳穿花自喜夢蟲茹葉偏甜儘開錦薦控朱簾看舞  
鶯鶯燕燕 漠北沙堆駿馬潯陽荻裏江船千呼萬喚  
捻冰絃香啟朱櫻一點

杜宇經宵啼血伯勞那得西歸鍾情我輩正淒其豈是  
英雄無淚 願把長繩繫日不教采鳳分飛謾燒高燭  
攪深幃恐怕玉人清睡

東畢詩餘 卷之二

手

文圖

李宗紱

沁園春 感遇

偌大頭顱一事無成思之可哀看飛揚跋扈誰歎少俊  
迂踈潦倒甚矣吾衰寒欲紉蘭飢常煮字天意勞人恥  
自媒且休矣料行踪自有造化安排 何時謝絕塵埃  
趁綠水青山一釣臺向丹霞峰頂拖條竹杖白雲堆裡  
著藕芒鞋圖像凌烟封侯定遠自昔英雄安在哉華堂  
下但夕陽衰草每共低徊

試問蒼天七尺之軀何處安藏豈揶揄有鬼顛顛倒倒  
所如不合踽踽涼涼好好佳佳然然可可世愛中庸不

愛狂窮途恨待幾時散盡淚滴寒江 夜深坐對銀釭  
正密雪斜風灑碧牕又歲行盡矣無端擾攘老將至也  
底事匆忙磨硯成窪聚文作塚潘鬢新來一半霜平生  
事每從頭細數無限悲懷

前調 贈友

我笑嗣宗慟哭窮途哭何用為問長沙賦鵬果由絳灌  
叔孫綿叢孰與臯夔身不虛生才休小試朝廟山林天  
定之乾坤內有何冰何炭何險何夷 從教臥泣牛衣  
便貴買簞篋掉向誰是陽春白雪知音宜少洞天鐵笛  
識曲原希樹可為巢酒堪晞髮富貴甘同敝帚遺君須  
耐將菜根咬定方表須眉

東畢詩餘 卷之二

手

文圖

賀新郎 送吳鹿書入蜀親迎

鴛侶天生就望西川迢迢雲際佳期拖逗忽地驚殘催  
赴約莫怕瞿塘水溜正秋盡波平時候好耐寒江風雪  
夜待到時繡幙圍春晝纔展盡看邊釵 綺牕一任鷄  
鳴又雨綢繆問今何夕方成邂逅歡笑正濃還借問來  
路風霜生受這憐惜比常加厚只有關心難說與恐深  
情暗被伊猜透須籌畫歸來後 鹿書先有 如君在室

東臯詩餘卷之三

同里江大銳樵所

興化王國棟竹樓全訂 同里汪之珩璞莊徵輯

同里黃 振瘦石

興化左 亭筠谿校訛

冒禹書

高陽臺 元日

淑景驚催新符乍換時光去也堂堂屏搖翠柏湘簾日  
映山房昨宵今日人如舊宜春彩筆署迴廊難驅遣流  
年暗數何限滄桑 伊人天各一方只此心兩地與日  
東臯詩餘 卷之三 文圖

俱長詩成無語依稀想像總荒唐小立東風春又到離  
人不改是愁腸更相看梅花清瘦做盡淒涼

前調 發書後漫成

點點新愁星星舊恨魚書封罷還思依稀記得河橋握  
別之時細語殷勤曾有約遙遙兩地一心知梅花放全  
憑驛使仔細維持 丹青雖是難工只無聊相對較勝  
些兒幾翻回首形容未必復如斯極目天涯空有淚個  
中消息不堪追望雲山孤城獨眺似醉猶痴

前調 月夜過舊遊地

夜色溶溶迷離一片依然月到迴廊數聲隣笛聲聲調

入淒涼小閣簾深凝素影恍疑人坐舊西廂頓搔首韶  
光浪擲此際堪傷 幾回夢繞離堂及今宵重過轉覺  
蒼茫欲待去也恁關心風景難忘倚徧闌干人獨立清  
光漸次逼虛窓忽無端疎鐘又動幽興偏長

前調 春日得書

乍暖微寒一天雨釀黃鸝愁濕聲聲小樓靜悄蕭然日  
坐愁城不為傷春多悵望無聊偏覺意難平消磨盡雄  
心壯志空自悲鳴 欣逢雙鯉堪憑記去時年月往事  
分明幾翻欲展見重重密印層層多少閒情紫鴛恨悶  
懷未了怕還增看光陰年年虛度却似浮萍

東臯詩餘 卷之三

二 文圖

滿江紅

去未經旬恰早是兩年離別猛憶著古寺橋東叮嚀難  
決老我歲華如伏驥憐卿薄命同飄葉任樓頭柳色又  
青青心常結 試春日傳柑節舊時恨新愁疊憑半幅  
魚書裏懷私洩一夜西風吹驛使數聲殘角敲霜月總  
關心情況兩茫然共誰說

前調

整日懨懨尋不出病在何處苦捱著碎雨零風恁般淒  
楚別燕離鴻悲故土春花秋月傷禾黍羨鷓鴣對對自  
雙雙常相伍 心頭事何須數昔時恩難枚舉縱盟深

山海空言無補青鳥音遙魂夢杳蓬瀛人隔雲山阻任  
三生未了又重期空辜汝

連理枝

竟日重門閉多是无聊地捱過黃昏半窓明月心煩欲  
碎想當初往事總荒唐點點難忘記顛倒真兒戲一  
任天公置只這些時終朝中酒除此無計空臨風幾度  
獨悲歌舊淚何曾替

十二時

麥秋時節多陰雨釀出困人天氣看摧殘落紅滿地長  
則向闌干倚往事成塵新愁如織欲說從何起想當日

東臯詩餘卷之十

三

文園

黃衫計巧青鳥音傳方幸出牢籠裡更年來詠諧如  
戲一部種情傳記整日歡歌連宵醉酒多少閒愁意待  
闌珊人倦倚旋腰肢亂睡恨而今身同萍梗咫尺銀  
河漢水前月街頭驀然一見又逐紛紛子歎芳時如許  
一任匆匆過矣

擊梧桐

九曲羊腸翻雲覆雨坑殺孤身骯髒舊時心眼前狀噬  
同餓虎驚如惡浪回首昔日香溫羅幃細語幾堪惆悵  
薄命遭逢好花風雨中變易於反掌依稀想像雨載  
知交堪惜竟存影響詩成後夢回時曾否玉容無恙曉

起漫然思省個中何必盡多障且顛倒披衣閒咏似流  
波已往

鳳凰臺上憶吹簫

幾點輕雲數行旅雁聲聲譜出淒涼看閒亭秋色落葉  
如狂回首當年壯志到今日難問行藏消受盡青燈老  
屋夢短更長郎當蕭蕭白髮更心煩意亂九曲羊腸  
只悲歌慷慨似威山陽六尺堂堂何事祇贏得如此收  
場途窮泣青衫淚一樣意難忘

冒殷書

玉樓春

東臯詩餘卷之三

四

文園

不知今夕為何夕捱過黃昏還淚滴牀頭春酒夢堪憐  
燈下桃花人可憶重山複水無消息縱是靈犀通不  
得當年密誓兩心堅兩地相思空血碧

連理枝

想遍當初意的是三生事一榻濃香半窓明月怎生忘  
記到而今舊夢轉荒唐問神仙何地別去真兒戲點  
點何曾遺只這春衣淚痕和酒酒痕和淚欲更衣生怕  
浣衣人且和衣昏睡

孤鸞

前朝書至惜故國春光三分去二雨雨風風暗落天涯

清淚春深不教寒盡把舊時綿衣還寄所恨歸期不定  
強逢場作戲 歎別來光景疾於駛問入夢容顏為客  
丰致比那登舟日可一些無異只愁這番瘦了未必因  
風塵勞瘁一紙何曾盡說多時無寐

如此江山

真逸堂觀演西廂記長亭分別用史  
達祖韻

華堂却是留髭處贏得潑天狂興好事無多歡場有幾  
須識千秋俄頃萍踪不定聽歌怨勞亭落暉昏暝戲語  
鶯鶯獨眠曾否繡衾冷 無端教我恨也記牽衣執手  
如醉難醒夢裏江山心頭車馬何用當前人俊私情耿  
耿對紅燭烏絲條然孤詠不解前因何為離別永

東臯詩餘

卷之三

五

文園

雙文若是無尋處從今切莫乘興石黛迎觴秋波射座  
稍待須臾之頃商音甫定覺烟樹傷心亂山楓暝餞了  
行人雁兒叫得寸腸冷 多才偏惹懊惱怪青天夢夢  
終古難醒潘岳牽情陰鏗飲泣辜負名場稱俊還多耿  
耿歎詩到無題有誰能詠幾個良宵獨捱清漏永

兜上鞋兒

半幅雲林之屋紀事用鄭雲娘韻

花如待客月似懷人恐怕負芳時半幅雲林亭畔驀地  
來密約誰知嚴更動也速鐘鳴矣心事惹孤疑却惱座  
中饒舌申申詈去還低 休憐今世要識前身曾在鵲  
橋西欠了人閒情債漸漸償也費撐持浪萍風梗乍離

長別青鳥倦飛飛好趁良宵聚首莫教輕放杯兒

送我入門來

几上燈兒窻前影子清宵如對知音幾首新辭即是伯  
牙琴看來燈影俱蕭索似念我懷人直到今夜夜風  
風雨雨坐坐坐行行睡睡哭哭吟吟碧海滄江不抵此情  
深三更燈照三更影可負了當初一片心

倦尋芳

三月二十日饒春

咄嗟過客離別年年舍我原慣我定難留留下亂紅成  
片憶花朝思寒食更懷上已情難遣問春光自古歸何  
處空隨雲散 送行人纏綿不了那個臨歧能免三歎

東臯詩餘

卷之三

六

文園

却怪芳時不把故人依戀也似傷心無一語奈何頻倩  
啼鶯喚更無端變晴天雨悲風怨

賀新郎

半幅雲林之屋紀事同諸詞人限韻

誰傍闌干立正秦青曼聲未已却諧秦律嘲罷嬌鶯長  
夜飲酒政真堪矜式教射覆解人頻失知是前生饒慧  
業更冶容塵世慳靈匹堪位置神仙宅 花朝寒食天  
涯逼一條條催春嫩柳點憐偷惜家在虹橋烟月底夢  
斷揚州此夕盼不到情人消息萬種相思憑驛使欲題  
詩又把烏絲擲飄零殺好顏色

高深



薄倖 滕王閣懷古

滕王何在悄不見歌容舞態有閣外西山幾點檻外長  
江一帶祇共他年少王郎憑闌感歎無聊賴却客底逢  
歡尊前得句序出風流佳釀又怎奈嬉遊處人散後  
韶華易改如今但暮雨朝雲來去落霞孤鶩長干載此  
情誰解歎萍踪我亦漂流未了江山債霜髭盡短贏得  
愁心似海

憶秦娥 秋望

天如拭楚江波色連秋色連秋色愁懷併與洞庭無極  
碧山雲皺眉痕集丹楓霜點臘脂濕臘脂濕離人鄉

東臯詩餘 卷之三

七

文園

淚被風吹入

賀新郎 登岳陽樓謁呂真人像

繫纜依江郭訪岳陽層樓獨上望窮寥廊猶有仙翁遺  
像在共說當年跨鶴嘗買酒壚邊清酌三醉此中人不  
識但佯狂獻詠風前落膽拜處尚依約繁華信比秋  
雲薄總被那情牽惹利纏名縛爭奈黃梁猶未熟一  
枕邯鄲夢惡又誰似先生先覺塵網何時能擺脫歎衰  
年正自傷飄泊湖水湧晚風作

沁園春 簡范月三

春又闌珊我欲問君何以遣之有妓名翠玉雅稱妖麗

歌傳紅豆最解相思既得佳人可無名士酒興詩狂却  
讓誰惟君在問君能來否莫更遲遲須將彩筆親攜  
好譜與楊枝併竹枝向闌紅影裏費他鶯脰揉藍茵上  
消我螺卮未免有情何妨作樂領取風流此一時銷魂  
處是佳人香口名士清詞

范 逮

憶江南 本意

江南憶風雨却三更夢破馬嘶桃葉渡燈寒雁過石頭  
城回首重關情

如夢令 冬園

東臯詩餘 卷之三

八

文園

冬盡園林如掃此日梅花尚早獨坐也無聊好個霜天  
清曉啼鳥啼鳥腸斷半生夢杳

前調 憶舊

記得楚腰綽約一點幽情纖弱荏苒又經年不覺深紅  
早落寂寞寂寞怎禁心頭思着

鸚鵡舌 秋宵

好個涼秋時候等閒惹得人愁蕉雨梧風聲又急難禁  
此夜更籌暮地疎鐘敲破幾番清夢悠悠

阮郎歸 惜秋

零烟碎雨苦難支空梁燕竟辭曉來病葉戀深枝西風

故故吹 蟲語切雁行遲寒花瘦影敲可憐秋到十分時沉吟半似癡

雨中花 本意

蕭蕭夜雨催秋去淒淒曉角留秋住離燕無聲斷鴻一叫兩地都無據層層葉下梧桐樹千林景色全非故極目蒼涼滿腔懊惱今古消魂處

蘇幕遮 春閨

鼠姑風鳩婦雨景物融怡牽惹春情緒楊柳高樓人倚暮飛盡棠梨門掩斜陽樹惜花殘嗔別苦魂傍茶烟軟共遊絲舞牆外行人來又去影動金鈴隔斷嬌鶯語

東臯詩餘 卷之三

九

文園

怨東風 秋夜感懷

驀地紅葉謝照眼秋難画梧桐病葉不經風下下欲雨猶晴乍寒還暖今朝才夜差喜心兒暇醉把烏絲寫陡然愁緒又來繁罷罷且自模糊任他驅遣莫與人話

滿江紅 自贈

如此頭顱歎半世光陰何促憶當日乍鳴離鳳清聲出谷壯志豪情都盡了只餘愁病憑誰告念峻嶒終日恁銷磨形如鶴嗟無及幽懷獨痛難已柔腸曲看滄桑兒戲寧殊蕉鹿萬古千秋同此况百年一日如相逐最

難禁血淚滿胸中無聲哭

前調 午日

晝靜堂空真腸斷今年角黍梁燕出將雛母慣吾何如汝登起白雲鸞爾碎潑殘紅血榴花苦記前朝新麥薦春盤俄重午形共影蕭然處書與史淒然取倘靈均猶在應呼之語有恨泉臺虛節冷無情隣院傳簫鼓惱嬌兒弱女鏤蒲根為龍虎

前調 秋况

滿目蕭條堪憐煞霜欺衰草斜陽外丹楓點點荒烟縹繞砧杵千家魂夢斷開河萬里鱗鴻杳更難禁落葉滿

東臯詩餘 卷之三

十

文園

庭除風來掃南柯郡邯鄲道夷共險綠心造歎好夢難憑塵容易老綠水青山應寄興詩筒茗碗聊探討想人生行樂即長年休煩惱

滿湘夜雨 同人望秋

斗大荒城線長流水西風亂顫秋楊微雲裏新雁兩三行過了茱萸節後算只有今日晴光登臨久江天欲暮紅樹冷斜陽同君據望眼百年鷗鷺幾度滄桑便赤松而在鬢髮應霜况是無頭沒緒才人意多少悲涼漁歌起樵歌答響點點下牛羊

百字令 東冒三

終風狂吼正寒深此日江南將雪滿地嚴霜雲氣斂侵  
透木棉千疊且自煨芋何人送酒念爾無休歇日來何  
事連朝為甚離別聞道伯牛有疾想緣積悶愁緒知  
難說半似潯陽江上客半似雍門承睫終日牢騷何年  
得意種種烏頭髮一樽可戀慰予何限淒咽

前調 月夜同人過雨香精舍

猛然深省早鐘聲歇處半窻冷月四壁蛩吟欺我夢一  
盞青燈明滅淡泊誰憐蕭疎已極獨自心悲咽同人引  
去驚見三幡齊列聞道清淨梅檀長年極樂匝地優  
曇鉢說不盡輪迴轉眼敢問諸天菩薩攝足和南肅衣

東臯詩餘

卷之三

十一

文園

參禮解脫浮生結更無罣礙而堂何用饒舌

沁園春 寫懷

不受人憐黯然自傷此生奈何正多年堤柳攀條飲泣  
數聲牧笛叩角行歌我自茫茫誰非齷齪合共蒼天夢  
夢過還堪笑笑眼前鷗蚌蚌裏干戈不如終老噉阿  
似野鳥孤飛脫網羅只蕭疎風景居然處士清涼境界  
便是維摩豈累猪肝何愁雞肋自在蒲團日月多蟬蛸  
耳看英雄豎子一樣蟠踞

前調 愛日園感懷

此日園林十分寂寥來遊愴神看青峰僵骨插天如削

枯楊陳影匝地將春風景俱幽弟兄皆妙正好追歡歲  
欲陳他休問只千秋松柏白首如新長年鹿鹿何因  
未免歎飄零折角巾便西方有遲終成流水北邙無主  
總是浮雲傀儡場中淩烟閣下一種肝腸冷暮曛翻然  
笑笑情懷若此辜負朝昏

前調 懷青萬弟

過了重陽雨而風風幾時得休歎夢中情緒無非悵望  
別來歲月半是離憂雞骨難支羊腸不耐何況飄零旅  
雁愁相思甚正嚴城鼓角落月凝眸寂寥最是今秋  
把敝簾殘編日夜捺笑蒼茫千古儒冠可溺昂藏七尺

東臯詩餘

卷之三

十二

文園

噲等堪羞壯志偏辜豪情猶在肯作駢枝與贅疣三更  
後覺新詞填罷山鬼啾啾

前調 懷顧四

夢裏關山胸次輓轡費盡相思正節當落木蟲吟唧唧  
時逢豐燧雁陣遲遲兄滯武昌弟留邗水兩地銷魂正  
此時還堪憶憶連牀促膝風雨淒其當年意氣難追  
恨半世蹉跎負所期怎花殘上苑屢驚寒散雲歸巖穴  
復使肝摧石豈能言樹猶如此又手鴻蒙一小兒君須  
看看白楊樹下衰草迷離

前調 新月

秋色佳哉尋秋興關月貌如眉任長空雲淨素娥半展  
遠天風細鸞女斜支西陸寒深北堂影側學煞團圓望  
正遲湘簾上看夜光初逼照我迷離 今宵正苦孤栖  
更紅血依然叫子規念嘯吟何處銀鈎纔挂推敲無地  
王谷方揮已極蕭疎誰憐黯黯愁絕豔髮貼冷輝驚心  
聽聽嚴城鼓角忽又猶夷

姜頊忻

有慶園詞選

杏花天 即景

柳絲拖碧晴光曉搖曳東風寒峭杏花叢裏蜂兒鬧成

東臯詩餘

卷之三

三

文圖

陣落紅誰掃 枝上黃鶯聲巧羨美景芳華未老艷陽  
天氣尋春早半是風流妖嬈

石 頤

浣溪沙 蕪城晚眺

一片幽懷付短筇綠陰深處夕陽紅落花流水影重重  
廿四橋荒烟雨裏十三樓寂管絃中朱簾不見卷春

風

河滿子 竹西泛舟

海角天涯倦客青鞋布襪遊踪落日酒旗楊柳岸小橋  
春水烟篷徙倚闌干長嘯扣舷歌罷千鍾 蔓草誰懷

六代荒烟莫記隋宮興廢千年人不管鷓鴣只叫東風  
我亦隨時行樂不須搔首書空

石 升

減字木蘭花 燈下憶諸兄弟

挑燈白屋穩把離騷盡興讀何事徘徊頓似昆明劫後  
灰連枝猛記春草池塘曾共醉忽謾飄零花萼樓頭  
少一人

許 銳

點絳脣 新月

正月初三蟾光乍吐青春夜晶簾全下只待銀鈎挂

東臯詩餘

卷之三

十四

文圖

有個人人向晚妝纔罷重幕寫一彎低亞照樣宮眉画  
試春衣 春雪

雪如銀暖風颺處暗隨人輕鬆纖軟嬌無力鴛鴦瓦上  
香銷影斷畢竟是初春

愁春未醒 春草

如袍更綠比帶還青沙暖泥香處東風送暖始星星聞  
草人偏麗尋芳去步輕盈鞋邊細踏裊裊微掃微掃未  
必無情 再望平臯淺深迷蝶斷續流鶯夕陽外萋萋  
冉冉忒覺分明恨緒愁絲似他刻畫又重生王孫何在  
年年歲歲春信難憑

菩薩蠻 春日

問花今夜開多少惜春只是愁春老無語立花前鴉銷  
一陣烟 柳絲垂細細難把柔腸繫簾影漾空明春風  
最有情

御街行 春分前一日大雪

試開鳳歷從頭看又是春將半東風搖颺暮雲黃裊裊  
晴絲吹斷艷陽天氣裝寒做冷滿地銀花亂 飄來玉  
屑過閒慢疑是梅花瓣無香有色最分明還比花容瑣  
瓊年年歲歲幾番風雪催得流光換

余 漢

東華詩餘 卷之五

五

文圖

有隱香亭詩餘

天仙子 初見

深院日長簾影側午睡初消眉暈碧近人雙燕舞翩翻  
春去疾香添翠閒向櫻桃花下立 花外流鶯聲啞啞  
無賴個儂今始識多因倦繡起來行堪愛惜含羞澀軟  
語東風偷眼覷

好事近 題扇

綺閣儘清幽新製海紅絢扇花裏時時遮掩恨相逢難  
見 待他含笑撲蜂兒纔露春風面不是幾經寒暖那  
這般留戀

燭影搖紅 元宵

不耐煩看六街燈火明如晝揭天簫管鬬聲頻攪得心  
兒穀莫道驅愁是酒酒醒時愁還却又倚閒窓坐拌得  
今宵聽殘清漏 碧影熒煌短檠一點常相守知伊才  
思等歐蘇曾咏傳柑否世上別離儘有遍人閒豈皆聚  
首是誰福分銀箔珠樓此時消受

江城子 春晝

黃金柳線蘸輕烟舞窓前惹情牽坐過清宵白日轉思  
眠睡起玉釵橫枕畔渾不覺鬢雲偏 幾回細閱寄來  
箋不歸鞭也徒然庭院深深閒煞好秋千繡幙低垂防

東華詩餘 卷之三

三

文圖

燕擾惟獨自捧心憐

憶秦娥 暮春

春歸早杜鵑啼處鶯兒老鶯兒老圍屏懶靠黛眉慵掃  
博山爐裏香繚繞韶光不管人煩惱人煩惱怕掀簾  
看落花多少

月宮春 夜坐

蘭釭挑盡夜眠遲心情若個知東風吹破紙窓兒窺來  
月一絲 欲寄瑤箋防洩漏待尋好夢怕參差九十春  
光去也敲頭長歎時

離別難 贈別

且略消停這會料歸也難留但何堪鶯慘花愁况傷春  
愈覺勝悲秋尤可恨門外聲喧長年三老促上蘭舟待  
丁寧欲訂再來歡會纔說又還休吳地角楚山頭望  
將穿無際雙眸憶焚香月底聯吟總安排烟水付東流  
須索向繡枕邊傍羅幃深處兀自埋憂誰信道轉似當  
年未見一樣病西樓

怨王孫

幽怨

薄倖休逞殘妝慵整曉月生秋春陰做冷難道那語丁  
寧假惺惺不然為底將人負蒼苔路是你經行處別  
離一載兩見窓外梅開沒書來

東皇詩餘

卷之三

七

文圖

雙調望江南

本意

江南遠望去杳無踪魂夢氤氳迷舞蝶水雲飄渺沒飛  
鴻心事聽東風惟有月兩地得相同奈我淒涼眠鎖  
聞知伊曾否入簾櫳遙對一宵中

惜分釵

即事

思當日驚初識笑將梅豆拋鵲鵲臉生霞鬢堆鴉腰裊  
楊枝步湧蓮花些些歡難續魂相逐不眠時聽風敲  
竹雨如烟夜如年怎得目前便到身邊天天

醉花陰

惜別

別離半載纔相遇歸又何匆遽女伴画堂中抵死長從

難訴相思語臨行各淚回頭覷甚日還重聚腹內轉  
車輪沒處消愁拚把心隨去

卜算子

寄蕘

卧病起來遲漫卷疎簾幙無語微看日影移舊地思量  
著不見有書回應悔當初錯窓外梅花陣陣飛好似  
伊輕薄

月中行

對月

從來愛月是遲眠今夜惡生妍故添光彩聞嬋娟顯得  
你團圓照人兩地雙單影渾不管心事淒然閉門推  
去又侵軒直覺奈何天

東皇詩餘

卷之三

六

文圖

應天長

憶遠

桃花誰染胭脂片好似玉人嬌粉面記相看舒繮繼昨  
語忙停針與線至今時勞遠念想那深深庭院此際  
也難消遣定把儂來怨

陽臺夢

夢夢

夢中尋夢人相共麝香微處簾高控依然兩度唱陽關  
覺離情越重分明如醒事怎在夢兒裏夢何時夢只  
夢溫柔同跨秦樓鳳

江月晃重山

中秋

人在江頭離別月來天上團圓桂花香裏玉簫寒殘妝

罷無語淡闌干 那夜三更同拜今時兩地相看羅衣  
輕薄晚風酸直饒去擲杖問嬋娟

羅敷媚 無題

因何折盡平生福不比游蜂得到花叢戀綠尋香更寵  
紅 翻憐有物差堪擬轉類寒蛩亦似孤鴻苔徑蘆洲  
弔晚風

伊川令 連閣

海棠肯受梅花聘潛把佳期訂寄語東君休禁早判海  
棠得令梅花從此相並倘教負却海棠心這端是梅花  
薄命

東臯詩餘 卷之三

九

文園

意難忘 解嘲

誰管相思是銜香燕子求友鶯兒一春聲宛轉鎮日羽  
差池驚夢處憶人時正惹起情癡又那堪銷魂柳樹纖  
遍愁絲 何關輕薄如斯恰君多才思儂有丰姿風清  
朝剪繡月白夜題詩相眷戀復何辭任俗輩嗔嗤倘若  
非天生情種此意難知

陳以松

醉太平 送春

春晴恁佳春陰任他春林鳥語周遮喚春歸那家 尋  
春小車別春水涯年年春去咨嗟怎今春又耶

沁園春 送修亭入都兼有脫纓之喜

行矣勉旃者番去也不似從前計一肩行李囊珠落落  
三千客路裹不翩翩斜日半沉冷雲四合欲雪天如中  
酒然前途香悵画樓人遠若個輕憐 到時彩結絲牽  
也休戀溫存穩稱眠看玉人窓下眉還皺翠老親堂上  
髮已華顛鴛盟雖酬牛衣可泣努力雲程早著鞭名成  
後任春風鬢影夜月香肩

前調 壽王扶青五十時予有都門之行

半百年華中春天氣安樂家鄉正桃夭吐艷乳鶯騰柳  
柳芽萌綠輕燕迴翔花裏鳩車尊前鴻案君子陽陽左  
東臯詩餘 卷之三 子 文園  
執簣真堪羨羨兒曹進酒酒進高堂 年來我亦逢場  
少兄却挑葉舟輕欲渡江悵孤篷隻影青燈炯炯柴門  
望眼白髮雙雙四十無聞一寒至此露馬烟帆着底忙  
顛狂甚借霞觴百二澆我愁腸

怨東風 不寐

夜靜天如卵蟋蟀吟成夥酒闌香施刺何人我我我睡  
起鴉兒呼雛燕子伴人無那 摘得鬢華朵打疊宵眠  
妥撩人窓外又芭蕉簌簌簌暗囑西風休搖清影與人  
斯破

惜黃花 寄惺秋汀樵所惱其對菊聯吟獨樂而不與人同也

詩凌陶謝詞高董賈是幾時對黃花吮豪揮灑涼月透  
孤幃別恨難陶寫還要把愁人牽惹 燈兒初地影兒  
低亞賣弄他傲霜安許多聲價明日出城來會向西風  
罵也不過寄人籬下

范安瀾

憶江南 本意

江南憶虎阜最關情七里堤邊花作障千人石上翠為  
屏泥醉可中亭

江南憶夜靜鐵花厓一縷蒼烟封短簿三更明月冷經  
臺歌吹上山來

東臯詩餘 卷之三

主

文圖

江南憶碧嶂插雲天載酒尋碑探故實扶筇拾級到層  
巔望見太湖邊

江南憶太息最高峰今日莊嚴供佛地當年歌舞館娃  
宮春夢一場空

江南憶春水泛孤篷鄧尉東來雙槳月石湖西去一颿  
風嵐氣滿遙空

江南憶酷愛石湖濱說虎軒前花簇簇盟鷗亭上月紛  
紛欲去更因循

江南憶光福徑又襄到處一杯傾竹葉寄林十里看梅  
花渴借老僧茶

江南憶扶醉上危磯松樹青籠浮祐勒梅花香撲泰元  
碑白鶴貼天飛

江南憶纜繫萬峰坳把酒望窮林屋洞移船來自石巖  
橋湖水浸山腰

調笑令 即景

風景風景已是一年將盡不堪留滯江村旅舍淒涼掩  
門門掩門掩枯木寒鴉幾點

菩薩蠻 立秋

梧桐一葉飄金井心情陡覺拴難穩不是要悲秋秋來  
易得愁 年華催漸老觸處生煩惱故紙破窓搖風吹

東臯詩餘 卷之三

主

文圖

似裂繒

人月圓 南江客舍

鋪茅權當陳蕃榻孤客滯窮鄉可憐只是朝朝寂寞夜  
夜淒涼 驅愁命酒怎禁酒味不入愁腸無邊衰草一

江寒浪四顧茫茫

偷聲木蘭花 寒日

同雲密布天將雪風力寒威殊凜冽寄跡江村擁火傾  
樽只閉門 打頭容膝黃茅屋一枕遊仙清夢足曉起

填詞填到隣雞唱午時

浪淘沙 江上



午睡酒初醒江上閒行水邊天末遠山晴江水連天天  
接水水濶天青浩浩雜風聲波浪千層早潮晚汐不  
曾停亦復有時平似掌一片空明

步蟾宮

題友人乘風破浪小影兼送北上

年時曾共聞雞起默會汝凌雲大志乘風破浪久相期  
看今日揚帆萬里 琴書滿載銀濤裏鼓棹去登仙何  
異通材從此遇通津也替得吾儕吐氣

釵頭鳳

書憤

年華老光陰耗舊時顏面今枯槁愁如縛心無着十年  
昏憤一朝驚覺錯錯錯 燈花小爐烟裊匡牀悶劇和

東臯詩餘

卷之三

三

文圖

衣倒添蕭索增寥落暫攄胸膈還須狂藥酌酌酌

剔銀燈

歸途次驛江驛曉起遇雨

一夜歸心馳驟孤枕上數殘清漏遠寺鐘鳴隣牆雞唱  
剛是五更時候衣衫重扣對草閣青燈如豆 側側晚  
寒侵袖猛雨乍聞檐溜鄉夢無憑愁懷欲熾更盡昨宵  
餘酒雙眉牢皺恁情況要人消受

滿江紅

題虎邱劍池壁

虎阜峰頭鐵花鏤幽崖壁縫傳說道劍池之下闔閭遺  
塚龍骨已沉王霸業魚腸不作羸秦供問鑿山著意苦  
搜尋成何用 清冷水空復湧峻嶒石徒自聳又真娘

瘞王墓松遙拱此日酸心當日事古人陳蹟今人慟慟  
茲邱兒女共英雄都是夢

沁園春

感懷

落魄狂生四十無聞自顧奈何縱青緗搜遍文堪泣鬼  
黃金散去門可張羅壯不如人老之將至歷盡滄桑掣  
電過相看處厭衣冠優孟蝸舛干戈 蹉跎甘守巖阿  
歎鏡裏星星點鬢多算來時豪氣似泥粘絮眼前流景  
若織拋梭亦已焉哉嗟無及矣莫漫牢騷更著魔從茲  
後且逢場作戲劇飲歡歌

天仙子

閨怨

東臯詩餘

卷之三

五

文圖

永夜空房情緒惡瑩瑩一點燈花落和衣伏枕細思量  
前日約昨朝錯惹個今宵眠不着

長相思

本意

長相思短相思只個相思無已時相思伊怎知 不相  
思又相思提起相思不自持相思總是痴  
意難平恨難勾淚點淋漓滿素襟伴言是酒痕 怕黃  
昏到黃昏夢裏分明見玉人醒來記不真

浣溪沙

春日

淡蕩春風漾柳絲養花天氣禁烟時晝長人靜燕歸遲  
亂轉腸輪愁作輻暫開眉鎖酒為匙最難消遣是相

思

更漏子 別意

雨侵窻風動幕寒壓枕余單薄爐烟冷餅香銷夜長更漏遙人別後渾難覩盼個夢兒不就愁似繭思如麻空房燈落花

憶秦娥 離思

重門閉東風作惡楊花墜楊花墜惱人春色困人天氣憑闌提起相思意裁成錦字無由寄無由寄怕他惆悵替他顚顚

桃源憶故人 月下

東臯詩餘 卷之三

圭

文圖

峭寒着意侵衣袖香餅烟消金獸坐到更深時候明月明如晝魚沉雁杳人難覩贏得雙眉常皺枉自擎杯在手別恨濃於酒

極相思 即事

去年曾晤瑤姬記在石橋西牆頭紅杏水邊碧柳白板雙扉前度漁郎今又至怪仙源路失津迷見時草草別時夢夢提起悽悽

太常引 夏夜不寐

小庭深院愛幽清坐久夜涼生翠竹拂窻櫺錯認做風聲雨聲移牀就月呼童淪茗展轉夢難成玉漏欠分

明不辨是三更四更

醉花陰 愁

天把閒愁都付我慣與愁同夥枉使酒澆愁酒醒愁來依舊含愁坐也苦愁多纏不過欲把愁拋躲不合更思量眼角眉尖又被愁關鎖

酷相思 本意

憶昔旗亭歌贈芍恨匆遽因緣薄盼青鳥音書何處托悔不的當初錯認不的而今錯剪剪輕風飄雨脚似有意添蕭索怎離緒茫茫難捉摸纔一會安排著又一會思量著

東臯詩餘 卷之三

圭

文圖

念奴嬌 春恨

別離容易到如今殊覺當初草草簾外東風吹不盡不管愁人煩惱燕子飛忙鶯兒聲澀寒食清明了無情是我等閒放却春老小院曲曲闌干分明猶記惆悵無由到自恨不如明月影直入蕭娘堂與錦字修成無人寄與拈向銀燈燒青衫濕透淚珠零落多少

范捷

揚州慢 題姜在經天寒翠袖圖

露白天高衣輕簾冷蕭蕭庭院驚涼有碧梧金井落葉響銀牀正當是空梁燕去鏡臺人杳雁足書荒更燈殘

漏水能禁幾遍回腸 重吟細數筭而今總是荒唐想  
少日朱顏三生白骨片刻黃梁滿地冷蟾如水闌干外  
孤影成雙儘冰魂浸透淒淒立遍迴廊

水調歌頭 題在經晚風殘月圖

畫曉春水上香霧倚雲鬟金樽細雨紅燭遙憶十年前  
半晌魂消軟語一笑杯翻翠袖此刻最留連小泊定何  
處繡被隱雙鸞 夢初酣人欲去夜將闌此情未易申  
說脈脈兩無言幾次要留難住一會相偎又起百丈兩  
心牽別後那堪問鴻爪總成烟

姜恭壽

東臯詩餘 卷之三

揚州慢 和月三題西田弟天寒翠袖圖

蛩語催寒蟾光破暝繪成一片秋容恨闌干十二倚不  
盡愁踪宛轉向池塘立遍驚看月影過了梧桐任香塵  
水透蒼苔立折彎紅 躊躇半晌乍回頭密語西風想  
漏杳如年宵涼似水香冷薰籠有夢知無覓處霜橋茅  
店泊孤篷把鴛衾紅淚不如滴向芙蓉

高 綾

南柯子 春日晚眺

淡蕩風光好登臨逸興多夕陽烟景柳條拖柳畔小橋  
低雨壓平沙 翠靄連青浦紅霞映碧波木蘭搖曳望

中過歸去春江剪破嫩藍羅

姜文載

有止心詞

揚州慢 偶題

風鬢青鬆露裙紅軟立來已是多時轉湖山歸去到欄  
畔行遲忽提起當年此地鶯偷歌板花裊烟絲把梢頭  
豆蔻燈前破了些兒 從今細想怎當他廢館荒池便  
月會玲瓏風能淡蕩誰與相攜倚過舊尋歡處清霄上  
雁影參差縱鳥絲千疊能書多少相思

霜葉飛 自題晚風殘月小冊

東臯詩餘 卷之三

天

文圖

一春烟雨隋堤住堤邊花綻鶯小幾曾耽閣得多時腐  
草為螢早暮地想因循過了棲烏啼夢魂驚覺奈欲去  
難行又欲住難留究竟是如何好 惟向夜雨青燈舒  
毫擲管画出孤館懷抱柳絲牽惹玉繩低夾岸蛩聲悄  
一著筆心情更惱芙蓉江上秋波老待買隻船兒去祖  
道清江送人衰草

更漏子

昨宵情今夜又豈是等閒能穀須忍耐細溫存趁燈兒  
未昏 美滿更初轉愛煞綠嬌紅軟待別後想而今相  
思知更深

霜天晚角

魂夢頻驚有誰來喚聲暫也從教寂寞爭夜夜杳無憑  
淒清窓月明淚珠流枕稜為問那人歸去可也似恁  
般情

江岸

憶真妃

年來音信全非倚金屏寶鼎沉香烟細裊孤幃斜竹  
影寒梅冷画樓西一片清光隱隱月兒低

思越人

昨宵風今日雨斷送多少春光零落殘花依翠草飄飄

東臯詩餘卷之三

无

文圖

柳帶空長昔年歡笑今年杳事常變夢常繞舊恨新  
愁何日了啼鶯窓外聲巧

醉春風

清明日自村館歸

撲面和風暖過耳流鶯轉落花芳草又清明怨怨楚  
外桃紅故園柳碧一時春晚書積香塵滿畫永湘簾  
卷枝頭杜宇却闌情勸勸好景難逢不如歸去依然  
庭院

徐熒

有已吟詞稿

十六字令 戲擬

秋合上心來便是愁難禁架多在五更頭

長相思 本意

君相思妾相思何日相思是已時相逢是已時君情  
長妾情長楚水吳山空斷腸單情夢裏雙

採桑子 閨情

流蘇晚控人初起杏臉明霞雲鬢堆鴉淡雙眉細又  
斜庭前芳景知何似梅尚含葩草漸抽芽一線春風  
透碧紗

秋波媚 十四夜看燈

春寒料峭雨初晴雲淡月華明六街簫鼓萬家燈火錦

東臯詩餘卷之三

手

文圖

繡春城徘徊漸覺霜華冷禁漏報三更歸來小閣瓶  
花水凍梅影窓橫

誤佳期

冬夜庭中玩月同榮扶九石汝夏兄弟

萬里寒飈漸止六扇疎櫺乍放夜雲斂盡碧天空明月  
明於水影映曲池濱上下還相似寒光一片抱圓靈  
人在冰壺裏

少年遊

鄧悅萬席上有贈

黃昏月色照閒庭羅袂夜涼輕燭剪金荷香焚銀鴨促  
坐共調笙尊前有個人如玉一笑自傾城兩頰紅舒  
雙眉綠淡做盡許多情

浪淘沙 春晴步郊外

細雨泥輕塵曉日初晴桃花紅綻柳垂青正是遊人行  
樂處雲淡風輕緩步傍溪行翠草生生綠楊高下轉  
流鶯報道今朝寒食節明日清明

臨江仙 重遊平山堂懷舊

憶昔平山堂上宴座中多少英豪水晶簾卷日光搖玉  
舟傾柏葉金鳳撥檀槽彈指六年如一夢舊遊零落  
魂消重來對景覺蕭條山花羞白髮岸草妬青袍

念奴嬌 金陵懷古

長江天塹石頭城無數青山圍壘虎踞龍蟠人已遠往

東臯詩餘 卷之三

文圖

事都隨流水燕子磯頭黃天蕩外白浪搖空起英雄何  
在山川滿目垂淚堪歎貝闕珠宮瓊樓玉宇半是黍  
離地昔日繁華今寂寞剩得幾行青史雁叫秋雲烏啼  
江樹潮打空城閉興亡莫問六朝陵樹空翠

史發榮

號東原梧州府同知鳴臯子邑庠生早卒

探春 題羅雨峰秋燈說鬼圖

月黑秋林燈青古屋聲動譙樓更鼓三五賓朋酒闌閒  
話妄聽何煩莊語待持杯談劍又恐觸少年心緒不如  
恁怪齊諧漫請先生揮塵四座客咸凝佇覺冷雨盲

風微生庭樹何必然犀直同鑄鼎一一精靈來聚笑謂  
君休怪問多少美人黃土眼下揶揄只當一場歌舞

前調 題墓祭圖

試望平原冷雲冪日知是何人墳墓兒女猶存紙錢空  
寶挂上白楊枯樹手奉盈尊酒和血淚齊洗抔土重泉  
喚罷無聞徹徂匆匆歸去依舊塚眠狐兔歎駒隙人  
生空勞爭鶩碑蝕青苔隴藏白草華屋於今誰處但得  
畱遺角薦蘋藻靈其休吐躑躅行人也感一般霜露

東臯詩餘 卷之三

文圖

東臯詩餘卷之四

同里江大銳樵所

興化王國棟竹樓全訂 同里汪之珩璞莊徵輯

同里黃振瘦石

興化左亭筠谿校訛

鄧繁禎以下名媛

鷓鴣天 春日偶成

深院鶯啼春晝悄半生心事傷懷抱年年芳樹又舒榮

何事韶華空自老 重簾外游蜂繞落花滿地無人掃

殘紅片片逐東風愁裏那知春色好

東臯詩餘卷之四

憶秦娥 秋夜

秋宵永紗窓明月微留影微留影倚欄獨坐夜深人靜

堦前絡緯聲難聽海棠倚石梧風冷梧風冷幾多秋

色淒涼幽景

惜分飛 秋日送穀詒二弟出遊

悵望秋雲還似舊黃菊依然清瘦悶折亭前柳傷心淚

濕羅衫袖 記得高堂同載酒極目湖山明秀往事難

回首新愁舊恨空消受

浣溪沙 月夜聞笛

殘月斜穿楊子明誰家巧作斷腸聲無端心緒最關情

生 風動羅幃驚好夢披衣重起正三更蕙蘭露濕暗香

長相思 憶先大人

慟難支苦難支抱恨終天永日思夢我廢咏時 心如

癡意如癡伶仃餘息已如絲傷心只自知

如夢令 秋夜

風動黃花影亂月上紗窓一半夜坐覺寒生燭盡香殘

夢斷人倦人倦怕聽哀鴻啼怨

前調 初春

陌上綠楊如舊人共梅花俱瘦病起已無聊又是困人

東臯詩餘卷之四

時侯長晝長晝風送隔簾香透

冒德娟

有自怡軒詞集行世

如夢令 和三叔父聞笛原韻

誰弄山陽古調歷歷暗飛聲到折柳最關情惹起離愁

多少煩惱煩惱留得月兒相照

浣溪沙 春雨

簾外東風帶曉烟濕雲釀雨做春天餘寒未退小窓前

初潤花梢知節候助人嬌困耐人憐鴛鴦波上羽纖

纖

細雨蒼苔鎖碧烟絲絲初洗惜花天愁心滴碎晚風前  
堤柳嫩芽難繫恨江梅春信早相憐憑欄閒對影廉纖

浪淘沙 觀雨

閒倚小樓西風雨頻催望中新漲画橋低洗得柳枝肥  
又碧一片烟迷 鴉濕傍簷棲窻暗雲披不堪憔悴病  
春歸高控玉鈎簾怕卷寒透羅衣

念奴嬌 五日

鶯慙蝶舞綠陰濃佳節却逢端午似火榴花庭院寂陣  
陣蒲風釀雨對景思親銜杯憶弟剩有愁千縷天涯欲  
東臯詩餘 卷之四 文圖

東臯詩餘 卷之四

三

文圖

到幾回魂夢何處 荆楚風物依然五絲重續此日情  
誰訴薄命孤忠如一轍漫說悲同孤兔不醒年時瀾翻  
世路任韶光催暮人生失意從來無問今古

滿江紅 咏並蒂虞美人

窓外幽花開遍處這枝奇絕染猩紅帶雨拖烟倚欄嬌  
怯似為當年忘國恨至今猶吐同心結愛迎風款款並  
香有迷蝴蝶 心未冷情還熱數玉碎憐簪折羨一邱  
荒土茁生英烈一葉半花堪再拜同生同死無分別笑  
青青呂雉戚姬墳難言說

范貞儀

轉應曲 懷故居

池草池草綠到春來應好萋萋原自多情點點難消露  
凝凝露凝露殘照漢家烟樹

亭柳亭柳昔日青青在否柔絲別緒憐生弱絮漫空怨  
卿卿怨卿怨殘月曉風誰管

點絳脣 四姑偶得歸寧又急告別作此寄恨

暫得歸來無言清淚頻頻墮殘妝界破說着如何過

且再遲遲莫畏更樓鎖須知麼霜摧雪裏惟有君和我

前調 送別衛陽夫人

草綠西園啼鶯留得神仙住柳花搓絮同把春光度

東臯詩餘 卷之四

四

文圖

忽賦歸與鶯起愁千縷斜陽暮淒淒烟樹遮斷孤帆處

前調 別四姑後作

遂去匆匆無言相覩難為別芙蓉清絕江上霜如雪

繡譜牀空留得樓頭月依前缺再圓時節恨共嫦娥說

前調 月夜哭如山妹

嬌小香閨墨花同染遙山翠子歸猶記泣別吳江浦

聞說今秋玉碎花殘矣如山妹月明似水環珮歸來未

採桑子 悼衛陽夫人

當時偕任衡山署月滿瀟湘香暖琴堂侍女吹簫引鳳

風 攀髯人去西風早宦海滄桑旅夢淒涼回雁峰高

望故鄉

歸來綠暗荒村草冷雨風飄短夢香消總帳燈昏伴寂  
寥 箕裘有子才堪繼晷晨朝續續中宵苦志辛勤  
論逸勞

盈盈嬌女閨中秀咏絮吟風玉佩玲瓏繞膝承歡笑語  
融 年來遠嫁他鄉去淚雨常濛凝睇吳峰此後應從  
夢裏逢

早春抱病魚軒至榻拂輕埃逕掃蒼苔幽閣重門此日  
開 而今冷落西園路剩粉遺釵香暗塵埋夜夜西風  
墮老槐

東臯詩餘

卷之四

五

文圖

隆恩百歲渾無報握手江干恨卷征帆病眼朦朧仔細  
看 暮秋駕鶴遊蓬島珮冷雲寒長夜漫漫淚灑吳江  
樹樹丹

重思往事情難已德語猶溫環珮如聞不見當年錦帳  
人 北邙松柏埋香處烟暗孤村月冷黃昏泉下誰來  
慰斷魂

前調 寄四妹

閨中嬌小偏憐女黛染螺鮮髮膩雲妍阿母親為整翠  
鈿 菱花妝罷都無事繡譜慵拈香篆頻添春日遲遲  
未卷簾

而今禿髮成辛苦井臼親操德耀高標廬下梁鴻要爾  
消 可憐又是東風日雨雪空寮篝火春宵忍把新詞  
為汝敲

憶秦娥 秋風

秋風急鏤鐔蕭瑟疎林隔疎林隔交飛庭葉歸鴉亂集  
暮山凝紫斜陽入高樓薄暝簾櫳寂簾櫳寂騎鯨人  
杳寒衣誰織

前調 秋雨

秋雨急聲聲隔個窻兒滴窻兒滴舊愁新恨和他同入  
釵頭剔去燈花黑不眠特地重相憶重相憶秋衫冰  
透淚珠漬濕

東臯詩餘

卷之四

六

文圖

柳梢青 梁先登

荒草親刪青松手植鬱鬱空山雨霽如珠風芒似箭撲  
面禁寒 前村雲暗層巒望竹樹溪橋烟霧閒欲去還  
留瞻依顧盼清淚能乾

踏莎行 春宵聽雨

簾隱燈疎梅含香細可憐人醉東風裏密雲纖雨慘長  
空絲絲點點三更矣 舊夢誰尋新詩難記薰籠只索  
和愁倚數來已自費工夫由他迸做春江水  
林外風狂庭前雨細兩般釀做愁滋味孤燈暗淡欲殘



時簷牙滴瀝猶無已 既不堪聽又難得睡驚人夢也  
無頭尾可能把我恨千端和他併做春江水

蝶戀花 暮春

春暮尋春芳草岸綠暗紅稀已把韶華換隔樹猶聞鶯  
語亂柳絲不挽春回轉 杜宇啼殘春夢短脈脈離愁  
人比春還遠把酒問天天不管羅衣飛得春花滿

前調 送春

杜宇催春歸意切寂寞黃昏門掩梨花月未解丁香猶  
自結東風懊惱成輕別 燈暈影搖明又滅面壁遲遲  
清漏頻頻徹誰與惜花人共說春歸仍有來時節

東臯詩餘

卷之四

七

文園

後庭宴 別衡陽夫人後作

鳥雀喧闐亭臺閉闌窻兒坐得殘陽黑孤帆燈影應無  
眠江風淒咽漁舟笛 藉君林下風清消我迴腸癡癖  
而今依舊重疊新愁入何日梨花酒再聽夫人瑟

江城子

試燈日將諸孤郊南謁墓歸舟遇雨

半篙春水搦藍羅嫩烟拖皺微波點點絲絲細雨又相  
和比我今朝雙眼淚流不盡是誰多 韶華錦片任閒  
過盛愁城奈愁何憶得年時此夜正酣歌戲綵含飴燈  
似畫難道是在南柯

遠朝歸

逸園賞梅四姑以詩見寄賦此答之

水繪餘春有數朵瑤臺瓊蕊橫鈎秀月清影綠窻雲碎  
蕭疎冷韻猶帶孤山風味金閨裏任香沾繡幙妝添眉  
翠 憐伊無限柔情倩青鳥慙慙折來相寄新詩玉潤  
誰賞謝庭風絮當年攜手記分韻聯題花底今非矣懷  
人想雕闌悶倚

鵲踏花翻

衡陽夫人養病水濱卷詞以訊之

水繞茅菴城環碧嶂半龕燈火琉璃側禁他敗甃荒廊  
斷鼓零鐘蟪蛄蛛網頻交織閒窻微浸月輪孤幽堂幾  
點螢飛黑 病極疊疊柔腸愁塞盧醫縱得無由識應  
憶楚署香消瀟湘佩遠夢也難尋覓女嬌遠嫁掌中珠

東臯詩餘

卷之四

八

文園

兒貧誰薦長楊筆

前調

予生不達辰既於九月九日喪夫壻於十  
年前復於五月五日折長子於十年後嗟  
乎人生佳節偏爾傷心因成一闋

楚竹書完湘江洗過也應未盡柔腸疊怪他度厄空言  
續命虛傳人閒何事稱佳節重陽既徹斷鴻聲難賓又  
進啼鵲血 恨結地老天荒難減可憐竟作如斯別每  
到紫艷茱萸綠肥蒲草瘦骨鎔成鐵悠悠夢冷已經年  
時時心碎何由說

滿庭芳

悼閨友

鏡裏同妝花前連袂與君記在髫齡研朱灑墨秀句每

先成怪早西風蕭瑟穿簾幙一片秋清驚相報故人仙  
去殘月冷空庭 星星悲往事緜緜夜火藜藿朝羹恨  
封侯難覓辜負卿卿繡譜機杼猶在蠅蛸挂蛛網交局  
人何處暮雲慘淡環珮悄無聲

百字令 懷母氏故居

拈花弄蕊記綠陰庭院清幽如許一帶濃陰翠幙綠  
映黛螺眉嫵紅豆拋鶯春執撲蝶愁做嬌兒女珠簾晴  
卷畫堂春暖如霧 回首易換滄桑而今重憶總是傷  
情處月轉迴廊花影颺誰在兒家窻戶春草池邊可娛  
軒裏問東風誰主銅仙多感露和鉛淚如注

東臯詩餘 卷之四

九

文園

水龍吟

四姑別遷別墅念其終風暴慢兼以蔡  
權難充江干送別能不依依口占一闕  
以表未盡

思量無計畱君臨岐竟讓君輕去別酒未斟金尊先滿  
淚珠如雨促別匆匆欲行還止無言空覲縱他年依舊  
相逢歡聚能遣此愁千縷 無奈斜陽烟樹送孤帆最  
消魂路荒村寂寞寒生四壁總添淒楚霧鬢蓬飛短衣  
泥濺翠消眉嫵任勤勞并白親操恐自少人憐處

二郎神

春日懷雨姑

雕闌閒倚垂繡幙重門幽靜記玉子頻敲杏釵戲賭笑  
看春風鬢影踏遍蒼苔渾似夢只掐着花鬚思省任蝶

翅輕盈鶯鶯嬌脆總添幽恨 愁凝遙天目斷飛瓊音  
信怕別緒牽縈愁絲團繞惹得香飢瘦損燕子多情画  
梁幽處重整舊巢香沁望画舸何日歸來應喚得春風  
醒

沁園春 憶春草軒

最憶當年膝下承歡春風草堂有桃花堤畔錦霞晴燦  
遊魚潭底翠尾悠揚一帶疎籬千層怪石碧映琉璃水  
一匡尤堪憶是女為君子學步書房 可憐無限思量  
忍輕送鶯花負艷陽記北海尊開歌珠如縵東山月上  
妝鏡浮光往事難忘前因猶在倚過庭柯幾斷腸從今  
東臯詩餘 卷之四 十 文園

後與登樓王粲一樣思鄉

前調 庶姑冥壽戚里命優演劇示諸叔

百感填胸千端交集淚眼能晴處危崖欹樹謀存完卵  
弱弓微繳強護孤城心力俱疲驚魂幾斷為問重泉知  
未曾憑誰報只孤忠蘇武卧雪餐冰 笙歌此日間庭  
對燭影爐烟怕不經任春嬌妙技翻瀾蝶翅王喬仙譜  
脆炙鵝笙笑語空喧歡容莫睹未若當年菽水承譚須  
止有中山在座涕淚橫生

前調

己酉冬日扶舅姑及亡夫長子之觀葬于  
郊南撫兒顧叔血淚千行因占一闕

霜老疎林淚灑水天凍合層雲有糟糠新婦血珠和土

伶仃幼子質石成墳瞻仰親塋如依膝下笑語慈顏杳  
不聞從今後痛墓門悄閉誰侍晨昏 十年屢斷驚魂  
縱百鍊千磨我代君歎寒烟冷月空閨人老疾風暴雨  
世事誰論長子何辜又遭短折湘竹無多染淚痕空腸  
斷看慈鴉萬點歸繞江村

賀新涼 謝閨友贈蘭

陌上春如綺賞韶華香車寶馬笙歌叢裏惟有梨花庭  
院靜花下重門悄閉任綠暗蒼苔生砌鶯語似憐春寂  
歷便菱花怕對人憔悴閒刻遍琅玕翠 數枝玉盞遙  
相寄覺一室琴書暗澤國香清媚濯濯芳姿叢碧玉似  
東臯詩餘 卷之四 文圖

望江南 同四姑過先舅綠雪山房

仙去久重到讀書廬紙破閒窓風浙瀝詩留舊壁粉糝  
糊能不憶當初

循廊去仍坐碧山蕪霜月淒清梅影瘦寒風峭急雁聲  
孤清淚各沾襦

前調 冰燭

筵上燭心篆未成灰紅淚有時流醉靨清光徹夜照銀  
臺更漏漫相催

朝中措 和迦陵弟遊平山原韻

邗江潮怒卷秋風遠岫影空濛一片蒼茫極目蕭然逸  
致凌空 錦纜塵迷瓊花香冷鍊句能工重憶揚州何  
處遙天目送飛鴻

臨江仙 清明前二日買舟祭掃卽事感賦

小艇破烟浮綠水布帆獨挂江空遙天無際碧溶溶千  
條溪柳嫩萬點浪花紅 好景其如人已去此身猶滯  
愁叢亂飛灰蝶舞青松斷魂何處也含淚問東風

蘇軾遮 感懷

恨如絲心似水恨結心牽教我如何理剔盡殘燈仍不

東臯詩餘 卷之四 文圖

睡有夢堪尋魂也知來未 履春冰含血淚歷盡顛危  
蜀道平如砥瘦骨強支霜雪裏悄悄憂心攪得常如碎  
鳳凰臺上憶吹簫 冒四姑將還別墅賦此留別

寂寂空閨笑孤息非君孰解吾憂况淵深冰薄時仗  
卿謀指日鹿門隱矣持君履暫爾相留從今後鳥啼花  
落雨黯雲愁 悠悠茫茫別緒縱絲藕牽縈不繫離舟  
怕蘆花葦葉已做成秋為問粧臺何處江天濶盡日凝  
眸須相念西風殘照默倚高樓

綺羅香 春夜懷三姑吳夫人

細雨揉絲微風扇暖早近錫簫百五不卷重簾撥盡水

沉烟柱似而今欲會無由悔相見等閒輕度况夫人愛  
女子歸越山迢遞無重數 縱是春鋪錦片想膝前因  
憶謝庭風絮月影昏黃應照綺窓朱戶登離恨淚溢春  
江望金閨雲迷烟樹問鈿車何日重來展眉峯碧聚

叢初誌

南鄉子 九日

佳節擬登高一望寒山木未凋菊酒纔斟楓已醉誰澆  
摘葉題詩字有糕 風急攬林梢何處遊人帽欲飄且  
插茱萸籬下飲逍遙夜靜霜鐘帶月敲

高 紫

東臯詩餘 卷之四

十一

文圖

望江南

同嫂氏過綠雪山房感賦

山房裏往事足追尋曉閣校書同問字午窓關茗罷拈  
針一局向花陰

山房裏此日總傷神門閉秋千空挂月香埋金粉遍生  
塵憔悴昔年人

二郎神

次荅嫂氏寄懷原韻

一聲杜宇早叫破綠窓人靜度永日如年殘春如夢歸  
盡江村雁影獨有離懷難消遣便說煞有誰能省將兔  
穎蘸酣雲箋書破怎傳幽恨 香凝何期忽到天涯芳  
信把往事閒吟離情細數知我年來瘦損玉露啼花海

索困雨多少淚珠紅沁最苦是兩地思量閒阻不教愁  
醒

高 紫

字季蘭贊兩幼女適通州馬澄早卒

望江南 寄雨舫兄

歸思切空使夢魂勞可是地荒偏少雁其如河廣不容  
刀想念到今朝

范毓秀

南鄉子 湖中泛月

薄暮泛輕橈萬頃清波映碧霄一片浪花隨月瀉滔滔

東臯詩餘 卷之四

十四

文圖

暗傍荷香過小橋 清夜景蕭騷把酒臨軒明月邀望

裏雲山渾似畫堪描收拾風光付彩毫

清平樂 立春

風風雨雨又早催年暮屈指光陰能幾許轉眼春回冬  
去 粧成對鏡徘徊重簾幾度羞開生怕梅花笑我依

然裙布荆釵

如夢令 秋閨

粧罷闌干獨倚颯颯西風乍起簾外更濛濛一片芭蕉  
如洗如洗如洗不管海棠憔悴

蝶戀花 暮春

花光漸上荼蘼架春睡惺惺淡淡梳粧罷綠窻人靜悄  
無聲惟聞燕語簾櫳下 香消慵去添蘭麝寂寞空園  
滿地殘紅卸枝頭小鳥也憐春聲聲只把東風罵

徐應坤

點絳脣 春暮

綠漸成陰春光九十都虛度落紅如雨陣陣隨風去  
蝶少蜂稀紫燕頻頻語春何處惱人情緒青草斜陽路

浪淘沙 元宵夜雨

門外又黃昏望斷前村愁雲不放月華明火樹銀花光  
暗淡雨打風傾 結伴踏紅燈沒甚心情鳳樓何處奏

東華詩餘 卷之四

主

文圖

瑤笙試數羅衣無限淚半是思親

點絳脣

妾命如斯妾心如醉愁如寄問愁不語愁到何時去

十載驚魂愁也知何許心碎矣可憐夢裏清淚渾如雨

前調 閨怨

螺髻慵梳雙眉鎖日為誰掃離懷未了羞聽鶯聲小

譜就新詞又合陽關調春光少愁腸暗抱辜負紅顏老

前調 咏楊花

何處飄來窻前簾外深深舞憑風無語又入隣家去

曲逕長隄曾號風流樹春無主行雲卓午下陣黃梅雨

夢江南

深夜雨做作已涼天有雁衝寒雲影外個人剪燭雨窻  
前長夜不成眠

前調

深夜雨滴滴更瀟瀟綉閣燈殘人影瘦羅帷香冷夢魂  
消寒結一庭蕉

沁園春 題夫子小照

烟柳低迷鶴唳猿啼怪矣先生笑衣冠不整扁舟欲渡  
俯觀鮫室仰嘯蒼冥日月縱橫乾坤浩蕩誰更昏昏誰  
更醒長江裏縱波濤拍岸穩坐休驚 儵然把酒孤斟

東華詩餘 卷之四

主

文圖

且莫怨青袍悞此身有山川秀色時堪娛目性靈佳句

儘可陶情莫問東吳何分西楚斜挂征帆緩緩行前途

邈待風雲萬里任意尋春

行 悅以下方外

壺中天 題圭旨摘珠

燕市晴窻沒思量閒看丹家傳訣夾脊雙闕有一路直

到蓬萊宮闕取坎填離還精補腦不老真奇絕靈臺極

樂嬰兒火棗如血 此事黃面當年仙人多種曾見楞

嚴說萬劫饒君談笑過性命有何交涉到底元神那椿

起滅公案何曾結還來舊路回頭多少心怯

謝池春書懷

剩水殘山且闌衝烟橫棹傍歸雲春林斜照絲綸千尺  
久無心理釣酣眠去波沉魚杳當頭明月感謝老天  
真好碧無際頗舒襟抱百千閒緒付一聲長嘯總生平  
向人難告

呆翁和尚

住舍將菴有範溪詞

水龍吟

自玉居士見和復次韻

倒傾三峽詞源錦標信入真儒手縱橫珠玉陸離光怪  
出奇翻舊世外陳人林閒廢甕爭當推首羨文章大塊  
東臯詩餘卷之四  
逢源左右拈來便無可否盡喜坐花醉月執逃禪轉  
頭消盡空雷陽焰塵埃野馬看他奔走葵藿瓊瑤林泉  
絲竹清歌且酒謫仙人別有天真興味勝蓬萊壽

前調

閨端午懷舊復用前韻

前年西子湖心龍舟競鬪爭先手也尋短棹笙歌叢裏  
歡同親舊鼓似奔雷人如簇錦齊齊翹首想今年兩度  
包金切玉希有事勝前否鳳鶴驚傳毛豎道錢塘未  
分昏晝六橋碧樹兩峰紫翠風光都走避地淮南淹留  
江北憂心如酒歎先人墓木淒涼兵火若何能壽

意難忘

寄荅伯行居士

品行文章在今時希有若個低昂筆詔同玉潤几硯共  
川光三徑曲一池方真寢食難忘縱萬里山雲海月如  
共徜徉算來相得無雙自少年至老冰檠同嘗逃禪  
酒力少入市笑聲長漁家傲別官商寫盡始終腸不以  
我人微道薄雁足傳將

百字令

寄懷楚中諸子

紫牀瓦枕竹閒鋪一室虛無長物滋味回唇真似蠟萬  
事轉頭一抹廿載風塵半生跋涉贏得頭如雪從頭細  
數等閒難遇豪傑呼兒坼火煎茶檐前窓外靜聽松  
聲發堪歎別離諸好友南岳匡廬隔絕解帶祝融支節  
東臯詩餘卷之四  
五老踏斷千崖髮暮年何日洞庭再醉秋月

前調

賦千葉水仙

玉臺金盞爭似他儼若蓮花千葉真個蓬萊弱水客道  
骨仙風相接翠帶春烟丰容秋月欲語分明歇撩人冷  
艷小窓苦雨時節謾說淡掃娥眉清風姑射透體膚  
如雪照水盈盈韻靜悄時噴暗香不絕一片寒沙幾拳  
怪石獨立休悽切梅花常伴李桃莫與交涉

菩薩蠻

寄通州遠堂宏書記

蟬聲滿葉驅殘暑悠然興趣何人語石乳煮來香茆堂  
粗葛涼閒書三兩卷祇可遮雙眼扶杖到溪頭且看

碧樹秋

余儀曾以下流寓

鶯啼序

同人泛舟水繪巷用彭駿孫先生閨情韻

四皓俱官刺一佚等於倦鳥結廬處嶺匿峰盤蹇裳常在雲杪如我愁多綠鬢改投林雨破青春曉又柳殷花瘦懊恨向來歡少粉堞邀賓画溪挨舵空水拖晴縞望霏微天湛遊絲天桃日下風掃濯滄溟身側飛岑詠瀟湘吾生可了恐從今子驥重尋武源難到其閒賸有蕨嫩笋甘芹脆蓮肉林酒沼漫容與橫流鬻岸燕汀魚翻鳶笑遭北瑯墻延南朱檻閃將仙史星眸溜正急東臯詩餘卷之四

九

文圖

胡驥

滿江紅

九日

聽賣糕人相勸道今朝重九教養殺貧居巷陌歲時偏有何處青山供眺望舉雙白眼空搔首想南湖三徑七年來荒蕪久那滿抱絲纏藕漸兩鬢風梳柳算百年

好景幾開笑口走馬氣雄臺上客看花味淡籬邊叟信身名各自有遭逢斟吾酒

百字令

送春

落紅飛絮又匆匆催過一年三月客裏風光容易改正惱花開時節雁去春前人遲雁後此意憑誰說夢回天曉幾聲深樹啼鴉來問水榭東頭同人在小語春風別逝者如斯誰挽得倒轉銀河千疊料道明年依然好在心眼從新熱却教春笑鬢邊添了華髮

西江月

八仙圖

天上神仙八洞人閒游戲周遭幾時形跡漏青霄却與東臯詩餘卷之四

手

文圖

畫師留稿傳寫千年綵筆團團一幅生綃家家銀燭

爛高燒笑看長生不老

柳梢青

有以秘戲圖索咏堅辭不得乃就其畫意從旁側先後及無形處寫之庶免悞惡境地要知少為設想正不畏題之俗耳

柳幄深籠新涼天氣月影闌干塵慮全空夜情初永高敞蓬軒生平不解孤眠况柁底風光絕可憐更喜今朝華洲沙岸沒个隣船

陸進

有鷗吹集

桂殿秋

小樓杏花

春漠漠雨絲絲杏花低亞小樓時倚闌脈脈閒凝睇春在梢頭總未知

搢練子 閨情

鈴閣雨寺樓鐘迸入零香碎玉中幽夢忽驚啼鳥喚賣花聲過小樓東

探春令 敗垣見西府海棠

離離一樹海棠花是誰栽牆角到而今孤館鎖寒烟只有東風吹著紅英糝地殘香薄似馬嵬漂泊縱饒此際春闌睡足也應傷寥落

浪淘沙 過晚香道人村居

東臯詩餘 卷之四

主

文園

流水繞顏垣叉手遙憐有人放鶴暮雲遠讀罷黃庭明月上松韻翛然此景共誰言古樹寒烟麗眉不記種桃年但說主人歸去也鳥雀喧闌

虞美人 咏黃虞美人

江東歲歲花稠密盡染啼鵲血如何幻出水雲黃可是學來仙子道家粧美人甘自理塵土羞與紅顏伍英雄事業已沈淪只有黃沙滾滾楚江濱

南鄉子 歲暮歸自雄城

江岸曉霜飄襖被裝成上小舸自笑今年空浪跡如皐風雪歸來冷布袍回首也蕭騷十丈愁城無計消差

喜擔頭餘長物柳瓢博得童兒笑語高

蘇軾 雨中讀晉史

雨連連烟冥冥烟雨連朝白晝渾如暝天外雲嵐簾外影老眼昏花書籍猶堪枕悶無端愁欲寢燕子喃喃忽的驚人醒王謝家兒難記省舉目山河已自殊風景

鵲踏花翻 稻畦

秋水蕭蕭夕陽禾黍一行雁字青天寫望來北陌南阡紫粒紅芒低垂穎粟迎風亞白雲堆裏晚花香黃茅屋外鎌刀挂擺擺薈薈地鷓鴣飛下畦邊啞啞呼兒打不道天與豐盈物宜咸若何惜區區者不如沽酒樂西成

東臯詩餘 卷之四

主

文園

好齊物我忘虞詐

滿江紅 弔向烈女墓

蔓草荒烟問誰氏斷碑磨滅爭道是向家幼女持貞矢節待字年時身未嫁于歸欲賦夫先沒却等閒不說未公人心如鐵私恩少情偏切大義凜志尤決儘滿腔孤憤刀痕迸裂地下青燐應烈焰閨中紅粉成英杰只年年寒食村鷓鴣啼流紅血

水調歌頭 為程曉山題照

尺幅誰圖寫硯礪寄其胸超然與物無忤綽有阮嵇風詎識渭濱嚴瀨多少文經武緯只在卷舒中暫爾謝塵



網分付白雲封 一溪水千丈壁萬株松烟波浩渺收  
拾釣艇與詩筒莫問蟻王鹿逐但看鳥婚花嫁變態亦  
何窮放眼乾坤大海濶復天空

潘西鳳

字桐岡流寓潘渚子著竹香亭詩餘

鶯啼序 邦江述舊用陳檢討韻

十里揚州郭點點綠波鷗鷺羣情廿四橋頭望斷許  
多烟樹杜宇叫殘歸國夢浮萍化盡垂楊絮笑無端日  
月底事催來催去 遙憶當時都成往事無復星河渡  
理愁腸萬結千迴人在桃花深處想山窓茗碗爐烟和

東華詩餘

卷之四

重

文圖

春日懷人詩句更消魂執手亭前百花圍護 此時此  
際又滿院春光可嘗閒步怕料峭風寒體甚支離衣須  
輕素紅豆頻拋青睞未改故人別久應心願難在到隋  
堤烟雨路令人弔古玉勾斜上荒邱盡是美人香墓  
傷心難說流水行雲飄渺渾無據更是春風綠柳楚楚  
淒淒忙忙夢夢絲絲縷縷金屋難成玉簪空在何當消  
受青燈下醉酹醺仔細窓前覩可憐今夜孤身夢斷青  
魂淚成紅雨

六州歌頭 隋宮弔古

長堤一望落日破山紅垂柳細橫塘寒鑑樓空舊遊踪

往事全休記傷人甚臨此地皆酸鼻憂心者更忡忡一  
夢江都七二珠樓下別有隋宮便乾坤從此得失有無  
中逐鹿屠龍走西東 想長施戟短揮斧旁掄劍遠推  
弓消魂事時而始思無窮恨千重今日平沙外橋廿四  
月朦朧黃瓦盡銅駝沒玉勾墜自古吟詩狂客來悲悼  
有動乎衷問滄桑人世何處脫飄蓬說甚英雄

桃源憶故人 醉後作

酒酣拔劍呼天問聲嘶都無吾應多少舊時情性一一  
消磨盡 而今風景傷人甚冷殺落花村迳更有夜來  
憎聽碎雨和清磬

東華詩餘

卷之四

重

文圖

貂裘換酒 重過邦江玉香堂記宿清健用檢討韻

槩劈滄波罇過江村沿崖糴粟就盤買鮓拖水吳歌歌  
斷處兩岸紅燈早射已瞥見揚州闕下想到鞭帆無限  
險比上天蜀道尤多怕人嘗似青猿挂 晚烟寒氣霏  
霏瀉入江城登樓極目迷離難畫投宿故人黃葉屋曾  
向綠楊繫馬今又把柴扉夜打屈指舊遊星散久謝汪  
倫千古情深者更欲盡枕堪藉

前調 見梅有憶登前韻

梅破猩紅罇倚寒窓乍牽往事揉如嚼鮓曾記何時亭  
子畔人艷花光交射只立在月明林下重幻羅浮真不

易想荒涼地面思來怕折一朶鸞邊挂 香堪釀酒仙  
漿瀉正羈人蕭條旅館和香入画坐到燈殘人靜後愁  
殺丁東鐵馬還閒着花宮鐘打我是花神前世我在花  
閒自覺情多者石作枕花為藉

前調 舟中作

離別今番苦記前朝桃花林下叮嚀細語忍淚低眉含  
笑立聲則半吞半吐今夜裏伊人何處偏是新來清夢  
少怕吟唔耳畔吳娘槽心惟悴聲淒楚 月明一棹臨  
江渚正兩岸人家都靜隆鑿三鼓此際推篷回首望望  
盡迷離烟樹剪不斷柔絲千縷遙憶江淹曾賦別便消  
魂未必能如許天欲曉愁難去

大江東去

秋夜同汪清連宿程敬菴姚笑夫山莊用陳檢討韻

河干喚渡向同儕村館索浮大白直令狂奴橫醉眼画  
出江東笨伯衣上沾霜榻邊留月骨與酸風敲莫談往  
事大非舊日胸臆 久矣付與浮雲皆綠計早見彈求  
鴟炙此際徒然言亦恥冷徹神魂如雪枕藉三更夢尋  
一覺鼓析聲偏急依依不寐空階冷翠堪拾

惜分釵

題顛道士画寒林訪友圖

消魂處斜陽路一閒亭子三株樹更魂消小溪橋人拖  
竹杖我挈詩瓢搖搖 寒山外人還在樓邊竹裏聽清

漸到前村扣柴門無言握手一笑開樽釀醺

鵲踏花翻

對月次張允宜韻

咄爾風流春宵對月凭欄誰解心頭話知情算有寒梅  
屈曲清幽斜描一影寫邊挂碧天如此好時光美人不  
見來林下 深夜人月依依入画到頭只有情無價愧  
我落索江鄉心長袖短難卜功名卦而今花月任嬌纖  
舉頭生恐姮娥罵

拜星月慢

己亥中秋與友人話舊

月正當頭未逢知己那似今朝俱有豈不談情却拖人  
搔首記當日是柳和花月夜此際阿儂分手重問清虛  
去廣寒宮走 且揮杯且酌姮娥酒這時節說也難為  
口半世落索飄蕭苦掣書生肘事無成徒令言之醜淒  
涼殺天也淒涼瘦君不見月到明朝要團圓非舊

汪之珩

望江南

寓居潤州銀山慨然慕山居之樂偶占數闕

山居好勝事總關情曉起卷簾望海色午眠支枕聽江  
聲山靄一層層  
山居好景色最新奇引客行春楊柳綠催人耕雨鷓鴣  
啼載酒最相宜

山居好種菜有陂田竹徑流泉隨地脈花壇佐酒摘春

鮮不費杖頭錢

山居好逐處見清幽閒與漁人狎鷗鷺醉同樵子卧松楸遠望水天浮

山居好泉汲老僧家拾取簷前風墮葉摘來樹上雨前芽活火旋烹茶

山居好僻地少逢迎車馬不來常跣足几窓無事任橫肱恬淡亦何營

山居好入饌盡新鮮出水鱖魚光燦燦迸泥春笋嫩纖纖風味劇堪憐

搗練子 春詞

東華詩話 卷之四

圭

文園

春爛熳短扶筇重補吟囊古錦紅題遍江南山寺壁墨花香滿白雲峰

春欲暮日光融融卷西園曉露濃滿地鶯花分院落遍街櫻笋貯筠籠

春尚在苦匆匆飛絮遊絲已滿空收拾榆錢沽酒去和衣醉倒百花叢

春已去恨無窮綠水青山雨帶風最是小樓纔夢蝶一聲花外五更鐘

璞莊詞不多作即詩亦與會所至不事烹鍊而秀韻天成然旋作旋棄不錄副稿故存者少余客文

園先後近二十年凡佳晨夕賓客無不會會無不

詩留心拾掇遂致盈篋今年夏甫梓東臯詩而璞

莊逝畏難者咸議中止余幹旋其閒始獲姊氏克

成所天之志尅期告成心竊喜矣特前賢徵集已

得若干卷而璞莊遺稿索之家人蔑如也余則傾

笥搜羅采之友人扇頭壁閒冊子圖照得詩二百

六十九首分上下二卷又得詞十一首附之集尾

雖散佚過半亦足以存其大槩矣夫臯邑自宋元

明以迄今代人文湮沒不知凡幾璞莊毅然起而

哀集成書倘亦千百年來風雅未消幽光當發之

東華詩話 卷之四

圭

文園

會丁乃璞莊適以今年死死而幾寢其事則此舉

也吾又疑之卒得內助延師鳩工不惜重貲踵成

其美而璞莊亦因之以顯倘又天道報施善人之

明驗歟讀璞莊詩與詞憫其才而矜其志可矣丙

戌辜月瘦石黃振跋於文園之停雲館



2087574

21 27.5  
16d



ZW 21101000575163

東臯詩存四十八卷

兩江總督  
採進本

國朝王之珩編之珩字楚白如臯人是集選其邑人  
之詩自宋以迄於

國朝每人各詳其字號官爵所載既多近時之作而  
之珩之詩自收至二百餘首